


13.739





M. HENRICI KIPPINGI
INSTITUTIONES
PHYSICÆ
METHODICÆ
LIBRI DECEM.


*In quibus Theoremata proponuntur
& Controversiæ Veteres, novæ,
resolvuntur.*

BREMÆ ET FRANCOFURDI
Sumptibus
ERHARDI BERGERI
Bibliopole.

AMOENITAS.

FERACITAS.

C. Hagenc. fec.



PHILOSOPHIÆ
NATURALIS
LIBRI DECEM.

In quibus

Theoremata proponuntur, additisque
Commentariis prolixis exponuntur.

Insuper

Controversiæ veteres novæque resolvuntur, firmatis rationibus illis, quæ pro veriore sententiâ adducuntur, & confutatis argumentis melioribus, quæ pro adversâ parte à cujuscunque Scholæ Magistris in medium adferri solent.

*Proletis ad fidem abunde faciendam testimonii Socraticorum, Platoniorum,
Peripateticorum, Stoicorum, Scholasticorum, veteris recentiorisq. aui Doctorum,
et immixtis Diatribis nonnullis, quæ ad Concertationes Theologicas deci-
dendas commodè inferuire possunt.*



BREMÆ ET FRANCOFURDI

Sumptibus hæredum ERHARDI BERGERI Bibliopolæ
M. DC. LXX.

THE NEW YORK
LIBRARY

ALPHABETIC

MAINTAINED
FIRST EDITION

THE NEW YORK
LIBRARY

THE NEW YORK
LIBRARY

THE NEW YORK
LIBRARY



THE NEW YORK
LIBRARY

*ILLUSTRISSIMO ET EXCELLENTISSIMO
DOMINO*

**D. HENRICO
HORNE,**

Libero Baroni in Marienburgo, Nobili Domino in Hafsle, VVenden & Ingetitz, Regiæ Majestatis & Regnorum Suediæ ac Gottiæ Senatori, Mareſchallo Campi, & Gubernatori in Ducatibus Bremeni ac Verdenſi, Domino meo ſemper Gratiſſo.

*GENEROSO ET ILLUSTRIS
DOMINO*

D. SUEDERO DIDERICO KLEY,

Regiæ Majestatis Conſiliario Status & Præſidi in Ducatibus Bremeni ac Verdenſi, Domino meo ſemper honorando.

MAGNI-

MAGNIFICO ET NOBILISSIMO
DOMINO.

D.D. DANIEL GREIF-
FENKRANZ,

Regiæ Majestatis Consiliario Status & Cancel-
lario in Ducatibus Bremensi ac Verdensi,
Domino meo semper colendo.

NOBILISSIMIS ET AMPLISSIMIS
DOMINIS

D.D. CONSILIARIIS
REGIIS,

Regiminis, Iustitiæ, Cameraæ, in Ducatibus
Bremensi ac Verdensi, Dominis meis ho-
norandis.

QUORUM. VIGILANTIÆ. SECURITATEM.
CIVES. LIBERALITATI. PATROCINIUM. MUSÆ.
EARUMQUE. FIDLES. MERITO. DEBENT.
SIBIQUE. EXOPTANT.

SALUTEM ET PERENNE DECUS!



EPISTOLA DEDICATORIA.

ILLUSTRISSIME DOMINE GUBERNATOR.
 GENEROSE DOMINE PRÆSES.
 MAGNIFICE DOMINE CANCELLARIE.
 NOBILISSIMI DOMINI CONSILIARII.



Postquam SERENISSIMO REGI NO-
 STRO ET DOMINO CLEMEN-
 TISSIMO, quem Deus sospitet, ante
 biennium & quod excurrit, Institutiones
 Politicas duobus libris conscriptas offerre
 volui, ut debitæ meæ ergà MAJESTA-
 TEM SUAM semper gloriosam observantiæ, animique
 non ingrati, publicum documentum exstaret, perrexì in
 hoc Studiorum genere, & non impare successu gavissus,
 Physicas Meditationes inchoavi, promovi, absolvi, DEO
 juvante, cujus hæc laus in ore Populorum omnium, in
 monumentis Literarum sacrarum est, quod Natura sit opus
 manuum ejus. In quo pulchrè condendo, liberaliter au-
 gendo, feliciter conservando, operam omnem ità adhi-
 bere voluit magnus ille Rerum DOMINUS, ut oculos
 nostros

nostros ad spectandum adeò præclarum domicilium converteret, animosque meliorum incolarum ad laudes suas ingenuè recitandas commoveret. Novus labor iste meus, ne sine Patronis ad posteritatis famam perveniret, ad Vestram Tutelam ultrò sese convertit, quos Optimarum Artium Promotores esse, non diffitebitur, quicunque suum cuique velit tribuere, & rectius tantò fatebor ego, quandò res meas non omninò ignoratis, imò qui mihi non obscura benivolentiæ indicia jamdudum exhibuistis. Tum quoque invitavit me Splendor vester, Virtus, Prudentia, ut quod ab ingenio Authoris sperare liber nequiret, deberet forsàn Genio Patronorum suorum. Splendor certè per Orbem clarissimus tuus est, **ILLUSTRISSE GUBERNATOR**, quod non solum inter Majores tuos delecta Sagi Togæque exempla habes, quibus niti queant posteri, sed ipse quoque magnorum haud indignus avorum, in Commilitio **REGIS** optimi, bello ac pace Summi, nunc etiam Divi, adesse non ità pridem voluisti, fortiter ac feliciter in generosos Polonos, immanes Tattaros, feroces Gepidas, speique suæ nimium inhærentes Danos, pugnare, urbes capere, hostium turmas cadere, Mavortia prælia subire unà ac finire, Regni gloriæ addere; & nunc post illa belli opera præclara armis positis, Consilio **REGIO** præesse, Rempublicam sapienter moderari, incorruptam probitatem ac liberalem fidem in Germaniâ **IMPERIALI** Heróum patriâ, factis optimis testatam facere. Virtus summa tua est, **GENE-ROSE PRÆSES**, quâ instructus pro **REGE**, pro Re-

gno

gno plurima egisti, IMPERATORIS nostri Aulam toto Orbe venerabilem Officialis honorarius multis annis incoluisti, alias quoque in bello ac pace dignissimas Legationes suscepisti, firmavisti consiliis animos dubios, fecisti amicos, qui incertæ spei obnoxii inimicitias præferre volebant, deliberationibus maximis nunc interfuisti, nunc præfuiisti, ingeniiq; tui luce, quam varia & excellens Eruditio, quæ sese per omne Scriptorum genus diffundit, nitidiorem insuper facit, profuisti omnibus. Et post res tantas feliciter peractas voluit REX Noster inter Magistratus suos locum Tibi summo proximum dare, locum illum quem felicissimæ recordationis Alexander Baro Êreskinus, REGIS Minister, familiaris Tuus, Patronus meus faventissimus, Vir spectabili in negociis publicis dexteritate præditus, à non minoribus Belli pacisque, Universalis laboribus exantlatis, tunc REGIÆ MAJESTATIS beneficio accepit, cum à bello feriæ essent, sed mox bello novo abrumpendæ. Prudentia tua omnigena, & consummatus ingenii cultus MAGNIFICE CANCELLARIÆ, Proceribus Germaniæ multis laudata olim fuerunt, apud quos Officii tui mensuram tam sedulò impleveras, deinde REGI nostro commendata, cum illustre integritatis exemplum esses,

Qui non sumit aut ponit secures

Arbitrio popularis aëre,

placuerunt adeò, ut Reipublicæ suæ administrationem committeret tibi. Quam eandem & exactam prudentiam NOBILISSIMI CONSILIARII reliqui sibi velut propriam fecerunt, uti apparuit satis, tunc cum non semel in tranquillo, quod credi poterat salo,

Unâ Eurusi, Notusq, creberg, procellis Africus

tuebant, nos vicinosque nostros commovebant. Depulsis murmuribus auræ tumultuosæ ad blandos ejus susurros reditum fecimus, & post nubila densa micantes Soles apparuerunt nobis, Consiliis verè Phœbejis, id est, Vestris. Major hæc res est, & præstantioris cujusdam ingenii, quàm homines de vulgo suspicentur, quibus fortè leviores videbitur, Leges, Judicia, commoda Reipublicæ constanter defendere, omnem in partem animo excubare, Principibus viris placuisse, ad collocandos in pace beatâ Populos operam subsidiariam conferre, nullo metu, nullâ spe ab illâ honestatis Regulâ, quæ unum Authorem habet DEUM, dimoveri. Facebant imperiti, qui quæcunque assequi non possunt, satis esse existimant, si deprimunt! Qui veris precijs rem æstimant, divinum & magnum id studium esse noverunt, votisque ad DEUM, cui REGES & Magistratus quicunque curæ sunt, prolatis seridè cupiunt, ut diu, ut commodè, ut singulari quodam animi robore usi, rebus Mortalium præsent illi, quorum salubri Consilio tot hominū millia reguntur ac defenduntur, quique munia tanta sustinent. Quando certum est, uti reliquæ prioris ævi ejus Virtutes misero nostro sæculo ferè omnes exaruerunt, ita imprimis favorem ergà bonas literas, quarum conservatione ipsa continetur humanitas, & Reipublicæ curam penes paucos & Vestrum similes mansisse. Ut ad vos Apollo ipse derelictis Aganippes undis, vagus atque extorris si veniret, domicilium tutum inveniret, sedibusque amicis collocaretur. Patiemi enim, ut de Vobis liberè dicam, quod sentio ego, quod.

quod sentiunt Boni alii, qui fide integrâ metiuntur omnia, ut non possit suspicio esse, quod placere magis blandimentis vanis, quàm veri esse cupiant, judicium sincerum adhibendo. Favete VIRI REGII Scholæ nostræ, quam REGIA MAJESTAS ab interitu conservare, liberaliter augere, adversus osores protegere, animam vitamque, tunc cum deliquimus pateretur, reddere eidem voluit.

Et cujus pars magna fui

annis sedecim, minis atque insidiis malevolorum, nescio quo fato, obnoxius, quas tamen DEO clementer aspirante, supero, depello, profligo. Omnis injuriæ inanis est exitus, cum sapientiâ & patientiâ munitum pectus offendit. Me quoq; solitâ gratiâ prosequamini, Clientem Vestrum, & paratissimum ad obsequia, quanta illa hominum gratissimorum esse solent. Ità Vos

ILLUSTRISSE DOMINE GUBERNATOR,
GENEROSE DOMINE PRÆSES,
MAGNIFICE DOMINE CANCELLARIE,
NOBILISSIMI DOMINI CONSILIARII,
amet DEUS, omni que benedictionum augeat genere, ita laboribus, quos Reipublicæ impenditis, faustos successus addat, ut incrementis aucta, pace beata, opibus firma, virtutibus honesta sit. Scribebam Bremæ è Collegio Regio Divi Petri, die XXII. Martii, Anno M. DC. LXX.

V E S T E R

*Addictissimus usq;
Cultor*

M. HENRICUS KIPPING.

ALLOQUIUM NOVUM

AD
ANIMUM SUUM.



Non displiceat tibi ANIME MI, cum te debitorem meum habeam, ut ad te redeam, tu verò fideliter rumines semper benigni DOMINI in te, in me, collata beneficia. Liberavisti fidem hac vice, & Lector Optimus, si nihil inveniatur quod probeat, conatum saltem non improbat. Nemo enim ita defunctus hac curâ est, ut omnibus oculum faceret, ut averruncaret Invidiam. Et verò tu scribis illis, qui res suo momento aestimant, non quæ bene scripta sunt, in deterius trahunt. Orbi spectandam præbes Naturam, ut ille defixis in hanc oculis, eò melius seipsum contempletur. Ut tu in hoc Orbis incolatû, non uti advena, uti in castris alienis explorator, eminus aliqua cognoscas; sed uti indigena, uti civis patriæ suæ amantissimus, in rem propius eas, laboresq; justos exantlando cominus omnia lustres, DOMINO tuo laudes meritas tribuas. Quantumcunq; est quod præstitisti, ejus unius Gratiæ imputabis, quam unus IPSE tibi contulit, penes te conservavit hactenus, frementibus quamvis IGNAVIS & CURVIS animis, conservabit deinceps, sat scio. Neq; enim te amicum suum deseret ille, qui providentiæ suæ hostium curam aliquam gerit. Quid ergo est ANIME MI quod in Opere hoc tuo vides, quodq; magno & nimio premio compensatum judicabis, cum Orbi Erudito diligentie tuæ ratio probatur? Vides amantissima omnia, pulchra omnia, dignissima omnia, quæ ita aestimaverunt Populi, ut Deorum plena esse omnia dixerint. Vides cælum fornicis instar concameratum, palatium illud nurratum, quod habitat DOMINUS cæli & terra, sed ut non concludatur eo, Stellaris velut tessellatum, à quarum radiis lumen commodatur Orbi; ne tenebris involutus frustra esse jubeat omne illud, quod infra cælum vivit atq; movetur. Dierum ac noctium vices sunt, eoque exemplo in orbem res humana eunt, nunc lata & fatali temporum luce perfluit, nunc mæsta & caligine marcentes. Vides Elementa, inenabula nostra tunc cum sumus, atq; eadem reconditoria, tunc cum occubamus Umbbris crudelibus. Vides, inquam ista, compagis immensa artus quosdam validos, & tamen lubricos; lusus in eis & ab eis, cum nubes præcurrunt, venti levibus alis per inania ruunt, salmina tonant, pluvia cælestis nectaris instar rigant aërios montes camposq; porrectos, nives stragulorum vice operiunt hominum bonumq; labores, pruina canitiem inducunt, Irides propensum in homines PRIMI MOTORIS animum indicant, terra concussiones terram pollente stabilitam manu verberant.

Vides.

Vides specum vastos, serbes in profundum actos, terrarum reconditos accessus & recessus, unde improbo hominum labore eruntur opes irritamenta malorum, quibus tu cares, & solatum tibi prebes, *VIRTVTEM* ipsam sibi satis magnū premium esse, nec auri sacram famem intra sese concitare. Quo equidem nec illi, qui largiri posse cetera putantur, majus aliquod vel luculentius a DEO consequuntur, aut donare nobis possunt. Vides plantas floribus latas, fructibus utiles, arbores comantes.

Habitarunt Dī quoque silvas,
Dardaniusque Paris.

Vides brutorum innumera agmina, quae pingua tendens pascua montium anfractus pererrant, nemorumq; teguntur latebris, mulcent vagis loca sola querelis. Deniq; vides Hominem; id est, te ipsum, lactis more in utero effusum, lacteo humore nutritum, casei instar coagulatum, cute & carne indutum, vitæ & beneficiis plurimis ornatum,

effigiem moderantū cuncta Deorum.

Vides ista omnia *ANIME MI*, utque alij tecum videant, Author es; Monitor es; quod te non peniteat, quando non fuit, non erit unquam, ut recte facta Bonorum sine fructu abeant. Nunquam laudavisti eos, qui vegetas & supra vulgum erectas mentes sua tantum domi notas esse volunt. Labor fama pater est, magno ausu non Te unius urbis mœnibus clausisti, sed toto Orbe dididisti spolia ista literaria, patriamq; Tibi mundum esse professus es, ut liceret in medium consulere, quod usui futurum arbitraris, atq; dares Virtuti latiore campum. Et in isto campo exultas, segnitie aliorum, qui lucem ferre non possunt, odio prosequeris, tuum prolubium cum eorum insensâ comparatum dignum cælo iudicas, Bætos illos à furni squalore fumantes omnino censēs indignos esse, quorum memoria ad posteros, Virtutum cultores, propagetur. Equis enim candorem aliquem lucemq; fama circumdabit animis tam nigris tetricis, contemptis, lucifugis? istis Tenebrionibus? Falcit te Contentia recte atq; optime satellorum, quam fabula Malignorū non terrent, quam cum Atalidis opibus improbo quaestu apud alios Sycophantas convasaris, nunquam permittare velis. Nulla lucris cupiditas, nulla alierius alicujus commodi spes impellit Te, ut labores Te dignos peragas; solo posteritatis amore ductus facis ista; & tamen haud latet Te, quam fuerit Tibi hactenus in præstantissimo Eruditionis negotio difficile, Bono publico incrementum adjicere, & desides non offendere, qui

humo affigunt divinæ particulam auræ.

Spernis deplorata malitia plenos eos, & jam nunc de Te repetis tuum illud: **PLUS FECISTI, QUAM FECERUNT OMNES.** Audiat interim Orbis, & mireretur insaniam eorum, qui veterare aliquando volebant, ne publica luci te sistentes iterum, neve monumentis literariis in usum hominum deinceps concinnandis operam dares; Tu nullam sine literis vitalem vitam hactenus esse credideras, & merito dīcus, voluisse proletarios & protervos illos, ad optima quæq; lippos & surdos, præterquam gerere citrà Quiritum suffragia;

Omnia ventorum concurrere praelia vidi

Quae segetem eruerent.

Nec nulla huic res subest ratio. Quando enim lucri studium occupat hominem, & ambitio, ut pudoris claustrare fringat, ais obnoxius iste ex animo praclaras omnes cogitationes delet facile, atq; exstinguit. Voluerunt, credo, eruditioni bellū & humanitati indicere, ut quos rectum iter vitae infissile viderent, propter morum differentiam odio suo impeterent, atq; soli ipse sapere viderentur apud caelestium inanes animas & Agyras, qui in aliorum acta tam sedulo inquirunt, tam operose ad sui similes perverfos de actis aliorum referunt, ut ea fingant qua nunquam fuerunt, qui strenuē & in animam calumniari didicerunt. Et hoc unum didicerunt, quod nemo, scio, negaverit, qui more eorum domi forisq; perspectos habet. Tu novisti, quod certē desipiant inter Sapientes, neque credulus illis es. Hoc credis potius, barbaro fastu collutulata esse eorum ingenia, & sua eos sortis pœnitere, qui in aliis reprehendunt cupiditatem honeste laudis, ipsi nullo vera gloria studio trahuntur, palliata alicujus & inaniter concepta secum **AUTHORITATIS** onere ad solum deducti, ut cum videantur sibi esse excelsi terrarum **JOVES**, ipsā re infrā Seculi ineptias depressi sint. Ferenda tamen est hominum eorum consuetudo, qui multō commodius in **SOL-IPSORUM** Regno habitarent. Premant te incitatores fama bona & Tua, non te oppriment. Sapientis virtus per ea, quibus petitur, illustratur. Infelix est quem nemo odit. Et oderunt te idē quod non velis turpibus mendaciis affectare scientia opinionem in vulgus, quod non placeat tibi quisquam, cui non pietas & vera virtus; quodq; acclamare in perniciem ruentibus illis magnis **DIIS** noluisse, aut eorum culpas in te recipere, cum officio suo defuerant, & non merita premia corripuerant. Hac illa una causa est incommodorum tuorum, uti isti sibi persuasum habent, sed uti tu verius censes, est hoc fulcimentum candoris tui, ut collabascenti Bono privato ac publico justum auxilium pares. Tempore benē multo impudentissimas Cilonum & Parasitorum calumnias aut spernebas, aut animo a quo perferebas, sed cum illi ne quidem post crudelissima in Te patrata exempla dispicerent, quem scelerata lingua sua modum aut finem statuerere vellent, imperterrita fronte **EXCETRIS** iis temet objecisti. Hoc ipsum adversus vita famaeq; tua hostes implacabiles conari voluisse, pro victoriā fuit, à quā omnes adversarum tempestatum fluctus decumani conqueverunt, aut saltem intrā multum humiliores alueos inceserunt. Constabat inde, quod carere hostibus prout velles Tu, non quidem posses; vinci tamen ab hostibus omni dolorum genere instructis non posses, aliter quam vellent ipsi. Conclamaverat omnis illa prope infinita hostium turba, qui sub signis militabant Patris mendaciorum, super Te, velut oppresso. Tu cum perpetuo eorum opprobrio eluctabar, & **TUA** nunc agis, id est, optima. Illi frivola & injusta Consilia agitabant de injiciendo in cervices tuas iugo intolerabili, de redigendo Te in servitutem; petebant anxij, ut eveniret Tibi fortuna, quā nulla deterior, miserum esse, neque suam miseriam sentire! Tu deberes cogere pecus,

vellem

vellet isti post caretta latere. Tu sectareris apros, vellet isti, & tunc solum, cum à grabato & meridiationibus ferari luberet, retia servare, deq. tuis actis vel agendis censoriam virgulam sibi cum adducto supercilio arrogare, edictis pratoris insuper Te constringere ut ad nutum eorum esses, tuus non esses, imo Tu non esses. Tu famam & premia merereris, illi haberent. Tu mancipium aliena & ab aliis dudum castigata libidinis esses, mille molestias subeundo, illi negocia sua magnifice pradicarent apud scurras in triviis & ad molles Tutelinorum suorum Quadruplatorum auriculas, cum Tu bene noveras, ocium domi egisse perditos nidoris AUGURES, & in negotio communi nihil egisse. Non id facturi, si quid ingenui sanguinis haberent! Neq. est, cur pro hoc arcano evolviendo, aut Jovem Hammonium in siticulosis Africa terris, aut Apollinem Delphicum in Graciâ antiquâ, aut Trophonium aliquem officii sui negligentem, & anicularum ancillarumq. triobelarum gregibus permistum, è volarum inspectione vaticinatorem scævum consulas, aut cum Spurina insipias exta, aut cum Accio Navio observes aves, aut in caveâ Latiali pullos attentius videas, aut postremò Cingaros Nativitatum Steliones interroges, Babyloniosve numeros tentes. Quod nunc etiam post tot interdicta divina humanaq. multis IMPOSTORIBUS Cocionibus novimus esse familiare:

Non enim sunt ii aut arte divini, aut scientiâ,

Sed superstitiosi & MENDACES, impudentesque harioli.

Qui sibi non sapiunt semitam, alteri monstrant viam.

Nempè ut corvi, ut vultures præda imminentes ad foetida & cadaveribus impletos campos odore alleciti provolant, vegeta & amoenissimi odoris flores non sentiunt, nec querunt; ita illi in rudium & muliercularum comessantium, floreq. Liberi Patris aspersarum, nimis credulas mentes invadendo, postquam caliginosos de indicandis futuris obtutus offuderunt eis foedi Palpones, vidulos are graves expilare student, & hoc unum turpiter agunt. Virtutes & rectè facta non capiunt. Pedicones, non curant Manticularis. Demonum malorum fraudes illas (à quibus exercitis ipsi malè audiunt, pejus quoq. animi sui angantur DEl hesses) Tu non doces, non auscultas, nec vel soluto premio redimis tibi, vel accepto precio obtrundis aliis. Vides enim qui nefandis istis prasagiis aut fidem suam committunt, aut luctrum suum impulant, terroribus futurorum perturbari, spe incertorum vexari, reconditum sibi metum ubivis prodere, tunc etiam cum Heroes inter futuros se esse à Plinetais audiverant, sorte multum dissimili usos; LATRONES factos esse, super quibus vigilat ultor ille Oculus, & innocenterensus sanguis vindictam apud Deum longanimum, querelis hauri inanibus implorat. Vides consultores ipsos & frandum Magistellos (Magistri enim non sunt), cujusvis de trivio homuncionis ludibrio expositos, perire corporis animiq. tormentis quotidie magis, quam se in istâ lurida mortis imagine, ab istis Furiarum ardentibus radis, perire sentiunt. postquam semel Conscientiam deoxerunt, sudorem & sanguinem sese impendisse futientes, tunc cum pigritiam suam maleferiatam ad focos & fornaces refecerant inertes Ger-

vones & semisulti collarum Aucupatores. Tu vigorem tuum corporis atq; animi
 Domino cæli & terra acceptum refers, in quo uno & rerum tuarum Patrono sum-
 mo oblectaris. Merito verò etiam, cum ob alia & innumera accepta beneficia à
 eam benigno Tuo & Bonorum omnium DOMINO, tum imprimis quod gratià
 suà usus prohibere aliquandò voluerit, ne oculi tui in morte obdormirent! Ne
 gloriarentur inimici tui, quod pravaluissent DEO & Tibi, sed Tu potius laudis
 amplissimam nactus materiam, in benignitate Dei fiduciam haberes, in salute ejus
 exultares, quod Te bono affecisset, quod Te vindicavisset à morte, & adversus
 eos, quibus magno gaudio futurum erat, quando Tua vita cum gemitu fugisset in-
 dignata sub umbras. Qui ne tunc quidem, cum respiravisses paulum ab atroce
 morbo, malitia sua oblitus, per nova mendacia in Te desaviebant, Teq; negligenti-
 a ejus reum subdere volebant, quam ab aliis Assentatoribus exercitum fuisse, satis
 superque noverant ipsi. Et hec acciderunt Tibi ab eis, quos non seculo, non ho-
 minum moribus aestimatis, tua fidei ita obligaveras, ut eis Te & Tua omnia tuò
 committere te posse credideras. Erraveras! Tu verò etiam hoc monitum ex illis
 omnibus altà mente repositis percepisti, homines eos justè, injustè, avarè, perfidè,
 superbè factorum Conscientià perplexos, atrocius tantò deservire in Viros optimos,
 quò magis imminent eis manus DEI VIVENTIS ultrices, in quas delictis suis
 onustum aliquem incidere, horrendum est: Verè miseri & misericordià digni,
 quod cum abundent bonis omnibus, cum corporis sui, vanitatis, stuporis protectores
 habeant Viros sui similes, non tamen integram animi pacem habeant, quam tu
 in multò minoribus opibus, inter multos labores atque utiles habes, adeoq; hoc
 etiam habes, ut à paucis lauderis, sed BONIS. Proinde ad DEUM reverte-
 ris ANIME MI, & sermoni huic coronidem imponendo, gloriam ejus predi-
 cas, usus verbis Sacri Vatis: Quàm ampla sunt opera tua ò DOMINE! quàm
 ea omnia sapienter fecisti! quàm plena est terra bonitate tuà! Sit honor DOMI-
 NO in seculum, laetetur DOMINUS in operibus suis.

AUTHOR:



INSTITUTIONUM PHYSICARUM

PARS GENERALIS.

De Corpore naturali in genere.

LIBER PRIMUS.

De Causis Corporis naturalis.

CAPUT PRIMUM.

De Naturâ Physicâ.

SUMMARIA.

1. *Definitio Physicæ.*
2. *Genus Physicæ.*
3. *Objectum Physicæ.*
4. *Scholasticorum diffensiones.*
5. *Divisio Physicæ.*

I.

Physica, est scientia corporis naturalis, qua naturale est.] Methodicam scientia hujus descriptionem rectè ordimur à definitione. Rectiores Peripatetici non leviter rixan-

tur adversus Socraticos, quod definitiones & divisiones artium non faciant ad harum perfectionem, itaque vel poni vel omitte possint, Jacobus Sturmius in *Collegio Logico Disputat.* 1. Jacob Martini *lib. 1. discussio- num Ramificarum cap. 1. quest. 1.* Ut hoc facere vellent, occasionem dederunt Petri Rami Thaletis Gallici perscriptæ in Aristotelis Commentaria varia Scholæ doctissimæ, quas ne invidia quidem sine rubore contempserit, in quibus ille sæpius accusat Philosophum ob neglectas locis iis re-

rum definitiones, & divisiones, ubi ordo requirebat illas. Verum consilio suo decidunt merito, quandoquidem Philosophus modo alio excusari poterat, scilicet quod Commentarios scribat, de methodicâ præceptorum constructione non ita sollicitus. Cæterum in libro bonæ methodi capace, ad informandum Lectoris animum jure suo requiruntur definitiones & divisiones, cæque p̄mo loco apponendæ. Benè præcipit Cicero: *Omni quæ à recta ratione incipitur, de re aliquâ institutio, debet à definitione proficisci, ut intelligatur quid sit id de quo disputatur*, lib. 1. Offic. Argumentamur:

Quicquid toti arti commune est, illud primo loco poni debet. Atqui definitio & divisio totius artis communis est toti arti seu omnibus artis partibus. Ergò primo loco poni debet. Regerit *Sturmius*: Etiam illæ toti arti communes fuerint, non tamen sequitur, primo in arte loco debere poni, *l. d. dist. 21.* Respondeo: Sequitur omnino! Quicquid enim communissimum est, id Lex Sapientiæ jubet primo loco poni. Rursum: Quod proprium & adæquatum artis objectum & finem docet, illud proprium & primum locum in constructione Artis sibi vendicat. Atqui definitio & divisio Artis proprium & adæquatum hujus objectum ac finem docent. Ergò proprium & primum locum in constructione Artis sibi vendicant.

II. *Scientia.*] Ratio hæc est: Habitus qui cognoscit res necessarias, est Scientia. Atqui Physica est habitus qui cognoscit res necessarias. Ergò Physica est scientia. Major est apud Aristotelem 1. *post. anal. cap. 7. 6.* *Nicomach. cap. 4.* Minor constat:

Physica habet objectum necessarium, *corpus naturale ejusque species verè in natura existentes*: habet principia vera atque realia per quæ demonstrationes exsurgunt, *omne corpus est materiatum, omne materiatum est quantum*: habet affectiones veras, *quantitatem, locum, tempus, motum, quietem*. Et in hac demonstratione consistit, neque affectat aliud quicquam, ac ut sciat ista, quod Scientiæ proprium est. Combacchius definit: *Physica est scientia speculativa de corpore naturali*, lib. 1. Institut. Physicar. cap. 1. dist. 1. Ubi notetur vitium τὰ φυσικὰ Scientiæ affectio generalis est *θεωρεῖν*, id est cognoscere, non igitur debebat repeti in occasione speciali.

III. *Corporis naturalis.*] Differentia sumitur ab Objecto, quod est, *corpus naturale*. Hoc objectum Physica accipit à Metaphysicâ, jure subalternationis, uti diximus *lib. 1. Institut. Politicarum cap. 1. dist. 11.* Substantia dividitur, ut alia sit Spiritus, alia sit corpus. Hoc ad Physicam dimittitur, ille ad Pneumaticam. Et quanquam David Crusius *lib. 1. Physica cap. 4. 5. H. Noli* *lib. 3. Phys. Hermet. cap. 1. 2. seqq.* Otto Casmannus *part. 1. Angelographia cap. 1. quæst. 1.* Wilh. Scribonius *lib. 1. Physica dist. 6. seq.* Rod. Snellius in *partitionibus Physicis dist. 10. 11. seqq.* Petrus Gassendus *proæmio ad Institutiones Physicas pag. 126. 127.* conentur, universam de Spiritu infinito & finito doctrinam in Physicâ exponere, errant tamen illi, & violant Legem Justitiæ de regundis artium finibus. Argumentamur: Quodcumque præceptum est uni disciplinæ essentialiale, id est peregrinum in alterâ. Atqui præcepta de Spiritu sunt uni disciplinæ essentialia. Ergò sunt peregrina in alterâ,

alterâ. Major est apud Petrum Ramum *lib. 2. Dialectica cap. 3.* Minor constat; De Spiritu quatenus ratio apprehendit; agit Pneumatica; quatenus revelatio multa addit, agit Theologia. Rursum; Corpus naturale est objectum Physicæ, Spiritus non est corpus naturale. Ergo non est objectum Physicæ. Minor constat; Spiritus est substantia ab omni concreatione libera. Quod cum non attenderet Scribonius, non solum absurdè egit, cum Physicæ objecto Deum inclusit, verum pariter in multis aliis impexit, dum molitur plurima, ut doctrinam omnem de Spiritu intrâ Physicam contineat. Definit Spiritum, quod sit *essentia formata, rationalis & immortalis*; dividit, quod Spiritus alius finitus sit, uti Angelus & Anima, alius infinitus, uti Deus, *dist. 7. 11. 12. 16.* Quæ non congruunt ad Legem Sapientiæ. Deus formatus non est, neque rationalis est, Quæ enim illi inest virtus intelligendi, ratione superior est, & sapientia infinita, *Psalm. 94. 9. 10. 11.* Et ipse formator omnium rerum est, à nullo formatus, sed in se atque ex se à seculo in secula, *Psalm. 90. 1. 2.* Porro definit Scribonius Physicam, quod sit *rerum naturalium scientia*, *dist. 1.* Hinc argumentum: Objectum debet esse toti arti adæquatum, ut quicquid in arte est, illud omne contineat. Atqui Deus comprehenditur sub objecto Physicæ. Ergo Deus est res naturalis. Conclusio errorem habet, neque enim naturale Ens illud est, quod naturam totam produxit, quando effectus finitus nullâ habet proportionem ad Efficientem infinitum.

IV. *Quà naturale est.*] Particula (quà) sumitur reduplicativè, ut objectum exten-

datur ad corpus naturale & species ejus, quatenus naturales causas & affectiones habent. Scholasticorum inutiles conflictus qui verbis discrepant, ut dicant alii objectum esse *corpus mobile*, alii quod sit *corpus sensibile*; alii quod sit *substantia mobilis*, consentiant verò reipsâ, prolixius referunt Franciscus Toletus *prolegomenis ad Physicam pag. 4. seqq.* Ant. Ruviio *prologo ad Physicam pag. 4. seq.* Conimbricenses *ibidem quest. 4.* Jac. Zabarella *libro de constitutione scientia naturalis cap. 2. 3. 4. 5.* Didacus Malus *Commentariis ad lib. 1. Physicorum pag. 34. seqq.* Piccolomineus *introductione ad scientiam naturalem cap. 2. 3. 24. 25. 26. 27.* Bened Pererius *lib. 2. Philosoph. naturalis cap. 1. 2. 3.* Joh. Poncius in *Cursu Philosophico Disputat. 1. Physicâ pag. 353. seqq.*

V. *Ejus partes sunt duæ Communis & Propria. Communis est, quæ Corporis naturalis causas & affectiones proponit.*] Divisio fundamentum habet in Objecto, quod menti nostræ sese insinuat duplici modo.

CAPVT SECVNDVM.

De Causis in genere.

SUMMARIA.

1. *Definitio corporis naturalis.*
2. *Definitio causa.*
3. *Causæ & principia.*
4. *Laudatur Zabarella.*
5. *Refellitur Casalpinus.*
6. *Privationis commentum.*
7. 8. *Privationis requisita.*
9. *Privatio refutatur.*
10. *Instantia Conimbricensium.*
11. *Sententia Veterum.*
12. 13. *Exponuntur illæ & probantur.*

I. *Corpus naturale est substantia materiâ & formâ constans.*] Per se igitur subsistit, quod Naturâ à Deo viribus integris instructâ beneficio existit atque operatur. Reprehendit in Scribonio definitionem istam *Brighus Anglus* : Solius Dei proprium est, inquit, à se & per se subsistere, igitur cum hoc naturalibus quæ à Deo sunt & per eum subsistunt, tribuitur, Lex Veritatis & Sapientia violatur, *Animadversionibus pag. 4.* Respondeo : Est Elenchus ambigui. Per se subsistere quatenus Deo tribuitur, omnem dependentiam excludit, & Naturæ fines egreditur. Cû de Naturâ idè prædicatur, non quidè excluditur dependentia à Causâ primâ, sed accidentiû essentiz in oppositû statuit, quæ per se non subsistunt, adeoque ita sunt ut aliis insint.

II. *Ejus notentur Causa & Affectiones. Causa est principium à quo produciatur causatum.*] Non omnis causæ latitudo hic evolvi debet, sed contractio ad corpus naturâle instituenda est. Logicæ & Metaphysicæ officium est, sub latitudine istâ de causis agere, quatenus in Logicâ sunt instrumentum differendi, in Metaphysicâ sunt affectio Entis. Physica ad corpus naturâle doctrinam illam restringit.

III. *Principium à quo produciatur.*] Interpretes sequuti Aristotelem doctrinam hanc itâ proponunt, ut causas distinguere à principiis gestiant. Verum illi more suo Philosophum reddunt pejorem imitatione pravâ, quam ut juvent intelligentiam rerum. Nam quæ Aristoteles populariter (uti fit in prolixis Commentariis) dixit, magis etiam interpolant Scholastici, peregrina multa, difficultates plures inveniunt, tantum ut habeant de quo invicem li-

tigent, & facta infecta permisceant. Hec fermè ordine & modo : Alia sunt corporis naturalis principia, alia sunt causæ. Principia sunt tria, Materia, Forma & Privatio. Et duæ sunt causæ, Efficiens & Finis. Itâ referunt Barthol. Keckermannus lib. 1. *System. Physic. cap. 2.* Arniszus in *Epitome Physicâ pag. 26. seq.* Pererius lib. 5. *Philosoph. natural. cap. 2. seqq.* Joh. Havenreuterus in *Compendio Physico pag. 3. 4. 5. seqq.* Gilb. Jacchæus lib. 1. *Institut. Physicarum cap. 5. 6. 7. 8.* Rod. Goclenius lib. 1. *Disputat. Physic. 5. 6. 7. 8.* Georg Liblerus in *Epitomâ Philosoph. natural. pag. 13. seqq.* Johan. Combachius lib. 1. *Physicæ cap. 2. 3. 4.* Jacobus Auberti part. 1. *Institut. Physicarum cap. 1. 2. 3.* Nos in hac doctrinâ accusamus partim confusionem, partim falsitatem. Confusio est, quod principia distinguant à causis, præter verum omninò, quandoquidem causæ externæ non minus principia sunt quàm causæ internæ. *Argumentamur* : Cuiunque definitio competit, de eodem non debet negari definitum. Atqui materiæ & formæ competit definitio Causæ. Ergò de iisdem non debet negari Causæ nomen. Porro inferimus : Quicquid causa est, idem principium est. Atqui Efficiens & Finis causæ sunt. Ergò etiam principia sunt. Denique urgemus : Quæcunque doctrinæ nullum habet fundamentum, illa meritò repudiatur. Atqui vulgata de principiis corporum naturalium doctrina nullum habet fundamentum. Ergò vulgata doctrina meritò repudiatur. Minor constat : Fundamentum doctrinæ hujus statuitur generatio & corruptio rerum naturalium, quæ ob oculos quotidie versantur, ait Rod. Snellius notatis ad *Valerii Physicam*

scam. pag. 20. 21. Respondeo: Quicquid non adequatur corpori naturali quàm latissimè accepto, illud non potest efficere principia universalia. Atqui generatio & corruptio non adequantur corpori naturali quàm latissimè accepto. Ergo non possunt efficere principia universalia. Major probatur è Lege Sapientiæ: Communia præcepta describantur in parte cõmuni, specialia præcepta describantur in parte propriâ. Minor constat plurimarum rerum naturalium, quæ neque generantur neque corrumpuntur, inductione, uti sunt Cælum, stellæ, Elementa.

IV, Quod non dissimulavit Jacobus Zabarella libro de constitut. scientiæ natur. cap. 9. multisque rationibus innixus contendit, doctrinam de principiis corporum naturalium jure justo proponi in parte propriâ, ubi de generatione & corruptione insimul agitur. Argumentum est tale: Quæcunque non sunt communia omni corpori naturali, ea non rectè proponuntur in parte communi Scientiæ naturalis. Atqui principia vulgari sensu exposita non sunt communia omni corpori naturali. Ergo non rectè proponuntur in parte communi Scientiæ naturalis. Exigunt: Non omnia quæ in parte communi docentur, omnibus corporibus naturalibus conveniunt. Ità motus non competit terræ; quies cælo & stellis, locus supremo cælo, Joh. Zeisoldus in Theoriâ Corporis naturalis Disput. 6. dist. 30. Respondeo: Contradictoria sunt, doceri in parte sommoni Physicæ, & tamen omnibus corporibus naturalibus haud commune esse. Instantiæ sunt vanissimæ, Motus & Quies prædicantur de corpore naturali per mo-

dum enunciati disjunctivi, eoque sensu recipiuntur; Omne corpus naturale est vel mobile vel quiescens, Cælum supremum vere in loco suo est, ut dicemus infra lib. 2. cap. 4. dist. 16. seqq.

V. Errant verò Andreas Cæsalpinus lib. 1. quæst. Peripateticarum pag. 375. 376. Philippus Mocenicus part. 3. Contemplat. Philosoph. sect. 2. cap. 1. seqq. Georg Raguæus in Collegio Physico Disput. 1. cap. 5. seqq. dum tollunt omnem de Cælo & Stellis doctrinam è Physicis, atque Mathematicis eam concludunt. Argumentamur: Quodcunque est corpus naturale, illud continetur Objecto Physicæ. Atqui cælum & stellæ sunt corpora naturalia. Ergo continentur objecto Physicæ. Excipit Cæsalpinus: (1.) Corpus naturale non prædicatur univocè de cælestibus & sublunariis. Ergo non debent in unâ Scientiâ proponi. Respondeo: Negatur Antecedens. Univocè prædicantur, quatenus tam cælestia quàm sublunaria corpora habent materiam & formam. Deinde: Negatur connexum, quandò etiam illa quæ ad unam referuntur naturam inæquali jure, hoc est, sub genere analogico, in Scientiâ unâ proponuntur. Ità docet Metaphysica de Substantiâ & accidente, quamquam ista duo non contineantur sub genere univoco. (2.) Cælum & stellæ docentur in Astronomiâ. Ergo non debent proponi in Physicâ. Respondeo: Negatur connexum. Astronomia considerat solum quantitatem, Physica de illis agit uti sunt corpora naturalia; non ergo eodem modo traditur, quod diversos considerandi modos habet. Instat Cæsalpinus: Una eademque Scientia docet cum Rem, tum

Rei proprietates, neque igitur Scientiæ diversæ ab illis oriuntur. Respondeo: Negatur antecedens, uti ad oculus monstrant disciplinæ subordinatæ, de quibus egimus lib. 1. *Institut. Politicarum cap. 1. dist. 11. seqq.* Certè ubi desinit Physica de cœlo agere, ibi incipit Astronomia, velut scientia de quantitate motuum cœlestium.

VI. Tantum de confusione, in quam doctrina vulgata incurrit; alia verò & jam, quæ hinc merito desiderati poterant, libero iudicio usus prosequitur Franciscus Patricius *Tomo 4. discussionum Peripatetic. lib. 1.* Nos falsitatem insuper demonstramus hoc argumento: Quicquid in nullâ generatione datur, id principium generationis non est. Atqui Privatio in nullâ generatione datur. Ergo Privatio non est principium generationis. Quid sit, quid non sit Privatio, vix ipsi Ambulatores dicere noverunt, & tamen ne pereat figmentum, libris suis illud enutrient, Aristotelis consensum obtendunt, formæ consequens esse inculcant. Verum Aristoteles lib. 1. *physic. cap. 7.* non tam refert, quid accuratè doceri queat, quàm quid vulgò docebatur. Dicit enim expressè, *videri quod sint tria principia, 1. physic. text. 56.* Neque à formis subsidium aliquod petant, quas de potentiâ materiæ educi, novo & Aristoteli haud cognito commento persuadere volunt.

VII. Definitionem efformant; Privatio est absentia formæ in subiecto cum aptitudine materiæ ad eam recipiendam. Ità docent Bened. Pererius lib. 5. *Philosoph. natur. cap. 23. 24.* Arniseus in *Epitome Physicæ pag. 90. seqq.* Toletus lib. 1. *Commentar. Physicorum fol. 43.* Batth. Keckermannus

lib. 2. *System. Physic. cap. 6.* Gilb. Jacchæus lib. 1. *Institutionum Physicar. cap. 4.* Goclenius lib. 1. *Disputat. Physic. 5. dist. 20.* Jacobus Aubertipart. 1. *Institut. Physic. cap. 2.* Piccolomineus lib. 1. *de materiâ cap. 13. 14.* & libro de *Rerum definitionibus pag. 130. 131. 132.* Fr. Vicomercatus lib. 1. *de principis corporum naturalium cap. 16. 17. 18.* Zabarella lib. 1. *de materiâ cap. 7. 8.* Georg. Liblerus lib. 1. *Epitome Physicæ pag. 30. seqq.* Joh. Henr. Alstedius lib. 7. *Encyclopadie part. 1. Physicæ. cap. 6.* Joh. Poncius Legionensis in *Cursu Philosophico disp. 5. Physic. quest. 1.* Rodericus de Arriagâ in *Cursu Philos. disputat. Physic. 2. sect. 12.* Wilh. Chabronus in *Cursu Philos. Disput. Physic. 2. pag. 57. seqq.* Fr. Murciapart. 2. *Curs. Philos. pag. 99. seqq.* Johan. Zeisoldus lib. 1. *Institut. Physicarum dist. 25 5. seqq.* Franco Burgersdicius in *Collegio Physico Disputat. 3. dist. 14. 15. 16. 17. 18.* Samuel de Lublino *Commentariis ad libros Physicorum pag. 87. seqq.* Didacus Malus *Commentariis ad lib. 1. Physicorum pag. 27 5. seqq.* Quid agat, quidve generationi addat Privatio, non minus in certis opinionibus invicem disceptant. Esse principium generationis per se, ait Ruviol. d. Non esse, Mendoza regerit, sed æquivocè dici principium, *Disputat. 2. pag. 218.* Non est pars, ait Scaliger, sed quædam notio necessaria extrâ torum futurum, non quæ statuat, sed quæ non statuitur ut statuatur, si enim fit quod non est, ergo necesse est non esse quod fit, lib. 1. *de plantis pag. 38.*

VIII. Neq; convenit inter eos quandò privatio sit principium generationis. In puncto generationis eam dari & perire, scribunt Conimbricenses lib. 1. *Commentar. Physic. cap. 9. quest. 8. art. 2.* Refellit Mendoza; In

nno instanti, *ait*, non possunt componi forma & ejus privatio, quia eadem res simul esset & non esset, *Disputat. 3. pag. 250.* Sed tamen nec ille quicquam assensu dignum profert. *Ait, esse principium generationis eodem instanti, quo primum est generatio; & tamen tunc non existere.* Ad eundem scopulum naufragatur. Sit tunc non existit, quomodo influere potest? Quod realiter influere debet, non potest non existere quando effectus in fieri est. Et si tunc non existit, quando igitur existit? Non tunc, cum sit initium generationis, uti disserit Mendoza, non in progressu, non in exitu. Ergo nunquam. Quod nunquam existit, est non-Ens; quod non est, non potest esse principium Entis. Ridiculus igitur Mendoza est, cum scribit: *Quod nihil est, quod non est, etiam principium est, quod per defitionem & destructionem sui causat.* Atqui causare est realiter & positivè influere. Quomodo id quod desinit, agit? Quomodo, quod nihil est, quod non est, principium est? Non-Entis uti nullæ defitiones & destructiones, ita nullæ affectiones, nulli effectus sunt. Qui hoc non videt, cum ratione insanit.

IX. Rectè & meritò hoc Privationis figmentum explodunt Fr. Patricius *Tomo 3. diffus. Peripatet lib. 6. & Tomo 4. lib. 2. Sebaft. Foxius lib. 1. Philos. natur. pag. 44. seqq.* Daniel Sennertus in *hypomnematis Physicis pag. 25. seqq.* Adrianus Heëlbord *Volum. 1 Disputat Philosoph. pag. 126 seqq.* Petrus Ramus *lib. 1. Scholarum Physicarum cap. 7.* Henricus Regius *lib. 1. Institutionum Physicarum cap. 10.* Alb. Kyperus *lib. 1. Institut. Phys. cap. 4. dist. 3.* Iamb. Danæus *part. 1. Phys. Christ. pag. 17.* Nos equidem permittimus, ut in libris toleretur & doceatur, non quidem

uti principium generarionis, sed uti adjunctam materiæ, quæ per generationē consummatam ita afficitur, ut cum Totum integrale effectum est, ipsa externam formā deperdat, novā acquirat. Quod principium nō sit, ostenditur his argumentis: (1) Quod non-Ens est, non potest esse principium Entis realis. Privatio est non-Ens. Ergo non potest esse principium Entis realis. Dicit Toletus; *Negatur quod privatio sit non-Ens, est verò Ens privativum, quia non est forma ipsa cujus aptitudo vocatur.* Atqui Aptitudo illa est pura intellectus apprehensio, notio inquam mentis est, ac proinde virium istarum non est, ut principium constituat, quod realem debet habere influxum. Sic ergo inferimus: Principium est quod constituit rem. Atqui privatio non constituit rem. Ergo non est principium. Reponit Chabronus: Licet non sit principium constitutionis quod in re manet, est tamen principium transmutationis, quod quidem nō manet in re genitā, sed formæ introducendæ viam præparat. *Respondeo*: Principia illa considerari debent, quæ ex se & propter alia sunt, quæ rem producant, quæ rem constituunt. Nulla sunt principia alia, nisi illa quæ producant quæque constituunt. Neque de generatione hic aliquid cogitari debet, quia cœlestia corpora nec generantur ex se, nec corrumpuntur in alia, corpora tamen sunt. Et quænam sunt illæ formæ introducendæ? Formæ substantiales traducuntur, nō verò introducuntur; formant ipsæ & informant materiā, nō verò formantur ab alio principio. Formæ accidentales ad materiā pertinent. (2) Quod nullum habet usum, illud frustra concipitur. Privatio nullum habet usum. Ergo frustra concipitur. Minor probatur: Tantum ibi

ibi privatio est, ubi perfectio abest quæ adesse debebat. Nihil tale verò accidit in rerum generatione. Namque in materiâ nondum satis elaboratâ & dispositâ, forma seu figura externa esse non debet. Ergo ibi quoque Privatio non est.

X. Excipiunt *Conimbricenses*: Materia proximam & completam aptitudinem tunc solum obtinet, cum perventum fuerit ad complementum & terminum omnium accidentium, quibus ab agente disponitur, qui terminus in ipso generationis momento tantum datur. *Respondeo*: Generatio inchoata nondum impertit omnem perfectionem, atque in eo distat à generatione consummatâ. Perficitur cum tempore illud quod gignitur, & perfectionis ultimum est momentum quo absolvitur, inque certo Entium gradu ponitur. Interim neque in principio neque in consummatione generationis abest forma, quæ disponit materiam, in quâ sese multiplicare possit, suæque speciei individua producere. Multiplicat tunc sese actû, cum producit semen, cum elaborat, cumque perficit. Non quidem alia forma est in semine maturo, alia in nondum maturo, alia denique in animato per semē illud effecto tantū ea diversitatis ratio est, quod semen nondum maturum animâ plantæ vivit; quod maturum semen, licet in plantâ suâ hæcenus existat, suâ animâ tamen fruatur, ut etiam per sese existere possit, uti benè monent Fortunius Licetus lib. 4. de *spontanio viventium ortu* cap. 32. Julius Scaliger *Exercit. 6. sect. 7. 8. 9.* Et quod possit existere per se, constat quoniam in terram, projectum radices trudit, plantamque à sese molitur. Nimirum vivit

semen maturum à plantâ contentum formaliter per animam propriam, sed accidentaliter operâ plantæ. Non secus ac surculus stipiti insertus propriam habet animam, & tamen ex stipite vivit. Propriam habet animam, quia folia, flores & fructus profert, non stipitis, sed arboris à quâ revulsus est. Ex stipite autem vivit, quia nutrimentum ab eo advectum percipit inque usum proprium convertit.

XI. Veterum Philosophorum de principiis Rerum naturalium doctrinam, undique ex Aristotelis partim Physicis, partim Metaphysicis libris conquistam, proponunt hoc ordine: Principia vel sunt unum, vel plura. Unum est vel mobile vel immobile, multa sunt vel finita, vel infinita. Parmenides libro de *veritate* dicit, principium esse Ens unum, finitum & immobile; Melissus Samius libro de *naturâ* dicit, principium esse Ens unum infinitum & immobile. Thales Milesius pro rerum omnium principio vendidit aquam, Heraclitus & Zenon ignem, Anaximander & Diogenes aërē, Xenophanes, Pherecydes & Hesiodus terram. Plura verò principia statuerunt alii. Democritus & Epicurus inculcabant atomos, corpora infinita & magnum inane. Anaxagoras docebat, quod omnia in Chao fuerint confusa. Plato asserebat tria finita, magnum, parvum & unum, seu Deum, Idēam & materiam. Empedocles quatuor elementa, in quibus sit lis & amicitia. Pythagoras decem primas contrarietates, uti sunt, finitum & infinitum, par & impar, unum & multa, dextrum & sinistrum, mas & femina, motum & quiescens, rectum & obliquum, lumen & tenebræ, bonum & malum, quadratum & ob-

& oblongum. Hæc sunt illa Veterum principia, ut libro peculiari exponit Fr. Piccolomineus *part. 1. Operum Physicorum pag. 60. seqq.* Similiare reperias apud Jodocum Willichium libro *de principiu naturalibus pag. 73. seqq.* Fr. Vicomeratum lib. 1. *de principiu natura cap. 3. 4. 5. 6. 7.* Toletum lib. 1. *Commentar. Physic. fol. 14. seqq.* Fortunatum Crellium lib. 1. *Commentar. Physic. pag. 18. seqq.* Arniseum in *Epitome Physica pag. 33. seqq.* Hannibal Rosellium *Commentarius ad Trismegisti Pimandrum Tomo 1. pag. 3. 4. 5. seqq.* Philippum de Trinitate in *Summa Philosophicâ lib. 1. Physica pag. 191. seqq.* Quod si in manibus nostris haberemus libros Veterum, hæc & plura alia longè melius explorare & explicare possemus, verum quia illis caremus omnis fides ponitur in relatione unius Aristotelis, qui variis argumentis contrâ Majorum sententias depugnat. Non obscura tamen indicia prostant, quæ arguunt, reprehendendi studio multa conatum, sententias Veterum aliò detorxisse. Ostendunt hoc veteris Philosophiæ assertores clarissimi, Francisc. Patricius *Tomo 3. discuss. Peripatet. lib. 1. 2. 3.* Petrus Ramus lib. 1. *Schol. Metaphys. cap. 3. 4. 5. & lib. 1. Schol. Phys. cap. 2. 3. 4. 5. 6.* Contestantur Interpretes alii. Pererius scribit: Non possum inficiari, quod Aristoteles in aliorum opiniones inquirendo, & his ipsius iudicandis magis quàm æquum erat, ductus acerbisque arbiter & iudex fuerit, lib. 4. *Philos. natur. cap. 19.* Causam interpretationis sequioris reddit Simplicius, & ab eo sumunt Conimbricenses; Philosophi,

ajunt, isti scripta sua ænigmatum involucris verborumque insolentiâ obtexerunt & obscuraverunt, ita promptum cuique erat, eam varios sensus ducere, lib. 1. *Commentar. Physic. cap. 7. pag. 174.* De negotio eodem Johan. Casus: Aristoteles in refellendis aliis umbras plerumque fingit, in quas incurrit. Et paulo post: Injuriam læpè Aristoteles offert iis quos refellit, primum in mutandis illorum sententiis, deinde in refutandis ad placitum, lib. 1. *Commentar. Physicor. pag. 54. 64.* Hæc illi.

XII. Expendamus opiniones, sed breviter. Qui unum dixerunt esse principium, idque immobile, ad Deum respexerunt, principium sine principio, causam sine causâ, finem sine fine, maximum sine quantitate, optimum sine qualitate, perpetuum sine tempore, ubique regnantem sine loco, immobilem sine statu, pernicem sine motu, totum sine partibus, opificem sine mercede, diem sine nocte, cui præteritum non abit, haud subit futurum, ante omnia, post omnia, totus, unus, Ipse, ait Scaliger *Exercitat. 365. sect. 10.* Præcipua in his elogia sua omnium conditrici Menti jam olim attribuit Anaxagoras, & quidem nomine isto vocabat Deum, teste Aristotele 3. *phys. 4.* Ab istâ Causâ deducitur causarum omnium series, velut in catenâ quâdam aureâ *συνεχῆς*, quam Homerus lib. 8. *Iliad.* fingit ab Jove teneri, & à cælo supremo in terras usque demitti. Scala talis expressa est *Genes. 28. 12. 13.* ubi verticè Deus tenet, gradus verò sursum & deorsum scandunt Angeli *αγγελὸν ἄνω ἕως ἑλίου*, iussu divina

ferentes ad homines, ut Proclus loquitur. *Unum est principium mobile*, videlicet Natura, quæ à Deo habet originem, ejusque præsentioris dominii viribus conservatur. Sic docuerunt Melissus, & Parmenides, vir profundè eruditus, ut eum celebrat Plato in *Timæo*. Ejus doctrinam coloribus novis obductam restauravit sæculo nostro Bernhardus Telesius *libris de naturâ rerum*. De Thalete Milesio refert Cicero *lib. 1. de nat. Deor.* quod docuerit, aquam esse initium rerum, Deum verò Mentem illam quæ ex aquâ fingeret omnia. Hæc à Chaldæis & Syris acceperat, suntq; literis sacris consentanea, *Genes. 1. 1. 2.* Aqua enim est *מֵי תהו* & *מֵי תהו* apud Mosem, id est, abysus & rudis moles, *מֵי תהו*; Phœnicib; & Orpheo apud Eusebiū *lib. 1. præparat. Evangel. & Athenagorum*. Heraclitus & Zenon dixerunt, ignem esse principium universi, quandò audiverant, à luce factum esse productionis rerum omnium initium, quam lucem ipsi per quandam *μίσθον* appellaverunt Ignem.

XIII. De Anaximandro, Diogene, Phercyde, Hesiodo, Xenophane idè esto judicium, qui aërem & terrâ docuerunt esse primi opificii initium, quod hoc modo interpretarentur spiritum incubantem rudi moli, & terrâ esset pars notior molis ejus, *Genes. 1. 2.* Democriti & Epicuri atomos nemo contemnat, qui oculis invitatis videt naturæ operationes, & patrocinium harum suscepit Petrus Gassendus amplissimo *de Philosophiâ naturali* opere. Anaxagoræ principia confirmat Moses, *Genes. 1. 2. 3.* approbant tot apud Chaldæos, Phœnices, Syros, Indos,

Ægyptios antiquissimi Philosophi, qui omnes Deum sive Mentem agnoverunt mundi opificem, Chaos materiam ejus, & mundum per vastum inane diffusum esse. Idem inculcant Plato, & Timæus Locrensis *de mundo*, qui Idæam vocant id quod Anaxagoras vocaverat Mentem; Stoici appellabant Rationem omnium rerum efficientem, uti referunt Laertius in *vitâ Zënonis*, Stephanus Theupolus *lib. 10. Contemplat. Academ. cap. 1. 2. seqq.* Hannibal Rosellius *Commentariis ad Pimandrum Trismegisti Tomo 1. pag. 123. seqq.* Quæ omnia luculenter ostendunt, Veterum opiniones aut parum aut nihil à veritate discedere.

CAPVT TERTIVM.

De Materiâ.

SUMMARIA.

1. *Causa interna.*
2. *Definitio materia.*
3. *Materia simplex.*
4. *Materia composita.*
5. *Aristotelis materia prima.*
6. *Interpretum sententia.*
7. *Definitio materia prima.*
8. *Affectiones ejus.*
9. *Refellitur materia prima.*
10. *Solvuntur objectiones.*

I. **C**ausa est vel Interna vel Externa. Interna est, quæ corporis naturalis essentiam ingreditur] Aristoteles *lib. 5. Metaph. cap. 1. lib. 11. cap. 4.*

II. *Estque Materia & Forma. Materia est causa, ex qua corpus naturale constat.* Causæ internæ ubi sunt, ibi simul adsunt. Anima sola non facit hominem, nec solum corpus, verum anima & corpus conjunctim efficiunt hominem.

III. *Estque vel simplex vel composita. Simplex est, qua constituit corpus simplex.* Talis materia est in cælo, stellis, elementis, libera ab omni mixture ratione sui, quamvis mixturem propter mixta subeant, & ab illis corpora composita existant.

IV. *Composita est, qua constituit corpus mixtum.* Talis materia est in meteoris, mineralib⁹, plantis, animantibus, concreta per multas naturas ex se non difficulter congregativas, quæque ab unâ formâ specificâ reguntur.

V. Aristoteles *lib. 1. physic. cap. 9.* tradit plurima de materiâ primâ, uti vocat. Scilicet, quia Physicam connectere volebat cum Metaphysicâ, unde objectum suum, *corpus naturale*, accipit Physica, eodem tenore perrexit, & corpus naturale, quod universale aliquid est, perque mentis conceptum apprehenditur, consideravit in latitudine suâ. Quale ergo corpus est, talis est materia. Atqui corpus naturale est universale aliquid menti potius inhærens, quàm sensibus expositum. Ergo talis quoque est materia. Et hæc materia est expers ortus ac interitus, estque informis, sed apta ad recipiendum formas omnes. Nulla enim universalia vel oriuntur vel occidunt, sed tantum singularia. Hactenus rectè & benè Aristoteles, verum doctrinam hanc cætera facilem otiosis litibus more suo cor-

ruerunt Scholastici Doctores, & non contenti eo, quod actum entitativum habeat materia prima, ulterius progressi actum existentia dare ei voluerunt, ut effectuum aliquantum capax esset, quæ non nisi à materiâ determinatâ oriri possint.

VI. Videamus litium immensarum materiam. Materiam primam ignorando cognosci & cognoscendo ignorari, ajunt Conimbricenses *lib. 1. physic. cap. 9. quest. 3. art. 1.* Et Joh. Casus: Analogiâ tantum, non verò reipsâ cognita est, *lib. 1. Commentar. physic. pag. 118.* De quidditate ejus porro contenditur. Thomas de Aquino *part. 1. Summa quest. 66. libro de potentia quest. 4. art. 1. & quodlib. 3. art. 1.* disputat, materiam primam esse puram potentiam, quæ omni actu careat, & nihilo vicinissima sit. Defendunt idem Petrus FonsECA *lib. 1. Metaphysic. cap. 7. quest. 3.* Antonius RUVIO *lib. 1. Commentar. physic. fol. 68. seqq.* Jac. Zabarella *lib. 2. de materia cap. 1. seqq.* Flaminius Ciconia in *questionibus naturalibus pag. 37. seqq.* Hic omnibus adversariam constituit Joh. Scotus *lib. 2. sentent. dist. 12. quest. 1. & lib. 1. physic. quest. 20.* ubi negat materiam primam esse puram potentiam, quandoquidem in se & ex se actum quandam entitativum habeat. Sequitur eum Fr. Toletus: Quod materia, inquit, habeat actum aliquem secundum se, aded certum est, ut oppositum intelligi non possit, *lib. 1. Comment. physic. cap. 9. fol. 34.* Argumentis prolixis subsidio veniunt Fr. Aretinus *notatis ad Scoti Commentarios physicos pag. 129. seqq.* Hurtadus de Mendozâ in *Cursu Philos. Disputat. Phys. 8.* Bernh. Morianus

rifanus *Commentariis ad Physicam Aristotelis* pag. 294. *seqq.* Rodericus Arriaga in *Cursu Philos. Disputat. phys.* 2. *sect.* 1. 2. 3. 4. 5. Franciscus Oviêdo in *Cursu Philos. Disputat. phys.* 2. *sect.* 5. Bened. Pererius *lib.* 5. *Philosoph. natur. cap.* 13. Fr. Suarez *Disputat. Metaph.* 13. *sect.* 5. *Disputat.* 15. *sect.* 9. Fr. Piccolominêus *lib.* 1. *de materiâ cap.* 8. Joh. Poncius in *Cursu Philos. Disputat. Phys.* 3. *quæst.* 3. & 4. Fr. Vicomercatus *lib.* 1. *de principiis rerum naturalium cap.* 11. *seqq.* Andreas Cæsalpinus *lib.* 4. *quæst.* *Peripatet. sect.* 7. Wih. Chabronus in *Cursu Philosoph. Tomo 2. pag.* 22. *seqq.* Didacus Masius *Commentariis ad lib.* 1. *physicorum pag.* 34. *seqq.* David Derodon *part.* 1. *Physica. contracta cap.* 2. *dist.* 7. *seqq.* Certamen est ut nebulâ in pariete appictâ. De qualitate materiæ percipiendâ benè sperare jubent secundum definitionis interpretationem & affectionum expositionem.

VII. Definitionis interpretatio est ista: *Materia prima est subiectum.* Quia est principium rerum naturalium, & receptivum formæ substantialis, privationis, motus, quæ per se sola nunquam subsistunt. *Primum.* Quia non agnoscit prius & superius quicquam. *Vniuscusque.* Nempè tam mixtorum quam Elementorum: nam & Elementa habent se aliquid prius, materiam scilicet primam, ob quam & ex quâ multiplicibus sunt obnoxia mutationibus. *Ex quo quodvis corpus naturale generatur.* Nempè mediatè, operâ Elementorum, quæ materiam primam in se continent. *Per se.* Nam materia prima est pars ejus

substantiæ, quæ generatur, & materia suscipiens formam corporis nascentis manet in eodem corpore, tanquam pars ejus substantiæ primaria. *Et non secundum accidens.* Quia est principium essentiale & constitutivum, ad discrimen privationis, quæ non ut pars substantialis ad rei generationem concurrir; sed accidentalis, quatenus materiam excitat ad appetendum alias & alias formas. *Et in quod resolvitur ultimum.* Quoniam enim materia prima fuit primum generationis subiectum, ideo in eandem postremò reditur. Sic cum homo moritur, primò fit corruptio in cadaver, deinde in mixtum inorganicum, postea in mixtum imperfectum, deinceps in Elementa; ad extremum in materiam primam. Hæc ita proponunt Franciscus Vallsius *libro de Philosophiâ sacrâ pag.* 433. *seqq.* Samuel de Lublino *Commentarius ad lib. Physicorum pag.* 48. *seqq.* Philippus de Trinitate in *Summa Philosophica lib.* 1. *Physica pag.* 402. *seqq.* Barth. Keckermannus *lib.* 1. *System. Phys. cap.* 2. Phil. Moenicus *lib.* 3. *Contemplat. Philos. part.* 2. *cap.* 9. Joh. Velcurion *lib.* 1. *Physica cap.* 14. Arnulfus in *Epirome Physica. pag.* 50. *seqq.* Arnoldus Senguerdus *lib.* 1. *Introduct. Physica pag.* 11. 12. *seqq.* Joh. Crassotius in *Physica compendiaria part.* 2. *pag.* 55. *seq.* Fr. Vicomercatus *lib.* 1. *de principiis rerum naturalium cap.* 8. 9. 10. *seq.* Rodolf. Goclenius *lib.* 2. *Disputat. phys.* 6. *dist.* 17. 18. 19. 20. 21. 22.

VIII. Affectiones materiæ primæ recensentistas. Prima est, *quod sit ortus expers*, 1. *phys. text.* 82. Cum enim

nihil

nihil prius se habeat, non potest aliunde produci, ex ipsâ tamen omnia producantur. Secunda est, *quod sit expert interitus*. Cum enim simplicissima sit, non potest corrumpi, & nihil corrumpitur quod non est generatum. Tertia est, *quod sit informis, ad omnes autem formas recipiendis habilis & idonea*. Informis est, id est, absque formâ substantiali, quia simplex est, non composita: ad omnes formas recipiendas idonea est, nimirum per vicissitudines, non autem simul & semel, quomodo cera non habet propriam formam, sed quodvis, nunc leonis, nunc canis, nunc equi, alteriusve animantis impressum, signum recipit, sic materia prima non secus ac Proteus mutabilis, quamlibet formam in luere potest. Quarta est, *quod sit appetens formam naturalem*, videlicet, ut ab eâ, cum ipsa in se imperfecta sit, perficiatur. Itâ Gilb. Jacchæus lib. 1. *Institut. physicarum* cap. 2. Hinnibal Rossellius *Commentarius ad Pimandrum Trismegisti* Tomo 3. pag. 151. seqq. Bernhardus Morisani *Commentario ad Physicam Aristotelis* pag. 297. seqq. Johan Zeisoldus lib. 1. *Institut. Physicar.* sect. 2. dist. 45. 46. 47. 48. Piccolominius lib. 2. *de materia* cap. 11. Fr. Vico mercatus lib. 1. *de principiis rerum* cap. 19. seqq.

IX. Hoc modo Interpretes cum quidditatem tum qualitates materię primę venantur, exornantque. Nos verò commentis omnia illa accensemus, cum Francisco Patricio Tomo 4.

*discuss. Peripater. lib. 3. Phil. Melanchtone in Rudimentis Physicis lib. 2. pag. 175. seq. & Gallico heroe Petro Ramo lib. 1. Scholiar. Phys. cap. 9. Hentico Regio, lib. 1. Philosophia naturalis cap. 10. Neque aliter Taurellus: Mihi, inquit, certè tota de materiâ primâ disputatio nihil nisi jocus videtur, quando alius aliud de ipsâ somniat. Quin ipse etiam Aristoteles vel rider, vel nos rider, quando substantiam esse ait, quæ nihil rerum sit, lib. 2. *Alpinum casarum* pag. 286 592. & *part. 2. de rerum aternitate* pag. 420. Argumentamur: (1) Quicquid nullos edit in naturâ effectus, illud non est principium naturale. Atqui materia prima nullos edit in naturâ effectus. Ergò non est principium naturale. Dicunt Tolerus & Chabtonus; *Materia prima extrâ intellectum in naturâ est, inque singularibus existit*. Verum inde tantum sequitur, materiam primam esse abstractionis opus aliquod, à quo nullus effectus determinatus in naturâ potest derivari. Physica agit de effectis particularibus, adeoque causâs particulares interponit; de universalibus, quæ intellectui tantum insunt, parum curat, quando in illis Metaphysica occupatur. (2) Ex quo aliquid generatur, in idem resolvitur. Atqui corpora naturalia non resolvuntur in materiam primam. Ergò non generantur ex materiâ primâ. Minor probatur, quia illa quæ corrumpuntur, in Elementa resolvuntur. (3) Quodcumque generatur, illud generatur ex semine. Atqui corpora naturalia generantur. Ergò generantur ex semine.*

Semen verò non est materia prima, sed est materia secunda.

X. Piccolomineus & Conimbricenses varia proferunt: (1) Cum ignis generatur ab aquâ, tunc non interit omnino aqua, vel in nihilum convertitur, siquidem posse in nihilum redigere, divinæ virtutis est. Manet ergò aliquid, quo superfluit & servato, fiat aqua in ignem conversio. Id verò non est forma aquæ, quæ non potest cum formâ ignis in eodem composito, inesse: est igitur materia. *Respondeo*: Negatur, quod Elementa invicem generentur, corrumpantur, mutantur. Proinde quod non est, quod cõmentum est, non eget subiecto. (2) Quodcunq; generatur, ex aliquo prius existẽte generatur. Id verò nõ est forma, quæ denuò inducitur. Est igitur quippiã, quod advenientem formam excipiat, & unum idemque permaneat, id est materia. *Respondeo*: Negatur quod forma inducatur, quæ substantialis est cumque semine traducitur. Semen est generationis instrumentum, atque in sese continet materiam cum formâ præsentem conjunctam: semẽ verò pro materiã primã Aristotelis nemo habebit. (3) Quemadmodum in summo rerum gradu est actus purus, formarum omnium effector, & omnis mutationis expers in quem series efficientium causarum omnium definit: ita in infimo esse aliquid debet, quod sit pura potentia, omnium egena, formarum omnium receptrix; & ipsa per se informis, nullam effatricem vim habens, ad omnes corporeas mutationes subeundas idonea; in quam patientium causarum ordo terminetur. Hoc au-

tem nihil aliud est quàm materia. *Respondeo*: Negatur, quod semper verum sit: dato uno oppositorum, datur quoque alterum. Nec verum est, quod Deus sit immediatus formarum effector, dedit enim materiam & formam simul olim in primâ rerum omnium productione, & conservavit deinceps in naturâ constitutâ, *Iob* 10. 9. 10. 11. *Psalm.* 139. 5. 13. 15. 16. Inde est, quod Natura ex sese propaget materiam & formam. (4) Omne corpus naturale ex formâ & subiecto aliquo componitur: vel ergò illud subiectum ex alio est, atq; ita in infinitum proceditur, vel deveniendum est ad unum quod ex aliis concretum non sit. Atqui non est admittenda progressio illa in infinitum, siquidem non datur infinitum in naturâ. Ergò fatendum erit, aliquod subiectum dari, quod ex aliopriore non sit, atque adeò materiam. *Respondeo*: Probatur inde, quod datur materia, & quidem materia ultima. Utrumque largimur. Materia datur, quia forma sola non constituit corpus naturale, & quidem materia ultima datur, quia materia nulla est suprâ vel extrâ materiam illam, quæ inest. Elementis, quæque in corporum naturalium compositionem aliquam ingreditur. Huc cum devenitur, subsistendum est. (5) Principia sunt contraria, quæ verò contraria sunt, requirunt commune subiectum, quod modò sub hoc, modò sub illo sit. Ergò datur materia prima. *Respondeo*: Nullam in principiis agnoscimus contrarietatem ejusmodi, qualem Scholastici Doctores comminiscuntur, nimirum ut privationis doctrinam statuerent. Cæterum à contrariis procedit

cedit generatio, dum Elementa contrariis effectibus prædita copulat invicem, & formæ specificæ dominio subijcit, verum inde nihil sequitur pro materiâ primâ. (6) Sinon datur materia prima, non fuerint materiæ secundæ: namque posteriores materiæ sustentur à prioribus, & nisi daretur materia prima, essent in Naturâ materiæ infinitæ. *Respondeo*: Tantùm hinc sequitur, quantum è prioribus, videlicet materiam dari, eamque simplicem, uti appellavimus, quæ corporibus naturalibus simplicibus ita inest, ut compositionem efficere possit, tunc cum Natura ex sese generando individua multiplicat. (7) Nulla forma est causa existentiae, sed existentia omnis corporum naturalium est à materiâ primâ. *Respondeo*: Negatur connexum. Forma equidem largitur essentiam, uti materia dat existentiam. Materia inquam, determinata. Qualis enim, effectus est, talis causa est, neque principium indefinitum constituit ens determinatum. Falsò igitur causam existentiae imputant materiæ primæ, nondum probatæ, nedum satis explicatæ. Materiam esse, nemo inficiari volet, sed materiam primam esse, neque his argumentis neque aliis demonstratur.

3. *Formæ officia.*
4. *Formatum eductio de potentia materia.*
5. *Refellitur sententia.*
6. *Solvuntur instantiæ.*
7. *Interpretum confessio.*
8. *Causa universalis influxus.*
9. *Communicatio substantiæ.*
10. *Principiorum ex sese productio.*
11. *Effectus præ causa nobilior.*
12. *Accidentis citrà subiectum operatio.*
13. *Pererius refellitur.*
14. *Formatum inductio.*
15. *Refellitur sententia.*
16. *Instantiæ solvuntur.*
17. *Formatum generatio.*
18. *Simile generatur à simili.*
19. *Dispositio materiæ.*
20. *Refellitur Fienius.*
21. *Generatio univoca.*
22. *Forma congeneratur.*
23. *Conimbricensium instantia.*
24. *Instantia Ruvionis.*
25. *Tolæti instantia.*
26. *Formatum traductio.*
27. *Solvuntur objectiones.*
28. *Forma generica.*
29. *Forma specifica.*
30. *Forma materialis.*
31. *An sit substantia?*
32. *Refellitur Cartesius.*
33. *Forma immaterialis.*

CAPVT QVARTVM.¶

De Formâ.

SUMMARIA.

1. *Definitio formæ.*
2. *Formatum cognitio difficilis.*

1. **F**orma est causa per quam corpus naturale constituitur.] Aristoteles vocat *λογον τῆς οὐσίας*, 1. poster. anal. II. 2. *physic.* 3. 5. *metaph.* 2. *οὐσίας πρῶτης αἰτίας*, 1. de generat. animal. cap. 1. & termino subtilissimo *ἐστὶ ἀχιναι*, 2. de animâ cap. 1. Ubi ultimum hoc imprimis controversum est,

est, deditque Johanni Monlorio ansam conscribendi librum singularem. Refert ille (& prior illo Petrus Crinitus lib. 7. de honesta disciplina cap. 2. memoraverat) de Hermolao Barbaro Veneto, quod demonis familiaris colloquium nactus apud eum rogaverit, quid vocabulum notaret, atque responsum acceperit, valere idem quod *perfectibilia*, ut sonet quasi *in illis perfectum & ex eis habere*. Scaliger dicit: Si sciunt, quid sit *εἶδος*, quid *μορφή*, quid *λόγος*, quid *τὸ ἡγεῖν εἶναι*, non ignorabunt, quid est *ἐπιλήχεια*. Et paulò post: Cum formam dixeris, intelliges immaterialitatem, simplicitatem, potestatem, perfectionem, informationem. Hoc enim est *εἶδος*, quod innuit maximus Poëtarum: totosque infusa per artus. Hoc est *τίλος*, quia est ultima forma sub cœlestibus, & princeps inferiorum, finis ac perfectio. Hoc est *ἔχον*, posse, ut ipsa sit autor omnium functionum, omnium motuum, etiam contrariorum in eodem corpore, cuius potens est, *Exercitat. 307. sect. 12.*

II. E quibus formæ titulis apparet, obscuram esse formarum cognitionem, pariter verò utilem esse. Rursùm Scaliger: In magno periculo versamur, ne nullam veram teneamus definitionem, ne nostra scientia repat humi circà sola accidentia. Et alibi: Nomina tu lapidis, qui quotidie tuis oculis obversatur, formam, & Phyllida solus habeto. Nego tibi, ullam formam esse notam nobis plenè & planè: nostramque scientiam esse umbram in Sole. Formarum enim cognitio est rudis & confusa, nec nisi per circumstantias, *Exercitat. 101. sect. 14.*

Exercitat. 307. sect. 12. Adcò nunc maxime humi repit scientia nostra, & difficultas quidem non tam retrahit fugientes, quàm ultrò euntibus addit calcar. Utilis certe est cognitio, quatenus corpus naturale constituunt, distinguunt, operationibus instruunt, & propter omnia ista perfectam scientiam largiuntur.

III. *Causa propter quam corpus naturale constituitur.* Formæ munia exprimitur vulgò, quod det esse, distingui, operari, Aristoteles 1. *Metaph. 7. lib. 7. cap. 13. 2. Physic. 3. 1. de generat. animal. text. 55. lib. 2. de generat. animal. text. 53.* Nimirum, quatenus se ipsam communicando ultimam largitur perfectionem, & constituit speciem.

IV. Cæterùm de origine formarum multiplices lites invicem serunt metuntque Philosophi. Prima sententia est Averrhois (uti quidam censent Franciscus Bonamicus lib. 2. de motu cap. 29. & Joh. Bodinus lib. 1. Theatri natura pag. 67.) vel potius Thomæ Aquinatis, qui docet, formas de potentiâ materiæ educi, *part. 1. Summa Theolog. quest. 90. art. 2.* Sequuntur ac defendunt Scholastici Doctores Petrus Fonseca lib. 5. *Metaphys. cap. 2. quest. 4.* Fr. Murcia *part. 2. Cursus Philosoph. pag. 81. seqq.* Johan. Gallégo lib. 3. de principis generationis cap. 14 15. Samuel de Lublino *Commentarius ad libros Physicorum pag. 84. seqq.* Fr. Suarez *Disputat. Metaph. 12. sect. 1. & 2.* Fortunius Licetus lib. 1. de spontaneo viventium ortu cap. 83. & lib. 4. cap. 15. Phil. Mocenutius lib. 3. *Contemplat. Philosoph. part. 2. cap. 11. 12.* Franc. Bonamicus lib. 1. *Commentar.*

mentar. phys. cap. 9. fol. 27. seqq. Franc. O. viedo in *Cursu Philos. Disput. Phys. 3. sect. 4. Disputat. 4. sect. 8. 2. 3.* Joh. Poncius Legionensis in *Cursu Philos. Disput. Phys. 4. quest. 2.* Wilhelm. Chabronus in *Cursu Philos. Tomo 2. pag. 141. seqq.* Alb. Kyperus lib. 1. *Institutionum Physic. cap. 6. dist. 11. seqq.* Didacus Mafius *Commentarius ad lib. 1. Physicorum pag. 262. seq.* Philippus de Trinitate in *Summâ Philosophicâ lib. 1. Physicâ pag. 443. seqq.* Bernhardus Morifanus *Commentarius ad Physicam Aristotelis pag. 302. seqq.* Fr. Vicomercatus lib. 2. de principijs rerum natur. cap. 9. 10. 11. 12. Joh. Velcurion lib. 1. *Institut. Physic. cap. 20.* Verum inania verba, uti solent, effundunt, & dant vacuos sine mente sonos. Poterat quidem tolerari genus dicendi, *formas educi de potentiâ materiæ*, id est, formas latere in materiâ, & materiam actu ipso informare hæcenus, ne corrumpatur, porro etiam cum in matrice debitâ reconditur, elaborando materiam introducere corpus articulatum, ut compositum existat in naturâ. Itâ sementrici in arêâ depositum continet materiam & formam, & hæc quidem conservat hæcenus istam, ne pereat; deinceps etiam, cum in agrum benè præparatum injicitur, favente cœlo, elaborat, ut culmus enascatur, qui tritici grana alia ferat. Hæc benè dicuntur, sed nondum constat, à quo formæ illæ producantur, & verò Interpretes non foveant opinionem illam, uti in progressu constabit.

V. Nos contrâ sententiam vulgatam insurgimus hoc argumento: Quæcunque sententia nequit explicari ut sufficiat animis temperatis, illa meritò habetur

suspecta. Atqui sententia de formarum de potentiâ materiæ educatione explicari nequit, ut sufficiat animis temperatis. Ergò meritò habetur suspecta. Minoris confirmationem quæramus apud Interpretes, & inveniemus. Antonius Ruvio scribit: Quid sit forma de potentiâ materiæ educi, explicuit D. Thomas, & asserit, duo includere. Unum, quod forma fiat in actu, cum prius solum erat in potentiâ, alterum, quod dependeat in esse & fieri à materiâ, lib. 1. *Commentar. physic. pag. 103.* Hoc incertiores dimittit Lectorem, quàm accepit. Non enim ostendit, quomodo fiat illa formarum de potentiâ materiæ educio, de quo tamen quæritur. Si enim *de potentiâ materiæ educi* nihil aliud est, quàm actu incipere, & citrà materiam nec esse, nec fieri, integra quæstio remanet, undè scilicet formæ istæ sint, quæ actu esse incipiunt, & nec fieri nec esse possunt citrà atque extrâ materiam? Num scilicet ex materiæ substantiâ, an verò ex ejus accidentibus, an denique ex nihilo proveniant? Non ex substantiâ materiæ, quam immutabilem esse ipsimet Adversarii contendunt, igitur in formam converti non potest. Non ex accidentibus materiæ, quoniam absurdissimum ubique sapientiæ est, accidentia in substantias converti. Non denique ex nihilo, quia nec admittunt istud, nec admittere possunt. Quod enim de materiâ educitur, illud non producitur ex nihilo. Ubi aliquid est, ibi non est nihil: ubi aliquid fit ex aliquo, ibi non fit aliquid ex nihilo. Imò ex nihilo nihil fit, nihil producitur, nihil generatur, sed ex nihilo aliquid creatur.

tur. Atqui formæ generantur hodiè, non verò creantur, uti in mundi origine.

VI. Conimbricenses scribunt: Omisâ hac de re Philosophorum sententiâ, dicimus, ut aliqua forma de subjectâ potentiâ educi perhibea:ur, duplicem conditionem requiri & sufficere. Unam, ut ad hoc naturalis potentia subjecto insit, alioquin ipsaeductio non esset naturalis. Alteram, ut quod educitur, sine talis subjecti adminiculo nec effici, nec permanere possit, quod vocant, pendere in fieri & conservari à materiâ. Etenim quod non ità dependet, haudquaquâ de subjecto educi, sed extrinsecus advenire censetur, uti Aristoteles de animâ enunciat. Ità patet, utramque conditionem requiri, nec verò est, cur illâ amplius addatur, *lib. 1. Commentar. physic. cap. 9. quest. 11. art. 5.* Verum nec illi aliquid lucis addunt plenæ caliginis doctrinæ. Conditiones describant quas volunt, nunquam ab illis derivabunt originem. De naturali potentiâ illâ quæ subjecto inesse debet, quaeritur, an substantia sit, an verò accidens materiæ? Neutrû sine manifesto errore dici potest, uti paulò antemonstravim⁹. Porro, extrâ materiâ quidem non fiunt ullæ formæ non tamen ex materiâ istæ fiunt. Gilbertus Jacchæus *lib. 1. Institut. physicarum cap. 3.* quaerit: *ubi fuerit forma, antequâ produceretur?* Nos dicimus, quod existerit in causis suis efficientibus, à quibus tunc, quandò existeret cepit, simul cū materiâ procreata est. Respondet ipse: *Non fuisse antequâ in materiâ, & quidem actu, neque ex nihilo fieri posse formas.* Verum hæc responsio non est ad rem. Semper recurrit

quaestio: Unde sint formæ illæ, quæ hætenus non fuerunt? & unde fiant formæ illæ, quæ ex nihilo nō fiunt? An ex materiæ substantiâ, an ex accidentibus, an ex nihilo? Non *stud.* quia materiatum nullū potest producere substantiam imateriatā. Non *illud*, quia ne mille quidē accidentia possunt unam substantiâ producere. Non *hoc*, quod omnes ipsi negant. Pergit Jacchæus; *Dicimus, fuisse formas non quidem actu, sed tantum potentiâ in sinu materia.* Atqui non debebat inquirere, ubi lateant formæ, sed unde productæ sint formæ illæ quæ latent in materiâ, & quæ potentiâ non educunt in actum, ut operentur? Quod in materiâ sint & conserventur formæ, aut rectius dicendo, quod in materiâ sint formæ & conservent eam, manifestū est, neque verbis multis eget, hoc verò docere Jacchæus debebat, unde oriatur forma, quæ materiam conservat & informat? Sequitur apud *Jacchæum*: Omnes formæ excitantur de sinu materiæ, beneficio dispositionum earum, quas agens in materiam quasi inducit, exceptâ animâ rationali, quæ non educitur de sinu materiæ, verum à Deo creatur. *Respondeo*: Hæc verba sūt perinde uti alia, obscura, incerta. An *excitari* est idem quod *produci*? Non est, sed notat, cum productū aliquid fuerit, ad operationem inducere illud. Et quænam sunt illæ dispositiones? Namque dispositiones, velut accidentia, non posse formam, quæ substantia est, producere, apud omnes in confesso est. Porro quæ nā est illa causa agens? An Sol & astra? Certè ità formæ inducuntur in materiam, non verò de potentiâ materiæ educuntur.

VII. Hanc perplexitatem congeriem

vidit Fr. Toletus, adeoque in ista erumpit verba: Fateor virtutem (*forma productivam*) esse mirabilem quæ participat aliquid virtutis creativæ, sed non est, cum semper circâ subjecta operetur. Est etiam mirabilis virtus materiæ, è cuius potentiâ educuntur, quæ actu non sunt, non tamen quia mirabilis est, negari debet, *lib. 1. de generat. & corruptione cap. 3. quæst. 2.* Sed frustra ille miratur virtutem formæ productivam, frustra mirabilem esse dicitur virtutem materiæ, ex cuius potentiâ educantur formæ. Quod enim non est nisi in vano conceptu, illud mirabile non est. Super quâ ipsâ re conqueritur Bened. Peverius, negatque animo suo explicationes Doctorum satisfacere, *lib. 14. Philos. naturalis cap. 9.* Qui tamen nec perspicua alia tradit, nec à receptâ sententiâ discedit, nimis reveritus Scholasticæ Dictaturæ potestatem. Tum quoq; prorsus intolerabile est, *quod virtus forma productiva trahat de creativa.* In naturâ institutâ formæ ortum suum per modum creationis habebant, sed in naturâ constituta formæ omnes generantur. Adversarii brevissimo saltu ab educatione ad inductionem properant, & Naturam vegetantē statu suo dejectam, non tam corporum viventium, quàm cadaverum productivâ fingunt. Et tantum de argumento primo.

VIII. Secundo: Quæcunque sententia nō exprimit causam principalem & proximam, illa non est veritati consentanea. Atqui sententia de educatione formarum è potentia materiæ non exprimit causam principalem & proximam. Ergò non est veritati consentanea. Major ninitur vulgaræ Logicorum Regulæ: *Omnis effectus se-*

quitur causam principalem & proximam. Minor patet, quando educationis Patroni hæctenus nullam causam proximam expresserunt, quæ agat, quæque formam è potentia materiæ educat. Cælum, Sol, astra quidem obtenduntur, quo tamen deserunt viam, & ab inductione, sententia perinde falsa, patrocinium quærunt ad stabiliendam educationem. Cælum, Sol, astra, causæ universales & remotæ sunt, adeòque in negotio præsentis frustrâ adducuntur, ubi causa principalis, determinata, specialis nominari debet. Ratio manifesta est: *Causa universalis semper idem agit.* Atqui in productione corporum naturalium sunt effecta mille modis distincta. Sic in horto uno ad unius Solis radios vel centum species herbarum invicem diversæ nascuntur. Igitur Sol nō est causa proxima.

IX. Tertiò: Quæcunque sententia communicationem substantiæ in generationis opere abrogat, illa est absurda. Atqui sententia de formarum è potentia materiæ educatione abrogat communicationem substantiæ in generationis opere. Ergò est absurda. Major ninitur vulgaræ Regula: *Generans communicat substantiam genito.* Minor constat Substantiæ communicatio infert secum communicationem formæ, veluti quæ dat esse rei, atque est pars excellentior corporis naturalis. Quoniam igitur generans dat formam genito, quæritur porro, quando hoc præstet? Dubio procul tunc cum generat, id est, cum semen emittit. Postquam hic actus expletus est, omnis influxus generantis cessat. Quo stante, cadit educio, stante verò educatione, cadit verissima illa substantiæ communicatio, neque datur vera generatio.

X. Quartò : Quæcunque sententia infert principiorum ex sese invicem productionem, illa veritati repugnat. Atqui sententia de formarum: è potentiâ materiæ eductione infert principiorum ex sese invicem productionē. Ergò veritati repugnat. Major nititur vulgatâ Regula: *Principia non sunt ex sese invicem*. Minor probatur: Docent Adversarii, tria esse principia corporis naturalis, materiâ, formâ & privationem. Non oriri, formam à formâ strenuè, nec minus falsò pugnant, ut Traductionem evertant. Igitur forma proveniet vel de materiâ, vel de privatione. Utrum dixeris, principia ex sese invicem fieri statuendum est. Neutrum dicere volunt aut possunt. Est enim privatio. Non. Ens, atque ità ex nihilo effectus aliquid, commento absurdissimo. Materia non est origo formæ, quæ est res immaterialis. At qualis materia est, tale quoque est materiatum.

XI. Quintò: Quæcunque sententia infert effectum præ causâ suâ nobiliorem illa est inanifestò falsa. Atqui sententia de formarum è potentiâ materiæ eductione infert effectum præ causâ suâ nobiliorem. Ergò est manifestò falsa. Major nititur vulgatâ Regula: *Effectus non excedit vim causæ*. Minor probatur: Quod si materia producit formam, utique effectus præ causâ suâ nobilior est. Rursum: Quod si Cælum, Sol, astra sunt causæ efficientes eductionis formæ, utique Cælum, Sol, astra nobilitate sôâ præ viventibus excellent; Impossibile verò est, ut vivens progeneretur ab illo quod vitæ expertus est. Quod vitam in se non habet, non potest alteri vitam dare. Hic

se torquent Adversarii, & quam fugam rapiant, non capiunt, sed errorem errore cumulant, & calorem insitum materiæ obiciunt. Noverunt ipsi, quod accidens ignobilius sit præ substantiâ. Calor accidens est, forma verò substantia est. Quomodo accidens producat substantiam?

XII. Sextò: Quæcunque sententia infert accidentis citrà subjectum inhærentiæ operationem, illa veritati contradicit. Atqui sententia de formarum è potentiâ materiæ eductione, infert accidentis citrà subjectum inhærentiæ operationem. Ergò veritati contradicit. Major nititur vulgatâ Regula: *Accidens neg, est; neg, operatur citrà subjectum*. Minor probatur: Calor accidens est, atque ille, uti docent Adversarii, formam educit è potentiâ materiæ. Quodnam verò est caloris huius subjectum? Quæ omnia exactius considerabat Zabarella, & negabat, vulgatam illam opinionem de eductione formarum è potentiâ materiæ per causâ externâ actionem, in viventibus locum habere, quando veritati magis consonum sit, animæ vegetantis esse propriam conditionem, ut generans traducat aliquid de materiâ & formâ suâ, *libre de facultatibus animæ cap. II.*

XIII. Instat Pererius: (1) Quicquid producitur ab agentibus materialibus per dispositiones & actiones materiales, illud de potentiâ materiæ educitur. Atqui formæ, produciuntur ab agentibus materialibus per dispositiones & actiones materiales. Ergò de potentiâ materiæ educuntur. *Respondeo*: Negatur minor. Impossibile enim est, ut illud, quod

quod neque in materiâ, neque in potestate agentis est, de materiâ potentiâ per actiones & dispositiones materiales producat. Formas verò non educi de potentiâ materiâ, hæcenus ostendimus. (2) Quicquid dependet à materiâ in fieri; & nō potest generari extrâ materiam, illud de potentiâ materiâ educitur. Atqui formæ dependent à materiâ in fieri, & non possunt generari extrâ materiam. Ergò, *Respondeo*: Negatur consequentia majoris. Neque enim illud, quod in fieri dependet quodammodo à materiâ, & intrâ materiam generatur; eo ipso materiæ imputatur ortum suum. Lumen non producit nisi in aëre, motus non fit nisi in vacuo, nec tamen lumen habet ortum suum ab aëre, motus à vacuo. Itaque quoque licet forma intrâ materiam generetur, eique copuletur, non tamen eam ob causam forma oritur de potentiâ materiæ. (3) Quicquid dependet à materiâ in esse, & in materiâ subsistit, illud de potentiâ materiæ educitur. Atqui forma dependet à materiâ in esse, & in materiâ subsistit. Ergò, *Respondeo*: Negatur consequentia majoris, ut dictum est solutione argumenti præcedentis. (4) Quicquid dependet à materiâ in operationibus suis, illud de potentiâ materiæ educitur. Atqui forma dependet à materiâ in operationibus suis. Ergò de potentiâ materiæ educitur. *Respondeo*. Elenchus idem. Quod forma operatur in materiâ, evincit quidem, non agere formam separatam à materiâ, sed quæ sita integra remanet, undè videlicet formæ illæ proveniant, quæ nō possunt fieri, esse operari extrâ materiâ? Itaque quæcun-

que portū cōfugere volunt eductionis Patroni; certum naufragiū facere coguntur.

XIV. Hæcenus fuit sententia prima. Secunda est Avicennæ lib. 1. *Metaphys. cap. 4. 5. lib. 6. natural. part. 4. cap. 4. lib. 1. Sufficit. cap. 1.* ubi docet, formas extrinsecus induci, sive in materiam præparatam à Cœli Solisque viribus immitti. Hanc vim prolificam Cœlo insitam appellat Colchoidem, id est, omnium viventium effectricem, ut sit כולדית *Colchoidem* pronunciat Joh. Henr. Alstedius lib. 7. *Encyclopæd. part. 1. Physicæ cap. 4. Regula 5.* & Averrhoi, imponit istud dogma, exponitque de materiâ primâ, è quâ velut matrice res corporeæ educuntur, & ad quam formæ omnes redeunt. Sic illi. Verum Averrhoës non est doctrinæ ejus autor, & de formarum ortu loquitur Avicenna. Sequuntur eum Joh. Fernelius lib. 1. de *abditis rerum causis cap. 7. & lib. 7. Physiologia cap. 5.* Rodolphus Goclenius in *Physicâ generali lib. 1. pag. 63. seqq.* Joh. Bodinus lib. 1. *Theatri naturæ pag. 96. 97. & in Methodo historica cap. 8.* Guillelmus Harvæus libro de *generat. animal. cap. 49. 50. 51. 53.* Nos equidem concedimus, multum juvare cœlum & Solē ad propagationem & conservationem viventium omnium, id quod experientia quotidiana satis ostendit; verum quod viventium formæ per se à Cœlo & Sole inducantur, non approbamus. Itaque prolixè refellitur à Fortunio Liceto lib. 1. de *spontaneo ortu viventium cap. 25. seqq.*

XV. Argumentamur: (1) Effectus determinatus non producit ab Efficienti universali. Atqui plantarum & viventium species sunt effectus determi-

natus. Ergò non sunt ab efficiente universalis. Minor constat; In uno horto sub unius cœli influxu varii flores, variae plantae nascuntur, adeoque quod in se unum est, uno modo agit. (2) Effectus non excedit vim causae. Atqui viventium formae excedunt vim Cœli & Solis. Ergò non sunt effectus Cœli & Solis, velut causarum. Minor probatur; Cœlum & Sol sunt corpora inanimata, formae vivunt. Quomodò Cœlum dabit animas vitamque aliis, utpote quibus ipsum caret; (3) Quicquid evertit generationem, opus Naturae excellentissimum, illud veritati repugnat. Atqui sententia de formarum inductione evertit generationem, opus Naturae excellentissimum. Ergò veritati repugnat. Minor probatur: *Generans communicat substantiam genito.* Substantia verò materiam perinde & formam complectitur. Formam si extrinsecus accedere statuas, partem substantiae nobilissimam à generante divertis, & generationis opus enervando tollis. Hinc *Scaliger* ait: Si ita esset, nulla esset generatio, est enim generantis & generati. Hæc duo sunt numero, in specie unum. Aut igitur erit æquivoca omnis generatio, aut etiam nulla. Neque enim formam dederit Adamantius catellus, sed materiam tantum Therion illo. Tunc erit Therion illius Solis filius, aut Veneris, aut alius. Ab illo namque materia sine forma deducta est, *Exercitat. 6. sect. 5.* (4) Quodcunque vim prolificam habuit ante Solis productionem, illud non accipit formam vitamque suam à Cœlo. Atqui plantae vim prolificam habuerunt ante Solis productionem. Ergò plantae non acci-

piunt formam vitamque suam à Cœlo. Major constat: Vis prolifica est proprium formae substantialis opus. Minor probatur: Deus rerum opifex iussit plantas viribus instructas flores & fructus proferre, & seminis ope sese multiplicare, antequam Sol in cœlo repositus luce sua in hæc sublunaria ageret. *Genes. 1. 11. 12. 13. Psalm. 104. 14. 15. 16. 17.* Quamobrem etiam dicitur *Genes. 2. 5. Nec dum enim pluerat Dominus super terram, nec quisquam erat, qui coleret terram.* Scilicet, ne quis existimaret, herbas aut arbores opera causarum naturalium provenisse, de qua re vide Rabbium Maimonidem in *Mora Nevochim lib. 2. cap. 30.*

XVI. Fernelius regerit: (1) Multae plantae & arbores, multa animantia nascuntur è putrida materia, unde illis forma datur, nisi à Cœlo? Reliqua animantia, quæ seminis ope multiplicantur, si formas à generantibus accipiunt, sequitur absurdum, videlicet culicem & vermem esse cum nobiliori origine, quam hominem aut leonem. *Respondeo:* Non magis apud frutices & vermes efficit cœlū, quam apud homines, videlicet causa universalis, causa remota Nec enim verum est, *quod frutices & vermes tantum sint à cœlo*, habent enim originem suam è semine, perinde uti homo generatur è semine. Præterea non valet illatio; *Nobilior est origo culicis, quam leonis.* Sanè quamvis eulex à cœlo formam haberet; ob id nobilior haud esset. Nobilior est anima vivens præ calore Solis, illa est substantia, hic verò est accidens, illa vitæ compos est, hic ejus nihil habet. Proinde nobilior origo eorum est, quæ à forma vi-

vente propagantur. (2) Nec materia nec forma seorsum generatur, verum compositum, 12. *Metaphys.* 3. Ergò in generationis opere non producantur formæ, sed comproducantur. Formæ itaque non generantur à causis inferioribus, sed omninò inducuntur ab efficientibus cœlestibus. *Respondeo* : Distinguitur antecedens. Partes compositi producantur in generatione inchoatâ, & compositum ipsum producit in generatione consummatâ. Hæc non pugnant invicem. (3) Sol & homo generant hominem, dicente Aristotele, 2. *physic. text.* 26. Duz igitur in homine sunt efficientes procreantes, quæ cum diversæ sint, non possunt unum idemque opus producere. Homo præparat materiam, Sol immittit formam & hominis exemplo, omnes aliæ formæ in generatione corporum naturalium cœlitus immittuntur. *Respondeo* : Sol non magis immittit formam, quàm præparat materiam, scilicet uti causâ universalis agit remotè, fovendo omnia viventia, ut à blando auræ præparatæ complexu vegetentur. Forma vivens uti causâ proxima ex se propagat formam, & cum materiâ suâ traducit. (4) Forma vel educitur de potentiâ materiæ, vel in eâ inducitur. Atqui non est prius, uti rationes multæ evincunt. Ergò est posterius. *Respondeo* : Formæ nec educuntur, nec inducuntur, sed traducuntur. (5) Corpora naturalia habent equidem materiam Elementorum, nec tamen habent illorum motum. Ergò formam, à quo motus dependet, aliundè habebunt, quàm ab Elementis, neq; potest alia nominari efficiens, quàm cœlum & Sol. *Respondeo* : Nulla fortè corpora na-

turalia ex Elementis Solis componuntur, quàm Meteóra, in quibus ita datur mixtio vaporum, ut eis non accedat forma substantialis. Hæc in solis viventibus est, atque ita illis inest, ut seipsam multiplicando conservet species, ne quæ pereat. (6) Motus omnis dependet à cœlestibus corporibus. Atqui generatio est motus quidam. Ergò dependet à corporibus cœlestibus. *Respondeo* : Motus viventium dependet à formis propriis, quas habent. Neque verum est, quod generatio sit motus. Est enim actio viventis, per quam sese multiplicat. (7) Docet Aristoteles lib. 1. *Meteor. cap.* 2. & lib. 2. *de generatione animal. text.* 58. quod corruptiones & generationes rerum perficiantur ab astris. Ergò ab astris inducuntur formæ in corpora naturalia. *Respondeo* : De causis universalibus agit Philosophus, & verò si fortè in negotio de formarum origine, propter defensam à se mundi æternitatem, aberravit paulò à veritate, an errori præstabit ille patrocinium iustum? (8) Si ab astris non dantur formæ viventium, usus eorum nullus est, neque agent quicquam commode nostro, quod cogitare velle absurdum est. *Respondeo* : Formas viventium producere, est actio formarum propria: Syderum verò opera sunt lucere in terris, distinguere tempora, tempestates movere, vegetabilia læto influxu recreare, *Genes.* 1. 14. 15. 16. 17. 22. 28. (9) Forma unitur cum suo corpore intervntu caloris innati. Atqui calidum innatum est originis cœlestis, non verò Elementaris. Ergò forma ipsa est originis cœlestis. *Respondeo* : Calidum innatum à primo usque

uisque ortu est corporibus viventibus connatum, atque unà cum eis multiplicatur, itaque per se Elementaris naturæ quidem haud est: forma verò etiam est cœlestis originis, non quod è cœlo immittatur, sed quod à sui simili formâ propagetur, quæ ab Elementaribus naturis distincta est.

XVII. Rêstat, ut veram de origine formarum sententiam exponamus. Duplex verò corporum naturalium datur origo, unum est *Creationis*, alterum est *Generationis*. Initium creationis cepit finivitque, postquam Deus intrâ sex dies condidit mundum, & septimo die quievit. Quæcunque corpora tunc producta sunt, materiam pariter ac formam acceperunt à Deo. Deus, inquam, creavit cœlum, terram, astra, mineralia, bruta, homines, plantas. Nulla enim ad istorum productionem virtus peculiaris in aquâ, terrâ, aëre concurrit, sed verbo Domini & spiritu oris ejus, qui moli primigeniæ incubabat, facta sunt, quæcunque in mundo subsistunt, *Genes. l. 2. Psalm. 33. 6.* Quanquam verò Antonius Ruvio *lib. 1. Commentar. Physicor. fol. 103.* Gabriel Vasques *part. 1. Commentar. Theolog. quæst. 45. art. 1.* Joh. Poncius Legionensis in *Curso Philosoph. Disputat. Phys. 4. pag. 415.* Joh. Magirus *Commentariis ad librum de anima pag. 69.* Johan. Zeisoldus *lib. 1. Institutionũ Physicar. sect. 2. dist. 24.* contendunt, has quoque formas in primo rerum ortu de potentiâ materiæ eductas fuisse, admodum tamen falluntur, ut nobiscum agnoscunt Conimbricenses *lib. 1. physic. cap. 9. quæst. 12.* Raimundus Mailhat in *Summa Philosophica Tomo 2. pag. 67. 68.* Philippus

de Trinitate in *Summa Philosoph. lib. 1. Physicæ pag. 446. seqq.* Res breviter ita constat: Quodeunque de nihilo producitur, illud de potentiâ materiæ non educitur. Atqui formæ primigeniæ de nihilo productæ sunt. Ergo de potentiâ materiæ non sunt eductæ.

XVIII. Postquam Deus cessavit à creationis opere, neque tamen universitas Rerum consistere ex se posset, Conservator esse voluit, Naturæ vicarias operas imposuit, Generationem instituit, quâ durante multiplicarentur species plantarum & animantium, atque ita Creationi ad finem perductæ successit Generationis; per quam Natura hæcenus conservatur. Eo sensu jam olim Epicurus docuit, semè esse *ψυχῆς καὶ σώματος ἀπὸ τοῦ πρῶτου* apud Plutarchum *lib. 5. de placitis Philosoph. cap. 3.* Et Zenoni Citiæz semen est *ψυχῆς μέγας ἀπὸ τοῦ πρώτου* apud Authorem definitionum Medicarum. Veritas nititur efficacissimis argumentis, quæ breviter adducemus: (1) Generans & generatum sunt unum specie, dicente Scaligero *Exercitat. 6. sect. 5.* Atqui compositum materiâ & formâ vivente constans non est idem specie cum materiâ, quæ formæ viventis expers est. Ergo corpus animatum vivens non generat animatum inanimè, sive materiatum formæ expers. (2) Per generationem conservantur species. Atqui solius materiæ propagatione non conservantur viventium species. Ergo non solum materia, verum insimul forma propagatur. (3) Quodeunque sibi simile progenerat, id formam ipsam in generatione communicat. Atqui viventia omnia sibi simile pro-

progenerant. Ergò viventia omnia formam ipsam in generatione communicant. Hanc sententiam tuentur Dan. Sennertus *lib. 1. Epitom. physic. cap. 3. & libro de Consensu Galenicorum ad Chymicos cap. 9.* Caspar Hoffmannus *libro de origine formarum*, David Crusius *lib. 3. Physica cap. 10.* Joh. Helmondus in *Initium Physicis lib. 3. pag. 128. seqq.* Joh. Combacchius *lib. 1. Physica cap. 2.* Antonius Roccus *libro de Anima Exercit. at. 4.*

XIX. Excipiunt: Viventia licet non traducant formas, generant tamen simile sibi, dum materiam & impressas ei dispositiones, ad formam aliundè inducendam aptas ei communicant, Thomas Frenus *libro de formatione fetus quæst. 6.* Gilb. Jacchæus *lib. 6. Institut. Physic. cap. 7.* Respondeo: Negatur, verè generare illud, quod tantum materiam dat quocunque modo dispositam, ut ad formam recipiendam apta sit. Omnes enim illæ dispositiones ad materiam pertinent, & quoniam viventia non communicant vivendi principium, non poterunt dici, quod secundum speciem sese multiplicent, quod sibi simile generent, quod generando conservent species.

XX. Proinde Aristoteles *lib. 2. de anima cap. 2. text. 20.* docet, animas quasdam sese multiplicare, eo ipso cum fatetur, quod plantæ nonnullæ divisæ & sejunctæ videntur vivere propterea quoniam anima quæ inest illis, actu quidem in plantâ quâvis est una, potentiâ verò multiplex, atque idem in animalibus quibusdam esse concedit. Quod si in plantis quæ divisæ vivunt, verum est, cur in aliis etiam quæ semine propagantur, verum

non sit, ut anima quidem sit actu una, & potentiâ multiplex, utpote quæ per semen æque ac illa per corporis divisionem, sese multiplicare possunt? Regerit *Fiennus*: Aliter producit nova planta è semine, aliter ex radice, furculis, frondibus. Ex his non fit planta nova, sed nova planta sunt, cum à plantâ refecantur suâ, & à toto accipiunt vegetativam animam multiplicatam per divisionem; & non acquirunt eam per quam sese augment. Contrà semen non est nova planta, quia animam non habet, sed evadit planta nova per animæ superventum à plantæ insitione in terrâ, quæ de novo producit, *l. d. quæst. 5. conclus. 6.* Respondeo: Etsi alius ad sensum videtur propagationis modus, qui ex radice & furculo est; & alius, qui ex semine est, tamen principalis causæ ratione idem est, cum proveniat ab eadem animâ. Et quod in semine anima verè inest, firmiter concluditur ex operationibus facultatis formatricis, quæ ubique sunt eadem, tum in semine, tum in radice, furculis, ramis, frondibus, foliis. Et quomodo radix vocatur *planta nova*, eodem modo & planta nova dici semen potest. Utrique enim anima sua inest, sed perfectio ultima deest, quæ est ab organis. Denique si forma per decussionem folii, radice, bulbi, rami multiplicatur, quare non etiam multiplicabitur in semine? Etsi enim semen non est pars plantæ, uti radix & furculus; attamen est fructus plantæ, qui perinde animatus est, uti partes animatæ sunt, imò animam nobiliore modo continet, utpote per quem anima semper & ubique propagari queat, quod in animalibus

libus per defectas partes fieri non potest. Nimirum manet, quod dictum est, *exi-
dem operationibus ejusdem animæ præsentiam
argui.*

XXI. Et sanè *Fienus* animæ præsen-
tiam in semine dum fit confirmatio, re-
ctè fatetur; atqui ejus originem & pro-
pagationem non rectè agnoscit, cum ait,
*à projecto semine in terram provenire for-
mam, & produci plantam.* Quod si enim
viventium seminibus anima nova indu-
citur, meritò quæritur de principio in-
ducente, quodnam sit principium istud,
quod semini in terram projecto, quod
ovo gallinæ incubantis, quod cani in ute-
ro existenti animam inducit? Nullum ille
potest nominare. Et quodcunque no-
minaverit, Deum, Solem, cælum, Spi-
ritum universi, calorem terræ uterique, o-
mnia ista inquam, evertunt generatio-
nem univocam.

XXII. Instant: Formæ nec fiunt, nec
generantur, sed compositum: non fiunt,
sed consiunt, nō generantur sed congene-
rantur. Ità differunt Thomas de Aquino
*part. 1. Summæ Theolog. quæst. 90. art. 2. &
Comment. ad lib. 1. physicorum text. 64. Ant.
Ruvio Commentar. ad lib. 1. phys. cap. 9. quæst.
1. Franciscus Toletus Comment. ad lib. 1. phy-
sicorum quæst. 19. Conimbricenses ibid. quæst.
12. art. 6. Joh. Freitagius Gröningensis dis-
seruat. de ortu formarum sect. 4. Verum ina-
nis est tergiversatio. Sive enim creen-
tur formæ, sive generentur: sive, inquam
inducantur, sive educantur, sive tradu-
cantur, perinde est, & sufficit, ut rectè di-
catur, formas produci & fieri. *Argu-
mentamur:* Quodcunque modo ullo or-
tum accipit, neque ab æterno existit,*

illud fit atque producitur. Atqui for-
mæ substantiales modo ullo ortum acci-
piunt, neq; ab æterno existunt. Ergò for-
mæ fiunt atq; producuntur. Majoris con-
sequentia probatur: Impossibile enim
est, initium accipere, & non fieri. *Deinde:*
Si formæ non fiunt, nec generatio rerum
secundum speciem suam in naturâ fieret.
Connexum patet: quia materia non
constituit speciem, ergò necesse est, ut
in generationibus specierum etiã for-
mæ fiant, quæ species constituunt. *Ter-
tiò:* Non possunt hoc diffiteri Adversari-
ii, cum toties dicunt, formas depende-
re à materiâ in esse, fieri atque operari.
Si Formæ dependent à materia in fieri,
utque fiunt. Quicquid enim ab alio in-
fieri dependet, illud fit.

XXIII. Conimbricenses reponunt:
Effectio cadit solum in rem per se subsi-
stentem. Atqui forma nulla, præter
rationalem, per se subsistit. Ergò nulla
forma fit vel producitur. *Respondéo:* Ne-
gatur major. Si enim formæ non fiunt,
quia per se non subsistunt, utique nec
materia fiet, quia hæc multò minus etiã
per se subsistit, velut pars compositi i-
gnobilior. Adeòque nihil fiet in ge-
nerationibus, cum nihil præter formam
& materiam insit in corporibus natura-
libus. Denique, quomodo corpus to-
tum fieri poterit, ubi nulla pars corpo-
ris fieri dicitur? Quin potius, *ut aliquid
fieri dicatur, non præcisè requiritur esse com-
pletum, sed quodvis esse sufficit*, ait celebris
Scholæ Thomisticæ Doctor Mendoza
Disputat. phys. 1. sect. 2. Benè quoad res,
malè quoad suos contribules.

XXIV. Antonius Ruvio instat: Fie-
rit

rerum ordinatur ad esse. Ergò ejus tantum est fieri, cujus est esse. Forma verò est sine esse, estque ratio essendi in composito, quod propriè dicitur esse. Ergò forma non fit, sed compositum. Quod si forma non fit, ergò nec fit ex materiâ, nec ex privatione, sed compositum dicitur ex utraque fieri, ratione formæ, à quâ habet esse, & cujus principia sunt materia, forma, privatio. Educti autem de potentiâ materiæ, non est per se fieri, sed in actum exire, tanquam rationem essendi compositi, quod per se generatur & fit. *Respondeo*; Falso dicitur, quod forma non fit. Contradictoria sunt, formam esse rationem essendi, & tamen non esse. Quod non est, quomodò ratio essendi esse potest? Quod ipsum non habet esse, illud nequaquam alijs dare potest esse. Ergò dictum Ruvionis jubente veritate invertimus: Forma est ratio essendi per quam compositum est. Ergò forma maxime est. Pergit Ruvio: *Solum compositum propriè dicitur esse*. Distinguendum est inter esse completum & incompletum, hoc formis, illud composito datus. Ut verò aliquid fieri dicatur, non requiritur præcisè esse completum, verum sufficit esse incompletum, quod suprà dicebat Mendoza. Contradictorium hoc etiam est: *Compositum dicitur fieri ratione formæ*. Si compositum fit ratione formæ, ut ait Ruvio, cur formam fieri negat? Potius, quoniam compositum ratione formæ fit, ipsa etiam forma fit: propter quod enim aliquid tale est, illud magis tale est. Atqui propter formam dicitur compositum fieri. Ergò forma ipsa fit, imò præcipuè fit, undè etiâ præcipua compositi pars est.

XXV. Toletus urget: Formæ omnes fiunt cum composito, & nō seorsum, ergò propriè non producantur, sed producuntur ad productionem compositi. Namq; actio determinatur primò & consequenter in ipso composito, sed velut per accidens in ipsâ formâ. *Respondeo*; Sive forma seorsum fiat, sive cum ipso composito fiat, tamen fit; sive primò sive secundò, sive antecederet sive consequenter, sive per se sive per accidens fiat & producat, tam è fit & producit. Nā & illa quæ *comproducantur*, quomodò negari possunt, quod *producantur*? Comproduci & confieri, uti nomine ita reipsâ inferunt & arguunt produci & fieri. Venæ, vasa, ungues, capilli, cutis & alia humani corporis membra non fiunt primò, verù secundò, quia cum ipso composito producantur. Ità ne vasa, venæ, ungues, capilli, cutis non fiunt, nō producantur? Rursus: Ungues fiunt cum digitis, oculi cum capite, digiti cum manu. Ergò non fiunt propriè, quia non fiunt seorsum? Absurdum! Planè autem falsum est, quod *forma per accidens velut producantur*. Antevertunt enim compositum, & per se generantur à formis, non per accidens. Quod si accuratius in rem perferatur, advertemus, quod formæ potius primò producantur, & mediante productione partium, formæ videlicet & materiæ, consequenter fiat compositum.

XXVI. Generatur verò anima per traditionem, ità ut generans genito formā novam, specie eandē, numero diversam communicet, eamq; in semine tanquā vehiculo comodo traducat. Adeoq; materia completitur formam suam propriam, &

forma conservat materiam suam; neque hoc tantum, sed etiam elaborat & efformat illam, ut porro in illâ, velut domicilio suo habitare possit. Itâ docet optimus Aristotelis Interpres. Themistius. *Commentariis ad lib. 1. de animâ*, eumque sequuntur Julius Scaliger *Exercitat. 6. sect. 5. & 9.* Daniel Sennertus *lib. 1. Epitom. Phys. cap. 3. & lib. 1. Institut. Medicar. cap. 10.* Argumentamur: Quæcunque formæ nec educuntur, nec inducuntur, illæ traducuntur. Atqui formæ rerum viventium nec educuntur, nec inducuntur. Ergo formæ illæ traducuntur. *Rursum*: Generationis instrumentum est vehiculum formarum. Atqui sensu est generationis instrumentum. Ergo semen est vehiculum formarum.

XXVII. Hanc traductionem oppugnant Johannes Fernelius *lib. 1. de abditis rerum causis cap. 7.* Joh. Freitagius *dissertatione de origine formarum*, Joh. Zeisoldus *in libello, tradux non tradux*. Michaël Watsonus *in Collegio Physico Disputat. 2. dist. 3.* Rationes adferunt: (1) Si forma propagat formam, ergo est divisibilis, quod absurdum est. *Respondeo*: Negatur consequentia. Neque enim est multiplicatio per divisionem, quæ rerum materiatarum propria est, sed per emanationem, quam multiplicandi sese vim Deus autor Naturæ impertivit formis, quando in primâ rerum origine dixit: *crecite & multiplicamini*, Genes. 1. 11. 12. 21. 28. (2) Si vivens formæ suæ propagatione generat, propagabit individuum. Falsum posterius, quia vivens propagat speciem seu vivens, non verò individuum, aliâs propagaret seipsum. *Respondeo*: Verum est

posterius, quod propagetur individuum. Actio enim est suppositorum. Rectè igitur dicas, quod se multiplicent individua ad conservandas species, illa generant ex se, hæ conservantur. Itâ vivens seipsum propagat, id est, multiplicat, adeoque generat e & generari est proprium individuum, non verò specierum. (3) Principia non generantur, sed principiata. Forma est principium. Ergo non generatur. *Respondeo*: Non minus totum generatur, quam partes ejus, hæ quidem fiunt per generationem inchoatam, illud producit in generatione consummata. (4) Quicquid generatur, illud generatur ex aliquo præexistente. Atqui formæ non fiunt ex aliquo præexistente. Ergo non fiunt per generationem. *Respondeo*: Negatur minor. Forma propagatur ab aliâ, quæ actu existit, & generantis forma ex sese propagat formam geniti. (5) Si forma generantis propagat formam geniti, erit forma geniti composita, quia habebit formæ aliquid à patre, aliquid à matre. *Respondeo*: Non quidem ex sed à formis duabus provenit forma tertia, non uti ex materiâ, sed velut ab efficiente. Efficiens est causa externa quæ non ingreditur rei essentiam, itaque nec componit, sive una sive plures operentur. Generantium formæ verò nec ad materiam, nec ad formam, sed ad efficientem causam pertinent, itaque formæ genitorum ab utroque generante datæ non perdunt simplicitatem. Deinde: Compositio tantum diversæ speciei rebus competit, si verò ejusdem speciei specialissimæ res invicem copulantur, nulla oritur compositio. Itâ ignis qui à diversis

lis flammis accenditur, aut lux validissima quæ à candelis duabus in uno loco efficitur, composita esse negantur. (6) Si formæ generantium propagant geniti formam, decedet aliquid formæ generantis & sensim illa diminuetur. *Respondeo*: Negatur consequentia. Formæ non habent partes quantitativas, atque ita nullâ sui parte vel minui vel augeri possunt, quando se multiplicant secundum leges à Deo in naturæ institutione dictas. Quomodo arbor una mille poma educit, seminibus multis gravida, à quibus arbor similis provenire potest, & tamen forma pomî arboris non diminuitur, sed eadem tota manet. Et quomodo candelâ una plures candelas admotas ex sese accendere potest, ut tamen flammæ ejus nihil decedat. (7) Semen est excrementum tertiæ concoctionis, itaque non est ejus præstantiæ, ut sit commodum vehiculum formæ. *Respondeo*: Semen non est excrementum, sed est fructus. Neque ex tertiæ concoctionis reliquiis oritur, sed ex sanguine venoso & arterioso, atque spiritibus vitalibus in vas suis imprægnatur. Itaque vehiculum idoneum est formæ traducendæ in quovis animatorum genere. (8) Forma est immateriata, igitur in fieri & esse non dependet à semine, quod materiatum est. *Respondeo*: Negatur consequentia: Formæ non repugnat materiæ in quâ, adeoque potest traduci, quamvis immateriata sit. Tantò magis quoque requirit materiam in quâ, cum forma sit, quæ in fieri, in esse, in operari dependet à materiâ.

XXVIII. *Estque vel Generica vel Speci-*

fica. Generica est, quæ aliquando informat.] Tunc nimirum, quando est sui juris, uti format terræ, æris, aquæ, ignis quæ Elementa ista, quibus velut subjectis propriis insunt. Quatenus verò sunt in corporibus mixtis, non tam per se regunt, quàm reguntur ad formæ superioris dominium, atque materiæ vicem sustinent, ut rectè ait Jac. Zabarella libro de generat. & corrupt. cap. 2. Forma superior est illa quam vocamus specificam, & verò formæ genericæ cum viventibus insunt, dant viventibus esse subjective. Hoc est, quod vulgo dicunt, formam genericam aëlem equidem dare, sed imperfectum. Namque ad materiam pertinet, quæ demum formæ addita existentiam describit, & speciem absolvit.

XXIX. *Specificam est, quæ semper informat.*] Tunc nimirum, cum speciem efficit, certarumque affectionum & effectuum causa existit. Per hanc leo rugit, canis latrat, homo ridet ac ratiocinatur. Suntque formarum specificarum tot differentiæ, quot corporum species, & illæ quidem inter se differentes facultatibus atque efficacis.

XXX. *Estque vel materialis vel immaterialis. Materialis est, quæ semper à materiâ dependet.*] Tales sunt formæ vegetabiles in plantis, & sensitivæ in brutis, quæ ita materiæ sunt immersæ, ut sine eâ existere non possint. De his formis acerrima controversia movetur: *An sint substantiæ?* *Respondeo*: Negant Franc. Patricius Tomo 4. discuss. Peripatet. lib. 3. fol. 385. Bernhardus Telesius lib. 2. de naturâ rerum cap. 24. 25. Sebast. Ballon lib. 5. Philos. naturalis pag. 215. seqq. David Dero-

don *part. 1. Physica contracta cap. 3. dist. 11. seqq.* Johan. Phocylides Holwardain *Physica generali cap. 8.* Henricus Regius in *fundamentis Physicis cap. 2.* David Görlæus in *Collegio Philosophico Exercitat. 14.* Atque ex horum mente formæ illæ sunt mera accidentia. Nos argumentamur: Quodcunque dat esse, distingui, operari, illud est substantia. Atqui formæ materiales dant plantis & brutis esse, distingui, operari. Ergo formæ materiales sunt substantiæ. Minor probatur: (1) Quod si formæ illæ non essent substantiæ, corpora animata essent Entia per accidens. (2) Quodcunq; composito dat speciem singularem, illud est substantia. Atqui forma dat composito, ut illud sit species singularis. Ergo forma est substantia. (3) Quodcunque ex se generat, & generando conservat speciem, illud est substantia. Atqui formæ materiales ex se generant & generando conservant speciem. Ergo formæ materiales sunt substantiæ. (4) Quodcunque certarum actionum principium est, illud substantia est. Atqui formæ materiales certarum actionum principia sunt. Ergo formæ materiales substantiæ sunt.

XXXI. Excipiunt *Basso & Görlæus*: (1) Ens per accidens illud est, quod constat ex iis quæ non naturaliter ordinantur. Atqui forma & materia, quia naturaliter ordinantur ad constituendum corpus naturale, non faciunt ens per accidens. (2) Forma non dat composito naturali, ut illud sit species singularis, verum hoc materia facit. (3) Generatio consummata in quâ producitur compositum, conservat speciem, non verò generatio inchoa-

ta, in quâ forma producitur. (4) Actionum principium est totum compositum, non verò forma, alioquin omnia composita easdem haberent operationes, secundum illud: *Idem quâ idem semper facit idē.* (5) Quicquid in alio existit dependenter, illud est accidens. Atqui formæ materiales existunt in materiâ dependenter. Ergo sunt accidentia. (6) Formæ substantiales corporum naturalium generantur. Atqui formæ materiales non generantur. Ergo non sunt substantiæ. Hæc illi. *Respondeo*: (1) Definitionem illam retinendo, perstat ratio immota. Naturæ statutum est, ut ex duobus actu existentibus produceretur compositum. Verum accidens non habet nisi existentiam diminutam. (2) Compositum quidem habet à se actum entitativum, a tramen formalis actus prior est naturâ, adeoque non potest inesse alii principio quàm formæ, atq; ei tali ut substantia sit. (3) Generatio inchoata est actio quædam, adeoque non frustrâ quærat, à quo principio semen foveatur, & ad generationem consummatam perducatur? Formæ istud opus est, quæ si accidens esset, substantiâ non produceret. (4) Actionum principium est quidem compositum, ita verò ut compositi partes aliæ operentur, aliæ cooperentur. Pars quæ operatur, forma est; quæ cooperatur, materia est. Et quia forma operatur, substantia est; accidens non est, quod à se nullas operandi vires habet. Dicunt, *omnia composita easdem habere operationes.* Fallum! Non solum enim variaz formarum dotes sunt, sed variaz quoq; animatorum formæ, à quib' variaz operationes proveniunt. (5) Nō omne illud accidens est,

est, quod in alio existit dependenter, sed quod ita subiecto inest, ut ejus operationibus dependenter inserviat. Hoc modo formæ materiales non sunt in subiecto, quando à se existunt, & in materiâ operantur, non per modum instrumenti, sed uti causæ principales. (6) Quod formæ omnes, sive materiales illæ sive immateriales sint, generentur, abundè in præcedentibus dictum est.

XXXII. Instat *Cartesius*: Operationes sensitivæ & vegetabiles in brutis & plantis non nisi ob partium accuratam constructionem, quemadmodum in horologiis, sunt, ut quantitas, motus, locus eis dent omnia ista, neque opus sit animâ subsistente. *Respondeo*: At quam ille statuet causam naturalem constructionis ejus organicæ in plantis & brutis, à quâ illa sunt & diriguntur? An seipsas formant partes corporis hujus? an motus, locus, quantitas à se existunt, à se agunt, à se desinunt? Cum ratione insanit, qui dicit, esse aliquid causam sui ipsius, & partes à partibus informari. Atqui sicut lyra non docet Musicum, neque forceps fabrum, uti loquitur *Galenus lib. 1. de usu partium cap. 3.* Sed est uterque ipsorum artifex per eam quâ præditus est, rationem, ita etiam in plantis & brutis inest causa efficiens organorum, quæ & facit illa, & influit in illa. Nempe forma vegetans & sensitiva, quæ organa ipsa usibus suis idonea format, perque illa functiones suas exercet promovetque. Certè horologium non agit, nisi à rationali causâ formetur & regatur, ut agat.

XXXIII. *Immaterialis est, quæ ali- quando à materiâ non dependet.* Talis est forma hominis, quæ potest sine corpore durare in statu separato. Utraque verò forma tota est in toto composito, quia omnes compositi totius partes informat. In parte verò qualibet forma utraque tota non est. Materialis enim ad extensionem materiæ extenditur, ita ut hæc pars in hac parte & pars alia in alia parte detur. Res probatur *argumento*: Quæcunque formæ extensæ sunt ad extensionem materiæ, illæ non sunt totæ in qualibet totius parte. Atqui formæ materiales extensæ sunt ad extensionem materiæ. Ergo formæ materiales non sunt totæ in qualibet totius parte. Major patet, quia extensio nihil aliud est quàm partis extrâ partem positio. Minor ex divisibilitate constat. Esse enim divisibiles formas illas, veritas monstrat. Ramus ab arbore præsectus, inque aliam stirpem traductus facillè coalescit, atque fructus profert. In verme dissecto, portio capiti adhærens movetur cum capite, portio altera caudæ adhærens movetur unâ cum caudâ. Lumbricus in multas partes divisus, & sensum & animam in omnibus portionibus longo tempore conservat, hinc acuto ferro compuncta particula sese movet, ut non moveantur partes aliæ non tactæ. Forma immaterialis citrà extensionem & divisionem est, ut pluribus docebimus *infra lib. 9. cap. 4.* Itaque rectè dicitur, quod tota sit in toto, & tota in qualibet parte corporis sui.

CAPVT QVINTVM.

Diatriba singularis de Naturâ.

SUMMARIA.

1. Definitio Naturæ.
2. Natura est principium internum & externum.
3. Resolutio quæstionis.
4. Refellitur Scribonius.
5. Refellitur Bodinus.
6. Refellitur Zeisoldus.
7. Natura decrementum.
8. Solvuntur instantiæ.

1. **N**atura est causa interna, quæ corpus naturale subsistit atque agit. Doctores Scholastici vocant aliam Naturam naturantem, aliam naturatam, Joh. Altenstaig in *Lexico Theolog.* pag. 580. Rodolfus Goelenius in *Lexico Philosophico* pag. 747. Naturans est ipse Deus, qui res naturales creavit, conservat, dirigit. Ovidius: *Hanc Deus & melior litem Natura diremit*, lib. 1. *Metamorph.* Naturata est universum illud opificium manuum Dei, quod ab eo productum viribus infinitis, hæcenus pari virtute conservatur, divinæ potentiæ ingens testimonium, Dei potestas vicaria. Itaque magnam rerum parentem laudabant Cicero in *paradoxis* Apulejus lib. 4. *Metamorphosi.* Et Senecæ verba sunt: Nihil aliud est natura quam Deus, & divina quædam ratio totum mundo, ejusque partibus indita; lib. 4. *de beneficiis* cap. 7. Adeoque in Epicuri

scholâ non poterant diffiteri, naturam rerum divinâ mente coortam, Lucretius lib. 3. *de naturâ.* Confirmant hoc literæ sacræ, *Psal.* 19. 1. 2. 3. *Roman.* 1. 19. 20. 21.

II. *Causa interna.* Natura omnium consensu principium internum est, non externum. Neque etiam à materiâ & formâ differt res, sed ratione. Scholastici Doctores, Albertus Magnus, Thomas Aquinas, Joh. Scotus *Commentariis ad lib. 3. sentent. dist. 2. quæst. 2.* Hervæus *quodlib. 2. quæst. 14.* Capreolus, Jandunus, Buræus, Johan. Baconus *Commentariis ad lib. 2. physicor.* validè resistant, decernendo, quod natura, principium illud rerum naturalium efficiens procreans & conservans, realiter differat à materiâ & forma. Eos prolatis rationibus defendere laborant Philippus de Trinitate in *Summâ Philosophica* lib. 1. *Physica* pag. 464. *seqq.* Bened. Pererius lib. 7. *Philosoph. natural.* cap. 18. *seqq.* Johan. Casus lib. 1. *Commentar. physicor.* pag. 54. *seqq.* Marcus Fridericus Wendelinus in *Contemplationibus Physicis sect. 1. part. 1. cap. 3. dist. 49. 50.* Nos brevi argumento confutemur: Quæcunque definitione, proprietatibus, causis differunt, illa realiter differunt. Atqui Natura definitione, causis, proprietatibus differunt à formâ & materiâ. Ergo ista realiter differunt. *Respondet:* Et major falsa est, & minor. Falsum est, quod realiter differant ea, quæ definitione differunt. Definitio nullam certam differentiam facit, sed tantum describit, quid res sit. Falsum est, quod proprietatibus & causis differant. Potius inferimus; Quæcunque internis proprietatibus & effectibus convertuntur, illa

illa non differunt realiter. Atqui Natura internis proprietatibus & effectionibus cum materiâ & formâ convertitur: Ergò non differunt realiter. Rursum: Nulla pars definiens differt realiter à definito. Atqui materia & forma sunt pars definiens naturam. Ergò materia & forma non differunt realiter à naturâ. Major probatur, quia partes definiens sunt internæ respectu definiti, quod explicatis notionibus describunt. Regerit *Casus*: Partes definiens unâ sumptæ non differunt à definito: seorsum verò sumptæ differunt realiter à definito, *Id. pag. 66.* Respondeo: Natura valet eo sensu, ut complectatur partes suas constitutivas, non verò eas à se invicem separet. Nimirum omne genitum propriè nec forma est, nec materia sola est, sed corpus animatum ex utrâque causâ internâ consistens, & ab utriusq; virib⁹ operationum suarum compos effectum.

III. Quandoquidem igitur Natura est rerum naturalium principium internum, à quo sunt, per quod agunt & patiuntur, otiosi valdè animi censentur esse illi Aristotelis Interpretes, qui anxiiis litibus invicem configunt: *An natura sit principium activum vel passivum?* Pluribus exponunt Zabarella *libro de Natura cap. 2. 3. 4. 5. 6.* Pererius *lib. 7. Philos. naturalis cap. 17.* Petrus Fonseca *lib. 5. Metaphys. cap. 4. quæst. 2.* Ant. Ruvo Conimbricenses *lib. 2. Physic. cap. 1. quæst. 3.* Fr. Oviedo in *Cursu Philos. Disput. phys. 6. sect. 2.* Arriaga in *Cursu Philos. Disput. phys. 6. sect. 1.* Petrus Mendoza *Disput. phys. 7. sect. 2.* Joh. Poncius in *Cursu Philos. Disputat. Phys. 7. quæst. 2.* Andr. Cæsalpinus *lib. 3. quæst. Peripatet.*

sect. 1. Archang. Mercenarius Tomo 2. Dilucidat. Peripatet. pag. 49. seqq. Gilb. Jacobæus *lib. 2. Institut. physic. cap. 3. & 4.* Franciscus Bonamicus *lib. 3. de motu cap. 5. 6. 7.* Didacus Masius *Commentarius ad lib. 2. physicorum pag. 304. seqq.* Philippus de Trinitate in *Summâ Philosophicâ lib. 2. Physica. pag. 482. seqq.* Alii Naturam principium activum tantum faciunt, idque respectu formæ; alii passivum tantum, idque respectu materiæ; alii passivum tantum, sed respectu formæ & materiæ; alii activum & passivum simul, sed respectu solius formæ; alii activum & passivum secundum materiam & formam, sed secundum materiam passivum tantum, secundum formam verò & activum & passivum; alii activum secundum formam, passivum secundum materiam. Hæc ultima sententia est optima, uti bene discepat sublimis Philosophus Nicol. Taurellus *lib. 3. Alpium Casarum quæst. 1.* Etenim natura corporea nulla est sine formâ, unde sunt actiones, & sine materiâ, unde sunt passionēs. Non igitur quæ conjuncta sunt, debent separari.

IV. Error est Guilh. Scribonii *lib. 1. Physica pag. 1.* qui naturam sive rem naturalem dividit, ut alia sit formata tantum, alia materiata. Formatam esse ait, naturam simplicissimam, quæ per se formæ solius proprietate absque corpore consistit. Eò refert Spiritum. Ubi rectè monet *Brighth*, quod ne quidem animo fingi possit natura sive res aliqua naturalis materiæ expers, & solius formæ compos, quandò forma tantum est pars dimidia naturæ, atque idèò natura semper adjungat partem alteram, id est, ma-

teriam. *Argumentum*: Quodcunque informat, requirit aliud quod informet. Atqui forma informat. Ergo forma requirit aliud, quod informet. Major constat. Nihil agit in seipsum. Minor per se vera est.

V. Proinde nec Bodino fidem committimus, qui lib. 1. *Theatri naturæ* pag. 72. differit, *materiatum aliquid esse, quod non habeat formam*. Repetimus argumentum: Quodcunque naturale est, illud materiam & formam simul implicat. Atqui corpus materiatum est corpus naturale. Ergo materiam & formam simul implicat. Excipit Bodinus: (1) Formæ omnes naturales corporibus annexæ sunt, & cum destructione subjecti potius intereunt, materia verò alias & alias formas suscipit. Verius ergo est, materiam per se subsistere, omni formâ spoliatam, cum sit formarum & accidentium commune subiectum. *Respondeo*: Formæ materiales destruuntur quidem cū subjecti interitu, & materia resolvitur in varias naturas, è quibus per mixturem coaluerat, inde verò non sequitur, minima illa naturæ, è quibus materiatum componitur, esse tantum materiata, & formis propriis carere. Quod formas suas habeant, ostendunt, satis per operationes in composito, in quo agunt evidenter, quanquam sub formæ novæ dominio comprimantur. Quia ergo nihil componitur, nisi ex illo quod est Ens actu, naturæ minima etiam talia fuerint, & suam formam habebunt, per quam subsistent, (2) Terra, quæ interpretantur materiam, dicitur fuisse *inanis & vacua*, id est formarum omnium experta, Genes. 1. 2. *Respondeo*: Terram nominat Scriptor sacer noviori nobis nomine, &

quod istud Elementū in Chao prædominabatur, antequā sapientissimus Univerſe opifex singula viribus augetet, locisque suis digereret. Hæc erat *informis*, id est, nondum habebat flores, bruta, homines, necdum à supernatantium aquarū onere liberata erat. Carebat ornatu, habebat verò formam suam, per quam subsistebat, uti corpus naturale. (3) Videtur cinis stirpium, animantium, lapidum, & metallo- rum, & terræ ipsi exusta quodammodo materia prima, cum omnium una sit atque eadem, omni formâ & formarum seminibus spoliata. *Respondeo*: Cinis post exusta corpora mista in se terram, & principia quædam occulta, à quibus saporem habet, retinet, adeoque minima pars ejus cum materiam tum formam suam habet, quanquam forma specifica post destructum subiectum una perierit. Terram uri & exurendo destrui posse, verum fortè non est.

VI. *Quæ corpus naturale.* Instat Zeifol- dus, ut veritatem definitionis evertat: Dantur corpora naturalia, quæ non patiuntur, videlicet, cælum & stellæ; neque enim corpus aliquod est, à quo cælum & stellæ patiantur, in *Theoria physica Disp. 10. num. 47.* *Respondeo*: Cælū est materiātū, stellæ sunt materiatae, adeoque suas habent passiones. De cælo probatur: Quodcunque dividitur, illud patitur. Atqui cælū dividitur. Ergo cælū patitur. Major constat: dividi est pati. Minor: Stellæ decurrūt in cælo, oriuntur, occidunt, motuq. illo cælesti aut prorsum retrorsū impellunt uti pisces natando aquā, aves volando aë- rem promovent, commoventq. Rursum: Quodcunque intra se generat & corrumpit illud

illud patitur. Atqui cœlum intrâ se generat & corrumpit. Ergo cœlum patitur. Minoris veritas ostēditur per Comētas, de quibus agemus infrâ *lib. 3. cap. 8.* Porro de stellis arguitur: Quæcunque radiis aduersis sese mutuo afficiunt, illæ patiuntur. Atqui stellæ radiis aduersis sese mutuo afficiunt. Ergo stellæ patiuntur. Minor constat, quod Astronomi oppositiones & contrarios aspectus stellarū explicant.

VII. *Subsistit.*] Quæritur hîc: *Annaturarum motu proprio in pejus vergat, viresq; eius aboleantur?* Respondeo: Querebas de naturâ senescente non raro Philosopher ingeminant, & eorum omnium instar unus Ioannes Casus querelas istas rationibus atque experimentis adstruere conatur. Rationes sunt istæ: Quodcunq; habet ortum, illud quoq; sentit incrementum & decrementum. Atqui natura causæ primæ respectu habet ortum. Ergo sentit quoque incrementum & decrementum. Item: Ubi partes affliguntur per decrementum, ibi totum quoq; decrescit. Atqui partes naturæ affliguntur per decrementum. Ergo natura tota quoq; decrescit. Minor probatur, quod ævi nostri homines cū primis & antiquis illis nec vivacitate, nec sanitate, nec quantitate, nec formositate conveniant, Plinius *lib. 7. hist. natur. cap. 16.* Aulus Gellius *lib. 3. Noctiū Atticarum cap. 1.* Experimenta sunt: Cœlum descendit, & ad terrâ nunc inclinatur propius vetustate, movetur tardius, lucem minimè vegetantē effundit in hæc inferiora: Elementa afficiuntur & affliguntur variè, loca sunt arida & effœta hodiè, quæ olim erant feracia, olim felices proventus terræ, nunc sterilibus arenis

obruuntur: Eclipses frequentiores & horridiores conspiciuntur, insaufiores stellarum aspectus, terribiles Planetarum conjunctiones, prodigiosæ Cometarum apparitiones interveniunt: Portenta & mōstra inaniantiū genere plura exstant: Novi exoriuntur morbi veteribus incogniti: Plantæ & medicamenta degenerant, viribûsq; aut nullis aut exiguis hodiè pollet: Affectus & passionēs animi, quæ humores corporis & cœli influxu sequuntur, ferociiores nunc sunt, quàm apud seculum prius fuerunt: Imperia & regna suas periodos habent, nec hodiè florent, uti olim, inde mundi occasus propè instans deprehenditur: Hæc ille *lib. 8. Commentar. Physicorum pag. 956. 957.* Quæ omnia si vera sunt, mundi interitus non supernaturalis & miraculosus, verum naturalis expectari debet.

VIII. Ratio prior hoc tantum evincit mundum esse corruptibilem. Atqui uti originem habuit à Deo, ut esset non tamen à se, ita interibit, cum volet atq; iubebit Deus, ut non amplius sit, non tamen à se. Destruetur tunc, cum adhuc est viribus integris, quas ei sufficiet Deus, & cōservabit, donec intrâ nō longum tempus vel omninò destruetur, vel meliore sui parte restaurabitur. Ratio posterior falsa est. Statim cum reparato genere humano post diluviū cepit decrescere hominū vivacitas, statura, virtus nativa, & causa unica est, *occulta potentia sati.* Accessit deinde morum depravatio à nobis, crevit gula morborum & mortis mater, abjecta est victus simplicitas virium cultos, Experimenta fallunt. Quod cœlum propius ad nos descendit, Copernicus

primus docuit, & sequi volunt Joachimus Rheticus, Gesna Frisius, Bodinus in *methodo historica cap. 8.* Bath. Keckermannus *lib. 1. Systemat. Astronomici cap. 3. theorem. 15.* Philip. Melanchton *lib. 2. Rudimentorum physicorum fol. 235.* Verum hoc Copernici postulatum, uti alia ejusdem ex falsis observationibus prolata, merito locis plurimis redarguit Tycho Braheus, propriis experimentis instructus, quæ per Instrumenta accuratius fabricata indagavit. Elementorum vires qui trahit in dubium, manus perfundat aqua & refrigerabuntur illæ, pedibus nudis ambulet per ignem & plus satis incalescet. Loca olim fecunda nunc deserta jacent, ob neglectam culturam, pullos in bello homines, peste exhaustos vivos. Eclipses, oppositiones, aspectus stellarum, Planetarum conjunctiones, Cometarum apparitiones frequentiores hodie esse, quam olim fuerunt, non credunt illi qui calculo Astronomico rectè uti noverunt, & qui veteres Annales pervolverunt. Monstra in animalium genere ab omni ævo fuerunt, quamvis non semper eadem diligentia in literas relata sint. Et olim & nunc morborum cohors afflxit genus humanum, & morbi peregrini in peregrinis terris contrahi possunt. Plantis vires adimunt tempora, tempestates, anni, loca absque mundi senio. Non minus olim feroces animis animisque populi, quam nunc sunt, & quæ non regiones omni bellorum clade vastatæ fuerunt à primis usque seculis? Imperia alia floruerunt olim, & nova successerunt. Hæc & plurima alia debemus moribus nostris

imputare, non verò culpam in Naturam deriyare.

CAPVT SEXTVM.

De Efficiente.

SUMMARIA.

1. *Definitio cause externæ.*
2. *Causa Efficiens.*
3. *Efficiens procreans, conservans.*
4. *Efficiens principalis, adjuvans.*
5. *Efficiens solitaria, sociata.*
6. *Efficiens universalis, particularis.*
7. *Deus, materia prima, cælum.*
8. *Efficiens per se, per accidens.*
9. *Efficiens necessaria, fortuita.*
10. *Causa exemplaria.*

I. **C**ausa externa est, quæ corporis naturalis essentiam foris circumstat. Non enim ex efficiente, sed ab eâ: nec ex fine, sed propter eum corpus naturale est. Et hinc efficiens causa, siue duplex siue triplex sit, effectum non magis vel minus dat compositum. Compositum enim debet imputari causis internis materiæ & formæ.

II. *Talis est Efficiens & Forma. Efficiens est, à quâ corpus naturale producit. Sic à parentibus producit filius, & à Deo mundus. Ejus sunt variæ divisiones, quas ordine proponemus.*

III. *Primo: Efficiens est vel procreans, vel conservans. Illa est quæ rem primo procreat: hæc est, quæ rem procreatam conservat.* Petrus Ramus *lib. 1. Dialectica cap. 3.*

Petrus Fonseca lib. 7. *Institut. Dialect. cap.* 21. Ità Sol procreat lucem, parentes filium: Leges & magistratus conservant Rempublicam, nutrix filium, Sol & cœlum influxu suo conservant inferiora, dicente Aristotele lib. 2. *Metaph. text.* 34. Efficientis nullas posse dari species, sed modos, Ramus effatum est: Et si, ait, causæ efficientis nulla vera genera nobis appareant, ubertas tamen permagna modis quibusdam distinguitur, lib. 1. *Dialect. cap.* 3. Patet inde, quod Efficiens dividatur, non tam per se, quam propter objecta. Et probatur: (1) Quia efficiens ratione sui eandem semper obtinet naturam, quamvis ratione objecti & effecti sæpius variet. (2) Quia species differunt formis oppositis. Modi verò efficientis non differunt formis oppositis. Sæpè enim de uno effecto omnes simul prædicari possunt. Estque vulgatus Canon: *Idem est: potest Causa procreans & conservans.* Sic Deus mundum creavit, & eandem naturam mediante perpetuo conservat. Parentes liberos suos procreant, & eos demalunt.

IV. *Secundò: Causa Efficiens est vel principalis, vel adjuvans. Principalis est, quæ ex se agit. Adjuvans est, quæ ad agendum inservit principali.* Ità parentes sunt causa filii, & in producendo illo agunt vi propria id est, è Naturæ communi in eodem rerum genere præscripto. Spiritus & calor sunt instrumenta, quæ generanti ad productionem geniti inserviunt. Canon est: *Instrumentum non movet, nisi motum.* Prolixè exponunt Didacus Masius *Commentarius ad lib. 2. physicorum pag.* 388. seqq. Philippus de Trinitate in *Sum-*

mâ Philosophicâ lib. 2. Physicæ pag. 553. seqq. Quamvis enim potentiam habeat ad producendum effectum, non tamen efficit, nisi ab agente principali determinetur & applicetur. Sic penna tinget quidem chartam, nec tamen formabit litteras, nisi à digito scribentis regatur. Scalliger exinde ridet marcidæ quorundam conclusiunculas: Planta nō generat plantam, sed semen plantæ. Quæ hæc, ait ille, argutio: Non interficiet viatorem latro, sed ensis, quem latro tenet, lib. 1. *de plantis pag.* 139. Nam utraque confert, veluti malleus non sine atrifice, nec sine ipso artifex cudit anulum, inquit idem lib. 4. *de causis Latina lingua cap.* 81.

V. *Terriò: efficiens est vel Solitaria; vel Socia. Solitaria est, quæ sola effectum producit. Socia est, quæ concurrat cum aliâ ad producendum effectum.* Ità causæ solitariae sunt plantæ & herbæ, cum generando propagant, neque requirunt illarum causam in pari facultate positam. Causæ sociæ sunt bajuli duo, qui feretro impositum onus deportant, ad quod ferendum non sufficit unus. Mas & foemina in animantium genere concurrunt ad generationem. Et hæc causæ quandoque similes sunt, uti cum homo & homo generant hominem: quandoque dissimiles sunt, uti cum equus & asina producunt mulum. Canon est: *Causæ sociæ stant pro una.* Coniunctim enim influunt, & quod una præstat solitaria, id demum duæ agunt sociæ. Sic conatus viatorum trium, qui movent saxum, integrum efficit conatum, qualem adhibere poterat aliquis unus, qui triplo robustior præ singulis esset, ait Franciscus Tole-

tus lib. 2. *Commentar. physic. cap. 3. quest. 7.* & adde Petrum Fonsecam lib. 2. *Commentar. Metaphys. cap. 2. quest. 1.*

VI. *Quartò: Efficiens est vel Vniuersalius, vel particularis. Vniuersalius est, quæ in communi operatur. Particularis est, quæ determinatè operatur.*] Ità Cælum est causa uniuersalis, quæ multa agit in vegetabilibus & viventibus aliis. Homo est particularis causa, quæ producit hominem; canis, qui producit canem.

VII. Scaliger scribit: Triasunt quæ sunt omnia. Unum simpliciter & à se ipso, qui est Deus. Reliqua duò aliquo modo, & ob hoc non à seipsis. Materia namque prima est omnia potestate receptionis: Cæli sunt omnia potestate efficiendi. Nam quod addere possis de Intellectu, qui possibilis dicitur usitato vocabulo, is longè alio modo fit omnia, *Exercitat. 6. sect. 2.* Nimirum Deus omnia est, non naturâ, sed virtute. Fecit omnia ille unus, & unus ille ante omnia fuit. Materia prima figmentum est. Cæli omnia sunt, quia re motè efficiunt omnia. Intellectus possibilis fit omnia, quia rerum omnium idéas capere potest.

VIII. *Quintò: Efficiens est vel per se, vel per accidens. Per se est quæ cum intentione agit. Estque vel naturalis, vel voluntaria. Naturalis est, quæ naturali instinctu agit. Voluntaria est, quæ animi arbitratu agit.*] Petrus Ramus lib. 1. *Dialect. cap. 5.* Aristoteles lib. 5. *Metaphys. cap. 2. lib. 7. Metaph. cap. 7. lib. 2. physic. cap. 5.* Jacobus Schegkins *Commentariis ad Organon fol. 16. 113. 114.* Ità homo per se intendit & producit hominem, per se rationales operationes edidit, per se habet agitque in corpore or-

ganico. Ignis naturâ suâ fertur sursum, calefacit, uritque in pabulo apto. Homo pro animi lubitu ambulat, sedet, scribit, ridet, loquitur.

IX. *Per accidens est, quæ sine intentione agit. Estque vel necessaria vel fortuita. Necessaria est, quæ vi cogitur ad effectum; Fortuita est, quæ præter cogitatum aliquid efficit.*] Ità cum lapis tendit sursum, ab impellente externo est, ac violentus motus. Thymon agricola apud Lucianum, fodiragrum rutro, & fortunâ bonâ usus inuenit aurum. Equidem Henricus Nollins *Tractatu 2. Logico Exercitat. 4. sect. 1.* vexat Petrum Ramum, quod fortunam haut rectè annumerauerit efficienibus causis, utpote cum fortuna rei nullius causa esse possit, & in fictione mentis solùm consistat. *Respondeo:* Fictio ista mentis inualuit apud gentes omnes, ut quæ præter spem & cogitatum eveniunt, ea fortunam & casum indigent. Nihil igitur peregrini doctrinæ huic admiscuit Ramus, sed quæ communiter doceri solent, loco suo reliquit, ut fortuna in causis retineatur pro latente & ignotâ causâ, ait Wilh. Tempellus in *Commentariis ad Logicam pag. 14.* Neque aliter proponitur in scholis Peripateticorum, uti constat apud Bened. Peterium lib. 9. *Philos. natural. cap. 8. 9.* Gilbertum Jacchæum lib. 2. *Institutionum Physicarum cap. 11.* Philippum de Trinitate in *Summa Philosophica lib. 2. Physicæ pag. 566 seqq.* Piccolominéum in *Philos. morali gradu 8. cap. 40. seq.* Franciscum Toletum lib. 2. *Commentar. Physicor. cap. 6. quest. 9.* Johann. Combacchium lib. 1. *Institutionum Metaphys. cap. 19. dist. 24. 25.* Joh. Casum lib. 2. *Commentariorum physicorum cap. 2.*

X. Quæritur: Ad quod causa genus debeat reduci causa exemplaris? Respondeo: Thomas Aquinas lib. 5. Metaphys. lect. 2. & cum illo Toletus lib. 2. phys. cap. 3. quæst. 7. Fonscalib. 5. Metaph. cap. 2. quæst. 7. sect. 5. Conimbricenses lib. 2. phys. cap. 7. quæst. 4. Didacus Masius Commentariis ad lib. 2. physicorum pag. 349. seqq. Raymundus Mailhat in Summa Philosophica Tomo 2. pag. 123. seqq. Philippus de T. itate in Summa Philosophica lib. 2. Physica pag. 306. seqq. Cajetanus part. 1. Summa Theol. quæst. 6. art. 4. Joh. Casus lib. 2. Commentar. physicorum cap. 3. referunt ad formam. Ratio eorum hæc est: Exemplar per imitationem sui formam certam suggerit rei artefactæ. Quæ facillè solvitur. Namque formam certam suggerere, non est causalis ratio formæ, sed efficientis. Proinde cum Joh. Scoto lib. 1. sentent. dist. 2. quæst. 2. & dist. 36. quæst. 1. Pererio lib. 8. Philosoph. natur. cap. 1. Franc. Suarez Disputat. Metaphys. 25. sect. 2. num. 8. Ant. Ruuione lib. 2. Commentar. phys. pag. 250. seqq. Joh. Ponsio Legionensi in Cursu Philos. Disputat. phys. 10. pag. 495. Fr. Oviado in Cursu Philos. Disputat. phys. 11. sect. 3. Wilh. Chabrono in Cursu Philos. Tomo 2. pag. 240. seqq. Joachimo Bursæo lib. 1. Institutionum Physic. cap. 6. Bernhardo Morisano Commentariis ad libros Physicos Aristotelis pag. 406. 407. Rod. Goclenio part. 1. problem. Logic. quæst. 14. & lib. 1. Institut. Logicar. pag. 91. reducimus ad causam instrumentalem. Argumentamur: (1) Quodcunque iuvat & promouet efficientem principalem ad rem perficiendam, illud est instrumentum. Atqui exemplar iuvat & promouet efficientem prin-

cipalem ad rem perficiendam. Ergo est instrumentum. Minor probatur Exemplar dirigit artificis manus, ut rectè caperentur. (2) Quodcunque non ingreditur substantiam rei, illud non est forma. Atqui exemplar non ingreditur substantiam rei. Ergo non est forma. Major constat: Forma est causa interna. Minor probatur: Exemplar est vel in mente, vel coram oculis, atque extrâ rem permanet. Excipiunt Conimbricenses: Forma interna quidem ingreditur rei substantiam, non verò forma externa, qualis est exemplar. Quod frustra dicitur. Omnis forma quæ causæ rationem habet, interna est, nulla verò externa.

CAPVT SEPTIMUM.

De tribus singularibus de Monstris.

SUMMARIA.

1. Definitio monstri.
2. An monstra intenduntur à natura?
3. Conimbricenses refelluntur.
4. Causæ monstrorum.
5. Relatio de Pygmæis.
6. Refellitur.
7. Bartholinus refutatur.
8. Relatio de gigantibus.
9. Poëtarum fabulæ.
10. Conimbricenses sumerror.
11. Monstrum plenum.
12. Copula hominis & bruti.
13. Versus Danicus.
14. Monstra in genere plantarum.
15. Syrenes & Tritones.

16. Locus è lobo exponitur.
17. Satyri per Indiam.
18. Syrènes demonum ludibria.
19. Monstrum affectum.

I. *Monstrum est effectus naturalis à deficiente causâ productus.*] De monstris scripserunt libros peculiare Ulysses Aldrovandus, Joh. Georgius Schenkius, Celsus Mancinius Fortunius Licetus, Martinus Weintrichius, Laurentius Stengelius, & ex illis Caspar Scottus in *Physicâ curiosâ lib. 5.*

II. *Effectus naturalis.*] Est in monstris quoddam naturæ opus, sed depravatū & perfectione naturali spoliatū. Queritur: *an monstra inveniuntur à Natura?* Respondeo: Prolixè de hac re agunt Conimbricenses *lib. 2. Commentar. phys. cap. 9. quest. 6.* Franc. Suarez *Disputat. Metaphys. 19. sect. 12.* Ant. Ruviolus *lib. 2. Commentar. physic. cap. 9. pag. 283. seq.* Franc. Toletus *ibid. quest. 13.* Joh. Casus *ibid. pag. 346. seqq.* Nos breviter distinguimus, quod Intentio alia sit primaria, alia secundaria. Et primaria intentio naturæ quidem est, producere sibi simile ac perfectum, quod in nullo deficit, neque in ullo excedit. Sin propter materiæ subjæctæ habitudinem sine illo frustratur, potius depravatū aliquid producit, quàm ut agere desinat, itaque secundariâ intentione efformatur monstrum. Cum deficit materia, fiunt infantes absque pedibus, absque brachiis; cum materia redundat, nascuntur gigantes, infantes cum duobus capitibus, quatuor brachiis, sex digitis. Nimirum, quoniam illa materiæ particula, quæ non efformatur, putredinem attraheret par-

tesque sinceræ corrumpere, mavult Natura sex digitos efficere, quàm crudæ materiæ aliquid inter digitos ordinarios relinquere, à qua damnum certissimum illi acciperent.

III. Quod verò Conimbricenses *l. d. Commentar. physicor. pag. 438.* Joh. Bodinus *lib. 1. Theatri naturæ pag. 32.* hinc inferunt, monstra facere ad pulchritudinem universi, hoc nos improbamus. Ratio est evidens: Quodcunque per se non est pulchrum, illud non potest rei alii pulchritudinem conciliare. Atqui monstrum per se non est pulchrum. Ergò non potest rei alii pulchritudinem conciliare. Dicit Bodinus: Ista deformitas & istud malum, quod tale putatur, ad mundi salutem necessarium est, quia sine eo ne bonum quidem perciperetur, & universi concentus mirabilis interiret, ut in harmoniâ discrepans aliquod ac dissonum efficit, quò multò suavior concentus sequatur. Respondeo: Nulla monstra fuerunt tunc, cum omnia erant valde bona, *Genes. l. 31.* Bonum ergò fuit, imò optimum, quod à se tale erat, ut non esset opus ab adjacentē malo accipere novam bonitatem. Et tali quidem, quod cum deforme sit in se, pulchrum non ornat, sed deformat. Simile desumptum à varietate sonorum, hautquaquam proficit. Delectatio hæc quædam est, in sensibus nostris excitata, non verò pulchritudo, quæ reverà inest rei ipsi. Benè Toletus: Hoc (*de pulchritudine à monstris data*) non videtur verum, illud enim est, cum effectus perfecti sunt, sed monstra sunt imperfecta, neque diu durant, & sunt adeò rara, ut suâ varietate nullum speciei ad-

dant decorem, lib. 2. *Commentar. physic. cap. 9. fol. 76.*

IV. *A deficiente causâ.* Varias causas, à quibus monstrari possint, prosequuntur Fortunius Licetus lib. 2. *de monstris cap. 1. 2. seqq.* Conimbricenses l. d. artic. 2. Bened. Pererius lib. 9. *Philosoph. naturalis cap. 10.* Nos breviores etimus. Monstrum fit vel à materiæ vitio, vel à defectu efficientis. Materia semen est, quod cum nimis modicum est, procreantur nani & pumiliones; cum abundat, fiunt gigantes; cum non legitime commisceatur, fiunt muli, leopardi, hyenæ. Accedit sanguis, qui cum iuuet carnes efficiere, etiam pro suo vel defectu vel excessu, vel alio modo, infantem vel maiorem, vel minorem, vel aliter viriatum reddere potest. Causa efficiens à se aberrat, quando nunc imaginatio, nunc qualitates uteri, nunc pavor & terror afficiunt facultatem formatricem, ut à recto tramite aberrando producat aliquod distortum & abnorme. Irà generatus fuit aliquando vir cum arietino capite, teste Aristotele lib. 4. *de generat. animal. cap. 3.* Gallina quædam, cum ovis incubaret, milvi aspectu conterrita, exclusit pullos milvino capite præditos, uti narrat Avicenna lib. 5. *de animalibus.* Quæ de re dubitaveim.

V. Quæritur hæc: (1) *An Pygmæi sint monstra?* Respondeo: Veteres de Pygmæis multa retulerunt, & ipsorum iudicio non vana, esse videlicet gentem mediocri tractu in ultimâ Africâ ad Nili fontes habitantem, staturæ palmaris, arietibus & capris vehiculatam, cumque gruibz decertantem, casas eorum luto,

pennis avium & ovorum putaminibus construi Homerus lib. 3. *Ilíad.* Ctesias Cnidius historicus (apud Photium in *Bibliothecâ pag. 681.*) Aristoteles lib. 8. *de historiâ animalium cap. 12.* Plinius lib. 7. *histor. natur. cap. 2.* Aulus Gellius lib. 9. *Noctium Atticarum cap. 4.* Pomponius Mela lib. 3. *cap. 6.* Athenæus lib. 9. *dipnosophist.* Credunt ista & in monstrorum censu Pygmæos referendos esse negant Conimbricenses lib. 2. *Commentar. physicor. cap. 9. quest. 5. art. 1.* Alphonsus Mendoza in *viridario literario pag. 79.* Torreblanca Villalpandus lib. 1. *de Magiâ cap. 31. num. 22. seqq.* Caspar Scottus in *Physicâ curiosâ lib. 3. cap. 7.* Eusebius Nirenburgi lib. 5. *histor. natural. cap. 18.* Martinus Weinrichius libro *de monstris cap. 21.* Fortunius Licetus lib. 2. *de monstris cap. 3.* Johan. Chassanio libro *de monstris cap. 12.* & Caspar Bartholinus *peculiari libello de Pygmæis.* Nos argumentamur: Quicumque communem generis humanæ staturam nõ attingunt, monstra sunt. Atqui Nani & Pygmæi communem gentis humanæ staturam non attingunt. Ergò monstra sunt. Major probatur: Quod communiter fit in naturâ, illud rectum est, quod rariò fit, pravum est. Ajunt *Conimbricenses*: Spectatâ eorum hominum formatrice virtute, & illius soli coelique ingenio, non jam ex accidente ejusmodi partus eveniunt. Respondeo: Verum equidem est, quod de virtute formativâ dicunt, sed non sufficit. Requiritur insuper, ut materia præstò sit in debitâ quantitate. Naturæ partu ularis defectus est, adversus quam omninò prævalet naturæ universalis consensus, intendendo præstantissimam figurâ pariter ac staturam, quæ in medio consistit.

VI. Ut verum dicamus, nos in mon-
strorum censu Pygmaeos non habemus,
quandò nec olim fuerunt, nec hodiè sunt
in rerum naturâ, quod nobiscum tuentur
Cardanus lib. 8. *de varietate rerum* cap. 40.
Fr. Piccolomineus libro *de rerum definitione*
pag. 174. Stephanus Theopoli lib. 6.
Contemplat. Academ. pag. 224. Veteres il-
los decepit communis fama ab incerto
autore vulgata primum, ob peregrina-
tionum infrequentiam eò liberalius cre-
dita ut per Indiam, per Æthiopiam, per
extremam Scythiam cubitales viros illos
circumducerent; & verò mendacem in
hoc negotio famam prodidit jam olim
doctissimus Geographus Strabo lib. 1. &
quàm illa multis de rebus multis impo-
nat, hodiè quoque satis constat. *Wenri-
chius* confirmare nititur: Qui hodiè pe-
regrinationes suscipiunt, vidisse se ajunt
locis iis homines brevitate admodum
inuitatâ, paulò etiam minore quàm vul-
gò aestimetur, mulieres tamen præ viris
longiores, numero non multos uno in
loco, sed sub legibus & principe vivere,
tributa pendere, jussos venire ad man-
data, victum ex venatione ferarum qua-
rere, bombardis & jaculis uti, miramque
celeritatem in persequendis feris per al-
tissimas arbores, saliendo ab unâ in aliam,
ut sciuri solent, potum esse ex urforum
sanguine admistâ aquâ. Incantationis
tamen peritos, ut siâ quopiam lædantur,
quodcumque denunciaverint commi-
nando, id malum palò post corporibus
infigi. *Hacille.* Nimirum, quicumque
istarum nugarum Referendarius fuit,
certum est, quod homines multa addant
de suo, & falsa augere, multis locus sit.

Quid non comminiscuntur Recentes,
ut animum Lectoris oblectent? Nanos,
pnmiliones, homunciones ex se brevis
statura, breviores quoque faciunt verbis
suis. In aulâ Archiducis Austriæ pumi-
lionem tribus palmis altum, se vidisse re-
fert Georgius Pictorius lib. 7. *Politicorum*
cap. 2. In alterius Principis aulâ nanus
intrâ artocreatem cum brevi hastâ &
gladio occultatus, operculo ablatò pro-
siliivit, & convivis risum movit, ait Felix
Platerus lib. 3. *observat. Medicarum pag.*
546. Virunculum uno cubito non majore
in pstitaci caveâ circumductum, a-
pud Senenses & Perusinos vidit Fr. Pic-
colomineus libro *de rerum definitione pag.*
173. Hinc è simplici vero duplex aut tri-
plex falsum pronascitur, ac porrò fove-
tur.

VII. Bartholinus frivolo commentò
manum porrigens, è sacris literis Pyg-
maeorum gentem adsttuere laborat, pro-
ducito locum Ezechiel. 27. 11. ubi Roma-
nus Interpretes legit, *pygmai qui erant in*
turribus tuis, umbones suspendebant ad mu-
rostuos. Respondeo. Quis credat, Ty-
rios clarissimum Phœniciz populum de-
fensores mœniorum suorum constituisse
homunculos è terris procul distitis adve-
ctos, nullâ re fortiter, nisi adversus iner-
mes grues, esse & celebres, armorum
imperitos? Facebant nugæ tales, quæ ut
Megastheni alijs quæ fabularum archite-
ctis fortè convepiant, divinis literis ta-
men permisceri non debent. In Ebræo
est *מגמל* & populum fuisse militari glo-
riâ tunc avi celebrem, apparet per eos
quibuscum conjunguntur. Vocis no-
tatio ostendit, esse habitatores Phrygiæ
Anco.

Anteonitana: *αγγυον* est cubitus, & Gamma-
dei sunt cubitales, quod optimè docet Ni-
col. Fullerus *lib. 6. miscellaneorum sacrorum*
cap. 3. Notissima est mercatoribus Anglis
& Lusitanis regio illa ad Nili fontes ex-
tensa, sed nondum visus eis Pygmæus vel
unicus. Populus habitat mediocri sta-
tura, colore fusco, pars Nigritarum, uti
refert Franciscus Alvarez Lusitanus in
Itinerario, qui loca ista peragravit. Dicit
Bartholinus: Quimaria pernavigant, il-
li rarò vident quæ in distitis à mari re-
gionibus aguntur, Pygmæi verò inhabi-
tant regionem procul ab Oceano distan-
tem, neque videntur semper, & in antris
delitescunt, *l. d. cap. 8.* Respondeo: Non
minus loca maritima, quàm alia campe-
stria & remotissima hodiè nota sunt, in
rebus multò minoribus, de quibus tum
peregrini ipsi adverterunt, tum incolæ
testimonium perhibuerunt. Muta & sur-
da omnia, cum de Pygmæis rogantur.
Quod si nunquam prodeunt, unde scive-
ris esse illos? unde relationas de pugnâ
cum gruibus? de saltibus per arbores? de
cubis in venatu ferarum quæsitis? Hæc
omnia arguunt, prodire illos, neque
per antra clam latitare, sed domos pa-
lam habitare, Regium imperia obler-
vare.

VIII. Quæritur: (2) *An Gigantes sint*
monstra? Respondeo: Celebres sunt in
Poëtarum & Historicorum monumen-
tis, perinde uti etiam in literis sacris, Gi-
gantes, communem hominum staturam
multum excedentes. Orionis cadaver
in Cretâ Insulâ repertum, sedecim cubi-
tis longum, refert Plinius *lib. 7. histor. na-
tur. cap. 16.* Gabbara quidam tempore

Claudii Cæsaris erat novem cubitorum,
ut idem Plinius autor est. Apud Allobro-
ges sub Rege Galliz Ludovico XI, effos-
sū cadaver quod octodecim pedes habe-
bat, Cælius Rhodiginus *lib. 18. Lektionum*
antiquarum cap. 31. De Enakim, Susim,
Emim, Sammesumim res certa est, fami-
lias gigantum feracissimas in Phœnicia
fuisse, *Genes. 14. 5. Deuter. 2. 10, 11. 20. 21.* &
inter eos Ogus Rex Basanis habuit le-
ctum ferreum novem ulnis longum, qua-
tuor ulnis latum, secundum mensuram
cubiti, *Deut. 3. 11. Numer. 13. 34.* Goliathus
erat longus sex ulnis, palmâque unâ, *1. Samuel. 17. 4.* Staturam Ogi æquavit
Harthbenus ab Helsingiâ profectus, tan-
tâ, ait Saxo Grammaticus, corporis ma-
gnitudine erat, ut novem cubitis proce-
ritatis ejus dimensio tenderetur, *lib. 7. Hi-
storia Danica.* Neque igitur curamus,
quod Joh. Goropius Becanus *libro de Gi-
gantomachia*, & Hieronymus Mercu-
rialis (apud Fortunium Licetum *lib. 4. d. de*
spontaneo viventium ortu cap. 6.) nec non
Athanasius Kircherus *lib. 8. Mundi subter-
ranei sect. 2. cap. 4. quæst. 1. 2.* negant, fuisse
unquam Gigantes. Quos vel sacræ literæ
aliter erudire poterant. Dicit Mercu-
rialis: *Cur non sunt hodiè, quod si olim fue-
runt?* At quamobrem hodiè non sunt in-
tegræ familiæ gigantum, causa est, quo-
niam bellis consumptæ plurimæ sunt, &
quod de illis restabat, profugit ad popu-
los alios, ubi degeneraverunt sensim,
Neque hoc dissimulat literæ sacræ, *Iosue*
11. 21. 22. cap. 14. 12. 15. cap. 15. 14. Iudicum
1. 20. 2. Samuel. 21. 18. seqq. 1. Chronicor. 20.
6. 7. 8. Plura Gigantum cadavera è Pau-
saniâ, Galeotto Marcio, Johanne Bocca-

tio, Melchior Guilandino, Americo Vesputio refert Hieronymus Magius *lib. 1. Miscellaneorum cap. 4.*

IX. Quæ Virgilius *lib. 1. Georgic.* Homerus *lib. 11. Odyss.* & alii Poëtæ fabulantur de Gigantum expeditione aduersus Deos, montes montibus imponendo, ut eos cælo pellerent; illa, inquam, verbis figuratis describunt priscorum ferociam & immanitatem, uti monet Stephanus Forcatulus *lib. 1. de Gallorum Philosophiâ & Imperio pag. 50.* & nos diximus *lib. 1. Antiquitatum Romanarum cap. 1. dist. 22.* Rectè vero dicitur, quod Gigantes sicut monstra. Repetimus argumentum: Quicumque communem gentis humanæ staturam excedunt, monstra sunt. Atqui Gigantes communem gentis humanæ staturam excedunt. Ergo monstra sunt. Major probatur: Communis lex naturæ est, ut homo vel parum vel nihil excedat tres cubitos. At quæ communiter fiunt, secundum leges naturæ fiunt. Keckermannus scribit: Fieri potest, ut operatio formæ humanæ, & efficacia seminis promoveat quantitatem corporis, idque etiam pro temporū & locorum habitudine, neque ita sunt monstra, unde etiam primis mundi seculis omnes homines fuerunt Gigantes propter corporum robur, & efficaciam seminis in parentibus, *lib. 5. System. physici cap. 3.* Eadem habent Franciscus Toletus *lib. 2. Commentar. phys. cap. 9. fol. 75.* Ant. Ruviolus *lib. 2. Commentar. phys. cap. 9. pag. 283.* Conimbricenses *lib. 1. de degenerat. & corruptione cap. 3. pag. 31.* Fortunius Licetus *lib. 2. de monstris cap. 11.* Adamus Stevartus *Disputat. 2. de monstris dist. 21.* Verum distinctio illa frustrâ adhibetur.

Quamvis enim operatio & efficacia seminis iuvet, non tamen propterea Gigantes desinunt monstra esse. Natura in hominum genere magnitudinis & parvitatisservat terminos. Habet terminum, quem rectè agendo non excedit, habet quoque terminum, infra quem agendo non descendit. Rectè verò agit, staturam illam proponendo, quam plerumque exhibet. Non enim probabile est, quod natura plerumque à scopo aberrat. Quod ergo plerumque dat, rectum & perfectum est. At non plerumque gigantes facit, sed homines staturæ nostræ, adeoque in sacris literis proceritas gigantum, velut insolens & admiratione digna allegatur, *Numer. 13. 33.*

X. Denique, unde constat, quod primis seculis fuerint gigantes? Adferunt Conimbricenses *l. d.* & Johannes Chassanio *libro de gigantibus cap. 1. locum Genes. 6. 4.* Gigantes erant in terrâ illo tempore, ac etiam fuerunt postea quando congregiebantur filii magnatum cum filiabus hominum, quæ liberos pariebant illis. Respondeo: Ab initio non erat ita, quando omnia in mensurâ, numero & pondere fecit Deus, ejusque exemplo Natura tuebatur figuræ ac quantitatis terminos eos, quos acceperat. Plus ultra cum procederet, viam suam omnis caro corruerat, & monstra pariebant, non ubique terrarum, sed locis quibusdam, *Genes. 6. 11. 12. 13.* Quod idem multis post diluvium seculis in plurius regionibus evenisse constat, ubi natura particularis à recto & vero aberravit, & Gigantes procreavit, cum primis in efferatâ Chani familia, *Numer. 13. 34.*

XI. Estque vel plenum, vel affectum. Ple-

num est, quod speciem mutat.] Adeoque generatur, cum duæ species miscentur. Tale est mulus, hirco, cervus, leopardus, burdo, umbriculus. Equidem Bened. Pererius lib. 1. *Commentar. in Genesim* pag. 157. Eusebius Nirembergius lib. 5. *histor. natur. cap.* 21. Caspar Scottus in *Physicâ curiosâ* lib. 7. cap. 12. probare conantur, quod brutaila semifera Deus quoque produxerit, ob universi ornatum. Verum refutavimus hanc opinionem in *Libello de operibus Creationis Exercitat. XXIII. dist. 2.* Scilicet tota Creatio ab auctore Naturæ facta est secundum naturam, & ordinem illum, quem constituit in eâ, conservat deinceps. At monstrorum illa procreatio est contra naturæ leges, ideoque non generantur ex se vel simile vel dissimile aliquid, nisi per modum prodigii, unde mulas peperisse olim, Herodotus, Livius, Julius Obsequens narrant, & nostrâ ætate in urbe Albigeni accidisse, refert Petrus Borellus *Centur. 3. Observat. 93.* Demum etiam prohibetur à Deo lege expressâ, *Levit. 19. 19.*

XII. *Quod speciem mutat.*] Sæpius factum est, ut homo cum bruto misceretur, idque multis exemplis de monstrant Fortunius Licetus lib. 2. *de monstris* cap. 58. Hieronymus Magius lib. 1. *miscellaneorum* cap. 20. Nicolaus Leonicensis vidisse se quendam asseruit, qui naufragio in quandam Insulam cum devenisset, ubi magna simiarum copia, unam, cujus amore caput esset, imprægnaverit. Editam autem filiam aut filium, qui neque hominis esset, neque simiæ speciei, verum mixtum animans, teste Weinrichio li-

bro *de monstris* pag. 68. De monstris ejusmodi queritur, ad quam corporum naturalium speciem referri debeant? *Conimbricenses* ajunt: Ordinariè & ut plurimum existimandum non est, ea monstra quæ semihomines & semibestis dicuntur, aut homines esse, cum non constet, prodixisse ex commixtione seminis humani, nec videatur saltem ut plurimum, ea permissio ad hoc sufficere, aut partim bruta esse, partim homines, (cum impossibile sit, duas naturas completas in unam speciem coalescere) sed reverà esse bruta alicujus certæ speciei, licet effigie utramque naturam imitentur, lib. 2. *Commentar. physic. cap. 9. quæst. 5. art. 3.* Quæ partim incerta sunt, partim vana. Si bruta certæ speciei sunt, unde species hæc? Non à Deo, qui cessavit species novas condere, *Genes. 2. 2.* Non etiam à Naturâ, quæ satis habet, usitatas species conservare, novas haud addere. Et verò, an homo procreat brutum? Suum generationis actum confert homini, suum brutum. Nunquam inde verusoriri poterit homo, nunquam verum brutum. Porro, quàm non sit impossibile, ut duæ naturæ in completæ in unam speciem coalescant, ostendunt permixtiones asini & equæ, leonis & pardi, canis & lupi, unde procreantur mulus, leopardus, hyena. Dicimus, quod monstra sint, & ad nullam corporum naturalium speciem referri queant.

XIII. Refert Fortunius Licetus l. d. ex Saxone Grammatico lib. 10. *histor.* & Johanne Magni, quod ursus invaserit virginem pulcherrimam, atque gra-

vida illa pepererit filium, qui cognomine Ursus humanam speciem habuit, & ductâ conjuge filios ac familiam ex sese propagavit. Verum Saxonein illum non indiseritum quidem, sed tamen nimium fabulosum & λογοςπαις esse constat vel Cardano iudice *lib. 17. de subtilitate*. Res ita se habet, quod raptor virginis atque insidiator nomen Ursi aut Biononis habuerit, à quo Scaldri seu Runæ qui antiquorum Heroum in Septentrione gestas res carminibus describebant, occasionem acceperunt, ut Bestiam eum facerent, quia authorem facti potentem non audebant reprehendere. Ab eis accepit Saxo Grammaticus, & ad posteritatis notitiam transmisit. Cæterum, quod Martinus Delrio *lib. 2. disquisitionum magicarum quest. 14.* censet, quâ hunc eventum pronuciari debere, quod dæmon bestię habitum assumendo virginem compresserit, hoc inquam non est verum; quod enim ille paulò ante dicebat, *certus sum ex homine & ferâ verum hominem nasci haud posse*, nos adversus eum urgemus, & certi sumus, ex homine atque dæmone verum hominem nasci haud posse.

XIV. Quæritur: *An in plantarum quoque genere dentur monstra?* Respondeo: Affirmativam defendit Adamus Stevartus *Disputat. 5. de monstris dist. 148.* & comprobant cum ratio evidens, tum rerum experientia. Ratio hæc est: Quodcunque habet causam efficientem, illud etiam habet causam deficientem. Atqui plantæ habent causam efficientem. Ergo etiam habebunt causam deficientem. Major constat; Plantæ vivunt & habent

virtutem formatricem, habent materiæ excessum & defectum. Experientia hæc est: Duo poma, duæ nuces sæpe in unum concreverunt, quod non minus est monstrum, quàm cum ex utero prodit animal biceps aut bicorpor. Quamquam frequentiora sunt monstra in animalium genere, tum quod perfectiore modo vivunt, itaque enormius degenerare possint; tum quod in animantibus sint multæ actiones, quæ facile lædi possunt omnes, in plantis sint actiones paucæ, quæ læduntur quidem, sed ægrè; tum quod animalia vago & indeterminato tempore regenerentur, plantæ verò certum productionis suæ tempus habeant.

XV. Quæritur porro: *An Syrénes & Tritones monstra vocari debeant?* Respondeo: De Tritonibus, Syrenibus, Nerci-
dibus non tantum pleni sunt libri Poëtarum, sed quoque testantur Historiarum conditores. Eos à dæmone produci qui activa passivis applicet, docet Adamus Stevartus *Disputat. 5. de monstris dist. 144.* & in monstrorum censu collocat ista dæmonum ludibria. Tritonem in quodam specu auditum, quod concham in buccinæ modum inflaret, Ne-
reidem cum gemitu multo defunctam, narrat Plinius *lib. 9. histor. natur. cap. 3.* Cardanus scribit: Omnium admirabilior monstrorum Triton est: In Bacchi templo vidisse apud Tanagræos Bœotiz populos Pausanias Tritonem refert, aliumque apud Romanos, cujus hæc erat forma: capillos habent Tritones in capite, ranularum instar degentium in paludibus, tum colore tum quia diversi inter se non sunt, similitudinem referentes. Reli-

Reliquum corpus in tenuem squamam definit, roboreque illo munitum est, quo rhinas piscis, branchias sub auribus habent, & nasum humanum, os latius, & dentes ferinos, oculos glaucos. Manus itidem habent, digitos & ungues cochlearum acetabulis similes. Sub pectore & ventre caudam habent pro pedibus, ut delphini, *lib. 10. de Subtilitate pag. 745.* Theodorus Gaza inter alia piscium monstra vidit Nereidem fluctibus expositam, viventem & spirantem, facie homini similem, non inuenta specie, corpore squamis hirsuto ad pubem usque, reliqua in caudam locustæ desinebant. Ad hanc videndam cum frequens concursus fieret, ipseque & nonnulli è vicinis oppidis eo se contulissent, illa frequenti turbâ circumdata & in sicco constituta præ dolore gemitus & lachrymas uberes dedit. Gaza turbam recedere iussit, dum interim ipsa brachiis & caudâ, quo maxime potuit modo, humi repens paulatim ad aquas pervenit. Cùmque se præcipitem magno nixu in mare dedisset, ingenti impetu fluctus secare cepit, momentoque temporis ex oculis elapsa evanuit, ut prodit Mart. Weinrichius *libro de monstris cap. 7.* Tritonem in Oceano boreali à navigantibus captum, & voces humanas proferentem, & deque civitatibus sub aquâ conditis multa fabulosa garrientem, describit Thomas Bartholinus *Centur. 3. histor. 11.* Hieronymus Dominus cum in naves impositam manum militum iussu patris, duceret suppetias Rhodiensibus, per anchoræ funem subeuntem ab se visum, dicere solebat, hominem marinum. Hoc ego illum

Maximiliano Cæsari prædicantem addi, ait Julius Scaliger *Exercit. 226. sect. 12.* Tritonem in Galliâ Aremoricâ visum, refert Petrus Gassendus, qui naviculam propius adremigantem unâ cum vecto-ribus subverterit, cumque in rupibus appricaretur, globo tormentario petitis in mare desiliverit, *libro 4. de vitâ Peireskii pag. 197. seqq.*

XVI. Locus est Jobi 26. 5. quem Romanus Interpres legit: *Ecce gigantes gemunt sub aquis & qui habitant cum eis.* De Tritonibus exponit Jacobus Janſonius *Commentariis ad h. l. pag. 164.* & pro adstruendis hominibus iis aquaticis adfert testimonia Damiani à Goës, Ferdinandi Alvari, veterumque statutorum Hispaniæ, qui commemorant Syrenum capturam in littoribus Hispaniæ, & vestigal solutum Regibus. Ego credam, fuisse simios marinos. Certè simia marina est illa quæ Harlemi in Bataviâ ostenditur cum exuviis, de quâ referunt Ludov. Guicciardinus in *descriptione Belgicæ*, Petrus Bertiùs *lib. 1. Tabular. contract. pag. 16.* Marcus Frid. Wendelinus *libro de admirandis Nilicæ. 14. num. 6.* & Sirénem veram esse credunt. Certant ferè de incolarum numero & specie mare ac terra. Non minus enim matia quàm terræ suos nutriunt ursos, canes, apros, lepores, vulpes, lupos, asinos, equos, vitulos, leones, simios. Quæ tamen monstra esse, nemo dixerit, quamquam à terrestribus non parum dislent formâ. Si tanta copia Syrenum erat olim, ut piscationis vectigalia acciperent Lusitanæ Reges, quo fato afflictæ sunt, ut hodiè non incidant in retia? Locus Jobi referri debet ad

grandia cete, divinæ potentia in aquis ipsis testimonium, quod etiam docetur Psalm. 104 24. 25. 26.

XVII. Præterea certum est, quod Diabolus multas variasque species assumendo luserit miseros Gentiles, cosque totis animis ad superstitiones impulerit, itaque nunc Satyros & Faunos aspectu horrendos, nunc Tritones, Syrénas, Nereidas, Nymphasque specie pulcerrimas in aquarum gurgitibus, in fontibus, in nemoribus ostendebat, quos omnes illi inter Deos censuerunt, & Diabolo cultum, quem vero Deo unice debebant, impenderunt. Attamen negari haud potest, quod fuerint olim Satyri, & quæ hodie sint, in remotis Indiæ & Africæ regionibus, ubi eos collocant Plinius lib. 5. *historia naturalis* cap. 5. & lib. 7. cap. 3. Pomponius Mela lib. 3. cap. 9. Uterque accepit ab Hannone Pœno, qui terras istas navibus ingressus olim perlustraverat, & propè Viridis Capitis Insulas videat per noctem ignes accensos, audiverat voces fistularum, cymbalorum & tympanorum strepitus, à quibus timore correptus rediit ad naves & patriam repetivit. Quod ibi Satyri habitaverint, non memorat Hanno, tantum quod fœminas caprino more hirsutas abduxit, inde posteri Satyros effecerunt & in regionibus illis incolere docuerunt. Recentiores navigationes in Angolâ, Bornéo, Guineâ, Javâ compererunt Satyros mares fœminasque, quadrupedes. in priore corporis parte Tæves, at pone hirsutos & trinitibus nigris obsitos, ab hominum

commercio profugos. De illis testantur Eusebius Nirembergius lib. 5. *historia naturalis* cap. 9. 10. Nicolaus Tulpus lib. 3. *observationum Medicarum* cap. 56. Jacobus Bontius lib. 5. *historia naturalis & Medica*.

XVIII. Et quanquam ab exortâ Evangelii luce factum est, ut spectra illa evanescerent, de quo copiose egimus. *Libro de Scripturâ sacrâ Exercitat. 31. dist. 9. 10. & libro 2. Institutionum Politicarum* cap. 3. dist. 4. 5, attamen moribus antiquis usus Diabolus nonnunquam, & ad ingenium recundo, quando est unicum studium mendacia cujuscunque generis pro veris ingerere, & modis omnibus in hominum animis illa firmare, hodiè quoque Tritonum & Nereidum formas oculis hominum, ut hos quocunque modo affligat, objicit. Monstra ergò non sunt, quia Satanæ terculamenta sunt, ut rectè nobiscum concludit Barthol. Keckermannus in *Cursu Philosoph. Disputat. 19. quest. 4*.

XIX. *Affectum est, quod speciem servat.* Tales sunt, qui nascuntur cum duobus capitibus, cum oculo uno, cum dubio sexu, ut hermaphroditi, de quibus librum peculiarem edidit Caspar Bauhinus, & adde Fortunium Licetum lib. 2. *de monstris* cap. 53. Nec non, qui nascuntur absque brachiis, pedibus, capite; qui sunt cum labris hiantibus; qui sunt nani, gibbosi, vari, valgi, repandi. Exemplaria monstrorum adfert Thomas Bartholinus *Centur. 1. Observationum num.*

4. 2. 10. 12. *segg. Centur. 3. num.*

5. 7. *segg.*

CAPVT OCTAVVM.

Diatriba singularis de Fato.

SUMMARIA.

1. Definitio fati.
2. Fatum quadruplex.
3. Fatum Theologicum.
4. Providentia Dei in humanis rebus.
5. Prænotiorum contingentium.
6. Fatum Astrologicum.
7. Fatum Physicum.
8. Fatum Stoicum.
9. Macrobius refellitur.
10. Deipanitentia super rebus.
11. Deus non vult peccata.
12. Deus prohibet quedam fieri.
13. Deus irascitur super peccato.
14. Præcepta conditionata.
15. Solvantur objectiones.

Fatum est series causarum, ad quas necessariò consequitur effectus. Ac proinde fatum pertinet tantum ad causas naturales, non verò liberas. Liberæ causæ enim producunt effectus suos ita, ut soli Deo, & non causis aliis subjiciantur. Hinc in eis non est aliqua necessitas, sed mera contingentia.

II. Estque vel Theologicum, vel Astrologicum, vel Physicum, vel Stoicum. Hæc divisio non tam fati rationem propriam, quam hominum de fato rationes & opiniones varias exprimit.

III. Fatum Theologicum est, quo Deus moderatur eventa omnium rerum. Ità facto fiunt divites & pauperes, pulchri &

deformes, sapientes & mente errantes. Nec enim Deus est ociosus spectator rerum à se productarum, verum adstat illis uti Rector perpetuus, *Psalm.* 36. 7. *Matth.* 10. 29. 30. *Actor.* 17. 25. 28. *Hebra.* 1. 3. 1. *Petri* 5. 7. Rationes idem suadent contrà Epicuræos; (1) Quia constantissimo ordine supra cælestia pariter & sublunaria geruntur: opus ergò est, Rectorem quandam adesse ordinis ejus auctorem, qui non sit ociosus, verum debitis modis negotiosus. (2) Quia Conscientia penes illos, qui alias hominum potestatem nullam verentur, quod vel scelera eorum occulta sint, vel ipsi apud homines emineant, testatur Deum omnium rectorem, & bonorum quidem remuneratorem, malorum verò ultorem esse, *Romanor.* 2. 14. 15.

IV. Deus moderatur eventa. Gentilium Sapientes multi, Epicuræi imprimis & Peripatetici, docebant, procurationem Dei non pertingere ad sublunaria, verum contineri intra cælestia, ubi citrà laborem in perpetuâ requiete locatus nec ipse quicquam negotii habeat, neque alteri exhibeat, nullis occupationibus implicetur, nulla opera molietur, sapientiâ & virtute sua gaudeat in securitate & omnium vocatione; humanas res sive facto, sive incertâ sorte (*αὐτοῦ ἀγνοίας*, Sapient. 2. 2.) quod utrumque Deo non sit curæ, impelli atque regi, Aristoteles libro de mundo cap. 3. 4. Vellejus Epicuræus (apud Ciceronem lib. 1. & 3. de nat. Deorum, & lib. 2. de divinatione.) Plinius lib. 2. *histor. natural.* cap. 7. Averrhoës in Epitomâ *Metaphysicæ* tract. 4. Contrà hos est locus manifestus Jerem. 9. 24. *Facio misericordiam*
G & ju-

& iudicium & iustitiam in terris. Regerit Plinius : (1) Deus nobilior multo est, quam ut illi cura sublunarium rerum imponatur. *Respondeo* : Deus ille qui voluit producere eas, non dedignabitur easdem conservare. (2) Si Deus curaret hæc inferiora, certè meliori ordine procederent omnia. Atqui videmus, tot errores & improbitates committi ubique gentium. *Respondeo* : Permittit illa mala fieri, quoniã Creaturæ rationales ab eo acceperunt arbitrii libertatem. Ergò quæcunq; benè fiunt ; remuneratur ; quæ malè fiunt, puniunt. & ubique iustitiæ ac sapientiæ documenta certissima præbet. (3) Si homines verè crederent, nostras res gubernari per Deum, nihil tribuerent fortunæ, utpote quæ consilium Dei pariter atque hominum excludit. *Respondeo* : Nobis fortunæ appellatio est, quæ apud Deum non est. Scilicet ad sensus nostros loquimur, interim divinæ procurationi integra omnia conservare debemus. (4) Eventus sublunarium tribuuntur astris, ergò nō reguntur ab astris. *Respondeo* : Magis confirmatur procuratio Dei, quandoquidem consentaneum vero est, motus astrorum regi & conservari à Mente quãdam excellentiore, præsertim cum influentias suas in hæc sublunaria communicent. Attamen nihil illa agere possunt in hominum animos, quos gubernat ratio.

V. *Omnium rerum.* Ne quidem contingentia excipiendo, quæ prænovit Deus, & in supremo eventu quodammodo temperat, Falluntur Aristoteles *lib. 12. Metaph. cap. 9.* Cicero *lib. 2. de divinatione*, ubi negant, quod Deus præsciat futura contingentia. Quæritur de fundamento

cognitionis ejus in Deo. Causam esse, determinationem voluntatis divinæ, sive decretum voluntatis de futuris, ajunt Joh. Scotus *lib. 1. dist. 39.* & in quodlibetico num. 14. Laurentius Vella *libro de libero arbitrio.* Andr. Rivietus *Tomo. 2. Summa controversiarum pag. 216. seqq.* Nimirum, quoniã Deus causas liberè agentes ab æterno determinavit, ut ex diversis & contrariis, quæ libertate suâ agere poterant, non hoc, sed illud præcisè facerent. Verum multo rectius præscientiæ ejus ratio ponitur in rebus extrâ Deum. Prænovit ille, quæ naturali aut libero Creaturarum motu suscipienda sunt, quidque res quæque operaturæ, & quos motus quomodo fiat determinaturæ ; quosque actus ex liberis causis liberè emerfuros ipse velit permittere, & ordinationi providentiæ suæ submittere. Adeoque Deus in dispositione causæ proximæ, id est, liberi arbitrii in talibus circumstantiis & cum talibus causis constituti, pervidit intellectus sui perspicaciâ infinitâ, quòd illud inclinaturum se se esset, & quis effectus sequeretur. Rationes hoc probant : (1) Si per concursum divinum Efficientes liberæ ita ad unum determinantur, ut non possint agere alterum, unum illud agunt necessariò & perit libertas, quod Scripturis adversum est. (2) Quia sententia illa vitare non potest, ne faciat Deum peccati authorem : quia enim homo per concursum divinum ad omnia illa quæ agit, determinatur, ita ut illa solum & non alia facere possit, determinatur etiam ad mala, adeoque non tantum necessariò, sed etiam Dei instinctu & prædeterminatione peccat, quod impiu. n. est. (3) Concursus Dei ordi

ordinarius non determinat Efficientes liberas, ut eo præfente aliter agere nō possint, *Lucæ 7. 30. Actor. 7. 51. Apocal. 3. 20.* (4) Quia scientia Dei non solum est rei ipsius, sed etiam modi rei, oportet omnino ut rem & modum rei, qualis est, cognoscat, atq; ita si modus rei contingens est, novit contingentem esse. Hoc autem esse non potest, si modus ille rei vel solâ divinæ intellectiōis ratione in necessarium mutatur, *Actor. 24. 32. cap. 25. 10. 12. cap. 27. 22. seqq.*

VI. *Fatum Astrologicum est, quo sidera agunt in hæc inferiora.* Sic fato fiunt pluviz, grandines, venti, nives, imbres, procellæ. Fiunt anni varietates secundum æstatem, autumnum, hyemem, ver: fiunt dierum & noctium vicissitudines: fiunt Ecclipses atque aliz stellarum oppositiones, conjunctiones, *Genes. 1. 14. 15. 16. 17. 18. cap. 8. 22. Psalm. 19. 1. 2. 3. 4. Psalm. 104. 19. 20. 21. 22.* At fatum hoc ad voluntatem nostram trahere & rapere, impiorum ortus & occasus ab eis derivare, eventa singulorum perinde & societatum in humano genere imputare illis, quod hodiè faciunt Stelliones Planetarii, est homini liberum arbitrium detrahare, & divinâ providentiâ impugnare. De quâ reluculenter scripsim *lib. 2. Institut. Politicaru cap. 20.* & repetemus *infra lib. 3. cap. 10.*

VII. *Fatum Physicum est, quo natura secundum vires suas agit.* Hoc fato ignis urit aqua humectat, ær feruor sursum, terra deorsum. Hoc fato lucent stellæ, animantia generant, homo loquitur & sublime os habet, ut cælum tueatur, Deumque laudet universi conditorem, *Psalm. 8. 1. 2.*

3. 4. *Roman. 1. 15. 20. 21.*

VIII. *Fatum Stoicum est, quo causæ liberæ à Deo circumferibuntur, ut necessariò agant quæ agunt.* Fatum hoc omnes rectem omnium, cum primis liberarum efficientiū, actiones ex necessitate quadâ inevitabili, auctore Deo, fieri contēdit. Stoicos quosdam olim ita docuisse, referunt Cicero *libro de fato*, Laërtius *in vitâ Zenonis*. Plutarchus *libro adversus Stoicos*, Aulus Gellius *lib. 9. Noctium Atticarum cap. 1.* Non multum desentit Laurentius Valla *libro de libero arbitrio*, apertius verò contingentiam è mundo tollunt, & validâ rerum omnium necessitatem loco restitunt Scholæ Reformatae Doctores. Huld. Zuinglius *libro de providentiâ Dei*, Joh. Calvinus *lib. 3. Institut. Relig. Christ. cap. 23.* Dan. Chamierus *Tomo 1. Panstratia Cathol. lib. 2. cap. 1. seqq.* Johan. Scarpus *in Cursu Theolog. pag. 201. 202.* Wendelinus *lib. 1. Theolog. Christ. cap. 6. theor. 13. & Exercitat. Theolog. 30. 31.* Franciscus Gomarus *libro de providentiâ cap. 12.* Joh. Maccovius *in Locis Communibus part. 2. Disputat. 13. & in Theologiâ Polemicâ cap. 6. quaest. 2. cap. 10. quaest. 6. cap. 12. quaest. 14.* Frid. Bröckerus *in Antidoto errorum Vorstii cap. 12.* Nos pro asserendâ rerum contingentia istas proferimus rationes. Prima est: Si propter immutabilem Dei providentiâ omnia eveniunt necessariò, tollitur contingentia & libertas rerum. At falsum est consequens, quo omnis humanæ conversationis delectus evertitur, & rationales actus Creaturarum abrogantur. Dicit Wendelinus: Unus idemque actus est necessarius & contingens, sed respectu diverso, nimirum Dei respectu nihil contingens est, sed

necessaria omnia sunt; respectu hominum contingentia sunt, quorum operationes subordinantur causæ primæ. Sic etiam Mart. Scogkii in *Physicâ generali Dissput.* 5. dist. 16. 17. Respondeo: Atquid contingentia respectu hominum quaeritur, an illi velut causæ proximæ actionum suarum agant necessariò? Quod Deus præsciat omnia, verum est; quod Deus præsciendo actus nostros determinat, falsum est. Hoc modo necessarium & contingens non differunt respectibus meris, sed è naturâ rei, id est, totâ essentia, adeoque Entis latitudinem perfectè dividunt, nec magis respectu aliquo conciliari possunt, quàm finitum & infinitum.

IX. Regerunt: Quamvis essentia totâ differant, conciliari tamè in unô & o subiecto esse possunt, Filius & pater essentia totâ differunt, & tamè diverso respectu potest aliquis pater atque filius esse, Maccovius in *Loci Communibus* pag. 253 Atqui hoc inceptum est, quia non agitur de Relatis, consentaneis quodammodò; sed de Contradictoriis & in summo gradu dissentaneis, uti sunt necessarium & contingens. Instat Maccovius: Contingens & necessarium non sunt contraria, verum disparata. Respondeo: Disparata sunt, quorum unum multis opponitur, uti definit Petrus Ramus lib. 1. *Dialect.* cap. 13. Atqui hic unum uni opponitur, itaq; contraria sunt, imò e contradiçtoria, quæ totam Entis latitudinem dividunt. Neque sufficit effugium: Est contingens & necessarium diverso respectu. Necessitatis & contingentia ratio sumi debet paribus omnibus, nimirum, ut conjungatur habitudo Efficientium duarum, quæ ef-

fectum unum producat, altera quidem remotè, altera proximè. Et verò quam dicant Adversarii, causas secundas liberè agere, dicunt verbis, quod assertione suâ negant. Scilicet causæ secundæ per motum causæ primæ reguntur irresistibiliter, ut non possint agere aliter, quàm agunt. Ità contingentia tollitur, libertas est titulus sine re, frustra Natura est, frustra Ratio est, frustra de Libero arbitrio cogitatur, eccellente Rationis parte.

X. Secunda: Si omnia quæ fiunt, necessariò & immutabiliter fiunt secundum prænotionem Dei, omnia eveniunt ipso volente nec procurante. Atqui multa eveniunt nec volente nec procurante Deo. Ergò non est immutabilitas actuum nostrorum. Minor constat ex sacris literis, *Genes.* 6. 6. *Esai.* 5. 1. 2. 3. *Actorum* 7. 51. Ratio consequentiæ est: Qui procurat, ut ita & non aliter fiat, quomodo pœnitet eum, cum ita & non aliter fit? Dicit Maccovius: Cum pœnitentia Deo tribuitur, est dictum ad hominis caput. Quod non negamus. Vocabulum petitum est de hominum medio, res significata refertur ad Deum; ut constat inde, multa ab hominibus inter homines fieri, quæ aliter fieri potuissent, utque aliter fierent, in votis Deum habuisse. Quapropter is leges dederit, Prophetas miserit, 1. *Samuel.* 23. 10. 11. *seqq.* *Ierem.* 21. 8. 9. *Iona* 3. 4. 5. *seqq.* *Matth.* 11. 21. *Actor.* 27. 21. *seqq.* Porro: Qui procurat, ut ita & non aliter fiat, quomodo expectat, ut aliter fiat? Dicit Maccovius: Sequeretur, expectationis & voluntatis frustrationem in Deo esse, quod absurdum est. Respon-

cum

ei debet & poterat bene agere penes vires à Deo datas, viribus illis non rectè utitur, & malè agit. Nec tamen Deus excidit sine suo, qui hominem contumacem & ex se degenerem punit. Denique: Qui procurat utilità & non aliter fiat, quâ veritate queritur, consilio suo resisti? Temerè & inconsultò queritur, si voluit ipse & procuravit.

XI. Tertia est: Si nihil evenit, quod Deus non decrevit immutabiliter, sanè Deus vult & facit omnia, quæ eveniunt. Atqui multa eveniunt, quæ Deus non vult. Ergò non omnia eveniunt immutabiliter & propter decretum Dei. Minor probatur: Peccata, eveniunt, peccata non vult Deus, *Psalm. 5.5.* Ergò quædam fiunt, quæ Deus non decrevit fieri, quæque improbat. Dicit *Maccovius*: Negatur minor & probatio ejus, vult Deus peccatum voluntate beneplaciti, sed non vult illud voluntate signi. *Respondeo*: Si Deus vult peccata quacunque voluntate, & illa efficit, causa erit principalis omnium peccatorum, & non tam homo peccans in culpâ est, quàm Deus ad peccatum ordinans. At, *vult beneplaciti voluntate*. Negatur verbis expressis, non es Deus qui improbitate delectaris, *Psalm. 5.5.* Ergò quod non placet Deo, illud non potest voluntate beneplaciti velle.

XII. Quarta est: Si nihil evenit quod Deus non decrevit, ergò voluntas Dei cum præceptis pugnat. Absurdum hoc est, igitur & jam illud. Ratio consequentiæ est: Velle ut eveniat, & prohibere ne eveniat, contradicentia sunt. Dicit *Maccovius*: Prohibitio in talibus fit, vel ut convincantur improbi, vel ut ex-

plorentur boni. *Respondeo*: Neutri locus est, ubi fatum adstruitur. Et convictio ista iniquissima est, quia citrà meritum & culpam obtruditur. Non enim culpæ ratio est, ubi meliora sequendi & agendi licentia erepta est.

XIII. Quinta est: Si Deus omnia illa decrevit, quæ eveniunt, ergò non est causa justa, ob quam peccatis irascatur. Ratio consequentiæ est: Quia etiam si peccata eveniant, ipso volente eveniunt, & quæ secundum voluntatem ejus fiunt, non debebant voluntatem ejus alterare, id est, provocare iram. Dicit *Maccovius*: Voluntas Dei non est regula actionum nostrarum, sed Lex divina. *Respondeo*: Utraque est regula, uti constat, de voluntate quidem, *Levit. 11.44.* de lege promulgata, *Exodi 20.1.2. seqq.* Sin aliter vult, aliter jubet, dissentit secum, atque à seipso diffidet. Argumentamur: Natura Dei est regula actuum nostrorum. Ergò etiam voluntas. Antecedens est *Levitio. 11.44.*

XIV. Sexta est: Si providentia Dei immutabilis est, nulla Dei promissa aut præcepta fuerint conditionata. Atqui falsum est consequens. Ergò & antecedens. Ratio Consequentiae: Quia conditio infert & arguit possibilitatem mutationis ad oppositum, cum poni vel affirmari potest. Dicit *Wendelinus*: Sunt præcepta conditionata apud homines, quanquam conditio apud Deum certissimè in partem alterutram determinata sit. *Respondeo*: De eventu futuro prævidet quidem Deus, nec tamen in hominis actione illum prædeterminat. Aliter cum statuis, hominem libertate spolijs,

Dei præcepta cum conditione posita enervas, causis secundis omnes agendi vires eripis.

XV. Instant *Wendelinus & Bröckerus*: (1) Omnes causæ secundæ agunt per & propter causam primam. Atqui Deus & decreta ejus sunt causa prima. Ergò per & propter ista agunt causæ secundæ. *Respondeo*: Qualis causa est, talis influxus. Atqui causa prima est causa remota. Ergò quoque est influxus remotus. Proinde causas proximas non determinat, ut agant necessariò, quomodò agunt, neque aliter agere possunt. Manet eis principium agendi integrum, quod in se habent, ut illud motu proprio & libero inclinent, quò volunt. (2) Prudentis Rectoris est, omnia efficaciter ordinare, ut fiant quomodò volet ipse. Atqui Deus est prudens Rector universi. Ergò omnia efficaciter ordinat, ut fiant, quomodò volet ipse. *Respondeo*: Fiunt omnia, quomodò Deus efficientes rationales disposuit, sed non eodem modo. Bona fiunt, quia sic vult, jubet, juvat, præmiis efficit; mala fiunt, quia non impedit causas liberas, cum præter voluntatem & præcepta ejus malè agunt. Assistit quidem eis per influxum remotum, quo Naturam sustentat, ut in agendo perduret: non verò impellit per concursum irrefragabilem, ut agant hoc, agant illud. Et ramen actiones malas regit quoque, ut non evagentur latius cum insigni damno piorum. (3) Si quæ fiunt in mundo, non fiunt efficaci decreto Dei, sanè Deus certum finem in creatione rerum non potuit habere propositum, aut si propositum habuit, non potest eum assequi, quandoquidem mutabitur finis

pro ratione actionum humanarum. Hoc verò absurdum est, ergò etiam illud, *Respondeo*: Negatur consequentia. Finis non mutatur, quia Deus voluit ut arbitrium liberum Naturæ inesset. Et Deus idè providentiæ suæ administrat omnia, ut cum visum est ipsi Creaturis suis uti ad judicia & decreta sua exsequenda, naturæ & proprietates naturales eis non auferat, secus Conservatio, quæ Creationi accommodata esse debet, ei adversabitur. (4) Aut absolutum Dei decretum est causa rerum omnium, aut res futuræ sunt causa decreti Dei. Posterius est absurdum. Ergò prius est verum. *Respondeo*: Negatur consequentia. Quæcunque fiunt, illa decrevit fieri Deus cum edidenti cōnotatione causarum secundarum. Neq; enim inter Dei providentiam & res gerendas in mundo est relatio absolutè necessaria, qualis est inter causam & effectum, sed quodam modò necessaria, qualis est inter prius & posterius. Namq; causæ secundæ in providentiâ divinâ præ noscuntur secundum actum existentiae, quamobrem providentia est quoque rerum naturâ suâ contingentium, quæ licet hoc vel isto modo facta fuerint, tamen aliter fieri potuerunt, servatâ libertate causæ proximæ, in quâ effectus veram originem habet. (5) Præscientia Dei non potest esse de futuris contingentibus, quoniam rerum contingentium nulla potest scientia esse illis, quibus contingentes sunt. Ergò si Deus habebit certam contingentium notitiam, necessariæ illæ fuerint. *Respondeo*: Quoniam contingentium notitiam certam habet Deus, necessariæ illi sunt à priori, quod eventus horum certò prævideat; non verò sunt neces-

neccesse à posteriori, quod causas secundas inexistibiliter impellat, ut sic & non aliter agant. (6) Aut omnia fiunt vi decreti Dei, aut non fiunt. Si fiunt, quomodo negabitur, ipsum omnia scire, quoniam omnia fieri decrevit efficaciter? Sinon fiunt omnia vi decreti Dei, ergo poterit aliquid dari, quod vi decreti Dei non fit, atque hoc non fiet. *Respondeo*: Conceditur totum. Omnia fiunt secundum decretum Dei, verumtamen ut connotentur causæ secundæ, quæ rationis consilio & voluntatis arbitrio ducuntur in hanc vel illam partem, Deo regente supremos eventus, quoniam rerum omnium supremus arbiter est. Nisi hoc, certè mala quæ fiunt, ex decreto Dei fiunt, quod est falsum, *Psalm. 5. 5.* Vetuit enim illa fieri, sed quia Creaturæ rationales voluntatem penitus se habent, principium internum agendi, non impediente Deo multa perpetrant, quæ ille à priori non decrevit. Nec enim semper agit secundum vim potentiae, sed communiter agit secundum ordinem naturæ, quem cum primordio universi instituit, ut mandata & prohibita valeant, ut poenæ & præmia dari possint. (7) Quia ad fines quos sibi præstituit Deus, media ordinat ejusmodi, quæ obtinendis iis sunt idonea; secus cum esset, Deus sine suo excideret. *Respondeo*: Media interposuit Deus, quod cum fato aperte pugnat & libertatem causarum secundarum stabilit. Neque Deus sine suo excidit. Distinguenda sunt ea, quæ Deus vult absolute in ordine decretorum suorum, & quæ vult ab aliis fieri intrà certi ordinis fines. In illis nunquam sine suo frustratur, quod tunc secundum vim potentiae suæ

agat, in his verò ordinem præscriptum causæ liberè agentes negligere, atque ita adversus Dei voluntatem agere posse, constat ex *Psalm. 78. 8. 9. 10. Proverb. 1. 24. Luca 7. 30.* Attamen illi ipsi refractarii & divinis legibus adversi, demum ita in ordinem à Deo rediguntur, ut poenis affecti dent testimonium justitiæ ejus, quomobrem ne ita quidem Deus sine suo excidit.

CAPVT NONVM.

De Fine.

SUMMARIA.

1. *Definitio finis.*
2. *Finis in esse reali.*
3. *Finis universalis.*
4. *Finis particularis.*
5. *Agentia naturalia.*
6. *Providentia divina.*
7. *Triplex cognitio.*
8. *Conimbricenses reselluntur.*

I. *Finis est, propter quem corpus naturale producit.*] Omnis finis habet rationem boni, ut docet Aristoteles 2. *poster. 9. 5. Metaph. 1. 3. 2. physic. 3.* & interpretatur Jacobus Schegkii *Commentar. ad lib. 6. Topicor. loco. 52.* Est autem aliud reverà bonum, aliud apparenter. Nemo appetit malum quod cognoscit esse malum, nisi sub specie aliquâ boni. Cædes hominis res inale est, attamen latro eam appetit sub ratione boni, ut animum vindictæ cupidum expleat ut potiatur bonis, quæ viator portat secum.

II. *Corpus naturale producit.*] Querunt Doctores Scholastici: *An finis causas in esse reali, an potius in esse intentionali?* Responsio-

spondeo: Postterius dicunt Conimbricenses *lib. 2. Commentar. Physic. cap. 7. quest. 11. art. 3.* Joh. Combacchius *lib. 1. Metaphys. cap. 19. dist. 36.* & *lib. 1. Physicorum pag. 85. 86.* Piccolominéus *lib. 1. Physica commun. pag. 290.* Didacus Masius *Commentariis ad lib. 2. physicorum pag. 404. seqq.* Joh. Velcurion *lib. 1. Physica. cap. 22.* secuti Thomam de Aquino *lib. 1. dist. 2. quest. 21. art. 1.* Verùm confundunt illi adjunctum efficientis cum verà causâ finali. Quod Efficiens movetur ad efficiendum, cogitando simul de fine, ut bono futuro, illud est adjunctum efficientis; neque igitur cogitatio illa, sed potius ipsa bonitas, ipsa utilitas, ipsa ad usum conformitas, quæ rebus ab opere consummato inest, vera causa finalis est. Docemus ergò cum Pererio *lib. 8. philosoph. natural. cap. 4.* Fr. Suarez *Disput. Metaph. 13. sect. 8.* Fonscâ *lib. 5. Metaph. cap. 10. quest. 11.* Philippo de Trinitate in *Summa Philosophicâ lib. 2. Physica pag. 525. seqq.* Antonio Ruvione *lib. 2. Commentar. physic. pag. 233. seqq.* Fr. Toletio *lib. 2. physicor. cap. 9. quest. 14.* Joh. Caso *lib. 2. Commentar. physicor. pag. 257.* quod finis causetur in esse reali. Argumentamur: Illud pro fine cènseri debet, cui definitio finis convenit. Atqui definitio finis non convenit ad conceptum illùm boni futuri, sed ad complementum operis in reale esse. Ergò nec conceptus ille boni futuri, sed potius complementum operis in esse reali est verus finis. Medicus agit non propter sanitatem, quam ipse animò concepit, sed propter eam sanitatem, quam ægrotus sibi restitui actu cupit. Rursum: Præsentente fine cessat actio. Atqui finis ani-

mò concipientis impressus, non infert cessationem ab opere, ac magis principium operis est. Ergò non est verus finis.

III. *Estque vel Universalis vel Particularis. Universalis est, propter quem omnia sunt.* Talis est salus hominum. Homo inquam est, cui lucent sidera, surgunt montes, descendunt valles, fecundificat terra, parturit natura universa. Ut verò homo non est à se, ita nec propter se est, ultimusque hominis ipsius finis non in rerum caducarum exercitio, sed in gloriæ, sapientiæ, clementiæ divinæ admiratione consistit. Hinc vulgata Regula: *Omnia propter hominem, sed homo propter Deum*, apud Julium Scaligerum *Exercit. 250. sect. 1.* Fastuosè disserit Joh. Bodinus, quod cælestia non sint propter hominem condita. Nam, ait, hoc perindè est quasi dicas, homines pecorum causâ conditos esse, est enim finis præstantior mediis ad finem ducentibus. Quis verò nescit, cælestia terrenis velut causas effectis suis multùm præstare? *lib. 5. Theatri naturæ pag. 609.* Sequitur, uti tolet, viam monstratam à Rabbinò Maimonide *lib. 2. Moreh Nevochim cap. 13.* Verùm literæ sacræ contradicunt, *Genes. 1. 26. Deuter. 4. 19. Psalm. 8. 1. 2. seqq. Matth. 5. 44. 1. Corinth. 3. 27. Hebræ. 1. 14.* De præstantiâ quod adferunt, levicufum est. Neque enim simpliciter verum est, cælestia esse causas efficientes inferiorum. Remotè concurrunt, & in conceptu universali, de causis proximis alia ratio est, uti hæctenus non semel demonstravimus.

IV. *Particularis est, ad quem res certa ordinatur.* Sic finis hominis est sapere, Solis lucere, ignis urere. Quæritur hic:

An quavis agentia naturalia fines suos prae-
cognoscant? Respondeo: Cum primis quaeritur de agentibus naturalibus illis, quae sensu atque intellectu omni carent, uti sunt plantae & bruta, an illa, cum agunt, habeant finis praenotionem, & quomodo? Recepta opinio est, quod in agendo se merè passivè habeant, dum causae supremæ impulsu ad finem ipsis incognitum, Deo notissimum, moventur. *Tol-*
etus scribit; Notandum est discrimen inter modum, quo animalia agunt propter finem, & insensibilia & homo ipse. Insensibilia enim dicuntur agere propter finem, quia ex se & naturâ ipsorum ad tales fines inclinantur, nullâ finis cognitione in ipsis existente. Bruta verò propter finem agunt, quia naturaliter feruntur in finem quem aliquo modo cognoscunt puta materialiter, cognoscunt autem ea quae ad finem sunt & faciunt, sed quod ad finem sint, non cognoscunt. Homo verò finem praecognoscit sub ratione finis, & media per electionem in finem ordinat. *Et paulo post;* Alia universalis causa est, omnes omnium fines praeviciens, & faciens & inclinans omnia in proprios fines, Deus nempe gloriosus. Quemadmodum enim sagittarius inspicies scopum, sagittam ictum imprimit, quo illum attingat, sic Deus omnibus naturam dedit, quâ etiam non praevisis finibus absque errore usque ad eos perducerentur, *lib. 2. Commentar. physico. cap. 9. quaest. 11.* Eadem habent Conimbricenses *lib. 2. Commentar. physico. cap. 9. quaest. 2. art. 2.* Raimundus Mailhat in *Summâ Philosophicâ Tomo 2. part. 1. pag. 209. seqq.* Joachimus Bursius *lib. 1. Institutionum Physicarum cap. 7.* Franciscus

Murcia in *Curso Philosophico part. 2. pag. 195. 196.* Samuel de Lublino *Commentariis ad libros Physicorum pag. 156. seqq.* Didacus Malus *Commentario ad lib. 2. Physicorum pag. 461. seqq.* Johan. Calus *lib. 2. Commentar. physico. cap. 8.* Joh. Fernelius *lib. 6. Physiolog. cap. 11. & 14.* Gilbertus Jacchæus *lib. 2. Institut. Physicarum pag. 47. 48.*

V. Contrà disserunt Pererius *lib. 8. Philos. natur. cap. 3.* Rodericus Arriaga in *Curso Philosoph. disputat. Phys. 8. num. 65.* Johan. Poncius in *Curso Philosoph. disputat. phys. 10. quaest. 7.* videlicet, quævis agentia naturalia cognitione insita & propriâ ad fines suos tendere, non verò alienâ. Et rectè. Nullo enim modo agentia illa propter finem agere dici possunt, si finem istum nullo modo cognoscunt. Argumentamur: Quodcumque est in executione, illud fuit ante in praenotione. Bruta & plantae multa habent in executione. Ergo illa talia apud se habent in praenotione. Major constat: Executio non minus requirit instrumentorum aptitudinem, quàm debitam intentionem pro absolvendo opere. Minor probatur: Cornu ferit vitulus etiam antequam nascuntur illa, pullus equinus calce petit nondum sat firmatis ungulis, catellus vult mordere, licet infirmos etiamnum habeat dentes, volucres implumes molliuntur volatum. Aranea suspendit in foribus atque angulis casses artificiosè elaboratos, ut mulcas venetur, formicae in æstate cibum parant labore multo, ut per hyemem fruantur victu. De plantis eadem res est. Arborum fructus quotannis proveniunt naturæ solertis

fictrice manu, odore, colore, sapore egregii, sibi que semper similes in eodem rerum genere, licet per temporum vices variatas oriantur & pronascantur. An verò ista omnia Natura temerè efficit? Absurdum! Temerè quod fit, hoc sine intentione fit, sine finis præcognitione.

VI. Urgeamus tale disjunctum: Aut finem præcognoscit agens naturale, aut temerè & incerto casu operatur. Atqui non præcognoscit finem, uti dicunt Adversarii. Ergò temerè & incerto casu operatur. Neque satis exsolvunt sese difficultatibus multis, quando cum Alberto Magno & Thomâ regerunt, *providentiam divinam supplere defectum istum in creaturis*. Non debet, ajunt Conimbricenses *l. d.* mirum videri, quod etiam illa quæ omnis finis notitiâ prorsus carent, propter finem agere dicantur, diriguntur enim ad finem ab aliâ superiore & excellentiore causâ, hoc est, ab ipso naturæ opifice, qui rerum omnium fines cognitione comprehendit, ad eos obtinendos propensionem & vires dedit. *Respondeo*: Atvana prorsus in hac fugâ pes est. Contradictionem implicat, dicere quod aliquid propter finem agat, & negare quod finis prænotionem habet. Nemo intendit quicquam quod nescit. Reguntur equidem, sed à Naturâ, quæ causæ universalis vicaria est. Neque illud causæ primæ regimen sufficit, quando quidem hominum etiam effectus & affectus regit, moderaturque Deus. Et tamen homo præcognoscit finem operis ejus, quod agit. Adducunt *Toletus & Casus* simile: Quamvis sagitta motus sui ignara sit, attamen per impetum jaculatoris per-

venit ad metam propositam. *Respondeo*: Simile illud est toto genere dissimile. Sagitta est res inanimis, brutis verò & plantis Natura viva & efficax inhæret, igitur sagitta ut ad metam perveniat, quia in se vires non habet, juvatur à causâ externâ, plantæ & bruta non habent opus externâ causâ, utpote formâ propriâ & naturæ viribus instructæ, à quibus est, ut à se ad fines proprios cogitando & conando perveniant.


VII. His ita constitutis, pronunciamus, omnia agentia naturalia, non tantum ea quæ sensibus atque intellectu prædita sunt, habere certam finis sui præcognitionem. Estque triplex ordo agentium naturalium, unde existit triplex gradus cognitionis, videlicet naturalis, sensualis, rationalis. Naturalis inest plantis, quæ finem sub ratione boni cognoscunt per naturam à naturæ authore Deo inditam. Sensualis inest brutis, quæ finem sub ratione boni cognoscunt per sensus à naturæ authore Deo datos. Intellectualis est in homine, qui finem & media ad finem obtinendum ordinata cognoscit. Sic araneæ noverunt, quoniam in loco & quibus modis conficiendæ sunt telæ, ad capiendas muscas: fugit mus à se qui nondum vidit, quod fel's devoraverit mutem. Avibus cum decidunt pennæ, novas in locum illarum format natura, prioribus figurâ, colore, & cæteris qualitatibus exactè respondentes. Hirundo nidos suos in altiore loco, ad quem accessus est difficilior, semicirculari opere construit.

VIII. Modum describunt *Conimbricenses*: Intuetur lutum, deinde ex intuitu ima-

imaginem illius admittit in phantasia, tum æstimat conueniens idprehendere, & deferre versus hunc aut illum locum, subinde præhabito etiam qualicunque iudicio lutum certo modo componit, rursus aliud similiter ad eundem locum confert, sicque paulatim nidum figit. Atque ex hoc progressu intelligi potest, hirundinem nec innatam speciem requirere, nec sine specie in opere versari. Adde etiam, nec illi necessarium esse aliquod futuri operis exemplar, ab initio impressum. Nec enim oportet, ut priusquam nidum conficiat, quo pacto totus nidus efformandus sit apud se statuatur, sed ut dum singulas luti particulas applicat, phantasia ei sigillatim dicat, ut unam alteri sic annectat, *lib. 2. Commentar. physic. cap. 9. quæst. 4. art. 2.* In quibus verbis non uno modo aberratur. Contradictorium est, hirundinem non requirere speciem innatam, & tamen non sine specie in opere versari. Quod quis non habet intrâ sese, illo non potest uti velut exemplari, ad quod conformet opus externum. Habet omninò hirundo speciem à naturâ impressam, quæ ei est e-

xemplaris vice in fingendo nido, perinde uti aranea habet à connatâ specie telæ, ut perpetuò eandem telam contexat, atque in destructæ prioris locum aliam restituat de viscerum suorum materiâ ferace, iisdem radiis suspensam. Quod luti particulas singulas apponit, à phantasiâ non est. Naturalis hoc suggerit cognitio, non verò sensualis. Quomodò lana bombycis, tela aranei, favus apis, metus pulli adversus accipitrem, lactis emulsio catellorum & infantum ab uberibus genitricum, à naturâ proveniunt, non verò à sensu. Natura dicitat ista, antequam perveniant in sensus ab imitatione aliorum. Cognitio sensualis est, quando canis panem oblatum cognoscit, & à baculo vel saxo discernit. Ab eadem est, quod canis satur os recondit in quisquiliis, & fame stimulatus idem repetit atque requirit, ut non aberret à loco, & terram superingestam pedibus averrat. Ab eadem est, quod canis regreditur ad locum illum, in quo accepit nutrimentum, fugit istum, in quo percepit à verberibus damnum.





LIBER SECUNDUS.

De Affectionibus Corporis naturalis.

CAPUT PRIMUM.

De Affectionibus in genere.

SUMMARIA.

1. Definitio Affectionum.
2. Affectiones propriae.
3. Affectiones materiales, formales.
4. Affectiones materiales.
5. Affectiones formales.

I. **A**ffectiones sunt accidentia propria, quae corpori naturali adjunguntur.] Postquam de causis actum fuit, sequitur ut prosequamur affectiones, velut alterum rei scientificae principium.

II. *Accidentia propria.*] Quatenus corpori naturali, omni, soli, semper & primo, insunt, Aristoteles *lib. 1. Topicorum cap. 4.* & Jacobus Schegkiius. *Commentarius ad h. l.*

III. *Suntque vel Materiales vel Formales.*] Divisio est sumpta à causis internis, quae in omni corpore naturali reperiuntur, atque partes ejus sunt. Quod frustra negat Cartesiana Scholae Doctor Goriæus in *Epitome Physicâ cap. 4. dist. 1. 2. 3.*

IV. *Materiales sunt, quae sequuntur materiam.*] Tales sunt Quantitas, Locus, Tempus. Haec insunt corpori, quia materiaturum est.

V. *Formales sunt, quae sequuntur formam.*] Tales sunt Qualitas, Motus & Quies.

CAPUT SECUNDVM.

De Quantitate.

SUMMARIA.

1. Definitio quantitatis.
2. Quantitas excedit magis & minus.
3. Divisio quanti.
4. Non potest dividi quantum in infinitum.
5. Aristotelis testimonium.
6. Refellitur Pererius.
7. Quantitas continua, contigua.
8. Corpus gloriosum.
9. Servator gloriosus.
10. Penetratio dimensionum.

I. Quan-

II. Quæritur *Vanitas est affectio corporis naturalis, quæ illud est extensum.* Quod sit affectio corporis naturalis, probatur hoc argumento: Quicquid consequitur ad corporis naturalis substantiam, illud est ejusdem affectio propria. Atqui quantitas consequitur ad corporis naturalis substantiam. Ergo est ejusdem affectio propria.

III. Corporis naturalis. Quantitatis officium est, ut inserviat corpori naturali, quò possit operationes suas commodè perficere. Cæterum *quantitas excedit magis & minus.* Nam & parva quantitas est vera quantitas. Imò sæpius in minore quanto est major vis agendi propter virtutem magis unitam. Gemmarum vires commendabiles magis sunt in usibus hominum, quàm saxorum ingenitum. Homines proceri sunt plerumque ignavi, stupidi, stolidi; secus est de mediocri staturæ hominibus, vegetis iis. & præsentis animo instructis.

III. Quæ illud est extensum. Secundum trinam dimensionem, ut sit longum, latum & profundum. Quæritur hic: An quantum dividi possit in infinitum? Respondeo: Multis hac de re disserit Aristoteles lib. 3. *physicor. cap. I. seqq.* nimirum ut viam pararet iis, quæ alibi adversus Democritum proponere volebat, impugnando atomos, quas Democritus affirmabat esse, & noscum illo affirmamus, ut erit in *frâ lib. 5. cap. 3.* Sequuntur ad locum illum Commentatores, Toletus, Conimbricenses, Murcia, Ruvio, Joh. Casus, Fortunatus Crellius, nec non Mendoza *Disput. phys. 15.* Rodericus Arriaga in *Cursu Philosophico Disp. Phys. 16.* Piccolominéus.

libro de Communibus affectionibus cap. 2. Hannibal Roselius *Commentariis ad Crisostomum Pimandrum Tomo 4. pag. 26. seqq.* Bernh. Morifanus *Commentario ad Physicam Aristotelis pag. 451. seqq.* Philippus de Trinitate in *Summâ Philosoph. lib. 3. Physic. pag. 640. seqq.* Didacus Mafius in *Commentariis Physicis lib. 6. pag. 327. seqq.* Pererius lib. 10. *Philosoph. naturalis cap. 13.* Fr. Oviedo in *Cursu Philosoph. disputat. phys. 17. sect. 1. 2. seqq.* Raimundus Mailhat in *Summâ Philosophiæ Tomo 2. pag. 281. seqq.* qui multa de solido, de plano, de lineâ, de numero verba faciunt, multas limitationes adferunt, quæ extrâ quæstionis sensum vagantur, & facta ex meris insectis componunt. Certum verò est, naturam ab infinito abhorre, & proinde quantum non posse dividi in infinitum. Rationes sunt: (1) Quia quantitas nihil aliud est quàm corporis naturalis magnitudo & finitudo. Infinitum igitur tribui non potest corpori naturali citrà manifestam contradictionem. Sic enim finitum esset infinitum. (2) Quia omnia corpora naturalia finita sunt actu et potentiâ, sicut omnia accidentia naturalia terminata quoque sunt. Ergo infinitum est nullum. (3) Quicquid finitum est, illud in infinitum dividi nequit. Omne quantum est finitum. Ergo nullum quantum dividi potest in infinitum. Major constat, quia non datur transitus à finito ad infinitum. Minor statimatur argumentis iis quæ præcesserunt. Accedit experientia rerum; Erangatur lapides centies, millies: & ultrâ. De singulis quæretur particulis, an minimæ sint, annon sint? Quod si minimæ omnium

sunt, insectiles sunt, & dividi non possunt. Si minimæ non sunt, porro dividantur, secentur, & tandem natura jubeat quiescere, utpote quæ abhorret à progressu in infinitum.

IV. Rectè igitur Fr. Patricius Tomo 4. *disquisitionū Peripatet pag. 401. 402.* Petrus Ramus *lib. 3. Scholarum physicarum cap. 3. 4.* 5. Sebast. Foxius *lib. 1. physica pag. 75.* Dan. Sennecius *lib. 1. Epiromes physica cap. 5.* David Gorlaeus in *Epitome Physicâ cap. 4. dist. 5.* negant, quod omne quantum possit dividi in infinitum. Instat Rami adversarius Georgius Liblerus: Dico magnitudinem physicam semper infinitè esse divisibilem, non quidem nobis, potest enim aliquid esse tam exile, ut sectionem ulteriorem non admittat, sed naturæ, quæ animalcula minutissima, vix ad oculum producit, in *Epitome philosoph. natural. pag. 98.* Respondeo: ad minimum cum pervenit natura particularis, subsistit vi legis à Naturâ universali præscriptæ, quæ non permittit ut natura particularis sine fine, sine ordine in corporibus formandis, quæ majus & minus ruat, quando omnia certo ordine, numero & mensurâ producta sunt, Sapiens. 11. 21. Neque igitur tam naturæ, quàm nobis magnitudo physica in infinitum dividua est. Argumentamur: Finitum non potest efficere infinitum. Atqui natura particularis est finita. Ergo non potest efficere infinitum, quale est corporis quanti in infinitum divisio. Naturæ potestas finita est, ergo etiam naturæ effectus est finitus.

V. Et quamquam Aristoteles *lib. 3. phys. cap. 5. r. 25. cap. 7. r. 63.* exempla conatur adferre de numero, cui semper aliquid

addi potest, deque magnitudine, cui demi semper & in infinitum potest, frustra tamen ille est. Cum apud Aristotelem dicitur, *omne continuum esse divisibile in partes infinitas*, verum est de partibus Mathematicis non verò de partibus physicis, ajunt Barthol. Keckermannus *lib. 1. System. phys. cap. 5.* Gilb. Jacchæus *lib. 4. Institut. phys. pag. 90* Marr. Schogkii in *Physica generali Disputat. 6. dist. 19. 20.* Atqui hoc ipsum est, super quo conquerimur. Nimirum sui oblitus, qui de genere in genus transire & disciplinarum limites revellere vetat alio loco, nunc violati edicti reus ipse, Mathematica postulata cum rebus physicis inconsultò permiscet. De realibus partibus à divisione reali ortis Physicus docet, non verò de partibus intentionalibus, quæ oriuntur à divisione mentali. Quid vani speculatorum conceptus possint, non quæritur, sed quid Natura legibus suis circumscripta agat. Non sanè illa dividit omnia quanta, sed in totâ latitudine suâ uti maximum, ita etiam minimum habet, quæ ultrâ citraque non provehitur. Maximum est cælum, minimum est atomus. Hac enim verè nihil minus in naturâ, hic naturæ adest minimum, in quo acquiescit, nec minus efformare attentat.

VI. Pererius urget: (1) Si indivisibilia componunt continuum, necesse est, ut sint inter se vel continua vel contigua. Sed cum indivisibile careat partibus, continua verò & contigua sint ea, quorum extrema sunt simul vel unum, relinquuntur, indivisibilia nec continua nec cōtigua esse invicem posse. Quare neque

ex ipsis fieri potest continuum. *Respon-*
deo : Quod indivisibile careat partibus ,
 falsum est. Habet partes suas, ex qui-
 bus secundum naturæ ordinem constat,
 & per quas componere aliud ex sese pot-
 est, quod vel contiguum vel continuum
 est. Et quantulæcunque partes illæ sunt,
 partium nomine appellari debent, quan-
 do constituunt totum, id quod est quan-
 tum, & in quo sunt partes extrâ partes.
 (2) Totum continuum non est aliud se-
 cundum rem, quàm suæ partes. Si en-
 nim partes illius essent indivisibile, et-
 iam totum esset indivisibile. *Respon-*
deo : Negatur consequentia. Neque enim
 semper de toto verum est, quod de par-
 tibus dicitur. Partes ob exiguam quan-
 titatem porrò dividi nequeunt, sed to-
 tum ex partibus multis compositum ac-
 quirir maiorem quantitatem, atque ita
 divisibile est.

VII. *Estque continua vel contigua. Con-*
tinua est, in qua partes non sunt ab invicem
separatae. Contigua est, in qua partes ab in-
vicem separatae mutuo se contingunt.] Ità
 Stellæ habent quantitatem continuam,
 nec non aqua, metalla, animantia. Con-
 tiguam habent cælum, aër, terra, ineteo-
 ra. Quæritur : *An corpora sese invicem*
penetrent? *Respondeo* : Negativa statui-
 tur. Etenim impossibile prorsus est, ut
 unum corpus naturale salvâ essentiâ suâ
 perumpat alterum, non cedente illo,
 quoniam terminus quantitatis unius non
 admittit terminum alterius. Sic Petrus
 nequit penetrare murum, illo perstante
 integro. Nimirum quantitas Petri non
 admittit quantitatem muri ex solidis la-
 pidibus constantis. Ut res tota melius

percipatur, duæ notanda sunt, unum de
 corpore, alterû de penetratione. Corpora se
 invicem penetrare non possunt. Sunt e-
 nim cum dimensione, id est, longa, lata &
 profunda. Aliæ res incorporeæ & quan-
 titate carentes pervadunt liberè, quò vo-
 lunt. Solis radii funduntur per inane ma-
 gnum sursum, deorsum, ad latera, fene-
 stras pervadunt non læso vitro. Sonus
 aërem, aquam, parietem transit non fa-
 cto intervallo, idemque Spiritus faciunt,
 quos adesse ubi velint, obstaculum nul-
 lum impedit. Penetrant inquam, corpo-
 ra salvis corporum dimensionibus, cum
 ipsi Spiritus non habeant dimensio-
 nem. Anima nostra corpus subit *totos in-*
fusa per artus, citrà essentiæ suæ vel exten-
 sionem vel constrictionem. Unum ho-
 nem integra legio malorum geniorum
 obsedit, *Luca 8. 30. seqq.* De quo pecu-
 liari Exercitatione in Libro de Angelis
 dicemus.

VIII. Scaliger notavit ista: Latet nos
 exquisita cognitio illa, scilicet, quomodò
 ex duobus fiat unum, quomodò forma sit
 in toto & in quacunque parte tota. Adèd
 divina res forma est, ut cum sit substan-
 tia, aliam totam sui impleat substantiâ,
 ità ut ex utrâque fiat unum, *Exercitat.*
307. sect. 29. Ratio istius rei patet ex di-
 ctis. Non enim forma est corporeum ali-
 quid, nec dimensionibus obnoxia, quæ
 prohibeant ne liberè permeet atque re-
 meet. Itaque materiam intrat, & quia spi-
 ritus est, qui ubi est, totus est, hac ratione
 est in toto, & in quacunque parte tota.
 Non dissimilem futuram sortem corporû
 gloriosorum à Resurrectione, ajunt *Joh.*
Casus lib. 4. Commentar. phys. pag. 523. Theo-
 philus

philus Spizelius libro de Corpore glorioso pag. 64. Conimbricenses lib. 4. Commentariorum physicorum cap. 5. quæst. 4. art. 2. Philippus de Trinitate in Summâ Philosophicâ lib. 4. Physica pag. 667. seqq. Franciscus Murcia in Cursu Philosophico part. 2. pag. 233. seqq. Bernhardus Motifanus Commentariis ad libros physicos Aristotelis pag. 420. 421. D. Brochmannus Tomo 2. System. Theologici Articulo de vita æterna quæst. 4. Et probant, tum quod Angelis pares tunc erimus, Matth. 22. 30. tum quod Servator à mortuis excitatus pervasit lapidem sepulchralem, & per fores clausas ad discipulos suos ingressus est, Matth. 28. 6. Marcii 16. 3. 4. Johan. 20. 19. 26. Hæc illi. At quia nullo modo quantitas à corpore glorioso aberit, impossibile esse censemus cum Petro Paludano lib. 4. sent. dist. 44 quæst. 3. art. 3. Durando Commentariis ibidem quæst. 6. Antonio Sadaële libro de veritate naturæ humanæ pag. 198. 199. Joh. Crocio part. 1. Conversat. Prutenica pag. 460. seqq. Simone Simonio disceptat. adversus Schegkium fol. 177. quod corpori glorioso concessum sit pervadere corpora alia sine rupturâ. Paritas cum Angelis consistit in eo, quod Affectibus puris donati à voluptatibus sensum habituri non simus, vel incommodum. Si quantitatem adimas, tollis substantiam, quando hæc ab illâ ratione solum differt. Substantiâ abolitâ, corpus ipsum destituitur.

IX. De Servatore hoc dicimus, sive Angelico ministerio, sive solo Domini jussu ostium subito fuisse apertum ac clausum. Hoc modo creatura cesserit crea-

tori, quod nunc factum esse, refert Hieronymus Epistola ad Pammachium. Ad eodq; cû dicitur, ὁ θεὸς ἐκ τῆς λίθου ἐξῆλθεν, illud non ita accipi debet, quasi per ipsas januas clausas ingressus fuerit, sed est notatio temporis, advenit scilicet, quando propter ingruentem vespersionem fores clausæ erant, uti benè exponit Daniel Heinsius lib. 4. Exercitat. sacrarum pag. 233. Non magis verosimilius dicunt, Servatorẽ per lapidem sepulchri transivisse. Testantur sacra literæ, quod Angelus devolverit lapidem à sepulchro, Matth. 28. 2. Neque eod id tantummodò factum est, ut de Servatoris resurrectione indicium fieret, quod putabat Beda Commentariis ad h. l. verum insimul, ut egressuro Servatori janua panderetur. Hæc benè interpretatur Theodorus Beza notis ad Mattheum pag. 141. & notis ad Iohannem pag. 443. quocum temerè ob id litigat Richardus Montacutus in Originibus Ecclesiasticis pag. 435. Ipse Deus benedictus qua essentiam suam, quæ virtuti ejus æqualis est, ubique est, nusquam abest. Totus ubique est, totus in mundo, totus extrâ mundum, ubi sunt habitacula beatorum spirituum, & loca lata maximorum gaudiorum plena. Infinite enim liber est ab omni corpore, itaque nullius quantitatis terminis concluditur vel definitur.

X. De corpore hætenus, quod primò notandum fuit, sequitur alterum de penetratione. Hæc alia vera est, alia apparens. Apparens est in receptaculo cineris aut farinæ, in chartâ bibulâ, Vas cineris ac farinæ plenum tantum ferè aquæ ad sese recipit, quàm si cinere aut farinâ

farinā cassum esset. Nec tamen hic corpus penetrat corpus aliud, verū corpora cedunt corporibus, rara solidis, & illa vel absorbentur vel distrahuntur ab hisce. Consimiliter bibula charta notabilem superfusi atramenti multitudinem recipit, non quia corpus in corpus indistincte subeundo dimensiones penetret; sed quoniam corpus rarum inundetur ab eo quod est liquidum, & ubi antea erat aer, ibi pulso isto deinceps succedat aqua.

CAPVT TERTIVM.

De Loco.

SUMMARIA.

1. Definitio Locī.
2. Locus est spatium.
3. Locatio interna & externa.
4. Partium in toto situatio.
5. Locus communis.
6. Locus proprius.
7. Locus non est superficies.
8. Locus aequalis locato.
9. Locus immobilis.
10. Toletus refellitur.
11. Locus perdurat sublato locato.
12. Vnus locati est locus unus.
13. Locus celi.
14. Locus non est basis sustinens.
15. Spacium recipit omnes Loci conditiones.
16. Solvuntur objectiones.
17. Objectiones novae.
18. Datur spacium.
19. Scaliger notatur.

20. Non datur vacuum.
21. Vasculum oppilatum in caelo frigido.
22. Refellitur Morisani.
23. Cucurbitula Medicorum.
24. Fracastorius notatur.
25. Refellitur Scaliger.
26. Locus naturalis.
27. Locus conservat locatum.
28. Locus violentus.

I. **L**ocus est affectio corporis naturalis, quā illud occupat spacium suum.] Non eodem modo res dicuntur esse in loco, uti declarant Franciscus Murcia in *Cursu Philosophico* part. 2. pag. 225. seqq. Jacobus Martini lib. 1. de Loco & Locato cap. 18. 19. Bernhardus Morisani *Commentariis ad libros Physicos Aristotelis* pag. 421. 422. 423. 424. Repletivè est in loco, quod ob immensitatem suam certo loco non alligatur, adeoque ubique est. Itā solus Deus est ubique in caelo & terris, *Jerem.* 23. 24. *Iobi* 11. 8. cap. 22. 12. Definitivè est in loco, quod equidem certum spacium occupat, interim versatur in eo, ut quantitate suā partes loci non repleat. Itā Angeli sunt in hoc spacio, ut eodem tempore non sint in spacio alio, & solidis corporibus indiviso modo inesse possunt, quia non habent materiam in se, à quā proximè oritur quantitas. Circumscriptivè est in loco, quod secundum partes suas à loco concluditur, ut faciāt distantiam. Itā corpora naturalia sunt in loco propter quantitatem, à quā est partium extensio.

II. **Q**uā illud occupat spacium suum.] Quod praescindit à spacio illo communi, in quo mundus continetur. *Taurus* scribit:

scribit : Totum mundum animo concipe, spacium quoddam est, ubi similiter totum mundum mente removeris, inane. Quod utique fuit, priusquam mundus conderetur. Hoc spacium locus est totius mundi. Quemadmodum igitur totus mundus in toto hoc spacio est, sic & unaquæque mundi pars occupat spacii hujus partem aliquam, quæ nullo modo est mobilis, *lib. 4. Alpium Casarum pag. 501. & libro de mundo pag. 126. & in Synopsi Metaphys. pag. 41. 46. & part. 2. de rerum aternitate pag. 504. Quem sequuntur David Derodon part. 2. Physica contracta cap. 2. dist. 14. David Gortæus in Epitome Physicâ cap. 5. dist. 5. Petrus Gassendus sect. 1. Institutionum Physicarum lib. 7. cap. 7. Hæc ille, bonis mala permiscens, videlicet, spacium illud fuisse, antequam mundus conderetur. Quin verò, cum Deus mundum creavit, spacium illud concreavit. Et sic spacium quidem fuit ante corpora omnia mundana ad loca propria distributa, non tamen fuit ante ipsum mundum, id est, mundo ruditer producto est ortu par, sed artificiosè elaborato est ortu prior. Locus enim est mundi affectio, neque antevertit subjectum proprium. Spacium illud mundo æquale est, & in diversis partibus diversa recipit corpora, Spacium illud immobile est, itaq; corpus unum in corporis alterius locum translatus, idem occupat spacium, quod antea corpus illud, in cujus locum venit, occupaverat. Ut cum vitrum repletur aquâ, aqua idem occupat spacium, quod antea occupaverat aër vitro comprehensus.*

III. Barthol. Keckermannus *lib. 1. Sy-*

stem. Physici cap. 6. & lib. 1. Contemplationis de Loco cap. 2. duplicem facit locationem, unam internam, quæ conveniat corpori quâ corpus est, aliam externam, quæ conveniat corpori quâ pars est mundi, aliis ejusdem partibus contigua. Illam definit per mensurationem partium quantarum ad sese invicem certâ dispositione & ordine determinatarum penes certam distantiam, extrâ quam se non extendendo terminis suis collocentur & situentur. Hanc describit per corporis naturalis jam antea in se certo partium situ mensurati ac determinati situationem & commensurationem ad aliud corpus contiguum, ortam ex applicatâ utriusque ad se invicem dispositione, partiumque dimensionum mutuâ determinatione. Probat dupliciter. *Primò*, quod Deus omnia creavit in pondere & mensurâ, *Sapient. 11. 21.* id est, corpora naturalia sic constituit, ut primò in seipsa terminentur certâ dispositionum partium suis quantitatibus dimensionum distantia, ultrâ quam se non extendunt, post eadem corpora tanquam mundi partes ita ad se ordinavit, ut unum aliud contiguo ambitu deinceps terminet. *Secundò*, quod sensus humanus mundi partes concipit, tum quomodo corpus in se per tres dimensiones ad certam distantiam mensuratum est, ut extrâ illas situm non habeat, tum quomodo ad alterius corporis partes secundum certâ positionis differentias contiguo ambitu extensum est. *Hæc ille.*

IV. Quæ Keckermannî placita non sunt absolviè requiranda, quoad res ipsas, quamvis multa in eis reprehendat Jacobus Martini *lib. 1. de Loco cap. 4. 5. seqq.*
Datur

Datur enim partium situs in toto, datur situs totius in loco. Ille dicitur locatio intrinseca, hic verò extrinseca, uti dudum etiam monuit Franciscus Toletus *lib. 4. Commentar. physic. cap. 5. quest. 8.* Pergit Keckermannus *lib. 1. Contemplat. de Loco cap. 9.* & duplicem inducit Locum, *internum*, qui est situs partium corporis naturalis certâ dimensione comprehensarum ne extrâ seipsas distantiam suam extendant, *externum*, qui est certa partium ad partes applicatio per quam corpus aliud mensuratur. Verum malè ille partium in toto certo ordine situationem vocat Locum. Rationes sunt istæ: (1) Quia locus est affectio corporis totius, non partium. Atqui situs ille primò convenit partibus, non toti. Quomodo igitur erit locus corporis? (2) Quia omne locatum rectè dicitur existere in loco suo. Atqui non rectè dicitur corpus naturale existere in situ partium suarum. Ergò partium situs non est locus. (3) Quia nihil est sibi ipsi locus. Atqui si partium situs propriè locus esset, idem sibi ipsi locus esset. Nam partes situatæ & partium situatio tantum ratione differunt. (4) Quia æternum veritatis principium esse, ait Keckermannus, ut necessariò quidem corpus unum sit in loco uno, *lib. 1. Contemplat. de Loco cap. 11.* Atqui si interior partium dispositio est propriè locus, quodvis corpus naturale in duobus foret locis, interno & externo. Aut igitur locus internus non erit locus propriè dictus, aut externus non erit. Verùm hic est locus propriè dictus, ergò ille non est locus. Unū enim corpus in duobus locis esse non potest, quod urget ipse Keckermannus, & verum est de vinbus Naturæ sibi relictæ,

V. *Estque vel communis, vel proprius. Communis est, qui multa corpora simul habet.* Locus vocatur ad vulgi sensum magis, quàm accuratâ notione. Perdit enim notam, quæ jubet, ut locus sit æqualis locato suo. Sic aër communis locus est hominum, aqua piscium, Schola docentium & discientium, oceanus navium.

VI. *Proprius est, qui unum corpus habet.* Itâ spacium quod occupat Petrus, est proprius locus Petri. Ad hunc locum congruunt omnes veri loci notæ, quas enumerat Benedictus Pererius *lib. 11. Philosophia naturalis cap. 1.* Prima est: *Locus est æqualis locato.* Ut neque major sit neque minor. Cum rogatur, in quo loco sit Petrus, ineptum est responsum, quod sit in aëre. Secunda est: *Locus est immobilis.* Ob motum localem necesse est, ut locus sit immobilis. Idem quod movetur, locum unum deserit & ad aliū transit, quod fieri non posset, si unâ moveretur locus. Cum Petrus progreditur, locus simul non movetur, aliàs Petrus nec alium locum acquirere, nec loci successorem habere possit. Tertia est: *Locus perdurat, quamvis locatum aboleatur.* Sic interire queunt pisces in aquâ, volucres in aëre, nec tamen perit aqua, perit aër.

VII. *Corpus habet.* Locus nec materia, nec forma, nec pars est, nec accidens inherens, sed tantum continens externum. Rejcto igitur loco interno, pronunciamus omnem locum esse externum, cujus naturam gravissimis litibus intricaverunt Doctores. Aristoteles *lib. 4. physicor. cap. 4. text. 41.* definit locum, quod sit *περὶ τὸ περιέχον τὸ ἀκίνητον*, *superficies corporis continentis immobilis.*

Ejus autoritate adducti magis, quam rerum veritatem sequuti Peripateticæ Scholæ Magistri, acriter atque alacriter pugnant, locum rectè definiti per *superficiem*. Sic terræ locum dicunt superficiem concavam aëris ambientis terram; aëris locum, superficiem concavam ignis aëre circumdantis; ignis locū, superficiē cōcavā auræ cœlestis, quæ ignē circumit; cœlum non esse in loco, quia nullum supræse corpus habet, à quo circumscribitur, Franciscus Toletus, Conimbricenses, Fort. Crellius Jacobus Schegkius, Antonius Ruviō *Commentariis ad h. l. quest. 1. pag. 339. seqq.* Pererius *lib. 11. Philos. natur. cap. 3. 4. 5.* Hurtadus Mendoza in *Cursu Philosoph. Disput. Phys. 14.* Joh. Poncius Legionensis in *Cursu Philosoph. Disputat. phys. 15. quest. 1.* Wilhelmus Chabronus in *Cursu Philosoph. Tomo 2. pag. 284. seqq.* Jacobus Martini *lib. 1. de Loco & Locato cap. 17. 18. seqq.* Gilb. Jacchæus *lib. 4. Institut. physicar. cap. 4.* Arnisæus in *Epitome Physica pag. 145. seqq.* Jacobus Aubert *part. 1. Institut. physicarum cap. 13.* Georgius Liblerus in *Epitome Philosoph. naturalis pag. 84.* Bruno Seidelius *lib. 1. Physica. pag. 109.* Andreas Cæsalpinus *lib. 3. question. Peripater. sect. 2.* Samuel de Lublino *Commentariis ad libros Physicorum pag. 227. seqq.* Philippus de Trinitate in *Summā Philosophicæ lib. 4. Physica pag. 653. seqq.* Didacus Masius *Commentariis ad lib. 3. physicorum pag. 100. seqq.* Nostrium est, auctoritatibus sepositis ad rationes provocare, quas à veris veri loci notis desumptas ad superficiem applicabimus, & an consentiant, an dissentiant, inquiremus. Hoc facto

cum Bernhardo Tiletio *lib. 1. de rerum naturâ cap. 25. 26. 27. 28.* Nicol. Taurello *Disputat. de Loco dist. 5. seqq. & lib. 3. Alpium Cæsarium quest. 2* Petro Ramo *lib. 4. Schol. Physicarum pag. 105. seqq.* Julio Scaligero *Exercitat. 5. sect. 2.* Daniele Sennetto *lib. 1. Epitom. Phys. cap. 6.* Ottone Casmanno in *Physicâ generali pag. 119. seqq.* declarabimus, locum minus benè per superficiem definiti.

VIII. Primò : Locus est æqualis locato. Atqui superficies continentis non est æqualis locato. Ergò superficies non est locus verus. Minor constat : Corpus locatum habet tres dimensiones, adeoque nunc excedit superficiem, quæ caret profunditate, nunc deficit quâ longitudinem & latitudinem, quia corpus ambiens est majus corpore illo, quod ambitur, ajunt Scaliger *Exercitat. 5. sect. 3.* & Taurellus *l. d. num. 7. 8.* Dicit Pererius : Locus est æqualis locato, quia superficies concava & concava locantis sunt æquales. Et quamvis corpus locans secundum dimensiones sit majus, quàm locatum, tamen secundum continentiam & capacitatem, ut ait Averrhoës *lib. 4. physicor. est æqualis ipsi locatum enim sic implet, atque occupat totam continentiam & capacitatem loci, ut nullum aliud corpus simul continere possit locus, lib. 11. cap. 7.* Respondeo : non est quæstio de æqualitate superficiem locantis & locati, sed de loco ipso & corpore locato. Locatur enim corpora, non verò corporum superficies. Ac proinde necessum est, ut locus non tantum superficiē locati, sed toti dimensionī ejus æqualis sit,

fit, aliàs locus non erit æqualis locato. Quod profunditas exactè spectari debeat in loco, monstrat exemplum sequens, uti *Sennertus* proponit: Sint duæ valæ æqualis secundùm superficiem concavam magnitudinis & capacitatis, atque alteri aqua infundatur, quæ postea in alterum transferatur, in cuius medio lapidem de filo suspendas, & non poterit capere, licet sit æqualis superficiiei. Quæ causa? Hic eadem superficies, ergò idem locus, sed non tamen idem suscipit. Nimitum, quia locus non tantum ex superficie, sed ex toto spacio & profunditate, secundùm quam locatio fit, censeri debet. Adeoque pertinet ad locum non sola continentia, sed inprimis dimensionis æqualitas.

IX. Secundò: Locus est immobilis. Atqui superficies interior continentis non est immobilis. Ergò superficies non est locus. Minor constat, quia motu corpore movetur etiam superficies. Projectis quaquaversum brachiis aër undique movetur, turbatur, cedit, misceetur. Superficies aëris turrim vel montem ambientis movetur cum aëre ipso ventis perculsa. Superficies aquæ arborem vel scopulum circumfluentis movetur singulis penè momentis ad motum fluminis curretis. *Iacchæus* non leviter sudat, ut argumentum solvat. Dicit, loci immobilitatem debere intelligi ratione Elementorum, nec similiter corpori omni accommodati, nec enim animalia obtinere locum immobilem, *l. d. cap. 5.* Atqui locus est affectio corporum omnium, non tantum Elementorum, & proinde

ratio loci constitui debet ista, quæ competat in corpora naturalia omnia, non quæ tantum Elementis congruat. Nec video, quamobrem animalibus detur locus mobilis, & locus immobilis tribuatur Elementis. Aquæ superficies circumfusa arbori in ripa stanti movetur ad fluvii decurrentis motum. In superficie terræ exoritur agitatio aëris, itaque mutatur locus terræ quæ alias atque alias superficiiei partes.

X. Toleri solutio est: Superficies ut talis est, mutatur ad subiecti mutationem, at cum distantia & situs, qui ad loci naturam requiruntur, sit idem & non varietur, locus immobilis est. Non enim esse in loco est contineri tantum, sed contineri per distantiam & situm determinatum, *lib. 4. Commentar. physicor. cap. 5. quæst. 3.* Verùm hæc non sufficere ad nodum solvendum, benè vidit *Perricius lib. 11. Philosoph. natur. cap. 2.* Certè nihil ad loci tationem facit situs determinatus, nihil confert distantia. Accidit corpori distare ab alio, quamobrem absque successu distantia interponitur, ut loci ratio in superficie posita defendatur. Sufficit adversus sententiam communem, quod *Toletus* largitur, superficiem quæ talis est, mutari & moveri ad subiecti mutationem & commotionem, uti exempla confirmant.

XI. Tertiò: Locus perdurat, quamvis locatum aboleatur. Atqui locato abolito pariter aboletur superficies. Ergò superficies non est locus. Minor constat: Post discessum hominis confluit aër, confluit aqua, & superficies definit

esse ambiens. Ità nunquam dabitur locorum successio, verum corpus quodlibet novum sibi finget semper locum, quod intolerabile est, atque loci rationem evertit.

XII. Quartò: Unius locati est unus tantum locus. Atqui unius locati non est semper una superficies continens. Ergò superficies non est locus. Minor probatur, quia homo consistens partim in aëre, partim in aqua, porrigitur stando in diversis superficiebus: namque alia est superficies aquæ, alia verò aëris. Dicit *Perrerus*: Non est absurdum, ut idem corpus sit in duobus locis partialibus secundum diversas partes, *l. d. cap. 7.* Respondeo: Locus partialis est merum commentum. Proinde meritò quaeritur, à quâ parte corporis ambientis denominari circumfusulus locus debeat? Ab aquâ? igitur pectus & caput, quoniam super aquis exstant, & ab aquis non ambiuntur, in loco non sunt. Ab aëre igitur venter & pedes, qui aquis merguntur, & ab aëre non ambiuntur, in loco non erunt. Nusquam tuta fides in istis ineptiis, quæ solis confictarum distinctiuncularum fulcris nituntur.

XIII. Quintò. Locatum est in loco suo. Atqui locatum non est in superficie. Ergò superficies non est locus. Minor confirmatur: Superficies corporis continentis est extrà corpus contentum, quomodò ergò in ipsâ superficie, quâ est superficies, existere possunt locata? Sextò: Quod si locus est superficies, nec mundus, nec cælum supremum essent in loco, quoniam à nullo corpore extrinsecus ambiente continentur. Neque enim ultrà

cælum supremum est aliquod corpus naturale, à quo cælum & mundus ambiuntur. At falsum est prius. Negant equidem Peripatetici communiter, quod cælum sit in loco, Piccolominius *libro de rerum definitione pag. 357.* Jacobus Martini *lib. 1. de Loco & Locato cap. 20. 21. 22.* Libleus in *Epitome physicâ pag. 88.* Arnisæus in *Epitome physicâ pag. 160.* At male hoc negant, & postulatis falsis constructi, uti dicemus infra *lib. 3. cap. 4. dist. 16.* Quod verò Barthol. Keckermannus *lib. 1. Contemplat. de Loco cap. 12.* Fortunatus Crellius *Commentario ad lib. 4. physicoz. pag. 210.* scribunt, cælum stellatum habere supra se cælum beatorum, à cuius ambitu undique circumdetur, id partim falsum est, partim non pertinet ad rem. Falsum est, quia cælum beatorum non est pars mundi integralis. Impertinens, quia tenet queritio, an cælum beatorum sit in loco? Nul- lum enim corpus excogitari potest, à quo illud ambiatur.

XIV. Porro Keckermannus contendit, Locum non esse superficiem, esse verò suppositam basin à quâ locatum sustinetur, *lib. 1. System. phys. cap. 6. & lib. 1. Contemplat. de Loco cap. 2. 3. 7. 8.* Sequitur Timplerus in *Physicâ generali cap. 11. quasi. 5.* & defendere conatur Marcus Fridericus Wendelinus in *Contemplationibus Physicis sect. 1. part. 1. cap. 8. dist. 9.* Novè pariter ac falsò, uti ostendunt rationes sequentes. (1) Quia hoc modo unum idemque corpus uno eodemque tempore in duobus pluribusque locis esset, quando constat, illud esse in pluribus basibus sustentibus. Cogita hominem sedentem. An non hic est in locis diversis, cum locus fuerit

fuerit basis illa, quæ molem corporis locati sustinet, super quâ quiescit & mouetur, à quâ procedit, & ad quam pertendit, quæ sunt verba Keckerinanni *lib. 2. de Loco cap. 8.* Ab aliâ enim basi pedes, ab aliâ reliquæ corporis partes sustinentur. (2) Quia basis debet semper firmior esse atque solidior locato suo, ut illud sustinere possit, neque illi cedat, dicente Keckerinanno *lib. 2. de Loco cap. 5.* An verò ær, in quo volant aues, an aquæ, in quibus natant pisces, sunt firmiores bases præ avibus & piscibus? Nequaquam! (3) Quia sequeretur, terram non esse in loco. Est enim illa *pila similis*, nullo *suscimine nixa*, dicente Ouidio. Nullam habet basim, à quâ sustineatur. Arripit quidem Keckermannus *lib. 2. de Loco cap. 14. & 15.* affirmativam quæstionis hujus, verum conatu irrito defendit.

XV. Ergò reje ctâ superficie ambiente, reje ctâ basi sustinente, ad spacium nos convertimus, atque in eo veram Loci rationem consistere putamus. Ità docuerunt olim Leucippus, Democritus, Thales Milesius, Plato in Timæo, Philoponus *digress. ad lib. 4. physicar.* & sequuntur Franciscus Patricius *libro de spacio Physico.* Julius Scaliger *Exercitat. 5. sect. 3.* Bernh. Teleseus *lib. 1. de rerum naturâ cap. 25.* Petrus Ramus *lib. 4. Scholar. physicar. cap. 4.* Nicol. Taurellus *lib. 4. Alpium casarum quæst. 2. & in Synopsi Metaphys. pag. 46.* Dan. Sennertus *lib. 1. Epitom. phys. cap. 6.* Petrus Fonseca *lib. 5. Metaphys. cap. 13. quæst. 5.* Joh. Combacchius *lib. 1. Institut. phys. pag. 172. seqq.* Jacobus Seide-

lius in *Collegio Physico Disputat. 6. sect. 9. seqq.* Joh. Henr. Alstedius *lib. 7. Encyclopadia part. 1. cap. 11.* Petrus Gassendus *sect. 1. Physica lib. 2. cap. 2. 3. 4. 5.* Franco Burgersdicius in *Collegio Physico Disputat. 6. dist. 9. 10. 11. 12.* Ità omnes difficultates, quibus sententiæ præmissæ obnoxie sunt, evitabuntur, magno documento, quod Loci ratio consistat in spacio. Argumentamur: Quodcunque omnes veri Loci conditiones recipit, illud pro loco haberi debet. Atqui spacium omnes veri Loci conditiones recipit. Ergò locus est spacium. Minor probatur: Spacium est æquale locato, quia capacitas est, tribusque constat dimensionibus; est immobile, quia siue agitetur ær, siue non, spacium tamen nunquam movetur, & semper remanet: est immutabile, quia non interit nec aboletur, quamvis res locatæ aboleantur. Nec etiam seu materia, seu forma, seu pars, seu accidens inherens est, verum continens externum. Unum corpus uno tempore in uno loco erit, quoniam est in uno spacio. In motu locali totus mutabitur locus, quia spacium totum deseritur. Corpora verò in loco suo erunt, quia spacia sua replendo occupant. Cælum erit in spacio suo, quod obtinet par extensioni suæ.

XVI. Contrà spacium decertant Liblerus in *Epitome Physicâ pag. 106.* Arnisæus in *Epitome Physicâ pag. 149. seqq.* Michaël Watsonus in *Collegio Physico Disputat. 3. dist. 3. 4.* Johan. Zeisoldus *lib. 1. Institut. Physicar. sect. 3. dist. 65. seqq.* Gilbert. Jacchæus *lib. 4. Institut. physicar. cap. 7.* Barth. Keckermannus;

mannus *lib. 2. de Loco. cap. 3.* Sed infirmis
 usi argumentis. Dicit Jacchæus : *Opi-*
nio ista nulla vel probabili ratione defendi
potest. Atqui suppetunt nobis rationes
 plurimæ, quas posuimus. Pergit : *Spa-*
cium , quomodo ab illis explicatur, nihil est.
 Nec enim est substantia, quia tum corporum
 aliquod esset ; nec est accidens, quia omne ac-
 cidens inhaeret subiecto alicui, quod hic deside-
 ratur. Respondeo : Imò spacium, quo-
 modò à nobis proponitur, aliquid est. Est
 inquam, cavum intrà corpus, menti po-
 tius quàm sensibus expositum. Fiat im-
 pressio statuæ ferreæ ad massam ceræ, &
 mox auferatur, eritque spacium expres-
 sum, quod erat locus statuæ. Est acci-
 dens, nempe quantitas longa, lata & pro-
 funda. Et si hoc non sufficit, dicant ad-
 versarii, an superficies vel substantia vel
 accidens sit ? an tempus substantia vel ac-
 cidens sit ? Fatentur de materiâ primâ,
 de formarum eductione è potentiâ mater-
 iæ, de privatione, quod non intelli-
 gant quid sint, esse tamen illa & principia
 esse, docent constanter.

XVII. Addit : *Accedit quod spacium* ,
cum sit magnitudo, aut physica erit, aut ma-
thematica. Non hæc, quia seorsim non exi-
 stit. Ergò physica. Sed tunc intervallum
 erit corpus, quod est contrà veritatem. Re-
 spondeo : Jam diximus, quod sit quanti-
 tas, quod sit accidens, & quidem natura-
 le ; corpus verò non est, quia corpori natu-
 rali adhæret. Dicant quid velint spa-
 cii olores, ut rem per se obscuram magis
 onerent etiam, attamen omnia illa ad-
 versus superficiem retorqueri possunt.
 Vexat Iacchæum objectio : Superficies
 non habet profunditatem. Ergò non

est æqualis locato. Solvere cona-
 tur : *Æqualitas non est æqualis respectu*
profunditatis, quasi locus debeat pene-
trare contentum corpus, sed respectu su-
perficiei tum contenti & locati corporis,
tum loci continentis. Nimirum, quia
 superficies convexa locati, & concava
 locantis, sunt æquales, quomodo ulna di-
 citur æqualis panno, non quoad latitudi-
 nem, sed longitudinem solam. *Respon-*
deo : Effugii ejus vanitatem ostendimus
 suprâ dist. 8.

XVIII. Quod spacium detur, probat
 motus localis. Argumentum est tale :
 Ubi est localis motus, ibi est spacium. At-
 qui dum corpus naturale mutat locum,
 est motus localis. Ergò dum corpus na-
 turale mutat locum, est spacium. Major
 probatur : Si illud, in quo movetur ali-
 quid, est repletum corpore, aut alterum
 illud, quod movetur, non movebitur re-
 verà, aut corpus subibit in corp^o. Lapis cū
 movetur per aërem cum per aquas tendit
 ad imum fundum, omninò per spacium
 descendit, non per aquam vel aërem, quia
 aliàs corpus unum subiret in alterum.
 Rectè Scaliger : In naturâ vacuum dari
 necesse est. Nempè si non daretur, aut
 non esset motus, aut subiret corpus in
 corpus. Cæterum non sicut antiqui. Il-
 li enim ponebant vacuum sine corpore,
 at nos illud profitemur vacuum, in quo
 corpus est, idemque esse vacuum & lo-
 cum, neque differre nisi nomine. Sa-
 nè si non esset vacuum, non esset lo-
 cus. Est enim vacuum spacium, in quo est
 corpus. Cujus natura per se talis est, ut
 cedente corpore corpori, fiat vacuum ut
 impleatur, *Exercit. 5. sect. 2.*

XIX. Cum verò Scaliger addit, *oate-
rum non sicut antiqui*, divortium ab An-
tiquorum spacio facere conatur, eis-
que admittitur opinionem hanc, quod pone-
bant *vacuum sine corpore*; Aristoteli ni-
mium confisus, qui Pythagoræ, Melisso,
Democrito, Leucippo tribuit, quod do-
cuerint, vacuum dari in naturâ *lib. 4. phy-
sicor. cap. 5.* Et hanc adferebant rationem:
Motus localis non potest effici nisi per
vacuum, namque per plenum, hoc est,
per ipsa corpora solida, non potest fieri
motus, cum proprium corporis sit ob-
stare, nec loco cedere corpori alii, nisi
maiore ab eo vi expulsum; nisi fortè quis
velit, unum corpus penetrare in aliud, &
corpora multa simul esse, quod sanè ab-
surdum est, quare ut motus constet, opus
est inani, ait ad Veterum mentem Pere-
rius *lib. 4. philosoph. natur. cap. 9.* Eadem
cum Veteribus docet Scaliger, easdem
adferat rationes. Negat Aristoteles con-
sequentiam: Non est necesse, ait, va-
cuum propter motum localem ponere,
quando possunt corpora sibi mutuo ce-
dere, & alia aliis recedentibus novum
locum acquirere sine vacuo. *Verum*
consequentia patet. Cum sibi mutuo
cedunt corpora in loci mutatione, quod-
nam subiectum illud est, à quo recipitur
novum corpus? Non corpus aliud, id
enim cedit, suoque recessu nihil ad se re-
cipit. Non nihil, quod nec agit, nec pa-
titur, quod neque dat neque accipit. Ad-
sit ergo necesse est vacuum, quod datur
nobis non cogitantibus, sicut motus, sic-
ut tempus, sicut corpus.

XX. Hoc modo Veteres dixerunt,

vacuum, id est, spacium esse in rerum na-
turâ. Spacium verò omne repletum
est. Valeriano Magni peculiari libro de-
fendere conatur, vacuum esse in naturâ,
eius tamen rationes, quas petit à Ther-
mometro, id est, vitreo tubo argenti vi-
vi pleno, intrâ quem illud ad motâ ex-
trinseci a candelâ sursum deorsum scan-
dat, obscuræ sunt, quanquam variis
experimentis illustrentur à Marino Mer-
senno, Victorio Torricello, Rober-
to Boyleo, Johanne Pecqueto, & ap-
probet Isaacus Vossius *libro de naturâ
Lucis cap. 9. 10.* Adeòque in istâ argen-
ti vivi extensione haud est opus, ut no-
vum corpus succedat, quod aer in vitro
reliquo contentus nunc sese misceat ar-
gento spiritioso, nunc illi de loco
suo aliquid concedat, prout nunc ef-
fervescit, nunc subsidit. Eos contra-
riis experimentis obruunt, & dili-
genter refellunt Antonius Deusingius
libello de Vacuo, Honoratus Fabricius
libro de Vacuo Melchior Cornæus *part.*
1. Cursus Philosoph. pag. 383. seqq. De-
fendunt idem Joh. Phocylides Hol-
warda in *Physicâ novâ antiquâ cap. 11.* Pe-
trus Gassendus in *Institutionibus Physicis
sect. 1. lib. 2. cap. 2.* Joachimus Jungius in
Doxoscopiâ Physicâ part. 2. sect. 1. cap. 5.
dist. 6. David Derodon in *Physicâ con-
tractâ part. 1. cap. 7.* ubi argumen-
tum proferunt: Atomis sunt, & quo-
cunque modo cohærent illæ, faciunt
invicem spacium vel intervallum. Gra-
na granis conjunguntur, lapides la-
pidibus aggregantur, contiguo situ
& cum spaciis interpolitis. *Respondeo:*

K

Ato-

Atomorum conjunctio. pro vacuo non est. Minutissima corpuscula possunt optinè uniri, ut nihil intercedat spaciū, aut vacui. Guttulæ aquarum in decursu per canalem junguntur inter sese absque vacuo, particulæ auri in auro, particulæ arenulariæ ex quibus terræ globus cohærescit. Negamus ergò, quod vacuum sit. Amat natura unionem, refugit corporum diuisionem & interruptionem. Ut finem hunc assequatur, multa solerter agit. Fistulis & tubulis in aquam protensis, cum aërem intus lateantem fortiter attrahis, aqua propter metum vacui ascendit contrà naturam gravium, quoniam aër novus succedere prohibetur, recto orificio. Asperforium quo hortulani areolas perfundere solent, etiam si aquâ fuerit plenum, tamen è foraminibus in fundo pertusis nihil aquæ proficiunt, cum aër prohibetur suprâ ingredi per orificium. Lateralium folliculorum ducere frustra laboras, orificio obstructo. Cum aër in cucurbitulis scaricatoris admotâ candellâ minuitur, statim illæ in cutim scalp pro cæsam depactæ, ne vacuum detur, sanguinem attrahunt, vacuum expleunt.

XXI. Vasculum aquâ plenum & firmiter undique oppilatum, cum in cœlo frigido exponitur, aquâ congelascente & minus spacium occupante, quia non datur aëris copia, quo vacuum expletur, vasculum rumpitur. Hæc ista & plura exempla referunt Philippus de Trinitate in *Summâ Philosophicâ lib. 4. Physicorum pag. 876. seqq.* Benedictus Pererius *lib. II. Philosophiæ natural. cap. 10.* Toletus *lib. 4. Commentar. Physicor. quest. 2.* Bernhar-

dus Morisæus *Commentariis ad libros Physicos pag. 426. 427. 428.* Nec tantum fictilibus & vitreis valculis hoc accidit, sed quoque lagenæ stannæ ac cupræ in terris polo Arctico vicinis in casu tali confringuntur, quod navigationum Gronlandicarum testimonio confirmat Jacobus Finkius *diatribâ de Thermoscopio dist. 20. seqq.* De quo ultimo exemplo quandam in mentem nobis revocat subtilitatem Scaliger: Multa rumpi, ait, ne detur vacuum, jam vulgare est, ego verò scire aucto, quamobrem rumpatur hoc & non hoc. Dicam, quia caret tenacitate, cohæsiōe, duritie. Sed quare ea quæ his omnibus prædita sunt, valentius agens uacta rumpuntur, si in contrarias partes trahantur. Quia, inquiunt, fit violentia. Audio, sed quamobrem per violentiam dissipentur, nondum percipio. Una ratio est subtilitatis, quia unum corpus naturale non potest esse in duobus locis. Non enim extendi potest id quod rumpitur, ut extremis suis loca duo ulteriora occupet, in quibus agens est ipsum utrinque. Ergò rumpitur, ut fiant duo corpora, *Exercitat. 5. sect. 6.*

XXII. Morisæus scribit: Quo casu frangitur in parte debiliore, vel in eâ circâ quam urget necessitas, si æqualitas undique sit in condensatione, & æqualis omnino valis fragilitas, ex omni parte, tunc à Deo determinari debet pars effringenda, *Commentariis ad libros Physicos Aristotelis pag. 426.* Respondeo: Non est eadem densitas in partibus omnibus, frangimusque baculum inflexum, ubi partes ejus cohærescunt minus. Quod Deus naturæ author partem fragilem deter-

determinet, frustra dicitur, quandò miraculi iustar tunc esset baculi perfractio, neque in rebus ordinariis concursu ejus peculiari opus est. Causa vera est, semper dari inæqualitatem, ubi datur partium infractio. Et nisi detur inæqualitas partium, non est metuenda infractio.

XXIII. Idem *Morisanus* scribit: Curbitalæ, uti vocant, Medicorum, carnem in tuberculos elevant, quia aer ab incensione calefactus & rarior factus illas omnino implet, tum frigori vittæ naturali non nihil condensatus, minus loci requirit, & quia alius aer accedere nequit, carnem attrahit, *l.d.* Respondeo: Nec incallescit aer, nec rarescit, sed ab ignis ingressu violentiâ locopellitur, qui deinceps locum vacuum occupat, & impactus corpori à scalpri inciso in foramina condit sese, ad tumorem impellit carnes, elicit sanguinem, sui que vestigia manifesta imprimit.

XXIV. De efficiente verò, cujus vi natura vacuum impediatur, nunc etiam agendum est. *Fracastorius* ait: Rectè dicitur, primum finem quem omnia per naturam habent, esse, ut sint & conserventur. Conservantur autem substantiæ & corpora principaliter ac maxime per mutuam nexum & contractum extremorum, sic enim evitant vacuum, quo nihil esse potest inimicum magis omnium naturæ, atque hoc est quod alii locari dicunt, locus enim fit unum corpus alteri, unde & rectè dicunt, locum locati esse conservativum, quod profectò maxime fit, cum à vacuo præservat, *libro de consensu & dissensu cap. 2.* Quæ vera quidem

sunt, sed finem magis concernunt, esse videlicet naturam unitatis amantem, itaque non concedere vacuum.

XXV. Quænam autem efficiens causa vacuum tollat, quid partium nexum faciat, nondum constat. *Scaliger* conatur proferre: Dicemus, non potuisse primam causam aliquid efficere quod sui esset, aut simile prorsus, aut dissimile. Nam simile non poterat, quia quod fit patitur, quod patitur, à potiori patitur. Dissimile nō poterat, quia actio & agens in ipso non differunt. Igitur actum sive factum aliquo modo simile, alio dissimile fuit necessariò. Quamobrem cum ille sit unus, mundus fuit unus & non unus. Cum sit omnia, mundus fuit omnia & non omnia. Cum sit æternus, mundus fuit æternus & non æternus. Etenim quia unus est, æternus. Non enim habet comparem, aut contrarium, quia non unus, non æternus. Ex contrariis enim & mutuâ corruptione inter se grassantibus partibus constitutus est. Ejus igitur æternitas in successione, unitas in continuatione. Intelligo nunc æternitatem, perpetuationem, cui finem imponet, cum ei visum fuerit. Duas igitur Idæas formarum mundum habere oportuit. Una est particularis suæ cujusque speciei, ad generationem, motum, prorogationem in eis in quibus non est unus. Alia est universalis ad conservationem unitatis, idcirco neque à principio fecit vacuum, quia est non-Ens, neque postea dari passus est. Ergò ne daretur, effecit ut forma particularis, puta ignis, obediret quæ ascendit formæ universali: quæ unus est mundus, ita ut etiam

deorsum moveretur ab eadem, ne vacuum eveniret, *Exercitat. 5. sect. 1.* Verum nec ille rem tangit, altiusque orditur à primâ causâ, quæ in causis secundis debebant quæri. Forma universalis non est, itaque vacuum impedire non potest. Ratio, quia mundus non est unus essentialiter, sed per aggregationem. Adeoque unionem & ordinem partium habet, quatenus ex completis, perfectis & distinctis corporibus constat, sed universalem formam non habet, à quâ continuæ partes sunt, non contiguæ. Dicimus ergo, quod vacuum in naturâ prohibeant formæ particulares. Hæ aliàs rerum naturalium effectrices, nunc etiam ex se partium omnium arctam consensionem corporum superiorum atque inferiorum connexionem, efficiunt & tuentur.

XXVI. *Estque naturalis & violentus. Naturalis est, ad quem locatum suâ naturâ fertur.*] Et in eo conservatur. Sic pisces, quamdiu in aquis, aves & homines quamdiu in aëre sunt, benè sunt & conservantur, quoniam in loco naturali sunt. At pisces extrâ aquas protracti, aves & homines intrâ aquas demersi, nec benè sunt nec conservantur, sed mox extinguuntur, quia in loco violento sunt. Observetur quod *Scaliger* dicit: Non est verum, à loco servati corpora, sed à formâ. Locus enim duplex est, communis & proprius. Quot igitur corpora extrâ proprium sita locum non corrumpuntur? Aut quot in suo corrumpuntur loco? Aër enim corrumpitur. Tota hæc terrarum moles, quæ suo dorso tum sustinet tum alit a-

nimantium partem maximam, extrâ suum locum suâ formâ conservatur. Ille igitur locus proprius ad corporis conservationem esto formæ coadminister. Communis hinc nihil affert adjumenti, sæpè etiam noxam parit. Terra ergo quæ hinc in communis rationis loco peregrina est extrâ locum suum, appetit locum suum. Non hinc igitur conservatio ejus est. Non enim appeteret hinc amotionem. Appeteret sanè, quod haberet. Tantò minus connexio sive contactus causæ sunt conservationis. Sanè potest tam connexio, quam contactus esse sine loco. Nullum siquidem requiri locum, ad contiguitatem, patet in Mathematicis, *Exercitat. 5. sect. 1.* Inquiramus porro, an ità sese res habeant.

XXVII. Corpora non conservari à loco, sed à formâ, verum non est, quia forma conservat, locus conservat, quamvis non eodem modo. Forma conservat proximè velut causa interna, locus remotè velut subiectum. Rectius subjungit, *locum esse coadministram formæ ad corporis conservationem.* Locus quidem non facit, ut res sit, facit verò ut melius sit. Locus inquam, non uti proprius est, sed uti naturalis est. Falsa sunt, quæ de aëris corruptione dicuntur. Mista corrumpuntur, non simplicia. Aër verè corpus simplex est, uti porro docebimus *infra lib. 4. cap. 1. dist. 11.* Fallum quoque est, totam hanc terrarum molem extrâ locum suum esse. Ratio: Quodcunque naturæ instinctu quiescit, illud quiescit in loco suo. Atqui terræ moles naturæ instinctu quiescit. Ergò quiescit in loco suo.

fuor. Quod terra portio in superficie existens appetat locum infimum, id est, centrum, unde quæso probabitur? Et hæc & illa portio est in loco suo proprio, ubi conservatur, ut non appetat esse alibi, quomodo aquæ portiones in superficie manantes, haut capiant velle esse in loco alio, qui proximus fundo est. Denique, contactus facit ad conservationem. Sol conservat inferiora, non absque contactu physico. Descendunt ad nos radii per ærem, & in terris agendo agunt ea, quæ ad conservationem inferiorum proficiunt. Vacuum si intercederet, conservare haud posset.

XXVIII. *Violentus est, in quem locatum videtur.*] Et in eo destruitur. Sic pisces educti aquis non supersunt diu, homines in aquis facile extinguuntur.

CAPVT QVARTVM.

Diatriba singularis de præsentia Servatoris.

SUMMARIA.

1. *Præsentia Servatoris in terris.*
2. *Dictum: Ego sum in medio illorum.*
3. *Dictum aliud: Ego sum vobiscum omnibus vitæ diebus.*
4. *Servator omnia in omnibus implet.*
5. *Servator ambulat in medio Ecclesiarum.*
6. *Refellitur Paraus.*
7. *Stephani visio.*
8. *Pauli visiones.*
9. *Servator confedit ad dextram Dei.*

10. *Wendelinus refellitur.*
 11. *Keckermann instantia solvitur.*
 12. *Servator ascendit in cælos.*
 13. *Solvuntur objectiones.*
1. **P** *Præsentia Servatoris.*] Quâ ubique est, & locis omnibus. Adversarii per contumeliam vocant Ubiquitatem, finguntque esse eam corporeæ molis extensionem ad omnia mundi loca, ut corpus Servatoris contactu substantiali præsens sit, inquitque pomis, cantharis, ligno, antris, faxis omnibus, Bellarminus lib. 3. de Christo cap. 11. Martinus Becanus lib. 2. Manualis Controvers. cap. 1. Antonius Sadaël libro de veritate humana naturæ pag. 90. seq. Joh. Scarpus in Cursu Theolog. pag. 367. seqq. Wendelinus lib. 1. Theolog. Christ. cap. 16. & Exercitat. Theolog. 54. & in Contemplationibus Physicis sect. 1. part. 1. cap. 8. dist. 13. David Gorlaeus in Idea Physicæ cap. 5. dist. 7. Matth. Martinius lib. 2. de persona Christi pag. 630. seqq. Ludovicus Crocius Apologetico ad Menzerum Disputat. 15. Massonius part. 1. Anatomia universalis cap. 12. part. 2. cap. 19. 20. Timplerus lib. 4. System. Metaphys. cap. 6. quæst. 7. Nos docemus, quod Christus homo in substantiâ ἡ λογικῇ perfectè subsistens, & ad dexteram Dei collocatus, præsens est locis omnibus illo modo, quò ὁ λόγος est ubique præsens, non ut includatur localiter rebus creatis, verum ut adsit, adeoque ut cælum & terram contactu substantiali & operatione efficace impleat, quâ omnia ab illo dependent, in illo omnia sunt, vivunt, moventur, Esaiæ 66. 1. Ierem. 23. 23. Aclor. 17. 27. Rationes sunt istæ. Primò: Quia præsens

est conuenticulis fidelium orbe toto dispersorum, Matth. 18. 20. *Ibi duo vel tres conuenerunt in nomine meo, ibi ego sum in medio illorum.* Promissio est de illo, quod post ascensionem in cœlos olim futurum erat.

II. Excipiunt: Agitur de præsentiâ spiritus & gratiæ, non etiam de præsentiâ corporis, & pronomen EGO quod personam exprimit, de naturâ diuinâ exponi debet, uti Johan. 8. 58. *Antequam esset Abraham, sum ego*, videlicet ratione diuinæ naturæ, Ant. Walæus in *Loci Communibus* pag. 391. Joh. Altingius *part. 2. Loco. Theolog. pag. 536.* Respondeo: Fallit connexum: Servator adest spiritu & gratiâ suâ Ergò non adest substantiâ. Quis temerarios illos iussit Servatoris gratiam, favorem, spiritum, auxilium separare & diuellere ab ejus substantiâ & personâ? Non adest Deus substantiâ suâ, ubi adest gratiâ & favore, perinde Servator in gloriâ solum effectus adest substantiâ suâ locis istis, ubi gratiâ & favore suo adest. Res constat: Gratiola illa Servatoris præsentiâ aut diuina est, aut humana. Si diuina est, non potest non substantialiter adesse gratiæ suæ dispensator, præsentiâ enim gratiosa non est citrà præsentiâ ipsam. Si humana tantum est, quænam est illa? Certè humanis viribus in certo loco Empyræi cœli (uti volunt Adversarii) conclusum hominem, adesse posse Ecclesiæ militanti, quis fidem faciet? *Argumentamur*: In cujus nomine congregantur fideles, ille præsens est. Atqui in Servatoris nomine congregantur fideles. Ergò Servator præsens est. *Rursus*: A quo præstolamur gratiam & au-

xilium, ille vi promissionis ejus est in medio nostri. Atqui à Servatore Deo & homine præstolamur gratiam & auxilium. Ergo Servator Deus & homo vi promissionis ejus est in medio nostri. *Locus Johan. 8. 58.* evidentè agit de Servatore ante incarnationem factam, proinde attributum etiam simplici personæ est adæquatum; aliter est de promissis illis, ubi de Servatore post factam incarnationem agitur, neque enim potest tunc homo à Servatoris personâ separari.

III. Secundò: Quia præsens est fidelibus omnibus diebus vitæ usque ad seculi consummationem, Matth. 28. 20. Beza annotat: Cum verò idem imple Dominus paulò ante dixerit, me verò non semper habetis, Matth. 26. 11, & mox in cœlum adscenderit, apparet, distinguendum esse præsentiæ & absentiæ modum, ut qui corpore præsens non est, virtute & gratiâ tamen præsens sit, quâ & se ipsum & omnia sua nobis verè per fidem communicat spiritualiter. *Hæc ille*, & cum illo Rodolphus Gualtheri in *Sermonibus ad Evangelia* fol. 553. Gomarus *part. 1. Explicat. ad Novum Testam. pag. 190.* Respondeo: Oportet equidem distinguere præsentiæ & absentiæ modum, vetum Adversarii non rectè exponunt modos distinctos, adeoque faciunt aduersa ea quæ sunt diversa. Non habemus Servatorem apud nos semper, nimirum in statu exinanitionis positum, qualis erat præsentiâ ejus in ædibus Simonis leprosi, secundum quam ipsi velut indigenti & pauperum simili deserviri poterat: neque cum in cœlos adscendit, substantialem præsentiâ suam abstulit, ut solâ vir-

sute nobis jam præsens sit. Quin corpore simul & virtute nobis præsens invisibiliter adstat, piis gratiofus, impiorum severus exactor. Præsentiæ gratiæ supponit præsentiā hominis *ἡ λογικῆ* uniti, unde illa gratia originaliter provenit. Neque supponit tantum, verum etiam requirit, ut solatium eò validius sit. Namq; ita præstō est Servator totus, qui est frater noster in carne assumptā, *Hebræ. 2. 14. 16.*

IV. Tertiò: Quia ascendit super omnes cælos, ut omnia in omnibus impleat, *Ephes. 4. 10.* Excipiunt: Servator omnia implet donis gratiofis, quæ liberaliter effundit in Electos, *Beza notatis ad h. l. pag. 275.* Cornelius à Lapide *Commentariis ad h. l. num. marg. 128.* Joh. Cameron in *Myrothecio Evangelico pag. 250.* Respondeo: Dictum est non semel, quod Efficientes divinæ nusquam operentur, ut non simul præsentes adsint per contactum substantialem: Docent sacræ litteræ, *Jerem. 23. 24. Sapient. 7. 1.* ubi Deus implere dicitur *cælum & terram.* Id non solum de efficaciā & operatione, verum etiam de præsentia substantiali valet. Neque Electis gratiose adesse, est, omnia quaquaversus implere, cum Electi sint pauci, & verò Christus dominetur quoque in medio inimicorum, *Psal. 110. 1. 2.*

V. Quartò: Ecclesiæ Sanctorum sunt in terris. Atqui Servator uti verus homo oculos, os, manus pedesque monstrando ambulat in medio Ecclesiarum. Ergò Servator uti verus homo ambulat præsens in medio Ecclesiarum. Minor est *Apocal. 1. 13.* ubi Johannes videt *filium*

hominis ambulantem in medio candelabrorum, quæ repræsentant fidelium cætus locorum intervallo separatos. Excipiunt: Videbat Johannes Servatorem ambulantem in Spiritu, id est, mentis revelatione, non verò etiam adpectu oculorum, *Joh. Altingius l. d. pag. 517.* Respondeo: Negatur hoc, quia contextus totus ostendit, quod is aspectus fuerit corporeus. Hinc sese convertit, *vers. 12.* & quasi mortuus concidit ad pedes Servatoris, jacentem dexteræ suæ contactu Servator erigit, *vers. 17.* Cum dicitur, *in spiritu,* non est sensus, quod imaginaria aliqua apprehenderit Johannes, sed quod Servatorem ipsum viderit, elevatâ oculorum acie, cujus corpus gloriosum alioquin hant poterat cerni oculis hominum.

VI. Paræus *Commentariis ad h. l. pag. 47.* scribit: Filius hominis est significativum personæ, non verò naturæ. Respondeo: Itâ personam significat, ut naturam connotet, atque cum primis notet illam à quâ fit denominatio. Ergò cum *filium hominis* vocat, Servatorem hominem intelligit, cum *ἡ λογικῆ* indistanter unitum. Hominem inquam corporeum, & hominem illum interris præsentem esse testatur. Regerit Paræus: Quamobrem non conficitur, hominem Christum esse infinitum & æternum, cum filius hominis pariter de se dicat, quod sit primus & novissimus? Respondeo: Causa est, quoniam attributa illa non sunt efficacia vel *ἐνεργητικά* ad opus mediatorium. Denominatio igitur ibi est assistentiæ, quia Deus æternus unitus est homini, non verò efficientiæ, quoniam æter-

æternitas & infinitas sunt affectiones immanentes. Ità hominem doctum voco, quod anima per corporeos sensus exerceat doctrinam *περίσως* in eà hærentem, sed non voco spiritualem, quod spiritualitas sit animæ attributum immanens, neque per corpus unitum exerceri possit. *Paræus* instat: Contrarium sequitur, Visus est homo Christus à Johanne. Ergò non est immensus & ubique. Quod enim tale est, non cernitur oculis, *Respondeo*: Quod immentum & ubique est naturâ suâ, & separatum ab omni materia, illud non potest oculis corporeis apprehendi. Verùm Christus homo non est immensus, & ubique est non ex se quidem, sed per unionis gratiam. Ergò dispensare potest, ut uno certo loco præsens videatur, quamvis interim præsens ubique assistat & operetur modis arcanis.

VII. Quintò: Quia post abitum suum in cælos, præsens nihilominus adstitit viris sanctis in terrâ. Stephano pro veritate decertanti fortissima solatia præsens Servator suggessit, *Actorum* 7. 55. 56. Paulum in via ad Damascum compellavit. *Actor.* 9. 4. 5. 27. nec præsens minus in castris alloquebatur eundem, *Actor.* 23. 11. Excipiunt: Quod à Stephano visus est Servator, mentalis visio fuit, quomodò Elaias vidit Dominum. *cap.* 6. 1. Erat enim locus, in quo causæ agebantur, conclusus undique, Joh. Georgius Grossius in *Theatro Biblico* Tomo 2. pag. 1347. *Respondeo*: Negatur, quod visio tantum mentalis fuerit. Notanter enim dicitur: Cum verò plenus esset Spiritu sancto, intentus in cælum oculis vidit Dei glo-

riam, & Servatorem stantem à dextra ejus. Et quid tum, si locus erat undique conclusus? Non enim cæli creati repagulis inclusus Servator opus habebat, ut in ære libero collocatus, spectator eum apprehenderet oculis, sed propè veritatis confessorum adstans, videbatur illi divinâ virtute collustrato, quomodò Gehasi oculos aperuit Deus, ut videret præsentem angelos cæterum invisibiles. 2. *Regum* 6. 17. Instant: Servator visus est à Stephano, verum in cælo, Antonius Sadaël libro de veritate naturæ humanæ pag. 204. Wendelinus l. d. *Respondeo*: Si in cælo empyreo, ut illi ajunt, Servator erat, quomodò potuit eò prospicere Stephanus? Cælum ergò nunc est cælestis gloria, quâ coronatus Servator ubique præsens operatur.

VIII. Pergunt: Visiones illæ quas Paulus habuit intellectuales fuerunt, per modum *ἰδεῖν*, *Maresius* in *Theologia Elenctica* Tomo 2. pag. 589. Andreas Rivetus in *Summa Controversiarum* Tomo 2. pag. 93. Beza notatis ad *Acta Apostolica* pag. 285. *Respondeo*: Negatur hoc. Vidit enim Paulus Servatorem, quomodò eum viderant Apostoli omnes & discipuli plures, qui sanè præsentem Servatorem viderant oculis corporeis, 1. *Corinth.* 15. 6. 7. 8. Et cum ait Lucas, superveniens illi Dominus, *Actor.* 23. 11. omninò veram præsentiam describit. Regerit *Martius*: (1) Si per loci indistantiam Servator præsens fuisset Paulo in viâ ad Damascum, videri etiam potuisset à comitibus Pauli: at sicut solus ille percepit distinctè verba loquentis, ità solus etiam vidit Servatorem, *Actor.* 22. 9. *Respondeo*: Erat

revelatio corporalis quæ obveniebat Danieli Prophete, & tamen quem videbat ille, cum non videbant comites ejus, *Daniel*, 10. 7. 8. 9. (2) Ibi Paulo visus est Servator, unde vox ad ipsum facta fuit, *Saul te quid me persequeris?* Atqui certum est, vocem illam cœlitus auditam esse, ut *Matth.* 3. 17. *cap.* 17. 5. *Iohan.* 12. 28. Quare comites Pauli non perceperunt verba. *Respondeo*: Cœlum Dei quaquaversus est, & voces illæ cœlitus auditæ esse dicuntur *ἐκ τῶν οὐρανῶν*, quod homines cœlestia tantum à supernis expectanda esse censeant. Quod nihil audiverint Pauli comites, causa eadem est, quia nihil videbant. Revelat se quomodo vult Servator, & hujus oculos auresque illustrat, ut videat & percipiat, illius verò non illustrat, unde nec videt nec audit ea quæ coram geruntur. Exempla alia vide *Numeror.* 22. 27. *seqq.* *Luce* 24. 31.

IX. Sextò: Quicumque confidet ad dextram Dei, ille cum dextrâ Dei omnibus locis est præsens. Atqui Servator ut homo considerat ad dextram Dei. Ergò Servator ut homo cum dextrâ Dei omnibus locis est præsens. Majoris conexum patet, quoniam dextera Dei est ubique, *Psal.* 139. 7. 8. 9. 10. Excipiunt: (1) Non magis hinc sequitur, Christum hominem esse omnipræsentem, quam æternum esse, quoniam dextera Dei est æterna, *Bucanus in Institutionibus Theolog.* pag. 263. *seq.* *Wendelinus lib. 1. Theolog. Christ.* pag. 388. & *lib. 1. System. Theolog.* pag. 740. *seqq.* *Respondeo*: Consequentia negatur. Aternitas est aliquid immanens, proinde non potest deho-

mine Christo immediatè pronunciari. Intempore eventus est homo Christus ad æternam Dei dextram, id est, accipit per liberalem collationem summum illud imperium, quod conjunctus ei *ὁ λόγος*; habuit ab eo tempore, cum universum hoc è nihilo produxit, *Proverb.* 8. 22. (2) Christus homo non dicitur, esse ipsa dextera Dei, sed figuratè dicitur, sedere ad dextram Dei, non verò procedit collectio à figuratâ locutione ad propriam, *Bucanus l.d.* *Respondeo*: Dextera Dei non est ipse Deus, sed est actus divinus, quo præsenter atque efficaciter gubernat omnes res creatas, quam cum suscepit homo Christus, quare non procedat illatio? Et omninò literæ sacræ consequentiam istam stabiliunt, *Psal.* 110. 1. 2. *1. Corinth.* 15. 25. (3) Sedere ad dextram Dei, hoc est, gloriosum imperium exercere potest homo Christus eo etiam in loco, in quo Christus homo præsens non est, *Wendelinus l.d.* *Respondeo*: Negatur hoc, quoniam ita homo Christus non esset perfectè compos divini ejus regiminis, quod dextera Dei supponit. Supponit vero illa præsentiam substantialem atque unâ virtutis influxum. Reges terreni equidem per vicarios & ministros suos regunt locis iis, in quibus non sunt præsentes, Servator ministro nullo indiget, sed præsens est omnibus quibus imperat.

X. Dicit *Wendelinus*: Servatorem ministro nullo uti in imperio suo, falsum est. Et Angelis & hominibus ministris uti eum, constat in regio & prophetico officio, *Roman* 13. 4. 5. 6. 2. *Corinth.*

¶ 20. Hebræ. 1. 14. *Exercitat. Theolog.* 68. num. 15. Respondeo: Quod Angeli regant cœlos & terram, non docent literarum sacrarum; ministeria eorum describunt: quidem, sed regimen Deo. & Servatori imponunt, *Daniel* 7. 14. *Matth.* 11. 27. cap. 28. 18. 1. *Corinth.* 15. 25. *Ephes.* 1. 19. seqq. *Philip.* 2. 9. Scilicet eam ipsam, & non aliam, virtute regi potest mundum, quam conditus fuit, nempe divinam, quæ non est citra præsentiam substantialem, *Ierem.* 23. 23. 24. *Psal.* 139. 7. 8. 9. 10. (4) Quamvis dextra Dei cœlorum angustiis non contineatur, dicitur tamen Servator ad dextram Dei collocatus in cœlis, *Ephes.* 1. 20. 1. *Petri* 3. 22. *Wendelinus* l. d. *Johan. Combacchius* lib. 2. *Institutionum Metaphys.* cap. 1. quæst. 6 Respondeo: Imo dicitur evectus ad dextram Dei supra cœlos, *Ephes.* 1. 20. Non continetur ergo cœlis creatis. Argumentamur: Quousque se extendit dextra & thronus Dei, eod etiam extendit se collocatio Servatoris in dextrâ & throno Dei. Atqui dextra & thronus Dei Patris extendunt sese per omnia supera & infera, *Psal.* 103. 19. *Psal.* 139. 8. 9. 10. *Esaia* 6. 3. cap. 66. 1. Ergo etiam collocatio Servatoris in dextrâ & throno Dei complectitur loca omnia quaque versus, *Hebr.* 1. 3. cap. 12. 3. (5) Fideles collocabuntur ad dextram Servatoris, *Matth.* 25. 33. nec tamen omnibus locis præsententur, *Bucanus* l. d. Respondeo: Dextra Servatoris vocatur ratione apparitionis: visibilis, est enim illè verus homo atque habet veram dexteram & sinistram. Atqui dextera Patris est infinita illa gloria & maiestas, neque ad eam Creatura ulli ævhi potest, *Hebr.* 1. 13.

XI. *Barthol. Keckermannus* scribit: Servator confedit ad dextram Patris ratione utriusque naturæ, divinæ scilicet atque humanæ. Ratione divinæ, quatenus mediationis opere peracto rediit ad priorem glorificationem, quam ante iacta mundi fundamenta cum Patre & Spiritu sancto habuit. Ratione humanæ, quatenus novam dignitatem & eminentiam super creaturas omnes accepit, quam antea non habuit, lib. 2. *System. Theolog.* pag. 364. Hæc ille, & cum illo *Daniel Tilenus* part. 2. *Syntagmat. Theolog.* *Dissutat.* 9. dist. 14. Error duplex. Primus est, quod dextram Dei exponit de gloria, quam & λόγος habuit ante iacta mundi fundamenta. Atque tunc nondum erat illa dextra Dei, utpote quæ dumtaxat cum universi creatione esse cepit: regere enim supponit aliquid quod regi debet, ante mundum conditum nihil erat. Secundus est, quod & λόγος confederit ad dexteram Dei. Atqui Servator ut homo confedit ad dextram Dei, postquam in cœlos adstendit, *Marci* 16. 19. *Actor.* 2. 32. seq. *Philip.* 2. 9. *Ephes.* 1. 20. 21. *Hebræ.* 1. 3. cap. 2. 9. cap. 8. 1. cap. 10. 12. Argumentamur: Secundum quam naturam Servator est mortuus & de sepulchro reproductus, secundum illam confedit ad dextram Dei. Atqui prius est verum de naturâ humanâ tantum. Ergo & posterius. Item: Secundum quam naturam Servator post resurrectionem est exaltatus & evectus super omnia, secundum illam sedet ad dexteram Dei. Atqui prius verum est de naturâ humanâ tantum. Ergo & posterius. Denique: Secundum quam naturam Servator factus est me-

hior & præstantior Angelis, secundum illam sedet ad dexteram Dei. Atqui prius verum est de naturâ humanâ tantum. Ergo & posterius.

XII. Septimò: Quia Servator adscendit longè super omnes cœlos, ut impleret omnia, *Ephes. 4. 10.* Ratio duplex: Qui super omnes cœlos adscendit, ille non concluditur cœli alicujus repagulis. Item: Qui adscendit ut impleret omnia, ille præsens est locis omnibus. De quo argumento plura scripsimus *libro de Creatione Exercitat. 5.*

XIII. Pergunt Adversarii: (i) Servator uti homo apud homines visibiliter agens de loco uno migravit in alium, ut passim docet historia Evangelica. Ergo Servator uti homo non est ubique præsens, Becanus & Wendelinus l. d. *Respondeo*: Negatur Consequentia. Quod mortalis apud mortales conversabatur, erat ab exinanitione, intrâ quam sese continendo ille non poterat Deo æqualis esse, *Philip. 2. 7.* Aliter in deinceps fuit, cum superatâ morte victor consedit ad dextram Dei, ut omnia in omnibus impleret, *Ephes. 4. 10.* (2) Servator redibit olim cœlo ad iudicium, *Philip. 3. 20. 21.* Ergo jam non est præsens, Becanus & Wendelinus l. d. *Respondeo*: Negatur Consequentia, neque enim præsens est nobis illo modo, quo redibit: Visibiliter redibit, sicut adscendit, & cum decretoriâ mundi consummatione, piorum retributione cœlesti, impiorum ad cruciatus æternos relegatione, *Actorum 1. 11. 1. Thessal. 4. 16. 2. Thessal. 1. 8. Tit. 3. 13.* Illo modo, inquam, non est præsens nobiscum, sed invisibiliter, mundum sustentando, piorum

fidem augendo & per ministerium verbi conservando, impiorum malitiam coherendo. (3) Servator uti homo in cœlos adscendit, *Luca 24. 51. Actorum 1. 9.* Ergo non est præsens in terris, Becanus & Wendelinus l. d. *Respondeo*: Negatur Consequentia. Adscensus Servatoris in cœlos non abstulit ejus in terris præsentiam, sed promovit magis, quando quidem tunc statu servi abdicato exercitium majestatis suscepit, evectus ad dextram Dei in cœlis, *Psalm. 110. 1. Marci 16. 19.* Dextra Dei non est locus circumscriptus, sed est præsentissima ubiq; temporum & locorum assistentia & operatio, *Exodi 15. 16. Psalm. 139. 7. 8. 9.* Quare in cœlos abiturus promittit præsentiam suam usque ad finem seculorum, verbis expressis *Matth. 28. 20.* (4) Quod si in terris Servator esset, ne quidem sacerdos esset, *Hebr. 8. 4.* Ergo non est in terris præsens, Paræus Commentariis ad h. l. pag. 379. *Respondeo*: Non est in terris visibiliter, ut ministeriis terrenis perpetuò defungatur, quomodò Sacerdotes in Veteri Testam. facere consueverant, operando sacris in tabernaculo manufacto, sed vice unâ & perfectè simè expedit officium suum mediatorium in his terris, quando in arâ crucis sacrificium expiatorium, corpus suum, prototo mundo obtulit; proinde non est opus, ut impoterum visibilis victimator & in statu exinanitionis positus mediator apud homines agat. Hic sensus est verborum

Apostoli, sed qui nihil facit ad præsentem
litem.

CAPVT QVINTVM.

De Tempore.

SUMMARIA.

1. Definitio temporis.
2. Tempus est ens reale.
3. Duratio permanens, successiva.
4. Tempus capit esse cum mundo.
5. Aristoteles notatur.
6. Solvitur instantia.
7. Temporis divisio.
8. Tempus præsens.
9. Solvitur instantia.
10. Tempus præsens est verum tempus.
11. Tempus futurum.

I. Tempus est affectio corporis naturalis, quâ duratio eius mensuratur. Officium temporis est, durationem corporis naturalis in se indistinctam distinguere. Continuum enim quoddam est duratio illa, unde temporis beneficio in partes, nunc majores, nunc minores distinguitur. Sic duratio Petri, quæ continuatus vitæ tractus est, temporis operâ in annos, menses, dies, horas dividitur.

II. Affectio corporis naturalis. Affectio est, itaque Ens reale est, uti multis probant Conimbricenses lib. 4. Physicorum cap. 14. quæst. 1. Antonius Ruvio Commentariis ibid. pag. 391. seqq. Toletus ibidem quæst. 15. Philippus de Trinitate in Summâ Philosophicâ lib. 4. Physica pag. 685. seqq. Benedictus Pererius lib. 12. Philosoph. naturalis cap. 1. Contrâ dissertit Bar-

thol. Keckermannus lib. 1. System. Physicâ cap. 7. quod tempus non sit Ens, verum modus Entis. Sequitur David Gorlaeus in Epitome Physica cap. 5. dist. 8. Rationem addit: Si tempus esset ens, tempus esset in tempore, quod tamen absurdum est. Respondedo: Distinguendum est inter ens permanens & successivum. Ens permanens existit in tempore, à quo determinatur. Tempus verò est Ens successivum, cujus esse consistit in fluxu & motu continuo, ideoque ipsum quidem mensurat motu suo res corruptibiles, non tamen ab alio mensuratur.

III. Quâ duratio eius. Duratio est continuatus tractus essendi, uti ait Scaliger Exercitat. 359. sect. 7. Hinc pro varietate rerum varia est, uti docent Benedictus Pererius lib. 12. Philosophiæ naturalis cap. 7. & seqq. Bernhardus Morifanus Commentariis ad libros Physicos Aristotelis pag. 429. 430. seqq. Franciscus Suarez Disputat. Metaphys. 50. sect. 1. seqq. Permanens duratio in Deo est, quæ nec principium nec finem habet. Successiva est in Geniis, quæ aliquandò ceperunt esse, nunquam verò desinunt esse, & Corporibus naturalibus quæ aliquandò ceperunt esse & aliquandò desinunt esse.

IV. Mensuratur. Secundum notum corporum cœlestium, quæ Natura illo cumprimis sine exsistere voluit, ut dominarentur diei ac nocti, facerentque tempora, dies & annos, Genes. 1. 14. 15. Tempus cum mundo cepit, & cum rebus mundo contentis quarum mensura est, occidet. Minus verè Taurellus scribit: Tempus infinitum est, quia nunquam non fuit, est itaque tempus pars.

æternitatis numero motus definita, in *Synopsi Metaphys. pag. 43.* Contrà: Quando mundum creauit Deus, concreauit eitempus, velut affectionem subiecto suo. Ergò nec infinitum est, nec æternitatis pars, nulla enim affectio infinita potest esse in subiecto finito. Æternitas vero etiam est indivisibilis, ut non possint in eâ partes designari. Errant quoque Faustus Socinus in *pralect. Theolog. cap. 8.* Johan. Crellius libro de *attributis diuinis cap. 3.* Conradus Vorstius libro de *Deo & attributis diuinis pag. 226.* qui docent, tempus ab æterno fuisse & mundum conditum anteveruisse. At dicant illi, quodnam hoc principium sit, in quo cælum & terram creauit Deus, nisi principium temporis est? *Genes. 1. 1.* Argumentamur: Nullum adjunctum in existendo antevertit subiectum suum. Tempus est adjunctum mundi. Ergò. Major certa est, nam quia inhaerent accidentia, idè non nisi cum subiecto existunt, & cum illo pereunt. Minor probatur ex *Psal. 90. 1. 2.* ubi Deus æternus esse pronuntiatur, qui temporum vicissitudinì obnoxius non sit, eò quod ante cælum & terram fuerit. De quâ re plura diximus libro de *Creatione Exercitat. 4. dist. 2.*

V. Definit Aristoteles: *Tempus est numerus motus secundum prius & posterius*, lib. 4. *physicorum cap. 11. text. 101.* Prolixè ista explicant Bened. Pererius lib. 12. *philosoph. natur. cap. 2. 3. 4.* Samuel de Lublino *Commentariis ad libros Physicorum pag. 273 seqq.* Philippus de Trinitate in *Summa Philosophica lib. Physica pag. 691. seqq.* Reijciunt verò, & cum fal-

sitatis tum obscuritatis accusant Franciscus Patricius *Tomo 4. discuss. Peripatet. pag. 404. seqq.* Bernh. Teleseus lib. 1. de *rerum natura cap. 29.* Petrus Ramus lib. 4. *Scholar. physicarum cap. 10. 11. 12.* Breviter adducemus quædam. Obscuritas est, quod dicitur *numerus motus*. Motum primi mobilis intelligi, dicunt Jacchæus lib. 4. *Institut. physicar. cap. 3.* Piccolominæus libro de *rerum definit. pag. 146. 147.* Arnisæus in *Epitome Physicæ pag. 167. seqq.* Contradicit Scaliger: Nostri sanè motus mensura sit, primi motus mensura non erit. Mensura namque prior naturâ est quàm res, cujus est mensura. At tempus est posterius motu primo. Est nimirum effectus ejus ab illo pendens, *Exercitat. 352. sect. 2.* Rursus: Sequitur ex hac definitione, quod tempus sit affectio motus, & mobilis primi, non verò corporis naturalis primò. Atqui non quidem motuum, sed corporis naturalis affectiones nunc quærentur & exponuntur. Sicut corporis naturalis affectiones sunt quantitas, qualitas, locus, ita quoque ejusdè affectio est tempus. Non ergò in ordine ad motum, sed in ordine ad corpus naturale definiendum erat. Falsitas hæc est: Si tempus est numerus motus, rerum quiescentium tempus erit nullum. Non enim moventur ea quæ in loco suo quiescunt, neque igitur quæ mobili competent, ea competent etiam quiescentibus, cum opposita sint oppositorum attributa.

VI. *Regerunt:* Tempus est mensura motus per se, quietis per accidens, Johan. Calus lib. 4. *Comment. physic. pag. 643.* Ludovicus

Adovicus Havenreuterus in *Compendio Philosoph. natur.* pag. 99. Joh. Velcurion lib. 1. *Physicæ* cap. 41. Respondeo: Tàm per se tempus est durantis quietis, quàm durantis motus. Nisi enim ità esset, tempus communis affectio non esset, aut quædam extrà tempus essent, quæ tamen in corporibus naturalibus sunt. Dicit Ru-
vio: Corpora naturalia sunt in tempore, non quoad esse, verum quoad successivas mutationes, lib. 4. *physicor.* cap. 14. tract. 1. *quest.* 5. Respondeo: Falsum hoc est, quod corpora naturalia in tempore non sint quoad esse. Uti enim ipsum corpus esse incipit, durat, desinit, uti ipsa substantia fit, permanet, ac perit, ità etiam ipsius esse & substantiæ duratio tempore mensuratur.

VII. *Estque præteritum, præsens, & futurum. Præteritum est tempus quod fuit.* Ut dies hesternus, annus præteritus.

VIII. *Præsens est, tempus quod est.* Ut hic dies, hæc hora, hoc momentū. Quæritur: An tempus præsens verū tempus sit? Respondeo: Negant communiter. Momentum, ajunt, seu tempus præsens est idem quod punctū in lineâ, unitas in numero. Punctum verò non est magnitudo, sed principium magnitudinis, unitas non est numerus, sed principium numeri. Ità præsens tempus non est verè tempus, sed est finis præteriti & principium futuri temporis. Est vinculum partium in tempore, non verò est pars temporis, Keckermaonus lib. 1. *System. physici* cap. 7. Sennertus lib. 1. *Epiromes Physicæ* pag. 106. Rod. Goclenius lib. 1. *Disputat. phys.* 22. dist. 39. seqq. Marcus Frid. Wendelinus in *Contemplat. Physicis* part. 1. sect. 1. cap. 26. dist. 23.

Michael Watsonus in *Collegio Physico* disputat. 7. dist. 11. Georg. Liblerus in *Epitome Physicâ* pag. 98. 99. Bruno Seidelius lib. 1. *Rudimentorum physicorum* pag. 129. Franciscus Toletus lib. 4. *Commentar. phys.* cap. 12. *quest.* 13. Jacob. Martini *Centur.* 3. *disputat.* 3. *question. illustrium quest.* 8. Verum inanes dant & sine mente sonos. *Argumentamur*: In quocunque tempore fit motus, illud tempus est verum tempus. Atqui in tempore præsentis fit motus. Ergò præsens tempus est verum tempus. Major est plana. Minor constat. Quia enim tempus est præteritum, præsens, futurum, in uno horum fieri motum, necesse est. At non fit in præterito, in hoc enim nihil fit, sed facta sunt nonnulla. Nec fit in futuro, namque in hoc etiam nihil fit, sed nonnulla fient. Ergò motus fit in præsentis, & per consequens, verum tempus est illud quod est præsens tempus.

IX. Dicunt, esse vinculum futuri & præteriti temporis. At propterea nō definit tempus esse. Tempus est totum aliquod simile, cujus quælibet pars obtinet nomen totius, uti quælibet gutta aquæ est aqua, quælibet auri portio est aurum. Re-
tè Johan. Casus: Ut vinculum sive ansula in catenâ mediâ reliquas connectit ansulas, & tamen pars est catenæ, quam cum aliis componit, ità instans seu momentum, velut medium inter præsens & futurum positum, pars temporis dici potest, quod cum aliis partibus totum conficit & absolvit, lib. 4. *Commentar. physicorum* pag. 617. Pergunt: Tempus præsens quid nisi momentum est? Respondeo: Falsum hoc est. Quæ momento fiunt, non fiunt à poteq-

potentiâ finitâ. Solus Creator agit cum potentiâ infinitâ, & momento quidem, cui nihil est præteritum, haud subit futurum.

X. Atram sunt in tempore præsentii omnes motus, actiones, passiones: adcoque præsens tempus suâ non caret latitudine. Rectè iterum *Cassius*: Punctum hoc, quo partes successivæ temporis constringuntur, est quædam realis continuatio & connexio finientis præteriti & incipiens futuri, quæ continuatio quamvis sit longè brevissima pars temporis, est ipsum tempus actu existens. *Id. pag. 616.* Denique similia non faciunt ad rem. *Unitas*, ajunt, *non est numerus, punctum non est quantitas.* Atqui punctum est quantitas, & quantitatum omnium minima, habetque rationem quantitatis, sicut unitas numeri. Scilicet unitas quoque in se habet rationem numeri. Quanquam enim non sit multitudo, potest tamen numerare, & numero officio defungitur quo singula discernimus à plurimis.

XI. *Futurum est tempus quod erit.* [Uti dñs crastinus, perendinus, annus sequens.]

CAPVT SEXTVM.

De Qualitate.

SUMMARIA.

1. Affectiones formales.
2. Definitio qualitatis.
3. Qualitas manifesta.
4. Qualitas activa.

5. Qualitas passiva.
6. Qualitas materialis.
7. Qualitas intentionalis.
8. Actio in distans.
9. Experimentia vulgares.
10. Lupus rancidinem adfert.
11. Cadaveris sanguis.
12. Vnguentum armarium.
13. Corylorum furculi.
14. Qualitas occulta.
15. Cartesius notatur.
16. Origo qualitatum occultarum.
17. Solvitur instantia.
18. Sympathia.
19. Antipathia.
20. Scaliger notatur.
21. Cartesii opinio.

I. **H**æcenus fuerunt corporis naturalis affectiones materiales, sequuntur formales. Formales sunt, quæ oriuntur à formâ. [De hac re diximus suprâ cap. 1. dist. 5. ubi videatur.]

II. Tales sunt qualitas, motus, quies. Qualitas est affectio corporis naturalis, quæ illud potens est ad agendum vel patiendum. Sic ignisurit, aqua humectat, non quidem immediatè & per substantiam, verum per qualitates, caliditatem, humiditatem. In leone rugitus est, in canelâ tratus, in equo hinnitus, in bove mugitus, velut propriæ qualitates, eæque ortæ à formis. Combuitur lignum, absuntur oleum, morbisque corripuntur animalia, non tam ob substantias quàm propter qualitates initas. Adè ubique per qualitates sunt & actiones & passionnes.

III. Estque manifesta & occulta. Manifesta

fecta est, cujus ratio nobis cognita est.] Sic calor & levitas sunt qualitates manifestæ in igne, à quibus combustionem, motum sursum & alios effectus ignis manifesto deducimus,

IV. *Estque vel actiua vel passiva. Actiua est qua corpus naturale est potens ad agendum.]* Has qualitates ubique locorum deprehendere licet. Nulla enim species corporis naturalis ociosa est, sed omnis est negociosa. Astra agunt luce suâ in hunc mundum inferiorem. Elementorum qualitates in omnium ore atque oculis sunt. Breviter : Quàm latè formarum specificarum ratio patet, tam latè se qualitatum diffundit ambitus. Sunt enim qualitates velut instrumenta formarum.

V. *Passiua est, qua corpus naturale est aptum ad patiendum.]* Non agunt saltem corpora, verum etiam patiuntur. Datur in oleo aptitudo ad concipiendam flammam, in ligno ad ardendum, in homine ad morbos & mortem.

VI. *Utraque est vel materialis vel intentionalis. Materialis est, qua in subiecto remanet.]* Neque ad extrâ diffundit sese. Tales sunt qualitates Elementorum. Calor ab igne non migrat in aëtem, sed ubicunque calor est, ibi insimul ejus subiectum nimirum ignis est. Perinde etiam de frigore est, cujus subiectum aqua est.

VII. *Intentionalis est, qua à subiecto aspersetur.]* Et diffunditur in obvia quævis. Tales sunt qualitates corporum celestium. Lumen in Sole non manet, sed à Sole in mundum inferiorem spargitur.

VIII. An detur actio in distans, prolixè disserunt Conimbricenses & Anto-

nus Ruuiolib. 7. *Commentar. physicor. cap. 6. quæst. 12.* Johan. Poncius in *Cursu philosoph. Disputat. 19. Physica quæst. 2.* Franciscus Ovicdo in *Cursu Philosoph. Disputat. 18. Physica sect. 1. 2. 3. 4.* Bernhardus Morifanus *Commentarius ad Physicam Aristotelis pag. 387. seqq.* Philippus de Trinitate in *Summa Philosophica lib. 7. Physica pag. 777. seqq.* Hurtadus de Mendozâ in *Cursu Philosoph. Disputat. phys. 9. sect. 6.* Roder. Ariaga in *Cursu philosoph. Disputat. phys. 7. sect. 6.* Wilhelmus Chabronus in *Cursu philosoph. Tomo 3. pag. 93. seqq.* Respondemus breviter, quod inter agens & patiens necessarius sit contactus, siue ille est corporalis, siue est virtualis. Corporalis est, quando corpora duo ratione substantiæ proxima invicem agunt & patiuntur. Ità ignis agit in lignum quod exurit, aqua in manum quam frigefacit, canis in hominem quem mordet. Virtualis est, cum per qualitates materiales & intentionales producit effectus. Sol à nobis procul remotus luce suâ perfundit mundum inferiorem. Et verò lux ipsa ab aëre uti vehiculo suo recipitur, & quaqua versus defertur. Magnes trahit ferrum non afficiendo prius medium, & quamvis tabella interponatur lignea aut ferrea, tamen imperio parit ferrum, & sequitur tractum, quousque propter impedimentum ei licet.

IX. Addunt quidam experientias plures. Cum lebeti aquâ pleno, autem, ignis supponitur, intensior est calor in aquâ quæ à fundo est remotior, quàm in eâ quæ isti est vicinior. Ex oculis fascinantium noxiæ & venenatæ egrediuntur qualitates, ut occurrentium lædant oculos,

los. Lupus inducit rucedinem hominibus iis, quos prior videt. Cadaver hominis occisum ad præsentiam homicidæ etiam post menses aliquot sanguinem destillat. Unguentum armarium vulnera sanat, quamvis per aliquot milliaria absens sit vulneratus. Corylorum surculi bifidi à manu apprehensi, donec incalcescant, tantum ad venas auri argenticque feraces inclinant sese, & produnt thesauros occultos. Has & similes addunt experientias Kenelmus Digbejus *Tract. 1. de naturâ corporum cap. 18. dist. 9.* Thomas Bartholinus *Centur. 3. Observat. histor. 66.* Anatonuca, Johan. Comenius in *Physica reformatâ* pag. 193. Johan. Scharffius *Diatriba de unguento armario*, sed minus urgentes. Quædam enim illatum nunquam factæ & nunquam futuræ sunt, cæteræ ab aliis prognatæ fuerunt causis. De lebete & chartâ res certa est, sed causa longè alia est. Verè actio ab ipso quoque recipitur medio, sed citrà moram, transit ignis citius, humidumque se unit fortius, uti dicemus *infra lib. 4. cap. 2. dist. 15.* Fascinantes vetularum oculi pertinent ad Satanæ ludibria, ut peculiari opere demonstrant Johannes Lazarus Guiterrius, & Ludov. Vairus. Antiquitas plura tribuit fascino, quàm æquum & par est. Plinius autor est, in Triballia satque Illyrico fuisse familias fascinantium, qui oculis interimant eos, à quibus diutius aspiciuntur, *lib. 7. cap. 2.* Et Virgilius: *Nescio quis teneros oculos mihi fascinet agnos?* *Ecclogâ 3.* Verum quidem est, dari occulta effluvia, à quibus morbi venenati & contagiosi inducuntur; verum quoque est, oculis vetularum

ineffluvia humorum putridorum copiam magnam, & ab istis egressos posse nocere infantibus tenellis, arboribus nondum sat firmatis, animalibus infirmis; sed tamen ista non evincunt, dari fascinum & à causis naturalibus oriri. Vilus est actio immanens, neque fit radiorum emissionem, sed visibilibus in oculos receptionem, itaque visus ex se nemini damnum inferre potest. Effluvia, quæ ab oculis, ore, naso prodeunt, teste Johanne Lario *lib. 2. Epist. 36.* nocent oppidò infantibus, verum læsiones istæ sunt, non fascinationes. Uti illi qui peste laborant, neminem visu, & potius halitu seu vaporibus de toto corpore egressis inficiunt. Uti scæminæ menstruatæ inquinant specula per halitus, non tam ab oculis, quàm ex ore & naribus egressos. Uti vetularum lippientes oculi effluviis in aërem effusis obviorem oculos acriter contuendo afficiunt, doloremque conciliant.

X. De lupis illud aut vanum est, aut si quid veri subest, à terrore potius oriri, quàm à solo aspectu provenire, credendum est. Virgilius: *Lupi Marini videre priores*, *Ecclogâ 9.* Rei vanitatem demonstrat Scaliger: Utinam tot ferulis castigarentur mendaciorum assertores illi, quot à lupis visi sumus nos sine jacturâ vocis. Nam ter in venationibus scio me à lupo conspectum, semel ab uno inter virgula latitante, iterum ex montis supercilio, tertio cum puellam rapuisset. Ex cannabinâ segete jam admodum avulâ caput identidem in promoverat ad speculam. Tum quidam ex æqualibus puelli dixit, o ingentem canem. Ego ab illo cum sociis visi sumus, ille à nostrum nemine. Tantum

abest, ut obmutuerimus, ut magnis clamoribus primò perterritum compulerimus ad fugam, mox insecuti prædã, licet sine vitã, abstulerimus, *Exercitat. 344. sect. I.*

XI. Experientia de sanguine è cadavere occisi ad præsentiam homicidæ stillante, fallax est. Nec enim semper profluit à cadavere sanguis, cum homicida præsens est, nec cum effluit, homicida adest. Infrã venas cadaveris aliquot diebus & septimanis reservatur nonnunquam sanguis, hinc vellevi factã commotione trudit sc̃se, ac per nares aliasque vias patentes erumpit, sive adsit homicida, sive absit, uti rectè differunt Gregorius Horstius *peculiari libello de cruentatione cadaverum*, & Hieronymus Magius *lib. 3. miscellaniorum cap. 5.* Qui aliter sentiunt, ad occultas qualitates frustrã provocant: Dum, *ajunt*, latro occidit virum alium clãm palãmve, spiritus occisi viri emigrat in latronem, adeoque à spiritu illo proditur latro, & impellitur sanguis ad effluxum: Eo modo quo videmus canem, bovem, feram, cum occiditur, furenter in percussorem irruere. Inde etiam est, quod homo quivis latrones necdum satis cognitos, in domo, ad mensam, abhorret, Villalpandus Torreblanca *lib. 1. de Magiã cap. 2. num. 35.* Levinus Lemnius *lib. 2. de occultis naturæ miraculis cap. 7.* Joh. Langius *lib. 1. Epistol. Medicinal. 40.* Rodolfus Goclenius in *Physicã generali lib. 1. pag. 408.* Sophronius Kothsak impuro libro de Sale merisque nugis compilato *cap. 5. sect. 17.* Johannes Lazarus Gutierrez libro de fascino *quest. 7. num. 19. seqq.* Franciscus Vallerio-

la *lib. 2. Observationum Medicarum cap. 7. 8.* 9. Joh. Amos Comenius in *Physicã reformatã pag. 191.* Athanasius Kircherius *lib. 3. de arte magneticã pag. 788.* Galeottus Marcius *lib. 3. doctrinæ promiscuæ cap. 5.* Respondet: Spiritus illi qui ab uno homine in alium emigrant, sunt prorsus nulli. Aut enim partes corporis essent, aut animæ. Non corporis, quia partes ejus sibi relictæ absque vitã, sensu, ratione sunt, adeoque latronem prodere non possunt. Non anima, quia hæc indivisibilis est. Occultus ille horror quena à latronis præsentia concipimus nec perpetuus est, & quandoque vanus est. Si verus est, à Genio tutelari est, quem Deus adjunxit nobis viarum comitem, vitæ nostræ Rectorem. Quamquam hæc de cadaverum sanguinis profluvio vetus fabula sit, apud Gentiles superstitionibus oneratos recepta. Itaque latro, ne proderetur indicio isto, cædis instrumentum occisi capillis abstergebat, aut hujus sanguinem tribus vicibus lambebat, moxque iterum despuerat, uti referunt Apollonius Rhodius *lib. 4. Argonauticorum*, & Scholiastes Sophoclis in *Electrã*.

XII. Unguentum armarium omni ex parte præstigiosum, nugis atque superstitionibus refertum, à quo perlinitur telum istud, quod vulnus infixit alii percusso, omni caret fundamento, uti benè differunt Athanasius Kircherus *lib. 3. de arte magneticã pag. 680. seqq.* Johan. Roberrus libro peculiari Daniel Sennertus *lib. 5. Medicinæ practicæ part. 4. cap. 10.* Andreas Libavius diatribã singulari. Spiritum unã cum sanguine egredi, telo & ligno adhærescere, indèque per unguenti allitio-

nem repelli, ut ad corpus suum redeat, illudque redintegret, tot fermè sunt petitiones principii, quot verba. Modum conficiendi unguentum illud ex apri uris, que adipe liquefacto, lubricis exustis, santalo rubro, cranio hominis in furcâ extincti, quæque his similia dæmon malus adhibere solet ad veneficia, describit Paracelsus *lib. 1. Archidox. magica*, vir de quo per evidentia argumenta constat, fuisse dæmonum socium. Ab illo acceperunt Joh. Baptista Porta *lib. 8. Magia naturalis cap. 12.* Oswaldus Crollius in *Basilicâ Chymicâ pag. 278. seqq.* Rodolfus Goclenius in *Physicâ generali lib. 2. pag. 411.* nec non peculiari libro de unguento armario, Johan. Baptista Helmondus *libro de morbis tract. 17.* Facile qui credit, facile decipitur.

XIV. *Occulta est, cujus ratio nos latet.*] Itâ magnes trahit ferrum, unicornu præservat adversus venena, ob felis præsentiam multi incidunt in animi deliquium, venena quàm multos, quàm subito, necant. De veneni effectibus peculiare libros scripserunt Hieron. Cardanus, Petrus Aponensis, Hieronymus Mercurialis, Ferdinandus Ponzetus, Santes Ardoinus, Jacobus Grevinus, nec non Andreas Matthiolus *Commentariis ad lib. 6. Dioscoridis*; omnemque de occultis qualitatibus materiam sedulo exponunt Eduardus Maderia Lusitanus *libro de occultis qualitatibus*, Joh. Fernelius *libro de abditis rerum causis* (qui tamen nimis liberalis arcanorum censor plura cælorum influxui imputat, ac veritas permittit,) Thomas Erastus *libris de occultis qualitatibus in medicinâ.*

XV. *Ratio nos latet.*] Differunt qualitates occultæ à manifestis, tum latentia, tum potentia. Sensibus patent manifestæ, latent occultæ. Visus colorem, auditus sonum, gustus saporem, olefactus odorem, tactus qualitates tactiles observat, dignoscit, definit. Atqui vim magnetis ferrum trahentis nullus apprehendit sensus. Potens est calor, potens est frigus, at potentiores sunt qualitates occultæ. Ad sunt hæc vires novæ, maximæ, subitæ, occultæ, quæ latent animos temperatos, illudunt curiosos, dicente Julio Scaligero *Exercitat. 218. sect. 8. Exercitat. 344. sect. 8.* Et quanquam Renatus Cartesius in meditationibus Philosophicis admodum laboret, ut Naturæ arcana referendo planius, manifestas reddat qualitates eas quæ hæctenus occultæ fuerunt, attamen perdit operam, & principia infert absurda, cum quibus naturæ effecta conciliari non possunt. Suevit enim ille hominum paucorum credulitati fisis nimium postulata vetera abolere, nova assumere, & quidem talia, quæ nec ab ipso demonstrata sint, nec demonstrari à quoquam possint, etiamsi vim intellectui inferamus, globulos scilicet, particulas striatas, elementa invisibilia, multiplices vortices, & quæ alia sunt entia rationis, à quibus ille Philosophiam suam auspicatur. Hoc verò etiam notetur, quod non sit temerè decurrendum ad qualitates occultas. Optimæ enim rei id esset abusus pessimus, notumque est, occultatum qualitatum nomine quamvis ignorantiam excusari, quamvis etiam superstitionem defendi solere.

XVI. Quæritur de origine qualita-

tum occultarum. Communiter dicunt, oriri eas à variâ Elementorum & primarum qualitatum temperie. *Keckermani* verba ista sunt : Proptium temperamentum corporis naturalis cuiusque ad eadeas qualitates occultas ità dispouitur, ut qualitates Elementares cum primæ tum secundæ inter se concinnentur virtute cœlesti. Cœlum enim concrectionem corporum terminat, & certum quasi demensum luminis calorisque vivifici corporibus affundit, à quo lumine & calore Elementorum & qualitatum Elementariū cōalio fit in mixtione, quæ proportionem formis corporum respondens occultas ejusmodi vires sive qualitates producit, *lib. 1. Systemat. Phys. cap. 8.* Verum nos argumentamur: Quodcumque suprà vires Elementorum est, id ab eis provenire nequit. Atqui qualitates occultæ suprà vires Elementorum sunt. Ergò ab Elementis provenire nequeunt. Minor constat: Qualitates Elementorum sunt calor, frigus, humiditas, siccitas, quæ sive conjungantur sive dissepantur, occultas vires agendi non inferent. Mistio vires quæ rebus per se insunt, cogit uno loco, novas haud addit. Quomodò igitur Elementa unius mixtionis ope provehentur, ut in composito agant ea quæ ex sese non habent? Qualitates non mutant essentiam, itaque nec actionem quæ earum vires excedit, possunt edere. Docet vulgata regula: Nihil est in principiato, quod non fuit actu in principiis, ait *Scaliger Exercitat. 307. sect. 20.* Quanquam verò aliæ sint in misto vires, quàm in simplicibus divisim acce-

ptis, attamen vires illæ non sunt aliæ quàm Elementares.

XVII. Instant: *Cœlum addit vires novas.* Atqui cœlum est causa universalis, à quâ non satis verè derivantur multiplices qualitates. Mirum verò etiam est, quomodò cœlum indat herbis operationes tam varias, tam nobiles, tam utiles, sapias etiam nocivas? quomodò in magnète efficiat vim trahendi ferrum, & ad polos convertendi sese? Dicimus ergò nos, qualitates occultas provenire à formâ specificâ. Ut formarum est diversitas maxima, ità & qualitatum. Magnetis qualitas occulta à formâ specificâ fluit. Rhabarbarum cum purgat, cumque amygdalæ amaræ depellunt ebrietatem, vis purgandi corpus & præservandū caput non à forinâ specificâ, sed à subordinatâ fluit. Mortuum enim rhabarbarum purgat, non vivum, & amaræ amygdalæ contrâ ebrietatem validæ sunt, non verò dulces. Eadem in utroque est forma specifica, sed formæ instrumentum, calidum innatum, non eodem modo sese habet in utroque, & proinde non est effectus idem. Odium quo aliqui caseum, vinum, carnes, pisces averfantur, ab accidentariis dependet formis, & potuit fastidium hoc tum in utero tum in sugendis mammis conciliari. Unde nec perpetuum est odium illud, & cum progressu annorum deponitur. Forma enim illa ad tempus solum inerat, sine lege, sine necessitate, uti benè disserunt *Kenelmus Digbej tract. 1. de natura corporum cap. 24. dist. 8.* *Sennertus lib. 6. Medicina practica part. 1. cap. 3.* *Martinus Schogkij libro de averfatione casei.*

XVIII. *Estque Sympathia & Antipathia. Sympathia est amor naturalis corporis unius erga aliud.* Amant se corpora naturalia nullo accepto beneficio, odio sese prosequuntur nullâ datâ offensâ. Unum alterum nunc rapit, nunc fugit, nunc iuvat, nunc destruit. Bullæ illæ quæ in aquâ fiunt, una ad alteram appellit, & velocius eò quò propior fuerit. Candela in fornace accensa aut non aut ægrè inde extrahitur, quod ignis velit igni conjunctim adesse. Ova frigore læsa cum frigidæ injiciuntur aquæ, frigus intetnum velut fœdere factò ad eternum ruit, ut ovo pristinus vigor redeat. Pedes frigore afflicti cum teruntur gelidis nivibus, aut undis frigidis perfunduntur, pristinam recipiunt bonitatem, docente Guilhelmo Fabricio Hildano libro de Sphacelo cap. 13. Venenum trahitur à veneno, mortuusque animalium venenosorum curantur applicando remedia è venenis confecta, uti docet Joh. Ronodæus lib. 1. Instit. Pharmaceuticarum cap. 13.

XIX. *Antipathia est odium naturale corporis unius erga aliud.* Uti amor & raptus similiū, ita quoque odium ac fuga dissimiliū ubique se ostentat. Aquæ guttæ in orbē sese convolvunt, ut adversus ærem, terram & ignem dimicent. Oleo, butyro & pinguedinī accensis aqua asfunditur, atque ignis fugiendo ab aquâ solum evolat, partesque adipis unâ abripit, & sæpè ædes ipsas accendit. Si ferum & cuprum in eandem fornacem unâ conjiciantur, ferro præsentē non liquefiet cuprum. Saccharo in vas coagulatorium projecto, ex lacte nunquam confi-

cietur butyrum. Quandò viride lignum igni injicitur, atomi aquæ in eo contentæ se uniunt, & per medium hostem cum magno strepitu exsiliunt. Celebre est magnētis & alii dissidinū, namque magnes alio perunctus ferrum non trahit. Pullus gallinaceus vix natus milvum è longinquo conspectum, abhorret, atque fugâ ad matrem sibi consulit, equum verò, bovem, porcum & alia multò grandiora animalia non reformidat. Lupum fugit ovis, canem lepus, accipitem columba, fœlem musculus, unicornu aranea, Ichneumona phalangium, de quo vide Petrum Bellonium lib. 2. Observationum cap. 22. Et regnat ubique cœcum odium, causam indagaturus Scaliger ista profert: Quamobrem ita statuendum est, genera quædam esse quibusdam communia speciebus, quæ idcirco impellantur ad quandam convenientiam. Sic esse quasdam generum contrarias differentias, ex quibus inimicæ species oriuntur, quæ tamen species non habentur contrariæ, quia nulla forma formam destruit, sunt tamen individuorum principia quædam ad contrarias actiones perpetrandas, quod in ove & lupo, in pullo & milvo videre est. Hæc sunt primordia Sympathiæ & Antipathiæ, Exercitat. 344. sect. 3.

XX. Verum non satis rectè causam exponit. Differentiæ enim genericæ, quia in illis conveniunt species, non possunt efficere Antipathiam. Ad specificas differentias, quæ à formis specifici proveniunt, appellandū est. Forma substantia est, & ab illâ est principium con-

sensus ac dissensus, qui per qualitates consequenter tantum ostenduntur. Neque enim est in qualitatibus aliquid, quod non est in formis, & formæ sunt principia actionum & passionum. Proinde *Keckermannus*, cum rejecisset opinionem *Scaligeri*, ait ipse: Formæ semper agunt mediante temperamento materiæ, ita ut longè verisimilius sit, oriri Sympathiam & Antipathiam ex peculiari temperamento corporum naturalium, lib. 1. *Systematis Physici* cap. 8. Attamen quia temperamento solum insunt Elementa, & verò corpus naturale nobiliores qualitates in sese continet, ac quæ ab Elementis derivari possunt, hæc sententia non dicit verum.

XXI. *Cartesius* libro de passionibus animæ art. 136. scribit talem nexum inter animam & corpus nostrum esse, ut cum semel jungimus quandam actionem corpoream cuidam cogitationi, neutra earum unquam se postea offerat, quin altera se quoque exhibeat. Et hoc sufficere ad reddendam rationem de iis omnibus, quæ quisque potest observare vel in se, vel in aliis. Etenim facile est cogitare, miras quorundam aversiones, per quas nequeunt odorem rosarum ferre, aut præsentiam felium, aut similia, non aliunde proficisci, quàm quod ab initio vitæ suæ valdè fuerint læsi à similibus quibusdam objectis, aut quia compassi sunt sensui matrum suarum, quæ cum gravide essent, à talibus læsæ fuerunt. Certum est enim, relationē dari inter omnes matris motus & motus infantis, quæ gestant in utero, ita ut quod uni contrariū est, alteri etiam noceat. *Hac ille*, Et quod

possit tale quid fieri Phantasie ope, dicemus *infra* lib. 8. cap. 6. dist. 2. 3. 4. Potuit infans urero conclusus à rosarum aut felis odore lædi, qui eo tempore magis Phantasie usum habet, quàm Intellectus. Quæ postea etiam, cum simile objectum præsens est, & vel aspectu se prodit, vel odore emisso, aversionem similem excitare potest.

CAPVT SEPTIMUM.

Diatriba singularis de
Magiâ.

SUMMARIA.

1. Definitio Magiæ.
2. Magia licita.
3. Lucerna perpetua.
4. Magia illicita.
5. Ephesie litera.
6. Gygis annulus.
7. Valentini ἀβραῆς.
8. Agrippæ occulta Philosophia.
9. Bombasti occulta Philosophia.
10. Sagarum maleficia.
11. Excusationes Wiéri.
12. Saga hostes generis humani.
13. Refellitur Wiérius.
14. Veneficia.
15. Examinatur modus istorum.
16. Sagarum capitalis noxa.
17. Notatur Wiérius.
18. Pactum cum demone.
19. Characteres magici.
20. Magia divinatoria.
21. Magia effectoria.
22. Comitia in Bructera.

23. *Translatio Sagarum vera.*
24. *Magi in lupos conversi.*
25. *Bodinus refellitur.*
26. *Conversio in lupos simulata.*
27. *Mortuorum reproductio.*
28. *Sanli necromantia.*
29. *Demonis copula cum Sagis.*
30. *Solvuntur objectiones.*

I. **M**agia est cognitio rerum abditarum.] Magus est nomen Persicum, vocabantque Orientis populi nomine isto Sacerdotes suos, id est, viros divinarum & humanarum rerum cognitione præditos, Regum consiliarios atque aulæ magistros, uti referunt Plato in *Alcibiade*, Cicero lib. 1. de *divinatione*, Strabo lib. 16. *Geographia*, & ex illis Ludovicus Dieu *Commentariis ad Matthæi* 2. 1. & in *Appendice ad notas* pag. 506. 507. Richardus Montacutius *part. 1. Originum Ecclesiasticarum* pag. 170. *seqq.* Barnabas Briffonius lib. 2. de *regno Persarum* pag. 178. *seqq.* Nec tantum Persæ Magos habuerunt, sed etiam Chaldæi & Arabes, qui populi multum operæ posuerunt in promovendis artium liberalium studiis, itaque apud Matthæum cap. 2. 1. sunt *Magi ab oriente*, quos ab Arabiâ venisse, rectè monet Hugo Grotius *notatis ad Evangelia* pag. 28. 29. 35. & satis arguunt donaria, thus, aurum, myrrha, quorum præter Arabiam felicem nulla terrarum ferax est. Nam quod Magos eos è Perside advenisse contendunt Georgius Calixtus *dissertatione de Magis* pag. 11. 12. Theodorus Beza *notatis ad Evangelia* pag. 8. 9. Casaubonus *Exercitatus* 2. contrà Baronium *sect. 19.* hoc inquam, fundamento omni caret, uti probavimus

lib. 1. *Institutionum Physicarum* cap. 1. *dist. 1.* Arabum Sapientes & horum vetusta cum Judæis commercia nota sunt ex literis sacris, 1. Regum 4. 30. 31. cap. 10. 1. 2. *seqq.*

II. *Estque vel licita, vel illicita. Licita est, quæ viribus naturæ utitur ad agendas res arduas*] Vires Naturæ sunt prorsum stupendæ, aliisque magis, aliis minus patent, quas rimando alii superamus alios & earum operâ perficimus admiranda, unde vulgo sæpè injicitur suspicio de illicitæ Magiæ exercitio, quandò rei causas ignorant, idque sibi evenisse conqueritur Severinus Boëthius lib. 1. de *Consolat. Philosophicæ* *carm. 4.* Talis Magus erat Jacob Hebræus, qui vires imaginativæ æstimando effecit, ut oves versicolores gignerentur magnâ copia, unde ipsius peculium accipiebat incrementum, *Genes.* 30. 37. 38. *seqq.* Salomon Rex Hebræorum excelluit in cognitione virium naturæ, easque libris descripsit, qui non amplius exstant, 1. Regum 4. 30. *seqq. cap. 10. 1. 2. seqq. 2. Paral. 1. 12.* Inter vetera deperdita celebrantur imprimis Lucernæ perpetuæ, arte magicâ paratæ & hætenus æternû arsuræ, donec aër accederet, videlicet linum cum oleo incombustili, in vitro affabrè polito. Exempla de Tulliæ, Luciæ Cæsaræ, aliorum bultis proferunt abundè Guido Pancirollus *libro de veteribus perditis* Tit. 35. Bernhardus Scardionius lib. 1. *Antiquitatum Patavinarum*. Joh. Langius lib. 2. *Epistolar. Medicinal. num. 25.* Joh. Gruterus in *Volumine Inscriptionum* pag. 927. Renatus Cortesius *part. 2. principiorum Philosophicorum* *sect. 116.* Bernhardus Cæsius lib. 3. de *mineralibus* cap. 7. *sect.*

20. Caspar Scottus in *Magia universali part. 4. pag. 144. seqq.* & peculiari volumine exponit Fortunius Licetus.

III. Scribit *Henricus Regius*; Lampades quæ olim in sepulchris perpetuè arsisse dicuntur, videntur esse merum figmentum, quia pugnat cum naturâ ardoris, fomitem istum non comburi. Lucernæ istæ, si unquam fuerunt repetitæ, videntur fuisse corpora sine ullo perceptibili calore lucida, quæ instar cicindellarum, ligni putridi, squamatum piscis, aliorumque similium in tenebris iplendebant, propterea quod apertis monumentis ac admissio lumine diurno & aëre moto, lumen earum disparuisse dicatur. Clauso autem rursus monumento lucernæ istæ non amplius apparuerunt, quia talis erat earum constitutio, ut ab admissio aëre eoque vehementius moto corrumperentur, *lib. 4. Philosoph. naturalis cap. 5.* Eodem modo sentiunt *Kenelmus Dygbejus Tract. 1. de natura corporum cap. 7. sect. 9.* *Athanasius Kircherus Tomo 3. Oedipi Aegyptiaci Syntagmate 20. sect. 9.* & in *Mundo subterraneo lib. 8. sect. 3. cap. 1.* *Johan. Argolus notis ad lib. 2. Pavinii de Circensibus pag. 73.* *Herm. Conringius libro de calido innato cap. 8.* Respondeo; Bonamici hæc opinio fuit, quam refellit *Fortunius Licetus lib. 2. cap. 2, 3, 4, 5.* Figmenta non sunt, quæ adeò clare monstrat experientia rerum testis. Lucernas hujusmodi ad Puteolos effossas atque à se visas recente peregrinatione, testabatur *Brostropius Gadde Eques Norvagus*, uti memorat *Antonius Deusingus in Vindictis satis extra utrum generi pag. 109.* Nec pugnat cum naturâ ardoris, qua-

tenus sunt arcana multa, quæ Geniorum opem overant Magi, atque inde poterant conficere modo nobis hodiè ignoto. Corpora pellucida non erant, quoniam flammæ & fumum videre licuit, caloremque in vasculis ipsis dprehenderunt illi, qui coram inspexerunt, ut de Lucernâ perpetuâ, quæ in *Pallantis sepulchro* reperta fuit propè suburbium *Romæ*, narrat *Volaterranus lib. 33. Geograph.* De cicindelis & putrido ligno parum congruit. Unde enim fumus extinctæ flammæ? Fuisse magicas, docet *Augustinus lib. 21. de Civitate Dei cap. 6.* & vel sola *Patavinæ Lucernæ* inscriptio monstrat: *Abite hinc pessimi fures, vos quid voluistis cum oculo emisistis, abite hinc vestro cum Mercurio perasato caduceatque, Maximus Olybius donum hoc maximum Plotoni sacrum fecit.* Refert *Franciscus Perucius lib. 3. de pompa funebri pag. 44. 45.* Simili artificio confecta sunt apud *Sidonios* mantilia, quæ in ignem conjecta purgabantur velut aquis cluta, & non lædebantur, teste *Levino Lemnio lib. 2. de occultis naturæ miraculis cap. 12.*

IV. *Illicita estque viribus naturæ abutitur ad agendas res noxias.*] Solent Agyrtæ & plani cum aliis honestis modis victum parare non possunt, obtrudere sese hominibus plurimas artes jactando. Sunt Planetarii, Nativitatis, Chiromantæ, Cribromantæ, Crystallispices, Veterinarii, Sepiasarii, itaque commendant & conficiunt Themata, directiones, characteres, amulæta, veracula, unde possit homo futura prævidere & cavere, morbos depellere, gratiam in aulis Principum aucupari, meretricum amores venari,

nari, mures & glires fugate, insecta ab arboribus remove.

V. Adhuc pertinet illustris locus ille Aetorum 19. 18. 19. *ἱκανὸν δὲ τὰ τῶν περὶ γὰρ πρᾶξις ἵκανον οὐκ ἔστιν αἰσῶν βίβλος*. Nimirum τὰ περὶ γὰρ sunt studia magica, unde Syrus & Arabs paraphrasta expressè addunt nomen *magorum*. Ephesi verò artibus illis nefariis deditissimi artifices ab antiquo fuerunt, quod adstruit proverbium, *Ephesi literæ*. Sic vocabantur notæ quædam hieroglyphicæ, signacula, veracula, quæ censebantur ad profligandos dæmones, pellenda fascina, curandosque morbos plurimum prodesset. Meminit literarum Ephesiarum Clemens Alexandrinus *lib. 5. Stromatum*, erantq; signaturæ, cælaturæ, notæ istæ in schedulis, laminis, anulis, in auribus. Prima origo debetur Zoroastri Bactrianorum & egi quem Plinius, Philostratus, Diogenes Laërtius, Plato, Porphyrius, Dion Præsænsis, Clemens Alexandrinus, Joh. Chrysostomus & Veteres alii referunt, & post illos operosè describit Athanasius Kircherus in *Obelisco Pamphylis lib. 1. cap. 2.* Incrementum dederunt Chaldaei & Phœnices nefariorum factorum cultores studiosi, à quibus reliqui in Asiâ & Africâ populi acceperunt, neque enim aliud quid fuerunt Theraphim, cælaturæ inquam humanâ specie & icunculæ, de quibus est *Genes. 31. 19. 2. Regum 23. 24. Ezechiel. 21. 21. Zachar. 10. 2.* & prolixè describunt Johan. Seldenus *Syntagm. 1. de Diis Syrorum cap. 2.* Joh. Gassarellus *libro de curiositatibus inaudi-*

tis magicarum inventionum omnium promptuario locupletissimo *cap. 3.* Sed & Græci adhibuerunt, apud quos erant Samothracum initia, de quibus produnt Diodorus Siculus *lib. 5. cap. 47.* Curtius *lib. 8* Nimirum discabant in eis obligare sese daemones, & sigillis quibusdam atque characteribus applicatis munire corpus, ut non posset vulnerari à telis, non accendi ab igne, non demergi ab aquis, non à fulmine percelli, teste vetere Scholiaste *ad lib. 1. Apollonii Rhodii*, & ex illo profert Johan. Hartungus in *locis memorabilibus pag. 685.* Ab his demum etiam ad Judæos pervenerunt, quorum Cabala practica magicis amuletis plena est. De Eleasaro Judæo per anulum magicum dæmones ab obsessis evocante refert Josephus *lib. 8. Antiquitatum cap. 11.* De iisdem Suetonius: Junculam puellarem, cum quasi remedium insidiarum à plebejo quodam & ignoto muneri accepisset, detectâ confestim conjuratione, pro summo numine trinisque in die sacrificiis colere perseveravit, volebatque credi monitione ejus futura prænosceret, *lib. 6. cap. 56.* Notanter ille de icunculâ *φαιδανίη*, nam præterquam quod *πιδανίη* illa (quomodo vocabulo Græco *πιδανίη* appellat Rabbinus Gedalia in *libro Scalfe-terh pag. 55.*) vel schedulæ istæ pictæ notis magicis, aut laminæ fideralibus lituris inscriptæ pro amuleto gestabantur, ferebant eas secum velut symbolum genii *πιδανίη* five spiritus familiaris, rimabantur arcana, corporis robur acquirebant, præstigias exercebant, mira patrabant, Athenæus *lib. 12. dipnosophist.* Plutarchus

lib. 6. Sympos. quæst. 6. Rabbinus Maimonides in *More Nevochim lib. 1. cap. 41.* Johannes Fernelius *lib. 2. de abditis rerum causis cap. 16.*

VI. Talis erat ille Gygis annulus, de quo agunt Plato *lib. 2. de Republicâ*, Cicero *lib. 2. de officiis*, Plinius *lib. 33. cap. 1.* Ad in aures *ουτικας* refer illa Genesi 35. 4. Dederunt Iacobo in aures que erant in auribus eorum. Nam vel innodatae vel insculptae eis erant effigies idolorum, aut nota aliqua symbolica, *Deorum phylacteria* vocat Augustinus *quaestionibus ad b. l. Asclepiades*. Philosophus semper, quocunque ibat, Deae caelestis icunculam gestabat secum, hoc modo eam redditurus sibi obnoxiam, teste Ammiano Marcellino *lib. 22. histor.* Dea caelestis est Dea Syria Neronis, Luna, de qua in praecedentibus actum est. Eucrates (apud Lucianum in *Philopseude*) gestabat annulum sacrum, *απόλαυσις τῶν πῦρ καὶ τοῦ αἵματος καὶ τοῦ πνεύματος καὶ τοῦ φωτός*, à quo de futuris monita accipiebat. Huius generis erat *αβραξας* Valentini, *ἡ ἀντο* quoddam literis magicis in gemmâ, annulo, laminâ sub constellationibus certis efformatum, *πεντάγωνον* vel *εξάγωνον*, uti solet Magorum Deus numero impare gaudere.

VII. Pentagonum ejusmodi pro abstergendâ oculorum infirmitate commendant Thalmudistae in *Pesachim & Avodâ Zarah*, undè allegat Joh. Bodinus in *Lexico Thalmudico pag. 2320.* Mystica numerorum ratio producit numerum dierum anni communis, undè Hieronymus *Comment. aris. ad cap. 3. Amos* putabat, *αβραξας* esse Persarum Mithram vel Solum, de quo multa Strabo *lib. 15. Geograph.*

Magis placet inventum Cingarorum, traditque Epiphanius in *haeresiologo cap. 24.* quod Basilides in membra totidem divideret totum hominem. Erat ergo *αβραξας* panacea quaedam & remedium catholicum pro conservando homine adversus quosvis morbos. Serenus Sammonicus ex eadem scholâ descripsit carmine heroico Medicinam, proque curando morbo hemitritico confecit amuletum inscribendum chartae, & in ægrotantis collo appendendum. Literae sunt Abacadabra, superstitioso modo per diminutionem ad unicam literam A. in formam contriangularis describendae. Eiusdem sectae videris Marcellum Empiricum *cap. 29.* Alexandrum Trallianum *lib. 10. de re medicâ.* Tales denique sunt figurae Talismanicae veterum Aegyptiorum, & novorum Arabum, de quibus agunt Laurentius Pignorius in *Tabulâ Isiacâ*, & Claudius Salmasius crudelitissimo libro de annis (*climactericis pag. 564. seqq.*

VIII. *Viribus natura abutitur.*] Studium persimile circa eadem est Cornelii Agrippae perverissimo libro de occultâ Philosophia, quo continetur universa Theurgia sacris infernalibus operata, ac describuntur characteres, notae, figurae, liturae, adju rationes, structurae, spirae, circuli è planetarum concursibus deducti, nec non precula, cantica, sacrificia in honorem Saturni & Diabolorum aliorum. Nec melior est, quamvis in commendandis nugis insanis brevior Marsilius Ficinus libro de vitâ caelitus comparandâ *cap. 2.* Fides horum assecla Paracelsus Bombastides in persuadendis Geniorum cultibus occupatur, & Satanica effe-

Qua inculcat sub prætextu qualitatum occultarum. Has miris modis deprædicat Cornelius Agrippa *lib. 1. cap. 13.* sed mox pandit recessus impiarum artium, cum de Spiritu mundi occultarum virium datore & Intelligentiis per mundum totum erraticis, rerumque omnium scientiam cultoribus suis instillaturis, ita loquitur, ut prudenti Lectori faciliè appareat, velle improbi & detestabilis libri Autorẽ deducere homines ad cultum dæmonum in mundi caligine obvagantium, *Ephes. 6. 12.* ut ab eis occulta quævis addiscant, rerumque omnium vires cæteroquin absconditas explorent.

IX. Perindẽ Bombastus docet facere imagines & sculpturas, in quas cœli vires deriventur, ut deinceps ab eis morbi sanentur; compellantur erratici genii ad obeunda ministeria, tempestates commoveantur & deponantur; segetes in loca alia deportentur; militum equorumque corpora indurentur aduersus globos ferreos gladiorum vulnera; incendia maxima subito restinguantur, hominum capitibus apponantur cornua; mortuorum larvæ evocentur; bibatur è cribro; globis fortè emissis perantur illa etiam quæ non videntur; inimiciæ & favores constituantur; detrahantur vires uni & addantur alii; victoriæ transferantur; magni exercitus voce aut fistulâ in fugam agantur; adjurentur bombardæ, ne explodantur; in speculis videantur omnia præsentia, præterita, futura, facta, dicta, scripta, cogitata; armis obligatis sanentur vulnera; colloquium institui possit cum eo qui per mille abest milliaria; ad Lunam exactè legantur descriptæ literæ

& multis miliaribus remotæ. Hac & plura (quorum nonnulla approbat Robertus Fluddus *Apologetico pro societate fratrum Roseæ crucis part. 3. cap. 4.*) ille docet libri de philosophiâ occultâ, de philosophiâ magnâ, de philosophiâ sagaci. Examinant verò & dignis modis impietates castigant Thomas Erastus in *Disputationibus Antiparacelsisticis*, Andreas Libavius *Exercitatione de impietate Magiæ aduersus Grollium*. Sigilla Hermetica Planetariorum, quæ jam olim commendavit Apollonius Thyaneus, apud Philostratum *lib. 4.* atque nuper descripserunt peculiaribus libris Rodolphus Goclenius, Arnoldus Villanovanus, Petrus Constantinus Albinus, Israël Hubnerus, Marsilius Ficinus *libro de visa calitis comparanda cap. 18. 19. 20.* nos bonorum omnium suffragiis muniti ad easdem cohortes transcribimus.

X. *Ad agendas res noxias.* Cum primis morbos mortemque in plantas, bruta, homines inducendo, uti exemplis confirmant Nicol. Remigius in *dæmonolatria lib. 2. cap. 4. seqq.* Joh. Langius *lib. 1. Epistol. medicinal. num. 38.* Alexander Benedicti *lib. 7. Medicinæ practica cap. 25.* Joh. Bodinus *lib. 2. dæmonomania cap. 7.* Joh. Baptista Codronchius *libris tribus de morbis & venificiis*, Zacuthus Lusitanus *lib. 3. de præxi medicinæ mirabilis lib. 3. observat. 134.* Validè restitant Joh. Wierus *lib. 3. de præstigiis dæmonum cap. 14. & libro singulari de Lamiis*, Johan Gödelmannus *lib. 3. de Lamiis cap. 11.* ubi negant, vera esse, quæ vulgò de Sagarum & Incantatorum potestate in patrandis malis asseruntur.

XI. Summa verborum hæc est: Vacularum

tolarum imaginativam, corrupti à dæmone, ut putent facere sese, quæ nec fecerint unquam, nec facere potuerint; esse vetulas, illas plurimum tristes, desperatas, improbè curiosas, malitiâ plenas, mentis impotentes, stupidas, vacillantes sensibus; adeoque credulas ita ut dæmon eis persuadeat quæcunque velit, eamque visibiliter præsentem existiment, cum tamen aliter sese res habeât, & negotium totum ferè aliud non sit quàm cogitationum depravatio, seu vigilent seu dormiant; contigisse sæpius in hominibus vitæ probæ, ut morbis seducti putaverint se esse animantia bruta, vasa fictilia; dæmonem in pervertendâ vetulorum aut anuum cogitativâ adhibere herbas stuporem conciliantes, quibus perfusa illæ putent avolare sese per longa spacia terrarum ad opulas & choreas, cum tamen somno oppressæ domi suæ remaneant; instrumenta pro damno, inferendo adhibita esse inania & citrà efficaciam, quando quidem non lædantur quivis transeuntes, sed tantùm isti quibus malum debet inferri; morbos, per venificia inflictos esse dæmonum lusus & exagitationes, quomodo evenisse legatur Joho, *Jobi* 2. 7. 8. Nabuchodonosoro, *Daniel*. 4. 30. *seqq.* itaque res vexantes hominem, quæque per vomitum ejici videantur, non fuisse in corpore ut inde ejectæ sint, verum dæmonis opè intrâ os adferri atque ejici; sæpè ordinarios morbos, esse à quibus affligantur homines; sagarum facinora nulla esse, vanas confessiones, præ errore mentis falsum dicere, itaque non quidem occidendas, sed melius informandas esse. *Hec Wierus.*

XII. Negat ergò verbis manifestis, quod Sagæ ex sese damnum inferant plantis, brutis, hominibus, aut dæmonum opem cum operâ suâ conjungant in debilitandis & enecandis hominibus. De quâ rectamen nos aliter multò statuimus. Ac primò quidem certum est, quod Sagæ perinde ac dæmones ipsi, velut publici generis humani hostes, quocunque modo possint, damna, morbos, mortem, infligere conentur, naturæ suæ vino. Quodque Sagæ ad ista dæmonum malignas actiones operâ suâ concurrant, inde patet, quia venificii instrumentis ablatis, aut Sagis exustis, convaluerunt ægroti. Deinde, falsum est, quod *vetula semper inter Sagas esse comperiatur.* Et enim repèiuntur in iis non minore numero scæminæ juvenulæ, viri cordati & vegeti, non quidem mentis impotes, sed potius benè compotes, itaque improbas artes dissimulant, excusantque rerum suarum benè providi, non etiam uti mentis delirio perculsi.

XIII. Dicit Wierus; *Dæmon persuadet vetulis quacunque vult, earumque cogitativam vanis impressionibus turbat.* Respondet: Turbat quidem, sed non solum, quin obligat sibi animos earum pacto firmo, & operâ abutitur ad efficienda nefaria, crudelia, vastandas segetes, occidendos homines, interficienda jumenta. Scientes volentes ista facinora committant, non tantum sopore oppressæ, cum liberiori potentiâ in earum cogitationes agere potest dæmon. Diem, horam, locum, modum, instrumenta, socias patrati sceleris aliculas nominant, quæ captivæ factæ easdem circumstantias aperue-

runt. Pergit: *Sapè venit, ut proba vita homines delirio affecti credant dicantque illa, quæ non sunt.* Respondeo: Et satis patet, à delirio ista omnia esse, cum dicunt quæ non sunt. Lamiæ mentis bonæ compotes, nullo morbo confectæ dicunt illa quæ sunt, quæque facta esse, manifestus eventus remonstrat. Pergit: *Credunt, avolare sese ad comitia nocturna, & tamen domi suæ remanent.* Respondeo: Et si forte contigit, ut domi remaneret Saga, nec avolaverit ad nocturnos conventus, plurimis tamen exemplis comprobatur, avolare illas & comessari per aliquot horas, quib⁹ elapsis domum redeunt, ut *infra* dicemus *dist. 22.* Instat: *Quæ pro damno inferendo adhibentur instrumenta, non lædunt omnes.* Respondeo: Sufficit, quod lædant aliquos, ut reæ esse convincantur. Neque enim multitudo acinorum infert unicè culpam, sed facti unius atrocitas ad culpam inferendam sufficit. Denique ait: *Morbi per venificia insulti sunt exagitationes demonum.* Non semper, & quando sunt tales, omninò vetulas Sagas delicti nefarii reas efficit, quod operam suam commodare velint dæmonì.

XIV. Majoris operæ est illud: *Res quæ vexant hominem, non fuerunt intrà corpus hominis, uti ex illo per vomitum ejicerentur.* Factum cerè est, ut per vomitum ejicerentur, aut per alvum dejicerentur acus, capilli, ferraamenta, lapides, clavi, plumæ, stramen, pelles, spinæ, setæ, vitum, culti, ossa, panni, exemptis iis quæ refert Johan. Wierus *lib. 4. de præstigiis demonum cap. 5. 6. 7. 8. 9. 13. 14. &*

libro de Lamiis cap. 17. Negat ipse, quod verè in corpore fuerint, tum quia nulli sunt meatus, per quos cultri, ferraamenta, ossa intrà corpus detrudi possint; tum quia ventriculus & œsophagus à talibus, cum ingeruntur & egeruntur, læderentur, contrarium verò hîc est, itaque nulli dolores ab ejusmodi rebus post vomitum actum percipiuntur; tum quia tactu non deprehenditur quicquam, etsi ventriculus actè cômptimatur; tum quod non reperitur cibus iis permistus, quamvis homo paulò ante cibum assumpserit. *Hæc ille.*

XV. Assumant alii, res istas verè à dæmone intrà corpus hominum congeri, atque per vomitum ejici vel per intestina excerni. Provocant ad manifestam experientiam, quod res istæ de hominum ulceribus arte Chirurgorum expurgentur, manibusque contrectentur. De modo ingerendi addunt, quod dæmon hominum somno oppressorum corpora velut secet, ferraamenta, clavos, cultos vulneribus factis intrudat, vulnera deinde obliget medicamentis idoneis & opinione celerius, arte impersecrabili, consolidet, Joh. Langius *lib. 1. Epist. medicinalium, 36.* Jacobus Martini *lib. 3. Disputat. miscellan. disputat. 11. dist. 59.* Cornelius Gemma in *Cosmocrítico lib. 2.* Martinus Delrio *lib. 2. disputat. magicarum quest. 4. sect. 6.* Johan. Baptista Helmontius *libro de injectis materialibus*, Nicolaus Remigius *lib. 3. demonologia cap. 1.* Pro Wiero tamen validæ magis rationes militant. Quod si circulatores ludiones manuum agili motu possunt

Oculos hominū prastringere, ut sibi fer-
tum in jugulum adigere, idē ipsum mox
ore expromere, pectus ense transvebe-
rare, venatoriam lanceam in imaviscera
condere, manū amputare, nasum perfo-
re, vulnera alia sibi inferre videantur; idē
quoque poterit dæmon, ut praesentibus
videatur de corpore exire, quod intrā
corpus nunquam fuit. Refert Gregorius
Hortus *lib. 1. Epistolae Medicae, num. 7.*
quendam Principis sui Consiliarium nar-
rauisse, quod frater ejus morbo per veni-
ficium immisso laboraverit, atq; saepius
ex oculis emisit scopas concisas, veluti
lachrymas. Constat, praestigias fuisse,
quandoquidē ista scoparum multitudo
per oculos egredi non poterat. Addit
Wierus: *Sapius ordinarios morbos esse, à qui-
bus homines vexantur. Quod nos haud ne-
gamus, adeoque morbos veros Dæmon
saepè inducit, per causas naturales. Quia
enim rerum naturalium vires optimè
perspectas habet, quidque hominis va-
letudinem affligat, novit, facile ei est ut
venenum ingerat, humores malos in
corpus introducat, bonos corrumpat,
& permittente Deo, morbos in homine
producat.*

XVI. Concludit Wierus: *Sagarum
facinora nulla esse, itaque innocentes puniri
capitisque supplicio affici.* Respondeo:
Atqui capitis supplicium in eas pronun-
ciat Moses, *Exodi 22. 18. Levit. 20. 27.* Et
quod justissima lex sit, ostendit delicto-
rum cumulus, quod foetus cum vero
Deo sancti cum revocant, & cerinoniis
nefariis usæ dæmonis authoramento se-
se & nonnunquam filios filiasque suas
obligent, quod alios ad eandem perdi-

tionis Scholam verbis & promissis largis
promoveant, quod maleficiis & caedibus
homines, jumenta, plantas inficiant, ene-
cent, occidat. Quae tam gravia crimi-
na sunt, ut mortis supplicio vindicari de-
beant, uti rectè inferunt Johan. Bodi-
nus *lib. 4. demonomania cap. 5.* Martinus
Deltio in *disquisitionibus magicis lib. 5. sect.*
16. Thomas Erastus *diatriba de Lamiis.*
Wierus reponit: Pacta ejusmodi non
habere aliquid veri in sese. Dæmonem
esse spiritum qui non habeat carnem &
sanguinem, adeoque manum porrigere
non possit, quod tamen in pactis illis, ut
Sagarum confessiones palam docet, fiat.
Non esse opus, ut dæmoniorum opem
adhibeat, qui per se rerum multarum
potens agat plurima citrà aliorum o-
pem. Dæmonis lusum esse, qui men-
tem sensusque vetularum pervertendo
faciat, ut ea dicant quæ non sunt, quæque
esse non possunt, *lib. 3. de praestigiis dæmo-
num cap. 6. 7. 8.*

XVII. Verum Wierus manifesto La-
miarum patrocinio defunctus, & mali-
tiam harum exinaniendo, ostendit satis,
quod Cornelii Agrippæ Magorum o-
mnium suâ ætate principis verus disci-
pulus ac fidus comes fuerit, adeoque vo-
lens ac sciens multipliciter impingit, Pa-
ctum quod Sagæ cum dæmone incunt,
non ita leve crimen habet, atrocius eò,
quod sese à Deo generis humani conser-
vatore irreconciliabiliter velut fugâ pro-
ripiunt ad Dæmonem generis humani
hostem. Is quidem spiritus est qui car-
nem & ossa non habet, attamen negari
haud potest, quod corporis involucre
quodam tectus agat perinde quasi cor-
pus

pus vetum haberet, loquendo manum porrigendo, munera dando, vetando, iubendo, adeundo, recedendo. Noverunt Lamiae, quod sub corpore illo dæmon lateat, quamvis præstigiolo, & quod cum dæmone pactum fiat ob damnum hominibus aliis inferendum. Proinde ab atroci crimine nunquam excusabit eas, quod cum dæmone corporis peregrini integumento obducto paciscuntur, non verò cum dæmone extrâ præstigiolum corpus constituto. Et falsum est, quod pacta illa sint mera illusiones. Neque enim dormientes, sed vigilantes & scientes, re prius deliberatâ, pactum faciunt cum dæmone, seque Deo infidas, hominibus ad exitum infensas futuras esse, verbis clavis pollicentur.

XVIII. Pactum quod cum dæmone firmatur: est vel *implicitum* vel *expressum*. Hoc est, cum quis dæmoni visibile corpus adferenti porrectâ manu pollicetur, velle se mandatis ejus obtemperare. Conficitur instrumentum obligationis, nomen servi unâ cum notis arcanis misso de corpore sanguine describitur, ut si ve annis certis, live toto vitæ tempore servire velit. Et cum veretur dæmon, non servaturum datam fidem, certas notas imprimi, à quibus discant servitutis legem, ex more illo quem populi adhibuerunt, & quem descripsimus *lib. 4. Antiquitatum Romanarum cap. 1. dist. 3.* Exemplaria varia tradunt Joh. Bodinus *lib. 2. demonomantie cap. 4.* Remigius *lib. 1. demonolatriæ cap. 67.* Martinus Delrio *lib. 2. disquisitionum magicarum quest. 4.* Illud est, cum quis sciens volens rebus superstitiosis utitur, quæ naturaliter præstare nequeunt

istud ad quod adhibentur. Huc pertinent verba, caractères, cerimoniae, imagines, sigilla, carmina, laudationes, imprecationes, intuitus infensus, benedictiones, ligaturæ, herbæ per loca certa dispositæ, liquorum effusiones, pulverum jactus, defossa sub terram ossa, detrusi sub axillis pilorum & stramentorum cumuli, quorum ope multi conantur sanare morbos, corpora facere invisibilia, eademque contrâ ictus globorum & armorum defendere. Probatur ordine. Verba ex arbitrio hominum imponuntur rebus, & quidem apud diversos populos diversa, adeoque vel in chartâ describuntur, vel ore proferuntur. Si illud, sunt meræ figuræ, & non habent efficaciam. Si hoc, soni instar sunt à quibus afficitur auditus, & eorum qui communilinguâ utuntur, animi sensa patefaciunt. In morbis non magis possunt quàm color in auditum, sonus in visum. Equidem *Paracelsus* & *Cornelius Agrippa* diligenter inculcant vim imaginationis, à quâ correpti animi obtineant quendam consensum in medico & ægroto. Verbo respondetur: Imaginatio est actio immanens, quæ ad extrâ in corpus alterius, ægoti videlicet, operari non potest.

XIX. Porro caractères sunt artificiales. Non ergo in corpus naturale, uti hominum est, agere potest. Formæ naturales sunt quæ principium agendi sunt, & per qualitates efficaciter operantur. Cerimoniae, imagines, sigilla originem suam dæmoni merito imputant, quandò res istæ non acceperunt eas vires à naturâ, ob quas imperitis & curiosis lau-

laudantur. Natura fecit corpus hominis, ut in aëre illustrato apprehendatur ab oculis undecunque sanis. Eadem fecit corpus hominis, ut à vehementiore ictu fiat in eo plaga, sive continui solutio. Pertinent huc demum illi, qui spiritus familiares adhibent, instituto antiquissimo, uti notum est, quod Numa Pompilius coluerit dæmonem familiarem mulieris sexus, quam vocabat Junonem Egeriam, Livius *lib. 1. histor.* Dionysius Halicarnassæus *lib. 2. histor.* & quem repræhendit Augustinus ob curiositatem inauditam, quâ ad dæmonum secreta pervenit, *lib. 7. de Civit. dei cap. 34.* Et quamvis credant, se dæmonem, non uti dominum cui velut mancipia obligati sint, agnoscere, sed verbis, characteribus, cerimonis peractis dæmonem invitum, ad officia quæ ipsi cupiunt, præstanda cogere posse, erant tamen miseri, & dæmon Mercuriolus qui obsequia coacta simulat, volens accedit, ut eum sibi mancipet, qui ei cupit imperare. Quod rectè monet Serenissimus Rex Britannæ Jacobus *lib. 1. demonologia cap. 5. 6.* Itaque cum gemitu & fremitu Magos illos in vitæ fine avocat dæmon, aut etiam nonnunquam ob leve erratum illico interficit, Dæmonem meritò averfatur, quisquis deo fidus animæ salutem curiosis quibusdam & vanissimis artibus præfert.

XX. *Estque vel divinatoria vel effectoria. Divinatoria est, quæ prædicat eventus futuros.* Apud veteres Græcos & Romanos erant divinationes hujusmodi, easque petebant Augures & Aruspices tum ab avium volatu, tum ab extorum

inspectione ad aras & ignes sacrificiales. Docuimus prolixè *lib. 1. Antiquitatum Romanarum cap. 12. dist. 9. 10. 11. 12. 13. 14.* ubi legantur. Novissima inventa sunt, per sortes, ignem, aërem, pelvim, aquam, terram, securum, clavem, criba, specula, crystallos, annulos ad certum cæli positum confectos, & magicis cerimoniis consecratos vaticinari, atque occultas res manifestare, Johan. Bodinus *lib. 2. demonomania cap. 1. 2. 3.* Julius Cæsar Bulergeius *libris de divinatione*, Johan. Gödelmannus *lib. 1. de Sagis cap. 3. seqq.* Martinus Delrio *lib. 4. disquisitionum magicarum cap. 2. quæst. 6. seqq.*

XXI. *Effectoria est, quæ perficit eventus prestigiosos.* Uti scientia dæmonum accurata est, ita potentia eorum est validissima, attamen divinæ potentie subordinata. Multa de Sagarum & Lamiarum effectis produnt Veteres, quod carminibus recitatis Natura ipsa moveretur, Jove inscio tonaret, imbres, procellæ, tempestates cicerentur, annes reverterentur, starent maria, Solis cursus sistere tur, Luna cœlitus detraheretur, stellæ in nubila conderentur, viperarum fauces rumperentur, hominum formæ mutarentur, terra usque Acherontem finderetur, corpora sua aliorumque hominum in loca multum dissita asportarentur, soboles à dæmonum concubitu susciperetur, mortui ab infernis excitarentur, Mundus torpesceret. *Tibullus*; Hanc ego de cœlo ducentem sidera vidi, Fluminis hæc rapidi carmine vertit iter. Hæc cantu finditque solum, manesque sepulchris Elicit & tepido devocat ossa rogo. Jam ciet infernas magico stridore catervas, Jam

Jam iubet asperlas lacte referre pedem. Cum lubet, hæc tristi depellit nubila cœlo. Cum lubet, æstiu convocat orbe nives, *lib. 2. Eleg. 2.* Sed in his quædam verè magica, id est, deceptoriam sunt. Cœlo devocare sidera, fluminis cursum retroagere, mortuos excitare, terram convelle-
re, nec in dæmonis potestate est, nec in Sagæ, uti jam olim docuit Hippocrates *libro de morbo sacro*. Eludunt oculos fallaci specie, & spectra pro mortuis obtrudunt. Ventos & imbres producit cogendo aërem in nubes, quia princeps aëris est, *Ephes. 6. 12.*

XXII. Nocturna comitia in Bruce-
to celebrat vulgus W estphaliæ & vici-
narum regionum. Negant Joh. Wierus *lib. 3. de præstigiis dæmonum cap. 11. 12.* & *libro de Lamiis cap. 10. 11.* & in *apologiâ contra à Iohann. Brentium pag. 809. seqq.* Ulricus Molitor *libro de Pythonibus cap. 8.* Nicolaus Hemmingius *libello de Magiâ pag. 934.* *Operum Theolog.* Ponzinibius *libro de Lamiis num. 45. seqq.* Jacobus Martini *lib. 3. miscellanearum Disputat. 11. dist. 17. seqq.* Antonius Zimara *libro de Magiâ cap. 15.* Ludovicus Vairus *lib. 2. de fascino cap. 3.* & migrationes illas imputant hominum fascinati sensibus, quos ita pervertat dæmon, ut putent se celebravisse conventus solennes, cum tamen domi suæ fuerint. Verùm nos cum Joh. Bodino *lib. 2. demonomania cap. 4.* Nicolao Remigio *lib. 1. demonolatriæ cap. 14. seqq.* Barthol. Spinâ *libro de Sagis cap. 4. seqq.* Torreblanca Villalpando *lib. 2. de Magiâ cap. 36.* Jacobo Magnæ Britanniæ Rege *lib. 2. demonologia cap. 4.* Lamb. Danao *libro de Sortilegiis cap. 4.* Matt. Delrione *lib. 2.*

Disquisitionum magicarum quæst. 16. Andrea Libavio in *Strigiportio*, Nicolao Scribonio in *Physiologia Sagarum* pag. 58. *seqq.* Casparo Scotto in *Physicâ curiosâ lib. 1. cap. 23.* affirmamus, Sagas deportari verè ad conventus nocturnos, scopis & furcis, hiicis & felibus insidentes, ope Geniorum vectorum, unguentis stygiis perlitas, & cerimoniis ludicris consecratas.

XXIII. Rationes sunt: (1) Quia Sagæ disertè hoc fatentur, etiam non adactæ per tormenta, & circumstantias rerum gestarum addunt. (2) Quia curiosi quidam, cæterum non obstricti pacto cum dæmone, vigilantibus oculis in consortio Sagarum abducti viderunt conventicula ista, atque epulas, sapè quidem veras, ast furto aliunde subductas, sapius etiam fallas & ad finum equinum redactas. Eos non vexavit atrabilis, neque somno constricti perrexerunt, multis milliari-
bus à domo & patriâ abrepti, & destituti in viâ, ut non sine magno labore domum repedaverint. (3) Quia non est supra vires Geniorum, ut hoc præstent. & sunt exempla tum bonorum tum malorum, qui corpora hominum vivorū cele-
ri impetu de loco in locum transulerunt. De bonis exempla sunt *Matth. 4. 5. 8. Actor. 8. 39.* De malis constat, quod Apollonium Thyanæum nunc in ripâ Nili, nunc Corinthi, nunc Ephefi, nunc Smyrnæ, nunc apud Indos adduxerint, momento velut, uti prodit Philostratus. Re-
gerit Wierus: Sagæ multoties domi remanserunt, & profundo somno oppressæ hætenus non adfuerunt conventiculis, quanquam de illis, cum evigilarent, multa prædicabant. *Respondeo: Nec semper*
ad sunt

adsunt corporibus, quibus domi relictis cum dæmone abiverunt animâ-tenus, & conventiculis adfuerunt. Quare nihil mirum est, cum de epulis retulerunt post animæ reditum & à somno depulso. Instat: *Si dæmon animam è corpore abducit, mortem infert.* Fallum hoc est! Nec enim mors est, sed exsternatio sensuum, ut urere & secare Magos possis in *insidiis* jacentes, & verò illi nō sentiant. Non inquam, sentiunt verbera, laniatus, membrorum distractiones, faces ardentes, ferri candentis ustiones, ac ne pulsus quidem arteriarum, aut cordis motus ullus deprehenditur, postea tamen ad corpus reversæ animæ, dolores vulnerum acerbissimos percipiunt. Quæ omnia arguunt, eos non quidem somno profundo oppressos, verum profus anima spoliatos. Neque tamen mors est, quandoquidem vegetativæ facultatis reliquæ & Spiritus in situs vitam utcumque sustinent. Naturalis potentia recipiendi animam adhuc inest in corpore, ubi calidum innatum viget, & membra omnia valida sunt. Proinde non valet, quod addit Wierus: *Si dæmon animam abreptam restituit, excitat mortuos.* Respondeo: Non est mors, verum *insidiis*, ut anima spontè migret de corpore sano atq; integro. Raptum similem & à genis bonis habuerunt quoque veri Dei Prophetæ, *Ezechiel. 8. 1. 2. 3. 2. Corinth. 12. 2. 3. 4.*

XXIV. Virgilius de Mæri incantatore: *His ego sæpè lupum fieri & se condere silvis, Bucolicor. 8.* de Rossis, Livonis, Laponis, Ingris, Scricfinnis olim Herodotus in *Melpomene*, nuper Antonius Bonfinius in *historiâ Vngaricâ decade 1. lib.*

I. Olavus Magni Gottus in *historiâ Septentrionalis lib. 2. cap. 3.* producit, esse in gentibus illis plurimos, qui singulis annis convertantur in lupos, campos pervagentur, pecora & armenta dilacerent, homines solos non lædant, exactis diebus duodecim ad se quemque, depositâ lupi specie, reverti hominisque instar agere. Quod Magi sagæque in lupos, canes, feles verè demutari possint Geniorum artibus, affirmant Petrus Pomponatius *libro de Incantatione pag. 292. seqq.* Joh. Bodinus *lib. 2. demonomania cap. 6.* Jacobus Lichtenbergius *libro de Sagis & Magis*, Joh. Fernelius *lib. 2. de abditis rerum causis cap. 9.* Rectius dicitur cum Nicolao Remigio *lib. 2. demonolatriæ cap. 5.* Joh. Wierio *lib. 3. de præstigiis demonum cap. 10. & libro de Lamiis cap. 14.* Joh. Langio *lib. 1. Epistol. Medicinal. num. 70.* Gregorio Horstio *lib. 2. de Naturâ humanâ. Exercit. 10. quest. 9.* Dan. Sennerto *lib. 2. Institut. Medicarum pag. 298. seqq.* Casparo Scotto in *Physicâ curiosâ lib. 1. cap. 26.* Torrellancâ Villalpando *lib. 2. de Magiâ cap. 16.* Petro Thyrazo *lib. 2. de apparitionibus spirituum cap. 15.* Jacobo Magnæ Britannia Regæ *lib. 3. demonologia cap. 1.* Nicolao Scribonio in *Physiologiâ sagarum pag. 66. seqq.* Antonio Deusingio *dissertatione de Lycanthropia*, quod genius malus hominis imaginativam corrumpat, ut læviat more bruti, corpori verò nebulam circumfundat, ut exteriorem figuram in oculis hominum aliorum mutet. Ratio hæc est: Hominem convertere in brutum, est creaturam unam ad alteram toto genere differentem redigere. Solius Dei hoc opus est, neque sufficit poten-

potentia finita ad producendum effectum illum.

XXV. Excipit Bodinus: (1) *Visus apprehendit homines illos, uti veros lupos, canes, feles, asinos.* Respondeo: Visus non apprehendit objectum ipsum, quomodo in se ac per se est, verum uti est circumfusus præstigiis & quasi formâ novâ refectum. Qualis ergo est rei imago, talis est apprehensio eiusdem. (2) *Currunt quadrupedes, carent sermone, edunt sonos inhorridos.* Respondeo: Cursus quadrupes est inflexio manuum ac pedum, quam Diabolus vector miserorum illorum facilis præstat. Ille etiam sermonis usum reprimat, sonos alios præformat, rationis organa speciebus falsis corrumpit. (3) *Grassantur in equos, oves, vitulos laniando perinde uti veri lupo.* Respondeo: Sævitia dæmonis est qui abutitur homine profano, strages pecorum efficit, sed commodante membra sua Mago malefico, non vero quidem lupo, verum tamen externam lupi imaginem præstigiis circumfusam gerente. (4) *Conversio in bruta nonnullos septennio, alios quinquennio, alios triennio occupavit, ut Lucianus, Apulejus, Philostratus narrant, mirum verò est, cum præstigia tanto tempore durant.* Respondeo: Et brevi & longo tempore potest Genius malus præstigiis suis obsidere homines, cum primis ita poterat illo tempore ac locis illis, de quibus citati Authores prædunt, ubi potentissimus erat in filiis inobedienciæ. Ephes. 2. 2. (5) *Edunt gramina & crudas carnes, à quibus homo prorsum abstinet.* Respondeo: Etiam hæc est Geniorum malorum perversa impressio, cæterum sunt homines crudarum

carnium voratores, ut Canibales Indorum, Samoedæ Rossorum, ita Striges quoque hominum cadavera devorabant olim, & hodiè facere consueverunt. Imò alios fames coëgit, ut gramina & carnes crudas ederent, quare non fecerint idem insensati illi & vecordes dæmonum subditi, in quibus temperamentum ita vitiat, ut ferinos cibos appetant? (6) *Vulnerati in pedibus, dorso, pectore, habuerunt vulnera in membris illis postquam redierunt ad figuram pristinam.* Respondeo: Corpora noviter efformata Genius malus applicat veris hominum corporibus, oribus ora, pedibus & brachiis pedes, ergò postquam infelices Satanæ lusum evanuerunt, & pristina corporis figura deterfisa nebulis restituitur, in membris illis vulnera habent, ubi percussi fuerunt. (7) *Carminibus Circe socios mutavit Ulysses in volucres ferasque, uti ex Homero adducit Virgilius Bucolicor. 8.* Respondeo: Imò socios illos magicis artibus correptos vel interfecit Saga, vel aliò abreptos oculis subduxit, interim Genius malus avium & ferarum speciem mentitus, pro sociis illis obtulit sese Ulyssis etroni. (8) *Nebucadnesar mutatus est in bovem, Daniel. 4. 23. 25. 32. 33.* Quare ergò Magi non possent converti in lupos & canes? Respondeo: Mutatio ista non erat amissio figuræ humanæ, sed rationis depravatio ex commotâ bile atrâ, ut bovis instar per deserta vagaretur, gramenque comederet, quod satis constat ibidem vers. 36. & confer Benedictum Pererium commentariis ad Danielelem pag. 330. seqq. (9) *Metalla possunt invicem transmutari ab arte, ut aurum è plumbo fiat, perinde Genius poterit ho-*

mines convertere in bruta. Respondeo : Falsum omninò est , & Bombasti figmentum , quod metalla possint transmutari.

XXVI. Perinde figmentum est, quod homo possit converti in brutum. *Argumentamur* : Inter species oppositas non datur mutua inclinatio. Atqui homo & brutum sunt species oppositæ. Ergò. *Item* : Quæcunque non habent mutuam inclinationem, illa non possunt virtute finitâ commutari. Atqui homo & brutum non habent mutuam inclinationem. Ergò non possunt virtute finitâ, qualis Dæmonum est commutari.

XVII. De Incantatore eodem Virgilius : *Sapè animas imis excire sepulchris*, l. d. Horatii Canidia ferociter : *Possum crematos excitare mortuos*, in Epodis Carm. 17. Specimen præterea habes apud Homerum lib. 11. *Odysea*, ubi Tirexiæ animam Ulysses evocat Orco, nec uo apud Virgilium lib. 4. *Georgicorum*, ubi Orpheus ab inferis conatur reducere Eurydicen uxorem. Necromantiam ab Æneæ exercitam. describit Virgilius lib. 6. *Æneid.* ac proinde ille initio operis desperatæ impietatis pleni : *Tum Stygio Regi nocturnas inchoat aras.* Narrat Lucanus lib. 6. *Pharsal.* de Gabièno Cæsaris milite, quem Pompejus acie captum securi percusserat, Sagæque Erisichthonis incantamenti usus deinceps in vitam revocare tentabat, ut oraculum de belli eventu caperet infelix Necromantes. Apollonius Thyanæus *ἰὸς καὶ καὶ ἄλλοις ἀνθρώποις* dicente Dione, multos nuper defunctos ab inferis reproduxit, ut testatur Philostratus

in vitâ ejus lib. 4. Citharistrix Bononiensis spectrum redivivum describit Peuce-
rus *libro de divinatione pag. 18.* Et Peuce-
rus *libro eodem pag. 141. seqq.* prodit ritus ac ceremonias, quibus in umbris eliciendis utebantur Gentiles. Docet eadem Cornelius Agrippa lib. 3. *de occulta Philo-
sophia cap. 42. seqq.* Petrus armentarius veneficus Lotharingius in gratiam dæmonis sui Abrahamis proprium filium crudeliter necavit, eundem postea redivivum quasi, toto anno per dæmonis astutum domi suæ habuit, Nicolaus Remigius lib. 2. *demonolatriæ cap. 1.* Scilicet cadaver agitavit tantisper genius malus, & per illud vitales actus edidit, ut imponeret cultoribus infernalis Scholæ.

XXVIII. Sæuli Regis necromantia eodem referri debet, 1. *Samuel. 28. 12. seqq.* Nam fuisse dæmonem, qui Samuelis externam speciem assumendo responsum dedit, rectè affirmant Tertullianus *libro de anima cap. 57.* Augustinus *libro de octo questionibus ad Dulcitium sect. 6.* Chrysostomus *sermonibus de Resurrectione*, Joh. Wierus lib. 2. *de praestigiis dæmonum cap. 9.* & *libro de Lamiis cap. 2.* Petrus Lojerius lib. 4. *de spectris cap. 1.* Thomas Erastus *diatriba de Lamiis pag. 34.* Nicolaus Remigius lib. 2. *demonolatriæ cap. 1.* Adversus quos frustra contendunt Rob. Bellatminus lib. 1. *de Verbo Dei cap. 14.* Johan. Bodinus lib. 2. *demonomania cap. 3.* Mart. Delrio lib. 2. *disquisitionum magicarum quæst. 26.* Caspar Scottus in *Physica curiosa lib. 2. cap. 25.* Torreblanca Villalpandus lib. 2. *de Magia cap. 27. num. 31. seqq.*

31. *seqq.* Franciscus Vallesius in *Philosophia sacra* pag. 243. *seq.* Casparus Sanctius *Commentarius ad lib. 1. Regum.* pag. 490. *seqq.* Franciscus Suarez *part. 3. Summa Theologica Disputat. 42. sect. 2.* quod fuerit anima Sancti viri evocati per artes magicas. Dicit Scottus : (1) Quod Syracides *cap. 46. 23.* affirmet, verum Samuelem post obitum suum vaticinia edidisse. *Respondeo*: Syracides, vir quidem bonus & eruditus, non verò Propheta, aberravit à recto iudicio. (2) Ad literam appellatur Samuel, neque à litera discedendum est, cum non sequitur absurdum. *Respondeo*: Samuel vocatur ex opinione Regis, qui talem putabat esse; vero sensu accipi non potest, quia sequitur absurdum, respondisse Deum per vates suos impuræ Sagæ incantamenti perpulsum, cum tamen dicatur, noluisse Deum respondere modo isto, 1. *Samuel. 28. 3. 6. 7. 14. 15. 19. 25.* (3) Impleta sunt prædicta omnia, nec verò poterat Satanas novisse res futuras, veluti qui habet scientiam finitam. *Respondeo*: Noverat omnino, quatenus sapientissime prænotionem habet de illis, quæ Deus secundum iudicia sua decisa propediem in rebus humanis exsequi vult, uti manifesta exempla ostendunt, 1. *Regum 22. 21. lobi 1. 6.* (4) Anima illa prodixit imperio Dei, non etiam ad Sagæ iussum. *Respondeo*: Negant sacræ literæ, & præmuniunt hanc relationem, non respondebat ei Dominus per Prophetas, 1. *Samuel. 28. 8* (5) Aliàs factum esse legimus, ut Deus præveniret Magorum incantamenta, videlicet in rebus gestis Bileami,

Numeror. 22. 9. *seqq.* *Respondeo*: Tunc verò nusquam indicaverat præmittendo quædam, unde sciri posset, velle Deum ab isto nigocio abesse. (6) Noluit Regi per vatem respondere Deus, ut ille haberet solatium; voluit respondere, ut ille pœnam suam novisset. *Respondeo*: Rex instanti propè fato angebatur, & in pœnam delictorum à Deo spernebatur: Hoc est, quod Græci dicunt *νεμεσις, ψυχολογία, ψυχονομία*, evocare manes & de futuris eventis consulere. Vetat Deus in Lege Moïsis, *Levitic. 20. 27. Deut. 18. 10. 11.* & repetita interdicta sunt, *Ejai. 8. 19. cap. 65. 4.* Saulo denique capite confixit, 1. *Paral. 10. 13. 14.*

XXIX. Quæritur: *An demon per concubitum cum Sagæ possit generare homines?* *Respondeo*: Affirmant Torreblanca Villalpandus *lib. 2. de Magia cap. 30.* Jacobus Lichtenbergius *libro de Sagis*, Caspar Bauhinus *libro 1. de Hermaphroditis cap. 21. seqq.* Jacobus Sprengerus in *Maleficio maleficarum part. 2. cap. 4.* Martinus Delrio *lib. 2. disquisitionum magicarum cap. 2. quest. 15.* Fortunius Licetus *lib. 2. de monstris cap. 88. seqq.* David Derodon in *Physica contracta part. 2. cap. 5. art. 2. dist. 17.* Hieronymus Zanchius *part. 1. de operibus sex dierum cap. 16.* Johannes Bodinus *lib. 2. demonomania cap. 7.* Caspar Scottus in *Physica curiosa lib. 1. pag. 83. 84. seqq.* Exempla proferunt Coboldorum, quæ monstra sunt humanam speciem gerentia, sed ingluviosa & foetida instar dæmonis. Nos statuimus, Coboldos aut generari ex concubitu aliorum Magorum, quos Diabolus celeriter

aduehit, iterumque deportat, aut esse dæmones cadaveris alicujus involuero tectos, quales olim in Papismi tenebris, cum Diabolus miseros homines mille artibus ludebat, erant permulti. Hodie nulli apud nostros sunt, postquam lax Evangelii restaurata depulit ab orbe meliore tenebras. Ergo negamus cum Johanne Wiero *lib. 2. de prestigiis demonum cap. 33.* Stephano Theupolo *lib. 6. Contemplat. Academicarum cap. 9.* Nicolao Remigio *lib. 1. demonolatriæ cap. 6.* Gödelmanno *lib. 2. de prestigiis demonum cap. 5.* Nicolao Scribonio in *Physiologia sagarum pag. 77. seqq.* quod dæmones possint cum Sagis commisceri & generare. Rationes sunt: (1) Quicumque est vitæ animalis expertus, is non potest eam dare. Atqui dæmon est vitæ animalis expertus, ac potius mortis auctor. Ergo non potest eam dare. Major vera est: Quod enim quis non habet, illud non potest in alium conferre. (2) Ubi non est propagatio animæ, ibi non est generatio viventis. Atqui à dæmone non est propagatio animæ. Ergo à dæmone non est generatio viventis. Minor constat: Dæmon non habet animam, ergo non potest eam propagare.

XXX. Excipiunt Sprengerus & Delrio: (1) Dæmones formant corpus ærium, atque illud induunt, ut possint cum Sagis concumbere. *Respondeo:* Corpus ejusmodi non est semine vitali præditum, quod omnino ad generationem requiritur. Et siue corpus aliud assument, siue in propriâ naturâ concumbant, perinde est. Totum illud est ex mente læsæ Saggæ, neque generatio alia esse potest

quàm ludicra & dolosa. (2) Dæmon infundit semen quod aliunde surripuit, eoque applicat principale agens, animâ infundit Deus, atque inde homo totus existit. *Respondeo:* Nullum semen prolificum esse potest, quod animam sibi præsentem non habet. Eam cum Deus concumbentis dæmonis immisso semini impetit, atrocissimus dæmonis effectus à Deo potissimum fuerit, quod prorsus intolerabile est.

CAPVT OCTAVVM.

De Motu & Quiete.

SUMMARIA.

1. *Definitio motus.*
2. *Motus localis.*
3. *Motus naturalis.*
4. *Ejus tarditas, velocitas.*
5. *Quod movetur, ab alio movetur.*
6. *Interpretum sententia.*
7. *Tolæus notatur.*
8. *Motus violentus.*
9. *Non est perpetuus.*
10. *Causa motus projectorum.*
11. *Non est virtus impressa.*
12. *Sed est medium.*
13. *Refellitur Morisanius.*
14. *Motus simplex mixtus.*
15. *Motus rectus circularis.*
16. *Definitio quietis.*

I. **M**OTUS est affectio corporis naturalis, quæ illud mutat locum.] Quinque cum primis in motu quovis spectari debent: *Movens* seu efficiens à quo motus depen-

dependet. Hoc est Natura. *Mobile*, id est subjectum in quo recipitur motus. Ut cum movetur homo, corpus humanum est mobile, quia motum ab animâ excitatum recipit. *Terminus à quo*, qui est principium à quo motus incipit. Ut cum movetur Sol ab ortu in occasum, terminus à quo Ortus est. *Terminus ad quem*, qui est finis in quo motus desinit. Ut cum lapis terram petit, terminus ad quem terra est. *Successio*, quâ res de loco uno ad alterum contendit. Hac sine motus nec esse nec concipi potest. De quibus omnibus prolixè agunt Bernhardus Morifanus *Commentarius ad libros Physicos Aristotelis* pag. 438. seqq. Benedictus Peretius lib. 13. *Philosophia naturalis* cap. 1. 2. seqq.

II. *Estque naturalis aut violentus: simplex aut mixtus: rectus aut circularis.* Localis est motus, de quo nunc agimus. Hic enim cum quiete totam corporis naturalis exhaurit latitudinem. Ut dicere queas: Omne corpus naturale vel motum habet vel quietem, uti porro docebimus.

III. *Naturalis est qui fit à causa interna.* Proprium est motus ejus; ut in principio tardior sit, in fine velocior, Aristoteles lib. 5. *physic. text. 61. 8. physic. text. 76. lib. 1. de celo text. 88.* Movet litem Simplicius *Commentario ad lib. 1. de celo text. 88.* & negat, ita esse, quandoquidem eadem gravitas idemque pondus lapidis sit in principio, medio & fine motus. Verum experientia comprobat rei veritatem. Lapis jactu devolutus è domus fastigio ferit acrius suppositam manum, quàm cum è mensâ humili decidit, tunc enim lenius verberat. Gutta de tecto pro-

lapso initio fluit continua, postea verò quò magis terræ appropinquat, divellitur, nullam aliam ob causam ac quod impetus guttæ eò magis crescit, quò propius ad terram accedit, ita ut necesse sit, ex impetu aucto partes guttæ distrahi. Quod Simplicius dicit, *idem pondus lapidis semper invenisse*, parum juvat. Tantùm hoc inde sequitur, à gravitate non esse, ut motus ille vel tardior sit, vel celerior. Gravitas equidem facit, ut lapis deorsum moveatur, cur verò nunc celerius nunc tardius moveatur, non fluit à gravitate, sed ab aliâ causâ.

IV. Hanc non omnes adferunt eandem, uti videre est apud Jacobum Zabarellam lib. 1. *de motu levium & gravium* cap. 15. & 16. Conimbricenses lib. 2. *de Cælo* cap. 6. *quest. 1.* Franciscum Murciam in *Cursu Philosophico* part. 2. pag. 321. 322. seqq. Joh. Poncium Legionensem in *Cursu Philosoph. Disputat. Physicâ* 20. *quest. 3.* Bened. Peretium lib. 14. *Philosoph. natur. cap. 3.* Joachimum Curæum lib. 2. *de sensu & sensibili* cap. 38. Vera causa est diversitas medii. Scilicet, aër in principio resistit lapidi, ut remoram faciat, in progressu autem non solum non resistit, verum etiam terga premit ac propellendo juvat, ut quàmprimùm liberetur à violento hospite, qui requiem ejus turbat. Corpora mundi sunt contigua vel continua. Aër, quando à corpore per illum sese movente scinditur, vim aliquam patitur, defendit igitur sese initio & reluctatur, inde mora injicitur moto. Quia verò in majori & densiori quanto major est impetus, idè perumpit vis unita guttæ

vel

vel lapidis ad proprium locum tendentis, atque aër in principio ob scissionem remoratus, deinde ut vacuum evitet, subito ille aër, qui superior est, spacium inferioris occupat, itaque protrudendo corporis, quod movetur, impetum auget.

V. *Quis sit à causa interna.* Ea est formatum in animatis, tum inanimatis. Ità sursum moventur aër, ignis; deorsum moventur aqua, terra; motu vago feruntur nubes, homo, bruta. Atque in hoc positum est discrimen motus naturalis & violenti, quod motu illo quicquid movetur, seipsum moveat, ab alio autem moveatur, quicquid motu violento fertur. Aristotelis præscriptum est, *omne quod movetur, ab alio movetur*, lib. 7. & 8. physicor. Verum est, uti diximus ante, de illis quæ moventur motu violento, ut cum lapis projicitur, currus trahitur, mola circumagitur. Non est verum de illis, quæ moventur motu naturali. Angelus movet seipsum, & non movetur ab alio. Anima hominis & cujusvis animantis movet seipsam, ac unà movet corpus. Ignis movetur ex se & naturâ suâ sursum, terra deorsum, stellæ moventur à seipsis in cælo immoto.

VI. Hoc sensu intellecta regula Aristotelis verissima est, neque opus est spinosis explicationibus istis, quas adferunt Interpretes, & more suo rem per se facilem obscurant, Piccolominéus libro *de effectibus & passionibus naturæ* cap. 10. 11. 12. 13. Conimbricenses lib. 7. *physica generalis* cap. 1. *quæst.* 1. Franciscus Toletus lib. 1. *de generat. & corrupt.* *quæst.* 14. Samuel de Lublino *Commentariis ad libros physicorum*

pag. 347. *seqq.* Raimundus Mailhat in *Summa Philosophica* Tomo 2. pag. 341. *seqq.* Philippus de Trinitate in *Summa Philosophica* lib. 7. *Physica* pag. 768 *seqq.* Didacus Masius *Commentariis ad lib. 8. physicorum* pag. 399. *seqq.* Petrus Fonseca lib. 9. *Metaphys.* cap. 1. *quæst.* 5. Antonius Ruvio lib. 8. *phys. general* pag. 538. *seq.* Joh. Casus lib. 7. *Commentariorum physicorum* pag. 843. *seqq.* Andreas Cæsalpinus lib. 3. *questionum Peripateticarum* pag. 429. 430. Verba Toletii adferemus: Adverte tripliciter posse aliquid movere & moveri. Primò per accidens. Id dicitur per accidens movere, quod conjunctum est accidentaliter cum eo, quod per se movet, ut calidum ædificat, quia enim ædificator, qui per se calidus est, ædificat, dicitur per accidens calidum ædificare: id etiam per accidens moveri dicitur, quod est in eo, quod per se movetur, ut movetur homo ad motum navis in qua est. Secundò dicitur aliquid movere seu moveri secundum partem. Id movet secundum partem, cujus aliqua pars movet, ut homo movet librum, quia manus movet, cujus verò pars movetur tantum, id secundum partem moveri dicitur, ut moveri dicitur homo, quamvis brachium solum moveatur. Tertiò, aliquid secundum totum seu primò movet vel movetur, & hoc est quod non secundum partem suam vel per accidens, sed secundum seipsum totum movet, vel movetur, ut lapis cadens dicitur secundum totum moveri: similiter manus movens secundum totam movere dicitur. Si igitur tripliciter contingit movere & moveri, cum aliquid seipsum movere dici-

dicitur, etiam tripliciter intelligi potest. Primò, quod seipsum moveat per accidens, quod tunc fiet, cū aliquid secundū se quidem movet aliud, ad cuius motum movetur & ipsum, & hoc pacto non est dubium, aliquid seipsum movere, ut anima in animalibus ipsis, hæc enim movet, & dum ipsa movet corpus, per accidens ad motum corporis movetur. Ubi nota, quod anima seipsam movet, id est, & movet & movetur: movet quidem per se corpus, movetur verò per accidens ad motum corporis, ob id seipsam movere per accidens dicitur. Et nota, quod hoc nulli alteri formæ substantiali inest, nisi animæ. Secundò, aliquid movere seipsum dicitur per partem, eò quod secundum unam partem movet, secundum alteram movetur per se, & hoc modo animalia se movere dicuntur, movent quidem ratione animæ, moventur ratione corporis. Dico autem per se, nam per accidens simul etiam anima movetur ad motum corporis, & sic totum animal movetur secundum totum, sed secundum corpus per se, secundum animam per accidens. At ratione animæ movet, ut patet in motu nervi, quamvis in toto animali sit pars corporis per se movens, & pars corporis per se mota. Tertiò aliquid movere se intelligi potest secundum totum per se, ut idem adæquatè moveatur, ut idem omninò, quod motum facit, motum patiat, & hoc reputat ipse Aristoteles impossibile 8. physic. text. 40. seqq. ut ibi expositum est, eò quod una eademq; substantia non potest esse ejusdem motus activum & passivum principium, ne sit simul actu & potentiâ. *Hac ille.*

VII. Nos repetimus antè dicta, videlicet, à formâ provenire motum. Subiectum motus est corpus naturale, principium verò est forma, quæ uti qualitatem largitur, ita etiam dat motum, quia qualitate perficitur. Itaque corpora naturalia moventur per formas suas, non ab alio, uti qualitates habent à formis, non ab alio. Quis avem volantem ab aliâ moveri dicat? Quis currentem equum dicat moveri ab alio? Quis piscem aquis innatantem dicat moveri ab alio? Modis omnes, quos profert Toléus, non faciunt ad rem. Primus est *motus per accidens*. Atqui canones de eo formantur, quod per se est, non de eo quod accidit. Gravia descendunt, levia ascendant, nō per accidens, verum per se, ac proinde canon ille, *quodcunque movetur, ab alio movetur*, non de eo quod accidit, sed quod per se est, intelligi debet. Secundus est *motus per partes*. Atqui affectiones de toto dicuntur per partem, non verò de parte per partem. Tertius est *motus de eodem adæquatè movente & mobili*. Atqui omnis motus naturalis inest subiecto proprio, quod est corpus naturale, & in corpore efficitur à formâ, veluti principio activo.

VIII. *Motus violentus est, qui fit a causâ externâ.* Ejus motus proprium est, ut in principio sit velocior, in fine tardior. Lapis in altum projectus, sagitta ab arcu excussa, initio celeriter, inde tardius feruntur, donec obtuso motu decidant ad centrum terræ. Causa est, medium per quod moventur. Videlicet aër interpositus, ut contiguitatem suam, quæ ei pro unione est, conservet, exceptum lapidem propellit, renitente principio inter-

no lapidis, qui propter gravitatem suam deorsum tendit; sensim verò æris efficacia remittit, atque invalescit mobilis corporis internum principium, quod mediis imperio velut peregrino iugo liberatum, è propriâ inclinatione agit, lapidemque terræ restituit.

IX. Fit à causâ externâ.] Adversus corporis mobilis proprietatem, itaque motus ille non est perpetuus, quod principii externi imperiū ad parvū tempus perdurando, vim insitā non amplius impediat.

X. De causâ motus projectorum, quæritur. Scilicet: *A quâ causâ feratur lapis in aërem projectus?* Respondeo: Causa per quam projectorum motio extenditur, aut est à virtute moventis, aut à virtute mobilis, aut à virtute mediis. Movens si causa est, datur contactus. Ratio manifesta est: Inter agens & patiens debet esse contactus, adeoque omne movens debet simul esse cum mobili, & verò in lapidis motu projiciens longo intervallo separatur ab illo quod projicitur, cum enim lapis extrâ manum est, à manu non tangitur amplius. Scaliger pro-movente dicit causam, & motionem ipsam vocat formam impressam: Omnis actio, inquit, aut est forma accidentalis, à quâ nonnunquam opus apparet manifestum, atque etiam exstat, ut navis compactio: aut perit, habetque finem ipsâ cum celsatione, ut cursio. Quædam media est, ut projectio, pulsio. Motio igitur forma est. in moto impressa, quæ sublatô priore motore etiamnum servari potest. Priorem dico, à quo forma illa impacta est. Non enim necesse est, efficientem causam simul existere cum suo effectu,

quod asserere frustra conatus est Avicenna cum aliis Metaphysicis, *Exercitat.* 28. *sect.* 1. Eodem modo pro dubii hujus solutione differunt Scipio Cæsænas Claratmontius *lib.* 14. *de Universo cap.* 15. Taurellus *lib.* 3. *Alpium casarum pag.* 434. 435. Bernh. Morifanus *Commentariis ad Physicam Aristotelis pag.* 447. 448. Didacus Masius *Commentario ad lib.* 8. *physicor. pag.* 535. *seqq.* Franciscus Murcia in *Cursu Philosophico part.* 2. *pag.* 309. 310. David Dero-don *part.* 1. *Physica contracta cap.* 9. *dist.* 27. Jacobus Galilæus *Dialogo* 1. *de motu pag.* 97. 98. Johan. Phocylides Holwarda in *Physicâ generali cap.* 17. Johan. Casus *lib.* 7. *Commentar. physicorum pag.* 883. Bernhardus Tilesius *lib.* 2. *de Naturâ rerum cap.* 10. Joh. Combacchius *lib.* 1. *Physica pag.* 143. Francisc. Tolétus *lib.* 8. *Commentar. physicorum sol.* 241. Conimbricenses *lib.* 7. *Commentar. physicorum cap.* 2. *quæst.* 1. *art.* 8. Ant. Ruvo *lib.* 8. *Commentar. physica pag.* 562. *seqq.* Franc. Oviêdo in *Cursu philosophico Disputat. phys.* 20. *sect.* 1. 2. Wilhelmus Chabronus in *Cursu philosophico Tomo* 2. *pag.* 554. *seqq.* Johan. Poncius Legionensis in *Cursu Philosophico Disputat. phys.* 20. *quæst.* 1. Gilbertus Jacchæus *lib.* 3. *Instituit. physica cap.* 5. Joh. Henricus Alstedius *lib.* 7. *Encyclopadia part.* 1. *Physica cap.* 14. *Reg.* 1.

XI. Verum hæc sententia meritò improbat. Motio illa quæ formam imprimit accidentalem, nequitiam potest fieri sine conjunctâ proximè efficiente, à quâ imprimitur simulac conservatur virtus motiva. Dicat Morifanus, esse qualitatem occultam, quomodo in magnete est vis tractoria, inque pisce torpedine est vis obstupescitiva.

factiva, ita hanc vocari impulsivam & produci ab agitatione moventis, hoc inquam frustra est ob exempla partim conficta, partim dissimilia admodum. Nam quæcunque agitatio illa moventis esse concipitur, de principio efficiendi quæstio manet integra. Et quamvis efficiens cum effectu suo non semper simul existat, aliud tamen est effectus in fieri, & aliud effectus in esse. Motio in fieri consistit, quæ ratione omnino necesse est, ut causa efficiens simul existat cum effectu suo. Et quoniam motio illa jam fit, quæ in lapide à manu projecto datur, merito quæritur à quonam sit motio? An à tangente, an à non tangente? Certè vis projicientis est accidens, quæ si commigrat in rem projectam, accidens idem numero migrabit de subiecto in subiectum, quod est contrà veritatem.

XII. Unum restat medium, quod motus istius causam faciunt dupliciter, alii respectu aëris cedentis, alii respectu aëris impellentis. Prius asserunt Zabarella lib. 1. de motu gravium & levium cap. 16. 17. Pererius lib. 14. philosophia naturalis cap. 5. Cæsalpinus lib. 3. quæstion. Peripateticarum pag. 430. & lib. 4. pag. 466. Fortunatus Crellius lib. 8. Commentar. physic. pag. 414. Verùm repugnat aëris contiguitati, cedere ultrò & viam dare lapidi, à quo unitas ejus turbatur. Rectè Scaliger: Major est difficultas ad intelligendum, quàm naturâ fultus aër subtrahat sese lapidi à quo non est per se pulsus, quàm quomodo lapis à non tangente manu moveatur, quæ illum per se primò pepulit. Quod autem nunquam pellatur aër à lapide, patet, Succedit enim, ut ajunt, lapis

ne vacuum detur. Qui se impelleret non solum impleret, vacuum, sed etiam occupare vellet plenum, l. d. Posterius tuemur cum Kenelmo Digbejo tract. 1. de naturâ corporum cap. 12. sect. 2. Johan. Rudolfo Fabro in Cursu Physico part. generalis pag. 96. 97. Scilicet freti naturâ & experientiâ. Lapis projectus cum impetu vicinum aërem ingreditur, à quo violentus hospes atque unionem ejus turbare ausus propellitur ad vicinum, & sic porro aër sese conglobando, ne vacuum fiat, lapidem à tergo premit promovetque, donec vis aëris languefeit. Indè ad naturalem motum inclinât lapis, terramque repetit. Id porro demonstratur, quod lapis ad terram allisus pergit ante se, non post se ad locum eum unde projectus est, nisi per repulsam ab objecto. Instant Toletus & Poncius: (1) Validè impulsus aër à bombardâ displosâ non dejicit hominem in terram, quomodo igitur propellet lapidem ad istam distantiam? Respondeo: Non dejicit hominem, quia firmiter ille insistit terræ, neque impetit aërem quod facit lapis. Nihil protrudit aër, nisi quod eum dividere & turbare vult. (2) Validior est ventus à naturâ concitatus, quàm aëris motus à projicientis manu factus. Atqui ventus ne quidem sagittam à terrâ levare potest. Ergò nec aër poterit sagittam ab arcu ejectam propellere. Respondeo: Validus ventus rapit atque elevat à terrâ magnas particulas ligni, ut experientia docet. Quod non semper contingat, ratio est, quia lignum loco naturali positum quiescit, neque medium laceffit. (3) Velocius projiceretur levis pluma, quia facilius ab

potest. Atqui hoc est falsum: Non est par ratio. Plurimum aëris, neque ita potest aërem dividere, itaque vicissim ab aëre incubantem non propellitur: Lapis verò propter gravitatem suam aëris unionem turbat admodum, & vicissim ab eo propellitur. (4) Rota gurgilli, cum motus est remissus & prope finem, contrarios motus exercet, quod non potest ad medium referri. *Respondeo*: Omnino ab aëre est contrarius motus ille, quando quidem aër circumpositus longiore agitatione confusus ultrò citròque ruit, & principio externo (id est, hominis gurgillum moventis brachio) abstinente, pro viribus suis agit, inde contrarii illi, & per vires, motus. (5) Motus projectorum fieri potest per vacuum. At verò in vacuo non est aër circumstans. *Respondeo*: Non potest per leges naturæ dari vacuum, itaque frustra dicitur, in vacuo motum fieri posse. Non Entis enim sunt nullæ affectiones, uti pluribus etiam disserunt Franciscus Murcia in *Cursu Philosophico* part. 2. pag. 243. seqq. Benedictus Pererius lib. 11. *philosoph. natur.* cap. 10. 11. 12.

XIII. Instat *Morjanus*: (1) Quod aër est valdè rarus, neque potest esse capax impulsus ejus, qui projectum de machinâ ferreâ globum ultrâ deferat. *Respondeo*: Cum globo exit & pergit in simul magna copia nitri resoluti, à quo globus ille obvolutus tantò magis sustinetur, ut

per aëra feratur commodè. (2) Quod flante vento projicitur lapis in adversam partem contrà ventum, neque apparet quomodò aër lapidem illum propellat atque à tergo urgeat, cum à vento sursum deorsum turbetur. *Respondeo*: Non ita procul, cum ventus adversus est, fertur lapis, neque creditur quod aër virtute propriâ omnino despoliatur à vento extrinsecus violenter agente. (3) Quod cum pila resilit à pariete, aër potius obstitit resultui quàm ut causa ejus sit, ergò motus ille provenit à virtute impressâ. *Respondeo*: Resultus est cum relapsu, & relapsus initium est à pariete opposito, ejus promotio est aër per quem transit vice alterâ, ut locum suum pila repetat.

XIV. *Simplex est, qui fit uniformiter. Mixtus est, qui fit multi formiter.* Lapis in altum projectus, ad terram contendit descensu recto, non verò per ambages. Venti, nubes, canes, homines modò prorsum, modò retrorsum, modò in altum, modò inferius, moventur ac feruntur.

XV. *Rectus est, qui fit per lineam rectam. Circularis est, qui fit per orbem.* Lapis per lineam rectam projectus in altum, rectâ lineâ in terram relabitur. Sol & quævis astra moventur in orbem, servando circulum, in quo terra centrum est.

XVI. *Quies est affectio corporis naturalis, quâ illud permanet in loco.* Ità cælum & terra quiescunt.



INSTITUTIONUM PHYSICARUM

PARS SPECIALIS,
De Corpore naturali in specie.

LIBER TERTIUS,
De Corporibus cœlestibus.

CAPUT PRIMUM,

De speciebus in genere.

SUMMARIA.

1. Pars propria Physicæ.
2. Corpus naturale simplex.
3. Cælum, Stella, Elementa.

I.

Hæc fuit pars Communis, sequitur Propria. Propria est, quæ corporis naturalis species proponit. Vide quæ diximus lib. 1. cap. 1. dist. 5. & de methodi ratione constabit.

II, Corpus naturale est vel simplex, vel compositum. Simplex est, quod habet materiam simplicem. Forma in Speciebus omnibus perinde est purissima & concretionis omnis experta, neque enim magis concreta est in arbore quàm in igne. Hæc igitur neque simplicitatem efficit, neque compositionem juvat, quæ solum à materiâ dependent. Ubi materia simplex est, ibi corpus simplex est; ubi materia composita est, ibi corpus compositum est.

A

est.

est. Simplex materia est in Cœlo, stellaris, Elementis, itaque sunt corpora simplicia. Composita materia est in plumbo, homine, equo, arbore, unde composita corpora vocantur.

I. I. Tale sunt Cœlum, stella, Elementa.]
Ex logicis notum est, duplicem methodum esse, unam *Compositivam*, quæ procedit à partibus ad totum, alteram *Resolutivam*, quæ procedit à toto ad partes. Et hanc posteriorem illi observant, qui cum Danæo, Velcurione, Seidelio, Goclenio, Combacchio, Piccolomineo, Bartholino, Butsero, tractant de Mundo universim considerato antequam species mundi tradunt. Priorem nos retinendo agemus de speciebus corporis naturalis priore loco, & cum mundo universim considerato finiemus. Quod verò methodus compositiva ad Leges naturæ consentanea sit, probavimus *Lib. I. Institutionum Politicarum cap. 1. dist. 9.* ubi legitur.

CAPVT SECVNDVM

Diatriba singularis de Aquis supra-cœlestibus.

SUMMARIA.

1. Sententia Doctorum.
2. Examinantur ista.
3. Non sunt aqua supra cœlos.
4. Solvuntur objectiones.
5. Nullis opinio.

I Ravissima li est de Aquis supra expansum. Sunt eadem ipse, de quib

Psaltes ait: *Deus contignat, aquis superiora sua*, Psalm. 104. 3. Ergo veros aquarum gurgites inferioribus aquis similes, supra cœlum siderium locatos esse, affirmant Justinus, Basilus, Ambrosius, Theodoretus, Chrysostomus, Procopius, & cum illis Bonfrerius, Cornelius à Lapide, Lysetus, Gesnerus, Johan. Gerhardi *commentarij ad cap. 1. Genes.* Andreas Libavius *lib. 2. de universitate & origine rerum pag. 147. 148.* Jacobus Salius *Tom. 1. Annal. Vet. Testam. pag. 52. seqq.* Gerhard. Johan. Vossius *lib. 2. de Theologia gentilium cap. 39.* Ludov. Molina *Disputat. 10. de opere sex dierum.* Becanus, *part. 1. Theolog. Scholast. pag. 166.* Johan. Ricciolus in *Almagesto novo lib. 9. pag. 220. seqq.* Ant. Deusingius *libro de mundi opificio Disput. 8. quest. 2.* Johan. Comenius in *Physicâ reformatâ pag. 79. 80. 81.* M. Fridericus Wendelinus *scilicet. 3. Contemplat. Physicarum cap. 2. dist. 1. num. 13. 14. 15.* David Derodon *part. 2. Physicâ contractâ cap. 2. art. 1. dist. 2. 3.* Hurtadus de Mendoza in *disputationibus Physicis pag. 517. seqq.* Leonhardus Hutterus in *Loci Theologici pag. 212.* Georg. Sohnius *Tomo 1. Operum Theologicorum pag. 114.* Wolfgangus Capito in *Hexametero pag. 155. seqq.* Balthasar Meisnerus *part. 1. Philosophiæ sobriæ scilicet. 3. cap. 4. quest. 3.* Joh. Bodinus in *Theatro naturæ pag. 213. 214.* Michael Waltherus in *Spongia Moscaica pag. 20. seqq.* Quibus adde Chaldæum Interpretem, Josephum *lib. 1. Antiquitatum cap. 1.* Philonem, & Rabbinos, à quibus doctrina illa primum manavit. Has supra-cœlestes aquas in diluvio super homines effusas esse, scribunt Epiphanius, Eugubinus, Hutterus *l. d.* probantque ex Genes. 7. 11. 12. *Cataractæ*

cœlis sese aperuerunt ut esset imber super terram.

II. Verum *cataclysma cœli* dicuntur ibi figuratè, & monetur, descendisse aquas pluias è nubium apothecis velut magno cum impetu, ut *Psal. 65. 10.* Namque ad supra cœlestia non pertinere, constat ex *Malach. 3. 10. Aperiam vobis cœlorum cataclysma & profectam benedictionem.* De pluiis hæc sonant, quas in agros dimittit Naturæ conservator Deus, ut hominum boumque labores ad optatam messem perducantur. Ambrosius, Beda, Procopius, Cœlius Rhodiginus *lib. 1. Lætionum antiquarum cap. 4.* Vossius *l. d. Franciscus Titelmannus lib. 7. Considerat. Physicar. cap. 13.* censent, aquas illas temperare cœlum siderium, quod ex rapido motu in orbem concipiat ingentem calorem, ita ut deflagrare posset cum sideribus. Verùm cœlo non est opus refrigeratione, quia passionibus Elementaribus non est obnoxium. Neque cœlum movetur in orbem, uti dicemus *infracap. 4. dist. 28.* Proinde Meisnerus *l. d.* scribit aquas illas dorsum cœli premere & urgere impetu suo, ne ventorum flabris disturbetur. Hoc quoque dicitur frustra. Neque enim ventus pertingit ad sidera, quoniam supra mediam aëris regionem non ascendit, adeoque remotissimus est. Cornelius à Lapide *commentariis ad Genesin pag. 43.* Jacobus Salius *Tomo 1. Annalium Ver. Testam. pag. 53.* Christ. Scheinerus *in Rosâ Vrsinâ lib. 4. part. 2. cap. 20.* monent, aquas illas pertinere ad voluptates Sanctorum in cœlo Empyreo, ut eorum limpidò & amœno aspectu oculi eorum pascantur. Ludunt in re feriâ: Beati cœlites

in manu Dei sunt, & quibus locis afferuntur, nobis scire non licet. Neque illi corporias oculorum voluptates amant, sed Dei aspectu pascuntur, *Apocal. 7. 17. cap. 21. 3. 10. 11. 23. cap. 22. 1. 2.*

III. Nullo modo credibile est, quod aquæ veræ & naturales superna cœlorum occupent. Quia enim aqua est corpus gravissimum, profectò contrà reum ordinem naturalem in universo, locum non suum haberet. Docet ratio, & confirmat experientia, naturalem aquæ locum esse infra aërem, & proximè supra terram, itaque aqua non quiescit in aëre, & cum aquæ in sublimi aëre generantur, ex nubibus statim pondere suo deorsum conversæ præcipitantur. Quare si aqua esset supra cœlos, negari non posset, eam ibi esse contrà naturam suam & in violento loco, id quod omninò contrà Leges creationis est. Benè exponas de aquis pluiis, cum Ruperto, Vatablo, Mercero, Drusio, Junio, Tremellio, Grotio, Pezelio, Paræo, Pererio, Calvinò, Marlorato, Marianâ, Quisдорpio, Scholiaſtis Batavis, Wilhelmo Estio, *notatis ad Genes. 1. 6. 7. Castellione notatis ad Scripturam pag. 306.* Barthol. Keckermannò *lib. 7. Systematis Physici cap. 1. & lib. Systematis Theologici pag. 131.* Torniello *lib. 1. Annal. Veteris Testam. pag. 15.* Matthæo Beroaldo *lib. 2. Chronicis sacris pag. 136. seqq.* Friderico Spanhemio *part. 1. Disputat. miscellan. pag. 89.* Marcio *in Systemate Theolog. Disputat. 5 dist. 30.* Conrado Aslacho *lib. 1. de Cœlo triplici cap. 5. 6.* Antonio Ruptione *lib. 2. de Cœlo cap. 5. quaest. 7.* Michaële Watsono *in Collegio Physico Disputat. 10. dist. 2.* Othone Cœlmanno *in Scholis Philo-*

sophis pag. 244. seqq. & in Vranographicis cap. 7. quest. 1. Hieronymo Zanchio *lib. 2. de operibus Dei cap. 1.* Sic & *Plinius* dixit: Quid mirabilius aquis in cœlo stantibus? *lib. 31. cap. 1.* Pluvias seu nubes intelligit.

IV. Excipiunt: (1.) Aquæ illæ supra cœlestes sunt erectæ super cœlos siderios, Nubes verò sunt in aëre. Ergò nubes non sunt aquæ illæ, *Cornelius à Lapide commentariis ad cap. 1. Genes pag. 42.* *Jacobus Martini Disputatione de operibus Creationis dist. 7 3. seqq.* Respondeo: Major negatur. Nec enim dicit *Moses*, quod aquæ elementum fuerit divisum in partes duas, tantum de aquarum duplici loco & quod hunc efficit, intervallo, refert. Sensus verborum ejus est, aquas illas esse super expansum, id est, partem expansi. Namque Expansum est totum illud, quod supra nos est. Pars expansi est aër, in quo nubes hærent. Cum ergò *Moses* dicit, *sit expansam*, colectivo sensu loquitur, distributivo autem, cum dicit, *divisit aquas quæ erant sub expanso, ab aquis quæ erant supra expansum.* Breve: Quicquid est super expansi partem, id supra expansum esse rectè dicitur, quia *Mosi* expansum est pars & totum. Atqui nubes sunt supra partem infimam expansi, hærent quippe in mediâ regione aëris. Ergò nubes supra expansum esse rectè & verè dicitur. (2.) Nubes secundo creationis die nondum erant, ut per expansum possent ab aquis inferioribus separari, *Bonfrerius & Cornelius à Lapide commentar. h. l.* Respondeo: Quamvis tunc expansum non separaverit actu, quid tum? Ad hoc tamen

à Naturâ constitutum fuit, ut imposteorum nubes cogeret. Sanè post absolutum creationis opus nunquam cœlum ita sudum est ubique, ut non obducatur nubibus propter conservationem sublunarium. (3.) Aquæ illæ supra cœlos positæ aquæ sunt, inferioribus similes, semper manentes. Nubes non sunt aquæ veræ, similes, perpetuæ. Ergò non sunt aquæ illæ supra cœlestes, *Jacob. Martini l. d.* Respondeo: Falsa est minor. Nubes enim sunt aquæ stipatæ, itaque in sacris literis nominantur aquæ, *Iobi 26. 8. Psalm. 18. 12. Psalm. 29. 3. Psalm. 65. 10. Ierem. 10. 13.* & in aquas inferiores solvuntur unde concreverant, *1. Regum 18. 44.* (4.) Aquæ illæ dicuntur esse supra cœlos cœlorum, *Psalm. 148. 4.* Cœli cœlorum supra stellas sunt. Ergò aquæ illæ supra stellas sunt, non verò in aëre, *Meisnerus l. d.* Respondeo: Major non est in textu sacro, ubi hoc solum dicitur, & aquæ, quæ supra cœlos sunt. Porro etiam rotunde cœli cœlorum, id est, cœlum stelliferum, distinguuntur à cœlis vulgò dictis, sive regionibus aëris, ubi sunt aquæ in nubibus pendulæ. (5.) In canticotrium virorum distinctâ compellatione exprimuntur aquæ supra cœlos positæ, nec non imbres, & monentur ut Dominum laudent. Non igitur aquæ supra cœlos positæ sunt nubes vel aquæ pluvie, *Meisnerus & Jacobus Martini l. d.* Respondeo: Canticum illud compositum est ab aliquo Hebræo posterioris ævi, adeoque testimonium ejus non habet majorem certitudinem, quàm vel *Philonis* vel *Josephi*. Et possunt distinctis vicibus nominari aqua super expansum, nec non aqua pluvia. Imber

ber cum est, jam in mundo inferiore efficit, non etiam in mundo superiore existit. (6) Deus extendit cœlos sicut pellem, & contexit aquis superiora ejus, *Psal. 104. 3.* Ergo sunt aquæ suprà cœlum stellatum positæ, *Gefnerus commentariis ad b. l. Johan. Bocchius notis ad paraphrasin Psalmorum pag. 498.* Respondeo: Superiora cœli vocat regionem aëris, & aquæ contegentes hanc expansi partem sunt pluvix ac nubes, quod rectè notant Tremellius, Vatablus, Cœppenus, & Vinarienses Scholiastæ, *Martinus Gejerus commentariis ad b. l. pag. 493. 494.* Probatur indidem ex vers. 13. *Deus irrigat montes de superioribus suis.* Quid manifestius dici potest? Nullæ ergo sunt aquæ supracœlestes.

V. Mira sunt, quæ de illis scribere voluit Bombasti discipulus *Henricus Nollus*: Quales sint aquæ supracœlestes, inquit, cujus generis substantiæ atque naturæ, Cabala secretiorque Philosophia per Spiritum sanctum Sapientibus secretioribus assistentem, veramque Theosophiam docentem nos apertè docet. Statuimus ergo, aquas supracœlestes esse substantias purissimas, subtilissimas, igneas, lucidissimas, plusquam perfectas, incorruptibiles, perpetuò in se fixas, hoc est, permanentes, liquidas tamen & fluidas, inflammabiles, minimè combustiles, in usum hunc, ut in regione supersupremâ sint atque constituent cœlum tertium Emphyreum dictum, quod in superficie citimâ aqueum est, extimâ igneum, ignis flagrans, aqua ardens. Est habitaculum omnium Angelorum, Sanctorum, piorumque hominum ex sincero corde

Deum colentium. Est verus paradysus, in quem positus fuit Adamus antelapsus. Est summus macrocosmus, continet enim omnia, quæ in hoc macrocosmo & microcosmo sunt, in se secundum eminentiam. Est ejusmodi aqua, cujus perpetuò & continuo influxu in hæc inferiora omnia animantur & disponuntur ad suscipiendam exaltationem. Primum se communicat astris visibilibus, per astra aëri, per aërem aquæ & terræ. Et ne frustra tam divinus thesaurus descendere & se humiliare videatur, sui perfectam imaginem cuidam mineræ coràm mundo abjectæ, quæ magnetia sapientum & materia Lapidis philosophici debita & genuina dicitur, impressit, illamque sic disposuit ut facili negotio Deo singulariter benedicente, & industria humani ingenii indè erui possit, ut sic etiam sanctis verèque piis philosophis in hac vitâ domicilium piorum beatorum, ejusque naturæ ob oculos ponatur. Quare Sendivogius ille verè sapiens paulò ante ænigma suum philosophicum præ summâ cordis exultatione in hæc verba erumpit: Credere mihi, si non essem ejusmodi status & conditionis homo, sicut sum, nihil mihi solitariâ vitâ foret jucundius, vel cum Diogene sub dolio delitescere. Video enim omnia quæ sunt, vanitatem esse, avaritiam & fraudem invaluisse, ubi omnia venalia sunt, & iniquitatem superavisse virtutem. Futuræ vitæ meliora præ oculis video, hisce gaudeo. Jam non miror, ut antea feci, cur Philosophi habitâ tali medicina, non curaverunt abbreviare dies suos,

quā omni Philosopho ita est præ oculis ,
vita sequens, sicut tibi in speculo appa-
ret tua propria facies. Quæ cum ita sint,
rectè statuo eum Theosophis , aquas su-
peracellestes ejusdem naturæ , cujus est
latex ille ætherius incombustibiliter ar-
dens, ex magnesiâ sapientum philosophi-
câ, & regiâ viâ erutus , in quam sapien-
tiæ mineram Deus non tantum posuit ,
sapienterque reservavit cælum , ve-
rum etiam terram & aquam, hylen nimi-
rum aut semina totius mundi hujus in
statu primordiali catholico adhuc hodiè
existentia. O mysteria mysteriorum !
ô thesaurus thesaurorum ! ô Deus quan-
dò mihi immensum illud gazophylacium
aperies, ejusque dulcissimis fructibus me
frui concedes ? Veni ô Deus, & conati-
bus meis auxiliares porrige manus , lib.
2. *Physica Hermetica cap. 2.* Verbo, sunt
nebulæ in pariete pictæ, & inutiles de
rebus nulpam existentibus speculatione-
nes , quandò aquas suprà cælos eve-
ctas non permittat Natura , & de cæ-
lo beatorum Scriptura multò aliter do-
ceat , uti patebit ex iis quæ subjunge-
mus.

CAPVT TERTIVM.

Diatriba singularis de Cælo Empyréo.

SUMMARIA.

1. *Sententia Doctorum.*
2. *Cælum beatorum.*
3. *Solvuntur objectiones.*
4. *Servator in cælis.*

5. *Instantia solvitur.*
6. *Wendelinus refellitur.*
7. *Servatoris adscensio in cælos.*
8. *Solvuntur objectiones.*
9. *Diaboli sub cælo Dei.*
10. *Cælum Dei.*

I. Cælum vocant Empyræum & de-
scribunt Catholici , Reformati ,
Photiniani, quod sit regio felicissima &
amplissima suprà cælos stellatos, in quâ
Angeli & beatorum Manes degant; at-
que unâ cum illis visibiliter & localiter
habitet Servator , porrò cohabitaturus
iis loconihil mutato, etiam post resurre-
ctionem universalem, Bellarminus lib. 2.
de Christo cap. 12. Cornelius à Lapide com-
mentarius ad cap. 4. Ephesiorum num. 126.
127. Gabriel de Henao Vallisoletanus li-
bro de cælo Empyréo, Petrus Martyr in dia-
logo de loco corporis Christi, Georgius Soh-
nius Tomo 1. Operum Theologicorum pag.
114. 115. Polanus lib. 5. Syntagmatis Theo-
log. cap. 8. Zanchius part. 1. de operibus sex
dierum lib. 1. cap. 4. Wendelinus Exercitat.
Theolog. 67. Maresius in Systemate Theo-
log. Disput. 5. dist. 19. & Disputat. 9. dist. 54.
seqq. & Tomo 2. Theologia Elenctica pag.
986 seq. Ludovicus Crotius Apologetico
adversus Menzerum Disputat. 12. dist. 12.
seqq. Matthias Martinus lib. 2. de personâ
Christi pag. 672. seqq. Gilbertus Voëtius
diatribâ de Cælo beatorum. Joh. Volkelius
lib. 3. Institut. Relig. cap. 20. Nos verò hic
duos eorum notamus errores.

Primus est, quod cælum beatorum
collocetur suprà cælos stellatos, & per-
inde cum illis æstimetur esse pars mundi
localiter extensa. Negatur hoc :

(1.) Quia

(1) Quia locus ille prædicatur multò nobilior esse, quàm sunt cœli visibiles, 2. *Corinth. 5. 1.* (2.) Quia nemo certi quicquam de eo compertum habere potest, ubi & quale hoc cœlum sit, 1. *Corinth. 2. 3.* seq. 2. *Corinth. 1. 2. 2. 3.* (3.) Quia cœli visibiles & localiter extensi omnes in consummatione seculi abolebuntur, *Lucæ 21. 33. 2. Petr. 3. 12. Apocal. 20. 12. cap. 21. 1.* (4.) Quia cœlum beatorum expressè describitur ut nova creatura, diversa multum à veteribus illis, quæ hætenus sunt atque esse desinent, 2. *Petr. 3. 12. Apocal. 21. 1. seqq.* Verbo: Haud negamus, Cœlum Emphyreum seu beatorum à Deo creatum esse, verùm hoc negamus, quod sit portio cœlestis auræ vel mundi integrans, adeoque corruptibilis, ut in novissimo die pereat.

III. Excipiunt *Polanus, Wendelinus, Voërius*: (1.) Omnes cœli à Deo conditi sunt in principio rerum, *Genes. 1. 1. cap. 2. 1.* Atque Cœlum beatorum est re & nomine cœlum. Ergò creatum est & pars mundi est. *Respondeo*: Major vera est de cœlis materiatis, qui intrâ naturæ corruptibilis complexum continentur. Tale verò non est cœlum Dei, sed nobilius aliquid, quoniam æternum est, & abolitæ creaturis aliis succedet, 2. *Corinth. 5. 1. 2. Petr. 3. 12. Apocal. 21. 1. 2. seqq.* Nomine quidem cœlum est, id est, diversum multò ab illis, quæ videmus oculis, re ipsâ nobilius est, quia descendit è cœlis, tabernaculum Dei, *Apocal. 21. 2. 3.* (2) Cœlum beatorum opponitur terræ, ut superior locus inferiori, *Plalm. 113. 7. Esaia 66. 1. Matth. 5. 34 35. cap. 6. 9. 10. Respon-*

num, qui extrâ cœlos visibiles nihil ferè concipiunt, & cœlos ipsos venerantur ut eximium Dei omnipotentis opus, in quo ille peculiari modo revelat majestatem suam, *Psal. 122. 1.* De cœlo Dei solum loquuntur dicta illa, quod verò de locali situ intelligi non possit, ostenditur expressè *Esaia 66. 1.* nam tantum abest, ut cœlos creatos faciat domum habitationis Dei, ut potius illud solio, terram scabello assignet, monstratque Deum loco nullo contineri vel includi. (3.) Cœlum beatorum vocatur urbs à Deo condita, *Hebr. 11. 10. Respondeo*: Cœleste regnum illud, in quod beati recipiuntur, esse locum certum, non quidem negatur, sed negatur esse locum mundi similem, & mundi partem integram. Dicitur verò *civitas*, ut moneamur, futuram hîc angelorum & beatorum hominum congregationem, perinde ut civitates terræ plurimos cives in cœtum unum sub certâ formâ legum redigunt, *Hebr. 12. 21. 23.* (4.) Paulus docet, pios dum vivunt mortalem hac vitam, tanto intervallo à Christo separari, quanto distat cœlum à terrâ, 2. *Corinth. 5. 6. Respondeo*: De statu hoc intelligendum est, non verò de situ locali. Sumus enim Deo & Christo præsentés pro statu seculi hujus, *Matth. 28. 20. Actorum 17. 17. 28.* non verò pro statu seculi alterius, quem fide apprehendimus in hoc mundo tantum, necdum possidemus re ipsâ, 1. *Corinth. 13. 1. 2. Corinth. 5. 7. 1. Ioh. 3. 2. seqq.*

IV. Error secundus est, quod Servator homo collocetur in cœlo beatorum ordinari & constans incola, ut ibi solum, & non

& non alibi, præstò sit. Refellitur hoc: (1.) Quia Servator receptus est in cælum, & sedet ad dexteram Dei, *Marci* 16. 19. Ergò effectum adscensionis hujus est, præsentem esse omnibus creaturis, quas dextera Dei potenter sustinet, *Psal.* 119. 8. 9. 10. (2.) Quia Servator adscendit longè super omnes cælos, ut impleret omnia, *Ephes.* 4. 10. Ratio duplex: Qui super omnes cælos adscendit ille non concluditur cæli alicujus repagulis. Item: Qui adscendit ut impleret omnia, ille præsens est locis omnibus. (3.) Quia Servator transiit omnes cælos, *Hebr.* 4. 14. Scilicet cælos creatos superando gloriosum illud Patris imperium occupavit, quod comprehendit omnia, *Hebr.* 7. 26. cap. 8. 1. cap. 9. 24.

V. Excipiunt: Si cælum illud de gloriâ & beatitudine intelligitur, sequitur, Servatorem de gloriâ suâ venturum & descensurum, cum de cælo veniet ad judicium. Item, adscensurum illum super omnem gloriam, quia adscendit super omnes cælos. Denique, cælum & terram unam idemque esse, quia gloria Dei lucet pariter in cælo & terris, *Antonius Sadaël* libro de veritate humanæ naturæ pag. 190. *Respondeo*: (1.) Descensum illum Servatoris de cælis ad judicium exponunt sacræ literæ de apparitione ejus gloriosâ, *Matth.* 26. 64. Est ergò populare genus dicendi, quod neutiquam infert localem descensum vel discessum à gloriâ, sed notat manifestationem gloriæ, quomodo adscendisse & descendisse legitur Deus in apparitione factâ Abrahamo, *Genes.* 17. 1. 22. (2.) Verba illa, *adscendit Christus super omnes cælos*, hunc sen-

sum habent, quod Christus super omnia excelsa elevatus sit. Ità nomen Dei super omnes cælos elevatum est, *1. salm.* 8. 1. scilicet, ut sublimius aliquid exigitur quàm creaturis omnibus inest. (3.) Cælum & terra loci respectu quidem manent distincta semper, verum gloria cœlestis perinde in cælis & terris manifestatur, *Psal.* 19. 1. 2. 3. 4. *Iobi* 12. 7. 8. 9. *Esaiâ* 6. 3. *Matth.* 6. 26. 28. Namque Deus præsens est locis omnibus, & ubicunque est, in cælo suo est, *Psal.* 122. 1. *Matth.* 6. 9. Cælum ergò Dei est gloria ejus.

VI. *Wendelinus lib. 1. System. Theolog. pag. 731. 732. & lib. 1. Theolog. Christianæ pag. 387. 388.* hac de re ità disserit: (1.) Certum est, quod ascensio Servatoris in cælos fuerit vera & realis mutatio loci, ut ruborem meritò incutiat illis, qui adscensionem hanc per disparitionem interpretantur. *Respondeo*: Sic exponunt *Ioh. Brennius de majestate Christi fol. 160. seqq. & in libro Recognitionum pag. 181. 182.* *Jacobus Andreas defensione contra Sturmium fol. 16. 17.* *Marbachius disceptatione contra Tossanum fol. 17. 2.* Nec malè, quandoquidem illi disparere vocant, quod est ἀφανὲς ἰν' ὁπλῶ *Lucæ* 24. 31. adeoque rei consequens pro re ipsâ assumunt. Servator verâ & locali translatione corpus suum à terrâ subinde altius atque altius elevavit ad nubes usque, porrò visui eorum subductum est, *Actorum* 1. 9. Ergò disparuit, & visibilem præsentiam abdicavit, non verò omnem præsentiam. Est enim invisibiliter præsens semper. (2) Certum est, quod terminus ad quem localis mutationis hujus

hujus fuerit locus siue spacium quoddam definitivum, in quo velut palacio regali Christus corpore suo residet, summe gloriosus, *Johan. 14. 3. Respondeo*: Negatur hoc. Ascendit enim super omnes cœlos, ut impleret omnia, *Ephes. 4. 10.* Ergo quia in cœlum Dei ascendit Servator, non debet cœlo beatorum concludi. Quod verò ait ipse, *abeoparaturus vobis locum*, per *εὐρυκταῖα βασιλεία* dicitur, quod velut metator præcedere velit Servator, neque etiam negamus, locum certum esse, ad quem beati perveniunt, & quem Servator procuravit fidelibus, sed negamus, quod loco illo concludatur Servator. (3) Certum est, quod locus ille sursum sit, non verò ubique. *Actorum 1. 3.* Sursum receptus est. *Coloss. 3. 1.* quæ sursum sunt quærite, ubi Christus est. *Respondeo*: Verè sursum receptus est, ut cœlum Dei occuparet Servator, & sursum ille quæri debet ratione status eminentis, non verò per situm localem. Nimirum, ut à conversatione terrenâ visibili abstrahatur præsentia illa, & inducatur præsentia majestatis. Igitur *ἡ αἰὼν* hic sunt, non quidem ratione loci, sed ratione originis, *Johan. 3. 3. cap. 19. 11. Philip. 3. 14. Galat. 4. 16. Hebr. 12. 22. Iacob. 1. 17. cap. 3. 15. 17.* (4) Certum est, quod locus ille sit cœlum, *Philip. 3. 29. Actor. 3. 21. Hebræ. 9. 24. Respondeo*: Cœlum est nomine, sed statu longè nobilius est, videlicet, gloriosum Dei præsentissimi in omnes creaturas imperium, *Daniel. 4. 23. Psalm. 123. 1.* Diserta verba sunt *Actorum 3. 21. Quem oportet cœlum capere usque ad tempora restitutionis omnium.* Cœlum, id est, cœleste imperium, cœlestem gloriam; quod

Theodorus Beza in *annotatis pag. 455.* frustra exagitat, ut cœlū empyreum statuminet. (6) Certum hoc est, quod cœlum non sit aëriū vel stellatum, sed supremū & à mortalium statu remotissimum, cœlum tertium & paradysus, *2. Corinth. 12. 2. 3. Respondeo*: Non est cœlum creatum aliquod, *Hebræ. 9. 11. 24.* Et quanquam non repugnemus, Paulum *ἐν αἰθέρι* correptum adfuisse Servatori in loco, quem habetenus fando nemo acceperat, extrâ mundum, est tamen certum, quod loco illo conclusus non sit Servator, cœlis omnibus excelsior, *Hebræorum 7. 2. 26.*

VII. Proinde cum dicitur, *Servatorem ascendisse in cœlos*, non intelligitur præcisè illud cœlum beatorum, sed cœlum Dei, quo nomine insignitur majestas ejus & imperiū amplissimū, quo cœlis & terris ac quicquid eis continetur, continentur verò omnia & ipsimet Diaboli, potenter dominatur. Serio hoc impugnant Reformati, *Johan. Crocius in Conversat. Prutenicâ pag. 4. 5. seq. Christoph. Pelargus Disputatione de adscensu Christi in cœlos dist. 140. seqq. Marelius Tomo 2. Theolog. Elenctica pag. 986. seqq. Christoph. Mafsonius part. 2. Anatomia universalis triumphantis pag. 1360. seqq. Nicolaus Vedelius in Opusculis Theolog. pag. 201. seqq.* Nostra sententia probatur: (1) quia Deus in cœlis stabilivit solium suum, & imperium ejus regit omnia, *Psal. 103. 19.* Palam est, quod thronus Dei in cœlis sit omnipotens imperium ejus. Probatur: Quicumque occupavit solium Dei in cœlis, ille dominium omnipotens assum sit. Atqui Christus homo occupavit solium Dei in cœlis, *Marci 16. 19. Hebræ. 1. 3. 4.*

Ergo assumit omnipotens dominium. *Excipiunt*: Thronus Dei complectitur solum loca supera, itaque cœlum est sedes Dei & habitaculum ejus, *Esaiæ* 63. 15. Non igitur extendit se ad loca infera, quæ sunt Dei scabellum, *Esaiæ* 66. 1. *Crocus* l. d. pag. 13. *Respondeo*: Sic infero: ubicunque omnipotens imperium Dei obtinet, ibi est solum & cœlum Dei. Atqui omnipotens Dei imperium obtinet quoque in mari, terrâ, profundis. Ergo. Major est l. d. *Psalmi*. Minor est *Iob* 11. 8. 9. 10. *Psalm.* 139. 8. 9. 10. 11. Terra vocatur scabellum, non quod non sit pars throni, sed quod non ita nobilis pars sit, constat enim satis, q. ille qui thronum occupat, simul insidet scabello. Theorema: Deus insidet throno suo in cœlis atque terris. Ergo thronus ejus ubiq. est. Rursum qui thronum Dei in cœlis & terris occupat, ille est præsens ubique. Atqui Servator thronum Dei in cœlis & terris occupat. Ergo. Proinde sedere Deū in throno suo exponitur per regere & dominari cum potestate super omnes creaturas. *Psalm.* 11. 4. *Psalm.* 14. 2. *Psalm.* 33. 13. *Psalm.* 47. 9. *Psalm.* 93. 2. *Esaiæ* 57. 15. (2) Quia dextra Dei & cœlum Dei æquali ambitu describuntur esse, *Psalm.* 139. 8. 9. 10. 11. *Hebr.* 1. 3. Est verò dextera Dei incomprehensibilis majestas illa, quâ omnia præsens & cum potestate gubernet. Ergo & cœlum Dei sensu illo valet.

VIII. Instant *Crocus* & *Massonius*: (1) Dei majestas nunquam vocatur cœlum Dei, quin potius facies vel majestas Dei à cœlo distinguitur, *Matth.* 18. 10. *Respondeo*: Imò quod nomen cœli appellatur majestas Dei palam est, *Daniel.* 4. 26.

Matth. 21. 25. *Lucæ* 25. 18. Et comprobatur idem locus prolatus *Matthæi*, quia angeli cum versantur in terris, dicuntur *videre faciem Dei in cœlis*; (2) Tres cœlos tantum refert scriptura, ærium, siderium, & beatorum, itaq. *Paulus* ait: *seraptum esse in cœlum tertium*, quod est beatorum. 2. *Corinth.* 12. 2. De quarto cœlo nihil meminit. *Respondeo*: Meminit omnino, uti in præcedentibus ostensum est. Cœlum tertium dicitur *μυστήριον*, quod ultra locum mundus ille sit, ubi Angelis & beatis Manibus præsentiam suam eminentiore modo revelat Deus, non verò propter sicut localem quod præcisè expanso ærio & siderio incumbat, *Apocal.* 1. 27; *cap.* 2. 2. 3. 4.

IX. Quod diximus, sub cœlo Dei contineri etiam diabolos, absurdum pronunciant *Crocus*, *Pelargus*, *Massonius* l. d. *Wendelinus lib.* 1. *Systē. Theolog.* pag. 1268. 1269. Nos verò probamus: (1) Quia cum Deus insidebat throno suo, & totus cœli exercitus adestabat ei, prodit quoq. spiritus mendax & à Deo mandatū accepit, *Regum* 22. 19. 20. 21. (2) Quia advenientibus filiis Dei, ut sisterent se coram Domino, advenit pariter Diabolus cum eis, *Iob* 1. 6. 7. *cap.* 2. 2. Excipiunt: (1) Sunt visiones, unde non potest certum aliquid inferri, neque etiam totidem verbis dicitur, quod Diabolus in cœlis penes Deum apparuerit, *Wendelinus* l. d. *Pareus notat* ad *Iobum* pag. 44. *Gisbertus Voëtius diatriba de Cœlo empyreo* pag. 115. *Respondeo*: Visiones illæ de rebus istis abstrusis informant nos, cum invisibilia gesta Creatoris apud meliores creaturas, visibili apparatu describunt ad intellectū nostrum. Nec obstat, *totidem verbis* scrip-

scriptum non esse. Sufficit, quod circumstantiæ hoc testentur. Deus enim ubique est, in cælo suo est, *Esaia* 57. 15. 16. *Matth.* 6. 9. nimirum in statu illo maximè glorioso, quo omnia dominio potente regit. (2) Quicumque sunt in cælis Dei, fruuntur cælesti gaudio, Ergò & dæmones beati erunt, si versantur in cælis Dei, *Crocus l. d.* Respondeo: Major vera est de cælis Dei, quatenus præcisè notant cælum beatorum, fallit verò de cælis Dei, quando latè significant amplissimum imperium illud, quo Deus creaturas omnes moderatur. Est igitur elenchus ambiguus. (3) Si cælum Dei continet diabolum, & diaboli in orco sunt, Orcus fuerit in cælis, quod prorsus impiù est, *Crocus l. d.* Respondeo: Est idem Elenchus Non ubicunq; Deus est, ibi gratiosè præsens est, undè gaudia oriuntur, neq; quia ille omnipotenter ubique est, inferna & cælestia pariter dominio suo premens, infernus & cælum permiscebuntur. (4) Nulla est causa, quare dæmones in cælum Dei recipi debeant, *Crocus l. d.* Respondeo: Causa est eadem, quæ est, cur lictores & quæstionarii in Senatum veniunt, scilicet ut impetrent veniam puniendi malos, 1. *Règum* 22. 16. *seqq.* partim ut calcumnientur pios, *Iob* 1. 6. *cap.* 2. 1. partim ut illis ipsis insidiantur ultra & cælestis gratiæ influxù pro virili impedian, quod perspicuè docetur, *Ephes.* 6. 12. Falsò Bezæ, Piscator, Scholiastæ Batavi interpretantur τὸ πνεῦμα de sublunaribus, ut sit idem cum loco altero, *Ephes.* 2. 2. ubi Diabolus vocatur princeps aëris. Rectè hoc corrigit Daniel Heinsius lib. 11. *Exercitationum sacrarum cap.* 5. Constat namque,

τὸ πνεῦμα esse regimen illud gratiæ, quod Deus inter mortales quaquaversum exercet, secundum perpetuum vocis usum, *Matth.* 18. 35. *Iohan.* 3. 12. *Ephes.* 1. 3. 20. *cap.* 2. 6. *cap.* 3. 10. 2. *Timoth.* 4. 18. (5) Diaboli sunt projecti è cælis Dei, 2. *Petri* 2. 4. *Iuda* 6. Ergò non sunt in cælis, *Crocus l. d.* Respondeo: Est idem Elenchus, Diaboli non sunt in cælis illis, è quibus projecti sunt, id est, in cælis beatorum. Fac autem, non esse eos amplius in Deo, conservatore scilicet naturæ, & scelerum vindice, & nullus erit diabolus in mundo. Absurdū!

X. Hæc si notentur, oppidò constabit, quâ fide totam controversiam exponat M. Fridericus Wendelinus *part.* 3. *Contemplat. Physicarum pag.* 293. *seqq.* Scilicet, confundit ille cælum beatorum sive empyreum verè dictum, cum Cælo Dei, in quod post resurrectionem gloriosam adscendit Servator, ut præsens regnaret omnibus locis. *Dicit:* (1) Cælum hoc operibus creationis omnino accensendum est, *l. d. pag.* 269. *seqq.* Respondeo: Cælum Dei ne creatura quidem est, fuit enim in Deo immanenter, antequam mundus esset, & post rerum omniū creationem exercetur quaqua versus, non tantum in cælo, sed quoq; in terrâ, neq; tantum in cælo empyreò, id est, beatorum loco, sed quoq; in Orco, id est, damnatorum receptaculo. *Dicit:* (2) Cælū hoc corpus est, *l. d. pag.* 303. *seqq.* Respondeo: Cælū Dei nō est corpus, est verò diffusum locis omnibus imperium, quatenus *Deus inhabitat lucē inaccessā*, 1. *Timoth.* 6. 16. id est, incomprehensibilē, ut nō sit alligat⁹ uni loco, præsens ubique, *Psal.* 139. 8. 9. 10. 11. Frustrà tergiversatur Wendelinus, ut definiat,

niat, quænam sit lux ista inacceſſa, l. d. pag. 301. 302. Eſt Deo coæterna; eſt à Deo diſtincta quatenus res omnes ſunt extrâ Deum, ut tamen adſiſtat rebus omnibus omnipotens Imperator; eſt diſtincta à cælo beatorum, quatenus & hoc cælum & creata quævis alia comprehendit, ac præterea notat incomprehenſibilem illam Dei poteſtatem, quâ poteſt omnia facere ſuprà ea quæ petimus aut cogitamus, Philip. 3. 20. *Dicit: (3)* Cælum hoc non ubique, ſed ſuſum eſt, l. d. pag. 310. ſeqq. *Reſpondeo:* Suſum & ubique eſt, Deo coextenſum, qui ubi ubi eſt, ſegiminis ſui compos ille implet omnia. Aliter eſt de cælo beatorum, quod certo equidem loco exiſtit, verùm incognito nobis. *Dicit: (4)* Cælum hoc primo creationis die videtur eſſe creatum, l. d. pag. 319. ſeqq. *Reſpondeo:* Primo die creavit Deus ſpacium, & partem ejus occupavit mundus. Spacia imaginaria extrâ mundum ſunt pro receptaculis beatorum & damnatorum, ac permanebunt tunc cum cælum & terra peribunt ad imperium Dei, qui ex nihilo illa condidit primò, ut eſſent propter hominem, homo ipſe propter Deum. Atqui de cælo Dei multò aliter eſt, idque Deo coæternum eſt, uti diximus ſuprà num. 1.

CAPVT QVARTVM.

De Cælo.

SUMARIA.

1. Deſcriptio Cæli.
2. Cæli materia.

3. Cæli materia ſimplex.
4. Cæli materia diverſa.
5. Solvitur inſtantia.
6. Solvuntur objectiones.
7. Cæli materia non eſt aqua.
8. Cælum non eſt igneum.
9. Cælum non eſt aërium.
10. Reſellitur Zabarella.
11. Cæli forma.
12. Piccolominèus reſellitur.
13. Solvuntur objectiones.
14. Cæli adjuſta.
15. Cæli quantitas.
16. Cæli locus.
17. Pererius reſellitur.
18. Iacchæus reſellitur.
19. Keckermanni opinio.
20. Rationes pro loco Cæli.
21. Cæli ſubſiſtitas.
22. Solvuntur objectiones.
23. Cæli perſpicuitas.
24. Solvuntur objectiones.
25. Cæulium in cælo.
26. Reſellitur Baſſo.
27. Color iſte ab aquis.
28. Cæli immobilitas.
29. Conimbricenſes notantur.
30. Solvuntur objectiones.
31. Solvitur inſtantia.
32. Conimbricenſium error.
33. In cælo quies eſt.
34. Solvuntur objectiones.
35. Scaliger reſellitur.
36. Cæli motus à Geniis.
37. Solvuntur objectiones.
38. Daneus reſellitur.
39. Cæli rotunditas.
40. Rationes communes.
41. Examen rationum.

42. *Wendolini sententia.*
43. *Rationes Veriores.*
44. *Calorum influentia.*
45. *Jacchai sententia.*
46. *Refellitur Jacchæus.*
47. *Ignis generatio.*
48. *Metallorum generatio.*

I. **C**œlum est corpus amplissimum, astrorum receptaculum.] Cœlum est Græcum vocabulum *κοῖλος*, quod est *cavum*. An verò cavum descendat à Græcorum *κάω* dehisco, uti Marcus Varro lib. 4. de originibus Latinis pag. 9. differit, incertum omnino est. In Veterum monumentis est JUNO COVELLA, id est, cœlestis, Varro lib. 5. de originibus Latinis, & Josephus Scaliger in annotatis ibidem pag. 80. 81. Græcum est *ἄστρον* vocabulum peregrinum, non verò domesticum, ut frustra sint Apulejus libro de mundo, Chalcidius in *Timæum* & alii, qui derivant ab alio vocabulo *ἄστρον*, quia sit terminus omnium eorum quæ sursum versus porrigunt sese. Est verò à Phœnicibus, apud quos *מֶלַח* est idem quod *lux*, & *מֶלַח* *lucidum*. Scilicet cœlum est vehiculum astrorum, & fons lucis perennis. Domesticum vocabulum est *ἡλόμακρον*, notionis ejusdem, ut sit velut *ἡλόμακρον*, quia totus clarissimâ luce ab astris prodeunte perfunditur. Uranus idiomate Phœnicico nominatur aliquis Phœnicie Regulus, apud Eusebium lib. 1. de preparat. Evangel. & confer Nicolaum Fullerum lib. 1. miscellaneorum sacrorum cap. 13.

II. **E**st corpus amplissimum.] Genus in definitione est, corpus naturale simplex.

Corpus verò naturale est, quia materiam & formam habet. Quamquam de utroque isto Cœli principio constitutivo non leves controversiæ agitentur. Quæritur: *An Cœlum habeat materiam, & quanam illa in collatione ad alia corpora naturalia sit?* Respondeo: Quod Cœlum habeat materiam, probatur argumento duplici. Unum est: Omne corpus naturale habet materiam. Cœlum est corpus naturale. Ergò habet materiam. Major constat, quia materia & forma sunt causæ internæ corporis naturalis, ut non immeritò dicat Scaliger. *Facere corpus sine materiâ, est facere somnium absque somno, & panem sine farinâ, Exercitat. 61. sect. 1. Exercitat. 359.* Alterum est: Omne quantum habet materiam. Atqui cœlum est quantum. Ergò cœlum habet materiam. Major patet, quia quantitas insequitur materiam.

III. **Q**uænam verò Cœli materia sit, an prima, an secunda; an analoga igni, an aëri, an aquæ, parùm facessere debet negotii. Uno verbo, simplex materia est. Primam enim non habemus, neque analogiam, sed proprietatem in describendo corporum naturalium statu curamus. Uti ergò cœlum habet formam peculiarem, ita & peculiarem materiam habet. Ratio est, quia inter formam & materiâ debet proportio esse. Non forma quælibet quamlibet informat materiam, sed certa certam. Quomodò in compositis alia materia est auri, alia quercus, alia canis; ita & in simplicibus, alia cœli, alia ignis, alia aëris, alia aquæ, alia materia terræ est.

Proinde Aristoteles docebat, cœlum esse *πρῶτον οὐρανόν*, quantum corpustoto genere ab elementis distinctum, lib. 1. de cœlo cap. 9. & lib. 1. Meteororum cap. 2. Ità ergò inferimus: Nobilissimo corpori debetur materia nobilissima. Atqui cœlum est corpus nobilissimum. Ergò illi debetur materia nobilissima. Elementa igitur quia variis modis invicem agunt patiunturque ab illo quidem loco exulabunt, ubi omnia durant modis perfectis citrà ullam rerum mutationem. Sequuntur Conimbricenses lib. 1. de Cœlo cap. 2. quest. 5. 6. Antonius Ruvio lib. 1. de Cœlo cap. 2. quest. 4. 6. 7. 8. 9. Tycho Braheus in libro Epistolarum pag. 106. 107. Franc. Piccolominius libro de Cœlo cap. 7. 8. 9. 12. & libro de rerum definitione pag. 197. seqq. Nicolaus Taurellus lib. 1. de cœlo pag. 168. Barthol. Keckermannus lib. 2. System. physici cap. 1. Theorem. 1.

I V. Negant alii, quod Cœlum habeat materiam ab inferiorum & subcœlestium corporum materiâ distinctam, Balthasar Meisnerus part. 1. Philosoph. sobria sect. 3. cap. 4. quest. 2. Joh. Bodinus in Theatro naturæ pag. 43. 44. 89. Daniel Sennertus in lib. 2. Epitome Phys. cap. 2. Johan. Combachius lib. 2. Institut. Phys. cap. 2. Wilhelm. Ursinus part. 2. disputationum illustr. pag. 36. 37. Goclenius lib. 2. disputat. Physicarum II. dist. 13. seqq. Disput. 12. thes. 20. seq. Sebastianus Foxius lib. 2. Philosoph. natur. pag. 120. seq. Steph. Theupolus lib. 6. Contemplat. Academ. cap. 2. 3. 4. Lud. Molina de Opere sex dierum part. 1. Disputat. 5. Otho Casmannus in Vranographi-

cis pag. 474. seq. Gilbertus Jacchæus lib. 5. Institutionum Physicarum cap. 2. Antonius Deusingius libro de mundi opificio Disputat. 10. quest. 2. 3. Nos repetimus argumentum: Quodcunque in sese habet naturam Elementorum, illud obnoxium est variis mutationibus. Atqui cœlum non est obnoxium mutationibus. Ergò cœlum in sese non habet naturam Elementorum. Major constat, quod adjunctum perpetuò sequatur naturam subjecti.

V. Excipit Casmannus: Dubio non caret, an Elementa per se sint causæ corruptionis; Licet cœlum quoad substantiam est immutabile, tamen non omnis abest mutatio, ut ipsa renovatio docet; Astrologi recentes ostendunt, mutationes quasdam in cœlo evenire; Potest cœlum esse diffusum ex uno Elemento, ut nulla qualitatum pugna metuatur, l. d. pag. 457. Respondeo: (1) Uti Elementa per se existunt causæ generationis, dum concrescunt, ità eadem sunt causæ corruptionis, dum à se invicem dissolvuntur. Hinc nihil dissolvitur, nisi quod ex Elementis concretum est. (2) Supernaturalis illa mutatio seu variatio est, videlicet renovatio in novissimo die. Quamquam non tam renovationem accidentalem, quàm substantialem abolitionem cœli & terræ futuram esse, statuamus. (3.) Mutationes illæ sunt raræ atque prodigiosæ, quæ dependent à causis occultis potius, quàm manifestis. (4) Elementa ubi sunt per modum compositionis, ubique socia sunt, nunquam solitaria. Argumentamur: Si cœli substantia Elementaris est, aut

simplex quoddam Elementum est, aut compositum ex Elementis. At neq; simplex, neq; compositum Elementare est. Ergò cœli substantia non est Elementaris. Major perse constat. Minor probatur. Non est simplex, quia non ingreditur mixtum, non generat, non componit. Neq; est compositum, quia est perpetuò eadem, & mutationem nullam subit. Et quia mundi pars una est: *verè namq; compositio corporum istorum est, quæ non sunt pars mundi, sed in mundo continentur*, ait Taurellius libro de Cœlo pag. 90.

VI. Pergit *Casmanus*: (1) In quolibet causarum genere datur una suprema, extrà quam non debemus provehi. Ergò & in genere causæ materialis deveniendum est ad unam primam materiã, quam initio creavit Deus, Mose dicente, atq; ex illâ omnia tam cœlestia quàm sublunaria corpora produxit. Si alia est materia cœli, dabitur materia suprema duplex, *Respondeo*: Negatur consequentia. Cœlum integrum est de nihilo productum, & situ distincto intrà Chaos aservabatur. Ità cum primo ortu suo peculiarem accepit naturam, neq; debet accenseri materiæ illi, quæ subiectū generationis est, atq; una est videlicet sublunaris, ultrà quam in eodem genere rerū non datur superior. (2) Quod si prima divino verbo producta materia habuit seminarium utriusque partis mundi distinguendæ, una illa habebit formas duas, quod est absurdum. Scilicet unam formam aptam ad corpus cœleste, alteram ad Elementa. *Respondeo*: Chaos erat Ens aggregativum, itaque absurdum

non est, tot formas distinctas existisse, quot distinctæ naturæ fuerunt, id est, cœli & quatuor Elementorum. Nimirum forma quælibet intrà propriam materiam concreta existeret. Quod locis separatis deinceps acceperunt sedem suam, est ab imperio Naturæ superioris. (3) Si duplex esset materia secundum speciem, cum utraque parem nobilitatem accipere non possit, sequeretur, earum unam esse perfectiorem alterâ, quod absurdum est. *Respondeo*: Nihil absurdi est in Consequente. Qualis forma est, talis est materia. Atquæ formam nobiliorem dedit Natura cœlo, quàm Elementis. Ergò cœlum habebit quoque nobiliorem materiam, quàm Elementa.

VII. Ad particulares materias veniamus. Docent quidam, cœlum ex aquis vel imbrium guttis tenuissimis compactum atque extensum esse, Chemnitius *part. 1. Locorum Theolog. pag. 295*. Simon Episcopus *lib. 4. Institutionum Theolog. sect. 3. cap. 11*. Lyserus *commentariis ad Genesim pag. 32*. Christoph. Pezelius *commentariis ibidem pag. 16*. Thomas Freigius *lib. 2. Physica pag. 50*. Peucerus *libro de divinatione pag. 337*. Martinus Becanus *part. 1. Theolog. Scholast. pag. 165*. Propterea format Scribonius definitionem: Cœlum est corpus constans ex aquâ, in firmissimam essentiam instar pellis extensa concameratum, *lib. 1. Physiologia pag. 44*. Huc applicant verba Mosis: Dixit DEUS, fiat expansum de medio aquarum, *Genes. 1. 6*. Sed nec sententia vera est, nec ratio adducta quicquam probat.

(1.) Cælum enim cum sit levissimum, & sursum feratur, & quia nullis mutationibus obnoxium est, quomodo ex aquâ velut materiâ constet, Elemento gravissimo, deorsum tendente & variis obnoxio mutationibus? (2) Apud Mo- sen non *ex aquis*, velut materiâ, sed *in aquis* dicitur expansum factum esse. Neque fieri nunc est componi & generari, sed *prodire* visibiliter, & locum suum occupare. Cælum per se creatum hactenus in rudi materiâ latebat, deinceps evocatum est ac sursum eductum. (3) Breviter: Cælum de nihilo productum est, non minus quàm terra, atque Elementa cætera. Nec verius dicitur, aquam esse cæli materiam, quàm aërem terræ.

VIII. Errant, qui dicunt cælum esse ex ignibus compactum, neque minus alii errant, qui dicunt, esse aërem. Prius asserunt Henricus Nollus *lib. 2. Physica Hermetica pag. 123 seqq.* Bernhardus Teleseus *lib. 1. de rerum naturâ cap. 2. 3. lib. 2. cap. 2. 3. 18. 19.* Jacobus Schallingius *lib. 2. Oculistica cap. 6. 7.* Dicunt: Lux est species ignis. Atqui cælum est lucidum. Ergo cælum est igneum. Item: Quodcunque movetur ut ignis, illud habet naturam ignis. Atqui cælum movetur sursum pariter & velociter, ut ignis. Ergo cælum habet naturam ignis. Item: Quicquid producit ignem, illud in se continet ignem. Atqui cælum producit ignem. Ergo cælum in se continet ignem. *Respondeo:* (1) Falsa est major, falsa quoque est minor. Lux toto genere discrepat ab igne, & in cælis haud lux est. Lucis subjectū

altra sunt, cælum ex se tenebricosum est, uti aër. (2) Negatur, quod movetur cælum. Sanè quiescit ex sese, loco supremo quem ob levitatem suam obtinet. Quod ex parte movetur, à stellarum curribus oritur, quibus cedit, atque in se iterum confluit. (3) Falsa est minor. Nullus ignis à cælo producitur, verum ope siderum congregantur igniculi de abditis terræ sinubus egressi, ut in locis supraterraneis calorem efficiant.

IX. Posterius defendunt Johan. Pena *praefatione ad Opticam Euclidis*, Jordanus Brunus Nolanus *libro de mundo*, Philippus Melanchton *lib. 2. Physica pag. 74.* Petrus Borellus *libro de usu Telescopij pag. 52. 53. 54.* David Gorlaeus *in Epitome Physicâ cap. 6. dist. 1.* Albertus Kyperus *lib. 2. Institutionum Physicarum cap. 2. dist. 5.* M. Frid. Wendelinus *in Contemplationibus Physicis part. 3. cap. 2. dist. 1. num. 6.* Johannes Hevelius *in Selenographiâ pag. 156. 157.* David Derodon *in Physica contracta part. 2. cap. 2. artic. 1. dist. 2.* Rationes adferunt: Si cælum & aër non sunt ejusdem naturæ, duplicem refractionem percipient Observationes Astronomicæ, & magnos errores admittent, quod est intolerabile. Item: Quæcunque raritate & perspicuitate conveniunt, illa sunt ejusdem naturæ. Atqui cælum & aër raritate & perspicuitate conveniunt. Ergo sunt ejusdem naturæ. *Respondeo:* (1) Ubi duplex medium per oppositas differentias in duplici subjecto est, ibi refractionis est duplicata, quandoquidem subjectum unum est corpus contiguum, alte-

alterum est corpus continuū. Atqui tam cœlum quàm aër est corpus contiguū, unde refractionis duplicitas non potest oriri, neque erroribus occasio dari. Eadem in corpore utroque est raritas, eadem perspicuitas, & manet tamen specifica diversitas. (2) Major negatur. Neque enim convenientia quarundam affectionum infert naturæ identitatem. Ad hanc probandam requiritur convenientia affectionum omnium. Conveniunt equidem raritate, cæterum differunt multipliciter, uti patebit, cum operationes naturæ considerantur, quæ tum in cœlesti aurâ, tum in aëre eveniunt.

X. Magis etiam aberrant, qui cœlo materiam detrahunt. Iacobus Zabarella contrà Thomam sese armat, & prolatis authorum suffragiis, Averrhois, Theophrasti, Alexandri, Ammonii, Themistii, Iamblichii, Simplicii, Olympiodori, Michaëlis Ephesii, Iohan. Philoponi, deinde rationibus adjectis, conatur evincere, quod Cœlum sit corpus simplex, materiæ & formæ expers, *libro de naturâ Cœli cap. 2. 6. 7.* Rationes sunt duæ: (1) Quicquid habet materiam, illud est corruptibile. Atqui cœlam non est corruptibile. Ergo non habet materiam. Major constat; Materia est subiectum privationis, ubi privatio est, ibi est formæ novæ appetitus, quem corruptio sequitur. (2) Quia pulchritudo Universi requirit, ut in naturâ existat corpus aliquod simplicissimum, in quo nullum vestigium materiæ deprehenditur. *Respondet:* (1) Major limitatur: Quicquid habet materiam *compositam*, uti est in corpori-

bus mixtis, quæ ex diversis naturis invicem unitis constant, illa vergunt ad corruptionem. Negatur verò de corpore illo, quod habet materiam *simplicem* & immutabilem. Stellæ materiam habent, neque tamen corrumpuntur. Et quis vidit ignem, aërem, terram, aquam corrumpi? Corpora hæc sunt, & materiam simplicem habent. (2) Negatur consequentia. Quod enim corpus ita simplex requiratur ad naturæ pulchritudinem, ratio nulla indicat. Ut mirum adeò sit, istam Zabarellæ opinionem ob easdem rationes, approbare voluisse Redemptum Barazanum *lib. 1. de Cœlo pag. 52. seqq.* Archangelum Mercenarium *Tomo. 1. dilucidationum Peripateticarum pag. 119. 120.* Georgium Ragulæum in *Collegio Physico disputat. 13.*

XI. Pari jure cœlo addimus formam. Constat ex Metaphysicis, quod forma sit duplex, informans & assistens. Quæritur, *utrum cœlo insit?* Respondeo: Formam informantem cœlo detrahunt, & assistentem ei reddunt Zabarella *libro de naturâ cœli cap. 8.* Franciscus Piccolomineus *libro de Cœlo cap. 19.* Archangelus Mercenarius *Tomo 1. dilucidationum Peripater. pag. 68. seq.* Gilbertus Iacchæus *lib. 5. Instiuit. Physicarum cap. 8.* Nicol. Contaræus *lib. 5. de rerum perfectione cap. 1.* Bened. Pererius *lib. 9. Philosoph. naturalis cap. 3.* Hippolytus Pindemontius *libro de mundo cap. 18. 19.* Franciscus Titelmannus *lib. 7. Considerat. Physic. cap. 11.* Nimirū, quæ sit Genius movens extrinsecus in orbem, ut incessanter rotando circà terrâ convertatur totum. Verū nos contrarium statuendo, motum pariter ac Genium moven-

tem, quem ipsi vocant *formam assistentem*, cœlo detrahimus, & formam veram, quæ informans est, loco restituimus. Argu-
mentamur: (1) Omne corpus naturale habet formam. Cœlum est corpus natu-
rale. Ergo cœlum habet formam. Major
patet, quia forma est altera causa interna
sive pars essentialis corporis naturalis.
Minor est in confesso, imò ut Pererius
dicit, *cœlum est præstantissimum inter omnia
corpora naturalia*, lib. 2. Philosoph. natu-
ral. cap. 6. At quomodo præstantissimum
fuerit, si caret formâ informante, quæ
corporibus naturalibus aliis inest, & me-
rito quidem, velut pars substantialis?
(2) Quodcunque operatur per qualita-
tes suas, illud formam habet. Atqui
cœlum operatur per qualitates suas. Ergo
cœlum formam habet. Major constat;
Uti quantitas materiam, ita qualitas inse-
quitur formam.

XII. Excipit *Piccolominéus*: Puto ex
sententiâ Aristotelis in quolibet cœlo
hanc solam esse compositionem ex orbe
& Intelligentiâ, adeò ut in primo Orbe
præter Deum alia Intelligentiâ movens
haud reperiatur, ut etiam in cæteris orbi-
bus sola reperitur Intelligentia movens,
& orbis, quod est corpus mobile omnino
simplex, non constatum ex aliâ formâ ab
Intelligentiâ distinctâ, quæ Intelligentia
itâ se habet, ut ob varia ejus munera no-
minibus variis denotetur. Nam Deus ut
providens & suprâ Mentis alias positus,
veluti caput earum, dicitur providentia,
vel suprâ mentem constitutus. Insuper
unaquæque, ut movet, dicitur motor cœ-
li; uti se & supera apprehendit, dicitur
mens; uti dat cœlo vitam, dicitur anima;

ut movet cum conditione agentis per
naturam, & producit motum naturalem,
dicitur natura. Quamvis propriè in cœlo
Natura dicatur essentia orbis, ut procli-
vis ad motum suum, *libro de cœlo cap. 17*.
Respondeo: [1] Impossibile est, ut cœ-
lum ex orbe & Intelligentiâ compona-
tur. Neque enim vel orbes materiales
in cœlo sunt, vel Intelligentiæ movent
cœlos, sed totum cœlum liquidum est, to-
tum quiescit, in partibus movetur ubi
stellæ currunt, formam simplicem in
materiâ simplice habet. Præterea sic
arguò: Nullius rei pars est illud quod
externum est. Atqui motores Genii
secundum Peripateticos, externè
assistunt. Ergo nec pars nec princi-
pium cœli esse possunt. Itâ navis ex
lignis tabulis & rectore clavi non com-
ponitur. (2) Absurdissimum est, quod
Deus cœli & terræ opifex eminentissi-
mus veniat in compositionem cum nullâ
creaturâ, ut sit pars compositi, vel for-
ma ejus. Quâ veritate ergo Piccolo-
minéus orbi supremo Deum alligat, infi-
nitum illum & totius Universi, non unius
cœli supremi curatorem? (3) Appellatio-
nes varæ Geniorum an sint, annon sint,
parùm curamus, quia rationes denomi-
nandi à Piccolominéo allatæ partim falsæ,
partim obscuræ sunt. Non movet genius,
neq; movetur cœlum, q; igitur non est, nō
potest causæ agentis denominationem ad-
dere. Falsū opidò est, *quod cœlo dent vitam*.
Atqui cur non etiâ dant intellectū? Quis
dicat, nautam clavi rectorem dare navi-
gio vitam atque intellectum?

XIII. Instat *Piccolominéus*: (1) Aristote-
les ostendit lib. 8. *Physicor.* in mobili-
bus

bus deveniendum esse ad aliquod primum, quod ex se movetur. Huiusmodi ait esse cœlum. Insuper: Quicquid ex se movetur, illud constat motore & parte mobili. Cœlum ex se movetur. Ergo constat motore & parte mobili. (2) Omne quod est, vel est pura potentia, vel purus actus, vel compositum. Cœlum neque potentia est, neque purus actus, sed est compositum ex actu & potentia, ex forma & materia, & quia est vivens, ideo forma ejus est anima, libro de Cœlo cap. 18. 19. 20. 21. 22. Respondeo: Nihil Piccolomineus partim nudam, auctoritate Aristotelis, partim falsis postulatis. Frivolum est argumentum ab Aristotelis nudam auctoritate petitum. Falsum est, quod cœlum sit mobile primum. Impertinens est, quod in omni mobili differant motor & pars mobilis. Motor quivis externus efficit motum violentum. Arguo: Quodcunque extrinsecâ operâ movetur, illud non movetur, à se. Atqui cœlum operâ extrinsecâ movetur. Ergo cœlum non movetur à sese. Major est Aristotelis lib. 2. Physicor. cap. 1. text. 3. ubi ait, naturam esse principium motus in quacunquere, quâ à sese movetur. Minor est adversariorum & ipsius Piccolominici. Conclusio directè evertit argumentum suprâ ex Piccolominéo allatum. Falsum est, quod animatorum proprium sit, movere seipsa. Verum est, quod cœlum non sit purus actus. Atque inferimus inde, quod materiâ sit, quod compositum sit. Infert Piccolominicus: Vivens est, forma ejus anima est. Ubi veritas? Negamus, quod vivat cœlum, quodque animatum sit.

XIV. Astrorum receptaculum.] Pro-

pria quâdam loco differentia ponuntur, quoniam vera forma cœli nos latet.

XV. Ejus notentur affectiones & effectus. Affectiones sunt quantitas, subtilitas, perspicuitas, immobilitas, rotunditas. Quantitas est, quâ subcœlestia omnia ambitu suo complectitur. Astrorum maximæ quantitatis domicilium est, totamque Elementorum copiam ambit & continet. Quæritur: An cœlum sit in loco? Respondeo: De loco cœli inveniendū mirè se angunt & pungunt Interpretes. Gilbertus Iacchæus scribit: Primum mobile, cum non ambiatur ab alio corpore, non videtur esse in illo, lib. 4. Instit. Physicarum cap. 6. Respondeo: Falsum est suppositum, quod locus sit superficies corporis continentis seu ambientis. Pergit: Repetendum itaque, locum cognosci ex motu locali, motus verò localis est tantum triplex, vel enim est à centro, vel ad centrum, vel demum circa centrum. Qui motus circularis est, ac cœlo deberetur. Respondeo: Non est ita! Quod si enim à motu locali dependet positio locati, certè terra in loco non esset, quia non movetur localiter. Et arbor in loco suo immobilis quiescit. Falsum insuper est, quod motus circularis in cœlo sit. Cœlum uti corpus levissimum movetur motu illo, qui est à centro sursum, non verò movetur circa centrū, qui motus solum astris competit.

XVI. Descripsit opinionem illam Iacchæus à Brunone Seidelio lib. 1. Rudimentorum Physicorum pag. 113. 114. & Pterio lib. 11. Philosoph. natur. cap. 9. qui Alfarabium & Ægidium Romanum sequuti dant cœlo locum reductivum, quatenus perpetuò in orbem movetur. Rationes adfert Pterius: Locus naturalis convenit solum corporibus iis, quæ

habent motum rectum: Corpus quâ corpus non indiget loco, à quo continetur, secus omne corpus indigeret loco, & progressus in infinitum esset quâ loca & corpora locata: Cælum non indiget loco, à quo conservetur, quia ejus substantia est incorruptibilis: Locus quæritur propter motum localem, ergò qualis est motus, talis etiam est locus. Atqui cælum non habet motum rectum, ut elementa, sed circumalem. Ergò nec ejusmodi locum habet: Cælum movetur circum medium. Ergò talis debet illi assignari locus, qui motui isti conveniat: Motus circumularis non fit ad locum, sed circum locum, id est, centrum. Cum ergò locus & motus sibi debeant invicem respondere, sequitur, quod centrum sit locus: Locus naturalis est, in quo corpus quiescit. Atqui cælum totum quiescit & nunquam mutat locum propter centrum, à quo semper æquali intervallo distat. Ergò centrum est locus ejus, Hæc Pererius l.d.

XVII. Respondeo: (1) Si tantum corporibus illis convenit locus, qui habent motum rectum, non debet cælo derogari locus, quod corpus levissimum est ac sursum movetur. Rursum; Si tantum corporibus illis convenit locus, quæ habent motum rectum, ergò terra utpote corpus quiescens, non erit in loco? Et sidera non erunt in loco, quæ moventur in orbem. Absurdum! (2) Corpus omne est in loco propter quantitatem, & verò falsum est, quod inde existat progressus in infinitum, cum Natura sit finita. (3) Cælum indiget loco, quia corpus naturale est, quod in loco esse, necesse est. Adeoque conservatur in loco suo, quatenus ex illo non

deturbatur unquam. (4) Non solum à motu est, quod corpus naturale in loco est, sed quoque à quiete, uti manifestè constat de terrâ. [5] Negatur, quod cælum moveatur. Et quamvis rota moveatur circum absidem, non tamen inde absis est locus, in quo rota est, per inde centrum non erit locus, in quo cælum est. [6] Negatur illa connexio loci & motus, quod enim corpus naturale in loco est, à quantitate est, non verò à motu est. (7) Cælum totum quiescit, tantum quod in partibus motu vago ob stellas currentes moveatur. Nihil hoc ad centrum, ut locum cæli efficiat. *Argumentamur*: Quodcumque non habet loci proprietates, illud non potest loci nomine appellari. Atqui centrum respectu cæli non habet loci proprietates. Ergò centrum respectu cæli non potest loci nomine appellari. Minor constat per inductionem applicando illa, quæ suprà lib. 2. cap. 3. dist. 6. prolixè diximus. Breviter: Locus debet continere & conservare locatum, eoque huic æqualis esse. Centrum verò non continet auram cælestem, ac potius ab eâ continetur, uti sensus testantur.

XVIII. Pergit Iacchæus: *Aristoteles agit de loco Elementorum tantum*. Respondeo: Nō de illo tantum loco egit, nec agere potuit, cum multa corpora sint, & in loco sint, præter quatuor Elementa. Instat: *Locus primi mobilis est centrum ipsum*. Non est, sed locus primi mobilis est spacium quo continetur. Addit: *Cælum siquidem movetur localiter, non quod unum locum relinquat & alium occupet, sed perpetuò volvitur circum centrum, in quo veluti quiescit, nec enim unquam à centro cælum transferri potest.*

test. Atqui contradictoria sunt quiescere & moveri. Et quoniam cœlum non potest à centro dimoveri, frustra dicitur, quod moveatur localiter. Rapidissima flumina moventur semper, ita verò ut non mutant alveos, & tamen sunt in loco naturali, locumque mutant quatenus moventur. Quicquid movetur localiter, illud ab uno loco ad alium movetur, aut non movetur. Cœlum non tendit ab uno loco in alium. Ergò nec movetur, id quod verissimum est. Quid ergò dicemus? *Aristoteles in hoc negotio non sat i mentem suam declaravit, ait Julius Pacius notis ad lib. 4. physicor. text. 46.* Sanè expressè dicit, τὸ ἐξ ὁμοῦ ἐκτόπου εἶναι, lib. 4. physicor. text. 32. Hoc idem tamen negat lib. 4. Physic. text. 22. 45. lib. 1. de cœlo cap. 7. & 9 text. 69. 97. 100. Et *Johan. Casus* scribit: | Negat Aristoteles, cœlum eise in loco, quia non est corpus ulterius, à quo circumscribatur, at affirmat esse in loco per accidens. Negat, affirmat, dubitat, vacillat, nescit quid dicat, lib. 4. commentariorum Physicarum pag. 564.

XIX. Bartholomæus Keckermannus vult litem distinctione tollere: Cœlum, inquit, non est in loco externo, nullum enim est corpus, quod id contineat; est tamen in loco interno, quia non tantum certam, sed & pulcherrimam maximèque perfectam partium trinâ dimensione ad convenientem toti mundo distantiam & situationem obtinet, lib. 1. System. Physici cap. 6. & lib. 1. de Loco cap. 12. 13. Verùm quod ista Keckermanni conciliatio non sit verò consentanea, dictum est *suprà lib. 2. cap. 3. dist. 13. 14.* Breviter; Si totum

cœlum est locatum, & verò impossibile est, ut idem in seipso locetur, quis tandem erit cœli locus? Nullus. Ergò relinquatur quæstio integra.

XX. Porro, quod cœlum in loco sit, negant Conimbricenses lib. 4. Physicorū cap. 5. quæst. 5. Antonius Ruvio lib. 4. commentariorū Physicorum pag. 353. seqq. Franc. Toletus lib. 4. commentar. Physicor. cap. 5. quæst. 7. Cæsalpinus lib. 3. disceptationum Peripater. quæst. 2. Joh. Calus lib. 4. commentar. Physicorum pag. 566. Philippus de Trinitate in Summa Philosophica lib. 4. Physica pag. 662. seqq. Nicolaus Masius commentariis ad lib. 4. Physicorum pag. 124. seqq. Piccolominéus libro de communibus affectionibus cap. 10. Franciscus Murcia lib. 4. Physicorum Disputat. 1. quæst. 5. Franciscus Arretinus notis ad commentaria Scoti lib. 4. Physicor. pag. 369. 370. 371. Nos verò affirmamus cum Julio Scaligero Exercitat. 5. sect. 2. 3. Nicolao Taurello Disputatione de Loco dist. 23. & lib. 3. Alpium Cesarum quæst. 2. Bernh. Telefio lib. 1. de rerum natura cap. 28. Joh. Combacchio lib. 1. Institution. Physicarum pag. 190. Joh. Henrico Alstedio lib. 7. Encyclopadia part. 8. Physica cap. 4. theorem. 8. Rationes sunt istæ: (1) Omne corpus sensibile est in loco. Cœlum est corpus sensibile. Ergò cœlum est in loco. Major est Aristotelis lib. 4. Physicor. text. 46. Minor plana est. (2) Quicquid naturaliter & localiter movetur, illud est in loco. Atqui cœlum movetur naturaliter & localiter. Ergò cœlum est in loco. Minor est recepta apud Interpretes. Quoniam verò nostra sententia est, cœlo quieto moveri astra, inde tamen parem inferimus consequen-

quentiam: Omne quiescens in loco suo quiescit. Cælum est quiescens. Ergò in loco suo quiescit. Est autem illa cæli quies naturalis, haut violenta. (3) Cujus partes omnes sunt in loco, ipsum totum quoq; est in loco. Atqui cæli partes omnes sunt in loco, quòd extrà controversiam est. Ergò cælum totum quoque est in loco. (4) Quicquid non est in loco, illud non est alicubi. Atqui cælum est alicubi. Ergò cælum est in loco. Major patet: Quicquid non est in loco, illud est nuspiam locorum. Omnes enim illa, quæ sunt, alicubi esse, arbitrantur, dicente Aristotele lib. 4. *Physicor. cap. 1. text. 1.* Estq; cælum in loco circumscriptivè, non quia ab extrinseco aliquo (quod nuspiam est, 4. *Physic. text. 45. 1. de cælo text. 69 97. 100.*) circumscribitur, sed quia ob circumscriptas dimensiones suas in spacio certo est, in quo & partes ejus & ipsum totum congruo modo situm habent.

XXI. *Subtilitas est, quæ cælum est liquidum.*] Liquidum puta, ut sit rarum, perivium, fluidum, perinde uti aëris Elementum, in quo homines & bruta vivunt, subtile est, ut motui ac progressibus horum cedat. Ità docent Johan. Pena *presat. ad Opticam Euclidis*, Cunradus Asladius lib. 2. *de cælo siderio cap. 12.* Otto Casmannus in *Vranologicis pag. 387. seqq. & in Astrologicis pag. 233. seqq.* Hieron. Zanchius lib. 2. *de operibus creationis cap. 2.* Dan. Sennertus lib. 2. *Epitomes Physicæ cap. 2.* Taurellus lib. 2. *de Cælo pag. 523. 524.* Sebast. Foxius lib. 2. *Philosoph. naturalis pag. 121. 122.* Franc. Ovièdo in *Cursu Philosophico tractatu de Cælo sect. 1. 2. 3. 4.* Eusebius Niremburgius lib. 2. *historia naturalis cap. 11.* Demonstrant ra-

tiones: (1) Quia Observationes Astronomicæ in periculo magno versantur, ne ob duplicatam refractionem certa siderum loca inspiciantur. Quodcumq; enim per medium duplex, & quidem contiguum seu rarum unum, continuum seu durum alterum, cernitur, incerto loco videtur, neq; potest validam à testimonio sensuum autoritatē obtinere. Dicit Keckermannus: Limitatur regula Optica, *quæcumq; videntur per corpus solidum & fluidum*, ita ut corpus solidum sit crassum, illa duplicem refractionē sustinent. Atqui sic minor est falsà. Cælum quidem est solidum, attamen est multis modis tenuius quàm aër, lib. 2. *Systemat. Physici cap. 2.* Respondeo: Non procedit limitatio. Manet enim duplicata refraction, quod aër sit contiguum corpus, & verò cælum statuatur esse totum continuum. Ubi igitur sunt diversa media, per quæ radii visivi transeunt & refranguntur, ibi non est refraction simplex, neq; apprehendit visus objectum citrà errores multiplices. (2) Quia cælum dat liberum transitum astris, ut in orbem decurrant, ut sursum versus emittendo longius à terrâ in apogeo, & deorsum versus redeundo ad terrâ convertant sese propius in perigeo. Atqui nō possent astra ità liberè moveri, quando cælum esset solidum & durum. Errant *Conimbricenses*, dum ex Alexandro *Aphrodisiensi* ponunt theorema: Cælum non est naturæ fluidæ, sed consistentis & solidæ, lib. 1. *de Cælo cap. 3. quest. 1. art. 4.*

XXII. Tuentur idem Antonius Ruviolus lib. 1. *de cælo cap. 3. quest. 2.* Pererius lib. 2. *Commentariorum ad Genesin quest. 9. n. 37.* Johan. Poncius Legionensis in *Cursu Philosophico Disputat. 22. Physicæ quest. 6. 7. 8.*
Scipio

Scipio Cæsénas Claramontius *lib. 7. de Vniuerso cap. 1.* Philippus de trinitate in *summâ Philosophicâ lib. 1. de Cælo pag. 57. seqq.* Barthol. Keckermannus *lib. 2. System. Phys. cap. 2.* Joh. Henricus Alstedius *lib. 7. Encyclopediæ part. 2. Physicæ cap. 2. Reg. 3.* Rodolfus Goclenius *lib. 2. Disputat. Physicæ 12. dist. 29. seqq.* Expendamus rationes eorû. Dicunt: (1) Scripturæ testatur, cælum esse firmum instar æris aut speculi fusi, Jobi 37. 17. 18. *Respondeo*: Non pertinet dictum hoc ad quantitatem cæli, verùm ad qualitatem ejus. Scilicet in se est constantis & benè firmatæ durationis, quomodò æris laminæ ductiles firmiter durant; estq; speculari simile, ob extensionē, & quod reflexionem in oculis intuentium efficit, uti speculum refert formam insipientis. Rectè ita monet Franciscus Junius in *notis ad h. l.* Ubi non proficit exceptio *Keckermanni*; Similitudo constare sibi debet. Atqui speculare fustum habet partes continuas. Ergò & cælum. *Respondeo*: Non est comparationis tertium continuo, sed in dispositione totius, quæ in utroque comparatorum est talis, ut extensionem habeat, utque refulgeat. (2) Quodecunq; est fluidum, illud potest dissipari, ut modò augeatur, modò contrahatur, neque eandem semper obtineat magnitudinem. Atqui cælum non potest dissipari, non augeri, neque contrahi. Ergò cælum non est fluidum. *Respondeo*: Major negatur. Non enim idè aliquid dissipatur, quia liquidum seu fluidum est, sed quia ab externo agente impellitur & disturbatur, ut partes ejus extrâ ordinem ruant. Nihil tale est in cælo, in quo astra moventur naturali proclivitate, &

motui horum cedit astra, inque seipsam redeundo nec vacuum relinquit, nec partium situm evidenter perturbat. (3) Quodsi cælum dissipatur, omninò propter fugam vacui evitandam aliud corpus inferius adscendere debet, quod succedat, cum partes cæli à se invicem divelluntur. Atqui posterius absurdum est. Ergò & prius. *Respondeo*: Negatur, quod cælum dissipatur, aded quæ frustra sollicitos labores apprehendimus, à quo vacuum debeat suppleri, cogitando. Liquida sunt naturæ ejus, ut permittant eundem transitum, & in se redeundo, ex se vacuum suppleant, non verò aliunde subsidia impetrent. Constat de aquâ & aère. Præbet aqua transitum hominibus, aër volucribus, & tamen nec dissipatur aqua, nec peregrinum aliquod supplementum petit aër, potius in se ipsam redit aqua, redit aër, & alterius liberalitate non indigent. (4) Quia cælum appellatur firmamentum, Genes. 1. 6. *Respondeo*: Ebræum est *רָקִיעַ* quod benè vertit Castalio, *liquidum*. Optimè Pagninus & Fremellius *expansum*, & similitudo desumpta est à tentorio castrænsi, quod paxillis velut depangitur & firmatur ad terram, *Psal. 104. 2.* Sic Ovidius: *Et liquidum spisso secrevit ab atbere cælum*, *lib. 1. Metamorphos.* Neutiquâ hinc inferas, cælū solidū esse, ut prolixius diximus libro de Creationis operibus *Exercit. X 11. dist. 1. 2.* & confer Nicolaum Fullerum *lib. 1. miscellaneorum sacrorum cap. 6.*

XXIII. *Per spicuitas est, quæ cælū non terminat visum.* Est enim corpus rarissimū & tenuissimū, unde cōsequitur, invisibile esse & nō terminate visū: Demonstratur:

Quæ-

Quæcunq; cernuntur oculis, illa per radios cernuntur. Atqui corpus tenue non potest cerni per radios. Ergò corpus tenue non cernitur oculis. Minor constat: Radii visivi in corpore subtilissimo & pellucido non possunt terminari. Quod visum terminat, solidum corpus est, densum est. Cælum, aër, ignis corpora solida non sunt, adeoq; oculos hominû fugiendo, per effecta solùm cognoscuntur.

XXIV. Breviter: Cælum est perspicuum, quando quidem per lumen aliundè illapsum, idoneum colorata videnti medium est. Lumen inquam aliunde illapsum, namque in se lucidum non est. Ratio hæc est. Quod lucidum est, continuum est. Cælum non est continuum. Ergò cælum non est lucidum. Major probatur: Lucent astra: ignis pabulo immixtus, aqua purior, gemmæ. Eaq; omnia corpora continua sunt. Lucidum esse cælum, asserunt Franc. Piccolominéus *libro de Cælo cap. 28.* Redemptus Baranzanus *lib. 1. de Cælo pag. 147. 148.* Alexander de Angelis *lib. 1. contra Planetarios conjectores cap. 1.* Scarmillonus *lib. 1. de Coloribus pag. 27.* Nicolaus Contarenus *lib. 5. de perfectione rerum cap. 4.* Rationes adferunt, tum quod cæli partes homogeniæ, videlicet stellæ & via Lactea luceant, itaq; cælum ipsum velut totum, perinde lucidum sit: tum quod cælû agat in sub-lunaria mediante luce. *Respondeo:* (1) Negatur, quod stellæ sint partes cæli homogeniæ. Stellæ sunt in cælo, veluti locatum in loco, & perambulant motu suo cælum, quomodo volucres in aëre moventur, pisces in aquis. Quis inferat, partes aëris esse volucres, partes aquæ es-

se pisces? (2) Negatur, quod cælum beneficio lucis agat in subcælestia. De stellis verum quidem est, & lucere illas, & vires suas communicare ad hæc inferiora; de cælis verum non est, quorum effecta in sub-lunariis obscura sunt, à luce non sunt, quia in se ne minimum lucis habent.

XXV. Quæritur: *Vnde sit cæruleus color iste qui in cælo videtur, quando serenum est?* Respondeo: Cælum invisibile est, ideoq; coloratum non est. Equidem *De-rodon* scribit: Color cæruleus non est in cælo siderio, sed in aqueo seu in aquis supracælestibus ex reflexione radiorum Solis vel stellarum fixarum, eo ferè modo quo similiter color cæruleus apparet in mari, lacubus & fluviis in reflexione radiorum Solarium ad oculos nostros, *part. 2. Physica contraëta cap. 2. artic. 9. dist. 11.* Verùm nusquam sunt tales aquæ supracælestes. Et color ille cæruleus, qui in cælo videtur, apparens est potius, quàm realis. Non secus quàm aër propè silvas & montes conspectus apparet cæruleus, quamvis in se talis non sit. *Scaliger* causam rei in corporis raritate quærit: Neq; cælum, *inquit*, videtur ipsum, transmittit enim radios superiores. Neque enim cæruleus color, qui videtur, ullus in cælo est, sed propter distantiam translucidi partes propter densitatem in rectâ lineâ præbent speciem corporis condensati. *Et alibi:* Videtur color aliquis esse cæli, qui cæruleus dicitur. Videri tamen potius quàm esse arbitrandum est. Nam & aër cum propè nos nullum habet colorem, procul habere videtur tamen. Ratio est, quia densatur, non per compositionem partium, sed

sed, uti dicebamus, per dispositionem. Distantia namque multas repræsentat partes visui, dispositas per longitudinem in lineâ visuâ, ut sit eadem ratio visionis in corpore rarò productæ in longum, & ejusdem in eodem corpore condensato, atque in brevitatem coarctato, *Exercitat. 61. sect. 3. Exercit. 66. sect. 1.*

XXVI. Similia habent Contarenius *lib. 5. de Elementis pag. 233.* Athanasius Kircherus in *arte magnâ lucis & umbræ lib. 1. pag. 70. 71.* Nicol. Taurellus in *Casis Alpi- bus lib. 5. quæst. 7. dist. 8.* At Sebast. Basso minus consentit, nobisque difficultatem hanc magis intricatam reddere conatur; Aliquid esse, *inquit*, hunc colorem si negent; sensus iudicio rei fuerint. Afficitur oculus & patitur. Ergò ab aliquo. Quid illud est? quid, inquam, oculum proximè afficit? an species seu qualitas? Fateantur necesse est, aut suam ejurent sententiam. Quæro, à quo objecto manat, vel unde ducit originem hæc species? Necesse est proculdubio eam aliunde venire. At non datur locus, unde talis species procedat. Quo vis enim loco designato, si quis eò deferretur, certum est eum talem colorem ibi non reperiendum. Cum tamen quò propius adiret locum ipsius originis, necesse esset eam speciem oculo validius imprimi. Si enim species est, ut volunt, ab aliquâ virtute deferatur in oculum ipsorum, juben- tur principia & rationes. Virtus autem illa in origine sua debuit esse potentior. Experientia enim est, nos remotos rem minus videre. Quia (si illis credimus) vis objecti viâ longitudine fatigatur. Cur ergò vicinus principio co-

lorem hunc non videam? vel cur hæc vis, quæ talem imprimit oculo speciem, ortui suo vicina minor sit? Quænam est vis ea? quænam hæc species, vel undè provenit? *lib. 11. Philosophiæ naturalis pag. 518. 519.* Respondeo: Frustrâ visibilem desiderat speciem, ubi merus oculorum error est. Non adest hîc ob- jectum visibile, quod visibilem de se spe- ciem emittit. Hoc enim si esset, error non esset. Neq; etiam ullus speciei istius quærendus est ortus. Quod enim non est, nec principium nec finem habet.

XXVII. Magis ergò placet *Scaligeri & Kircheri* sententia, pro quâ evolvendâ porro inquirendum est, cur ab illâ mediâ dispositione offeratur nostris oculis color cærulius magis quàm alius? *Respon- deo:* Bartholinus pro causâ adfert opaci- tatem; *Silvæ, ait*, & montes ex longius dis- sito loco conspecti, cærulium osten- tant colorem, quia nimirum actu perspi- cuum tenebris excipitur, & quasi opaci- tate, ut cærulius videatur esse illustratæ tenebræ. Et certè exceptas primum lumine tenebras cærulei luminis appa- rentiam facere, palam sit ex nigerrimo fumo, quimodico lumine concepto & reflexo cærulius est. Sic aërem inferio- rem, in quo degimus, verisimile est ibi apparere cærulium, ubi tanquam ob- scurior radiis luminum cælestium nonni- hil illustratur, *lib. 3. System. Physici cap. 3.* Verùm cum tenebræ privativum aliquid sint, colorem efficere non possunt. Hic enim positivum aliquid est, & causam re- quirir generis sui. Neque etiam verum est, *interdiu actu perspicuum tenebris excipi.* Ubi enim fuerint tenebræ tunc cum dies

est, cum Solis jubar clarissimum omnibus locis fugat atras tenebras? Fumi cæruleus color est ab aquis resolutis. Quæ eadem causa est cærulei coloris in cælo undique sereno. Nubes puriores in ære vagantur, & Solis luce perfusæ colorem cæruleum aquis resolutis proprium, nobis per æra interpositum cernentibus offerunt.

XXVIII. *Immobilitas est, quæ cælum quiescit in loco suo.*] Acerrimis litibus invicem de motu cæli permiscunt omnia Zabarella, Piccolomineus, Scaliger, Cæsalpinus, Mercenarius, Ruvijs, Adrianus Romanus, Conimbricenses, Pererius, Toletus, Complutenses, Oviedo, Kermannus, Jacchæus, Arniseus. Frustrâ vero, quandoquidem laborant de re aliquâ, quæ non est. Nos quidem cælo tribuimus motum illum qui est sursum; est enim levissimum & purissimum, ut vi primæ originis obtineat locum supremum, quomodo terræ convenit motus deorsum, est enim gravissimum & impurissimum, ut merito suo obtineat locum infimum. Sed quod vulgò asseritur, cælum motu rapidissimo in orbem à se circumvolvi, non assentimur Brachæum secuti, quem defendunt Cunradus Aslachus libro 2. de Cælo cap. 23. Otto Casmannus in *Vranologicis* pag. 550. seqq. Rem demonstrabimus argumento: Quodcunque corpus contiguum est, illud non potest motu suo & perpetuo circumvolvi. Atqui Cælum est corpus contiguum. Ergo Cælum non potest motu suo & perpetuo circumvolvi.

XXIX. Pro contrariâ sententiâ defendendâ omnem lapidem movent Conimbricenses lib. 1. de Cælo cap. 2. quæst. 3.

Quærent: *An motus ille circularis per naturam insit cælo?* Affirmant cum Averroë, Thomâ, Philopono, Simplicio, Capreolo, Egidio Romano, Soncinate, Bonaventurâ, Antonio Zimarâ, & rejiciunt Avicennam, Albertum Magnum, Scotum, Durandum, Richardum Medioburgensem, qui motum illum cælis inesse ajunt præternaturaliter. Addunt rationes duas. *Prima* est: Omnibus rebus naturâ indita est inclinatio ad perfectionem suam. Atqui motus circularis est perfectio cæli. Ergo Cælis naturâ indita est inclinatio ad motum circularem. *Secunda* est: Omne corpus naturale vendicat sibi aliquem motum naturalem, 1. *Physicor. cap. 2.* Atqui cælum est corpus naturale, quod constat formâ & materiâ. Ergo cælum sibi vendicat aliquem motum naturalem, qui non est alius quàm circularis. *Hæc illi & cum illis Antonius Ruvijs lib. 1. de cælo cap. 2. quæst. 2. Pererius lib. 7. de Philosophiâ naturali cap. 6. seq. Franciscus Toletus lib. 2. Physicorum cap. 1. quæst. 3. Nicolaus Contarenus lib. 5. de perfectione rerum cap. 3. Franciscus Murcia part. 2. Cursus Philosophici pag. 119. 120. Stephanus Theopolus lib. 8. Controvers. Academicarum cap. 7. seqq. Piccolomineus libro de Cælo cap. 30. seqq. Arniseus in Epitome Physicæ pag. 199. seqq.*

XXX. Rationes illæ manifestâ petitione principii laborant. *Prima* dicit, quod motus sit perfectio cæli. Quod nos aperte negamus. Aut enim motus ille est perfectio cæli ratione cæli ipsius, aut ratione sublunarium. Non illud, quia non minus quies est perfectio corporis ejus quod naturâ suâ permanet in loco, ac motus est perfectio corporis alterius quod

quod naturâ suâ locum subinde mutat. Non hoc, quia influentiam suam communicare potest etiam si quiescat, uti concedūt ipsi Conimbricenses *lib. 2. de Cælo cap. 3. quæst. 4.* Argumentamur: Natura semper operatur alicujus boni gratiâ. Ergo & motus cœli naturalis, si aliquis talis est, referri debet ad finem aliquem naturæ consentaneum. Nullus verò motus hujus finis, siue cœlum ipsum, siue sublunaria consideres, allegari potest.

XXXI. Regerunt *Conimbricenses*: Corpora cœlestia, dum perpetuò circumaguntur, & in mundum sublunari influentias demittunt, repræsentant motum intelligibilem divinæ mentis, imitanturque pro captu suo divinam bonitatem causæ primæ, rebus omnibus creatis sese communicantem. Atque hic est finis, quem motu suo appetit cœlum. Eum verò assequitur, omnium sublunarium ortus & occasus promovendo, quadripartitam anni temporum varietatem, hyemis, veris, æstatis, autumnus, simulque multiplices rerum nascentium proventus secundo naturæ partu invehendo, potissimum verò præparando materiam ad generationem hominis, cujus usui omnia inferuiunt, unde legitur *Deuter. 4. 19.* corpora cœlestia facta esse in ministerium populis omnibus, *l. d. Artic. 3.* Respondeo: Figmentū est, quod de motus causæ primæ repræsentatione obtundunt, multis inanibus verbis quidem exornatum ab Andream Cæsalpino *lib. 2. disceptationum Periparet. quæst. 5.* sed nullis firmis rationibus innixum. Homo solus diuinæ imaginis compos atque adedò conditus est, ut factis suis Deum imitetur, *Genes. 1. 26, 27.*

De cælo verò hoc verum est, quod aspectu suo impellat hominem, ut tam elegantis opificiū conditorem agnoscat celebretque, *Psalm. 19. 1. 2. 3. Roman. 1. 19. 20. 21.* Temporum vices & dimensiones non sunt à cælo in orbem mobili, sed à stellis per orbitam suam legibus suis certo ordine decurrentibus, *Genes. 1. 14. 15. 16.* Atque hoc est ministerium illud progentibus omnibus exhibitum, quod celebrat Moyses, *Deuter. 4. 19.*

XXXII. Secunda ratio falsam habet majorem. Non certè movetur omne corpus naturale, uti patet exemplo terræ. Hæc corpus naturale est, mobile non est. Proinde & cœlum non desinit esse corpus naturale, quamvis immobile quiescat in loco suo. Quandoquidem igitur cœlo non competit motus ullus, operam ludunt Conimbricenses, dum quærere pergunt: *An circularis motus sit cælo naturalis ex parte materia tantum, an verò ex parte forma simul?* Respondent affirmando posterius, & rationem dant: Ut motus censeatur naturalis corpori Physico, non sat est, materiam esse principium ejus, sed oportet, ut forma etiam velut natura ad illud sese habeat. Sic illi, & verè quidem, si hæcenus constaret, motum in cælo esse. Promouent litem & disceptant, quoniam genere causa forma cœli concurrat ad alium motum? Negant dici posse, quod concurrat utriusque causa efficiens. Atqui malè negaverint, quandò in cælo est motus naturalis. Nihil enim potest dici naturale esse, quod non proveniat à formâ efficienter. Ajunt, cœlestia corpora non à se, verum ab intelligentiis ad illud munus destinatis moveri. Falsum verò est.

se, quod Intelligentiæ moveant orbes cœlestes, demonstrabimus *infra cap. 7. dist. 1. seq.* Quò gravius impingunt illi, qui censent, formam cœli concurrere ad motum ejus velut principium passivum sive receptivum motus, cum Thomâ *lib. 3. contrâ gentes cap. 23. Capreolo lib. 2. sent. dist. 9. quest. 1. art. 3. Paulo Soncinate lib. 12. Metaphys. quest. 36.* Quandoquidem evertunt principia naturæ, ex cujus immutabili præscripto omnis forma est principium activum, nulla passivum.

XXXIII. Movent dubium *l. d. art. 4.* An quomodo cœlo motus competit, ita quies secundum naturam ei competat? *Respondent*: Posse nos de quiete loqui vel secundum Aristotelis mentem, vel secundum rem ipsam. Secundum mentem Aristotelis, *ajunt*, quies non est cœlo naturalis, quâ rem ipsam, non est negandum, quietem esse cœlo naturalem. Eodem modo sentit Piccolominéus *libro de Cœlo cap. 34.* Itâ quem veritatis Magistrum aliàs semper colunt & celebrant, à rerum veritate dissonum velut traducunt. Equidem agentium voluntariorum, quæ ratione ducuntur, potestas ad contraria fertur, uti rectè docet Aristoteles *lib. 9. Metaphys. cap. 2.* Itâ brutum spontè movetur, & sponte quiescit. At naturalia agentia solum feruntur ad alterum contrarium. Itâ ignis semper urit, aqua humectat. Errant igitur, qui docent, motum perinde & quietem cœlo competere. Quod expendendo Ruvius deserit fideles semper commilitones Conimbricenses, & quietem præter naturam in cœlo futuram esse, disputat

lib. 1. de Cœlo pag. 14. seqq. Porro secum ipsis pugnant. Argumentamur: Contraria non sunt in eodem subiecto naturaliter. Atqui cœlo per naturam convenit motus perpetuus. Ergo cœlo per naturam haud convenit quies. Minor est Conimbricensium & Scholæ Peripateticæ communiter. Et tamen conclusionis quoque contrarium defendere audent, quod est duo opposita in uno simplici subiecto statuere.

XXXIV. Conimbricenses regunt: (1) Cœlum naturâ suâ potest moveri & non moveri, motum subire & ab illo cessare. *Respondeo*: Negatur, quod cœlum naturâ suâ indifferenter sese habeat ad utrumque oppositorum. Etenim naturalium omnium ratio immutabilis est, ut ubi sunt, determinata sint, ad unum oppositorum. Nimirum quod mobile est naturæ suæ impetu, illud movetur semper, & non potest eodem naturæ instinctu quietem subire. Pariter quodcunque naturâ suâ quiescit, illud semper quiescit, & non potest eodem naturæ instinctu moveri. Prius verum est de omnibus stellis, posterius de cœlo & terrâ. Naturalia ergò uno & eodem modo ex sese agunt, & non sunt indifferenter ad opposita. (2) Cœlum in sese non habet principium efficiens motus, habet verò naturalem aptitudinem, ut vel moveatur ab externâ vi, vel quiescat ubi nemo impellit, itaque motum & quietem æquali propensione admittit. *Respondeo*: Meræ & manifestæ contradictiones! Argumentamur: Quicquid in sese non habet principium efficiens

motus,

motus, illud non movetur naturaliter. Atqui cælum in sese non habet principium efficiens motus. Ergò cælum non movetur naturaliter. Major est Aristotelis, *lib. 2. Physicor. cap. 1.* ubi naturam definit. Minor est *Conimbricensium*. Conclusionis contrarium eorundem est, ita pervertit ipsorum mentes falsus cæli motus, ut ea fingant, quæ neque sunt neque esse possunt. Naturalem aptitudinem, ad utrumque oppositorum obtendunt, sed nullo cum successu, uti antea dictum est. Quia enim causæ naturales ad unum oppositorum determinatæ sunt, non possunt contrariorum effectuum subiecta esse, uti expressè docent Aristoteles *lib. 7. Metaph. 7.* Jacobus Schegkii *commentario ad Organon fol. 114.* Falsum igitur est illud: *Tam motum, quam stabilem quietem naturaliter admittit cælum.* Planè quasi dicerem: Ignis ex sese & naturâ suâ est indifferens, ut urat & non urat. Ineptè!

XXXV. Julius Scaliger *Exercitat. 68. sect. 1.* disserit, *motum cæli esse voluntarium.* Ejus argumenta sunt: (1) Quodcunque movetur naturaliter, illud non est in loco suo. Atqui cælum est in loco suo. Ergo non movetur naturaliter. Major probatur: Quodcunque est in loco suo, illud quiescit. At quod movetur naturaliter, illud non quiescit. Ergò quodcunque movetur naturaliter, non est in loco suo. Minor constat: Quodcunque movetur ad acquirendum locum suum, illud non quiescit. At quod movetur naturaliter, movetur ad acquirendum locum suum. Ergò quod movetur naturaliter, illud

non quiescit. (2) Quodcunque movetur naturaliter, illud propter sui conservationem movetur. Atqui cælum non movetur propter sui conservationem. Ergò cælum non movetur naturaliter. Minor constat: Cælum non acquirit novi aliquid movendo, sed propter conservationem nostri movetur. Hoc autem non potest fieri a putâ inclinatione sine consilio. *Hactenus ille.* Verùm si cælo tribuitur voluntarium sensu proprio, cælum est corpus animatum rationale. Rationis proprius effectus sunt & intellectus & voluntas, quorum unum conjunctum semper est cum altero, & porro ubi ratio est, ibi homo est.

XXXVI. Si tribuitur figurato sensu, quoniam impellatur à genijs, uti Combacchius *lib. 2. Institutionum Physicarum pag. 252.* exponit, violentus motus erit potius. Argumentamur: Aut violentus motus ille est, aut naturalis. Non hoc, quia non movetur ab interno principio. Ergò illud. Rursum: Quodcunque movetur ab externo principio, illud motum violentum habet. Atqui cælum movetur ab externo principio, nimirum ab Intelligentiâ rotatrice. Ergò cælum habet motum violentum.

XXXVII. Argumenta nihil proficiunt. (1) Falsò dicitur: *Quod naturaliter movetur, non est in loco suo.* Stellæ motu naturali voluntur & revolvuntur in cælo, aves moventur in aëre, pisces meant remeantque in aquis liquidis. Et tamen in loco sunt, atque ab eo conservantur. Falsò dicitur: *Quod in loco suo est, illud quiescit.* Contradicunt stellæ, contradicunt flumina, contradicunt reciprocationes sanguinis in corpore ani-

mali, & in motu perpetuo sunt, quamvis in loco sint. Falsò dicitur: *Quodcumque movetur naturaliter, illud movetur ad acquirendum locum suum.* Valet solùm de illis, quæ extrà locum suum detrusa fuerunt, ut repetant proprium locum. Quodsi moveri posset cælum, volveretur circà centrum suum, ubi nihil cogitandum est de acquirendo loco proprio, quia nunquam decedit loco suo. Quomodò rota figuli circà axem suum tota volvitur & revolvitur. (2.) Non valet illud: *Quodcumque movetur naturaliter, illud propter sui conservationem movetur.* Non valet, inquam. Moventur quoque ob conservationem aliorum corporum, exemplo stellarum, quæ moventur propter conservationem inferiorum. Nec tamen sequitur: *Ergò non moventur naturali, sed voluntario motu.* Naturalium agentium effectus denominantur à fine, sive illum acquirant sibi, sive aliis. Finis enim rei cuiusque perfectio est. Falsum est illud: *Hoc autem non potest fieri à pura inclinatione sine consilio.* Sanè quævis agentia naturalia fines suos cognoscunt, propterea verò effectus eorum sunt naturales, haud voluntarii. Solæ efficientes rationales agunt cum intellectu & ex consilio. Tantæ molis est, cæli defendere motum.

XXXVIII. Cæli motum Lambertus Danæus *part. 2. Physicæ Christi. tract. 4. cap. 19.* tuetur non uno argumento. Dicit: (1.) Totam cæli fabricam in orbem moveri oculorum testimonio probatur. (2.) Cælum moveri debet, ut lucem dispenset pro conservatione rerum sublunarium. (3.) Cælum in orbem movetur,

ut facilius superiora velet atque obtegit nobis cælestia, *Iobi. 22. 14.* Ne visu penetremus illa, quæ non oportebat videre. (4.) Breviter, idè creatum est, cumque in finem movetur, ut nobis sit velum ad comprimendam curiositatem nostram, *Psal. 104. 2.* Hæc ille. *Respondeo:* (1.) Quod cæli fabrica moveatur, non est ab oculorum testimonio, potius hoc testatur, quod astra moveantur. (2.) Cælum in sese non est lucidum, sed pellucidum: non habet inquam, lucem, itaque lucem in hæc sublunaria dispergere non potest. Lucem verò motu suo dispensant stellæ. (3.) Loco Jobi prolato nihil occurrit de cælorum motibus. Dicitur ibi, *quod Deus in cælorum ambitu obambulat.* Nimirum in personâ hominis profani, qui Deum cælestibus rebus occupatum negat curare sublunaria. Cælorum ambitus, id est, cæli ambientes universum per modum extensionis, non verò per circumactionem. Finis est ineptus. Quæcunque in cælo sunt, ea visu apprehendi possunt, tenue quippe est & perspicuum, ut non terminet visum. Neque hoc motus impedit quamobrem Sol rapidissimo circumactus motu videtur. Superiora quænam intelligat, nescio, nisi fuerit cælum Empyreum, de quo *suprà cap. 3.* diximus, fabulosum esse, itaque quod nusquam est, nuspiam videri potest. (4.) Frustrà cælo Empyreico metuit, ne illud videri possit. Locus è *Psalmo* adductus agit de cælorum expansione factâ in primâ rerum omnium creatione, non ut esset interstitium pro avertendo cælo Empyreico, sed ut esset pars exterior mundi, & astrorum receptaculum.

XXXIX. *Rotunditas est, quâ cœlum est figura circularis.*] Terram planam, cœlum fornicatum esse aut semicirculi figuram obtinere, aiebant veteres Ecclesiæ Doctores, Chrysostomus *sermone* 14. & 17. in *Epistolam ad Hebræ.* Basilii *serm.* 1. de *operibus creationis*, Lactantius *lib.* 3. *Institut. cap.* 2. 4. Procopius Gazæus *notis ad cap.* 1. *Gen.* Rationem adfert Lactantius: Si cœlum undiquaque rotundum & devexum est, sequitur ejusdem figuræ quoque terram esse, quam constat à cœlo includi & contineri. Absurdum posterius, quia sequeretur corpora omnia quæ nobis ex aduerso posita sunt, pendere & ruinam minitari. *Sic illi.* Verùm consequentiæ ratio est debilis. Res unaquæque locum suum accepit, & mundi centrum est æqualis distantia, itaque à parte neutrà est suspensio creaturarum, quoniam gravia omnia pondere suo feruntur ad medium. Exemplum in rotâ est, scilicet radius qui à cantho progreditur deorsum ad absidem, non magis ad ruinam proclivis dependet, quàm alius, qui sursum ad absidem fertur.

XL. Communis sententia est, cœli figuram esse rotundam, quam proponunt Timæus Locrus *libro de mundo*, Plato in *Timæo*, Aristoteles *lib.* 2. de *Cœlo cap.* 4. Cicero *lib.* 2. de *natura Deorum*, Hieronymus *commentariis ad cap.* 5. *Ephes.* & Recentiores defendunt rationibus aliquot: (1.) Prima figura competit primo corpori. Atqui cœlum est corpus primum. Ergò cœlo competit prima figura, quæ est rotunda. (2.) Quicquid circulariter movetur, illud est rotundæ figuræ. Cœlum movetur circulari-

ter. Ergò cœlum est rotundæ figuræ. (3.) Corpori perfectissimo competit perfectissima figura. Cœlum est corpus perfectissimum. Ergò cœlo competit perfectissima figura, quæ est rotunda. (4.) Stellæ omnes fixæ perpetuò circa polum velut centrum moventur, & rotundum spacium conficiunt. (5.) Sol, Luna & Planetæ reliqui ascendunt ab horizonte ad meridiem, inde ad occasum contendunt, & mox ad ortum revertuntur rotundâ circumvectione. (6.) Cœlum est corpus amplissimum, quodque ambitu suo comprehendit omnia, & terram undique cingit. Figura capacissima verò est rotunda. (7.) Cœlum æqualiter distat à terrâ velut centro, quæ omnes partes suas, ergò habet figuram rotundam. (8.) Quodsi cœlum haberet figuram aliam quàm rotundam, sequeretur angulis sibi mutuò succedentibus dari vacuum, id quod absurdum est. (9.) Si cœlum non esset rotundæ figuræ, erratice stellæ aliæ viciniore nobis essent, aliæ remotiores nobis. (10.) Instrumenta Astronomica, nimirum globi, Astrolabia, tubi Optici cfformantur in formam rotundam, eo consilio ut rotunditatem cœli exactè imitentur. (11.) Stellæ omnes rotundæ sunt, eadem verò est ratio cœli & astrorum. Ità Conimbricenses *lib.* 2. de *cœlo cap.* 4. *quest.* 1. *art.* 1. 2. 3. 4. Antonius Ruvio *lib.* 2. de *cœlo cap.* 5. *quest.* 1. Stephanus Theupolus *lib.* 8. *Contemplat. Academ. cap.* 4. Alexander Piccolomineus *part.* 2. *philosoph. natur. lib.* 3. *cap.* 3. *seqq.* Arniseus in *Epitome Physica pag.* 216. *seqq.*

XLI. Sed rationes hæc non esse tanti valoris, quanti putantur, probabi-

mus facilè. (1) Rotunditas si arguit prima corpora, plura corpora quàm cœlum, fuerint prima, nimirum stellæ, aqua, terra, quandoquidem omnia illa rotunda sunt. Neque rotunda est prima inter figuras Geometricas, figurarum enim nullus contactus est, nullus ordo, ait Taurellus *lib. 1. de Cœlo pag. 171.* (2) Nihil prohibet quò minus illud quod angulosum est, etiam circulariter moveri possit, ait Taurellus *l. 3. pag. 173.* Et falsum est, quod cœlum moveatur. (3) De formâ & figurâ non debet judicari, è præstantiâ corporum, sed ex proprijs actionibus horum. Humano corpore non aliquod aliud perfectius est, sed tamen rotundæ figuræ non est. Quid terrâ imperfectius esse censetur, & tamen rotunda est? (4) Stellæ perinde in cœlo quâvis aliâ figurâ prædito moveri possunt circulariter, neque enim consistunt in cœli superficie, verùm in corpulentâ huius moventur. Ad circularem motum non quicquam confert figura corporis continentis, tantum ut capacitas adsit. In vase quadrato amplissimo potest ferrea pila moveri per orbem, si medium teneat infusæ aquæ, & à vasis angulis remotior distineatur. (5) De Planetis simile iudicium est, quorum motus circularis non evincit, cœli superficiem esse rotundæ figuræ. Non secus ac aëris in domo contenti superficies, nec rectum motum hominis, nec motum circularem turbinis aut promouent, aut impediunt. (6) Capit omnia cœlum, non quia rotundum est, sed quia latè diffusum corporibus omnibus iustum spacium concedit. Itaque ob receptionem hanc figuram illam non ha-

bebit. (7) Non obstante eo, quod semper æqualem à centro distantiam habeat, poterat esse cylindricum, conicum, ellipticum. Quando & illa circâ centrum revoluta semper locum eundem retinent. (8.) Ratio ista concludit, non esse cœlum angulatum, verum non sequitur inde, quod sit rotundum. Quia & conicum & ellipticum esse potest, quod veterum Philosophorum quidam asseruerunt, apud Plutarchum *lib. 2. de placitis Philosoph. cap. 2.* (9) Consequentia fallit, quandoquidem in superficie figuræ cujuscunque, modò profunditas adsit, collocari possunt stellæ, ut aliæ depresso, aliæ verò altiore loco sint positæ. (10) Non omnia instrumenta Astronomica rotunda sunt, nec quæ rotunda sunt, cœli rotunditatem comprobant, quandoquidem illis non tam cœlum, quàm astra observantur. (11) Nulla est consequentia à toto dissimilari. Stellæ omninò diversæ à cœlo naturæ sunt, atque harum figura rotunda non magis cœli evincit rotunditatem, quàm piscium oblonga figura infert, aquam esse figuræ oblongæ, in quâ natando moventur pisces.

XLII. His probè expensis in eam sententiam descendit Wendelinus *part. 3. Contemplat. Physicar. cap. 5. dist. 8.* quod cœlum ad quamvis figuram recipiendam aptum sit. Rationem adfert: Quia nihil aliud quam expansum aerium sit. Aer verò corpus fluidum est, quod terminis suis contineri nequit. Et cum expansum hoc cœlo Empyréo contineatur, hoc verò rotundum esse, probari

probari nequeat, etiam cœli rotunditatem non constare asserit. Ac quamvis rotunditas cœli Empyrœi probari possit, non magis tamen inde cœlum naturâ rotundum esse, quàm aquam quadraram, propterea quod quadrato vasi inclusa figuram ejus assumerit. *Hæc ille, & cum illo Martinus Schogkius in Physicâ cœlesti Disputat. 1. dist. 29.* Nos merito repudiamus illa quæ tum de cœlo Empyrœo, tum de cœlo aërio inculcat Wendelinus, utrumque enim veritati repugnat, quod probavimus *suprà cap. 3. dist. 1. seqq. & cap. 4. dist. 7. 8. seqq.* Sed assentimur, quod vulgatæ rationes minus firmiter demonstrent cœli figuram rotundam. Nec minus invalida est Wendelini collectio: *Aër est corpus fluidum quod terminis suis contineri non potest.* Atqui non idè citrà figuram esset, & vago motu huc illucque rueret, si absque istis cœli Empyrœi repagulis esset. Natura amans sui est, nec unquam sponte suâ meditatur divortium. Aër fluit quidem, sed non nisi impulsus, itaque terminis suis continetur, ab alio principio est.

XLIII. Dicimus, quod cœlum habet figuram, quod habet figuram unam, quod habet rotundam figuram. Constat *primum*: est quantum, ergò prædicitum est figurâ. Hæc enim coheret necessariò cum figurâ, ut figura sit, ubi quantitas est. Constat *secundum*: Natura amat unitatem, & pro conservandâ illâ adversus turbas qualcunque vires suas cogit. Perinde hoc in cœlo erit, amplissimo corpore, ut certam retineat figuram, & pars à parte non conetur secessum. Constat *tertium*: Rotunda figura maximè apta est

unitati & partium conjunctioni. Docent hoc Elementa. Aquæ guttulæ in orbem sese convolvunt, ut partes cohareant tenacius. Ignis conglobando in unum sese cogit, ut adversus hostem externum, à quo poterat fortè dissipari, tantò melius consistat. Perinde cœlum intrâ limites suos continendo se, partes suas uniet, ac rotundam figuram efficiendo superficiem efformabit.

XLIV. *Effectus sunt occultæ influentiæ pro conservandis rebus sublunariis*]. Cœlum non quidem otiosum, sed laboriosum esse, demonstrat Natura universa, in quâ ne minimum corpus otiosum, sed negotiosa omnia sunt, supera, media, infera: maxima, mediocria, minima: cœlum & cœlestia omnia, eis subjecta. Constat enim formâ specificâ, quæ dat esse, distinguere, operari. Quamvis de modo influentiæ præciso nondum satis æstimare potuit intellectus humanus, tenebris multis involutus. Communiter ajunt, quod cœlum agat in hæc inferiora, lumine, motu, & influentiâ, Aristoteles *lib. 2. de cœlo cap. 3. 4. 5.* Ruvio Rhodensis *commentariis ibid. quest. 2.* Conimbricenses *commentariis ibid. quest. 1.* Philippus de Trinitate in *Summâ Philosophia lib. 2. de cœlo pag. 85. seqq.* Redemptus Baranzanus *lib. 1. de Cœlo pag. 159. 160. seqq.* Bernhardus Morisani *commentariis ad libros de generat. & corruptione pag. 547. seqq.* Barthol, Keckermannus *lib. 2. System. Physicæ cap. 4.* Iohan. Velcurion *lib. commentar. Physicorum cap. 2.* Dan. Sennertus *lib. 2. Epirom. Physicæ cap. 2.* Franc. Piccolomini *libro de Cœlo cap. 38. seqq.* Phil. Mocenicus *Contemplat. Academ. 4. part. 1.*

cap. 1. Nicolaus Contarenus lib. 5. de rerum perfectione cap. 5. Gilb. Iacchæus lib. 5. Institutionum Physicarum cap. 4. Zabarella lib. 2. de qualitatibus Elementaribus cap. 8. Nos arbitramur, quod omnia illa competant stellis, & de cælo tantum figuratè dici possint, nimium quatenus cælum est locus continens stellatum. Est aliàs cælum per se obscurum, est immobile.

XLV. Dicit *Iacchæus*: Lumen calefacit aërem, & quidem immediatè, non vero rarefaciendo & attenuando, quomodo motus. Solis enim radii reflexi & in se recurrentes, magnum efficiunt calorem. *Respondeo*: Dicant ergò, unde calorem habeant ignes subterranii, ad quos lumen cœli pervenire non potest? Radii solis ignem in aëre ubique dispersum attrahunt, & frictione quadam veluti excitant, inde calor est, non verò ab aëris rarefactione. Ratio: Ubi est calor, ibi est ignis. Atqui in aëre est calor. Ergò in aëre est ignis. Major constat: Nullum adjunctum proprium est extrà subiectum suum.

XLVI. Pergit *Iacchæus*: Hæc causa est, quare infima aëris regio sit calidior quàm media. *Respondeo*: Imo causa est illa, quam modò protulimus. *Instat*: Non solis tantum, sed & Lunæ lux calefacit. Namque ideò plenilunii noctes sunt tepidiores, quia tunc Luna sicut uberiorem lucem fundit, ità subiectis corporibus plus caloris imprimit. *Respondeo*: Quod Luna humectet atque frige faciat, Mathematici omnes summo consensu docent, & testatur experientia. Quod verò etiam calefaciat, negatur. Plenilunii noctes haud sunt tepidiores semper, & quando

ità est, aliunde non est, quàm ab effluviis igneis toto aëre dispersis, quomodo frigus ab effluviis aqueis oritur. *Addit*: Motus calefacit alià ratione, quàm Lux. Corpora cœlestia, imprimis orbis Lunæ, motu suo ignem & aërem in orbem rapiunt, aër verò tractus distrahitur, & hoc modò incenditur. *Respondeo*: Nihil veri! Ignis sub concavo Lunæ orbis non est, itaque ab eà circumduci non potest. Si verò hæc est causa caloris tempore æstivo, quare non est calor tempore hyemis? An tunc non movetur Luna? An tunc non adest ignis sub concavo Lunæ? An tunc nullus est aër, qui circumducitur? Et si aër incenditur, quomobrem non est dudum totus combustus?

XLVII. Vana sunt illa quæ subjungit *Iacchæus*: Per motum duorum corporum solidorum, uti ossium generari ignem, omnibus est in confesso. *Item*: Ex attritu lapidum fit, ut interceptus aër rare scat & ignescat, aër autem calidus vicina etiam corpora calefacit. *Respondeo*: Non nisi ex illis corporibus in quibus est ignis concretus, eliciuntur scintillæ, quod patet ex silice, arido ligno, & pluribus docebitur *infra lib. 4. cap. 2. dist. 12.* Falsò dicitur, aërem posse incendi. Alia ergò subest causa, quoniam ignis actu lapidi inest.

XLVIII. Concludit *Iacchæus*: Generatio metallorum cælo, tanquam causæ principali adscribitur. *Respondeo*: Non tanquam causæ principali, sed tanquam causæ universali. Adfert Baranzanus locum Jobi: Ferrum de terrâ tollitur & lapis calore solutus in as vertitur. cap. 28. 2. Calore nempe cœlesti. *Respondeo*: Non so-

nat ista de generatione æris, sed quod lapsis ærofus in terræ specubus generatus, atque inde erutus ab artificibus excoquatur, & in orichalcum demutetur, de quo refert Plinius *lib. 36. historia naturalis cap. 27.* Cælum & astra sunt causæ universales, à reconditissimis terræ cavernis admodum remotæ, ut in eas cum virtute propinquâ haud agere possint: at causa principalis & proxima est forma specifica metallorum, quam metalla habent perinde ac arbores & animantia.

CAPVT QVINTVM.

De Stellis.

SUMARIA.

1. Definitio Stellarum.
2. Communis opinio.
3. Refellitur ista.
4. Solvuntur objectiones.
5. Materia stellarum.
6. Lux primæva.
7. Forma stellarum.
8. Finis stellarum.
9. Divisio stellarum.
10. Erraticæ stellæ.
11. Septem Planeta.
12. Lunula comites Iovis.
13. Solis vires.
14. Stella fixæ.
15. Luna opaca.
16. Testimonium Scripturæ.
17. Luna debile lumen.
18. Luna lucis reliquie.
19. Luna deliquia.
20. Lunæ maculæ.

21. Veterum sententia.
22. Luna montes & valles.
23. Solis radii.
24. Motus stellarum fixarum.
25. Via æthereæ.
26. Congeries stellarum.
27. Error Aristotelis.
28. Apparentia circuli.
29. Solvuntur objectiones.
30. Continuatio solutionum.
31. Quantitas stellarum.
32. Sol maior tempore matutino.
33. Refractionis doctrina.
34. Cardani opinio.
35. Scaligeri opinio.
36. Figura stellarum.
37. Scintillationis causa.
38. Bassonis opinio.
39. Scaligeri opinio.
40. Halitus in aëre.
41. Danaei opinio.
42. Stellarum visibilitas.
43. Causa quare non videantur.
44. Stella interdiu visa.
45. Stellarum motus.
46. Solis statio & retrocessus.

1. **S**tellæ sunt corpora mobilia, in cælo suspensa, ut lucem præbeant mundo) Vulgò definiunt: Stella est densior pars sui orbis globosa & lucida, Aristoteles *lib. 2. de cælo cap. 7.* & ex illo Keckermannus *lib. 2. System. Physici cap. 5.* Bruno Seidelius *lib. 2. Institut. Physicar. cap. 8.* Ioh. Henricus Alstedius *lib. 7. Encyclopædiæ part. 2. Physica cap. 3. Reg. 3.* Scipio Celsinas Claramontanus *lib. 8. de Vniverso cap. 1.* Gilbertus Iacchæus *lib. 5. Institutionum Physicarum cap. 12.* Rod. Goclenius *lib. 2.*

Disputat. Phys. 12. dist. 74. & Disputat. 14. dist. 3. Piccolomineus libro de rerum definitione pag. 194. Michaël Watsonus in Collegio Physico Disputat. 11. dist. 2. Joh. Velcurion lib. 2. Institut. Physicarum cap. 5. Verum ista definitio est dupliciter erronea: (1) Densitatem ajunt esse effectum frigiditatis Elementaris, Aristoteles lib. 2. de generat. & corrupt. text. 10. Atqui cœlum & stellæ non sunt naturæ Elementaris. Ergo nec Elementorum proprietates suscipiunt. (2) Ens reale per Ens imaginarium non potest definiti. Atqui stellæ sunt ens reale, orbes sunt ens imaginarium à Mathematicis doctrinæ melioris gratiâ introductum. Ergo.

II. Erronia definitio progeniit erronea consectaria. Videlicet: (1) Quod stellæ sint partes cœli sensibiles atque essentielles. (2) Quod stellæ eandem cum cœlo fortiantur naturam, eandem materiâ & formâ constet. (3) Quod stellæ eodem motu cum cœlo circumagantur. (4) Quod ex materiæ cœlestis contractione & condensatione orta fuerit lux in stellis. (5) Quod stellæ non sint factæ extrâ cœlum & postea collocatæ in cœlis, sed factæ sint in cœlis ipsis & ex cœli materiâ. *Argumentantur: (1) In corporibus simplicibus partes sunt ejusdem naturæ cum toto. Atqui cœlum est corpus simplex, & stellæ sunt partes ejus. Ergo hæc cum illo eandem habebunt naturam. (2) A quibus oritur calor & lumen, illa habent cœlestem naturam. Atqui à stellis oritur calor & lumen. Ergo stellæ habent cœlestem naturam. Ità docent Jacobus Auberti part. 1. Institut. Physicar. cap. 28.*

Joh. Ludovicus Hauenreuterus in Compendio Physico pag. 304. 305. 306. Antonius Ruvio lib. 2. de Cœlo cap. 7. quæst. 1. Conimbricenses ibid. quæst. 1. art. 1. & 2. Johannes Crallotius in Physicâ compendiarîâ pag. 304. seqq.

III. Nos verò dicimus: (1) Quod stellæ sint peculiæ corporis naturalis species itaque cœli partes homogeneæ non magis sunt, quàm pisces sunt partes similes Oceani in quo natitant, homines terræ, volucres aëris, in quo degunt. Contentum enim non semper est pars continentis, sed alia natura est in hoc, alia est in illo. (2, 3.) Quod cœlum & stellæ non habeant eandem materiam, non eundem motum, itaque cœlum immobile est & quiescit, stellæ non quiescunt, sed moventur perpetuò. (4) Quod stellæ proveniant à condensatione materiæ cœlestis, falsum est, & merum commentum Aristotelis, omni fundamento carens. (5) Quod stellæ sint factæ extrâ cœlum, negare haut potest nisi qui primum caput libri Originum nunquam legit. Cœlum per se condidit Deus atque in sublime exivit die secundo naturæ institutæ, quarto die stellas addidit.

IV. Ex his facillè solvuntur argumenta. In primo negatur consequentia: Cœlum junctum cum stellis consideratum est ens aggregativum, non verò corpus simplex. In secundo negantur cum major, tum minor propositio. Supponitur in majore, quod cœli emittant lucem. Atqui lucidi non sunt cœli, verum pellucidi. Neque calor inest cœlo, utpote propria affectio elementi ignis. De quo aliàs prolixius dicemus.

V. *Corpora.*] Habent enim materiam & formam, è quibus duabus causis omne corpus naturale componitur. Quod stellæ materiam habeant, ostendunt earum figura & quantitas. Quænam verò sit materia illa, apud Eruditos non satis certum est. Stoici & Platonici veteres docebant, quod stellæ essent compactæ ex igniculis, à quibus fulgorem & calorem haberent. Ità Democritus, Metrodorus, Xenophanes, Thales Milesius, Anaximander, Parmenides, Heraclitus apud Plutarchum *lib. 2. de placitis Philosophorum*, & defendunt Franciscus Patricius *lib. 15. Pansosmias*, Hent. Nollus *lib. 6. Physicæ pag. 242*. Athanasius Kircherus *lib. 1. Artis magnetica pag. 6. 8. 9.* Johan. Keplerus in *parte Optica Astronomiæ pag. 225*. Nos opponimus rationem istam: Ex propriis effectibus & motibus pronuntiatur de rerum naturâ. Atqui compacti ignis effectus est urere, motus ejusdem est naturaliter sursum moveri. Stellæ non ardent, non urunt, sed lucent, & movetur circulariter. Ergò non sunt compactæ ex igne. Assentimus iis, qui universam stellarum multitudinem factam esse censent è luce primavâ, de quâ Moyses refert *Genes. 1. 3. 4. 5.* Ità Zanchius *libris de opere Creationis*, Danæus in *Physica Christiana part. 2. tract. 4.* M. Frid. Wendelinus in *Contemplat. Physicæ sect. 3. cap. 11. dist. 1. num. 3. 4.* Daniel Sennertus *lib. 2. Epitomes Physicæ cap. 2.* Antonius Sadaël *libro de manducatione sacramentali pag. 34.*

VI. Errant verò Barthol. Keckermannus *Disput. Philosoph. 20. quest. 6.* Johan. Scarpus in *Cursu Theolog. pag. 168.*

Joh. Conradus Danhaverus *libro de anima Disputat. 3. pag. 77. 78.* Martinus Schockius *libro de anima belluarum Disputat. 11. in Appendice dist. 5.* quid docent, hanc lucem post Solem creatum evanuisse. Neq; enim cum sapientiâ Dei congruit, ejusmodi opus producere quod mox erat destruendum. Bona erat lux & opus diei primi; *Genes. 1. 3. 4.* Ergò quia bona fuit, esse non desuit, sed quia imperfecta fuit, accepit perfectionem commutata in stellæ. Nihil destruxit Creator, quod primo die produxit, sed quod primo die fecit, sequentibus perfecit. Sicut Cælum non statim erat expletum. Sicut terra primum erat desolata & inanis, *Genes. 1. 2. 3. 8. 14. 19.* Perfectio hæc die quarto contigit, ubi formas novas superaddidit DEUS, & omnem exercitum siderum complevit. Nimirum lucis primigeniæ forma in omnibus remansit stellis, ut deinceps esset subordinata, cumque stellæ formabantur, nova specifica forma eis concreata fuit à Creatore, unde sunt illi stellarum effectus specie distincti. Lucidior pars distributa fuit in stellæ eas, quæ à se lucent, obscurior contigitaliis quæ Solis radios à se reverberando lucem velut alienam habent, sed propriâ luce carent.

VII. Perindè notum est, quod Veteres Platonici & Stoici formam vegetativam, plurimi quoque intellectivam, tribuerint stellis, ut vaporibus ab Oceanoeductis pascantur, ut ratione præditæ sint, Cicero *lib. 2. de Natura Deorum*, Lucanus *lib. 7. & 10.* Seneca *lib. 2. questio-num natural. cap. 5.* Hippocrates *libro de*

statibus. Eos sequuntur Franciscus Patri-
cius lib. 4. *Pamphychie*, Philo Judæus libro
de somniis, Rabbinus Menasseh Ben-Is-
raël libro de *Creatione quæst.* 25. Corne-
lius Agrippa lib. 2. de *occulta philosophia*
cap. 55. 56. 57. lib. 3. cap. 14. 15. Paulus
Riccius libro de *anima cæli*, & imprimis
defendit Johannes Bodinus lib. 5. *Thea-
tri naturæ* pag. 551. 552. Dicit: (1) Si
stellæ non habent animam vegetativam,
bruta & insecta nobiliora sunt præ cælo.
Respondeo: Diverso respectu nobilior est
cælum, est quoque ignobilior præ bru-
tis. Sensu Physico est ignobilior, quia
est inanimatum, & non habet opera-
tiones vitales. Sensu metaphysico est
nobilior, quia est incorruptibile, &
quia est causa universalis conservans om-
nium corporum inferiorum; (2) Spi-
ritus vitæ dicitur esse in rotis vel orbi-
bus cælorum, Ezechiel. 1. 21. cap.
10. 17. *Respondeo*: Locus iste totus
mysticus est, & quidem rotæ non sunt
orbis cælestes, verum sunt omnium
rerum conversiones & revolutiones, ut
sit sensus: Nihil in rebus humanis for-
tuitò contingere, sed omne illud di-
vinâ providentiâ, cujus proximi admi-
nistri sunt Genii, regi. (3) Non ta-
men satis est, quod Aphrodisæus &
Theophrastus *cælum animatum* appel-
lant, id enim stirpibus commune est,
sed quoniam motu, sensu atque intel-
lectu viget, idcirco naturam præditam
intellectu esse dicimus. Quidquid au-
tem intelligit, illud sentire & moveri
necessum est. *Respondeo*: Aphrodi-
sæus & Theophrastus non satis bene
tantum, sed prorsus etroneè ita vo-

cant, quia prorsus inanimatum est.
Atque hoc illi fecerunt, ut Gemios or-
bium cælestium motores in Aristotelis
ludo stabilirent, quod propositum
est omnino otiosum, uti dicemus *infra*
cap. 7. sect. 1. seqq. (4) Quod cæli na-
turâ intelligente polleant, confirmatur,
quia nisi vim haberent intelligendi, ho-
minibus dignitate & præstantiâ inferio-
res essent. Et propterea Aben-Eldras
interpretatus illud, *cæli enarrant gloriam*
Dei, Psalm. 19. 1. vocem *enarrant* soli
naturæ intelligenti convenire scribit,
ex Hebræorum consensu. *Respondeo*:
Imò nobilissima & præstantissima crea-
tura homo est. quia Dei imaginem ge-
rit, & compos erit æternitatis, *Genes.*
1. 26. 27. 28. Psalm. 8. 1. 2. 3. Quod cæli
enarrant gloriam DEI, est dicendi genus
figuratum, & narrare omnino propria
actio est naturæ intelligentis. Scilicet,
homines intuendo opificium cælorum
discunt laudare & celebrare opificem
DEum, quomodò tropum illum ex-
ponunt Jobus cap. 12. 7. 8. 9. 10. & Pau-
lus, *Roman.* 1. 19. 20. An & bruta
intellectu prædita esse credet Bodinus?
(5) Idem innuit hoc dictum Jobi 38. 7.
Cum me laudarent stella matutina. Quod
est naturæ intelligentis. *Respondeo*:
Tropus, uti antè, & laudare sumitur
figuratè, quomodò aliàs dicitur, *opus*
laudat artificem, id est, testatur de sa-
pientiâ & excellentiâ mentis ejus apud
spectatores. (6) Eodem sensu scribit
magister sapientiæ, quod DEus crea-
vit cælos intelligentia, Psalm. 135. 5.
Respondeo: Verba sonant, qui fecit cæ-
los in intellectu, adeoque DEUS fecit
cæ-

cælos in intellectu, id est, sapienter & eximio opere, *Genes. 1. 32.* Bonus est, benè fecit omnia. Non verò cælos intellectivâ animâ præditos condidit. (7) Daniel Propheta *cap. 12. 3.* ait, eorum mentes, qui puriorem vitam egerint, & quamplurimos ad veram pietatem adduxerint, ut fulgentia sidera, domicilium & sedem in cælis habituras, ubi essentia & figura Angelorum cælestiumque animorum notatur. *Respondeo*: Nulla in verbis illis mentio est de Angelis, tantum de beatis cælitibus olim in consummatione seculorum gaudio perpetuo afficiendis agitur, atque istorum gloria comparato ab astris in oculos incurrentibus desumpto illustratur, *lucubunt uti stelle.* Quomodo inde sequitur, animam intellectivam stellis inesse?

V III. *Vt lucem præbeant mundo.*] Et cursu suo vices temporum dimetiantur. *Genes. 1. 14. seqq.*

IX. *Earum notentur divisio, affectiones, effectus.* Divisio est, quod vel erratica sint, vel fixæ. *Stella erratica sunt, quæ in ceteriore parte cæli moventur. Tales sunt septem: Saturnus, Jupiter, Mars, Sol, Venus, Mercurius, Luna. Fixæ sunt, quæ in ulteriore parte cæli moventur.*] De omnibus illis prolixius informat Astronomia, nos pauca quædam & selecta adferemus è Recentiorum observationibus.

X. *Erratica.*] Feruntur motu libero & vago, ut neque ad stellas fixas eadem intervalla, eandemque distantiam retineant.

XI. *Septem.*] Phavorinus apud Gel-

lium *lib. 14. Noctium Atticarum cap. 1.* asserit, posse fieri, quod sint plures stellæ erraticæ, quàm septem, & quæ in iis invisibiles sunt, à majore Solis fulgore velut obscurari nostrisque oculis subduci. Cæterum quod septem erraticæ stellæ sint tantum, statuerunt veteres Chaldæi, Phœnices, Indi, Ægyptii, Græci, Latini, Arabes, numerumque istum quidam confirmare volunt testimonio sacrarum literarum, *Esaia 30. 26.* apud Lambertum Dancæum *part. 2. Physica Christianæ.* Sed locus ille non quadrat.

XII. Nostro seculo Galilæus Heliculus deprehendit, cum Tubo Optico scrutabatur cælos, quatuor stellas circa Jovem, velut comites Lunulas ferri motu conveniente, uti refert in *Nuncio siderio pag. 33. seqq.* & post eum experientiâ propriâ usi confirmaverunt Johan. Hevelius *prolegomenis ad Selenographiam pag. 45. seqq.* & in *Opere Selenographia pag. 526. seqq.* Johan. Phocylides Holwarda in *Physicâ cælesti cap. 20.* Cartesius *part. 3. meditationum Philosophicarum pag. 64.* Ismaël Bullialdus in *Astronomiâ Philolalicâ lib. 6. cap. 3.* Simon Marius Brandenburgensis in *mundo Iovialis, Josephus Blancanus in Sphæra lib. 14. cap. 1.* Joh. Baptista Ricciolus in *Almagesto novopag. 488 seqq.* Andreas Argolus in *Pandolfo Sphærico cap. 53. & lib. 1. Astronomia cap. 12.* Eis quinque alias stellas ad eundem Planétam comites novos adjecit Antonius Maria Rheitanus Capuccinus observationibus suis A.C. 1642. & 1643. Coloniz habitis, atque Urbano-Octavianas in Papæ Romani honore vocavit, uti

Episto-

Epistola ad Ericum Puteanum exaratâ refert. Verum hunc quidem deceptum fuisse, ostendit Petrus Cassendus *Epistola de novis stellis ad Gabrielem Naudæum*, ubi docet, quinque stellas istas esse fixas totidem in Aquario, notas satis, attamen porarundinem non bene collocatam perversè apprehensas. Ei suffragatur Joh. Phocyclides Holwarda in *Physica cœlesti* cap. 21. Horum omnium consensum toties repetitis oculorum testimoniis roboratum impugnat Scipio Celsus Claromontanus lib. 9. de *Vniverso* cap. 7. 8. 9. Nihil verò adfert, quod prolixo examine dignum sit. Dicit, esse conspicili imposturam potius, ac quod in rerum natura verè reperiantur. Respondeo: Si error à visione est, quare videntur semper & ab omnibus Jovis inspectoribus, quatuor isti comites, non plures, nec minores? Et quare propè Jovem constanter videntur, non etiam propè alios Planetas: Pergit, *stella ista non videtur oculo libero citrà instrumentum, cum tamen videantur stellæ fixæ minimæ*. Verùm ideo non debet negari, verè in naturâ reperiri stellas eas, & quare libero oculo non cernantur, causa est, quia exiles sunt obscuræ, nisi quod à Sole accipiant lumen. Stellæ fixæ habent lucem à sese, validam, vegetam, quæque fortiter ad oculos nostros demittitur.

XIII. *Sol.* Deorum maximus apud Græcos & Barbaros, itaque illum Themistius *commentariis ad librum de anima* vocat Mundi Intellectum. Solus tam mole quàm virtute inter omnes dominatur, adeoque in medio Cœli velut positus, inde vim suam quaqu-

versus communicat, lucem imprimis Erraticis stellis omnibus affundit clarissimam, quæ à se nihil lucis habent. Omnes Planetæ habent corpora opaca, quodque lumen à Sole petant, constat ex diminuto & variato aspectu Lunæ, Martis, Mercurii, Veneris, quando alteram partem à Sole averfam ferunt. Ità olim Plato in *Timæo*, & per experimenta Astronomica confirmant Josephus Blancanus lib. 17. *Sphæra* cap. 12. Bullialdus lib. 1. *Astronomia* cap. 11. Renatus Cartesius part. 2. principiorum *Philosophicorum* num. 9. 20. 23. Andreas Argolus in *Pandoso Sphærico* cap. 58. 59. & lib. 1. *Astronomia* cap. 14. Johannes Hevelius *prolegomenis ad Selenographiam* pag. 68. 74. Johannes Phocylides Holwarda in *dissertatione Astronomica de stella nova* pag. 236. Quibus, nullâ tamen ratione munitus, adversum eundo Scipio Claromontanus lib. 8. de *Vniverso* cap. 10. 11. negat, esse tales apparitionum diversitates in Veneris stellâ.

XIV. Nos oculorum testimonio infallibili fidem omnem merito addendam esse, censemus. Et in hoc stellæ erraticæ discrepant à fixis, quæ à seipsis lucent, & luce validâ corruscant. Namque intervallo vastissimo à Sole remotæ nequeunt ab eo illustrari, ut ad eas transeundo lux Solis, refractione aliquâ ad nos vibretur deorsum. Accedit, quod scintillant & veluti contremiscunt. Scilicet, quia lux earum est propria & purissima, ut ita Solis instar, qui propriam lucem habet, oculos pungant, commoveant, tremefaciant. Hoc sufficit ad refellendum Erasmum Reinholdum

commentariis ad Purbacchium pag. 163. Johan. Bodinum lib. 5. Theatri natura pag. 578. Johan. Keplerum libro de stellâ novâ cap. 2. & dissertatione ad muncium siderium pag. 103, ubi statuunt, fixas perinde atque erraticas stellas à Sole recipere lumen, sequuti Johannem Vitellionem lib. 4. Opticæ proposit. 77. Nobiscum docent Aquilonius lib. 5. Opticæ proposit. 81. Petr. Gasleadus sect. 2. Physicæ lib. 4. cap. 1.

XV. *Luna.*] De Lunâ imprimis manifestum est, quod lucem omnem impetret à Sole. Catullus:

Tu potens Trivia & notho es Dicta lumine Luna,

Epigram. 31. & eodem sensu Lucretius:

Luna notho fertur lumine, lib. 5. Nimirum ut sit veluti speculum, à quo Solis radii reverberando sese versus terram declinent lucem, dicente Aristarcho Samnio apud Lucam Gauricum in *Operibus Astronomicis pag. 197.* Hæc imprimis ratio est, ob quam literæ sacræ docent, fecisse Deum duo luminaria magna, luminare majus in dominium diei & luminare minus in dominum noctis, & stellas, *Genes. 1. 16.* Ubi de Sole quidem nulla movetur lis, quem reliquis stellis omnibus majorem esse, omnes concedunt. Luna tamen nec Saturno, nec Jove, nec Marte Major est, sed omnibus illis minor longè.

XVI. Sunt ergò, qui ad captum vulgi attemperare se Scripturam censent. *Rothmannus* ad Tychonem Braheum: Literæ sacræ non mihi & tibi solummodò, verum omnibus omninò hominibus scriptæ sunt, ad quorum captum etiam lo-

quuntur, ut omnes Theologi in explicatione capitis primi Genesios fatentur. Aliàs Luna contrà demonstrationes Geometricas esset major reliquis stellis, *lib. 1. Epistolar. Astronomicarum Brahai pag. 130.* Reicicista *Brahaus*, & acenratius solvit dubium: Major & est & esse debet literarum divinarum autoritas ac reverentia, quàm ut sic in modum cothurni eas trahi deceat. Licet enim ipsæ in rebus Physicis & aliis quibusdam ut plurimum ad captum vulgi sese attemperent, absit tamen, ut ob id statuamus, eas irà vulgari ter loqui, quin etiam vera proponere credamus. Sic Moses etsi in primo capite Genesios de creatione mundi agens, penetralia Astronomiæ non referet, utpote rudi populo scribens, nihil tamen in medium profert, quod non etiam ab ipsis Astronomis concedi queat. Nam quod tu dicis, sequi inde, Lunam contrà demonstrationes Geometricas reliquis stellis fore majorem, ipse textus non admittit, in quo saltem de magnitudine lucis, quâ Sol & Luna præ cæteris stellis terras illuminant, loquitur Moses, non de quantitate corporum, idèdque Lunam vocat luminare minus, quia terram collustrat nocturno tempore tantum, atque Sol diurno. Si enim de magnitudine corporis hæc intellexisset, & saltem ad vulgi aspectum sese accommodavisset, Lunam non minorẽ Sole appellavisset, siquidem ejus visibilis diameter Sole certe vix minor cernitur, si non poti⁹ ut plurimum non nihil major. Nemo verò Astronomorū negaverit, Lunam post Solẽ esse luminare magnum ante alia sidera, quodque multò plus cæteris terram noctu illumi-

net, tenebrasque pellat. Sicut si Astrologi appellant Solem & Lunam, hanc Luminare noctis, illum diei, quod cum Mose apprimè consentit, *l. d. pag. 147.* Breviter: Ad vulgi captum non debet præsentis loci interpretatio accommodari, quoniam hoc magnitudinis discrimen non incurrit in vulgi sensus. Notatur ergo magnitudo lucis, non corporis. Luna post Solum luminare magnum est, præ omnia stellis aliis, quia terram post Solem maximè illuminat, hic die quidem, illa verò nocte, & cum hoc discrimine, ut major sit illuminatio Solis, minor Lunæ; Sol à sese luceat, Luna verò lucem suam à Sole petat.

XVII. Quod tamen Luna habeat proprium lumen, quamvis debile, obtendunt Conimbricenses *lib. 2. de Cælo cap. 7. quæst. 4.* Scipio Cælénas Claramontanus *lib. 8. de Universo cap. 3.* David Gorlæus in *Epitome Physica cap. 6. dist. 5.* Bartholinus *lib. 3. Institut. Physicarum cap. 19.* Marcus Fridericus Wendelinus in *Contemplat. Physicis sect. 3. cap. 25. dist. 6.* Et probare volunt, quia Lunâ existente inter Solem & terram, facies ejus quæ è Sole non illustratur, obscurum quoddam lumen ostendit, id quod proprium ejus est, ait Erasmus Reinholdus *commentariis ad Theoricæ Purbacchi pag. 164.* Respondendo: Si candor iste sublustis in parte Lunæ à Sole abversa est proprium Lunæ atque ingentium lumen, quare in Ecclesiis oritur non perit? Quare lumen istud quod ostendit circa novilunium, semper observatur esse fortius, quo ista est Soli viciniore? Et in majore distantia à Sole ita flaccescere, ut circa quadras

Lunæ & Solis prorsus evanescat? Proinde censet Tycho Brahæus *lib. 1. Epistolar. Astronom. pag. 12. & lib. 2. Prognosticatum Astronom. pag. 404.* quod istæ lucis reliquæ proveniant à radiis lucidæ multum Veneis. Nobis hoc videtur improbable esse. Et enim Luna crescens semper ejusmodi lucem habet, servatque invariata. At Venus non est semper objecta Lunæ secundum illud latus, quin conjuncta sæpè est Soli, ut perinde ac Sol prohibeatur illustrare Lunam.

XVIII. Causa vera est, quam adferunt Joh. Keplerus in *Auctariis Opticæ cap. 6. num. 10.* Jacobus Galilæus in *Nuncio siderio pag. 28. 29. & libro de maculis Solis pag. 136.* Renatus Cartesius *part. 3. principiorum Philosoph. num. 12. & 152.* Petrus Gassendus *lib. 2. Institut. Astronomic. cap. 16. & in Physicis Institut. sect. 2. lib. 4. cap. 4.* Julius Scaliger *Exercitat. 62. sect. 4.* videlicet, lumen istud obscurum pervenire ad Lunam à terrâ, quæ tunc radios à Sole receptos eam versus reflectit ab illis partibus, in quibus adhuc dies esse perseverat. Ratio est, quod paulatim minuitur, prout terræ pars à Sole illuminata, ab eâ sese avellit. Ità videmus, parietes albos fortiter à Sole illustratos, lumen vibrare in antra & carceres obscurissimos, diemque illis inferre. Dicit Cælénas, *corpus confragosum & obscurum, quale Terra est, non potest reflectere Solis lucem, ut inde Luna illustretur.* Respondendo: De obscuro corpore non quicquam impedit, ut non possit lucem reflectere, modò habeat superficiem densam. Et de confragoso facili ope excusatur, quod superficies inæqualis in vastâ corporis sui circum-

cumferentiâ ad æqualitatem aliquam redigatur. Exemplo sit Luna ipsa, quæ obscura est, quæque aspera est, & Solis radiostamen versus terram convertendo reflectit.

XIX. Quod in multis Lunæ deliquiis omne ejus lumen prorsus evacuetur, constat per experientiam manifestam, de quâ testantur Joh. Keplerus in *Astronomiâ Opticâ* pag. 227. & in *Epitome Astronomiâ* pag. 825. Joh. Hevelius in *Selenographiâ* cap. 6. Joh. Phocylides Holwarda in *Epitome Astronomiâ* pag. 95. & in *Physica cælesti* cap. 12. In aliis verò deliquiis retinet marginem quocumque modo variegatam coloribus lucidis, plurimum ferruginio aut etiam ahenio, uti jam olim notavit Plutarchus *libro de facie Lunæ*. Color iste oritur à Solis radiis bis refractis in vaporibus aëris, qui terræ globum ambiunt, semel in ingressu, iterum in egressu. Quibus ipsis radiis semel in ingressu refractis nos Solem videmus, & rubentem & velut nobiscum esse, cum is adhuc infrâ nostrū horizontem est. De quâ repulsius docent Joh. Keplerus *dissertatione ad nuncium siderium* pag. 15. 17. 20. Godofredus Wendelinus in *Tabulis Atlanticis* pag. 4. 5. 6.

XX. Queritur: Unde Lunæ proveniant macule? Respondeo: De illis quæsi-verunt jam olim Veteres, & causas varias prorulerunt, uti narrat Plutarchus *lib. 3. de placitis philosophorum* cap. 30. Et quidem Empedocles voluit, inter Lunam & visum nostrum interjecta esse corpora aliqua nebulosa aëris, unde lumen ejus prohibeatur ad nos descendere, & umbravelut concilietur. Agesinactes dixit, in Lunæ globo tanquam speculo, montium

& aquarum à terræ superficie repræsentari species, atque ita maculas terræ, lucidas partes aquarum effectus esse. Plinius *lib. 2. histor. naturalis* cap. 9. existimat, sordes terrenas unâ cum humore à Luna viciniore attrahi, undè sint deformitates & maculæ istæ. Averrhoës *lib. 2. commentar.* 49. docet, Lunæ partes esse inæquales; nunc densas & opacas, quibus excluditur lumen Solis, nunc raras; à quibus lumen illud recipitur & ad terras usque demittitur, oriri verò maculas nigricantes à partibus densis. Orpheus, Thales Milesius, Democritus, Philolaus, Pythagoras, Anaxagoras, Ocellus Lucanus, Anaximenes, Parmenides, Zenon Eleates, Xenophanes Colophonius magno consensu tradebant, Lunam esse alteram terram incolis ex hominum genere habitam, animantibus refertam, rusticanis operis obnoxiam, pluviis & nivibus irrigatam; adeoque ejus superficiem esse asperam & inæqualem, terræque instar montibus, vallibus, convallibus, lacubus, maribus, sinibus, paludibus, scopulis, insulis affectam, à quibus profunditatibus atque eminentium tuberū concursu existant istæ macularum facies.

XXI. Adeo mundus subjectus est hominum speculationibus, nec unquam unum de re unâ auditur judicium. Nos ordine examinabimus omnes. Prima sententia merito displicet, quoniam sic non esset æqualis macularum illarum ubique gentium conspectus. Secunda, quam renovavit Andréas Cæsalpinus *lib. 3. controvers. quest. 3.* non minus displicet, quia enim terræ superficies non ubique eandem speciem Lunæ in orbem mobili of-

ferat, sequeretur, Lunæ maculas variare situm pro diverso motu & revolutione sideris. Atqui maculas in eadem semper parte Lunæ apparere, experientia testatur. Tertia placet Lamberto Danæo *part. 2. Physica Christiana fol. 167.* Rodolpho Goclenio *lib. 2. disputat. Phys. 1. dist. 186.* verum minus rectè. Neque enim vapores ad Lunam usque pertingunt, non ob id quia Elementum ignis interjectum prohibeat, ubi dicunt Conimbricenses *lib. 2. de cælo cap. 7. quest. 4. artic. 3.* sed quia impurissimæ fæces istæ ob insitam gravitatē repetendo locum suum versus terram decidunt, inque supernis haut stabilem locum inveniunt.

XXII. Quartam defendunt Cæsar Cremoninus *libro de facie Luna*, Conimbricenses *l. 1. Cælénas* Claramontanus *lib. 7. de Universo cap. 10.* Joachimus Burserus *lib. 2. Institut. Physicar. cap. 2.* Philippus de Trinitate in *Summa Philosophica lib. 1. de Cælo pag. 45. 46.* M. Frider. Wundelinus in *contemplat. Physic. sect. 3. cap. 25. dist. 5.* Cardanus *lib. 3. de subtilitate pag. 110.* Bartholinus in *Systemate Physico lib. 3. cap. 26.* Julius Scaliger *Exercitat. 62. sect. 1.* Andreas Argolus in *Pandolfo Sphærico cap. 64.* Franciscus Aquilonius in *Perspectiva lib. 5. pag. 422. seqq.* Redemptus Baranzanus *lib. 2. de Cælo. pag. 145. 146.* Obstat verò impensè, quod maculæ istæ non simul aut semel insint Lunæ, sed à Solis vicini fulgore nunc majores nunc minores esse deprehendantur. Atqui partium densitas & raritas non patitur à Sole, ut nunc crescat, nunc minuatur. Quintam retinemus cum Francisco Patricio *lib. 20. Panarchie*, Jacobo Galilæo in *nuncio siderio pag. 15. seqq.* Joh. Keplero in *Epitome Astro-*

nomia pag. 830. & in parte Astronomia Optica pag. 248. Isaac Vossio *libro de natura & proprietatibus lucis cap. 19.* Johanne Phocylide Holmvardæ in *Physica cælesti cap. 27.* Athanasio Kircherò in *Arte magna lucis & umbræ lib. 1. pag. 15. 16.* Cælare Lagallà *libro de apparentiis in orbe Luna*, Pietro Gassendo *sect. 2. Physica lib. 4. cap. 3.* Bullialdo *lib. 3. Astronomia cap. 13.* Renato Cartesio *part. 3. principiorum Philosophicarum pag. 145.* Joh. Hevelio in *Selenographia pag. 113. seqq.* Joh. Fabricio *libro de maculis Luna.* Certè nulla differentia est in lumine, verum in subiecto recipiente causa inest, quæ inæqualiter reflectit. Luna velut altera terra, est opaca tota & caliginosa, habet superficiem inæqualē, asperam, in quâ sunt montes, tubera, specus, valles, convalles.

XXII. Et montes quidem cum altiores sint, ob id citius à Sole collustrari possunt, quàm propinqua & depressa loca. Quando Sol ascendit sensim, loca depressa magis magisque illustrantur, donec Sol verticalis totam continentē perfundit lumine, exceptis vallibus istis, qui à montibus undiquaque cinguntur. Dùm montes illustri luce perperguntur, in vallibus subiectis umbra est, eò obscurior & amplior, quò altiores montes sunt. Ità sese res habet in Solis ortu; neque aliter in occasu, etenim valles paulatim à montium umbris obscurantur, quòque magis Sol descendit, eò obscuriores umbræ sunt. Et cum tandè planè occidit, tantè vertices celsorum montium à Solis lumine perstringuntur.

XXIV. *Fixæ sunt.* Quoniam eandem & invicem & à terrâ distantiam servando, motu æquali feruntur. Tantum quod motu proprio non minus quàm erraticæ, pro

progrediendo de locis suis paulatim emoveantur, inque consequentia signorum ferantur, super axe & polis Eclipticæ. Et hincirculi, quos motu illo describunt, sunt ad Eclipticam paralleli. Cum motus ille sit parallélus ad Eclipticam, fit propterea ut earum latitudo non accipiat mutationem sensibilem. Attamen variata Eclipticæ obliquitas illam à mutatione non omnino liberam relinquit. In stellis enim borealibus latitudo minuitur illa cum obliquitas accrescit, augetur illa cum hæc decrescit. Contrarium evenit in stellis australibus.

XXV. De Galaxiâ seu Viâ lacteâ quæritur, an sit meteoron? Respondeo: Via lactea per Centaurum, Orionem, Sirium, Perseum, Cassiopeiam, Aquilam, Olorem ducta est, ac porro divisimam transit per Eyrâ, Serpentarium, Scorpionem. De illâ scribit Aristoteles lib. 1. Meteororum cap. 8. quod in aëre sit, non verò in cælo, quodque de calidâ & siccâ exhalatione orta in locum sublimem ope siderum attrahatur, ibidemque perpetuo vaporum affluxu conservetur, alba verò sit à radiis stellarum minutarum incidentibus, in vapores istos nubeculæ serenæ instar compactos. Sequuntur Jacobus Aubertus part. 2. Institut. Physicarum cap. 6. Georgius Lieblerus in Epitome Physicâ pag. 199. Johan. Crassotius in Physicâ compendiariâ pag. 468. 469. & acerrimè defendunt Cæsar Cremoninus libro de via lactea, Fortunius Licetus lib. 2. de novis astris cap. 56. Wolffgangus Meurerus libro de meteoris pag. 58. Michaël Watsonus in Collegio

Physico Disputat. 11. dist. 20. 21. 22. Verum dissentiunt plerique Astronomorum recentiorum, & describunt Galaxiam, quod sit fascia latissima in cælo representans colorem lactis, totum cælum cingens atque illud in partes duas secans.

XXVI. Deprehensum est perspicillo artificioso, esse in eâ stellarum congeriem maximam, quarum multæ sat notabiles, cæteræ verò exiguæ sunt, luce illustres sibi que invicem proximæ, ut à libero oculo non possint distinctæ apprehendi, conjunctæ ob eam lucem offerant. Ità statuunt Jacobus Galilaus in nuncio siderio pag. 16. Conimbricenses. Tractatu 4. de Meteoris cap. 1. & 2. Gilbertus Jacchæus lib. 7. Institut. Physicar. cap. 8. Sennertus lib. 2. Epitomes Physicæ cap. 2. Joh. Gigas lib. 1. System. Cosmographici pag. 22. Nicolaus Mulerius lib. 1. Institut. Astronomicarum cap. 9. Bruno Scindellius lib. 2. Rudimentorum Physicorum pag. 261. Joh. Velcurion lib. 3. Physicæ cap. 8. Benedictus Mazottus lib. 1. de Meteoris cap. 1. Johan. Hevelius prolegomenis ad Selenographiam pag. 39. Josephus Blancanus commentariorum Sphæricorum l. b. 17. cap. 2. Joh. Baptista Ricciolus in Almagesto novo lib. 4. pag. 475. 476. Et jam olim opinio illa placuit Democrito & Anaxagoræ, ut testantur Plutarchus lib. 3. de placitis Philosophorum cap. 1. Ptolemæus lib. 8. constructionis magna cap. 2. Macrobius lib. 1. in somnium Scipionis cap. 15. Unde tutius est, certioribus adhaerere, dubia & incerta dimittere.

XXVII. Contrà Aristotelem verò sic argumentamur: (1) Nullum meteoro-

rum est perpetuum. Atqui Galaxia est perpetua, quando constat, eam semper cum Geminis & Sagittario oriri & occidere. Ergo Galaxia non est meteoron. (2) Nullum meteoron eandem perpetuò à terrâ seruat distantiam. Atqui Galaxia seruat perpetuò eandem à terrâ distantiam. Ergo non est meteoron. (3) Nullum meteoron per universam terram cernitur eodem loco, eodem situ, invariata, cum nullo augmento, sine decremento ullo. Et proinde Averrhoës *commentario ad lib. 1. meteororum text. 43.* testatur, quod Marocci in Africâ & Cordubæ in Hispaniâ viderit aquile sidus eodem intervallo à Galaxiâ, unde necessariò infertur, Galaxiam non esse in parte aëris superiori, ita enim propter duorum locorum distantiam non cerneretur eodem loco, sed parallaxis maximam ad spectus diversitatem efficeret. (4) Nullum meteoron est constans & durabile. Atqui Galaxia est constans & durabilis, ferturque eodem tractu per cœli spatia amplissima. Ergo non est meteoron.

XXVIII. Litem componere volunt Barthol. Keckermannus *lib. 6. System. Physicæ cap. 11.* Piccolominéus *libro de Cælo cap. 29.* & *libro de Meteoris cap. 9.* Sebast. Foxius. *lib. 3. Philosophia naturalis pag. 229.* Johan. Combacchius *lib. 3. Instit. Physicarum cap. 3. dist. 25.* Hannibal Rosselius *commentariis ad Trismegisti Pimandrum Tomo 4. pag. 157. 158.* Nimirum distinguunt inter ipsum circulum lacteū & apparentiam ejus. Potest esse, *ajunt*, circulus in cœlo, pingitur verò etiam atque apparet in nube aliquâ serenâ, per quam multarum stellarum radii transe-

unt, & stellarum congeriem nobis exactius offerunt. *Hæc illi.* Respondeo: Nihil dicunt, unde constet satis, quomodò Galaxia perpetuò eodem loco, situ, statu, eâdem figurâ & quantitate appareat? Et quomobrem in hac tantum cœli regione vapores colligantur, non etiam in aliâ, unde plures viæ lacteæ existant? Stellarum vires equidem adiunt, non verò eadem semper est materiæ subiecto habitudo, utraque causa pro conservandis meteoris requiritur. Indè est meteororum instabilis ortus, duratio, occasus, ob materiæ sive copiam sive inopiam vario tempore variatam. Denique, causam nobis edicant, quare Galaxia nullas patiatur alterationes, tunc cum Sol percurrit Geminos atque Sagittarium, & maximo æstu omnia afflat, ut vel pauci vel nulli vapores colligi possint?

XXIX. Instant *Meurérus & Cremoninus*: (1) Non omnibus noctibus apparet Galaxia, quanquam videantur stellæ, & verò quod non apparent, causa est quia vapores nulli fursùm educi sunt. (2) Etiam si augentur & minuuntur vapores, non tamen aut major fuerit Galaxia, quoniam oportet esse certum modum exhalationis, ut splendor viæ lacteæ in eâ appareat. Scilicet, intrâ mediocritatem consistendo, ita fiet refractionis. Ubi est nimis tenuis exhalatio, non refringuntur radii incidentes, ubi nimis crassa, non transmittitur lumen. (3) Cum Sol decurrit in geminis & sagittario, non prohibebit existentiam viæ Lacteæ. Est enim noctu sub terrâ, & sub contrario signo coacervari possunt exhalationes ad

repræsentandâ viam lacteam. (4) Quicquid in cœlesti regione est, illud rotundam figuram habet. Atqui via lactea est in longum protensa. Ergo non est in cœlesti regione.

XXX. *Respondeo:* (1) Via lactea semper apparet cum noctes lucidæ sunt, & cum non videtur, causâ est, quia vaporibus crassis obducitur, à quibus stellæ ipsæ crebrò obducuntur, ne videri possint. (2) At unde ista mediocritatis effectio pro Galaxiâ unâ est, & non pro meteoris aliis? Ut hæc quidem repentinè oriuntur in aëris partibus diversis, repentinè occidunt, illa perpetuò duret a se, & in omnibus partibus suis immutabilis constet. (3) Sufficit, quod consumat diurno æstu, & quomodo probaverit Meurerus, quod vapores infrâ terram collecti unâ cum stellis abeant suprâ terram, ut efformetur Galaxia? (4) Stellæ minutæ istæ, à quarum contiguitate existit Galaxia, habent rotundam figuram, & vel ob eam causam, secundum illationem Adversariorum, Galaxia erit res cœlestis.

XXXI. *Affectiones sunt quantitas, figura, scintillatio, visibilitas, motus. Quantitas est, per quam habent extensionem suam.* Licet verò propter summam distantiam nobis exiles esse videantur, non tamen exiles sunt. Ex editâ turri qui despicit homines in foro ambulantes, anseres & gallinas se videre putat, anseres verò & gallinas ne videt. Pariter nos ex humili terrâ ad sidera altissima prospicimus, hinc parvulum Solem, parvâ Lunam, parvas stellas alias, in se tamen maximas, videmus, minores

verò ne videmus quidem. De magnitudine stellarum opiniones multum diversas habuerunt Veteres, uti Parmenides, Anaximander, Heraclitus, Anaxagoras, Empedocles docent apud Plutarchum lib. 2. de placitis Philosophorum cap. 21. Sed nec Recentiores conveniunt inter se, de quibus porrò videantur Philippus Lansbergius libris tribus *Vranometriae*, Petrus Gassendus lib. 3. *Institutionum Astronomicarum* cap. 11. seqq.

XXXII. *Quæritur: An Sol major sit tempore matutino, quam meridiano?* *Respondeo:* Solem & alstra omnia magnitudinem suam, quam cum primordio rerum omnium acceperunt, retinere semper, ita ut nec minuantur, nec augeantur, verissimum est, tantum quod Sol matutino crepusculo videatur major, quam in meridie. Videtur inquam, major esse, nec tamen est. Causa est medii diversitas. Quò enim crassius medium est ob vapores, eò majores & propiores videntur esse stellæ: quò subtilius & purius, eò minores & remotiores. Exemplum habemus in nummis. Nummum si in vas aquâ impletum projicias, majorem propioremque videbis. Sin aquam effundas, eundemq; in vas idè aëre oppletum immittas, & minorem & remotiorem habebis. Sic & baculum immittendo in undas, ut pars infrâ aquas mergatur, pars suprâ existat, major & crassior longè apparebit esse pars illa, quæ mergitur aquis ac quæ super eas eminet. Crassior enim est aqua præ aëre. Item judicari debet quâ Solem matutino tempore majorem, in meridie verò minorem. Illo enim aër vaporibus refer-

refertur est, qui dissipantur postmodum.

XXXIII. Rem pluribus exponunt Albertus Linemannus *dissertatione de Refractionibus Vranicis*, Willebrordus Snellius in *Eratoſthene Batavo*, Iohannes Keplerus in *paralipomenis ad Vitellionem*, Isaac Voſſius *libro de naturâ & proprietatibus lucis* cap. 15. 16. 17. *seqq.* Petrus Gaſſendus *lib. 1. Institutionum Astronomicarum* cap. 19. Nos etiam succinctè proponemus quibusdam theorematis. (1) Radii stellarum in aërem ad perpendicularum illapſi à refractione liberi sunt, qui verò in eundem obliquè incidunt, refranguntur ad perpendiculararem superficiem aëris per punctum refractionis tractum. Stellarum igitur omnes refractè videntur, quoties radios per aërem obliquè procidentes in oculum ſpectatoris immittunt, (2) Denſitas vaporum in diverſis regionibus eſt diverſa, & major quidem in maritimis poloque vicinis locis, minor in remotioribus & montanis. (3) Stella in vertice poſita nullam refractionem patitur, in horizonte maximam. (4) Refractio altitudines stellarum exhibet majores, quàm reverà ſunt, & eò quidem magis, quò illa major eſt. (5) Altitudo stellarum per refractionem aucta efficit, ut stella quævis oriri videatur, cum adhuc ſub Horizonte latet, & cùm verè occidit, adhuc ſuprà eundem eſſe appareat, de quo accuratè Alhaſſem *lib. 7. Opticæ propoſit. 15. 16.* & Vitellion *lib. 10. perſpectiva propoſit. 49. 50.* agunt. Ità Bernhardus Waltherus vidit Hesperum velut ſuprà horizontem propter refractos radios, cum tamen eſſet inſrà illum, uti ipſe refert in *Observationibus Norici.*

Quod idem Haſſiæ Landgravio contingit, uti narratur in *Epistolâ Astronomicâ Brahæi part. 1. pag. 22.* Eandem ob cauſam in zonis frigidis Sol pluribus horis, imò & alicubi plurimis diebus citius oritur, quàm per ſe contingit; uti Batavorum navigationes Septentrionales monſtrant, à quibus allegat Johan. Keplerus in *Epitome Astronomicæ Copernicane lib. 1. pag. 60.* & in *Astronomiâ Opticâ pag. 138. 156.*

XXXIV. Cardanus cauſam hanc nunc mutilat, nunc alià minus aprâ obſcurat; *Aſtra, inquit, omnia dum oriuntur & occidunt, majora videntur quàm in cœli medio, quoniam terræ magnitudo intermedia facit, ut oculus ea plus diſtare exiſtimet, & ob id eſſe majora: nam & turris ulnâ major judicatur ab oculo illius diſtantiam comprehendente, tametſi minorem angulum in oculo faciat ulna ipſa. Ob id igitur aſtra propinqua videntur, quo nullum eſt medium corpus inter ipſa & oculum, cujus longitudinem oculus deprehendere poſſit, atque ob id ipſa exiſtimare procul aſſe, quamvis, ut dixi, medii ratio ea altiora oſtendat. Sed quod stellarum in Oriente & Occidente majores videantur, facit & denſitas aëris, non in quâ nos ſumus, ſed quæ procul à nobis eſt. Argumento id eſſe debet, quod nebuloſo tempore aſtra etiam longè majorâ videantur, lib. 3. de Subtilitat. pag. 251.* Quæ de intermedia magnitudine adfert Cardanus, non faciunt ad rem, quando illa non tam auget viſibilis rei magnitudinem, potius minuit. Falſum enim eſt, illa videri majora quæ plò diſtant ab oculo videntis.

XXXV. *Scaliger* inquit : Hoc est quod offendit, aliud enim sensum, aliud opinionem esse, non ignoras. Sensui apparent maiora, opinio alia alii. Neque scit pastor, inter se & jubar exorians esse terræ tractum, inter se & illud idem, ubi est ejus medium cœli, terram esse nullam. Atque ut concedam, ipsum hoc scire, non tamen concedam ipsum hoc considerare. Prætereà nunquam potui comprehendere ratione, quemadmodum fieri possit, ut oculus, quia maiora videat, plus distare putet. Quoniam quæ distant, minora videantur, *Exercit* 63. *sect.* 2. Quod addit Cardanus, densitatem aëris ejus qui procul à nobis remotus est, in causâ esse, verum equidem est, non tamen ita ut negetur, concurrere aërem qui proximè circum nos diffunditur. Est enim una eademque & hujus & illius ratio. Rursum *Scaliger*: Errorem addis: Densitas aëris inquis, facit hoc, non in quâ sumus, sed quæ procul à nobis est. Tum enim à propinquâ, tum à remotâ fit densitate. Ubique sanè medium sit inter astra & visum, species ipsa crassior videbitur, *l. d.*

XXXVI. *Figura est, quâ stellæ sunt rotundæ.*] Quod rotundæ sint, constat indè, quoniam stellæ omnes in quacunque regione & in quocunque cœli spacio videntur, rotundæ esse apparent. Quanquam refractione immutat figuram stellarum, uti præcipuè in Sole apparet. Is enim simulac horisontè superavit, ellipticus apparet, eamque formam usq; ad refractionis suæ terminum retinet quidem, ita verò ut paulatim magis magisque

ad rotunditatem veram redigatur. Causa est in simulachro Solis facta in vaporibus horisontis, & specie illius ad oculos nostros per radios refractos transmissâ, uti docent primus observator Christophorus Scheinerus libro de Sole elliptico, & Johannes Keplerus in *Epitome Astronomiæ Copernicanae lib. 1. pag. 60.*

XXXVII. *Scintillatio est, quâ lumen vibrant, ut illud tremulum appareat.*] Micare & scintillare stellas fixas, dubium non est, quandò omnium hoc testatur visus. Erraticæ verò non scintillant, tantum quod Mars, & nonnunquam Venus debilissimam scintillationem à sese emittant. Causam refert *Scaliger* ad motum luminis, vapores & propriam stellarum istarum naturam. Quæ in oriente, inquit, aciem tremulam quatiebant, eadem in cœli verticem ubi successerunt, minus agunt. Hoc à vaporibus evenire judicandum est. Sic Rhodienfes aucti prædicantes olim puer, in anniversariis natalis Divi Johannis Baptistæ Solem exoriri solitum exultantem, ac quasi cum tripudio. Addamus & id. Cum stellis omnibus globi figura sit, videntur tamen radiatæ adeò, ut in picturis eam sibi speciem vindicaverint. Id ex luminis vi sese spargentis, non sine quodam motu, quæ sit propria natura fidetur ejusmodi. Nam neque in Lunâ fit hoc, neque in Sole ipso, sed illius ad spectus facilis, hujus etsi non facilis, at æqualis tamen. Quamobrem non unam solam, sed omnes hæc causas agnosci oportere videtur nobis. Profectò Saturnus haud multò minus distat, quàm Orionis humerus. Non scintillat tamen.]

Mars minus distat, & scintillat, *Exercitat.* 63. sect. 1.

XXXVIII. Verum non probatur hoc Bassoni acerrimo Naturæ scrutatori: Micant, *inquit*, stellæ firmamenti, non Planetæ. Quid ita? Scaliger post multa dubitanter agitata, id *inquit* est ex luminis vi sese spargentis, non sine quodam motu, quæ sit propria natura siderum ejusmodi. Verum quidni Saturnus? Quia nempe non est talis ejus natura, Quivis rusticus id respondeat. Quid nos dicamus? Cum minima stellarum fixarum quæ videtur, globo terrestri major esse censeatur, quantos putas ignes omnes illos esse, quos continuè stella quævis eruat? Sanè mare igneum orbe terrestri majus ex stellis exire necessum est. Jam verò igne, qui exsilit, continuè spaciū occupante, necesse est illius qui de novo indefinenter exit, ignei torrentis percussu crebrum fieri refluxum vel resultam, qualem patitur mare inter fauces compressum, atque hinc inde in rupes proruptum. Hæc illa est jactatio, quâ lumen stellæ oculis micare videtur, dum præ angustia loci amnes illi ignei repressi resiliunt. Ob eandem causam ingens Solis astrum, quod vasta undique ignis maria proiciat, nonnullam videtur pati percussione, non reliqui Planetæ, quod longè minorem fluxum ignis, qui ex illis prodit, facilè loci amplitudo capiat sine rejectione, *lib. 10. Philosophie naturalis* pag. 502. 503.

XXXIX. Non tamen accedimus huic sententiæ, quando falsum est, stellarum esse igneas, lucidosque à se spargere

igniculos. Ignea illa maria è stellis in orbem nostrum demissa quantos excitaverint calores, eosque intolerabiles? Et annon media aëris regio, quæ frigida est, extinguat eosdem? Annon frigus omne, quod hyemis tempore affligit omnia, depellerent effusis maribus igniculorum? Potius cum Scaligero faciemus. Distinguiamus igitur inter scintillationem realem & apparentem. Non realis, sed apparens scintillatio hæc est, ut sæpè propria oculorum passio rebus ipsis inesse videtur. Ebris omnia duplò majora, navigantibus mobilia omnia, vertigine correptis omnia in orbem circumrotantia videntur. Apparens autem hæc scintillatio non ex unâ oritur causâ. Visus judicium ut certum sit, tria cumprimis sunt necessaria, organum benè dispositum, medium legitimum, & justa distantia. Primum non deest, quandoquidem omnium gentium & locorum hominibus, non uni vel alteri sese ingerit scintillatio. Causa ergò fuerit penes distantiam & medium. Ob nimiam distantiam nutant & vacillant in recipiendis imaginibus stellarum oculi nostri. Hinc stellarum ipsas vacillare & trepidare putamus.

XL. Accedit magna halituum copia, perpetuè aërem movens. Ergò cum forma stellæ in aëre ad visum reflexæ in oculos nostros incurrat, propter aërem trepidum & tremulum stellæ tremulæ esse apparent. In aqua celeriter profluente accedit, majorem stellarum scintillationem videri propter aquæ motum, à quâ stellæ reflexæ species distrahitur magis quam

quàm ab aëre. Lapides in fundo fluminis jacentes, ob aquæ fluitantis motum trepidate videntur. Rectè ista exponunt Athanas. Kircherus *lib. 2. Artis magnæ pag. 119. 120.* Josephus Blancanus *lib. 17. Commentariorum Sphæricorum cap. 12.* Tycho Bræhæus in *progymnasmatibus Astronomicis part. 1. pag. 402. seqq.* Antonius Deulingius *libro de mundi opificio Disputat. 10. quæst. 6.* Hieronymus Cardanus *lib. 3. de rerum subtilitate pag. 105.* Johan. Keplerus in *Astronomia Optica cap. 6. num. 12. & libro de stellæ novæ cap. 18. & in Epiroma Astronomia lib. 6. pag. 825.* Scipio Cælenas Claramontanus *lib. 9. de Universo cap. 11.*

XLII. Scribit Danaus; Stellæ scintillant, quoniam lumen earum remotius est à nobis. Ergò in hoc oculorum nostrorum radii intuentes nutant, titubant, & vacillant propter loci distantiam. Itaque ipsæ stellæ nobis titubare & vacillare videntur, quod scintillare appellamus, *part. 2. Physica Christiana fol. 166.* Supponit, visionem fieri emittendo radios visivos, de quo tamen nobis aliter videtur, uti decemus *infra lib. 8. cap. 8. dist. 2.* Cur verò à Planetis non proveniat scintillatio, bonum est Scaligeri responsum, *propriam naturam siderum esse considerandam.* Differunt stellæ claritate & splendore, facile ergò accidere potest uni quod non accidit alii. Insuper Planetæ ob propinquitatem suam validiores formas demittunt, aëris agitationi haud ita obnoxias. Quamquam Simon Marius Brandenburgicus *præfatione ad mundum Ioviale* asserit, Planetas omnes,

unâ Lunâ exceptâ, scintillare, cum oculis armato inspiciuntur.

XLII. *Visibilitas est, qua in oculos incurrit.* Solem nemo videt sine Sole, & omne lucidum per se visibile est. Quæritur: Cur stellæ interdum non videantur, cum tamen Cælum tunc aquè ac noctu sit stellis exornatum? Respondeo: Commune dictærium est, *lumen majus obscurare minus.* Reicit Patritius: Solis lumen stellarum luminæ, uti minora, non dico, uti stulta positio, *lumen majus obfuscet minus.* quomodò enim obfuscet res, quæ fusca non est omnino: sed absorbet in se & sibi unit, & oculis proximè circumquaq; circumfusum sese ostentat, & eos claritate suâ implet. Itaque quæ plurima sunt lumina, unita majori, uti unum sese ostendunt, *lib. 6. Panægiæ pag. 215.* Pro communi dictærio verba facit Scaliger: Interdum stellæ non lucent. Idque non, ut ajunt, quia Solis radii exstinguuntur. Exstinguerentur enim etiâ noctu, quandoquidem semper in ejus radiis sunt. Sed est alia causa à nobis alibi latius explicata, quare non apparent in luce diei. Quippe illustratum medium recipit speciem valentiorẽ, id est, Solis lumen, quod sit efficacius objectum oculorum. Quocirca minor atque etiam debilior species, quæ est siderum, lux non extincta sibi, sed delata per medium non sentitur, *Exercita. 62. sect. 1.* Lis facilè componitur, quæ in verbis tantum hæret, neque ad res extendit sese.

XLIII. Verborum discrimina sunt, *obfuscare, absorbere, specie valentiore impedire.* Res eadem est, sensus est idem, videlicet,

stellas non videri interdium, quia lux major prohibeat intuitum minoris. Id quod de sensibilibus aliis perindè constat. Major bombatdarum & campanarum sonus minores loquentium & canentium voces opprimit, ne exaudiri possint. Sapor nimis amarus rei dulcis saporem avertit, odor foetidus impedit sensum odoris remissi. Et semper ob sensilis excellentis præsentiam sensilis remissi tollitur advertentia.

XLIV. Exempla occurrunt nonnulla, quod etiam stellæ interdium visæ fuerint. Die illo quo imperator Julianus sacrificabat, antequam curiam ingrederetur, apparuerunt tres stellæ circa Solem, referente *Dione Cassio*. Si quis ad tabulas Prutenicas motus Planetarum quærat, inveniet Jovem in fine Sagittarii & Venerem in Capricorno, quæ diurno tempore videri potuerunt, de tertiâ stellâ dubito, ait *Calvisius in Thesauro Chronologico* pag. 358. Ego putaverim! stellam certiam fuisse oculorum deceptionem à validâ Solis impressione. *Claudianus* libro de quarto consulatu *Honorii*: *Visa etiam medio populis mirantibus audax Stella die, dubitanda nihil, nec crine re-tuso Languida, sed quantus numeratur nocte Bootes*. Numeratur, id est, æstimatur, & verò non hæc alia stella fuit, quàm Venus, de quâ constat, eam in longissimâ distantia à Sole videri interdium.

XLV. *Motus est, quo certa serie progrediuntur ab ortu ad occasum.*] Erraticas stellas omnes motu vertiginis

ferri, & cursum suum absolvere, ajunt *Herigonus in Cursu Mathematico* Tomo 5. pag. 566. *Joh. Keplerus in Epitome Astronomica lib. 4. pag. 549. seqq.* *Joh. Hevelius in Selenographia* pag. 121. 122. 145. 213. 235. Et de Sole hoc constat quidem per maculas, è quibus probatur, quod alias & alias partes globi nobis obvertat per vices temporum, testibus *Jacobo Galilæo in Nuncio siderio* pag. 32. & 49. *Bullialdo lib. 1. Astronomiæ* cap. 12.

XLVI. Quod in literis sacris commemoratur, Solem stetisse *Josue* tempore, *Josue* 10. 13. & retrocessisse *Ezechie* Regis temporibus, 2. *Regum* 20. 8. *seqq.* 2. *Chronicor.* 31. 24. 31. *Esaï.* 38. 8. *Syrach.* 46. 5. *cap.* 48. 16. nobis secundum communem Interpretum sententiam exponi haud posse, videtur, itaque miraculum unum ponimus in luce Solis ampliata è singulari gratiâ Dei, non verò in remorato Solis cursu, alterum in eo quod umbra quidem retrogressa fuerit in horologio *Achasi* Regis, ut Sol interim cursum suum prosequeretur. Quæ in contrarium disserunt *Conimbricenses lib. 2. de Cælo* quæstione 2. art. 3. *Tostadus commentariis ad lib. 2. Regum cap. 20. quæst. 26.* 27. 32. 33. 34. *Marelius Disputat. 7. contra Præadamitas dist. 16. 17. 18. 19.* ut communem opinionem defendant, ea facile solvuntur, uti monstravimus *lib. 1.*

Antiquitatum Romanarum lib. 12.

dist. 11. 12.

CAPVT SEXTVM,
De Orbibus cœlestibus.
SUMMARIA,

1. Veterum sententia,
2. Recentiorum dissensio.
3. Mars infra Solem.
4. Iovis comites.
5. Venus & Mercurius.
6. Solis macula & facula.
7. Ee non sunt in aëre.
8. Veterum opinio.
9. Solvuntur objectiones.
10. Astrorum motus per se.
11. Primum mobile.
12. Spira motus.
13. Revolutiones Solis:
14. Cælum Empyræum.
15. Cælum est liquidum.
16. Solvuntur objectiones.
17. Taurellus notatur.
18. Instantia solvitur.
19. Cælorum soni harmonici.
20. Testimonia Scriptura.

QUæritur: An stella ferantur cum motu Orbium materialium? Respondeo: Orbes quibus stellæ inclusæ contineantur, & veluti clavus rotæ infixus circumrotentur, docuerunt Pythagoras, Plato, Hipparchus, Ocellus Lucanus, & Veteres Hebræorum Theologi in libro Zohar, cumque illis Aristoteles lib. 12. *Metaphys.* cap. 8. ubi refellit Eudoxium, qui tres solum fecerat orbes cœlestes, ipse verò quinquaginta quinque effingit. Conimbricenses fatentur, quod Aristoteles in definiendo Orbium numero aberravit,

quippe quem posterioris ævi Mathematici accedente multorum temporum observatione correxerint. Interim & ipsi undecim orbes reales defendunt, incipiendo à Lunâ & desinendo in Cælo Empyræo, lib. 2. de Cælo cap. 5. *quest.* 1. *artic.* 5. Et cum illis Antonius Ruvio Rhodensis lib. 2. de Cælo cap. 5. *quest.* 2. 6. 7. cap. 12. *quest.* 1. Piccolomineus libro de cælo cap. 26. Barthol. Keckermannus lib. 2. *System. Physici* cap. 5. Scipio Cæsenas Claramontanus lib. 2. de Universo cap. 11. *seqq.* lib. 6. cap. 1. *seqq.* Johan. Poncius in *Cursu Philosophico* *Disputat. Phys.* 22. *quest.* 5. Benedictus Pererius lib. 2. *Commentariorum in Genesim* pag. 230. *seqq.* Joh. Henr. Alstedius lib. 7. *Encyclopadie part.* 2. *Physica* cap. 3. Bernh. Telesius lib. 4. de *Rerum natura* cap. 24. *seqq.* Bruno Seidelius lib. 2. *Rudimentorum Physicorum* cap. 9. Georgius Liblerus in *Epitome Physica* pag. 127. *seqq.* Jacobus Auberti *part.* 1. *Institutionum physicarum.* cap. 29.

II. Verum cum motus stellarum naturalis sit, tot distinctis in cælo conca-
merationibus opus esse, negant Tycho Braheus lib. 1. *Epistol. Astronomicarum* pag. 104. 105. Taurellus lib. 3. *Alpium casarum* *quest.* 4. & lib. 1. de Cælo cap. 28. lib. 2. de Cælo. cap. 22. Dan. Semmerus lib. 2. *Epitom. Physica* cap. 2. Christophorus Scheinerus in *Rosa Vrsina part.* 2. lib. 4. cap. 26. 27. 28. 29. Johan. Phocylides Holwarda in *Physica cœlesti* cap. 5. 6. Otto Casmannus in *Vranographi-
cis* cap. 4. *quest.* 2. & in *Astrologicis* pag. 225. *seqq.* Conradus Aslachus lib. 2. de Cælo *siderio* cap. 20. *seqq.* Renatus

Cartesius *part. 3. meditationum Philosophicarum num. 24. seqq.* Bullialdus *lib. 1. Astronomiæ cap. 2. 3. 4.* Thomas Campanella *lib. 1. Philosophiæ realis cap. 3.* Nobis sufficit unum argumentum: *Omnis motus naturalis est à principio interno vel forma ingenita. Stellarum motus est naturalis. Ergo est à principio interno vel forma ingenita.* Quandoquidem igitur stellæ in liquido cælo moventur liberè virtute propriæ formæ, frustrâ statuuntur Orbes, à quibus trahantur & ducantur accedente Geniorum ope. Accedunt experimenta Astronomica. *Primò: Quia Comætæ & stellæ novæ generantur in cælo suprà Lunam, atque ibi liberâ & obliquâ trajectione moventur, quod fieri non posset, nisi cælum liquidum esset, ut Tychonicis rationibus evincunt Erycius Puteanus lib. 1. de Cometa cap. 6. 7. 8. 9. Johan. Keplerus hyperassiste adversus Claramontium Italum, & nos prolixius dicemus infra cap. 8. dist. 1. 2. seqq.*

III. Secundò: Quia Mars quandoque infrâ Solem demittit sese tribus semidiamentris terræ, cum ad Perigæum contendit, in signis Aquarii, Piscium, Arietis, Tauri. Atqui descensus ille non posset esse, quandò Orbes solidi in cælo vel prohiberent descensum, vel in descensu necessariò interfecabunt sese orbes Martis ac Solis. Et quanquam hoc tale experimentum in dubium vocat Rodericus Arriaga in *Cursu Philosophico Disputatione de Cælo sect. 3.* non tamen ille Astronomicarum rerum mi-

nus benè peritus, facile destruet ingeniosam demonstrationem Astronomorum, quâ probant, cum Solis circulo deferente ità Martem situm esse, ut cum fuerit Acronychus in Solis opposito, sub Sole esse observetur, majoremque parallaxin, quàm Sol recipiat, minorum quatuor ferè. Ità docent Tycho Brahæus, & ex illo Johan. Keplerus in *Commentario de stella Martis cap. 11. & 64.* Christ. Longomontanus *lib. 2. Theorica Planetarum cap. 9.* Josephus Blancanus *lib. 13. Commentar. Sphæricorum cap. 1.* Phil. Lansbergius in *Tabulis perpetui motuum cælestium pag. 17.* Andreas Argolus in *Pandolfo Sphærico. cap. 54.*

I V. Tertio: Quia Jovis satellites quatuor eum libero & regulari motu circumeunt, modò viciniore Jovi, modò remotiores ab eo, prout in Orientem vel Occidentem digrediuntur. Qui motus omninò impediretur, nisi cælum esset liquidum, uti inferunt Galilæus Florentinus in *Nuncio siderio pag. 33. seqq.* Petrus Herigonus in *Cursu Mathematico Tomo 5. pag. 580. 663. 857.*

V. Quartò: Quia Venus & Mercurius Occidentales moventur infrâ Solem, conversâ rerum vice enituntur adscendendo suprà Solem, quandò sunt Orientales, teste Andreadâ Argolo in *Pandolfo Sphærico cap. 19.* & ante eum ita docuerant Brahæus *lib. 2. de Cometa*, Johan. Phocylides Holwarda in *Physica cælesti cap. 24. 25.* Aut ergò cælum est fluidum,

dum, aut intersectio orbium celestium poni debet. Quod verò Julius Scaliger *Exercitat.* 307. *sect.* 1. contendit, *novum hoc est falsum esse*, à Ptolemaeo accepit, qui eum docuerat, Mercurium infra Solem moveri semper, *lib.* 12. *Almagesti*. Atqui non primus Tycho Braheus, sed illo prior etiam Copernicus *lib.* 5. *Revolut.* cap. 27. docet, Venerem & Mercurium nunc altiores, nunc depressiores Sole esse, ac dimidio tempore supra Solem, dimidio infra Solem moveri. Itaq; jam olim Plato in *Timéo* Venerem & Mercurium supra Solem collocavit.

V I. Quintò: Quia Lunæ superficies prorsus aspera & anfractuosa est, montibus præcelsis undique referta, uti loco alio diximus, itaque vel hinc constat, nullos in cælo esse Orbes reales, cæterum non posset moveri Luna nisi vacuo concessio, vel penetratione corporum admisâ, ut satis patet. Tum quoque Sol ejaculatur multas faculas & maculas circa sese, quæ sunt tum ebullitiones & fuligines è corpore Solis vi caloris expulsi, atque nubium istum Solem obsidentes, unàque cum eo mobiles, tum lucidiores Solis porosi & anfractuosi partes, quæ diversis temporibus diversæ apparent. Ex harum permistione oriuntur umbræ illæ, quæ iidem in Sole conspiciuntur, cumque nebula obducunt, ut velut speculum tactu vel halitu oris inquinatum appareat. Et quanguam Scipio Cælénas Claramontanus *lib.* 9. *de Universo cap.* 2. *segg.* ostendere velit, quod fuligines atque macu-

læ istæ procul infra Lunam sunt, in aëre nobis propinquo, siquidem natura haud patiatur, ut in fonte lucis maculæ sint, neque ullæ fuligines ab illo corpore proveniant, ubi puritas summa est, non tamen profert quicquam assensu nostro dignum. Manet consequentia argumenti: Quia Solis maculæ velut corpora quædam opaca, superfici ei ejus contigua, vario motu & alterno æstu, viginti sex dierum spacio, circa Solem volvuntur, cælum debet statui fluidum & liquidum esse, unum, simplex, quod non quidem Orbibus, sed cursibus duntaxat sive ambagibus Erraticarum stellarum distinctum est.

V II. Quod maculæ istæ non sint in aëre, ostenditur: (1.) Quia nullum corpus sublunare motum ejusmodi regularem exercere potest, qualem hæ maculæ servant. (2.) Quia maculæ & luculæ illæ infra Solem consistendo & movendo, utique sæpius extrâ Solis discum apparebunt, quod tamen nunquam factum est. Primus maculas eas perspicillo Optico observavit Christophorus Scheinerus, & indicavit Gretsero, Tannero, Busæo, Welsero, à quibus res tunc demum credita fuit, cum per literas requisitus Galilæus consensisset, adeòq; Scheinero deinceps crediderunt plurimi, qui bis mille observationibus Solem toleravit, & macularum situm, locum, figuram, magnitudinem, ortus, interitus, revolutiones, periodos luculentis *commentariis Rosa Virfina* descriptos posteritati commendavit. Sunt veluti laterones Solis opaci, à cujus perpetuâ luce illustrantur. Nemo enim jam est, qui non

concedat eas aut in Solis superficie esse, aut illi velut contiguas, eo quod nulla à Sole parallaxis in iis observata sit, sed eodem die eadem maculæ deprehensæ fuerint in eadem Solis parte cum motu ad motum Solis æqualiter progressivo, ac longè tardiori quàm est motus Mercurii.

VIII. Quamvis in diffitis terræ locis fuerint observationes institutæ, uti docet relationes Ingolstadianæ libro dicto Scheineri, Florentinæ Galilæi libro *de maculis Solis*, Romanæ Grünbergeri, Parmenses Josephi Blancani lib. 10. *Commentariorum Sphæricæ* cap. 21. Duacenses Caroli Malapertii libro *de maculis Solis*, Gedanenses Hevelii *prolegomenis ad Selenographiam* pag. 77. seqq. & in Auctariis ad *Selegraphiam* pag. 500. His adde suffragia Andræ Argoli in *Pandosto Sphærico* cap. 44. & lib. 1. *Astronomiæ* cap. 8. Ismaëlis Bullialdi lib. 1. *Astronomiæ* cap. 8. Renati Cartesii part. 3. *principiorum Philosophicorum* pag. 66. & pag. 109. seqq. Athanasii Kircheri lib. 1. *de arte magna Lucis & umbræ* pag. 6. seqq. & lib. 2. *Mundi subterranei* cap. 4. Johannis Phocylidis Holwarda in *Physica cælesti* cap. 7. Willebrordi Snellii libro *de Comētis* pag. 40. seqq. Et quia maculæ circa limbum Solis semper graciles apparent, circa medium disci latæ, non aliter, quàm ipsius superficie Solaris pars. Cumque macularum harum notitia fugiebat Veteres, factum est ut illi sæpius olim visas maculas nigricantes sub Sole, de Mercurio comite ejus perpetuo interpretarentur, quod refert Julius Scaliger *Exercitat.* 72. & contra Bedam, Aimonium, Eginhardum re-

monstrant Bullialdus l. d. Jacobus Galilæus libro *de maculis So'is* pag. 58.

IX. Porro videbimus illa quæ pro veritate Orbium cælestium adstruendâ à Conimbricensibus & Complutensibus describit Gilbertus Jacchæus lib. 5. *Institution. Physicarum* cap. 9. 10. 11. Dicit: Fuerunt verò, qui unicum cælum statuerunt, quorum quidem sententia dudum improbata est. *Respondeo*: Sententia illa vera est. Unum est cælum, purissimum & limpidissimum corpus, incipiendo ubi aër desinit, & porro ad convexum supremum adscendendo, ubi Natura seipsam terminat. In hoc cælo uno stellæ omnes moventur constanter & distinctè eundo, *Psal.* 19. 1. 2. 3. 4. 5. Pergit: Nec enim ullum corpus contrariis & oppositis motibus potest simul moveri, eodem tempore, dum enim ascendit, non potest simul descendere, at verò in altris diversi isti motus reperiuntur, ut imposterum constabit. *Respondeo*: Nulli sunt in cælo motus contrarii. Erraticæ omnes feruntur unico motu spirali ab Oriente versus Occasum, sed tardius inferiores, & velocius superiores, qui proinde videtur, sed non est alius ac primo contrarius motus in Orientem. Quæ tamen spira, cum sursum deorsumque & ad latera mundi fiat, omnes Planctæ motus in sese complectitur.

X. Subjungit: Astra verò non moventur per se, quemadmodum pisces in aquâ, sed sicut clavus in rotâ. Concedendi ergò sunt plures cæli, qui astra circumferant. *Respondeo*: Imò

Indò per se movetur liberè in cœlo liquido & harum motibus ultrò viam permitte. Quomodò etiam cedit illud radiis stellarum & Solis, ut ad nos delabi possint. Sequitur: Plato & Aristoteles octo saltem cœlos posuerunt, propter octo distinctos motus, quos in siderib⁹ observaverunt, septem videlicet stellarum erraticarum ab occasu in ortum, & octavum stellarum fixarum, quod illis est primum mobile. *Respondeo*: Si orbium concemerationes demas, rectè illi censuerunt. Erraticæ enim sunt septem, & in octavâ cœli regione, quam illi primum mobile vocant, moventur stellæ fixæ. Addit: Omnes stellas eas in uno orbe cœlesti collocaverunt quem firmamentum appellant, ad cuius motum æquali semper remotione ac distantia inter se circumducerentur. *Respondeo*: Fixæ in regione unâ sunt, & quidem non æquæ altæ, neque æque humiles, ut benè monent Tycho Braheus *Tomo. 1. progymnasmat. pag. 470. 471.* Johan. Keplerus *lib. 1. Astronomiæ Copernicanæ pag. 34. seqq.* Non tamen rapiuntur à primo mobili. Ipsæ motu libero progrediuntur, & eandem semper inter se atque ad alias conservant distantiam.

XI. Sequitur: Timochares & Hipparchusprehenderunt, octavum orbem motu tardissimo ab occasu in ortum ferri. Et quia corpori simplici unicus convenit motus, octavus orbis autem duobus ciatur motibus, concluderunt, alterum quidem motum convenire ei per se, alterum verò à superiori orbe imprimi. Proinde nonum cœlum adjece-
runt, quod primum nobile vocaverunt Ptolemæus & Mathematici alii, *Re-*

spondeo: Motus ille verè inest stellis, sed ut progressu libero conficiatur, neque opus sit cœlum nonum addere. Cæterum res ita se habet; Nullum datur mobile primum, quod sit novus vel decimus orbis, sed primum mobile est ipse octav⁹ orbis, quatenus omnium celerrimè revolvitur versus Occidentem, & spatio viginti quatuor horarum restituit easdem stellas ad idem ejusdem Meridiani punctum. Non verò etiam rapit trahitque orbis inferiores, qui propriâ virtute feruntur ad Occasum, & eandem speciem motus, quam octavus Orbis peragit, intendunt, sed vel prævertunt vel non asséquuntur ejusdem velocitatem, id est, vel tardius perveniunt ad idem punctum Meridiani, vel prætervehuntur. Ergò sit, ut cum Planetæ fixas stellas semper pari modo veloces, ipsi nunc velociores, nunc pariter veloces, nunc tardiores comitantur, apparent esse retrogradi, cum tendunt ad occasum; vel stationarii, cum ad idem punctum Meridiani reveruntur; vel directi, cum remanent passibus iniquis retenti in Oriente.

XII. Veterum hæc doctrina fuit, Anaxagoræ & Democriti, ut refert Plutarchus *lib. 2. de placitis Philosophorum cap. 16.* & sequitur Braheus *Tomo 1. progymnasmat. Astronomicorum pag. 477. seqq.* *Tomo 2. pag. 185. seqq.* Nimirum per se ad Occasum simul feruntur, & obliquè per lineas spirales paulatim à parallelis Æquatoris deflectunt, ut in eodem parallélo ferè oriri & occidere videantur, tanto minori discrimine, quanto minor est deflexio in latum, quâ declinationem ab æquatore, & latitudinem ab Eclipticâ variant. Punctum verò hoc latè debet

capi, ut regio proxima comprehendatur simul. Namque stellæ propter spirales motus non efficiunt exactè circum, aut lineam in se perfectè redeuntem, nec revertuntur ad idem punctum præcisè, in quo heri erant: sed deflectunt nonnihil ad mundi latera versus polos, & modò altius, modò humilior in hac lineâ gyrativâ, propter Solis influxum, decurrunt.

XIII. Eandem ob causam Sol ipse postridiè non attingit medium Cæli in eodem puncto, in quo pridè erat. Adeoque Solis revolutiones quotidianæ non sunt inter se parallèles, aut ad terram concentricæ, uti pater. Sunt enim spiræ, non quidem circà terræ centrum, sed circà axem mundi ascendendo & descendendo factæ. Et quanquam bis in anno, videlicet in æquinoctio, videatur Sol pro motu diurno habere medium, velut centrum terræ, non tamen accuratius dicendo ita est. Namque cum Sol in æquinoctio ad principium Arietis consistendo movetur, non redit post viginti quatuor horas ad idem punctum, sed ad punctum aliud, atque illud vel remotius à terrâ, vel propinquius ad terram. Non ergo decurrit per motum concentricum. Verum tamen est, quod illa eccentricitas non sit in omnibus revolutionibus Solis notabilis, idèdque illæ pro concentricis maxime in ordine ad axem mundi, & pro parallèles ad sese invicem haberi possunt.

XIV. Dicit *Jacchæus*: Theologi veteres addunt Cælum Empyræum, sed cum hoc cælum nullo motu sit deprehensum, à Philosophis prætermitti solet. *Respon-*

deo: Cælum Empyræum, quod perpetuâ luce splendeat & sedes mentium beatarum sit, olim fictum, nullum est, quantumperè in illo pingendo etiam laborent Antonius Ruvio *lib. 2. de Cælo cap. 5. quæst. 3.* Philippus de Trinitate in *Summâ Philosophiæ lib. 2. de Cælo pag. 100. seqq.* Bernhardus Morisani *commentariis ad libros Physicos pag. 554. seqq.* Redemptus Baranzani *lib. 2. de cælo pag. 12. seqq.* Conimbricenses *lib. 2. de Cælo cap. 3. quæst. 2. artic. 2.* Rem prolixius exposuimus *suprà cap. 3.* Argumentatur *Jacchæus*: Si quiescente cælo moventur astra, ea vel sunt infixa cælo, vel certè sunt in superficie cæli. Et vel scinderetur cælum, vel penetratio dimensionum esset, utrumque autem est impossibile. Relinquitur ergo, cælum per se moveri, & stellæ ad ejus motum. Idem argumentum urget Piccoloménus *libro de Cælo cap. 36.* Franciscus Vallesius *libro de sacrâ Philosophiâ cap. 51.* Respondéo: Non quidem stellæ sunt cælo infixæ, quomodò clavus est rotæ impactus, sed à Deo creatore sunt collocatæ in cælo amplissimo & liquido, quælibet in certâ & tributâ regione, in quâ distinctæ à sese invicem moventur.

XV. Neque est cæli scissio. Quis enim dicat, aërem scindi, cum aves volitando permeant illum, aut quis dicat, aquas scindi cum pisces natando in illis eunt redeuntque? Cælum est fluidum & tenue, quando hoc requirit stellarum motus liberrimus. Ut cederet illis, & ne vacuum relinqueretur, iterum conflueret. De quo pulchrè disserit Nicol. Taurellus *lib. 2. de cælo pag. 523. seqq.* Neque est corporum penetratio. Quia enim ra-
rum

rum & fluidum est, findi cælum, secari, rarefcere, cum moventur astra, quid mirum vel absurdum est? Pari modo, uti stellarum radii ad nos dimittuntur per aërem, & pluviz decidunt, nec tamen penetratio dimensionum est.

XVI. Instant *Keckermannus & Alstedius*: (1) Stellæ fixæ cum propè sint innumera, nec ullo modo à se invicem divellantur, sed eodem positu constant semper firmissimâ & solidâ indigent sphaerâ, cui firmiter infixæ suum omnes eodem temporis spacio cursum absolvant. Cumque stellæ fixæ suum orbem habeant, à quo moventur, ergò & stellæ reliquæ habebunt. *Respondeo*: Taurellus negat connexionem. Certum est, ait, ab aëre compleri spacium mundi maximum, quem nos commodissimum diximus esse viventium corporum receptaculum. Eodem etiam modo maximam cæli partem ab æthere tenuissimo & purissimo censemus nuncupari. Purissimum esse constat, quod ab aquâ & terrâ sit remotissimus. Tenuissimus etiam est, hanc potissimum ob causam, ut in eo Planetæ facillimè & celerimè possint moveri, quanta celeritas in volatilibus & gressilibus animalibus non requiritur. Præterea ut aves in aëre volare possint, opus est aliquâ crassitiæ aëris, quemadmodum ut nateat pisces, aquam oportet esse crassiorem. Fulcro namque motus animalium indiget, at non Planetarum, qui motu suovolvuntur in æthere, nullis adhibitis instrumentis, quemadmodum ignis fertur sursùm, & terra deorsùm. Quod igitur in regione elementari, est aër, hoc in cœ-

lesti est æther. Et quod in aëre gressilibus ac volatilia sunt animalia, id Planetæ sunt in æthere. Ut verò suum quoddam corporibus elementaribus totique regionis elementari fulcrum est & fundamentum firmissimum, ita etiam cælos atque adeò mundum universum à summâ & extremâ parte solidissimo quodam corpore contineri necesse est, quod etiam ob firmitudinem rectè totius mundi firmamentum nuncupatur. Ità mundus ex utraque parte constans & stabilis est, infima nimirum & suprema. Quod verò in medio est intervallum amplissimum, talibus impleri oportet corporibus, quæ liberos & varios Planetarum & animalium motus juvent potius, quàm remorentur, cujusmodi aër est atque cœlestis aura. Ut verò in terrâ plantæ infixæ consistunt magno usu & ornamento, ita etiam in extremo illo corpore & firmamento stellæ fixæ sunt, quibus nihil cogitari potest pulchrius, ne quid de magnâ & multiplice dicam utilitate, quam hisce conferunt corporibus elementaribus. Hæc itaque causa est illa quam diximus esse potissimam, cur supremum cœli orbem condiderit Deus. Atque ita ex his quæ modò commemoravimus, satis intelligitur, vario Planetarum motui corpus purissimum & tenuissimum, qualis est æther, competere magis quàm solidos orbes, *lib. 1. de Cælo pag. 177. 178. & part. 4. de rerum aternitate pag. 577.* Retinet ista Joach. Burferus *lib. 2. Institutionum Physicarum cap. 2.* Summa elegantissimæ dissertationis huc redit: Cælum stellarum, quod vulgò appellant octavum

orbem, esse corpus solidum; duo esse firmamenta, supremum & infimum, quorum hoc terra sit, illud cœlum astriferum, in quo sint stellæ fixæ; cœlum astriferum necessariò aliquam soliditatem requirere, ad stellæ numero plurimas figendas & retinendas; esse analogiam quandam horum firmamentorum, uti etiam aëris & cœlestis auræ, animantium & stellarum erraticarum, plantarum & stellarum fixarum. Sic etiam Libertus Fromondus *libro de Comētis cap. 7.* Thomas Fiénius *libro de Comētis cap. 3.*

XVII. Veruntamen quid dubitare voluerit de hac comparatione velut novâ & liberaliori paulò, quàm ut concedi possit; tum quoque non satis capit, quæ cœli stelliferi diversa ratio sit ab aliis cœli partibus, quas orbibus solidis esse distinctas, nobiscum rectè negat Taurillus, ille antecedens argumenti inficiando commodè respondebit. Et negativæ ejus sufficiens ratio hæc est, quod stellæ æquali serie procedendo ostendant nobis exemplo suo, quàm sit potens, quàm sapiens Naturæ conditor ille, qui stellarum exercitus ordinatos incedere jubet, *Psal. 147. 4.* Qui cuilibet stellæ virtutem sese movendi indidit, qui stellas disposuit, ut motu suo tempora, dies, annos describerent, qui tam sapienter omnia ordinavit, circà motus stellarum, ut confusionis metu nos oppidò liberet. Quæ perinde in aliis Naturæ effectis sese prodit. Cum duo lapides æqualis ponderis, ut ad perpendicularum decident, ab altissimo loco simul dimittuntur, eandem semper inter se distantia

servant. Lupulus & faba hortensis in baculo appposito proserpit per spiras æquales, ut invicem distent æqualiter, & neutra inæqualiter incumbat alteri, nisi cum aliquis in baculo nodus impediat vegetantis formæ ordinem sapienter institutum.

XVIII. *Instant: (2)* Si moventur stellæ ipsæ citrà orbes, sit illud aut *πυλῶσι* motu vertiginis, aut *διήσει* motu circumvolutionis. Non illud, quia sic alias & alias partes nobis obverterent, quod fieri negat experientia. Non hoc, quia tunc manerent semper in eodem loco. *Respondeo:* Non est sufficiens partium enumeratio in disjuncto. Nec vertiginis motu nec circumvolutionis feruntur stellæ, verum simplici progressu. Attamen ita ut vertiginem conjungant aliquæ. De Sole imprimis constat, moveri per vertiginis motum, ut alias & alias partes globi nobis obvertat per vices, uti diximus *suprà cap. 5. dist. 45.* De cæteris verum est, mutare eas locum velocissimè, liberrimè.

XIX. Porro docebant Orpheus, Pythagoras, Plato in *Timæo*, orbes cœlestes multâ collisione, dū rotantur, sonos harmonicos edere. Consentiant Macrobius in *somnio Scipionis lib. 2. cap. 5.* Isidorus Hispalensis *lib. 3. Etymologia cap. 16.* Censorinus *libro de natali die cap. 12. 13.* Anshelmus *libro de imagine mundi*, Georgius Vernetus *Tomo 5. problematum sacrarum num. 321.* Coelius Rodiginus *lib. 5. Antiquarum Læctionum cap. 25.* Iohan. Carthagina *Tomo 3. Concionum sacrarum pag. 121.* Huc applicat Carthagēna: (1) In omnem terram exivit sonus eorum, *Ps. 19. 5.* (2) Concentū cœli quis sedabit? *Iob. 38. 37.* Verū nulli sunt in cœlo orbes reales, signimenta homi-

hominum sunt commoditati Astronomorum inservientia, quicquid hac de re proponitur. Stellæ feruntur motu libero in cælo nullis orbibus intersecto. Itaque non magis est sonus à latione stellarum in aurâ cœlesti, quàm sonus est in aëre ob volucres seipsas motitantes, ob excussas sagittas, ob emissos globos. Quamvis non negemus, ab agitatione auræ cœlestis esse murmur aliquod, sed non potest audiri.

XX. Dicta scripturæ alium prorsus habent sensum: (1) Vera scriptura in Psalmis est, *amissus corum* $\square\pi$ in omnem terrâ exiuit. Significatur $\mu\epsilon\tau\alpha\lambda\eta\sigma\tau\iota\kappa\omicron\varsigma$ cœlorum structura ad amissim facta, id est, pulcherrimè fabricata, quæ Deum perfectissimi operis conditorem ubique gentium commendat. Alexandrini in codicibus suis habuerunt $\square\pi$, itaque vertunt $\epsilon\phi\theta\epsilon\gamma\sigma\tau\omicron\upsilon\alpha\upsilon\tau\omega\upsilon$. Sequitur hoc Paulus *Roman.* 10. 8. & per quandam analogiam ad præconium Apostolorum applicat. (2) Vera scriptura in Jobo est, *& lagenas cœli quis sistet?* Sic vocat nubes pluviam fundentes, ut terras aridas rigent. Has cogit Natura & solvit iterum, Deo autore primo, quoties conservatio rerum sublunarium iubet, citrà ullum hominis subsidium.

CAPVT SEPTIMUM,

De Geniis motoribus.

SUMMARIÀ.

1. Veterum sententia.
2. Cælum est corpus simplex.
3. Primum mobile.
4. Cæli reflexio in seipsum.

5. Cæli motus circularis.
6. Angelorum demonstratio.
7. Deus Rector omnium.
8. Angelis præsidet regionum.
9. Cælorum virtutes.
10. Qui portant orbem.
11. Rationes contraria.
12. Testimonia Scriptura.
13. Refellitur Jacchæus.
14. Principium motus in cælo.
15. Cælum repugnat moventi Angelo.
16. Intelligentia suprema.
17. Conimbricenses refelluntur.
18. Scaliger notatur.

I. **N**ON erat satis, orbes introduxisse reales, sed illis affingendæ quæque fuerunt Intelligentiæ velut Ixiones. De numero Geniorum rotatorum pronunciat Aristoteles *lib. 12. Metaphys. cap. 8. lib. 8. Physic. cap. 6.* tot dandas esse Intelligentias, quot sunt orbes cœlestes & lationes. Conimbricenses etiam hic Aristotelem errare censent, non quidem in eo quòd Intelligentias movere orbes crediderit, verùm circa numerum Intelligentiarum. Hunc enim longè maiorem esse, & fidei veritatem, & rationem comprobare asserunt, *lib. 2. de Cælo cap. 5. quest. 5. art. 2.* Ità etiam Julius Cæsar Scaliger *Exercit. 359. sect. 1.* Toftadus *commentariis ad Exodum quest. 46. 49. 50.* Johannes Poncius in *Cursu Philosophico Disputat. 22. Physica quest. 9.* Joh. Baptista Ricciolus in *Almagesto novo Tomo 1. part. 2. pag. 248. seqq.* Gilb. Jacchæus *lib. 5. Institut. Physic. cap. 8.* Andreas Cæsalpinus *lib. 3. Controvers. Peripatet. quest. 3. & 4.* Antonius Ruvio *lib. 2.*

lib. 2. de Cælo cap. 5. quæst. 5. Piccolominius *libro de Cælo cap. 19.* Petrus Silvius *Disputat. de Angelis dist. 79.* Cæsar Cremeninus *libro de motoribus Cæli*, Sebast. Foxius *lib. 2. Philosophia naturalis pag. 134.* Tobias Magirus *Disputatione de forma Cæli dist. 9 seqq.* Hannibal Roscellius *commentariis ad Pimandrum Trismegisti Tomo 2. pag. 279. seqq.* Redemptus Baranzanus *lib. 1. de cælo pag. 218. seqq.* Hippolytus Pindemonius *libro de mundo cap. 19.* Philippus de Trinitate *in Summa Philosophica lib. 2. de Cælo pag. 72. seqq.* Bernhardus Morisanius *commentariis ad libros de generatione pag. 547. seqq.* Clemens Timplerus *lib. 2. System. Phys. cap. 3. quæst. 2.* Antonius Deusingus *libro de mandisopificio Disput. 9. quæst. 4.* Et in *Apologia adv. Cloppenburgium sect. 3.* Arnisæus *in Epitome Metaphys. pag. 238. seqq.* Jacobus Zabarella *libro de natura Cæli cap. 1. 8. 11.* Barthol. Keckermannus *lib. 2. System. Physici cap. 3.* Nos quidem nec intelligentias, nec maximum harum numerum negamus, officium verò hoc temerè eis ascribi censemus. Nullæ enim rationes cogunt nos, ut ità esse credamus, & quas in contrarium adfert Benedictus Pererius *lib. 2. Commentariorum ad Genesin pag. 216. seqq.* eas dissolvemus.

II. *Prima est:* Cælum est corpus uniforme in omnibus partibus suis & simplex, neque potest seipsum movere, quandò non habet partem aliam & aliã, quæ movet quæque movetur. *Respondeo:* Cælum per se consideratum est equidem corpus simplex, neque, hoc tantum, sed immobile quoque. Stellæ in cælo moventur, atque illæ omnino ha-

bent partem aliam quæ movet, id est, formam, & aliam quæ movetur; materiam, perinde uti alia corpora naturalia habent duo principia illa, à quibus sunt actiones & passionες eorundem. Neque simpliciter verum est, quod simplex natura seipsam movere haut possit. Anima sanè movet seipsam, & unà movet corpus illud, quod informat, vegetat, de loco in locum traducit. Elementa sunt corpora simplicia, moventur sursum, deorsum, prorsum, retrorsum, quod patet exemplo ignis nunc sursum versus, nunc deorsum, nunc ad latera urentis; aëris in sese confluentis, postquam locum dedit corpori transeunti; aquæ per meatus subterraneos adscendentis & superficiem telluris perluentis, inde ad Oceanum revertētis motu proprio, virtute insitâ, citrà appositos motores externos.

III. *Secunda est:* Nec ulla ratio possit inveniri, cur primum cælum, siquidem à se moveretur, ab Oriente in Occidentem moveretur potius, quàm è contrario, aut quàm à polo uno versus polum alterum, nam cum usquequaque sit uniforme & secundum omnes partes suas, quod attinet ad substantiam, prorsus indifferens, similiter quavis ex parte & in quamvis partem moveri debet. *Respondet:* Sacræ literæ testantur, DEum opificem ità condidisse astra, ut citrà errorem orientur, occidant, moveantur celerissimè, liberrimè, itaque frustra metuitur, ne ab Occidente moveantur ad Orientem, quandò hoc legibus Creationis repugnat, *Psal. 19. 6. Psalm. 74. 16. Psalm. 104. 19. Psalm. 147. 4. Ecclesiast. 1. 5. Esai. 40. 26. Ierem. 31. 35.* Con-

sideremus naturæ sapientissimum auctorem, quem Aristoteles rimabatur potius quam noverat, & definamus futilibus subsidiiis roborare. Neque enim illis indiget perfectissimorum operum Author.

IV. *Tertia*: Quando cælum movetur seipsum, reflecteretur in se ipsum & supra operationem propriam, quod tamen proprium est naturæ intelligentis, uti censet Aristoteles lib. 1. de animâ. *Respondeo*: Falsum est, illa reflecti in sese qua moventur per sese. Elementa moventur à principio interno, neque tamen illa vel intellectum habent, vel reflectuntur, cogitationes adhibendo super rebus aliis, Aqua fluvii, fontis, amnis, rivi movetur, nec tamen reflectitur in seipsum.

V. *Quarta*: Non potest reddi causa probabilis, cur cælum in orbem perpetuò ageretur, cum eo motu nihil sibi acquirat, nec quod habet, tueatur & conservet? cur item confecto spacio suo semel, & unâ integrâ conversione absolutâ non desinat moveri, sed infinites idem spaciū repetat ac remeet? *Respondeo*: Causa, non dicam probabilis, certè necessaria est, quia omnis efficiens naturalis agit secundum vires suas. Ità ignis perpetuò urit, donec pabulo destituitur, quod ubi semper additur, semper ignis depascit. Moventur sidera in cælo nunquam desituto motu, quia secundum leges naturæ institutæ, debent esse signa noctium, dierum, temporum, annorum, *Genes.* 1. 14. 15. Et secundum leges naturæ restitutæ debent esse vicissitudines dierum, noctium, annorum, *Genes.* 8. 22. Hæc talia esse non possent,

quando siderum conversiones pariter non essent perpetuæ.

VI. *Quinta*: Qui negat, cælos moveri ab Angelis, nullam perfectò reliquam facit viam & rationem philosophicam, quâ cognosci & probari queat, Angelos esse. Namque argumenta alia, quæ adduci solent, ut probetur, esse Angelos, infirma & obscura sunt. *Respondeo*: Qui non credit, Angelos esse, quomodo compellatur, id credat, Angelos movere stellas? Illud enim prius est quam hoc. Aristoteles, qui negavit esse Genios Platonis doctrinâ imprimis celebres, credidit tamen Intelligentias, verum ejusmodi quas nec mundus habet, nec si haberet, eis multum frui posset, quod in sublunaria non queant descendere. Cæterum quibus argumentis ad veritatem rei ostendatur, Genios esse, satis constat ex illis quæ diximus lib. 1. *Antiquitatum Romanarum* cap. 1. dist. 2. 3. seqq. ubi videantur. Nequaquam obscura sunt, vel infirma.

VII. *Sexta*: Theologi Veteres summo consensu docent, quod Deus regat omnia per Spiritus. *Respondeo*: Quod Angeli ministeria quævis obeant Dei nomine in his terris, constat ex sacris litteris, idèdque piè creditur: sed quod stellas moveant in cælorum serie, nuspiam docent literæ sacræ, adeòque frustra affirmatur secundum Theologos.

VIII. *Septima*: Theologi docent, quod Angeli præsent regionibus & gentibus, velut custodes, tutores, rectores publicæ salutis, eò magis creditur præesse illos cælorum motui à quibus penderet rerum sublunarium salus & incolumitas.

Respon-

Respondeo : Quod Angeli sint regionum, urbium, gentium rectores custodesque, ex sacris literis quodammodo probatur, neque hoc negaverimus, uti dictum est *lib. 1. Antiquitatum Romanarum cap. 2. dist. 3. & lib. 1. Institutionum Politicarum cap. 3. dist. 9. 10.* De stellarum motu omnino aliter est.

IX. Octava: Scriptura memorat virtutes cælorum, *Matth. 24. 29.* id est, Angelos, quorum ope moventur cælorum orbis. *Respondeo* : Virtutes cælorum sunt influentiæ siderum in hæc sub-lunaria, quatenus elementorum viribus multa constant. Hæc movebuntur, id est, statu suo deicientur, quando seculum consummabitur, atque esse incipient novum cælum, nova terra, *Apocal. 21. 1. 2. seqq.*

X. Nona: Scriptum est *Jobi 9. 13. Sub eo incurvantur qui portant orbem.* Hi sunt Angeli motores orbium cælestium. *Respondeo* : Verè rectius, *sub eo incurvantur adiutores superbi.* Sensus est: DEo terrorem immitte etiam superbissimi & fortissimi quivis homines verentur paventq; Hic nihil cogitari debet in favorem Geniorum rotatorum, qui nusquam sunt.

XI. Hactenus rationes Pererii, quas ex eo repetunt Antonius Ruvio Rhodensis *lib. 2. de Cælo cap. 5. quest. 8. 9. 10. 11.* Hurtadus Mendoza in *Cursu Philosophico Disputat. 2. de Cælo sect. 4.* Wilhelmus Chabronus in *Cursu Philosophico Tomo 2. pag. 496. seqq.* Nos pro evertendâ stellarum formâ assistente inferimus: (1) Unius rei unica est forma. Atqui stellæ habent formam propriam internam seu

concreatam, unde ipsarum motus & operationes dependent. Ergò non habent opus formâ extrinsecus assistente. (2) Quodcunque oritur à formâ internâ, illud non requirit formam externam. Atqui stellarum motus oritur à formâ internâ. Ergò non requirit formam externam. (3) Omnis motus naturalis provenit à formâ internâ. Atqui stellarum motus est naturalis. Ergò provenit à formâ internâ. (4) Quicquid ab omni vi externâ liberum est, non movetur à causâ externâ movente. Atqui stellæ ab omni vi externâ liberæ sunt. Ergò non moventur à causâ externâ movente. Minor est apud Aristotelem *lib. 1. de Cælo cap. 3.* (5) Quicquid ab externâ causâ movetur, illud naturâ suâ quiescit. Atqui stellæ naturâ suâ non quiescunt. Ergò stellæ non moventur à causâ externâ. Major constat: Sublato motore externo sequitur quies. Minorem confirmat duplex testimonium Aristotelis. Namque *lib. 1. de Cælo cap. 3.* ait: *Cæli pars nulla aliquo modo quiescere potest.* Et ibidem: *Cælum naturâ suâ in orbem movetur, quoniam alias motus non esset perpetuus, nihil enim quod sit citrà naturam, est perpetuum.* Sic ille. (6) Omnis affectio inest corpori naturali propter causam internam. Atqui motus circularis est propria stellarum affectio. Ergò inest stellis propter causam internam. Major constat, quod forma est principium affectionum, insuper quod propter formam motus sit in naturalibus, expressè docet Aristoteles *lib. 3. de Cælo cap. 7.*

XII. Accedunt literæ sacræ, quas ignorare vel negligere, Philosophi Chri-

Christiani non est. Hæ docent, quod DEus condiderit Solem & astra, ut certo ordine motus suos absoluant, *Psal.* 74. 16. Quodsi astris inest principium motus, quid opus est, Intelligentias ad illa religare, velut Sislyphos ad saxi volutabrum? Ità *Psal.* 19. 6. *Psal.* 104. 19. celebratur potentia divina, perquam astra condita sūt, ut virtute principii interni moveantur citrà auxilium Motoris externi, qui foris adstat.

XIII. Rectè ergò Motores illos cœlo detrahunt Nicol. Taurellus *lib.* 2. *Alpium casarum quæst.* 45. & *libro de rerum æternitate pag.* 429. *seqq.* & *lib.* 2. *de Cælo pag.* 551. Otho Casmannus in *Vranagraphicis cap.* 4. *quæst.* 3. 4. Johannes Graßotius in *Physica compendiaria pag.* 270. 271. Lambertus Danæus in *Physica Christiana part.* 2. *tract.* 4. *cap.* 19. Ambrosius Rhodius *dissertatione de stellis dist.* 7. Johan. Phocylides Holwarda in *Physica cælesti cap.* 2. Eusebius Nirembergius *lib.* 2. *historia naturalis cap.* 8. Nos pergemus examinando illa, quæ pro astruendis Motoribus externis adfert Gilbertus Jacchæus *lib.* 5. *Institut. Physicarum cap.* 8. Dicit ille: Cælum est in loco proprio & naturali. At quod in proprio suo loco existens, ab interno se movet, id omne vivere dicendum est. *Respondeo:* Negatur, quod motus omnis sit propter acquirendum locum, neque enim omne illud vivit, quod in proprio loco existens ab interno principio sese movet. Sic fontes & flumina ab Oceano proveniunt, & ad Oceanum perpetuo motu redeunt. Hic motus est à

principio interno, & illa tamen non videntur.

XIV. *Pergit:* Accedit porro, cum motus cœli nihil ad ejus perfectionem faciat, non fuit necesse, ejus internum principium activum dari. *Respondeo:* DEus & natura ità condiderunt stellas, ut perpetuò moveantur, neque ergò debet negari, quod motus cœli ad perfectionem ejus faciat, *Genes.* 1. 14. *seqq.* *Psal.* 19. 1. 2. *seqq.* *Psal.* 74. 16. *Psal.* 147. 4. Et quod ab interno principio oritur, frustra ad principium externum remittitur. *Instat:* Videmus, naturam in superfluis non abundare, quid ergò attinuit darie jussimodi principium motus internum? *Respondeo:* Quis dicat, naturam abundare in superfluis, cum dat illa quæ ad rerum naturalium essentiam pertinent? Principium motus activum internum est de essentiâ rerum naturalium, uti satis constat. *Concludit:* Superest ergò, ut cum majore & meliore Philosophorum parte dicamus, cælum moveri ab externo agente. Non ità tamen, ut motus sit violentus, siquidem ille motus violentus judicandus est, qui ità fit ab externo agente, ut patiens effectivè repugnet, quod hic non habet locum. *Respondeo:* Datur quoque motus violentus, qui ità fit ab externo agente, ut patiens effectivè non repugnet, sed lubens obsequatur, uti cum homo provehitur navi, cursu, equo, teste ipso Aristotele *lib.* 4. *Physic. cap.* 8. Quando aër à ventorum procellis impellitur, & quando mola pensilis in orbem contorquetur à vento, est motus violentus, nec tamen mola repugnat motui, aut vento movèti.

XV. Porro invertimus exceptionem, & quod cælum non repugnet moventi Angelo, fallum esse pronunciamus. Si enim natura Cœli per se ad quietem sese componit, si in loco naturali cælum est à quo non vult removeri, si nihil acquirit sibi motu illo, resistit certè moventi, quod naturæ quietem amantem, sese opponit. *Demum ait*: Atque hac ratione maximè videre est, quomodo à superioribus regantur inferiora, & quomodo corpora regantur à spiritualibus. Tanta siquidem est constantia motuum cœlestium & tam certus ordo, ut convincant, causam aliquam intelligentem præesse. *Respondeo*: Equidem inferiora reguntur à superioribus, verum in statu perfectò, quomodo homo ipse & maximè quidem regitur, licet vitæ, sensus & motus principium in sese habeant.

XVI. Spontè ergò suâ cadunt Intelligentiæ, quas cœlorum astrorumque motrices Natura agnoscit nullas. Neque etiam sacer codex, in quo Angelorum officia exactè describuntur, hujus muneris, quod illi in naturâ gerant, inque cœlis astrisque circumrotandis sustineant, meminit. Neque est, qui negat, cœlo & cœlestibus præesse causam intelligentem. Præest certè toti mundo & universæ naturæ prima Intelligentia, Author naturæ, qui ordinem à se primitus institutum conservat.

XVII. *Conimbricenses* inferunt: Si à formâ propriâ moventur stellæ, consequitur, quod in seculi alterius statu per vim quiescant. Atqui hoc incon-

venienter statuitur de nobilissimis corporibus. Ergò. *Respondeo*: Cælum & stellæ non erunt in sæculo altero, ut dicemus *infra lib. 10. cap. 5. dist. 1. seqq.* Scalliger prolixè disserit, ut Genios Peripateticos defendat. *Ait*: Audiant argumenta nostra. Quod movetur, id movetur ut quiescat. Non potest autem quiescere, nisi in loco suo, non igitur movebitur à loco suo, si propter adaptionem ejus motum jam est. Si igitur cœli pars movetur puro motu naturali, in loco suo non est, & si est in loco suo, non movebitur. At movetur, ergò non est in loco suo. At in loco suo omnes cœli partes sunt, quate non moverentur, ut proprium locum occuparent. Necesse est igitur, moveri alio motu, quàm puro motu naturali. *Respondeo*: Falsum est, quodcunque movetur, hoc moveri idè ut quiescat in loco suo. Falsum est, quod cœli pars moveatur, quando ipsum totum immobile est. Falsum est, quod stellæ pars cœli sint.

XVIII. *Pergit*: Si omnes partes sunt in loco, sunt autem quia totum est in loco suo, nulla pars alterius partis locum occupare appeteret; neque illæ discederent, quia sunt in loco suo. Adhæc, quæ hîc moventur, propter sui conservationem moventur, igitur necesse est, cœlestis motus alium esse finem, non enim moventur partes propter sui conservationem. Nihil acquirunt sanè novi propter se. Etenim tantundem distant à centro mundi primæ mobilis partes omnes. Quare moveri eas propter nostram generationem putandum est. Hoc autem non potest fieri à purâ propensione

sione sine consilio. Voluntarius eigo est. An verò & cum eo naturalis? Non. Denique, cum quies sit perfectio ultima corporis naturalis, motus autem perfectio media, & cælum non egeat perfectione, quâ promoveat, ut sit hoc quod non est. Non est ei data forma naturalis ad movendum ut perficiatur, sed forma voluntariæ intellectiois ad movendum, ut perficiat. Perficit enim nostratia hæc. *Respondeo*: Falsum est, quod pars una partis alterius locum appetat, itaque de loco in locum transeundo promoveatur cælestium corporum motus. Falsum est, quod cælestium corporum motus non sit purè naturalis. Non magis implicat voluntarium, quàm cum ignis movetur sursum, terra deorsum. Falsum est, quod voluntarius motus, quia Intelligentiæ, quæ movent stellas, voluntatem habent. Eodem ausu dixerim, quod motus gurgillis, motus naviculæ sit voluntarius, moventur enim ab assistente formâ, quæ voluntatem habet.

CAPVT OCTAVVM,

De stellis novis.

SUMMARI A.

1. Veterum sententia.
2. Refellitur ista.
3. Argumenta proponuntur.
4. Motus proprius Cometarum.
5. Lux purissima Cometarum.
6. Contrarie rationes.
7. Solvantur ista.

8. Cometa accipiunt lucem à Sole.
9. Plinij relatio.
10. Cometa aërij.
11. Criniti & Turbinati.
12. Brahei sententia.
13. Stella nova.
14. Earum motus sursum deorsum.
15. Materia generationis.
16. Stelle nova in Viâ Lactea.
17. Bodinus refellitur.
18. Paganarum religio.
19. Cometarum praesagia.
20. Terriculamenta.
21. Sapè impleta.
22. Cometa prænunciator belli Germanici.
23. Stella Magorum Arabia.
24. Erat meteoron.
25. Cometa tres à nobis visi.

I. **P**eripatetici veteres pariter atque novi describunt Cometam, quod sit meteoron, igneum, compactissimum, ortum ab exhalationibus calidis, viscosis, virtute siderum in aëris supremam regionem evectis, ibidemque à Solis radiis secundum refractionem illustratis, vel reipsa inflammatis, accensis & deflagrantibus. Ità Aristoteles lib. 1. de Meteoris cap. 6. 7. & sequuntur Athanasius Kircherus lib. 8. *Artis magnæ lucis & umbræ* pag. 655. Joh. Regiomontanus libro de Cometis, Benedictus Mazottus lib. 1. de Meteoris cap. 2. 3. Thomas Erastus libro de Cometis, Joh. Combacchius lib. 3. *Institut. Physicar.* pag. 395. 396. Julius Scaliger *Exercitat.* 79. dist. 1. 2. Petrus Appianus libro de Cometis, Gilbertus Jacchæus lib. 7. *Institutionū Physicarū* cap. 7. Rod. Goelenius

I 2 lib. 4.

lib. 4. Disputationum Physicar. 3. 4. Sebast. Foxius lib. 3. Philosoph. naturalis cap. 2. Jacobus Auberti part. 2. Institut. Physic. cap. 5. Bruno Seidelius lib. 2. Rudimentorum Physicorum pag. 264. Franc. Piccolominéus libro de meteoris cap. 8. Barthol. Keckermannus lib. 6. System. Phys. cap. 5. Michaël Watfons in Collegio Physico Disputat. II. dist. 19. 20. 21. 22. Conimbricenses libro 3. de Meteoris cap. 3. 4. Philip. Mocenicus part. 4. Contemplat. Academicarum sect. 1. cap. 13. Thomas Campanella lib. 1. Philosophiæ realis pag. 70.

II. Verùm accuratissimæ recentis ævi Astronomorum observationes deprehenderunt, *Stellas novas in cælo generari*, ut sint miraculosus effectus Dei, ac proinde non impunè spectantur ista bellorum, famis, pestis, multarumque calamitatum prænuncia ostenta. Rationem cum primis adferunt, quia parallaxin exiguam habent, adeòque non sint in meteororum sede, aëre, infra Lunam. Et verò Luna parallaxin magnam admittit. Quò elevatur aliquid magis in cælo, eò minorem habet parallaxin. Cæterum parallaxeos doctrina, quam ab Hipparcho commendatam olim, retulit in literas Ptolemæus *lib. 4. Almagesti cap. 13.* ejusque ope distantiam siderum à terrâ indagat, non fuit Aristoteli cognita, primus verò qui usum ejus ad explorandum stellarum novarum locum traiecit, fuit Joh. Regiomontanus *libro de Cometis*. Hunc sequutus est Joh. Vögelinus *libro de Cometis*, uterque tamen parallaxi abusus minorem illam confingebat, ut Cometam in aëre detinerent,

quod illis Tycho Brahæus *lib. 1. progmnastron. pag. 307. seqq.* liquidò exprobrat. Nos argumentum à parallaxi desumptum haud urgebimus loco præsentis, quod contrariis scriptis ventitant Tycho Brahæus, Johan. Keplerus, Scipio Claramontanus, Fortunius Licetus, quandoquidem illud non intelligunt nisi illi qui profundiora Astronomiæ decreta perceperunt; consistemus verò intrâ Physicæ limites, quæ demonstrat nobis, cælestem regionem producere stellas novas, non uno modo, dum ingerit motum, quantitatem, colorem, scintillationem.

III. Totidem construemus argumenta. *Primum* est: Quicquid habet motum constantem & stellis aliis parem, illud in regione cælesti existit. Atqui stellæ novæ habent motum constantem aliisque stellis parem. Ergò stellæ novæ in regione cælesti existunt. Minor constat: Stellæ novæ moventur secundum ordinem signorum in zodiaco, tum ab ortu in occasum, tum ab occasu in ortum, citrà notabilem declinationem, Meteora sunt vaga & instabilia.

IV. *Rursum*: Quicquid motu proprio tardius movetur quàm Luna, illud suprâ Lunam elevatum est. Atqui stellæ novæ motu proprio tardius moventur, quàm Luna. Ergò stellæ novæ suprâ Lunam elevatæ sunt. Major constat: Quò remotior est stella à centro terræ, eò tardius per cælestem regionem decurrit. *Secundum* est: Quicquid è vaporibus non coalescit, illud non est meteoron. Atqui stellæ novæ è vaporibus non coalescunt. Ergò

Ergò stellæ novæ non sunt meteoron. Minor constat: Quia impossibile est, ut tanta moles vaporum in aërem subuehatur à Sole, quæ tantum corpus efficiat, tantoque tempore conservet, nam Comæta quidam Sole ipso maiores fuerunt, & mensibus plurimis, anno integro, annis aliquot steterunt, neque decrementum aliquod in eis observatum fuit. Stella nova in Cassiopeiâ initio sui, quando apparebat, fuit maior quàm terræ trecenties sexagies, uti refert Brahæus *part. 1. progymnasm. Astronom. pag. 301. seqq.* Meteora quæcunque in aëre propter violentiam ignis deflagrant citò semel accensa, & propter inopiam alimentum subito deficiunt.

V. *Tertium* est: Quicquid lucem purissimam fundit, illud est cœlestis naturæ. Atqui stellæ novæ lucem purissimam fundunt. Ergò stellæ novæ sunt cœlestis naturæ. *Quartum* est: Quicquid validissimam scintillationem efficit, illud est cœlestis naturæ. Atqui stellæ novæ validissimam efficiunt scintillationem. Ergò stellæ novæ sunt cœlestis naturæ. Et verò meteora propter materiæ debilitatem ex se fundunt lucem debilem, nullamque efficiunt scintillationem.

VI. Scipio Cæsénas Claramontanus *libro de sublimari sede Comëtarum*, Contarénus Venetus *lib. 2. de Elementis pag. 65. 66. 67.* pro Aristotële decretant multis rationibus, quarum summa hæc est (1) Suprema pars aëris, in quâ Comëta versantur, à primo mobili in orbem rapitur, & unâ motu illo circumducuntur Comëta. (2) Comëta certi alicujus Planetæ dominiò subjecti sunt, itaq; ab illo

rapiantur motu regulari. Et hæc causa est, quod eorum parallaxis minor sit præ Lunari. (3) Comëta sapius motu flexuoso extrâ Zodiacum vagantur, quod evincit, non esse stellas. (4) Magna haliruum copia potest virtute siderum à subterraneis paludibus attrahi, unde Comëta generentur & tempore multo conserventur. (5) Res ipsa ostendit, Comëtarum lumen esse flammis igneis persimilem, non verò stellarum luci. (6) Comëtarum figura est turbinata, itaque non possunt stellæ esse, quæ sunt rotundæ. (7) Nulla stella augetur, minuitur, consumitur. Atqui Comëta augentur, minuuntur, consumuntur. Ergò non sunt stellæ. Minor probatur, quia observatum est, Comëtas primùm exiguos esse visos, deinde crevisse, mox decrevisse, donec perierint. *Hac ille.*

VII. Respondeo: (1) Tàm non movetur aëris pars suprema, quàm non movetur cœlum ipsum. Et hoc immobile est, & illa quiescit. Comëta verò motu suo procedunt ab ortu ad occasum, quemadmodum stellæ aliæ in cœlesti regione posite. (2) Falsum est, quod à Planetâ aliquo rapiantur. Evincit hoc motus eorum, quem peculiarem & à stellis reliquis diversum habent. Ità ut eas nunc pari cursu comitentur, nunc velociore antevertant, nunc tardiore sequantur. Nunc altius consistant, nunc humilius vagentur, nunc oppositi sint. Neque illa ratio Comëtam à parallaxi liberat, propterea quod centrum motus sideris & centrum motus Comëta non sint idem cum centro visus, unde quæ antea videbantur conjuncta, motu primi

mobilis paulatim separantur, atq; ita parallaxis detegitur. (3) Quod motu ad Zodiacum non perinde æquali ferantur, non arguit, Cometarum motum esse vagum. Quin potius bono ordine progrediantur in circulo magno, oriuntur, occidunt, citrà declinationem evidentem. (4) Nullo modo possibile est, ut tanta vaporum aut fumorum copia provehatur sursum, etiam si paludes omnes exhauriantur, unde tantum corpus efformetur, ac porro conservetur in istâ figurâ, magnitudine, & cum incremento iusto. (5) Falsum hoc est, & docet oculorum inspectio, purissimam lucem inesse Comētis, meteorâ ignita habere flammam obscurissimam, evanidam, fumosque potius evomere quàm clarissimam lucem effundere. (6) Stellæ ordinariæ equidem circularem habent figuram, non tamen Comētæ negari possunt, esse in cœli regione aliquâ, licet imitentur figuram turbinatam. (7) Sequitur inde, quod pro tempore generentur, & cum tempore intereant Comētæ. De loco pronunciamus, in cœlesti regione oriri atque occidere illos, & à Sole accipere lucem.

VIII. Quod lucem suam à Sole accipiant, dubium non est, habent enim omnes averfam à Sole oriente caudam. Indidem est, quod à Sole depresso infrâ horizontem, cauda Cometarum versus Zenith erecta esse videtur. Et quod prius oriatur barba Comētæ Orientalis, quàm caput; contrâ verò prius occidat caput Occidentalis Comētæ, quàm cauda ejus. Quanquam Isaac Vossius libro de naturâ & proprietatibus Lucis cap. 32. disserat,

Comētam non quidem ab uño saltem latere ardere & flammantem projicere comam, sed undique uti, undique ignem, vaporem & radios in orbem quàm latissimè ejaculari, sed quia in parte, quæ Solem respicit, à majori lumine obruitur atque exstinguitur Comētæ fulgor, ideò in parte tantum umbrosâ, quæ averfa est à Sole ignem istud apparet capillitium. Hacile, cum quo nunc haud multum certabimus, Regionem cœlestem tribuunt Comētis Tycho Braheus in *progymnasmatibus Astronomicis*, Thaddæus Hagecius, Joh. Keplerus, Cornelius Gemma, Thomas Fienus, Antonius Santucius, Joh. Baptista Cysatus, Fortunius Licetus *libris de Comētis & novis stellis*, Josephus Blancanus lib. 18. *Commentarior. Sphæricor. cap. 3.* Andreas Argolus in *Pandolfo Sphærico cap. 62. & 64.* Willebrodus Snellius, Laurentius Eichstadius, Erasmus Bartholinus *libris de Comētis*, Renatus Cartesius *part. 3. principiorum Philosophicorum pag. 70. 109. 110.* Eusebius Nirembergius *lib. 8. Philos. naturalis cap. 34.* Guilhelmus Gilbertus in *Philosophiâ novâ lib. 3. cap. 4. 5. 6. 7.* Joach. Burserus *lib. 2. Institution. Physicarum cap. 14.* Petrus Gassendus in *Philosophiâ naturali sect. 2. lib. 5. cap. 12.* Videamus porro differentias eorum.

IX. Plinius duodecim genera Cometarum recenset: Cometæ Græci vocant, nostri crinitas, horrentes crine sanguinio, & comarum more in verticè hispidas. Idem Pogonias, quibus inferiori ex partē, in speciem barbæ longæ, promittitur juba, Acontia jaculi modo vibrantur, ocyssimo significato. Hæc est, de quâ quinto Consulatu suo

Titus Imperator Cæsar præclato carmine perſcripſit, ad hunc diem nouiſſimè viſa. Eaſdem breuiores & in mucronem ſiſti-
giatos, Xiphias vocauerunt, quæ ſunt om-
nium pallidiſſimæ, & quodam gladii
nitore, ac ſine radiis ullis, quos Diſceus
ſuo nomini ſimilis, colore autem electo,
raros è margine emittit. Pithetes dolio-
rum cernitur figurâ, in fumidæ lucis con-
cavo. Ceratias cornu ſpeciem habet,
qualis fuit cum Græcia apud Salamina
depugnauit. Lampadias ardentes imita-
tur faces. Hippeus equinas jubas, ce-
lerrimj motus atque in orbem circa
ſeſe euntes. Fit & candidas Cometes,
argento crine ita refulgens, ut vix
contueri liceat, ſpecieque humanâ
Dei imaginem in ſe ostendens. Fiunt
& hirti villorum ſpecie & jubâ aliquâ
circumdati. Semelad hoc jubæ effigi-
es mutata in hæſtam eſt, Olympiade cen-
teſimâ octauâ, urbis anno trecentefimo
nona, eſimo octauo, *lib. 2. hiſtor. natur.*
cap. 35.

X. Ob hanc tantam Cometarum va-
rietatem factum eſt, ut Plinio nimis cre-
duli multi Cometas quosdam ætherios,
quosdam aërios eſſe ſtatuant, Daniel
Sennertus *lib. 4. Epitomes Phyſicæ pag.*
266. Joh. Gigas *lib. 1. ſyſtem. Coſmograph.*
pag. 16. Olaus Wormius *commentariis*
ad librum de mundo pag. 111. ſeqq. Arnicaus
in *Epitome Phyſicæ pag. 300. 301.* Arnoldus
Senguerdus *lib. 4. Introduc. Phyſicæ cap. 2.*
Derodon. in *Phyſicâ contractâ part. 2. cap.*
4. art. 3. diſt. 19. 20. ſeqq. Verum Co-
metæ aërii ſunt nulli. & quæ more in-
ſolito apparent in aëre, meteorâ qui-

dem ſunt è vaporibus conſtata, Co-
metæ non ſunt. Nobiliſſimus Braheus
tantam Cometarum diuerſitatem non
agnoviſcit: Dubium non eſt, ait, multi-
plices exhiberi Cometarum ſpecies, ve-
rum in his non eſt tanta diuerſitas, quan-
tam Veteres & Recentiores quidam eo-
rum imitatione opinantur. Nam for-
mæ externæ vulgariter apparens varie-
tas, aliunde quam putatur, cauſam ha-
bet, & potius accidentale quid, quàm rea-
le eſt. Quotquot nos hæcenus con-
ſpeximus, Cometæ, & quotquot etiam
ab aliis Mathematicis denotati ſunt, nihil
quoad habitudinem realem & principa-
liora diſferre à ſe invicem videbantur. In
particularibus quibusdam & per acci-
dens evenientibus, non exigua fuit diſ-
ſimilitudo, quam tamen, rem ipſam uni-
verſaliter conſiderantes, non difficulter
excuſare & conciliare poterunt, *lib. 1.*
progymnaſmai. Aſtronom. pag. 652.

XI. Noſputamus, quod Plinius
meteora quædam inter Cometarum
ſpecies retulerit, quandoquidem Come-
tas ipſos in meteororum numero habe-
bat. Ariſtoteles *lib. 1. Meteoror. cap. 7.*
& Seneca *lib. 1. quaſt. natural. cap. 11.* du-
plices Cometas annotant, crinitos &
turbinatos. Criniti ſunt, cum radii un-
diquaque diſpergantur æquales in cir-
cuiu per morcem capillorum, unde cin-
cinnatas ſtellas vocat Cicero *lib. 2. de*
Natur. Deor. Turbinatus eſt, cum ra-
dii effundantur ab uno latere, ſive
deorſum verſus nos, unde Barba-
tus, vel ſuſum, unde Caudatus voca-
tur.

XII. De Crinitis ferè dubitat *Braheus*; Fateor quidem, ait, ex Astronomorum & Physicorum relationibus, attestante idipsum experienciâ propriâ nostrâ in in quibusdam aduersionis, nonnullos Cométas ab initio caudâ destitutos, eam postea acquisiuisse, & in quibusdam vice versâ idipsum factum esse, attamen ista diversitas huc nihil facit. Causa enim cur aliquandò in Cométis spectetur, interdum verò non, satis cognita nequam fuit, qui hac de re quæstionem moverunt. Ex quo enim cauda per accidens à Sole proveniat, pro varia capitis Cométæ respectu Solis habitudine & dispositione, illa vel prorsus aspectui nostro non patet, aut plus vel minus illi occurrit. Atque hic factum est, ut quidam existimarent, Cométas hanc crinium seu potius radiorum Solarium ejaculationem ab initio non habuisse, aut etiam postea amisisse, motu eorundem relatione Solis sic tamen exigente, l. d. pag. 652. Quomodò cauda & barba permurentur, jam ante diximus.

XIII. Cæterum à Cométis distinguuntur Stellæ novæ, in quibus seu barba seu cauda non est, & quæ non feruntur motu alio quàm illo, qui competit primo Mobili. In veterum relationibus celeberrima est illa, quam Annis CXXV. ante Christum natum observabat Hipparchus Rhodius, e jusque occasione cepit loca stellarum fixarum diligentius annotare, teste Ptolemæo lib. 2. *Almagesti* cap. 26. Nostro ævo celebrantur plures. Stellam novam in Cassiopeiâ A. C. 1572. quæ septendecim mensibus stetit, describit *peculiari libro Braheus*. Aliam in pe-

ctore Oloris A. C. 1600. quæ duravit viginti annis, describunt Joh. Keplerus *peculiari libro*, Andréas Argolus in *Pandolfo Spharico* cap. 62. Josephus Blancanus lib. 18. *de fabricâ mundi* cap. 3. Rursus aliam in Serpentarii genu A. C. 1604. quæ stetit septendecim mensibus, describunt Joh. Keplerus l. d. Blancanus l. d. cap. 4. Novissimam in lucidâ mandibulâ Ceti A. C. 1638. describit Joh. Holvarda in *dissertationibus Astronomicis* pag. 185. *seqq.*

XIV. Et quidem de novis stellis istis contendunt probare Cornelius Gemma lib. 11. *de Characteribus natura* cap. 3. Josephus Blancanus lib. 18. *Commentar. spheric.* cap. 5. Petrus Gassendus in *Physicis sect.* 2. lib. 5. cap. 2. Henricus Regius lib. 2. *Philosophiæ naturalis* cap. 13. quod per motum sursum & deorsum existant, id est seu per quidem fuerint, verum tunc videantur solum, cum proprius nos descendunt, & non videantur, cum à nostro conspectu altius adscendunt in cæli profunda. Tycho Braheus impugnat; Si, ait, per adscensum & descensum, aut mediis alicujus interpositionem subductionemque id fieri potuit, cur non antea quoque eodem modo tot mundani ævi præterlapsis seculis sese exhibuit, rursusque disparuit? cur non sæpius in aliis quibusdam stellis id factum est? Cur non genuinis & mundo coævis etiam iis quæ juxta Viam lacteam sunt, talis illuminatio medio aliquo interveniente nonnunquam contigit? Sed valeant ista, vix refutatione operosa digna, lib. 1. *progymnasmat. Astronomicor.* pag. 332, 532. 563. 691.

XV. De materiâ ex quâ generantur novæ stellæ, pronunciat *Bræhm*, quod sit residuum lucis primævæ in viâ lacteâ. Quamvis, *inquit*, in totâ cœlestis mundi vastitate materia pro conformatione alicujus stellæ adscititiæ, meo judicio, abundè suppetat, tamen nusquam copiosius & plenius quàm juxtâ Viam Lacteam, quàm substantiam quandam cœlestem à materiâ reliquarum stellarum, non discrepantem, sed diffusam certisque locis expansam, non in unum corpus discretim, quomodò in stellis fit, conglobatam esse statuo, hincque factum judico, quod nova hæc stella in ipso Galaxiæ margine constiterit. Idque non obscure insinuabat, eam ex eadem, quâ Galaxia ipsa prædita est, substantiâ confirmatam fuisse. Quin & adhuc hiatus quidam in eo ipso Galaxiæ loco cernitur, ubi stella hæc sedem suam obtinuit, idque ad quantitatem quasi semiplenæ Lunæ, prout hybernis noctibus, apprimè præ serenitate defæcatâ, & frigore boreali aëris vapores attenuante, scintillantibus & oculis sese clarè ingerentibus reliquis omnibus stellis, unaque tunc evidentius quàm aliàs apparente Viâ Lacteâ, (dummodò hoc fiat circâ Noviluniam latente Lunâ, & stellarum vel minutissimarum conspectum non hebetante) satis discretè animadvertere, contuerique, nisi visus acumine destituatur, cuius licebit. Quem certè hiatum non recordor me unquam antea, quàm exstiterat hæc stella, ibidem deprehendisse. Neque etiam ab iis, qui Viâ Lactæ du-

ctum atque efformationem antiquitus denotaverunt, ejusmodi quid configuatum legimus. Licet non injuria obijci posset, eos non tam subtiliter, tantâque accuratione omnia rimatos fuisse. Sed sit quicquid velit, certè zonæ lactæ substantia, materiam huic stellæ compingendæ satis copiosam suppeditare potuit, *l. d. pag. 795.*

XVI. Approbant ista Bartholinus *lib. 3. Systemat. Phys. pag. 244.* Andreas Argolus *lib. 1. Astronomia cap. 17.* Christianus Longomontanus *libro de novis phænomenis cap. 5.* Sed conjecturæ sunt, quæ nec ipsi Tycho, nec aliis satisfaciunt. Non omnes stellæ novæ apparent in Viâ Lacteâ, namque illa quæ Anno 1596. visa est in Ariete, descripta libello à Johanne Fabricio Frisio, procul aberat à viâ lacteâ. Et quam Anno 1612. vidit & descripsit Simon Marius *præfatione ad mundum jovialem*, erat in cingulo Andromedæ, extra viam lacteam. De viâ lacteâ post Tychois ætatem aliter statuerunt viri eruditi, videlicet esse congeriem minutarum stellarum, quod Galilæi perspicillum exactè docet; adeoque rudem & indigestam materiam non esse, certum est, secus quàm Tycho existimat. Hiatus ille in Viâ Lacteâ oculorum error est, uti fatetur Keplerus *libro de stellâ novâ cap. 19.* Denique negamus, quod stellæ novæ, postquam exstinguuntur, maculam obscuram in cœlo relinquant.

XVII. Aliàs putamus, Cometas infra Solem decurrere in cœlo, & à
K Sole

Sole percipere lucem suam: Stellæ novæ in cælo summo stare, & cum luce propriâ moveri inter stellæ ordinarias. Itaque stellæ novæ scintillant, uti fixæ aliæ, Cometæ verò non scintillant. *Bodinus* scribit: Vulgaris est Aristotelis opinio, quæ mentes imperitorum pridem invasit, illos ignes à pingui exhalatione eò delatos, qui tunc extinguuntur, cum ab Elementis deserui ceperunt, sed quia ne piget tantarum ineptiarum, præstabilius videtur ingenuè de ignorantia confiteri, ac remerè quicquàm decidere aut levissimis opinionibus assentiri. Exhalationes enim altius duobus tribusve milliaribus à terrâ sublevari non possunt. Cometæ verò in altissimâ cæli & ab omnibus fumosis exhalationibus ac fœtoribus sulphureis purissimâ regione apparere, omnibusque populis sub eodem hemisphærio conspicuos esse constat, quod fieri non posset, nisi Lunæ proximi essent, *lib. 2. Theatri natura pag. 217. 218. 219. 220.* Et post multa addit: Probabile est, Cometæ esse illustrium virorum mentes, quæ postquam innu-merabilibus seculis vixerunt in terris, demum obitura extremum peragunt triumphum, aut in cælum stellatum velut splendida sidera evocantur, ac propterea sequuntur famem, morbi populares, civilia bella, quasi civitates & populi Ducibus illis optimis & gubernatoribus, qui divinos furores placabant, defererentur, *l. d. pag. 221. 222.*

XVIII. Verùm ista opinio est Pa-

ganorum veterum, qui heroum animas putabant à sideribus descendere & ad illa redire peractis inter homines rebus iis ad quas peragendas cælis olim venerant. Constat ex rebus gestis *Æneæ*, *Romuli*, *Julii Cæsaris*, de quibus meminerunt *Ovidius lib. 15. Metamorphos.* *Suetonius lib. 1. cap. 88.* & nos ex illis retulimus in *Recensu historia Universalis lib. 1. cap. 7. dist. 7. lib. 4. cap. 1. dist. 6. lib. 5. cap. 2. dist. 11.* De Augusto Cæsare *Horatius* ait:

Servus in cælum redeas, duque

Latus intersis populo Quirini.

lib. 1. Carm. 2. Prolixius de Consecratione Principum docuimus *lib. 2. Antiquitatum Romanarum pag. 499. & lib. 1. Institutionum Politicarum cap. 28.*

XIX. Quid præfagiant Cometæ, inquirunt Astrologi, quorum divinationes tamen non sectabimur curiosè, multà enim illi fallaciter docent, quamvis si exprobres, excusant quòd in eventis futuris non sit determinata veritas. *Petrus Appianus libro de Cometis* scribit: *Experientia docet, conspectos semper peculiares & tristes effectus subsecutos, quemadmodum ex multis Historicis & Astrologorum libris ac observationibus videre est Generaliter autem de his loquendo, portendunt ingentem sæpenumero siccitatem, turbulentos ventos, terræ motum, magnos astatu ardores, intensæque hiemis frigora, frugum perditiones & penuriam, annonæ caritatem, famem, magnam & subitanam pestem, atque alios graves morbos,*

bel-

bellum, magnorum & potentum Principum mortem, quam mirabiles Regnorum & Rerumpublicarum mutationes comitari solent, & plura ejusmodi. *Hac ille.* Hoc certum est, quod Aureum seculum in mundo ferreo non portendant. Et quod sint diuinum mortalibus omen, Veteres seriò conqueruntur, Cicero *lib. 2. de Naturâ Deorum*, Virgilius *lib. 1. Georgicor.* Lucanus *lib. 1. Pharsal.* Silius Italicus *lib. 8. de Bello Punico*, Plinius *lib. 2. histor. natural. cap. 25.* Tacitus *lib. 14. Annal.* Exemplorum farraginem describunt Paulus Eberus, Antonius Mizaldus, Lud. Lavaterus in *Catalogo Cometarum*, Garcaus libro *de Meteoris pag. 34. seqq.* Ferdinandus Franciscus Raxus *lib. 2. 3. 4. de Cometis.*

XX. Hanc de Cometarum funestis prænunciis opinionem niti potius timidorum hominum falso errore à superstititione exorto, quam verâ ratione, dicunt Sebast. Foxius *lib. 2. Philosoph. naturalis pag. 216.* Thomas Erastus libro *de Cometis*, Petrus Gassendus *sect. 2. Philosophia naturalis lib. 5. cap. 3.* Neque hoc tantum, sed & mala non metuere, bona potius sperare à Cometis, jubet nos Ericus Puteanus *lib. 2. de Cometis cap. 1. seqq.* Adfert quod Plinius *lib. 2. cap. 25.* dicit, Cometam sub Julii Cæsaris imperio finito visum, salutarem fuisse terris & imperium Augusti prænunciavisse. Quod Seneca *lib. 7. quæst. natural. cap. 17.* narrat, salutarem terris Cometam sub Nerone Cæsare effulsisse: Quod Jerem. 10, 2. legitur: A si-

gnis cœlorum ne timeatis, quia timeant gentes ab illis. *Hac ille.*

XXI. Facilis responsio est: (1) Cometa post Julium occisum exortus parum gaudii secum attulit, calamitates plurimas, nimirum per civilia bella fustum & fundendum sanguinem, internecionem procerum, diminutionem libertatis avitæ, novam Reipublicæ & in populo vix acceptam formam: (2) Cometa sub Nerone hoc uno modo salutaris fuisse judicari potuisset, cum Neronem enecavisset. Quid enim boni factum est à Nerone, quem constat fuisse prodigiosum Dei & Naturæ hostem? (3) Vetat Jeremias, ne populorum more venerentur Judæi stellas, veluti Numina, præterito vero DEO, qui stellas esse voluit in cœlo, ut generi humano inservirent, non ut cultu religioso afficerentur, *Deuter. 4. 19.*

XXII. Sanè quam non bonorum nuncius Cometa sit, celebris ille Cometa Orientalis A. C. 1619. demonstrat. Qui in cœlo ortus prope Scorpionem, Martem inter & Mercurium bellicosos Planetas, paulatim Trópicum Cancrî egressus atque in Septemtriones vergens disparebat, uti diximus in *Recensu historia Universalis lib. 12. cap. 2. dist. 4.* & peculiaribus libris exponunt Joh. Keplerus, Ambros. Rhodius, David Herlicius, Joh. Baptista Cyfatus, Ant. Santucius, Thomas Fienus. Sequebatur malorum Lerna, bellorum cumulus per universam Europam, & bellis immixta sequebantur pestis, fames,

urbium incendia, vastationes agrorum. Id deplorant non homines tantum, sed ipsæ quoque urbes, oppida, vici, pagi, imò etiam pecudes & iumenta, si vocem haberent, loquutura essent. Proximit omninò optimus Puteanus ad hæc tempora, sed aureum seculum, quod secundùm fata Cometæ ejus præfagivit Romano Pontifici, Germaniæ Casari, Hispaniæ Regi, non fuerunt adepti, ut experientia rerum magistra docet.

XXIII. Stellam istam, quam viderunt Magi, Servatoris recenter nati salutatores, Cometam fuisse, ajunt Cardanus in *commentariis ad Quadripartitum Ptolemai pag. 155. seqq.* Jos. Scaliger *lib. 6. de Emendat. Temporum*, Lambertus Danæus in *Physicâ Christianâ part. 2. fol. 151.* Nos hoc negamus, & probat *Brahæus*: Stella, inquit, quæ Magis ab Oriente, cum Servator mundi nasceretur, apparuit, non erat in Cælo inter reliquas stellas, sed in imâ aëris regione, non procul à superficie terræ, locum obtinebat. Aliàs enim nec motu suo iter Servatorem quærentibus, nec quiete domum in quâ inveniretur, ostendisset. Sed cum toto Cælo circumvoluta, nullum habuisset tam exigui spatii in Orbe terreno respectum, cum tota terra Cælo collata non habeat sensibus incurrentem magnitudinem; adde quod stella ista solis Magis ab Oriente profectis, ut Dominum adorarent cernebatur, sive quod DEUS peculiariter eorum oculos & mentes illustraverit, ut illi à

longinquâ & ignotâ regione venientes, eum agnoscerent, per quem omnia facta sunt, humanam induisse naturam, quem proprii Judæi, inter quos nascebatur, ignorabant: sive quod hi sapientes viri, per occultioris & incognitarum rerum indagatricis Magiæ cognitionem ea viderint & intellexerint, quæ reliquis hujus scientiæ ignavis occulta erant: unde etiam non immeritò Magorum appellationem in sacris literis sortiti erant. Fuit ergò planè peculiaris & singularis, *lib. 1. progymnasm. Astronomicorum pag. 548.*

XXIV. Nos arbitramur, quod Evangelista vocat stellam *pauperibus*, *Matth. 2. 2.* Verè enim stella non erat, sed fuit meteoron sive facula quædam ad particularem usum Magorum producta. Cernebatur enim interdium, quod de Cometâ non potest verè dici. Talis erat nubes illa ad speciem columnæ, die albicantis & nocte ignicantis, quæ præibat populo in deserto, nimirum particulari situ incubabat Ebræorum castris, stante illâ consistebant, motâ pergebant Hebræi, *Exodi 13. 21. 22.* Diximus plura in *Auctariis ad historiam Ecclesiasticampag. 264. 265.*

XXV. Monet *Brahæus*: Ex omnibus Cometis, qui ab Historicis memorantur, pauci omni caudâ destituti, & adhuc pauciores inter hos unâ perpetuò stationarii deprehenduntur, *lib. 1. progymnasm. Astronomic. pag 752.* Nos vidimus Cometâ tres. *Primus* effulsit A.C. 1661. mense Januario, eratque Ori-

Orientalis propè impetuosum sidus Delphini, atque inde motu proprio delatus proximè infrà Aquilam ad Æquinoctialem contendit, Retrogradus, ut contrà signorum seriem ab Oriente in Occidentem, ex Aquario progressus in Capricornum dispareret, post initium Februarii, cum cum declinavisset rostrum Aquilæ, jamque sub pedibus ejus in Ganymede versabatur, *Secundus* effulsit A. C. 1664. mense Decembri, eratque Occidentalis propè sidus Corvi, inde per hydram egressus, pervagatur canem majorem, Leporem, Eridanum, & in Ceto disparerebat, Retrogradus uti prior. *Tertius* apparuit A. C. 1665. mense Januario prope cornu Arietis, & velut immotus loco eodem periit. Erat hic verè stationarius, uti peculiaris libro descripsit Erasimus Bartholinus Danus.

CAPVT NONVM,

De Luce.

SUMMARIA.

1. *Definitio Lucis.*
2. *Lucis origo.*
3. *Lux non est color.*
4. *Scaligeri opinio.*
5. *Refellitur ista.*
6. *Lucis proprium.*
7. *Gorlaui refellitur.*
8. *Lux est qualitas.*
9. *Lux non est substantia.*
10. *Derodon refellitur.*
11. *Ratione contraria.*
12. *Solvuntur ista.*

13. *Corpus lucidum.*
14. *Luminis motus celer.*
15. *Toleri sententia.*
16. *Crepusculum.*
17. *Definitio Radii.*
18. *Lux, Lumen, Radius.*
19. *Definitio Luminis.*
20. *Zabarella sententia.*
21. *Lumen est actus perspicui.*
22. *Perspicui ratio.*
23. *Tenebra, Umbra.*

I. *Effectus sunt Lux & influxus. Lux est qualitas corporis lucidi, qua corpora proxima illustrat. Vulgò definiunt: Lux est qualitas orta ex condensatione perspicui, Aristoteles lib. 2. de anima cap. 7. text. 69. Joach. Curæus lib. 1. de sensu & sensibus cap. 16. 17. 18. Quod rectè dictum esse, tunc credetur Aristoteli, quando Epicurus mundo persuadebit, mundum ex concursu atomorum procreatum esse. Perspicuum aër est, condensetur ille & constipetur quousque volet, nunquam ex se profundet lucem, semper tenebras habebit. Et quamvis nunc ad cælum, nunc ad ignem recurrant, tamen quod res est, nondum habent. Cælum condensatum, ajunt, efficit stellas. Falsum hoc est. Non hic stellarum ortus, non hic originis modus est, uti diximus suprà cap. 5. dist. 5. 6. Ignis subtilis, ajunt, lucidus non est, sed condensatus. Respondeo: Ignis congregari quidem potest, sed condensari non potest. Verè dissipatus ignis non lucet, sed congregatus. Non ob factam perspicui condensationem, sed ob corporum lucidorum confertam unionem, Argu-*

mentamur: Quodcumq; non est in potestate efficientis, illud non potest effectum hujus esse. Atqui Lux non est in potestate aëris. Ergò non potest aëris effectus esse.

II. Potius cum Philippo Melanchtone tract. 3. de anima cap. 6. nos convertimus ad literas sacras, atque inde petimus lucis originem, quam unam & veram docet Moses: Dixit Deus, fiat lux & facta est lux, Genes. 1. 3. Deus jussit prodire, inde astris conclusit eam. Quod verò Philippus l. d. scribit lucem nominari ipsa corpora cœlestia, quæ sunt fons & vehiculum lucis, hoc inquam frustra dicitur. In primâ rerum origine lux primæva erat, stellæ verò non erant, uti diximus Libro de Creatione Exercitat. IX. dist. 1. 2. Lux quarto die Naturæ institutæ distributa fuit in stellæ, & aliis plus illius, aliis minus concessum fuit.

III. Quæritur: An Lux color sit? Respondeo: Affirmat Zabarella, & probat inde, quia visum terminat, videturque uti quædam albedo: Lux, ait, color est, quia visum terminat, & videtur tanquam albedo quædam, quod apertè asseritur à Philosopho libro de Coloribus, & lib. 1. Meteoror. cap. 4. ubi Solem vocat album, cum sit lucidus, resque per se manifesta est, videmus enim flammam non esse perviam, sed densam, nec transferri per ipsam ad nos aliarum rerum colores, sed in ipsâ terminari visum, quare terminetur sub objecto visus adæquato, quod à visu terminatur, & est visibile ut quod, & tanquam species quædam coloris, ut significat Aristoteles lib. 2. de anima cap. 7. quandò dixit, omne visibile esse colorem, quum enim

lucida corpora sint visibilia, ut ipse ibidem confitetur, & ut per se manifestum est, patet, lucem esse colorem, imò est primum visibile, ut posterius dicimus, libro 1. de Visu cap. 2.

IV. Aliter pronuntiat Scaliger: Lux hautquaquam videtur nisi sit in mixture Elementorum, neque propter illam terminationem in superficie corporis color est, sed sit color ex mixture Elementorum, aut potius colorem ipsum facit velut formale quiddam, nam si lux esset per se visibilis, non opus haberet illâ terminationem, accidit enim ei occurfus corporis solidi, sed in ipsâ suâ puritate, hoc est, in diaphano videretur, hoc autem falsum est, idcirco purus ignis in suâ regione non lucet, sed lux est ratio videndi, quia defert species ad oculum, Exercitat. 298. sect. 16. Vera falsis permiscet uterque. Quod Lux non sit color, ostendit ratio, quæ aliam essentiam, alias affectiones, alias operationes lucis & coloris apprehendit. Illuminat lux, color illuminare nequit. A luce subjectum dicitur lucidum, non coloratum: à colore coloratum, non verò lucidum.

V. Rectè dicit Zabarella, lucem per se terminare visum, adeoque sub visus objecto adæquato contineri, & non solum visibile ut quo, sed visibile ut quod esse. Malè hoc negat Scaliger. Astra terminant per se visum, non quidem ratione substantiæ suæ, quia substantia non cadit sub sensu, nisi per accidens: sed ratione qualitatum suarum, per quas in aliis lucida esse denominantur & sub lucis ratione videntur. Lux ergò per se visum terminare potest. Malè

ait *Zabarella*, quod Lux sit color, rectius verò hoc negat *Scaliger*. Quamvis enim sub repræsentatione quadam coloris, ut quod albescere vel nigrescere videtur, non tamen sub coloris censum venire potest, sed à colore distinctio speciei. Probo: Color est affectio rerum sublunarium, est enim qualitas orta è principiis corporum inhaerens, quæ generantur & corrumpuntur, Lux est affectio rerum coelestium, quibus non competit generatio & corruptio. Lux ergò sine colore esse potest, & ob id non est coloris species. Fallit consequentia: Lux videtur. Ergò est color. Idem est ac si inferam: Calor tactu percipitur. Ergò est frigus. Uti qualitates plures sunt obiectum tactus, ita plures qualitates sunt obiectum visus. Neque minus fallit illud: Lux videtur tanquam albedo quadam, ergò est albedo. Simile non est idem, quandoquidem sunt dissimilia subiecta, dissimilia effecta.

VI. Dicit *Scaliger*, lucem coloris formale. Non rectè. Potest enim color esse, ubi lux prorsus abest. At formale rei non potest separari à re illà quam perficit. Ideòque non facit lux, ut color sit, namque & iam in tenebris color est, sed in tenebris color videri non potest. Ut videatur color, præsentia lucis opus est, non uti formæ, sed uti necessariæ conditione ad medium illustrandum, per quod coloris species feruntur. Quod ignis in regione propria non lucet, nec videtur, non est à defectu lucis, sed à corporis tenuitate & raritate. Videntur stellæ non propter alieni corpo-

ris accessum, sed per corporis sui densitatem. Quod si ignis eodem modo uniaturo loco uno secundum particulas multas, uti in prunâ sit, videtur. certè per unionem propriæ substantiæ, citrà corporis alieni accessum. Negamus ergò, quod color sit lux. Attamen vim terminandi visum perinde uti color habet, non ob coloris, sed ob propriæ naturæ habitudinem.

VII. *David Gorlaeus* scribit: Color nihil aliud est quàm lumen quo corpus illuminatù. Hoc enim in superficie receptum efficit colorem, & quidem diversum, prout corpus diversum fuerit, quod illuminat, sed magis vel minus opacum. A lumine autem fieri colores, manifestò apparet à variis nubium coloribus. Tum etiam pro diverso lumine, quo res illuminantur, diversum accipiunt colorem. Oriente ergò lumine, oritur color, & occidente perit. Quamobrem res in superficie tantum colorem habent, & non in medio. Quamobrem etiam noctu in tenebris nullum colorem habent, sed omnes nigrae sunt. Neque enim nigredo est color, sed nigrum dicitur, quod ita opacum est, ut nihil prorsus luminis recipiat, in *Epitome Physica cap. 12. dist. 9.* Respondeo: (1) Si à corporis diversitate oritur colorum diversitas, ipsum corpus habet colorem, neque accipit illum à corpore lucido. (2) Impossibile est, ut in eodem loco tot simul colores ab uno corpore lucido efficiantur, uti sunt colla gallinarum & columbarum, pavonum caudæ. (3) Colores nubium sunt à depuratis effluviis igneis & aqueis. (4) Non oritur color ab incidente lumine, sed manifestatur.

statut ad sensus (5) Non minus color est intrâ corpus, quàm in superficie ejus. (6) Quod in tenebris non sint res coloratæ, falsum est.

VIII. *Est qualitas.*] Genus in definitione est qualitas, unde accidens esse perspicitur, & nobiscum defendunt M. Frid. Wendelinus *part. 1. contemplat. Physicar. sect. 1. cap. 21. dist. 2.* Thomas Gianninius Ferrariensis *libro de luce & lumine cap. 8.* Isaac Vossius *libro de naturâ Lucis cap. 3. 4. 5. 6. 7.* Sennertus *lib. 2. Epitomes Phys. cap. 2.* Jacchæus *lib. 5. Institut. Physic. cap. 1. 2.* Otto Casmannus *part. 1. Anthropologia pag. 327. seq.* Joach. Curæus *lib. 1. de sensu & sensibili cap. 15.* Rod. Goclenius *disputatione de Luce pag. 219.* Rationes sunt: (1) Quodcunque denominat subiectum in quale, illud est qualitas. Atqui lux denominat subiectum in quale, ut dicatur Sol esse lucidus. Ergò lux est qualitas. (2) Quodcunque est objectum sensus, illud est accidens. Atqui lux est objectum visus. Ergò lux est accidens.

Lucem verò substantiam esse, scilicet corpusculatenuissima certâ ratione configurata, quæ pernecitate ineffabili à corpore lucido proveniant, inque aërem sese diffundant & oculos feriant, docebant olim Empedocles, Democritus, Epicurus, quos sequuntur Kenelmus Digbejus Anglus *Tract. 1. de naturâ corporum cap. 6. sect. 3. seqq.* Martinus Schogkii in *Physica cœlesti Disputat. 3. dist. 7. seqq.* Johan. Keplerus *paralipomenis ad Opticam Vitellionis cap. 1. proposit. 5.* Petrus Gassendus *part. 2. Physica sect. 2. cap. 5.*

Rodolfus Snellius *commentariis ad librum de animapag. 263.* Derodon *part. 2. Physica contracta cap. 5. art. 3. dist. 57. seqq.* Henricus Nollius *lib. 6. Physica Hermetica pag. 244.* Nos impugnamus. Si enim Lucis natura in corpusculorum minimorum unione consistat, quomodò non movebuntur illa à procellis, à tempestatibus, à progressu animantium? Quomodo corpora aliâ, uti vitrum pervadit? Quomodò aquas subintrat? Nisi duo corpora in eodem loco ponamus, quod est impossibile.

X. Regetit^o Derodon: Omne perspicuum præter particulas è quibus constat, interjectos habet poros & spatiola vacua, per quæ transeunt lucis corpuscula, *l. d. dist. 60.* Respondeo: Non datur uspiam in naturâ vacuum, & verò, quod corpuscula lucis valida ità sint, ut loco pellant aërem intrâ corporis alterius poros receptum, ratio nulla evincit.

XI. Instant Schogkii & Nollius: (1) Lux citrà Solem & stellas in quibus nuncine est, olim in primâ rerum creatione, substituit. Respondeo: Erat quidem tunc citrà Solem & stellas, verùm in subiecto alio existerat, quod postea aliter informatum est. Ergò corpus lucidum fuit, substantia cum accidente, quod substituit in primâ rerum creatione, uti Libro de Creatione *Exercitat. IX. dist. 3. 4.* adstruximus. (2) Lux sustinet in se propriè dicta accidentia & effecta, nempe colorem, figuram, reflexionem, refractionem, congregationem, separationem. Respondeo: Non est color in luce, sed lux ipsa nunc ma-

gis nunc minus, ob variam intersekti
aëris dispositionem splendens colorem
mentitur. Accidentia quoque reflecti-
untur, itaque sonus est accidens &
reflectitur, unde Echo efformatur. Fi-
gura non equidem à luce est, quàm con-
sequens quantitatis. Sustinetur autem
nec ab hac nec ab illâ, sed à corpore, vi
materiæ. (3) Lux operationes per se
edit uti videre est in creatione. *Re-
spondeo*: Substantiæ operantur per ac-
cidentia, quod pater satis, & verò
Lux primæva non erat sola qualitas.
Erat subiectum cum adjuncto proprio,
uti sæpius dictum est.

XII. (4) Lux producit sub-
stantias, videlicet radios & lumen.
Respondeo: Negatur, quod radii & lu-
men substantiæ sint. (5) Lux de cœ-
li seu ignis substantiâ participat, a-
deoque comburitur, quod specula ustoria
testantur, in quibus radii Solis co-
guntur. *Respondeo*: Nulla est com-
municatio substantiæ inter ignem &
lucem. Lucidum quodcunque nunc
in mundo datur, participat de sub-
stantiâ lucis primævæ, & verò com-
bustio quæ fit à speculis ustoriis, non
tam est à Solis radiis, quàm ab efflu-
viis igneis ad Solis radios in aëre col-
lectis, uti dicemus *infra lib. 5. cap.*
2. dist. 12. (6) Lux omnibus re-
bus per calorem insitum vitam tri-
buit. *Respondeo*: Vita est in vege-
tabilibus, adedòque licet concedamus,
vitam dependere à Solis luce instru-
mentaliter, non tamen debet negari,
quod vita proximè & principaliter à
formâ specificâ proveniat. Substan-

tiæ agunt principaliter, accidentia in-
strumentaliter. Lucent res multæ, astra,
ignis, piscium squamæ, nec tamen vi-
vunt. (7) Lux per se movetur, crescit,
decrescit per temporum intervalla. *Re-
spondeo*: Negatur, quod lux per se mo-
veatur. Movetur per aliud, nempe quia
continuo & non interrupto effluxu pro-
fluit à Sole, & quia Solem circumennan-
tem sequitur, itaque visui nostro sensim
vel obicitur vel subtrahitur.

XIII. *Corporis lucidi.*] Subiectum lu-
cis est corpus lucidum, puta Sol, Luna &
universa astrorum multitudo. Obscu-
rior lux est in igne, in aquâ puriore, in
metallis politis, gemmis, lignis putridis,
oculis animantium, squamis piscium,
De quibus omnibus vide Athanasium
Kircherum in *Arte magna lucis & umbræ*
lib. 1. pag. 22. seqq. ubi multa disserit.

XIV. *Corpora proxima illustrat.*] Cor-
pus lucidum facit, ut & videatur ipsum
& corpora alia circumposita unâ videan-
tur. Quem duplicem lucis effectum
verbis brevibus expressit Scaliger: Lucis
opera est lucere, opus lumen, quasi luci-
men, *Exercit. 71. sect. 1.* Cæterum lucis
velocitas mira est, itaque Alkindus *libro*
de Aspectibus, M. Frider. Wendelinus *sect.*
1. Contemplat. Physicar. part. 1. cap. 21. dist.
12. Isaac Vossius *libro de natura Lucis*
cap. 13. contendunt, omnem luminis
motum fieri in momento. Et ratio est,
quia lux non invenit in subiecto contra-
rium positivum. *Respondeo*: Lux habet in
subiecto contrarium positivum. Scili-
cet *ἀνελόγως*. Tenebræ enim adsunt,
quæ licet positivum aliquid non sint,
tamen opacis corporibus per se adja-

cent, neque à privatione ad habitum datur momentanius regressus. Quod ergò luminis motus in tempore fiat, rectius docent Alhazénus *lib. 2. Opticae num. 51.* Rogerius Baconus in *perspectivatract. 1. cap. 3. dist. 19.* Kenelmus Digbejus Anglus *Tract. 1. de natura corporum cap. 8. sect. 3. 4. 5. 6.* Andr. Cæsalpinus *lib. 4. questionum Peripatet. sect. 8.* Probatur inde, quod motus omnis in tempore fiat, quatenus in illo sunt tendentia, progressio, successio. At quomodo progressio in tempore & cum tempore fiat sine tempore? Ex uno loco in alterum quomodo aliquid fertur in momento? Sanè terminum propiorem citius perfundi à lumine, quàm remotiorem, nemo inficiabitur.

XV. De motu per vacuum alioquin ita differit *Toletus*: Demus vacuum à cælo in terram, & columna sit fixa à terrâ usq; in cælum, tunc si lapis in instanti à cælo in terram descendit, utique in uno instanti transibit omnes columnæ hujus partes sibi correspondentes, quarum quælibet potest esse illi locus, unde in uno instanti erit in locis innumeris, quod æverà non possumus imaginari. Prætereà si in momento descendit, ergò erit verum dicere, nunc lapis est in cælo, & immediate post hoc erit in terrâ. Quæro an in eodem instanti, quo est in cælo, sit in terrâ, vel in alio? Si in eodem, non potest hoc clarè dici. Si diverso, cum non sint duo instantia, quin mediet tempus, necessariò transibit ad terram, ut intercedat tempus, *lib. 4. Commentariorum Physic. cap. 8. quest. 9.* Eadem habent *Commentar. Physic. cap. 6. Commentar. Physic. cap.*

6 *quest. 1.* Quæ argumenta validissimè inferunt, lumen moveri non posse in instanti.

XVI. Porro docet quoque crepusculum, quod in tempore moveatur lumen. Distinguitur crepusculum à lumine perfecto & tenebris, quatenus de utroque participat. Atqui cum in momento diffunditur lux, non potest luminis incrementum in diluculo, aut decrementum ejus in crepusculo esse. Consequentia probatur: Non provenit crepusculum nisi ex eo, quod luminis fons, Lux scilicet, est aliquantò remotior ab orbe terræ dimidio. Verum hoc nihil faciet ad diminutionem luminis, siquidem in momento feratur, æque enim poterit agere in hoc quod est remotius, quàm agere in illud, quod est propinquius. Rectè *Scaliger* ait: Memini, præceptores meos in secundo de animâ ex vetustis recentioribusque Philosophis, ad probandum repentinam lucis celeritatem, identidem id jactare: Lux in instanti fertur ab Oriente in Occidentem. Quod ego cum me neutiquam intelligere conquereretur, nunquam eos adducere potui, ut me docerent. Id namque non nisi Solis motu percipi potest, Solus enim autor ejusmodi lucis est quæ ab oriente in occidentem fetri videtur. At illius fulgor quænam spacia repente occupat? Profectò nulla. Nonne semper illuminari ajunt orbis hujus semissem? Quam illustrationem adeò sensim repere atque procedere videmus, ut nihil ad hanc persuasionem. Haud enim aliter sibi succedit radius, atque id loci quæ ante se est, subit ac capit, quam si baculus esset circum-

cumactus. At verò id ita sit, ut idem radius qui est suprà Romam, idem sit cum eo qui est suprà Hispalim, ut à Româ Hispalim motus sit? Non est. Sed perpetua successio, alia atque alia pars illius speciei progeneratur, *Exercitat* 298. *sect.* 2. Dicimus ergò nos, celerrimum quidem luminis motum, sed non momentanum esse. Sol oriens mundi partes subiectas perfundit lumine, & subito quidem, at non sine tempore, non sine morâ, quamvis ea non adeò sensibus obvia sit.

XVII. *Ejus notentur effectus & opposita. Effectus sunt Radius & Lumen. Radius est fulgor in rectum & acutum promicans.* Per virgulas quasi subiectas. Estque vel Rectus vel obliquus. Rectus est, qui à luce in objectum corpus rectâ procedit. Ità ætate radios ferè rectos habemus. Obliquus est, qui à luce in objectum corpus obliquè procedit. Ità hyeme radii Solis obliqui ferè sunt. Et cum in obliquis radiorum vis dissipetur, in rectis congregetur, inde est, quod diversæ anni partes exoriantur.

XVIII. Quomodò verò lumen à radiis & luce differat, verbis iis exponit Sennertus: Equidem ubi radii sunt, ibi est lumen, non tamen ubi lumen est, ibi necessariò sunt radii. In conclavi enim quod Septemtrionem spectat, & Soli non rectâ opponitur, lumen quidem est in meridie, sed nulli ibi sunt radii. Itaque radius est quasi lux secundaria, seu fulgor & imago à primâ luce exsiliens in rectum & acutum. Lumen verò est quasi lux tertiatum à primâ luce, tum à secundâ emanans, non in lineas vel pyramides diffusa,

sed in latum effusa. Primò itaque est Lux in corpore lucido, deinde radius, lucis nimirum imago à corpore lucido in rectum diffusa, tertio lumen, quod à latere extrâ radiorum incidentiam, ac obliquè in omnem partem in eadē sese diffundit. Et omnino inter lumen & radium aliqua videtur esse differentia, aut certè aliud quiddam est, lucem ut rem visibilem representare & oculo videndum offerre, aliud aërem illuminare. Namque lux è tenebris conspecta totum aërem, qui est inter oculum & rem lucidam, non illuminat, & lux ad stadium vix aërem illuminans ad aliquot milliaria noctu videtur, imò ipsæ stellæ longo intervallo à nobis distantes noctu conspiciuntur, aërem tamen totum non illuminant, *lib.* 2. *Epitom. Phys. cap.* 2.

XIX. *Lumen est fulgor in latum extensus.* Hoc præsentē multiplicium colorum picturæ conspiciuntur, patentque alia omnia tenebris oppressa. Quæritur: *An lumen qualitas realis sit, an intentionalis?* Respondeo: Quod sit qualitas intentionalis, patet inde, quia vitrum aliaque corpora minus opaca pervadit, aëremque illuminat. Et consentiunt Zabarella *lib.* 1. *de visu cap.* 7. *lib.* 3. *cap.* 6. Piccolominéus *libro de visu cap.* 8. 9. 10. 11. & *commentariis ad lib.* 2. *de animâ pag.* 647. *segg.* Sennertus *lib.* 2. *Epitom. Phys. pag.* 159. Hieron. Cardanus *lib.* 4. *de subtilitate pag.* 200. Julius Scaliger *Exercitat.* 71. *sect.* 1. 2. Sunt autem, qui lumen qualitatem realem esse probant; tum quia denominat aërem illuminatum, nullum verò intentionale denominat subiectum recipiens à subiecto producente,

uti species coloris existentis in aëre non denominata aërem coloratum; tum quia habet effectus reales, calefacit, reflectitur, fovet. Ità docent Thomas *part. 1. Summæ Theolog. quest. 67. art. 3.* Hervæus Brito & Rogerius Baconus *lib. 2. dist. 13. quest. 2. art. 1.* Antonius Ruvio *lib. 2. de animâ pag. 275. seqq.* Scatmillonus *de coloribus lib. 1. cap. 20.* Rod. Goclenius *adversariis ad Scaligerum pag. 287. & dissertatione de Luce pag. 232.* Danhauérus *libro de anima Disputat. 3. pag. 78. 79.* Franciscus Murcia in *Cursu Philosophico part. 3. pag. 57. 58.* Verum denominatio illa aëris est propter lucem, à quâ producit lumen, adeoque convenit aëri propter aliud, non etiam propter se. Neque sunt à lumine reales effectus isti; uti dictum est *suprà dist. 10.* Non enim confundi debet lumen cum radio, multò minus cum luce. Res porro constat: Quomodò sese habet color qui est in oculo, ad ipsum corpus coloratum, undè emanat, ità etiam sese habet lumen ad corpus lucidum. Atqui color ille est Ens intentionale. Ergò etiam lumen est Ens intentionale. Major probatur: Quomodò corpus coloratum per colorem, ità corpus lucidum per lumen sub aspectum adducitur.

XX. Rectè Zabarella: Traducta est vocis hujus significatio etiam extrà animam, ut id quod est imago alterius representativa, etiam si non sit in animâ, dicatur ens intentionale. Hujusmodi est species objecti sensibilis in medio, ut species coloris in aëre, sive etiam in solido aliquo corpore recepta, sicuti sæpè videmus à lumine per vitrum vino plenum

transfere produci speciem & imaginem coloris vini in panno linteo subjecto. Illa enim rubedo, quæ in vino est color realis, & movetur ad motum vini subjecti, est in panno linteo color intentionalis, qui non movetur ad motum subjecti panni, sed ad motum luminis, à quo producit, *lib. 1. de visu cap. 6.* Est ergò lumen qualitas intentionalis, quia nihil nisi lucis imago est.

XXI. Quæritur porro: An lumen sit actus perspicui? Respondeo communiter docent, quod lumen sit actus perspicui, quatenus perspicuum est. Dupliciter enim perspicuum considerari posse contendunt, absolute & respectivè. Absolute secundum propriam naturam, respectivè in ordine ad visum. Et polteriore hoc modo duas constituunt partes perspicui, unam velut materiam, alteram velut formam. Quoad illam, perspicuum nihil aliud, quàm corpus tenue, aptum recipere introrsum & lumen & tenebras esse, ajunt. Quoad hanc, perspicuum lumine ità informari, ut actu perspicuum, id est, actu colorum receptivum non sit, nisi lumine præsentem, censent. Zabarella dicit: Est animadvertendum, posse se duobus modis considerari perspicuum, uno modo absolute & secundum propriam naturam, altero modo secundum visum. Absolute quidem consideratum non complectitur lumen, sed talem habet naturam, quæ est apta recipere introrsum & lumen & tenebras. Quemadmodum etiam prima materia nullam in substantiâ suâ formam habet, sed apta est tum formam, tum privationem recipere. Quare ut naturæ primæ materiæ

extranea est tum forma, tum privatio, ita naturæ absolutæ ipsius perspicui extranea sunt lumen & tenebræ, proinde naturam suam absolutam retinet perspicuum tam sub tenebris quàm sub lumine, at respectu visus continet lumen tanquam formam, à quâ constituitur, & hac ratione non est actu perspicuum, nisi sit illuminatum, quia non est aptum fungi officio suo, nisi cum lumine, est enim ejus officium, moveri à coloribus, & eos recipere, ut ab illis visus moveatur. Lumen igitur tanquam forma constituit perspicuum actu sumptum hoc secundo modo, id est, actu receptivum colorum, idèd diximus, perspicuum quatenus est medium deferens colores ad visum, à duabus his partibus constitui, à corpore tenui velut materiâ, & à lumine tanquam formâ, lib. 1. de visu cap. 3. Ita etiam Franciscus Piccolominæus libro de rerum definitione pag. 75. seqq. & commentariis ad lib. 2. de anima pag. 644. seqq. Antonius Ruvio commentariis ad lib. 2. de Anima pag. 286. seqq. Jacobus Martini Centur. 6. quæst. illustrium Disputat. 6. quæst. 6. Nos in communi sententiâ istâ quædam approbamus, quædam repudiamus. Approbamus quidem, quod perspicuum absolutè sumptum indifferenter ad lumen & tenebras sese habet. Unde aër noctu non minus perspicuus est, quàm interdiu. Approbamus etiam, quod perspicuum non sit corpus crassum, sed tenue, subtile ac rarum. Unde quod major tenuitas ac subtilitas, eò major etiam perspicuitas est. Perspicuum est vitrum, perspicua est aqua, perspicuus aër, perspicuum cælum,

XXII. Repudiamus verò, quod perspicuum absque lumine actu perspicuum non sit. Certè perspicuum etiam respectivè in ordine ad visum sumptum, actu tale est absque lumine. Obscurâ nocte conspicitur ignis è longinquo, cum aër non est illuminatus. Namque si aër illuminatus esset, cuncta interposita conspicerentur. E tenebris nocturnis videmus sidera cœli, oculos feliū etiam in caligine densâ videmus. Lumen ergo perspicui actum nullo modo esse censemus.

XXIII. *Opposita sunt Tenebræ & Umbra. Tenebræ sunt privatio luminis totalis.*] Quoniam corpus lucidum prorsus abest, uti nocturno tempore. *Umbra est privatio luminis partialis.*] Quoniam interponitur corpus opacum in parte luci oppositâ. De quo negotio prolixius docetur in Opticis.

CAPVT DECIMUM.

De vanitate Astrologiæ Judicialiæ.

SUMMARIA.

1. *Influxus stellarum.*
2. *Chalæorum signa.*
3. *Astra vocantur signa.*
4. *Mirandule genitura.*
5. *Cardani filius.*
6. *Testimonium Senecæ.*
7. *Garcæ instantia.*
8. *Ejūdem instantia nova.*

9. *Legumlatores.*
 10. *Julianus Apostata.*
 11. *Solvitur obiectio.*

I. *Influxus est, per quem agunt in hac inferiora.]* Nihil ociosum est in naturâ, agunt hæc, patiuntur illa, alia segnius, alia acrius, quodvis suo modo. Sunt ab influxu isto tempestatum varietates, humorum in animantibus decrements & augmenta, aliæque rerum sublunarium mutationes, de quibus vide Levinum Lemnium *lib. 4. de occultis naturæ miraculis cap. 15.*

II. Hæc effecta manifesta sunt & consentanea naturæ. De occultis siderum effectis multa garriunt Agyrtæ & Planetarii, quibus in hominum animos, negotia, successus validè & cum potestate agant. Chaldæorum Veterum hæc commenta sunt ab autore Diabolo profecta, quæ servavit nobis Ptolemæus Alexandrinus in *Quadripartito* descripta, & impostores Mauri dæmonum focii postea novis commentis auxerunt, ut doctissimo *Opere de vanitate Astrologiæ* demonstravit Joh. Picus Mirandulanus, quem contrario proposito, ut nugas Satanas ob faciendum quæstum excogitatas defenderet, aggressus Lucas Bellantius Senensis, oleum & operam perdidit. Mosis verba sunt: Et sint in signa cum tempestatibus, tum diebus & annis, *Genes. 1. 14.* Nimirum summus Opifex, postquam spectabile & eximium manuum suarum opus in cælo suspendisset, voluit illas esse ad distinctionem faciendam inter diem & noctem, ut essent in signa cum tempestatibus, tum diebus & annis, utque lu-

cem adferrent super terram, *Genes. 8. 21. Deut. 4. 19. Psalm. 8. 3. Psalm. 104. 19. 20. 21. 22.*

III. Pro stabiliendâ Astrologiâ judiciariâ hinc inferunt Cardanus, Gauricus, Pomponatius, Leovitius, Junctinus, Stadius, Origanus, Argolus, & plures curiosa professionis ejus assentatores. Atqui de eventis naturalibus agit Moses, uti sunt defectus luminarium, ventorum turbines, pluviarum defluxus, serenitates, tempestatum mutationes, conversiones temporum anni. Multò aliter sordidi illi Errones, qui profanos Chaldæorum & Maurorum imitati mores, vani & mendacissimi harioli, omnes ex genituris investigare volunt eventus contingentes illos, & voluntati humanæ, in quam solus Deus imperium exercet, subnoxios. Lucas Gauricus Venetus magnus Astrologiæ cultor, aliorum vitam & obitum expendere solitus ad trutinam astrorum, à Johanne Bentivolo Bononiæ Principe comprehensus, fidiculis subiectus & malâ morte confectus fuit, uti narrat Paulus Jovius in *Elogiis virorum illustrium*. Quis credat, esse illos futurorum conscios, quos videmus earum, quibus ipsi puniuntur, calæmitatum esse inscios? Argumentamur: Quicquid suam in agendo libertatem habet, illud non determinatur ab astris. At voluntas hominum suam in agendo libertatem habet. Ergò voluntas hominum non determinatur ab astris. Major patet, quia libertas repugnat determinationi, & negatur liberè agere ille, qui à causâ aliquâ superiore obligatur, ut ita & non aliter agat, ut ille & non alius effectus consequatur. Minor per se manifesta est.

IV. Johannis Pici Mirandulani genituram describit Hieronymus Cardanus *libro de centum genituris*: Necesse est, ait, vitæ brevis hominem fore, cum Luna sola quæ suprà terram est, à Saturni, Mercurii & Martis radiis impedita vitam admittat. Vixit igitur annis 33. cum ejus obitum Astrologus eodem anno prædixisset, qui etiam adversus illum scripsit, *sect. 65*. Ità ille, & ejus verba quidem satis ostendunt potuisse Bellantium hoc tantum scire, quod futurus esset ævi brevis, itaque cum addit, *Bellantium prædixisse viri obitum anno ætatis 33.* id non ex Planetariæ, artis deceptionibus, sed aliunde percepit dæmonum socius & mango imposturatum.

V. Cardani filius Johannes Baptista, de quo pater secundum artis Planetariæ judicium spes magnas conceperat, fore ut domi forisque magnos successus haberet, Meretrici communi sociatus matrimonio, eam veneno deinceps potam interemit, & propterea damnatus Mediolani, ut parricida securi percussus est, quod narrat Cardanus ipse *libro de utilitate, ex adversis capiendâ*. Ità ille, qui tot annorum improbos labores Planetariæ impenderat, ut Germanicorum credulitati illuderet ipse non uno loco teste; qui solus inter Astrologos deceptores magister Astrologiæ haberi volebat; qui centum genituris explicatis Regum, Principum, Virorum celebrium, Civitatum magnarum fata explorare voluerat & prædicta ex eventis confinxerat? qui tot commentariis Ptolemæi repetitiones Chaldaicas oneraverat, filio suo monstrare viam non potuit, ut melius & ho-

nestius matrimonio ineundo malam vitavisset mortem.

VI. Benè *Seneca*: Qui in media se, ut prædicant, fatorum miserunt pignora, natales inquirunt, & prima mediorum annorum habent initia, quo iverint motu sidera, in quas discurrerint partes, contrà ne Deus steterit, an placidus affulserit Sol, an plena luce an initia surgentis acceperint, an abdiderit in noctem obscuram caput lunæ, Saturnus nascentem, an ad bella Mars militem, an negociosum in quæstus Mercurius exceperit, an blanda annuerit nascenti Venus, an ex humili in sublime tulerit Jupiter. Existimant tot circà unum caput tumultuantes Deos. Futura nunciant. Plerosque dixerunt victuros, & nihil opinantes oppressit dies, aliis dederunt finem propinquum, at illi superfuerunt. Egentes inutilis animæ, felices nascentibus annos sponponderunt, ac fortuna in omnem prosperavit injuriam. Incertæ enim fortis vivimus, unicuique ista pro ingenio finguntur, non ex scientiæ vi, *libro suavoriarum sect. 4*. Damnant literæ sacre: Ne inveniatur divinus, Planetarius, conjector, præfagitor, incantator, hariolus, necromantes, nam abominationi est domino, qui facit ista, & propter abominationes illas Dominus Deus tuus expellit gentes istas à facietuâ, gentes enim, quarum tu hæres futuros es, Planetariis & divinis auscultant, *Deuter. 18. 10. 11. 12. 14*. Audite verbum hoc, quod loquitur Dominus vobis ò domus Israelis: Ita dicit Dominus, vias gentium nolite discere, & à signis cœli nolite timere, quia timent gentes ab illis, *Ierem. 10. 1. 2*.

VII. Ex-

VII. Excipit *Garcaus* : Cum dicit Propheta, nolite à signis cœli timere, monet pios, exspectare illos debere auxilium à Domino, etsi calamitates magnæ à signis cœli denuncientur. Et cum signa vocat, portendi, illis aliquid confirmat, neque vult contemni, in *methodo Astrologiæ Iudiciariæ* pag. 393. Respondeo: Ità monet pios, ut precibus sese Deo commendent, & futuros eventus in potestatem ejus reponant, ne vanis auguriis ex siderum positu deductis vel rimari velint occulta, vel terreti prædictis nugacissimis. Hinc illa sunt, *nonne populus Deum consulurus est? pro viventibus consulat mortuo?* Esai. 8. 9. Negat consuli debere pro vivorum successibus mortuos, id est, Divos indigentes impiorum opinione in astra per consecrationem erectos, aut in tumultis oberantes. Et vocat signa *μηντηνῶς*, quando ità vocabant Chaldæi, describere spiritalium astrorum qui fata solebant, inque sidera ipsa per *δυναμῶν*, aliquam inferre defectus Heroas, ut numinum vice à mortalibus cohererentur, beneficiorum præbitores.

VIII. Porro: Chaldæi exponuntur ludibrio, qui primi artes illas exercuerunt, & fumos vendiderunt universo Orbi *Esa. 47. 12. 13.* Defectisceris multitudine consiliorum tuorum, stent jam Planetarii qui contemplantur stellas, qui notas faciunt in mentes prædictiones suas, & servant te ab iis quæ superventura sunt tibi. Ecce sunt tanquam stipula, ignis comburite eos, non eripiunt, seiplos à flammis. Excipit *Garcaus* : Damnantur corruptelæ artis, cum ex astris omnes

pervestigamus eventus, verboque Dei præferimus decreta Astrologorum, *l. d. pag. 394.* Respondeo: Vana est distinctio inter artem & artis abusum. Nec enim Astrologia est ars, sed impostura merissima, artisque ludibrium, cuius totus usus est abusus. Et quomodo non præferuntur verbo Dei Astrologorum decreta, quando contra expressum Legis interdictum hariolantur Planetarii?

IX. Proinde vetuerunt Principes & Legumlatores, cum viderent, Impostores turbare prædictionibus animos, & ad novas, magnas, fallaces spes impellere. Mæcenæ apud Dionem Cassium *lib. 52. histor. in Oratione ad Augustum*: Divinos in republicâ esse, omnino non oportet. Multos enim hi tales, dum vera quædam, multa falsa proferunt, ad res novas impellunt. Rescriptum *Constantii*: Nemo haruspicem consulat, aut mathematicum, nemo hariolum. Rescriptum *ejusdem*: Si quis aruspex, aut ariolus, aut certè augur vel Mathematicus, aut enarrandis somniis occultans artem divinandi, aut certè aliquid horum simile exercens, in comitatu meo vel Cæsaris fuerit deprehensus, præsidio dignitatis exutus, cruciatus & tormenta non fugiat, *Cod. Theodos. lib. 9. Tit. 18. num. 2. §. 7.*

X. Aliter esse, cum damno animæ suæ credebatur Julianus Apostata, & trahebat post se aulæ castrensis appendices, turbam Magorum, Vatum, Planetariorum, Chiromantarum, nebulonum, (*demonum majorem quam militum turbam*, ut ait Nazianzenus

Orat. 2. aduers. Iulianum) quos omnes cum ipso Juliano stoliditatis accusat Eupapius Sardianus *in vitis Philosophorum*, & non obscure perstringit scriptor prudentissimus Ammianus Marcellinus *lib. 23. histor.* Prælagiebant omnes læta omnia, successus fortissimis Alexandri Magni conflictibus pares; aliter verò evenit, Persarum armis fractus, fugatus, prostratus fato sinistro occubuit. Dæmonis manu percussus esse, qui Planetariorum auspiciis sese addixerat, & Solis patrociniò elatus Deorum filium se existimabat, crediderunt sapientes, Theodoretus *lib. 3. histor. Ecclesiast. cap. 20.* Chrysostomus *Oratione contra gentiles*, Augustinus *lib. 5. de Civitate Dei cap. 21.* Sozomenus *lib. 6. historia Ecclesiastica cap. 1.*

XI. Dicunt, verum eventum comprobant prædictiones. Respondeo: Non comprobantur. Crasso, Pompejo, Cæsari prædixerant Chaldæi fausta omnia, neminem eorum nisi senectute, nisi domi, nisi cum gloriâ moriturum, teste Cicerone *lib. 2. de divinat.* Et contrarium de illis omnibus evenit. Ludovico Sfortiæ Mediolanensi Principi Astrologus domesticus & magni nomi-

nis prædixerat optimos successus, mortē pacatam, & verò ille domo pulsus, principatu spoliatus, captus à Ludovico XII. Rege Franciæ, miseram vitam in carceribus Gallicis toleravit finivitque, teste Cardano *commentariis ad Ptolemæi librum de judiciis Artic. 14.* Ponderentur circumstantiæ rerum, & factorum patebit ratio. Chaldæi, Syri, Ægyptii veteres, quos Argolus prædicatione ad Pandosion Sphæricum adfert, fuerunt dæmonum ministri & ab his prædictiones suas acceperunt. De aliis, verbo dicam, Impostores esse constat. Multa fiunt casu, multa homines conjecturis arguantur. Sæpè quod jactu non cecidit, cecidisse contendunt, quod prædixerunt nunquam, prædixisse videri volunt. De toto negotio uberius scripsimus *lib. 2. Institutionum Politicarum cap. 20. dist. 1. 2. seqq.*

& libro de Creatione Exercitatus.

XXI. sect. 1. seqq.



LIBER QUARTUS,

De Elementis.

CAPUT PRIMUM,

De Elementis in genere.

SUMMARIA.

1. Definitio Elementorum.
2. Materia Elementorum.
3. Elementa impura.
4. Conimbricisium opinio.
5. Refellitur ista.
6. Elementa composita.
7. Elementorum transmutatio.
8. Toléti sententia.
9. Refellitur ista.
10. Rationes proponuntur.
11. Elementa non corrumpuntur.
12. Elementa specie differunt.
13. Experientia falsa.
14. Nollus refellitur.
15. Comenius refellitur.
16. Iacchaeus refellitur.
17. Elementa quatuor.
18. Solvitur obiectio.

I. **E**lementa sunt corpora simplicia, à quibus mixta constituuntur.] Dicuntur quasi alimenta, ab alea-

do, quod omnia sicut ex elementis constant, ità ex iisdem alantur. Ità Perotus in *Cornucopia*, & ex illis Fortunatus Plempius lib. 2. *fundamentorum Medicina sect. 1. cap. 1.* Bartholinus libro de *Elementis cap. 2.* Verùm rectius derivatur à prisco vocabulo *eleo*, quomodò ab *alo* est alimentum, à *doceo* documentum, à *monco* monumentum, à sacro sacramentum. *Eleo* priscis erat idem quod *oleo* deinceps fuit, uti homo dixerunt pro *homo* & *benus* pro *bonus*, unde adhuc *benè* dicitur. *Oleo* notat quandòque idem quod *cresco*, unde est *olus*, quoniam è terrà succrescit, itemq; *adolescere* & *exoletus*. Elementis igitur nomen fuerit, quia ex illis veluti principiis, omnia generantur & succrescunt, Gerhardus Joh. Vossius lib. 2. de *Origine & progressu Idololatriæ cap. 51.* & in *Lexico Etymologico pag. 191.*

II. *Corpora.*] Corpora sunt, quia materiam & formam habent. Quod Elementa materiam habeant, demonstrant Peri-

Peripatetici inde, quia invicem illa transmutantur. Nam, *ajunt*, cum ex aëre fit aqua, vel ex igne & aqua fit aër, forma prior expellitur & alia intromittitur. Ista verò formarum transmutatio necesse est, ut fiat in aliquo subiecto, namque formæ irrationales nunquam dantur sine materiâ, Sebaſt. Foxius *lib. 2. Philosoph. natura. pag. 138.* Joh. Velcurion *lib. 2. Physicæ cap. 25.* Verùm est in causâ bonâ non bonâ demonstratio. Falsum est, quod de Elementorum transmutatione vulgò dicitur. Neque data est materia primariò eapropter, ut sit transmutationis subiectum, verùm ut sit existentia compositi effectiva, dum cum formâ suâ unitur, ait Scaliger *Exercitat. 61. sect. 3. Exercit. 307. sect. 27.*

III. *Simplicia.*] Quamvis materiam & formam habent, ea tamen principia habent, à creatione, non verò à generatione. Et similia quidem, non etiam è diversis naturis conflata. Itaque mixta non sunt, sed in mundo pura haut sunt. Nempe ob generationem & conservationem corporum sublunarium. Ex puris elementis nihil vel generari vel conservari potest. Aqua pluvia veluti maximè impura magis fovet fruges ac fructus, quàm fluvialis & lacustris, quæ propius accedunt ad puritatem. Terra pura est sterilis, uti loca arenosa ostendunt. Aër purior non sufficit ad respirationem promovendam, sed impurior ille qui aquæ portiones minutulas pro corde refrigerando poscit, maximè ad spirationis actum conducit, monente Scaligero *Exercit. 273. sect. 2.* Ignis denique impu-

ritas maxima est, itaque cum flammis & carbone miscetur plurima.

IV. Conimbricenses *tractatu de Elementis sect. 1. quæst. 1.* distinguunt inter impuritatem ratione substantiæ. *Eam* describunt, quando Elementum peregrinam qualitatem habet. *Hanc* dupliciter explicant, aut enim impurum est à formâ & materiâ, aut tale est ratione contenti corporis. *Priori* modò purum vocant Elementum, quod constat materiâ & formâ elementari. *Posteriori* modo, quod non habet intrâ se & in gremio suo aliud corpus. De puritate ratione qualitatum spectatâ, *ajunt*, nullum omninò Elementum ex toto est purum, singula enim Elementa pugnant inter se, inque congressu hoc extraneis imbuuntur qualitatibus. Puritate ratione substantiæ in primo modo, omnia Elementa pura sunt. Omnia enim ex forma & materia elementari constant. Puritate ratione substantiæ in secundo modo, nullum è tribus inferioribus purum est. *Quarunt* porrò: Si quis roget, an aliqua elementorum portio sit, quæ omnibus tribus modis suprâ commemoratis pura est? *Respondent*: Tantùm eam partem ignis in suo orbe existentis, ad quam vicini aëris non pertingit actio, omnibus illis modis puram esse. Quod similiter videtur pronuncians, esse de quibusdam abditis terræ partibus. *Hæc illi.*

V. Respondeo: Nulla est neque esse potest impuritas talis, ut solæ qualitates peregrinæ adsint absque subiectis suis. Non communicantur propriæ qualitates, ut non communicen-

tur unâ earum. Falsum igitur est, quicquid de *primo* modo impuritatis dicitur. *Secundus* modus impuritatis non facit rei satis. Pura dicuntur omnia Elementa, quia habent formam & materiam elementarem. Atqui ob id corpora naturalia sunt, pura non sunt. Ad essentiam hoc facit, non ad puritatem. *Tertius* modus puritatis & impuritatis rationem quidem describit, sed æquè ad ignem spectat, ac ad reliqua Elementa. Ignis per aërem dispersus multis aliis corporibus adhæret, cum multis concrevit, in flammâ & carbone impurissimus est. Sublimis originis ignem alterum, qui propè Lunam obvagatur, non credimus esse, uti *infra* dicemus *cap. 2. dist. 67.* Abditiores terræ partes non minus impuritatem secum habent, quàm aliæ vicinæ nobis. Experiuntur id fossiles metallici, & quicumque sese immiserunt in terræ cavernas absconditas.

VI. *Scribonij* verba sunt: Quamvis simplicia primùm facta fuerint Elementorum corpora, ob mutuam tamen inter se conjunctionem, impuritatem aliquam contraxerunt, quæ simplicitatem quodammodo repressit, ut conservandis corporibus aliis magis essent idonea, *lib. 1. Eptom. Phys. pag. 75.* Annotat *Timotheus Brighus*: Elementa quia impura sunt, simplicia non sunt, neque esse possunt, aliàs non forent compositarum rerum nutrices. Composita verò sunt infinitis rerum seminibus, proprio, Solis & reliquo-

rum astrorum calore excoquendis re-ferta, in *Animadversionibus* pag. 77. Eadem habet *Franciscus Patricius* *Tomo 4. disquisitionum Peripatet. lib. 8.* Respondeo: Non quia sunt impura Elementa, idè composita sunt, & simplicia corpora non sunt. Ea tantum corpora mixta sunt, quæ differunt specie ab Elementis, & novum habitum, novamque formam acceperunt, à quâ determinatur materia, & corporis naturalis species peculiaris exoritur. Elementa ab impuritate suâ non accipiunt novum habitum, sed naturam conservant impermixtam. Nam effluvia quæ impuritatem istam efficiunt, non ingrediuntur ipsam Elementorum essentiam, sed accidentaliter tantum, cum eis conjunguntur, adeoque leviter, ut remotis effluviis omnibus, ipsa tamen essentia Elementorum integra remaneat. *Argumentamur*: Quodcumque non habet essentiam è pluribus miscibilibus conflata, illud non est corpus mixtum. Atqui Elementa non habent essentiam è pluribus miscibilibus conflata. Ergo Elementa non sunt corpora mixta.

VII. *A quibus mixta constituntur.* Quaritur hîc: An Elementa invicem transmutentur? Respondeo: Ajunt communiter, ex aëre fieri ignem, ex aquâ fieri aërem, cunctaque Elementa tandem inter se transmutari. Huic transmutationi subternunt materiam primam, quæ uti non habet formam propriam, ita formarum omnium capax sit. Et volunt intel-lectu hoc, ut particula quædâ Elementi cujus-

cujusquam transmutetur, non verò ut Elementum aliquod integrum pereat, inque contrarium suum convertatur. Tolétus scribit: Elementum integrum non potest unicâ mutatione in aliud mutari, non enim totus ignis in aquam unâ mutatione potest mutari, nec è contrario. Ratio hæc est, quia si Elementa superiora, puta ignis & aër, in inferiora mutarentur, tunc oporteret dari vacuum: namque ob densitatem multò minorem locum occuparent conversa in inferiora. Si verò inferiora mutarentur in superiora, nunc non esset locus, nec spacium hoc elementate talia corpora pateretur aut cåperet. Nam terra & aqua si in aërem converterentur, multò ampliori loco indigebunt. Sermo autem est de partibus, quæ servatâ hac rerum dispositione invicem unicâ mutatione possunt mutari. Dico autem, unicâ mutatione. Nam pluribus elementum totum mutari potest mutationibus, modò secundum aliam, postea secundum aliam particulam, non tamen, ut perveniat ad hoc, quod totum simul corruptum fit: hoc enim fieri non potest, uti dictum est, lib. 2. de generat. & corrupt. cap. 4. pag. 321. seqq.

VIII. Adeòque Tolétus cum alijs Interpretibus partialem quidem Elementorum transmutationem asserit, totalem verò rejicit hoc Syllogismo: Quæcunq; sententia infert duo maxima absurda, illa non debet admitti. Atqui sententia de totali Elementorum transmutatione infert duo maxima absurda. Ergò sententia de totali Elementorum transmutatione non debet admitti. Minorem

probat, quia nunc vacuum infert quoad Elementa superiora, nunc locum locato minorem arguit, quoad duo Elementa inferiora. Ità etiam Conimbricenses lib. 2. de generat. & corrupt. cap. 4. quæst. 1. art. 1. 2. Franc. Piccolomineus lib. 2. de Elementis cap. 13. 14. 15. 16. Joh. Henr. Allstedius lib. 7. Encyclopadia part. 2. Physica cap. 4. Regula 2. 3. 4. Jacobus Auberti part. 1. Institut. Physic. cap. 40. 41. 50. Georgius Liblerus in Epitome Physica pag. 144. 145. Duncanus Liddelius lib. 2. Artis Medicae cap. 1. Antonius Ruvio Rhodensis lib. 2. de generat. & corruptione cap. 6. quæst. 1. 2. 3. Johan. Hellefontius lib. 1. de generatione cap. 12. Michael Watson in Collegio Physico Disputat. 10. dist. 6. Philippus de Sanctâ Trinitate in Summa Philosophica lib. 2. de generatione & corruptione pag. 299. seqq. Johan. Rudolphus Faber in Cursu Physico part. specialis pag. 218. seqq. Lud. Haueneuterus in Compendio Physico pag. 309. seqq. Daniel Sennertus lib. 3. Epitom. Physic. cap. 3. Henr. Nollius lib. 2. Physic. Hermetica pag. 111. 112. Sebast. Foxius lib. 2. Philosophia. naturalis cap. 7. Benedictus Mazottus libro de Elementis cap. 3. Rodericus Arriaga in Cursu Philosophico Disputat. 4. de Elementis sect. 8. Wilhelmus Chabronus in Cursu Philosophico Tomo 3. pag. 145. seqq. Joh. Poncius Legionensis in Cursu Philosophico Disput. Physic. 27. quæst. 5. Athanas. Kircherus lib. 3. Artis magnetica pa. 513. 514. Barthol. Keckermannus lib. 2. System. Physic. cap. 7. 8. 9. And. Cæsalpinus lib. 3. questionum Peripatet. sect. 8. Joh. Velcurion lib. 2. Institut. Physic. cap. 25. Joh. Combacchius lib. 2. Institut. Physic. cap. 3.

IX. Nos quancunque Elementorum mutationem, totalem ac partialem, reiciendam esse censemus. *Valerius* scribit: Quod Aristotelem sequuti docuerunt, Elementa invicem in vicina mutari, video id quibusdam eruditis non probari, & certè non parvum discrimen est inter aërem & vaporem. Nec enim aër ipse ex se se pluviam generat, sed ex vapore, quæ summæ aquæ rarior quædam pars est & extenuata. Nec mutatur aqua in aërem, sed in vaporem. Et ut cætera mutantur, certè ut terra mutetur in alia, non pauci dubitaverunt, *cap. II. Institut. Physicarum num. 25.* Assentiuntur nobis *Franciscus Patricius Tomo 4. discuss. Peripateticarum pag. 395. 396.* *David Derodon part. 1. Physica contractæ cap. 3. dist. 17. seqq.* *Albertus Kyperus lib. 2. Institut. Physicarum cap. 5.* *Gilhelmus Guilbertus Anglus in Physiologia novâ lib. 1. cap. 8. 13. 15.* *Antonius Deusingus libro de officio Mundi disputat. 3. quæst. 2.* *Taurellus lib. 1. Alpium Cesarum pag. 116. 117.* *Bernhardus Telesius lib. 3. de Naturâ rerum cap. 39.* & veterum clarissimi, *Empedocles, Democritus, Anaxagoras, Plato, apud Olympiodorum Lect. 5. lib. 1.* Res non eget prolixis verborum ambagibus. Quod enim contrâ particulas Elementorum mutabiles utgeri cum successu potest, *Tolétus* & alii suppeditant, quandò negant, Elementa tota mutari posse.

X. Manent absurda, si ve tota Elementa, si ve partes illorum, & si ve majores si ve minores partes transmutantur. Si pars una ignis mutatur in terram, & si pars una aquæ mutatur in

aërem, dabitur vacuum. Ob rationem, quam de toto igne & de notabili ejus parte attulit *Tolétus*. Quia nempe ignis in terram conversus minorem occupat locum, unde vacua altera loci particula manet. Repetimus argumentum: Quæcumque sententia infert duo maxima absurda, illa non debet admitti. Atqui sententia de particulari Elementorum transmutatione infert duo maxima absurda. Ergò sententia de particulari Elementorum transmutatione non debet admitti.

XI. Porro inferimus: Quicquid expers est corruptionis, illud non potest transmutari. Atqui Elementa sunt expertia corruptionis. Ergò Elementa non possunt transmutari. Major patet: Transmutatio præsupponit corruptionem. Minor probatur: Ubi non est diversarum naturarum compositio, ibi nulla est corruptio. Sunt verò Elementa corpora simplicia. *Regerunt*: Elementa generari & corrumpi posse. Corripitur ignis, quandò vel injectâ aquâ extinguitur, vel deficiente pabulo sponte deficit, atque in Elementum aliud transit. Generatur ignis, quia flamma est fumus ardens, fumus ex terrâ & aëre constat, itaque ex aëre & terrâ fit ignis. Aquæ putissimæ in lapides crescunt, ubi videmus, aquam in terram mutari, quoniam lapis est terreum mixtum. Ex aquis surgunt quotidie halitus, qui in aërem mutantur, *Jacobus Martini Centur. 6. Disputat. Philosoph. 2. quæst. 5.* *Caesar Bartholinus in Systemate Physico fol. 119. seqq.* Respondeo: Neque generantur Elementa, neque cor-
rum-

rumpuntur. Cum generari putatur ignis, non est productio ejus ex alio Elemento, sed est ligati ignis solutio & ad sensus nostros manifestatio. In pice, ligno, cerâ, aliisque rebus inflammabilibus ignis jam ante à ineſt, sed ligatus & concretus. Postquam externus ignis admovetur, solvitur alter, qui hæcenus dominio alterius subest. Falsum est, quod ignis in Elementum aliud tranſeat. Falsum est, quod flamma sit fumus ardens, uti porro dicemus *infra cap. 2. dist. 24.* Falsum est, quod metalla generantur è terrâ & aquæ coagulo, uti dicemus *lib. 6. cap. 1. dist. 3. 4.* Falsum est, quod vapores mutantur in aquam. Creatæ fuerunt Elementa in primâ rerum omnium origine, in tantâ mole, in quantâ etiamnum exſiſtunt. Nunquam ea corrumpuntur, nunquam generantur, nunquam tranſmutantur. Sæpè tamen corrumpi & generari videntur, quod ex illorum congregatione & segregatione provenit. Congregata enim videntur, & putatur quod tunc generantur; disgregata videri nequeunt, & putatur quod tunc corrumpuntur.

XII. Tertiò: Quæcunque differunt specie, illa non possunt vel à naturæ vel ab artis viribus invicem tranſmutari. Atqui Elementa differunt specie. Ergò non possunt vel à naturæ vel ab artis viribus invicem tranſmutari. * Major constat, & probat experimentum: Sume vesicam aëre inflatam, eamque pondere aliquo annexam demerge in aquâ gelidâ anno toto, extrahetur deinde plena

aëre, minimè in aquam immutato etiam: si ille undique humore & frigore aque inclusus & contentus fuerit. Dicit *Watſon*: Non manet idem aër in vesicâ, qui inerat ante submersionem, verum egresso illo & in aquam mutato nova succedit aqua, & in aërem mutata per occultos poros subintrat. *Respondeo*: Figmentum hoc est, cum nulli sint in vesicâ pori, ut aqua resoluta ingredi, & sursum egredi possit aër. Unde enim est inflatio illa vesicæ, si poros habet? Et quanquam dicat *Keckermannus*, falsam esse Minorem, quoniam Elementa non sint corpora perfecta, adeoque nec differre, ut species perfectas, *l. d.* Nos tamen ad probandam Minorem dicimus, quod Elementum quodlibet suam habeat formam specificam, quâ in se constituitur, & ab aliis distinguitur. Instat *Keckermannus* & *Bartholinus*: Quæcunque contraria sunt, illa invicem mutantur. Atqui Elementa differunt formis contrariis. Ergò Elementa invicem mutantur. *Respondeo*: Major negatur. Quis enim non inerat inde, bovem mutari in hominem, lupum in ovem, murem in elephantum? Invertimus potius: Quæcunque formis contrariis differunt, illa invicem non mutantur. Pergunt *Bartholinus* & *Nollius*: Elementorum omnium est eadem materia proxima, quoniam ex Chao singula producta sunt. *Respondeo*: Eâdem illatione terra in cælum, homo in brutum convertentur, quoniam materia est eadem. Formis differunt Elementa, totâ naturâ differunt, neque erant Elementa in Chao per modum mixtionis, sed per

per appositionem. Suam formam, suam materiam cum primo ortu acceperunt, ut Chaos rectè dicendo non tam fuerit materia productionis, quàm subiectum continens productorum.

XIII. Allegat experientiam: Quia videamus aquam in ollâ ad ignem appositâ mutari in aërem, ac postea iterum in aquam resolvi, uti patet, cum ollæ imponitur operculum. *Respondeo*: Experientia falsa est. Nec enim vapor est aër, sed est aqua resoluta per igniculos, quibus expulsi in aquam redit. Ità videmus, quod pluvîa in formâ vaporis ascendit, iterumque descendit in formâ aquæ, neque credendum est, quod pluvia ex aëre concreseat. Aquam videmus à terrâ quotidie absterberi, at terram inde fieri nullo sensu deprehendimus. Id verò docent, quod terra madida est, donec exhalet iterum quod admixtum erat. Terram ab aquâ dilui quotidie cernimus, agitari cernimus, verum cessante agitatione subsidit terra, in aquam non transit. Elementum haut unum reperias purum, quod non sit alienis partibus admixtis infectum. Hinc videmus aërem vaporibus crassum, aquam terrestri sæcui bidam. Nec statim credendum est, ex Elementis fieri velut materiâ, quæ in regione Elementorum fiunt velut in proprio loco.

XIV. Mira sunt, quæ *Nollius* prodit: Terra intrâ gremium suum per calorem resolvitur in aquas, inde ad superficiem progressa virtute Solis in altum educitur, inque ignem convertitur, ut inde tonitrua & fulmina fiant, *Ld.* Nimirum tonitrua sunt ab effluviis igneis, quæ in ter-

ræ greinio equidem sunt, verum à terræ elemento multum differunt.

XV. *Comenius* scribit: Ità vitra fenestrarum congelari videmus, variâ etiam figurâ. Quod neque à solo frigore, neque à solo calore fieri, certum est, quia fenestræ soli frigori expositæ, uti in templis, talem circumgelationem non patiuntur; sed fenestræ calefactorum hypocaustorum, quæ calefactæ incipiunt frigescere. Dum inclusus conclavi calor attenuatum aërem foras protrudit, circumfusus verò foris frigidus aër eundem repellit. Ex hac luctâ fit illa circâ hypocaustorum fenestras pruinarum textura, *libro de caloris & frigoris natura pag. 22.* *Respondeo*: In templis haud ità altè ascendit vapor, & ad parietes illapsus iis adhæret, unde in fenestris nulla glacies, aut non adeò multa est, nisi cum vapores foris vagi illabuntur & concresecunt. De aëre non debet quicquam cogitari, nisi quantum ille deprehensus in propinquo, unâ concresecit, unâ constringitur.

XVI. Quod verò *Gilbertus Jacchæus lib. 7. Philosoph. natur. cap. 1.* differit; vapores non distinguere specie ab Elemento aquæ, verissimum est, sed Elementorum transmutatoribus maximè contrarium. Rarefit sanè ignis ab aquæ impetu, & in vaporem abit, condensatur vicissim idem vapor & in guttas redit, postquam vi naturæ suæ peregrinum & hostem, ignem, expulit. Utroque tamen, cum in vapore, tum in guttis, eadem aquæ substantia permanet. Estque absurdum, ut mutatio accidentalitatis Elementorum pro substantiali unius Elementi in aliud conversione obtruda-

tradatur. Rectè hic *Patricius* ait: Dicat mihi de numero istorum Philosophorum aliquis, an unquam viderit, observaverit, aquam in aërem converti? Scio ego, vidî, concedam, ex aquâ & terrâ in aërem vapores adscendere, aërem eos fieri nemounquam vidit. In nebulas eos constringi rursus in aquas resolvi, rationi, non oculis credimus. Aërem quando unquam quisquam in aquam conversum vidit? Dicant, proferant experimentum, aut, aquam terram factam, aut hanc aquam? Vidimus sæpè ad fenestras balnei, ad columnas, ad parietes aquam adnatam. Multi asserunt, aërem ea loca contingentem aquam factum esse. Ajo ego, vapores eos fuisse. Quibus rationibus aut sensibus convincent, non vapores, sed aërem fuisse? Habeo ego ollarum experimentum, in quarum operculis vapor exhalans, non aër, in aquam concrevit. Habeo Aristotelis confessionem, vapores in aëre nubem facere, deinde pluviam, fortè nunquam aërem in pluviam dixit conversum. At dixit, aërem in aquam mutari. Scio, eum dixisse: sed experimentum cûr non attulit? Adferant sui pro eo, usque ad id tempus res dubia esto, *discuss.* *Peripatetic.* Tomo 4. lib. 3. pag. 395.

XVII. Eorum notentur species & qualitates. Sunt verò quatuor: Ignis, Aer, Aqua, Terra.] Empedoclem fuisse primum, qui Elementa quatuor docuerit, relatum est apud Aristotelem lib. 1. *Metaphys.* cap. 4. Attamen vix humanæ lectionis Franc. Patricius antiquiorem illo Hermètem adducit, Tomo 2. *discuss.* *Peripatet.* lib. 2. pag. 207. qui numerum

istum statuit libro de Mente communi & in *Pimandro*. Nos istos libros Hermétis dicimuseffe confictos, & probant *Cassaubonus Exercitat.* 1. *advers.* *Baronium sect.* 10. *Joh. Goropius Becanus in Niloscopia*, Herman. *Conringius libro de Medicina Hermetica cap.* 5. 6. 7. Et ut verum fatear, Patricius non tam in novâ Philosophiâ describendâ, quàm in veterè illâ restaurandâ sollicitè industrius, odio doctrinæ Peripateticæ impletus, Aristotelis existimationi opponere voluit Zoroastrem & Hermètem, viros in fabulistantum notos, & Magiæ suspitione non carentes. Quo non fuisset opus, cum Anaxagoras, Democritus, Leucippus, Plato, viri optimi & testimonii præclaris subnixi adessent, quos contrâ Aristotelem evocare posset Antiquitatis promiscuè indagator operosus. Retinet Aristoteles & quinque rationibus probat lib. 3. de Cælo cap. 5. & lib. 2. de generat. & corrupt. cap. 3. Quas prolixius exponunt Piccolominèus lib. 1. de Elementis cap. 4. Conimbricenses lib. 3. de Cælo cap. 5. quæst. 1. Antonius Ruvio Rhodensis lib. 3. de Cælo cap. 8. quæst. 1. Toletus lib. 2. de generatione cap. 3. quæst. 4. Mocenicus *Contemplat. Academ.* 4. part. 1. cap. 5. Nos unam proferemus: Quot sunt qualitates primæ in rerum naturâ tot etiâ sunt Elementa. Atqui cõstat quatuor esse qualitates primas in rerum naturâ. Ergo etiâ quatuor sunt Elementa. Infirmâ hanc esse rationem, dicit Bartholinus lib. 4. *System. Physici* pag. 327. Sed firmissima omninò ratio est: Tot qualitates primas in rerum naturâ esse experimur, itaq; secundum eas necessariò etiâ quatuor principia diversa statuenda sunt, velut rerum omniû causæ.

XVIII. Bartholinus l.d. & Jonstonus libro de Natura constantia pag. 21. argumentantur: Natura in præcipuis videtur ternarium numerum potissimum amavisse. In sexu est trinitas, mas, foemina & hermaphroditus; principia primarum naturalium sunt tria, materia, forma, privatio; sensibilia principia itidem sunt tria, sal, sulphur, & mercurius; partes principes in homine sunt tres, cerebrum, cor, hepar; spiritus in animali sunt tres, naturalis, vitalis, animalis. Sic illi, ut ignem de Elementorum numero excenseant. *Respondeo*: Consequentia est vana, quandoquidem à specie ad speciem concludere non licet. Tum quoque falsa multa immiscentur. Non enim hermaphroditus est peculiaris species in sexu, nec opus naturæ est regulare, sed erroneum & irregulare. Privatio figmentum est. Mercurius non est verum principium sensibile. Pro igne Elementari causam dicemus adversus Pyromachos sequentia capite.

CAPVT SECVNDVM,

De Igne.

SUMMARIA.

1. Definitio Ignis.
2. Danaus refellitur.
3. Solvuntur objectiones.
4. Cardanus refellitur.
5. Quercetani instantia.
6. Ignis sublunaris.
7. Refellitur iste.
8. Scaligeri demonstratio.

9. Refellitur.
10. Zabarella sententia.
11. Ignis calidissimus.
12. Scaligeri opinio.
13. Libavius refellitur.
14. Ignis per se urit.
15. Aqua calida in lebete.
16. Scaligeri sententia.
17. Libavius notatur.
18. Bassonis testimonium.
19. Exempla similia.
20. Metalla ignita.
21. Ignis est siccus.
22. Ignis supraterraneus.
23. Ignis ligatus.
24. Ignis de silice excussus.
25. Exstinctio ignis.
26. Exempla rei ejus.
27. Ignis artium instrumentum.
28. Ignis culinaris.
29. Rationes Eïeni solvuntur.
30. Objectiones contraria.
31. Definitio Carbonis.
32. Fumus terrestre aliquid.
33. Definitio flammæ.
34. Refellitur Bodinus.
35. Flammæ exstincta.
36. Flatus vehementia.
37. Ignis subterraneus.
38. Refellitur Keckermannus.

Ignis est Elementum calidissimum & siccissimum. Quod Ignis Elementum sit, magno consensu docuerunt Veteres, tantum quod Recentes adversentur, Cardanus lib. 2. de subtilitate rerum fol. 86. Clemens Timplexus lib. 3. Systematis Physici cap. 2. quæst. 1. Bartholinus in System. Physico pag. 137. seqq. Adrianus Heerbold

Volam. 2. Disputationum Philosophic. pag. 355. seqq. Lambertus Danæus part. 2. Physicæ Christi. tract. 2. cap. 8. Otto Casmanus in Scholis Philosophicis pag. 121. Franciscus Patricius Tomo 4. discuss. Periparetic. lib. 7. & 8. Henr. Nollus lib. 2. Physicæ Hermet. pag. 128. & in Systemate Medicinæ Hermeticæ pag. 10. 11. Simon Simonius Disputatione de Putredine pag. 256. 257. 362. 363. Conradus Aslachus lib. 1. de cælo cap. 4. Olaus Wormius commentariis ad librum de Mendo pag. 45. 46. Thomas Willétus libro de fermentatione cap. 7. 8. 9. Joachimus Jungius in Doxoscopiâ Physicâ part. 2. sect. 1. cap. 13. dist. 15. 16. David Gorlaeus in Epitome Physicâ cap. 7. dist. 2. Scribonius lib. 1. Institut. Physic. pag. 76. Josephus Quercetanus defensione adversus Riolanum cap. 14. Athanasius Kircherus in Artemagnâ lucis & umbra lib. 1. pag. 18. Nos ita argumentamur: Quicumque concedit dari ignem, ille etiam concedat oportet dari ignem Elementarem. Atqui concedunt omnes dari ignem, idque remonstrat ignis culinaris. Ergo concedant oportet dari ignem Elementarē. Major probatur, quia ignis ille qui conceditur, aut est corpus simplex aut mixtum. Si corpus simplex est, habemus quod volumus. Omne enim corpus sublunare simplex est Elementum. Si corpus mixtum est, iterum habemus quod volumus. Namque dubio procul virtutem urendi habebit ab alio, quod virtutis hujus proprius dominus est. Quoniam enim, ut recte adversus Cardanū disserit Julius Scaliger Exercitat. 10. calor & efficacissima & manifestissima qualitas, quæ

multis rebus per accidens inest, omnino dabitur primum aliquod subiectum, cui essentialiter inest. Nihil enim cuiquam inest accidentaliter, quod secundum essentiam non inest alicui primò & per se. Alias rationes vide apud Franciscum Piccolominēum lib. 1. de Elementis cap. 7.

II. Ità ergo de Igne sentimus: Quivis ignis culinaris ignem Elementarem in se continet, sed alienis qualitatibus & corporibus accidentaliter immersum. Excipit Danæus: (1) Ignis nihil aliud est quam lux primigenia, Genes. 1. 3. Hæc Elementum Physicum esse non potest, quia non per se subsistit, verum in alio est tanquam accidens in subiecto. At quod Elementum est, per se subsistit, non in alio, est enim rerum aliarum componendarum materia. Respondeo: Negatur, quod Elementum ignis fuerit Lux primigenia, uti dictum est in libro de Creatione Exercitat. 9. dist. 1. (2) Qui ignem hunc & quantum Elementum statuunt, nihil aliud esse voluit, quam superiorem ætheris partem, quæ motu orbium celestium accendatur, propter viciniam. Respondeo: Fabule sunt, quæ de Igne peculiari loco infra Lunam constituto vulgus docet, uti dicemus infra dist. 6. (3) Si Elementum ignis existeret, arderet ac luceret, neque opus esset astris pro illustrandis tenebris, quia ignis calorem & lumen suum abundè nobis impertiret. Respondeo: Non ardet, neque lucet ignis purus, sed concretus. Calefaciendi & comburendi vim ignis habet à partium propinquitate, frequentia, coagmentatione, coactione, unionē. Itaque quamvis nec lucidus sit, nec

nec conspiciatur, non tamen ob id Elementum ignis esse definit. Nec aer sub visum cadit, Elementum tamen est. Quod enim Cornelius Valerius in *Institutionibus Physicis cap. II.* affirmat, oculis cerni aërem, repugnat experientiæ. Ut aliquid visibile sit, subiectum bene compactum requiritur, & quod aliquod corpus est rarius ac tenuius, eò minus subit visum. Non proficit excusatio *Goclenii*, aërem evadere coloratum & visibilem, si incrassetur & condensetur, *notis ad h.l. pag. 50.* Sane ignis quoque visibilis est modo isto, cum materiæ densæ implicitus partibus suis multis pertinaciter coheret. Ignem verò, quia tenuissimus est, non venire sub aspectum, docet Valerius ipse *l.d.* Certum igitur est, ignem per se non esse visibilem, neque hoc mirum est, quoniam præ aëre multò subtilior est. Perspicuum verò nisi condensetur, visibile non est, uti habet regula Optica apud Scaligerum *Exercit. 9. (4)* Hujus Elementaris ignis nusquam scriptura meminit, *Genes. I. 1. 2. Proverb. 30. 4.* ubi vera naturæ Elementa recensentur. *Respondeo:* Plurimis locis de Igne memorant sacræ literæ, quod sufficit. (5) Si daretur Elementum ignis, dudum exusta foret inferior mundi regio. *Respondeo:* Non urit ignis nisi cum est in materiâ congruâ, & cum habet partes suas unitas. Aer non potest ardere, itaque permistus illi ignis haut urit, contentus naturæ suæ statu, quomodo purissimus fervor est. Flamma in vino adusto non absorbet linteam cui circumfunditur, imò nec manum quæ in flammam istam inseritur. (6) Si daretur ignis Elementaris,

non possent nubes in supremâ aëris regione generari. *Respondeo:* Non est tanta copia ignis in parte superiore aëris, ut possit nubium generationem prohibere.

III. Addunt *Patricius & Bartholinus:* (1) Ignis nihil aliud est quam corpus aliquod incensum, quâ incensione durate durat ignis, sublata definit esse ignis. *Respondeo:* Aliud est corpus quod incenditur, aliud flamma in corpore accenso. Illud est corpus mistum, hæc est multorum igniculorum cohesio atque unio. Nec quamdiu flamma vel incensio durat, ignis solum durat. Non perit vel definit ignis, sed effectus ignis, id est, incendium. Dicit *Scribonius, flamma illius ignis est incensus tantum aer.* Falsum! Non est hæc flamma, sed deflagratio sulphuris, quod est proprium ignis pabulum. Estque mirum, hoc dici à *Scribonio*, qui definit aërem, quod sit Elementum frigidum & humidum, *pag. 76. Institut. Physicarum.* Quamquam neutrum rectè. Interim contra ipsum sequitur, quod ad concipiendam flammam ineptissimus sit aer, frigidum & humidissimum elementum. Neque ergo ardebit magis quam aqua. Omnis actio requirit vel naturæ vel qualitatum similitudinem. Nulla verò qualitatum similitudo est inter ignem in aërem, quia ille est calidissimus & siccissimus, hic est frigidus & humidissimus, uti ajunt. Non igitur flamma est aer accensus. Si enim hoc, magnum à quavis vel minimâ flamma perpetuè excitabitur incendium, ait *Nicol. Taurellus lib. 3. Alpium casarem pag. 559.* (2) Quod si Elementum ignis à celo & su-

pre-

premo aëre differt raritate & tenuitate, nova propter ignem orietur stellarum refraçtio, adeòq; veti loci ignoratio. Et sic vacillabit certitudo experimentorum Astronomicorum. *Respondeo*: Supremum & peculiarem locum ignis sub concavo Lunæ haud esse credimus, itaque propter ignem aut medii duplicitas, aut nova refraçtio, aut obseruationum Astronomicarum incertitudo, non potest oriri sensusque hominum turbare.

IV. *Cardanus* obtendit; Quod nec indiget pabulo, nec sponte corrumpitur, nec vagatur, sed certâ obtinet sedem, maximâ habens molem, eamq; secundum naturâ, atq; ad generationem paratum est, Elementum est. Nullum horû igni convenit, movetur enim, est impotens vivere absolute alimento, proximum aërem adurit. Ergo ignis non est Elementum. *Respondeo*: (1) Etiam aër movetur ab impetu ventorum, movetur aqua in torrentibus, fluviis, fontibus, nec tamen definunt Elementa esse. (2) Utique sine pabulo vivit ignis, quamquam sine pabulo non incendat, vel subeat visum. Est enim per se corpus simplex, quod nec pabulo indiget, neque etiam nutriri opus habet. Quod ignis corpori accenso inhæret, non ideo fit, quia pabulum necessariò requirat, sed quod simile sui amat. ignis, sulphuris particulas extrahit, sibi que uniendo multiplicare sese conatur. Quælibet enim natura amat sui multiplicationem, idque maximè fit per unionem cum similibus. Ergo ignis tamdiu corpori accenso adhæret, donec in illo ignis & sulphur in-

est, quo exhausto emigrat, & ab incendio superest cinis. (3) Non semper urendo in proximis devastat omnia, uti suprà dicebamus. (4) Ignis non corrumpitur in se, verum disgregatur, ut non percipiatur à sensibus nostris, (5) Habet molem satis amplam, quia per magnum inane diffunditur, & quidem suâ naturâ. (6) Concurrit omninò ad generationem, itaque vigor igneus inest in pipere, sinapi, papavere, urticâ, filice, pice, bitumine, sulfure.

V. *Quercetanus* insurgit: Ignis non progenerat fructus utiles, destruit potius multa quæ utilia sunt, non fovet sed corrumpit & ad excidium perducit, non format neque generat. *Respondeo*: Quercetanus Spagyricæ professor commendare ignem potius debuit, quàm probris incescere. Certè Spagyrici ignem summæ rerum præficiunt, magisterium ignis profitentur. Si non progenerat fructus utiles, quomodò Spagyrici tot aquarum, tot salum genera, quæ etiam Hippocrati & Galeno miracula videri possent, ad usus Medicorum præparant? Si tantum destruit, corrumpit, devastat, perdit, quomodò calore suo afficiat & conservet sublunaria? Non enim nisi beneficio ignis Sol calorem efficit. Benivola magis sunt ignis obsequia, ac ut cavillis multis onerari debeat. Notatu dignum rei hujus exemplum supeditat ipse *Quercetanus*, cum se vidisse, ait, hortos in Hassiâ & Palatinatu in medijs brumæ rigoribus vernâ amœnitate pulchros, ætivistis deliciis abundantes, nempe operâ ignis, in *Diatetico Polyhistor. sect. 2. cap. 3.* Meminit quoque Henr.

Nollius *lib. 5. Phys. Hermetica pag. 211.* Non igitur corrumpit, destruit, devastat: sed fovet, auget, format, conservat.

VI. Quæritur porro: *An Ignis propriū & peculiarem locum obtineat sub Luna concavo?* Respondeo: Communiter id affirmant, Zabarella *libro de motu ignis in orbem*, Conimbricenses *lib. 3. de Cælo cap. 5. quest. 1.* Wilhelmus Chabronus *in Cursu Philosophico Tomo 2. pag. 538. seqq.* Franciscus Piccolominus *lib. 1. de Elementis cap. 4. 7. 16.* Scipio Cæsenas Claramontanus *lib. 15. de Universo cap. 1. 2. 3.* Franciscus Oviedo *in Cursu Philosophico Tractatu de generat. & corrupt. controvers. 8. sect. 2.* Duncanus Liddelius *lib. 2. Artis Medica cap. 1.* Fortunius Licetus *lib. 4. de Lucernis subterraneis cap. 20. 21. 34.* Antonius Ruvio Rhodensis *commentarius ad lib. 3. de Cælo cap. 8. pag. 255.* Jacobus Martini *Centur. 2. Disputat. 9. quest. 6. Centur. 6. Disputat. 8. quest. 5.* Barthol. Keckermannus *lib. 2. System. Physici cap. 10.* Mocenicus *Contemplat. Philosoph. 4. part. 1. cap. 2.* Flaminius Ciconia *in questionibus Physicis pag. 132. seqq.* Rodolphus Goelenius *lib. 3. Disput. Phys. 5.* Laurentius Föterus *dissertatione de Elemento ignis dist. 3. seqq.* Sebast. Foxius *lib. 2. Philosoph. naturalis cap. 6.* Vopiscus Plempius *lib. 2. Institut. Medicarum sect. 1. cap. 2.* Michaëli Watsonus *in Collegio Physico Disputat. 10. dist. 4.* Joachimus Burserus *lib. 2. Institut. Physicar. cap. 4.* Johan. Fernelius *lib. 2. Physiologia cap. 6.* Sennertus *in Epitome Physica lib. 2. cap. 5.* Et Aristoteles quidem *lib. 2. de Cælo cap. 13. lib. 4. de Cælo cap. 4. lib. 1. Meteoror. proponit hoc, ut ævo illo receptum, quo Ignem vocabant Platonici supremam & puriorem*

æris regionem cælo proximam, imò cælum ipsum dicebant esse ignem, id est, purissimum & sordibus liberum. Commentatores Arabes & Latini deinde Elementum ignis loco illo reposuerant, de quo tamen ipse Aristoteles multò aliter scripserat, *ὁ δὲ ἀέρ πῦρος πᾶσι θεός*, ær verò igne plenus est, *in problematis sect. 25. quest. 20.*

VII. Hæc unicè verà sententia est de Elemento ignis, videlicet in regione æris inferiori quaquaversus sparsum, circà terrā maximè agere, ut animantiū & vegetabilium usus præstò sit, ad eòque rectius contendunt alii, quod Elementum Ignis sub Lunæ concavo peculiari loco non detineatur, Fridericus Risnerus *in doctrinâ Opticâ pag. 252. seqq.* Tycho Braheus *lib. 1. progymnasmatum Astronomicorum pag. 91. 92.* Andreas Argolus *in Pandosio Sphærico cap. 18.* Albertus Kyperus *lib. 1. Institut. Physicarum. pag. 488.* Antonius Deusing *libro de Mundi opificio Disputat. 5. quest. 1. 2. & Disputat. 6. quest. 1.* Francisc. Vallesius *libro de Philosophiâ sacrâ cap. 50.* Gerhardus Joh. Vossius *lib. 2. Theolog. Gentilium cap. 83.* Marcus Frid. Wendelinus *in Contemplat. Physicis sect. 3. cap. 8. dist. 1. num. 2.* Athanasius Kircherus *lib. 4. mundi subterranei sect. 1. cap. 2.* Otho Casmanus *in Vranographico pag. 590. seqq.* Nicol. Taurellus *in Alpibus casis lib. 3. pag. 88. & lib. 5. pag. 1019. 1020.* Joh. Poncius Legionensis *in Cursu Philosophico Disput. Phys. 27. quest. 8.* Thomas Freigius *lib. 19. Physica pag. 419.* Argumentamur: Quodcunq; nec à priori nec à posteriori deprehenditur in rerum naturâ, illud non existit. Atqui Ignis sub Lunæ concavo peculiari regio-

regione extensus; nec à priori nec à posterioriprehenditur in rerum naturâ. Ergò non existit. Minor probatur. Non à priori, quia non incurrit in sensus. Non à posteriori, quia nullus est effectus ejus.

VIII. Attamen Julius Scaliger *Exercitat. 9.* demonstrare conatur: Qui fumus ascendit, ille ignis in se habet plurimum. Non enim ascendit propter aliquam. Tantò minus propter terram ipsam, sed neque ab aëre fit motus ille, in aëre enim jam est. Quem igitur quæret locum? Eum profectò, qui suprà aërem leuissimæ debetur naturæ. Hæc ille. *Respondeo:* Esto, quod fumus propter ignem adscendat, nondum tamen hinc sequitur, ignem fumo implicitum provolare eò, ubi certum & ab aëre separatum locum obtineat. Fatemur ipsi, quod in aëre, loco suprà terras elevato, oberret. Et verò non omne quod leue est, id superius est, aliàs faciem terræ inundaverint aquæ, veluti leuiores.

IX. Scaliger pergit: Demonstrationis, quâ conficitur, ignem esse in lunæ concavo, hæc sunt principia, corpus naturale, motus, locus. Ex iis ita conficiuntur propositiones certæ, veræ, primæ, immediatæ, causæ conclusionis hujus. Ignis locus est in supremo spacio sub Lunâ suprà aërem. Omne mobile est corpus. Omnis ignis mobilis. Aliæ duæ: Omne corpus est in loco. Ignis est corpus. Totidem tertio: Omne mobile movetur naturaliter ad spaciū suum. Iguis est corpus mobile. Duæ postremæ, quibus totum conficitur: Omne spaciū ad quod corpus movetur naturaliter, est

suum corporis illius. Ignis sursum movetur naturaliter. Ergò spaciū superum est suum ignis. Hæc ille. *Respondeo:* Magnæ molis est, istum ignis locum sub Lunæ concavo stabilire. Non quia suprà aërem adscendit motu, suprà totum aërem esse vult. Solùm hoc inde consequitur, ignem esse in loco à terris elevato. Nihil prætereà. Neq; verum est, quod *semper in altum contendat flamma.* Quin sequitur illa pabulum suum, & creberrimè infrâ se urit, uti candelæ ardentes monstrant, sæpè ad latera vergit. Hinc ædificia cernas funditus exuri, non saltem cacumina horum destrui.

X. Quæ Jacobus Zabarella *libro toto de motu ignis in orbem*, & Contarenus *Venetus lib. 2. de Elementis pag. 62. 63. seqq.* differunt operosè, nos unâ velut liturâ inducimus. Scilicet: Ignis nullus est sub concavo Lunæ. Cælum non movetur in orbem, itaq; non potest sive aërem sive ignem unâ circumrapere. Denum, quæ sit vera efficiens caloris in his inferioribus, dicemus *infrâ lib. 5. cap. 2. dist. 3. seqq.*

XI. *Calidissimum.*] Ignem alium præ alio validiorem esse, testatur vulgaris experientia. Scaliger ait: Ignis in ferro validissimus est ob densitatem, in ligno minus, imbecillior in lanâ, tum in papyro nostrate hac, in flammâ ràm dilutus ut manum traducamus sine offensione. In aquâ ardente adeò tenuis, ut eâ madefactum linteam illæsum relinquatur, *Exercitat. 9.* Non unam ejus rei causam adferre vult Gardanus *lib. 2. de Subtilitate pag. 39. 40.* Quibus rejectis Scaliger *Exercitat. 12.* veram causam esse statuit frequen-

quentiam partium atque coherentiam, siquidem in densiore materiâ partes plurimæ parvo continentur loco. Hinc validior in ferro est ignis, quàm in stipulâ. Diluitur enim non vis essentialis, sed actio propter partium distantiam. *Hec ille.* & cum illo Johan. Crassotius in *Physicâ compendiariâ* pag. 368. 369. Keckermannus lib. 2. *System. Phys.* cap. 12. Taurellus lib. 4. *Alpium Caesarum* pag. 471. David Derodon in *Physicâ contractâ* part. 2. cap. 3. art. 7. dist. 9. Ergò densitas materiæ vehementer compactæ actionem ignis confortat, ut efficacius urat. Perinde uti glacies frigidior est quàm aqua non congelata ob materiæ densitatem, verè ait Zabarella lib. 2. *de qualitatibus Elementaribus* cap. 1. Verùm Andreas Libavius part. 1. *Alchymia* lib. 2. cap. 12. acriter restituit, causamque ad substantiæ intensiorem referre mavult. Sed nihil proficit. Namque vel in vultu compelletur ad approbandam Scaligeri opinionem veritati consentaniam.

XII. Ait quippe, *ignis calorem etiam in minimâ scintillâ maximum esse, nihilque pati sibi detrahi per se, nec admittere in societatem ullam frigidam partem.* Licet verò addat, *subjectum receptivum utriusq; alterari*, tamen neque hoc negaverit Scaliger, quia nihil sive diversum sive novum implicat. Quò plus enim ignis in corpore aliquo est, eò illud calidius est; quò minus ignis inest, eò minus etiam calidum est. Hoc demonstrat satis exemplum ab ipso Libavio usurpatum. In aquâ fervidâ est multum ignis, cui si affundatur frigida, fit tepida ob aquam frigidam, quæ non habet sibi admixtum ignem.

In ferro parvo major ignis quantitas esse potest, quàm in stipularum fasciculo. Causa, quod hîc ignis fortior sit quàm ibi, est partium multarum unio in ferro, distantia partium in stipulâ. Rectius illa percipiuntur, cum attenditur, ignem ab aëre admodum dilui, qui faciliè cum illo permiscetur. Nimirum ignis est summum calidum, quod verò non semper summe agit, sit propter admistionem corporum aliorum non ita calidorum, scilicet aëris. Rara & porosa corpora multum aërem continent, quare in illis est ignis dilutior, ejusque partes non sunt ita proximæ & propinquæ sibi. Partum aëris inest in materiâ solidâ, partesque magis coherent & compactæ sunt, itaque etiam ignis partes in illâ propius uniuntur, unde fortior ustulatio est, validiorque actio.

XIII. Reponit *Libavius*: In stipulâ laxâ flagrat ignis, vagaturque liberè, & dicitur calor ejus minor propter dispersionem partium, sed jungantur manipulo & validè constringantur, nec tamen erit validior ignis. *Respondeo*: Stipulæ non deponunt naturam suam, sive laxæ fuerint, sive in manipulum constrictæ, non inquam exuunt naturam suam, raræ & porosæ. Proinde eundem ignis gradum excitant, solum quòd quæ dispersæ jacent, non ita conjunctam, quando aër multus intervenit, flammam supeditat, uti illæ quæ constrictæ incenduntur. Rectè ergò dicebat Scaliger, *cum particula*

cula ignis propius uniuntur, esse validiorem actionem. Errorem verò admiscet: Duplici de causâ, *ait*, comburit ignis, idque per accidens, una est, alieni solidi corporis admistio, altera, ubi ipse purus condensari posse concedatur. Utriusque tamen una ratio, videlicet partium propinquitas, quarum coactione in minore spacio substantia major, ac propterea vis major, *Exercit. 9.*

XIV. Error est, quod statuit, *ignem per accidens urere.* Tâ enim per accidens urit ignis, quàm humectat per accidens aqua, vel submergit natantem. Utrumque per se competit utrique Elemento, quoniam de propria Elementorum naturâ est. Iguis per se calidissimus est, licet materiæ non sit immersus, uti aqua per se humectat, quanquam rei siccæ non aspergatur. Habet enim sibi relictus partes coherentes, indè est quod urit, sed in materia ardet, sensibusque ingerit sese. Partes suas invicem propius unitas retinet in ferro ac metallis aliis, quod ibi propter materiæ densitatem plurimæ sint in parvo loco portiones, atque propter conjunctionem validius agant. Contrâ fit in stipulis & stupâ aliisque corporibus rarioribus, ubi portiones ignis disseparantur, partes divelluntur, flammæque permiscetur aër, quæ propterea tâ valide agere non potest.

XV. Quæritur porrò: *Cur fundum lebetis aenei ad ignem appositi, quamvis aqua fervida sit, non incalascit?* Respondeo: *Experientiam hanc negant equidem Rodericus Arriaga Disputat. Physicâ 7. sect. 6. num. 53. Martinus Schogkii in Physicâ*

generali Disputat. 15. dist. 15. Attamen contrarium defendunt plurimi. & seriò affirmant, parietes aheni vel lebetis admodum fervere, fundum itâ frigidum esse, ut sine noxâ manibus contrectetur, licet omnem flammæ impetum sustinuerit hæcenus. Thomas à Vegâ lib. 2. *de locis affectibus sect. 2. commentar. 2.* & Nicol. Taurellus lib. 4. *Alpium Caesarum pag. 675. 676.* dicunt, aquæ frigiditatem non permanere, quoniam summus calor eam expellat, humiditatem verò semper adesse in aquis, huius beneficio lebetis fundum servari ne ferviscat, & plumbea vasa, ne ab igne colliquecant. *Respondeo:* Negatur hæc vera causa esse. Non enim calori humiditas contrariatur, sic ut ubi calor est, ibi pellatur ille à superveniente humore. Et quamobrem parietes aheni ab igne incalascunt, ad quos perinde humidum ab aquâ pertingere potest? Fracastorius libro de consensu & dissensu cap. 35. refert causam rei huius ad Antiperistasin. Cum enim aqua frigida sit, prohiberi eo quod minus calefiat medium. Si roges, *quomodo aqua efferviscat, nec tamen incalascit medium?* Respondet: Quia porosus est lebes, citò calorem attrahit aër, qui in poris est, atque itâ incalascit aër, quæcunque verò aqua calefacta est, attollitur & adscendit, e jusque loco subsidit pars aquæ non calefacta, unde refrigeratio lebetis est: per vices autem fit semper, ut pars aquæ cedat & tollatur, pars autem succedat & refrigeret. *Respondeo:* (1) Per antiperistasin calor & frigus ad interiora compelluntur, non verò ad exteriora promoventur. (2) Quod si aër in poris lebetis contentus ignem concipit a-

quamque

quamque refrigerat, quare non ab eodem aëre calefcente lebetis fundus calorem accipiat? (3) Falsum est, quod aqua pars calefacta ascendat, frigida descendat. Sanè in fundo melius percoquuntur carnes duræ, quàm in summitate aquæ.

XVI. Julius Scaliger disserit, quod naturâ suâ frigidum æs, quantum potest, retineat frigiditatem, itaque pars aquæ calefacta sursum propellitur, frigida semper in fundo est, *Exercitat. 101. sect. 8.* Id sequitur Herman. Conringius *libro de calido innato cap. 14.* Verum neque hoc sufficit. Quare enim parietes lebetis non retinent eandem frigiditatem? Et falsum est, quod aqua in fundo frigida sit. Est enim ibi summè calida, unde Coqui frustra carnis duriora in fundo ponunt, ubi ab aquâ calidâ magis subigi possint. Frustrâ igitur in hac causâ, quam Scaliger proponit, acquiescunt Cæsalpius *lib. 4. questionum Peripatericarum pag. 471.* Conimbricenses *lib. 7. Physicor. cap. 2. quest. 1. art. 6.* Derodon *part. 2. Physica contracta cap. 3. art. 7. dist. 7.* Quamvis enim ignis contendat sursum, attamen in parte superiore aquæ inest in materiâ tenuiore velut, ac propterea minus calefacit. Andreas Libavius *part. 1. Commentar. Alchymialib. 2. cap. 11.* dicit, aquæ præsentiam cohibere impetum spirituum ferventium in aquâ ad superiora contendente, ac efficere ut æs non adeo incalascet. Atqui vix aqua prohibere potest, ut fundus lebetis, cui ignis subjectus est, non incalascet, quando illa seipsam contra ignis actionem tueri non potest.

XVII. Quo libidem pergit Libavius,

halitus in bullas extollere aquam, & a fundo illam arcere, hoc inquam & falsum & alienum est. Falsum, siquidem in fervente aquâ sit quidem aliquis motus sursum, interim non potest a furido aquam fervidam arcere. Alienum, non enim hinc causa redditur, quare ab igne subjecto fundus lebetis non incalascet, aquâ incalefcente. Barthol. Keckermannus scribit: Flamma ignis suâ naturâ appetit formam pyramidalem, & idcirco fertur potius ad latera sive parietes aheni, ibique acrius urit quàm in fundo aheni, cujus latitudine dispergitur & dissipatur flamma, ne naturalem suam figuram adepta, possit efficaciter agere: Quælibet enim res sub suâ nativâ formâ maximè agit, sub alienâ verò formâ & figurâ debilior est, *lib. 2. System. Physici cap. 12.* Respondco: Imò verò inflammâ est ignis dilutior, quàm in foco, & maxima actio ignis provenit ab illo qui aheni subjectus est, non ab alio qui per modum flammæ ad latera circumludit. Et si causa illa vera est, quare ad fundum est ferventissima aqua?

XVIII. Causa vera hæc est, quod pori lebetis facilem transitum dent igni, adeoque infimam lebetis partem citò pertransit ignis, & in aquam viribus integris fertur, quæ ob frigiditatem maximus hostis ejus est, magisque resistit. Basso consentit: Si memores es, quomodo ignis aculei subeant poros vasæ, atque in aquam sese insinuent, facilis erit hujus causæ cognitio. Ignis particulæ, quæ vase vacuo ibi sisterent sese, atque in obiectam partem coeuntes vim totam coactæ in illam exfererent; aqua, quàm
aëris

aëris humidum in auxilium vocat, impediēte, non ibi moram faciunt, sed quā possunt celeritate transeuntes partem illam relinquunt illāsam. Jam verò in aquam coacti igniculi illi, dum exitum moluntur, in latera lebetis impingunt frequenter, unde etiam incallescunt, imum verò unde ascenderunt, vix repetunt, ut non mirum sit si non calefaciunt. Ergo sentisne aquam in poris imilebetis ignis viribus obsistentem? Minimè inquis, sed frigus sentio ab aquā productum. Quæ aqua produxit? Quam lebes continet. Atqui est calidissima. Tantus calor utrinque, hinc aquæ ferventis, illine ignis agentis id frigus produxit. Hoc est Peripateticis miraculum, non illis qui aquam in imi vasis densitatem insinuare sese cognoverint, atque ibi ignis actioni resistentem. *lib. 3. Philosoph. natur. pag. 132. 133.*

XIX. Eadem causa est, quod vasa stannea non liquecant ad ignem, quamdiu aquam continent; quodque charta aquam complexa, non ardeat à subiectâ candelâ; quod fulmen pervadit coriaciam vaginam, atque in illâ gladium liquefacit. Major enim hostis adest, aqua & metallum, in quæ fertur hostis & expugnare vult, adeoque minorem velutinegligit.

XX. Cæterùm ignis in metalla, si in viciniâ non adest corpus liquidum, subintrat redditque ignita. Cum in metallo continetur liquor aliquis, transit ignis per metallum, neque in eo moratur, sed omnem vim suam in liquidum, quod actioni suæ maximè adversatur convertit. Non placet quod *Ioh. Casus* dicit, ignis

formam in substantiam metallorum non penetrare, sed virtutem solam impactam & impressam esse, *lib. 4. Commentar. Physicor. pag. 529.* Etenim ubi ignis virtus & qualitas sunt, ibi ipsa ignis substantia adest, quia per minimas sui portiones in ferri poros lubit. Quod verò *Etiénus Lovaniensis* negat, poros in ferro esse, hoc rerum naturæ adversatur, uti ostendunt *Contaréus Venetus lib. 3. de Elementis pag. 150.* *Plempius lib. 2. Fundamentorum Medicinæ sect. 1. cap. 2.* Ratio est, quia diductum in laminas & pullum edit sonos. Si verò ipsa ignis substantia non adest in ferro ignito, quid quæso calorem suppeditat diverso illi & noviter producto calori, quem obtrudit *Casus*? Ut mirum omninò sit, voluisse *Goclenium lib. 1. Institut. Logicar. pag. 169. 170.* & *lib. 1. Controvers. Logicar. pag. 104.* *Bartholom. Keckermannum lib. 2. Gymnasij Logici cap. 7.* recoquere illam vel à *Caso* vel ab alio acceptam doctrinam, tantum ut communicatio proprietatum manifestis Naturæ experimentis stabilita evertatur. Certè statuendum ipsis fuerit adjunctum proprium sine proprio subiecto, quod in Philosophiâ delirium est, uti rectè infert *Jacobus Martinius libro de communicatione proprii cap. 15.*

XXI. *Siccissimum.*] Siccitate indurat, humida pellit, delectatur siccis. Hinc patinæ stannæ aquâ plenæ & igni appositæ non liquantur, uti antea à dictum est.

XXII. *Estque vel Supraterreanus vel Subterreanus.* *Supraterreanus* est, qui suprà terram conspicitur.] Generatur ignis, quando è corporibus, in quibus actu inest, elicetur ut foràs prodeat. Calx viva cum

perfunditur aquâ, flammæ inde profiliunt: ovi putamen calce vivâ impletum, si addatur pulvis nitrosus & foramen cerâ oppleatur, inque frigidam aquam coniciatur, incendetur. Nimirum ob fugam contrarii uniunt sese igniculi & exeunt, quia aquam, hostem suum, coram habent, uti benè differit Julius Scaliger *Exercitat.* 5. *sect.* 8. 9. Silex ad chalybem attritus, itemq; chalybs chalybi per motum vehementiorem allisus, eliciunt ignem. Et quidem Scaliger *Exercitat.* 16. *sect.* 1. Joh. Combacchius *lib.* 2. *Institution. Physic.* pag. 314. Athanas. Kircherus *lib.* 1. *Artis magne* pag. 19. Contarenius Venetus *lib.* 3. *de Elementis* pag. 147. Joachimus Burserus *lib.* 2. *Institutionum Physicarum* cap. 13. Bernh. Morisani *commentariis ad libros de Cælo* pag. 550. Hieronymus Cardanus *lib.* 2. *de subtilitate rerum* pag. 47. Rodolphus Goclenius *lib.* 1. *Physicæ generalis* pag. 122. censent, aërem inter chalybem & silicem interceptum per motum illum attenuari & converti in ignem, ut scintillas jaculetur, esse enim, dicant, aërem in dispositione quadam ad ignem, ut ex eo facile generari possit. *Hacilli.* Nos statuimus, quod causa vera, cur excutitur ignis, nec penes calorem, nec penes aërem sit. Nulla enim substantia ex accidente nascitur. Nullum etiam Elementum in aliud transmutatur. Si enim aër incendi posset, dudum hæc aëris regio inferior in magnis incendiis urbium, domorum, silvarum deflagravisset. Sed sulfur ibi prælense est, quod inflammatur. Sulfur verò in se complectitur multas portiones igneas, quæ cum ligatae sunt propter materiam alterius permittio-

nem, percussione & allisione solvuntur veluti, atque in fomite pro hominum usus excipiuntur.

XXIII. Eandem ob causam ligna è moro, vite, fraxino, fago incallescunt ab attritu funium & accenduntur. Scilicet, inest ignis ligatus in lignis illis. Refert eundem Aristoteles *lib.* 2. *Cælo* cap. 7. *text.* 42. & *lib.* 1. *Meteoror.* *text.* 8. quod aër factâ commotione inflammetur, quodq; tela à motu ignescant, ut plumbeæ ipsorum cuspides liquefiant. Res mira, quam tamen experientia non confirmat, ajunt Bernhardus Morisani *commentariis ad libros de generatione & corruptione* pag. 550. Simon Simonius *disputatione de Putredine* pag. 362. Caspar Scottus *in Physicâ curiosâ* *lib.* 10. pag. 1409. Quandoquidem telum non eandem, sed aliam & aliam partem aëris semper contingit. Certe plumbeus globus, qui de sclopeto emititur, multò magis incallescere debebat, quoniam ignis virtute expellitur, aërem validius transcendendo constipat. Neque tamen ita fieri compertum est. Quin ne globus quidè è cerâ confectus & de sclopo ejectus vel incalescit vel liquefit, tantum abest, ut in plumbo hoc contingere possit.

XXIV. Quæritur: *Cur ignis de silice excussus deorsum feratur?* Respondeo: Ignis quia levis est, naturâ suâ tendit sursum, & causas, quare deorsum feratur è silice excussus, adferunt istas: (1) Quod ignis pabulum suum sequatur, cum verò fomes supponatur silici, fit ut ad fomitem, velut alimentum suum, deorsum, contendat. (2) Quod ignis ille particulis chalybis & silicis adhæret, è quibus prolicitur, silex verò quia

quia in attritu deorsum movetur, ignis unâ rapitur deorsum, Barthol. Keckermannus in *Cursu Philosoph. Disputat. 4. Coroll. 6.* At prior causa non est vera. Nondum est pabulum ignis, extra quod ille haftenus est, tunc verò demum est pabulum, quandò unitur cum fomite ab alio igne excocto & portionibus igneis pleno. *Posterior* vera est, quod motus excutientis de silice unâ proximum ærem impellat, & scintillas deorsum turbet, ut in pabulum illapsæ incendium faciant.

XXV. Extinguitur ignis, cum violento motu dissipantur portiones igneæ, aut illæ spontè emigrant pabulo destitutæ. Ità ligno in cineres redacto ignis extinguitur, cum qui primò aderat, propter defectum pabuli avolat, neque succedit alius. Fumo suffocatur ignis, cum fumus locum omnem occupat, neque locum permittit igni, in quo ille versari possit. Tunc enim cessat moveri ignis cum fumo, neque etiam corpora duo in loco uno esse possunt. Gaudet ignis libero aëre, & ventilatione opus habet propter impuritatem, quâ denegatâ flamma exspirat, igniculi disgregantur, ut porro sub visum ignis ille non cadat. Nisi ars edomet naturam. Ità Lucernas perpetuas existisse quæ vase clauso diutissimè arserint, aëre admisso extinctæ sint, diximus *suprà lib. 2. cap. 7. dist. 2.* & memorat Hieron. Cardanus *lib. 10. de varietate rerum cap. 49.* Tales fuerunt Lucernæ in delubro Ammonis, uti refert Plutarchus *libro de defectu Oraculorum.*

XXVI. Eodem pertinet extinctio à

crasso aëre in cerevisiariorum horreis, cum fervet cerevisia & fermentatur. Tunc enim crassi vapores flammam cum exhalatione non capiunt, sed illam in radice suffocant. Sic compressio ellychnio flamma candelarum extinguitur. Aquæ affusione pellitur ignis. Quamvis enim adhuc materia ignis in corpore ardente superfit, tamen quia flamma in perpetuo motu est, refugit illa, quandò percipit hostis sui præsentiam & avolat, neque flamma nova succedit. Rapitu similem diminuitur ignis. Ità duo ignes prope se constructi, aut ignis loco aprico succensus vix potest conservari. Nimirum simile cupit uniri cum simili, & major ignis eliciendo ad se de minori igne atomos, minorem ignem destruit.

XXVII. *Suprà terram conspicitur.* Et humanis usibus inservit, omnium propè artium instrumentum. Hinc ignem Deorum peculiare donum rectè censuerunt Poëtæ, quod cœlitus furtim subduxisse & in terras secum detulisse, magni constitit Prometheo, Hesiodus *lib. 3. Theogonia*, Ovidius *lib. 1. Metamorphos.* Horatius *lib. 1. Carm. 4.* Claudius Neapolitanus apud Jamblichum *lib. 1. de abstinentia*, & Moschionis carmen apud Joh. Stobæum in *Eclogis Titulo de tempore*, Natalis Comes in *Mythologia lib. 6. cap. 4.*

XXVIII. Quæritur: An ignis Elementaris specie differat ab igne culinari? Respondeo: Ignis Elementaris per se est substantia subtilissima, tenuissima, omnia penetrans, non lucet neque videtur, dum purus & simplex est. Idem verò aliis rebus sulphure plenis admixtus, focarius

Ignis appellatur. Nec differt Ignis Elementaris ab igne focario essentialiter, sed tantum accidentaliter, uti rectè ait Joh. Combacchius *lib. 2. Institut. Physicarum pag. 314.* Quandoquidem ille purus est, hic pabulo suo implicitus retinetur. Errant enim Thomas Fienus Lovaniensis *Apologia ad Sanctacruzum fol. 50. seqq.* Calmannus in *Scholis Philosophicis pag. 121.* & in *Physica Generali pag. 197. seqq.* Isaac Vossius *libro de natura Lucis cap. 2.* David Goriæus in *Epitome Physica cap. 7. dist. 4.* ubi disputant, ignem culinarem esse accidens.. Atqui substantia est, non minus uti elementaris.

XXIX. Excipit Fienus: (1) Substantia non recipit magis vel minus. Atqui calor igneus in ferro, fumo, ligno recipit magis & minus. Ergò. *Respondeo*: Calor igneus non est sine igne, & verò qualitates multæ, calor multus ibi est, ubi copia magna ignis est. Plus aquæ continet doliū quam olla, nec tamen aqua delinit substantia esse. Ergo quod ignis alicubi validius, alicubi remissius urit, causa est materia in quā. Non quod ignis intendatur, sed ob arctiorem particularum ignearum plurimarum conjunctionem, cum nunquam non virtus unita fortius sese exferat. Quando igitur materia recipiens est compactior, fortius urit, cum est rarior, urit debilius. (2) Si ignis est substantia, una substantia erit in altera quā ferrum ignitum, unde sequetur dimensionum penetratio, quæ est impossibilis. *Respondeo*: Corpora densa nequeunt penetrare sese, raris omnia pervia sunt, eò facilius, quod ferrum habet poros latentes, in quibus insinuat sese &

quaquaversus pervadit omnia. (3) Si ignis substantia ingreditur in ferrum, debet hoc perdere gravitatem & consistentiam suam. *Respondeo*: Ferrum non convertitur in ignem, sed eum recipit. Et cum hoc fit, certè mutat consistentiam suam, ut possit flecti, fundi, malleo duci.

XXX. Pergunt Nicolaus Petrejus in *Collegio Physico Disputat. 16. dist. 9. 10. 11.* Jacob. Martini *Centur. 6. quæst. Illustr. Dissert. 4. quæst. 4.* Joh. Velcution *lib. 2. Institut. Physicar. cap. 7.* Joh. Curæus *lib. 2. de Sensu & rebus sensibilibus cap. 26.* Joachimus Bursæus *lib. 2. Institutionum Physicarum cap. 13.* & monstrare volunt, quod Ignis culinaris specie differat ab Elementari. *Dicunt*: (1) Ignis Elementaris est corpus simplex. Ignis culinaris non est corpus simplex, quia est vapor incensus. *Respondeo*: Non est vapor incensus, sed est congregatio igniculorum, qui ad conservationem sensibilem libera evaporatione equidem opus habent, sed non ad conservationem sui. (2) Ignis culinaris est lucidus. Atqui talis non est Elementaris. *Respondeo*: Per accidens est lucidus, propter materiam sensibilem, in quā hæret, pabuloque suo fruitur, quod est sulphur. (3) Ignis culinaris non est corpus perspicuum, quale est ignis Elementaris. *Respondeo*: Non est perspicuus ob exhalationes, à quibus oritur fumus, aquosarum particularum congeries. Atqui ab eo quod est per accidens, ad illud quod est per se N. V. C. Aër propter nebulas haud est semper perspicuus, nec tamen aër nebulâ plenus differt specie ab aëre à nebulis purgato. (4) Ignis culinaris requirit pabulum, quo nutritur. Atqui Ignis Elementaris

mentaris non requirit pabulum à quo nutritur. *Respondeo*: Non quidem sui gratià, ut sit, requirit pabulum, sed respectu nostri, ut agat lucendo, urendo, exsiccando. (5) Ignis Elementaris concendit super aërem, velut ad proprium locum. Atqui ignis culinaris permanet infrà aërem. *Respondeo*: Non est ille proprius locus ignis, uti diximus *suprà dist. 6. 7.* Et quamvis esset, fursùm vel deorsùm non constituit differentiam specificam. (6) Ignis Elementaris non corrumpitur à vaporibus exhalantibus, quomodò ab illis corrumpitur ignis culinaris. *Respondeo*: Corripitur non quidem sibi, verùm nobis. Et vapores illi auguent copiam aquæ præsentem, quæ non permittit igni, ut ille sese multiplicare possit.

XXXI. *Estque vel Carbo, vel Flamma. Carbo est ignis compactus.* Portiones ignis in carbone magis compinguntur & uniuntur, nimirum quod materia crassa & densa non permittit vagari ità liberè. Hinc nodosa & ponderosa ligna efficiunt carbones, non etiam sarmenta & stramenta, quæ oppidò abeunt in fuligines. *Bodinus* scribit: Carbo est terra pinguis accensa, *lib. 2. Theatri naturæ pag. 148.* Atqui terra non ardet, ac potius in combustâ re cinerem efficit. Nisi bituminosa fuerit, qualis est Turffa, de quâ peculiariter librum conscripsit *Martius Schogkius.*

XXXII. Quod fumus sit terrestre aliquid, & de corporibus exhalando sursum contendat, mōnet *Aristoteles lib. 2 de generat. & corrupt. cap. 4.* Hoc verum esse negat *Bodinus*: (1) Quia fumus est ignis pabulum aptissimum. Atqui terra non est

pabulum aptum ignis. Ergò fumus non est terrestre aliquid. (2) Quia fumus sursum fertur. Atqui terra movetur deorsum. Ergò fumus non est originis terreæ, *l. d. pag. 149.* *Respondeo*: (1) Fumus non est pabulum ignis, utpote humidis & feculentis vaporibus constans, in quibus nec sulphur est, nec pingue aliud, quò ignis alitur. Quod terrenæ feces unà adfunt, constat, è fuligine ad caminos allisâ & concretâ. (2) Terrena quidem feruntur deorsum, & à se, verùm per accidens feruntur sursum, ope ignis qui copiosus adeò adest, ut gravia secum eleuet sursum.

XXXIII. *Flamma est ignis diffusus.* Luxuriantur hic igniculi, quod materia levior & imbecillior sit, quàm ut vim urentem intrâ sese cohibeant. Stramina & virgulta modica incensa flagrant, flammant, & non relictis à se carbonibus in modicos cineres desident. Nec enim solidi quicquam subest, in quo igniculi possint sustineri & remorari, ut speciem incensionis prolant & calorem multiplicent. Et quoniam partes, quibus ignis nutritur, non sunt æqualis densitatis, sed aliæ tenuiores præ aliis, ideò prout aliqua tenuior est, ità adscendit facilius, & quia non adscendunt omnes æqualiter, sed aliæ præ aliis celerius & tardius, inde est quod flamma refert figuram pyramidalem.

XXXIV. Scribit *Bodinus*: Flamma est fumus pinguis accensus, *lib. 2. Theatri naturæ pag. 148.* Et retinent *Timplexus lib. 3. Systē. Physic. cap. 2. quæst. 3.* *Franciscus Valerius in Philosophia sacra pag. 279.* *Bartholinus lib. 4. Institut. Physic. c. 22.* Nos dissentim⁹. Fumus enim haud fovet, sed oppri-

mit ignem, itaq; cum debiliior fumus est, ibi ignis liberior est. Ergo flamma non quidem fumus est, sed igniculorum congeries; fumus verò est aquarum solutarum & terræ ad subtilitatem redactæ concurfus.

XXXV. Quæritur: *Cur flamma candelæ exstincta denuò per flatum suscitetur?* Respondeo: Flatu qui ore aut folliibus emittitur, flamma suscitatur, & ignis qui modicus adhuc in carbone est, eò promotus vicina corripit, flammæ emittit. Contrà sæpius etiã à ventis & flatibus exstinguuntur faces, candelæ, lucernæ. Nimirum si modica flamma tantum in superficie corporis inflammati hæret, facile est, ut flatus ab impetu opprimatur, atque simul exstinguatur. Si verò ignis validus flatu impellente ad interiora corporis inflammabilis compellatur, ignis acquirit vires. Hoc modo flatu oris & follium ignis ad interiora carbonum promoveatur, & flamma excitatur, quæ cum profundas radices egit, non facile separatur, appetens conservationis suæ. Ob causam illam lucernæ plus olei per flatum absument, & faces à ventis commotæ deflagrant citius, quàm tranquillo aëre. Quia enim flamma perpetuò generatur, & flatus dissipant productam flammam, ignis radici suæ potentius inhærens, quodcunque pabulum adest, corripit inque flammam convertit.

XXXVI. Flamma candelæ exstinguitur à flatu, & rursus à flatu excitatur, tunc cum ellychnium maximâ sui parte candet instar prunæ. Quomodò enim carbonem igniti afflatu follium jaciunt flammæ, ita quoque ignis cum in ellych-

nio multus est; accedente flatu, abstersâ fuligine, in flammam resolvitur. Cum verò ellychnium post flammam extinctam, non valdè ignitum est, frustra tentatur, ut flatu flamma excitetur.

XXXVII. *Subterraneus est, qui intrâ cavernas terræ abditur.*] Hic ignis est Solis & astrorum vicarius in abditissimis terrarum recessibus, ad quos siderum vis pervenire non potest, atque ibi Naturæ opera in metallicis fodinis producere unâ juvat, uti rectè monent Taurellus lib. 2. de Cælo pag. 190. & Johan. Nardus libro de Igne subterraneo. Dicit Michaël Vassonius, nullum esse ignem subterraneum, tum quod ibi prorsus durare nequeat, tum quod nullum usum præstet, tum quod exstinguatur dum operimento contegitur, in Collegio Physico Disputat. 10. dist. 2. Respondeo: Potest durare & multiplicari ob copiosum pabulum quo fruitur. Usus in naturâ præstat, multiplicando sese — & de poris terræ progrediendo, ut in sublunaribus calorem efficiat. Non exstinguitur sub operimento, sed carbonum instar sub cinerum integumento gliscit. Tales ignes cum impetu proliciunt Chimæra Lyciæ, Ætna Siciliæ, Vesuvius Campaniæ, Hecla Islandiæ, Balaluan Sumatræ, Ternate Moluccarum, Cordillera Peruvix montes profundissimi, nitro ac sulphure pleni, de quibus Solinus, Plinius, Mela, Strabo veteres Geographi referunt, & ex illis Conimbricenses Tract. 12. de Meteoris cap. 1. 2. 3. Georgius Agricola de ortu subterraneorum lib. 1. cap. 12. 13. lib. 4. cap. 16. 17. 18. Athanas. Kirckerus in Mundo sub-

terranea

perranio lib. 1. cap. 3. lib. 4. sect. 1. cap. 1. 2. 3. 4. 5. 6. 7. 8. Bernhardus Varenus in Geographia cap. 10. proposit. 5. Martinus Schogkiius dissertatione de ardente Vesuvio. Josephus Acoſta lib. 3. de natura Novior-
bis cap. 24.

XXXIIX. Scribit Keckermannus; Ignis subterraneus non est Elementaris, sed impurus ex materiâ pingui & viscosa, sulphure, bitumine & nitro, quod testantur loca, in quibus ejusmodi ignium copia est, in *Cursu Philosophico Disputat.* 4. coroll. 4. Respondeo: Verè Elementaris est, non obstante eo, quod impurus sit. Perinde uti culinaris noster in pabulo suo detentus, Elementaris ignis certè est, nostrisque utilis inservit.

CAPVT TERTIVM,

De aëre.

SUMMARI A.

1. Definitio aëris.
2. Refellitur Danaw.
3. Differentia aëris & aqua.
4. Solvuntur objectiones.
5. Levitas aëris.
6. Sententia communis.
7. Exceptiones Toleti.
8. Bodini instantia.
9. Aëris proprietates.
10. Rationes nostræ.
11. Aëris variæ affectiones.
12. Motus aëris.
13. Casmanni opinio.
14. Rationes contræ motum aëris.
15. Aër efficit sonos.

16. Sonus multiplex.
17. Regiones tres aëris.
18. Earum proprietates.
19. Sententia communis.
20. Examinatur ista.
21. Zabarella sententia.

I. **A** Er est Elementum levissimum, produ-
cens sonos.] De hoc Elemento non unum errorem fovet Lambertus Danæus, namque & corpus per se existens esse negat, & quicquid ejus existit, illud specie ab aëre differre negat, lib. 2. *Physica Christiana tract.* 2. cap. 6. 7. 8. 9. Sequuntur Timplerus lib. 3. *System. Physici* cap. 2. quest. 1. Anton. Deusingius libro de opificio mundi *Disputat.* 7. quest. 1. 2. David Gorlaeus in *Epirome Physica* cap. 7. dist. 5. Nos verò affirmamus, quod Aër sit corpus per se subsistens. Rationes adferimus: Quicquid producit effectus reales, illud est corpus. Atqui aër producit effectus reales. Ergò aër est corpus. Item: Quicquid à se & per se extensum est, illud corpus est. Atqui aër à se & per se extensus est. Ergò aër corpus est. Res patet satis, quod aër sonos efficit, quod inspiratur & expiratur sensibiliter, quod in longum, latum & profundum extensus est. Rursum: Nullum accidens replet universum. Atqui aër replet universum. Ergò aër non est accidens.

Danæus instant: (1.) Aër est tantum locus & intervallum quoddam inter duas cœlestes & terrestres, ut sit spacium omnibus vaporibus & corporibus elevandis præbens. Ergò non est corpus, sed accidens. Respondeo: Negatur consequentia: Locus est, ergò corpus non est.

est. Locus est, quia corpus tenue est, & propter contiguitatem suam corporibus aliis permittit transitum. Alioquin nec aura cœlestis nec aqua essent corpus, quia in illâ continentur stellæ, in hac pisces, velut locata in locis suis. Affectio non tollit subjecti naturam, sed perficit eam. (2) Locus & intervallum per se non subsistunt, quia sunt de relatorum numero, & ad aliud naturâ suâ ordinantur. *Respondeo*: Relatio fundatur semper in absoluto, quod sæpè est substantia, ut nunc etiam. Aer igitur est substantia, quamvis affectionem loci sortiatur, uti de aquâ, de cœlesti aurâ dictum est antea. (3) Aer recipit vapores multos, qui corpora sunt, neque possunt recipi à corpore, nisi concedatur penetratio dimensionum & corporum per corpora trajectio. *Respondeo*: Aer cedit corpori transeunti, ob id rarus est, uti aqua cedit piscibus. Non ergò debet metus esse à penetratione dimensionum, eò minns quod aqua sit multò crassior quam aer est.

III. Quod aer specie differat ab aquâ, proprietates & operationes evidenter demonstrant diversissimæ illæ & sæpius contrariæ. Aqua est frigida, crassa, gravis: aer caret frigiditate, est tenuis, est levis. Argumentamur: Quæcunq; diversas habent proprietates & operationes, distinctas etiâ habent formas, distinctasq; efficiunt species. Atqui aer & aqua diversas habet proprietates & operationes. Ergò etiam distinctas habent formas, distinctasque efficiunt species.

IV. Regerit *Daneus*: (1) Scriptura quidem memorat locis diversis meteoraila, quæ in aëre contingunt, sed nus-

quam commemorat aërem velut elementum diversum ab aquâ. *Respondeo*: Dum meteora commemorat, simul de aëre facit indicium. Et quid quæso vult Moses verbis illis, *esto expansum*? Genes. 1. 6. Notatur aeris Elementum, uti diximus libro de *Creatione Exercitat. XII. dist. 1. 2. 3.* Quod verò Sebastianus Foxius lib. 2. *Philosophia naturalis* pag. 151. velit aeris Elementum probare è verbis illis Genes. 1. 2. *Spiritus Dei ferebatur super aquis*, hoc inquam, repudiamus, & verba illa de Spiritu Sancto, universi conditore exponimus, uti diximus libro *allegato Exercitat. 1. dist. 7. 8. seqq.* (2) Scriptura memorat respirationem, ubi maximum usum habet aer, & verò haud nominat aerem, velut distinctum ab aquâ & terrâ elementum. *Respondeo*: Non inficiatur Scriptura esse illa, quæ non commemorando præterit. Dum meminit respirationis, una memorat aerem, in quo & à quo respiratio perficitur. (3) Quamobrem Moses verissimus naturæ historicus in describendo creationis opere commemorat ayium reptiliumque ortum, de aëre non commemorat, quod Elementum perinde censetur esse necessarium ad rerum omnium conservationem? *Respondeo*: Non fuit consilium Moysi, corporum omnium simplicium naturam statumq; describere, quomodo constet, eum non omnia composita describere, ubi enim agit de mineralibus? & quoque falsum est, quod non commemoret aerem. Certè nominat וַיִּרָא *expansum*, id est, intervallum à terræ superficie ad Lunæ regionem usque porrectum. Hoc aere plenum

plenum est. (4) Nulla cogit necessitas, ut elementum tertium recipiatur, cum ab aquis eadem effecta habeamus, & quidem commodius, quæ vulgò aeri imputantur. *Respondeo*: Quomodò aqua compleat locum omnem nullo alio corpore repletum? quomodò aqua locus sit, à quo continentur volucres, quadrupedia, homines? Crassior enim est, itaque mergit volucres, quadrupedia, homines. Et quæ alia sunt aeris munia, ut non possint imputari aquis. (5) Aer nihil aliud est, ut dicunt Philosophi, quàm tenuior & rarius aquæ vaporeductus ab aliquo calore atque in sublimem locum, uti expansum est, sublatus. Ergò non est opus, tertium quoddam Elementum ab aquâ & terrâ distinctum ponere. *Respondeo*: Negatur antecedens propter Elenchum descriptionis. Aqua resoluta vapor est, aer non est. Aliud corpus aer est, aliud aqua, distinctum utrumque Elementum est, quorum quodlibet ex se & per se est, neutrum ex altero & per alterum est. Vapores quidem sunt in aere, non verò sunt aer.

V. *Levisimum*.] Id quidem negat David Gorlæus in *Epitome Physica* cap. 7. dist. 6. sed frustra. Ob levitatem suam aer super terram & aquam ascendit, violenter iis conclusus etiam cum impetu quodam pulsât, ut propriæ sedi restituatur. Indè est, quod vesica aeris plena haut queat infra aquam deprimi, quod vasculum oris angusti, cum aquis intruditur, renitatur, aerque per bullas exeat. Eandem ob causam subtilis est, partesque ejus tenui quadam liquiditate diffiunt. Facile cedit transituro corpori, facile in obvia

se se insinuat, vacui supplementum, dicente Aristotele *lib. 2. de generat. animal. cap. 3.* Grassantur in illo nubes, venti; ludunt aves; homines & quadrupedia vagantur liberè. Voces sonitusque per magnam distantiam ad aures animantium, quodam velut momento defert. Januas, parietes, muros, & reconditos terrarum ingressus permeat, pervadit citrà ullam penetrationem dimensionum. Lumen Solis in se recipit, & quaquaversum spargendo obscura illustrat.

VI. Definit Aristoteles, quod aer sit Elementum humidissimum & calidum, *lib. 2. de generat. & corrupt. cap. 3.* Et sequuntur Interpretes ejus, Toletus *lib. 2. de generat. cap. 3. quæst. 5.* Conimbricentes *ibidem quæst. 4. 5. & libro de Meteoris tract. 1. cap. 2.* Joh. Crassotius in *Physica compendiaria* pag. 372. seqq. Franc. Piccolominus *commentariis ad lib. 2. de generat. & corruptione* pag. 272. seqq. & *lib. 1. de Elementis* cap. 9. Joh. Henr. Alstedius *lib. 7. Encyclopadia part. 2. Physica* cap. 7. Barthol. Keckermannus *lib. 2. System. Physic. cap. 11.* Johan. Velcurion *lib. 2. Syst. Physic. cap. 8.* Johan. Combacchius *lib. 2. Institut. Physic. cap. 3. dist. 42.* Joach. Burserus *lib. 2. Institut. Physic. cap. 5.* Gilbertus Jacchæus *lib. 6. Institut. Physic. cap. 2.* Rod. Goclenius *lib. 3. Disputat. Physic. 7. dist. 10. & lib. 7. Disputat. 4. dist. 21. 22.* Daniel Sennertus *lib. 3. Epitom. Physic. pag. 208. 209.* Vopiscus Fortunatus Plempius *lib. 2. Institut. Medicinæ pag. 14.* Julius Scaliger *Exercit. 11.* His contraria est Sententia Academicorum & Stoicorum, qui docent,

aerem esse frigidum, & siccum, Cicero *lib. 2. de natura Deorum*, Seneca *lib. 2. de natural. quest. cap. 10.* Galenus *lib. 2. de Temperamentis, & lib. 1. simplicium cap. 3.* Nicol. Scribonius *lib. 1. Physiologia pag. 76.* Thomas Garbinus *in Summa Philosophica tract. 1. quest. 2.* Nicol. Fontanus *in Florilegio Medico quest. 2.* David Derodon *in Physica contracta part. 2. cap. 3. artic. 8. dist. 1. 2. 3.* Johan. Bodinus *in Theatro natura lib. 3. pag. 156. seqq.* Rationes, quibus militat, sunt istæ.

VII. *Toletus* urget: (1) Elementorum proprietates desumuntur è primarum qualitatum combinationibus. Atqui aeri non alia combinatio competit, quàm calidum & humidum. Ergò aer est calidus & humidus. *Respondeo*: Combinatio illa non valet, adeoque requiritur fundamentum, quare tribuatur. Nec enim quia combinationes tales in libris suis describunt Thomistæ, idèò in rerum naturâ sunt. Levitas aeris proprium est, uti ratio comprobatur, alias qualitates nullas ei attribuimus. (2) Elementum frigidum & humidum est aqua. Aer non est aqua. Ergò aer non est Elementum frigidum & humidum. *Respondeo*: Non dicimus, quod aer sit frigidus & humidus. Ex se nec calidus, nec siccus, nec frigidus, nec humidus est, sed indifferens ad omnia effecta ista recipienda; cum propriarum illorum vehicula suscipit. (3) Frigidum & humidum non ascendit. Aer ascendit. Ergò aer non est frigidus & humidus. Major probatur: Quic-

quid condensat, est causa gravitatis. Frigus condensat. Ergò est causa gravitatis. *Respondeo*: Major falsa est, quando constat, multos vapores frigidos & humidos ferri sursum. An calidum aliquid sit, per effectus proprios cognosci debet, non verò per accidentia quædam communia. (4) Mixta corpora imitantur naturam simplicium. Mixta aëria sunt calida & humida, uti videre est in oleo & unguentis aliis. Ergò ipse aer calidus & humidus erit. *Respondeo*: Nullum est mixtum, quod ex solo aere constat. Concurrent in oleo ignis & aqua insita, unde sunt calida & humida unguenta. (5) Si aer frigidus est, non mutabitur in ignem. Atqui aer mutatur in ignem. Ergò aer non est frigidus. Connexio patet, quod quæ invicem transmutantur, debeant in qualitatibus convenire. *Respondeo*: Non dicimus, aerem esse frigidum. Nec procedit illatio, quia ex aere non fit ignis, uti diximus *suprà cap. 1. dist. 7. seqq.* Repetimus argumentum: Quæcunque invicem transmutantur, illa debent convenire qualitatibus. Atqui ignis & aer non conveniunt qualitatibus. Ergò non transmutantur invicem. Constat minor: Dicunt Peripatetici, ignem esse siccum, dicunt aerem esse humidissimum. (6) Quodcunque per motum vehementem & calorem generatur, illud est calidum. Atqui aer per motum vehementem & calorem generatur. Ergò aer est calidus. Minor constat: Nimirum aer quatenus à frigore condensatur, in aquam

convertitur, aqua cum incalescit & movetur convertitur in aërem, hic rursus à vehementiore calore mutatur in ignem.

Respondeo: Argumentum omnino falsum est. Nec enim aër producit à calore, nec à frigore in aquam convertitur. Ignis quidem resolvit aquam in vaporem, sed vapor iste non est aër (7) Humidum est quod termino suo difficulter continetur. Atqui aër termino suo difficulter continetur. Ergò aër est humidus. *Respondeo:* Antecedens habet falsam descriptionem humidi. Certè ignis etiam propter raritatem, & levitatem suam terminis suis difficulter continetur. Ergò ignis est humidus! Absurdum. Falsum ex falso oriri, novum non est.

VIII. Eadem proferunt Conimbricenses, Piccolominéus, Jacchæus, Constarénus Venetus *lib. 2. de Elementis pag. 72. 73. 74.* adeoque opus non est, ut aliquid addamus. Bodinus & Derodon inferunt: (1) Quoniam aër corpora nostra refrigerat, idèò frigidus est, & calidus non est. *Respondeo:* Frigus non est ab aëre; veluti causâ efficiente, sed à portionibus aquæ resolutæ, quæ cum aëre permixtæ, corpora nostra refrigerant. (2) Si aër calidus esset, quia igni proximus est, facile inflammabitur. *Respondeo:* Non quodcunque corpus ab igne proximo incenditur, sed illud tantum quod inflammabile est, quodque multum sulphuris in sese continet, quale corpus non est aër. (3) Si aër est calidus & humidus, putredines & morbos quotidie excitabit, cum vel leniter spirantibus austris, qui aërem humidum & calidum efficiunt, cadavera omnia repente putrescant,

& putres morbos producat. *Respondeo:* Negamus quod aër ex se calidus atque humidus est.

IX. Nos cum Francisco Parritio *libro de aëre*, Nicolao Taurello *in Alpibus casis pag. 576.* Joh. Jacobo Helmondo *in Initio Physicis pag. 61. seqq.* Francisco Vallesio *lib. 1. Controversiarum Medicarum cap. 3.* Othone Casmanno *in Vranographis pag. 745. seqq.* argumentamur: Quodcunque ab aliquo corpore indifferenter recipitur, illud non est proprium. Atqui caliditas, humiditas, frigiditas, siccitas ab aëre indifferenter recipiuntur. Ergò non sunt propriæ qualitates aëris. Major constat, quod proprium non possit abesse citrà rei interitum, sed destructo proprio destruitur unâ subjectum. Quodcunque verò indifferens est, illorum alterum abesse necessariò, cum alterum adest. Misore roborat experientia: Hyberno tempore quis in aëre dixerit calorem & siccitatem esse, quandò maximum frigus est cum humiditate permixtum? Et quis dicat, æstivo tempore aërem esse frigidum, esse humidum, quandò annes & torrentes exsiccantur? quandò homines & pecora ad sudorem ab æstu macerantur? Certè non quidem humiditas, verùm accurata siccitas illo tempore in aëre est.

X. Addimus: (1) Quod si aër calidus ex sese esset, animantia omnia contabescerent, & parvo momento interirent, quippe calor igneus in præcordiis assumptus nullâ inspiratione vel respiratione temperari, nec à pulmonibus refrigerari posset. (2) Quod aqua humiditatem rebus conciliat, experientiâ teste,

non verò aër. Atqui stuporis instar est, ad cognoscendas Elementorum qualitates certior sensibus ipsius iudicem adhibere. Nubiloso tempore quidem aëri exposita linteae madefiunt, sed hoc est ab effluuiis aqueis tunc in aëre efficaciter agentibus, quod à Solis radiis non impediuntur. *Excipiunt*: Aqua magis humectat, quia densior est, & maxime adhæret ob lentorem suum, Toletus *l. d. fol. 316.* Piccolominéus *l. d. cap. 11.* Joh. Combacchius *lib. 2. Institut. Physic. pag. 303.* Respondeo: Non potest tamen negari, quod aër est subtilior & tenuior præ aquâ, itaque magis penetraverit ac promptius humectaverit, quando vim humectandi in se habeat.

XI. Quid ergo? Aër per se nec humidus est, nec siccus, nec calidus, nec frigidus, sed ad omnes illas operationes indifferenter sese habet, recipit verò per accidens, scilicet à vaporibus aqueis & igniculis toto aëre passim dispersis, quorum effectus proprius est humectare, calefacere, exsiccare, refrigerare. Quod enim ignis per se calidus sit, testantur sensus & experientia, quod aqua per se frigida & humida sit, experientia & sensus perinde testantur. Quod aër tale quid ex sese præstare queat, nemo unquam probaverit. Idem contingit in vaporatis, ubi per fornacem, non sola qualitas, sed qualitas cum subiecto suo, calor nempe in & cum portionibus igneis transit. Argumentamur: Ubique dantur propria, ibi etiam adsunt propriorum subiecta. In aëre diversis temporum vicibus propria dantur aquæ & ignis, Et-

gò in aëre dantur etiam aquæ & ignis portiones.

XII. Docent vulgò, moveri cælum, moveri sub cælo ignem, moveri sub igne aërem. Et quod à motu illo caliditas proveniat in aëre, ostendere volunt exemplo aëris supremi, qui semper calidus est ob vicinum ignem in orbem mobilem; tum quod à motu fiat aër tenuis atque rarus, itaque degeneret facile in ignem; tum quod fulgura in aëre excitari videamus à perpetuo motu illo, qui est inter partes nubium adversas, aër enim qui tunc intercipitur, ex illo motu ignescit & corruscationes efficit, Jacobus Zabarella *libro de motu ignis in orbem cap. 1. 2. 3.* Contaréus Venetus *lib. 2. de Elementis pag. 60. seqq.* Thomas Gianninius Ferrariensis *libro de luce & lumine cap. 15. 16. 17.* Joh. Combacchius *lib. 2. Institut. Physic. pag. 320.* Respondeo: Motus inducit potius frigiditatem, itaque astu correpti flabro & pileo impellimus aërem proximum, & concitando aurem producimus aliquem frigoris sensum, & radios Solis prohibemus. Similiter compresso ore & cum impetu efflando aërem, facimus illum frigidum, qui tamen ab ore patulo & cum lentâ morâ provenit calidus. *Excipiunt*: Aërità commotus non quidem exuit qualitatem propriam sed ventus concitatus novum subinde aërem secum adducit, qui refrigerat, *Exercit. 27. sect. 2.* At qui semper in cortice externo hærent, ad medullam non penetrant. Portiones aquæ sunt quæ per motum istum acuuntur, ut frigiditate suâ tactum feriant, repressis aliis quæ calorem secum inferunt. Nunquam

quam enim & nusquam infima pars æris, quæ nos proximè circumstat, citrà effluvia aquea est, uti respiratio docet.

XIII. *Casmannus in Physicâ generali cap. 4. quæst. 10.* duas adfert ejus rei causas. (1) est, quod fiat per accidens, quia movet ærem frigidum versus rem infrigidandam, vel quia mutat ærem contiguum rei calidæ, qui ob vicinitatem calidus erat, inducitque semper ærem frigidiorum. (2) Quia motus condensat æris partes, ut magis rem infrigident, condensata enim fortius agunt. Hæc ille. *Respondeo*: (1) Flatus ab ore emissus externum ærem depellit à manu, & solus ipse contingit membrum illud quod à statu efficitur. Et quod si mutatur ær rei calidæ contiguus, ut frigidus exstat, merito quæras, à quo principio inducatur frigus illud novum? (2) Non potest ær condensari à motu, quandoquidem ita proximè sibi cohæret, ut non possit magis in arcum redigi. Vera causa est, quam antea proferebamus. Tunc cum ær efflatur ab angusto ore, unà ab ore salivæ pleno egrediuntur effluvia aquea, itaque est frigus tale quod à sensu percipitur. Ab ore patulo multum non est iste impetus flatus, adeò que à stomacho effluvia calida exspirando calor simul imprimitur.

XIV. Porro infimam aeris regionem non moveri in orbem, concedunt omnes. At quibus experimentis demonstrabunt, moveri supremam, quæ eò magis à sensibus nostris remota est? Ratio quam petunt à cælorum motu, vanissima est, quia cælum immobile est, uti diximus

suprà lib. 3. cap. 4. dist. 28. In solvendis argumentis reliquis non debet multum laborari. Aër ex sese tenuis est, neque omne illud est calidum, quod leve est, quodque tenue est. Coruscationes secum habent præsentissimum ignem, atque inde sunt incendia ista per aërem à tempestatum vi dispersa.

XV. *Producens sonos.*] Inde sunt ventorum susurri, nemorum strepitus, levia aquarum decurrentium murmura. Inde omnis linguarum exercitus vocalis est, cunctæque tubæ & chordulæ Musicæ sonant ac resonant. De finitur sonus, quod sit qualitas objecti à auditui ex occurso corporum. Docent Aristoteles *lib. 2. de animâ text. 78. 79.* ejusque Interpretes *ad h. l. Mocenicus lib. 4. Contemplat. Academ. part. 1. cap. 27. Bernh. Teleseus lib. 7. de Rerum naturâ cap. 34. seqq.* quod tria requiruntur ad faciendum sonum (1) Ut sint corpora pura, quæ sibi invicem resistent, & interceptum aërem frangant. Cum lapis à lapide percutitur cum pulsatur campana, sonus movetur; non verò cum spongia ad spongiam, lana ad lanam verberatur. (2) Ut collisio fiat in aëre. Quamquam negari haud debeat, quod ab aquis infractis à validâ collisione possit obscurus sonus oriri, uti monet Scaliger *Exercitat. 297. dist. 4.* & nos prolixius docuimus *infra lib. 8. cap. 9. dist. 5.* Inde lapidis projectus in aquam, facit quidem sonum in superficie, non etiam in aquis subiectis quas permeat, neque pisces intrâ aquas concitando sese efficiunt sonum perceptibilem à nostris auribus. (3) Ut collisio fiat cum violentiâ, itaque non fit sonus, cum una manus alteri leniter applica-

plicatur. Prolixè de his agunt Cæsar Cremoninus *lib. de auditu sect. 12. seqq.* I. Ibertus Fromondus *commentariis ad lib. 3. de anima cap. 4. artic. 1. 2. 3. 4. 5. 6. 7.* Est autem sonus vel simplex vel multiplex. *Simplex*, qui liberum habet transitum. *Multiplex*, qui intercipitur & repercutitur. Alio nomine vocatur *Echo*.

XVI. Echo est sonus multiplex è primi soni fractione ortus. Nunc verò primus ille sonus totus ad aures revertitur, nunc priore sui parte truncatus. Et aliàs quidem tardius, aliàs citius. Totus, cum locus est æqualis; truncatus, cum locus est flexus; tardius, cum intervallum majus est; citius, cum corpus in quo repercutio fit, minori distat intervallo. Modus ubique unus est. Sonus primus in ærem longius promittitur, hic ad solidum allisus obstaculum recurrit eodem, quo advenerat, aëri stramine, atque ita sonum iterat, quemadmodum pila lusoria de parietibus resilit. Cum verò in illa itione & reditione sonus evadat debilior, sæpissimè extremæ tantum syllabæ aut ultimi soni ad nostrum auditum deferuntur, Aristoteles *lib. 2. de anima cap. 8. text. 80.* & prolixè Josephus Blancanus *libro peculiari de Echo*, Petrus Gassendus *libro de specialibus sensibilibus cap. 4.* Athanasius Kircherus *lib. 9. Musurgia cap. 4.* Bernhardus Telesius *lib. 7. de rerum natura cap. 35.* Libertus Fromondus *lib. 3. de anima cap. 4. art. 8. & 9.* Exempla ubivis obvia sunt, in vallibus, antris, parietibus, muris, templis, silvis, fornicibus, puteis, littoribus. Nunc verò ter, nunc quater, quinquies, sexies, septies, octies re-

ciprocatur, uti exempla docent apud Plutarchum *lib. 4. convivalium quest. cap. 20.* Plinium *lib. 36. histor. naturalis cap. 15.* Pausaniam in *Corinthiacis & Eliacis*, Lucetium *lib. 4. de rerum natura*, Johan. Jacobum Boissædum in *Topographia urbis Roma pag. 65.* Athanasium Kircherum *lib. 2. Artis magne pag. 134. seqq.* Indidem est, quod chordæ musicæ eò magis resonant, quia super concavis barbitis intenduntur. Imò Echo semper datur, cum sonus datur. Si enim rectà soni decurrerent, nemo seipsum audiret loquentem & verba facientem.

XVII. Dividitur in tres regiones, supremam, mediam, infimam. Suprema est, quæ à cacumine montium altissimorum incipit, & ad Lunam pertingit. Media est, quæ secus montium cacumina incipit, & deorsum finitur cum radiorum Solis reflexione. Infima est, quæ superficiem contingit.] Divisio hæc est apud Platonem in *Timæo*, Aristotelem *lib. 1. Meteor. cap. 3.* & multis exponitur apud Jacobum Zabarellam *libro de regionibus aëris*. Estque divisio totius similis in partes similes à se invicem nec disjunctas nec separatas, sed usque tantum & affectionibus distinctas. Affectiones sunt puritas & impuritas, à quibus variatur Elementum aëris cæterum in se continuum atque unum. Aër enim qui circà nos est, nunc calidus nunc frigidus, nunc siccus est, nunc nubilus, nunc serenus, at suprâ montium altissimorum cacumina vicissitudines ex non sunt, constantior serenitas, majorque tranquillitas viget. Indidem est, quod qualitate & quantitate non parùm regiones istæ differant,

Suprema omnium maxima est, eandemque magnitudinem perpetuò servat, à procellis & tempestatibus non turbatur. Refert Julius Solinus, in cacumine montium altissimorum, Olympi in Thessaliâ & Athos in Macedoniâ cineres à sacrificiis relictos, nec ventis diffuari nec à procellis dissipari, *cap. 14. Polybistor.* Media & infima pro temporum occasione mutabiles sunt, nimirum tempore æstivo infima est major, & media est minor; hyberno tempore infima est minor, & media est major. Causa inæqualitatis est, diversa radiorum solarium fractio. In æstate sunt radii recti, proinde altius reperiendo feruntur, in hyeme sunt radii obliqui, unde non ita reflectuntur. Quoad qualitatem suprema purissima & serenissima est, media ob nubium frequentiam impurissima & obscurissima, infima moderata & temperata. Hæc nos docent Nicol. Cabæus *lib. 1. de Meteoris text. 15. quest. 2. text. 46. quest. 11.* Libertus Fromondus *lib. 1. Meteoror. cap. 1. & lib. 5. cap. 5.* Et Zabarella commemorat, quod aliquandò conscenderit montē Veneris in agro Patavino, ibique commoratus per totum diem habuerit aërem serenissimum, infra se ad medium montis viderit nubes, à quatum interpositione non cernerentur valles: versperino autem tempore, cum de monte descenderat, invenerit factam illo die in campis subjectis pluviam magnam, cum ad montis verticem non pluerat, unde conclusit se transivisse per mediam aëris regionem, in quâ collecti fuerant imbres, *libro de regionibus aëris cap. 8.*

XIX. De qualitibus regionum aëris

differunt Conimbricenses *libro de Meteoris tract. 1. cap. 2.* Barthol. Keckermannus *lib. 2. System. Physic. cap. 14.* Daniel Sennertus *lib. 2. Epitom. Physic. pag. 194.* Scipio Cæsænas Claramontanus *lib. 14. de Universo cap. 9.* Joh. Combacchius *lib. 2. Institut. Physic. pag. 318. seqq.* Gilb. Jacchæus *lib. 7. Institut. Physic. cap. 2.* Joh. Velcurion *lib. 2. Institut. Physic. cap. 8.* Piccolominæus *libro de Meteoris cap. 5.* Arnisæus in *Epitome Physica pag. 291. seqq.* Arnoldus Senguerdus *lib. 2. Introduc. Physic. pag. 180. seqq.* Joh. Henr. Alstedius *lib. 7. Encyclopædiæ part. 2. Physica cap. 7. theor. 3.* Libertus Fromondus *lib. 1. de Meteoris cap. 2. artic. 1. 2. 3. 4.* Et verò non satie ad sensum veritatis, uti breviter monerimus. Dicunt illi: (1) Suprema regio est calida & sicca, tum propter vicinum Elementum ignis, tum propter cœli motum, à quo circumagitur & ad caliditatem accenditur. Respondeo: Si calida est, non quidem idè calida est, quia ignem sublunarem vicinum habet, sed quoniam igniculi toto aëre sparsi ad Solis radios ibi fortius colliguntur. Neque cœlum movetur, sed stellæ moventur in cœlo, unde tamen nullus calor in aëre excitari potest, quandò illæ motu suo ne quidem in cœlis sibi proximis efficiunt calorem, uti constanter hactenus affirmant omnes.

XX. Dicunt: (2) Infima aëris regio calida est æstate, frigida hyeme. Quandoquidem movetur in orbem, uti suprema, nec vicinum habet ignem, proinde ex accessu & recessu Solis nunc calet nunc friget, æstate calet propter reflexionem radiorum Solis, hyeme friget,

Q

quan-

quando radij Solis non reflectuntur. *Respondeo*: Ignis sub Lunæ concavo depositus, & cœlorum motus commenta sunt, uti antea diximus. Vera causa est, quod ignis per aërem dispersus ad Solis radios rectos fortius colligatur ætate, non etiam ita fortiter ad radios obliquos in hyeme. *Dicunt*: (3) Media est frigida, quoniam vapores aquei eò attracti frigore suo regionem istam refrigerant. Hæc enim regio non movetur, uti suprema, nec reflectio radiorum Solis ad eam pertingit, uti infima, proinde exiguo negotio à vaporibus refrigeratur. In quo casu multum potest antiperistasis, non quasi calor producat frigus, hoc enim est impossibile, sed quia frigus à calore obsessum est ut ita magis retineatur. *Respondeo*: Quod frigida sit propter vapores frigidos, vera & sufficiens causa est.

XXI. Ettamen Zabarella libro de regionibus aëris cap. 4. differit, mediam regionem frigidam esse opinione, non verò reipsâ. Adfertrationes, in quibus præcipuæ sunt istæ: (1) Si media aëris regio est vere frigida, certè Solis calor summus proximi ejus loci frigore exstingueretur, ne ad nos perveniret. (2) Quomodo in summis montium jugis, quæ in mediam aëris regionem elewantur, gramina, herbæ, arbores pronascantur? Hæc enim omnia perpetuo frigore illo enescantur. Hæc ille.

nos (o) deo


CAPVT QVARTVM,

De Aquâ.

SUMMARIA.

1. Definitio aquæ.
2. Aqua non est calida.
2. Aqua est humida.
4. Aqua gravitas.
5. Aquæ profunditas.
6. Aqua sursum nititur.
7. Scaliger refellitur.
8. Locus aquæ.
9. Aqua situs ad terram.
10. Rationes.
11. Aqua est rotunda.
12. Solvuntur objectiones.
13. Divisio aquæ.
14. Aqua minerales.
15. Bodinus refellitur.
16. Marii Salsedo.
17. Eius causa.
18. Instantia solvitur.
19. Scaligeri exceptio.
20. Rationes nostra.
21. Solvuntur objectiones.
22. Marii fundus.
23. Aqua crassa est.
24. Solvitur instantia.
25. Fluvius, torrens, lacus.

I. **A**qua est Elementum frigidissimum & humidissimum. Etiam nunc Ca-
 non valet: Sensum dimittere in eis, quæ
 sensibus manifesta sunt, & rationem quæ-
 rere, infirmitas intellectus est. Cum er-
 gò sensus testetur, aquam frigidam esse,
 cum

cam liquidam eam, quæ usibus nostris inservit, tum concretam in meteoris aquosis, uti sunt grando, nix, glacies, acquiescendum est in hoc sensuum iudicio. Itaque Ocellus Lucanus, Hippocrates, Thales Milesius, Democritus, Zeno-Cittæus, Socrates, Plato, Aristoteles, Galenus, & veterum Sapientum turba consensu magno docent, aquam esse frigidam proprietate naturæ suæ.

II. Recenti ævo Bernh. Teleseus Cosentinus *lib. 3. denaturârerum cap. 25.* Franciscus Patricius *libro de Aquâ*, Nicolaus ab Amamâ *lib. 1. differat. marinarum pag. 301. seqq.* contendunt, aquam esse calidam. *Dicunt:* (1) Quatuor sunt principia quæ omnibus rebus naturalibus constanter insunt, spacium, fluor, lumen, & calor. Atqui prior tria competunt aquæ, locum occupat, est humida & fluida, perspicua. Ergo etiam calida est. *Respondeo:* Negatur esse illa principia legitima. Cœlesti auræ non insunt lumen, calor, uti nec Elemento aëris. Terræ non competunt fluor, lumen, calor. In stellis non est fluor. (2) Aqua omnis aut dulcis est, aut salsa. Salsa est in mari, dulcis est in lacubus, fontibus, fluviis, puteis. Atqui sal sedo pariter & dulcedo sunt à calore. *Respondeo:* Quod salsa est, quod dulcis est, ab effluviis in aquâ permixtis est, à quibus sapor illi proveniunt. Et quamvis aqua omnis videatur limpida, non magis tamen pura est, quàm urina vel lixivium. Simplex aqua vel raro vel nunquam invenitur. (3) Quicquid rarum est, illud naturâ suâ calidum est. Aqua rara est, Ergo, *Resp.*

Nix rara est, sed frigida est. Aër est rarus, & tamen in sese nec calidus nec frigidus est. (4) Quicquid mixtum est, illud calidum est. Aqua mixta est. Ergo calida est. Major probatur; Nulla fit mixtio, nisi à calore. Minor constat, quia miscetur vaporibus & succis. *Respondeo:* Major falsa est. Nix mixtum corpus est, & frigidissima tamē est. Cæterum aqua non tam mista quàm impura est, & quod tale est peraccidens, non debet aestimari quasi per se esset. (5) Idem alteratio monstrat. Magis à calore patitur aqua quàm à frigore. Citò ab igne incaloscit, tardius à frigore condensatur. Agens verò quodcunque citius agit in illud quod propinquius est, quàm quod magis distat. *Respondeo:* Causa est, non quidem naturæ similitudo, verum quod igniculi instando acrius tantò magis induant sese in hostem, qualitate maximè contrariâ præditum. (6) Aqua habet perspicuitatem à partium tenuitate. Caloris verò opus est, attenuare. *Respondeo:* Unde ergo nivis tenuitatem derivabimus? (7) Splendor, quem habet in superficie, lucis effectus est. Lux verò calor est. *Respondeo:* Lucidæ sunt stellæ omnes, & verò si calidæ illæ fuerint, cur non exurunt omnia? Cur hyemem gravissimis frigoribus onerosam permittunt? (8) Quicquid movetur, per calorem movetur. Aqua movetur in fluviis & Oceano. Ergo per & propter calorem movetur. *Respondeo:* Quid verò fiet de aquis iis, quæ in puteis & lacubus perstant immobiles? Quid de iis partibus Oceani, quæ nullam motus reciprocationē habent? (9) Quicquid generat,

nutrit, conservat, illud calidum est. Aqua tot plantas & animalia progenerat, nutrit, conservat. Ergo aqua calida est. Major constat: omnis generatio & conservatio à calore est. *Respondeo*. Generatio & conservatio rerum corruptibilium est à formâ specificâ, ejusque proximum instrumentum est calidum innatum. Quod calidum est naturæ cœlestis, non verò Elementaris.

III. *Humidissimum*.] Absolutè humiditas competit aquæ, & soli quidem. Ubique igitur humor fuerit, ibi aqua nec cessariò adest, Ligna viridia in sese continent aquam, eamque cum igni obiciuntur, prorumpere & exsudare videmus, Porro etiam crassa est, gravis est. Crassa est, ut piscium natationi inserviret. Estque aqua una crassior quàm altera, quoniam una impurior est quàm altera. Aqua marina dulces aquas superat gravitate, quam obrem natationes in dulcibus aquis sunt commodæ minus. Dulces aquæ ad salas & nitrosas aquas affusæ olei instar supernatant. Lacus invenias, quibus animantia injecta non merguntur, sed supernatant. Erat in Siciliâ, ait *Lucius Seneca*, est adhuc in Syriâ stagnum in quo natant lateres, & mergi projecta non possunt, licet gravia sint, *lib. 3. quest. natural. cap. 25.* De Asphaltite lacu innuit, ubi olim stetit Sodoma cœlesti igne destructa, *Genes. 19. 24. 25.* & de eodem stagno vide *Plinium lib. 2. histor. naturalis cap. 103.* Tacitum *lib. 5. histor.*

IV. Gravis est, itaque aqua in aëre effusâ per se deorsum tendit, portata gravitat portatoremque fatigat. Non ta-

tamen itâ profundè, uti terra, descendit. Terra, aquis immissa nec in superficie, nec in medietate hæret, sed proprio pondere fundum petit. *Scaligeri* verba sunt: Sub omni aquâ, quæ oculis nostris subjecta extenditur in mari, terram subesse necesse est, non autem sub omni terrâ aquam. Aquæ profunditas non multò excedit passus octogintâ, pluribus locis non accedit ad vicenos, in paucis vix senos explet, paucissimis accedit ad centenos, paucioribus hunc numerum superat. Altitudo summa superficiæ terræ, super aquæ superficiem multa. Jam enim res agitur non modicis passibus, sed centesimis & millesimis, & leucis & parasangis, *Exercitat. 38.* Verùm tenuiter latis de profunditate Oceani refert, quam meliora testimonia aliter nobis exponunt.

V. Communiter enim profunditas Oceani deprehenditur in chartis nauticis Lusitanorum, Batavorum, Anglorum, esse quindecim stadiorum, id est, dimidii miliaris Germanici. Hic dubium oritur: Quare flumina pererent terrarum tractus & ascendant nonnunquam, si aqua gravis est? Respondet *Scaliger*: Non assentimur antiquorum sententiæ, datum esse mari motum ad prohibendam putrefactionem. Cujus rei causâ querenda porro est. Cur aquæ motæ non putrescant? Quia putrescunt ab externo calore quem non suscipiunt, propter aliam atque aliam aëris mutationem. Duplex igitur erit motus finis in fluviiis. Hic quem dicimus conservationis, alter nostri causâ

Perer-

Peterrant enim terrarum tractus, quò sint usui pluribus. Prior tamen finis conjunctus est cum aliâ causâ, à quâ etiam pendet, quippe formâ. Gravitas enim decurrere facit, quia extrâ locum suum sunt. Idcirco Philosophus in libris tum de partibus tum de generatione animalium, duplicem statuit causam, alteram vocat à necessitate, cujusmodi est gravitas hîc, non enim potest fluuius non descendere: alteram ab optimo. Poterat enim fluuius rectâ currere, sed defraudavisset mortales, propter quos tamen factus est, duplici utilitate. Prima est, quàm suprà commemoravimus, communicata commoditas pluribus locis, propter aliam atque aliam anfractuum appulsionem. Secunda, quia & diutius & uberiores aquæ sustinentur tum ex prolixiori decursu, tum ex objectu solidioris ripæ retardatæ, *Exercitat. 41.*

VI. Rectè quidem ille efficientem causam ponit motus gravitatem, qua deorsum tendunt aquæ. Sed ascendunt nonnunquam etiam ad montes usque altissimos. Alia igitur adjicienda est ratio: Unda nempe impellit undam, quæ cogitur ire eò, quò permittunt canales. Hinc nunc ad latera vergit, nunc tollitur in altum.

VII. Quòd ergò per occultos meatus vel ut fistulas quasdam ascendit in montes cellos, & inde flumina profundit, ut per terræ alveos deferantur, non sit propter insitam levitatem: sed quia ita iussit Naturæ opifex, ut rigaretur superficies terræ, & animantium usibus inserviret ubique. Vicit hîc bonum & optimum, neque tamen

motus ille violentus est, quoniam insiti spiritus terræ attrahendo efficiunt, ut sequantur aquæ spontè, & procurent subsidia naturæ, ut ordinem à Naturæ domino sancitum obsequendo conservent. Falsum verò est, quod dicit Scaliger, *aquas quæ decurrunt, extrâ locum suum esse.* Locus aquæ sunt depressa loca terræ, in quæ derivata procurrit non quidem extrâ locum suum, sed in loco suo est. Denique notetur, non corruptum iri aquam, si vel nunquam moveretur. Contenta in aquâ corrumpuntur, non verò aqua ipsa.

VIII. Proinde locus aquæ est spaciū commune cum terrâ. Primo enim biduo Creationis aqua universæ terræ ejusque informis faciem obundabat, sed tertio die propter usum rerum creaturarum terra cepit efformari in montes, valles, convalles, abiitque divortio factò aqua in loca humiliora. Tunc esse cepit una sphaera ex aquâ & terrâ, ut alicubi appareret aqua, alibi verò aquarum congregatio, *Genes. 1. 8. 9. Psalm. 104. 6. 7. 8. 9. 10. 11. 12.* Permeant sese invicem, ita ut terra ubiq; substrata maneat aquis. Nulla tam profunda est aqua, ubi non sit fundus in profundo.

IX. Quæritur: *An aqua sit altior quàm terra?* Respondeo: Affirmant Basiliius *Serm. 4. in hexaemeron*, Ambrosius *lib. 3. hexaemericap. 2.* Paulus Burgensis *commentarius ad Genes. 1. 8. 9.* Johan. Crassotius in *Physicâ compendiarâ pag. 3. seqq.* Joh. Velcurion *lib. 2. Institut. Physic. cap. 9.* Cornelius Valerius in *Institutionibus Physicis cap. 17. dist. 2.* Jacobus Martini *Centur. 6. quæst. Illustr. Disput. 6. quæst. 5.* Et profuerunt

ferunt rationes: (1) Quia Scriptura testatur, aquam obruisse superficiem terræ velut vestimentum, *Psalms. 104. 6.* (2) Quia Scriptura commendat Dei potentiam & providentiam, quod terminum constituat aquis, easque coherceat, ne terram operiant, *Proverb. 8. 29. Job. 38. 8. Ierem. 5. 22.* Atqui non foret hoc mirum, si aquæ non eminent super terram. (3) Quia de mari egrediuntur flumina, *Ecclesiast. 1. 7.* Atqui non possent montibus altis præcipitare aquas suas, nisi essent præ terræ superficie multò altiores. (4) Quia illi qui ex mari ad terram properant, velut ab alto prospiciunt littora, & terræ humilitatem oculis apprehendunt. (5) Quia aqua levitatem quandam habet collata ad terram, itaque sortietur altiorem locū præ terrā *Hec illi.*

X. Négant verò Julius Scaliger *Exercitat. 38.* Petterius, Bonfrerius, Cornelius à Lapide, Parcus *commentariis ad Genes. 1. 9.* August. Tornielus in *Annalib. Vet. Testam. Tomo 1. pag. 17.* Paulus Merula *part. 1. Cosmographiæ lib. 3 cap. 5.* Conimbricenses *lib. 2. de Cælo cap. 14. quæst. 4.* Piccolomineus *lib. 1. de Elementis cap. 20. 21.* Ludov. Molina *Traçtatu de Opere sex dierum part. 1. Disputat. 11. art. 2.* Cardanus *lib. 2. de Subtilitate rerū fol. 89.* Joh. Gigas *lib. 2. System. Geograph. pag. 125.* Andreas Baccius *lib. 1. de Thermis cap. 4. & 21.* Ant. Ruvius *lib. 3. de Cælo cap. 8. quæst. 3.* Josephus Blancanus *lib. 5. de fabricâ mundi cap. 3. Lib. Fromondus lib. 1. de Meteoris cap. 1. art. 2.* Nicolaas Cabæus *lib. 1. de Meteoris text. 8. quæst. 2.* Andr. Libavius *lib. 3. de Origine rerum pag. 219. seqq.* Et rectè, ut demonstratur multipliciter;

(1) Quod Lunæ deliquia efficiant tantum umbram unam, eamque turbinatam, non verò duplicem. Ergò terra & mare, à quibus umbra ista est, æqualem superficiem formando corpus unum efficiunt & rotundum, unius centri. (2) Quod littora & Insulæ præ aquis emineant, adeoq; terrarum elevationem oppidò testentur. (3) Quod terra dicatur penes aquas posita esse, *Psalms. 24. 2.* (De quo loco nos quædam notavimus *Libro de Creatione Exercitat. 15. dist. 3. 4.*) *Psalms. 136. 6. Amos. 9. 6.* Non ergò est depressior præ aquis. (4) Quod mare in altitudinem aliquam provecum, motu suo perpetuo loca decliviora petendo, inò à ventis quoque ad loca depressiora sæpius detrusum, obundaret terram ac perderet illam frequenti cluvione. Verissimè scribit *Bodinus:* Oceani æstuarium sapientissimus Opifex ita finivit suis limitibus, & nunquam nisi iussu prætergrediantur ad scelerum ultionem. Ultionis exemplum singulare est in Antisâ, Tiindari, Burihâ, Elice (*Stavera Frisiorum, Vineta Slavorum*) urbibus maritimis, quas cum civibus aquæ absorbuerunt. Qui navibus evaserunt, fluctibus littorum obruti fuerunt, qui verò aggeres opposuerunt mari, ut angustioribus finibus cobiberent, gravissimas sæpè clades acceperunt, ut nostrâ ac patrum memoriâ Batavi (& *Imbri*) quibus Oceanus centum amplius millia jugerum, dissipatis aggeribus eripuit, ac jure naturali sibi vindicavit, neque enim contrâ Deum immortalem, & contrâ Naturæ legem ullis ætatibus ac seculis præscribi potest, *lib. 2. Theatri naturæ pag. 193.* (5) Quod navis æquali ven-

li ventorum impetū propulsa ex portu ad Oceanum liberum ita celeriter feratur, quā ex mari in portum contendit. Id verò non fieret, si mare præ terrā eleuaretur. Etenim navis ab humiliore loco ad superiorem difficiliter cernitur, quā cum à loco altiore in decliviorē feratur. (6) Quod magno & prono cum impetu procurrant flumina omnia in mare, ipsum superemineret. Itā enim non descenderent flumina in mare, sed ascenderent motu præter naturam. Non ergò mare altius est præ superficie terræ.

XI. Neque ullum facessit nobis negocium, quod disputat Franciscus Maurolycus in *Cosmographiâ Dialogo* 3. scilicet, aquam non esse globosam. Nos contrarium illi remonstramus documento à naturâ particulari sumpto. Videmus aquæ guttas in orbiculum coire, ubicunque locorum effundatur. Quia igitur partes totius similis imitantur naturam sui totius, omnino etiam aqua tota in tumorem & globum vergit. Instat Maurolycus: Guttulæ coeunt in orbem, non ex suâ naturâ, & quadam ad rotundum inclinatione, sed per accidens & propter causam externam, quæ est pulveris ariditas. Hanc dum guttæ velut sibi adversam fugiunt, in orbem coeunt, ut hosti resistant. *Respondeo*: Causa externa remota non tollit causam interdam & propinquam. Pulveris ariditas est impulsiva externa ad collectionem in orbem, non tamen semper. Namque & sine pulveris concursu ad rotundum recipit sese. Ex alto decidunt guttæ, & quamvis nullum contingant pulve-

rem, sunt tamen rotundæ, uti ad oculum apparet in stillarum lapsu, qui excavant lapideis suppositum,

XII. Contrariæ rationes facile solvuntur: (1) De terrâ in primis Naturæ rudimentis constitutâ & exactè rotundâ verum quidem est, inundatam fuisse ab aquis supernatantibus, sed postquam illa cepit esse habitaculum animantium, & celsis montibus, profundis vallibus, convallibus, antris, fossis, voraginibus, specubus distincta, aliter fuit de ejus superficie & cavitatibus, ut hæ deberent esse receptacula aquarum, *Genes.* 1. 9. *Psal.* 104. 6. 7. 8. 9. *Iobi* 20. 9. 10. 11. Nimirum à partibus supernis confluxerunt aquæ ad partes inferiores. (2) Laudant merito providentiam divinam, à quâ est, ut vel tandem aquæ inferiores in depresso locis terræ jussu Domini conclusæ fuerint, ne si aqua eleuaretur, terram cum magno animantium damno obrueret. Et verò ne hoc fiat, à littorum altitudine prohibetur. Aggeres plerique facti sunt non tam propter majorem altitudinem Oceani in naturali statu suo, id est, tranquillo, existentis, sed propter impetuosum ejus à procellis concitati motum, à quo efferviscit, terrasque devastat. (3) Aqua sursum versus contendit, & de montibus altis fluvios præcipitat, non quod levis sit, neque etiam quod præ terris altior sit, verum quoniam præter naturam suam ex lege, quam Natura universalis præscripsit, ob commodum vegetabilium ascendit, juvantibus unâ spiritibus in terræ sinu conclusis, à qui-

à quibus attrahitur & protruditur, uti diximus *suprà dist. 7.* (4) Est hoc propter errorem visus. Non enim facit officium suum propter motus & iactationes inquietas. Itaque depressa apparent, quæ satis elevato loco posita sunt. (5) Non omne quod levissimum est supremum ob id locum obtinet. Levitas aquæ ad gravitatē terræ sic commensurata est, ut neutra alteri incommodū adferre possit.

XIII. *Estque mare, fluvius, torrens, rivus, amnis, fons, lacus, palus.* Aqua uti purum Elementum est, non habet divisionem. Ubique enim eandem sortitur naturam, verum prout impura est, differentias admittit plurimas. Quædam tenuis est, quædam pinguis. Quædam salubris, quædam nociva est. Alia dulcis, alia salsa, sulfuraria, vitriolata, aluminosa. Quædam leves sunt, quædam graves. Quædam cæculæ sunt, quædam lucidæ. Nimirum prout aliis atque aliis atomis imbutæ sunt, inde operationum diversitas exoritur, uti prolixius refert Caspar Bartholinus *lib. 4. Institutionum Physicarum cap. 4. sect. 9. 10. 11. 12. 13. 17. 18.* Aquæ pingues efficiunt bullas & spumas. Bulla pellicula est aere repleta. Scilicet aer infra aquas detrusus adscendere laborat, & à pinguedine aquarum intercipitur. Pluviæ illæ pinguiores sunt, quæ multas efficiunt bullas, minus pingues sunt quæ pauciores jaciunt. Spuma verò nihil aliud est quàm minutissimarum bullarum congeries. Aqua enim aquam cum trudit, pinguedinis ope excitatur spuma. Id quod in cervisiâ videre est, quæ quò pinguior est, eò plures spumas à se concitare solet.

XIV. Aquas minerales devehunt secum thermæ & acidulæ, de quibus peculiare libros scripserunt Andr. Baccius, Gabriel Fallopius, Mart. Rulandus, Georgius Agricola, Gregorius Horstius, & post illos Athanas. Kircherus, *in mundo subterraneo lib. 5. sect. 2. cap. 1. 2. 3. 4. sect. 3. cap. 1. 2. 3.* Calefaciunt, siccant, attenuant, resolvunt, penetrant, appetitum excitant, ventriculum confortant, obstructions viscerum aperiunt, lapides in renibus & vesicâ comminuendo frangunt. Nimirum pro varietate minerarum, quæ in terræ profundis recessibus generantur, viresque suas pervadentibus aquis unâ imprimunt. Præterea sæpè ex foliis arborum, quercus, ilicis, fagi, alni & similium, putrefactis & ventorum impetu ad aquas delatis, aquis ipsis variæ imperitiuntur vires, à quibus sunt effectus isti.

XV. Ardorem thermarum esse ab aquis subterraneis, negat Johannes Bodinus *lib. 2. Theatri naturæ pag. 201.* Nos id negare nolumus, quod sensus testantur. Dicit ille: (1) Aquæ ferventes Ruthenorum & Pyrenæorum sunt prorsus insipidæ. *Respondeo*: Sufficit quod calidæ sint, ut credantur ignem secum continere. (2) Tanta vis aquarum tot seculis affluens ignes jam pridem extinxisset. *Respondeo*: Ignis illi sese multiplicat in profundis terræ sinibus, ut aquas in canalibus suis æquabili cursu provectis calorem imprimant, & ab eis in terrâ undique compactâ damnum nullum capiant. (3) Iactatio aquarum subterranea per loca abrupta & longissimas catarractas hunc efficit calorem.

Respondeo: Nullus est calor, ubi non est ignis. (4) Argumento sit quod mare quantumcunque frigidum sit, à ventis agitaturn biduo vel triduo incalescit. *Respondeo* non est calor aquæ iste à motu, sed ab igne in superficiem incubante, qui à Solis radiis exasperatur, ut eò validius calorem suum imprimat. (5) Nusquam fontes aquæ ferventis reperias, ubi erumpunt ignes, uti in Veluvio & Ætnâ, qui tamen undique à mari cinguntur. *Respondeo*: Causa est, quod natura ibi nullos meatus aperiat per quos aquæ ad superiora eniti possint.

XVI. Locus ipse etiam offert nonnulla aquarum discrimina, marinam, fluviatilem, fontanam, lacustrem, palustrem. Est autem, *Mare commune receptaculum aquarum, circumluens terram.* Quaritur: *Vnde sit marina aquæ salsedo?* *Respondeo*: Docet Aristoteles, quod aqua propter commixtionem terræ ex fundo & littoribus fiat crassior, Sol verò calore suo partes in superficie tenues exsiccat resolvendo in vapores, qui calore adusti & ad aquas relapsi inducant salsedinem. Ubi enim siccum est, ibi sapor est, ubi adustio est, ibi salus sapor est, lib. 2. *Meteor. cap. 3. Libro de sensu cap. 4. Problem. 23. sect. 30.* Et defendunt Barthol. Keckermannus lib. 2. *System. Physici cap. 15.* Dan. Sennertus lib. 4. *Epir. Phys. pag. 341.* Bartholinus lib. 2. *de Aquis cap. 3.* Johan. Crassotius in *Physica compendiarîa pag. 496.* Joh. Ludov. Hauenreuterus in *Compendio physico pag. 356.* Rod. Goclenius lib. 4. *Disputat. Phys. 15. & 16.* Jacobus Auberti part. 2. *Institut. Physic. cap. 14.* Johan. Garcæus libro de *Meteoris*

fol. 212. *segg.* Jacob. Martini *Centur. 5. Disput. 6. quæst. 2.* Wolffg. Meurerus libro de *Meteoris pag. 390. segg.* Piccolominéus libro de *Meteoris cap. 17.* Joh. Velcurion lib. 3. *Institut. Physic. cap. 7.* Mocenicus *Contemplat. 4. part. 1. cap. 15. & 25.* Joh. Combacchius lib. 2. *Institut. Physic. pag. 329. 330. & lib. 3. pag. 386. 387.* Hieron. Cardanus lib. 2. *de Subtilitate rerum pag. 95.* David Derodon part. 2. *Physica contractæ cap. 3. art. 9. dist. 6. 7.* Scipio Cæsenas lib. 13. *de Vniverſo cap. 16. 17. 18.* Bruno Seidelius in *Rudimentis Physicis, lib. 2. pag. 292.* Clemens Timplerus lib. 3. *System. Phys. cap. 3. quæst. 3.* Andréas Argolus in *Pandossio Sphærico cap. 11.* Sebast. Foxius lib. 3. *Philosoph. naturalis pag. 255.* Rei hujus documentum aliquod proponit Julius Scaliger: Mare in superficie est salius, in profundo est dulcius. Urinatores vitreis vasculis de profundo maris extulerunt aquam, quæ dulcior fuit, ac illa quæ in superficie erat, *Exercitat. 51.*

XVII. Contradicunt exquisiti veritatis licitatores alii. Bodini verba sunt: Maris salsedinem Aristoteles à terræ commixtione & Solis ardore tenuissima quæque exhauriente fieri putat, anili certè figmento, lib. 2. *Theatri naturæ pag. 197.* Rationem addit: Aliàs maris superficies esset salissima, vadium autem quò profundius, eò dulcius reperiretur, quod tamen experientiâ diuturnâ falsum esse, compertum est, quamvis Aristoteles *problem. 30. sect. 23.* aliter sentiat, repugnante naturâ, cujus opinionis errore plerique decepti sunt, l. d. pag. 198. Et paulò post: Siquidem Aristotelis sententia vera esset, lacus in-

gentes ubique terrarum assiduus ardoribus Solis, & quidem ad rectas trajectiones expositi, falsedinem à tam multis seculis contraxissent, *l. d. pag. 199.* Meritò rogat: Si ardor intensus Solis mari infert falsedinem quare non falsescunt paludes, flumina & stagna perpetuò Soli exposita? Excipit *Scaliger*: Quod falsedo non infertur lacubus, impedimento est aquæ per continuas successiones affluxus, à quâ virtus exustionis prohibetur. Fluvii verò decurrunt ità rapidè ut non possint Solis radii in illos agere, *l. d.*

XVIII. Respondeo: (1) Atamen isti lacus, istæ paludes quæ de aquis fortuitis colliguntur, neque habent scatutigines, durant tempore longo. Solis ardore urgentur, & verò aquas salvas non habant, citiusque exsiccantur quàm in falsedinem concrecant. (2) Etiam mare totum movetur, adeoque ità placidum nunquam est, ut non hinè inde commoveatur, & motu isto Solis radios à se partibusque suis avertat, ne perurendo & suaviores particulas educendo, falsedinem à partibus crassis inferant. Et quis negaverit, quod ex fluviis attrahantur vapores non minus quàm ex mari? Plures etiam educi inde constat, quandò fluviòrum aquæ sunt tenuiores atque aptiores, ut ab eis adscendant vapores Solis ope & beneficio, efficaciter quaquaeverfus agentis.

XIX. *Scaliger* pertendit, mare in superficie esse magis salsum, non ità in profundo. Nescio quos compellaverit ille urinatores, à quibus falsa narrata percipit. Nautæ omnes, qui Oceanum ma-

gnum velis peragraverunt, noverunt, quod aquæ marinæ in fundo magis salæ sint, minus in superficie. *Bodinus* scribit: Quod aqua in profundo magis salsa est, quàm in superficie demonstratur saliscoctorum testimonio. Illi qui non procul à Burdigalâ & Burgundiâ de salis fontibus salem ignibus coquunt, prius à superficie hauriunt aquas dulces, & minus salvas, quod ut planius intelligant, quantum hauriendum sit, aquæ immittunt ovum crudum, quod quidem mergitur, nectamen fundum petit, sed ibi consistit pensile, ubi aqua falsior esse incipit, ex quo satis intelligitur, aquâ in fundo, quàm in superficie magis salsam reperi: superficie in verò, quæ Solis & siderum ardoribus exposita est, dulciorem haberi, *l. d. pag. 200.*

XX. Accedit ratio manifesta: Quia enim sal gravior est præ aquâ, & salsa aqua gravior est præ dulci probabile certè est, in fundo maris aquam esse magis salsam, quàm in parte superiore. Gravia enim deorsum tendunt. Contrà Aristotelem pergimus argumentando: (1) Quod mare in fundo & circà medium est salissimum, quò tamen non pertingunt Solis radii. Hos enim ultrà quindecim cubitos in mare non penetrare, urinatores testantur, fundus verò magis multis locis quingentis, imò mille cubitis est profundior. (2) Quod ne quidem fingi potest vistanta Solis, ut totum Oceanum convertat in aquam salissimam. (3) Quod falsi sint putei illi, à quorum liquore sal percoquitur. Nec enim ad profundos eorum recessus Sol radiis suis pervadere quiverit.

XXI. *Instant Goolenius & Seidelius:*
 (1) Si aqua marina decoquitur ad ignem, evaporat quoddam humidum aqueum, idque est dulce: residua in fundo materia est crassior, terrestris, salsa. *Respondeo:* Vapor ille dulcis est, quia per quandam destillationem separatur liquor à sale, & hujus reliquæ in fundo confident, unde est sapor iste salus. (2) Si vas cereum iniicitur aquis marinis, aqua quæ ceram pervadit, est dulcis, quæque excluditur, terrestris atque adusta est. *Respondeo:* Solutio eadem est. Dum ceram pervadunt aquæ, excluduntur particule salis, à quibus est sapor ille, & collecta intra vasculum aqua est dulcis. (3) Aqua marina est gravior præ dulci, hoc inde est, quod habet admixtas partes adustas terrestres. *Respondeo:* Est hoc propter insitas particulas salis, quas in se gravitatem habere, constat inde quod confestim fundum petunt, cum in aquam & vinum projiciuntur. (4) Idem in corporibus nostris contingit, ubi urina & excrementa sunt salia, quia quod subtile & suave erat in poculentis & cibis, illud omne à calore nativo est transmissum ad nutrienda membra, quod remanet, crassum & salsum est. *Respondeo:* Urina salsa est propter salem, qui continetur illâ, & in illam derivata est ab alimentis à concoctione per corpus totum distributis. Qualis cibus, talis humor, & vero ab humorum adustione falsedinem derivare velle, incongruum omnino est. (5) Mare per æstatem salius est quam per hyemem, quod tunc magis, nunc minus Solis radii vapores ab aquis eli-

ciendo attrahant. *Respondeo:* Quod si experientia vera est, concedi posset, Solis impressiones juvare multum ut sal sedo magis percipiat. Non tamen ille efficit falsedinem, qui oritur à substantiâ salis, quem Deus in primâ rerum origine indidit mari. Ità rectè docent Nicolaus Cabæus lib. 2. de *Meteoris cap. 19. quest. 2.* Libertus Fromondus lib. 5. de *Meteoris cap. 1. art. 3.* Thomas Campanella lib. 1. *Philosophia realis cap. 6.* Bernh. Gomeſius, lib. 1. *disquisitionum variarum cap. 24.* Barthol. Morisotus lib. 2. de *Orbe maritimo cap. 43.* Athanas. Kircherus in *mundo subterraneo lib. 3. cap. 3. 4.* Bernhardus Teleſius libro de *aquis & mari cap. 4.* Conimbricenses tractatu 10. de *Meteoris cap. 5.* Gilb. Jacchæus lib. 7. *Institut. Physicar. cap. 12.* Danæus part. 2. *Phys. Christ. tract. 3. cap. 11.* Otto Casmannus in *fasciculo questionum marinarum, pag. 78. seqq.* Gerh. Johan. Vossius lib. 2. de *origine & progressu Idololatria cap. 68.*

XXII. Eandem sententiam defenderunt olim Plato, Anaxagoras, Empedocles, Anaximander, Xenophanes, Metrodorus, quos adfert Plutarchus libro de *placitis Philosophorum.* Atque hæc primigenia maris falsedo cum amarore conjuncta, inde conservatur porro, quod maris fundus abundet alumine, nitro, bitumine, sulfure, itaque ab ignibus per terræ viscera dispersis educuntur spiritus halitusve salis & amari, à quibus infectum mare saporem validum contrahit, & adversus putredinem aquarum stagnantium, quas recipit, sese munit. Duplici fine.

Vnus est, ut piscium, qui falsedine delectantur, domicilium idoneum esset, commodumque nutrimentum eis praberet. *Alter* est, ut natationi & navigationi inserviret, quâ semotâ gentes jungerentur commercio, & commune omnibus efficeretur, quicquid aquarumque tellus peculiare gignit, *Psalm.* 104. 25. 26. Navigia postulant aquam crassam, ut perfrendis oneribus sint paria.

XXIII. Crassitiem verò aquæ conciliat falsedo. Ovum mergitur aquâ dulci, innatat falsæ vel muræ. Excipit *Timplerus*: Si propter aquatilia mare falsum est, quare igitur pisces marini vivunt etiam in aquis dulcibus, neque averfantur eas veluti naturæ suæ contrarias? Atqui experientia ostendit, quod pisces è mari properant ad fluvios, & aquarum dulcium appetitu capiuntur, *l. d.* Respondeo: Pisces in mari generati vivunt quidem etiam in aquis dulcibus, attamen vitam per extrema trahunt, pinguedinisque suæ jacturam quotidie faciunt. Dumque sectantur palato gratum pabulum, substantiæ plurimum deperdunt, & macilentiam damnantur.

XXIV. Instat *Timplerus*: Quodsi cum primo ortu mare falsedinem haberet, sequeretur aquas omnes falsas esse, cum à mari prodeant. Atqui experientia testatur, aquas in fluviis esse dulces, non verò falsas. Respondeo: Salsedo cum amore permixta est ab ipsâ salis, aluminis, nitri, bituminis substantiâ crassâ, quæ aquis insita est, & separari potest. *Bodinus* scribit: Dulcescunt aquæ percolatione terrarum, eoque magis quò longius à mari absunt, quod mirum videri

non debet, cum lagena in mare demersa & cerâ ad orificium obturata hauriat aquas minus falsas, dulcescunt enim percolatione ceræ, *l. d. pag.* 200.

XXV. *Fluvium* est aqua de mari procurrens & eodem recurrens. Torrens est decursus aquarum ex nivibus & pluviis collectus. *Lacus* est aqua consistens & durabilis. *Palus* est aqua consistens & non durabilis. *Amnis* est aqua de fluvio procurrens. *Fons* est aqua de terræ sinubus scaturiens.] De his omnibus prolixè agunt Geographiæ scriptores, quibus laborem suum integrum conservare volumus.

CAPVT QVINTVM,

Diatriba singularis de Origine Fontium.

SUMMARIA.

1. Sententia communis.
2. Refellitur ista.
3. Proponuntur rationes.
4. Concurfus pluviarum.
5. Testimonium Seneca.
6. *Mare origo fluviorum.*
7. *Bodini testimonium.*
8. *Rationes nostræ.*
9. *Solvuntur objectiones.*
10. *Refellitur Scaliger.*

I. Docet Aristoteles *lib. 1. de meteoris* cap. 13. quod fontes & flumina intra terræ sinus colligantur ex aëre incluso & va-

& vaporibus à Sole elevatis inque aquam conuersis, non secus ac cum videmus in ollâ ad ignem appositâ vapores ad opetculum adhærere, & in aquarum guttas converti. Sequuntur Auerrhoës, Alexander Aphrodisiensis, Simplicius *commentarij ad h. l.* & tuentur idem Franc. Piccolomineus *libro de meteoris cap. 16.* Barthol. Keckermannus *lib. 2. Syst. Phys. cap. 15.* Joh. Velcurion *lib. 3. Institut. Phys. cap. 6.* Cardanus *lib. 2. de subtilitate Rerum pag. 92.* Joh. Garcæus *libro de meteoris. pag. 144.* Georg. Liblerus in *Epitome Physicæ pag. 203.* Clemens Timplerus *lib. 3. System. Phys. cap. 3. quæst. 4.* Jacob. Auberti *part. 2. Institut. Phys. cap. 10.* Bruno Seidelius *lib. 2. Rudimentorum Physicæ. pag. 281. seqq.* Joh. Ludov. Hauentreuterus in *Compendio Physicæ pag. 351.* Wolffg. Meurerus *libro de Meteoris pag. 354. seqq.* Scipio Cæsenas Claramontanus *lib. 13. de Vniuerso cap. 5. seqq.*

II. Verùm quod flumina ex vaporibus in terrâ conclusis & à frigore condensatis proveniant, rectius negant alii. Cardanum suum alloquitur *Scaliger*; Oportuit te demonstrari, quemadmodum sub terrâ fieri possit aqua, quæ ad tantam molem explendam suppeditari queat. Erit autem modus is. Cum decuplum, ut ajunt, & ego quidem reor, ampliores oporteat esse aërem, ad aquæ certam magnitudinem conficiendam, non invenio sub terrâ spacium. Præterea tanto aëre consumpto subitus eveniret vacuum. Aut per quæ tandem foramina tantum ex hoc aëre superiore descenderet eò ac subiret?

Exercitat. 46. *Bodini* verba sunt; Hæc opinio Aristotelis, quod fontes ab aëre in terræ cavernis resoluti generantur, derisa jacet. Certè fieri nullo modo potest, ac ne cogitari quidem, ut aër tantâ celeritate corrumpatur, uti fluunt aquæ, nectamen, si momento id fieret, totum Elementum aëris suapte naturâ rarissimum, ad eam aquarum, quæ vel uno die profluunt, abundantiam sufficeret, nec altissimi Oceani gurgites, si vacuarentur, tantam vim aquarum capere possent. Quid autem levius dici potest, quàm aërem terræ cavernis fugâ vacui retentum aquas gignere, cum aquis assiduò fluentibus cavernæ nihilominus aquâ plenæ sint: oporteret enim totum aërem in aquas fluentes liquari, *lib. 2. Theatri Naturæ pag. 195.*

III. Rationes breviter collectæ sunt istæ: (1) Quia nemo vidit unquam vel minimam aëris particulam, mutari in aquas, & verò ad tantam molem aquarum, quanta in Visurgi, Danubio, Rheno, Albi, Nilo, Borysthene est, efficiendam, ne totum quidem aëris Elementum sufficeret. (2) Quia constat, terræ cavernas aëre incluso semper abundare, & nihilominus aquas semper procurrere, itaque aër nihil facit ad generandas aquas. (3) Quia sæpissimè fontes & flumina scaturiunt de locis saxosis, ubi nullus aut exiguus etiam sive aëri sive vaporis locus est relictus. (4) Quia statim cum mundi initio fluvij amplissimi exstiterunt, Phislon, Gilhon, Tigris, Euphrates, *Genesis. 2. 7. Proverb. 8. 24.* Hos de Nilo &

Gange secutus opinionem communem exponit Andreas Libavius *lib. 4. de Rerum Origine pag. 254. 255.* De quo tamen aliter nos pronuntiavimus *Libro de Creatione Exercitat. 34. dist. 2. seqq.* Itanè illi intrà breve adeò tempus ex confluxu vaporum geniti fuerunt? (r) Quia falsum omnino est, quod aer mutatur in aquam. Vapor non est aer, hic nunquam in aërem mutatur, ille semper, quoniam naturâ suâ aqua est.

IV. Nec minus falsum est, quod Marcus Squarcialupus (apud Brunonem Seidelium *lib. 2. Rudiment. Phys. pag. 285. seq.*) arbitratur, pluviarum aquas concurrere ad efficiendos fluvios. Etenim recurrunt priores difficultates. Ubi pluvix tam immensæ fuerunt, ut fluvios producerent & conservarent. Non rarò enim pluvia deficit per tempus benè longum. Et quæ decedit, intrà pedes decem non descendit. Attamen in siccissimis locis puteos effodiendo, per ducentorum & trecentorum pedum spacia uberes venæ aquarum deprehenduntur. Porro fontes & fluvii erumpunt sæpè de locis constrictis, uti sunt montes & convalles, ubi non possunt retineri pluvix. Denique ingentes illi per Babylonix campos fluvii erant, antequam pluvix destillabant, *Genes. 2. 5. 6. 7. 8. 9. 10.*

V. Unde Seneca ait: Ego tibi vinearum diligens fossor affirmo, nullam pluviam esse tam magnam, quæ terram ultrà decem pedes in altum mæfaciat. Omnis humor intrà primam crustam consumitur, nec ad inferiora

descendit. Quomodò ergò potest imber suggerere amnibus vires, qui summam humum tangit? Pars major ejus per fluminum alveos in mare aufertur. Exiguum est, quod sorbet terra, nec id servat. Aut enim arida est, & absument quicquid in se fustum est, aut satiata, si quid suprâ desiderium cecidit, excludit. Et idè primis imbribus non augentur amnes, quia totos in se sitiens terra trahit. Quid, quod quædam flumina erumpunt laxis & montibus? His quid conferunt pluvix, quæ per nudas rupes deferuntur, nec habent terram, cui insideant? Adjuce, quod in siccissimis locis putei in altum acti, per ducentorum & trecentorum pedum spacium inveniunt aquarum uberes venas, in eâ altitudine, ad quam aqua non penetret: ut scias illic non cœlestem esse, nec collectivum humorem, sed quod dici solet, vivam aquam. Illo quoque argumento hæc opinio refellitur, quod quidam fontes in summo montis cacumine redundant, *lib. 3. quæst. naturalium cap. 7.*

VI. Solum restat mare, à quo procedunt flumina, rivi, fontes. Nimirum Oceani aquæ per venas & amplissimos terræ canales secundum Naturæ leges à Deo inditas adscendunt, & gantque terræ superficiem, demum etiam ab Oceano recipiuntur. Docent literæ sacræ: Omnia flumina intrans in mare, & mare non redundat, ad locum unde exeunt flumina, revertuntur, ut inde rursus profluant, *Ecclesiast. 1. 7.* Et consentiunt Doctores veteres, Basiliius *serm. 4. de Creatione*, Augustinus *lib. 5. de Genesi*

Genesi ad literam cap. 10. Hieronymus *commentariis ad cap. 1. Ecclesiast.* Nec non Recentiores, Conimbricenses *tract. 9. de Meteoris cap. 4. 5.* Julius Scaliger *Exercit. 46.* Thomas Lydiatus *libro de origine fontium*, Gilb. Jacchæus *lib. 7. Instit. Phys. cap. 14.* Calpar Bartholinus *lib. 4. System. Phys. cap. 12. seqq.* Liberius Fromondus *lib. 5. de Meteoris cap. 2.* Franciscus Vallesius *libro de sacra Philosophia cap. 63.* Daniel Sennertus *lib. 4. Epitom. Phys. cap. 10.* Petrus Gassendus *sect. 3. Institutionum Physicarum lib. 1. cap. 3. 4.* Otho Casmannus *in fasciculo questionum marinarum pag. 45. seqq.* Arnicaeus in *Epitome Physica pag. 311. 312.* Athanas. Kircherus *in mundo subterraneo lib. 5. sect. 1. cap. 1. 2. 3.* Sebast. Foxius *lib. 3. Philos. natur. cap. 5.* Joh. Combacchius *lib. 2. Institut. Phys. pag. 328. seqq.* Rod. Goclenius *lib. 4. Disputat. Phys. 13.* Andr. Baccius *lib. 1. de Thermis cap. 3.*

VIII. Rectissime Bodinus: Quantum divinior est vetustissima sententia, quam Thales Milesius, Hesiodus, Plato in Phædone, Philo *libro de mundi opificio*, Seneca *lib. 3. quest. natur. cap. 9.* Georg. Agricola *lib. 1. de oriū subterraneorum*, ex Hebræorum arcanis acceptam comprobaverunt, scilicet fontes & flumina ab aquâ marinâ, terræ meatus, quibus percolatur, subeunte, ac rursus in Oceanum refluyente derivari? Ex quo fit, ut maria nec augentur nec minuantur. Quam sententiam Aristoteles *lib. 1. meteor. cap. 13.* uti omnia ferè Antiquorum placita convellere frustra conatur, *lib. 2. Theatri*

natura pag. 195. Proinde concludimus, quod mare sit origo, caput & hospitium fluminum, rivorum & fontium.

VIII. Ex hoc per terræ venas patulas flumina, fontes, rivi, amnes copiosis ductibus proveniunt. Et porro confirmatur: (1) Quod non alia possit reddi causa, quare tot fluminum accessu quotidiano maria non crescant, nisi quia flumina de mari exeunt, itaq; horum affluxu tantundem illis rependitur, quantum effluxu detrahitur. (2) Quod experientia testatur, fontes & puteos multos Oceano vicinos, ipsum maris fluxum & refluxum sentire, nimirum, quia isti fontes & mare ab eodem principio impelluntur, habentque fontes cum mari quandam partium continuitatem. Ejusmodi fontes sunt apud Gaditanos, Burdigalenses, Antverpianos, ut testantur Plinius *lib. 2. historie naturalis cap. 97.* Strabo *lib. 3. Geographia*, Eusebius Nirembergius *lib. 1. historie naturalis cap. 29. lib. 26.* Cornelius à Lapide *commentariis ad Ecclesiastem pag. 44.*

IX. Excipit Cardanus: (1) Aqua gravis est, itaque non adscendit ultrò in montium cacumina, unde eam promanare videmus, sed contendunt eò vapores & ær, tanquam levis naturæ. Respondeo: Naturæ conditor præscripsit hanc legem Oceani aquis, ut spirituum elicitivorum in terræ venis confluorū ductu procedant eò unde promanare possent, & animalibus terram habitantibus inservire. Proinde fluvii sunt velut mammæ omnium matris Telluris, ex reconditis Oceani gurgitibus aquam attrahentes & terræ usibus impendentes. Et quomodo animalium sanguis in eorum venis

nis atque arteriis, ita in terræ venis atque patulis meatibus aqua circulariter fluit. Quam sanguinis circulationem peculiari Exercitatione describit *Guilhelmus Harveyus Anglicus*. (2) Antequam aquæ ad montes à mari proveniunt, ratio nulla est, quin ubique erumpant. *Respondeo*: Non sunt ubique meatus, qui permittunt transitum, igitur etiam non ubique profiliunt flumina. (3) Multa flumina defecerent, quod fieri non posset, si ex Oceano prodirent. *Respondeo*: De magnis fluminibus non est compertum hæcenus, deficere illa profus. Si in minoribus amnis hoc factum fuit, terræ imputari debet, quæ intrinsecus collapsa obstruxit meatus ordinarios & aquæ progressus impedivit. (4) Aquæ Oceani deficerent sensim, quando omnes fluvii inde aquas peterent. *Respondeo*: Fluvii velut itinere circulari factò reddunt Oceano quod ab illo acceperunt, itaque Oceanus non deficit, & fluvii semper abundant. At inquit Cardanus: *Maxima pars aquæ calore Solis absorbitur*. Non consumitur, quia vapores attrahit Sol, pluvias reddit. Pluviarum ingens pars in Oceanum delabitur, quod terræ immanet, torrentes & rivos efficit, qui in flumina, lacus, paludes decurrunt, itaque nihil est, quod non resorbet Oceanus, aquarum omnium matrix. (5) Aquæ Oceani, si per terræ sinus profluerent, illam concuterent. *Respondeo*: Adeo patentes vias concedit terra aquæ, ut fluxu æquabili, itinere inoffenso progrediantur, & nos ab hoc timore liberent. Et si fortè aliquis motus fuerit, non ta-

men ille propter distantiam exaudietur à terræ incolis, qui in superficie habitant. (6) Non potest dari causa, quare ab hoc monte propullulet, non item ab alio. *Respondeo*: Causa est, quod non suppetant ubique meatus. Hos flumina acceperunt in primo ortu, neque eos deserunt. (7) Si fontes & flumina ab Oceano procurrunt, quare non habent aquam salinam, uti habet Oceanus? *Respondeo*: Hoc inde est, quod per terræ meatus inter saxa & arenas ductæ aquæ veluti percolantur, ut falsedinem deponant.

X. Sic vasculum aquæ marinæ injectum, si orificium cerâ obturetur, aquam dulcem imbibit, idè quod aqua per operculum è cerâ factum ingrediendo percolatur, ut salis substantiam extrâ relinquat. *Scaliger* his verbis solvit: *Salsedinem exuere facile est, quippe accidens, idque terrestre*. Malè verò salsedinem in accidente solo considerat, eoque terrestri. Ipsa salis substantia adest, quæ separatur in poris terræ factâ percolatione, intrâ ipsam existentis caloris beneficio. Neque hæc est terrestris aliqua natura, uti cum *Aristotele* censet *Scaliger*, sed quinta substantia est, ab Elementis genere toto diversa.

CAPVT SEXTVM,

Diatriba singularis de Æstu maris.

SUMMARIA.

1. Motus aquæ unus.
2. Motus aquæ alter.
3. Veniliæ, Salaciæ.

4. *Ejus causa.*
5. *Casalpinationes.*
6. *Motio terræ.*
7. *Taurelli opinio.*
8. *Testimonium Bassonii.*
9. *Lunæ influxus.*
10. *Lunæ virtus tractiva.*
11. *Refellitur Scaliger.*

I. **N**Otante Contareno Venetus lib. 2. de Elementis pag. 83. seqq. & alii Recentiores, quod tribus cum primis modis profluat & refluat Oceanus. *Primus* est, quo semestri spatio à Septentrione in Austrum procedit, & contrà, isque accedit Oceano Atlantico & Japonico. Namque à Boreali plagâ egressæ aquæ vehementi cum impetu in Austrum pergunt, suoque fluxu iter facientes ex Lusitaniâ versus Caput bonæ spei valdè iuvant. Causam esse docet *Athanas. Kircherus*, cum Sol radiis suis Zonam torridam feriat, fit ut attrahendo ingentes vaporum moles, zonæ torridæ amplissimos tractus evacuatos & declives reddat: Septemtrionalis Oceanus extrâ omnes Solis radios constitutus, humidissimo suo temperamento vicinam aërem in aquam convertit, indeque incrementum accipit, ut laboranti Oceano sub zonâ torridâ subvenire possit. Ergò cum Sol percurrit signa australia, Oceano aquarum indigenti succurrunt liberaliter boreales aquæ, quod idem Oceanus Australis facit tunc cum Sol obtinet signa borealia, ut ita Oceano ab unâ parte laboranti subveniat alterius partis dives promptuarium. Quod verò in mari mediterraneo, fluxus à Boreâ in Au-

strum, nimirum ad Bosporum dictum Thracium, occurrat, non tamen ille semestris est, nec causam eandem habet, sed potius ex ingentium Danubii, Borysthenis, Tanais fluminum exoneratiohe dependet. Aquæ exitum querendo, cum non inveniunt scopulis oblustantibus, vim totam convertunt in fretum Propontidis, æstu motuque omnia replent, in *Philosophiâ Magneticâ* pag. 587.

II. *Secundus* motus est ab Ortum in Occasum. Hinc breviori temporis intervallo ex Lusitaniâ in Mexicum, quàm contrà conficitur iter, nimirum quia motus maris ab ortu in occasum est rapidior. Causam petit *Kircherus*, in Solis revolutione. Cum enim zonam torridam Sol perpetuò rectâ feriat, atque ingentem aquarum molem quotidie radiis suis attractam vel in aquam nubibus conclusam vel in aërem convertat, in locum attractarum aquarum necessariò aliæ ab Ortum & utroque latere succurrunt, *l. d. pag. 575.*

III. *Tertius* motus est, quo maris aqua agitatione reciproca sex horis ad litus accedit, illudque replet, nunc totidem horis à littore recedit, istudque siccum & nudum relinquit. Causa motus hujus semper anxie fuit quaesita, & necdum inventa. *Julius Scaliger* fateri ignorantiam suam non dubitat: Fortasse, *inquit*, conducebat magis ad opinionem bonæ existimationis silentium, quàm audacia. Nam quod ubique clamare soleo, nos nihil scire, maximè convenit huius disqui-

sitioni, quæ maris tractat motum. Animi tamen gratiâ exerceamus nos, idq; sine culpâ sanè, quemadmodum & sine ambitione. Nugæ multæ, multa temeritas, multæ superstitiones, multæ ineptiæ, inter quas & nostræ, *Exercitat. 52.* Ad Lunam hanc Veniliam & Salaciam referre demum voluit. Verba sunt ista: Haud temerè expetimus scire, à quo moveatur. Nam certis statisquetemporibus agitur progressionibus atq; regressionibus. Igitur à certo motore. Interno an externo? Solus gravitatis motus internum habet motorem, formam, iste autem cum sit ex contrariis compositus motibus, ipseque in se diversus atq; etiam cessans, si est ab intimo principio, jam mare animal est. Sola namq; anima, quanquam ne ea quidem omnis, multiplex motor est. Quodsi animal non est, extrinsecus ei motus accidit hic. An verò hic omnis? Ità dico, omnis, id est, segnior, ocior, procursus, recursus. Hoc postea videbimus. Nam cum Lunæ cursum sequi, observatum esset, ejus autorem Lunam esse judicaverunt. At Luna non tangit aquas. Hoc Peripateticorum nonnullis negotium fecit, quibus etiam Magnes facere debuit. Qui motus in ferro si sit à lapide sine contactu, quare non sequetur mare corpus nobilissimi Sideris? Videtur autem manifestò. Nempè in quadris malacia est, calma dicitur vulgò. In pleniluniis turgidiora sunt maria, ut Sideris desiderio seipsa suspendere videantur. Ubi aliam lucem Lunæ peculiarrem, quàm Solis lumen id efficere par est. Non enim ad Solem ipsum intus

mescent. Cessationis causam dicere, haud difficile est. Quippe Lunæ potestatem tum vel imbecillio rem, vel teris infensio rem. Hæc ille *l. d.*

IV. In quâ dissertatione proponit duo unde proveniat maris affluxus, alterum, unde reducatur in locum suum depressiorem? Primum ait esse, quod aqua sequitur Lunæ cursum, alterum, quod mare littorum objectu revolvatur in locum suum. Assentiuntur Ath. Kircherus in *Philos. Magnet. lib. 3. pag. 592. seq.* & in *Mundo subterraneo lib. 3. cap. 1. 2. seqq.* Barthol. Keckermannus *lib. 2. System. Physici cap. 15.* Phil. Mœcenicus *Contemplat. 4. part. 1. cap. 10.* Johan. Bodinus *lib. 2. Theatri naturæ pag. 194.* Dan. Sennertus *lib. 3. Epitom. Physicæ pag. 343. seqq.* Jacchæus *lib. 7. Institut. Physicæ cap. 12.* Rod. Goelenius *lib. 4. Disputat. Physicæ 14. 15. 16.* Levinus Lemnius *de occultis naturæ miraculis lib. 2. cap. 41. lib. 4. cap. 1.* Piccolominèus *libro de Meteoris cap. 19. 20.* Joh. Velcurion *lib. 3. Institut. Physicæ cap. 7.* Sebastian. Foxius *lib. 3. Philosoph. naturæ pag. 266.* Joh. Combacchius *lib. 2. Instit. Physicæ pag. 326. seqq.* Franciscus Vallesius in *Philosophiâ sacrâ pag. 327. seqq.* Contrarenus Venetus *lib. 2. de Elementis pag. 88. seqq.* Josephus Blancanus *lib. 5. de mundi fabricâ cap. 2.* Nicol. Cabrus *lib. 2. Meteoror. cap. 5. quæst. 12.* Petrus Herigonius *Tomo 4. Cursus Mathematicæ pag. 412. seqq.* Wilhebrordus Snellius in *Tiphys Batavo lib. 2. proposit. 8.*

V. Negant verò Casalspinus *lib. 3. quæst.*

quæst. *Peripateticarum sect.* 5. Bernh. Tellestius *libro de mari cap.* 12. quod Luna sit causa efficiens motus Oceani. Rationes adferunt: (1) Si Luna in ortu attrahit aquas, cur occidente Lunâ non refluant aquæ, verum similiter uti in ortu ejus effervescunt? Nam aut perpetuò sequi deberent cursum Lunæ, ut secundum eundem continuò effluerent, nunquam retrocederent, aut saltem illâ accedente affluxus fieret, recedente refluxus. (2) Cum aliis & aliis terræ locis continuò oriatur & occidat cum toto cælo Luna, affluxus quoq; aquæ similiter refluxus erit continuus. Atqui non est ita, accedunt enim & retrocedunt aquæ, non observato Lunæ accessu & recessu. (3). Quomodò Luna movebit aquas, nisi intermedia simul moveat, videlicet ignem & aërem? An virtus quædam occulta permeat à Lunâ usque ad aquas, sicut à magnete inferum, ut non moto medio communicetur motus extremo? Si hoc, cur non etiam aquæ lacuum & fluviorum moventur, ad quas Lunæ radii perinde sese extendunt? (4) Si Luna inducit motum Oceano, ea certè maria, quæ accessu & recessu suo impellit, commovebit tota. Atqui non movet tota ista, sed partes eorum duntaxat movet. Ergò non est à Lunâ, quod moventur aquæ. Minor probatur: Rubrum mare initio & sine patitur æstum, quiescit in medio. Mediterraneum continuatum uno tractu mare æstuat in littoribus Africæ omnibus, non tamen æstuant Ligusticum, Gallicum ad Narbonam, Palus Mæotis, Pontus Euxinus. Sed nec

Oceanus Balthicus æstuat, quanquam Lunæ radiis obnoxius sit quaquaversum. (5) Si Luna per lumen suum trahit & commovet Oceanum, prorsus aquas illas solùm attrahit & commovet, quas lumine suo tangit. Atqui in medinocitio, cum lumen ejus maximè à nostro mari aversum est, non minus æstuat mare nostrum, quàm si illud præsens esset. Atque idem lumen, dum hæc nostra collustrat; Antipodum maria non tangit, quæ tamen illo ipso tempore æstum patiuntur. Ergò motus aquæ non est à Lunæ influxu. Hæc *Cæsalpinus*.

VI. Qui porro causam ponit in terræ circumvolutione, ad cujus motum necesse sit moveri aquæ molem universam, quæ intrâ cavitates ejus detinetur, pondereque aliquo pressam fluere & resluere, prout terra illis nunc incubat, nunc ab illis sese altius effert, eandem sententiam defendunt Petrus Gassendus *Epist.* 2. *de motu impresso à motore translato pag.* 149. *segg.* Jacobus Galilæi *dialogis de Systematis mundi pag.* 412. *segg.* Renatus Cartesius *part.* 4. *principiorum Philosophic. pag.* 170. *segg.* & veteri ævo Seleucus Mathematicus apud Plutarchum *lib.* 3. *de placitis Philosophorum cap.* 17.

VII. *Taurellus* permittit *Cæsalpino*, quod æstus Oceani non fiat à Lunâ: sed tamen non permittit, motum istum à circumvolutione terræ fieri. Ipse causam repetit ab aquis marinis cum impetu magno intrâ cavernas terræ illapsis, & vicissim effusis, *lib.* 3. *Alpium cæsalpinum pag.* 553. *segg.* Supponit multa:

1. Quod in mare flumina undiquaque sese exonerant. 2. Quod è mari flumen nullum oritur. 3. Quod mare infinitam aquarum copiam recipiendo non tamen crescat. 4. Quod mare in cavernas terræ profundas tantum effundit aquæ, quantum ei flumina suppeditant. *Subjungit*: Inde talem efficitur demonstrationem. Mare in cavernas terræ exonerando sese, facit ut magno cum impetu de litoribus circumquaque aquæ ad voraginem illam contendant. Nam quâ partem suas mare in recessus terræ aquas effundit, eadem ipsum quoque depimitur, ut undiquaque eò sese aqua reliqua proripiat, quæ jam oppletis terræ cavernis in unum circumquaque coacta pro maris amplitudine & aquarum impetu attollitur, deinceps paulatim subsidit, & ad ante derelicta littora regreditur, factâ & jam ex fluminibus aquarum accessione. Itâ totus maris alueus aquis repletur, usque dum exinaniti recessus terræ interiores, aquarum moles poscant, quas eo, uti diximus, modo deglutiant. *Sic ille*, & cum illo *Timplexus lib. 3. System. Physici cap. 3. quæst. 6.*

VIII. Scaligerum valdè exagitat *Basson*, & commentum vocat, quæ ille de Lunæ Dominio in aquas commemorare voluit. Aliam ergo causam proferre conatur. Dicit, quod in mari spiritus, atque halitus contineantur, à quorum concitatione efferviscant aquæ, perinde uti in animali febrilem accendi materiam videmus. Ejus verba sunt: Quam falsum sit illud Scaligeri fundamentum, non posse mare habere principium sui motus

internum, nisi sit animal, docent cum alia quàm plurima, tum imprimis utrumque in cupâ spontè ferventes, vinumque in dolio bulliens, ex cujus motu concepto fervore, ad notitiam causæ motus marini traducimur. Mare enim quodam horum halituum spirituumque fervore intumescens extendit sese, & in Occidentem, Orientemque ac pariter in omnes partes sese diffundit, atque hinc est, ut parte hac occiduum cursum tenente, illa ortivum petat. Factâ autem illo motu dissolutione talium spirituum ex parte, mare à litoribus percussus se contrahit. *Et paulò post*: Ex consideratione febrium intermittentium, facile ex fixi huius temporis, quo maris motus recurrit, causam rimari. Quemadmodum enim post accessionem febris exhalato atque expirato calore, atque adeò igne, qui corpus durante febris depopulabatur, in sequentem, vel alterum, vel tertium diem, certum tamen, accessio differtur, dum novum ardoris fomitem denuò concoctam materiam suppetitat, ita per frequentem æstum evaporatâ magna parte materiam, quæ hunc motum concitabat, reliqua supprimitur à frigore dominante, donec post æqualem temporis circuitum, hæc materia continuis preventibus in æquale pondus aucta, similes exferat vires prioribus, similemque motum ciet. Et sicut copia qualitasque materiam efficit, ut tamdiu duret febris accessio, itâ proportionem materiam illius calidæ, proque naturâ, certi dies ipsius evaporationi destinantur, quibus hic æstus continuat, *lib. 12. Philos. natur. pag. 568.* Itâ etiâ existimât

Andréas Libavius lib. 5. de Origine rerum pag. 430. seqq. Thomas Lydiati libro de Origine fontium pag. 210. seqq. Franciscus Vallesius in sacrâ Philosophiâ cap. 52. Stephanus Theupolus lib. 8. Contemplat. Academicar. pag. 364. seqq. Johan. Picus Mirandulanus lib. 1. de vanitate Astrologia cap. 12. & ante illos Plato, Heraclitus, Apollonius Thyanæus, nec non veteres Stoici, quos referunt Andr. Baccius lib. 1. de Thermis cap. 25. Laurentius Corvinus in Geographia cap. 11. 12. 13.

IX. Nos in re maximè obscurâ promunciamus, quod Luna in motu hoc concitando nec nihil agat, nec omnia agat. Certè aliquid Lunæ tribuendum est, manifesta experientia probat. (1) Cum in Oriente Luna est, mare intumescit & crescit in parte Orientali, decrescit in occidentali; rursus cum in Occidente Luna est, mare crescit in parte occidentali, decrescit in Oriente. (2) Et prout Luna vicissitudinem luminis patitur, ita insimul augetur, minuitur, stat, quiescit, movetur, repedit mare. Rectè Saligeri: Cum Lunæ corpus diurno motu feratur in occidentem, eodem quoque secutus Oceanus decurrit. Quam obrem quamdiu nullus obex est, sequitur, ubi retunditur objectu litorum, cogitur inde regredi. Non temerè tamen fit hoc? sed rerum summus opifex, qui terras extulit ex aquis, ne irritum faceret opus suum, cavet ut semper item exstaret: quò locus esset habitationi. Sex horas igitur secum ducit aquas Luna, totidem maris ponderi datæ sunt, quo repulsum à terrâ, seipsum premendo rursus in-

cumberet in priores sedes, Exercit. 52 (3) In plenilunio datur maximus æstus, quando tunc Luna efficacius agit, & cum majori copiâ lucis, quod quasi vehiculum qualitatis ejus est, mare verberat. (4) Perinde in novilunio datur magnus æstus, quando Sol vicinior est Lunæ, inque Lunam radiis rectâ protensis ad se allicit vires Lunæ, itaque mare validius concitatur, scilicet Lunæ vires junguntur cum Solis radiis, itaque in mare decidendo eundem in movendis aquis effectum producant.

X. Uti ergò ferrum magnetem sequitur, ita comitatur aqua motum Lunæ, quæ radiis suis & occultâ vi agendi in aquis excitat vapores sulforios, nitrosos, unde turgiscunt illæ per modum ebullitionis, atque insurgunt, littora pulsant cum sonitu horribili: vaporibus absumptis aut egressis tumor subsidit, conduntur aquæ intra alveos, durante semper eodem vicissitudinis cursu prorsum & retrorsum. Ità cum lac ad ignem apponitur, aut cū pulles coquuntur, videmus tantam copiam vaporum ignis viribus concitari, ut vas prorsum impleatur: absumptis illis vas minore sui parte impletum esse cernitur.

XI. Quoniam verò motus ille Oceanus inest à natura, non solum ab externo, sed ab interno cum primis oritur principio. Id est Forma aquæ, quam à primo rerum omnium principio viribus istis instruxit Naturæ opifex, ut Oceanum statim horis prorsum & retrorsum commoveat. Ubi non movet nos Saligeri instantia; Si ab interno principio movetur, jam

mare animal est. Qualis consequentia? Luna ipsa movetur. Ergo est animal! Vinum in dolio bulliens à calido insito, principio suo, movetur motu ex contrariis composito. Ergo vinum animal est! Formæ ubi ubi sunt, ibi propter Creatoris iussum & Naturæ imperium, actuales sunt, certumque est, quod formam istâ acceperit mare, antequam Sol & Luna in cælo ponerentur, *Genes. 1. 7. 14.* Quod porrò dicit Scaliger, *aquas retundi objectu litorum, ut cogantur regredi*, verum quodammodò est. Non enim litoris tantum effectus ille est, sed partim à principio interno, partim à Lunâ: Littora sunt eminentiora præ aquis, unde ab istorum objectu mare in seipsum revolvitur. Lunæ radii debiliores & obtusi dimittunt aquas, ut non amplius efferviscant, sed ultro in sese recidant.

CAPVT SEPTIMVM,

De Terrâ.

SUMMARIA.

1. Definitio terræ.
2. Solvuntur objectiones.
3. Sententia vera.
4. Terra gravissima.
5. Instantia contraria.
6. Rationes nostræ.
7. Antipodes.
8. Confirmantur esse.
9. Partes terræ.
10. Danaus refellitur.

I. **T**erra est Elementum gravissimum, in medio universi pendulum.] Terræ ge-

nus Elementum est. Differentia sumitur à proprio & loco. Definiunt vulgò, quod *terra sit Elementum frigidissimum.* Et proferunt rationes: (1) Quod terra sit gravissima, ergo etiam frigidissima, quando gravitas oriatur à frigore, & levitas à calore, uti in igne videre est. (2) Quod terra longissimè absit à cælo, unde omnis calor oritur. (3) Quod aqua non sit summè frigida, quando vivant in eâ pisces, qui tamen in summo frigore vitam perferre non possint. (4) Quod immobilis sit, adeoque calorem à motu productum concipere non possit. (5) Quod profundissimi terræ sinus per sensuum testimonium comperiantur frigidissimi esse, Nam superficies terræ à radiis solaribus incalescit. (6) Quod aqua incalescat citius quàm terra, adeoque non ita possit resistere calori. (7) Quod aqua vel nunquam vel difficulter peturatur. (8) Quod profundius magis putei aquam frigidissimam contineant. (9) Quod ab injectâ terrâ præcipuè extinguatur flagrans ignis. Ità Aristoteles *lib. 2. de ortu & interitu cap. 3.* & sequuntur Avicenna *libro de Cælo cap. 16.* Albertus Magnus *lib. 1. de generat. tract. 1. cap. 12.* Rodolfus Goclenius *lib. 3. disputat. Phys. 2. dist. 4. §. seqq. & id notis ad Valerii Physicæ pag. 165.* Caspar Bartholinus *in System. Phys. fol. 129. seqq.* Keckermannus *lib. 2. System. Phys. cap. 10. & 13.* Bernh. Telesius *lib. 1. de naturâ rerum cap. 1.* Joach. Burserus *lib. 2. Institut. Phys. cap. 5.* Gilb. Jacchæus *lib. 6. Instit. Phys. cap. 2. & ibidem Joh. Zeifoldus in notis pag. 420.*

II. Verum rationes illæ sunt exigui valoris, (1) Negatur, quod omne calidum leve

leue sit, quodque frigidum omne sit graue. Levis est nix, sed non est calida, Exustæ chartæ fuligo leuissima est, attamen non est calidissima. Palvis omnis est levis, sed non est calidus. Glacies frigidissima est, sed non gravissima. Aurum est grave & densum, sed habet temperamentum calidum. (2) Torfit ista obiectio Agidium, Aponensem, Albertum de Saxonia, quorum lites mutuas super explicatione hujus modi refert Tolæus commentariis ad lib. 2. de generat. & corrupt. fol. 316. Ipse Tolæus l. d. & post eum Coenimbricenses lib. 2. de generat. cap. 3. quæst. 4. artit. 2. Sennertus lib. 3. Epitom. Phys. pag. 206. rectissime dicunt, qualitates non imprimi Elementis à cælo, verum proprias eorum naturas & formas consequi. Proinde non quicquid à Sole est remotissimum, idem est frigidissimum. Non enim in Sole est calor, verum à Sole. Media regio aëris est Soli vicinior, sed nequitiam calidior præ infimâ. Terra cum primo suo ortu habet insitum quandam calorem, qui ab ignibus subterraneis augetur & fovetur. Hoc ejus benigna fertilitas satis ostendit, quæ citrà internum calorem esse non potest. Aurum obscuris terræ cavernis erutum distat admodum à cælo, & calidum est. Scilicet qualitates Elementares non proveniunt à Sole & cælo, unde hic non debet respici ad majorem & minorem à cælo distantiam. Frustrâ occurrit Keckermannus; Terra quatenus consideratur ut impurum Elementum, habet in se calorem & vim vegetativam, nempe ut possit producere fruges & fructus omnis generis, nec tamen inde sequitur, terram

ram naturâ suâ calidam esse. Quâ purum Elementum est, frigidissima est, propter admistos verò igniculos fit calida, perinde uti aqua incalescit ad ignem deposita, neque tamen negari idè potest, aquam suâ naturâ frigidam esse, l. d. cap. 13. Respondeo: Calor quicumque est ab igne principaliter, quatenus ille à cælo fovetur & conservatur, ignis verò ad terram atque in terræ visceribus est. Terra sibi relicta nec calorem, nec frigus habet, quibus verò in partibus frigida est, ibi particulas aquæ adesse certum est. Quomodò verò etiam de puro Elemento terræ ejusque statu pronunciaverit Keckermannus, siquidem id nusquam locorum est? Quod non est, non potest dici quod tale vel aliud sit. (3) Non tam ab aquâ frigidâ enecantur pisces, quàm ab aquâ congelatâ, ut non possint cæli atque aëris bonitate frui, quâ non minus aquatilia gaudent, quàm terrestria animantia. (4) Non omnia quæ moventur, calida sunt. Multa etiam moventur, quæ indè potius refrigerantur, uti aqua cum forti impetu decurrens. Hinc aquæ in cantharis diu asservatæ, & ad teporem quandam redactæ, refrigerantur, si aliquoties de iisdem vasis in eadem permutatis vicibus effundantur. Iuscula calida prorsum antrorsum moventur, ut refrigerentur. (5) Recessus terræ frigidi quidem sunt, non verò frigidissimi, estq; hoc inde quod aquarum venis perfulsæ sunt terræ. (6) Quod aqua magis incalescit, causa est quia fortius resistit, adedq; plus frigoris continet, ut diximus supra cap. 2. dist. 13. Terra non ita resistit vel retinet ob porositatem suam, indè est, quod ignis pet-

pertransit atque evaporat, donec iustâ copia citius vires suas exercent. (7) Imò actus peruritur terra, uti in officinis figulorum & laterariorum videre est, quàm aqua. Hanc calefieri videmus, peruri quis unquam vidit? (8) Causa est quod ab igniculis ad Solis radios collectis, & calorem producentibus, non ità possint infestari. (9) Ignis per injectam terram suffocatur magis, quàm exstinguitur. Etiam ligna lignis accensis apposita arctius hoc efficiunt, cum nullus fumo & flammæ datur exitus. Fortius certè restinguit aqua, inde sunt puteorum labores, cum flagrant incendia per vicos & pagos. Adeò quidem, ut ob defectum aquæ comburantur sæpius magnæ civitates, quamvis non caruerint terrâ.

III. Non tàm rationibus quàm sensibus nunc agendum est. Etiam hic Canon valet: *Sensum dimittere in iis quæ sensibus manifesta sunt, & rationem querere, infirmitas intellectus est.* Cum ergo testetur tactus, frigidior esse aquam quam terram, standum est in hoc sensuum iudicio. Atque debet aqua pro primo & adæquato frigoris subiecto haberi. Ità rectè docent Toletus & Conimbricenses l. d. Plempius lib. 2. *Institut. Medicarum* pag. 16. 17. Daniel Sennertus lib. 3. *Epit. Physic.* pag. 109.

IV. *Gravissimum.*] Terræ proprium est, summa gravitas. Insuper firma est, crassa est, arida est. *Firma* est, quia omnium animantium, plantarum, arborum, metallorum, corporum aliorum sedes & firmamentum, ut moveantur & quiescant in eâ animantia, ut plantæ &

& arbores crescant, ut metalla foveantur, ut corporum onera & moles sustineantur. *Crassa* est, ut firmitus resistat incumbenti oneri, itaque tutum liberumque aliis corporibus denegat transitum. *Arida* est, sicca non est. Falsum est quod scribit *Fernelius*: Neque ignis inde quod maximè desiccatur, siccior quàm terra iudicandus est. Id enim non per se, sed caloris interventu efficit, quatenus corporum humorem suo calore exhaurit ac dissipat, at terra affusum humorem combibens per se sola exsiccatur, lib. 2. *Physiologia* cap. 4. Scilicet illud quod siccum est, confundit cum illo quod aridum est. Terra per se arida est, itaque humorem aquæ facilis imbibit, quod imbres desuper effusi luculenter testantur.

V. Dubitat Nicol. Taurellus lib. 4. *Alpium casarum* pag. 681, an terra sit gravissimum Elementum, apertè verò hoc negat Jordanus Brunus Nolanus libro de Mundo. Rationes adfert: (1) Quod mixta aquea sint graviora quàm mixta terrea, ut metalla docent, quæ graviora sunt præ lapidibus: hi sunt mixta de terreis, illa de aquis, unde in materiam liquidam resolvuntur. (2) Quod causæ gravitatis, frigus & humor sint maximè in aquâ, non verò in terrâ. (3) Quod pulvis, qui terra soluta est, facile dissipatur in aëre per ventos, & terrestria effluvia in altum subvehantur ope Solis. *Hæc ille.* Verùm hæc sententia nova tantiponderis non est, ut communem destruat, quam nobiscum defendit Aristoteles lib. 2. de Cælo cap. 14. & lib. 4. cap. 4. Nam: (1) Non semper mixta de simplicibus infallibiliter testari possunt, quip-

quippe cum superueniat augmentum novum, à quo natura unius & alterius habetur. Metalla sunt graviora præ lapidibus, non tam propter aquam insitam, quàm ob totius materiæ habitudinem. Scilicet, metalla sunt admodum compacta & libera à poris: lapides sunt poris distincti, à quibus continetur aer, & levitatem quampiã conciliat. (2) Causa gravitatis est forma rei, non verò humiditas & frigiditas. (3) Sunt exempla ab effectis per motum violentum. Certè etiam guttæ aquæ & effluvia ab iis orta dissipantur, sursum attrahuntur. Terræ igitur gravitatè attribui mus. Hoc sensus testantur, cōprobant rationes manifestæ.

VI. Etenim: (1) Cinis ad summum excoctus & omni aquæ contactu privatus, benè compacta, ut aer extrudatur, mole, indatur in vasculum unum: aqua pura in vasculum aliud æqualis ponderis & mensuræ, docebitque experientia, vasculum cinere plenum esse gravissimum. Quod si pro atro cinere sumas aridum pulverem, perindè fuerit. (1) Quicquid pervadit aquam, illud est gravius aqua. Atqui terra aquis injecta pervadit illam. Ergo terra est gravior quàm aqua & petit fundum.

VII. *In medio universi pendulum.*] Locusest in mundo medius, itaque occupavit terra centrum universi, hic quiescit tanta moles immobilis citrà sustentaculum. Ovidius: *Terra pila similis nullo fulciminenixa.* Quodenim Augustinus lib. 2. de Genesi ad litteram cap. 9. & lib. 16. de Civitate Dei cap. 9. Laëtantius lib. 3. Institut. divinæ. cap. 24. & lib. 2. de falsa relig. cap. 22. Joh. Chrysostomus serm. 14. &

27. in Epistolam ad Ebræos, Gregor. Nazianzenus Epist. 71. Theodoretus & Theophylactus notis ad cap. 8. Ebræor. nec non Bonifacius Episcopus Moguntinus (apud Aventinum lib. 3. *Annal. Bojorum*) negabant, esse Antipodes adversa nobis vestigia prementes, nec volebant credere, terram pilæ similem ab utrâque parte habitari, id inquam acceperunt ab Epicuro, qui docebat, ab alterâ parte terræ esse immensum Chaos, & inaccessam abyssum, teste Lucretio lib. 1. de natura rerum.

VIII. Aliter esse, hodiè ambabus manibus largiuntur omnes, postquam Indorum fertiles regiones & Boreales agri inculti Hispanorum atque Anglorum operâ detecti sunt. De quâ re plura dicunt Christoph. Clavius commentariis ad Spheram pag. 106. 107. Josephus Acosta lib. 1. de natura novi Orbis cap. 1. 2. seqq. Subtilis Scaliger ait: Quærimus, ob quam causam res ad rem appellat sese, id est, ferrum ad magnetem, quare terra ad id quod nihil est, moveatur, non quærimus, Exercitat. 1. sect. 1. At gravitati post Dei gloriosi verbum medias hasce sedes Terra debet, Psalm 104. 5. Si enimingas eam à medio hoc moveri posse loco, grave ascendet, atque superiorem locum affectabit. Punctum verò quod terra occupat, nihil esse ac solâ imaginatione comprehendi, falsum est. Est punctum aut spacium illud naturalis terræ locus.

IX. Estque continens, Insula, peninsula, Isthmus, Promontorium, Mons, Collis, Vallis, Convallis, Campus, Silva, Litus, Ora, Portus.] De his omnibus Terræ partibus

exponunt Geographi. Cæterùm Terra magnum Naturæ Laboratorium est, in quo producuntur & foveantur omnis generis metalla, lapides, gemmæ, plantæ, animalia. Luxuriant montes, campi, colles, valles & convalles, innumerasque subinde partui iunt naturæ opes, Quæ perpendendo *Seneca* in hæc verba erumpit: Non esse terram sine spiritu, palàm est, non illo tantùm, quo se tenet partesque suas conjungit, qui inest etiam faxis mortuisque corporibus, sed illo dico vitali, vegeto & alente omnia. Hunc nisi haberet, quomodò rot arbutis spiritum infunderet, non aliunde viventibus & tot fatis? Quemadmodum tot diversas radices aliter atque aliter in semensas foveret, quasdam summâ receptas parte, quasdam altius tractas, nisi multum haberet animæ, tam multa tam varia generantis, & haustu atque alimento suo educantis? Levibus adhuc argumentis ago. Totum hoc cælum, quod igneus æther, mundi summa pars claudit, omnes hæc stellæ, quarum iniri non potest numerus, omnis hic cælestiū cœtus, & hic tam propè nobis agens cursus Sol, omni terrarum ambitu non semel major, alimentū ex terreno trahunt, & inter se partiuntur, nec ullo alio scilicet quàm halitu terrarum sustentantur. Hoc illis alimentum, hic pastus est. Non posset autem tam multa, tantaque & se ipsa majora terra nutrire, nisi plena esset animæ, quam per diem & noctem ab omnibus suis partibus fundit, *lib. 6. quæstionum natural. cap. 16.* Neque aliter *Lambertus Danæus part. 2. Physica Christiana tract. 3. cap. 28.*

X. Respondeo: Terra in se vitam non habet, nec spiritum vegetativum. Concreavit olim Deus Naturæ Opifex semina vegetabilium corporum, à quibus arbores producuntur, ab his semina decidunt, quæ terræ gremio suscepta foveantur & alescunt, *Genes. 1. II, 12. cap. 8. 22.* Neque ipsa plantis infundit spiritum, non magis quàm uterus vitam largitur animalibus à se retentis. Fovet sata perinde, dum secum habet calorem insitum, qui est elementaris à pervadente omnia igne, & calidum innatum, quod in semine latet, excitante. Stellæ à terris evocare alimentum, quo nutriantur, falsum est.

CAPVT OCTAVVM,

Diatriba singularis de motione Terræ.

SUMMARIA.

1. Terra quiescit.
2. Pythagoræ veteres ac novi.
3. Testimonium sensuum.
4. Lapis in altum projectus.
5. Copernici exceptio.
6. Aëris motus circularis.
7. Terra consistit super basin.
8. Exceptio solvitur.
9. Instantia Landsbergii.
10. Domus, turres inconcussa.
11. Solvuntur objectiones.

I. R Em contemplatione dignissimam esse censet *Seneca*, ut sciamus in quo rerum statu simus, pigerrimam

for-

fortiti an velocissimam sedem, circa nos Deus omnia, an nos agat, *lib. 7. quest. natural. cap. 2.* Utrum mundus terrâ stante circumbeat, an mundo stante terra vertatur? Communis est sententia, quiescere terram, moveri astra. Sensum enim dimittere iniis, quæ sensibus manifesta sunt, & rationem quærere, imbecillitas iudicii est. Cum ergo omnium pateat sensibus, terram stare, & Solem Lunamque cum reliquis stellis moveri, hoc sensuum iudicium acceptari debet, cum Parmenide Elcate, Pherecyde Syro, Platone, Anaxagorâ, Thalete Milelio, Ocello Lucano, Empedocle Agrigentino, Democrito Milelio, Aristotele, Plinio, Cicerone, Plutarcho, Ptolemæo, atque omni Veterum Sapientum turbâ.

II. Rursum, quod terra moveatur, ortusque & occalus visibiles, stellis in cœlo immoto quiescentibus, dirigat, contentebant olim celebres in Scholâ Pythagoricâ Doctores, Philolaus Calaber, Nicetas Syracusanus, Timæus Locrius, Ephantes, Aristarchus Samius, Heraclides, Eudoxus, de quibus commemorant Aristoteles *lib. 2. de cœlo cap. 12.* Cicero *lib. 4. Tusculan. quest.* Plutarchus *lib. 3. de placitis Philosoph. cap. 13.* Archimedes Syracusanus *libro de numero arêne*, quod conati fuerint nos mortales in sidus lucidum evehere, adeoque terram esse stellam ex Planetarum ordine, Lunæ consimilem & pari motu vagantem cæteris Planetis indicaverint. Deinceps restauravit Nicol. Copernicus *lib. 1. Revolut. cœlest. cap. 7. lib. 3. cap. 3. seqq. lib. 5. cap. 2. seqq.* & porro defendere volunt Gilber-

tus Anglus in *Philosophiâ magneticâ lib. 6. cap. 3. seqq.* & *lib. 2. Philosophiæ novæ cap. 2.* Johan. Keplerus *Commentario de stellâ Martis part. 3. cap. 33. 34.* & *libro de stellâ novâ cap. 15. 16.* & *lib. 1. doctrina Sphærica pag. 105. seqq.* Andréas Cæsalpinus *lib. 3. questionum Peripatet. sect. 4. & 5.* Philip. Landsbergius *libro de circumvolutione terræ*, Petrus Herigonus *Tomo 5. cursus Mathematici pag. 626. seqq.* Renatus Cartesius *part. 3. Meditationum Philosoph. pag. 64. seqq.* Henricus Regius *lib. 2. Philosoph. natur. cap. 6. 7. 8. 9.* Thomas Campanella *Apologia pro Galilæo pag. 41. 42.* Christoph. Wittichius in *consensu veritatis Cartesiana pag. 211. seqq.* Johan. Phocylides Holvvarda in *Physicâ cœlesti cap. 26.* Cumque Jacobus Galilæi Florentinus *Dialogis editis de Systematis mundi*, conaretur opinionem hanc propagare apud Italos, Cardinalium jussu evocatus veniebat Romam jam septuagenarius, flexisque in confessu genibus revocabat, insuper pœnitentiæ salutaris titulo ei injungebatur, ut tribus annis futuris quavis hebdomadâ semel recitaret septem Psalmos pœnitentiales, uti narrant Janus Nicius Erythræus *part. 1. Pinacotheca virorum illustrium num. 153.* Joh. Baptista Ricciolus *Tomo 1. Almagesti novi part. 2. pag. 497. seqq.*

III. Nos pro terræ immobili statione adferimus sequentia argumenta: (1) Quia sensus testantur, moveri stellas & quiescere terram. Atqui sano sensuum iudicio omnino standum est. Credimus oculis & auribus, ac non trahimus in dubium, quæ vidimus quæque audivimus ipsi. Ut aquam moveri & quiescere vide-

mus, ita quoque Solem & terram. Omniū oculi testantur hoc, non aliqui malè affecti. Et quomodò à terræ incolis non sentiatur terræ circumvolutio, qui motum Oceani sensibus deprehendunt? Excipiunt Copernicus, Wittichius *l. d. pag. 340. seqq.* Landsbergius: Motio terræ non potest ab hominum incolentium sensibus deprehendi ob immensam sui magnitudinem. Sensus verò in percipiendō astrorum motu errant omninò, tum quod astra maximo spatio à nobis distant, tum quod experimenta alia comprobant: Qui vehitur navi, ripas, littora, arbores ipsas moveri, se verò & navim quiescere putat, *Respondeo*: Sive magna sit terræ circumferentia sive parva, non impedit quò minus circumvolutio ejus possit notari à sensibus nostris. Quod verò oculis imponitur error, inconueniens omninò est, quandò non semper decipitur, qui semel ac iterum decipitur. Cum non adsunt requisita ad sensum necessaria, errores contingere non est mirum. Qui navi provehitur, ille celeri motu, loco admodum nutanti, rapitur, hinc illæ oculorum instabiles apprehensiones. Talis deceptio non potest à motione terræ contingere, quam imperceptibilem & æquabilem esse, Geomachi ipsi adstruunt.

IV. Siderum altitudo corpora tanta non eripit visu nostro. Uti enim lux corporum maximorum paret, ita & motus pateret, si quis talis esset. (2) Quia ratio confirmat, terram quiescere & stellas moveri. Probatur: Lapis in altum projectus rectâ serie ad locum illum, à quo emissus est, delabitur, si verò terra move-

tur, subduceret se intereà & alium longè locum peteret lapis. Tela quævis de arcu emissa, globus de bombardâ expulsus non ferirent rectâ scopum, sed prorsum aut retrorsum caderent. Nec avis ulla repperet nidum suum, ubi pullos habet, intereà enim, dum à nido suo abest, ille cum arbore sustinente ad locum alium promovebitur, & demum post certum temporis intervallum pristino loco restituetur, nec tamen in eo permanebit.

V. Excipiunt Copernicus, Wittichius *l. d. pag. 360. seqq.* Gilbertus Anglicus: Quandoquidem aer terræ superficiei undique superfluis motum terræ sequitur, radius terræ sursum in lineâ rectâ eductus, qui est gravium latio sursum versus, rapit secum, quæ in aëre hærent, non secus ac radii currulium rotarum ipsam rotam sequuntur. Ergò quoniam maxima pars aëris cum terrâ circumvolvitur, non est mirum, quandò projecta in aërem unâ circumvolvuntur. *Respondeo*: Quod aer inferior non moveatur ab ortu ad occasum, demonstrat satis motus corporum quorumcunque per aërem. Etenim si ita esset, tunc utiq; aer illis qui in eo moventur, magis resisteret ab occasu, quàm ab ortu, sicut in amnibus contingere videmus, ubi major resistentia percipitur ex illâ parte, unde aqua defluit, quàm ex oppositâ, nimirum adverso flumine haud ita promptè agitur quàm secundo. Atqui aer utique æqualiter resistere animadvertitur iis qui per ipsum moventur, tam ab occasu quàm ab ortu. Porro ad hoc potest mobilis regio aëris secum rapere projectos lapides, tela emissa,

globos expulsos, 'avem pertinaci virium impetu volitantem, quoniam nec movetur aër, quia rarissimum Elementum & ad motum circularem ob particulas suas nullâ partē sui coherentes efficiendum, prorsus ineptum est; nec validus adeo est, ut lapides magnos, globos ferreos, saxorum pondera, avium contranitentium vires infringere, & secum trahere possint, tam certo & constante motu, ut designatum locum repetant.

VI. Quis credat, lapidem molarem de turri altâ præcipitem factum ab aëre corripī, & per motum circularem ferri, ut rectâ lineâ ad turris pedes decidat? Quis credat, terram posse motu suo circumducere aërem, à quo continetur ipsa, ut non contineat eum? Dicit *Keplerus*: Aërem terris proximum comprehendī à montibus altis, ut cum iis circumducatur. *Respondeo*: Terræ superficies habet longissimos tractus, in quibus aut nulli sunt montes, aut solum exigui colles. Et quid de Oceano amplissimo dicemus, cujus superficies non ita fortè distincta est per montes & colles, adeoque à quo principio ille aër, qui aquis incubat, movebitur? Porro quare non lapis recidit in caput ejus, qui inter procurrendum emittit lapidem, & hunc in descensu post se relinquit? Quare non, si aliquis in curru existens projiciat lapidem, lapis movebitur eodem motu quo ipse & currus? Nimirum quia equi trahentes currum abeunt interim, & homo projiciens subducitur, ne lapis recidendo in eum feriat. Quare non aquæ fluviatiles rapidè & pertinaciter fluentes, modicum aliquem lapidem injectum corri-

piunt, ne rectâ lineâ perveniat ad fundum?

VII. Porro: (3) Sacrae literæ testantur, quod Deus fundaverit terram, ut non dimoveatur unquam loco suo, *Psal.* 89. 12. *Psal.* 104. 5. Dicit *Landsbergius*: Terram consistere super basin suam non quod sit immobilis, sed quod non dimoveatur à suo centro, neque discedat à loco suo, quemadmodum rota molaris, licet circumagatur, non tamen loco suo discedit. *Respondeo*: Est insufficiens expositio. Nos jungimus *fundatum esse, & non dimoveri*, quia hoc ex illo fluit. Quod fundatum est, consistit immotū, sicut omnia fundamenta loco firmo & immobili deponuntur. Terra verò est commune fundamentum pro habitatione animantium. Et quia locum habitationis præbet animantibus, ideo stabilis quies magis ei convenit, quam motus rapidus, *Esai.* 45. 18. (4) Quia ortus & occasus, non quidem terræ, sed astris expressè tribuitur, *Psal.* 19. 5. 6. *Psal.* 104. 19. *Ecclesiast.* 1. 5. *Iobi* 38. 32. 33. Et ipsæ illæ sacrae literæ pro miraculo habent, quod Sol & Luna steterint in cælo immobiles, *Iosua* 10. 12. 13. 14. *Sirach.* 46. 5. Cursus ergò naturalis est, cum quies miraculosa est.

VIII. Dicit *Landsbergius*: Sacrae literæ non tam propter aliorum motum docendum, quam propter fidem discendam consignatæ sunt. *Respondeo*: Verum equidem est, quod propter fidem cognoscendam sacrae literæ descriptæ sunt, attamen negari haud debet, verissima esse quæcunque de rebus naturalibus & moralibus eadem literæ sacrae differunt.

Notumque satis est, quod de rebus sacris, moralibus, naturalibus plurima tradant notatu dignissima, pari fide. Quibus negare velle assensum, impii foret atque dementis. Instat *Regius*: Dicuntur ista ex communi vulgi sententiâ & secundum apparentiam, quia homines à primis incunabulis attribuunt Soli motum, quod nullam in terris circumrotationem observare possint, *l. d. cap. 9.* Respondeo: Nequaquam dicuntur illa ad captum nostrum, quia semper sibi similes literæ sacræ ita loquuntur. Nec volunt illæ falsâ loqui, idè quia nos vera non capimus. Et absurdum fuisset, quod Josua diei ejus prolongationem in precibus suis ad DEum rogavisset per medium istud inconueniens. Et quod si aberravisset Josua, an perinde erraverit Scriptor sacer, cujus verba sunt, *ita sol stetit*. Quid tum erit firmi, certi, veri in sacris literis, quandò Scriptores ipsi hominum infirmitate laborant, incerta produnt, falsâ in literas referunt? Et quare non etiam secundum apparentiam stetit Luna, quam tamen verè stetisse affirmabunt Adversarii, qui dicunt lunam cum terrâ circumduci in orbem? Nulla est ratio, quare Sol steterit apparenter, Luna verè? Et magis ad captum nostrum terræ quies est, quàm motio. Sensibus enim patet illa, hæc aduersatur.

IX. Pergimus: (5) Quia si terra movetur, erit motus ille vel circularis vel rectus. Non est rectus, qui de fursùm tendit deorsùm & vicissim; ita

enim terra vel extrâ suum locum poneretur, vel fursùm moveretur contrâ naturam suam, quod utrumque est impossibile: cum Terra sit in loco suo, & naturâ suâ deorsùm tendat. Non est circularis, quoniam Terra fertur motu recto deorsùm, uti in partibus ejus spectare licet. Gleba terræ fursùm projecta repetit terram, & infrâ se rectâ movetur descendendo. Ergò cum terra habeat aptitudinem quâ motum rectum, non admittit eadem motum circularem. Unius corporis simplicis est unus tantum motus simplex. Dicit *Landsbergius*: Non valet consequentia à motu glebæ in terram recidentis ad motum terræ universæ, cum hæ partes terræ non sint homogeneæ, verùm heterogeneæ, & quæ multum aquæ continent. Respondeo: Effugium est, quod frustra veritati reclamat! Gleba etiam siccissima, quæque minimam aquæ portionem implicat, in altum projecta, simplice motu ad terram relabitur. Nihili igitur est diverticulum à partibus herogeniis delumptum.

X. Pergit *Landsbergius*: Quicquid æris & ignis naturæ est, per lineam rectâ ascendit; nihilominus æris & ignis Elementû circulariter ad cœli morû simul moveri, creditur vulgò. Perindè non poterit inferri: particulæ Terræ in rectâ lineâ deorsùm feruntur. Ergò terra non movetur circulariter. Namque eadem utrobique est ratio, Respondeo: Quæ de motu æris & ignis in orbem vulgò dicuntur, ea non sunt vero consentanea, uti

osten-

ostendimus loco alio. Quâ facilitate docentur, eâdem rejiciuntur. Neque enim Ignis habet locum sub concavo Lunæ. Aër nisi ventorum vel corporum transeuntium impetu agitur & dividatur, non movetur. Cælum est immobile, stellæ moventur in cælo. Præterea cum terra sustineat animalia, & animalia ipsa per se moveantur vario progressu in terrâ, ergo terra debet loco immoto perstare, ne impediatur operationes animantium.

XI. Denique: (6) Quia si moveretur terra, omnia ædificia, turres, templa conuulsata prolaberentur, animalia in caput provolventur. Hæc una ratio totum hoc figmentum elidit. Et quamvis Copernicus suas hîc periclitetur vires, datamque rationem evertere omni laboraret conatu, frustratamen ille veritate reclamât. *Dicit*: Terra uniuersa circumvolvitur æquabiliter, atque ponderosa omnia adeo arctè inhærent superficiei terræ, ut sine vi magnâ non possint diuelli. Cum ergo terra tota circumvolvitur, hæc locis suis adhærent, & sensim circumeunt unâ, nec labi quòquam possunt, quando quidem Natura satis firmiter ista agglutinavit terræ. *Respondeo*: Sunt multæ substructiones, quas fabricatores deponunt in terâ, uti sunt templa, domus, arces, palatia, tuguria, horrea, quæ certè non adeo firmiter intrâ terram depanguntur, quin conciderent, si terra circumvolueretur, animantia ipsa præcipitio corruerent, quæ suspensio gra-

du in superficie terræ progrediuntur, & vinculo nullo à Naturâ cum illâ copulantur.

XII. Instant Copernicus & Landsbergius: (1) Quod Terra sit rotunda, adeoque apta satis ut circumvolvatur. *Respondeo*: Non minus rotunda sunt astra, insuper sunt leuissima, velocissima, unde motus eorum tantò magis perficitur, quandò terra est gravissima & veluti pìgra. Id non dissimulant literæ sacræ: Sol lætatur uti robustus decursurus viâ suâ, *Psalm.* 19. 6. 7. *Psalm.* 147. *Ecclesiast.* 1. 4. Putat quidem Copernicus, dici ista secundum opinionem hominum. Atqui eodem modo ventum spirare, flumina in Oceanum deferri, aërem commoveri, tantum ex opinione hominum dixeris, quod intolerabile est, & certitudinem rerum omnium ad falsam hominum persuasione referendo confellit auctoritatem literarum sacrarum. Miratur Copernicus, quomodo astra in tantâ motus pernecitate ita constanter suas ab invicem distantias custodire possunt? Atqui convenit mirari super Naturæ conditoris potentiâ, quod testimonium ejus in cælo exstare voluit, ut moveantur astra celerrimè & cum bono ordine, *Psalm.* 19. 1. *Psalm.* 147. 4. (2) Nobilissimum est quiescere quàm moveri. Ergo illud competit sideribus, hoc verò terræ. *Respondeo*: Antecedens falsa est. Mobilia sunt corpora præstantissima, id est, animalia, immobilia sunt lignum & lapis, sed præstantiâ suâ infrâ animantia sunt.

Cada.

Cadavera immobilia sunt, an verò etiam nobiliora præ corporibus viventibus, & motu præditi? Negatur. Proinde invertimus: Quoniam moveri dignus & præstantius est quàm quiescere, magisque vitæ proximum, ideò motus datus est præstantiori & digniori parti mundi nempe regioni cœlesti. (3) Absurdum est, corpori continenti motum adscribere, & non potius contento, quod est terra. *Respondeo*: Imò absurdum est, Terræ pigro, crasso & ad motum circularem ineptissimo Elemento imponere motum, astris derogare. Sed nec verum est, quod astra sunt continens subiectum respectu terræ, quin sunt contentum & locatum respectu cœli. Terram fundavit Naturæ Opifex, ut in perpetuum non moveatur, quo hinc tanquam ex centro quiescente, cœlestium corporum quæ lucida sunt, quæq; motioni celerrimæ admodum apta sunt, spontèque hanc appetunt, curricula stupenda & indefessa contemplari liceret, Divinique numinis majestatem quasi in speculo intueri, ait Brahæus lib. 1. *Epistolar. Astronomic. pag. 191.* (4) Terra in complexu aëris & aquæ posita est ab Opifice naturæ, quasi in lubrico, motus gratiâ, scilicet ut nihil esset, quod circumvolutionem ejus impediret. *Respondeo*: Terra gravissimum Elementum est, adeoq; infra aërem meritò locatur, qui est corpus levissimum. Non verò ideò, ut circumvolvatur. Et falsum est, quod aqua loco altiori posita est, quàm terra. (5) Quodcumq; movetur, in loco movetur. Atqui cœlum non est in loco, quia suprà cœlum nihil est, à

quo ambiatur. Ergò cœlum non movetur. *Respondeo*: Falsa est minor propter falsam definitionem Loci, ut diximus *suprà lib. 3. cap. 3. dist. 7.* (6) Nulla est ratio, quare Sol & cœlum moveatur, sed cur terra moveatur, est ratio, ut obversis undiquaq; Soli partibus radios benivolos ejus percipiant. *Respondeo*: Atqui idem contingit, quando Sol in orbem circumrotatur. Periodum enim suam quotannis absolvendo, terræ partes alias & alias collustrat radiis suis. (7) Quodcumq; movetur, illud debet grave esse. Atqui cœlo inest levitas, terræ gravitas. Ergò terra potius movetur quàm cœlum. *Respondeo*: Terræ gravitas procurat magis, ut perpetuo immobilis sit. Quò graviora sunt corpora, eò difficilius moveri illa cernimus. Rursum, facile moventur, quæ levitatis principium in se habent. Et si aliquandò gravitas movendæ rei alienius causa est, tunc id per accidens fit, nec perpetuus & similis est motus ille, sed incertus, brevis, molestus, & cum aliquo renisu.

CAPVT NONVM,

De qualitatibus Elementorum.

SUMMARIA.

1. Ratio ordinis.
2. Qualitates Elementares.
3. Primæ qualitates.
4. Elementorum forma.
5. Rationes nostræ.
6. Resellitur Zabarella,

7. Definitio caloris.
8. Definitio frigoris.
9. Definitio humiditatis.
10. Definitio siccitatis.
11. Definitiones vulgares.
12. Solvitur exceptio.
13. Zabarella refellitur.
14. Frigus congregat.
15. Humidum continetur termino.
16. Elementorum alteratio.
17. Refellitur ista.
18. Actio, Passio, Reactio.
19. Orta qualitates.
20. Levitas.
21. Gravitas.
22. Raritas.
23. Densitas.
24. Causa rarefactionis.
25. Elementorum mutatio.
26. Motus localis.
27. Elementorum motus.
28. Rationes nostræ.
29. Solvuntur objectiones.

I. **F**Verunt species Elementorum, sequuntur eorum qualitates.] Rationem ordinis vide *suprà* cap. 1. dist. 17.

II. Qualitates Elementorum sunt accidentia per quas agunt & patiuntur.] Sunt enim instrumenta, per quæ Elementorum formæ operantur.

III. Suntque vel prima vel orta. Prima sunt, quæ à seipso dependent.] Et à quibus copulatis invicem atque temperatis aliæ Elementorum qualitates profluunt. Dividunt vulgò in activas & passivas, ut activæ sint calor & frigus, passivæ sint humiditas & siccitas, Archang. Mercenarius Tomo 1. dilucidat. *Peripatericarum* pag. 239. Piccolomineus libro de qualita-

tibus primis cap. 8. Keckermanaus lib. 2. Syst. Physic. cap. 7. Mocenicus lib. 4. Contemplat. Philosoph. part. 1. cap. 4. Verum ista divisio enervat proprietates qualitatum. Non minùs enim agunt humiditas & siccitas, quam calor & frigus. Aqua humida in terram aridam agit, madefaciendo illam. Ignis siccus in vestem madidam agit, desiccando illam, & aquam resolvendo in vapores, ut emigret.

IV. Quæritur hic: An qualitates illæ sint formæ Elementorum? Respondeo: Veteres Peripatetici, Alexander Aphrodisæus, Themistius, Simplicius commentariis ad lib. 1. de Cælo text. 36. Ammonius exposit. ad predicamentum substantiæ, Philoponus Disput. 11. contra Proclum, docent, qualitates primas esse ipsas Elementorum formas, & differentias substantiales materiæ primæ superadditis, ut Elementa constituent. Sequuntur Antonius Zimara lib. 2. de animâ text. 18. Bernh. Telesius lib. 2. de naturâ rerum cap. 20. seqq. Joh. Riolanus lib. 3. de principiis Physic. cap. 4. & 5. Michaël Watsonus in Collegio Physico Disputat. 8. dist. 6. Rationes adferunt: (1) Differentia sumitur à formis. Atqui qualitates primæ sunt Elementorum differentiæ. Ergò. (2) Quodcunque dat esse rei, illud est forma. At qualitates dant esse Elementis, ut Elementa non possint sine qualitatibus esse. Ergò. (3) Actio omnis provenit à formâ. Atqui per qualitates agunt Elementa. Ergò qualitates sunt formæ Elementorum. *Hæc illi.* Verùm non satis efficaciter inferunt rationes istæ. Nam: (1) Major vacillat. Latent formæ, nec possunt certo insigniri nomine. Tunc igitur pro

tur pro differentiâ sumuntur propriæ affectiones & operationes. (2) Negatur Minor. Qualitates illæ fluunt proximè ab essentiâ Elementorum, sed non constituunt ipsam essentiam. (3) Qualitates sunt instrumenta formarum, non verò formæ ipsæ.

V. Statuimus proinde, formas Elementorum nobis ignotas & innominatas esse. Qualitates verò non esse formas, rectè differunt Zabarella *lib. 1. de Qualitatib. Elementorum cap. 2.* Piccolominius *lib. 2. de Elementis cap. 5.* Toletus *lib. 2. de generat. & corrupt. cap. 2. quæst. 1.* Johan. Hellepontius *lib. 2. de generatione cap. 6. 7.* Et probatur: (1) Omnis forma est substantia. Atqui Elementorum qualitates non sunt substantiæ. Ergò non possunt esse formæ. (2) Nulla forma in sensus incurrit. Atqui Elementorum qualitates in sensus incurrunt. Ergò qualitates Elementorû non sunt formæ eorum. Major constat: Inspice formam hominis, lapidis, metallorum, plantarum, & palpabis nullam. Indè sequitur à fortiori: Quodsi mixtorum formæ sunt insensibiles, multò minus corporum simplicium formæ à sensibus percipiuntur. (3) Quodcunq; duplicem unius rei constituit formam, illud est absurdum. Atqui sententia de qualitatibus Elementorum formæ loco tribuendis duplicem unius rei constituit formam. Ergò sententia illa est absurda. Major nititur vulgatâ regulâ: Unius rei est tantum forma una. Minor probatur: Aqua est primum subiectum frigoris & humiditatis. An hæc est forma duplex? Sinon est, quæ ergò ex alterutrâ est? Ambæ æqualiter inhærent

& denominant. (4) Quodcunque intenditur & remittitur, illud non est forma. Atqui qualitates Elementorû intenduntur & remittuntur. Ergo qualitates non sunt formæ. Major constat, quia formæ non recipiunt magis & minus, sed positæ sūt in indivisibili. Minor probatur: Calor alius præ alio validior est, frigus nunc intensius nunc remissius est. Et quanquam Telesius *l. d. cap. 27.* probare conetur, formas materiales omnes accidentia esse, hoc tamen falsum esse, ostendimus *suprà lib. 1. cap. 4. dist. 30. seqq.* Scilicet, omne corpus naturale formam substantiæ necessariò requirit, per quam in specie suâ constituatur. Accidentia verò tanquam posteriora substantiis, non possunt substantias ipsas constituere.

VI. Docet Zabarella, quod Elementa dupliciter considerantur, semel absolute uti corpora naturalia & partes mundi continentes, quomodo istæ qualitates sint effectus formarum nobis incognitarum; deinde relatè, quatenus constituunt mixtum, quo sensu istæ qualitates incipiant esse formæ Elementorum, & habeant rationem principii. Non esse hoc absurdum, quandò jam olim notavit Themistius *digress. magna ad lib. 1. Phys.* & manifestum est in rebus alijs. Homini enim quatenus est homo, filium habere est accidens separabile, idem tamen eadem quatenus est pater, est essentiale. Alia competunt rei, ut absolute sumptæ alia eidem, uti ad aliud relatæ, *libro de constitutione scientie naturalis cap. 22.* Eadem habent Franciscus Picus *lib. 2. de Elementis cap. 4.* Cæsar Cremoninus *libro de formis Elementorum sect. 2. cap. 2.* Respondeo:

Quod

Quod Elementa possiat dupliciter considerari, verum equidem est, sed quod Elementorum qualitates in misto constitutæ degenerent in formas eorum, dictum absurdum est. Quod enim per se accidens est, illud nullo modo substantia esse potest, quando mutatio rei unius in aliam toto genere diversam per naturæ vires omnino impossibilis est. Sunt enim qualitates in accidentium genere, Elementa vero substantiæ sunt, quomodo-cumq; considerentur, neq; enim conceptus Metaphysici debent rebus ipsis repugnare. Nunquam igitur fiat, ut qualitates istæ transeant in naturam formarum substantialium. Elementorum formæ per qualitates, velut instrumenta sua, res suas peragunt, & mistorum operationes dirigunt, sed formæ ipsæ non sunt, uti rectè nobiscum differit Scipio Cæsenas Clararamontanus lib. 11. de *Uniuerso* cap. 3. 4. 5.

VII. *Talesunt Calor, Frigus, Humiditas, Siccitas. Calor est qualitas, secundum quam Elementum calefacit.*] Et calefaciendo attenuat, solvit, coquit, digerit. Hoc proprium Ignis est. Cibus in ventriculum demissus à calore calefit, attenuatur, solvit, coquitur, digeritur. Carnes in lebete ad ignem expositæ calefiunt, attenuantur, solvuntur, coquantur, digeruntur.

VIII. *Frigus est qualitas, secundum quam Elementum frige facit.*] Et frige faciendo densat, adstringit, obstruit. Hoc proprium Aquæ est.

IX. *Humiditas est, qualitas, secundum quam Elementum humectat.*] Et humectando emollit. Hoc proprium Aquæ est.

Lutum induratum post affusam aquam evadit mollius, & humore nimio madefactum dissolvitur.

X. *Siccitas est qualitas, secundum quam Elementum exsiccat.*] Et exsiccando indurat. Hoc proprium Ignis est. Vestes humidæ igni appositæ desiccantur, humore attenuato, ut in modum vaporis exfudet atque egrediat.

XI. Definitiones vulgares sunt: *Calor* est qualitas activa, congregans homogœna & disgregans heterogœna. *Frigus* est qualitas activa, congregans homogœna & heterogœna. *Humiditas* est qualitas passiva termino proprio difficulter terminabilis, alieno facilè. *Siccitas* est qualitas passiva termino proprio facilè terminabilis, alieno difficulter. Ità Aristoteles lib. 3. de *Cælo* cap. 8. text. 74. & lib. 2. de *generat. & corr.* cap. 2. text. 8. Dicunt Interpretes, quod Philosophus definiat qualitates non absolute consideratas, uti Elementis velut corporibus simplicibus extramixta insunt, sed uti iisdem, dum mixturem ingrediuntur, conveniunt. Exemplis illustrare volunt. Calor ventriculi congregat, quæ in unam chyli massam converti possunt, cætera uti excrementa segregat. Cera à frigore condensata lapillos, paleas, aliæque commista conjungit; tempore etiam hyberno frigus, lapides, lignum, stramina, ossa & terram madefactam compingit. Aqua termino proprio difficulter continetur, fluit ac refluit, alieno facilè continetur, nimirum vase aliquo conclusa. Terræ soboles lapis figurâ suâ facilè clauditur, alienos verò terminos non recipit, projectus in aliquod vas non figuratur ad

valis figuram, sed figuram propriam retinet, Barthol. Keckermannus *lib. 2. System. Phys. cap. 7.* Sennertus *lib. 3. Epitom. Phys. cap. 1.* Jacchæus *lib. 6. Institut. Physic. cap. 3.* Rod. Goclenius *lib. 3. Disputat. Physic. 12. dist. 59. 60.* Contarénus Venetus *lib. 3. de Elementis pag. 132. seqq.* Nos descriptiones illas partim alienas, partim falsas esse censemus. Alienas, quia proprias qualitatum actiones omittunt. Falsas, quia effectus ille qui calori adscribitur, frigori quoque competit. *Argumenta sunt ista:* (1) Ubique propriæ & primariæ qualitatum actiones omittuntur, ibi definitio mutila est. Atqui in vulgatis Definitionibus propriæ & primariæ qualitatum actiones omittuntur. Ergo Definitiones illæ mutilæ sunt. Minor probatur, quia calefacere, frigefacere, humectare, exsiccare sunt propriæ & primariæ caloris, frigoris, humiditatis, siccitatis actiones. *Regerunt:* Cum qualitates manifestæ per qualitates internas definiuntur, ineptum est, quia idem per idem describitur, Sennertus & Jacchæus l.d. *Respondeo:* Atqui bonæ definitionis leges in Peripateticorū scholis promulgatæ jubent, ut activæ qualitates per actiones suas describatur, Matthias Flacius *lib. 4. Dialectica cap. 3. seq.* Neque verum est, idem per idem describi, cum qualitates & actiones differant toto prædicamento.

XII. Neque valet effugium alterum, *qualitates non considerari hoc loco absolute, uti operationes proprias habent, sed respectivè, uti operantur in misto.* Et hoc sensu rectè se habere definitiones vulgatas. Generatio enim misti consistit in congregatione eorum, quæ homogenea sunt, atque in ter-

minatione humidi cum sicco, Jacobus Zabarella *lib. 2. de qualitatibus Elementorum cap. 2. Respondeo:* Definitiones haut debent propter externos respectus variari, ut præferantur accidentalialia in rebus, neglectis aliis quæ rei ipsi per naturam propriam & evidentem insunt. Cæterum à formâ ipsâ fiunt segregationes & congregationes, non à calore & frigore. Ubique ad formam velut principalem causam recurrendum est, neutiquam verò in calore, frigore, aut aliis accidentibus subsistere debemus. Porro: (2) Quodcumque non solus præstat calor, id proprium ejus non est. Atqui congregationem homogeneorum & segregationem heterogeneorum non solus præstat calor. Ergo congregatio homogeneorum & segregatio heterogeneorum proprium caloris non est. Major per se constat. Minor inde patet, quia ubique viget raptus similium & fuga dissimilium. Flumina quæ frigida sunt, etiam homogenea congregant, heterogenea segregant, ad ripas ejiciendo cadavera & fordes. (3) Quicquid non omnis præstat calor, illud non est proprium caloris. Atqui congregationem homogeneorum & segregationem heterogeneorum non omnis præstat calor. Ergo congregatio & segregatio illa non est proprium caloris. Minor probatur, quia nimius calor turbat omnia, & congregat ipsa quoque heterogenea. Calida urina nec sedimentum ullum habet, nec ullum aliud contentum, & verò sedimentum ad locum infimum non tam à calore propellitur, quod falsò persuadet sibi Zabarella *lib. 1. de qualitatibus Elementar. cap. 3.* quàm quod sedimen-

sedimentum grauius est sublimamento & nubeculâ, hinc distincta loca occupantur.

XIII. Dicit *Zabarella*: Si in aliquâ cerâ induratâ commisti sint lapides & paleæ, & cera per calorem liquefiat, congregantur in fundo omnes lapilli, in superficie verò omnes paleæ supernatant, & in medio manent omnes partes ceræ. Separantur igitur à calore heterogenea, ut homogenea congregentur. *Respondeo*: In cerâ lapilli congregantur lapsu facto ad fundum, non tam idèò quod à calore propelluntur, quàm quod ob naturalem gravitatem infimum locum petant. Impediebatur antè descensus ob ceræ tenacis crassitiem, admoto igne solvitur crassities, & lapilli petunt locum naturalem. Paleæ verò quomodò per ceram ipsam adscendant, non satis clarè apparet, pinguior enim & tenacior ceræ substantia id non permittit.

XIV. Pergimus: (4) Quòd cunq; frigus ex se non præstat, id non rectè ponitur in definitione frigoris. Atqui congregatio heterogeneorum non est ut eam frigus ex se præstet. Ergò congregatio heterogeneorum non rectè ponitur in definitione frigoris. Major constat, quia illa quæ per accidens sunt, non debent inferi in definitionibus, dicente ipso *Zabarella l. d.* Minor probatur, quia hiberno tempore frigus non cōgregat grana tritici, hordei, avenæ, paleas, lapillos, manentque omnia illa distincta, siue frigidus siue calidus fuerit aër. Flumina frigida evomunt cadavera, sordes & alia, devolvendo ad litus. Quoties verò frigus heterogenea conjungit, alterius ope illud facit.

Scilicet per accidens, quando mador & humiditas in superficie corporum datur, concrefcunt ea, & à frigore constringuntur heterogenea, ubi verò non adest humor, ibi nulla prorsus fit copulatio & conjunctio. Itaque corpora sicca, quamvis frigori exponantur, non tamen conjunguntur, uti in acervo diversarum rerum videre est. Dicit *Zabarella*: Si à frigore cera condensatur, omnia quæ in eâ sunt conjunguntur, lapilli, paleæ, & conjuncta manent, donec à calore conjunctionem solvente disseparentur. *Respondeo*: Cera fluida non caret madore, itaque colligantur lapides, ligna, stramina, paleæ, quando à frigore superueniente constipatur fluor, & constringuntur unâ, quæcunque in fluido hæcenus corpore exstant. Tunc inquam, frigus ambiens constringit ista, & per accidens conjungit.

XV. Addimus: (5) Quòd cunq; non sola præstat humiditas, id proprium ejus non est. Atqui suo termino contineri difficulter non sola præstat humiditas. Ergo suo termino contineri difficulter proprium caloris non est. Minor probatur, quia ignis æquè, quin imò magis adhuc difficulter suis continetur terminis, quam aqua. At humidus ignis non est, verùm siccus. *Dicunt*: Ignis difficulter servat terminos suos propter tenuitatem, *Zabarella lib. 1. de qualitatibus Element. cap. 7.* *Respondeo*: Pronunciat *Zabarella* adversus seipsum. Undecunque enim sit, quod ignis difficulter continetur alienis terminis, constat definitionem humiditatis vitiosam esse. Ità enim in-

ferimus: Quodcunque rei propter tenuitatem convenit, id non debet humiditati imputari. Atqui terminorum conservatio difficilis rei propter tenuitatem convenit. Ergò non debet humiditati imputari. Perindè non admittimus illud, quod dicit Zabarella, *per accidens hoc fieri in igne, quod hic atque illic lucrat*. Di-verticulum est, quod querere prava eum coëgit causa. Scilicet. quomodò tenuitas per se, non verò per accidens igni inest, ità quoque effectus tenuitatis non quidem per accidens, verum per se competit igni. (6) Quodcunque non sola præstat siccitas, illud proprium ejus non est. Atqui termino proprio facile contineri non sola præstat siccitas. Ergò illud proprium siccitatis non est. Minor patet à naturâ oppositorum: Quomodò enim ob tenuitatem corpora naturalia mutant terminos suos, ità ob densitatem conservant terminos. Lapis densus est, terra densa est, hinc terminos servant, & non diffluunt. Rursus: Omne siccum facile termino proprio continetur. Atqui Ignis est siccus. Ergò Ignis facile proprio termino continetur. Conclusio falsa est. Ergò laborant præmissæ. Sed minor constat. Ergò cadit major. Hactenus ista.

XVI. *Queritur: An Elementa alterentur?* Respondeo: Docent communiter quod Elementorum qualitates propriæ mutari & permutari invicem possint, manente eodem subjecto, ut tamè Elementa ipsa nec pereant nec communicentur: Aquam fieri calidam, quæ in se frigida est aërem fieri siccum & frigidum, qui in se calidus & humidus est. Ità Conimbri-

centes *lib. 1. de Generat. & Corrupt. cap. 4. quest. 1. artic. 1. 2.* Jacchæus *lib. 6. Institut. Physic. cap. 9.* Keckermannus *lib. 1. System. Phys. cap. 4. & lib. 2. Cap. 6.* Johan. Poncius Legionensis in *Cursu Philosophico Disputat. Phys. 23. quest. 1. 2. 3. 4. 5. 6. 7.* Bernhardus Morifanus *commentariis ad libros de generatione & corruptione pag. 486. seqq.* Franciscus Oviédo in *Cursu Philos. tractatu de generat. & corrupt. Controvers. 4. sect. 1. 2. 3. & Controvers. 6. sect. 1. 2. 3. 4. 5. 6.* Wilh. Chabronus in *Cursu Philosoph. Tomo 3. pag. 31. seqq.* Duncanus Liddelius *lib. 2. Institutionum Medicarum cap. 1.* Franciscus Murcia in *Cursu Philos. part. 4. pag. 21. seqq.* Arnoldus Senguerdus *lib. 3. Introduct. Phys. cap. 2.* Nōtra sententia est, quod alteratio non sit tantum in qualitatibus mutatio, uti vulgò definiunt, verum insimul corporis alieni participatio. Et mutatio illa qualitarum est, non quidem ut hæc prorsus aboleantur, sed ut reprimantur, ne in sensum incurrant. Aqua ad ignem apposita calefit, id est, frigus aquæ propria qualitas mutatur, non quod eam prorsus & quæ actum primum deponat, sed quod propter igniculos in copiâ majore præsentem reprimatur frigus, quæ actum secundum, id est, ne per tactum sentiatur. Eandem ob causam aqua fervida vim urendi habet, expulsiisque igniculis redit aqua ad frigus pristinum. Nimirum, cum remouetur à foculo, sensim exhalant igniculi, neque succedunt novi, & aqua post ejectum hospitem violentum, propriam qualitatem exercendo, ferit sensum, ut deprehendatur tactu.

XVII. *Contrà vulgatam alterationem*

nem inferimus: Quæcunq; sententia infert propriorum à subjectis suis separationem, illa est absurda. Atqui sententia vulgata infert propriorum à subjectis suis separationem. Ergò sententia vulgata est absurda. Major ex Canone constat: Propria non separantur à subjectis suis. Minor probatur: Proprium aquæ summa frigiditas est, proprium ignis est summa caliditas. Tolluntur hæc propria à subjectis suis per alterationem istam. Rectè dicit *Scaliger*: In aqua fervente qualitas est, quæ urit. Ergò sicca est. Non urit lignum, sed urit cutem. Quia in hac est proportio, in illo non. Neque aqua fervens est ignis, quatenus aqua est, sed quatenus ignita. Est igitur habens ignem & siccitatem, quem in fumo abeunte comprehendimus intelligentiæ, atque etiam sensui. Urit enim. Qui calor in aquâ est, ignis est, contrario suo permixtus. Abit igitur. Hæc nostra ratio etiam tuâ definitione fulta est. Ignis, inquit, est maximus calor. Argumentum procedit sic: Aqua fervens urit. Omne urens est ignis. Appone tu conclusionem, *Exercitat.* 14.

XVIII. Pergit *Jacchæus*, multisque differit verbis de Actione, Passione, Reactione, Contactu. Scilicet Actionem esse, ait, assimilationem agentis qualitatis sensibilis ad qualitatem contrariam patibilem, verbi gratiâ, cum calor afficit aquam frigidam oppeignis: Passionem esse, dicit, assimilationem patientis qualitatis ad contrariam qualitatem agentem sensibilem, verbi gratiâ, cum aqua frigida ab igne calido afficitur. Reactio est mutatio, quâ illud

quod patitur, renititur adversus agentem causâ, illamq; commutat, dum ab eâ mutatur, itâ ut agens pati & patiens agere quodammodò dicatur. Sic cum quis glaciem apprehendit manu, patitur glaciæ à manu & liquefcit, manus verò à glaciæ repatitur & frigescit. Contactus est unio duorum corporum juxtâ superficies cum mutuâ actione & passione. Sic Elementa in misto sese invicem tangere dicunt, itâ ut superficies eorum simul sint cum mutuâ passione & reactione. Hæc ille *lib. 6. Institut. Physic. cap. 5. 6.* & prolixè *Johan. Poncius in Cursu Philosoph. Disputat. Phys. 25. quest. 1. 2. 3. 4. 5.* *Franciscus Oviedo in Cursu Philosoph. Tractatu de generat. & corrupt. Controvers. 5. sect. 1. 2. 3. 4. 5.* *Wilhelmus Chabronus in Cursu Philosophico Tomo 3. pag. 85. seqq.* *Joh. Velcurion lib. 2. Institut. Physic. cap. 19. 20. 21.* *Johan. Hellefontius lib. 1. de generatione cap. 7. 8.* *Franciscus Murcia in Cursu Philosophico part. 4. pag. 56. seqq.* *Franciscus Piccolomineus commentariis ad lib. 1. de generat. & corruptione pag. 207. seqq.* *Antonius Ruvio commentariis ad lib. 1. de generat. & corruptione cap. 9. quest. 1. 2. 3. 4. 5. 6. 7. 8. 9.* *Bernhardus Morifanus commentariis ad libros de generatione & corruptione pag. 505. seqq.* Quæ omnia lubrico innituntur fundamento. Elementorum alterationem qui negat, ille etiam datas Actionis Passionis & Reactionis rationes approbare nequit. Actio non semper consistit in assimilatione contrarii, adeoq; experientia quotidiana convincit, quod simile patiatur à simili. Calidum enim attrahitur à calido, frigidum à frigido, & simile multoties patitur à simili. Pedes frigore corrupti in aquam

aquam frigidam deponuntur, ita frigus aquæ prolicet frigus de pedibus, ut illi sanentur, ait Thomas Bartholinus *libro de nivis usu cap. 29.* Manus adustæ igni focario admoventur ut ignem adurentem evocent. Serpents morsus venenosi curantur superillito unguento de serpentis adipem confecto. Denique Reactio exponi debet, ut non ad nudas qualitates, sed magis ad substantias qualitibus præditas referamus effecta naturæ. Quando enim manus à glacie frigescit, substantia frigida in manu sese insinuat. Et cum glacies à manu incalescit, substantia calida è manu progreditur, & glaciei permiscetur.

XIX. *Orta sunt, quæ à primarum qualitatum contemperatone oriuntur.*] Levitas & raritas à caloris & siccitatis : Gravitas & densitas à frigoris & humiditatis contemperatone oriri putantur.

XX. *Tales sunt Levitas & gravitas : raritas & densitas. Levitas est qualitas, secundum quam Elementa sursum moventur.* Ut levitas aëris & ignis. Quod enim vapores aquosi perpetuò sursum feruntur, propter ignem est, qui verè levis est. Eo cum privantur, descendunt.

XXI. *Gravitas est qualitas, secundum quam Elementa deorsum moventur.*] Ut gravitas aquæ & terræ.

XXII. *Raritas est qualitas, secundum quam Elementa sunt liquida & pervia.*] Ut liberum transitum concedant, atque ipsa etiam permeent corpora alia. Ignis pervadit ferrum ac lapides : aër permeat muros & parietes.

XXIII. *Densitas est qualitas, secundum quam Elementa sunt solida & impervia.*] Ut

non concedant liberum facilemque transitum, atque ipsa etiam non facile permeent corpora alia. Densa est aqua, densior est glacies, densissima omnium terra est, quatenus aut omnino prohibent transitum, aut difficulter satis concedunt.

XXIV. Differunt Franciscus Toletus *lib. 4. Comment. Phys. cap. 9. quest. 2. Coenimbricenses lib. 1. de generat. & corrupt. cap. 5. quest. 17.* Antonius Ruvio *commentariis ibidem quest. 12.* Hurtardus de Mendoza in *Cursu Philosophico Disputat. Phys. 4. de generatione sect. 4.* Oviëdo in *Cursu Philosophico Disputat. 7. de generatione sect. 5.* Franciscus Murcia in *Cursu Philosoph. part. 2. Disputationum pag. 246. seqq.* Philipus de Sanctâ Trinitate in *Summâ Philosophicâ lib. 1. de generatione pag. 243. seqq.* Bernh. Morifanus *commentariis ad libros de generatione & corruptione pag. 503. 504. seqq.* Raimundus Mailhat in *Summa Philosoph. Tomo 3. pag. 228. seqq.* & Interpretes alii, quænam sint causæ generationis & corruptionis. Tres proferunt. Prima est alteratio secundum caliditatem & frigiditatem. Calefactio, inquit Toletus, rarefactionis est causa, frigeffectio verò condensationis, non quod ipsa calefactio sit rarefactio, aut quod frigeffectio sit condensatio: sunt enim alterationes diversa. Sed quod ex illis istæ sequantur, uti ex causa. Respondeo: Qualitates Elementorum sunt Elementorum propria, nec separantur, nec intenduntur, nec remittuntur, adeoque Elementorum alteratio figmentum est, uti suprâ dictum est. Deinde: calor nõ dat raritatem, sicut nec à frigore densitas est. Nix rara est, sed frigida, fungi sunt rari, non verò calidi, raræ sunt cucur-

cucurbitæ & certè frigida, pumex est frigidus & rarus. Dicit Toletus, *pumex habet in propriam raritatem*. Atqui non habet in propriam levitatem, & ob idem habet propriam raritatem. Sequitur utraque qualitas naturam pumicis, itaque pumex habet poros aëre plenos.

XXV. *Secunda causa est generatio*. Cum inferiora Elementa, *ajunt*, ex superiorib⁹ fiunt, ut ex igne aër ex aëre aqua, ex aquâ terra, condensatio est, cum verò e contrâ ex inferiorib⁹ superiora, rarefactio est, & hoc satis est experientiâ compertum. *Respondeo*: Causam ponunt, quæ non est. Nulla est Elementorum transmutatio, uti dictum est *suprà cap. 1. dist. 7. seqq.* Instat Toletus, *videmus fumum ex ligno prodeuntem, & vapores aqua multò majorem locum occupare*. Verum hoc quidem est, sed nihil probat. Vapores majorem occupant locum præ aquâ liquida, quia non solum aquâ, sed & igne & aëre constant. De fumo est eadem ratio, quia non sola terra est, sed quia multum ignis, multumque aëris in se continet, uti constat.

XXVI. *Tertia causa est motus localis*. Hic, *inquiunt*, densationem facit, ex nimia enim partium compressione fit aliquandò condensatio, quomodò aër ex ventorum motu condensatur, quo cessante rarefit. *Respondeo*: Quod si aër per compressionem fit densior, unde quæso illud est, aut quò evadit illud, quod expellitur? Forsan vacuum. Aut fiet penetratio dimensionum. Exempla tamen cumulat Toletus. *Primum est*: Videmus igitur appositas castanias, ova, glandes magno cum impetu rapi & pro-

jici, quod non fit, nisi quia cum ista ventosa sint, ipsorum aër intus inclusus à calore rarefit, ac rarefactus majorem petiit locum, quem extrâ quærit. *Respondeo*: Causa hujus impressionis non est aër, quippe qui rarefactus faciliè sine strepitu per poros egredi posset, verum provenit hoc à spirituosius effluviis. Subit ignis quaquaversus per castanias, glandes,avorum corpulentiam, & materias statuas resolvit. Resolutæ illæ cum maximâ ignis parte non sine impetu profiliunt. Rapas & fabas qui comedunt, flatus molestos habent, profectò non ob aërem, sed ab effluviis spirituosius, quorum potestas in talibus commovendis est maxima. *Secundum est*: Experimur, frigidam aquam occupare majorem partem ollæ, calefactam verò excedere ollam. *Respondeo*: Causa rei hujus est, non quod raritas majorem locum postulat, sed quod corpora plura non perinde loco uno concludi possint. Ignis subjectus intrat per ollam, à quò confurgit aqua, tumescit, bullas jacit, exsilit. Quo ejecto, aqua confidit, deprimitur, minoremque occupat locum, postquam cum vaporibus abiit pars aliqua, itaque corpora pauciora occupant spaciū minus, plura majus. *Tertium est*: Ut res & vesicæ plenæ aëre, cum igni apponuntur, si comprimuntur, accedenti maximè resistunt, quia aër rarefactus latera continentis fortiter occupat ac extendit. *Respondeo*: Quod resistit, non tam est à raro, quàm ob plenum. Si vacuum adesset, quod pars impressa occupare posset, non resisteret vehementer. Cum verò non detur penetratio

dimensionum, cogitur resistere. Quod utres & vesicæ aëre plenæ igni admotæ extendatur magis atq; intumescant, causa est, quia ignis corpus est, quod cum intrat, suū quoq; dari sibi locum postulant.

XXVII. Restat quæstio: *A quonam principio moveantur Elementa levia, cum ascendunt, & gravia cum descendunt?* Respondeo: Interpretes valdè sese macerant, & nunc ad principiū generans, nunc ad impedimentum removens, nunc ad aliam causam confugiunt, Antonius Ruvio Rhodensis *commentariis ad lib. 8. Physicorum pag. 540. seqq.* Tolétus *commentario ibidem. cap. 4. quæst. 2.* Conimbrienses *ibidem quæst. 1.* Fr. Suarez *Disputat. Metaphys. 18. sect. 7. num. 21.* Andreas Cæsalpinus *lib. 3. quæstionum. Peripatet. pag. 429. 430.* Johan. Casus *lib. 7. Commentariorum Phys. pag. 843. seqq.* Didacæus Masius *commentar. ad lib. 8. Physicor. pag. 490.* Philippus de Trinitate *in Summa Philosophicâ lib. 7. Physicæ. pag. 774. seqq.* Nos verò dicimus, proximam causam motus esse advertendam. Scire enim est rem per causam proximam cognoscere. Et hæc vel principalis vel instrumentalis est. Principalis est forma: instrumentalis est qualitas, scilicet gravitas & levitas. Ignis ascendit, quia levis est; terra descendit, quia gravis est. *Argumentamur:* Quicquid est corpus naturale, illud habet principium internum agendi & patiendi. Atqui Elementa sunt corpora naturalia. Ergò Elementa habent principium internum agendi & patiendi. *Rursum:* Omnis motus naturalis est à formâ. Atqui motus Elementorum sursum ac deorsum est naturalis. *P. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

XXVIII. Ità nobiscum docent *Pererius lib. 7. Philosoph. cap. 16.* Bernh. Teleusius *lib. 4. de naturâ rerum cap. 18. 19. 20.* Zabarellâ *lib. 1. de motu gravium & levium cap. 4. & 12.* Nicol. Taurellius *lib. 3. Alpium casarum pag. 428. seqq.* Piccolomineus *lib. 2. de Elementis cap. 18. 19. 20. 21. 22.* Steph. Theupolus *lib. 8. Contemplat. Academicæ. cap. 11.* Dan. Sennertus *lib. 2. Epitom. Physic. cap. 3.* Bernhartus Morisani *commentariis ad libros de Cælo pag. 569.* Franciscus Murcia *part. 2. Cursus Philosophici pag. 124. 125. seqq.* Porro inferimus: Quodcumq; est principium caliditatis, siccitatis, humiditatis, frigiditatis, idem quoque est principium motus. Atqui principium qualitatum istarum est forma. Ergò principium motus quoque est forma. Dicit *Ruvio:* Negatur esse hæc paria, quia esse in loco naturali, quod Elementum consequitur à motu, debetur illi ex vi generationis, & in primo instanti, quo generatur, velut perfectio propria, & propterea tribuitur generanti, quotiescunque illam consequitur: calefactio verò non pertinet ad perfectionem propriam, sed alterius, ad quod transit, ideò non est debitum igni ex vi generationis, nec generanti tribuitur, *l. d. pag. 544.* Respondeo: Tam competit igni, siccitas & calefactio à primò ortu & ubique, quàm eadem competit motus sursum. Neq; verum est, quod Elementa generantur, quando semel esse cœperunt per creationem. Falsum illud, quod calefactio non pertinet ad perfectionem ignis propriam. Est enim proprium ignis in quarto modo, & omnino ad perfectionem ejus pertinet.

XXIX. Instant *Conimbricenses*: Quodcunque à se movetur, illud vivit. Elementa non vivunt. Ergò à se non movetur. *Respondeo*: Falsa est major. Motus enim naturalis omni corpori mobili competit, non verò soli corpori vivo. Stellæ à sese moventur, in cælo, neque opus habent movente externo. Perinde fallit illud *Toleri*: Mobile distinctum semper est à movente. Atqui hoc non competit Elementorum motui, quando ille dependet à formis. *Respondeo*: Major est vera tantum de separatis

rebus & motu violento. In motu naturali mobile & movens non sunt re distincta, verum ratione. Ignis cum movetur sursum, non movetur, uti materia habet, quæ per se indifferens est ad motum, & non magis sursum quam deorsum movetur: sed quatenus formam habet, quæ materiam determinat. Ergò in motu Elementorum forma quæ talis, est efficiens motus; uti verò est in materiâ, simul movetur.

LIBER QUINTUS,

De Effluviis.

CAPUT PRIMUM,

De naturâ Mistionis.

SUMMARIA.

1. Corpora composita.
2. Definitio misionis.
3. Sententia Veterum.
4. Refellitur Scaliger.
5. Mistio imperfecta.
6. Mistio perfecta.
7. Miscibilia.
8. Unio miscibilem.
9. Efficiens misionis.

10. Elementa in mixtis.
11. Elementorum forme integra.
12. Exceptio solvitur.
13. Solvuntur objectiones.
14. Regularis mistio.
15. Irregularis mistio.

I. **A**dhuc de Corporibus simplicibus fuit, sequitur de Compositis. Composita sunt, quæ ex partibus diversæ naturæ miscentur.] Methodi rationem vide suprà lib. 3. cap. 1. dist. 2. X 2 II. Mi

II. *Mistio est unio miscibilium ad efficiendum compositum.*] Antiqui Sapientes, Anaxagoras, Empedocles, Plato docebant, quod corpora composita miscendo fierent ex Elementis integris, substantiis non mutatis, sed partibus earum minutissimis sese contingentibus, singulisque actu suo distinctis. Ad horum mentem peraccommodè Scaliger definit mistionem, quod sit *motus corporum minimorū ad mutuum contactū, ut fiat unio*, Exercit. 101. sect. 1. Aristoteles veteris splendorem doctrinæ obterendo, reprehendit Empedoclem, lib. 2. de generat. & corrupt. cap. 6. text. 38. & cap. 7. r. 46. Ipse definit mistionem, quod sit *miscibilium alteratorum unio*, cap. 10. text. 90. Retinent vulgus Physicorum, & exponunt, quod miscibilia inter se concurrant, invicem agant, patiantur, frangantur, atque ita uniantur, ut in partes minutissimas redacta beneficio alterationis & mutue permeationis non sint quod antea erant ad sensus, verum in minimā particulā omnia juxta sint mixtaque, & ex illā singula educi possint, Antonius Ruvio commentariis ad lib. 1. de generat. & corruptione cap. 10. quæst. 1. 2. 3. Arnoldus Senguerdus lib. 3. Introduct. Phys. cap. 6. Arnisæus in Epitome Physicæ pag. 270. seqq. Keckermannus lib. 3. System. Phys. cap. 1. Johan. Combacchius lib. 3. Institut. Phys. cap. 1. Franc. Piccolominèus libro de mixtione cap. 2. 3. 4. 5. & commentariis ad lib. 1. de generat. & corruptione pag. 213. seqq. Bruno Seidelius lib. 2. Rudiment. Phys. pag. 185. seqq. Jacobus Auberti part. 1. Institutionum Phys. cap. 44. 45. 46. 47. 48. Fortunatus Plem-

pius lib. 2. Institut. Medicarum sect. 1. cap. 5. Jacchæus lib. 6. Institut. Physic. cap. 11. 12. Rodolphus Goclenius lib. 3. Disputat. Phys. 17. & 18. Caspar Bartholinus in System. Phys. lib. 5. cap. 1. Clemens Timplerus lib. 4. System. Phys. cap. 1. quæst. 4. Duncanus Liddelius lib. 2. Artis Medicæ cap. 1. 2. Verum quod rectior sententia Veterum sit, perspiciat facilè ingenius rerum æstimator, qui opera Naturæ sobrio judicio considerat. Argumentamur: (1) Quodcunque non est, id non potest mistionis principium esse. Atqui Elementorum alteratio non est. Ergò non potest mistionis principium esse. Minorem probavimus *suprà lib. 4. cap. 9. dist. 16. 17.* (2) Quodcunque infert penetrationem dimensionum, illud naturæ inimicum est. Atqui vulgata doctrina de mistione infert penetrationem dimensionum. Ergò Naturæ inimica est. Minor probatur: Si in quavis minimā particulā misti quatuor insunt Elementa, sit penetratio dimensionum. Ignis enim fuerit, ubi est aqua, & aer fuerit, ubi ignis, aqua, tetrasunt. Ità corpus in corpus immeat, & quatuor hæc quanta sese invicem penetrant.

III. Quod liquidissimum absurdum evitare cupiebant Veteres, adeoq; mistionem docebāt esse minimorū miscibiliū, sive atomorum naturæ suæ constantium integris modis sine fractione & refractione, conjunctionē intimā, sub dominio formæ unius, quæ totos insula per artus efficaciter afficiat omnes & singulas corporis mixti particulas. Instat Aristoteles: Si Veterum sententia vera est,

consequitur, quod quælibet pars misti non sit mista, & quod ex qualibet parte misti non possint quatuor Elementa extrahi, *l. d.* Respondeo: Non debet quælibet pars misti esse mista, adeòque si aliter esset, mistio non esset. Ratio: Miscibilia simplicia sunt, non verò composita; principia sunt, non verò principia. Neque pars est totum suum. Deinde: Non debent ex qualibet particulâ miscibili Elementa quator educi. Ratio jam dicta est. Adde: Eadem est ratio principiorum ultimarum in compositione, quæ est in resolutione. Atqui in resolutione terminantur præcisè ad naturam suam in se simplicem. Ergò etiam in compositione talia sunt.

IV. *Scaliger* quoque vidit, sententiam vulgarem esse falsam. Vulgò jactata definitio, *ait*, indigna est quæ à Philosopho reiciatur. Non enim subtiliter dicitur, *mistio est miscibilium unio*. Unionem audio, miscibile quid sit quæro. Nam quomodo sciam, cum quid miscere sit, ignoro? Idem certè per idem declaratum est. Potior hæc: Mistio est corporum minimorum motus ad mutuam contactum, ut fiat unio, *l. d.* Tantum quod nodum in scirpo quærit, cum miscibilia à definitione excludit. Pergit: Neque enim velut atomi Epicuræ sese contingunt, ita corpuscula nostra, sed ut continuum corpus atque unum fiat, *l. d.* Rejicit atomos omnium Veterum, non solius Epicuri. Et verò admittere cogitur easdem, quoniam in definitione suâ ponit, *corpora minima*. Quæ sunt atomi. Hæc sanè in corpore continuo efficiendo concurrunt. Aliud enim materia est,

aliud est forma. Hæc ubi numero una est, ibi continua quantitas est, quanquam infinitæ atomi adsint.

V. *Estque vel Imperfecta vel Perfecta. Imperfecta est, cum miscibilia uniuntur citrà formam specificam.*] Talis est in Effluviis, horumque congerie.

VI. *Perfecta est, ubi miscibilia uniuntur per formam specificam.*] Talis est in mineralibus, & animatis.

VII. *Miscibilia.*] Quatuor Elementa, & cum iis semen, quo principia quædam occulta continentur. Docent communiter, nullam veram misionem esse posse, nisi inter quatuor Elementa, *Keckermannus lib. 3. System. Phys. cap. 1. Combacchius lib. 3. Institutionum Physic. cap. 1. Joachimus Burserus lib. 1. Institutionum Physic. cap. 14.* Atqui semina terræ injecta in spem futuræ messis non nuda & pura sunt Elementa, nec etiam pro alimento sola Elementa, sed succum ex Elementis aliisque nobilioribus principiis commistum attrahunt.

VIII. *Uniuntur.*] Notatur ejusmodi conjunctio, quâ miscibilia tertium quoddam constituunt, novamque speciem gignunt. Quæritur: *An omnia Elementa ingradientur mixtionem?* Respondeo: De igne & aëre negat Clemens Timplerus *lib. 4. System. Phys. cap. 1. quæst. 4.* & rationes adfert, quod ignis & aër non sunt Elementa, quodque nihil resolvetur in ignem & aërem, vel ex iis componatur. *Hæc ille.* Atqui dantur mixta plurima, quæ multum ignis intrâ sese per mixtionem continent, uti sunt morus, taxus, sulphur, flex, in quibus omnibus atomi igneæ continentur, uti dictum est *suprà*

lib. 4. cap. 2. dist. 23. Instat *Templerus*: Ignis non est actu in silice. (1) Quia omnis verus & naturalis ignis actu est calidus. Ideò ubique est, ibi calor ejus tactu percipitur. Atqui in silice ignis nullus percipitur tactu, proinde nec in silice actu continetur. (2) Quia ignis non existit, ubi materiam combustilem non habet, quā velut pabulo nutriatur. Atqui in silice talis materia combustilis non reperitur. Ergò ibi non existit actu. *Respondeo*: Multum differunt ignis ligatus & solutus. Ille coinexistit mixtis, & non quidem tactu deprehenditur, sed tamen per causas externas potest educi, ut actu deprehendatur. Percussione ad chalybem emittit flex copiosas scintillas, ignis concreti luculentum experimentum. Hic in pabulo suo exceptus percipitur tactu, & à sensibus apprehenditur.

IX. *Performam specificam.*] Efficiens mixtionis est forma specifica, quæ miscibilia regit, disponit, ordinat. Vulgò cum de Efficiente mixtionis quæritur, ad Elementa confugiunt, itaque *Gilbertus Jacchæus lib. 6. Institutionum Physic. cap. 12. 13. 14.* sæpius inculcat, calorem educere formam mixti. Neque aliter *Barthol. Keckermannus lib. 3. Systemat. Physic. cap. 1.* *Thomas Erastus part. 2. disputat. Antiparacelsicarum pag. 196.* *Sebast. Foxius lib. 2. Philosoph. natural. cap. 10.* *Alb. Kyperus lib. 3. Institut. Physic. cap. 1.* *Joh. Henr. Alstedius lib. 7. Encyclopædia part. 3. Physic. cap. 1. Regula. 2.* *Cæsar Cremoninus libro de calido innato cap. 1. 2.* *Caspar Bartholinus in System. Physic.*

lib. 5. cap. 1. Verùm illi nominant instrumentum, & prætereunt causam principalem. Quid enim est, quod aquam in tantâ copîa, ærem, terram & ignem, juxta numerum, pondus & mensuram affluere præstat? Motore ista opus habent ac directore. Unde *Scaliger* ait: Nisi quatuor illa Elementa Rectorem habebant, temerè ac sine modo metâque ullâ & jactabunt & jactabuntur. Quid enim illud est, quod tantum terræ, tantum commiscet cæterorum? At oportet in unoquoque esse motum unum & primum. Non enim illa sese movere ullum ad opus queunt, sed in compositis à formâ excellentiore, in mistis imperfectis ab æterno principio cidentur ad tuam connexionem, *Exercitat. 397. sect. 20.* Quæ optimè dicta sunt. Æternum principium vocat Cœli influxum, à quo provocari effluvia ad procreanda metéora, verum est. Princeps causa mixtionis est forma specifica, à solerte rerum Naturâ communicata, quam istis viribus cum primo Universi ortu instruxit Deus Naturæ author & conservator. Hæc est, quæ in animatis & mineralibus materiam suam fovet, efformat, conservat, auget. Nec enim forma solius causæ formalis, verùm insimul Efficientis partestuetur. Illa suum sibi corpus fabricat, & ad id constituendum tum Elementa, tum alia corpora attrahit, disponit atque unit, & imperio suo regit, unde accidit ut formaliter jam unum sint, & sub unum actum unita unum actu fiant, quæ plura per se erant. Ideòque Elementa non per se concurrunt, sed à formis attrahuntur, *duplex*

comunitatis & commune naturæ instrumentum, quo ad virtutes rerum fovendas utitur, calor est, & spiritus cujusque rei insitus, *φύσις* illa *διὰ πᾶν* *ἰσχυρὰ*, uti Plato in *Timæo* vocat.

X. Difficilior controversia est, quomodo Elementa insint mistis? Respondeo: Gravissimè super isto negotio invicem digladiantur Interpretes. Quidam n. inter quos Averthoës & Thomas Aquinas lib. 1. de generat. & corrupt. cap. 10. Jacob. Zabarella lib. de Mixtione cap. 6. 7. 8. Conimbricenses lib. 1. de generat. cap. 10. quest. 3. 4. Toletus ibidem quest. 17. 18. Johan. Poncius Legionensis in Cursu Philosophico Disputat. Phys. 27. quest. 2. Wilhelmus Chabronus in Cursu Philos. Tomo 3. pag. 154. seqq. Franciscus Suarez Disputat. Metaph. 15. sect. 10. Hurtardus de Mendoza in Cursu Philosoph. Disputat. 6. de Elementis sect. 2. Hannibal Rosellius commentarius ad Simandri Trismegistum Tomo 1. pag. 29. 30. seq. Johan. Hellespontius lib. 2. de generatione cap. 11. 12. Ant. Ruviø Rhodensis commentar. ad lib. 1. de generatione cap. 10. quest. 4. 5. 6. Johan. Heurnius lib. 1. Institut. Medicarum cap. 4. Contarenius Venetus lib. 3. de Elementis pag. 123. seqq. Franc. Ovièdo in Cursu Philos. Tractatu de generat. & corrupt. Controv. 8. sect. 2. 3. 4. Barthol. Keckermannus lib. 3. System. Phys. cap. 1. Piccolominèus libro de mixtione cap. 9. Gilbertus Jacæus lib. 6. Institut. Phys. cap. 13. 14. Joh. Velcurion lib. 2. Institut. Phys. cap. 26. Jacobus Martini Centuriâ 9. Disputat. 6. quest. 5. Goclenius lib. 3. Disput. Phys. 18. dist. 34. seqq. Sebast. Foxius lib. 2. Philos. na-

tur. cap. 7. agmen ducunt, contendunt formas Elementorum non contineri actu perfecto in mistis, sed tantum virtute, ut inexistant refractæ, domitæ, contemperatæ, & ad mediocritatem reductæ.

XI. Alii, inter quos Avicenna, Philoponus, Albertus Magnus, Antonius Zimara, Augustinus Niphus, Gregorius Ariminensis, docent, quod Elementorum formæ integræ permaneant in mistis. Veterum Sapientum opinio eadem fuit, videlicet quod Elementa integræ permanerent in corporibus mixtis, ita ut minima particula constituens integræ à minimâ constituyente integræ per justam positionem contineretur. Ità Hippocrates lib. 1. de ratione victus, Empedocles, Anaxagoras, Democritus, (quibuscum propterea litigat Aristoteles lib. 1. de generatione cap. 10.) Eos sequuntur Joh. Fernellius lib. 2. Physiologia cap. 6. 7. & lib. 3. cap. 3. Daniel Sennertus in hypomnematis Physicis sect. 3. pag. 121. seqq. & Tractatu de dissensu Chymicorum cum Aristotele cap. 11. Julius Scaliger Exercit. 101. sect. 1. Arnoldus Senguerdus lib. 3. Institut. Physic. cap. 5. Caspar Bartholinus lib. 5. System. Physic. cap. 1. David Derodon part. 1. Physica contracta cap. 3. dist. 18. seqq. Joachimus Burferus lib. 1. Institutionum Physic. cap. 14. Nos argumentamur. Quæcumq; miscentur, illa non abolentur, itqui Elementa in mixtione miscentur Ergò Elementa in mixtione non abolentur. Major patet, quia quæ nō manent quomodo misceri possunt? Et quæ nō amplius sunt, nō possunt uniri, ut corpus

pus mistum ex iis fiat, Porro: Ubi sunt Elementa, ibi sunt formæ eorundem. Atqui in mistis corporibus sunt Elementa. Ergo in mistis quoque sunt formæ Elementorum. Major constat: Res non potest esse citrà formam, suam, quæ dat esse rei. *Uterius*: Ubicunque sunt Elementorum formæ, ibi formæ sunt integræ. Atqui in mistis corporibus sunt Elementorum formæ. Ergo in mistis corporibus sunt formæ integræ. Major patet, quod formæ sint substantiæ. Substantiæ verò non possunt intendi vel remitti, dicente Aristotele in libro *Categoriarum* cap. 3. text. 20. lib. 8 *Metaphys.* cap. 1. Denique: Ubi formæ integræ sunt, ibi etiam propria Elementorum & qualitates integræ manent. Atqui in corporibus mistis Elementorum formæ integræ sunt. Ergo etiam propria eorum & qualitates in corporibus mistis integræ manent. Major patet: Nusquam est forma specifica, ut non penes se habeat proprias qualitates.

XII. *Excipiunt*: Intensio & remissio duobus modis accipiuntur, uno, ut non varient speciem, altero, ut varient speciem. Priore modo nulla substantia admittit gradus, non intenditur, nec remittitur, sed habet essentiam indivisibilem. Posteriori modo Elementorum substantiæ ac formæ intendi & remitti possunt, propter admixtionem contrariorum ejusdem generis, Zabarella l. d. Piccolomineus lib. 2. de mixtione cap. 9. o. 11. 12. Respondeo: Est petitio principii! Omnis intensio & remissio, quæcunque illa etiam formis imponatur, repugnat indivisibilitati essentialium, & conati

substantiarum. Forma ubicunque est, vel tota adest, vel omninò abest. Neque Elementa in misto propriam speciem deponunt, sed specie & numero eadem permanent. Forma specifica non destruit formas subordinatas, verum perficit, ità scilicet ut contrahantur ad præstantiorem speciem. Alioquin ex corruptis Elementis componeretur mixtum. Si enim formæ ignis tollitur, ipse ignis corrumpitur. *Argumentamur*: Omne mixtum resolvitur in illa è quibus compositum est. Atqui Elementa commiscentur. Ergo formæ Elementorum non destruantur. Nisi dicere velimus, quod in corruptione & resolutione corporum fiat nova Elementorum generatio.

XIII. Instant Piccolomineus & Goclenius: (1) Si formæ Elementorum integræ sunt in mixtis, tunc non erit vera mixtio, sed tantum compositio & conservatio quædam corporum diversorum, è quibus non tam continua, quam contigua substantia efficitur. *Respondeo*: Datur totum. Nec enim mixtio describi debet per modum confusionis & συγχύσις, qualem Aristoteles nobis obtrudere laborat, & quomodo vinum, aqua, cerivisia diluendo commiscuntur: sed per modum ordinatæ compositionis & συσπλοσύς corporum minimorū, ut corpora quæ miscuntur, formas suas in mixture integras retineant. *Servant formas quidem, attamen illa præscriptionem extremorum amittunt*, ait Scaliger *Exercitat.* 101. sect. 1. Nimirum quia forma superior imperio suo dirigit inferiores omnes, ut ad conservandum mistum viribus conjun-

dis juvare velint. (2) Si unam continuam substantiam efficiunt, tunc contraria simul in eodem subiecto inerunt actu, quod est absurdum. Namque formæ multæ exque contrariæ non possunt sub unâ formâ quintâ actu consistere. *Respondeo*: Verum est, quod in misto uno sint formæ plures. Sunt enim formæ hæc actus materiz quisque suæ. Sunt inquam, in uno eodemque corpore mixto, sed non in unâ eademque corporis particulâ, adeòque non præcisè in uno subiecto, sed in diversis se proximè contingentibus, imò profum inter se continuatis. Et quoniam miscibilia ista ad efficiendum mistum naturâ suâ ordinata sunt, inde est, quod formæ specificæ, à quâ dominio moderato comprimuntur, ne legibus suis agendo compositum perpetuâ iniquité afficiant.

XIV. *Estque Regularis vel Irregularis. Regularis est, que fit secundum Naturæ leges.* Sicequa & equus, canis & canis miscendo se se progenerant equuleum, catellum. Lex illa quam promulgavit Deus, & natura accepit, est, ut simile generetur à simili, *Genes.* 1, 22. Contrà hanc legem veniunt misiones irregulares, quæ ab hominum placito dependent unicè, non verò ab instituto Naturæ. De quâ re adversus Pererium diximus *Libro de Creatione & Operibus ejus Exercitat.* 23. *dist.* 2.

XV. *Irregularis est, que fit adversus Naturæ leges.* Sic ficus platano & moro inseritur, morus castaneæ, castanea nuci. Asinus miscetur cum equâ, & pardus cum leone. Ubi indolem suam servat species quævis, nec platanus mori,

nec asinus equi indolem habet. Equa calce ferit mulum, & vix agnoscere vult de generem fœtum. Ut constet, quod mistio irregularis datur equidem in naturâ, sed ab illâ non approbatur.

CAPVT SECVNDVM,

De Effluyiis.

SUMMARIA.

1. *Definitio effluyii,*
2. *Efficiens causa.*
3. *Caloris & frigoris causa.*
4. *Motus astrorum.*
5. *Exceptio solvitur.*
6. *Instantiæ solvuntur.*
7. *Lumen astrorum.*
8. *Radii astrorum.*
9. *Astra formaliter calida.*
10. *Refutatur opinio.*
11. *Refellitur Schogkiius.*
12. *Atomii ignea.*
13. *Testimonium Vallesii.*
14. *Specula uistoria.*
15. *Comenii refellitur.*
16. *Effluvia aquea.*
17. *Defectus luminis.*
18. *Comenii sententia.*
19. *Rationes nostræ.*
20. *Schegkiius refellitur.*
21. *Comenius notatur.*
22. *Communicatio propriorum.*
23. *Aqua calida infrigidatio.*
24. *Cajetani instantia.*
25. *Sententia vera.*
26. *Species & Affectiones.*

I. *Efluvium est corpus mistum ex Elementis impuris evocatum.*] Effluunt è terris, aquis & mistis quotidie plurima, undenebulæ, venti, pluvix, nubes & similia generantur. Hinc etiam pestilentia & contagiones oriuntur, atque omnis aëris impuritas sive nebulosa sive venenosa. Non est hora ulla quæ non producat effluvia, quamvis non omni tempore perinde copiosa. Vere & autumno plura generantur, quam hyeme atque æstate. Verno tempore terra est resoluta & aperta, nec non autumno; sed hyeme constricta tenetur ob frigoris violentiam, æstate radii Solis vaporum magnam vim consumunt. Horis matutinis & vespertinis effluvia copiosiora sunt, quam meridie. Neque verò exiguis pugillis, frustulatim aut guttatim ascendunt; sed instar vastissimorum montium in aëre provolvuntur, quamvis propter distantiam & raritatem objecti non subiiciantur oculis nostris. Vastæ enim sunt per terræ superficiem paludes, vasta stagna, flumina, vasti lacus, vasta animantium spirantium & expirantium corpora, à quibus omnibus est magna copia effluvi-
rum.

II. *Evocatum.*] Causæ educentes sunt sidera, & cum primis Sol ac Luna, quibus operam subsidiariam navat ignis subterraneus, de quo diximus, *suprà lib. 4. cap. 2. dist. 37.* & defendit Thomas Lydiati *lib. de origine fontium*, adversus quem nullo cum successu declamat Libertus Fromondus *lib. I. de Meteoris cap. 4. art. 2.* Namque certum est, ab igne subterraneo effluvia sursum versus protrudi.

Unus Solis calor non potest elevare istos halitus, cum ille vix ad paucos pedes à superficie terræ pervadat, & verò constat, quod effluvia de fundo maris interdum erumpunt, & visibiliter sursum adscendunt, tam copiosa ut cœli prospectum oculis eripiant navigantium, tempestates & procellas excitent. Pater ex hisce, alium calorem, quam Solis, ferviscere in fundo maris, quo vis illa tanta vaporum excernatur & propellatur. Itaque non quidem negandum est, quod per influxum Solis & Lunæ aliquid de terris & aquis educatur, sed tamen quod præcipuam meteoris suppeditat materiam, id omnino prodit à locis subterraneis, & ignium subterraneorum ope excitatur. Cæterum effluvia generantur circulariter, Ex terris & aquis adscendunt, & in easdem iterum decidunt. Sic voluit provida rerum omnium mater Natura, ut aër purgetur, ut fruges, plantæ, animalia reficiantur.

III. *Quæritur: Unde calor, humiditas, siccitas, frigus producantur in regionibus sublunaribus?* Respondeo: Docent vulgò, ista omnia provenire à Solis & stellarum motu, lumine & radiis, quæ prout vel retrahantur, vel reflectuntur, vel debiliter incidunt, ita caloris effectum, aut frigoris, siccitatis, humiditatis oriatur, Aristoteles *lib. 2. de Cælo cap. 7.* & *lib. 1. Meteor.* eumque sequuntur Jacobus Zabarella *libro de Calore cœlesti cap. 2. 3. 4. seqq.* Flaminius Ciconia in *libro questionum natural. sect. 22.* Barthol. Keckermannus *lib. 2. System. Phys. cap. 4.* Jacchæus *lib. 5. Institut. Physic. cap. 4. Go-*
cle-

clenius *lib. 3. Disputat. Phys.* 14. 15. Andr. Cæſalpinus *lib. 3. Quaſt. Peripatet. ſect. 6.* Jacobus Martini *Centur. 3. Disputat. 9. quaſt. 10. Centur. 7. Disput. 6. quaſt. 4.* Bruno Seidelius *lib. 2. Rudimentorum Phyſ. cap. 8.* Ruvio Rodenſis *lib. 2. de Cælo cap. 7. quaſt. 2.* Alexander de Angelis *lib. 1. contra Planetarios conjectores cap. 3. 4. 5. 6.* Conimbricenſes *ibidem quaſt. 5. & 6.* Franc. Piccolominus *libro de effectis & paſſionibus naturæ cap. 6. 7.* Mocenicus *Contemplat. Philoſoph. 4. 1. cap. 9.* Cæſénas Claramontanus *lib. 10. de Univerſo cap. 3. ſeqq.* Verùm in cauſis hujusmodi aſſiguan-
dis non leviter aberrant, uti ordine demonſtrabimus.

IV. Igitur Motus ſtellarum non eſt cauſa caloris. (1) Quia inter agens & patiens requiritur contactus. Atqui motus Solis, qui fit in cælo ſupremo, non contingit aërem inſimum propter tot aliorum Planetarum orbes interjectos. (2) Quia motus Solis impedit potius calefactionem ad nos ſeſe convertentem, quàm ut promoveat. Quod Scaliger docet his verbis: Mihi videtur, Solem ſi non moveatur, magis calefacturum, quod maniſteſtius eſt ex radio-
rum fixatione in rem ſtabilem, quàm ſi moveatur. Etenim cavum ſpeculum, ſi moveatur, non concipiet ignem. Nihil enim differt, reſne calefaciens an calefacienda moveatur, ad hoc probandum, *Exercit. 74. diſt. 2.* Quod impedit, non juvat.

V. Excipiunt: Cælum & aſtra perpetuo motu atterunt atque agitant ignem ſubſunarem, qui accenſus vicinum aërem corripit, & calorem producit, Quo-

modò lignum, lapides, ferrum, plumbum à motu ignem concipiunt, & ſagittæ de nervo excuſſæ per motum incaleſcunt, ut plumbum ipſum, quo circumductæ ſunt, liqueſcat, Antonius Ruvio *l. d. pag. 235.* Conimbricenſes *l. d. pag. 334.* Jo-
han. Langius *commentariis ad librum de Mundo pag. 61.* Redemptus Baranza-
nus *lib. 1. de Cælo pag. 202. ſeqq.* Joach. Burſerus *lib. 2. Inſtit. Phyſicar. cap. 3.* Franc. Murcia *in Curſu Philoſophico part. 5. pag. 67. 68. 69.* Joh. Michaël Hor-
nanus *libro de naturâ viſus cap. 5.* Jacobus Auberti *lib. 1. Inſtitut. Phyſ. cap. 28.* Re-
ſpondeo: (1) Cælum non movetur, ita-
que non - Entis nullæ erunt actiones. (2) Non eſt Ignis hujusmodi ſublunaris, unde non - Entis nullæ erunt paſſiones. (3) Fictitiuſ eſt ille motus aëris, unde iterum quod non eſt, non communicabit aëri ca-
liditatem. Et licet vel maximè tales cæli, ignis & aëris darentur motus, at-
tamen quid motus ad calorem? A ligno & metallis quæ per motum incaleſcunt, ad Elementorum procedere calorem, largiſſima eſt collectio, quâ miſta cum ſimplicibus, violenta cum naturalibus, & accidentalibus cum eſſentialibus confun-
duntur. (4) Unde etiam ignis ſubter-
ranus habet calorem? Nam quicquid de illo Igne aſſerere conetur Andreas Cæſalpinus *lib. 3. quaſtionum Peripatet. ſect. 8.* ut à cælo perinde genitum in terræ ſinus detrahat, hoc conſtat, quod Ignis iſte à cælo non movetur, neq; etiam for-
ſan è concavo Lunæ ad terram detruſus eſt, & caliditatem ibi perceptam detulit ſecum in terræ cavernas. (5) Motus So-
lis & aſtrorum eſt perpetuò æqualis ita-

itaque tam hyeme quàm æstate, tam nocte quàm interdiu calor esse deberet, quando à cœli, ignis, aëris circumvolutione produceretur calor ad superficiem terræ. (6) Ob causam istam, quò pars aliqua aëris proprior est Soli, eò magis calida fuerit. Atqui mediam aëris regionem communiter docent, frigidam esse. (7) Exemplum de plumbo speculorum, quod à motu liquefcere creditur, rejecimus suprà lib. 4. cap. 2. dist. 23.

VI. *Instant*: (1) Montium altissimorum vertices perpetuo frigore infestantur, videlicet quod radiorum à terrâ reflexorum efficacia eousque non pertingit. (2) Docent hoc specula ustoria, in quibus propter æqualem partium extantium æqualitatem ita lumen unitur, & ex unione intenditur, ut etiam procul posita incendantur, quomodo Archimedes Syracusanus & Proclus Constanti-nopolitanus exusserunt hostium naves machinasque obsidionarias. (3) Vites consistæ ad parietes, longè maturiores & meliores uvas proferunt, quàm cum in locis liberis feruntur. Causa est, quod Solis radii ad parietem validius reperi-culsi & uniti fortiorem efficiunt calorem, Jacobus Martini l.d. *Respondeo*: (1) Vera causa perpetui frigoris ista est, quod montes isti in sese habent copiosas venas aquarum, à quibus sunt effluvia frigida. Deinde, quod ibi non adsit ignis Elementaris tantâ copiâ, ut possit ad Solis radios uniri. (2) Quod specula ustoria flammæ concipiunt, est ab Igne Elementari per aëra disperso. (3) Et hic colligitur ille ignis, fovetque melius & fortius.

VII. Porro quod Lumen non sit efficiens caloris, probatur: (1) Quia nihil agit suprà vires suas. Atqui lumen est res intentionalis & cœlestis, calor est qualitas materialis & Elementaris. Ergo calor non potest à lumine produci. (2) Quia noctes sereniores à siderum lumine plurimum frigidiores sunt. Splendente Luna tempore nocturno frigus etiam sentitur intensius, quàm si cœlum obducatur nubibus, & lumen avertatur à nobis. (3) Quia sæpenu-merò hyeme est clarissimum lumen, sed calor exilis aut nullus.

VIII. Nec denique Radii per se causæ fuerint: (1) Quia etiam isti sunt qualitates intentionales, ad eòque suprà vires suas agendo non possunt materiales qualitates producere. (2) Quia singulis annis dantur æquales radii emanativè, nec tamen æqualem producant calorem. (3) Quia in regionibus aquilonaribus radiorum Solis reflexio est debilissima, tamen fervores sæpè intolerabiles grassantur. (4) Quia post Solis occasum discedunt radii, & calor tamen integrà nocte perseverat.

IX. Quod perpendendo, in eam opinionem descenderunt alii, Solem esse formaliter calidum, & virtute insitâ influendo in regiones sublunares, producere calorem ignis ferventissimi instar, & Lunam modo eodem frigidificare. *Tauvelli* verba sunt: Ab igne calor in ambientem aërem paulatim diffunditur, à Sole verò magnâ vi & celeritate. Cum itaque Solis calor in terram vibratus eam ob duritiam penetrare non possit, non repellitur ipse qui-

quidem, uti existimant vulgò, vocant-
que hanc radiorum reflexionem, sed
propè paulatim accumulatur, & fursùm
versus extenditur. Exemplo rem illu-
stramus: Cum hypocaustra nostra cale-
fiunt, calor petit supetnas partes, quæ
ubi calore plenæ fuerint, paulatim adau-
ctus magis magisque calor ad inferiores
descendit, ut tandem etiam infimæ cale-
fiant. Atque hac ratione fit, ut qui
propè fornacem aër est, calidissimus
quidem sit ob integram caloris vim, &
qui superiores occupat partes, etiam sit
multò calidior, quàm intermedius. Hic
enim calorem non retinet, quicum ad
superiora pervenit, ulterius progredi
non potest, sed ibi consistens, alio et-
iam perpetuo accedente multum augetur,
& ad inferiora refunditur, lib. 3. *Al-
pium casarum pag. 569.*

X. Ità etiam sentiunt Johan. Picus
Mirandulanus lib. 3. *contra Astrologos*
cap. 4. Casparus Bartholinus in *Astrolo-
giæ theorem. 2. sect. 13.* Anton. Deusingius
libro de *Opificio mundi Disputat. 5.*
quest. 1. Rodolph. Goclenius in *Physicâ*
generali lib. 2. pag. 100. seqq. David
Gorlaeus in *Epitome Phys. cap. 6. dist. 4. 5.*
Mart. Schogkius in *Physicâ cœlesti Disput.*
4. dist. 17. seqq. Joh. Bodinus in *Theatro*
naturali lib. 4. pag. 578. seqq. Dan. Senner-
tus in *Epitome Phys. lib. 2. pag. 861. seqq.*
Danzus part. 2. *Physica Christ. tract. 4.*
cap. 14. Bernh. Tilesius lib. 4. *de rerum*
naturâ cap. 7. 8. seqq. Albertus Kype-
rus lib. 4. *Institut. Physic. cap. 7.* Hieron.
Cardanus lib. 4. *de subtilitate rerum pag. 113.*
Thomas Campanella lib. 3. *de sensu rerum*
cap. 1. Marcus Frid. Wendelinus in

Contemplat. Physicâ sect. 3. cap. 13. dist. 6.
Johan. Phocylides Holwarda in *Physicâ*
cœlesti cap. 9. Nos verò dissentimus:

(1) Quia astra sunt corpora incorrupti-
bilia, itaque necessariò erunt sine quali-
tatis eis, quorum subjectum sunt en-
tia incompleta & mutationibus quoti-
dianis in corpore misto obnoxia.
(2) Quia calor & frigus sunt qualitates
Elementares, adeòq; formaliter nō inhæ-
rebunt astris, quæ sunt cœlestis substantiæ.

XI. Instat Schogkius: (1) Ostendit
hoc differentia æstatis & hyemis, nam-
que Solis calor præsens æstate urget nos
ut vestes deponamus, atque hyberno
tempore deferendo nos ad focum sedere
cogit. *Respondeo:* Æstate adest ignis &
in aëre vagatur, propter apertos terræ
poros, ut eliciantur, non etiam hyeme,
quod tunc sint terræ constrictæ, & So-
lis radii cum minore effectu. (2) Ad
apricum repercussa lux parietem, ipsa
quoque hyeme efficit calorem. *Respon-
deo:* Est hoc ab igniculis collectis ad pa-
rietem, ut virtus eorum confortetur.
(3) Luna quoque calorem producit, si-
quidem observatum est hyberno tempo-
re, cum plenilunium fuerit, frigus tempe-
rare. Quomodò & eadem anni tempe-
state noctes minus frigidæ deprehen-
duntur, quàm silente Lunâ. *Respondeo:*
Quod Luna producat calorem, falsum
est, & verò si aliquis tepor est, à ventis
australibus atque occidentalibus prove-
nit, qui cum leniore aurâ spirant ob ato-
mos calidas permistas. (4) In speculis
concavis per repercussionem lux non
modò congregatur, verum etiam flam-
ma sensibilis fit, ut nullo negotio com-

bustibilia ardeant. *Respondeo*: Despeculis ustorii dicemus *infra dist.* 13.

XII. Nostra sententia est, quod Solis radii non equidem *per se*, verum *per aliud* efficiant calorem. Nimirum per atomos igneas hactenus in aëre dispersas, vel noviter de terrâ extractas. Hinc prout variant terræ, aut prout Solis positus variat, etiam variant æstate, autumnus, vere ardore. Elementa cum producerentur à Naturæ opifice, qualitibus suis orbata non erant, sed frigida omnino aqua erat, ubi nec Sol, nec cælum erat: ignis etiam calorem suum habebat, ubi nec Sol, nec ulla alia stella erat. Atomus igneæ ob similitudinem, quam cum Sole ejusque radiis habent, cum istis sese conjungunt, atque æstate calorem efficiunt. uti rectè monent Sebastianus Basso *lib. 9. Philosoph. natur. pag. 474. seqq.* Athanasius Kircherus *lib. 1. Artis magne lucis & umbræ pag. 8. 9.*

XIII. Consentis Franciscus Vallesius: Ipse Solaris calor non est aliud quàm calor ignis, Solis fulgore, à quo naturaliter trahitur, ut ità dicam, modificatus. Etenim Sol, cum sit corpus incorruptibile, necessario est expertus qualitatum corruptivarum, caloris inquam, frigoris, humoris, siccitatis, non potest ergo calefacere nisi per aliud, & accedente quodam. Quid verò sit illud, cujus accessu calorem inferat, potius quàm quod à Philosophis omnibus statuitur primò & per se calidum? Si enim Sol per accidens calidus est, ignis verò primò & per se, necessè est causam caloris illius ad hunc referri. Est verò hoc ipsius etiam ignis naturæ valdè con-

gruens. Cum enim inter Elementaria corpora, igneum solùm cœlestem imitetur fulgorem, ipsum verò ità, ut plurimi veterum Philosophorum ob eam similitudinem astra ignea esse suspicati sint, sit valde consentanum, ut similitudinis illius causâ faciliè trahatur ignis à cœlesti lumine, quod etiam vestigium quoddam divinitatis ejus corporis est. Maxima ergo ignis pars, cum lumine Solis circà terram volvitur, comitaturque circumeuntem diem. Quod indicant illa verba Eccles. 1. §. 6. *Orietur Sol & occidit, atque ad locum suum revertitur, ibique renascens circumit per meridiem, & flectitur ad Aquilonem, lustrans universa in circuitu, pergit spiritus & in circulos suos revertitur.* His verbis aperte dicitur, spiritum illum, quem indicatum est, esse ignem, circumire simul cum Sole ipso. Namque nomine Spiritus non est verosimile, vocari Solem. Esset enim repetitio inutilis, neque potest ità vocari, quia non est tenuis, non est invisibilis, non est animatus, non vivens. Circumit igitur Ignis uti Sol, cujus est comes. Quo sit, ut dies atque omnino lux omnis sit calida, nox & omnes tenebræ sint frigida. Hic ipse igitur est Solaris calor, qui cum ad materiam accedit moderatius, coquit & nutrit, alioquin si copiosus & destitutus humore accedit etiam urit. Unde itidem constat, non esse aliam constitutionem Solaris caloris, sed eundem penitus esse & igneum, *In Philosophiâ sacrâ cap. 1. pag. 37. 38.* Transeant ea quæ pro sententiæ ejus reprehensione adferre voluit

voluit Tomas Gianninius Ferrariensis *libro de Luce & lumine cap. 9.* Sunt enim à proposito nostro maximè aliena. Illud omninò verum est, quod effluvia ignea virtute radorum Solis proliantur & excitentur, ut calefaciant efficient, exurant, incendia faciant.

XIV. De speculis ustoriiis, & incensis à calore Solis domibus, vicis, navibus, silvis exempla referunt Joh. Vitellion Patavinus *lib. 9. & 10. Perspectivæ*, Cardanus *lib. 4. de Subtilitate*, Joh. Baptista Porta *lib. 2. Magiæ naturalis cap. 10. & lib. 4. cap. 15.* Bonaventura Cavallerius Bononiensis, Marinus Gethaldus, Orontius Finæus, Christophorus Grunbergius, *libris singularibus de Speculis ustoriiis*, Athanasius Kircherus in *Arte magnæ lucis & umbræ lib. 10. pag. 874. seqq.* Id omne optimè per hæc innotescit effluvia. Specula ustoria ad Solem universa incendunt, nimirum igniculi, quibus aer plenus est, colliguntur ad radios Solis, & conversi in materiam inflammabilem, subitò urunt.

XV. *Iohan. Comenius* scribit: Calor, mundi fit ab attenuato vi syderum & in ampliora spacia distracto aëre, qui dum rumpi metuit, neque potest, (quia non datur in mundo vacuum) miris modis se torquet, ipsâ subtiliore attritione sui attenuationem quærens: simulque quicquid vicinorum corporum (præsertim humidorum) attingit, pariter attenuans & in subsidium sibi attrahens, lambens, exhaustiens, *libro de caloris & frigoris naturâ pag. 38. 39.* Respondeo: Falsum est atque impossibile, quod aer

possit condensari, quodque possit transmutari. Est per se rarus aer, adeoque cum condensaretur, amitteret proprium suum, quod intolerabile est, quoniam proprium illud sequitur formam suam. Quæ non potest separari, ut salva res maneat. Non minus est proprium aëris raritas, quàm levitas, & tunc incipiet esse densior, cum fiet gravior. Neutrum est consentaneum naturæ.

XVI. Effluvia aquea ad Lunæ radios collecta procurant humiditatem & frigiditatem, aërem & obvia quævis replent, unde è muris, pomis, carnibus, cantharis, & ejusmodi centenis aliis, quandò in calida loca asportantur, ista iterum exsulant. Errat enim Cardanus *lib. 2. de subtilitate pag. 48.* Qui docet, frigus esse Ens merè privativum. Benè redarguit *Scaliger*: Quibus, ait, machinis expugnabitur capitis tui calor à frigore, si frigus tantum privatio est, *Exercit. 28.* Argumentum est tale: Quicquid habet positivos effectus, illud non est privatio mera. Atqui frigus habet positivos effectus. Ergò frigus non est mera privatio caloris. Minor constat per exempla hominum & pecorum à frigoris vehementiâ perustorum, enectorum.

XVII. Frigoris causam præcipientem esse defectum luminis aut motus cæli, differunt Zabarella *libro de Regionibus aëris cap. 6.* Anton. Deusingus *libro de opificio mundi Disputat. 3. quest. 3.* Illud statuimus, ait, quod mirum quidem fortassè videbitur, sed tum ab Aristotele clarè asseritur, tum rationi maxi-

maximè est consentanum, frigus non habere causam æquivocam, sed privativum tantum, nam ex privatione causam gignentium calorem producit frigus. De causâ quidem univocâ, non negamus, à frigido generari frigidum, & à calido calidum, sed dum causam primam & præcipuam querimus, quæ æquivoca dicitur, calidum omne producit à cælo per lumen & motum, frigidum verò oritur ex privatione utriusque actionis cœlestis, id enim in quod neutro modo cælum agit, manet necessariò frigidum: hoc fuit appetitè ab Aristotele pronunciatum *lib. 1. Meteor. cap. 4.* ubi dicit, elementa frigida esse talia propter immobilitatem. Hæc Zabarella. Nos contrâ opinionem hanc urgemus argumentum: Nullum Ens privativum ex se producit ens positivum. Atqui frigus est Ens positivum. Ergò non producit ab Ente privativo, quale est defectus luminis atque motus Cœli. Major patet, quia Ens diminutum seu non-Ens non potest causa Entis esse. Quod frigidus dicitur esse privatio caloris, est denominatio Logica & consideratio impropria, cæterum frigus consideratione propriâ & Physicâ est positivum Ens, & causam requirit positivam. Causæ æquivocæ sunt signum Thomistarum, à quibus exemplum nullum, effectus nullus in rerum naturâ demonstrari potest. Dicimus ergò, causam frigoris querendam esse in primo subjecto frigoris, à cuius formâ proveniat.

XVIII. *Johan. Comenius* scribit: Quia mundus habet terminos suos, ex-

tra quos nihil materiæ mundanæ protenditur, sit necessariò, ut diffusus alibi caloris via ær, alibi per vim rursus coarctetur, hoc est, frigus fiat. Non sine iterum sui torsione vicinorumque corporum, (dum cedere & sibi ampliora dare spacia recusant) terebratione. Pene-trat enim in omnes illorum poros ær, vellicans ea, pungens, naturaliaque eorum vincula solvens, *libro de caloris & frigoris naturâ pag. 39.* Respondeo: Nulla densitas inest æri, sed illa aquæ & terræ inest, iisque unicè propria est, quia formam eorum sequitur. Res mirâ, velle propria tollere à subjectis; velle huic Elemento adimere quod proprium ejus est, & Elemento alii addere, quod neque est ejus neque esse potest.

XIX. Concludimus argumento validissimo: Ubi quicquid proprium inseparabile est, ibi est subjectum proprii unâ. Atqui in ære est proprium inseparabile, calor, & humor. Ergò in ære unâ est subjectum caloris & humoris, videlicet ignis & aqua. Major per se constat. Minor fulcitur experientiâ, quia sensibus nostris æstate & hyeme ingerunt sese calor, siccitas, frigus, humiditas. Est ergò caloris æstivi & frigoris hybernici subjectum primum, non quidem ær, sed ignis & aqua, sive atomi igneæ & aqueæ per totum ærem dispersæ. Res declaratur experimentis aliis. Aqua igni exposita ferviscit, non quod solus calor in eam demigrat, adjunctum citrà subjectum, sed ipse ignis substantialiter, adjunctum cum subjecto suo, per minimas portiones ingreditur poros aheni, lebetis, ollæ, atque pervadit aquam.

Inde est, quod bullit ac urit. Scilicet ignis præiens tantâ cum vehementiâ protrudit aquam sursum, ut vas quod ante dimidiâ sui parte vacuum esse videbatur, ad summum usque labrum appareat impletum, ut aqua effluere conetur. Cum enim locum illum, quem hactenus occupabat aqua, ignis etiam invadat, neque tamen dimensiones aquæ penetrare possit, inde fit ut locus ambobus locatis continendis par non sit, & tantò magis aqua affurgat, quam plus ignis in vas subit. Eodem modo serres habet in vaporariis & balneis, ubi per fornacem & lapides furnarios non sola qualitas, verùm qualitas in & cum subjecto suo transit. Differit quidem Jacobus Scegkij *lib. 2. de occultis Medicinæ proprietatibus pag. 110.* quod calor aquæ fervidæ impresso toto genere differat à calore ignis, qui calorem illū procreavit intrâ aquas, quodq; calor ignis, velut ejus proprietas & inseparabile adjunctum, sit in prædicamento eodem, in quo ignis ipse est. Probat, calores illos differre genere, quia calor ignis inflammat aliquid, aqua calida restinguit flammam. *Respondeo:* Aquæ communicatus est, non calor tantum, sed & ignis, subjectum caloris. Itâ ut in aquâ calidâ duæ substantiæ adsint unâ, ignis & aqua.

XX. Utramque tangit ille, qui aquam calidam tangit, manum humectat aqua, perurit ignis. Solum calorem ruminando Schegkij, non expectet rem alioquin per se facilem. Proprium hoc à proprio subjecto non potest separari. Regerit Schegkij l. d.

pag. 114. quod absurdum sit, ignis substantiam inesse aquæ calefactæ, & adjicit, propria non posse communicari. Atqui nec separari possunt à subjectis suis. Quis credat, aquam proprium ignis, videlicet calorem, adsumsisse? Quis credat, aquam proprium suum, videlicet summam frigiditatem, deposuisse? Calida aqua est concretum substantiale, & accuratè loquendo, calor non quidem in aquâ, nisi ut locatum in loco est, subjectivè inest atomis igneis, quæ per totam aquam sunt dispersæ.

XXI. Comenij verba sunt: Bulla est vesicula aquea ære plena. Et vesiculæ quidem membranulam ex aquæ substantiâ fieri, nihil mirum est, sed ær qui vesicam sub aquâ implevit, quâ illuc ingressus est, aut unde est? Non aliunde, quàm ex ipsâ aqua per omnes massæ partes, in æriam tenuitatem resolutâ, *libro de caloris & frigoris naturâ pag. 16 17.* Respondeo: Non sunt bullæ ab aquis factæ, in quibus ær est, sed fiunt ab ignibus suppositis. Inde sunt Igniculorum plenæ, & falsum est, quod subiverit aqua conversâ in ærem. Elementorum mutatio impossibilis est.

XXII. Propriâ communicantur omnino, quando communicatur subjectum, uti plurimis exemplis demonstratur in Metaphysicis. Itâ communicantur propria antimonij, absinthij, pulegij, florum omnium cum liquore illo in quo macerantur, non sola, verum in portionibus minimis à substantiâ derasis, quibus proprium inest. Itâ præ-

paratur aqua falsā, cum salem ipsum a-
quis immittimus & conterimus, vicil-
lim separari potest falsedo, postquam
salis substantia detracta est. Falsum est,
quod calor ignis & calor aquis fervidis im-
pressus differant totogenere, quando im-
possibile est, ut aliquid à seipso differat
realiter. Falsum est, *quod calor ignis &*
& ignis Elementum sint in eodem pradi-
camento, videlicet substantia. Calor qualitas
est, substantia non est. Et calor inest
aquæ separabiliter, itaque cum igneis
atomis, subjecto proprio, exhalat pau-
latim, ut aqua ad pristinum statum re-
ducatur.

XXIII. Causa agens, per quam a-
qua calida ad frigiditatem pristinam re-
ducitur, multis litibus disceptatur, uti
referunt Toletus *lib. 2. Physicor. cap. 3.*
quæst. 2. Franciscus Murcia *part. 2. Cursus*
Philosophici pag. 127. 128. Didacus Masius
commentariu ad lib. 2. Physicorum pag. 372.
segg. Conimbricenses *lib. 7. Physic. cap. 1.*
quæst. 1. Septem opiniones imprimis re-
censentur. Prima est Averrois *lib. 1. de*
animâ comment. 1. ubi docet, vapores
aquæ conjunctos efficere, ut ipsa cale-
fiat: sublato autem calefaciente, aquam
frigus addere vaporibus illis, unde aquæ
frigiditas reducatur. Hanc opinionem
velut sine dubio falsam rejiciunt. Secun-
da est Avicennæ *lib. 1. Sufficet. cap. 5.* ubi
censet, quod forma aquæ seipsam ad na-
turalem dispositionem suam activè redu-
cat. Sequuntur Fr. Suarez *Disputat. Me-*
taphys. 15. sect. 1. num. 8. Johan. Combac-
chius *lib. 3. Institut. Physic. pag. 466. 467.*
Petrus Fonseca *lib. 5. Commentar. Metaphys.*
cap. 2. quæst. 6. sect. 5. & ipsimet Conim-

bricenses *l. d.* Sed non placet Toletus *l. d.*
Tertia est Pauli Veneti, qui aquam cale-
factam seipsam post sublatum ignem ca-
lefacientem condensare, ait, & conse-
quenter infrigidare. Quarta est Ægidii
Romani *quodlibet. 2. quæst. 16.* qui aquam
per se corrumpere calorem, & per acci-
dens se infrigidare, existimat. Quinta
est Jacobi Forolivienfes, qui partes aquæ
inæqualiter calidas esse, & magis frigi-
das à min⁹ frigidis infrigidari asserit. Sex-
ta est Cajetani *notatis ad part. 1. Summa*
Theolog. quæst. 54. art. 3. & Javelli *lib. 8.*
commentar. Physicor. quæst. 9. ubi dicunt,
in aquâ calefactâ semper remanere
partes frigidas, à quibus ad loca inte-
riora retrusis atque abditis tota aqua
pristinam frigiditatem recipiat. *Hac illi.*

XXIV. Atqui cum manus immit-
titur aquæ calefactæ quaquaversus, nul-
quam frigida partes, quæ remanse-
rint, deprehenduntur. Revertit *Cajetanus*,
frigus in aquâ residuum non ta-
men percipi à sensu, quoniam calor est
multò efficacior in agendo, quàm fri-
gus. *Respondeo*: Neque abundantia
neque efficacia caloris in aquis efficit,
quò minus aquæ ob partium frigida-
rum evidentem præsentiam alicubi te-
pescant, & sensibus apprehendantur.
Certe frigus non minus penetrat
quàm calor, & in efficiendis sensi-
bus perinde efficaciter agit, quàm ca-
lor. Et verò si infirmius agit frigus,
quomodo portiones frigida sic satis pau-
cæ adversus multò plures calidas partes
agendo vincant?

XXV. Igitur rejectis omnibus, u-
nam illam opinionem, quæ Burlæi
lib. 2.

lib. 2. *commentar. Physic. quæst. 1.* est, defendit Toletus, quod scilicet ab aëre circumstante aqua calida refrigeretur. Non satis verè! Nec enim in aëre circumstante frigus inest, quomodo igitur aër frigus aliquod conciliabit aquæ calefactæ? Dicimus nos cum Sennerio in *hypomnematis Physicis* pag. 98. *seqq.* quod aqua nunquam deponat propria sua, humiditatem & frigiditatem summam. De humiditate constat, quoniam humectat intrusam manum. Et calor, qui in aquâ fervidâ percipitur, non quidem in aquâ, sed in atomis igneis per aquam totam dispersis hæret. Calefacta itaque aqua iterum frigescit, substantia ignis expulsione. Aqua enim hostem illum, à quo corrumpitur inque vapores resolvitur, coactè recipit, & sublato igne externo, internum ejicit. Qui ipse etiam gestit foras exire, cum naturâ suâ domicilium istud detestetur.

XXVI. *Ejus notentur species & affectiones. Species sunt Atomus, Fumus, Vapor. Affectiones sunt Meteora.*] De his omnibus agemus in sequentibus capitibus.

CAPVT TERTIVM,

De Atomis & Fumis,

SUMMARI A,

1. *Definitio atomi.*
2. *Dantur atomi.*
3. *Aristotelis censura.*

4. *Experimenta vulgaria.*
5. *Definitio fumi.*
6. *Definitio vaporis.*
7. *Brighus notatur.*
8. *Vapor è locis humidis.*
9. *Aqua rarefacta.*
10. *Cembacchius refellitur.*

I. **A** *Tomus est effluviū quodvis minutissimū à corpore quorū decusum.*] Non ita horrida est Atomorum doctrina, quam esse non paucis videtur. Nobilissima certè in Veterum libris & traditionibus erat existimatio de Atomis, quam apud Chaldaeos, & Phœnices, Indos perceptam, in Græciâ deinceps proposuerunt Empedocles, Leucippus, Democritus, Anaxagoras, Socrates, Parmenides, Zenon Stoicus, Plato. His solidam adversariam constituit more suo Aristoteles *lib. 1. degenerat. & corrupt. cap. 2. seqq.* & receptam aeo illo doctrinam valide insectari cepit. Sequitis temporibus prævalente vulgi opinione sub odioso Epicuri nomine traducta & prorsum rejecta fuit. Dixisse hunc, *ajunt*, mundum ex fortuito atomorum concursu productum existisse. Atqui hoc interpolamentum est sententiæ minus odiosæ, ut versis rerum vicibus odium promereatur apud impetitos rerum Censores.

II. Nos pro veritate istius doctrinæ argumentamur: Quodcunque remonstrat experientia rerum, illud vero consentaneum est. Atqui atomos remonstrat experientia rerum. Ergo atomorum doctrina est vero consentanea.

Minor probatur exemplis. Prostant atomi Elementares, igneæ, aëriæ, aqueæ, terreæ. Atomi igneæ in ferrum candens & aquam fervidam sese insinuant. Eadem insensibili modo per aërem dispersæ tempore æstatis efficiunt ardores. Qui fumus adscendit sursum, est congeries atomorum ignearum. Flamma ipsa nihil aliud est quam coitio & concursus atomorum ignearum. Floccos & araneorum telas in calidâ fornace moveri cernimus, idque faciunt atomi igneæ per tegularum poros egressæ, hæc corpora ista levissima tangendo, motum cient. Caro in veribus assatur ab atomis igneis, quas non videmus, quia minimæ sunt, & ob parvitatem invisibiles. Aër universus nihil aliud est, quam congeries atomorum similiarium indistanter sibi adjacentium. Dolium vino repletum infernè cum perforatur, & supernè obturatum, non quidem effundit humorem primo impetu, donec in parte superiore foramen efformetur, quò aër illapsus explet vacuum, & liquor copiosus profluit. Meralla pulsata edunt sonos ob aërem intrâ eorum poros contentum. Ligna ad sonum admittendum apra sunt, quod non fit nisi beneficio aëris. Et hoc accidit maximè in lignis siccis, quoniam post absumptam humiditatem aqueam quæ ad sonum suscipiendum minus apta est, in locum ejus succedit aër, qualitate suâ ad sonos efficiendos commodior. Atomi aqueæ imbibuntur à porosis lignis, ut hæc excrescant ab iis & mole suâ augeantur. Pluvioso cælo difficulter accenduntur & soventur ignes, scilicet propter atomos aqueas in

aëre dispersas, & humiditate suâ effaces. Doliorum asseres, quibus exsiccatis ipsa rimosa evaserant, aquæ immerfi dilatantur, & vasa desinunt rimosa esse. Poma hiberno tempore aëri frigido exposita aqueas atomos ad se recipiunt, in calidum relata locum emittunt aquam. Ad cantharos frigidos in calido vaporario allapsæ atomi aqueæ in fluidam aquam resolvuntur. Sub specie atomorum terrearum pulvis adhærescit libris & vestimentis, quæ ut separatæ videri non possunt, ita videntur conjunctæ. Pulvis idem cum de libris & vestibus excutitur, non mutatur in nihilum, sed in minima sua separatur, & hinc inde sparsim decedit. Aqua in vase contenta sordes in fundo efficit, ob terreas atomos, quæ intrâ aquam dispersæ hactenus non cernebantur, conjunctas tamen cernimus. Plura congestit Johannes Chrysostomus Magnanus libro de Atomis.

III. Et verò nihil proficiunt rationes Aristorelis, quas ille adversus Democritum adfert: *Absurda est, ait, finita magnitudo, absurda est finita multitudo, quandoquidem omni quanto, numero omni semper aliquid addi & aliquid demi potest.* Nos hoc negamus, & quod detur quantum aliquod indivisibile actu in naturâ, contendimus, uti fuit *suprà lib. 2. cap. 2. dist. 3. seqq.* Neque enim ex principiis Mathematicis debent conclusiones inferri de rebus naturalibus. *Argumentamur:* Quæcumque sententia infert processum in infinitum, illa non est toleranda. Atqui sententia de quanto semper divisibili infert

pro-

processum in infinitum. Ergò sententia de quanto semper diuisibili non est toleranda. Minor probatu facilima est. Sententia enim quæ atomos esse negat, quocunque paruo semper dari minus affirmat. Res uti finita est, ità etiam finitas partes continet. Ubi finitæ partes sunt ibi finita diuisio est.

IV. *Corpore quouis.*] Namquæ præter Elementa quatuor in vulgus nota, sunt quoque principia alia & obscuræ indaginis. Fumus ab humidis lignis accensis ortus oculos nasumque mordet, qui morsus est à Sale. Cum quis exiguam particulam picis accendit flammamque suppressit, ingens aëris spacium repletur fumo illo, quinon est corpus continuum, sed innumera exiguorum corpusculorum multitudo. Si quis flammam è candelâ accensâ flatu dissipat, ellychnium fumigans, quod vix pisi magnitudinem exæquat, istam subitò copiam atomorum exhalat, ut magnum aëris spacium eâ repleatur. Hæ atomi sulphuriæ sunt. Qui cepas & raphanos secant, morsus oculorum sentiunt propter atomos salsas de cepis & raphanis egressas. Vultures per longinqua spacia odorantur cadavera, ob varias atomos de corporibus egressas. Vacca cum locum petunt, ubi vacca recenter jugulata est, demptâ quamvis carne excoriatâ, nihilominus conturbantur, scilicet atomi de cruore & adipe vaccæ exhalando, aërem proximum inficiunt, & bestiarum odoratus afficiunt.

V. *Fumus est effluuium siccum de terris evocatum.*] Simulque calidum, levissimum, subtile & facillè inflammabile,

propter admistas sulphuris portiones.

VI. *Vapor est effluuium humidum de aquis evocatum.*] Simulque frigidum, grave & densum. Unum tamen magis quam alterum pro diversâ efficacîa Solis aliorumque siderum, & pro diversâ materiæ dispositione, unde vapor excitatur. E stagnis & locis palustribus densiores adscendunt, quàm ex aquis limpidis. Egrediuntur etiam vapores de fimo & mistis aliis, surgunt è cerevisiâ, vino, lupulo & cibo quouis, hinc quoque tot crepitus & ructus è cibis flatulentis. Ipsa etiam cadavera alium atque alium spirant odorem, quia diversos edunt vapores.

VII. *Brighus* scribit: Vapores non tantum ex aquis, sed etiam ex terris & omnibus viventium reliquorum humiditatibus eliciuntur, cum ubique pateant astrorum viribus, *animadversionibus in Scribonium pag. 88. numi 156.* Respondeo: Est denominatio à potiori. Ubi verò è terris eliciuntur vapores, adsunt ibi terræ aquis perfulæ. Similiter humores animantium sunt receptacula & coagula quædama aquarum. Sursum feruntur vapores, quod caloris operâ fieri, ajunt, unde levitas rebus impertiatur, Conimbricenses *libro de Meteoris tract. 1. cap. 5.* Mocenicus *Contemplat. Philosoph. 4. part. 1. cap. 12.* Gilbertus Jacchæus *lib. 7. Institur. Physic. cap. 1.* Atqui ignis adest, qui resolutam illam aquam in sublimem vehit, ad mediam sæpè regionem aëris usque. Eo vicissim separato aqua ad naturam suam revertitur, & ad pristinum locum decedit.

VIII. Quæritur: *An vapor è locis humidis eductus demutetur in aërem?* Respondeo: Peripaterici Elementorum transformatores asserunt, quod aquæ per Solis atque ignis calorem attenuatæ exhalent, & sub vaporis specie mutantur in aërem, Bartholinus *lib. 5. Systemat. Physici cap. 2.* Verùm nec ratio, nec experientia istud comprobat. Argumentamur: Quæcunque differunt formis contrariis, illa non possunt invicem transmutari. Atqui aëris & aquæ Elementa differunt formis contrariis, Ergò illa non possunt invicem transmutari. Quod experientiam attinet, videmus quidem, aquam resolvi & attenuari in vapores, sed quod porro in aërem mutetur, verum non est.

IX. Quamobrem Tolétus *lib. 2. de generat. & corrupt. cap. 4. quest. 8.* Libertus Fromondus *lib. 1. de Meteoris cap. 3. art. 2.* Conimbricenses *libro de Meteoris tract. 1. cap. 1.* contendunt, vaporem nihil aliud esse quàm aquam rarefactam sine formâ substantiali, à quatuor Elementorum formis distincta. Nobis sufficit argumentum unum: Quicquid subito recidit in principium suum, illud non est effectum specie distinctum. Atqui vapor subito recidit in principium suum videlicet aquam. Ergò non est effectus specie distinctus, videlicet aër. Major patet: Compositio & resolutio alicujus rei mutuo sese & certo arguunt. Minor constat experimento: Aqua calida intra ollam servata & vapores emittens, cum operculum injicitur, vapores reperiuntur in liquidam aquam subito convertuntur. Proinde falsò creditur, quod vapor sit aër.

X. Neque minus falsum est, quod Combacchius *lib. 3. Institut. Physic. pag. 367.* Ferdinandus Vajàranus *lib. 1. de Meteoris quest. 2. art. 2.* docent, vapores & fumos differre ab Elementis specie & formâ substantiali. Dicimus nos, quod differant solum accidentariâ dispositione, uti patet ex illis quæ ante dicta sunt, & consentit Michaël Watsonus in *Collegio Physico Disputat. 10. dist. 3.* Instat Combacchius: (1) Elementa quoque invicem faciliè transmutantur, quæ tamen distinguuntur specie. Respondeo: Eam ob causam, quia specie distinguuntur Elementa, negatur quod invicem transmutentur, uti diximus *suprà lib. 4. cap. 2. dist. 10. seqq.* (2) Vapores non ponuntur subordinatè in scalâ prædicamentali ad Elementa, quoniam illi referuntur ad corpora mixta, hæc verò pertinent ad simplicia. Ergò specie differunt. Respondeo: Quod vapores & fumi sint effluvia mixta, nemo ambigit. Adsum enim in his Elementa plura, quinimò plura quàm Elementa. Et tamen ab Elementis non differunt, nisi per dispositionem accidentariam, itaque peculiarem doctrinam sortiuntur, & quod affectiones peculiares sustinent, quæ sunt Meteoræ. (3) Si vapores non differunt specie ab Elementis, quare non sequuntur motum Elementorum? Aqua & terra deorsum tendunt, effluvia inde prolucita sursum feruntur. Respondeo: Sagitta de arcu projecta sursum movetur, nec tamen specie differt à quovis ligno, quod deorsum tendit. Aqua per siphonem attracta & projecta sursum, non differt specie ab aquâ quâvis deorsum naturâ suâ vergente.

Exem-

Exempla hæc liquidò ostendunt, quod violenta cum naturalibus & accidentalibus cum essentialibus non debeant confundi. Ascendunt vapores non quidem ex se, verum per aliud. Nempè propter ignem, qui resolutam aquam illam in sublime provehit.

CAPVT QVARTVM,

Diatriba singularis de Principiis Hermeticis.

SUMMARIA.

1. Principia Hermetica.
2. Confirmantur ista.
3. Definitio Salis.
4. Definitio Sulphuris.
5. Solvantur objectiones.
6. Qualitates eorum.
7. Saporis definitio.
8. Saporis divisio.
9. Odoris definitio.
10. Odoris divisio.
11. Coloris definitio.
12. Coloris definitio.
13. Exceptio solvitur.

PRincipia Hermetica vocantur, quod illa Medicorum Secta recens, qui se Hermeticos appellant, principiorum horum usum demonstraverit: Sunt verò duo cum primis, Sal & Sulfur, Josephus Queretanus *defensione Medicinæ Hermetica* cap. 13. 14. Johan. Hartmannus in *Collegio Medico-Chymico Disputat.* 2. 3. 4. Osvaldus Crollius *præfat. ad Basilicam Chymicam* fol. 16. seqq. Andr. Libavius *libro de arte Hermetica*, Severinus Pinæus

in Idæa Medicina cap. 7. seqq. Henticius Nollius *lib. 4. Phys. Hermetica* cap. 1. 2. seqq. Daniel Sennertus *libro de consensu & dissensu Chymicorum* cap. 11. Quia enim videbant, non posse omnes corporum naturalium qualitates deduci ab Elementis & horum proprietatibus, voluerunt principia alia constituere, à quibus corporum mistorum qualitates certius & propius derivari possent, quæque operationum nobilium causæ existerent.

II. Argumentamur: Ubi sunt novæ & peculiare operationes, ibi quoque sunt nova principia. Atqui in corporibus mixtis sunt novæ & peculiare operationes. Ergò in corporibus mixtis quoque fuerint nova principia. Major est immutæ veritatis, quando operatio rei arguit rem ipsam, & omnis effectus præsupponit causam proximam. Minor est in propatulo: Sunt in rebus mixtis peculiare quidam effectus, Odor, Color, Sapor quæ licet à vulgaribus Elementis derivare conentur, tamen impingunt, quandoquidem illa nullam habent ad effectus istos producendos potestatem.

III. *Sal est principium occultum, à quo proveniunt saporès in corpore misto.*] Sal est primum lapidum, itaque sapor est ubicunque Sal est, & salis ope cuncta fiunt lapida. Hinc optimum condimentum est, putredinem arcet, fecunditatem auget, vigorem exacuit, itaque Oceanus falsus dictus est Rerum omnium parens apud Veteres, & murium vim maximam videmus locis iis, ubi sale mrodere possunt. Nihil falsius est urinæ

& excremento pecorum, ab eis verò est fecunditas agrorum. Fruges & vites lætius proveniunt, ubi oves & pecora egerunt stercorea.

IV. *Sulphur est principium occultum, à quo proveniunt odores & colores in corpore misto.*] Sulphur primum odorabile est. Hoc enim dato, mutato & sublato datur, mutatur, tollitur odor. Est quoque primum coloratum. Pro variâ enim sulphuris mixturâ varii surgunt colores, uti apertè videmus in gemmis, metallis, aliisque corporibus naturalibus. Denique Sulphur ignis fomentum est. Corpora quæ sulfuris multum habent, facili operâ accenduntur; difficulter accenduntur, quæ sulphuris parum, salis multum habent. Lignum piceæ statim corripit ignem & deflagrat leviter, non item quercus. Namque ibi sulfur copiosum inest in partibus raris, hic verò delitescit magis ob constrictas à Sale partes. Naphta ob maximam resoluti sulfuris copiam accenditur faciliè, etiam ab ignis aspectu. Ligna arida, tædæ, stramen, stipula, fœnum, stupa, lana, charta, funes picati facilius inflammantur, nimirum quod ignis cum sulphure ibi contento, faciliè unitur ac flamas concitat.

V. *Excipiunt*: Principia illa non sunt verè talia; (1) Quia non sunt priora quatuor vulgaribus Elementis. (2) Quia non sunt idonea principia affectionum Elementarium. (3) Quia nullum ex iis qualitatem Elementarem in supremo gradu. (4) Quia non suscipiunt primas qualitates, Johannes Craslotius in *Physicâ compendiariâ* pag. 328. Respondeo;

(1) Non sunt quidem ante quatuor Elementa, sed tamen eundem cum ipsis ortum habent, videlicet sunt peculiæres Naturæ in primâ rerum creatione cum aliis rerum naturalium speciebus compositæ, sive principia sui generis, quæ cum inter se, tum quoque cum Elementis aliis commista, corporibus naturalibus ortui & interitui obnoxii, dant convenientem materiam, (2) Imò verò ab iis velut primis & propriis subjectis variæ qualitates atque operationes immediatè proveniunt, odores, colores, sapes, quæ corporibus naturalibus insunt ob principia ista. (3) Quod non sint vulgaria Elementa, conceditur, sufficit, quod Natura fecerit illa in genere suo perfecta, equippe suas formas, per quas sunt atque operantur, quodque non quidem separatim, sed rebus aliis concreta sunt, ut eis præbeant materiam. (4) Jam dictum est, quod novas affectiones, quæque aliunde non possunt derivari, à se producant.

VI. *Eorum notentur qualitates, Sapor, Odor, Color.*) Quod vulgò de illis agitur in doctrinâ de animâ, non est satis conveniens, ad Methodum. Quia enim propriam habent naturam, ideo etiam propriam sedem obtinent.

VII. *Sapor est qualitas orta à Sale, per quam afficitur gustus.*] Nullum in corporibus simplicibus deprehendimus saporē. Inspida est terra, insipida est aqua, insipida sunt Elementa cætera. Solis corporibus mistis sapor inest.

VIII. *Estque vel Extremus vel Medius, Extremi sunt Dulcis & Amarus. Medii sunt*

Acrimonia, Salsedo, Aciditas, Austeritas, Acerbitas.] Dulcia sunt lac, panis, uvæ maturæ, mel, saccharum, butyrum, triticum. Aultera sunt poma immatura, uvæ incoctæ. Cæteri saporés in sunt lixivio, allio, piperi, glandibus, aceto. Saporum distinctio à judicio gustus dependet. Capris salices, turdis olivæ & baccæ hederæ sunt dulces, homini sunt amaræ. Temperamenta corporis totius & imprimis linguæ diversissima longè sunt, quomodò etiam palati & ventriculi.

IX. *Odor est qualitas orta à sulfure per quam afficitur odoratus.*] Nullus odor inest corporibus simplicibus, aëris odor nullus est, nullus terræ, nullus igni, nullus aquæ. Et si quis fortè odor inest iis, nunquam non subest effluvium mistum, cui soli inest odor.

X. *Estque vel Extremus vel Intermedius. Extremi sunt Fragrantia & Fætor. Intermedius sunt, gravis, amarus, acerbus.*] Fragrantia est in melle, croco, Zibétho. Fætor est in urinâ putridâ, fæcibus humanis. Intermedius sunt in oleis, succis, pinguedinibus, multisque aliis. Cæterum præstat calor, ut odor sit perceptibilis. Quia enim attenuat & resolvit, odorem liberius in auras dispergi facit, itaque horti aëre magis calente magis fragrant. Et quò magis fragrantiam in auras exhalant, eò magis exolescunt, exhalatâ sensim parte illâ odoriferâ & sulfurâ.

XI. *Color est qualitas orta à sulfure, per quam afficitur visus.*] Nullus calor inest corporibus simplicibus; aëris, ignis, aquæ, terræ color nullus est, & si in iis a-

liquid colorem habet, est ab effluviis mistis, quæ unâ adsunt.

XII. *Estque vel Extremus vel Intermedius. Extremi sunt Albedo & Nigredo. Intermedius sunt Rubedo, Flavedo, Cæruleus, Crocius, Purpurinus, Viridis.*] Colores varios enumerant Cardanus lib. 4. de Subtilitate rerum, Iulius Scaliger Exercitatus. 325. Bartholomæus Anglicus lib. 19. de rerum proprietatibus, Scarmillonius lib. 2. de Coloribus. Albedinem habent nix, olor, creta, gemmæ, uniones, ebur. Nigredo est in corvo, atramento, pecoribus multis.

XIII. *Excipiunt:* Omnia ista ab Elementis derivari possunt. Sapor est qualitas ex humido cum sicco terrestri vi caloris effecta. Odor est qualitas ex sicco lapido cum humido aërio effecta. Color est qualitas ex perspicui cum opaco mixtione effecta. Ità docent Georgius Liblerus in Epitome Physicæ fol. 390. seqq. Johan. Velcution lib. 4. Institut. Physicæ cap. 4. Joach. Curæus lib. 1. de sensu & sensilibus cap. 15. seqq. Alstedius lib. 7. Encyclopædiæ part. 3. Physicæ cap. 4. §. 6. 7. Johan. Brauvus libro de Saporum & odororum differentiis cap. 1. 2. seqq. Anton. Guntherus Billichius libro de vanitate Medicinæ Spagyricæ cap. 10. Contarenus Venetus lib. 5. de Elementis pag. 202. seqq. Barthol. Keckermannus lib. 3. System. Physicæ cap. 4. §. 6. Moenicus Contemplant. Philosoph. 4. part. 1. cap. 24. 25. seqq. Gilbertus Jacchæus lib. 8. Institution. Physicæ cap. 12. 17. 20. Bruno Seidelius libro de homine pag. 512. 564. 593. Respondeo: Nulla res potest illud quod non habet, dare alteri, siquidem nihil est in re quapiam, quin vel

actu vel potestate fuerit in principiis suis, ait Scaliger *Exercitat.* 307. *sect.* 20. Atqui odor, color, sapor, non sunt in Elementis, uti per manifestam experientiā constat. Dicunt, saporem, odorem, colorem non inesse quidem Elementis, sed oriri ab horum contemperatione, Joh. Heurnius *lib. 1. Institut. Medicarum cap. 4.* Respondet: Mixtio est accidens, quod ex sese non potest aliquid producere, nisi in principiis miscibilibus actu insit, adeoque novas vires haud procreat, sed priores vires tantum conjungit atque unit. Si humidum aqueum producit saporem, quare igitur pipet, Zingiber, caryophylla aromatica, & tot res aliæ siccissimæ sunt sapidissimæ? Si à sicco terrestri odores fiunt, quare tot res humidæ fuerint odoratissimæ & tot res siccae odorem non habent? Urina odorem gravissimum in sese continet, arena odore prorsum caret. Sicci & maridi flores parum vel nihil odoris exhalant, recentes & humidi proxima quæque loca odoribus complent. Si color à perspicui & opaci mixtione fit, quare terræ & aeris mixturæ non efficiunt colores alios atque alios? Felices essent pictores si colorum materiam ubivis locorum haberent, caperentque gratis.

CAPVT QVINTVM,

De Meteóris in genere.

SUMMARIA.

1. *Definitio meteororum.*
2. *Refellitur Timplerus.*

3. *Congeries atomorum.*
4. *Communis opinio.*
5. *Refellitur ista.*
6. *Solvuntur objectiones.*
7. *Divisio meteororum.*

I. **M**eteóra sunt affectiones effluviarum, à quibus illa variis modis representantur.] Est vocabulum Græcum, quod componitur ex *μετα* præpositione, & *τερον* tollo, elevo per suspendium, nimirum quia sub specie fumi & vaporis à Syderum radiis sursum evehitur, & in aëre sublimi figuram suam nactum Meteóron deorsum labitur, Aphrodisæus commentariis ad *lib. 1. Meteoror. cont. 1. 2. 3. 4.* Piccolominéus libro de rerum definitione pag. 294. Georgius Liblerus in *Epitoma Physicæ* pag. 289.

II. *Affectiones effluviarum.* Clemens Timplerus *lib. 4. System. Physicæ. cap. 3. quest. 2.* refellere conatur Zabarellam, quod ille scripserat, objectum Meteorologię esse halitum, libro de constitutione scientiæ naturalis cap. 24. Atqui objectum illud rectè assignat Zabarella, halitus enim sunt materia illa, quæ pro diversitate loci & agentis variè disponitur, atque Meteóra efficit, nunc magis nunc minus durabilia. Adeoque meteóra non tam sunt corpora, quam corporum affectiones.

III. *Variis modis representantur.*] Pleaque Meteóra sunt tantum congeries atomorum Elementarium quocunque modo coherentium, ut non subsint dominio formæ specificæ, itaque parvo tempore perdurant. Locus communis, ubi generantur, Aër est, Ex quo
infero

infert Timplerus, quod fontes, flumina, terræ-motus non sint meteóra, quia non generantur in aëre, verùm in subterraneis, *lib. 4. System. Physici cap. 3. quæst. 5.* Respondeo: Fontes & flumina minus rectè Aristoteles numeravit in Meteóris, non quidem ob illam causam, quoniam generantur in subterraneis: sed quia citrà ullam antegressam mutationem à mari per canales patulos exeunt, adeòque sunt partes aquæ. Terræ-motus omninò huc pertinet, velut meteóròn propriè dictum. Ait Timplerus: *Est affectio terræ.* Imò non est affectio terræ, cum non insit regulariter, neque per naturam, utique enim propria subiectis inesse solent.

IV. Definiunt vulgò, quod Meteóra sunt corpora imperfectè mixta, è vaporibus generata, & limitant, quod sint corpora materialiter dicendo, respectu habito ad vapores, è quibus conflunt, non verò formaliter, Georg. Liblerus in *Epitome Physicâ fol. 298.* Joh. Velcurion *lib. 3. Institut. Physic. cap. 1. 2.* Jacchæus *lib. 7. Institut. Physic. cap. 1.* Barthol. Keckermannus *lib. 6. System. Phys. cap. 1.* Clemens Timplerus *lib. 4. System. Phys. cap. 3. quæst. 3.* Respondeo: Meteora non sunt tam corpora, quàm corporum naturalium simplicium, id est, Elementorum variè deformatorum, affectiones. Frivolum est, quod sint corpora materialiter dicendo, & quatenus subiecto inhærent. Namque hoc ipsum atquit satis, quod Meteóra sint accidentia, inhærent enim corporibus aliis, & sunt, quia alii insunt. Acci-

dentia omnia corpòri inhærent, mirumque adeò est, si non hac ratione omnia accidentia referantur ad substantias.

V. Argumentamur: Nullum accidens est substantia. Meteóra sunt accidentia. Ergò non sunt substantiæ. Minor probatur, quia Meteóra insunt effluviis, quomodò passiones propriæ insunt subiecto, dicente Aristotele 1. *Meteor. cap. 1. 7. 8. 9. 12. 14.* Et ostendit exemplorum Inductio. Coruscatio, Iris, halo, colores nubium, parelius, non sunt substantiæ, verùm accidentia. Inhærent effluviis & nubium confluxui, & formam substantialem non habent. Est Iris in guttulis aqueis, non verò ex istis; Parelius in nubibus formatur, non verò ex istis; Terræmotus fit in terrâ, non verò ex terrâ, & non magis est substantia, quàm Solis motus, aut canis. In nubibus, nebulis, nive, grandine, vento, pluviâ, quid inest, unde colligatur, quod corpora sint? Non habent formam substantialem, citò oriuntur, citò occidunt neque habent materiam ex quâ, quæ unâ cum formâ compositum Physicum constituit. Dicit Timplerus: *Tonitru non est meteorum, sed effectus meteoris.* Frivolum! Non est effectum, sed integrans pars meteoris, quod vocatur fulmen.

VI. Instat Timplerus: (1) Quod Meteora sunt entia per se substantia, uti patet exemplo Comētæ, rosis, nivis, pluviz. (2) Quod naturaliter generantur ex halitibus, veluti ex materiâ substantiali. (3) Quod per se extensa sunt in longum, latum, profundum. (4) Quod capacia sunt

sunt qualitatatum primarum corporis naturalis. (5) Quod motui locali obnoxia sunt. Hæc ille. *Respondeo*: (1) Negatur, quod meteorâ per se subsistant. Subsistunt in alio, & per aliud, quod effluvia sunt. Cométa, ros, nix, pluvia sunt meteorâ per dispositionem accidentariam. Quæ supervenit vaporibus ac fumo, adeoque forma accidentalis est, unde accidens efficitur, non verò substantia. Nihil in meteorâ novi est, nisi imago aut figura. (2) Non sufficit, materiæ inesse, ut corporis aliquod sit; verum requiritur insuper, ut forma substantialis conjungatur cum materiâ, quam non habent meteorâ. Forma dat esse rei. Quæ si accidens est, corpus aut substantiam efficere non potest. (3) Non sunt per se extensa, verum per accidens, quatenus cum materiâ vel subiecto inhaesionis extenduntur, uti quantitates, formæ accidentales, figuræ. (4) Hoc à materiâ est, in quâ sunt. Pluvia quatenus talis est, meteoron est, corpus non est; frigida verò atque humida est, quatenus aqua est. Aquam esse frigidam, esse humidam, constat, quia Elementum est. De meteorô nunc quaeritur. In descensu guttularum pluviae ratio consistit, ubi neutiquam cernere licet corpus novum. (5) Eadem solutio. Movetur omne meteorum, non per se quidem, verum per accidens uti picta imago commovetur ad tractum ductumque ligni ejus, in quo deformata est. Scilicet removeantur subiecta, quæ tot obnoxia sunt impressionibus effluvia, vapores, fumi, & præter accidentia nihil remanebit.

VII. *Suntque vel Hypostatica vel Emphatica. Hypostatica sunt, quæ habent effectus transeuntes. Suntque vel Ignita, vel Aquea, vel spirituosæ. Ignita sunt, quæ ex fumo confunt.*] Fumo tali, qui multum continet sulfuris, à quo est accensio & deflagratio, quamque motus cumpri-
mis juvat. Separat enim fuligines, & effluvia ignea conjungit, inde flamma provenit. Uti candelam extinctam subito afflatu aut motu facto accendimus, de quâ egimus *suprà lib. 4. cap. 2. dist. 35.* ubi legantur.

CAPVT SEXTVM,

De Meteorâ Ignitis.

SUMMARI A.

1. Meteorâ ignita.
2. Ignis fatuus.
3. Ignis lambens.
4. Helena, Castor, Pollux.
5. Causa ignium istorum.
6. Bodinus refellitur.
7. Draco volans.
8. Fulmen.
9. Causa ejus.
10. Testimonium Sennerti.
11. Bodinus refellitur.
12. Fulmentrifidum.
13. Tonitru.
14. Fulgur.
15. Lapis fulminalis.
16. Effecta fulminis.
17. Campanarum pulsus.
18. Capra saltantes.
19. Scintilla volantes.

20. *Trabs ardens.*
 21. *Fax accensis.*
 22. *Lancea ardens.*

I. **S**untque plurima: *Ignis fatuus, Ignis lambens, Draco volans, Fulmen, Capra saltantes, Scintilla volantes, Trabs, Fax, Lancea ardens.*] Quæ omnia differunt à se invicem non quidem essentialiter, sed accidentaliter, ratione figuræ, loci, aliorumque accidentium. Ordine dicemus, uti cepimus.

II. *Ignis fatuus est fumus accensus, qui candela ardens speciem refert.*] Apparet imprimis circà loca palustria, sepulchra, macella, patibula, & ubi magna hominum strages per prælia facta est. Prolixè differunt Alphonsus Toftadus commentariis ad *Leviticum cap. 9. quest. 4.* Libertus Fromondus *lib. 2. de Meteoris cap. 1. 2. 3.* Wlffg. Meureus *libro de Meteoris pag. 111. seqq.* Ezechiel à Castro Veronenfis *libris duobus de igne fatuo.* Motum habet instabilem, nunc elevat se, nunc demittit, nunc præcedit viatorem, nunc sequitur, nunc ad latus resilit, nunc apparet propius, nunc fugit remotius. Causa est motus aëris impulsus à vento, & viatoris incitus, quicum accedit, aërem propellit, & insimul ignem erraticum; cum fugit, post se trahit aërem, atque unà ignem implicatum. Effectus est, ludere homines. Viatores insolitæ rei spectaculo moti, spectrum esse putant, & incerti, quò pergat, sæpè in periculum veniunt de labendo in præcipitia, flumina, valles, paludes, specus.

III. *Ignis lambens est fumus accensus, qui*

rebus variis extrinsecus adhaeret.] Urit quidem, sed non adurit, & citrà noxam ullam pilis ac vestimentis animantium adhærescit. Prodigiosum meteoron, ut vel insignem cladem, vel gloriam insignem portendat. Exempla docent apud Photium Constantinopolitanum in *Bibliotheca Tir. 2. 42.* Hieron. Cardanum *lib. 14. de varietate rerum cap. 69.* Ignis lambentes de Antonio Ciansio Bibliopolâ Bononiensi, & Maximo Aquilano Medico Pisano, dum subuculâ exuerent, è capite & dorso prodeuntes, refert Fortunius Licetus *lib. 2. de monstris cap. 48.* Ignis lambens è capillis Christiani V. Daniæ Principis excussus est, Thomas Bartholinus *Cent. 3. Observat. 17.* De Ascanio scribit Virgilius: *Ecce levissimò de vertice visus Iuli Fundere lumen apex, tactuq; innoxia molli Lambere flamma comas, & circumtempora.*

lib. 2. Æneid. De Laviniâ Regis Latini filia eadem habet lib. 7. Æneid. additque:

Namq; fore illustrem fama fatiq; canebant

Issam, sed populo magnum portendere bellum.

Repetit de Julo Claudianus in *quartum Consulatum Honorij*, & de Masanissâ Numidiæ Rege simile quid canit Silius Italicus *lib. 16.* Servio Tullo in cunis jacenti ex capite flamma emicuit, quamobrem ei Tanaquilla Regina præfagivit Regium honorem, & generum adoptavit. Livius *lib. 1. historia*, Florus *lib. 1. historia Romana cap. 6.* Valerius Maximus *lib. 1. cap. 6.* Cicero *lib. 1. de divinât. & nos ex illis lib. 4. historia universalis cap. 1. dist. 10.* Item evenit Lucio Marco exercitum Corneliano-

rum Duci, apud Valerium Maximum *l. d. Livium lib. 25. hiflor.* Narrat Suetonius, inter ostentailla, quæ Tiberio Cæsari præfagiebant imperium, hoc quoq; fuisse, quod apud Philippos sacrata olim victricium legionum aræ, spontè subitis collucerent ignibus, *lib. 3. cap. 14.* Neque enim hominum capillis aut vestimentis saltem adhæret ignisille, sed in jubis equorum, in antennis navium, & aliàs conspicitur absque noxâ. Equum candidum habuit Julius Scaliger, qui cum in tenebris strigili fricaretur, scintillas jaculari videbatur, *Exercitat. 174.*

IV. Huc pertinent nautarum Helena, Castor, Pollux, de quibus agit Plinius *lib. 2. hifloria naturalis cap. 37.* Cum ignis iste unus est, & in malo aut antennis navium in specie accensi cerei adhærescit, Helena appellatur, infausta & tempestatû præfaga flamma, à quibus naves per eunt, uti ob raptum Helenæ everfa fuit Troja, decem annorum bello vexata. Cum verò ignis hic duplicatas producit flammæ, Castor & Pollux dicitur, faustum ac letissimum navigationis omen. Exemplum habes apud Plutarchum *in vitâ Lyfandri Spartani*, erantq; Castor & Pollux malorum terrâ marique depulsores, bonorum annunciatores. Horatius:

Clarum Tyndaridæ fidus ab infinis

Quassas eripiunt aquoribus rates.

lib. 4. Carm. 8. Monet Renatus Cartesius libro de meteoris cap. 7. dist. 4. quod raro plures hujusmodi ignes quàm duo conspecti sint, nisi forte cum tempesta ultrà solitum vehemens fuit, quo tempore interdum tres metamaverunt, quos idè etiam cum malo nomine esse arbitrati sunt,

Hodiè à nautis etiam quatuor vel quinque solè observari, forte quia navigia majora, & plures in eis malos habent, aut quia per loca navigant, ubi exhalationû copia major attollitur. Nautarum Patroni, tutelæ & insignia navium *si deorum 201. Actor. 28. 11. & nos prolixè in Recensu Antiquitatum Romanarum lib. 1. cap. 3. dist. 3. cap. 7. dist. 5. ubi multa Veterû testimonia habes.*

V. Confiunt ignes isti à pinguedine fæculentâ, quæ accensa, non minus quàm vinum igne eliquatum, flammam alit minus potentem. Nec enim verû est, quod Joh. Garçæus libro de Meteoris fol. 66. Rodolph. Goclenius notis ad *Physicam Valerij pag. 69.* Joh. Bodinus *un Theatro naturæ pag. 179. & 211.* Robertus Fluddus in *Meteorologicis pag. 120.* Henr. Nollus in *Physicâ Hermeticâ lib. 3. pag. 169.* differunt, causam naturalem haud subesse prodigiosis ignibus istis, quandò à dæmonibus accenduntur. Ab hominum calido temperamento præditorum corporibus effluunt sudores, halitus, vapores, qui cum sulphur admixtum habent, facillè accendi possunt à motu atque agitatione validâ. Naves harumq; funes copiosâ pice undiq; allinuntur, inde provecta sursum effluvia non difficilè inflammantur. Bodini verba sunt: Eos ignes, qui à nostris fatui vocantur, quiq; circa sepulchra & paludes vagantur, dæmonum ludibria esse vel hoc argumento convinci potest, quod si bilo procul etiam evocati celesterrimè advolent, & evocantem necare possint, nisi fenestram, quâ venientem viderit, repentè claudat; viatores etiam in flumina & loca periculosa consequentes deducant, quos arcere si voles, clarâ voce Deum appellat.

pellare, aut facie pronâ terram contingere oportet. Hoc amuletum majoribus nostris acceptum ferre debemus. Idem fermè iudicium est de ignibus, quos Antiqui Castorem & Pollucem vocabant, qui procellâ jactatos comitantur, & navibus adhærescunt: Helenam verò noxiâ opinantur, cum unica flamma in prorâ confedit. Huc referenda sunt illa: Qui facit Angelos suos spiritus, & ministros suos flammam ignis, *Psalm. 104. 4.* Sunt enim ab illis literis petenda Naturæ arcana. Hactenus ille *l. d.*

VI. *Respondeo:* Quod Genii mali abutantur hoc meteorò ad seducendos homines, cum primis tempore ad terrores faciendos apto, id est, nocte, quæ nemini amica est, haud debet negari, Attamen oriuntur à causis naturalibus. Dicit Bodinus, *evocari sibilo, & necare homines.* Atqui per sibilos evocari, nondum constat. Quodq; propinquantes nimium enecet, à vaporibus venenosis est, qui sæpius adsunt unâ. Dicit, *viatores in loca periculosa deduci.* Ex accidente hoc est, quoniam in locis palustribus generantur & foveantur, itaq; homines locorum ignari, quandò ignes sequuntur, incauti deferuntur ad loca periculosa. Locus *Psalm. 104. 3. 4.* itâ sonat: *Qui facit nuncios suos ventos, & ministros suos ignem flammantem.* Nimirum DEUS ventis & flumine utitur ad exsequenda judicia sua, uti in eversione Sodomæ, *Genes. 19. 24. 25.* Sensus iste manifestò apparet ex *Psalm. 18. 9. 13. 14. 15. 16. Psalm. 78. 26. Psalm. 148. 8.*

VII. *Draco volans est fumus contortus, anguis more descendens.* Fumus qui accen-

ditur, habet partes dissimiles, quarum mediæ densiores, extremæ rariores sunt, ut illæ quidem ventrem, hæ verò caput & caudam repræsentent. Proinde instar anguis esse apparet. Rutilus est Plurimum, interdum albicans, modò sursum, modò deorsum fertur, modò ad latera impellitur, prout venti aërem vicinum commoveant, atque incumbit ædium tectis, culminibus, fenestris, infumibulis. Sæpius accidit, ut Genius malus admisceat sese viso isti, & sub draconis specie cultoribus suis vestes, divitias, frumenta adferat, quod Sagæ testantur apud Remigium *lib. 1. demonolatriæ cap. 4.*

VIII. *Fulmen est fumus densus intrantibus violenter discolo.* Ad Genios suos reddit Johannes Bodinus *lib. Theatri naturæ pag. 208. 209. 210.* ubi dicit, fulmen esse exhalationem inflammata Geniorum ope agitata à & superioribus potestatibus deorsum jactam cum ingenti fragore & teterrimo sulfuris odore. Consentiant Robertus Flud. in *Philosophia Mosaisca fol. 54. seqq.* & in *Meteorologia Cosmica pag. 99. seq.* Johan. Helmondus in *Initiis Physicis pag. 90. 91.* David Crusius *lib. 5. Physica pag. 140. 141.* Nos quidem concedimus non inviti cum Lamberto Dancæo *part. 2. Phys. Christ. tract. 2. fol. 53.* quod Genii meteorò isto de causis naturalibus educto potiantur, & gravissima damna hominib; procurent, ædes, villas, civitates incendiando, pecora & homines occidendo, attamen hinc non sequitur, fulmen à Geniis solis confici, ut non accedant causæ naturales. Communiter describunt fulminis originem, quod sit ab effluvijs calidis ad mediam regionem aëris

aëris elevatis, quæ à frigida nube intercepta & conclusa invicem pugnam movent, donec vi factâ pertrumpant obstacula, & impleant aërem, cum sonitu, perinde uti à flammâ ignis in ligno viridi & disrupto cictur ingens strepitus, Rodolfus Goclenius *lib. 4. Disputat. Phys. 5. dist. 7.* Barthol. Keckermannus *Disputatione de fulmine quæst. 1. & lib. 6. Systematis Physici cap. 6.* Gilbert, Jacchæus *lib. 7. Institut. Physic. cap. 5.* Michaël Watsonus in *Collegio Physico Disputat. II. dist. 13.* Bartholinus *lib. 6. Systemat. Physici cap. 8.* Franciscus Vallesius in *Philosophiâ sacrâ pag. 305. 306.* Verùm adferunt causas remotissimas, quæq; ad producendum effectum istum non satis valent. Calidum & frigidum quocunq; modo concludantur, nec sonum terribilem, nec splendorem latissimè emicantem progeneraverint. Ad effluvia sulfuris & nitrosa recurrendum unice est.

IX. Sulfur quidem concipit fovetque pertinacem flammam, adeoq; elevatum à terris & igne propius appposito inflammatum ardet in terrâ & suprâ terram, in nubibus & extrâ eas. Sonitus non tam à nubium rupturâ est, quam à fractione aëris. Percussus enim aër sonum parit, frangitur verò aër turbidus à concursu nitri ac sulfuris. Tolerant sese hæctenus nitrû ac sulfur & concresecunt invicem, donec flamma accedit, ab igne per agitationem & ventorum insufflationem exsuscitato. Factâ inflammatione, mox sequitur fragor & violenta ignium ejectio. Bombardarum confectio artificialis imitatur fulmina, quæ fabricat Natura, ut tonitrua audiantur, & fulgura videantur. Pulvis

incendiarius conficitur à sulfure & nitrosâ terrâ potissimum. Flamma est ab accenso sulfure, sonus est à nitro fugiente atq; aërem frangente. Similis ergo materia ad nubes delata similem edit effectû.

X. Rem prolixius describit *Sennertus*: Lucem huic doctrinæ addunt operationes Chymicæ, quæ non solum causam tonitruî clarius ac specialius declarant, sed & sonum illum non tantum à materiâ conclusâ exitumq; quærente fieri monstrant. Ex iis enim satis clarè videre est, quotiescunq; salî Petræ sulphuris accensâ portio aliqua accedit, strepitum & fragorem ingentem edi. Id quod in pulvere pyrio bombardarum videre est, & præparatione salis petræ, quem salem prunellæ appellant. Neque solum hoc sulphur commune præstat, sed & sulphur mineralium & metallorum, dum salî petræ ipsi conjungitur, ut ex calcinatione Antimonii per salem petræ patet, imprimis verò ex auro fulminante, quod ingenti & longè majore impetu accensum, sed deorsum, ferit, quàm pulvis pyrius. Ad quem modum & calx Martis fulminat. Neque ignotum est, ex nitro, sulfure, calce vivâ & bituminibus misturas fieri posse, quæ humidiaspersione, vel etiam sputo saltem accenduntur. Vis autem illa neque à sulphure solo, neque à nitro pendet, sed ab iis mixtis. Sulphur quidem spontè flammam concipit, sed tardè deflagrat, nitrum verò non ità facilè inflammatur, sed semel accensum subito & quasi unò momento deflagrat. Itaque ut pulvis pyrius facilè flammam concipiat, habet à sulphure, ut verò tam subito

totus deflagret, à nitro est, & ex eo totus ille impetus. Ex quibus de tonitruu generatione iudicari, non est difficile. Namque ubi vapores sulphurii & nitrosi tempore æstiuo à calore Solis præcipuè flantibus ventis meridionalibus invisibiliter sursum eleuantur, & postea vel à ventis oppositis, vel frigiditate mediæ regionis uniuntur & condensantur, fit ut ibi accendantur, atque hinc & sonus & coruscatio oriatur. Hæc ille *lib. 4. Epitom. Phys. cap. 2.* & adde Cornelium Drebbelium *libro de naturâ Elementorum cap. 6. 7. 8.*

XI. Quibus observatis, facile solvuntur rationes contrariæ à Bodino prolatae. Dicit ille: (1) Geniorum vis appareret, dum ignes levissimos contra naturam ingenti potestate deorsum jaciunt. *Respondeo*: Quod ignis levis deorsum feratur, per accidens est, nimirum ab impetu pellentis externi. (2) Sacræ literæ testantur, fulminum casus in scelorum ultiones immitti ab inferioribus potestatibus, quæ Deo serviunt, Jobi 38. 35. *Resp.* Non memorantur Genii, sed Deus prædicatur esse, qui Naturæ conditor & conservator sit, qui que faciat illa, quæ ipsius vicaria, Natura, in sublunaribus efficit. (3) Sæpè ruptis à flammâ nubibus tonitrua ingentia audiuntur, sæpius etiam iisdem effractis fulgur sine tonitru emicrat, quod argumentum ostendit, tonitrua non quidem à fragore nubium, sed potius à potestate dæmonum excitari. *Respondeo*: Quod interdum fulgur sine tonitru emicat, causæ naturales sunt. Et tonat & fulgurat simul, tunc cum fulmen in se habet nitrum ac sulphur; fulgurat

solum, tunc cum sulphur adest, non admitto nitro. Uti enim sulphur cum nitro conjunctum parit sonum, ita sulphur à nitro destitutum deflagrat citrà fragorem. Res similis occurrit in pulveris nitrati usu. Cum sulphur copiâ suâ nitrum superat, validus ignis est, percussio debilis; cum abundat nitrum, minor ignis & fuligo est, maxima verò percussio. (4) Si fragor nubis tonitrua ciceret, semper ruptis flammâ nubibus tonaret, ac sine nubibus tonitrua nunquam exaudirentur, cum tamen utrumque falsum sit, quoniam & sine ullis nubibus cælo sereno tonitrua exaudiuntur, & sæpissimè fractis ab igne nubibus tonitrua nulla percipiuntur. *Respondeo*: Quod sine nubibus, cælo sereno, fulgura promicant & tonitrua sonant, ab iisdem effluviis sulphuriis & nitrosis est, quæ à terrâ & paludosis agris elevata atque in aërem sursum adducta, cum accenduntur, sonos & flammæ quaquaversus dejiciunt. Neque unâ stillant pluvix, quod merus fumus, citrà vapores pluviarum effectores, adsit loco isto. (5) Tonitrua sæpè in antris & desertis turribus exaudiuntur, quod de Labyrintho Ægypti relatum est, cælo sereno ingressos maximo tonitru percussos esse. *Respondeo*: In recessibus & cavernis profundioribus terræ, non equidem vera tonitrua, sed horum æmula murmura effluviis copiosorum & ad fornices proximos collisorum, ubi non datur exitus, audiuntur. Repercussio existit ab anfractibus ædium, inde tonitruorum species, quod in omni ædificio profundis concamerationibus & pensilibus substructionibus innixis experiri liceat.

(6) Non congruit ad rem præsentem, quod videamus aërem cum maximo fragore à bombardis erumpere. Etenim materia nubium ænea aut ferrea non est, neque ob fugam vacui pulveres sulfurii & nitrosi concluduntur. Nihil vapore mollius & levius, nullæ hîc angustia, quibus aër concludatur, sed patentissimis regionibus excurrere licet. *Respondeo*: Quanquam materia nubium seu ænea seu ferrea non sit, attamen effluviolorum spirituosorum concursu adedò obsepîri & constringi possunt, ut undique ligatæ velut compriment nitri, bituminis, sulphuris vim agendi, tandem verò cum quodam impetu disruptæ sonum in proximo aëre concurrente efficiant, quomodò spiritus à vesicâ displosâ erumpens fragorem edit. Sed nec fuga vacui est causa fragoris vel in bombardis vel in fulminibus. Unica causa est naturale sulphuris & nitri dissidium, quæ cum violento impetu ab invicem discedunt. (7) Fulminis casum odor sulfuris comitatur, idque arguit dæmonis præsentiam certissimam. Ubicunque enim dæmones cum hominibus pessimâ fide societatis copulantur, ibi foetidissimum odorem sulphuris relinquunt, uti Sortilegi experiuntur. *Respondeo*: Odor sulphuris in fulmine arguit, quod sulphur adsit, non verò etiam ubi sulphur est, ibi dæmon adest. Quin odit ille sulfuris odorem, itaque obsessis admoventur ramenta sulfuraria coram naso inflammata, ad quæ desinit vexare Satanas & refugit. (8) Empedocles, Heraclitus, Democritus, Tullius & Academici omnes docuerunt, mun-

dum hunc esse dæmonibus plenum, à quibus varia patrentur effecta. *Respondeo*: Quod dæmones locis omnibus errent atque oberrent, haud negatur, verum non sequitur inde, quod fulmina conficiant. Elenchus à non distributo ad distributum.

XII. *Ejus notentur species & partes. Species sunt terebrans, discutiens, urens.*] Hinc trifidum fulmen Jovis, quod ille jaculatur dexterâ, uti Poëtæ referunt, & pingitur in Veterum nummis, Abrahamus Gorlaeus *Tabula 13. num. 2. Tabula 39. num. 6. 7.* Antonius Augustinus *Tabula 11. num. 5. 8. Tabula 41. 2.* Johan. Jacobus Boissardus *part. 3. Antiquitatum Romanarum fol. 129.* Terebrans est, quod ob flammæ puritatem densa quæcunque verberando pervadit. Hoc fulmine conflatur argentum salvo massupio. Discutiens est, quod ob flammæ validitatem prostermit obvia quævis. Hoc fulmine turres franguntur, arbores scinduntur. Urens est, quod ob flammæ celeritatem incendit. Hoc fulmine accenduntur & comburuntur tuguria, pagi, urbes.

XIII. *Partes sunt tonitru, fulgur, lapis fulminalis.* Tonitru est sonus intra nubes perfringens.] Est nitrosorum effluviolorum effectus, quomodò ignis est à sulphure. Proindè sæpè est tonitru absque igne, quandò exhalationes nitrosæ adsunt tantum; & contrâ sæpè est fulgur sine tonitru, cælo sereno, quando nimium exhalationes sulphuriæ adsunt tantum. Veteres multa omina captabant à fulminum castu, uti referunt Alexander Neapolitanus *lib. 5. genial. dierum cap. 13.*

Adrianus Turnebus *lib. 22. aduersariorum* cap. 20. & adde illa quæ nos diximus in *Recensu Antiquitatum Romanarum lib. 1. cap. 12. dist. 9. 10.*

XIV. *Fulgur est lumen perniciosissimum ab accenso fumo.*] Intrà nubem. Semper verò prius conspicitur fulgur, quàm auditur tonitru, & causa est, quod visus celerior sit in apprehendendo objecto suo, quàm auditus. Ut formetur sonus, aëris fractione opus est, quæ temporis moram aliquam requirit, inde per varias ambages & circumgyrationes deferuntur soni ad aures. Quæ cum in visu non occurrant, objecta sua percipit celerius. Eandem ob causam in bombardis ignem prius videmus, quàm sonum percipimus, quamvis simul fiant tempore.

XV. *Lapis fulminalis est massa fuliginie de nube projecta deorsum.*] Quod telum hoc fulminium possit in nubibus generari, negant Derodon in *Physica contraria part. 2. cap. 4. artic. 3. dist. 18.* Michaël Watsonus in *Collegio Physico disputat. 11. dist. 13. 14. 15. 16.* Rationem adferunt, quod nubes levissima impar sit ferendo lapidi gravissimo, & arbores dejectæ à condensatâ massâ fulminis acceperint cladem, tela denique fulminia de terris eruantur, in quibus generentur, ut in aëre nunquam fuerint. *Respondet:* Generatur utique hic cuneus fulminis in nubibus, quandoquidem levissimæ sunt illæ, & picis instar ad focum calefactæ tenacitatis alicujus quaquaversum compotes. Accedit motio ventorum, à quâ sustentantur

gravissima quævis intrà nubes generata & conclusa. Colliquamentum est è sulfure, nitro, bitumine, sale resolutis ab igne præsentē. Ut non sit opus, lapidis ejus formationem ad qualitates referre, cum Joachimo Bursero *lib. 2. Institut. Physicarum cap. 14.* Ferrum & chalybem generari in nubibus, atque cum fulmine in terras demitti, experientia docuit. Eadem testatur, quod cuncorum fragmenta hæreant in fissuris scissarum à fulmine & ambustarum arborum. Quas cum pervadunt vi, inque terras proximas sese condunt, eruntur inde, sed tamen ibi locorum non generantur.

XVI. Mira fulminis effecta sunt, quæ plurima recensent Libertus Fromondus *lib. 2. de Meteoris cap. 3. art. 6.* Ferdinandus Vejaranus *lib. 2. de Meteoris quest. 4. art. 3.* Nicolaus Cabæus *lib. 3. de Meteoris text. 6. quest. 2.* Calpar Scottus *lib. 11. Physica curiosa cap. 18.* Benedictus Mazottus *lib. 1. de Meteoris ignitis cap. 3.* & nos compendio adducemus. (1) Dolia exhaurit intactis vasorum operimentis, mulloque alias vestigio relicto. Putat *VVolffg. Meurerus*, vi fulminis subito dissolvi compagem vasculi, ut vinum effluat, quo facto iterum constringatur illud, *libro de Meteoris pag. 140.* Atqui non percipiatur facilè, quomodo vasculum dehiscat & coëat ab unâ eademq; causâ agente. Rinas assumentorum & poros subit, vinum attenuândo secum avehit viâ eadem, quâ venerat, ut vel parum super sit vini insipidi, amisso odore, sapore; vel prorsum nihil. (2) Dolia confringit, vi non stante quidem, sed tamen corrupto, ut

propter vim maleficam, si potetur, amentiam homini conciliet, Seneca *lib. 2. quæst. natural. cap. 31.* Albertus Magnus *libro de tonitru cap. 22.* Nimirum sulfurius fulminis spiritus dissipat lignum, & concitat tartarum, qui vino inest, ut velat pellicula circumducatur ei, quâ continetur liquor, eo modo quo pules, juscula nonnulla, aqua ipsa gelascunt à causâ quâdam externa, ut consistent, & non disfluant. (3) Gladium & nummos ad liquiditatem redigit, illæsis vaginâ & oculis, Seneca *l. d.* & Antonius Muretus *in notis ibidem. pag. 764.* Lucretius *lib. 6. de rerum natura,* Plinius *lib. 2. cap. 51.* Nimirum solida & dura corpora frangit, quia resistunt; rara & porosa celerius pervadit, quàm ut illa possint lædere. Vagina & oculi magnos poros habent, transitumque liberum concedunt, itâ ad gladium, aurum, argentum, cuprum, solida corpora delatum fulmen experitur vires agendi, liquescit, comminuit, perurit. In unâ sæpè arbore diversas exercet vires, quod aridum est, urit; quod solidum est, frangit, corticem dissipat, scindit ligna, perstringit folia. Eadem causa est, quod ossa animantium incolumi carne comminuat, quod pedes illæso calceamento percutiat, quod manus salvâ chirotheca lædat, quod medullas arborum exedat salvo cortice, Seneca & Plinius *l. d.* Theophrastus *lib. 5. de plantis,* Levinus Lemnius *lib. 2. de occultis naturæ cap. 48.* Scilicet, quod resistit, vehementiâ dissipat; quod cedit, aut levi aut nullâ afficitur injuriâ. (4) Retia piscatorum subter aquis afflat & amburit. Spiritus fulminis subitaquas, neque ab hisce restringitur vis ejus, tum

quod nimis perniciousiter transeat, tum quod viribus omnibus agendo, non lædat aquas liberum transitum dantes, incumbat verò cum impetu in retia, amburat, corrumpat. (5) Occidit homines, nullo extrinsecus apparente percussione ejus signo. Exempla sunt apud Eutropium *lib. 4. historie Romana,* Petrum Crinitum *lib. 11. de honesta disciplina cap. 1.* Johan. Langium *commentarius ad librum de Mundo pag. 70.* & tum primis observetur, quod narrat Cardanus: In Lemno messores octo sub quercu unâ cœnam sumebant, mox percussi fulmine exanimabantur omnes, servatâ eadem specie, eadem oris figurâ, & eodem corporis habitu, quem gerebant viventes; aliis poculum ori admotum, aliis cultrum panem scissurus, alius manum in patinas extensam tenebat, denique nemo erat qui non simile quid faciendo cœnantis speciem præ sese ferret. *lib. 8. de varietate rerum cap. 43.* Spiritus fuliginis repente illabatur, per corporis poros, & cor vitæ fontem subeundo venenosum vaporem ingerit, à quo perimitur homo. Interdum corpus in cineres redactum sic confestim dissipatur in ventos, ut nihil ejus porrò conspiciatur uspiam, quomodò viro alicui contigisse propè Torgam Misniæ urbem, narrat Meurerus *l. d.* qui à fulmine occisus & abreptus non comparuit amplius. (6) Infantes utero contentos matre salvâ interficit. Exemplum de Marcia refert Plinius *l. d.* quæ gravida & fulmine icta, exanimato partu, citrà aliud incommodum proxivit. Aliud exemplum de muliere in agro Moguntino est apud Johan. Langium *l. d.* Scilicet insinuat sese fulmen, agendo

agendo in objectum proprium, itaque fortum exanimat virosâ fuligine, quâ vitales spiritus inficiuntur. (7) Sæpè lædit unum, ut non etiam lædat proximè stantem & recubantem. De Fracastorio Veronenſi Philosopho & Medico nobilissimo produnt Theod. Zuingerus *lib. 1. Theatri pag. 18.* David Herlicius *libro de fulmine cap. 8.* quod cum mater adhuc infantem gestaverit ulnis, ubi illa fulmine percussa defecit, filius incolumis provixit. Nimirum spiritus fulminis agendo viribus omnibus in objectum unum, absumitur in eo, ut non restet aliquid, à quo damnum inferatur alii. (8) Lætos homines ad infaniam redigit, cum non enecat. Exemplum de bubulco in montanis Taurinorum est apud Julium Scaligerum *Exercit. 13.* Nimirum virosus fumus inficit cerebrum, & spiritus animales, rectæ rationis instrumenta corrumpit. (9) Animalia venenata tactu suo repurgat à veneno, non venenata imbuunt veneno, itaque aves, canes, lupi non vorant cadavera de cælo tactorum animalium, docente hoc Naturâ ut conserventur ab interitu, Seneca *l. d. Plutarchus lib. 4. convival. quæst. 2.* Scilicet fuligo venenosa veneno, simile simili, gaudet, atque illiunitur; post cum exhalat, unâ aufert venenum. Venena enim venenis, calida calidis, frigida frigidis, pinguis pinguibus tolluntur. Ubi verò non reperit venenum, ibi fuliginis effectus remanet, suâque malignitate inficit. (10) Dormientes à fulmine tacti oculos habent apertos; in vigilantibus à fulmine preempts sunt operti & clausi, Wolffg. Franzius *disputatione de fulmine dist. 82.*

Scilicet, homo soporatus, cum percutitur, statim evigilat correptus terrore, oculosque diducit, quos morte præventus non potest claudere. Qui vigilat, oculos claudit ne fulmina terrificata videat, inde morte oppressus non potest aperire illos. (11) Feles, canes, capræ plurimum à fulminibus petuntur, Barthol. Keckermanus *disputatione de fulmine quæst. 9.* Nimirum, quia calidos & sulphorios halitus maximâ copiâ ab eis proveniunt, cum quibus vult uniri spiritus fulminis veluti ejusdem generis. (12) Arbor laurus fulmini non est obnoxia, Plinius *l. d.* Itaque Tiberius Cæsar tonitrua veritus gestabat coronam lauream, & eandem ob causam Augustus Cæsar pellem vituli marini ferebat secum, quod nec ille à fulmine lædi posse credatur, Suetonius *lib. 2. cap. 90. lib. 3. cap. 69.* Et gallinæ ovis incubanti lauræ ramulos subjecerunt quondam mulieres, Columella *lib. 8. cap. 5.* Levinus Lemnius *lib. 2. de occultis naturæ miraculis cap. 48.* Palladius *lib. 1. de re rustica cap. 35.* Johan. Garcæus *libro de Meteoris pag. 343. seqq.* Wolffgangus Meurerus *libro de Meteoris pag. 147.* Verum de vituli marini corio vanitas Magica & inepta persuasio est: de lauro quoque experientia fallax, & non tam vera, quàm fictitia. Laurum à fulmine percuti & amburi, testantur Franciscus Vi-comercatus *lib. 3. de Meteoris cap. 10.* Johan. Brodæus *lib. 3. miscellaniorum cap. 2.* Hieronymus Cardanus *lib. 2. de rerum subtilitate pag. 41.* Ludov. Vairus *lib. 2. de fascino cap. 14.* Conimbricenses *Tract. 2. de Meteoris. cap. 6.*

XVII. Hujus farinx & illud est, cam-

panarum pulsu averti fulminum pericula, dissipari nubes, rarefieri aërem, tempestates dispelli, Barthol. Keckermannus *disputatione de fulmine quest. 10.* Johannes Langius *commentariis ad librum de mundo pag. 72.* Garceus *libro de meteoris pag. 345.* Merito enim roges, unde sit in campanarum bombis robur illud, ut constrictas nubes perfringant, ut fulminis massam disturbent? Accedit experientia. Solo afflatu quosdam extinctos videmus, ait *Julius Scaliger*, in quibus nulla usquam vestigia fulminis apparebant, & plures superstites etiam nunc sine miraculo, salutamus, virgines, maritos, milites, sacrificulos, bubulcos, campanarum, quæ adversum fulmina pulsantur, ventilatores. Quorum maximæ parti ad incommoda, quæ obveniant, aut exitu, aut ex afflictatione, aut exustione, medicas manus jussu nostro ministri adhibuerunt, *Exercit. 13. sect. 1.* Quodsi ventilatores campanarum à fulmine percussi fuerunt, non certè campanarum sonus avertat fulminum pericula. Fabulis homines delectantur, pluresque semper invenit cultores falsitas, pauciores veritas.

XVIII. *Capra saltantes sunt fumus accensus capra salientis motum referens.* Fumus ille constat massis quibusdam inter se atque à se divisis, itaque flamma ab unâ massâ ad alteram prosiliendo, capræ subsilientis modum imitatur. Simile quid efficias in pulvere nitroso per intervalla & in cumulis disposito, paucisque granis interpositis, accensis iis habemus seu capras seu hœdos saltantes. Prænunciant ventos & siccitatem.

XIX. *Scintilla volantes sunt fumus accensus scintillarum è furno provolantium speciem referens.* Fumus ille constat massis quibusdam rarioribus & à se divisis, ut à capris saltantibus multitudine & magnitudine tantum differre videatur. Inferius succenditur, & adscendendo pergit ardere ut repræsentet speciem scintillarum è camino magno provolantium, aut ardentium palearum. Tempore æstatis, ubi serenæ noctes sunt, imprimis conspicitur, & tempestates prædicit, ut *Plinius* author est. Neque mirum est, tam diversos in aëre generari ignes, varia enim effluvia ad concipiendos ignes apta educuntur sursum, unde existit meteororum varietas.

XX. *Trabs est fumus accensus æqualiter porrectus in longum.* Refert *Plinius lib. 1. histor. natur. cap. 26.* apparuisse trabem illo tempore, quo Lacedæmonii classe victi imperium Græciæ amiserunt. In naturalia signa quandoque non naturales eventus denotant.

XXI. *Fax est fumus accensus in parti superiore.* Facis inflammatae habet speciem, adeoque differt à trabe, quod incensio diversa est, scilicet in trabe æqualis, in face ad partem superiorem. Evanescit oppidò, quando fumus sulfuris in apice repositus citò absumitur, & tunc demum ferit oculos, cum interit, dicente *Plinio*. Antequam Græciæ populi bello Thebano confligerent, & Lacedæmoniorum Principatum everterent, fax seu candela accensa effulsit in cælo, *Xenophon lib. 6. histor.* Cum Germanicus edebat Romæ spectacula, fax apparuit ipso meridie, *Plinius l. 4. Exempla*

placita in Romanorum gestis collegunt Peucerus libro de diuinatione pag. 359. Joh. Garcæus libro de Meteoris pag. 53. 54. sed ita ut non pauca è facibus ab Authoribus notatis fuerint Comætæ.

X XII. *Lancea ardens est fumus accensus in forma torris.* Accensa lancea perumpit nubes, & delapsa in aquas, stridet admodum, perinde ut torris de foco ablatus & in aquam coniectus. Videbatur Romæ post occisum Cæsarem, à quo tempore bella crudelissima Romanos afflixerunt, teste Plinio l. d.

CAPVT SEPTIMUM

De Meteoris aqueis.

SUMMARIA.

1. *Meteoræ aqueæ.*
2. *Differunt accidentaliter.*
3. *Definitio nubis.*
4. *Distantia nubis à terra.*
5. *Vapor constrictus.*
6. *Aëris medii frigus.*
7. *Nubium fragmenta.*
8. *Pluvia.*
9. *Nubes liquefacta.*
10. *Aquarum gutta.*
11. *Pluuiæ insolita.*
12. *Bartholini exceptio.*
13. *Titelmanni exceptio.*
14. *Pluuiæ signa.*
15. *Grando.*
16. *Grando cum pluuiâ.*

17. *Nix.*
18. *Color nivis.*
19. *Figura nivis.*
20. *Pruina.*
21. *Ros.*
22. *Pappi.*
23. *Chymicorum sententia.*
24. *Mel.*
25. *Refellitur Senguendus.*
26. *Manna.*
27. *Manna Arabica.*
28. *Saccharum.*
29. *Nebula.*
30. *Glacies.*
31. *Bodini opinio.*
32. *Refellitur ista.*
33. *Solvuntur objectiones.*
34. *Eluvionum causa.*

I. **A** *Quæ sunt, quæ ex vapore consunt.* Vapore tali, qui multas aquas continet, à quibus est irrigatio, fecunda generatrix plurimarum rerum quæ de terrâ nascuntur.

II. *Suntque plurima: Nubes, Pluvia, Grando, Nix, Pruina, Ros, Nebula, Glacies.* Quæ omnia differunt à se tantum accidentaliter, perinde uti aliàs de Meteoris ignitis diximus.

III. *Nubes est vapor constrictus, ab aëris medii frigore.* Est congeries atomorum aquearum, quæ egrediuntur à mari, fluminibus, stagnis, locis humidioribus quibusvis, paludibus, fimëtis, unde etiam in sacris literis describuntur, quod vapores de aquis adscendant & nubes efficiant, 1. Regum. 18. 44. 45. Luca 12. 34. Consunt in mediâ aëris regione, ut plu-

ut plurimum scilicet, nam & infimâ regione quandoque deprehendi eas constat. E montis humilis vertice despiciendo, nubem in medio montis despiciemus, aliam cum æquali altitudine ad montis verticem à terris elevatam, ut nos serenum habeamus aërem, infra nos in convallibus largæ pluriæ decidant. Exempla sunt apud Jac. Zabarellam *libro de regionibus aëris cap. 8.* Piccolomineum *libro de Meteoris cap. 11.*

I V. Quanta verò nubes à terris sit distantia, non adeò patet. Copernicus & Keplerus in *Epitome Astronom. Copernicana lib. 1. pag. 70.* eas ultra quadrantem miliaris unius elevarinegant. Tycho Braheus, Vitello, Nonnus Lusitanus *libro de crepusculis cap. 18.* Clavius *libro de Crepusculis*, Petrus Gassendus *lib. 1. Institut. Astronom. cap. 18.* Alhazen *libro de Crepusculis proposit. 6.* dimensione speculærum usi evehunt eas ad duodecim miliaria Germanica. Ad quatuor miliaria Germanica & non altius, collocant Willebrordus Snellius in *Eratosthene Baryo*, Antonius Deusingius *libro de mundi opificio Disputat. 7. quest. 2.* Promover terminum istum Cardanus *lib. 17. de subtilitate pag. 486.* & maximum spacium à terræ superficie, ad quod vapores adscendant, nubium materia, docet esse miliarium viginti sex, id est, centum mille passuum. Nos colligimus ex eo, quod nubium à terris distantia variat, partim ob nubes ipsas, partim ob loca, partim ob tempora. Nubes atræ & gravidæ loco humillimo sunt, steriles & sereniore euntuntur altius. Æstate inque locis cali-

dis altiores sunt, hyeme & in locis frigidis humiliores.

V. *Vapor constrictus.*] Quare nubes pendulæ sint, & non faciliè obruant terram, à levitate est, quâ prædictæ sursum feruntur. Levitatis causatum in vaporibus, tum in nubibus sunt igniculi, quos Solis radii unâ evocant & tantisper detinent, donec sponte suâ excedant è nubibus, & atomi aqueæ magis magisque congregentur, atque tunc pluvia pronascitur, quâ datâ redit in terram, quod nuper venerat è terrâ. Et hæc nubium levitas causâ quoque est, quod à ventis motu violento per varias mundi agitantur partes. Cælo tranquillo sequuntur nubes motum cæli ab oriente & occidentem, ajunt Barthol. Keckermannus *lib. 6. System. Phys. pag. 401.* Rodolph. Godenus *lib. 4. Disputat. Phys. 10. dist. 14.* Verum cæli motus in se nullus est, adeoque cælum non potest secum nubes commovere. Sæpè datur ventus aliquis in superioribus aëris regionibus, ut non spiraret unâ in proximo circâ nos loco, adeoque commotio nubium quæcunque à ventorum flatibus existit. Et quia venti sæpè dantur oppositi, contrariis etiam motibus moventur nubes. Ipse vidi, ait Sennerius, duas nubes contrariis moveri motibus, unam suprà alteram moveri versus ortum, alteram sub alterâ moveri versus occasum, *lib. 4. Epitom. Phys. cap. 5.*

VI. *Ab aëris medii frigore.*] De figurâ nubium censet Hieron. Cardanus, quod planæ sint, oculorum indicio subnixus, *lib. 17. de subtilitate rerum pag. 485.* Eum refellit Scaliger, & probare vult, quod nubes

bes æqualis ponderis in eodem circulo ad terram positæ atque rotundæ sint, cum ær, in quo suspensæ feruntur, est densus æqualiter. Quoniam per medium uniforme æqualiter attolluntur à terrâ, itaque cum terra habeat superficiem rotundam, similem quoque figuram fortiantur nubes. Falsum, *ait*, est effatum (*quod nubes sint planæ*) ratio est crassa (*quia tales videntur in summis jugis.*) Nam ita quoque plana tibi terra fuerit, quæ longè est quàm nubes, fusior. Oculorum fallit breuitas nubium latente tractu curvaturæ, *Exercitat.* 337. Sed nec rotundæ semper sunt, adeoque certum est, quod inconstantem & mutabilem figuram habent nubes, quando casu invicem confluunt, & incertâ ventorum lege componantur, uti rectè monet Nicolaus Cabæus *lib. 1. de Meteoris text. 46. quest. 12.*

VII. Nubium fragmina commemorant Annales, quando præcipiti lapsu in terram devolutæ illæ, maximâ aquarum copiâ agros, pecudes, homines obruunt, prosternunt, demergunt. Contigit A. C. 1551. in Franconiâ magno cum damno hominum, teste Garçæo in *Meteorologicis* pag. 79. Scilicet prima Causa nonnunquam secundas Causas mutat, sibiq; inservire cogit, ut hominum peccata iustis pœnis ulciscatur, reprimat, compescat. Quæritur hic de eluvione Noëtica, seu pluvîâ quadragintâ dierum & quadragintâ noctium, anne possint dari causæ naturales, *Genes. 7. 17. 18. seqq.* Contendit *Joh. Bodinus*, quod aquæ supracælestes è statione suâ commotæ & delapsæ fuerint, in *Theatro Naturæ lib. 2. pag. 213. 214. se-*

quutus Epiphanium & Eugubinum. Sed hominum hæc cogitata sunt, nec in Scripturâ, nec in Naturâ fundata sunt, ut ostendimus *Libro de Creatione Exercitat. XIII. dist. 1. seq.* Cataractæ cœli non quidem supracælestes notant aquas, sed repente irruentes nimbos atq; imbres, nubium fragmina. Neq; opus est, ut cum benedicto Mazotto *lib. 3. de Meteoris cap. 4.* dicamus, Deum tunc novas aquas produxisse, in super magnam partem aëris fuisse conversam in aquam. *Sic ille.* Atqui neutrum est factum, & posterius illud Naturæ repugnat, quæ non admittit Elementorum transmutationem. Prius frustrâ dicitur, quando tantum est aquarum in Naturæ thesauris, ut evocatis iis in superficiem terræ, Asiæ pars aliqua tunc ævi habitata posset inundari. Qui totum Orbem aquis illis immergunt, videant unde immensas aquas educant, & in quæ loca post expletos vindictæ dies reverent. Prolixius de hac re monui *lib. 1. Institutionum Politicarum cap. 20. dist. 3.*

VIII. *Pluvia est nubes liquefacta & in aquarum guttas resoluta.* Nubes rectè vocantur lagenæ cœli, depromunt enim pluvias, à quibus terra sæcundatur, & ob eandem causam fontes Dei appellantur, *Jobi 36. 29. cap. 38. 27. Psalm. 65. 10.* Quando enim vapores spoliantur igniculis præsentissimis, magis magisque uniuntur aquæ, & in crassiorem demutatæ, propter gravitatem suam decidunt. Eo modo, quo vapores parietibus frigidis in balneo, aut hyeme in vaporariis calefactis ad specularia vitrea aut cantharos stanneos appulsi, convertuntur in aquarum guttas, Chymicorum operationes tradunt mo-
Cc dum

dum artificialem ciendi pluvias, apud Theophr. Paracellum in *Philosophiâ magnâ* cap. 5. Athanas. Kircherum lib. 3. de *Magnete* pag. 539. Nitrum miscetur cum alumine iustâ copîâ in superficie terræ, accenditur massa, oriuntur fumus, qui nubis instar elevatus in aërem durat tantisper, donec ex se resolvatur in guttas aqueas, pluviamque veram effundat.

IX. *Nubes liquefacta.*] Cum varient guttæ densitate, frequentîâ, impetu, variant etiam pluvix, ut sint parvæ, magnæ, mediæ. Omnium efficiens causa una est, sed nunc fortior, nunc debilior. Guttæ majores sunt, cum terris propior nubes liquefcit; minores sunt, cum à terris remotior nubes defluit, & guttæ magis magisque diminuantur. Omnium finis unus est, fecundare terram, & fructibus dare incrementum. Æstivo tempore, quo Solis ardor nimius perurit agros, marcescunt herbæ, arescunt fruges, quamprimum verò gradus decidit imber, herbæ, flores, fruges revirescunt, cunctaque adolefcunt. Et quanquam hortulani in pluviarum defectu subvenire velint, aquas fluviatiles & puteales perspergendo, non tamen profunt multum, nocent magis, quando calorem fortè arcent, & sæpius radices florum, fruticum, arbuscularum unâ lædunt, validi frigoris impetu, fecunditatem & incrementum non dant. Quæ pluviarum utilitas vaporibus è fimo aliisque pinguioribus terris à Sole prolicitis imputari debet.

X. *In aquarum guttas.*] Nisi fuerint

pluvix insolentes & prodigiosæ. Scilicet pluvias ranarum, piscium, lactis, sanguinis, carniû, metalli frustulorum, segetum, cinerum, lapidum, erucarum, & alterius generis fuisse, veterum & novorum seculorum experientia demonstravit apud Libertum Fromondum lib. 5. de *Meteoris* cap. 6. art. 3. 4. Nicolaum Cabanum lib. 1. de *Meteoris* text. 47. quest. 1. Benedictum Mazottum lib. 3. de *Meteoris aqueis* cap. 2. 3. 4. Wolfgangum Meurerum libro de *Meteoris* pag. 276. seq. Jonstonum in *Admirandis natura* pag. 127. Ubi imprimis agnosci debet prima & incomprehensibilis rerum omnium Causa, quæ feriem Causarum secundarum liberè dirigit, movet, emovet, deprimit, immutat & prodigijs editis aut terret homines, aut punit, cum delictis suis provocaverunt justam Numinis iram.

XI. Attamen quædam harum ad communes & ordinarias causas referri possunt nimirum ut pluvix sint tales, quæ sunt effluvia. Illi vapores, qui à terræ gremio vi Solis educuntur sursum, facili ope alia quoque effluvia secum attrahunt, lac de pecorum stillantibus uberibus, aut mulcætralibus ad radios Solis expositis, sanguinem de locis iis, ubi hominum strages vel brutorum macilium cædes peracta fuit, ut non defodiatur sanguis, animalculorum semina de pratibus vel aquarum confluxibus, in quibus ova supernatant, atque hæc ipsa in nubium constringentis excluduntur, foveantur, agitantur, donec liquefactis iis cum pluvîâ delabantur, uti benè differt Francisus Piccolomineus libro de *Meteoris* cap. 15. Et quanquam Causa-

rum secundarum influxum prorsushinc
removere conentur Cælius Rhodiginus
lib. 24. Lætionum Antiquarum cap. 3. Joh.
Garcæus in *Meteorologicâ pag. 94. 95.* Se-
bæst. Foxius *lib. 3. Philosoph. naturalis pag.*
243. Joachimus Barlerus *lib. 2. Institut.*
Physicarum cap. 10. atq; ad Geniorum ef-
fecta referre velint, errant illi, & pri-
mam celebrando causam, haud benè
secundas negant.

XII. Excipit *Casspar Bartholinus*: Si
aliquid calore Solis extrahitur de ani-
malium uberibus aut locis cruore ma-
cularis, non quidem lac vel cruorem
ipsū, sed vapores educit, qui postea
non queunt sive in lac sive in cruorem
denud mutari, quia non adest proxima
Efficiens, quæ est vis lactifica in mam-
mis animantium, aut vis sanguinifica
in hepate, *lib. 6. Institutionum Physica-
rum cap. 5.* Sic etiam Thomas Bar-
tholinus *Centur. 4. Observat. 16. & 49.*
Respondeo; Calor seu albus seu ruber
inseparabiliter inhæret lacti & sanguini,
ut non possit in vaporibus aboleri, vel
colore alio infici. Quod enim dicit Bar-
tholinus, neque lac neque cruorem pro-
priè dictum esse, verum halitum ali-
quem impurum è terræ locis occultis e-
ductum, qui Solis calore maximo perco-
quitur, ut candescat & rubeat, quomodo
urina febriculorum immodico plena
calore ad rubedinem vergit, hoc inquam
est à verò dissentanium. Namq; urina
hæc suo rubet calore, verum alieno, sci-
licet igniculorum, quibus sublatis non
habet ruborem, & guttæ aquæ similes
omniò aliis sunt.

XIII. *Tirelmannius* scribit: Non ita

mita videri debet pluvix ista insolita,
quia in vaporibus sursū elevatis virtute
adsunt quatuor Elementa, ad misti cu jus-
libet generationem requisita, & corpora
cœlestia agentia cum primæ Efficientis
concurfu ad hæc sufficiunt, *lib. 6. Conside-
rat. Phys. cap. 6.* Nec aliter Conimbricen-
ses *Tract. 7. de Meteoris cap. 2.* Goclenius
lib. 4. Disputat. Phys. 11. dist. 28. Julius Sca-
liger *Exercit. 323.* Johan. Crassotius in
Physicâ compendiarîâ pag. 492. Johan. Co-
menius in *Physicâ reformatâ pag. 119.* Ve-
rum quatuor Elementorum præsentia
non sufficit ad procreandum animal vi-
vum in nubium coagulo, neque Sol aut
prima Causa in tam evidenti viventium
è semine ortu aliquid efficere poterunt,
nisi dicere velimus, quod animalcula ista
existant à creatione.

XIV. *Resoluta.*] Pluvix futuræ signa
commemorant Plinius *lib. 18. histor. natu-
ralis cap. 35.* Ælianus *lib. 7. histor. animal.*
cap. 7. 8. Cardanus *lib. 15. de rerum varietate*
cap. 18. & ex illis Benedictus Mazot-
tus *lib. 3. de Meteoris aqueis cap. 1. 2. 3.* Præ-
cipua sunt ista: Solis rubedo matutina,
Luna pallida, Solis radii admodum pun-
gentes, nebula sursū adscendens, corni-
ces vociferantes, hirundines volatu pro-
pè terram festinantes, ranæ coaxantes,
pulices infestius mordentes, fues ore
portantes stramina & ad stabula pro-
currentes. Duas ponimus causas. Una
est, effluviū aqueorum præsen-
tia, à quibus est Solis rubedo, Lu-
næ pallor. Altera est, animalium sensus
accuratus, in quem magis pe-
netrant effluvia aquea, postquam
nubium portiones quædam resolutæ

defluunt, & frigus per aërem concitant. A frigore isto vexantur animantia, quæ maximam partem sensu vincunt hominem.

XV. *Grando est pluvia in descensu iterum constricta.*] Quoniam è guttis pluvialibus oritur, non excedit magnitudinem istarum. Cum ex altiori loco descendit, rotundior & minor est, quia guttæ in descensu remotiore disperguntur magis atque deteruntur; cum proximè ad terram producit, angularis & major est. Sæpè stupendam magnitudinem habet, ut segetes deiciat, obvia quævis destruat, arbores prosternat, domorum tecta perfringat, trium, quatuor, octo librarum pondere. Sæpè miras imagines in se continet, hominum facies, virorum barbas, mulierum comas, signum crucis. Exempla vetera & nova collegerunt Johan. Garçæus in *Meteorologicis pag. 133. seqq.* Benedictus Mazotus *lib. 3. de meteoris aquis cap. 5.* Menretus in *Meteorologicis pag. 312. 314. 315.* Ferdinandus Vejaranus *lib. 1. Meteororum quest. 6. art. 6.* Ac potest esse, ut istæ variarum rerum imagines non tam verè insint grandini, quam ab hominum imaginatione proveniant, qui diligentius inspicendo in grandinum globulos, vaporoso aëre oculis juxta perstricti, varias imagines concipiunt, perinde uti in nubibus, igne, Sole, Lunâ contingit. Si quæ veræ subsunt, à Causâ sine causâ est. Deus mirabilis est in operibus suis, quæ inter etiam grandines sunt, *Psal. 147. 17.*

XVI. *In descensu.*] Sæpè grando unâ cum pluvîâ decedit. Nimirum una ea,

demq; nubes potest esse non uno modo disposita, ut alia pars ejus resoluta inter descensum permeet calida loca, quæ guttas conservant; alia pars verò inter descensum occurrat locis frigidis, in quibus guttæ congelascunt. Solvitur facilius in aquas, quàm nix. Causa est, quod grando sit aqua pluvialis concreta, nix verò non sit immediatè ex aquâ, sed ex nubibus. Quia igitur nix longius ab aqua substantiâ distat, quàm grando, mirum non est, quod magis in aëre frigido perduret, quàm grando.

XVII. *Nix est nubes ab agitatione ventorum in minutas particulas distracta.*] Nubes ejusmodi quæ ad pluviam præparata quidem, sed tamen ante descensum molliter tenuè constricta est. Tempus nivis hyems est, ubi frigus per omnes nubis partes spargitur æqualiter. Cum resolvitur nubes à vento, & in descensu aura inæquali conditione occurrit, loco uno pluit, alio ningit. Aura calidior nives liquefacit, frigidior conservat illas. Loca in montibus altissimis, inque regionibus Septentrioni obnoxiiis reperias, quæ perpetuas habent nives. Calore absente, non liquecunt nives, non atteruntur glacies. Finis est, segetes terrâ sepultas operire, nec non arborum radices fovere, poris terræ occlusis, ne penetrabile frigus adurat eas, Plinius *lib. 17. histor. natur. cap. 2.* Proinde sunt vestimenti instar, aut straguli adversus frigora, & à nivibus liquatis infertur agris fecunditas. Hinc est illud: Qui dat nivem sicut lanam, & pruinam spargit uti cinerem, *Psal. 147. 16.*

Et quanquam Interpretes exponant de similitudine externâ, quod nives in modum lanæ carminatæ distraherentur, ac innumeris floccis ad inferiora demittantur, non tamen hoc sufficit. Præuina certè non habet similitudinem aliquam cum cinere. De effectis verè sonat. Sicut enim lana obteggit & calorem inducit, ita nives segetem, stirpesque teneras foveant, ne à vehementi frigore intenteant. Et sicut favilla adurit hominum pecudumque cutem, ita pruina lædit laticia, damnumque infert iis.

XVIII. *Inminutas particulas.* Color ejus albens est, itaque spumam aquarum caelestium vocat Plinius lib. 17. *histor. natur. cap. 2.* Causam in frigoris condensatione quaerunt Hannibal Rosselius *commentariis ad Trismegisti Pimandrum Tomo 5. pag. 199.* Dan. Sennertus lib. 4. *Epitom. Physic. cap. 7.* Meuræus libro de meteoris pag. 301. Goclenius in notis ad Physicam Valerii pag. 177. Quod absurdum est, cum à frigore non possit rei alicui ingenerari color. Scribit Benedictus Mazottus: Ex aëre incluso oritur in nive albedo, quod enim spiritus sunt tenuiores, cò sunt albescentes, uti apparet ex spumâ, quæ est alba propter spiritus sursum latos. Quia autem temporis tractu hujusmodi spiritus evanescent, hinc accedit ut nix paulatim deponat albedinem, l. d. pag. 114. Et retinet Ioach. Burserus lib. 2. *Institut. Physicar. cap. 10.* Sed nec ille veteram causam profert, quando aëris color nullus est, & spumæ in pingui superficie maris collectæ, albedinem ex sese habent. Ad occultam cœli qualitatem, quæ lucem impertiatur terræ & genitis ex eâ,

provocat Thomas Bartholinus libro de nivis usu cap. 4. Quod frustra dicitur, cum cœlum in se tenebrosum non possit lucem alii imprimere. Rectè dicitur, quod causâ in materiâ sit. Materia nivis proxima est nubes, remota est aqua. Aqua spargit à sese lumen, quamvis debile. Nix ergò cum sit aqua concreta, de lumine isto participat aliquid. Lumen aquæ conspicitur noctu, terrâ non movente visum propter maximam obscuritatem. Similis color in grandine, in glacie, in spumâ aquæ reperitur, ob eandem causam, ob modum eundem. Ità benè docent Bernhard. Telesius lib. 1. de natura rerum cap. 7. Lamb. Danaus in Physic. Christ. part. 2. tract. 2. pag. 49. Apud Armenos inveniuntur rubræ nives, uti refert Eustachius in scholis Homericis ad Iliadem. Id si verum est, loca minio & cinnabari oppleta efficiunt. Effluvia rubra producunt nives rubentes. Quanquam relationi non debeat credi, neque enim hodiè repertiuntur nives rubræ in Armenia.

XIX. *Distincta.* Figura nivis lata & sexangula est. Non casu, semper enim talis est; & verò à quâ causâ hoc oriatur, an à formâ & materiâ, an à calore vel frigore, summè obscurum est, ut sibi vix satisfaciatur animus curiosus. De quâ re videris Thomam Bartholinum lib. de usu nivis. cap. 5. Johan. Keplerum libro de nive sexangulâ, Athanasium Kichèrum lib. 2. Artis magnæ cap. 12. Petrum Gassendum part. 2. Philosophiæ Epicuræ pag. 1113. Erasimum Bartholinum libro de figurâ nivis. Benedictum Mazottum libro 3. de Meteoris cap. 6. Renatum Cartesium libro de Meteo-

ris cap. 6. Putaverim, Naturæ universalis indolentiale quid præstare, de cujus præscripto inest omnibus rebus amor similitum, qui porro figuram conciliat rotundam omnibus in naturâ productis rebus. Natura, inquam, in rotundum coit, itaque aqua in guttas resolvitur, & guttæ cum aërem apprehendunt, in rotundum corpus efformantur, quod bullam vocamus. Et cum non possit rotunditas exacta acquiri propter materiæ ineptitudinem, acquiritur in quantum fieri potest. Sola verò figura sexangula est, quæ rotundam in lato figuram efficit. Et cum materia tota uniformis sit, unum idemque figuræ genus in omnibus reperitur flocculis.

XX. *Pruina est vapor roscidus, antequam resolvatur, congelatus.*] Salis granulorum more herbis & aliarum de terræ superficie nascentium rerum corpori adhærescit. Idque non nisi cælo sereno & tranquillo, secus enim motio aëris impedit, ne concreascit, à vehementiori frigore. Simile quid in oris deprehenditur halitu, qui hyeme condensatus à frigore intenso, virorum barbas incanâ vestit adspergine. Tempore verno magna incommoda infert, germina exurendo, virorem provenientem consumendo, vites & surculos teneros stringendo, ut emoriantur. Et quod mirum est, non tam frigore, quam calore, exurit germina. Nimirum calidæ herbarum, olerum, plantarum aliarum, partes, à frigidis vaporibus obsessæ, arctius sese conjungunt adversus contrarii agentis impetum, & per accideas velut damnum conciliant urendo. Tempore ordinario non sine magno comòdo est.

Autumno juvat uvas, ut maturitatem accipiant. Hyeme constringit arborum poros, & calorem salubrem ad radices arborum compellit, ut vegetæ persistent illæ. Quomodo fiat, ut vitiû gemas arborumque tenellas frondes corrûpat, causam scignare profitetur Johan. Bodinus *lib. 2. Theatri Naturæ pag. 205.* Nos eam prodidimus.

XXI. *Ros est vapor condensatus modice & decidendo mox in aquarum guttulas resolutus.*] Tempore matutino in aëre sereno & tranquillo generatur. Nox enim humida producit effluvia rorulenta, quæ deinceps in aurorâ ab obliquis Solis radiis comprehensa resolvuntur sensim in guttulas, & quidem loco humilimo, propè superficiem terræ. Quamobrem illis, qui noctu iter faciunt, pedes & calcei sunt liquido humore perfusi, de quo nihil in superioribus corporis partibus habent. In gramine etiam, foliis & floribus minorum plantarum ros frequens est. Gratissimus herbis, arboribus, frugibus quas refocillat madore salubri, ut alescant, pluviarum vicem sustinendo.

XXII. *Aquarum guttulas.*] Si nimium excoquitur & desiccatur, coherendo pertinaciter efficit pappos, qui autumnopotissimû intricant pedes euntium, arboreseque onerant, ut videantur araneorum constructæ telæ esse. Tunc enim copiosior ros progignitur, ob debile noctis frigus, & caloris mediocritas non ita cõsumit illû, magis verò constipat. Fila Divæ Virginis appellant Libertus Fromondus *lib. 5. Meteororû cap. 4. art. 4.* Albertus Kyperus *lib. 11. Institutionum Physicarû cap. 3. dist. 1.* sed meteoron peculiare ex vapore terrestri & viscoso ortum, esse arbitrantur. Falsò!

XXIII. *Chymici* roris generationem describunt hoc modo: Roris pater Sol est, dum inter diu tempestate silente, calore suo ex inferiore globo vapores aqueos evehit, atque suo nativo calore in aëre amplius coquit, influentisque præstantibus induit, influentia verò cum exstare & firmiter hære in aqua non possint, in terrâ roris figuntur, ab eâq; constantissimè suscipiuntur, utin eâ essentiam & virtutes Solis meritò obtinere possis, si dextrè & Philosophicè eam terram tractaveris & solveris. Mater roris Luna est, quia ipsâ lucente vapores aquei Solis influentis referri, amplius virtutibus Lunæ ditantur, & frigore nocturno in guttulas coeunt, quæ ad gramina, flores & folia adhærescunt: ventus, qui aër est & rorem in ventre suo portat: à terra ad cælum adscendit specie vaporum, iterumq; cælo ad terram descendit, ut vires superiorum & inferiorum in se recipiat. Præterea cum omnibus regnis, minerali, vegetabili & animali commercium habet, atque ea singulari virtute resocillare potest, cum omnibus vegetabilibus vigorem & virorem inducat, animaliumq; omnium vitales spiritus per respirationem insensibiliter restauret, jure Medicina universalis ex rore conficitur. Ego in rore vidi salia diversa, spiritum dulcissimum, oleum subtilissimum & fragrantissimum, quod solo odore suo labascentem hominem mirabiliter erigere potest. Est tamen & aliud subjectum, è quo propinquius medicina Sapientum antiquorum præparari & confici potest. Naturæ potestas & conformitas tibi probè consideranda est. Ità Noli in *Physica Hermet. lib. 7. cap. 4.* Sed fru-

strâ homines illi in Rore quærunt quod per se impossibile est, ut à viribus Naturæ producat.

XXIV. *Ejus species sunt Mel atque Manna.* Mel est ros dulcis, quem apes de floribus colligunt sugendo. Quod mel sit species roris, tradunt Aristoteles lib. 5. de hist. animal. cap. 22. Plinius lib. 11. cap. 12. Galenus lib. 3. de alimentorum facultat. cap. 38. Josephus Quercetanus in Dietetico polyhistorico sect. 3. cap. 8. Negant alii, rem ita sese habere, quando in multis floribus deprehenditur inesse veluti succus dulcis, quem omnino ab elictis de terrâ humoribus produci constat, unde apes sine ulla fructuum detrimento, nec non fuci colligunt & proboscide imbibunt, in favis aut ore vomunt, aut per intestina effundunt. Namq; de hac re non constat satis. Copiosè mellis naturam exponit Nicolaus Cabarus lib. 1. de Meteoris text. 50. quasi. 3. ubi docet, mel non esse roris speciem, tum q; maxima copia mellis ab apibus colligatur, non quidē manè, sed fervente die, ubi calor Solis prorsus desiccavit rorem; tum quod apes colligant de floribus ad humum pendentibus, in quibus non potest excipi ros ab aëre delapsus; tum quod apes ad interiora florum penetrent, quò non pervadit ros, sed in externis desidet; tum q; nō in omnibus plantis colligant apes, sed in aliquib; & verò promiscuè ros cadat, in stipulas & ligna quoq; tūq; herbæ amaræ proferant mella amara, itaq; ros nō sunt. Potius credendum esse, quod flores attrahant succū de terris inq; dulcissimum liquorē convertant, quomodò canæ aromaticæ locis aquosis depositæ intra se progenerant saccharum.

XXV. Refellere vult *Arnoldus Sen-
guerdus*; Si mel, ait, est succus de terræ vi-
sceribus eductus, quovis ferè anni tempore
mella in herbis, præsertim contusis, in-
veniri possent, *lib. 4. Institution. Physicar.
pag. 356.* Respondeo; Atqui succus ille
non inest in toto corpore plantæ, sed in
floribus tantum, in quibus excoquitur, ut
maturitatem aliquam percipiat. Inde per
apes exsugitur, in quarum stomacho altera-
tur denuò, ut ilac in uberibus animan-
tium formatur ex optimo alimento. Fer-
vet velut mustum, atque in favis à calore
naturali percoquitur, donec acquirat
crassitiem. Atque hinc etiam hoc vel illo
tempore anni, & hac vel illâ constitutio-
ne aëris, plus minusvè mellis ab apibus
colligitur, quandò flores aut maturi non-
dum sunt, aut jam vergunt ad vetusta-
tem.

XXVI. *Manna est ros percoltissimus &
densus.*] De Mannâ scripserunt peculia-
res libros *Johan. Chrysostomus Magnanus,
Donatus Altomarus, Antonius Deusingius.*
Convenit fermè quoad substantiam cum
melle, ut solum ab eo differat subtilitate
ac crassitie. Crassior est manna, sed mel
liquidius est. *Virgilius 4. Bucolic. Et dura
quercus sudabunt roseida mella.* Rectè ille
pronunciat de orru & usu Mannæ. *μελι-
σπιον* vocat Hippocrates *libro de ulceribus
sect. 9.* quoniam de cedris in monte Li-
bano colligebatur. Generator succo à
terræ visceribus adducto in herbis, fron-
dibus ramisque arborum, & ex illis virtu-
te stellarum roris instar educitur. Nec
enim verum est, quod *Johan. Ronodæus*
è *Galeno lib. 3. de alimentorum facultati-
bus cap. 39.* scribit, mannam generari in

aëre, delapsamque in arborum frondes
& ramos, in gummi speciem concresecere,
lib. 1. de materia Medica sect. 1. cap. 7. Ut
sit vapor aqueus calore Solis diurno ele-
vatus, & in aëre tranquillo excoctus, do-
nec à frigore noctis sequentis concreseat
& gravitate suâ delapsus adhærescat foliis
arborum. Credit idem *Anton. Deusingius
dissertatione de Manna dist. 42. sect.*
Colligitur in Syriâ, Palæstinâ, Arabiâ,
Calabriâ, Poloniâ. Et cum aliquandò lo-
cum, in quo præstantissima reperiebatur
manna, occluderent Reges Neapolitani,
ne quis sine vectigali eam auferret, delix
manna generari; loco autem recluso &
vectigali ablato, iterum manna descende-
re cepit, & Reges illi tandem locum per-
miserunt esse liberum, ut colligere
posset, qui vellet, *Brassavola in examini
simplicium, Andréas Matthiolus nota ad
Dioscoridem lib. 1. cap. 73.* Quod indicat,
plenam divinitatis esse naturam, & causas
secundas quodammodò constringi à
Causâ primâ, ut libertatem agendi inte-
gram sibi reservet. *Curius* scribit: Fre-
quens arbor faciem quercus habet, cujus
folia multo melle tinguntur, sed nisi Solis
ortum incolæ occupaverint, vel modico
tempore succus extinguitur, *lib. 6. hystor.*
Loquitur de Manna in regionibus ad
mare Caspium. Colligunt Georgiâ
hodiènum, & apud Moscos divendunt in
usum medicinæ præparandum.

XXVII. *Percoltissimus.*] An verò
manna illa, quam Deus in deserto Arabie
per annos quadragintâ populo Hebræo
comedendam subministravit olim, *Exodi
15. 15. 16. Numeror. 11. 7. 8. 9.* ejusdem
generis sit cum mannâ vulgari, quæ ho-
die

dienum quoque in Arabiâ colligitur, queritur. Negant Lamb. Danæus *part. 2. Phys. Christ. tract. 2. pag. 51.* Johan. Chrysostomus Magnanus *libro de mannâ cap. 2.* Wolffgangus Meuræus in *Meteorologicis pag. 359.* Jacobus Seidelius in *Collegio Physico Disputat. 18. dist. 56.* Barthol. Keckermannus *libro 6. System Phys. cap. 10.* Conimbricenses *Tract. 7. de Meteoris cap. 11.* Bonfrerius *commentariis ad Exodum pag. 128.* Gacæus in *Meteorologia pag. 109.* & probant, tum quod Ebræorum manna deplueret in terram, non verò ex arboribus colligeretur; tum quod nostra haud colliquescat à Sole & magis induretur, contrarium verò in deserto accidit, *Exodi 16. 22.* tum quod nostra manna sit medicamentum purgans, sed Ebræorum Manna ista contundebatur in mortario, ad conficiendas placentulas. Id verò nō possit fieri cum nostrâ mannâ. Contrarium defendunt Vallsius in *Philosophia sacra cap. 57.* Conimbricenses *Tract. 7. de meteoris cap. 11.* Raimundus Mailhat in *Summa Philosophica Tomo 3. pag. 345.* Anton. Deusingius *dissertatione de manna dist. 78. seqq.* quandò usus artificiosus pro subigendâ manna & in cibum præparandâ, notissimus olim, petiit hodiè, adedque non potest quicquam inferri inde ad evincendam differentiam specificam. Potuit etiam in plantis humilioribus colligi eo tempore, quæ deinceps vetustate modisque aliis exstipare non amplius prodiderunt mannam. Quod lique scat manna aliqua per radios Solis, retulit suprâ Curtius, ubi regiones ad mare Caspium sitas describit. Tantum quod miraculi instar e-

rant, multiplicatio collecti ad satietatem pro quavis familiâ, corruptio asservati, deliquium ejus in Sabbatho, sapor minime vulgaris, Dei haud dubiè opera. Perinde uti coturnices eis immisit copiâ magnâ, quarum carnibus vescerentur, *Exodi 16. 13. Psalm. 78. 24. Nehem. 9. 15.* Atqui constat, aves illas in regionibus ad Arabicum sinum frequenti venatione capi ab incolis & comedi, ut narrat Dioscorus Siculus *lib. 2. cap. 47.*

XXVIII. *Et densus.*] Nonam speciem roris addit Arnisæus in *Epitome Physica pag. 309.* videlicet Saccharum, quod sit ros in arundinibus collectus & calore Solis percoctus, in *Epitome Physica pag. 309.* Idem scripserat Alexander Aphrodisæus *lib. 2. problematum.* Verum non tam ros est, quàm succus à terris palustribus in Maderâ, Ægypto, Sicilia, Cypro, Cretâ, Rhodo, Indiâ orientali & occidentali eductus, & intrâ cannas percoctus cum à Sole, tum à calore nativo, uti vinū decoquitur in uvis, oleum in olivis. Rectius ergò ad alimenta, quàm ad Meteora refertur, uti porrò disserit Anton. Deusingius *dissertatione de Saccharo dist. 2. seqq.*

XXIX. *Nebula est vapor à frigore propulsus, aërem obscurans.*] Autumno cum primis frequens est, quo tempore sinus & recessus terræ omnes laxant sese. Quod si cum Sole oriente accidit, & in terram reprimatur, diem serenum indicat. Si crassior est, attollitur sursum, pluviamque coëminatur. Nocet corporibus nostris, & morbos contagiosos efficit ob teterrimum odorem, qui provenit à permixtis effluviis sulfuriis & nitrosis.

XXX. *Glacies est vapor à frigore condensatus, aquas obducens.* Aqua prius in vaporem, & deinde vapor in glaciem mutatur. Inde est, quod aquæ seu fluviales seu marinæ ab hyberno frigore contactæ, perpetuò incubantem habent caliginem. Efficientes causæ in fundo aquarum latent, undè eliciuntur & supernas partes, quæ ab aëre attinguntur, consolidant. Negat quidem Barthol Keckermannus *lib. 2. System Phys. cap. 15.* quod glacies verè numeretur inter meteora. Adfert rationem: Meteora sunt corpora mixta. Glacies verò quamvis sit corpus impurum, tamen non magis mixta est, quam aqua liquida, cum ad aquam congelatam nihil accedat novæ substantiæ, sed concretio prioris substantiæ per frigus solum fiat. *Hac ille.* Respondeo: Potest idem prætendi quæ pluviam, nivem, grandinem, & meteora aquea omnia, in quibus substantia aquæ non mutatur per se, verum alia figura inducitur. Concretio novam figuram infert, atque in hac mutatione consistit ratio Meteorum. Sunt in aquâ congelatâ partes aquæ, aëris, terræ. Aquæ, quia ex hac gignitur aqua, & in hanc resolvitur. Aëris, quia glacies in aquâ non mergitur, sed supernatat velut levior. Terræ, quia post resolutam glaciem aqua semper est plena sordibus, quas flumina à ripis nunc abradunt & in mare devolvunt, nunc in subterraneis cuniculis sibi attrahunt & per alveos provolvunt. Cum primis adsunt effluvia sali-nitrosa, quorum magna vis est in compingendis atque indurandis corporibus alioquin liquidis. Itaque aqua æstivo tempore in

lagénâ stannea congelatur, quando sagénâ circumponitur nitrum cum sale marino commixtum. Et à sale injecto in vasculum aquâ plenum, si aqua fluida vasculo supponatur, & aqua cum sale conualescet in instrumento ligneo, supposita aqua in galciem convertetur etiam in vaporario calido, teste Nicolao Cabxo *lib. 1. de meteoris cont. 56. quæstion. 3.* Rapidi amnes aut leviter, aut omnino non congelantur, namque velocitas procurrentis aque non permittit ut vapores colligantur, & frigoris impetu constringantur. Oceanus per littora concrefcit à frigore, quoniam Lunæ radii nitroso cilluvia de fundo modicè profundo elici e possunt; non ita commodè in Oceano amplissimo, ubi profunditas ingens est, & Lunæ radii non ita descendere possunt ad fundum. Ergò in vasto Oceano glacies nulla est, nisi particulari aliundè revulsæ. Glacies perpetua atque ræptum instar arresta est in regionibus Aquilonaribus, ubi Lunæ vis ac dominium supremum est, nequæ à Solis intervntu impeditur. De quo optimè fide refert Johannes Munckius *libro de navigatione septentrionali*, quam ille iussu Christiani IV. Daniæ Regis in Grönlantiâ suscepit.

XXXI. Restat, ut in examen producamus sententiam Iohannis Bodini de origine pluviarum. Verba sunt ista: Placet Aristoteli imbres à vaporibus sursum elatis decidere, sed nullâ probabili ratione. Quia si vapores illi tenuissimi, quibus nubes cogi, & coactas liquari videm⁹ ad imbrici tantam copiam, quanta assiduò funditur, sufficeret, aquarum adscensus & descensus semper circularis esset, nec quicquam humoris à terræ siccitate, nihil ab æstivis ardori-

docibus, nihil ab alimentis stirpium & animantium hauriretur. Quæ si absurda sunt, sequitur, aquarum Elementarium detrimenta ab aquis supracælestibus refarciri, alioquin partium assidua detractio tandem aquas Elementares omnes absorberet. Et quanquam nihil videatur sarcindum, si aqua in vaporem, vapor in aquam redeat, tamen vel inde hoc effugiū laborabit, quod ea quæ à terris, caloribus, stirpibus, animantibus siccantur, non redeant in aquas. Et cum diuturnâ siccitate tellus exaruit, etiam in aridissimis Libyæ desertis & arenis siccissimis, imbres gravissimæ effunduntur. Undè verò immanes illæ aquarum eluviones, quas Authores recitant, nisi ab aquis supracælestibus effusæ? Constat enim, aquas montium altissimorum iuga quindecim cubitis superavisse post imbres gravissimos diebus quadraginæ, ob id enim scriptum est, apertas esse coeli cataraclas, *Genes. 7. 17 seqq.* Hæc ille in *Theatron naturæ lib. 2. pag. 213. 214.*

XXXII. Verùm imbecillia nimis sunt argumenta, quibus vulgarem doctrinam impugnare conatur. Est omnino circularis ascensus & descensus vaporum, ascendunt ut cogantur in nubes, descendunt in formâ pluviz. Reddita ær terris & aquis, quæ ab eis accepit, inque regionibus maritimis creberrimas efficit pluvias. Quicquid verò absument terræ siccitas, æstatis calor, stirpes, animantia, inque nutrimentū suum convertunt, hoc omne in ænua Oceani promptuaria nunc suppeditant, nunc compensant! Absument æstus convertēdo in vapores, materiam nubiu, quæ nunc serius nanc citius in meram aquam conversæ redeunt ad matricem

suam. Pariter animantia excernunt humores, a longè minimam partem aquarum istatum, quas perceperunt, secum retinent, Terræ aridæ non consumunt aquas verùm imbibunt & per occultos meatus dimittunt ad occulta aquarum receptacula. Ad supra cælestes aquas confugere, est laterem lavare & rem veram ab Ente fictitio demonstrare. Nullæ sunt huiusmodi aquæ, sed cum literæ sacræ memorant aquas super expansum, *Genes. 1. 6. 7. 8.* intelligunt pluvias in nubibus asseratas, uti dictum est *supra lib. 3. cap. 2. dist. 2. seqq.* Et quod si aquæ supracælestes ex se profunderent imbres, metitò quæritur, unde restaurentur istæ? Aut enim recipiunt supplementum in partibus illis quæ diminuuntur, aut non recipiunt. Si non recipiunt, vacuum erit, à quo natura abhorret. Si recipiunt, fiet hoc vel naturaliter, vel supernaturaliter. Non posteriori modo; quia Deus non creat novi aliquid, postquam Naturæ, quæ est opus manuum ejus, coronidem imposuit, *Genes. 2. 1. 2. Psalm. 8. 3. 4.* Non priori; Ecquænam enim est materia illa, quæ in locum succedit? Non cælestis, quando quidem cælum loco suo descriptum non excedit fines suos, non contrahitur in illis. Non sublunaris, quia sive ær sive moles exhalationum eousque pervenire non potest.

XXXIII. Frivolum prætentum! Alioquin detractio partiu assidua absument omnes aquas Elementares. Scilicet abyssus est, & metu isto facillè liberaverit nos! Non absorbetur omnino, quod immutatur aliquantū, vapores Sol attrahit, reddit imbres, qui ingenti parte suâ in Oceanum

delabuntur. Reliqua in superficie terræ efficiunt torrentes, nives, paludes, quæ in flumina, lacus, Oceanum decurrunt. Ità quæ dedit Oceanus, eadem ad se recipit. Instat Bodinus: *Etiam in aridissimis Libyæ desertis imbres gravissimi effunduntur, ubi vaporum nulla attractio est.* Verùm ubi pluvix sunt, ibi non deest pluviarum materia, aquæ, vapor, nubes. Desunt in Libyâ, aut solùm rarò adsunt putei, fluvii, amnes, fontes, ad latera habet Oceanum magnum, à quo provehuntur vapores & nubes. Feruntur nubes in aëre, & spaciis ingentibus provolvuntur ab isto loco, ubi primùm assurgunt, demum in pluvias effunduntur.

XXXIX. Quærit Bodinus: *Undè sint elevationes?* Pluvias ordinarias esse in causarum numero, haut debet negari; attamen causarum secundarum effecta Deus Causa causarum liberè, prout homines vel præmiis vel pœnis afficiendi sunt regit, movet, deprimit, auget, interrumpit, elevat. Et verum est, quod aquæ supracælestes effecerunt diluvia quædam, non quidem fictitiæ illæ suprâ cælos evectæ, sed quæ in aëre concresecunt, & à nubibus continentur. Exemplo diluvii ejus, quod Nohæ tempore super Asiæ partibus invasit, à cataractis cœli immissis pluviis. Quæ sunt nubes in aquas resolutæ, & perpetuis imbribus gravidatæ. Nectamen solæ effecerunt, sed parte aliqua concurrerunt. Plurimùm contulerunt fontes ingentis Abyssis, id est, Oceani aquæ immensæ, à quibus post repagula subducta effusæ illæ obruerunt Orbem, *Genes. 7. 11. 12. 17. 18. 19. 20.*

CAPVT OCTAVVM,

De Meteóris spirituosiss.

SUMMARIA.

1. *Definitio meteororum spirituosorum.*
2. *Definitio venti.*
3. *Divisio venti.*
4. *Veterum opinio.*
5. *Venti collaterales.*
6. *Venti statii.*
7. *Ventis erratici.*
8. *Ventus est aër motus.*
9. *Aristotelis sententia.*
10. *Bodinus refellitur.*
11. *Procellarum origo.*
12. *Bodini assertio.*
13. *Definitio terra-motus.*
14. *Ejus partes.*
15. *Bodinus refutatur.*
16. *Causa terra-motus.*
17. *Minera bellica.*
18. *Bodini argumenta.*

1. **M**eteóra spirituosissima sunt, quæ ex effluviis flatuosis consiunt.] Effluviis talibus, à quibus civitates, montes, insulæ subvertuntur cum fragore & horrore.

II. *Suntque Ventus & Terra-motus. Ventus est sumus flatuosus, qui cum impetu aërem commover.]* Peculiari astrorum influxu flatuosa effluvia de terris & aquis educuntur, quæ in remotissimum à nobis aërem adscensura, sed repressa, & in se recollecta in obliquum contorquentur, perq; aërem cum magno tumultu feruntur, & obvia quævis concutunt.

III. *Estq, vel Regularis, vel Erraticus.* Regularis est, qui à certâ mundi plagâ spirat. *Estq, communis vel status.* Communis est, qui quouis tempore spirat. *Estq, vel Cardinalis vel Collateralis.* Cardinalis est, qui de principe aliquâ mundi plagâ spirat. Tales sunt Subsolanus, Notus, Auster, Boreas. Subsolanus est effectû fîccus & spirat ab Oriente.] Et moderatè calidus, propterea saluberrimus & serenitatis effectôr, reddens corpora vegeta, & animos alacres ad agendum. Notus est effectû humidus & spirat ab Occidente.] Et moderatè frigidus, nubilus, tempestatis effectôr, fertilis equidem & utilis pro terrâ nascentibus, sed corporibus animantium infestus, quod humores concitat, fastidium movet, febres putridas inducit. Auster est effectû calidus & spirat à Meridie.] Et moderatè humidus, quamobrem pluvias adfert, corpora humectat, sensus hebetat, caput gravat, parietes & lapides ædificiorum madefacit, ligna prohibet ne facîle ardeant, passimque humoris vestigia imprimit. Boreas est effectû frigidus & spirat à Medinoclio.] Et fîccus, proindè excitat nives, grandines, fulmina, ætrem purgat, noxios halitus depellit, serenum reducit, ideòque commodus animantium generi, tantum quod hyberno tempore molestiam adfert, & constrictione suâ cathartos, pleuritides, similesque morbos procreat.

IV. Veteres, uti ex Homero, Hesiodo, Hippocrate, Ocello Lucano constat, hos quatuor ventos solû agnoverunt. Deinceps Athenienses adjecerunt quatuor ventos alios, Eurum, Cæciam, Corum, Africum, & super turrim

octangulam deposuerunt statuam æneam concavam versatilem, quæ agitata ventum flantem indice virgâ denotaret, uti refert Vitruvius lib. 1. *Architecton.* cap. 6. Posterii addiderunt similiter quatuor, atque intrâ illos consistit Pyxis nautica Italorum, Hispanorum, Africanorum. Donec Belgæ, Galli, Germani, Angli duos & trigintâ ventos inscriberent, quod Willebrordus Snellius in *Tiphy Batavo* demonstrat.

V. *Collateralis est, qui mixto statu spirat.* Tales ab oriente sunt Eurum & Cæcias; ab occidente sunt Corus & Africus; à meridie sunt Libonotus & Phenix; à medinoclio sunt Circius & Aparthias.] Ventorum differentes effectus sunt indè, quod miscetur cum effluviis & atomis, quæ existunt in illis regionibus, per quas transiunt. Hinc septemtrionales frigidi sunt, perflant enim loca nivosa; australes calidi & humidi sunt, quia perflant loca calida & humida. Id prolixè declarant Libertus Fromondus lib. 4. de *Meteoris* cap. 8. Bened. Mazottus lib. 3. de *Meteoris* cap. 5. Nicolaus Cabæus lib. 2. de *Meteoris* text. 42. quæst. 2.

VI. Status est, qui certo anni tempore spirat. Tales sunt Ornithia, Præcursores, Ethesia.] Ornithia, alio nomine Chelidonia, sunt, qui verno tempore circâ adventum hirundinum, cumque rosæ florent, diebus trigintâ spirant, uti Columella scribit. Præcursores sunt, qui singulis annis ante exortum stellæ canicularis placidè spirant octo diebus. Ethesia sunt venti aquilonares, qui singulis annis bi-duo post exortum Caniculæ spirant quadragintâ diebus, & Solis ardorem fran-

gunt. Causa horū ventorū proculdubio est resolutio nivium in montibus Septentrionalibus facta à Solis magno æstu, qui tempore isto maximus est, propterea quod jam per aliquot menses continuè ferè montes illos sine occasu illustravit.

VII. Erraticus est, qui undiquaq; irruit incertoprocursu. Tales sunt Ecnephia, Exhydria. Turbo.] Ecnephia sunt venti repentini & vehementes, qui in gyrum eundo nives atque grandines concitant, & quævis obvia prosternunt, fulmina incutiunt, naves pelago sepeliunt, frequentes in mari Æthiopico, ad promontorium Bonæ spei, ad Guineam, in faucibus maris Arabici. Talis ventus improvisus, grandinibus & fulmine mixtus erat, quo percussa turris Divi Petri apud Bremenses A. C. 1656. die IV. Februarii, unà cum templi parte magnâ deflagavit. Exhydria sunt venti repentini & vehementes, qui secum imbres adducunt solito majores. Turbo est ventus repente proficiens, & cursu recto aërem verberans.

VIII. Antiqui describebant ventum, quod esset aër motus sive agitato. Ità Hippocrates libro de flatibus, Vitruvius lib. 1. Architecton. cap. 6. Seneca lib. 5. quæst. natural. cap. 1. Plutarchus libro de placitis Philosophor. Damascenus lib. 2. de orthodoxâ fide cap. 8. Et sequuntur Recentiores Cælius Rhodiginus lib. 20. Antiquarum Lætionum cap. 18. Cornelius Agrippa lib. 1. de occultâ Philosophiâ pag. 14. Joh. Bodinus lib. 2. Theatri natura pag. 159. David Gorlaeus in Epitome Physiâ cap. 7. dist. 11. Jacobus Seidelius in Collegio Phy-

sico Disputat. 17. dist. 3. seqq. Robertus Fluddus in Meteorologiâ Cosmicâ pag. 38. seqq. Verum à posteriori est descriptio illa. Quanquam enim sæviante vento unà commoveatur Aër, tamen differentia latissima est secundum illa, quæ fiunt intrâ aërem, & quæ fiunt ex aëre. Ibi motio est per accidens, velut in loco; hic est motio per se, velut ex materiâ. Adstruunt hoc rationes: (1) Omne Elementum, adeq; aër, in proprio loco quiescit. Cum ergo movetur, debet ab externâ causâ moveri, adeq; causa impellens aërem est multum diversa ab aëre. (2) Si aër naturâ suâ ab astris movetur, non potest reddi ratio, quamobrem venti agitantur motibus contrariis, alii enim moventur ab ortu in occasum, alii ab occasu in ortum, uti experientia constat.

IX. Proinde Aristoteles lib. 2. de Meteoris cap. 2. 3. 4. volebat à priori describere, & à flatuū copiâ venti originem repetere. Astra per influxum suum spirituosâ effluvia de cavernis terræ & aquarum superficie proliciunt, quæ trudendo sese adscendunt, cumq; aëris mediam regionem attigerunt, mole suâ gravati deorsum repelluntur, & viribus adunatis sursum deorsum connitendo in obliquum corruunt, ad montium repagula appulsu facto infriaguntur, cumq; impetu valido per aëre feruntur. Ità docent Theophrastus libro de natura ventorum, Piccolomineus libro de meteoris cap. 22. Conimbricenses Tractatu de meteoris 6. cap. 2. 3. Moenicus Contemplat. Philosoph. 4. part. 1. cap. 14. Libertus Fromondus lib. 4. Meteoror. cap. 2. art. 1. seqq. Ferdinandus Vajaranus lib. 2. de meteoris quæst. 2. art. 2.

Nicol.

Nicol. Cabzus *lib. 2. meteoror. text. 33. quest. 1.* Athanasius Kircherus in *Mundo subterraneo lib. 4. sect. 2. cap. 6.* Wolffgangus Meurerus *libro de Meteoris pag. 187. seqq.* Et probatur: (1) Quia venti crebriores terri autumnō & vere, cum plurimi de terris laxatis, niuibus solutis, a quibus turbidis fumi & vapores adscendant. (2) Quia cum Solis ortu venti plurimum ingruunt, totā ceterū nocte tranquillā, postquam Sol radiis suis accelerando commouet effluvia, viresq; horum confortat. (3) Quia ventorum impetus prænunciari solent ab halone, alioque obscuro per aërem colore, qui vaporum flatusorum copiam indicant manifesto præfagio.

X. Excipiunt Bodinus & Fluddus: (1) Vapores ob leuitatem suam feruntur sursum. Atqui ventus motu suo fertur deorsum, ut motu obliquo per aërem ruat. Ergo non est à vaporibus. *Respondeo*: Vapores ex se quidem feruntur sursum, potest verò fieri ut ab externā causā in diuersum pellantur. (2) Vapores omnes sunt calidi & sicci. Atqui venti multi sunt frigidi & sicci. Ergo non oriuntur à vaporibus. *Respondeo*: Effluvia illa spirituosā nō sunt generis unius, miscenturq; calida, sicca, humida, frigida, prout regiones illæ, à quibus adscendant, conditionem suā habent. (3) Si ventus à vaporibus provenit, utiq; ventorū vis maxima percipietur, cum exhalationū maior est copia. Atqui calidissima æstate, quā terris apertis copia magna exhalationum est, tranquillitas aëris summa est. Ergo venti non proveniunt ab exhalationib⁹. *Respondeo*: Cum Solis ardor nunc absumit, nunc debilitat vapores,

causa manifesta est, quod non generantur venti. Et quis ignorat, maximos imbres, procellas gravissimas, vastissimos nimbos exoriri per æstatem, dum calor Solis multa effluvia attrahit, plurima nunc dissipat, nunc condensat? (4) Quicquid movetur, ab alio movetur. Ventus est aëris mot⁹. Ergo ab alio, quā ab aëre moveri oportet. Atqui exhalatio est aër fumosus. Ergo ventus non cietur ab exhalatione. *Respondeo*: Non omne quod movetur, ab alio movetur. Multa à se & per se moventur, quæ in se habent agendi principiū, formam. Et ventus in aëre quidem movetur, sed ab illo tamen distinct⁹ est, quod non dissimulant literæ sacræ. *Dominus facit ascendere vapores ab extremis terris, fulgura cum pluvia facit, depromit ventum à locis occultis*, Psalm. 135. 6. 7. Loca occulta cavernæ terrarum, à quibus prodit maxima flatusorum effluviarum copia, quæ aërem petunt atq; impellunt, ut cedat fugiatq; ita movetur aër primus à flatib⁹ æterris & aquā elicitis, hic motus protrudit alium, qui porrò vicinum. Ipse verò aër sibi relictus & sui juris est quietus, suā contentus sede nativā. Falsum hoc quoque est, *quod exhalatio sit aer*. (5) Uti Luna efficit æstum & reciprocationem maris, ita Sol efficit motionem aëris, quæ est ventus. Proinde Sole oriente spirat ventus ab ortu, & Sole occidente spirat ventus ab occasu. Noctes sunt diebus tranquilliores. Sol declinans ad meridiem, concitat austros, uti ad Septentrionem declinans efficit aquilonem. *Respondeo*: Luna est causa remota æstus marini, & verò Solis effectus iste in aërem esse non potest, quod

quod aer ob partium suarum debilem cohesionem vix possit condensari. Ab aquis esse plurimum subsidii, monstrat experientia. Suborto incendio oriuntur venti, tranquillo aliàs cælo, in vapores enim tunc resolvuntur plurima corpora, & aqua, quam pro restringendo incendio adspargunt, pariter resolvitur, unde venti augmenta sua capessunt. Solis cursum non tempus exactè sequuntur venti, & quid tum amplius? Tamenim effluvia flatuosamotu suo ille potest regere, quàm aërem. Noctes haud rarè sunt impetuosiores, ob dominium Lunæ, quod validissimum est in effluvia humida. Cum desinunt procellæ ad vespèram, causa est, quod cessant venti ob materiæ dissipationem, & quod non sint vapores in aëre.

XI. Pergit inquirere Joh. Bodinus, unde sit procellarum & turbinum violentia? Respondet, cieri illos præter consuetum Naturæ usum, vi & potestate dæmonum. Namq; exhalatio naturalis est, quæ sine violentiâ cietur. Nihil autem naturale violentum est. Atqui interdum videmus, à procellarum & tempestatum dejici violentiâ silvas, ædificia, turres, mergi naves, evelli arbores & in orbem torqueri contra ventorum morem, quorum nec orbicularis est motus, nec gravis, nec violentus; sæpius ingentia saxa, trabes, animantia corripit & prosternt. Quin etiam suus cuique regioni est ventus peculiaris & proprius, quod satis est argumenti, Genios bonos in singulis regionibus aëris moderatores ad incolumitatem frugum & animantium; atque etiam malos esse perturbatores ad reposcendam ultionem, *l. d. pag. 160. 162. 164. 171.*

& post illum Henricus Nollus Bombardieri Soldurius *lib. 3. Phys. Hermet. pag. 169.*

XII. Non quidem inficiamur, posse dæmones invadere in ventos turbinesq; per vim naturæ hæcenus excitatos, atq; abuti illis ad perniciem frugum, pecorum, hominum, exemplo ejus, quod legitur *Jobi 1. 16. 19.* verum per accidens omne illud est, quandò à se ventos producere non possunt genii, in quorum potestate haud est Natura. Effluvia sunt corpora, quæ materiæ & formam suam habent, itaq; valido syderum impetu perpulsa validos habent effectus, dominanturq; importunis modis, ut cortuantur, cedere nolunt, veniente in consortium aëre, cujus molem agitant, & vasto corpori permixta viribus alienis utuntur juxta cum suis, ut eò validior sit effectus, Dicit Bodinus, *exhalationem naturalem sine violentiâ cieri.* Quod non est universalliter verum. Fiant status in corpore nostro à fabis, rapis, castaneis & cibis flatulentis aliis, è recenti cerivisiâ, & violentis modis intestina vexant. Hypochondriaci ob copiam atræ bilis affliguntur flatibus perpetuis, quod melancholia omnem cibum fermentat, & in naturam similem convertit. Afflictiones verò istæ violentæ sunt. Effluvia flatulenta in se non multum violentiæ habent, donec conglobata & ad mutuam collisionem à syderum impulsu protracta, in sese agunt, equidem sine cæde & sanguine, haud tamen sine cæco murmure & turbulento strepitu. Adedque nec hoc verum est, quod *nihil naturale sit violentum.* Quàm enim violentè perstrepat flatus corpora nostra, est notum per experientiam.

Cicuta, napellus, aconitum sunt herbarum, & causæ naturales, à quibus tamen sunt affecta naturalia, dum pecudes atque homines enecant. Et quid est, à quo inficitur aer? E puteis, lacubus, stagnis, è cadaveribus interfectorum insepultis, vapores tetri exhalant.

XIII. *Terramotus est fumus flatusque, qui cum impetu terram commovet.* Exitum enim querit, sed non invenit, donec ipse illum faciat perfringendo. Sequuntur morbi pestilentes, dum educit secum nocivos halitus, qui aerem & aquas inficiunt, Aristoteles *lib. 2. Meteor. cap. 8.* Plinius *lib. 2. cap. 82. seqq.*

XIV. *Ejus partes sunt Tremor, Pulsus, Hiatus.* Tremor est agitatio terræ in latera. Pulsus est agitatio terræ sursum deorsumque. Hiatus est disruptio terræ, à quâ oborbentur ædificia. Nostro ævo Pluretum Helvetiæ Inalpinæ oppidum situm ad radices montis Contonii à terræ motu A. C. 1618. mense Septembri concussum, & ab imminente desuper monte contumulatum, incolas, tecta, domos ex improvviso defodit, ut nemo evaserit, Adolfus Brachelius *lib. 1. Histor. German.* Paulus Piasecius in *chronicis Europe pag. 314. 315.* Ejus loco hodiè ingens lacus porrigitur.

XV. *Taurellus* profert causam terræ concussæ, quod subterraniæ aquæ sunt copiosæ & varios habent ductus, igitur terram subtus permeando illam undique exedunt, ut tandem magnæ ruinæ terratum collapsæ in cavitates amplas terribili fragore terram verberent, *lib. 3. Cesarum Alpium pag. 606.* Verum non placet, uti in sequentibus ostendetur.

Bodinus redit ad Genios suos, incredibile est, ait, & præter rationem ac communem sensum, à levissimâ & insensibili exhalatione tantum aëri mollissimo vim posse inferri, ut non modò mare vastissimum, sed ipsam quoque terram concutere possit, *lib. 2. Theatri Naturæ pag. 174.* Verum ad Causas in naturâ exstantes, nimirum ad effluvia flatuosa & spirituosa, debet violentus effectus ille referri. Effluvia inquam spirituosa, collectis invicem atomis terreis, aqueis, nitrosis, sulphuriis, igneis, bituminosis, à quibus intrâ terræ cæcos recessus abditis motio terribilis perficitur. Habet enim terra quaquaverso poros suos, cavernas, venas, meatus, alibi laxiores, alibi restrictiores, ut illis Naturæ minimis cogendis & continendis valdè accommoda sit. Quæ ab ignibus subterraniis incensæ, & à ventorum spiraculis per occultas vias illapforum auctæ, viribus unitis rem suam gerunt, & quia angusto terræ gremio contineri nequeunt, sursum, deorsum, ad latera nituntur, exitum quærunt, sed non inveniunt, itaque retrò feruntur, angustias perfringunt, terrarum profunditates convellunt, inde inclinatio superficiæ & quarumvis rerum, quæ illi superstant. Simile quid fieri videmus in dolio vino recente pleno, ubi orificium fuerit obstructum. Tunc enim caloris interni operâ effervescunt spiritus, & vapores intrinsecus multis motibus sese subigunt, donec copiâ superante, nisi rimæ fatiscant, aut operculum removeatur, ipsi viam efficiant patulam, & dolium ruinpatur ab eorum violentiâ, cum terribili fragore & vaporum multiplici dissipatione.

XVI. Ita docent Aristoteles *lib. 2. Meteoror. cap. 7. 8.* Plinius *lib. 2. histor. natur. cap. 79.* Seneca *lib. 6. question. natural. Piccolomineus libro de Meteoris cap. 25. 26.* Conimbricenses *tract. 11. de Meteoris cap. 2. 5. 6. 7.* Mocenicus *Contemplat. Philosoph. 4. part. 1. cap. 16.* Athanas. Kircherus *lib. 4. de Mundo subterraneo sect. 2. cap. 1. 2. 3. 4. seqq.* Nicolaus Cabéus *lib. 2. Meteoror. text. 45. quest. 1.* Ferdinandus Vejaranus *lib. 2. de Meteoris quest. 3. artic. 1. seqq.* Benedictus Mazottus *lib. 4. de Meteoris cap. 1. seqq.* Renatus Cartesius *part. 4. principiorum Philosoph. pag. 181. seqq.* Et probatur: (1) Quia regiones Orientales & Australes, quæ habent solum concavum, profundum, palustre, concutiuntur frequenter & gravius à terræmotu, quandoquidem intrâ absconditos terrarum sinus effluvia nitrosa & flatuosa commodè generantur. (2) Quia terræ motus imprimis autumnis & vere contingunt, quoniam tunc æris terrarumque status magis provocat colligitque vapores. (3) Quia signa talia præcedunt & comitantur terræmotum, unde colligatur, effectum istum esse à flatuosis effluviis in visceribus terræ coactis. Putei, mare, flumina jaciunt bullas, ventis silentibus; naves fluctuant nullis fluctibus ad sensum manifestis concussæ; odor sulfuris passim vagatur, *pridie quàm vicus everteretur, gravis & insolitus fætor omnium naves offendit, inventusque qui calamitatem imminuentem prædicaret, sed contemptus fuit,* ait de Plureti casu tristissimo Brachelius *l. d.* sequuntur pestilentia non prius desinituræ, quam noxius ille spiritus è terrâ ruptâ progressus cesset. In ruinis sunt perpetui flatus, donec humo aggestâ comprimuntur.

XVII. Res porro declaratur (apud Johan. Crassotum in *Physica compendiar. pag. 489.*) per mineras bellicas, quas miro ausu, incredibili successu Ars machinaria excogitavit. Actis sub terræ cuniculis, inspecto pulvere nitroso, igne addito aperiuntur montes, subruunt urbes, evertuntur mœnia, lacerantur turres, stertuntur ædificia, enecantur unitæ virorum trementium manus, lacerantur propugnacula, summa imis miscentur. Scaliger ait: Pace tuâ dicam Jupiter, fulmina nostra sunt terribiliora tuis. Age, coge nubes, ut tonare queas, nos etiâ detranquillo regnuri tam vastabimus. *Exercit. 99. sect. 1.* Dicit quidem Bodinus pulverem nitrosam tam arctis locis conclusam vi prorumpere, cum exitus illi pateat nusquam, at ærem spontè in terræ cavernas, ne vacuum in Naturâ sit, descendere, ideoque ab eo quod repugnante naturâ sit, ad illud quod secundum naturam sit, non valere consequentiam, *l. d. pag. 174. 175.* Verum aberrat, quod dicitur in Januâ. Nec enim aer desuper ingressus poros terræ, efficit motum, sed spirituosus status in terræ cavernis geniti, cum foras nituntur, concutiant terram. Neque ob fugam vacui in cuniculis minerarum oriuntur sonus ac motus, verum à conflictu nitræ cum sulphure, postquam hostiliter illa dissident. Talia effluvia nunc imprimis adsunt, & ab ignibus subterraneis vexantur, ut cum impetu quærant exitum, & circumposita omnia quassent.

XVIII. Instat Bodinus: *Terra ut plurimum saxi & rupibus solida est, quare ærem nullo modo admittit. Recurrit prior Elenchus causæ non causæ, quando constat, ab*
aëre

aëre non esse terræ-motum. Pergit; Cum Anglia & Gallia motu sentirent, navi-gantes in freto Iccio concussionem senserunt mariturbato, ubi nullus erat aëri locus. Elen-chus idem cum priore. Non enim est ab aëre motus terræ. Spiritus inclusi effici-unt, nitro, igne, sulfure prægravati, de quibus olim etiam pro hac re non vanas suspiciones adferebat Anaxagoras, teste Plutarcho lib. 3. de placitis Philosophorum cap. 15. Et sunt hinc illæ maris ferventis bullæ, puteorum infectiones, navium concussiones.

CAPVT NONVM,

De Meteoris Emphaticis.

SUMMARIA.

1. Meteoræ emphatica.
2. Eorum species.
3. Parelus.
4. Imago Solis reflexa.
5. Paraselene.
6. Halo.
7. Iris.
8. Arcus rotundus.
9. Semicirculus.
10. Ejus causa.
11. Iridis colores.
12. Refractio in nube.
13. Nubes resoluta.
14. Corona lampadum.
15. Tres, quatuor Irides.
16. Divisio Iridis.
17. Iris solaris.
18. Iris Lunaris.
19. Iris ante diluvium.

20. Solyuntur objectiones.

21. Virge.

22. Chasma.

23. Stella cadens.

24. Rubedo matutina.

25. Rubedo vespertina.

I. **E**mphatica sunt, quæ habent effectum immanentes.] Prælagiunt aliquid, sed nihil efficiunt. Reipsâ cum nusquam existant, spectantamen & figurâ-tenus vi-
dentur.

II. Talia sunt: Parelus, Paraselene, Halo, Iris, Virge, Chasma, Stella cadens, Colores nubium, Rubedo matutina, Rubedo vespertina.] De his ordine dicemus.

III. Parelus est imago Solis reflexa in nu-
berorida.] Nubes debet esse æqualis, splendida, continua, ad latus Solis posita, immobilis. Si enim inæqualis esset, non reciperet imaginem planissimam. Et si obscura esset, non posset reflexionem ef-
ficere. Si divulsa esset, non posset imagi-
nem totam recipere. Si intra Solem po-
sita esset, citius dissiparetur, quàm imagi-
ne ornaretur. Si agigaretur, non fieret
constans, impressio. Tempestates præ-
nunciat, & pluvias, hominum contentio-
nes, bella, insidias, Aristoteles lib. 3. me-
teor. cap. 2. Seneca lib. 1. natural. quæstion.
cap. 13. Modum quo id fiat, explicant vul-
garia specula. Homo aliquis constitutus
sit inter duo specula, accedat alius & tres
hominis ejus facies videbit, unam medi-
am & veram, duas reliquas apparentes
in duobus speculis. Quin etiam plures
facies videbit, cum plura specula ordina-
tè ponuntur ad reverberationem facien-
dam, Cartesius libro de Meteoris cap. 10.

Ee 2

IV. Ima-

IV. *Imago Solis reflexa.*] Causam hujus meteorii ignorare sese, & rationem ab Aristotele prolatam non sufficere, dicit Johan. Bodinus *lib. 2. Theatri naturæ pag. 217.* Quo effugio nunc quidem haud opus est. Plerumque imago illa numero una est, nonnunquam gemina. Imò tres etiam, quatuor, & plures apparuerunt Soles. Ad suam ætatem usque non plures quàm tres Soles visos esse unquam, monet Plinius *lib. 2. histor. natur. cap. 31.* Plures tamen referunt Annales, uti copiosâ exemplorum seriè probat Johan. Garçæus in *Meteorologicis pag. 476. seqq.* Tres Soles emicuerunt eo tempore in Pannoniâ, quo Ludovicus Rex intelicæ prælio cæsus est, deque Regno occupando invicem litigaverunt Solymannus Turcus, Johannes Comes Sepucienfis, Ferdinandus Imperator Germaniæ. Quandò Carolus V. ad baptismum deductus est, tres Soles apparuerunt, omen futuræ potentæ, quâ Galliæ, Asiæ, Africæ Regibus terrorem injecit. Ante conflictum Papiensem, quo Galli cæsi Regem captivum in hostium manibus destituerunt, sex micuerunt Soles, Jacobus Milichius *commentario ad l. d. Plinii*, Sennertus *lib. 4. Epitom. Phys. pag. 332.* Romæ Anno M. DC. XXX. mense Januario observatur Sol sex omninò stipatus Pareliis, variâ intuentium & admiratione & divinatione. Eventus docuit, quod portenderit bellum totâ Germaniâ evulgatum, à Germanis, Suedis, Gallis pertinaciter annis multis gestû, omnium quibus Germania unquam laboravit, funestissimum, mole maximum, quod finivimus tunc demum, cum patriam o-

mnem in favillas & cineres disperferamus, Ruthardus in *Cosmologia theorem. 4.* Cartesius *libro de Meteoris cap. 10.* Gassendus *Appendice ad Institutiones Astronomicæ pag. 288. seqq.* Quing; Parelios, septem parelios, visos Gedani Borussorum Anno M. DC. LX. mense Aprili, & Anno M. DC. LXI. mense Febuario, prodit Joh. Hevelius *libro de Mercurio in Sole viso pag. 172. 173.* Tempore natalium Christi, ait Titelmannus, feruntur tres Soles visi esse, qui tandem in unû coeuntes significabât Sanctissimæ Trinitatis in unitate mysterium, quod imposterû prædicatione Servatoris debebat Orbi innotescere, *lib. 6. Considerat. Phys. cap. 15.* Nescio, in quibus Legendis hoc relatam sit!

V. *Paraselenæ est imago Luna reflexa in nubæ rorida.*] Generatur in Plenilunio, aliàs Luna in speculâri nube haut exprimit imaginem suam, quod requiratur omninò plenus radorum splendor, & eorundem emissio ad omnes partes objecti representandas. Quod autem reliquæ stellæ id præstare nequeant, fit partim ob debile istarum lumen, partim ob nimiam earum distantiam. Paraselenas tres Gedani visos Anno M. DC. LX. mense Decembri, narrat Johan. Hevelius *l. d. pag. 173.* Significant pluvias & alios eventus turbulentos, uti exemplis plurimis ostendunt Wolffg. Meurerus *libro de Meteoris pag. 100. 101.* Johan. Garçæus in *Meteorologicis. pag. 476. seqq.*

VI. *Halo est circulus astro lucido subiectus.*] Denunciat pluvias, ventos. Simile quid accidit nonnunquam in balnearum æstuariis, ubi ad candelas ardentes conspicitur circulus, in aëre effluviis aqueis reple-

repleto. Quamvis Solem & Lunam proximè ambire videtur, non tamen in cœlo sunt, verùm in aëre, in nubibus, quæ solæ ad recipiendas impressiones huiusmodi aptæ sunt, Aristoteles *lib. 3. de meteoris cap. 3.* Johan. Vitello in *Opticis lib. 10. theorem. 68.*

VII. *Iris est arcus varicolor in nube stillante efformatus.*] Vide arcum & benedic ei qui fecit illum, valdè speciosus est in decore suo, ait Ben-Sirach *cap. 43. 12.* Hinc omnibus seculis viri docti nobilissimum & speciosissimum hoc meteororum admirari & scrutari voluerunt. Scripserunt de Iride libros peculiare *Iohan. Fleischerus, Iohan. Marci, Alexander Piccolomineus, Ioh. Baptistæ Porta, Bernh. Telestus,* quibus adde Josephum Blancanum *Expositione ad Loca Mathematica Aristotelis sect. 162. seqq.* Renatum Cartesium *libro de Meteoris cap. 8.* Nunciat pluvias, cum ad meridiem & occasum consistit; cum ad ortum, indicat serenitatem. Proinde Iris est ministra & nuncia Junonis in fabulis Poëtarum, quas exponunt Adrianus Turnebus *lib. 12. Adversarior. cap. 23. & lib. 29. cap. 31.* Cælius Rhodiginus *lib. 22. Antiquarum Lctionum cap. 29.*

VIII. *Arcus.*] Rotundatur in arcum, & sunt causæ, tum quod nubes, in quâ formatur Iris, concava est; tum quia Sol est rotundus, cuius splendor in nube stillante representatur; tum quia Solis radii incidentes in mediam nubis planitiem colligunt sese ad æquales angulos, atq; ita æqualiter collecti rotundam figuram oculis nostris imprimunt.

IX. Nunquam tamen integra rotundatur, sed vel semicirculus tantum, vel arcus semicirculo nunc major, nunc minor

apparet. Scilicet: Iris à Sole efficitur in parte terræ suprâ Horizontem positâ, neque videtur, ac cum centra Solis, Oculi & Iridis in eadem consistunt lineâ, quæ est axis pyramidis illuminationis nubis. Lumen verò Solis in nubem protensum non cernitur à nobis totum, sed tantum, quantum de illo secundum angulos æquales ad punctum unum retunditur. Quod ita reflectitur, infert secum figuram segmenti vel semicircularis, uti exemplis Geometricis demonstrant Joh. Fleischerus *libro de Iride pag. 139. seqq.* Wolffg. Meurerus in *Meteorologicis pag. 77. seqq.* Franciscus Piccolomineus *libro de Meteoris cap. 28. 29.* Libertus Fromondus *lib. 6. Meteoror. cap. 1. artic. 1. 2. 3. 4. 5.* Nicol. Cabæus *lib. 3. Meteor. text. 20. quest. 6.* Accedit, quod nubes humore gravida tumet, ita ut extrema ejus præ gravitate laterû ad terram propendeant, inde est, quod circulus integer haud possit in nube istâ efformari. Etenim partes nubis superiores, in quib⁹ est tumor & Gravitatis, aptæ solùm sunt ad radiorum Solis reflexionem perficiendam in angulis rectis atq; æqualibus; inferiores verò partes, quia graves sunt, coeunt sensim atq; à cavitate discedunt, ut circuli integri figura in illis pingi nequeat. Fr. Vallesius scribit: Nunquam superstat hemisphærio, nisi circuli medietas, quasi pars sit circuli majoris ac cœlum totum ambientis, atq; altera pars sub terrâ sit in altero hemisphærio. Cujus quidem causa est, ab opposito Sole fieri, velut in terram despiciente, ac secundum circumferentiâ refractione radiorum in denso aëre red-dente circulû, qui terram in medio contineat. Quod fit, ut cum Sol sit humilior & occasui propinquior, eò sit arc⁹ pars, quæ

spectaretur; humilior; & quò superior Sol est, eò arcus demissior, nimirum est illi oppositus, & velut per totum cœlum distensus, in *Philosophia sacra* cap. 78.

X. Et quanquam scribat Johan. Picus Mirandulanus *lib. 2. de studio doctrina* cap. 3. quod Florentiam versus iter faciendo, unâ cum Manardo comite suo viderit Iridem ferè integro circulo descriptam, attamen *Virello* pronunciat, fuisse errorem visus propter reverberationem luminis Solaris, in vicinâ nube quæ aliquas stillas habebat, *lib. 10. Optica theorem* 69. & 76. Constat per experienciâ, semicirculû apparere evidenter, cum aliquis stat in planitie, ut nubis portione nullam, in quam prospicit, infrâ se habeat, & Sol in horizonte est. Qui cum altius tollitur suprâ horizontem, iris è regione deprimitur ut quoddam circuli segmentum infrâ horizontem nostrû detrudatur, atq; id quod suprâ horizontem est, videatur, scilicet arcus semicirculo minor. Alia ratio est, cum quis in vertice montis consistit, atq; nubem habet depressiorem, tunc enim Iris videtur semicirculo major, qualè non semel visam esse testantur Petrus Gassendus *lib. 2. Physica sect. 3. cap. 6.* Joh. Baptista Riccioli *lib. 2. Almagesti novi* pag. 83.

XI. *Varicolor.*] *ἀνὰ τὸν ἴσιν ἀνὰ τὸν αἰθέρα*, dicit Syrachides *l. d.* Numerant Seneca *lib. 1. controvers. 1.* Baptista Porta *libro de Iride theorem. 20.* duos colores, viridem & purpurium. Tres verò colores, viridem, purpurium, cærulium, numerant Aristoteles *lib. 3. Meteoror. cap. 4.* Keckermannus *lib. 6. System. Physic. cap. 9.* Arnicaus in *Epitome Physicâ* pag. 318. 319. Meurerus *libro de Meteoris. pag. 66.* Johan. Garcaus

libro de Meteoris pag. 463. Gilbert. Jacchæus *lib. 7. Institut. Physic. cap. 11.* Lacob. Danæus *lib. 2. Physic. Christ. pag. 42.* Johan. Vitellon *lib. 10. Optica theorem. 67.* Et verò à quibus causis oriuntur colores isti, prolixè disserunt Joh. Fleischêrus *libro de Iride* pag. 95 seqq. Ernestus Sonerus *Disputatione de Iride dist. 19. seqq.* Nos breviter tem perspicuam trademus. Colores isti sunt non ob Solem & nubem, sed ob solem & guttulas. Color viridis est ob effluvia aquea; purpurius ob ignea; cærulius ob ætria effluvia. Quæ omnia in nubium coagulo adsunt. Virgilius:

*Ergò Iris croceis per cœlum roseida pennis,
Mille trahens varios adverso Sole colores,
Devolat,*

lib. 4. Æneid.

XII. *Nube.*] Contendunt Interpretes de modo generationis, fiatne Iris vel per reflexionem, vel per refractionem? Et prius quidem defendunt Conimbricenses *tract. 5. de Meteoris cap. 2.* Hannibal Rosellius *commentariis ad Pimandrum Trismegisti* Tomo 5. pag. 203. Scaliger *Exercitat. 80.* Keckermannus *l. d.* Fleischêrus, *l. d.* Daniel Sennertus *lib. 4. Epitom. Physic. cap. 9.* Combacchius *lib. 3. Institut. Physic. pag. 551.* Thomas Freigius *lib. 25. Institut. Physic. pag. 680 seqq.* Posterius vero tuentur Kenelmus Dygbejus Anglus *Tract. 1. de naturâ corporum cap. 31. dist. 3.* Michaël Watsonus in *Collegio Physico Disputat. 10. dist. 11.* Johan. Baptista Porta *libro de Iride & Colore theorem. 11.* Joh. Keplerus in *Paralipomenis Opticis.* Johan. Marci *libro de Arcu cœlesti* pag. 4. seqq. Et probatur; (1) Quia reflexio fit à densis & lævigatis corporibus tantum, sed refractione existit à

pellucidis. Atqui guttæ & stillicidia sunt corpora pellucida. Ergo in illis generatur Iris per refractionē. (2) Quia colores orti per reflexionem in nube, quæ densior est acut penetrari possit, non tam pulchri sunt colores quam Iridis, verum obscuri.

XIII. *Stillante.*] Conuersa in guttulas. In guttulis hisce radii solares diversimodè fracti & refracti tam diversos producunt colores. Imitari licet per experimēta alia. Cum quis occipitiū ad Solem obuersum habet, & aquam ore spargit in aërem radiis Solis illustratum, conspicit Iridem in aquarum guttis. Idem videre est in fistula aliquā parte ruptā, si aqua per foramen exiguum elidatur, & contrā Solem spargatur. Ex remis sublevis delapsæ guttæ inter navigandum, Sole allucente colores Iridis repræsentant. In rotis molendini, cum ab aquis exeunt in altum, pendentes guttas videmus, pulcherrimā colorum varietate ob exceptos radios Solis conspicuas. In balnearum æstuiis sæpe numero accidit, ut prope candelas incensas arcus multicolores appareant, propter effluvia aquea per vicinum aërem dispersa, in quibus flamma refrangitur. Notant Seneca lib. 1. *questionum natur.* cap. 3. Wolffg Meurérus libro de Meteoris pag. 83. Bruno Seidelius lib. 2. *Institut. Physic.* pag. 319.

XIV. Porro etiam in lampadibus ab oleo incensis ejusmodi coronæ varicolas apparent in domibus promiscuè. Negat Sennertus lib. 1. *Medicina practica part.* 3. pag. 900. quod irides istæ sint in aëre, cū tantum sint in oculo. Rationes addit, tum quod non omnibus apparent, sed iis tantū qui debiliores habent oculos; tum quod accedendo immineatur, & receden-

do fit major, cum tamen contrarium fieri debeat, si esset circā candelas. *Respondeo:* (1) Non magis hæc quàm Iris alia inest in aëre, videtur quæ perinde ab eis, qui debiles, qui validos oculos habent. Quamvis accuratius ab iis cernatur, qui oculos lippos habent, quoniam hi per novam refractionem in oculis factam dupliciter velut percipiunt, uti bene differit Isaac Vossius libro de natura & proprietatibus Lucis cap. 29. (2) Inverto: Si in oculo proveniret Iris, non deberet accedendo diminui, & retrocedendo fieri major, fit enim utrobique semper iuminis in oculorum humoribus refraction. Vera est causa, quod vapidus aër eminus cōspectus videtur opacior, ideoque lumen in eo refractum emicat magis, cominus verò intuitus iste perdit opacitatem, & fit perspicuus, itaque lumen in eo nō itā evidenter cernitur. Nimirū oculos propinquos magè perstringit fulgor præsentissimus, ut lumen majus obfuscet aliterum illud quod minus est.

XV. *Efformatus.*] Duas tantum, non plures Irides, uno eodemque tempore fieri posse, tradunt Aristoteles lib. 3. de meteor. cap. 4. Plinius lib. 2. *histor. natural.* cap. 59. Julius Scaliger *Exercitat.* 80. sect. 5. Johan. Fleischerus *l. d. pag.* 221. 222. Verum refellit eos incorruptæ fidei experientia. Tres Irides simul fulgentes notavit Franc. Vi-comercatus *commentarius ad lib. 3. meteor.* num. 31. Quatuor Irides sub occasum Solis Patavii à se conspectas, prædit Vitellō *l. d.* Quæ multitudo varix radiorū incidentiæ & reflexioni debet adscribi. Cum nubes una radiis Solaribus illustrata & picta, ex sese reverberando pingit secundam è regione sibi oppositam, & secunda tertiam.

XVI. *Estq; Solaris vel Lunaris.*] Quod à Sole

Sole & Lunâ tantum Irides fieri possint, causa est, quia stellarum harum radii secundum mundi Diametrum ad nubes extendi & reflecti inde possunt: Solis equidem, quia sunt fortissimi, Lunæ verò, quia vicini maximè sunt. Cæterarum stellarum radii aut nimis debiles, aut remoti nimis sunt, ut non possint ad nubes usque pertingere. Ità docent Johan. Vitello *lib. 10. Optica theorem. 70.* Joh. Fleischerus *libro de Iride pag. 93. 94.* Goclenius *lib. 7. Disputat. Phys. §. dist. 75.*

XVII. *Solaris est, quæ oritur à refractione radiorum Solis*] Finis est, significare pluviam, & de cælesti gratiâ commonefacere homines, non fore amplius diluvium universale, quo pereant homines, pecudes, aves, feræ, *Genes. 9. 3. seqq.*

XVIII. *Lunaris est, quæ oritur à refractione radiorum Lune.*] Plenæ, & ut circa Horizontem sit, aliàs enim radii ejus sunt nimis debiles. Significat pluvias diuturnas & cælum procellosum, quandò nubes tempore isto est valdè Australis, undè est collectio multarum pluviarum. Rarò generatur, adeoque refert Aristoteles *lib. 3. Meteoror. cap. 2.* quod intra quinquaginta annos duæ tantum Irides Lunares in Græciâ conspectæ fuerint. Attamen Vitello prodit, uno anno duas Irides Lunares in Germaniâ visas esse, *l. d. theorem 70.* Exempla alia refert Johan. Garcæus *libro de Meteoris pag. 453.* Non apparent modo uno. Aliquandò sunt coloris albi, & decoloris falcis instar cælum transversum stringunt. Talem viderunt Oxonii in Angliâ Anno M. DC. IX. mense Junio Combacchius, uti ipse narrat *lib. 3. Institut. Phys. pag. 382.*

& Romæ Anno M. DC. XL. mense Octobri Athanas. Kircherus, teste ipso *Arte magna lucis & umbræ lib. 1. pag. 77.* Decolores Irides Lunares crebriù videntur ab habitatoribus Insulæ Divi Thomæ scribit Julius Scaliger *Exercitat. 80. sect. II.* Aliquandò sunt varicolores. Sennertus testatur, quod Anno M. D. XCIX. mediæ ætate noctu post ingentia tonitrua, fulgura & fulmina, pluviamque, cessante jam tempestate, inter Septentrionem & Ortum, insignem Lunarem arcum viderit, coloris splendore & pulchritudine cum nonnullis Solaribus certantem, *lib. 4. Epit. Phys. pag. 327.* Vidit quoque Lovanii multicolore Iridem à Lunâ effluam Libertus Fromondus, ipso autore *lib. 6. de Meteoris artic. 16.* Talem & nos vidimus Stralsundæ Anno M. DC. XLVII. mense Septembri, multis coloribus imbutam.

XIX. Quæritur: *An Iris fuerit ante diluvium?* Respondeo: Negant Abenesdras *notis ad cap. 9. Genes.* Brentius, Lyserus, Gesnerus *commentario ibidem pag. 219.* Hunnius & Gerhardus *commentarii ibidem pag. 246.* Wolfgangus Meuterus *libro de Meteoris pag. 83.* Johan. Garcæus *libro de Meteoris pag. 460.* Johan. Helmondus *in Initio Physicis. pag. 87.* quibus hoc suppeditaverunt Chrysostomus & Lutherus *commentario ad Genes. 9.* Verum affirmant Johan. Calvinus, Tremellius, Paræus, Pezelius, Johan. de Medioburgo, Cartwrightus *notis ad cap. 9. Genes. pag. 84.* Rivetus *Exercitat. 60. ad Genes.* Lamb. Danæus *part. 2. Phys. Christi. tract. 1. cap. 17.* Conimbricenses *Tract. 5. de Meteoris cap. 2.* Cornelius a Lapide, Pererius, Leonh. Marius, Toftadus, Emanuel Si-

Francisc. Vatablus, Cornelius Jansenius, Jacobus Tirinus *commentarius ad cap. 9. Genes.* Libertus Fromondus *lib. 6. de Meteoris pag. 392.* Combacchius *lib. 3. Instit. Physic. cap. 3.* Joh. Henr. Alstedius *lib. 7. Encyclopædia part. 3. Phys. cap. 13. Regula 13.* Johan. Poncius Legionensis in *Cursu Philosophico Disputatione Phys. 28. quest. 2.* Javellus *Tract. 7. de Meteoris cap. 3. sect. ult.* Rod. Goclenius *lib. 4. Disputat. Phys. 6. & 7.* Ernestus Sonetus *Disputatione de Iride celesti*, Caspar Bartholinus *lib. 4. System. Phys. cap. 5.* Quibus assentimur, & sic argumentamur: Ubicunque fuerunt causæ procreantes Iridis, ibi etiam fuit effectus procreatus. Atqui jam ab Orbe condito fuerunt causæ procreantes Iridis, videlicet nubes pluviosa, Sol, locus irradiationis, oculus hominum. Ergo etiam fuit effectus procreatus.

XX. Excipiunt Gesnerus & Garcaus: (1) Quod novum fœdus novo signo confirmandum fuit. Atqui novum non erat, quod ante diluvium fuerat. *Respondeo*: Antecedens negatur. Poterat fœdus novum sanciri citrà novū signum. Diu fuerat peccorum sanguis, antequā ad sacrificii fœdera adhibebatur. Aqua dudum fuit, attamen ad Baptismi fœdus paciscendum novo ritu adhibebatur. (2) Quod perturbatum Noachi animum haud satis erigere potuit, quandò Iris exsisterat antè. *Respondeo*: Imò poterat satis ob annexū promissum divinum, id quod vel solum in hanc rem sufficiebat, quandò nō placuisset Deo signum visibile præter eā interponere. (3) Quod Deus loquitur in præsentī, ecce pono arcum meum in nubibus, vers. 12. 13. *Respondeo*: Loquitur cum additamento

evidente pono arcum meum in nubibus, eritque signum fœderis. Fuerat Iris ante diluvium signum naturale imbrum, post diluvium verò & pactum hoc Dei cum homine, instituta est in signum mysticum fœderis ejus, de non futuro deinceps universali diluvio, *Esai. 54. 9.* (4.) Quod multis verbis de hoc signo cōcionatur Deus, unde constat, non fuisse hæcenus notū & consuetum. *Respondeo*: Non erat hæcenus obses, proinde volebat Deus plurimis verbis testari, quā ipsi porrò curæ futurum esset genus humanum.

XXI. *Virga sunt lineæ ad longum arrectæ in nube aquosæ.*] Significant pluvias jam propè instantes. Nam pars nubis, in quâ hoc meteoron gignitur, plena est humoris qui faciliè in guttas pluviales resolvitur. Et tunc Sol assumit vultum rubiginosum ac fuliginosum prorsus.

XXII. *Chasma est species cœli dehiscens atq; ardens.*] Significat ventos & serenum cœlum, depulsis nubilis. Virgilius:

Unde hæc tam clara repente

Tempestas? video mediū discedere cœlum,
lib. 9. *Æneid.* Effluvia sulfuria inæqualiter ad partes suas cōmissa, in extremis rariore, in medio dēsiore, accendūtur in extremis, sed in medio nō admittunt incendiū; hinc est, quod partes accensæ clariore & propiores nobis esse videntur, quæ verò non accenduntur, obscuriores & remotiores putantur esse. Hoc est, quod pictores agunt, qui partes quas in tabulis profundiores conspici volunt, nigro vel cæruleo exprimūt colore, alboq; circumdant, & profunditatē formāt, quas partes eminere volunt, albis coloribus pingunt. Etenim visum faciliè movet alba, sed nigra

difficulter apprehendentur, Wolffg. Meurerus libro de Meteoris pag. 46. 48. 49. Sennertus lib. 4. Epitom. pag. 286. 287. De hoc meteoro agit Lucretius:

Mænia mundo

Debiscunt,

lib. 3. de rerum naturâ. Id est, cœlum hiat. Quod sæpè tristes eventus sequantur, exemplis aliquot ostendit Johan. Garcæus libro de Meteoris pag. 66.

XXIII. *Stella cadens est fumus repulsus deorsum, stella procidentis imaginem offerens.* Flamma celeriter expirat, & inconspicuam efficit stellam. Scilicet, cum meteorum hoc exstinguitur, fumus remanet à quo stella obtegatur, ne deinceps videamus eam quam distinctè videramus hætenus. Ob id cœlo lapsa & nubibus absumpta esse videtur, præsertim cum stellæ accedit scintillatio. Plinius lib. 2. histor. natural. cap. 36. & pronuper Bombastus Paracelsus lib. 1. de Meteoris cap. 10. statuunt, quod sit excrementum à stella egestum, ab halitibus passâ, ubi accensi humoris redundans aliquod decidat, uti in oleo & candelis fieri solet. Id meritò reprehendit Henr. Nollus lib. 7. Phys. Hermetica cap. 2. Quando enim stellæ haud opus habent alimento, quod concoquant, non etiam fuerit opus, ut excrementum aliquod egerant. Generatur hoc meteorum in aëre sereno & puro, noctu potissimum circâ primor-

dium auroræ, portendit siccitates, ventos, procellas. Virgilius:

Intonuit levum, & cœlo delapsa per umbras

Stella facem ducens multâ cum luce currit,

lib. 2. Æneid. sequitur post aliqua:

Et latè circum loca sulfure fumant.

De hoc meteoro agit.

XXIV. *Rubedo matutina est refractionis radiorum Solis in nubibus cum diei ortu.* Tempestates indicat, vetustissimo signo, Matth. 16. 2. 3. Scilicet, quia testatur, vapores multos noctu collectos unâ cum Sole in altum evehi, qui cum ad mediam aëris regionem perveniunt, pluvias efficiunt; cum dissipantur, antequam scandunt altius, venti fiunt, turbantque aëris tranquillitatem.

XXV. *Rubedo vespertina est refractionis radiorum Solis in nubibus cum diei occasu.* Serenitatem indicat, quando vapores unâ cum Sole descendunt, & à nobis recedunt, ut purgetur aër, & vapores tempestatum causæ procreantes removeantur.



LIBER SEXTUS,

De Mineralibus.

CAPUT PRIMUM,

De Mineralibus in genere.

SUMMARIA.

1. Definitio mineralium.
2. Eorum materia & forma.
3. Semen minerale.
4. Solvuntur objectiones.
5. Mineralium vita.
6. Refellitur opinio.

Mineralia sunt corpora naturalia mixta, quæ à semine minerali proveniunt.] Mineræ sunt vocabulo Arabico venæ & meatus subterranei, in quibus generantur fossilia ista, & de quibus magno cum labore eruuntur, ut in hominum usus quotidianos præparentur.

11. Corpora naturalia mixta.] Corpora naturalia sunt, quia materiam & formam habent. Docent vulgò, quod generentur è vaporibus aqueis cum terrâ permixtis & terræ gremio conclusis, beneficio, caloris & frigoris, ob concursum Solis aliarumq; Stellarum, Franciscus Piccolomineus libro de Meteoris cap. 30. 31.

Rud. Goclenius lib. 5. Disputat. Phys. 1. dist. 15. Jacchæus lib. 2. Institut. Phys. cap. 16. Gabriel Fallopius lib. 1. de fossilibus cap. 1. Bernhardus Cæsius lib. 1. de mineralibus cap. 4. Andréas Cæsalpinus lib. 1. de metallis cap. 1. 2. 3. Joh. Velcurion lib. 3. Institut. Phys. cap. 12. Antonius Ruvio Rhodensis lib. 2. de Cælo cap. 3. quest. 1. Franciscus Vallesius in Philosophiâ sacrâ pag. 298. 299. 300. 302. Jacobus Auberti part. 2. Institut. Phys. cap. 23. Timplerus lib. 4. System. Phys. cap. 8. quest. 4. 5. 6. Verùm Speculatores isti partim falsas, partim remotas causas adferunt, quæ si rem absolverent, dubio procul plus auri, argenti, gemmarumque in mundo esset, quam experimur esse. Rectè dicit Bodinus: Quid tam à Naturâ est alienum, quàm à vapore levissima gravissima generari? aut quid Naturæ minus conveniens, quàm tantos lapides, densissimos, frigidissimos, & gravissimos à vapore tenuissimo progenerari? Neque enim vapor aut exhalatio uspiam esse potest, nisi in subline feratur; lapides verò & metalla

metalla tum in aquis, tum in visceribus terræ intimis coalescunt, *lib. 2. Theatri naturæ pag. 228. 258.* Nos argumentamur: Ubiq; sunt formæ speciei diversæ, ibi non omnia præstant communes Efficientes. Atqui in mineralibus sunt formæ speciei diversæ. Ergò in mineralibus procreandis non omnia præstant communes Efficientes. Major constat: Effectus determinatus requirit Efficientem determinatam. Minor constat: Alia forma est auri, alia argenti, alia gemmarum. Porro: Effectus non excedit vim causæ. Atqui mineralia excedunt vim Elementorum. Ergò mineralia non producuntur ex Elementis. Minor constat: Formas & operationes mineralium proprias videamus, quæ sanè ab Elementis non possunt derivari.

III. *Semine minerali.* Rectus ergò dicitur, Efficientem mineri aliū esse formam specificam, quā Deus mundi opifex creavit, utq; in fodinis sese multiplicaret, iussit. Hinc durant, & perpetuò in terræ penetralibus sumam Creatoris potentiam & sapientiam prædicant. Materia est massiva unctiosa in terræ venis recondita, Salis, sulphuris & Mercurii coagulum. Ità docent veteres Hermetici, Avicenna, Geber, Lullius, & novi, Daniel Sennertus *lib. 5. Epit. Phys. cap. 1.* Andreas Libavius *part. 1. singularium*, Josephus Quercetanus *concertatione adversum Iacobum Albertum*. Nos argumentamur: Quæcunq; certam procreationis & propagationis materiam habent, illa habent principium seminale. Atqui Mineralia certam procreationis materiam habent. Ergò Mineralia habent principium seminale.

IV. Excipiunt *Peripatetici*: (1) Semen est duntaxat in vegetativis. Atqui mineralia non sunt vegetativa. Ergò non sunt productiva seminis. (2) Non reperiuntur in fodinis sal, sulfur, & argentum vivum, & verò nō sunt mineralia in locis omnibus, ubi sunt argentum vivum. Id quod tamē necessum esset, ut veniret usu, quando mineralia generantur ex sulfure & argento vivo, cum Natura sit nunquam otiosa, & præsentem materiā semper aliquid producat. (3) In mineralibus non semper reperiuntur vires sulphuris & argenti vivi. Sulfur inflammabile est, argentum vivum non potest vi frigoris concreescere. Metalla non faciliè inflammentur, & frigoris ope concreescunt. (4) Non omnia Mineralia colorem sulphuris & argenti vivi habent. Ergò nec materia horum sunt ista, Johannes Zeifoldus *lib. 2. Institut. Phys. pag. 481.* & libro de *Semine pag. 36.* Timplerus *l. d.* Joachimus Burserus *lib. 2. Institutionum Physicarum cap. 15.* Respondeo: (1) Non tantum in vegetabilibus est semē, verum in omnibus aliis corporibus naturalibus, quæ materiam similem habent, in quā & per quā sese propagant, augent, multiplicant. Talia sunt mineralia, quæ per formam sese multiplicant in fodinis metallicis, à quā postmodū materia idonea disponitur, inq; domicilium aptum extruitur. (2) Quod sal, sulfur, argentum vivum insint mineralibus, palam & ad oculum demonstrant illi qui metallosum coctionibus, probationibus, & resolutionibus operam navant, ut hoc negare velle sit derogare fidem sensibus. Et cum non sint metalla in omnibus locis, ubi sulfur & argentum vivum reperiuntur,

riuntur, causa est, quoniam ibi non adest simul forma metallica, à quâ corripitur materia & elaboretur, ut quædam metalli species perfectæ integritatis compos prodeat. (3) Quod metalla plurima ab ignis vi exedantur, & maximâ parte sui corrodantur experientia probat. (4) Et colorem sulphuris retinent penes se illa, quæ tubent; alia quæ albicant, colorem istum ab argento vivo accipiunt & retinent.

V. Proveniunt.] Queritur: An mineralia habeant animam vegetativam? Respondeo: Affirmant Hermetici mineralis naturæ exploratores solliciti, David Crusius lib. 4. *Institut. Physic. cap. 2.* Scribonius lib. 2. *Institut. Phys. pag. 104.* & in Epistolâ ad Thomam Freigium, Petrus Severini in *Idea Medicinæ cap. 6.* Henr. Nollus lib. 8. *Phys. Hermetica pag. 298.* Josephus Quercetanus *vindicis contra Jac. Albertum*, Joh. Henr. Alstedius lib. 7. *Encyclopædia part. 4. Physica cap. 1. Reg. 3.* Sebast. Foxius lib. 3. *Philosoph. naturalis pag. 431.* Ludovicus Vives lib. 1. *de Anima pag. 8. 9.* Rationes adferunt: (1) Quod mineralia nutriuntur. (2) Quod mineralia augentur. *Hæc illi.* Verum partim confundunt distincta, partim proponunt falsa. Quod verè nutritur, vereq; augetur, illud attrahit alimentum, & per venas distribuit in corpore organico. Atqui mineralia non attrahunt alimentum per cavernas terræ dispersum, nec distribuunt per venas, sed forma specifica attrahit & congregat materiam, eamque apponendo extrinsecus metallum quaquaversus auget.

VI. Proinde negant Julius Scaliger *Exercitat. 101. 102.* Johan. Combacchius

lib. 3. *Institut. Physicæ pag. 421.* Barthol. Keckermannus lib. 5. *System. Phys. cap. 4.* Joachimus Burserus lib. 2. *Institut. Physicarum cap. 15.* Rodolphus Goclenius lib. 5. *Disputat. Phys. 1. dist. 19. seqq.* Jacobus Auberti libro *de oris metallorum*, Gabriel Fallopius libro *de metallis cap. 8.* quod Mineralia habent animam vegetativam. Ratio hæc est: Quodcunq; non habet organicum corpus, à quo alimentum intrò recipitur, concoquitur, & in substantiam convertitur, illud caret vitâ perfectâ. Atqui mineralia non habent organicum corpus, à quo alimentum intrò recipitur, concoquitur, & in substantiam convertitur. Ergò mineralia carent vitâ perfectâ. Non omne illud quod per appositionem externam augetur, habet vitam atque animam vegetativam. In thermis videmus ingentes tophos, in canalibus hyberno tempore magnas stirias spectamus, in corpore humano sæpè magni calculi reperiuntur, in doliis concresecunt lapides & lateribus adhærescunt, urinarum coagula in matulis asservata abeunt in materiam lapideam atq; indies crescunt. Atqui in omnibus illis nec vita, nec verè dicta nutritio locum habent. Generantur metalla & augentur virtute formæ specificæ, adeoq; eruta semel de fodinis, nihilominus post aliquod tempus renascuntur, nisi matrix, quæ seminum continet, læsa & unâ extirpata fuerit. Quo facto venæ exhaustæ deficiunt, nec spem faciunt novæ frugis, uti fodinæ ferrariæ in Insulâ Ilvâ propè littus Florentinum, & aliæ similes, testantur, apud Andream Cæsalpinum lib. 3. *de metallis cap. 6.* Johan. Bodinum lib. 2. *Theatri nature pag. 145.*

CAPVT SECVNDVM

De Metallis.

SUMMARIA.

1. Definitio metallorum.
2. Divisio metallorum.
3. Metallorum differentia.
4. Metallorum forma.
5. Aurum.
6. Aurum factitium.
7. Experientia falsa.
8. Nollius refellitur.
9. Rationes nostræ.
10. Testimonium Rôlesinckii.
11. Aurum potabile.
12. Refellitur Scaliger.
13. Argentum.
14. Stannum.
15. Cuprum.
16. Ferrum.
17. Plumbum.

I. *Diduntur in Metalla, Gemmas, Lapidés, & Succos minerales. Metalla sunt mineralia, quæ ex semine metallico procreantur.* Constat per illa, quæ diximus capite precedente dist. 3.

II. *Suntque: Aurum, Argentum, Stannum, Cuprum, Ferrum, Plumbum.* Addunt Hermétici septimum, Argentum vivum, ut septē Planētārum numerum expleant, eorumque nomina imponant, aurum tribuendo Soli, argentum Lunæ, cuprum Veneri, ferrum Marti, stannum Jovi, plumbum Saturno, argentum vivum Mercurio, Johan, Crafstotius in *Phys.*

compendiaria pag. 513. Joh. Henr. Alstedius lib. 7. Encyclopædia part. 4. Phys. cap. 2. Reg. 5. Fabulas Carbonariorum esse, dicit Scaliger Exercit. 106. sect. 2. Et Bodinus scribit: Metalla totidem esse, quot Planetas, est Chymicorum figmentum, qui ut septenarium implerent, & cælestia terrestribus miscerent, argentum vivum senario adjecerunt, quod quia medix naturæ est inter aquam & metalla, non potest metallorum genere contineri. Id enim in universâ rerum naturâ perspicuum fit, à simplicioribus mista excludi, lib. 2. Theatrum naturæ pag. 255. Breviter: Metallorum species non est, quod pars seminii metallici est. Perinde uti sulphur est materia communis metallorum, & ob id metalli species haud est.

III. *Quæritur: An metalla differant specie, vel potius accidentaliter tantum secundum perfectionis & imperfectionis gradus? Respondeo: Posterius defendunt Hermetici, Paracelsus Bombastus libro vexationum, Henr. Nollius lib. 8. Phys. Hermet. cap. 3. Josephus Quercetanus defensione Chymia adversus Jacobum Alberti, David Crusius lib. 4. insinuat. Phys. cap. 3. Joh. Henr. Alstedius lib. 7. Encyclopæd. part. 4. Phys. cap. 1. Reg. 3. & cap. 4. Reg. 1. & sequuntur Danæus part. 2. Phys. Christ. tract. 3. pag. 106. Barthol. Keckermannus lib. 5. System. Phys. cap. 4. Urgent cum primis, quod non possint invicem transmutari, quæcunque formis specificis differunt. Atqui metalla invicem transmutari posse, experientia probet.*

IV. *Nos dicemus, quod fallax sit experientia illa, adeoque verior est sententia horum, qui contendunt, metalla differre*

performas specificas. Ità sentiunt Julius Cæsar Scaliger *Exercitat.* 106. *sect.* 2. Thomas Morefinus & Jacobus Alberti *librū de ortu metallorum*, Thomas Eraſtus *part.* 2. *Disputat. contrā Paracelsū*, Goclenius *lib.* 5. *Disputat. Phys.* 2. *dist.* 18. 19. 20. Caspar Bartholinus *lib.* 7. *System. Phys. cap.* 1. Johan. Combachius *lib.* 3. *Insistunt. Phys. cap.* 5. Argumentamur. Quæcunque habent diversas operationes & affectiones, illa differunt specie. Atqui metalla habent diversas operationes & affectiones. Ergò metalla differunt specie. Major probatur, quia formæ latent nos, & per effectiones manifestantur. Minor in clarâ luce est.

V. *Aurum est metallum nobilissimum, ponderosissimum & rubeum.*] Auro nihil solidius, gravius, compactius propter tenacissimam cohesionem partium omnium ejus. Durat sese & conservat, non tantum in aëre & aquâ, sed in igne etiam. Non corroditur ab ærugine, à rubigine, aliisque metallorum hostibus. Liqueſcit ab igne, & fundi potest, sed uni illi ex metallis omnibus nihil igne deperit, aut substantiæ, aut nito. is, ait Aristoteles *lib.* 3. *meteoror. cap.* 6. Quanquam rei vulgò creditæ fidem elevare conatur Johan. Bodinus, & testimonio aurificum Parisiensium usus asserat, auro per ardorem ignis multum decedere, adeoque totum consumi posse à magnis & diuturnis flammis, *lib.* 2. *Theatri natura pag.* 263.

VI. Quæritur: *An beneficio artis metallariæ cuprum & plumbum transmutari, inque verum & solidum aurum converti possint?* Respondeo: Affirmant Johan. Picus Mirandulanus *Comes lib.* 2. *de*

Auro cap. 7. Arnoldus Villanovanus in *Rotario Philosophico*, Rogerius Bacon in *speculo Alchymie*, Vincentius Belluacenſis in *Speculo natura lib.* 8. Quos sequuntur Recentiores, Andr. Libavius *part.* 1. *Singularium*, Raphaël Eglinus *disertatione de Auro*, Bernhardus Penotus *defensione adversus Guibertum Lotharingum*, Ewaldus ab Hoghland *libro de transmutatione metallorum*, Henr. Nollius *lib.* 8. *Phys. Hermet. cap.* 3. Martinus Rulandus in *progymnasmatibus Chymicis quæst.* 67. Joh. Henr. Alstedius *lib.* 7. *Encyclopad. part.* 4. *Phys. cap.* 4. *Reg.* 1. Antonius Mirandula *de eversione certaminum singularium lib.* 8. *sect.* 7. Jacobus Martini *Centur.* 1. *quæst. illustr. Disputat.* 9. *quæst.* 5. Bernhardus Morifanus *commentariis ad libros Physicos Aristotelis pag.* 317. Johan. Casus *lib.* 2. *commentarior. Physic. pag.* 210. *seqq.* Daniel Sennertus *lib.* 5. *Epirom. Physic. pag.* 408. Michaël Unzerus *lib.* 1. *de Mercurio cap.* 17. Blavenstein Helveticus *libro de lapide Philosophorum adversus Kircherum*. Provocant ad experientiam rerum omnium magistram, quæ passim reperitur. Sennerti verba sunt: Ut de Antiquioribus, Arnoldo Villanovano, Raimundo Lullio & aliis nihil dicam, talia specimina nostrâ & Patrum memoriâ aliquot edita suat, ut pertinacis sit, experientiæ tam certæ refragari. Quid Pharmacopola Tarvisinus coram Senatu Veneto, quid Paracelsus, quid Alexander Sidonius Scotus, quid Anselmus Bœthius Cæsarius Medicus pulvisculo, quem in libri antiqui asserere contrafacto invenerat, effecerit, quid Edvardus Kellejus Anglus & alii

alii præstiterint fide digni testes, non auri soli sed etiam oculati confirmant & eloquuntur, *libro de consensu & dissensu Chymicorum cap. 2.* Et Bartholinus scribit: Metalla varia in aurum mutari posse, mirum est quod peritiores negant. Vidi Florentiæ inter res preciosas Ducis Florentini clavum continuum, cuius media pars aurum erat, media ferum: aurum, quousque tincturæ immersus erat. Transmutatus dicebatur olim à Thurneifero. Vidi frustum plumbi in aurum mutati Basilæ apud Zuingerum, qui propriis oculis transmutationem à Sidonio Scoto factam viderat Basilæ, quod idem Scotus Coloniae, & passim alibi præstitit, *lib. 7. System. Phys. cap. 1.*

VII. Verum quod si experimenta illa sint fabulæ Carbonariorum? Adterunt viros tales, qui causæ non profunt, & valde obsunt, Magos, Impostores vagos auri indigos, auricupidos, Lullium, Villanovanum, Thurneuserum, Bombastum, quos constat dæmonum socios & Veneficos inque experimentis faciendis oculos hominum decepisse. Spurcum & impium impostorem vocat præstantissimus Taurellus in *caisis Alpibus lib. 5. pag. 793.* ubi de Bombasto agit. De Sidonio Scoto, Kellejo Anglo, Anshelmo Boethio aut falsa relata sunt, aut fallacia, ut nimis facile credantur ab iis, quibus volupe est, fabularum cumulum augere. Ratio firmissima adversus illos Aurifices falsarios est, quod sint omnium rerum inopes, quare verò divitias sibi non comparant in bonis propriis, quas promittunt aliis? Quando ita facile Regum & Ma-

gnatum sumptibus, & plumbo aut cupreo aurum educere possunt, & postquam opes ingentes in fumos atque favillas redegerunt, ad patibula facinorosi damnantur.

VIII. Nollus excusat: Creator aurum tam arctè non conclusit, ut avertat curiosos ab ejus inspectione solummodo absque causâ, imò potius ideo abscondit, ut apeririatur & perlustretur. Quæ enim pulchra & optima sunt, nunquam Natura vilescere voluit, aut ante pedes jacere, sed semper sudorem ante virtutem posuerunt immortales Dii. Quæ rara, cara. Castaneæ, nuces, amygdalæ & ferè omnes fructus meliores, vel duris putaminibus teguntur, vel spinis armantur acutis, aut quocumque alio modo, ne omnium libidini pateant, defenduntur. Sic res pretiosæ & thesauri claustris & arcis servantur, vulgares verò ipsi populo prostant, nec absconduntur unquam. Hinc non frustrâ aurum sapientiores ita conclusum autumant, sed id insigniores virtutes præter colorem visibilem in essentia suæ latibulis abditas habere, quas indignos scire aut acquirere non deceat, *l. d. pag. 325.* Nimirum Sapientes, & digni, qui mysterium de conficiendo auro scrutentur, sunt Lullius, Thurneuserus, Bombastus, homines impuri! Quicquid vel Nollus vel ejus similes alii dicunt, ego ne jurantibus quidem crediderim, tantum abest, ut aurum, quod in Naturæ uni⁹ potestate est, ab Arte produci posse arbitrer. Certumque est, quod publicus malè cautas mentes in præceptis agat error, & multi ne decepti fuisse credantur, commendent autoritate suâ fallacias, umbras, somnia. Bombastum fuisse dæmonum socium, vanisque expectationibus

homines omnium ordinum vexavisse, fa-
centur etiam Johan. Bodinus *lib. 1. Theatri
nature* pag. 177. Andr. Libavius in *schē-
diastatis adv. Rennemannum* pag. 20.

IX. Nos commendamus illud *Scali-
geri*: Tam sancta alia metalla à natura facta,
ut ex eis aurum fiat, quàm cætera animan-
tia, ut ex eis fiat homo, *Exercit. 106. sect. 2.*
Et consentiunt Athanas. Kircherus in
mundo subterraneo lib. 11. cap. 3. 4. 5. 6. 7. 8.
sect. 2. Anton. Ruvio Rhodensis *lib. 2.*
Commentar. Physicor. pag. 163. seqq. Hieron.
Cardanus *lib. 10. de rerum varietate*
cap. 51. Petrus Gassendus *Institut. Physicor.*
sect. 3. lib. 3. cap. 6. Barthol. Kecker-
mannus *lib. 5. System. Phys. cap. 4. & in*
Curso Philosoph. Disputat. 11. quæst. 8.
Johan. Velcurion *lib. 1. Institut. Physic.*
cap. 9. & lib. 3. cap. 13. Joh. Fernelius *lib. 2.*
de abditis rerum causis cap. 18. Argumen-
tatur: Quæcunque differunt formis spe-
cificis, illa non possunt invicem transmu-
tari. Atqui aurum, cuprum, plumbum,
ferrum differunt formis specificis. Ergò
aurum, plumbum, ferrum, cuprum non
possunt invicem transmutari. Excipiunt:
(1) Ars imitatur naturam, & videmus, quod
artis ope animata multa producatur, apes
è cadavere bovis, mures è quibuslibet, pul-
li ope caloris in furnis *Aegypti*. (2) Pro
calore cœlesti in producendo auro factio
succedit calorigeneus, neque hic specie
differt ab igne cœlesti. (3) Natura agens in
materiâ metallicam, semper intendit auri
generationem. Et ratio est, quod natura
in quolibet genere intendat semper illud,
quod est optimum & perfectissimum, di-
cente Aristotele *lib. 2. de Cælo cap. 11.* Atqui
aurum in metallorū genere est optimum
& perfectissimum. Ergò aurum semper in-

tendit natura. Cum non assequitur finem
suum, & ferrum, cuprum, plumbum efficit,
contingenter fieri censendum est propter
vitium degenerantis materiæ, Penotus,
Rulandus, Jacobus Martini l. d. *Respondeo*:
(1) Nihil in producendis iis omnibus con-
fert ars, sed generatur è semine proprio.
(2) Nihil inest igni Elementari, ut ille au-
rum producendo è eupro rerum species
immutet, & vilius aliquod in melius con-
vertat. Non habet in se principium semi-
nale, quod metallum certæ speciei effi-
ciat. (3) Falsum est, quod natura metalli
efficiens producat aurum, quâ intentio-
nem suam. Novit à se atque ex se quævis
forma metallica, quid possit, quid debeat
agere, ut non deficiat in conatu suo, &
præter intentionem agat. Nihil est, quod
eam turbet in agendo, aut aliò divertat.
Et constat porro: (1) Quod Natura pro-
pter fines ususque diversos, diversas quoque
metallorum species progenerat, idè
cum finis proprii gratiâ hoc vel illud me-
tallum parturit, non simul intendit finem
alterius. (2) Quia secus erroris infiniti ac-
cusabitur natura, cuprum, ferrum, plum-
bum in copiâ majore producendo, quàm
aurum. Proinde fieri non potest, quin
per se à naturâ intendantur. (3) Regula
valet tantum de individuis sub unâ specie
comprehensis. Cum hominem facit, op-
timum hominem facit atque eundem
intendit natura, optimum canem, opti-
mam muscam, optimam formicam, opti-
mum ferrum, optimum aurum. Falsa ve-
rò est, cum de specie ad speciem transire
volumus. Nec enim, quia homo nobi-
lius animal est quàm brutum, aut quia
lupus nobilius brutum est, quàm serpens,
idè Natura vegetativa in procreatione

animantium semper intendit hominem, & tunc demum facit brutum, cum non potest intentionem suam assequi.

X. Nempè studium vanæ gloriæ est tam excelsum, ut authores novarum opinionum & fallant & fallantur. Benè Cl. Rølesinckius: Artis transmutatorix, opum deprædatrix amor pestumdat suos cultores. Qui alicui malè vult, eum verò apertè vi aggredi non audent, saltem auctor esto illi, & huic studio sese tradat. Experimenta omnia hæcenus credulo orbi proposita, glaucomata fuerunt. Qui credunt, clavum in thesauro Florentino Magni Ducis Hetruriæ, cujus media pars ferrum, media aurum, continuum esse, tincturæque transmutatorix opus; & Pharmacopolam Tarvisinum coram Senatu Veneto quid laude dignum præstitisse, aberrant à janua Dissertat. Chymicâ 6. cap. 8.

XI. Queritur porrò: An aurum reddi possit potabile? Respondeo: Hermetici novo invento præparant aurum, & resolvūt ut fluidū evadat, & sub formâ olei, mellis, pulveris adhiberi possit instat panacæ, à quâ pellātur hydrops, podagra, lepra, pestilentes morbi, venena imbibita, restarentur vires corporis, vita prorogetur ad annos multos, homines astrales & immortales efficiantur, vetulæ repuellascant & menses recuperent, generent liberos, silierniū & capularis senex rejuvenescant, Raimundus Lullius libro de auro potabili, Augerius Ferrerius lib. 2. de methodo medendi cap. 13. Franciscus Antonius in Panacea aurea, Josephus Quercetanus in Tétrade cap. 32. Arnoldus Villanovanus, libro de tuenda juventute cap. 2. Jacobus Weckerus

lib. 10. de Secretis cap. 3. Johan. Vincentius Finckius in Enchiridio Dogmatico-Hermetico, Jacobus Schallings lib. 3. Oculistica sect. 2. cap. 13. Petrus Laurembergius animadvert. in Aphorismos Chymicos Sala sect. 21. Claudius Deodatus Basileensis in Panthe Hygiastico libris tribus, Wernerus Rølesinckius dissertat. Chymicâ 4. cap. 4. Andreas Libavius lib. 2. Alchymia tract. 1. cap. 4. Negant vero hoc, impugnant, fraudumque instar accusant Galenici & Peripatetici, Thomas Erastus peculiari libro de auro potabili, Joh. Ronodæus in Dispensatorio Medicus pag. 553. Levinus Lemnius lib. 3. de occultis naturæ miraculis cap. 6. Julius Scaliger Exercit. 272. Keckermannus in Cursu Philosophico Disputat. Phys. 11. quest. 7. Nos quidem haut negamus, multa sæpè prædicant ab Hermeticis, quæ proximè ad fraudes accedunt, adeòque non est illis temerè credendum; sed quod de auro potabili asserunt, verum esse deprehenditur; tantum virium esse, ut morbos desperant amoveat, vitam proroget, juventam senibus marcidis restituat, non perinde verum fuerit, fatente ipsomet Crollio in Basileica Chymica pag. 203. seqq. Venena potu imbibita atterere, ne possint nocere, certissimum est.

XII. Scaliger doctrinam hanc fœdas nugas vocat l. d. Insuper rationibus quibusdam pugnat adversus manifestam experientiam, quas ex eo repetit adhibetque Ludovicus Duretus notu ad lib. 1. Hollerii de internis morbis cap. 8. & 29. Dicit: Namque humanum antepanum sanguinem, nihil enim simile. Atqui sanguinem humanum bibere, abominabile est, frusta est.

est, veluti qui nullas in se vires habeat, sed impurus sit, sæculentus, corpori nocivus. Pergit: *Id verò qui auro rescitur, aurum fiet.* Negatur hoc, quandoquidem aliud est ordinarium alimentum, aliud est peculiare medicamentum. Et alimentum quidem in naturam convertitur, non verò medicamentum, uti patet à magisterio petlarum, lapide Bezoar, tincturâ coralliorum, & aliis medicamentis. Dantur illa ægrotis, sed hi cum valetudini restituntur, nec in perlas, nec in corallia parte sui aliquâ convertuntur. Addit: *Natura auri cum longissimè distet à nostra, neutriquam natura nostra per illam licebit instaurari.* Atqui sufficit virtus occulta, ut morbos pellat, & sanitatem restituat, quomodo herbæ in Medicinâ frequentis usus, non propter naturæ identitatem, sed propter qualitatum potentiam commodant animantium valetudini.

XIII. *Argentum est metallum purum & candidissimum*] Plurimum habet mercurii candidi, & parum sulfuris. Notat Scribonius: Argentum ab auro differt propemodum solo colore, adeoque est aurum nondum exquisitè à naturâ elaboratum, puritate alioquin suâ, firmâ soliditate & renuitate illi propinquissimum *lib. 2. Institut Physic. pag. 105.* Atqui non solo colore differt, verum & pondere ac precio, unde scorias & recrementa patitur, imo etiam atteritur ab ignis violentiâ. Neque est aurum imperfectè à naturâ elaboratum, quandoquidem à naturâ per se intenditur, atque elaboratur. Neque est ita firmiter solidum, quia corrosionem patitur, uti Chymicorum operationes

docent apud Henr. Nollium *lib. 8. Phys. Hermet. pag. 326.*

XIV. *Stannum est metallum impurum, densum, albicans.* Ob mercurium seu argentum vivum debiliore modo excoctum. Notat *Templerus*, stannum nihil aliud esse quàm plumbum perfectius excoctum & depuratum, *lib. 4. Institut. Phys. cap. 8. quæst. 9.* Ideò haud numerat veluti peculiarem metalli speciem. Verum non satis rectè, quando specie differunt metalla ista, uti operationes ostendunt.

XV. *Cuprum est metallum impurum, durum & rubeum.*] Ob sulfuris copiam. Fuit olim in frequente & quotidiano usu, ut ex eo fabricarentur simulachra, vasa, tabulæ, monumenta, clypei, lanceæ, arma quævis.

XVI. *Ferrum est metallum impurum, durissimum & nigricans.*] Ob sulfuris debiliore modo excocti copiam.

XVII. *Plumbum est metallum impurum, rarum & albicans.*] Ob argenti vivi copiam, & salis paucitatem.

CAPVT TERTIVM.

De Gemmis,

SUMMARIA.

1. *Definitio Gemmarum.*
2. *Gemma unicolores.*
3. *Earum species.*
4. *Carbunculus.*
5. *Adamas.*
6. *Ejus durities.*

7. *Causa duritiei.*
8. *Sapphirus.*
9. *Smaragdus.*
10. *Rubinus.*
11. *Hyacinthus.*
12. *Ametheystus.*
13. *Asterites.*
14. *Chrysolithus.*
15. *Chalcedonius.*
16. *Onyx.*
17. *Berillus.*
18. *Granatus.*
19. *Sarda.*
20. *CrySTALLUS.*
21. *Scaliger notatur.*
22. *Gemma varicolores.*
23. *Earum species.*
24. *Turcois.*
25. *Lazulus.*
26. *Chrysoprasus.*
27. *Hematites.*
28. *Iaspis.*
29. *Topasius.*
30. *Sardonyx.*

I. **G**emmae sunt mineralia purissima & pellucida.] Duæ præcipuè sunt gemmæ notæ, ut dura sit ac pellucida. Eximiâ enim colorum pulchritudine ac splendore valent gemmæ, duræ in super, ut ferreæ limæ attritum non curent.

II. Suntq; aliæ unicolores, aliæ varicolores. Unicolores sunt, quæ æqualiter splendent.] Colore simplice.

III. Tales sunt: Carbunculus, Adamas, Sapphirus, Smaragdus, Rubinus, Hyacinthus, Ametheystus, Asterites, Chrysolithus, Chalcedonius, Onyx, Berillus, Granatus, Sarda, Crystal- lus.] De quibus omnib; dicemus ordine.

IV. *Carbunculus.*] Gemmarum præstantissima, lucidissimi ignis flammam representat, varia habet nomina & genera, Anthracitum, Lychnistum, Sandastrum, Jonim, de quibus refert Plinius lib. 37. *hisor. natural. cap. 7.*

V. *Adamas.*] Coloris aurei, aquæ instar pellucida. Multas de adamante fabulas referunt, multas credunt. Vocant gemmam reconciliationis, quod iram reprimere, & conjugum amorem fovere credatur; contra fascinoles, incantamenta, succubos, & quasvis dæmonum præstigias amuleti instar esse censetur, Anselmus Boëthius lib. 2. *de gemmis cap. 4.* Cardanus lib. 6. *de subtilitate pag. 302.* Nollius lib. 8. *Phys. Hermet. pag. 346.* Superstitionem atq; ineptias meritò vocat Johan. Bodinus lib. 2. *Theatri natura pag. 231.* Neq; hoc satis. Quod gemma hæc nec ferro, nec igne domari queat, & tamen ab hirci sanguine dissolvatur, calido illo & recente, Veteres produnt. Plinius de Arabico & Indico adamante scribit: Incudibus hi deprehenduntur, ita respuentes ictum ut ferrum utrinq; dissul- tet, incudesq; etiam ipsæ dissiliant, quippe duritia inenarrabilis est, simulq; ignis- um victrix natura, & nunquam incalescens, lib. 37. *hisor. natural. cap. 4.* Et Recentiores statuunt, verum esse, Boëthius & Nollius l. d. Lamb. Danæus part. 2. *Phys. Christ. tract. 3. pag. 100.* Mocenicus *Contem- plat. Philosoph. 4. part. 2. cap. 2.* Georgius Agricola lib. 6. *de fossilibus cap. 9.*

VI. *Julius Caesar Scaliger* nunc titubat, nunc affirmat, de causâ quod dicat, nescit. Adamantem, inquit, hirci sanguine posse rumpi, Plinius tum prodit, tum vel-
velli.

vellicat. Mallem sua proderet experientia. Recentiores qui detestantur occultas proprietates, easq; inscitia æsylum contumeliosis verbis vocant, & aliis locis, & in hac historiâ, quas destrunt, construunt. Ajunt enim, hircinum sanguinem in adamantē penetrare, propter analogiam, quæ est in principio comuni. Atverò quid aliud est principii communis analogia, quàm proprietas occulta? Nam quare subit hircinus, & alius tenuior sanguis restitatur exclusus? Et sane ab uno principio deducere adamantem, atq; illud sanguinem, est hircum facere adamantem. Frangere tamen in renibus, atq; in vesicâ lapidem, tam verum est, quàm meridiê lucere. Quàm plurimos enim vi ejus cōminuimus. Sed & leporino fit hoc idem. Undè igitur illa effiçacia? Non tibi nunc dissolvam debitum, sed bonâ fide interea pignori tibi relinquam, ingenui caudidq; animi verbum hoc: Nescio, *Exercit. 344. sect. 8.* Alii nodum scindunt, experientiam rerum magistrâ interponentes. Nec enim, *ajunt*, verum est, cōminui adamantē non posse malleis, quin superincude depositus malleo in scobes redigitur, quarum particulae inserviunt ad poliendas gemmas alias, ad vitra scindenda. Ignibus injectus dissolvitur atq; in calcem redigitur. Hircino sanguini impositus nec mollescit, nec inficitur, quàm longo etiam tempore immersus detineatur, *Joachimus Camerarius in memorabilibus Medicis cap. 8.* Conimbricenses *appendice problematum de Elementis pag. 548.* Cardanus *lib. 7. de Subtilitate pag. 322.* Garcias ab Orto *lib. 1. hist. aromatum cap. 47.* Joh. Bodinus *lib. 2. Theatri naturæ pag. 231.*

Joh. Crassotius in *Phys. Compend. pag. 371.*
Joh. Baptista Porta in *Magiâ naturali lib. 7. cap. 54.*

VII. Nos in isto opinionum conflictu ambigimus, quâ arripiamus. Adamantis magna duritia est, limæ attritum respuit. Putant Conimbricenses l. d. *ob summum frigoris gradum tantam adamantis competere duritiem & obfirmatam adversus ignes potestatem.* Nugæ sunt, estq; causa unica petenda à succo proprio, argento vivo perfectè elaborato. Major omninò frigiditas in glacie inest, quæ tamèn ab igne solvitur facillè, & non difficili operâ confringitur. Certumq; est, quod malleis ferreis contunditur adamas, quodq; ignibus atteritur. Sanguis hircinus aliàs penetrat vires ejus, aliàs non. Videlicet, si hircus aliquandò pascatur herbis solutivis, postea mactetur, sanguis ejus solvit adamantem. Non equidem propriâ, sed alienâ potestate.

VIII. *Sapphirus.*] Coloris cærulei, quamvis etiam reperitur albus & precio minor. Pestis, veneno, febribus malignis adversatur, melancholiam & animiterrores pellit, à carbunculis enatis virus nocivum extrahit. Si vitro angusto includatur aranea, vitriq; orificio imponatur sapphirus, propediem moritur aranea, Andreas Baccius & Anshelmus Boëthius *libris de gemmis.*

IX. *Smaragdus.*] Coloris viridis Reficit oculos, pellit venena, curat pestilentes febres, corroborat animum, cohercet libidinum æstus, abolet morbum caducum, coxæ mulieris alligata partiâ adjuvat, ventri verò imposita, retinet eundem, vertiginem corrigit, Baccius & Boëthius l. d.

Joh. Ronodæus in *dispensatorio Medico* pag. 536. Ruçus de *Gemmis* lib. 2. cap. 5. 6.

X. *Rubinus*.] Coloris rubei, ut pertenebrosa loca in speciem exiguæ alicujus scintillæ micet. Visum corroborat, somnia horrida depellit, venenis resistit, vitales spiritus confirmat, Julius Scaliger *Exercitat.* 118. Anshelmus Boëthius lib. 2. de *gemmis* cap. 14. Baccius *libro de gemmis* cap. 6.

XI. *Hiacynthus*.] Coloris violacei & cum fulgore aureo. Contrà pestem & venena præservat, conciliat somnum, cor roborat, animi alacritatem excitat, fulminum ictum avertit, Boëthius l. d. Jacobus Weckerus in *Antidotario speciali* lib. 1. sect. 6. Scaliger *Exercitat.* 13. sect. 1.

XII. *Amethystus*.] Coloris purpurii. Umbilico imposita vini vaporem extinguit, ebrietatem dissipat, hominem à contagio liberat, visum confortat, Boëthius lib. 2. cap. 33.

XIII. *Asterites*.] Confortat visum, pellit venena, profluvium sanguinis cohibet. Ejus una species est *Helites*, altera *Selenites*. Et *Helites* quidem exhibet maculam auream, quæ secundum motum Solis quotidie movetur ab Oriente in Occidentem. *Selenites* cærulea maculam præfert, omnibus modis secundum Lunæ motum sese agitantem, ut incrementa & decrementa omnia observet, Joh. Ronodæus. l. d.

XIV. *Chrysolithus*.] Coloris aurei. Animi terrores & nubila detergit, Cardanus lib. 7. de *subtilitate* pag. 330.

XV. *Chalcedonius*.] Coloris purpurii. Lætitiam excitat, melancholiam dimittit, Baccius & Boëthius l. d.

XVI. *Onyx*.] Coloris subfusci. Animi vires confortat, diminuit libidinem, Boëthius l. d.

XVII. *Berillus*.] Coloris flavi. Lætitiam conciliat, putredini resistit, venena pellit.

XVIII. *Granatus*.] Coloris rubei. Terrorem animi pellit, adfert lætitiam, Boëthius lib. 2. cap. 23. 24. 25.

XIX. *Sarda*.] Coloris rubei. Somnia terrificæ prohibet, mensium profluvia cohibet, Boëthius & Cardanus l. d.

XX. *CrySTALLUS*.] Coloris albißimi. Profluvium ventris cohibet, auget lacrimas mammis mulierum, Ronodæus l. d. Effoditur in venis metallicis cum aliis, tum propriis. Nec enim verum est, quod Plinius lib. 37. *histor. naturalis* cap. 2. Seneca lib. 3. *quest. natural.* cap. 25. Conimbricenses *Tract.* 7. de *Meteoris* cap. 5. Joh. Langius *commentarii ad librū de Mundo* pag. 105. 106. Joh. Velcurion lib. 3. *Institut. Phys.* cap. 15. Fortunius Licetus lib. 4. de *spontaneo viventium ortu* cap. 68. Barthol. Kerckermannus lib. 6. *System. Phys.* pag. 406. Lamb. Danzus *part. 2. Phys. Christ. tract.* 2. cap. 25. Joh. Bodinus lib. 2. *Theatrum naturæ* pag. 227. Julius Scaliger *Exercit.* 119. Christoph. Eccelius lib. 3. de *metallis* cap. 18. 25. differunt, CrySTALLUM esse aquam à frigore vehementissimo & diuturno congelatam in montibus altissimis. Et probant manifestæ rationes: (1) Quia non solum in rupibus altissimis ad summum frigus expositis, verum etiam in terræ cavernis tepidioribus invenitur. (2) Quia in Brasiliâ & Cypro nascitur in montibus perpetuo soli expositis; teste Johanne de Laët lib. 1. de *gemmis & lapidibus* cap. 15.

(3) Quia

(3) Quia in aquis coniecta mergitur celeriter, secus quàm glacies etiam induratiſſima. Hæc enim in aquis ſupernatât. (4) Quia Solis radios fortiter ſuſcipit, atq; refringendo continet, urit validè ut non colliqueſcat. Neque ergò aqua cong'aciata fuerit. (5) Quia ab igne focario non colliqueſcit, uti ſolent illa quæ à frigore concteverunt: ſed à viejus ſuperatâ in calcem redigitur.

XXI. *ſcaliger* occurrît, quod non poſſit à calore Solis colliqueſcere, cauſam eſſe, quia frigus diuturnum tantam illi ſoliditatem attulit, ut à calore modico vinci non poſſit. Glacies, *ait*, nondum eveſta ad lapidis duritiem, adhuc aqua eſt, neq; quicquam Cryſtalli præter gradum concretionis habet. Cum verò eòuſq; provecſta eſt, ut deſinat eſſe illud, cum lapidis formâ commutat illam præparationem, neque negat, ſe aliquandò fuiſſe aquam, quæ poſteâ formam lapidis ſubiverit & induerit, *l. d.* Atqui ſup'polaris glacies in Novâ Semblâ & Spitsbergâ, multorum ſeculorum frigore indurata nec denſitatem iſtam accipit, nec calorem ignis ſuſtinet, nec mergitur aquis. Unde verò iſta frigoris validitas, ut novam formam producere poſſit, multò diverſam à formâ quæ aquæ eſt, cui velut propria qualitas inhæret? Chymicæ reſolutiones, per quas oleum eliquatur ab eâ, atque calcinatio oſtendunt, eſſe minerale. Et conſentiunt *Georg. Agricola lib. 6. de natura ſoſilium cap. 7. Solinus in Polyhiſtore cap. 20. Athanaſ. Kirchéruſ lib. 1. Artis magneticæ pag. 6. & lib. 8. Mundi ſubterranei ſect. 1. cap. 7. 8. Bernh. Cæſius lib. 3. de mineralibus cap. 2. ſect. 8. Andr. Cæſalpinus lib. 2. de me-*

talluſ cap. 19. Petrus Gaſſendus lib. 3. Phyſica ſect. 3. cap. 2. Arnoldus Senguerduſ lib. 5. Introduct. Phyſ. pag. 427. Anſhelmus Boëthiuſ lib. 2. de Gemmis cap. 73. Hieton. Cardanuſ lib. 7. de Subtilitate rerum pag. 204. Joh. Ronodæuſ in diſpenſatorio Medico lib. 2. pag. 548. Daniel Sennertuſ lib. 5. Epitom. Phyſ. cap. 4. Proinde formam & materiam æqualem mineralibus habet Cryſtalluſ, atque de marmoris lapidum fodiniſeratur. Et quanquam locis multis internives reperiatur, non tamen ſit ex glacie frigoris ope, ſed producitur è ſucco lapideſcente proprio, quem forma propria elaborat.

XXII. *Varicolores ſunt, quæ inæqualiter ſplendent.*] Colore duplici, triplice.

XXIII. *Tales ſunt: Achates, Turcoſ, Lazuluſ, Chryſopraſuſ, Hematiteſ, Jaſpâ, Topaſiuſ, Sardonyx.*] Et quidem Achates varicolor gemma adeò ut uni illi gemmarum aliarum colores omneſ vix æquari poſſint. Candiduſ eſt, atq; unâ rubeuſ, croceuſ, cineriuſ, viridiſ, cæruleuſ. Reperiti ſunt, ubi diſcurrenteſ venulæ & maculæ, jam palumbum, jam arbuſculam unam, alteram, jam nemuſculum, expreſerunt. Pyrrhuſ Epiri Rex habuit Achatem, in quo novem Muſæ cum Apolline citharam pulſante repræſentabantur, ut tum videatur natura cum pictore artiſticiſſimo certaviſſe, *Pliniuſ lib. 37. cap. 1. Hieronym. Cardanuſ lib. 5. de ſubtilitate rerum pag. 402. Simon Majoluſ in diebus canicularibuſ pag. 577.*

XXIV. *Turcoſ.*] Coloriſ cærulei & viridiſ. Cor recreat, oculorum imbecillitatem ſanat, Boëthiuſ & Ruéuſ *l. d.*

XXV. *Lazuluſ.*] Coloriſ cærulei & flavi,

flavi, punctis aureis interlucentibus. Confortat visum, purgat melancholiam, Boëthius & Ronodæus *l. d.* Sennertus *lib. 6. Medicinæ pract. part. 6. cap. 8.*

XXVI. *Chrysoprasus.*] Coloris viridis, interspersis maculis aureis. Cor recreat, oculorum debilitatem expurgat, micat in tenebris, Boëthius & Baccius *l. d.*

XXVII. *Hematites.*] Coloris ferruginii inter venulas rubeas. Medetur profluvio sanguinis, Boëthius & Ronodæus *l. d.*

XXVIII. *Aspû.*] Coloris viridis inter puncta rubea. Exhilarat cor, femori alligatus scæminarum menstrua profluvia cohibet, partum, accelerat, epilepsiam mitigat, renum doloribus & calculo medetur, Baccius & Boëthius *l. d.* Dioscorides *lib. 5. cap. 147.* Plinius *lib. 37. cap. 8.* Sennertus *lib. 5. Institut. Medicarum part. 1. sect. 1. cap. 17.*

XXIX. *Topasius.*] Coloris viridis cum punctulis aureis. Cote attrita liquorem fundit adversus dolorem oculorum utilem. Curat hydropem & passionem Lunaticam, Ronodæus & Ruëus *l. d.*

XXX. *Sardonyx.*] Coloris rubei inter punctula alba. Minuit libidinem, curat, exulcerationes unguium, Ronodæus & Boëthius, *l. d.*

CAPVT QVARTVM

De Lapidibus.

SUMMARIA.

1. *Definitio lapidum.*
2. *Divisio lapidum.*

3. *Lapides Solidi.*
4. *Lapides fossiles.*
5. *Magnes.*
6. *Scaliger notatur.*
7. *Bodinus refellitur.*
8. *Conversio ad polum.*
9. *Stella polaris.*
10. *Galactites.*
11. *Aetites.*
12. *Marmor.*
13. *Unicornis.*
14. *Lapides vegetabiles.*
15. *Chelidonium.*
16. *Alectorius.*
17. *Bufonius.*
18. *Bezoar.*
19. *Vniones.*
20. *Testa conchyliorum.*

L Apides sunt mineralia impura & minus lucida. Vulgò describunt ortum lapidum, quod procreentur virtute caloris consolidantis, & frigoris excoquentis de humido unctuofo, five vaporibus terræ crassioribus in humido aqueo contemperatis, Johan. Combacchius *lib. 3. Institut. Phys. cap. 6.* Cardanus *lib. 7. de subtilitate rerum pag. 209.* Goclenius *lib. 5. Disputat. Phys. 3. dist. 3.* Sebast. Foxius *lib. 3. Philosoph. natural. pag. 269.* Thomas Freigius *lib. 26. Physicæ pag. 644.* Danæus *part. 2. Phys. Christ. tract. 3. cap. 32.* Mocenicus *Contemplat. Philosoph. 4 part. 2. cap. 2.* Gabriel Fallopius *libro de fossilibus cap. 6. 7. 8.* Johan. Velcurion *lib. 3. Instit. Phys. cap. 15.* Verum, uti solent, lambunt vitrū, non attingunt pultem. Quod si calor producit lapides, sequitur oppidò, quod accidens producit substantiam.

Lapis enim est substantia, calor verò est accidens. Et quamobrem in aquis frigidis, in fontibus, in lacubus procreantur lapides? Non est ibi calor, sed frigus merum & perpetuum. Eadem rationes militent adversus frigoris activitatem. Sane frigus quoque est accidens. Neque lapides semper locum natalem agnoscunt frigidum, unde illos generari in corpore hominis viventis, ejusdemque epate, corde, vesicâ, renibus, pulmone, cerebro, arteriis videmus, & exempla proferunt Daniel Sennertus lib. 2. *Institut. Medicar. part. 2. cap. 9.* Joh. Beverovicus libro de calculo renum & vesicæ cap. 6. Gerhardus Leonh. Blasius commentariis ad Anatomiam Veslingi pag. 62. 71. 83. 143. 179. 187. 217. Joh. Schenklius à Grafenberg Observat. Medicar. lib. 1. num. 81. lib. 2. num. 49. 195. lib. 3. num. 54. 95. 97. 245. Anshelmus Boethius lib. 2. de lapidibus & gemis cap. 302. Petrus Gassendus sect. 3. Institutionum Physicarum lib. 3. cap. 1. Quis credat, tantum in vivente corpore inesse frigus, à quo humores in lapidum duritiem converti possint? Porro nec unctuosum humidum, id est, exhalationes terrestres cum vaporibus aqueis commistæ, rectè constituuntur esse materia lapidum. Sæpè enim illi proveniunt in locis humidissimis, ubi nullus locus est exhalationibus siccis, ubi nulla humidi exsiccatio est, ubi perpetui sunt madores atque humores. Proindè lapides generamus dicimus ex succo lapidescente & spiritu lapidifico. Exprimitur verbis illis materia & efficiens lapidum. Materia est succus lapidescens, & sale, sulphure, argento vivo constans. Efficiens est

spiritus lapidificus, sive forma propria, cujus virtute in profundissimis venis & mineris, in corporibus animantium, in thermis, acidulis, fontibus, lacubus, paludibus, efformantur lapides, qui varios colores, figuras, virtutes, odores, taliaque plura in se habent.

II. *Dividuntur in porosos & solidos: in fossiles & vegetabiles. Porosi sunt, qui habent partes cavernosas.* Ob materiæ raritatem. Hinc est, quod aquis immerfi supernatant uti ligna arida. Nimirum hoc facit aer distractus per poros, à quo super undis continentur, ne submergantur.

III. *Solidi sunt, qui habent partes compactas.* Sive compactas, ob materiæ densitatem. Qui omnes fundum petunt, & non permanent esse in superficie, quod non contineant secum tantum ætæris. Non secus, ac videmus hominem subter alis vesicam spiritu plenâ habentem ferri super aquis, sine quâ mergetur iis. Porosi lapides sunt pumex & topus, instar spongiæ rari ac fistulosi. Solidi lapides sunt, silex, pyrites, cos, coticula, scrupulus, saxum.

IV. *Fossiles sunt, qui de penetralibus terræ eruntur.* Tales sunt Magnes, Galactites, Aërites, Marmor, Unicornis.

V. *Magnes.* Coloris ferè cærulei. Duo sunt, quæ maximè admiramur in Magnete, tractio ferri & conversio ad polos mundi. Et quidem Veteres sciverunt optimè, quod magnes ferrum trahat, & referunt de re illâ Aristoteles lib. 7. Physicor. Lucretius lib. 6. de naturâ rerum, Plinius lib. 36. cap. 16. Cicero, Solinus, Galenus, Plutarchus, Aphrodisæus,

Ptolemæus *locis plurimis*. Quæ miranda virtus magnetis evadit illustrior, quod licet tabulæ lignea, pelvis ænea, speculum interponantur, non tamen impediatur virtus tractoria magnetis. Trahit ferrum, & imprimit ei vim parem, ut trahat ferrum aliud. De causâ alii aliter sentiunt. Certum est, quod detur mutu⁹ consensus & dissensus rerum naturalium. Quæ consentiunt, unionem appetunt, quæ verò dissentiunt, fugam à se querunt. Magnes habet insitos ferri spiritus, quia in ferrifodinis nascitur, proinde uti magnes trahit magnetem, ita & magnes trahit ferrum. Simile enim ad simile, quantum potest, fertur. Cum verò ferrum est rubiginosum, aut impurum, aut succo allii vel ceparum oblitum, à magnete non attrahitur. Adamas etiam inter magnetis hostes numeratur, apud Plinium, Scaligerum, Fallopium, Georgium Agricola, Christoph. Encelium, cui tantum natura ingenuerit dissidium, ut præsentem eo omnem vim magnetis evanuisse credamus, neque tunc ille ferrum trahat. Hoc tamen fabulosum esse, neque adamantem penes appositum impedire posse, quo minus à magnete ferrum trahatur, produnt Johan. Baptista Porta *lib. 7. magia naturalis cap. 15.* Joh. Bodinus *lib. 2. Theatri naturæ pag. 249.* Antonius Mizaldus *Centur. 9. memorabilem sect. 100.* Gilbertus Anglicus *lib. 1. de magnete cap. 1.*

VI. Caterum Scaliger magnetem non attrahere ferrum, sed ferrum ad magnetem accedere existimat. Movebitur potius ferrum, ait, ad magnetem, tanquam ad matricem suam, cujus abdi-

tis principiis perficiatur: quemadmodum ad centrum terra. Est propius veritatem, ut ab internâ virtute potius, quàm ab externâ, à quâ tangitur, moveatur, veluti movetur catulus ad mammillam. Quomodo movetur anima ad beatitudinem, ab intimò principio, quod summi boni appetit fruitionem. Est enim principium nostrum primi appetens principii, ut ultimi finis, *Exercit. 102. sect. 6.* Laudant ista, uti optimè dicta, Gilbertus Anglicus *lib. 2. de Magnete pag. 66.* David Gorlaeus in *Epitome Physic. cap. 3. dist. 5.* & ante Scaligerum ista dixerat Hieron. Fracastorius *libro de Consensu rerum cap. 5.* Verum refellit Fortunius Licetus *lib. 1. de ortu spontaneo viventium cap. 116. & 117. & lib. 4. cap. 17.* Andreas Libavius *part. 3. Singularium lib. 1. cap. 12.* Falsum enim est, quod præsupponit ille, ferrum perfici à magnete cum rectius longè magnes perfici dicatur à ferro, intra quod progeneratur & à quo virium suarum nutrimentum accipit. Quando enim magnes ferro aut venâ ferri destituitur, virium suarum jacturam facit. Quod ne fiat, scobe ferri obruendus est. Scilicet contactus virtualis, à quo ferrum arripitur, est ab intercedentibus spiritibus, qui per atomos insensiles emanant, uti jam olim asseruit Democritus, & nuper accuratè defenderunt Cornelius Gemma *lib. 10. Cosmocr. Gilbertus Anglicus lib. 2. de Magnete cap. 4. 5. 6.* Sebast. Basson *lib. 10. Philosoph. natural. pag. 510.* Petrus Gassendus *Institut. Physicarum sect. 3. lib. 1. cap. 4.*

VII. Repudiat hoc Joh. Bodinus: Ple-rique, ait, magnetem & ferrum similitu-

dine

dine quapiã conjungi & copulari putant, sed non satis argutè, cum metallis metalla sint similia quàm saxis, ne tamẽ ullum metallum trahit, aut trahitur à ferro. *Et paulò post*: Ego libenter fateor, quod penitus ignoro causam, sed aliorum falsas rationes necessariis argumentis refellendas opinor, ut vel in naturæ inquisitionem diligentius incumbant, vel de ignorantia non pudeat confiteri, *lib. 2. Theatrinaturæ pag. 243.* Verùm non perinde sese habent formæ naturales, quæ in metallis quidem sunt, & obtusæ quidem, ut per intensiles radios extrà se non possint agere: in magnete verò forma inest, à quâ profluunt spiritus attractivi, quâ virtutes spoliatur, cum senescit, naturalemque amorem deponit. Et potest à casibus aliis contingere idem damnum, uti cum maceratur igne, qui spiritus illos erodit. Falsus est *Paracelsus*, qui scribit, magnetem igni injectum & ferventem, cum oleo Martis imbuitur ad satietatem, duplicatas vires accipere, *lib. 7. de transmutat. rerum, natural.* Namque ab igne corrumpitur, ut non solùm vim trahendi ferrum, sed alteram quoque ad polum sese convertendam mittat. Quippe spiritus, qui immediatum est virtutis ejus subiectum, exhalante, vires deperditas testatur, quod ex cæculiâ flammâ, quam emittit sub ignibus cognoscitur, atque experientia comprobatur.

VIII. Porro quod magnes perpetuò ad polum mundi sese convertit, nesciverunt Veteres, sed postquam innotuit Orbi, maximum incrementum attulit navigationibus. *Aristoteles*, *Theophrastus*, *Plinius*, *Ptolemæus*,

& Veteres omnes nullam virtutis hujus faciunt mentionem, quæque allegari solent è *Plauti Trinummo*, non faciunt ad rem, uti docui *lib. 1. Institut. Politicarum cap. 18. dist. 11.* & consentiunt *Adrianus Turnebus lib. 20. adversarior. cap. 4.* *Samuel Bochartus part. 2. Geographiæ sacræ lib. 1. cap. 38.* Primi quidem exposuerunt *Albertus Magnus* & *Vincentius Belluacensis*, quo tempore Sinarum populi à Tattaris Mogolibus bello maximo perdomiti, arcenum illud & clarissimum pariter navigiorum lumen propalaverunt, à quibus accepit *Marcus Paulus Legatus Venetus*, & secum in Italiam adduxit *A. C. M. CC. LX.* Donec apud Neapolitanos excoleretur inventum, & à *Flavio Amalfitano A. C. M. CCC.* ad nauticum usum traduceretur, uti narrant *Guido Pancirollus lib. 2. de novis inventis tit. 11.* *Petrus Ciezius lib. 2. histor. Indicæ cap. 9.* *Franc. Gomara lib. 1. historie Indicæ*, *Petrus Medinas lib. 1. de arte navigandi.* Causam rei hujus ad quosdam montes sub polo existentes & ferro gravidos referunt *Gerh. Mercator in Atlante minore*, *Franciscus Maurolycus in Cosmographiâ*, *Olaus Magnus lib. 12. de regionibus Borealibus cap. 1. 2.* Et *Fracastorius* scribit: Nos diligentius tem considerantes dicimus causam, quod perpendiculum illud ad polum vertatur, esse montes ferri & magnetis, qui sub polo sunt, ut negotiatores affirmant, quorum species per incredibilem distantiam usque ad maria nostra propagata ad perpendiculum usque, ubi est magnes, consuetam attractionem facit.

Propter distantiam autem cum debilis sit, non moueret magnetem aliquid, nisi in perpendiculo esset. Quare etsi non trahiturque ad principium unde profluit, admovent tamen & propinquiorem facit, quantum potest. Quodli naves fortè illæ propinquiores sint illis montibus, ferrum etiã euellitur, propter quod nauigiis incolæ utuntur clavis ferreis adstrictis, *libro de Antipathia cap. 7.* Verùm an montes isti sub polo sint, tantasq; vires habeant, nondum constat certò, & Monachus iste, qui viæ errore abreptus dicitur boreales regiones ipsi polo suppositas perlustrauisse apud *Mercatorem*, mentis errore affectus fuisse creditur meritò. Et quoniam in Ilvâ, Guinea, Cretà, Hispaniâ montes copioso ferro grauidi inveniuntur, cur non potius eò deflectit magnes?

I X. Tutius in cœlo, quàm in terrâ, hujus naturæ miraculi quæritur causa. Ut magnes cum stellâ polari, quæ est extrema in caudâ ursæ minoris, occultum consensum habeat, & ob id perpetuò ad polum sese convertat. Ità docent Rogerius Bacon *Epistola de virtutibus magneticis*, Hieron. Cardanus *lib. 7. de subtilitate pag. 215.* Kenelmus Digbejus *Tract. 1. de natura corporum cap. 20. dist. 21. 22.* Marsilius Ficinus *libro de vita calitis comparanda cap. 15.* Neque abnuitt Scaliger: Concors, *ait*, atque consentiens rerum natura sibi, omnium tum superiorum, tum nostratum connexionem admirabili serie hac, quâ totum hoc unum est, perpetuâ necessitudine coniungit. Ità ut non solum sint in rebus, tanquam gradus, aditus,

recessus, separatis: verùm etiam earum, quæ sejunctæ penitus videntur, substantiarum commistiones, quemadmodum alibi demonstratum est. Quâ novâ cognatione imbelliores species in tertiam quandam firmiorem sapè coalescunt. Quo consilio equi atque asinæ meditata est mistionem, ut patientiam alterius vegetâ promptitudine alterius temperaret. Itaque cujus parentes ævi brevioris existissent, mulus ad octogintâ annos vitam produceret, *Exercit. 131. dist. 1.* Et tanquam Andr. Cæsalpinus *lib. 3. quaestionum Peripatetic. sect. 5.* Athanas. Kircherus *lib. 1. Artis magnetica pag. 52. 58.* Bernhardus Morisanus *commentarius ad libros de generatione & corruptione pag. 554.* istam causæ dictionem improbant, moti argumento, quod magnes à stella polari in diversas mundi partes variè & inconstanter declinet, non tamen sufficit hoc, postquam clarum est, naturæ vires agere cum latitudine aliquâ, neque præcisè adeò consistere intrâ fines Mathematicarum designationum.

X. *Galactites.*] Coloris subnigri, quique humorem lacteum exsudat, à quo fecunditas lactis in mammis feminarum paratur, oculorum destillationes & variæ exulcerationes sanantur.

XI. *Aeites.*] Coloris nigri, albi, punicei, fusci. Partum subleuat, accelerat, promouet, quamobrem illum aquilæ nidis suis imponunt. Tum ut pullos suos aduersus serpentes & insecta alia præsent maximè tutos, quia venenorum impatiens est. Substantiam intrinsecus habet silicii parem, hinc

hinc illius chalybi producit ignem, Amatus Lusitanus *notis ad Dioscoridem lib. 5. num. 120.* Anselmus Boëthius *lib. 1. de gemmis cap. 198.* Antonius Mizaldus *Centur. 5. memorabilium sect. 10.*

XII. *Marmor.*] Ejus varia genera sunt; Porphyrites, quod purpuræ instar rubet; Alabastrites, quod lævare pellucido est cum venis subnigricantibus; Ophites, quod viridis coloris & maculosum est.

XIII. *Unicornis.*] De unicornelibros peculiare scripserunt Andreas Baccius Italus, & Caspar Bartholinus Danus, ita ut secundum Aristotelis, Plinii, Æliani, Marci Pauli Veneti, Ludovici Vartomanni, Ludovici Catamulti relationem contendat, esse animal diversum ab eo, quod Rhinocerotem vocamus, feram maximè peregrinam in Asiæ desertis reconditis; vel etiam in Grönlantiæ campis nivosis, si fama vera est apud Petrum Bertium in *Tabulis contractis lib. 2. pag. 65.* Atqui specierum nulla interiit hætenus, proinde quæcunque de *DR* cornigero animalente in sacris literis dicuntur toties, quando Unicornis hodiè non exstat uspiam locorum, verissimè censeri debent, pertinere ad Rhinocerotem, ferocissimum & Elephantis inimicum. Locutus est Jobi 40. 14. *Ipse est principium viarum Dei, qui fecit eum, applicabit ei gladium eius.* Dicit, quod Elephantus sit nobilitate præcellens inter feras omnes, quas creavit Deus, & quod Deus idem creavit Rhinocerotem, bestiam terribilem, à quâ impetatur cornu acuto, quod in naso gerit, & propè umbilicum perforetur, ut mortuus concidar, Plinius *lib. 8. histor.*

natural. cap. 20. Cornu propter acumen, quo perfringit, fraxe comparatur. Quæ contra differunt Julius Scaliger *Exercit. 205.* Laurentius Fôretus in *Viridario Philosophico pag. 75. seqq.* ea minus firmo stant talo. Nam: (1) Picturis citrà rationes haud quicquam tribui debet. (2) Cornua illa quæ in Parisiorum, Metensium, Argentoratensium, Venetorum, Florentinorum, Mantuanorum thesauris rarioribus ostenduntur, uti Andréas Baccius *libro de Unicornu pag. 72. seqq.* ordine refert, quæque alias circumferuntur, medicamenta adversus venenum, non quidem animalis alicujus sunt, verum sunt fossilia & de terræ mineris eruuntur, ut rectè monent Daniel Sennertus *lib. 4. Epitom. Phys. cap. 4.* Jac. Primirosius *lib. 2. de vulgi erroribus in medicinâ cap. 8.* Ambrosius Paræus *lib. 20. Chirurgiæ cap. 39.* Anselmus Boëthius *lib. 2. de gemmis cap. 241. 242.* Athanas. Kircherus *lib. 8. Mundi subterranei sect. 2. cap. 5.*

XIV. *Vegetabiles sunt, qui in corporibus animantium procreantur.*] Tales sunt Chelidonium, Aleætorius, Bufonius, Bezoar, Uniones.

XV. *Chelidonium.*] Lapillus in ventriculo pullorum hirundinis repertus, tempore novilunii, ruber & punctis flavis interspersus. Gestatus in corio vitulino sub axillâ sinistra curat Epilepsiam & morbum Lunaticum, Alexander Trallianus *lib. 1. cap. 21. lib. 2. cap. 15.* Cardanus *lib. 2. contradiet. medicarum tract. 2. cap. 7.* Levinus Lemnius *lib. 2. de oculis nature miraculis cap. 30.*

XVI. *Aleætorius.*] Viridis caloris, fa-

bæ magnitudine, in ventriculo capi, quarto anno, postquam exsectus est, prognatus. Veneris appetitum auget, compescit sitim ore gestatus & Capones ipsi, postquam lapis hic in eis crevit, non amplius bibunt, Solinus in *polyhistore cap. 3.* Levius Lemnius *lib. 4. de occultis mirandis natura cap. 10.* Antonius Mizaldus *Centur. 4. memorabilium sect. 59. & 92. Centur. 6. sect. 72.*

XVII. *Bufonius.*] Colore fusco, nascitur in capite rubetæ in senium vergentis, præsentissimum adversus venenum quodvis remedium, Jonstonus in *admirandis fossilibus pag. 181.* Levinus Lemnius *l. d.*

XVIII. *Bezoar.*] De hoc lapide ita scribit *Julius Scaliger*: Cervi lachrymam fortassè rem minus tibi notam in nostris Musarum thesauris habemus carissimam. Ante centesimum annum in cervo nulla est, post eam ætatem accrescit ad oculi canthum, ipsis ossibus atque in os protuberans concrevit illà duritiâ, quâ cornu superet. Quâ parte prominet rotunda est, insigni coloris fulvi nitore, non sine vestigiis aliarum venularum, tantâ lævitate, ut penè tactum effugiat, ita enim sese subtrahit, ut propemodum seipsam movere videatur adversus venena remedium præstantissimum, peste correptis datur cum vini momento, undè tantus cietur sudor, ut ferè totum solvi credas corpus, *Exercit. 112.* Accepit relationem minus veram à Plinio & Alberto Magno, & sequuntur Amatus Lusitanus *Enarrat. ad Dioscoridem lib. 1. sect. 39.* Antonius Mizaldus *Centur. 1. memorabilium dist. 70.* Sed recentior experientia

promulgavit veritatem. Est enim lapis nunc oblongus, nunc orbicularis; alias niger, aliàs flavus, subviridis, cinerius, spadicius, totus lævis ac glaber, productus in ventriculo caprearum Indicarum, Sinensium, Parthicarum, Americanarum, uti referunt *Garcias ab Orto*, *Nicolaus Monardes*, *Christoforus à Costâ*, *Carolus Clusius*, *Petrus Bellonius*, *Valerius Martini*, *Andreas Matthiolus*, *Johannes Langius*, quos sequuntur *Jacobus Primirolius lib. 4. de vulgi erroribus in Medicina cap. 36.* *Joh. Rodonæus in dispensatorio Medico pa. 994.* *Hugo Linischoten part. 4. navigat. Indica cap. 42.* *Jacob. Bontius notis ad Garcie historiam aromaticam pag. 47.* *Caspar Bauhinus libro de lapide Bezoar*, *Andr. Baccius libro de gemmis cap. 25.*

XIX. *Vniones.*] Reperiuntur in conchyliis marinis, & ab Oceano Indico ad nos deferuntur. Leguntur in profundioribus maris partibus ope urinatorum, allata conchyliâ à Solis radiis contacta aperiuntur, ac tunc quæ ceperint, apparet, in nonnullis continetur nihil, in aliis uniones aut majores, aut minores, quæ pro magnitudine, lævitate & rotunditate pluris & minoris divenduntur. Hoc illud aquarum munus est, atque ornamentum ingens, *Plinius lib. 9. histor. natural. cap. 35.* *Ludov. Vartomannus lib. 3. Itinerarii cap. 2.* *Garcias ab Orto lib. 1. historia aromatica cap. 57.*

XX. *Queritur*, num carni innascatur ille, an verò testis? *Hieron. Cardanus lib. 7. de rerum varietate cap. 5. 6.* dicit, quod in testâ generentur, & probare vult, quoniam uniones habent eandem

testis substantiam. Atqui substantiæ similitudo hoc solum, quod uniones ex eodem humore generentur, ex quo testis efficitur. Certum est, quod innascuntur carni, ut docet Anselmus Boethius *lib. 2. de gemmis cap. 37.* Et confirmatur, quod nostra conchyliæ, quæ aliquid simile unionibus habent commista & dentibus comminuta prodant, istos in carne latere. Credit Plinius, *esse partum concharum, ut habeat oscitatione aliqua impleantur rore, atque exinde græuida enitantur uniones.* Verum conchæ margaritiferae in fundo repunt, neque ad superficiem prorepunt, ubi rorem percipere queunt, itaque urinatores ad viginti passus descendendo venantur eas. Guilhelmus Rondeletius *lib. 1. de testaceis* prodit, quod sicuti in porcis grando, ita in conchis quibusdam humores efficiantur ex humore crasso & viscoso, qui vel alimenti convenientis redundantia sit, vel excrementorum superfluitas. Atqui nec hoc valet. Grando enim est porcorum velut morbidus affectus, non ita uniones, pulcherrimum longè effectum Naturæ, ut non debeat credi, quod ex humore superfluo generentur.

CAPVT QVINTVM, De Succis mineralibus.

SUMMARIA.

1. *Succi minerales.*
2. *Sal-petra.*
3. *Nitri inflammatio.*

4. *Testimonium Sennertii.*
5. *Sal gemmae.*
6. *Alumen.*
7. *Chalcanthum.*
8. *Bitumen.*
9. *Naphtha.*
10. *Ambra.*
11. *Asphaltus.*
12. *Camphora.*
13. *Succinum.*
14. *Ejus vis tractiva.*
15. *Notatur Watsonus.*
16. *Veterum sententia.*
17. *Insula Electrides.*
18. *Terra Lemnia.*
19. *Bolus Armenus.*
20. *Terra Samia.*
21. *Ampelitis.*
22. *Creta.*
23. *Antimonium.*
24. *Chrysocolia.*
25. *Cinnabaris.*
26. *Minium.*
27. *Calx.*
28. *Refellitur Conringius.*
29. *Rubrica.*
30. *Ochra.*

I. **S**ucci minerales sunt liquores in terra visceribus concreti. Suntque species Salis, Bituminis, & Terra metallica. Sales sunt liquores friabiles, corroderi vim habentes. Ejus genera sunt *Sal Ammoniacum, Salpetra, Sal gemma, Alumen, Chalcanthum.*] *Sal Ammoniacum* est amarissimum, & sub fervente arenâ in Cyrenaicâ erutum. Habet usum in Medicinâ, quoniam humoribus viscosis expurgandis convenit.

II. *Sal*

II. *Sal petra.*] In locis subterraneis & cautibus excavatis instar stiracis concreta reperitur. Nitrum aliàs vocatur, atque inde coquitur pulvis pyrius, admixtis, sulphure & tiliarum carbonibus. Olim inferviebat foeminarum quotidianis fucamentis *καυώσις*, uti apud Nicolaum Myrepsum, Trallianum, Marcellum Empiricum, Ovidium *de medicamine faciei*, Isidorum *lib. 16. Etymologia cap. 2.* videre est.

III. *Quæritur: Annitrum inflammatur?* Respondeo; Inflammari hoc communiter ajunt, & causam inflammationis anxie inquirunt. *Basso* scribit: De nitro quæram, quod tantâ promptitudine & vi flammam concipit. Unde hujus materia talem nacta est dispositionem? Non à coctione, nam nisi valdè moderato calore coquatur nitrum, ignitione perditâ degenerabit in salem communem. Neque alia materia, quæ magis coquitur hanc aptitudinem acquirit. An à loco, de quo terra sublata est? Terra ex qua sal nitrum conficitur, eruitur ex antris & locis ejusmodi obscuris, ad quæ Sol minimè pertingit. Quid illam ibi ad tam subitam incensionem fecit idoneam? Frigus, quod per hyemes plurimas eam terram congelavit, ut ne quidem ferrum admitteret, non potuit eam potentiam aptitudinemque corrumpere? Quam multa de salium omnium naturâ dicere possim, quæ si in aquâ dissolvatur, quam serves in annum, vase diligenter clauso, aquâ evaporatâ, eadem invenias. Quod ipsum & nitro competit cujus materiam dissolutam aquæ frigus humiditasque nequeat eâ potentia ex-

suere, quam illi adimit calor paulò vehementior. Unde inquam, hæc materia talem sortita est potentiam *lib. 1. Philos. natural. pag. 20.* Sed quia nitrum salis species est, & tantùm abest, salem accendi posse ut ignem fugiat potius & aversetur, causam quærunt rei quæ non est.

IV. Rectè dicit *Sennertus* * Puto nitrum non accendi, sed potius ab igne aufergere, illumque maxime averfari, & contrà ignem nitrum. Etenim si ferro candenti injiciatur nitrum, non accenditur, sed tantùm exhalat. Si verò in carbonem ignitum injiciatur, tunc flamma equidem excitatur, non quod nitrum inflammetur, sed quod ignis, cum in carbone nitrum sese penitus insinuat, nitrum fugit. Neque adeò volatile per se videtur esse nitrum, cum etiam fusionem ferat, ut in præparatione salis prunellæ videre est, ubi etiam si sulfur ei injiciatur, ipsum non deflagrat, & evolat, sed sulsus in se non admittit, unde etiam in superficie ejus sulfur accensum hinc inde transcurrit. Verum si cum igne, quod fit præcipuè in flammâ in carbonibus accensis, misceatur, illum summè averfatur, atque fugit, & eò magis hoc accidit, quò magis per minima misceatur, *libro de consensu & dissensu Chymicorum cap. 29.*

V. *Salgenium.* Candidissimum instar aluminis, & reperitur in Polonicis, Transilvanicis, Siculis fodinis.

VI. *Alumen.*] Est veluti salsus terræ sudor, atque usurpatur ad imbuendum chartas pro continendo atramento.

VII. *Chalcanthum.*] Alio nomine Vitriolum, & adhibetur pro inficiendis pelliculis colore nigro.

VIII. *Bitumen est succus tenacissimus, et huiusmodi vim habens. Ejus species sunt Naphta, Ambra, Asphaltus, Camphora, Succinum.*] De Bitumine & ejus speciebus prolixè disserit Libavius *part. 3. singularium*.

IX. *Naphta.*] Liquida, candida, provenit in campis Babyloniciis, loco isto ubi olim stetit Paradisus, habitatione Adami nobilis, uti docui *Libro de Creatione Exercitat. 34. dist. 13.* Tantam vim incensivam habet, ut ignes in magnâ distantia ad se pertrahat, neque aquis possit restingui, Plutarchus in *vitâ Alexandri Magni*.

X. *Ambra.*] Coloris cinerii. Ex maris Indici fontibus procellarum vi in litus eicitur, atque ibi concrevit aëri exposita uti solent pleraque alia, quæ sub aquis molliâ & tenella hætenus sunt,educta inde addurescere, coralium, succinum. Ejus fragmenta magna inveniuntur ad littora Brasiliæ, Madagascar, Capitis viridis, Sumatræ, Garcias ab Orto *lib. 1. historia Aromat. cap. 1.* Hugo Linchoten *part. 4. Navigationum Indicarum cap. 26.* Carolus Clusius *lib. 1. Aromaticum cap. 1.* Nicolaus Monardes in *historia simplicium medicamentorum cap. 7.* Eusebius Nirembergius *lib. 2. historia naturalis cap. 59.* A balænarum ventre interdum educitur ambra, sed quam illæ venatu maris dudum absorpserant, non etiâ intrâ sese genuerant. Putabat Ferdinandus Lopes, esse balænarum excrementum in Oceano Indico, quod fluctuum impetu ad litus propellatur. Error est.

XI. *Asphaltus.*] Provenit in stagno Assyrio, loco isto, in quo stabant olim Sodoma & Gomorrha, coelesti igne perdi-

tæ urbes, *Genes. 19.* Tacitus *lib. 5. histor. Solinus in polyhistor cap. 50.* Viscosum adeo & turbidum reddit lacum dictum, ut omnia illi injecta supernantent, & non mergantur.

XII. *Camphora.*] Reperitur apud Indos, igneæ prorsum naturæ, ut semel accensa non possit extinguui, donec à seipsâ consumatur. Venerios impulsus extinguere creditur, sed hoc falsum esse exemplo domestico in catulâ suâ accepto ostendit Julius Scaliger *Exercitat. 104. sect. 4.*

XIII. *Succinum.*] Concretum bitumen instar lapidis, flavi, candidi coloris; & si nigrum est, vocatur Gagates. Oleum inde eliquatum medetur Epilepsiæ. Pinguiissimum adeo ut accensum candelæ instar ardeat, & tunc pini odorem exhalat. Fricatum incalescit, trahitque stipulas & paleas, uti magnes trahit ferum.

XIV. Eius rei causam inquirendo Cardanus *lib. 5. de subtilitate rerum pag. 158.* Andr. Libavius *part. 3. Singularium lib. 5. cap. 25.* Jacobus Martini *Centur. 5. Disputat. 6. quest. 4.* Kenelmus Digbejus Anglus *Tract. 1. de natura corporum cap. 19. sect. 8. 9.* ajunt, succinum velut pingue, viscosum & calidum, si affricetur, emittere spiritus tenaces, glutinosos, calidos, qui paleis inhærendo & à solido corpore velut reflectendo, unâ eas sursum attrahant. Hoc refellunt Julius Scaliger *Exercit. 104. sect. 14.* Gilbertus Anglus *lib. 2. de magnetis cap. 2.* Johan. Combacchius *lib. 3. Institut. Physicar. pag. 449. 450.* & doceant, magnetem perinde uti succinum à

rotius substantiæ proprietate attrahere, & occultam qualitatem esse. Rationes fauent: (1) Quia glutinosa alia, quamvis fricentur, uti pix, asphaltus, camphora, nontamen virtutem huiusmodi accipiunt vel exserunt. (2) Quia non est vero simile, quod spiritus aliquis è subjecto suo vel per emanationem, vel per exactionem quandam materialem prodeat. *Hacilli.* Et prima quidem ratio firma est: Nulla frictio dare potest succino, quod à se & propter formæ suæ proprietatem non habet. *Posterior* non adèd firma est, quandoquidem tactu observatur, calida effluvia provenire à succino probè defricto. Quæ lineæ rectæ feruntur in subjectas paleas, ut ab eis sursum attrahantur.

XV. Regerit *Watsonus*: Quomodò igneum erit quod in aquis concrefcit? Nulla in succino vis ignea est, non adscendit, non calefacit, non urit, non habet flammam, non adurit paleas quas ad se attrahit, in Collegio Physico Disputat. 4. dist. 4. Respondeo: Cum fricatur succinum, incalcfcit valdè, & spiritus colligati velut resolvuntur à frictione, ut foras prodeant, attrahantque folia, ligna, lapides, metalla, terram & solida omnia, maxime si librentur ita ut facilè converti queant. Porro succini oleum est inflammabile, adèdque cum statim post frictionem naribus admoveas, fortem & bituminosum odorem facilè percipias. Et quomodò non inessent in fundo maris effluvia ignea, uti in thermis apparet? Ipse causam adfert, statuendum est, quod succinum attritu quodam calefactum trahat ejusmodi res leviculas ob balitum, quem

emittit, ærium, quique movendi vim habet atque attrahendi. Atqui hoc est nodum in scirpo quærere. Est attractio ista à vaporibus, non quidem æriis, sed igneis. Quod enim sint ignei probat calor propria qualitate ignis, cui soli inhæret.

XVI. Credebant Veteres, nasci succinum è pinci generis arboribus, ut gummi è cerasis, resinam è piceis, erumpereque humoris abundantia, densam à frigore hyberno vel tempore autumnali, accolat illud mari appulsum legere in littore, ejus rei testimonium esse, quod folia aut furculorum minutissimæ portiones, aut exigua quædam animalium genera, in Electro sæpè reperiantur, quæ videntur, cum adhuc gutta esset mollior accepisse & solidata tenuisse, Tacitus libro de moribus Germanorum cap. 45. Ambrosius lib. 3. de Operibus Creationis cap. 15. & sequuntur Joh. Bodinus lib. 2. Theatri Naturæ pag. 250. Petrus Bellonius lib. 2. Observationum cap. 72. Joachimus Jungius in Doxoscopia Physicâ part. 2. sect. 2. cap. 1. dist. 1. 2. seqq. Christoph. Encelius lib. 3. de re metallicâ cap. 16. Julius Scaliger Exercitat. 104. sect. 10. Petrus Bertius in Tabulis contractis lib. 4. pag. 578. seqq. Verum nullæ in propinquo Oceanie ejus arbores sunt, à quibus destillat resina, quæ delapsa in aquas redigatur ad succinum. Quod enim Olaus Magnus in descriptione Borealiû regionum lib. 1. cap. 18. nobis obtrudere vult arbores Suediæ & Norvagiæ, perinde est, ac cum Rossia & Poloniæ arbores advocasset. Neque enim ab iis effluere potest ista cop ali-

quo-

quoris, uti ad succinum conficiendum requiritur, neque in Gotticis agris succinum reperitur. Legitur per littora in formâ massæ vel glebæ, nullam certam figuram habens, initio viscidum, mox durum lapidis instar. Nunc purum est, nunc herbis, lignis, bestiolis, aliisque sordibus commistum est; quæ in superficie maris deprehensæ atque à tenaci liquore correptæ non potuerunt separari, itaque vi internâ consolidatum succinum ista omnia secum retinet, conditque.

XVII. *Plinius* scribit Pythæas de Gutonibus Germanicæ gentis accolis æstuarium oceani prodidit, Mentonomon nomine, spacio stadiorum sex millium. Ab hoc diei navigatione Insulam abesse Abulum. Illo vere fluctibus advehi succinum, & esse concreti maris purgamentum, incolas pro ligno ad ignem uti eo, proximisque Teutonis vendere. Huic & Timæus credidit, sed Insulam Baltiam vocavit. Mithridates in Germaniæ litoribus esse Insulam ait, vocarique eam Oserictam, cedri genere silvofam, inde defluere in petras. Certum autem est gigni in insulis Septentrionalis Oceani, & à Germanis appellari glessum, itaque & à nostris unam insularum ob id glessariam appellatam, Germanico Cæsare ibi rem classibus gerente, Austraviam à barbaris dictam. Affertur à Germanis in Pannoniam maximè provinciam, inde Veneti primum, quos Græci Henetos vocant, rei famam fecerunt, proximi Pannoniæ, id accipientes circà mare Adriaticum. Sexcenta ferè millia passuum à Carnunto Pannoniæ abest lit-

tus illud Germaniæ, ex quo invehitur, percognitum nuper, *lib. 37. histor. natural. cap. 2. & 3.* Gutones sunt Gotti, & Mentonomon est tractus littoris per Borussia, Cassubiam, Vandaliam, ubi succinum in copiâ magnâ legitur. Balthia verò, uti hodiè Balthicum mare, & Austravia est quasi Osterlingos vocamus. Dere eadem *Herodotus*: De ultimis Europæ quid pro comperto referam, non habeo, neque assentior, flavium quendam esse, Eridanum à Barbaris vocatum, qui exit in mare septentrionale, unde Electrum venire narratur. Nam vel ipsum nomen fluvii Eridanus coarguit, esse Græcum, non verò Barbarum, ab aliquo Poëtâ confictum. Constat tamen, ab extremis Europæ ad nos venire succinum, *lib. 3. historiarum.* Electrides Insulas in Oceano Septentrionali ponunt veteres Geographi, *Plinius lib. 4. cap. 16.* De quibus vix dubitare licet, esse Danici Regni Insulas. Eridanus est, quem nos Vistulam appellamus, uti benè admonent *Johan. Goropius Becanus in Hyperboreis*, *Philippus Cluverius lib. 3. Germania antiqua cap. 3. 4.* *Laurentius Eichstadius libro de Electro Burißico.* Hoc est succini natale solum, quod cum monstrare vellet *Franciscus Floridus Sabinus lib. 1. Lætion. succisivar. cap. 16.* non invenit, hoc in super malè adstruens, quod sit excrementum destillantium arborum. Error est quem dudum repudiavit *Hieron. Cardanus lib. 5. de Subtilitate rerum pag. 157.*

XVIII. *Terra metallica sunt liquores arefacti, constipandi vim habentes Ejus species sunt Terra Lænnia, Bolus Armenus, Terra*

Samia, Ampeliscis, Creta, Antimonium, Chrysocola, Cinnabaris, Minium, Calx, Rubrica, Ochra.] Terra Lemnia est impensè rubens, quæ in Lemno Insulâ effoditur ex colle, penes quem non arbor, nec herba crescit, ut Dioscorides & Galenus testantur, alio nomine Terra sigillata, quod olim sigillo Dianæ appposito notaretur; hodiè advehitur Constantinopolim, ut Sultani Turciæ sigillum imprimitur. Curat venena, morsus viperatum, pestem & morbos contagiosos, Petrus Bellonius *lib. 1. Observationum variarum cap. 28. 29.* Jul. Scaliger *Exercit. 33. sect. 2. Exercit. 93.* Johan. Ronodæus *in dispensatorio Medico pag. 514.*

XIX. *Bolus Armenus.*] Portio terræ in Armeniâ effossæ, coloris pallidi, desiccata, roborat, sanguinem fluentem sistit, catharrum reprimat, dysenteriam cohibet, valet quoque contrâ pestem & ulcera pulmonum, teste Galeno *lib. 9. simplicium cap. 7.*

XX. *Terra Samia.*] Candida, viscida, tenacissima, ex Insulâ Samo adportata, stellis interpuncta, undè & Samius astra apud Dioscoridem. Vim sanandi eandem cum Bolo Armeno habet, Johan. Ronodæus *l. d. pag. 517.*

XXI. *Ampeliscis.*] Apud Scotos & in multis Germaniæ locis effoditur, terra bituminosa, colore atro, viti circumligata nascentes in eâ vermes enecat. In fabrorum officinis adhibetur ad fovendum ignem.

XXII. *Creta.*] Portio terræ fossilis in Cretâ, Germaniâ, Daniâ, albissima, ut inserviat scripturæ extemporariæ vulgari.

XXIII. *Antimonium.*] Sulfuris genus Hermeticis notissimum, qui ex illo parant Triumphos in morbis sanandis, Paracellus *in Archidoxis lib. 6.* Quamquam Galenicis statuatur venenum esse, Cornelius Gemma *lib. 2. Cyclognomia,* Laurentius Joubertus *libro de peste cap. 19.*

XXIV. *Chrysocola.*] In Armeniâ, Cypro & Macedoniâ effoditur, ad usum pictorum, qui viridem inde faciunt.

XXV. *Cinnabaris.*] Foditur in Armeniâ, coloris rubri, quo inservit pictoribus.

XXVI. *Minium.*] Coloris puniceo, ad eosdem usus adhibetur.

XXVII. *Calx.*] Est terra siccior, quæ præparatur ad continendos lapides in æstruendis parietibus. Aquis accenditur, oleo restinguitur. Quare ab aqua adspergine incendatur, Eruditi invicem disquirunt. Petrus Aponensis *in Concliatoro* adfert causam hanc quod calor in hærens, & objecti humoris frigidi per antiperistalsin reflexi vehementiâ confortatus, erumpat in actum. Ità etiam Contarénus Venetus *lib. 4. de Elementis pag. 200.* Verùm errant namque teste experientiâ, calor potius effunditur, quàm ad interiora compellitur. Et non tam ad caloriẽ, quàm ad ignẽ hic respiciendũ est. Aliter igitur respondet *Jul. Scaliger:* In calcis meatibus consumptâ genuinâ humiditate ignis inest, ille aequali ingressum fugiens ac sese in partes solidas induens, stipat seipsum & condensatione acuitur. Quia calcis gleba, cujus semissis, verbi gratiâ, tantũ regitur, quanta extrâ aquas prostat, incalescit, recepto scilicet intrâ calore illo, qui exsul fit, *Exercitat. 5. sect. 9.*

fest. 9. Et cum illo Jacobus Martini Centur. 9. Disputat. 2. quest. 2. Nimirum, hostilitate naturali prosequuntur sese ignis & aqua. Hærent igniculi in calce, factâ aquarum affusione fugiunt ob præsentiam hostis. In hac fugâ uniunt sese arctius & flammam efficiunt.

XXVIII. Excipit *Conringius*: Quod si calx viva ob aquam affusam & aquæ fugam effervisceret, non quidem sursum & deorsum, sed ad latera potius flamma commoveretur: summum videlicet affusa aqua occupat, ignis itaque in contrariam partem sese reciperet. Et paulò post: Ante effervescentiam tactu nullum ejusmodi calorem licet deprehendere. Si verò actu ignis iste non adfuit, non utique hæc caloris vis est à fugâ quadam ignis, sed de novo excitata est è potentiâ materiæ, In animadversionibus ad Billichij tractatum de fermentatione pag. 60. 61. 62. Respondeo: Sunt in calce multi igniculi, non tam illi ipsi qui per ignis violentiam elici non potuerunt, quàm qui longâ istâ lapidis calcarii ustulatione sese insinuaverunt. Et quoniam calx est corpus rarum, affusa cum impetu aqua frigidissima in omnes ejus partes

velociter sese condit, hanc ut sibi adversam fugit ignis, igniculi fugitivi uniuntur fortiter, & sub specie flammæ prosilientes visui exponuntur. Naturalis motus ignis sursum est, nisi pabulo allectus feratur ad inferiora, ad latera. Aqua infusa magis ad latera irruit, ut sursum impellatur ignis motu suo. Quod non deprehenditur tactu, non ostendit, abesse istum. Namque etiam in silice non deprehenditur tactu ignis, quem tamen in silice adesse copiosum, testatur collisio ad chalybem. Excitatio de potentiâ materiæ, est signum. Cum repetitur aquæ adpersio, nulla fit incensio, imò nullus est amplius stridor. Ignis enim vice unâ exhalavit, qui strepitum flammamque concitare poterat.

XXIX. *Rubrica.*] Alio nomine terra Sinopæa. Utuntur eâ fabri ad signandas lineas, miscetur emplastris vulneratorum, ut exsiccet atque consolidet.

XXX. *Ochra.*] Coloris lutei, adhibetur à pictoribus.



LIBER SEPTIMUS,

De Plantis.

CAPUT PRIMUM,

De Animato in genere.

SUMMARIA.

1. *Animatorum definitio.*
2. *Eorum præstantia.*
3. *Refellitur Mendoza.*
4. *Adjuncta, partes, species.*

I. **A** Nimata sunt corpora naturalia mixta, quæ ex semine vegetabili procreantur.] Vide quæ diximus *suprà lib. 5. cap. 1. dist. 6.*

II. Quæritur: *An omne animatum præstantius sit inanimato?* Respondetur: Affirmatur per hoc Argumentum: Quodcumque habet operationes præstantiores, illud ex se præstantius censendum est. Atqui animatum habet operationes præstantiores. Ergò animatum ex se præstantius censendum est, quàm inanimatum. Major constat, quia operationes testantur de causâ efficientis nobilitate & ignobilitate. Minor probatur, quia vivere, sentire, intelligere

multò præstantiores operationes sunt, quàm lucere, calefacere, frigefacere, & alia hujusmodi præstare. Hinc muscam & viventia omnia Soli præferre non dubitamus. Inde etiam herbas, arbores, viventia alia Solem efficere non posse asserimus. Argumentamur: Quod Sole præstantius est, illud à Sole citrà interuentum causâ alterius non producit. Atqui animatum est Sole præstantius. Ergò animatum à Sole citrà interuentum causâ alterius non producit. Contrarium defendit *Mendoza*: Negatur, ait, quod Sol sit ignobilior plantâ, quanvis enim vivens ex genere suo sit nobilior præ non vivente, tamen non vivens ex differentiâ conceptu potest adeò excedere differentiam viventis, ut sit illo simpliciter perfectior, ut unio personalis ratione differentiâ suâ simpliciter est perfectior quâvis substantiâ creatâ, cum tamen substantia ex genere suo nobilior sit præ unione. Quis autem dicat, rapam esse nobiliorem cœlo? Ratio à priori; quia

quia illud genus vitæ nititur maximè imperfectioni, nempe corruptioni viventis, quod paulatim consenescit & amittit substantiam priorem, quam recuperat nutritione, at melius est simpliciter, nihil de proprio esse amittere, quàm instaurari propriâ virtute. Sol igitur, quia est incorruptibilis, & causa universalissima omnium rerum, perfectior est quàm lactuca, licet hæc vitaliter operetur, quia operatur instaurando substantiam propriam corruptam. Animalia verò ratione sentientis sunt perfectiora simpliciter Sole, & plantæ sunt imperfectiores simpliciter, & perfectiores secundum quid in ratione vitæ, *Disputat. Phys. 10. sect. 4.* Respondeo: Falsa proferunt, ut defendant falsa. Enunciatum universale est: Omne vivens præstantius est non-vivente. Fiata assumptio: Herba est vivens, musca est vivens. Sol est non vivens, Luna est non vivens. Stat Conclusio: Ergo herba est præstantior Sole, musca est præstantior Lunâ. Vivere enim præstantiam & nobilitatem infert.

III. Frustrâ ad differentias provocat *Mendoxa*, quæ lædunt causam ejus, non verò defendunt. Constat enim, quod differentiæ viventium sint præstantiores, quàm differentiæ inanimatorum. Perinde uti homo propter differentiam nobilior est præ bruto, & brutum propter differentiam nobilior est quàm planta. Instantia de unione personali sumpta non facit ad rem, quia persona Servatoris ex duabus naturis composita non est ordinarius modus, sed miraculosus prorsum, & omninò præstantior differentia est ob partium copulatarum præstan-

tiam, DEi & hominis, quod superat omnes vires naturæ, omnem hominum aliorum præstantiam. Quod de incorruptibilitate Solis adfert, leve est. Namq; incorruptibilitas nullam rei conciliat nobilitatem, quando etiam Elementa sunt incorruptibilia, & montium altissimorum nullum patiuntur diminumentum. Denique Solem ob incorruptibilitatem quibusdam viventibus præstantiorem, non verò omnibus, scilicet herbis & arboribus, non brutis, non hominibus. Sed cum & brutis competat corruptio & hominibus, Sol ipso quoque homine præstantior erit.

IV. Eorum notentur *Adjuncta*, *Partes & Species*. *Adjuncta sunt Generatio & Vita. Partes sunt Anima & Corpus organicum. Species sunt Planta, Brutum, & Homo.* De quibus omnibus dicemus ordine.

CAPVT SECVNDVM,

De Generatione.

SUMMARIUM.

1. *Definitio generationis.*
2. *Semen.*
3. *An sit excrementum?*
4. *Rationes nostræ.*
5. *Distinctio inutilis.*
6. *Semen vivum.*
7. *Affirmativa probatur.*
8. *Sententia Veterum.*
9. *Exceptiones solvantur.*
10. *Semen variæ.*
11. *Gramina campi.*
12. *Verues in nive.*

13. *Vepres ante lapsum.*
14. *Taurelli consensus.*
15. *Exceptiones solvuntur.*
16. *Keckermannus notatur.*
17. *Simile generatur à simili.*
18. *Conservatio specierum.*
19. *Sententia communis.*
20. *Racitur Iacchus.*
21. *anima rationalis.*
22. *Definitio corruptionis.*
23. *Resolutio in minima.*
24. *Putrefactio.*
25. *Questionum solutio.*
26. *Aceti productio.*
27. *Zabarella notatur.*
28. *Arefactio.*
29. *Corruptio violenta.*

I. **G**eneratio est actio corporis viventis, quâ illud sibi simile producit.] Aristoteles lib. 2. de anima cap. 4. r. 48. Generatio dat æternitatem caducis. Vivit homo in homine, brutum in bruto, frutex in frutice, arbor in arbore. Corpora simplicia, quia non intereunt, multiplicatione sui per generationem opus non habent. Hoc opus illud est, quod omnium aliorum Naturæ operum admirationem longè superat, & Intelligentiam non errantem evidenter commoustrat, *Psalm. 90. 3.*

II. **Actio corporis.**] Instrumentum generationis est Semen, quo forma & materia simul continentur, & à generante ad genitum propagantur, secundum leges in primâ rerum origine à Naturâ sancitas, *Genes. 1. 22. 24. 28.* Definitur Semen, quod sit corpus calidum è succo optimo in testiculis elaboratum. Prolixè exponunt

Joh. Fernellius lib. 7. *Physiologia cap. 1. 2. 3. seqq.* Johan. Gallégo lib. 1. de principii generationis cap. 14. 15. 16. 17. 18. 19. Alberti Auerperus lib. 1. *Anthropologia cap. 18. dist. 89. seqq.* Plenum est calido & humido innato, non quidem Elementari illo, sed quod diuinius ac naturæ cœlestis est, *Disquisitio* ait Aristoteles lib. 2. de generat. animal. cap. 3. Causa efficiens sunt testiculi qui optimum succum convertunt in semen, quamobrem castrata animalia neque semen habent, neque generare possunt. Album est, partim quia excoctum est in testibus, partim quia spirituum, aëris & aquæ copiâ turget. Nigrorum atque Æthiopum genituram atro colore infectam esse, censebat olim Herodotus, sed falsò, uti rectè notavit Aristoteles lib. 2. de generat. cap. 2. Sicut non est semen nigrum equi nigri, & album albi. Nigritis ejus causa non facile proferetur. Ex solo semine non præparatur cutis, verum ex semine & sanguine. Talis jam cutis est, qualis sanguis est. Plura differuimus lib. 1. *Institutionum Politicarum cap. 20. dist. 20.*

III. **Quæritur: An semen sit excrementum.** Respondeo: Aristotelis hoc decretum est, lib. 1. de generatione animal. cap. 19. ubi hoc modo format illationem; Semen inest animalibus secundum naturam, non tamen uti pars illorum. Ergò vel alimentum, vel colliquamentum, vel excrementum est, neque enim præter hæc corpori quicquam inesse deprehenditur. Non est alimentum, quia hoc extrinsecus assumitur & nutrit partes. Non est colliquamentum, quia hoc omne est præter naturam. Ergò est excre-

excrementum. Adeoque fuerit vel utile excrementum, vel inutile. Non hoc, uti satis patet, quia speciei conseruationem efficit. Ergo illud. *Sic ille*. Et defendunt Gilbertus Jacchæus *lib. 8. Institut. Physicar. cap. 7.* Cæsar Cremoninus *libro de semine cap. 1.* Michaël Watsonus *in Collegio Physico Disputat. 24. dist. 2. 3. 4.* Johannes Gallego *lib. 1. de principiis generationum cap. 6. 7.* Jacobus Martini *Exercitat. 6. de Animâ theorem. 3.* Barthol. Keckermannus *lib. 3. System. Phys. cap. 14.* Johan. Zeifoldus *libro de Semine pag. 49. seqq.* Albertus Kyperus *lib. 6. Institut. Phys. cap. 3. dist. 7.* Andr. Laurentius *lib. 8. histor. Anatom. quest. 3.* Verum hæc opinio magnam Naturæ irrogat injuriam, dum quod est utilissimū generationis instrumentum, mutatur temerè in excrementum re atque nomine ignobile.

IV. Argumentamur: Quicquid in peculiari organo ex puro sanguine præparatur, coquitur, defæcatur, illud non est excrementum. Atqui semen in testiculorum & parastatarum organis ex optimo sanguine præparatur, coquitur, defæcatur. Ergo semen non est excrementum. Scilicet in animantibus ex sanguine purissimo, in plantis è succo optimo præparatur. Illatio, quam format Aristoteles, laborat imperfectâ partiū enumeratione. Præter illa, quæ commemorantur, datur quartū, excremento quocunque præstanti, videlicet fructus viventis in eum finem productus, ut simile progneretur, itaq; dicitur in literis sacris fructus lumborum, 2. *Samuel. 7. 12. Psalm. 132. 11.* & fructus cum semine permutatur, ubi de vegetabilibus sermo est, *Genes. 1. 11. 12.*

V. Futilis distinctio: *Excrementum utile & inutile!* Quicquid excrementum est, illud inutile est. Excrementum esse, & utile esse, contradictio in adjecto est. Proinde omne semen est fructus. Fructus respectu ejus à quo procreatur, semē respectu ejus quod procreatur. Cerasa, pruna, uva sunt fructus ratione arboris in quā procreantur, semen ratione arboris quæ ab eis procreatur. Semen canis & hominis fructus est ratione generantis causæ, quæ hunc fructum edit, semen verò est ratione geniti quod inde producitur.

VI. Queritur porro: *An semen desum vivat?* Respondeo: Non quidem de semine illo agitur, quod adhuc in testiculis asservatur, neque de illo quod temerè profunditur, sed de illo quod factâ generatione in utero benè disposito conservatur. Non esse particeps vitæ, ajunt Thomas *part. 1. Summæ Theolog. quest. 119. art. 6.* Conimbricenses *lib. 1. de generat. & corrupt. cap. 4. quest. 25. art. 2.* Gregor. Horstius *lib. 2. de Naturâ humanâ Exercitat. 3. quest. 14.* Franc. Piccolomineus *libro de rerum definitione pag. 267. seqq.* Jacob. Martini *Exercitat. 6. de animâ theorem. 3. num. 8. 9.* Johan. Poncius *in Cursu Philosophico libro de animâ Disputat. 5. num. 40.* Joachimus Burserus *lib. 3. Institut. Physicarum cap. 7.* Derodon *part. 2. Physica contractæ cap. 5. art. 4. dist. 52.* Joh. Zeifoldus *libro de animâ pag. 101. seqq.* Joh. Fernellius *lib. 7. Physiologia cap. 13.* Anton. Ruvio *lib. 2. commentariorum de animâ pag. 198. seqq.* Andreas Libavius *Examine Philosophiæ vitalis adv. Hartmannum. sect. 19.* Johan. Gallego *lib. 2. de principiis generationis*

nis cap. 6. Thomas Fiénius libro de formatione satus pag. 61. seqq. Gilb. Jaccheus lib. 8. Institution. Physic. cap. 7.

VII. Nos argumentamur: Quodcunque continet, in se actu & efficaciter principium vitæ activum, scilicet animam, illud omnino vivit. Atqui semen decifum continet in se actu & efficaciter principium vitæ activam, scilicet animam. Ergo semen decifum vivit. Minor constat, quia semen à principio interno fovetur, augetur, efformatur loco & tempore debito, quod principium Anima est. Protrudit illa culmum, aristas, folia, flores, furculos, ramos, radices. Conservat illa per longum tempus deposita grana in horreis & aëris, ut cum veris principio dejecta in terram benè aratam progerminent, vigeant, alantur. *Absurdum esse* Libavius ait, *quod semen tritici hordeiq. in horreis areisq. vivat, postquam vitæ operationes nullas exercet.* Verum ratio ista non sufficit. Latent operationes & fugiunt sensum quidem, sed intellectui perspectæ sunt. Constat, quod forma in fluxu suo vegetam semper efficiat materiam sibi uniram, ut semen injectum terris novo culmo repullulet. Ista virium & feracitatis conservatio à quo est, nisi à formâ? Arborea vigore suo despoliantur per hyemis inclementiam, ut præter influxum nutritivum, non habeant quicquam, & tamen nemo dicat, animam non inesse in eis. Nimirum vegetantur à formâ suâ, quæ præsens est, & ad dubia signa veris, benignioris auræ subsidio usa operationes manifestas edit, folia nova, nova germina, novas frondes protrudendo. Eodem modo est de seminibus frugum in arêâ conditis.

VIII. Dicimus igitur cum Hippocrate libro de dietâ, Galeno lib. 1. de semine cap. 7. Julio Scaligero Exercitat. 6. Zabarella libro de facultatibus animæ cap. 11. Daniele Sennerto lib. 1. Institutionum Medicarum cap. 10. Vopisco Fortunato Plempio lib. 2. Institutionum Medicarum pag. 167. Antonio Rocco libro de animâ Exercitat. 5. Henrico Nollio lib. 10. Physic. Hermet. pag. 559. 560. Fortunio Liceto lib. 3. de ortu animæ cap. 13. seqq. Stephano Theupolo lib. 9. Controvers. Academic. cap. 2. & vetustissimo Peripateticæ Scholæ Doctore Themistio commentariis ad lib. 1. de animâ cont. 21. quod semen vivat. Ubi enim est animæ facultas, ibi est anima ipsa, & ubi anima ipsa est, ibi est effectus ejus, scilicet vita. Ità operationes nos ad potentiam, & potentia ad essentiam deducit.

IX. Excipiunt Conimbricenses, Jacchem. Fiénius: (1) Si in semine esset principium vitæ activum conformationis, tunc semen ageret in seipsum. Atqui nihil agit in seipsum. Ergo. Minor patet, quia cum agit aliquid in seipsum, erit agens & patiens eodem respectu, quod est impossibile. *Respondeo*: Non est absurdum, in eodem subjecto, videlicet semine, esse vim activam & passivam, modò in diversis partibus subjecti animati distributive contineatur. Virtus activa inest in formâ, passivâ in materiâ. Agit forma in materiam sibi arctè unitam, videlicet in corpus seminis, in sanguinem maternum, in alimentum congruum. (2) Si in semine inest principium activum vitæ, esset destructivum sui ipsius. Tenderet autem ad destructionem sui ipsius, quia generatio fieri nō potest sine destructione seminis.

Respon-

Respondeo : Connexio maioris falsa est. Non destruitur semen, verum perficitur, & materia in præstantius esse perducitur. Desinit esse quod erat hæcenus, nimirum potentia; & incipit esse, quod non erat hæcenus, nimirum actu. (3) Semen est totum simile. Ergo non habet variam actionem. *Respondeo* : Multiplex falsitas! Non omne quod simile est, unam tantum habet actionem. Sol est totum simile, & tamen diversas, imò contrarias actiones habet, lutum indurat, ceram liquescit, hominis oculos urit, aquilæ recreat; neque verum est, quod semen totum simile sit, quia formam & materiā implicat. (4) Si animantis generantis forma in semine inest, tunc semen ipsum erit animans, quoniam posita formā ponitur formatum. *Respondeo* : Est animal actu primo, velut totum *essentiale*, in quo adfuit causa à quibus constituitur compositum; non verò est animal actu secundo, velut totum *integrale*, quoniam deest partium corporis elaborata conformatio. Anima non est res tota, sed pars rei, ergo deficiente parte alterâ, nimirum corpore organico, anima non potest appellari animal, nisi imperfectum. Non enim inest anima in subiecto rectè disposito, ut operationes suæ speciei edere possit. Adeoque notum est, quod corpora naturalia denominentur ab eâ constitutione, quâ sunt species mundi, non verò essentiali ratione, quam forma dat. (5) Si anima inesset in semine tritici, quod anno & amplius conservatur in arca, quomodo fieri potest, ut causa efficiens sit ociosa? *Respondeo* : Non est ociosa, quia præsentissimo influxu

vegetat & in bono statu conservat semen, ne corrumpatur. Informat tunc, non verò efficit. Non efficit, quia non est in loco debito, videlicet in matrice terræ. (6) Si forma est in semine, tunc nulla fuerit generatio, sed tantum est promotio formæ ad exercenda munia sua. *Respondeo* : Imò vera est generatio, & tunc solum est generatio, quia producit semen animatum. Hic terminatur opus generationis inchoatæ; quando compositum existit, tunc est generatio consummata. Gignit canis tunc cum semen emittit, cumque recipit semen; cum nascitur catellus, parit. (7) Si forma inest semini & traducitur, tunc forma geniti erit pars formæ generantis, & formæ divisibiles erunt. *Respondeo* : Nulla est divisio, quia formæ sunt immateriales. Multiplicatio est, non verò divisio, quomodo ignis ab igne accenditur citrà alterius ignis divisionem. (8) Anima est actus corporis organici. Semen non est corpus organicum. Ergo semen non continet in se animam. *Respondeo* : Major continet definitionem animæ, quomodo illa actu informat corpus organicum, uti bene monet Zabarella libro de mente humanâ cap. 9. Atqui officio illo datur aliquod prius, nimirum ut efficiendo præparet semen. Ità ergo distinguimus: Corpus animatum aliud est *actu* organicum, ut homo & animal perfectum; aliud *potestate*, ut semen, in quo hæcenus organorum rudimenta sunt, donec organorum perfectio ab animâ educitur. Rectè *Aristoteles* : Conceptum inanimatum, ait, esse, nemo dixerit, & vitâ omnino privatum, quippe cum nihilominus semina

& conceptus animalium vivant quàm stirpes, *lib. 2. degenerat. animal. cap. 3.* Aliàs quod Apparatus organorum non requiratur ad animæ receptionē, probatur hoc modo: Quodcunq; ad formatū receptionem non est necessariū, sine illo anima in subiecto recipi atq; in subiecto existere potest. Organa ad formatum receptionē non sunt necessaria. Ergò sine his anima in subiecto recipi & in objecto existere potest. Minor probatur exemplo herbarum & suffruticum, de quibus sola radix hyēme existit, animamque continet, caulis & ab eo prognati flores non existunt, sed à frigore marcescunt. (9) Semen non nutritur. Ergò non habet animam vegetantem. *Respondeo:* Quis dicat, semen non nutriri? Semen viride in horreo depositum nutritur omnino, quia calidum innatum secum habet, quo velut instrumento forma utitur, ut materiam in vigore & statu suo conservet. (10) Nul- lum excrementum vivit. Atqui semen est excrementum tertie concoctionis. Ergò non vivit. *Respondeo:* Negatur minor. Semen non est excrementum, sed fructus viventis. Neq; ex tertie concoctionis reliquiis generatur, sed ex sanguine venoso & arterioso, spiritibusq; vitalibus in vasis suis imprægnato. Itaq; vehiculum idoneum est traducendæ formæ in quovis animatorum genere. (11) Quodcunq; vivit, est pars corporis animati. Semen non est pars corporis animati. Ergò non vivit. *Respondeo:* Major negatur. Nam & corpora animata vivunt, quæ tamen corporis nullius partes sunt. (12) Si anima est actus in semine, tot homicidia perpetrantur, quot seminis

effluxiones in somnis accidunt. *Respondeo:* Non generant isti seminis projectores, ergò nec animam generationis effectum per benedictionem divinam producunt. Removentur per statum controversiæ, neque enim de semine alterutrius partis seorsum concepto, & non eo modo, qui ad generationem requiritur, projecto, hic agitur: sed de semine, quod secundum naturæ leges emittitur, inque utero benè disposito recipitur ac fovetur. (13) Anima est spiritus. Ergò in fieri & esse suo nullam dependentiam à corpore vel materiâ habet. *Respondeo:* Materiam in quâ supponit tradux, animæ verò non repugnat materiâ in quâ. Et licet Spiritus sit, tamen etiam forma est, proinde requirit materiam in quâ. Spiritus quidem est, sed non completus, neq; ergò à Spiritu completo ad Spiritum incompletum debet consequentia necesse. Anima per accidens est sine materiâ, per se verò est in & cum materiâ. (14) Neq; sanguis neq; spiritus sunt animati. Ergò nec semen est animatum. Pater consequentia: Sanguis & spiritus formantur in corporis partibus longè nobilioribus quàm sunt testes, nimirum in corde, cerebro, epate, quæ si non potuerunt animam impertire sanguini & spiritibus, multò minus testes poterunt eam dare semini. *Respondeo:* Atqui naturæ instituto non cor, non cerebrum, sed testiculi sunt organum in quo semen pro generationis opere perficiendo elaboratur, utque esset vehiculum propagandæ vitæ ac formæ. Semen multum præstat sanguini, quod illud sit fructus animantis, hic verò nutrimentum.

Hinc

Hinc lumbi præstabiles in literis sacris, ut digitis ibi appositis iuramentum exigent, *Genes. 24. 2. 3. 4.*

X. *Viventis.*] Semen aliud est manifestum, aliud occultum. *Manifestum* est, quod in hominum sensus incurrit, quale est hominibus, bruti, arboris, plantæ. *Occultum* est, quod hominum sensus fugit, quale est insectorum & graminum omnium. Ac de iis quæ ab occulto semine procreantur, non levis controversia viget inter Eruditos, quod prosequitur Fortunius Licetus *quatuor libris de spontaneo viventium ortu.* Errant verò omnes illi, Averrhois, Avicennæ, Thomæ Aquinatis decreta sequendo, extrà semen quærent aliquod principium efficiens, sive in Solis efficaciâ, sive in Cœli occulto influxu, sive in Caloris vegetabilis actione, sive in materiæ potestate insitâ, sive in Spiritu per orbem universum diffuso. Etenim effectus determinatus requirit causas determinatas pro ordine, modo & genere suo. Et contingit sæpius, quod formæ aliquæ seminariæ delitescant per loca incommoda, ubi abstinent operationum suarum, demum verò commodiore loco potitæ & vinculis solutæ proferunt operationes suas. Inde est *Aristotelis* pronuntiatio: Generantur in terrâ & aquis animalia & plantæ multæ, quoniam humor in terris, spiritus in aquis, & calor animalis in universo est, ita ut quodammodò animarum plena sint omnia, *lib. 3. de generat. animal. cap. 11.* Quod dictum eo sensu intellectū nihil habet incommodi, neque debebat insectari Taurell^o *libro de mundo pag. 16. 17. 18.*

XI. Certè videmus, quod campi &

prata citrà operosam hominum culturam proferant graminis copiam, nec tamen hujus semina possunt quærendo reperiri. Quomodò etiam agri ferendis frugibus, post injecta semina destinati, his remotis varias herbarum, graminum, suffruticum species proferunt à sese & velut spontè, ut non iam spergatur semen hominis manu. Itaque semina istorum actu in terra fuerunt, atq; impedimento sublato proveniunt à benigno Solis calore & liberioris auræ usu, quem advertiebant hætenus sarcula, aratra, & frugum ipsarum vires, ut præ illis non possent adeò largiter surgere. Neque vivens ullum est, è cuius cadavere, excrementis alvi, urinâ, sudore, vaporibus & fuliginibus à corpore exeuntibus, sordibus in vestitu collectis, non producantur varia genera vermium. Non quidem è putrefactione, sed ut insint illis propria semina, quæ generant, postquam calore foventur & de potentiâ ad actum promoveantur.

XII. Proinde etiam in illis quæ putredinem non recipiunt, generari animantia novimus, & rubei vermiculi in nive vetustiore, de quibus meminerunt *Plinius lib. 11. historia naturalis cap. 35. Aristoteles lib. 5. de histor. animal. cap. 19. & lib. 7. de plantis cap. 1. & prolixè Marfilius Cognatus lib. 1. observationum variarum cap. 23. 24. Thomas Moufettus lib. 2. de Insectis cap. 40. Hieronymus Cardanus lib. 9. de rerum varietate cap. 12. & lib. 9. de rerum subtilitate pag. 285. Thomas Bartholinus libro de nivis usu cap. 9. Negat quidem Hieronymus Mercurialis lib. 3. variatum Lect. cap. 4. hoc fieri posse, &*

quandoquidem ad productionem animantium calor requiratur, qui non est in nivium cumulo. Atqui à nive omnis calor haud abest, etsi enim naturâ suâ existat frigida, tamen calorem aliunde suscipere potest, cum primis de terrâ multi vapores & fumi exhalant, quos nix intrâ se coercendo incitat ad calefaciendum. Et hoc modo in nive generantur vermiculi, quando vermium adfunt semina. Quæ undecumque adducantur, postquam vi caloris ambientis foveantur, latens in eis forma exerit sese & vermes producit. Animalcula varia in pluviiis, rore, nebulis pronasce, notissimum est agricolis. Fit enim, ut cum sublaris effluviis unâ adsendant semina parva, quæ in aëre tantisper agitata cum Meteoris iterum decidunt, & mollioris auræ beneficio excluduntur.

XIII. Ex his resolvitur quæstio: An terra ante lapsum felicissima protulerit vermes, insecta, herbas venenosas, squallidas, vepres, tribulos? Respondeo: Affirmant Basilius Magnus *sermone 7. in hexæmeron*, Eucherius Lugdunensis *commentariis ad Genes. 1. 24. 25.* & sequuntur Benedictus Pererius *lib. 1. Commentariorum ad Genesim pag. 124.* David Paræus *commentariis ad Genesim pag. 40.* Salomon Gesnerus *commentariis ibidem pag. 24.* Libavius *libro de rerum origine & universitate pag. 254. seqq.* Lamb. Danæus *part. 1. Physica Christi. cap. 42.* Martinus Becanus *Tomo 1. Theolog. Scholastica pag. 167.* Faustus Socinus *libro de statu primi hominis cap. 7. 8. 9.* Nos verò negamus. Certè ubi primi parentes nostri pecca-

verant, Deus male dixit terræ, ut spinas & tribulos proferret, *Genes. 3. 17. 18.* Virtute quidem erant, & secundum rationem seminalem, at nondum existerunt actu, quandoquidem virtus superior impediebat procreationem eorum. Eruperunt verò cum Deus post maledictionem impactam formæ superioris dominium amovit, & Naturæ despoliatæ res suas agere permisit.

XIV. Scribit *Taurellus*: Animalium perfectorum conditor per se est Deus, insectorum conditor est per accideus, hoc est, ob peccatum, quod inter Deum & hanc maledictionem intercessit. Si namque primi nostri parentes non peccavissent, nunquam hæc animalia producta fuissent. Quod verò ex caseo, carnibusque putrescentibus generentur vermes, unde vis hæc vitalis & animalis prodiit? Num à Sole, qui nihil habet, quod vermium naturam referat? Num à Deo? Non equidem hoc inficior. At longè aliâ ratione fieri judicaverim, quàm censere videtur Piccolominéus *libro de mundo cap. 30.* Non enim Deus in octavâ sphærâ confidens ex se per universum orbem vermium vim diffundit procreandorum: sed ubi primi parentes nostri peccavissent, terræ maledixit Deus, ut carduos & spinas produceret. Cæteris item rebus compositis maledixit, ut putrescerent, ex quâ putredine varia, horrenda & noxia procrearentur animalia, *libro 1. de mundo pag. 21. 22.*

XV. Excipiunt Keckermannus in *Curfu Philosophico Disput. 20. quæst. 9.* Simon Episcopus *lib. 4. Institut. Theolog. sect. 3. cap. 3.* quod

quod Infecta, tribuli, spinæ fuerint quidem cū principio mundi condita, sed neq; fœda neq; homini noxia fuisse. *Respondeo*: Hæc non consistunt secum, videlicet, infecta esse & nocentia non esse. Etenim nocere & fœdis modis cōspurare omnia, est proprium Infectorum omnium in quarto modo. Sanè Deus condidit omnia valdè bona; *Genes. I. 30. 31.* Si bona condidit, ergò muscas, culices, pediculos, cimices, lumbricos, erucas, millepedas, vepres, tribulos, cicutam, aconitum, non condidit, quæ non sunt bona, verùm fœda, nociva, maligna, Rectius multò *Augustinus*: Minutissima animantia illa quæ de terrâ & aquis oriuntur, ab initio statim creata fuisse conceditur, cætera verò quæ de animalium corporibus generantur, creata esse, absurdum est dicere tunc temporis, cum animalia ipsa creata non sint, nisi quia inerat jam in omnibus corporibus animatis vis quædam naturalis, & præseminata quædam materia, & quodammodò iniuncta primordia futurorum animantium, quæ de corruptionibus corporum talium pro suo quæque genere & differentiis erant exoritura per administrationē ineffabilem, omnia movente incomutabili Creatore, *lib. 3. de Genesi ad litteram cap. 14.* Ità ergò statuimus: Virtute exstiterunt & in principiis suis, quod animantium corporibus præseminata materia inhaereret ubi forma quidem vegeta erat, sed ne in effectum erumperet, formæ superioris dominium prohibuit, sicut homo, quamquam moriendi potentiam haberet, mori tamen non potuit actu, donec remoto supernaturali dono permitteret Deus, ut

Natura maledictione percussa rebus suis operam daret.

XVI. Instat *Keckermannus*: Deus omnium specierum conditor fecit hoc ædificium undique perfectum, & partibus suis absolutum, spacio sex dierum, & postea ab operibus suis cessavit, l. d. *Respondeo*: Perfectum erat, modo isto quem admittebat natura instituta; quod verò de potestate in actum transiverunt, est à naturâ destitutâ, in quâ debebant esse pœnarum instar, à quibus homo commonefieret de bonis per lapsum deperditis. Non igitur Deus novas condidit species, sed recondita per terram & oppressa hæcenus semina emerferunt, infecta, tribulos, vermes produxerunt.

XVII. *Simile producit.*] Simile generatur à simili, homo ab homine, brutum à bruto, planta à plantâ. Similitudinis genus triplex esse, notant Conimbricenses *lib. 1. de generat. & corrupt. cap. 4. quæst. 30. artic. 1.* scilicet, unum in specie, alterum in sexu, tertium in effigie. Unitas speciei obtinetur semper, & de illâ cum primis valet pronunciatum. Nisi fuerit commixtio monstrosa, à quâ oriuntur animantia semifera. Unitas in sexu variat, modò enim generatur masculus, aliàs fœmina. Dissertunt Hippocrates *libro de genitura*, Hieron. Cardanus *lib. 12. de rerum subtilitate pact. 644.* Levinus Lemnius *lib. 1. de occultis naturæ miraculis cap. 7.* Nicol. Taurellus in *Casis Alpibus lib. 5. quæst. 2. dist. 5.* Alexander de Angelis *lib. 2. adversus planetarios conjectores cap. 7.* Andr. Laurentius *lib. 8. histor. Anatom. quæst. 20.* Otto Casmannus *part. 1. Anthropologie.*

pag. 196. quod similitudinis hujus causa existat in generantibus, cum enim libido & semen virile abundat, & prævalet in utero, nascitur masculus, fœmina verò nascitur cum muliebri semen copiosius & efficacius fuerit. Elevare conatur *Scaliger*: Sexus, inquit, à sexu non fluit, sed eadem forma est in utroque, materia ergò ipsa in matrice variatur, ut fiat mas & fœmina, *Exercitat.* 268. Approbat Bartholinus *lib. 8. Institut. Physicarum cap. 7.* Verum nihil proficit. Si variatur materia, quænam causa est à quâ variatur? Oportet ut adsit causa agens. Falsum est quod supponit, fœminam semine carere, & non generare effectivè. Unitas in effigie adeit sæpè, sæpius abest. Temperamentum est à progenitoribus, & ab hoc oritur similitudo membrorum, rectè ait Alexander de Angelis *l. d. lib. 2. cap. 6.* Accedit valida Phantasiæ impressio, quâ se mutuò afficiunt conjuges, amoris ardore instimulati, quo nihil magis urit. Plura dicemus *infra lib. 8. cap. 9. dist. 2. 3. 4.*

XVIII. Finis generationis est conservatio specierum. Omne quippe agens naturale est conservans sui. Quod cum fieri nequeat in uno Individuo; utpote corruptionis sorti exposito, ideò fieri debuit per individuorum propagationem. Namque perpetuitas Specierum dependet à perpetuitate Individuorum, ait doctissimus Tautellus in *Triumpho Philosophico pag. 225.*

XIII. *Estque vel Inchoata, vel Consummata. Inchoata est, quâ producitur semen. Consummata est, quâ producitur compositum totum.* Forma traducitur à formâ per

modum emanationis: corpus verò generatur per modum alterationis, ut organis certis instruatur. Rectè *Scaliger*: Generat arbor, cum producit semen, non autem generatur arbor, cum pullulacè semine, sed tunc generatum, quod erat imperfectum, perficitur, *Exercitat. 6.*

XIX. Obscura partim, partim falsa de Generatione proferunt Toletus, Ruvi, Conimbricenses, Joh. Poncius Legionensis in *Cursu Philosophico Disputat. Phys. 23. quæst. 1. 2. 3. 4. 5. 6. 7. 8.* Bernardus Morisani *commentariis ad libros de generatione & corruptione pag. 472. seqq.* Johan. Zeifoldus *lib. 1. Institut. Physicarum sect. 3. dist. 188. seqq.* Franciscus Murcia in *Cursu Philosophico part. 4. pag. 9. 10. seqq.* Franciscus Oviédo in *Cursu Philosophico Tractatu de generat. & corrupt. Controvers. 2. sect. 1. 2. 3. 4. 5. 6. 7. 8.* Wilhelmus Chabronus in *Cursu Philosophico Tomo 3. pag. 2. 3. seqq.* Hurtardus de Mendoza in *Cursu Philosoph. Disputat. 2. de generatione sect. 1. 2. 3.* Rodericus de Arriagâ in *Cursu Philosoph. Disputat. 1. de generatione sect. 1. 2. 3.* E quibus rerum ac verborum compendium fecit Gilbertus Jacchêus *lib. 6. Institut. Physicar. cap. 7. & 8.* Repetemus ex illo pronunciata quædam, & notas nostras addemus. Dicit: Generatio formaliter est actio illa, quâ forma cum materiâ unitur. Respondeo: Imò potius, generatio formaliter est actio illa, quâ forma in materiâ propriâ generatur per translationem à formâ generantis. Pergit: Non ità quidem quasi duæ actiones interveniant, quarum alterâ producitur forma, alterâ compositum, Respondeo: Nimis

Nimis se torquet in re facili. Generatio est vel inchoata vel consummata. Illa est, quæ formæ geniti à formâ gignentis traducitur in materiâ propriâ, hæc est, quæ forma noviter producta elaborat materiam suam in corpus organicum, atque in perfectum illud quaquaversus subeundo compositum conficitur.

XX. *Pergit* : Excipienda hic est anima rationalis. *Respondeo* : Etiam hæc per generationem traducitur. Concessâ generatio est, non solum a vibus & jumentis, sed ipsi quoque homini, *Genes. 1. 21. 22. 28. 29.* Generat ergo homo hominem, non minus quàm equus equum, leo leonem, ciconia ciconiam, aquila aquilam. Multiplicat sese homo perinde ut cætera animantia, secundum speciem suam; uti ergo ibi animæ non creantur, sed generantur, ita etiam hic. *Addit* : Quicumque formam materiæ unit, ille dicitur generare. *Respondeo* : Non ille qui formam materiæ tantum unit, sed qui materiam & formam simul producit, generat. *Instat* : Ità dicitur parietem dealbare, quia calcem parieti illinit, cum tamen nec albedinem nec parietem produxerit. *Respondeo* : Miserum simile! Ars non producit substantiam, uti quidem natura facere potest, quod post alio expressè defendit Bernhardus Morifanus commentariis ad libros *Physicos* pag. 306. 307. Subjungit : Homo dicitur hominem generare, & tamen generans nec formam nec materiam producit. *Respondeo* : Miri Naturæ interperthes, qui generationem omnem de mundo tollunt. Et formam & materiam producit homo genitor, à quo semen procrea-

tur, itaque verè dicitur, quod homo hominem generat. Generare & neutram compositi partem producere, est nomen vanum sine re & commentum otiosum.

XXI. *Addit* : Anima rationalis habet esse per creationem. *Respondeo* : Adamus accepit equidem esse suum per creationem, sed posterius ejus accipiunt animas per generationem vi benedictionis divinæ in naturam rationalem collatæ, *Genes. 1. 28. cap. 5. 3. 4.* *Addit* : Corpus sive materia prima est etiam per creationem. *Respondeo* : Corpus Adami existit per modum creationis, sed posterius ejus acceperunt per modum generationis, *Genes. 2. 7. cap. 5. 3. 4. Iobi 10. 8. 9. 10. 11.* Denique *addit* : Generans materiam disponit, animamque creatam unit, atque idèò generare dicitur. *Respondeo* : Aliter esse, jam diximus. Non quia generans materiam disponit, sed quia novam materiam intrà sese producit, & non quia animam creatam unit, sed quia animam novam ex sese traducit, generare dicitur. Quod verum esse, facile constabit illi qui naturæ opera & effecta invitatis oculis inspicit.

XXII. *Ejus oppositum Corruptio est. Corruptio est passio corporis viventis, quæ illud in minima sua resolvitur.*] Mistorum inevitabile consequens est Corruptio, quoniam è diversis invicem naturis constant. Ob id tandem perit omne mistum, & resolvitur in Elementa sua minima. Hominis corruptio sive in pulverem mutatio quid est nisi corporis misti in particulas minimas resolutio? Finitis enim induciis, quas Natura pepigit, ad-

versa corpora solvuntur invicem, forma discedit, interitus consequitur.

XXIII. *In minimare solvitur.*] Quorum successivâ appositione compositum existit. Querunt vulgò: *An cujuslibet rei naturalis interitu fiat resolutio ad materiam primam?* Respondeo: Prolixè disserunt Archangelus Mercenarius *Tomo 1. Dilucidat. Peripatet. pag. 143. seq.* Franciscus Murcia in *Cursu Philosophico part. 4. pag. 12. 13. seqq.* Conimbricenses *lib. 1. de generat. & corrupt. cap. 4. quest. 18. artic. 2.* Antonius Ruvio *commentariis ibidem quest. 4.* Bernhardus Morisani *commentariis ad libros de generatione & corruptione pag. 481. 482. seqq.* Responsio facilis est, quod materia prima non sit usquam, nisi in conceptu Metaphysico. Corruptiones rerum desinunt in Elementis, quæ ad ulteriorem corruptionem haud ordinantur, quia corpora simplicia sunt.

XXIV. *Estque vel naturalis, vel violenta. Naturalis est, quæ fit secundum naturæ ordinem. Estque vel putrefactio vel aresfactio. Putrefactio est, cum exhalat spiritus insitus.*] Multa & operosa de putredine scripserunt Archangelus Mercenarius *l. d. Jacob' Zabarella lib. 2. de generat. & corrupt. cap. 5. seqq. lib. 3. cap. 1. seq.* Thomas Erasmus, Simon Simonius, Fortunatus Crellius, Nicolaus Taurellus *diatribis de putredine*, Piccolomineus *libro de putredine*. Nimirum calor internus cum subiecto proprio exit, & aqua excedit cum humido infuso. Subiectum proprium est, in quo prædominatur humidum, itaq; mixta omnia putrescunt, quatenus sunt humida. Causa efficiens est calor ambiens, per quem corpora aperiuntur, & calor internè reconditus evocatur.

XXV. Ex his quæ dicta sunt, multorum dubium ratio expeditur. Queritur: (1) *Cur omnia quæ putrescunt, initio calidiora sint?* Respondeo: In mixto calor hæcenus erat temperatus, ut ferè non sentiretur, propter dominium formæ superioris. Quo ad interitum vergente, magis vires suas exserit, magis liberè actionem suam exercet, Postquam verò exhalavit spiritus, frigida sunt partes, quæ calida erant. Sublatâ enim causâ caloris, perit effectus. Exhalatione factâ oriuntur graves odores, tetri saporis, cerebri læsiones. (2) *Cur humida fiant, quæ putrescunt?* Respondeo: Evaporata aqua frigida, quæ est vehiculum calidi & humidi innati. (3) *Cur æstate imprimis & in cælo humido fiat putrefactio?* Respondeo: Hyeme non ita grassatur calor ambiens, à quo calor internus evocari possit. In aère sicco non est aqueorum effluviorum copia ista, quæ humidum intus asservatum eliciat. Itaque faciliè putrescunt sebum, adeps, casei, carnes, poma, cunctaque humida & calida. Et mollia quævis citius putrescunt, dura tardius. Pinus, alnus, salix corrumpuntur citius, quàm cedrus, quercus, ornus. Olea non faciliè computrescunt, quæ non tam Elementarem, quàm cœlestem in sese continent humiditatem.

XXVI. *Estque vel perfecta, vel imperfecta. Perfecta est, quæ destruit totum. Imperfecta est, quæ destruit partem.*] Quomodò vinum & cerivisia destruantur, cum demutantur in acetum. Humidum Elementare & innatum simul insunt vino accerivisia. Acetum fit per destructionem calidi & humidi innati, manente calido & humi-

humido Elementari, in quo conditur iste liquor.

XXVII. Pluribus de aceto differit Jacobus Zabarella lib. 2. de generat. & in vitro misit cap. 6. 7. 8. 9. 10. cum quo non rectè litigant Antonius Guntherus Billichius *Exercitatione de fermentatione* dist. 71. seqq. Joachimus Jungius in *Doxoscopia Physicâ part. 2. sect. 1. cap. 23. dist. 1. 2. seqq.* Est enim manifesta *doxoscopia* cum Zabarella vocat *calidum animatum*, quod vocare debeat *calidum innatum*.

Id verò in vino inesse, citrà dubium est. Regerit Billichius: (1) Vinum est substantia una, & proinde non habet duplex calidum, ac humidum. *Respondeo*: Isto modo animatis omnibus detrahetur calidum insitum, adedque ratio ista laborat fallaciâ consequentis. (2) Vinum non est animatum. *Respondeo*: Est ab animato vegetabili productum, & proprietates ejus aliquas participiat (3) Non potest cogitari, quomodo in corpore non vivo per se subsistat vitalis calor. *Respondeo*: Eo modo hoc fit, quo destillationes pharmaceuticæ retinent calidum innatum è floribus elicitum, qui sunt præparati à resolutione artificiali. (4) Non inest forma in vino, & proinde non adest calidum innatum, quod formam consequitur. *Respondeo*: Calidum innatum inest subjecto proprium, quod materiatum omnino est, & communicari potest per naturæ minimæ, ut recipiatur in subjecto alio proxime conjuncto. Exempla de formis subordinatis manifesta sunt. Capra alitur herbis quibusdam purgantibus, lac capræ istius bibit nutrix, fiet ut infans, qui lac à nutrice sugit, inde purge-

tur. E fungis decoctis aut succo expressis pronascuntur fungi, cum succus ille vel decoctum ad arborum radices effunditur. Nimirum formæ materiales sunt divisibiles, & vim seminalem in calido nativo extensam per totam substantiam suam habent.

XXVIII. *Arefactio est, cum humidum externum subtrahitur.* Tunc enim post humidum absumptum calor partes residuas exsiccat, induratur, aridasque præstat.

XXIX. *Violenta est quæ fit contra naturæ ordinem.* Uti cum aliquid comburitur, & in cineres redigitur.

CAPVT TERTIVM,

Diatriba singularis de Generatione æquivocâ.

SUMMARIA.

1. *Generatio triplex.*
2. *Animantia trium generum.*
3. *Animantia imperfecta.*
4. *Semen origo omnium.*
5. *Cæli influxus.*
6. *Animantia perfecta.*
7. *Animantia à cælo producta.*
8. *Vermes in caseis.*
9. *Licet notatur.*
10. *Cælum principalis causa.*
11. *Exceptio solvitur.*
12. *Anima mundi.*
13. *Intelligentia motrices.*
14. *Cælum instrumentalis causa.*
15. *Dei concursus.*
16. *Differentia specifica.*

17. Solvuntur objectiones.
18. Serpentes in cadavere.
19. Serpentes igniti.
20. Vermes in pomis.
21. Zabarella notatur.
22. Casalpini opinio.
23. Casalpini rationes.
24. Mures in navibus.

I. Docent vulgò, triplicem esse generationem. Una est, in qua formæ à syderibus prodeunt. Et hæc generatio est *equivoca*, uti ranæ, vermes, mures nascuntur in fimo, quisquiliis. Altera est à semine, perfectior & *univoca*, uti catellus nascitur è semine canis. In hac generatione formæ inest in potestate materiæ, & quidem actu, introducta à generante. Tertia est à Deo, in qua animas rationales à Deo creati & infundi statuunt. Latè ista persequuntur Julius Scaliger *Exercit. 6. sect. 2. 5. 6. 7. 8.* Johan. Bodinus *lib. 3. Theatri natura pag. 300. 301.* Levinus Lemnius *lib. 4. de occultis natura miraculis cap. 19.* Nicol. Taurellus *part. 3. de rerum aternitate pag. 555. seqq.* Joachimus Burserus *lib. 1. Institutionum Physic. pag. 215.* Johan. Rodolfus Faber in *Cursu Physico. part. special. pag. 385. seqq.* Franciscus Vallesius in *Philos. sacra pag. 17. 18. 19. 20. 21.* Michaël Watsonus in *Collegio Physico Disputat. 24. dist. 1. 2. 3. seq.* Albertus Kyperus *lib. 6. Institut. Phys. cap. 3. dist. 10.* Joh. Poncius Legionensis in *Cursu Philos. Disputat. Phys. 22. quest. 10.* Johan. Gallego libro 1. de principiis generationis *cap. 2. 3. 4.* Andréas Casalpinus *lib. 6. de natura rerum cap. 1. seqq.* Franciscus Picco-

lominéus libro de ortis ex putri, Petenius *lib. 8. Philosophia naturalis cap. 17. 18.* Johan. Combacchius *lib. 4. Institut. Physic. pag. 567. 568.* Archangelus Mercenarius *Tomo 2. dilucidation. Peripatetic. pag. 308. seqq.* Antonius Ruvic *lib. 2. de anima pag. 123. 124.* Franciscus Tolétus *lib. 2. de anima quest. 11.* Bernhardus Morifanus *commentarii ad libros de generatione & corruptione pag. 555. 556.* Conimbricenses *lib. 2. de Celo cap. 3. quest. 6.* Bernh. Telesius *lib. 6. de rerum natura cap. 21.* Henr. Regius *lib. 4. Philosoph. natur. cap. 14.* Scipio Celsus Claromontanus *lib. 10. de Universo cap. 8.* Eusebius Nirenbergius *lib. 4. histor. naturalis cap. 1.* Athanasius Kircherus in *mundo subterraneo lib. 12. sect. 1. 2. 3. 4. 5. 6. 7. 8. 9. 10.*

II. Alii reservabimus occasionem, quæ de ortu animæ rationalis immiscetur, nunc illa quæ de generatione *equivoca* proponuntur, breviter expendemus, verba petendo à Gilberto Jacchæo *lib. 5. Institut. Physic. cap. 5.* & notas nostras addendo, Dicit ille: *Trium generum animalia in natura existere, vel pueris constat.* Respondeo: Imò unum est genus animantium ratione originis, quatenus omnia generantur ex semine, & à sui similibus procreantur,

III. Pergit Jacchæus: *Primum genus est animalium perfectorum, uti hominis, canis. Secundum est animalium imperfectorum, quantum ex putrescente materia generantur, ut muscæ, papiliones, anguilla.* Quod imperfecta vocantur, ratio subest alia, videlicet, quia corpus organicum ita articulatum elaboratum non habent.

habent. Quod tantum è putrescente materiâ nascuntur, falsum est; quod tantum ex semine proprio nascuntur, verum est. Pueri tunc maximè lumbricis abundant & ad vitæ periculum, cum fructus hortenses non lotos, & quatenus iis semina vermium adhærescunt, comedunt, uti experientia docet. Exemplorum, qui ranas & bufones in ventriculo & intestinis productos habuerunt, quoniam sitibundi ad lacus & paludes seminibus eorum animalculorum imprægnatas imprudentius accurrendo bibeant, narrant Joh. Schenckius lib. 3. *Observationum Medicar. num. 96.* Thomas Bartholinus *centur. 4. historia Anatom. cap. 19.* Argumentamur: Quodcunque animam & vitam non habet in se, illud non potest animatum & vivens aliquod producere. Atqui putredo animam & vitam non habet in se. Ergò putredò non potest animatum & vivens aliquod producere.

IV. Pergit: *Tertium genus medio modo se habet, nam & à sui similibus interventu seminis generantur, interdum verò & ex putridâ materiâ oriri contingit, ut in muribus & gliribus videre est.*] Atqui non est tale genus aliquod. Semper & ubique è semine pronascuntur, quæcunque nascuntur, uti argumentum paulò ante prolatum evidenter ostendit.

V. Pergit: *Cælum interventu lucis, calorû aliarumq; qualitatum materiam in his omnibus disponit, quod etiam in perfectissimo animali, homine inquam, videre est. At verò nec hominis, nec ullius perfecti animalis principalis causa est cælum.*] Respondeo: Quodsi cælum disponit materiam, è

quâ nascitur homo, certè homo etiam à cælo proximè generabitur. Atqui cælum est causa universalis, & concurrit universaliter ad procreationem hominis, canis, lupi, muris, erucæ, locustæ. Argumentamur: Nullus effectus determinatus fit à causâ universali & indeterminatâ. Atqui muscæ, papiliones, mures, vermes, ranæ sunt effectus determinati. Ergò non fiunt à causâ universali & indeterminatâ.

VI. Pergit: *Perfecta animantia solius seminis interventu procreantur, hinc eorum tam operose productiones existunt.*] Respondeo: Non alio modo producuntur animalcula imperfecta, uti author suprà vocabat.

VII. Pergit: *Nefando auditum est, canem vel selem à cælo productum.*] Respondeo: Imò quod muscæ, papiliones, erucæ à cælo, velut principali causâ, producantur, tantum in libris quorundam legitur, reclamante Naturâ, quæ tam in generatione muris, quàm in generatione canis formam substantialem requirit.

VIII. Pergit: *Animalia imperfecta, muscæ, tantum à cælo oriuntur, quod etiam in piscibus multis videre est, in quorum productione tantus materiæ & organorum apparatus non requiritur.*] Respondeo: Falsâ hæc sunt, neque experientia comprobatur. Generantur vermes in caseis, in carnibus, & quæritur, unde sit horum origo. Si vermibus concedimus animam vegetativam & sensitivam, quidni & facultates, nutricem, auctricem, procreatricem? Gignunt ergò etiam semina, quibus sese multiplicant. Hæc

insunt caseis, è quibus generantur vermes. Et quidem ita insunt, ut vel in late à tot mutationibus integra perduraverint, vel à muscis circumvolitantibus inspersa ex sese ediderint vermem corrodentem. Hæ namq; cum undiq; oberrent & liguriant omnia, vermium quoq; materiam unà cum cibo assument, assumptamque vermes prodeunt, & putredinem secum inducunt. Ex urinâ sparsâ cum pulices generari putantur, isti dudum ante in cubile aut hypocaustum à canibus, felibus, hominibus illati fuerunt, & calore urinæ humidæ, cum in arido non tam benè iis fiet, quàm in humido, excitati nunc saltem novas vires accipiunt. Putredo & in eam efficax influxus Solis, nullam speciem producere possunt, semen in putri materiâ absconditum fovere & ad agendum impellere possunt. Quod solum ex se aptum est, ut speciem producat. Seminalis vis est, cujus beneficio fit, quodcunque fit, aut non fit. Neq; igitur lutum & quisquilæ sunt materia nascentium ranarum & murium intrâ lutum & quisquilas, sed semen quoddam à ranis, erucis, anguillis emissum, in quod agunt radii Solis, & formam ingentiam promovent, ut operetur, domicilium suum efformando, ranunculos, apiculas, erucas parvas excludendo.

IX. Differit *Fortunius Licetus*, quod causa efficiens proxima sponte oriundorum animalculorum, à quâ immediatè animam vitamque accipiant, sit ipsa anima vegetativa & sensitiva degens in cadavere vel excremento à vi-

ventibus projecto, sed latenter, donec nacta occasionem à caloris ambientis vigore, ad agendum procedat corpusque fabricet, *lib. 2. de spontaneo viventium ortu, cap. 36. 37. 38. 39.* Respondéo: Non facildè credat quisquam, in cadavere portionem animæ pristinæ remanere. Corporis habitudo & diversæ operationes satis docent, animantia spontè nascentia, quæ ex cadaveribus oriuntur, specie & formâ differre ab iis corporibus viventibus, in quibus generantur, apes in bobus, vespæ in equis, teredines in hominibus defunctis. Et cum ab animantium excrementis generatur vivens, non est credibile, animam in excrementis manere, quoniam vivente adhuc animante nunquam anima in excrementis fuerat. Eorum tamen, quæ spontè velut orta sunt, animam seu principium seminale corpore corrupto in materiâ aliquâ hære, ac iterum reviviscere posse, concedimus. Scilicet, possunt muscæ & ranæ in limo colliquescere, atque ex materiâ illâ corruptâ verno tempore aliæ muscæ & ranæ pronasci. Proinde nihil certius est, ac quod ista animalium procreatio fiat à multiplicatione formæ novæ in materiâ contentæ.

X. Pergit: Nec tamen putandum est, quod cælum sit principalis effectuum istorum causa. Causa enim principalis aut nobilior est, aut saltem aequè nobilis est, atque effectus productus, quod de cælo dici non debet. Cum enim sit inanimatum, naturæ excellentiâ & bonitate longè superatur ab animato, multò autem magis à sen-

sentiente.] Respondeo: Sineque cœlum, neque semen est causa principalis generationis, quænam ergò fuerit causa principalis & proxima generationis? Cæterum torquet hoc argumentum *Conimbricenses*: Rectè, *ajunt*, concludit quidem, non posse viventia produci à cœlo, ut à proximo & principe genitore: sic enim vivens nullum ab alio vitæ experte generatur, alioquin causa principalis ellet effectu perfectiore ignobilior, Verum nequaquam conficitur, ejusmodi animantia non posse à cœlo generari, uti à causâ instrumentali & minus præcipuâ, quæ suo effectu deterior esse potest, *lib. 2. de Cœlo cap. 3. quest. 6. artic. 1. & 2.* Facilis est responsio. Quodsi cœlum est instrumentalis & minus præcipua efficiens, meritò roges, quænam fuerit principalis & proxima causa, à cujus intervëntu generatio perficitur?

XI. Multa multorum Doctorum pronunciata congerunt Antonius Ruvio Rhodensis *lib. 2. de Cœlo cap. 3. quest. 2.* Piccolomineus *libro de ortu exputri cap. 3.* Mendoza *Disp. Phys. 10. sect. 4.* videlicet, à quânam efficiente inducantur formæ. Intelligentiæ separatæ generationi subalternarum præfectæ, hoc tribuunt Aphrodisæus, Themistius, Avicenna, Alpharabius, Rursus Thomas Aquinas, Bonaventura, Capreolus, Jandunus, Socrates dicunt, vim seminariam à Geniis orbicœlesti, quem circumvolvunt, imprimi, unde animam accipiant illa, quæ non proveniant è semine. *Commenta hæc esse, rectè ajunt Conimbricenses l. d.* itaque Durandi sententiam adferunt, pro-

bantque, scilicet, cœlum à primo ortu suo per Dei liberalitatem accepisse virtutem seminificam, ut animantia ista procreentur, *l. d. pag. 229.* Neque aliter Franciscus Suarez *Disputat. Metaphys. 18. sect. 2. num. 33.* Verùm non minus hæc commenta sunt, quam ista. De opere generationis nunc agitur, quod à cœli influxu non perficitur, nisi in creationis opus convertere velimus, & ranas, muscas, apes, mures creari dicamus, quæ nascuntur. Hærent ergò Interpretes in confutandis allatis rationibus.

XII. Pergit: *Non est in generatione eorum confugiendum ad animam mundi, quod fecerunt Platonici.*] Respondeo: Plato vocat animam mundi, quam Naturam vocat Aristoteles. Natura est vicaria Dei, & omninò est causa proxima generationis rerum omnium, quatenus formam & materiam in semine communicat.

XIII. Pergit: *Nec verò Intelligentia motrices orbium aliâ ratione concurrunt, quàm movendo cœlum.*] Respondeo: Non. Entis sunt nulli effectus. Intelligentiæ illæ motrices sunt non-Ens.

XIV. Pergit: *Dicamus, cœlum esse in tali generatione, non causam principalem, sed tantum instrumentalem.*] Respondeo: Non est instrumentalis, sed est universalis efficiens. Quodsi enim cœlum est causa instrumentalis, erit utiq; principalis causa danda alia, quæ dirigat instrumentū illud. Neq; enim agit instrumentū nisi à causâ principali motū. Quæ si Deus est, nihil novū, nihil peculiare dicitur. Idem concedendū est in generatione hominis, equi,

equi, leonis, ubi nec Natura sine DEo, nec DEus sine Naturâ agit. Deinde, in Philosophiâ novum est, causas universales vocare velle *instrumenta*. Tollit omnem principalem causam, qui Naturam simpliciter instrumentum DEi vocat, quanquam Natura sit DEo subordinata. Carent instrumenta cognitione, carent intentione. Natura & illam & istam habet. Dicit Piccolomineus: Pro generatione animalium ex putri Soli sive Cœlum fungitur modo quodam munere causæ nedum communis, verum etiam propriæ, quatenus lumine & motu ejus constituitur Spiritus proximè formans animantia, ejusque vitam perficiens, qui proportionem respondet Spiritui, per quem semina redduntur fecunda & fetus formatur. Qui spiritus quamvis ab eminente vitâ cœli habeat, ut sit vitalis, tamen ut hanc vel illam vitam producat, non habet à cœlo uti cœlum est, sed quatenus in definitâ materiâ cum definitâ mensurâ recipitur congruente definitis speciebus animantium, l. d. *Respondeo*: Atqui talem Spiritum in cœlo esse, & à cœlo in hæc inferiora demitti, nunquam probabitur. Non potest Cœlum esse causa propria, cujus operatio non magis ad leonem, quam ad vesperam aut pulicem determinata est. Sine concursu inferioris causæ non gignunt cœlum vel stellæ, ut corpora viventia, vermes, muscas, ranas producant.

XV. Pergit: *Principalis autem causa est DEus, seu primum movens, cujus est natura defectus supplere*] *Respondeo*: Itâ generatur musca, ut non creetur amplius. Deus enim cessavit ab opetibus suis, *Genes. 2.*

1. 2. Si verò influit DEus in productionem muscæ, creabitur illa, namque actione principalis causæ denotatur effectus. Et annon perquam inepta sententia est, ad vermis & muscæ generationem Deum speciali influxu concurrere, ad equi, leonis, hominis productionem universali tantum. Frustrâ dicit Johan. Gallégo lib. 1. *de principis generat. cap. 4.* quod insecta debilia indigeant vehementiore concursu Dei, quàm ea quæ robustiorem habent vim sibi simile procreandi. Ex æquo enim providentia Dei cum omnibus concurrat, ut vires eis inditas conservet, atque propterea nullus hic est defectus, nulla debilitas, quæ vel à cœlo, vel ab extraordinario DEi concursu suppleri debeat. Quantò rectius itâ dicimus: Semen musca ponit, à quo muscæ aliæ generantur per concursum Solis, qui calore benefico fovet semen, & formam in semine latentem provocat, ut materiam sibi conjunctam efformet, atque informet. Itâ honorem debitum Naturæ reddimus, neque DEo abludum illud tribuitur, quod magis concurrat ad generationem muscæ quàm hominis. Constat, quod DEus condidit *omnes valdè bonas Genes. 1. 31.* Tales inquam condidit, quæ viribus necessitatibus instructæ sunt, ut nullus in facultate ipsarum multiplicativâ defectus sit, debilitas nulla, quæ vel à cœlo, vel ab eminentiore Numinis concursu perficienda sit, uti contrâ hujus assertionis defensores latius ostendit Fortunius Licetus lib. 1. *de spontanio viventium ortu cap. 72. seqq.* Breviter: In primâ rerum creatione vires naturales concessit DEus rebus, quibus cum

cum utuntur, speciali concurſu opus non habent.

XVI. Concludit: *Verūmpulchra hic naſcitur quaſtio: An duo iſti mures, quorum alter è ſemine muris, alter ex putri materiâ naſcitur, ſint ejuſdem ſpeciei & naturæ?* Reſpondeo: Supervacania eſt quaſtio. Neque enim datur ejuſmodi muris vel muſcæ generatio, qualem iſti fingunt, citrà ſemen, è materiâ putridâ. Et quamvis putredo ex ſe animantia produceret, tamen quæ indicare ſolent veritatem formæ ſpecificæ, ea omnia in animantibus iis cernuntur, perfectæ membrorū conformatio, naturalis indoles, actiones omnes, & cum primis animantiū ejuſdem ſpeciei ex ſe propagatio & generatio. Speciem verò non metimur ex agente producente, ſed pro naturæ identitate & effectuū convenientiâ. Ità docent Avicennas, & cum illo Thomas Aquinas lib. 7. *Metaphyſ. ſect. 6.* Johan. Scotus lib. 1. *ſentent. diſt. 2. quaſt. 5.* Benedictus Pererius lib. 8. *Philof. natur. cap. 18.* Redemptus Baranzanus lib. 1. *de cælo pag. 52.* Antonius Ruvio Rhodenſis *commentariis ad lib. 2. de cælo cap. 3. quaſt. 3.* Johan. Bodinus in *Theatro naturæ lib. 1. pag. 115. 116. 117.* Conimbricenſes lib. 2. *de cælo cap. 3. quaſt. 7. artic. 1.* Gilbertus Jacchæus lib. 5. *Inſtitut. Phyſ. cap. 5.* Joh. Combaecchius lib. 4. *Inſtitut. Phyſic. pag. 567.* Jacob. Martini Centur. 5. *Diſputat. 7. quaſt. 5.* Fortunius Licetus lib. 4. *de ſpontanio viventium ortu cap. 21.*

XVII. Contrarium defendunt Averthoës lib. 8. *Phyſicor. commentar. 46.* Johan. de Janduno lib. 7. *Metaphyſ. quaſt. 15.* Dominicus Flandria *ibidem quaſt. 13.*

Piccolomineus libro *de ortis ex putri cap. 10. 11. 12.* & proferunt rationes iſtas: (1) Quorum materia proxima differt ſpecie, illa non habent formas ejuſdem ſpeciei. Atqui materia eorum, quæ ſpontè naſcuntur, ſpecie differt ab eorum materiâ, quæ ex ſemine oriuntur. Ergò. Reſpondeo: Minor fallit. Non ſunt materiæ diverſæ ſpecie, verum eſt una materia, ſemen. (2) Æterna differunt ſpecie ab iis quæ non ſunt æterna. Atqui animantium ſpontè oriundorum non eſt origo æterna, non eſt ſpecies perpetua, uti eorum quæ de ſemine oriuntur. Ergò nullum ſpontè naſcens ejuſdem ſpeciei eſt cum vivente ullo, quod è ſemine generatur. Minor probatur: Viventia de ſemine producta generando ſobolem prorogant ſpeciem ſuâ, atqui ſponte orta non conſervant ſpeciem ſuam, quia inſecunda ſunt, & non generant, uti diſſerit Cardanus lib. 9. *de ſubtilitate rerum pag. 274.* Reſpondeo: Conſequentia negatur. Homo ſterilis non differt ſpecie ab illo qui ſecundus eſt, eò quod hic ſpeciem ſuâ conſervat per ſobolis propagationē, ille nequaquam. Sed & falſum eſt, illa quæ ſpontè putantur eſſe genita, non propagare à ſe ſecundum ſemen, quod exemplis docent Julius Scaliger lib. 1. *de cauſis plantarū cap. 15.* Aldrovandus lib. 19. *Ornithologia cap. 23.* (3) Species eadem non produciunt à fortunâ & naturâ. Atqui ſpontè naſcentia producuntur à fortunâ; quæ è ſemine fiunt, à naturâ fiunt. Ergò. Reſpondeo: Negatur, ea quæ in viventium genere oriuntur ſpontè, fieri caſu & non à Naturâ. Nec enim aliunde, niſi à cauſâ naturali producuntur viventia omnia, quo-

cunque modo fiant, teste ipso Aristotele lib. 2. *Physicor. cap. 1.*

XVIII. Pertinet huc dubium vulgatissimum: *An spina dorsi hominis ab obitu suo corrupti progeneret serpentes in sepulchro?* Respondeo: Veteres ita statuisse, refert Ovidius:

*Sunt, qui cum clauso putrefacta est spina
sepulchro*

*Mutari credant humanas angue medul-
las,*

lib. 15. Metamorphos. Consentit Plinius lib. 10. *hisor. natur. cap. 66.* & credunt recentiores, Joh. Bodinus lib. 1. *Theatrina-
rapag. 31.* Ludov. Camerarius Tomo 1. *ho-
rarum succisivar. lib. 1. cap. 11.* Fortunius Licetus de *spontanio viventium ortu lib. 3. cap. 51.* Barthol. Keckermannus lib. 2. *Sy-
stem. Phys. pag. 118.* Sed perinde facillè dicitur, quod à medullâ istâ procreentur elephas aut camelus. Rectius negant Wolffg. Francius libro de *Interpretat. Scripturæ Orac. 133.* Rodolf. Goclenius in *Scholiis Physicis Disputat. 13. dist. 42.* Ostendit experientia rerum magistra, quod cadavera in tumulis deposita resolvantur in principia sua, ut ne minimi vermiculi indicium aliquod comperiat. Nisi accedat putredo loculi è carioso ligno confecti, à quo procreari termites & blattas, probabile omninò est, & ad cadavera prorepere. Nectamen ortum suū cadaveri debent.

XIX. Non proficit quicquam Licetus, adducendo serpentes ignitos, qui in corpore Hebræorum progenerati sunt, ut eorum improbitatem moribus atrocibus punirent, Numeror. 21. 6. Respondeo: Non est verum, quod in corporibus Hebræorū

progenerati sint isti serpentes, quos extra improborū hominū corpora fuisse constat, evocatos de locis maximè desertis & latebris suis ab ultore Deo, in peccata hominum irato, Sapiens 10. 5. Dipteras lociis frequentes & Arabiæ incolis admodum molestos, notant Plinius, Lucanus, Solinus. Quod si aliquando in cadaveribus projectis, aut levissimā humo contextis, reperti fuerunt serpentes, pro alimento acquirendo intrā illa condiderunt sese, uti exemplum est apud Plutarchum in *vitâ Cleoméni.* Delectantur enim cibo dulci, est; humana caro sapore dulci prædita. Non verò etiam de cadaveris substantiâ originem suā traxerunt. Non omne illud, quod cum corpore quoque modo cohæret, à corpore ipso progeneratur.

XX. Eadem causa est, quod intrā nuces, poma, pyra vermes procreantur. Non enim proveniunt è nucis, pomi, pyri substantiâ, verum intrā ista generantur ex semine proprio vermium, quod circa arborum radices vermium copia adsit. Ego unā cum succo attracta semina, & intrā fructū recondita, vermes producant suo tempore. Quod fabulosa relatio sit, nasci serpentes è cadavere, monuit dudum Ælianus lib. 1. de *animalibus cap. 51.*

XXI. Scribit Zabarella: Quod in castaneis & nucibus putrefactis apparent, parva foramina in cortice, id non est, quia calor & humor intimæ partis evaporantes faciunt illud foramen, per quod exeunt, ideò intus in eâ parte videmus relictum pulverem, quod lignum putredinis est, recedente enim humido fic-

cu pulvis remanet, lib. 1. de misti generat. & meritu cap. 5. neque multò aliter Archangelus Mercenarius Tomo 2. Dilucidationum Peripatet. pag. 296. Atqui nubes istas putrefactio non afflixit, sed corrosio à vermibus, qui cum nondum putamina erant solidata adeò, pervenerunt eò, atque exclusi à seminio pabulum habuerunt à nucleo, quo absumpto demum ut plura haberent, foramen istud in putamine erodunt, ut erepant. Quod idem in librorum compacturis accidere videmus.

XXII. Magis verò etiam hîc refelli meretur Andreas Casalpinus Medicus Romanus, qui dum Aristotelicæ opinioni de æternitate mundi palàm cupit patrocinari, fingit, mortalium vetustissimos, instar murium aut ranarum in locis ob calorem Solis efficacissimis, quanquam ob varia impedimenta inaccessis, ex putredine olim procreatos fuisse, & quodque hodiè procreari, lib. 5. quæst. Peripat. sect. 1. Eo commento vult solvere nodum, qui neçitur contrà Aristotelem à progressu in infinitum, (quem aliàs Peripatetici negant esse admittendum) si per continuam ab æterno successionem homines ex hominibus progeniti fuerint. Atqui longè facilius nobis est negare hoc assertum Casalpini, quàm ipse probaverit illud, quandò istorum hominum è terræ putredine à Solis influxu editorum, nec vola nec vestigium ullum reperitur, ut rectè contrà pravam Casalpini opinionem decidunt Bernh. Telesius lib. 6. de rerum naturâ cap. 23. Martinus Schogkii libro de animâ belluarum Disputat. 11. dist. 46. seqq. Piccolomineus

libro de ortis exputri cap 7. & 8. Nicolaus Taurellus in Alpibus casis pag. 790. seqq. Fortunius Licetus lib. 1. de viventium ortu spontaneo cap. 18. 19. seqq. Eusebius Niremburgius lib. 5. historia naturalis cap. 5.

XXIII. Instat Casalpinus: (1) Dictum Aristotelis est, Sol & homo generant hominem, lib. 2. Physicor. unde constat, quod animalium calor sæcundus est virtute Solis & caloris ejus. Quod ergò intrà animantia Sol operatur, idem ipsum quoque operabitur intrà materiâ aliam, ut illam sæcundam efficiat. Respondeo: Negatur, quod seminis vis & sæcunditas præcisè à Sole dependeat. Erat enim herbarum sæcundarum progenies à Verbo Domini, antequàm Sol erat, Genes. 1. 11. 12. 13. 14. Deinde: Sol est causa universalis, quicquid autem fit, est singulare, itaq; Philosophus expresse addit particularem efficientem, Sol & homo, Casalpinus non rectè omittit, ut Soli pares cum Deo vires adscribar, impudente ausu. (2) Concedit Aristoteles, possibilem esse hominum generationem ex verme, lib. 3. de generat. animal. cap. 10. Et lib. 7. Metaphys. text. 22. 31. ait, posse in naturâ eadem fieri, quæ ex semine fiunt, casu, uti pateat in artibus. His ratio accedit: Cæli motus omnem perfectionem qualitatum & effectuum producit in sublunaribus, ut quod potestate illa continent, actu perficiant, lib. 1. Meteoror. 3. Ergò quoq; putrem materiam afficere potest, ut animal producat. Respondeo: Mera testimonia à Philosopho, & tamen illa etiâ in pravam sensum detorta. Loco primo non concedit, sed tantummodo dicitur ponit: Si est, uti Veteres dicunt, initio quosdam homines de terrâ

procreatos fuisse, omnino vel ex verme
vel ex ovo prodidisse illos, necesse est.
Loco secundo agit de formis accidentalibus,
itaque ad omnia Naturæ opera, quod
omnia illa Ars facere possit, imperite tra-
hitur. Loco ultimo describit influxum
cœli, quem in Elementa derivat. Hoc
non probat, animalia posse nasci ex quif-
quiliis per Solis influxum. (3) Expe-
rientia testatur, plantas multas à putre-
dine oriri, cimices, pulices, pediculos
in vestibus generari, mures in navibus
procreari. Quod natura facit in qui-
busdã, idem facere potest in omnibus.
Respondeo: Negamus antecedens. Pu-
tredo sola nullam speciem efficere po-
test, verum seminale principium ad
producendam speciem certam requiri-
tur.

XXIV. Mures cum mercibus infe-
runtur. Dicit *Schockius*, provenire
eos à pice quæ est succus arborius, libro
de animâ belluarum Disputat. II. dist. 44.
Respondeo: Malè! cum ista pix multis
ignibus excocta ejusmodi semina exa-
minat, atque de arboribus piceis ne-
mo unquam vidit mures progeneratos.
Instat: *Quamdiu pix nondum est obducta
asseribus, in illâ non generantur mures.*
Quæras, unde sit ista in asseribus po-
tentia, à quâ mures producuntur? Aut
insultu, cum proximæ littori sunt na-
ves, aut aliis modis in naves ingre-
diuntur; pediculi ab hominibus pedi-
culosis in conversatione accipiuntur, &
nisi removeas illi ed, augentur. Ponde-
randa sunt rerum circumstan-
tiæ, & in aprico erit
veritas.

CAPVT QVARTVM,

De Vitâ & Morte.

SUMMARI A.

1. Definitio vitæ.
2. Vita subjectum.
3. Vita est anima operatio.
4. Refellitur Scaliger.
5. Anima vitæ principium.
6. Vita una est.
7. Solvuntur objectiones.
8. Ætas crescens.
9. Ætas constans.
10. Ætas decrescens.
11. Locus Ecclesiasticus 12.
12. Juventus restituta.
13. Lapis Philosophorum.
14. Definitio mortis.
15. Mors vitæ defectus.
16. Separatio animæ.
17. Animarum præexistentia.
18. Veterum sententia.
19. Animarum circulatio.
20. Hebræi.
21. Indi veteres & novi.
22. Rabbiorum testimonia.
23. Solvitur instantia.
24. Mors naturalis.
25. Calidum innatum.
26. Mors violenta.

I. **V**ita est actus corporis viventis, à quo
proveniunt operationes vitales.
Dicitur vita non uno modo, nunc sub-
stantialiter, nunc accidentaliter, uti docet
Thomas

Thomas Aquinas *part. 1. Summa Theologica quest. 18. art. 2.* & præverat verbis manifestis Aristoteles *lib. 2. de anima cont. 36.* Substantialiter pro actu primo, à quo velut principio vitales actiones proveniunt. Quo sensu ab animâ non differt realiter, ipsumque vivere viventibus esse est. Accidentaliter pro actu secundo, sive operationibus vitalibus. Quales sunt, nutritio, accretio, pulsus, spirituum vitalium elaboratio, ac similes. Prius significatum valet hoc loco.

II. *Actus corporis viventis.*] Siquidem actuatur, id est, perficit subjectum, cui inest, vivificando, vegetando & operationes vitales impertiendo. Cæterum actus ille subjectum habet, *corpus naturale vivens.* Totum compositum dicitur vivum, uti totum dicitur animatum. Quæ- runt: *An vita sit substantia, vel accidens?* Respondeo: Prolixè disquirat Nicol. Taurellus *libro de vita & morte quest. 1. proposit. 3. 4.* Nos breviter dicimus, quod sit modus substantialis, per quem anima influit in corpus sibi ad extensionem æqualem unitum. Diciturque ipsa anima vita esse, quatenus vitalium actionum principium est.

III. Dixerat Cardanus, *vitam esse animæ operationem vel actionem.* Reprehendit Scaliger: 1. Si vita actio est, erit in prædicamento actionis. Non posterius, quia sic non posset dici corpus vivens. 2. Si vita est animæ actio, vivet animâ, non corpus. 3. Sic vita est actio, datur actionis actio, constat enim quod sentire, moveri, nutrire sint actiones animæ. 4. Dicit Philosophus *lib. 9. Metaph.* vitam esse in animâ. Si igitur vita est actio, certè

actio erit in animâ. At verò actio est in patiente, uti in subjecto, in quò mutatur nomen & passio vocatur, uti accretio, motio. 5. Si vita est actio, tunc omnis operatio fuerit ab animâ. Atqui falsum est posterius. Ergò & prius. Minor patet, quia etiam ignis agit urendo, nectamen est animatus, *Exercit. 102. sect. 5.* Respondeo: Cardanus definit vitam in sensu accidentali, qui magis in vulgum notus est. Parum igitur valent allatæ contrà eum rationes. Nam: 1. Vita una eademque est quâ vivit anima, & quâ vivit compositum. Etenim anima & se & vitam suam communicat corpori, ut propter vitales actiones, quas corpus in se recipit, vivens dicatur. 2. Anima vivit essentialiter; corpus per efficacem participationem, quatenus intrâ illud quaquaversum permeat anima. 3. Philosophi dictum non obstat, qui loquitur de motu & nutritione, uti sunt effecta animæ vegetativæ in corpore organico. 4. Vita inest animæ, non uti accidens, sed uti modus substantialis, qui ab indistantis animæ contactu efficit. Anima per emanationem substantialem diffundit vitam, non verò aliundè acceptam recipit ad se. Ità enim passio esset. 5. Verum est, quod omnis operatio viventis sit ab animâ. Quod agit ignis, est à formâ ignis.

IV. *A quo proveniunt.*] Scaliger ipse definit: *Vita est unio anime cum corpore.* I. d. Quæ definitio citrà metonymiæ tropum salvari non potest. Neque enim vita unio est, sed ex unione provenit. Ratio est: Unio est tantum relatio quædam inter partes conjunctas, verè ait Jacobus Scegkii. *lib. 6. commentariorum Topicorum pag. 1049.*

Vita autem non est relatio, sed potius absolutus animæ in corpore suo actus. Oritur igitur ex unionem partium essentialium, quæ ad constituendum Totum concurrunt.

V. *Operationes.*] Fons & principium vitæ anima est, à quâ dimanat in corpus, & vitales operationes perficit, vegetando, nutriendo, augendo, procreando. Sunt equidem viventia, quæ tamen haud nutriuntur, uti Genii & Animæ separatæ, verum nunc agitur de vitâ Naturæ compositæ, quæ generationi & corruptioni obnoxia est. Tales sunt planta, brutum, homo. Quæ vitam vivunt, partim eandem, partim diversam. Nunc enim convenientias, nunc differentias notamus.

VI. *Vitales.*] Una atque eadem vita est, quâ vivit anima, & quâ vivit compositum, ut benè monet Taurellus *libro de vitâ & morte quest. 2. proposit. 1.* Frustrâ verò disserunt Rodolf. Goclenius *lib. 1. Institutionum Logicarum pag. 170. seq. & in adversariis ad Scaligerum quest. 68. & in prodromo Lexici Philosophici pag. 380.* Bartholomæus Keckermannus *lib. 2. Gymnastii Logici cap. 7.* Ioh. Combacchius *lib. 4. Institution. Physic. pag. 535. 536.* M. Wendelinus *lib. 1. Theologiæ Christ. pag. 325.* Henricus Altingius *in Locis Theologicis pag. 513.* quod vita animæ diversa sit à corporis vitâ, quodq; anima vitam suam non communicet quidem corpori, sed vitam aliam specie diversam in composito producat. Nos contrarium demonstramus hoc argumento; Assumens & communicans in uno subiecto arctissimè copulata non efficiunt diversas numero

operationes. Atqui corpus assumens & anima communicans in uno subiecto, videlicet corpore vivente, arctissimè copulata sunt. Ergò non efficiunt diversas numero operationes. *Rursum;* Ubi duplex vita est, ibi quoq; duplex vivens est. Atqui corpus animatū est unicum vivens. Ergò in illo non est vita duplex. *Denique;* Si anima ipsa nequaquam cum facultatibus suis, verum noviter productis & specie diversis effectis corpus vegetat, movet, regit, sanè erit forma assistens, & est contra unanimem Philosophorum consensum, uti prolixius disserit Jacobus Martinius *libro de communicatione proprii cap. 14.*

VII. Excipiunt Goclenius & Wendelinus: (1) Animæ vita permanet, sed corporis vita interit cum morte hominis, duplex igitur vita in composito est propter duplicem effectum istum. *Respondeo;* Negatur, quod vita corporis intereat cum morte hominis. Moritur homo, & corpus vegetari desinit non quia corporis illa conficta vita perit, sed quia unius in composito vitæ primum subiectum desinit influere, anima videlicet. Ità occidente Sole nō interit lux Solis, verum cū subiecto suo discedit ab oculis nostris, citrà ullum sui deminutū. (2) Est in corpore vivente vitalis operatio, est in eodē anima. Hæc est vita essentialis, illa accidentalis & compositi propria. *Respondeo;* Operationes quidē compositi propriæ, verum in sensu connotativo, ut non excludantur partes. Ità non tantum homo, verum etiā anima & corpus operari, vivere, sentire dicuntur. Conveniunt actiones istæ toti composito ratione existentia, animæ ratione essentiali, corpori ratione compositio-

cationis. Unde arguimus: Ubi sunt eadem operationes, ibi est idem principium operandi. Atqui in corpore & animâ sunt eadem operationes vitales. Ergo est idē quoq; principium vitæ. (3) Vita corporis est unio animæ. Atqui vita animæ non est vitam habentis unio. Ergo est vita duplex. *Respondeo*: Negatur antecedens. Vita corporis non est unio animæ, sed ex unione animæ, quæ intimâ permeatione actuât corpus, & vegetat omnia. (4) Vitæ subiectū nec anima est, nec corpus, sed q̄ ex animâ & corpore constat, nempe corpus animatum, cuius vita est non à solâ animâ, verum etiam à corpore, quam velut effectum corporis & animæ in se recipit corpus animatū, planta vel animal, ita ut nec suas proprietates anima corpori, nec corpus proprietates suas animæ communicet, quamvis proprietates utriusq; compositum totum sibi vendicet. *Respondeo*: Vitæ *utpote indivisibile* esse animam, contestatum est apud Philosophos, docente Aristotele *lib. 2. de anima cap. 2. text. 24.* Ostendunt rationes: Ejus est potentia, cujus est actus. Alius verò est animæ informantis. Ergo & potentia ejus est. *Item*: Anima facit corpus animatū, ut causa formalis. Ergo eodem modo idē facit vivens, Adeoq; non effectivè, sed formaliter, ita ut vitam suam anima communicet corpori. Ratio consequentiæ est: Vita animæ consistit in facultatibus, facultates verò non differunt realiter ab animæ substantiâ. Ut falsissimè neget Wendelinus, *vita subiectum esse animam*. Imò subiectū à quo vita omnis formaliter provenit, anima est, & hujus instrumentum conjunctum corpus est; compositum verò est subiectum vitæ ac-

cidentaliter dictæ, quatenus ab eo prodeunt actiones ob animæ & corporis unionem efficacem, quæ semper agit, nunquam otiosa.

VIII. *Ejus notentur affectio & oppositum. Affectio est ætas; Oppositum, est mors. Ætas est mensura numerata durationis vitæ. Estque crescens, constans, decrescens. Crescens est, qua vigor augetur usque.*] Hæc complectitur infantiam, pueritiam, adolescentiam. Infantia porrigit sese à primo ortu ad annum quartum, inde pueritia ad annum decimum sextum, porro adolescentia ad annum vigesimum sextum.

IX. *Constans est, qua vigor durat usq;.*] Hæc complectitur juventutem & virilitatem. Juventus porrigitur ad annum trigessimum, Virilitas inde extenditur ad annum quinquagesimum.

X. *Decrescens est, qua vigor minuitur usque.*] Hæc complectitur senectutem, quæ est viridis, gravis, decrepita. Et viridis quidē ad annum sexagesimum, gravis ad annum octuagesimum, decrepita ad vitæ finem. Ità docent Aulus Gellius *lib. 10. Noctium Atticarum cap. 28.* Macrobius *lib. 1. in somnium Scipionis cap. 6.* Cælius Rhodiginus *lib. 19. Lectionum Antiquarum cap. 22.* Conimbricenses *libro de Juventute & Senectute cap. 1. & 2.* Johan. Fernélius *lib. 3. Physiologia cap. 10.* Ubi notandum est, hosce ætatum terminos haud esse adeo exactos. Variant enim individua, & alia citius, alia tardius adolescunt, senescunt. Fœminarum quoque à viris diversa ratio est, quæ maturescunt citius.

XI. Decrepitam senectutem eleganter describit Ecclesiastis liber cap. XII. 1, 2. seqq. ad quæ verba prolixè annotant Caje-

Cajetanus in commentariis, & Franciscus Valleſius in *Philosophia ſacra* pag. 409. ſeqq. Nos adducemus noſtra: *Memento Creatoris tui diebus iuuentutis tuæ, tantisper dum non adueniunt dies mali, & appropinquant anni, de quibus dicas, non mihi placent.*] *Ætatis proſectæ, quæ ſui ipſius impatiens eſt. Noſtrum illud vivere triſte, ajunt ſenes apud Perſium Satyrâ 1. Antequam tenebraſcat Sol, & lumen, & Luna, & ſtella.*] Antequam aduerſitates compaſtis quali turmis irruant. Sol & Luna deficere illis dicuntur in ſacris, quibus omnia illa quæ aliàs hominibus gratiſſima ſunt, grata eſſe deſinunt. *Et revertuntur nubes poſt pluuiam.*] Ablato malo uno aliud in floribus ſit. Nubes poſt pluuiam eſt perpetua ſucceſſio incommodorum, eſtque non multum diſſimile, *Pſalm. 42. 8. De ſenio hoc veriſſimum. Iuuentus enim interponit ſuis interdum gaudia curis. Quando commouebuntur cuſtodes domus.*] Domus eſt corpus noſtrum. Senio hæc domus conuellitur, cutis corrugatur, laxantur nervi, nutant labantque manus & pedes. Itaque ſenem tremulum vocat Cornelius Gallus. *Et nutabunt viri fortiſſimi.*] Crura & tibiæ vacillabunt. *Et deficient molitrices, quia (vi ſuâ) diminuantur.*] Non poterunt dentes verſare cibum ore perceptum. *Et tenebraſcent videntes per fenéſtras.*] Oculi per modum fenéſtræ radios viſivos in ſe admittunt, & caligant in ſenectute, *Genef. 27. 1. 1. Samuel. 4. 15. Et claudentur oſtia in platea.*] Vix hiant & diducuntur labia. *Propter remiſſum ſonum ipſius mola.*] Vox ſenum exilis & ſtridula, quam compreſſis dentibus muſſitant verius, quàm articulatè proferunt. *Et ſurgens ad vocem*

avicula, & conticeſcent omnes filia carminis.] Senes inſomniâ laborant, & ad quemvis ſtrepitum minimum excitantur, *Ariſtoteles in problematis ſect. 3. quaſt. 33. Conticeſcunt, id eſt conticeſcere optat coram ſe filias carminis, melodiam luaves. Inſignis eſt de ſene Barſillai locus 2. Samuel. 19. 35. Etiam à (re) prominente timebunt, & quaſ fracta ſunt in via.*] Oſtendit crurum ſenilium debilitatem. Si in publicum prodeunt, metuunt ut etiam in feſtucas impingant, nedum in protuberantia. *Et ſpernet coitum.*] In ſenſibus refrigeſcit deſiderium Veneris, quæ vigore juvenili gaudet. *Et oneri erant lumbi.*] Suorum ipſius deſideriorum impatiens erit. *Et peribit appetitus.*] Cibique potus, quem aut ſatiſſimus ſenes, aut parcè percipimus. *Quoniam ibit homo in domum æternitatis ſuæ.*] Malorum coronis. Poſt animam redditam corpus inferitur ſepulchro, æterna domui, uti eſt in multis Inſcriptionibus. *Et circumibunt platea lugentes.*] Funeris deductionem cum lacrymis proſequentur cognati & amici ejus. *Antequam non prolongetur, (id eſt, contrahatur) funiculus argenteus.*] Itâ vocat ſpinam dorſi quæ in ſenſibus exſuccis marceſcit, unde cernui ſemper incedunt illi ſpectantque terram, in quâ propediem defodientur. *Et confringatur phiala aurea.*] Deficiat humidum radicale. *Et conteratur hydria ſuper fontem.*] Venæ atque arteriæ non benè contineant & promoveant ſanguinem à corde præparatum atque inſtillatum. *Et confringatur rota ſuper ciſternam.*] Reſpiratio, quæ inſtar circuli rotatur in corpore animali, ſuper pulmone coarctetur. *Hæc ibi.*

XII. Quæritur: *An post toleratam senectutem possit ætas juvenilis restitui?* Respondeo: Voluerunt conari aliquid tale veteres Magi, atq; exemplo sunt Bacchinutrices mulierculæ, apud *Æschylum*: Jason apud *Lycophronem*; deniq; Jasonis pater *Æson*, q; recenset *Ovidius lib. 7. Metamorphos.* Ut mirer, *Delrionem lib. 2. discipul. magicarū cap. 2. quest. 23.* *Villalpandum lib. 2. de Magia cap. 18. num. 1. 2. seqq.* *Casparū Scottum lib. 1. Physica curiosæ pag. 137. 138.* credere, quod Dæmon ope medicamentorū in naturæ thesauris absconditorum certè possit tabido senii restituere florem ætatis præteritæ. *Dicunt: (1)* Aquila renouatur, teste *Scripturâ, Psalm. 103. 5.* Si hoc naturæ possibile in bruto est, non erit Dæmoni impossibile in homine. *Respondeo:* Fabulæ sunt, quæ de Aquilâ rejuvenescente produntur, quanquam Auctores magnos habeant, *Aristotelem lib. 9. historie animalium cap. 32.* *Plinium lib. 10. historienatural. cap. 3.* & faveant eis *R. David Cimhi, Tremellius, Strigelius commentario ad Psalm. 103. pag. 462.* *Gesnerus commentariis ibidem pag. 712.* Hoc vult *David:* Renovabitur ut aquila juvenus tua, hoc est, Deus confortabit vires tuas, ut similis sis aquilæ juveni, quæ robusta & alacris est. Aquilæ juvenes multo alacriores sunt, quàm senes. Hic sensus est *Esaiæ 40. 31. (2)* Dæmones novenerunt vires naturæ, ad eò que calidum innatum possunt reficere ope herbarum, quæ in naturâ sunt, verum homini ignotæ sunt. *Respondeo:* Medicamenta quæcunq; non tam calido innato & ad debilitatem redacta addunt, quàm valetudini afflictæ & calidum innatum vegetum hætenus, e-

nervare volenti pro viribus suis, naturâ feliciter juvante, resistunt. Servant ab initio, quod adest, non verò illud restitunt, quod longa dies per naturæ vigorem absumpsit.

XIII. Ergò homo sensum vergit ad imbellicitatem, dum organa nutritionis debilitantur; atq; usu ipso deteruntur. Veteres & novi ostentatores Medicinæ universalis, inter alia effecta Lapidis Philosophici hoc quoq; commemorant, uti contrà omnes morbos & mortē ipsam homines præservet, uti conservet sanitatem, roborret virtutem & ex senæ faciat juvenem. *Arnoldus Villanovanus in Rosario cap. 31. Joh. Wolfgangus Dinheim libro de medicina universali cap. 1. 2. seqq.* Verum non est illis temerè credendū, quando proiciunt ampullas & sesquipedalia verba, cæterum ex sese nihil præstant, immortalitatem promittunt aliis, quam ipsi nec habent, nec habere curant, Naturæ deturpatores, fabularum artifices. Medicamenta resistunt morbis, sed dominante naturâ, non succumbente, uti in hominibus præ magno senio languidis, itaq; præstantissima sæpè & optime præparata remedia frustra dantur.

XIV. *Mors est defectus vitæ ex separatione animæ & corporis.*] Inter vitam & mortem datur oppositio privativa. Propria vitæ ratio est habitus, mortis verò privatio. Subiectum mortis est corpus vivens causa est animæ à corpore separatio. Postquam excessit anima, cadaver est, examine est, Frustrà macerant sese Interpretes quærendo formam, quæ cadaver faciat. Atqui cadaver est Ens aggregativum, quod per se atque ex se formam habuit, tunc cum erat corporis viventis

Na pars;

pars nunc non habet, cum vitales operationes non habet. Nulla in obitu forma acquiritur, sed corpus privatur formâ, cujus beneficio erat, & erat vivens. Formâ corporeitatis vel mixti defendunt Joh. Scotus *lib. 4. sentent. dist. 11. quest. 4.* Henricus Gandavensis in *quodlibeticis cap. 2. quest. 2. cap. 4. quest. 3. & 4.* Johan. Poncius Legionensis in *Cursu Philosophico libro de animâ Disputat. 1. quest. 3.* Wilhelmus Ursinus *part. 1. quest. Illustrium disput. 7. quest. 2. & part. 2. disputat. 11. dist. 7. seqq.* Johannes Combachius *lib. 4. Institut. Physicarum pag. 655. 656.* Et probare volunt: Corrupto vivente per discessum animæ à corpore, manet cadaver aliquamdiu in statu suo, quod citrà formæ alicujus influxum esse non potest. *Respondendo:* Cohæsiō ista est à residuo humidi insiti ignobiliore, quo perdurante, externa corporis figura durat: destructo, partes quæ hæctenus cohærebant, sensim dissolvuntur. Itaq; hanc formam corporeitatis meritò refellunt Antonius Ruviocommentariis *ad lib. 2. de anima pag. 121 seqq.* Bernhardus Morisani *commentariis ad libros Physicos Aristotelis pag. 304. seqq.* Conimbricenses *lib. 1. de generat. & corrupt. cap. 4. quest. 20.* Franc. Oviêdo in *Cursu Philosoph. Disputat. Phys. 3. sect. 1. & 2.*

XV. *Defectus vite.*] In homine discendente animâ à corpore, discedit unâ vita, sed non interit. In brutis & plantis simul aboletur & corporis & animæ vita.

XVI. *Separatione anime.*] Sola hominis forma est capax verè dictæ separationis, plantæ & bruta moriuntur, non propter separationem animæ & corporis, sed propter utriusque destructionem.

XVII. *Et corporis.*] Anima in corpore perfectiori modo vivit, quàm cum extrâ illud est. Edit enim actiones naturæ consentanias per instrumenta propria, quæ sunt in corpore quaquaversum. Credebant Phœnices, Ægyptii, & veteres Græci, quod Deus ante mundum sensibilem existisset, eumque ad certum temporis initium è præjacente aliquâ materiâ produxisset. Ne verò Deum in æternitate otiosum ponerent, docebant, multis ante mundum sensibilem seculis apud Deum existisse mundū intellectualem, *Genios & Mentis.* Ac *Mentes* demum arroganter agentes seq; Deo æquate volentes, ejectas cœlo, utq; pœnas superbiæ darent, corpora quædam fragilia ope Geniorum effecta esse, in quæ velut carcerem detruderentur & ingrata sæpius paterentur, *Geniis* deinceps additis velut Censoribus atq; ex actoribus eorum, quæ gerebantur. Et cum certus esset animarum numerus, qui nec ageretur nec minueretur, incertus verò & indefinitus esset corporum pro continuandâ in sublunariis generatione successus, inde esse ut anima una sæpius extrâ ordinem veniat in plura corpora exacto animarum circulo, nonnunquâ etiam in corpora brutorum compellantur aliquæ, si brutorum istorum mores in hominis composiro imitatur fuissent. Refert ista Stephanus Theopolus *lib. 4. Contemplat. Academic. cap. 12. 13.*

XVIII. Hæc apud Chaldaeos & Syros didicerunt Pherecydes, Parmenides, Theopompus, apud Ægyptios & Indos eadem hauserunt Orpheus, Leucippus, Democritus, Socrates, Plato, sed tamen Aristoteli exactissimi iudicii viro persua-

dere non potuerunt, qui in homine assistentem potius quàm informantem formam, ut maximi Interpretes Themistius & Auerrhoës ejus Intellectum agentem, exponunt, statuendo, eliminavit τὰς τῶν ψυχῶν μετακλίσεις ab Empedocle, Pythagorâ, Platone assertas. Colligamus testimonia. De Pherecyde est apud Platonem in *Menone*, & discipulus ejus fuit Parmenides, quem valdè senem compellavit Plato. Ad Orpheum pertinent illa Horatii:

*Namjam residunt cruribus aspera
Pelles, & album mutor in alitem
Supernè, nascunturque leves
Per digitos humerosque pluma,*

lib. 2. Carm. 20. Namque Orpheum ab obitu suo in olorem mutatum fuisse, Plato quoque scribit, lib. 10. de *Legibus*. De Empedocle videris Tertullianum lib. 1. de *anima*, & Sextum Empiricum in *disceptationibus Academicis* pag. 331. De Pythagorâ commemorant Cicero lib. 1. *Tusculanar.* Laërtius in *vitis Philosophorum* lib. 8. Plutarchus lib. 5. de *placitis Philosophorum* cap. 20. Philostratus lib. 8. de *vita Apollonii*, Aulus Gellius, lib. 4. cap. 11. Maximus Tyrius *serm.* 28. Eundem multis inducit Ovidius:

Morte carent anima, semperque priore reliqua

Sede, novis donibus vivunt, habitantque recepta.

Ipsè ego (nam memini) Trojani tempore belli

Pantheides Euphorbus eram,

lib. 15. *Metamorphos.* Et Horatius de illo ipso:

Habentque Tartara Panthoiden iterum Orco

Demissum,

lib. 1. Carm. 28. undè interpretètis illud ejusdem:

Nec te Pythagora fallant arcana renati,
lib. 5. Carm. 15. *Dixit renati,* ad notandum ejus de *παραγενεσις* dogma.

XIX. Platonem ipsum consule in *Menone*, *Phaedone*, *Gorgia*. Adde quæ de illo in litteras retulerunt Pindarus in *Olympiis Cant.* 2. Diogenes Laërtius in *vitis*, Lucianus in *Gallo*, Plutarchus libro de *ratione brutorum*, Prophyrius Malchus libro de *abstinentia*, Scholiastes ad Apollonii *Argonautica*. Ut vellent in corpora redire, oportebat animas separatas Lethæo poculo externari, & priorum gestorum oblivionem conciliari, Anchises docet hoc Ænéam:

Anima quibus altera fato

Corpora debentur, Lethæi ad fluminis undam

Securos latices & longa oblivia potant.

Et paulò post ità pergit:

*Has omnes, ubi mille rotæ volvere per annos,
Lethaum ad fluvium Deus evocat agmine magno.*

Scilicet immemores supera ut convexa revisant:

Rursus & incipiant in corpora velle reverti,
Virgilius lib. 6. *Aneid.* & vide ibi Servium in *commentario*. Deus evocat, nimirum Mercurius ὁ ψυχοπόμπος, quod interpretatur Horatius lib. 1. Carm. 10. Nec aliter Stoici, & sunt verba Seneca: Mors interruptit vitâ, non eripit, veniet dies qui nos in lucē reponet, *Epist.* 36. Nèpè per *μεταψύχασιν* animas in hoc secu-

lum reverſuras proſitetur. Qui τῶν ἀποστόλων αἰνέσεις in verbis illis quærunt, multum aberrant.

XX. Occaſione Græcæ literaturæ ſub tempora Haſamonæorum irteperſerunt iſta opinionum monſtra in Scholas Hebræorum, & quemadmodum Saducæi ab Epicuræis petiverunt animarum interitum, ita Pharifæi à Platoniciſ & Stoicis acceperunt animarum circulationem, Joſephus lib. 18. *Antiquitatum* cap. 2. & lib. 2. *de bello* Judæico cap. 7. Portentum dogmatis inter Cabaliſtarum ſecreta deinceps retulerunt Autores libri *Zoar*, Rabbi Maimonides in *More Nevochim*, Rabbi Saadias Gahon in *ספר אמונות* orat. 7. Don Abravaniel, Iſaac de Loriâ, Rabbiniſ Menaffeſ Ben Iſraël *Conſiliatore ad Geſenim quaſt.* 42. lib. 2. *de Reſurrect. mortuorum* cap. 18. lib. 4. *de animâ* cap. 6. Retinuit, ut multa alia, palmariuſ in Placitatorum ſcholâ impoſitor Corneliuſ Agrippa lib. 3. *de occulta Philoſophia* cap. 41. Dicunt itaque Judæi, animam Adami per גילגול veniſſe in Davidem, porro venturum eſſe in Meſſiam, qui adhuc propter peccata Judæorum lateat, venturus ad Calendas Græcas, Rabbi Johanan in *מכילתא דר' יוחנן* fol. 37.

XXI. Veteres novique Indi, Brachmanes, Hoxiones, Truſci, Bonzii in Sinarum, Japoniæ, Cambajæ & Malabaræ gentibus eadem docent, Petruſ Maffeiſ lib. 16. *hiſtor. Indica*, Hugo Linſchoten *part. 1. navigat. Oriental.* cap. 38. Euſebiuſ Nirbergiuſ lib. 4. *hiſtor. natur.* cap. 4. Abrahamuſ Rogeriuſ *de ritibus Brachmanum* lib. 1. cap. 18. lib. 2. cap. 7. & 21. Petruſ Jarriciuſ *Tomo 2. Rerum Indicarum* pag. 663.

Horatiuſ Turſellinuſ lib. 4. *de viſa Xaverii* cap. 13. Theophiluſ Spizeliuſ *libro de re literaria Sinenſium ſect.* 13. De μετεμψύχωſιſ debet illud etiam capi, quod Arioviſtuſ & Germani apud Appianum *libro de bellis Gallicis* dicuntur eſſe, θανάτου κατὰ φρονίαν ἢ ἐλπίδα ἀναβιώſεωſ. De iſdem Pomponiuſ Melalib. 3. cap. 2. *Unum ex iſis qua præcipiunt, in vulguſ effluit, videlicet ut ſerent ad bella meliores, æternas eſſe animas, vitæque alteram ad Manes.* Vix n. hæc de reſurrectione mortuorum, quomoduſ ex ſacris docetur, capere liceat, quamviſ huc animi inclinet Joach. Vadianuſ *notatiſ ad Melampag.* 157. Druidaſ verò Gallorum magiſtroſe juſſe cum Bardis Celtarū & Germanorū ſenſuſ, animarum volutionē docuiſſe, referunt Diodoruſ Siculuſ lib. 5. *hiſtor.* Juliuſ Cæſar lib. 6. *de bello Gallico.* Nec non Lucanuſ:

Vobis authoribuſ umbra

Non tacitaſ Erebiſ ſedes, Diſiſque profunduſ
Pallida regna petunt, regit idem ſpirituſ
artuſ

Orbe alio,

lib. 6. Pharſaliæ. De Bardis & Druidiſ animæ recidivatuſ docentibuſ loquitur.

XXII. Rabbiniſ Menaffeſ ex ſacriſ probare conatur, itaque adfert locuſ Jobi XXXIII. 29. quem & Maimonideſ citat, itemq; Chaldæuſ Interpretẽ, qui ad Eſaiæ XXI. 14. meminit de מות חנינה morte ſecunda. Verum Jobi locuſ inſpectuſ ultro ſeſe vindicat à fædo gloſſemate. Onkeloſ ita vocat æternam impiorum mortẽ, quæ eſt animæ, & ſecunda dicitur, quia prior in terris defectuſ gratiæ adfert, poſterior gloriæ carentiam addit. Loca paria habet *Apocal.* 2. 11. cap. 20. 1. 14. cap. 21. 8. Noſ opponimuſ: Cū

una tantum sit anima informans corpus, eaque in duo vel tria corpora immigret, in quod istorum revertetur die resurrectionis, quoniam anima una in corporibus tribus non potest simul esse?

XXIII. Regerit Menasseh: *Corporais istorum hominum, qui nihil boni egerunt, non poterunt Resurrectionis bono, postremum verò corpus, quod eadem anima informavit, resurget, quia fructus bonos protulit. Verum secum ipse pugnat. Ait, non resurrecturum corpus, quod nihil boni egit. Ità accedit illis, qui impios non resurrecturos putant, neque enim sola anima est homo, sed corpus & anima junctim faciunt hominem. Atqui idem Rabbinus ait, impios fore compotes resurrectionis, ut puniantur, lib. 2. de Resurrect. mortuor. pag. 177. Hoc primum est. Deinde: Eadem anima sæpius informat tria corpora bona, quomodo anima Adami fuit deinde in Davide, eritque aliquandò in Messiâ, uti narrat R. Menasseh l. d. pag. 253. Queritur de vero possessore. Si retinet Messias animam illam, non habebit eam Adamus, non etiam, David? Attamen David, Adamus, Messias primò à resurrectione universali dominatores in Orbem reparato celebrantur, Rabbinus Alphe in libro compendiario *לפניו* pag. 98. Quod tres personæ unam numero animam habituræ sint, impossibile est.*

XXIV. Estque naturalis & violenta. Naturalis est, quæ accidit propter defectum calidi insiti.] Dicitur ità, non quod sit de naturæ instituta principio, sed quod sit de naturæ destituta imperio, & immu-

tabili lege consequatur naturam corruptam, Primum hominem condidit Deus immortalem, ipse prævaricator factus mortis reum fecit sese, & ad posteros omnes propagavit mortem, uti contra Socinum demonstravimus Libro de operibus Creationis Exercitat. XXXI. sect. I. seqq.

XXV. Propter defectum calidi insiti.] Consistit vita in mansione calidi, non quidem formaliter, sed materialiter. Calidum illud depascit humidi florem, pabulum suum, & quantum restauratur per alimenta, non est ita bonæ notæ, unde tota viventium vita nihil est aliud quàm iter ad mortem, ut nec repente, nec absque nunciis mors veniat. Quotidiè morimur, quotidie etiam demitur aliqua pars vitæ, & tunc quoque cum statur à crescimus, vita decrescit, rectè ait Seneca. Accedunt causæ externæ, labor curæ, vigiliæ, crapulæ, morbi, quibus humidum insitum affligitur. Hunc in ipso vitæ aditu mors necat, illum in medio cursu, alium in extremâ senectute lassum atque exire cupientem.

XXVI. Violenta est, quæ accidit propter defectum spiritus insipientis.] Ab externæ causæ impetu. Et multis modis quidem, suffocatione, merfione, ustione, casu, punctum, fame, siti, veneno.

nos (o) so


CAPVT QVINTVM,

Diatriba singularis de Calido innato.

SUMMARI A.

1. Definitio calidi innati.
2. Calidum innatum est substantia.
3. Substantia corporia.
4. Calidum & humidum.
5. Calidum Elementare.
6. Calidum est cœleste.
7. Radii solares.
8. Medicamenta calida.
9. Accidentia duo in subiecto uno.
10. Vivenitium ortus & interitus.
11. Cœlum purissimum.
12. Instrumētum animæ.
13. Calidum in viventibus.
14. Calidum in Plantis.
15. Calidum influens.
16. Calidum absumitur.
17. Moriendi necessitas.

1. **C**alidum innatum est, substantia purissima calido atque humido cœlesti constans, qua partes omnes corporis viventis permeando fovet ac vegetat.] Spiritus insitus vocatur apud Hippocratem, Galenum, Aristotelem, Scaligerum Exercitat. 280. In animalibus obtinuit nomen Spiritus vitalis, cujus defectus imprimis conspicitur in animi deliquiis. Hoc illud calidum est, quod semina efficit fecunda, eaque disponit, format, ordinat; hoc alimentum attrahit, alterat, apponit, inque substantiam convertit; hoc ex alimentis attractis & alteratis figuram &

quantitatem membrorum efformat. Uti causa instrumentalis, non verò principalis. Anima enim mediante hoc instrumento nobilissimo nobilissimas actiones istas perficit. Hoc illud corporis atque animæ vinculum, hoc illud primum vitæ conservandæ instrumentum, est. Variatque pro specierum varietate, unde sunt operationum varietates, aliterque colocynthis, aliter rhabarbarum, aliter absinthium, aliter ruta, aliter salvia, aliter infinita alia operantur.

II. *Substantia.*] Calidum innatum non est accidens, verum substantia, cui nunc plus, nunc minus caloris adjungitur, uti latius declarat Valerius Martini lib. 1. de cœritudine Medicina cap. 31. Plus in leone, homine, cane, aquilâ, fago, quercu, junipero, & aliis. Minus in piscibus, ranis, cicutâ, papavere, muribus, aviculis, salno, salice, rosâ, tribulis. Quò uberius tale calidum alteri inest, eò felicius etiam operationes ejus expediri videmus. Pueri & juvenes in actionibus vitalibus vincunt senes; arbores vetustæ minus fecunditatis habent quàm juniores; plantæ vetustatis cariem sentiendo vel nullum vel exiguum in Medicinâ usum habent. Calor dicitur nunc abstractivè, nunc concretivè. Calor abstractivè dictus qualitas est, concretivè non intelligitur sola qualitas, sed calidam innatum, id est, calor cum substantiâ quæ calida esse denominatur. Quia verò in corpore vegetabili non facilè datur alia substantia, quæ sit congrua primigenio calori, quàm Spiritus insitus dicendū omninò fuerit, quod Spiritus insitus & calor nativus invicem permeent atque indistanter coeant.

III. *Purissima.*] Est igitur substantia corporia, quæ complectitur duo velut corpora, quorum unū absūmit & olei instar sese habet, alterum absūmit & flammæ instar est. Illud humidum radicale, hoc calidum in specie, utrumque Spiritus ob puritatem eximiam vocatur. Cumque Elementaris naturæ haud fiet, etiam per se & directè ab Elementaribus qualitatibus nihil patitur, saluumque ac incolume in seminibus, radicibus plantis inter frigora maxima perdurat. Ab uno veneno petitur atque patitur, modoque occulto mirâ celeritate perimitur, exstinguitur.

IV. *Calido & humido.*] Calidum & humidum potiores denominationem faciunt, quia potiores operationes exercent. Alioquin etiam peculiare siccum & frigidum implicatur pro formando Temperamento, quanquam istæ qualitates nō adeò evidentè agant, Valerius Martini l. d. cap. 34. Scaliger *commentariis ad lib. 2. de plantis pag. 302.* Franciscus Vallesius lib. 5. *Controvers. Medic. cap. 11.*

V. *Cælesti.*] Humidum nativum non est aquosum Elementare, sicut nec calidum nativum est igneum Elementare, sed specie differunt. Ità docent Johan. Fernelius lib. 2. *de abditis rerum causis cap. 7. & 8. & lib. 4. Physiologia Medica cap. 1. 2. seqq.* Julius Scaliger *Exercit. 101. sect. 18.* Daniel Sennettus lib. 1. *Institut. Medicar. cap. 5.* Stephanus Theupolus lib. 3. *Contemplat. Academic. cap. 11.* Barthol. Keckermannus lib. 3. *Systemat. Physici cap. 10.* Lamb. Danaus part. 2. *Phys. Christ. tract. 1. cap. 12.* Johan. Heurnius lib. 3. *Institut. Medicarum cap. 1.*

Joachimus Burserus lib. 3. *Institut. Physic. cap. 6.* Rationes sunt: (1) Quales sunt operationes, talis etiam est substantia ipsa. Atqui caloris vitalis operationes sunt specie diversæ ab operationibus caloris Elementaris. Ergo ipsæ substantiæ etiam differunt specie. Minor constat, quoniam Calidum innatum herbarum per occultas qualitates multa operatur, uti vel ex Medicinâ solâ patet, quæ nullo modo ex Elementis omnibus educerentur. Nec enim Elementorum virtutes & qualiscunque harum temperatio poterunt efficere, ut opium conciliet somnum, ruta depellat venenum, rhabarbarum purget, fœniculum acuat oculos, & ne quidem ut musca fiat. (2) Qualis est efficiens principalis, tale etiam est instrumentum ejus. Atqui efficiens principalis, videlicet anima, est cœlestis nature, quatenus haud constat ex Elementis. Ergo & instrumentum ejus, calor vitalis, est naturæ cœlestis, quæ per differentiam specificam ab Elementis dissidet. Instrumentū verò animæ est, quo utitur in perficiendis operationibus, tam illis quæ ad corporis dispositionē viventisq; progenerationē ordinantur, quàm istis, quæ in vivente jâ perfectō conspiciuntur. Quia enim semen naturâ suâ prorsus rude & indispositū est, dispositionē equidē accipit ab animâ, quæ est domicilii sui architecta, sed concurrente virtute instrumentali Spiritus insiti. *Semen quod non habet istum spiritum, vel eum amisit, ad generationem est ineptum*, uti notat Aristoteles lib. 1. *de generat. animal. cap. 6.* In vivente verò jâ perfectō vitæ sedes in Spiritu insito est,

& quia vitam omnes operationes consequuntur, ab hoc Spiritu insito derivari manifestum est.

V I. Negant hoc, & quod calor insitus non differat specie à calore Elementari, contendunt Jacob. Zabarella *libro de Calore cœlesti cap. 11.* Conimbricenses *libro de vitâ & morte cap. 5.* Jacob. Martini *Exercitat. nobili 7. de Animâ theor. 1. num. 9. 10. 11.* Otto Casmannus *part. 2. Psychologia humana pag. 87. seq.* Bruno Seidelius *libro de corpore & animâ pag. 281. seqq.* Albert. Kyperus *lib. 6. Institut. Physic. pag. 180. seqq. & lib. 1. Anthropologiae cap. 4. dist. 1. seqq.* Gilbertus Jacchæus *lib. 6. Institutionum Physic. cap. 3. & in Institutionibus Medicis lib. 1. cap. 4.* Gregorius Horstius *lib. 2. de Naturâ hominis Exercit. 4. quæst. 4.* Fortunius Licetus *lib. 1. de ortu animæ cap. 12.* Guilhelmus Harvæus *libro de generat. animalium ex ovo Exercitat. 70.* Valerius Martini *lib. 1. de certitudine Medicinæ cap. 19. seqq.* Vopiscus Fortunatus Plempius *lib. 2. Institutionum Medicarum pag. 78. seqq.* Archangelus Mercenarius *Tomo 2. dilucidationum Peripatetic. pag. 720. seqq.* Cæsar Cremoninus *libro de calido innato cap. 4. 5. 6. 7.* Herman. Conringius *libro de calido innato cap. 4. 5.* Duncanus Liddelius *lib. 2. artis Medicæ cap. 5.* Godefredus Moëbius *lib. 1. Institutionum Medicarum cap. 5.* M. Fridericus Wendelinus *part. 1. Contemplationum Physicarum sect. 1. cap. 10. dist. 6.* Wilhelmus Chabronus *in Cursu Philosophico Tomo 3. pag. 264. seqq.* Caspar Bartholinus *lib. 3. Institut. Physic. cap. 31.* Argumentantur primo: Cœlestis calor auget, conservat, accendit, imò etiam destruit calorem

Elementarem, uti paret in febris, atqui hoc non fieret, nisi ejusdem naturæ essent. *Respondeo:* Negatur consequentia. Sunt enim conjuncta in eodem subjecto, itaque calor unus ab altero patitur. Atqui illo non obstante differunt specie, quomodo anima ipsa differt specie à corpore, sed tamen corpori juncta sustinet multa, multa patitur, si non essentis sue ratione, at saltem pro actionibus suis, ad quas perficiendas opus habet corporis auxilio. Postquam enim instrumenta vitata sunt, efficientes principales non possunt benè operari.

V II. *Secundò:* Radii solares in vitro collecti ignem producant. Quicquid verò aliquid producit, illud producit sibi simile, non etiam aliud specie diversum. *Respondeo:* Consequentis ratio est nulla. Et Solis radii concurrunt solum instrumentaliter ad incendium illud, proxima verò efficiens est ignis ipse, qui per aërem sparsus est, atque hac occasione in locum unum collectus incendit res combustiles.

V III. *Tertiò:* Medicamenta igneo calore in se prædita foveant in nobis calorem vitalem. *Respondeo:* Etiam anima fovet corpus, ac vicissim à corpore sustentatur, dum actiones ejus in corpore conservantur. Neque hæc tamen efficiunt, ut non differant specie. Scilicet quæ invicem arctè uniuntur, eadem ipsa proprietates atque operationes suas communicant. Quin verò invertimus argumentum: Ubi non est mutua actionum & passionum receptio, ibi est differentia specifica. Atqui inter calidum innatum & calorem Elementarem

rem non est mutua actionum & passionum receptio. Ergò inter calidum innatum & calorem Elementarem est differentia specifica. Major constat: Actiones & passionem testantur de habitu dine subiecti, unde quales sunt istæ, tale etiam hoc fuerit. Sic cælum esse statuitur *εἰς αὐτὸν περὶ* dicente Aristotele *lib. 1. de Cælo cap. 9. & lib. 1. de Meteoris cap. 2.* quia nihil patitur ab Elementis. Minor probatur: Plurimæ sunt herbæ, plurima animantia frigidissimo temperamento prædita, in quibus calor vitalis ab Elementari frigore neutiquam eliditur, sed perstat integrum, suasque operationes citrà ullum impedimentum exercet, videlicet buxus, taxus, abies, cochlearia, nasturtium, aconitum, ruta, vinca peruinca, helleborus, papaver, mandragora, quæ inter frigora acerrima videntur, videnturque, alimentum attrahendo, coquendo, alendo, augendo, fecunda semina generando. Atqui omnia ista sunt Caloris opera, & quandò plantæ ejusmodi temperamentum frigidum obtineant respectu Caloris Elementaris, alium adhuc & nobiliorem quidem subesse calorem, necesse est. Neque minus arborum plantarum corpora, semina, radices tempore hyberno inter circumstantis undique frigoris impetum vires suas integras conservant.

IX. *Quartò*: Datur in viventibus calor Elementaris, & verò si præter hunc eis inesset alius calor vitalis, origine cælestis, certè in uno subiecto essent duo accidentia ejusdè speciei, distincta numero, quod non potest fieri. *Respondeo*: Non negatur, quod in viventibus inest calor Elementaris,

siquidem hoc testantur operationes, attamen negatur, quod duo isti calores sunt ejusdè speciei. Negatur quoque esse calor utrumque in eodem subiecto. Sanè diversa omninò subiecta adsunt, ut calor Elementaris insit igni, calor vitalis insit Spiritui insito, cælestis naturæ, adeòque dicente Aristotele, *περὶ μακρόλογον ἡσαν ἡ δὲ ἀσχυρὰ στοιχείῃ*, lib. 2. de generat. animal. cap. 3. In quo loco obscurando frustra desudat Cæsar Cremoninus *libro de calido innato cap. 8. 9.* Interim quandò miscentur subiecta, & in unum componuntur, nihil impedit, quod etiā duo calores isti uniuntur.

X. *Quintò*: Quodcunque est cælestis originis, illud conservat subiectum, ne unquam corrumpatur. Atqui viventia oriuntur & moriuntur, incipiunt esse atque occidunt. Ergò non habent calidum innatum, quod est originis cælestis. *Respondeo*: Major est vera tantum de corporibus simplicibus, adeòque viventia, quatenus non sunt purè cælestis status, mixta verò sunt cum Elementis, non est mirum, quandò perpetua non sunt. Resolvitur calidum innatum in atomos, atque sensum absorbitur, quatenus materiam est; insuper bonitate primæ vā spoliatur, quatenus haud licuit Adami posteris maledictioni obnoxii comedere de fructu arboris vitæ, atque in multos annos vitam suis calamitatibus onerosam producere, *Genes. 3. 22. 23.*

XI. *Sextò*: Cælum est purissimum & separatam à naturis inferioribus essentiā habet. Ergò non potest cum naturis inferioribus misceri. *Respondeo*: Dicitur sic analogicè, non verò identicè, quomodo anima ipsa cælestis originis esse dicitur, quia non est cōflata ex Elementis. Uti rerū

formæ specificæ à primâ creatione otiginem suâ habent, & hinc progagantur, ita etiâ Spiritus insitus, non descendit à cœlo, sed in semine producitur & traducitur.

XII. *Partes omnes.*] Nimirum ut oleum quoddam, & quod statim præsens in semine adest, ab animâ regitur, ut toto corpore extensum illud afficiat vegetumque reddat. Nam & ejus beneficio anima efficaciter corpore suo copulatur, & quia animæ instrumentum est, quo vitales actiones perficit, non fuerit in certo membro sedes ejus, sed per corpus universum dispersû est, ita ut corpustotum pro subiecto adæquato possideat. Itâ rectè differit Valerius Martini. l. d. cap. 35. 36.

XIII. *Corporis viventis.*] Calidum innatum viventibus proprium est. Equidem mixtis omnibus inest suus calor et humor quod metallorum destillationes in furnis Chymicorum demonstrant, sed tamen viventia requirunt præstantius calidû ob præstantiores actiones, quas ex se edunt.

XIV. Quæritur: *An plantæ habeant calidum innatum?* Respondeo: Affirmat Aristoteles lib. 2. de partib. animal. cap. 3. & 7. lib. 2. de animâ text. 50. Et rectè: (1) Quia plantæ eodem prorsus modo, uti animalia, propria virtute ab initio conceptionis suæ accipiunt incrementum, & concoquant alimentum. Ergo etiam calido innato præditæ sunt. (2) Quia semina plantarum & plantæ ipsæ à destillationibus in furno, ex se profundunt oleum multis modis nobilissimum odore, calore, virtute agendi. Atqui iste liquor est à calido innato. (3) Quia plantæ multæ vim caloris insitam produnt tactu, uti piper, urticæ, zingiber, cariophylla, taba-

cum, opium. Negativam defendit Thomas Fienus in *Apologiâ ad Sanctæcrucium* pag. 99. ubi adfert rationes: (1) Calor est qualitas tactilis. Atqui in plantis non sentitur calor. Ergo non inest in eis calor. *Respondeo*: Negatur minor. Quis neget urticam tactu, piper gustu, moschum & tabacum odoratu deprehendi calida, & calorem insitum quovis modo in sensus nostros insinuare? Quod inest cæteris, arte elicitur, ut gustus illud percipiat, utque vires agendi prodant ea quæ latebant hætenus. (2) Si plantæ haberent calidum innatum, omnino plantæ virides præ aridis essent calidæ. Atqui posterius falsum est, uti docet experientia. Ergo & prius. *Respondeo*: Negatur consequentia Majoris. Si enim quædam aridæ herbæ magis calent quàm virides, causa est, quod Elementare humidû & frigidû, hætenus in plantis virentibus oportune validum, sublatum est, & calido innato, quod peritacius multò inest plantis à radice revulsis, non obest amplius, ut agat secundum omnes vires suas. (3) Si plantis inesset calidum nativû, periret illud à frigore hyberno. Atqui falsum est posterius, ut docetur inde quia verno tempore efflorescunt. Ergo nec prius. Antecedens constat: Calor & frigus sunt qualitates contrariæ, quæ se mutuò destruunt, & causa nulla est, quare nō calor iste in plantis totâ hyeme frigori expositis corrumpatur? Certè frigus Elementare destruit calorem innatû Insectorum, atque interficit illa, non minus interficiet plantas, si haberent secum calorem. Verosimile potius est, quod plantæ habeant vitâ aliquam nobis incognitam, & à Sole dependentem. *Respondeo*: Ne.

Negatur connexio maioris. Non patitur calidū innatū à frigore Elementari, cum viribus æquis res agitur, & causa est, quia non sunt ejusdē generis. Calidum innatū densæ plantarū medullæ inhæret, ac proinde non ita faciliè affliguntur, uti insecta, quæ citò oriuntur, citò occidunt. Pariter uti herbæ & gramina breviorē vitā habent, quia calidū innatū minus benè compactum in se habent, quod facilius à frigore ambiente expugnari potest.

XV. *Permeando fovet.*] Aliud est calidū innatū, aliud influens. Illud est, quod cum primo ortu inest corpori viventi ejusque omnibus partibus, hoc est quod cum vivētis duratione per cordis vires novum subindē gignitur, atq; inde in omnia mēbra copiosè effunditur. Et proinde calidū innatū restauratur per influēs, quod progeneratur ab alimentorū benigniore succo. Estq; cœlestis naturæ. Non enim hic instaurare posset istū calorē, si Elementaris naturæ esset. Similē amat similē, & à simili reficitur. Et ob id vivētia sola nutriunt, non mineralia, non Elementa. Et ob idē subtracto pabulo plantæ, bruta, homines tabescunt atque intereunt.

XVI. *Ac vegetat.*] Nimirum, quia calidum insitū est corporis naturæ, idē sensum atteritur & absimitur. Proinde ne prorsū destruaturs ante destinātū temporis eventū, subsidio indiget, à quo partes decissæ restaurentur, & vitales operationes promoveantur. Hæc restauratio provenit ab influente Spiritu, qui cum insito propter naturæ cognitionē faciliè unitur. Estq; purissima sanguinis medulla, qui ob id esse dicitur vitæ animalis fomentū, *Genes. 9. 4. Levit. 17. 10. 11. Denter. 12. 23.* Hæc

verò instauratio per spiritum influentem conjuncta est cum quadam diminutione. Uti enim vinum & oleum affusā aquā debiliora tandemq; ipsa ferè aqua evadunt, ita etiam calidum innatū sensim diminutum per novi humidū, sed peioris appositionē seipso indies efficitur deterius, donec tandem ejus nihil residuū fuerit. Spiritus enim influens qui instaurat, tametsi insitum conservat, non tamē materia addita est ejusdē bonitatis, & Spiritus insitus paulatim deminuit, demū prorsus exhauritur, mortēq; inducit viventi naturalem.

XVII. Hinc illa labe & clades fatalis: hinc viventi omni imposita est moriendi necessitas, quomodo deficiente oleo, pabulo suo, exstinguitur flamma & esse desinit, ait Matthias Flacius *lib. 4. de vitā & morte cap. 1.* Cæterum erat hoc calidum innatum multo præstantius in homine primævo, eiq; remedium commodum addiderat Deus, arborem vitæ, de cujus fructu homo carperet atq; ederet, vitamq; sine morte ac morbis traduceret in terris, per secula multa, *Genes. 3. 22.* Sed per lapsum bonitati ejus decessit multum, & à diluvio terræ vires afflictæ unā terræ nascentibus detraxerunt, atq; ita vita hominis sensim ad paucos annos redacta est.

CAPVT SEXTVM

Diatriba singularis de Termino vitæ.

SUMMARI A.

1. Reformatorem sententia.
2. Maccovius refellitur.
3. Sodæorum interitus.

4. *Lothus & familia ejus.*
5. *Instantia Sculreti.*
6. *Solvuntur objectiones.*
7. *Providentia divina.*
8. *Præscientia Dei.*
9. *Instantia Maccovij.*
10. *Capilli numerati.*
11. *Rex Ezechias.*
12. *Prædictiones in sacris.*
13. *Populorum interitus.*
14. *Diluvium universale.*
15. *Determinati hominum dies.*
16. *Mensura dierum.*
17. *Fortuitum in humanis.*
18. *Exempla mortu.*
19. *Obitus Petri.*

I. Gravissima lis intercedit nobis cum Scholæ Reformatæ Doctoribus, qui seriò contendunt, prænotionem Dei certo & immutabili decreto ità versari circà vitam & mortem hominum omnium, ut terminum vitæ mortisque genus cuius absolūtè destinaverit quem nec superare, nec declinare possit, Johan. Calvinus lib. 1. *Instit. Relig. Christ.* cap. 16. *dist.* 9. Samuel Mareſius in *Systemate Theologico Disput.* 4. *dist.* 27. Henr. Altingius in *Theologia problemat. sect.* 6. *quest.* 6. Abraham Scultetus *præfat. ad Postillam Germanicam.* Joh. Maccovius in *Theologia Polemicâ cap.* 11. *quest.* 4. Gisebertus Voëtius, Ludovicus Renesse, Johan. Westerbürgius, Johan. Polyander *Opusculis de ærmino vitæ*, Nicol. Vedelius in *Collegio Theologico Disput.* 17. *dist.* 7. Andreas Rivetus in *Catholico Orthodoxo Tract.* 4. *quest.* 6. *sect.* 4. 5. 6. Nos verò negamus, quod Dei aliquod decretum de hominis morte ab-

solutum adeò sit, & veritatem defendim^{us} rationibus istis: (1) Quia Deus in respectu ad pietatem promisit hominibus vitam bonam & diuturnam, *Exod.* 20. 12. 13. *cap.* 23. 25. 26. *Deuter.* 4. 40. *cap.* 5. 16. 33. *cap.* 8. 1. *cap.* 11. 8. Ergò illis non præfinivit terminum vitæ absolūtè. Nam quod est respectivū & certam conditionem includit, hoc non est absolutum. Rursus: Impiis comminatus est vitā breviorē sub respectu improbitatis & malitiæ ipsorū, *Numer.* 16. 31. *cap.* 14. 36. *Deuter.* 9. 4. 5. *cap.* 20. 17. 18. 1. *Samuel.* 2. 25. Ergò illis non præfixit vitæ terminū simpliciter. Etenim semper & ubiq; implicatur actus causarū secundarū, ut quomodò illæ operantur, aut prorogetur aut anticipetur vitæ terminus. Et pænæ instar censetur esse, cū brevi tempore moriuntur illi qui male agunt, cum nō producunt ad dimidiū dies suos, *Iobi* 17. 32. *Proverb.* 10. 27. *Psal.* 55. 24.

II. Dicit Maccovius: Aliud est, ante diem præfixum à Deo mori, aliud est, ante diē mori ad quem vivere potuit per naturā. Posset quis per naturam vivere diutius, quàm Deus terminū præfixit, non tamen potest vivere ultrà diem mortis præfinitum. *Respondeo*: Causa, ob quam malus homo de vitæ libro expungitur, est impietas ejus. Non igitur unius Dei absoluto decreto tollitur, sed ob impietate. Et terminus mortis nunc fit, qui antea nō erat. (2) Quia facinorosis ex præscripto Legū divinarū pœna capitalis infligi debet, *Genes.* 9. 6. *Deuter.* 21. 18 *cap.* 22. 21. *Matth.* 26. 52. Ergò si decrevit eis pœnā sub conditione facinoris patrati, non sanè erit decretum absolutū. Aut si ex decreto absoluto hominib^{us} injicit necessitatē peccandi, si in-

quam

quam Deus cogit latronem ut hominem innocentē occidat, q̄ asserit duri oris Zuinglius sermone de providentia, tum fuerit peccati author principalis.

III. Aut filatoni destinavit rotæ supplicium absolute, citrà respectum ad patrata flagitia ex se & non cooperante Deo, erit injustus, & hominum à se productorum crudelis latro, qui homines destinat ad ignes atque rotas, cum propriæ voluntatis malitiâ nihil tale commuerunt. (3) Quia Deus *Genes. 18. 32.* 33. pro Sodomitis intercedenti Abrahamo disertè promittit, velle se parcere civitati & populo universo, cum decem iusti adessent. Non promississet hoc Abrahamo, quando constituisset decreto absolute perdere Sodomitas. Namque à decreto absolute non datur regressus ob respectum ad aliud. (4) Quia Deus præcepit, ut preces hominum piorum pro vitæ commodæ prorogatione & malæ mortis averruncatione, juxtâ voluntatem suam exponerentur sibi, & promisit, quod eas velit exaudire, *Exodi 20. 12.* 2. *Regum 20. 1. 2. 2. Chronic. 32. 24. Esaiæ 38. 1. Psalm. 102. 25.* Ergò terminum vitæ immutabilem, id est, qui ob simplex decretum neque prorogari neque anticipari potest, hominibus non constituit.

IV. Consequentia patet: Quodcumque Deus velut immutabile ordinavit, idem servat præcisè (5) Si terminus vitæ mortisque genus sunt fataliter certa, omninò frustri à sunt media illa, quæ Deus & Natura velut conservandæ vitæ adminicula commendaverunt. Lotho & familie ejus promittit Deus futurum ut liberentur ab interitu, sed conditione adje-

ctâ, ut ab urbe discedant. Quamobrem generi ejus, qui volebant unâ emigrare, pereunt cum aliis improbis, *Genes. 19. 12. 13. 14. 15. 25.* Similia exempla sunt Davidis, Judæorum, Pauli & comitum ejus, 1. *Samuel. 23. 11. seqq. Ierem. 21. 9. 10. cap. 38. 2. 3. Actorum 27. 24. 30. 31.* Nisi David profugisset ab urbe, periisset oppressus à civium prodicione. Non periissent Judæi in urbe, nisi intrâ urbem remansissent. Pauli comites in aquis submersi fuissent, quandò è navi abivissent. Absolute verò non est, quod certâ ratione & modo ordinatum est, quodque mediis evitari & periculis ultrò susceptis anticipari potest. (6) Si terminus vitæ est destinatus fato, omninò etjam illos qui sibi manus violentas inferunt, præordinavit Deus ad finem illum crudelitatis & impietatis plenum, 2. *Samuel. 17. 23. 1. Regum 16. 18. Matth. 27. 5. Actorum 1. 18.* Adeòque Deus istos sui ipsius interfectores ad peccatum irresistibile inducet.

V. Dicit *Scultetus*: Qui se ipsos occidunt, non excusantur à peccato, cum spontè agant malum istud, quod agunt. Et si agunt decrevit Deus, ut eo genere mortis intereant, qui sibi consciscunt necem, vim tamen non infert voluntati horum. *Respondeo*: Decretum illud quo Deus terminum vitæ homini præstituit, absolute esse, simplex esse, statuunt Reformati. Si ergò à *causis* fato quodam adacti interimunt seipsos, ergò non potuerunt non istud facere. Nam quod Deus absolute vult, illud semper fit, ne homo illi resistere potest, *Esaiæ 44. 27. cap. 46. 10.* Falsum est, quod agant spontè

illi, quos Deus decreto suo constituit facere suisque interfectores. Voluntas enim hominum istorum relinquitur non libera, atque fati vinculis conficta necessitatur ad patrandum facinus. (7) Si absolute præordinatus est homini vitæ suæ terminus, frustra apprehenduntur media legitima ad evitandum periculum mortis ordinata, frustra abimus tempore belli, contagionis, incendiorum, pestis, famis, eluvionum, *Genes. 27. 43. Exodi 2. 15. Levitic. 13. 46. cap. 14. 34. Numer. 16. 42. 1. Samuel. 19. 10. 1. Regum 17. 3. cap. 19. 3. Matth. 2. 13. cap. 12. 15. Actuum 9. 15.* frustra acculantur perverfitatis magnæ, qui negligunt media ad conservandam vitam necessaria, *Deuter. 6. 16. Matth. 4. 7.* Consequentia patet: Quod sit per necessitatem inevitabile, id tollit respectum ad media conservandæ vitæ & mortis declinandæ.

VI. Excipitur Maccovius & Renssæus: *Primo*: Nihil fit, quod Deus non decrevit, *Threnor. 3. 37.* unde sequitur, necessarium mori aliquem tempore isto, quod decrevit Deus, & eo mortis genere. *Respondet*: Falsum est antecedens. Tàm de morte hominis, quàm de quovis alio negotio inter homines peragendo facta decreta Dei sunt conditionata, ut includantur causæ proximæ & circumstantiæ quævis, à quibus dependet rerum eventus, nimirum, si hoc vel illud factum fuerit, quo hoc fiat, fiet sin minus, non fiet. Locus prolatus agit de justitiâ Dei qui homines peccatorum multorum reos omni poenarum genere exerceat. Nihil hîc de vitæ termino dicitur, nihil de absoluto decreto.

VII. Dicit Maccovius: Si prævidet Deus & non degetur, prævidet aliquod inde-

pendens à se distinctum, quod & absurdum. *Respondet*: Condicio rei non est ita distincta à re, ut in prævisione Dei consideretur velut aliquod independens, sed tale quod à re ipsâ dependet eamque immutabiliter afficit. Natura accepit suas agendi vires à Deo, liberas verò, ut repugnet illi, ab aliâ causâ determinari. Præscivit causam mortis, præscivit mortis genus, ut falli non possit, estque satis certus hic vitæ terminus, sed ex conditione positâ, non ex necessitate absoluta.

VIII. *Secundo*: Si Deus non fixit terminum vitæ cujusvis. Ergò providentia Dei non extendit sese ad mortem hominis, Atqui hoc falsum est, quia non minus circum mortem quàm circum nativitatem occupatur Deus. *Respondet*: Concedimus, quod Deus præsciat finem hominis & mortis genus, verum hæc prænotio non est absoluta, sed commensurata ad circumstantias, ut connotetur simul proximæ causæ influxus liberrimus. Qui naturali morte finiunt, naturæ vitio infesto deficiunt, qui morte violentâ pereunt, non quidem impellente Deo pereunt, sed proprio motu, propria culpâ.

IX. Instat Maccovius: Si Deus decrevit ut res fiat, non tamen decrevit, quando & quomodo res fieri debeat, tunc non scit rei circumstantias. Nam scientia visionis pendet à scientiâ determinatâ sive decreto Dei. *Respondet*: Novit omnino rei circumstantias, nec tamen prædefinit eas, ut causis secundis permittatur libertas agendi. Præscit verò, non quia decrevit, sed quia intellectus sui perspicaciâ infinitâ pervidet, quo voluntas in causis liberè agen-

agentibus inclinatura fiet, & quis effectus sequitur.

X. *Tertiò*: Si Deus non statuit de terminò vitæ, non etiam de termino passerulorum & capillorum statuit. Atqui falsum est posterius, *Matth.* 10. 29. Ergò & prius est falsum. *Respondeo*: Locus est figuratus, & docet, quod solatium debent habere pii inter persecutionum ætus, nimirum ut credant, Deum curare mortalia, & permittente ipso bonos sæpius vexari à malis, nec tamen ultrà vitæ huius finem durare vim malorum, & bonos tunc fore compotes æterni boni, *Psal.* 34. 20. 21. 22. Terminum vitæ nostræ esse in potestate providentiæ divinæ, quis neget? Sed tamen quicquid ei inest, ut contingentis rationem illud habeat, à causæ proximæ influxu dependet. Regerit Maccovius: *Dicitur falso, quod providentia Dei efficaciter sese non extendat etiam ad voluntaria.* Atqui cum defectus voluntatis est, cum latro hominem innocentem occidit, cum quis violentas manus sibi infert, non hoc Deus agit, quia error est, malum est, cū quo nihil cooperatur providentia divina, veluti causa proxima esset, tantum quod vires agendi Naturæ, velut causa universalis, impertivit.

XI. *Quartò*: Deus præfixit terminum vitæ quibusdam, uti patet in Rege Ezechia, *Esa.* 38. 1. 2. 3. Cur non omnibus? *Respondeo*: Non facit ad litem! Naturæ insitæ vires diminutæ erant, & mori debebat Rex, vitæ prolongatio est à singulari dono Dei, qui temperamentum novo vigore corroborabat, ut vitæ accederet incrementum prorsus novum. Præno-
verat Deus, quod moriturus Rex esset de-

stitutus à viribus naturæ, decreverat verò facere ei hanc gratiam, ut vitæ adderet, cū iustis precibus ob id roicaretur. Neq; fatale erat, quod consilio Dei mutabile erat.

XII. *Quintò*: Sæpè Deus prædixisse legitur interitum singulorum. Ergò noverat terminum vitæ, & quia noverat, decrevit. *Respondeo*: Non quia decreverat, novit ista, sed novit propter intellectus sui infinitam perceptionem, ut libertas causarum secundarum conservetur. Scilicet ex causis naturalibus est proxima vitæ humanæ dispositio, in aliquibus tenacior, in aliis debilior, unde varietas Temperamenti est, & quod unus citò moritur, alius serò. Attamen possunt vitæ terminus anticipari & mortis genus evariare per gladium, aquam, ignem, seu fortè seu consilio destinato. Et quidem permittente Deo, quia non interpellat. Quod si efficaciter concurret, unus ipsa malorū omniū author fuerit, ut cum finem prædestinaverat, insimul destinaverit media; ut vitam improbam agant impulsore ipso, & propterea suppliciiis affecti de medio tollantur. Innocentes verò etiam, neq; enim potest imputari eis, quod non facere in illorum potestate simpliciter non fuit.

XIII. *Sexto*: Si Deus magnis populis terminum posuit vitæ, cur non etià ponat singulis hominibus? Atqui verū est prius, uti constat per eversionē Sodomæ & Gomorrhæ, ubi Deus multis simul ac semel posuit vitæ terminū, *Genes.* 18. 20. 21. cap. 19. 13. 24. 25. *Resp.* Est exemplū iudicii divini, & quidē non absoluti, sed certo ordine peracti. Sc. evertit omnes illos ob peccata magna & plurima, à quibus nolebant resciscere, *Genes.* 18. 21. 23. Non igitur fa-

to perierunt, sed culpâ suâ: neque Deus erat culpæ author, quæ eos perdidit. Dicit *Maccovius*: Unde prævidit peccata Deus, annon quia illa permissurus erat, & quidem eo fine, ut iustitiæ exemplum statueret in illis? Prævidit igitur, quia permittere voluit. *Respondeo*: Peccata igitur fuerunt causa impulsiva, ob quam intertius contingebat, quo ipso evincitur, non fuisse absolutè definitum. Quod enim absolutè definitum est, id nullius rei conditionem includit, sed à nudo arbitrio citrà rationem ullam perficitur, & cum exclusione causarum.

XIV. *Septimo*: Deus tempore diluvii omnibus in mundo viventibus terminum vitæ ipsorum præfixerat. Si his, quare non omnibus singulis? *Respondeo*: Eadem solutio. Scilicet ob peccata antegressa punivit eos. Si enim fatale erat diluvium, & conditionis omnis experts, quare constituit Deus annos pœnitentiæ? *Genes. 6. 3.* Certè si pro mortis genere, quo isti omnes perierunt, apud Deum fuisset aliquod decretum absolutum, necessariò evenisset illud, quamvis intrâ definitum tempus pœnitentiam egissent. Absurdum, quod Deum facit dissimulatorem! Igitur in pœnis huiusmodi annexa est conditio, quâ impletâ res ipsa impletur.

XV. *Oktavo*: Determinanti sunt dies hominis, est penes Deum numerus mensium ejus, posuit terminum, quem non potest transgredi, *Jobi 14. 5.* *Respondeo*: Determinavisse hominis dies, quis negaverit? Terminus hominis mors est, quam nemo hominum à se depellat viribus naturæ, *Genes. 3. 15. Deuterom. 30. 20. Iobi*

16. 22. *Psalms. 31. 16. Psalm. 39. 5. Psalm. 139. 16.* Quod fataliter determinaverit, falsum omninò est. Semper enim conditionem implicat, quam non semper promovet impulsu suo. Et hac cum abutuntur ratione præditæ Creaturæ, posunt terminum anticipare; exemplo Asahelis, 2. *Samuel. 2. 20. 21. 22.* Prophetæ negligentis. 1. *Regum 13. 24.* Puerorum in Bethle, 2. *Regum. 2. 24.* Hos enim ita perituros fuisse, nisi audaciâ & inobedientiâ sibi necem accersivissent, quis sanæ mentis compos dixerit?

XVI. *Nondè Redegit Deus hominum, dies ad mensuram palmarem, Psalm. 39. 6.* *Respondeo*: De vitæ suæ brevitate conqueritur propheta, non etiam docet, absolute terminum esse. Vetustioris ævi homines ad plurima secula vitam producebant, nunc brevis & pugillaris vita est, *Genes. 47. 9. Psalm. 90. 9. 10. 11. 12.*

XVII. *Decimò*: Si Deus non destituit terminum certum vitæ & mortis, erit fortuitum aliquod in rebus humanis. *Respondeo*: Consequentia negatur. Non enim fortuita sunt, quæ secundum ordinem in Naturâ constitutum fiunt, Constituit verò Deus res omnes, ut viribus suis utendo agere possint quæ in esse conservent eas; abutendo viribus, agant illa quæ corruptionem adferant. Liberè igitur fiunt, quæcunque fiunt in rebus humanis, quod negare & fatum loco restituere velle, est rationem omnem destruere & homines ad bruta redigere, à quibus non differunt, si non possunt liberè agere illa quæ agunt.

XVIII. *Vndecimò*: Similia exempla
sunt

sunt Achabi Regis, Hananiae arioli, Petri Apostoli, quibus prædicuntur vitæ finis mortisque genus, perinde uti contigit illis, 1. Regum 22. 17. 18. Jerem. 28. 15. Johan. 21. 18. Respondeo: Achabus isto mortis genere occubuit, ut poenâ lueret vitæ in omni improbitate peractæ. Non etiam fato, quam obrem monebatur satis apertè, ut à bello desisteret, nisi vellet perire, 1. Regum 22. 23. 28. Quorsum hoc? Ludibrium merum fuerit, cum decreto inmutabili debeat perire. Perinde est de ariolo, qui diem suum obiit, non quidem ex simplice Dei statuto verum quia peccauerat seducendo populum. Obitus huius causam exprimit Prophecia, Jerem. 28. 15. 16. 17.

XIX. Quod Servator prædicit mortis genus Apostolo suo, id non evincit, fatalem esse terminum vitæ. Prædictiones enim ad res prædictas sese habent, nō quidem uti causæ ad effecta, sed uti adjuncta ad subiecta. Prævidebat Servator, fore ut Apostolus ob novam doctrinā crudeli supplicio periturus esset, itaque certò prædixit ei crucem, in quam sublatus testimonium perhiberet gloriæ Dei, Johan. 21. 18. 19. Atqui vera infallibilitas multum differt à simplice necessitate, quæ à fato provenit, atque causas omnes excludit.

CAPVT SEPTIMUM,

De Animâ & Corpore organico.

SUMMARIA.

1. *Definitio animæ.*
2. *Enselechia.*

3. *Corpus organicum.*
4. *Subiectum operationum.*
5. *Animatum.*

I. **A**nima est forma per quam corpus organicum vegetatur. Anima est à Græco *ἄνεμος* ventus, apud Brunonem Seidelium libro de corpore & animâ pag. 300. 301. Vitum Amei bacchium lib. 1. de anima pag. 289. Becmannum libro de originibus Lingua Latina pag. 224. 225. Notatio est ab effectu, quia inspirando atque expirando trahitur velut spiritus ille, donec vegetum corpus est. Atque inde est, quod anima intellectiva, quæ homini inest, vocatur spiraculum vitarum, *נְשִׁמָת חַיִּים* *πνοή ζωῆς* Genes. 2. 7. Et quod dicitur Esaiæ 2. 22. *Abstinete igitur ab homine, cujus spiritus in naribus ejus est.* Vita hominis à respiratione pendet, halitu intercluso perit homo, anima discedit. Vide quæ huc pertinent, in libro nostro de creatione Exercit. 27. dist. 4. 5.

II. *Est forma.* *ἰδέλεια* dicit Aristoteles lib. 2. de anima cap. 2. text. 6. recondito vocabulo, quod continuam agitationē exponunt Cicero, Angelus Politianus, Philippus Melanchthō, Beroaldus, Rudolphus Agricola, Cornelius Valerius cap. 4. Institut. Physicarum dist. 2. Non tamen satis aut verè aut commodè quandoquidem agitatio est accidens, à quâ nequit substantia aliqua, uti anima est, constitui. Proinde Ciceronem refellunt Franciscus Vicomercatus libro de anima quæst. 1. Guilhelmus Budæus libro de Affe pag. 35. seqq. Evolvemus natales vocabuli huius, & particulas è quibus componitur. Prima est in, quoniam omnis forma permeat

materiam si conjunctam, ut eam quaqua-
versum vegetet. Secunda est *ἡλικία*, quia
est finis & perfectio rei. Tertia est *ἕξις*,
quia possidet & communicando exercet
omnes operationes in corpore. Scaliger
Exercit. 16. sect. 1. Exercit. 80. sect. 3. Exer-
citat. 307. sect. 12. & 39. lib. 6. de re pōsiciā
pag. 776.

III. *Corpus organicum.*] Subiectum in-
formationis, quatenus variæ operationes
animæ varias postulant partes. Non at-
trahit planta nutrimentum sine radice,
non videt canis absque oculis, nec currit
lepus sine pedibus.

IV. *Corpus organicum est materia, quæ*
à forma vegetatur.] Non tam ut insit ani-
ma, quàm ut operetur, corpus requirit.
Et quoniam plura munia habent animæ,
quam reliquæ formæ, ideo plures & di-
versas materia habet partes. Aliter sese
res habet in inanimatis, quæ non ha-
bent corpus organicum. Non est illa
partium diversitas in auro, non in argen-
to, non in lapide, sed moles est sine ner-
vis & artubus contiguo ordine dispositis.

V. *Quæ à formâ vegetatur.*] Duo spe-
ctari debent in animato, essentia & inte-
gritas. *Essentiam* dant materia & forma,
integritatem organa. Nulla est integritas
citrà essentiam, quamvis sit essentia ci-
trâ integritatem. Ramus cum exarescit
in arbore, vel tollitur de arbore non qui-
dem amittit essentiam, sed integritatem
arboris destruit. Mutilus fit homo à pe-
de sublato, & manet essentia. Floribus &
caulibus destructis non perit herbarum
essentia, integritas verò perit, & forma
continetur in radicibus, à quibus cum

principio veris propullulant novi flores
novi caules.

CAPVT OCTAVVM,

De Plantis in genere.

SUMMARIA.

1. *Definitio plantæ.*
2. *Divisio plantæ.*

I. *Planta est corpus animatum vegetans.*
Anima plantarum vegetativa est. In-
de vivunt plantæ, moriuntur plantæ. Et
quamvis Taurellus libro de vita & morte
contendat, *vitam non inesse plantis*, infir-
mior tamen sententia illa est quàm ut dei-
fendi possit. Quod vivant plantæ, osten-
ditur, quoniam nutriuntur, augentur, &
è semine intrà ipsos concepto generant
sibi simile. Sugunt radicum ope succum
in terris reconditum, quo aluntur & au-
gentur, flores & fructus proferunt. Quod
moriuntur plantæ, ostenditur, quia suc-
co destitutæ arescunt, marcescunt, post-
quam humidum radicale per calorem
vegetabilem absumitur. Aliæ citius, aliæ
tardius. Tardius arbores, citius herbæ;
& inter arbores ipsas non ita longæva est
salix quàm fagus aut quercus. Violentis
modis pereunt, cum vermes infestis
morsibus arrodunt radices, cum Solis
fervor nimius calidum insitum depascit,
cum exuruntur, evelluntur, exscindun-
tur, conculcantur.

II. *Dividitur in partes & species. Partes*
sunt anima & corpus. Species sunt herba &
arbor.] Frutex, quem alii addunt, non
est

est species nova, adeoque rectè omittitur à Lamb. *Danao* part. 2. *Physica* (Christ. tract. 3. cap. 50. 60. 64. 68. Johan. Bodino lib. 2. *Theatrum naturæ* pag. 134. & 271. Andreæ Cæsalpino lib. 1. de plantis cap. 13. Consentiunt literæ sacræ, quæ tantum duas plantarum species referunt: Germinet terra herbam virentem & facientem semen, & lignum pomiferum faciens fructum, secundum genus suum, *Genes.* 1. 11. 12. Ergo frutex, quia parua arbor est, non est species distincta ab arbore quoniam majus & minus non variant speciem.

CAPVT NONVM,

De Animâ vegetatiuâ.

SUMMARIA.

1. Definitio animæ vegetatiuæ.
2. Facultates animæ vegetatiuæ.
3. Solvuntur objectiones.
4. Differentia facultatum.
5. Facultas alitrix.
6. Alimentum conditio.
7. Natura deprauata.
8. Homines alimentorum abstinentes.
9. Licetius refellitur.
10. Vientia aluntur.
11. Facultates ministra.
12. Vena lactea.
13. Facultas alitrix.
14. Iuxta quantitatem.
15. Anima promotio.
16. Solvuntur objectiones.
17. Alimentum conuersum.
18. Appositio ad membra.

19. Facultas procreatrix.
20. Refellitur Gorleus.
21. Facultas formatrix.
22. Conceptionis momentum.
23. Fernellii opinio.
24. Caloris efficacia.
25. Seminis virtus.
26. Fieni opinio.
27. Aristotelis testimonium.
28. Anima traductio.
29. Anima in semine præsens.

I. **A**nimæ vegetatiuæ est forma plantarum, quæ aluntur, augentur, & procreant.] Genus est planta, & sub se comprehendit species multas herbarum, multas arborum. Ergo forma generica est, & plures formas specificas infra se collocatas habet. Alia forma est absinthii, alia salviæ, alia rosæ, nec minus alia forma est quercus, alia tiliæ, alia populi, alia fagi. Attamen formæ istæ, quandò superiorem gradum non habeant, communi illo nomine appellantur.

II. *Ejus facultates tres sunt: Alitrix, Alitrix, Procreatrix.*] Aristoteles lib. 2. de animâ cap. 4. text. 48. Queritur: An tres facultates animæ vegetatiuæ inter se & ab anima realiter differant? Respondeo: Affirmant Albertus Magnus lib. 2. de anima cap. 4. Thomas Aquinas part. 1. Summa Theolog. quest. 78. art. 2. Zabarella libro de nutritione cap. 25. Bernhardus Morifanus commentariis ad libros de anima pag. 592. seqq. Franciscus Mutcia in *Cursu Philosophico* part. 3. pag. 21. 22. seqq. Joh. Fernell^{us} lib. 5. *Physiolog.* cap. 3. Barthol. Keckermannus lib. 3. *System. Phys.* cap. 13. Jacobus Martini Centur. 1. quest. illustr. Disputat. 8. pp 2 quest.

quæst. 7. & 8. Gregorius Horstius lib. 2. de anima Exercit. 3. quæst. 2. Vopiscus Fortunatus Plempius lib. 2. Institut. Medicar. pag. 164.

III. Et probare volunt: (1) Quia facultatum harum una potest esse citrà aliam, uti patet in senibus, qui non habent facultatem procreandi, & tamen nutriuntur. *Respondeo*: Causa rei hujus non est in animâ, quæ vires suas deperdat, sed in vasorum & organorum imbellicitate, à quâ est, ut vel nullum, vel infœcundum semen generent, & facultates animæ ex se nihil agant. (2) quia facultates istæ habent diversos fines, uti descriptiones evincunt. *Respondeo*: Finis est causa externa, quæ nec compositionem efficit, nec multiplicat principia efficiendi. (3) Quia facultates istæ operantur in diversis subjectis. Nutritio & Auctio efficiunt in corpore illo, in quo sunt; Generatio extrâ illud, quia nihil seipsum procreat. *Respondeo*: Non minus generatio fit in corpore proprio, dum producitur semen animatum. (4) Quia facultates istæ hærent in diversis corporis partibus. Nutritio & Auctio sunt per corpus totum dispersa; Generatio residet in solis testiculis, ubi semen præparatur. *Respondeo*: Negatur consequentia. Videt anima per oculus, audit verò per aures, neque idèò facultates istæ realiter differunt.

IV. Rectius ergò negant Johan. Scotus lib. 2. sentent. dist. 16. quæst. 1. Franciscus Vallesius lib. 2. Controvers. Medic. cap. 19. 20. Conimbricenses lib. 2. de anima cap. 4. quæst. 1. art. 2. Toletus quæst. 10. Antonius Ruvio ibidem pag.

192. seqq. Combacchius lib. 4. Institut. Physicar. pag. 761. seqq. Albertus Kypérus lib. 6. Institut. Physic. cap. 1. dist. 23. & lib. 1. Anthropologia cap. 23. dist. 16. seqq. Derodon in Physica contracta part. 2. cap. 5. art. 1. dist. 14. Bruno Seidelius libro de corpore & anima pag. 401. Et ratio manifesta est, quod anima vegetans pro diversitate operationum diversa nomina accipit. Argumentamur: Quodcunque habet denominationem merè extrinsecam, illud non arguit efficientes realiter diversas. Atqui facultates animæ vegetativæ habent denominationem merè extrinsecam. Ergò facultates istæ non differunt realiter. Ratione differunt inter se & ab animâ, quando certum est, quod anima per emanationem, id est, influxu & contactu substantiali sit causa actionum suarum.

V. *Altrix est, quæ alimentum assumptum in substantiam corporis viventis convertit.*] Cum enim perpetuò corporis partes resolvantur, & calidum innatum unà atteratur, ne perirent animata ante definitum tempus, necessaria erat facultas altrix, quæ damnum refarciret, quod à calidi in humidum actione exoritur.

VI. *Alimentum assumptum.*] Cibum & potum, quo comprehenditur omne succosum nutrimentum calido & humido innato plenum. Proinde alimenta petere debemus ex uno viventium genere, neque simpliciter verum est, quod contendunt Averrhoës lib. 2. de anima text. 28. Conimbricenses lib. 1. de generat. & corrupt. cap. 5. quæst. 7. art. 2. Greg. Horstius lib. 2. de anima Exercit. 3. quæst. 7. scilicet.

scilicet, quod alimenta sint naturæ Elementaris. Quomodo enim non liceret tunc arenâ, pumice, filice, terrâ vesci? Et verò quia inter nutrimentum & corpus nutriendū requiritur convenientia, (uti habet Regula Physica apud Julium Pacium *lib. 2. de animâ cap. 4. dist. 20.*) non ex quolibet nutritur quodlibet. Aliud nutrimentum requirunt plantæ, aliud bestiar, aliud homo. Argumentamur: Quod in corpore vivente absumitur, illud per alimenta restauratur. Atqui in vivente calidum innatum absumitur. Ergo calidum innatum per alimenta restauratur. Restauratio fit per simile, nempe per calidum innatum cibus insitum.

VII. Naturâ per morbos aut causas alias depravatâ appetit comeditq; homo sæpius ista, quæ naturæ ejus adversantur. Lazarus Ferrariensis comedeat vitrum, lapides, lignum, pisces crudeos, carbones, patinas metallinas, teste Realdo Columbo in *historiâ Anatomicâ pag. 486.* Puella quædam Colonienfis ab infantiâ venenosaraneos comedendo, porro eis comedendis inhæsit, unde corpore vegeta quidem, sed cum halitu venenoso esset, à quo perimebantur quicunq; propius accedebant, Cælius Rhodiginus *lib. 17. Lætionum antiq. cap. 9.* Johannes Bruerinus *lib. 1. de re cibariâ cap. 22.*

VIII. *In substantiam corporis viventis.* Referuntur exempla hominum, qui sine alimento vitam multis annis prorogaverunt, apud Fortunium Licetum *libris quatuor de illis qui vivunt sine alimēto*, Cornelium Agrippam *lib. 1. de Philosophiâ occultâ cap. 58.* Cælius Rhodiginus *lib. 13.*

cap. 23. Franciscum Citesium & Paulum Lentulum *peculiaribus libris de Virgine Confluentina & Apollonia Bernensi*, Laurentium Joubertum *lib. 1. paradoxorum Medicorum pag. 33. seqq.* Johan. Langium *lib. 2. Epistolar. Medicinal. num. 27.* Herm. Conringium *libro de calido innato cap. 18.* Donatum Marcellum *lib. 2. historiarum Medicarum cap. 27. & lib. 4. cap. 14.* Guilh. Hildanum *lib. 5. Observationum Chirurg. pag. 113.* Antonium Deusingium *diatriba de nutritione animalium dist. 40. seqq.* Daniel. Sennertum *lib. 3. Medicinæ pract. pag. 76. seq.* Et quanquam deceptorias & imposturas fuisse, putat Henr. Regius *lib. 4. Philosophiæ natur. cap. 5.* non tamen faciliè viro- rum cordatorū testimoniis fidem derogabimus, qui rei insolitæ circumstantias omnes diligenter examinando, citrà deceptionem esse pronunciant.

IX. Dicit Licetus, facultatem altricem in hominibus istis pro tempore cessavisse, eventum per naturam possibili in corpore vivente, quomodo semina plantarum multo tempore vegeta conservantur in horreo; & quomodo rami arborum defecti durant per longum tempus sine alimento; & quomodo plantæ ipsæ totâ hyeme vivunt, nec tamen nutriuntur; & quomodo insecta, hirundines, ranæ in aquis, silvis, murorum fissuris latitant, vivunt, non verò nutriuntur. Respondeo: Quod eventus ille possibilis sit in genere hominum per naturam, vix dicere liceat, quando rarissimè contingat, ut tale quid fiat. Exempla prolata sunt de illis, quæ secundum naturam & communiter fiunt, ad eoque non pertinent ad rem. Instat

Licet, possibile quoque in homine esse, ut facultas nutriendi cesset, ad tempus longum, neque vita periclitetur, tum quia nutritio sit animâ posterior, tum quia homo ab actionibus sensuum & intellectus, in quibus animæ perfectio consistit, tempore longo cessare potest, multò magis à facultate nutritivâ, quæ ignobilior est, cessabit. *Respondeo*: Verum equidem est, quod actiones animæ sunt posteriores animâ ipsâ, attamen quia nutritio non tam animæ, quam compositi & corporis viventis affectio est, nequaquam sequitur inde, quod corpus vivens per naturam sine nutritione possit esse.

X. Neq; magis proficit ratio altera, Sensus & intellectus non versantur circa alimentum, velut objectū suum, uti quidem nutritiva facultas. Pergit *Licet*, facultatem nutritivâ haud multum juvare ad corporis viventis subsistentiâ, quando sine illâ corp⁹ augeri possit, uti in senibus appareat, qui aluntur, & non augentur, imò in senibus nō apponatur tantū, quantum absumitur, unde macrescunt & unâ multis annis vivunt. *Respondeo*: De facultate altrice nunc agitur, non verò de attractrice. Viventia semper aluntur, non etiam augentur, quia adest finis auctionis. Præsentē ergo sine cessat operatio. Senes prorsus haud nutrirī quis dicat? Minus quàm par est, nutrirī, constat, itaq; alimentum assumunt, quo indies illud, quod absumitur, si non totum, saltem ex parte instauratur. Proinde cū observatur, hominē sine alimento præter solitū longo tempore vivere, aliquid præter naturā illi accidisse putandum est, ob quod instaura-

tione opus non sit. Scilicet, calor debilis non sufficit ad depascendum humorem tenacem. Humorem inquam à bile atrâ prægravatum, cujus magna vis est, præcipuè quando corrumpitur, & à solidâ dispositione per occultam causam avertitur, uti in maniâ, scorbuto, & hypochondriacis accidit.

XI. *Ejus facultatis ministra sunt Attractrix, Retentrix, Concoctrix, Expultrix.* Attractrix est, qua alimentum per fibras rectas attrahitur. Retentrix est, quâ alimentum attractum per fibras obliquas retinetur. Concoctrix est, quâ alimentum retentum percoquitur. Expultrix est, quâ recrementa per fibras transversas ejiciuntur. Modus hic est: Cibus ore exceptus & dentibus incisus delabitur in ventriculum, à quo receptus, arctè comprehenditur, ne fluctuet. Ventriculus porro in concoctionem toto opere incumbens, facit cremorem, id est, chylum albo colore infectum, qui deinceps inferius depulsus ad intestina venit, inde mesenterii venæ nobilissimam ejus partem rapiunt, & ad jecur deportant, crassiores, sæculentæ & supervacantiæ partes ad intestina deferuntur, inde per anum excernuntur. Secunda concoctio in jecore fit, quò delatus per venas mesaraiacas & venam portæ chylus, in massam quandam rubram, id est, sanguinem convertit. Et quomodò concoctionis primæ excrementa sunt duplicia, stercus & urina, ita secundæ totidem sunt, bilis flava in vesicâ propriâ contenta, & bilis atra in splene. Quicquid præterea humoris spargitur unâ cum sanguine per venas omnes, cum alendo corpori sit inutilis

utilis, convertitur in lotium & sudorem. Repurgatus sanguis ab excrementis suis, venæque cavæ exceptus, per universum corpus in alimentum distribuitur, & quidem per venas, tanquam per canales. In quâ sanguinis traiectione unumquodque membrum, quod sibi utile est, rapit. Id docent Fernelius *lib. 5. Physiologiae cap. 4.* Johan. Heurnius *lib. 3. Institutionum Medicarum cap. 3.* Daniel. Sennertus *lib. 1. Institutionum Medicarum cap. 9.* Joachimus Burserus *lib. 3. Institutionum Physicarum cap. 8.* Joannes Combacchius *lib. 4. Institutionum Physicarum pag. 844, 845.* Gilbertus Jacchæus *lib. 8. Institut. Physic. cap. 5. & in Institutionibus Medicis lib. 2. cap. 8.* Nos duo notamus. Primum, quod venæ mesaraicæ rapiant chylum, verum non est, uti probant recentiores Anatomici, qui in mesenterio observant novum genus vasorum distinctum à vasis iis, quæ Veteres in mesenterio noverant.

XII. Et quia lacteum succum in se continent, Lactæ venæ vocantur, per has defertur chylus ad epar. Venæ mesaraicæ usum illum habent, ut intestinis nutrimentum advehant. Ità Caspar Asellius Papiensis *libro peculiari de venis lacteis*, approbantque D. Thomas Bartholinus *Centur. 1. Anatomic. observat. num. 11. 53. 92. & lib. 1. de venis cap. 3.* Johan. Pecquetus, Joh. Walæus *libris de Venis lacteis*, adversus quos operoso conatu agendo Joh. Riolanus Parisiensis haud profecit. Secundum, quod jejunum conficiat sanguinem, iridem verum non est, quandò ipsum in se molle & spongiosum nullas vires habet,

non, inquam, habet in se calorem effacem, qui ad excoquendum sanguinem requiritur, tum quoque chylus ut in sanguinem mutetur, opus habet morâ diuturnâ, atqui experimenta Anatomica demonstrant, cum vix sensibili tempore in epate commorari; sed Cor est officina illa in quâ præparatur sanguis, hepar instar vasis colatorii depurat sanguinem. Itaque sanguis non defertur ex hepate per venas statim ad partes singulas, verum movetur per venam cavam in dextrum ventriculum cordis, inde per venam arteriosam in pulmonem, tum per arteriam venosam in sinistrum ventriculum cordis, porro ex sinistro ventriculo cordis descendit in arteriam aortam, ex illâ per arterias in totum corpus, ex arteriis per anastomoses rursus in venas, & itâ continuè ad cor, unde circulatio illa sanguinis vocatur, eum in finem à Naturâ instituta, ut sanguinem ventilando à corruptione præservet, atque partes sanguinis nondum satis mutatae frequenti ad cor regressu magis magisque demutentur. Novum inventum est Wilhelmi Harvæi *Exercitatione de motu cordis & sanguinis in animalibus*, quem sequuntur Vopiscus Fortunatus Plempius *lib. 2. Institution. Medic. sect. 5. cap. 7.* Herman Conringius *libro de generatione & motu sanguinis cap. 25. seqq.* Albert. Kyperus *lib. 8. Institut. Physic. cap. 3. dist. 31.* Antonius Deusingius, Georgius Entius, Marquardus Slegelius *libris de motu cordis & sanguinis*, Godofredus Mæbius *lib. 1. Institut. Medicarum cap. 11.* Johan. Walæus *Epistolis de Chyli & sanguinis motu.* Frustrâ verò impugnare volunt Eccar-

Eccardus Leichnerus & Johannes Riolanus Parisiensis *Exercitationibus motu sanguinis.*

XIII. *Auctrix est, qua corporis viventis justam quantitatem ex alimento conuerso apponit.* Cum enim animata ab ortu suo parua sint, partim ob exiguam materiam, partim ob angustiam loci, in quo generantur, necessaria est facultas auctrix, quæ justam quantitatem daret animato, ad edendas operationes sibi debitas.

XIV. *Justam quantitatem.* Differunt Interpretes, quomodo fiat auctio, num ratione formæ, vel materiæ, vel poti⁹ totius? Multis argutiis rem intrincant Bonaventura, Marculus, Ægidius Romanus, Albertus Magn⁹, Petrus Aponensis, Cajetanus, quos referunt Conimbricenses lib. 1. de generat. & corrupt. cap. 5. quæst. 12. Toletus commentariis ibid^e quæst. 10. Annius Ruuius commentariis ibid^e quæst. 6. 7. 8. 9. 10. Bernhardus Morisani commentariis ad libros de generatione & corrupt. pag. 497. seqq. Piccolomineus libro de Accretione cap. 8. 9. Zabarella libro de Accretione cap. 2. 3. 4. Johan. Pontius Legionensis in *Cursu Philosoph. Disputat. Phys.* 26. quæst. 1. 2. 3. 4. 5. 6. Res non eget operosis ambagibus. Totum augetur constitutivè, materia quantitativè, forma extensivè. Et forma auget potius corpus, quàm ut ipsa in corpore augeatur. Sibi enim semper & constanter æqualis cōtrahitur atq; extēditur sine ullo decemēto & incemēto, Scaliger *Exercit.* 101. sect. 15. Materia per se fit major, sed forma per accidēs, ut extēdat se ad materiā noviter appositā. Et cum extenditur ad materiam noviter appositam, promouet sese, non verò augetur,

Ratio hæc est: Illud augetur, quod nutritur. Atqui forma non nutritur. Ergò forma non augetur.

XV. Quæritur porro, quomodo anima promoveat se ad corporis particulas noviter appostas? Respondeo: Johan. Scotus lib. 4. sent. dist. 44. quæst. 1. & lib. 3. quæst. Phys. 3. Piccolomineus libro de accretione cap. 9. Conimbricenses lib. 1. de generat. & corrupt. cap. 5. quæst. 12. Toletus commentariis ibid^e quæst. 9. docent animæ virtutem aliquam de potentiâ materiæ noviter appositæ excitatam apponi, ut sensim profluendo forma adæquetur materiæ. Nos hoc negamus, quoniam istâ ratione anima vegetativa statuitur esse divisibilis, esse quanta, Argumentamur: Ubi non est quantitas, ibi non est appositio novæ portionis de materiâeductæ. Atqui anima vegetativa caret quantitate. Ergò non recipit appositionem novæ portionis de materiâeductæ. Scilicet, anima cum primo ortu suo perfecta atque eadem numero, corpore augeſcente per aliud, in noviter appositis particulas sese promouet ex se per modum emanationis. Ità docent Thomas part. 1. Summa Theolog. quæst. 119. art. 1. Philoponus & Paulus Venetus commentariis ad lib. 1. de generat. text. 37. Scaliger *Exercit.* 307. sect. 13. Petrus Pomponatius libro de accretione, & defendit Jacob. Zabarella libro de accretione cap. 15. & 16.

XVI. Excipiunt Toletus & Piccolomineus: (1) Anima vegetativa dependet à materiâ, itaq; de potentiâ materiæ educi possunt novæ particule, & cum toto

aggregari. *Respondeo*: Fallit antecedens, Dependet quidem forma vegetativa à materiâ in esse, non etiam in fieri. Foveatur & sustentatur in materiâ; non verò producit ex materiâ, sed à formâ generantis. (2) Anima vegetans aut ex seipsâ promouetur ad materiâ auctam, aut evocatur de potentiâ materiæ. Non prius, quia sic migrabit de subiecto in subiectum quâ partem, idq; absurdum est. Ergo posterius. *Respondeo*: Non migrat anima de subiecto in subiectum, quia non transit de uno toto ad totum aliud, sed per emanationem sese promouet ab unâ parte subiecti ad informandum alteram, quod non est absurdum. (3) Anima vegetativa promovendo seipsam movebit seipsam. Atqui nihil movet seipsam. Ergo anima vegetativa non promovebit seipsam. *Respondeo*: Minor falsa est. Quid prohibet dicere, quod anima seipsam moveat? (4) Animæ vegetativæ posse novas particulas apponi, constat exemplo Chirurgorum, qui de viventium carne rescindunt particulas, nasos, aures, labia efformant, atq; iis qui membris talibus casu aliquo spoliuntur, apponunt, ubi videmus, animæ vegetativæ portionem aliquam in carne relictam, coire & sese unire cum animâ corporis alterius. *Respondeo*: Sunt talia experimenta apud Taliacottum libro *peculiari*, & Barthol. Ulmum libro *de Barba humana* lib. 3. cap. 22. Sed verum non est, quod animæ vegetativæ particula aliqua unâ cum carne vivente abscindatur. Remanet in particulâ recisâ aliquid sanguinis & calidi innati, quorum ope medicamenta proficiunt in abolendo vulnere. Formâ, quæ domicilii sui portionem amisit casu,

in reparationem ejus viribus omnibus incumbit, & in membrum de carne peregrinâ acceptum subintrat, perfectionis suæ cupida.

XVII. *Ex alimento converso.*] Melissum, Pythagoram, Epicurum, aliosq; veteres Philosophos profert Aristoteles lib. 4. *physicor.* cap. 6. & 7. qui argumentabantur: Augmentatio rerum animatarum fit ex distributo per corpus alimento, igitur erunt in corpore vivente partes inanes, per quas sese insinuat alimentum, ne plura corpora simul existant in eodem loco. Reprehendit, uti solet. Attamen certum est, quod Philosophi illi poros indigitaverint per corpus vegetabile distinctos, & quorum operâ intus apponuntur particule de converso alimento, ut corporis incrementum perficiatur.

XVIII. *Apponit.*] Ut vel alatur & augetur simul, uti fit hæcenus, quando corpus vivens nondum habet justam staturam; vel alatur solum, uti fit deinde cum staturam justam corpus vivens attingit. Atq; hoc otium imponit illi, qui formam in primordio rerum fecit, notitiâq; propriâ donavit, ut non agat in infinitum, sed in certis finibus exactè desinat, Scaliger *Exercit.* 101. *sect.* 17. Bernh. Telesius lib. 6. *de rerum natura* cap. 16. Laurentius Joubertus lib. 2. *paradoxorum Medicorum* pag. 435. *seqq.*

XIX. *Procreatrix est, quæ à se propagat simile quâ speciem.*] Scilicet planta procreat plantam, brutum procreat brutum, homo hominem. Quo procreatur, est semen prolificum, quod aliter sese habet in plantis, aliter in animalibus. Seminis instar in plantis est radix, ramus, surculus

quatenus vis seminalis diffusa est per omnes stirpium partes. Itaque pars rami, qui terræ infoditur, aut surculus, inspiciatus caudici virenti, reservant tantum caloris ac vitæ in sese, quantum sufficit, ut succo extracto concipere spiritum, radices acquirere, germenare & fructum proferre queant.

XX. Scribit *David Gorlaeus*: Generatio non est peculiaris animæ vegetantis actio, quia nihil est præter seminis emissionem, mixtionem, in utero retentionem, & formationem. Nihil enim per generationem producitur substantiale, quia materia jam antea erat, anima creatur à Deo, in *Epitome Physica cap. 10. dist. 6.* Respondeo: Atqui efficiens ista, quæ semen producit, emittit, miscet, in utero constringit, membra efformat, non est alia quàm anima vegetativa. Cum simile generatur à simili, producitur certè aliquid substantiale, quia in substantiarum censu sunt planta, brutum, homo. Falsum est, quod forma creatur, *Genes. 1. 11. 12. cap. 2. 2.*

XXI. *Ejus facultatis ministra est Formatrix, quæ in semine membra omnia efformat.* Ut quantitatem, figuram, situm & cætera necessaria accipiant. Ità planta, arbor, frutex nascitur in trunco vel caule insistendo, radices protrudendo, folia, frondes, ramos proferendo, fructum copiosum edendo, ad brutorum & hominum usum. Semina animantium in utero suscipiuntur, retinentur, corpora membra efficiuntur. Fit conceptio non demum septimo die à profuso semine, sed (quod rectè notant *Ludovicus Mercatus lib. 3. de morbis mulierum cap. 6.*

Thomas Fiénius libro de formatione factum pag. 199. seqq.) conceptio fit statim, postquam semina in utero constiterunt, & forma ad agendum sese accingit. Et quanquam statuant illi, neque animam etiam actu in semine, neque animam traduci, sed induci, utrumque tamen loco suo probavimus. Nunc solum id nos ab eis petimus adversus communem opinionem, quod anima ne momento quidem otiosa sit, tantum abest, ut septem dierum ferias habeat. Proinde *Hippocrates Medicinæ parens libro de genitura* monet, conceptionis initium putandum esse ab eo die quo semen exceptum fuit.

XXII. Et probatur manifestò, quod statim à conceptionis momento formentur membranæ, in quibus convolvitur foetus, per structuram artificiosam, in quâ sunt venæ & arteriæ copiosæ. Quæ situm fuit inter veteres Sapientes, à quâ Causâ efficiente dependeret effectus ille? *Galenus libro de formatione factum cap. 6.* prodit suum in pervestigandâ re studium, & quod nihil certi adferre possit, conqueritur. Negat insuper, quod hoc munus animæ imponi possit, quandoquidem, ut ait, illa est rationis experta, ut non possit secundum rationem & sapientiam agere. Nimirum fugit illum ratio, ut cum de verâ formarum origine nesciret, non rectè etiam de formarum statu pronunciaret. Quas voluit Deus esse principalem causam generationis, cognitione & ratione præditas, ut corporis viventis actiones & passionis optimis modis perficiant atque dirigant. *Genes. 1. 11. 12. 22. 28. cap. 5. 1. 2. 3.*

XXIII. *Johannes Fernelius lib. 1. de abditis*

abditu rerum causis cap. 7. scribit, cum calore & spiritu vices seminis committi, quæ uteri vi & calore impulsæ subiectam sibi materiam omni genere præparationum instruant, ut substantiæ tandem particeps forma extrinsecus assumatur. Postquam enim jam absoluta est omnis præparatio, tunc extrinsecus speciem accedere naturali quadam necessitate. *Hæc ille.* Sed forma non inducitur, uti alio loco probavimus, & novus error est, quod calor terræ sive uteri adscribit præparationem corporis organici. Quod etiam verbis multis persuadere conantur Bernh. Teleseus *lib. 6. de rerum natura cap. 40.* Joh. Bodinus *lib. 1. Theatri naturæ pag. 95. & lib. 4. pag. 490.* Otto Casimannus *part. 1. Psychologia cap. 9.* Valerius Martini *lib. 1. de certitudine Medicina cap. 29.* Henricus Regius *lib. 4. philosophiæ naturalis cap. 14.* Nos argumentamur: Nullum accidens potest efficere substantiam. Atqui corpus est substantia, calor est accidens. Ergo calor ex se & per se non potest efficere corpus. *Rursus:* Nullum accidens vel subsistit vel agit citrà subiectum proprium. Atqui calor est accidens. Ergo nec subiectum proprium. *Porrò:* Accidens subsistit ope substantiæ. Calor est accidens. Ergo calor subsistit ope substantiæ.

XXIV. Summa: Calor est accidens, calor non agit per se, calor inest certæ substantiæ. Non igitur calor est principium agens, quamvis instrumenti vicem in agendo causæ efficienti præstare queat. Huc pertinent Scaligeri verba. Si extrinsecus advenit forma, & intereà, uti scribunt, omni perfectionum genere instruitur materia, ab

aliquo intus & qualitates, & quantitates, & numeros, & ordines & situs apparari atqui institui necessum est, denique corpus totum ipsum fabricari. Hæc fabrica fit vel à substantiâ vel ab accidente vel ab utroque. Non ab accidente solo, primò, quia nullum accidens agit, nisi per vim substantiæ suæ. Deinde, quia nullum accidens cognoscit, illa verò virtus tam nobilis domicilii architecta sapientissima ab omnibus Philosophis iudicata est. *Ædificatur ergo à substantiâ.* At hæc forma seminis est. Certè seminis forma, si non est anima, brutares est, & si fabricat, est æqualis animæ. At incrementis & amissæ carnis restitutione, opus illud est animæ. Erit igitur in semine anima formatrix, antecedens anima, cum parat illud domicilium. Quare prior illa posteriori hac sapientior & nobilior est, *Exercitat. 6. sect. 5.*

XXV. Jacobus Schegkii *lib. 1. de facultate plastica* tribuit semini virtutem formatricem, formam substantialem, quæ nullo sensu, verum mente & ratione percipiatur, sementamen & hunc actum substantialem, non quidem ex principium agentium, sed ex instrumentalium numero esse, atque instar maius artificis efformare corpora organica. Similia ferè habent Conimbricenses *lib. 1. de generat. & corrupt. cap. 4. quæst. 26.* Joh. Velcurion *lib. 1. Institut. Physic. cap. 21. & lib. 3. cap. 25.* Keckermannus *lib. 3. System. Phys. cap. 14.* Ludovicus Gardinius *libro de anima rationali restituta in integrum,* Johan. Heurnius *lib. 3. Institutionum Medicarum cap. 2.* Joachimus

Burfèrus lib. 3. *Institutionum Physicarum* cap. 7. Phil. Mocenicus *Contemplat.* 4. part. 3. cap. 16. Duncanus Liddelius lib. 2. *Institut. Medicar.* cap. 9. Guillh. Harvèus libro de generat. animalium ex ovo Exercit. 49. Arnoldus Verhâl in *sylva questionum Physicarum* de animâ pag. 82. 83. 84. Bruno Seidelius libro. 2. de corpore & anima hominis pag. 461. 464. Cæsalpinus lib. 5. *questionum Peripatet.* num. 2. Andr. Laurentius lib. 8. de fabricâ corporis humani quæst. 2. & 12. Hieron. Mercurialis libro de generatione hominis cap. 9. Archang. Mercenarius Tomo 2. dilucidat. *Peripatet.* fol. 379.

XXVI. Eam sententiam confutare vult Thomas Fiéus libro de formatione fœtus pag. 91. seqq. ipse non verioribus innixus fundamentis, quoniam tuetur animarum inductionem. Cæterum nos dicimus, quod maneat quæstio integra de principali causâ, quæ movet instrumentalem illam. Multa hic obtendit Burserus 1. *Quod nulla substantia creata sit immediatè sui multiplicativa.* Respondeo: Formæ multiplicant sese in semine. 2. *Quod omnis substantia agat intervenientibus qualitatibus.* Resp. Nulla tamen agit qualitas, nisi in virtute substantiæ appropriatâ. 3. *Si musculus in quiscuilibet oriundus potest ab accidentibus produci, nihil vetat, reliqua viventia ab accidentibus produci.* Respondeo: Nulla est generatio musculi à quiscuilibet, uti loco alio probavimus. Argumentamur: Instrumentum non movet nisi motum. Atqui hic est instrumentum quod operatur in materiam subiectam. Ergo requiritur ut etiam adsit causa principalis movens. Neque accuratè dicit Schegkiius, quod semen instrumentale agens sit. Certè

Aristoteles lib. 7. *Metaphys.* cap. 9. refert semen inter causas univocas, adeòque inter causas instrumentales locum habere non potest accuratè dicendo, cum agentia univoca omnia pertineant ad causas principales, quoniam sibi simile generant. Tantum quod semen vocare possumus instrumentale agens, quoniam mediante semine fiat generatio in viventium genere. Instrumentum propriè dictum cum agente principali necessariò conjungitur, & ab eâ subordinatur. Atqui semen à generante separatur, & sibi sufficit, cum in se virtutem agendi pariter & materiam actuandam contineat.

XXVII. Quod verò Aristoteles lib. 2. de generat. animal. cap. 3. dicit, formam potestate inesse semini, id non pugnat nobiscum, qui formam actu in semine inesse contendimus. Etenim, uti Scaliger exponit, semen est potestate animatum, non quia non sit ipsa animæ substantia in semine; verum quia caret instrumentis externis, quæ sint in potestate ejus, & quibus perfectis in actum secundum erumpat, cunctasque operationes edat, quas ob defectum instrumentorum edere hætenus non poterat, quomodo infantes neque ambulare neque perfectè loqui possunt, non ob animæ, sed ob instrumentorum debilitatem.

XXVIII. Dicimus ergo cum Platone in *Timæo*, Themistio comment. ad lib. 1. de animâ text. 6. & 21. Johan. Philopono ad lib. 2. de animâ text. 43. Dan. Sennerto lib. 1. *Institut. Medicarum* cap. 10. & lib. 1. *Epitom. Phys.* cap. 3. & in libro *questionum Medicarum* pag. 1. 2. seqq. Julio Scaligero *Exercit.* 6. sect. 5. & 9. Casparo Bartholino

lino in *controvers.* *Anatomicis* pag. 216. *segg.* quod anima cum semine traducta efformat corpus organicum, domicilium suum. Rem probamus argumento isto: Effectus arguit causam proximam. Atqui effectus, nimirum corpus organicum, est substantia. Ergo etiam causa ejus proxima debet esse substantia. Hæc verò non potest alia dari quàm forma. *Porrò*: Ubi sunt facultates animæ, ibi est anima ipsa. Atqui in semine foecundo sunt facultates animæ vegetativæ. Ergo in semine foecundo est anima vegetativa. Major constat: Adjunctum proprium est semper & ubique cum subiecto. Minor: Virtus formatrix est facultas propria animæ, teste Aristotele *lib. 2. de anima cap. 4.* Ità facili negotio pro veritate adstruendâ conficiuntur demonstrationes. Quod enim virtus formatrix in semine inest, concedunt omnes; quod etiam anima ipsa in semine inest atque operatur, non possunt inficiari. Namque facultates haud debent separari ab animâ, cujus propriæ sunt, & ob causam eandem non potest facultas propria inesse in subiecto aliquo, in quo non simul inest forma, à quâ fluit & provenit facultas ista.

XXIX. Denique cum ab operationibus ad causas proximas inveniendas viâ tutâ procedere licet, meritò statuimus, animam in semine efficaciter inesse, quæ suis in eo operationibus manifestò se prodiit. Argumentum est tale: *Quicquid semini actû inest, illud in semine operatur.* Atqui forma in semine actû inest. Ergo forma in semine operatur. Proinde errant omnes, qui virtutem formatricem extrâ semen volunt querere. Est illa in semine, est

anima ipsa semper negotiosa, nunquam ociosa.

CAPVT DECIMUM,

De Corpore vegetativo.

SUMMARIA.

1. *Corpus vegetativum.*
2. *Operationes vitales.*
3. *Solvitur exceptio.*
4. *Bodini opinio.*
5. *Partes simplices.*
6. *Partes perennes.*
7. *Partes annivarsaria.*
8. *Flores, fructus.*
9. *Cardani opinio.*
10. *Excrementa.*
11. *Generatio visci.*

I. *Corpus vegetativum est, in quo plantæ Operationes vitales peragunt.*] Dum vivunt, germinant. Germinatio est partim ab internâ causâ, partim ab externâ. Illa est aura salubris & blanda propter benignum Solis influxum, ut verno tempore germinent plantæ, non etiam hyberno. Hæc est calidum innatum formæ vehiculum, pro cujus aut debilitate aut robore germinatio vel citius vel tardius promovetur.

II. *Operationes vitales.*] Vulgò creditur, plantas ferè omnes nasci è semine, quasdam verò citrà semen nasci, astrorum operâ in locis desertis & fortuitis, de terrâ putridâ & aquâ invicem

commistis, benigno calore temperatis, à quo forma inducatur in materiam idoneam, Barthol. Keckermannus *lib. 5. System. Phys. cap. 2.* Andreas Libavius *part. 2. singularium pag. 230. seqq.* Petrus Laurembergius *lib. 1. de cultu hortorum cap. 14. dist. 5.* Verùm non minus hæc quàm aliæ semen proprium habent. Argumentamur: Effectus specificus requirit causam specificam. Atqui lappæ, tribuli, vinca pervinca & similes herbæ sunt effectus specificus. Ergò requirunt causam specificam. *Item*: Nullum inanimatum producit aliquod animatum. Cælum & astra sunt inanimata. Ergò non producunt animatum, uti plantas & herbas, quæ vivunt, augescunt, nutriuntur, procreant, occidunt.

III. *Excipiunt*: Terra producit eas, nec tamen semina ibi esse deprehendebatur ante. In saxis & parietibus sunt rimæ copiosæ, intrà quas materia putrida ex se propagat radices, plantæ futuræ rudimentum, concurrit aër nunc benignus, nunc corruptus, & humidum præsens ad generationem præparat, Keckermannus *l. d. & ante illum Aristoteles lib. 2. de plantis cap. 5.* Respondeo: Multa fugiunt sensum, quæ tamen idèò non debent negari quod sint. Terra fecunda mater est, eamque Deus variis seminibus quaquaversum implevit, unde multiplicia gramina progengerantur. Multa semina ventorum impetu ab uno loco ad alium transportari possunt, multa ab avibus in aëre vagis sparguntur locis iis, ubi similes plantæ hæcenus non existerunt. E stercore suillo nascuntur sonchi & cardui, ob semen quod devoraverant sues,

& ejecerunt per intestina. Quod ad fursum provectus & humido conclusus ad corporis animati productionem nequaquam sufficiant, in manifesto est. Nihil vitæ inest in Elementis, & tamen vitæ compos debet esse causâagens, quæ formam progengerat, quæque corpus suis eleganter distinctum partibus nullo errore admisso format.

IV. Non dissimiliter *Bodinus*: Scirpes proveniunt maximâ parte spontè ab illâ vi, quæ terris & terrestribus corporibus, puta saxis, naturæ munere & concessu tributa est, cætera seminibus, radicibus, propagatione, insitione, inoculatione, *lib. 3. Theatri naturæ pag. 272.* Atqui naturæ munus in eo consistit, quod plantam omnibus numeris absolutam ex semine producat, *Genes. 1. 11. 12.* In saxis nudis nasci plantas, absurdum est, quæcunque enim plantæ innascuntur saxis, terram subiectam habent, in quâ semen recipi & radices firmari possint. Neque vera sunt illa *Bodini*: Postquam homo descivisset ad peccatum, Deus spontanium frugum proventum ademit terris, ut hominum libidines illâ curâ minueret, eosque ad victum parandum religione quadam obligaret, *l. d.* Notum enim est, quod terra integra non produxerit fruges spontè, verum ex semine, quod à relictis in agro frugibus proveniebat, aut quod hominum manibus injectum spem frugis novæ facere poterat, *Genes. 2. 15. 2. Regum. 19. 29. Esaiæ 37. 30.*

V. *Dividitur in partes simplices & compositas. Simples sunt fibra, nervi, caro, medulla, lignum, cortex.*] Fibrae sunt in radici-

radicibus, per quas alimentum attrahant. Nervi sunt, per quos succus alimentarius distribuitur ad partes quasque, unde incisæ herbæ & arbores humorem destillant nunc sapidum, nunc insipidum. Caro est pars trunci inter medullam & corticem media, nervis seu venis distincta, ad substantiam plantæ conservandam. Medulla seu matrix est intima pars trunci, instar cordis in animalibus, quâ calor vitalis continetur. Lignum est corpus durū ac fissile. Cortex est pars crassior, quæ ambit tegitque plantam, ne partes ejus tenuiores lædantur.

VI. *Compositæ sunt vel perennes vel annuæ, & surculis.* Perennes sunt radix, caudex, ramus, & surculus. Radix est pars infima, plantæque nutrimentū de terræ visceribus attrahit & aliquo modo concoquit. Caudex seu truncus est per quem planta confurgit à terrâ, commune vehiculum alimenti ad partes omnes. Ramus est pars diffusa à caudice velut brachium, ad flores & fructus progenerandos. Surculus est pars tenuior in ramo.

VII. *Anniverſaria sunt folia, flores, fructus.* Negat *Joh. Combacchius*, verè dictas partes esse. Rationes sunt: (1) Quia partes integrantes ita insunt rei, ut cum sunt ablata, imperfectionem adferant; flores verò & fructus sive insunt plantis, sive non insunt, de plantarum integritate non adimunt. (2) Quia partes integrantes non subeunt eas vices, ut pro tempore delabuntur & recreſcant, quod in floribus & fructibus contingit. (3) Quia soboles in animantibus inter effecta matris numeratur, & tamen non est matris pars integrans. Pari modo flores

& fructus non quidem partes, sed effectus arborum sunt, lib. 4. *Institution. Physic. pag. 708. 709.* Vetum non procedit illatio, quatenus partes sunt & simul effectus. Nova obedientia est integrans pars pœnitentiæ, est quoque ejusdem effectus. Conclusio est pars argumentationis perfectæ, est quoque effectus ejusdem. Liberi sunt pars societatis domesticæ, sunt quoque effectus ejusdem. Rationes facillè solvuntur. (1) Si prorsus non insunt folia & fructus in arbore, tunc cum per leges naturæ inesse debent, quis neget imperfectam arborem esse? Nec enim vegeta arbor est, sed arida & vigore suo spoliata. Quod non semper insunt, ab eâ lege est quâ natura sancivit. (2) Diversæ naturæ partes esse, quid vetat? Officium partis debet spectari, quod est integrare totū. Tàm verò folia & fructus ad integritatē arboris vegetæ requiruntur, quàm rami & surculi. (3) Quod liberi sint pars domesticæ societatis, non debet negari; quod matris unius effecta sint, falsum est. Suntque folia velut præsidium nunc germini, nunc fructui adversus impetum radiorum Solis.

VIII. Flores potestate continent fructum, & tempore suo formant, ut cum succellu matureſcat in pediculo, per quē imbibit liquorem à surculis. Tendit enim Natura uti aliàs, ita nunc etiam ab imperfecto ad perfectum, à flore fructus rudimento ad florem ipsum, facillisque est in efformando flore, operosa verò & tarda in perficiendo fructu. Fructus nunc semen nudum est, nunc semen cum carne est, ut plantarum propagatio fieri possit. Nudum semen est in herbis, se-

men

men cum carne est in pomis, pyris, cerasis, prunis.

IX. Dixerat Cardanus, quod folia sint vice præsidiorum, *lib. 8. de subtilitate pag. 268.* Negat Julius Scaliger, & propter ornatum in arboribus esse contendit, *Exercit. 177. sect. 3. & lib. 2. de plantis pag. 443.* Non tam rectè, quam uno contradictionis studio. Natura spectavit utrumque in crinibus & pilis animalium, nempe ut corporis decus augeant, & contrà externum sive frigoris sive caloris impetum defendant. Vitibus dedit Natura pampinos latissimos, quibus uvæ contrà Solis ardorem & pluvie frigora defendantur, ne lædant, & benignus succus in eis conservetur integer. Quod idem videre licet in plantis, quæ molli temperamento præditæ sunt, in alno, corylo, sambucâ, tiliâ, ulmo, cucurbitis, melonibus, quæque omnes habent folia amplissima, à quibus contrà Solis vim defendantur, ne propter laxitatem pororum calidum innatum affligatur. Et hæ plantarum partes sunt, quarum aliæ magis, aliæ minus necessariæ sunt. Sunt plantæ, quæ omnes partes habent, sunt etiam quæ aliquas habent.

X. *Excrementa sunt muscus, fungi, & lacryma.* Hæc non proveniunt à semine & formâ specificâ arboris, sed à formis subordinatis, quæ in plantis nobilioribus loco materiæ proximæ, & subiecti formæ specificæ sunt. Muscus est excrementum herbacium, instar lanuginis in corticibus arborum pronascens, pendetque ex arboribus instar filorum & pilorum, ex populo, quercu, piccâ, odoratus & pulcher; imò nulla ferè arbor

est, quæ cum senescit, muscum non profert, & indicium est arboris senescentis, cum musco tegi incipit, ait Fabius Columella *lib. 5. stirpium minus cognitarum cap. 158. 159. 160.* Attrahuntur per radices variorum graminum semina, quæ demum in arbore senescente facilius erumpunt propter ligni invaletudinem, quàm in arbore validâ hæctenus, in quo est durissimum lignum, ut semina herbarum intus comprimantur. Patitur à musco arbor, uti à scabie corpus humanum, Namque præripit arbori cæterum invalidæ nutrimentum, ut magis etiam debilitetur, & insectis præbet commodum habitaculum, à quibus cortex arroditur. Fungus est excrementum solidum, instar spongiæ plantis adnascens, Lacryma est humor crassius è plantis suâ sponte exsudans, ut gummi, resina, viscum.

XI. De visco produnt Athenæus *lib. 6. Dignosophist.* Theophrastus *lib. 1. de causis plantarum cap. 24.* Goclenius in *supplementis ad Physicam Seidelii pag. 394.* quod turdus percacat arbores, unde viscum propullulet. Id commentum esse, docent Julius Scaliger *Exercit. 168.* Senertus *lib. 6. Epitom. Phys. pag. 440.* Johan. Ronodæus *lib. 1. de materia medica sect. 4. cap. 83.* Nasceitur enim in arboribus, scilicet in castaneâ, in quibus turdi nunquam consistunt; & de ramusculis iis provenit, in quibus turdorum finis adhærescere nequit; demum oritur à furculo summo propullulat, in quo ne tranquillo aëre stare quicquam potest.

CAPVT VNDECIMUM,

De Herbis.

SUMMARIA.

1. Definitio herbe.
2. Herba alimentosa.
3. Herba medicamentosa.
4. Herba calida.
5. Herba neutra.
6. Herba nocīva.

Herba est planta tenui caule foliata proveniens.] Differt ab arbore, velut specie oppositā, quod arbor non quidem in folia, sed in stipitem protinus vergit. Scaliger inquit: Herba conuenit cum Cremio stipitis unitate aliquandō, uti brassica; nonnunquam cum Frutice stipitum multitudine, uti sceniculum; aliās cum eorum neutro, uti differt semper & omnis, & ab omnibus alio proprio discrimine. Sola namque statim fundit ab radice folia, præterea bina prima, quæ cunctis communia, illicō seminis pulpā prodeuntia, sunt affinia radici. Nam & arbor, & cremium, & frutex continuō ab iis foliis edunt stipitem: herba omnis insuper folia: procedente verō tempore etiam stipitem quædam, quædam nullum unquam, *Exercit.* 139. Pauca sunt, quæ non habent caulem uti carduus & mandragora.

II. *Estque vel salubris vel nocīva.* Salubris est, quæ hominum vita & valetudini plurimum commodat. *Estque vel ali-*

mentosa, vel medicamentosa, vel neutra. Alimentosa est, quæ gratum cibum præbet hominibus.] Estque vel fruges, vel olus. Fruges sunt herbe sativæ in agris nascentes. Suntque vel frumentum, vel legumen. Frumentum est, quod spicam profert in culmo. Talia sunt triticum, hordeum, siligo, avena. Legumen est, quod granum in valvulis & siliquis fovet. Talia sunt oryza, milium, lens, pisum, faba, cicer. Olus est herba sativa in hortis plerumque nascent. Tale sunt brassica, spinacia, lactuca, beta, portulaca, malva, cepa, portum, petroselinum, cucurbita, pepo, melo, fragum, raphanus, cucumis, allium, nasturcium, lupulus, asparagus.

III. *Medicamentosa est, quæ remedia commoda præbet in usus hominum.*] Estque vel peregrina, vel domestica, utraque vel calida, vel frigida. Peregrina est, quæ foris nascitur, uti aromata varia, crocus, Zingiber, Zedōaria, galanga, acorus, muscatum, calamus, cariophylla, piper. Domestica est, quæ in hortis nostris provenit. Tales sunt absinthium, buglossum, fumaria, anethum, borrago, chamæmelum, tussilago, betonica, melissa, salvia, sceniculum, ruta, chelidonium, urtica, acetosa, hyacinthus, solanum, artemisia, abrotonum, trifolium, quinquefolium, angelica, scabiosa, hypericum. Calidæ sunt nunc actu, nunc potestate. Actu calidæ sunt, quæ primo contactu qualitatem insitam vobis insinuant, uti urtica, quæ manus atrectantium protinus adurit. Potestate calidæ sunt, quæ magis reconditam qualitatem habent, ut ad insinuandam illam opus sit causā externā. Ita piper, opiū, Zingiber, cariophyllum,

Rr

absin-

absinthium, fumaria, habent caliditatem veluti sepultam. Quod enim opium siue papaver nigrum frigidâ qualitate gaudere putat Johannes Fernelius in *Methodo medendi lib. 5. cap. 17. lib. 6. cap. 1.* hoc inquam non est verosimile, quia amarum & acre est, vellicat linguam, incendit fauces, excitat sitim, facîle inflamatur, odorem gravem habet, sudorem ciet, dura emollit. Quæ omnia satis arguunt, calidum esse, non verò frigidum.

IV. Cæterùm quare herbæ aliquæ potestate calidæ sint, inquit *Zabarella*: Dicunt, ait, vinum & piper habere frigus actuale, sed calorem virtualem, tactu enim sentiuntur frigida, sunt tamen maxime calefactiva, cujus discriminis rationem cum ego sæpè Medicis pluribus inquisiverim, nunquam tamen ab aliquo intelligere potui, ipse autem arbitror, eam sumi posse ex iis quæ proximè dicta sunt. Quamvis enim illa plurimum habeant caloris in suâ temperaturâ, is tamen calor absconditus est à contrariâ qualitate, cui est commixtus, sed si ab aliquo externo calefiant, ut à ventriculo, excitatur etiam calor internus, & ei adjunctus calor externus reddit calorem unum magnum & valdè sensilem, itâ ut postea illa maiorem ventriculo calorem retribuant, quàm ab eo recipiant, *lib. 2. de generat. & corrupt. cap. 9.* Nimirum habent in se calorem. Quod verò non sentiat protinus calor iste, à frigidis partibus est, quibus calidæ quaquaversum obvolvuntur.

V. *Neutra est, quæ nullum certum usum præbet apud homines.* Quæ colore atque odore tantùm oblectat, uti sunt varia gramina, quibus iumenta, feræ aliquæ, volucres plurimæ vescuntur.

VI. *Nociva est, quæ hominum valetudinem lædit.* Tales sunt aconitum, cicuta, napellus, veratrum, efula, nec nō papaver nigrum, de quo vide *Johan. Fernelium in methodo medendi lib. 6. cap. 5.* Sennettum *lib. 6. Medic. Pract. part. 7. cap. 1.* Et de omnibus consule Plantarum historiam amplissimam, quam Johannes Bauhinus evulgavit.

CAPVT DVODECIMVM.

De Arboribus.

SUMMARIA.

1. *Definitio arboris.*
2. *Arbor frugifera.*
3. *Arbor sterilis.*
4. *Anseres arborii.*
5. *Sententia vulgaris.*
6. *Refellitur.*

I. **A**rbor est planta valida cum trunko agnoso proveniens.] Arbores magnitudine superant animalia cuncta. Vastitatem elefantorum & immanitatem cetorum admirantur homines, at miramagis arborum est magnitudo. Quercum vidit *Scaliger*, longitudine pedum circiter septuaginta quinque; *Exercit. 166.* Apud Indos tam altè crescunt arbores, ut non possint telorum jactu superari, *Plinio* scribente. Et eodem teste, ævo ipsius platanus in Lyciâ fuit, cujus truncus erat similis domicilio fornicato, in circumfere tiâ pedum octoginta, *lib. 12. histor. natur. cap. 1.* Cæterum arboris nomine venit nobis non solum quercus aut tilia, sed rubus etiam ac spina, quæ frutices vulgò appellantur.

II. *Est, vel frugifera vel sterilis. Frugifera est, qua fructum edit.*] Fructum quem comedant seu homines seu pecudes. Et suaviorem fructum quidem ferunt arbores mediocris ætatis, quæ tantum generationi, non etiam augmentationi incumbunt. Juniores arbores habent fructum crudiorum, quia tum augmentationi, tum generationi, operam dant, adeoq; fit ut uni actioni intentæ arbores promptè magis efficiant, quàm pluribus actionibus deditæ, à quibus magis etiam succus dispergitur. Tales sunt pomifera, uti pomus, pyrus, cerasus, prunus, citrus, persica, punicæ, mespilus; Baccifera, uti vitis, olea, laurus, motus, juniperus, myrtus, palma, ficus; Nucifera, uti corylus, juglans, robur, ilex, fagus, myrtica, pinus, castanea.

III. *Sterilis est, qua fructum nullum edit.*] Equidem Timotheus Brighus *animadversionibus ad Physicam Scribonii* pag. 128. obtendit, quod non dentur arbores steriles, & rationes addit: (1) Quia salix, betula, alnus, ulmus producant etiam fructus, quamvis non adeo notabiles. (2) Quia omnes arbores propagantur è semine suo, adeoq; non est aliqua sterilis. *Hicille.* Verum prior ratio solvitur facillè, quod non liceat in eis reperire fructum cibo æqualem. *Posterior* laborat fallaciâ æquivocationis, Fructus nunc idem quod semen est, nunc semini contradistinguitur. *Præori* modo arbor nulla sterilis est, quia semen habent omnes, à quo propagantur. *Posteriore* sensu steriles sunt, quæ semen quidem habent, à quo propagantur, non verò tale quod in usum cedit hominibus, uti salix, platanus, fra-

xinus, populus, tilia, betula, ulmus, cedrus, buxus.

IV. Sunt etiam plantæ & arbores de quibus vulgò creditur, quod procreent animalia viva. Anserum aquaticorum genus aliquod in Scotiâ & Angliâ nasci ex arborum foliis deciduis, quos Berniclas vocant, scribunt Hæctor Boëthius, Gaudentius Merula, Sylvester Gyraldus, Wilhelmus Cambdenus, Abrahamus Ortelius, Buchananus, Munsterus, Cardanus, Joh. Bodinus, Bartholom Keckermannus, quibus fidem commodant Athanas. Kircherus *lib. 3. de Arte magnetica part. 5. cap. 1.* Taurellus *part. 1. de rerum æternitate* pag. 389. Antonius Mizaldus *Centuria 8. memorabilium sect. 18.* Johan. Baptista Porta *lib. 2. Magia natural. cap. 3.* Eusebius NireMBERGIUS *lib. 3. histor. natur. cap. 5.* Andreas Libavius *lib. 6. de origine rerum* pag. 533. 536. Petrus Bertius in *Tabulis contrariis lib. 4. pag. 102. 103.* Scilicet in Quinquendensi regione, Orcadibus & Hebridibus Insulis, nec non in Angliâ ad Tamesin, arboribus in ripâ enatis, ut ramis pertingant ad aquarum superficiem, unde folia decidunt, adhærere conchas minutulas, rotundas, extrinsecus albas, quæ ad maturitatem perductæ generant ex se aviculas, atq; istæ porro innatando aquis victum acquirunt. De arboribus in provinciâ Suchuen ad lacum quendam consitis, refert Martinus Martini in *Atlante Sinico* pag. 67. quod proferant flores, quique temporis successu in aves mutantur. Verum qui facillè credit, facillè decipitur. In locis peregrinis fabulas multas inter vera aliqua dubiis relationibus misceri, novum haud est.

V. De Scoticis mergis alii aliter sive referunt sive fabulantur, nasci ex pomis, ex foliis arborum, è putridis lignis navium. *Hæster Boëthius* non tam ex pomis, quam ex mari pronasci anseres illos existimat. Mari enim vim illam procreativam inesse censet, unde etiam ab Homero & Virgilio pater rerum appellatum sit. Idque ut obtineat, varia exempla adducit. Si lignum, *inquit*, in mare id projicias, temporis tractu primum in eo vermes excavato ligno nascuntur, qui sensim formati capite pedibusque atque alis plumas postremò formant, demum anseribus magnitudine æquales, cum ad ætatem justam pervenerunt, cælum petunt avium aliarum more remigio alarum per aëra delati, *lib. 1. descriptionis Scoticæ*. Trabes etiam ac naves sæpius in anseres mutatas recenset, ità ut primò multitudo vermium apparuerit, donec temporis successu anserum perfectorum numerus egregius proveniret. Fabulosum esse, jamdudum monuit Ulysses Aldrovandus in *Ornithologia lib. 19. cap. 23.* & recentissimus Scriptor Wilhelmus Harveus libro de generatione animalium ex ovo pag. 37. confirmat. Leges suas observat natura, & in anserum, & in lignorum, & in pomorum generationibus, ut nun-

quam ista confundere, & quidvis ex quovis producere velit.

VI. Fabula inde nata est, quod cum nautæ passim circà Orcades & Hebrides, totoque mari Caledonio viderent innumerablem copiam anserum, illorum verò locum natalem ignorarent; credere vellent & persuadere aliis, quod de conchis & putridis lignis per mare illud dispersis nascerentur, cum tamen in desertis illis scopulis & alibi ex ovis communi lege nascantur. Ità rectè pronunciant Antonius Deusingus *Diatriba de anseribus Scoticis*, & Wolffg. Franzius *part. 2. hist. animal. cap. 20.* Notum est, quod Gerhardus Veren Amstelodamensis *descriptione navigationis sue in Chinam*, & post eum Carolus Clusius in *Audario exoticorum* testentur, deprehensos fuisse avium istarum nidos, ova, incubitus apud Insulam Crucis in mari Cronio. Proinde fabula est, quod de lignis putridis enascatur, & verum est, quod dicebant Veteres, nervos atque attus sapientiæ esse, non temere credere.



LIBER OCTAVUS,

De Brutis.

CAPUT PRIMUM,

De Animalibus in genere.

SUMMARIA.

1. *Definitio animalis.*
2. *Cardanus refellitur.*
3. *Solvitur obiectio.*

I. **A**nimale est corpus animatum sentiens.] Tandem igitur præstantius fuerit quam est planta, quando vegetativæ animæ sensitivam addit. Nihil enim inest in plantis, quod animam sensitivam arguit, quicquid etiam conetur Hieron. Cardanus, ut ostendat, in plantis inesse quandam imaginem sensuum, lib. 8. de subtilitate rerum pag. 224. Rationem adfert, quia se mutuo amant, mutuo oderunt, vitis & oliva oderunt se, cucumis oleam fugit, & vitis amat ulmum, myrtus consita ad puniceum malum reddit eam fructuosiores, odorator ipsa, utraq; mirum in modum læta provenit & luxuriat. Sic ille. Eratq; sententia illa Veterum quorundam, Anaxagoræ & Empedoclis apud Plutarchum lib. 5. de placit. Philosophor. cap. 26. Rectè verò confutat Julius Scaliger Exercit. 138.

Naturales sunt affectus, qui in plantis insunt; non verò appetitus animales, qui ab animâ sensitivâ oriuntur. Præstantius est, quod præstantiorem habet formam, præstantiores operationes. Atqui omnibus illis præstat animal, videt, audit, movetur loco. Nihil tale est in plantis.

II. Ejus notentur partes, species, & adjuncta. Partes sunt anima sensitiva & corpus. Species sunt brutum & homo. Adjuncta sunt respiratio & sexus.] Quod homo verè dicendo possit vocari animal, negat Hieron. Cardanus lib. 11. de subtilitate rerum pag. 350. Nos argumentamur: Quicquid vitæ, sensu & motu præditum est, animal est. Atqui homo vitæ, sensu & motu præditus est. Ergo homo animal est. Regerit ille: Limitanda est major, quicquid vitæ, sensu & motu tantum præditum est, animal est. Sed homo præter omnia ista habet aliquod proprium, mentem videlicet, animam suam. Declarat per simile: Eadem ratione colligi possit, hominem & quodvis animal esse plantam, nam quodcumque nutritur & vivit, est planta. Atqui omne animal nutritur & vivit. Ergo ani-

male est planta. Nimirum limitanda est propositio: Quicquid nutritur & vivit tantum, nec habet animam sentientem, est planta. *Respondeo*: Confundit naturam generum & specierum. In *posteriore* Syllogismo recte negatur & limitatur Major, nec enim vita live anima vegetativa est forma specifica plantarum, sed convenit duabus speciebus disparatis, scilicet plantæ & animali. Quicquid ergo vivit & nutritur, id non semper planta est; potest animal esse, semper tamen est corpus vivum. In *priore* Syllogismo nullâ opus est limitatione. Namque vitæ & sensu præditum esse est forma specifica animalis, quæ convenit duabus speciebus disparatis, bruto & homini. Quicquid ergo vitæ & sensu præditum est, non statim est brutum, nec statim est homo, semper verò est animal.

III. Instat *Cardanus*: (1) Species oppositæ sub se invicem non possunt collocari. Animal & homo sunt species oppositæ. Ergo non possunt sub se invicem collocari. *Respondeo*: Licet formæ animalis & hominis differant, atq; opponantur sibi, non tamē est oppositio ex adversis, ut sint formæ specificæ; verum est oppositio ex disparatis, ut sint formæ genericæ & specificæ. Quæ verò se respiciunt uti latius & angustius, illa prædicantur de se invicem, uti constat ex præceptis Dialecticis. (2) Omnis forma speciei continetur sub formâ generis. Atqui intellectus est forma hominis, velut speciei. Ergo intellectus continetur sub formâ generis, nimirum sensu, atq; ita sensus intelliget. *Respondeo*: Quoddam sentiens intelligens nō magis absurdum est, quàm quoddam sentiens

esse hominem, enunciato concretivo. Namque sensu abstractivo, sentiens quæ tale non potest dici intellectum habere, nec potest dici homo esse. Recte igitur dico, quod omnis homo est animal, & quod omne intelligens sensu præditum sit. Nimirum eo modo, quo species continetur sub genere, etiam forma speciei continetur sub formâ generis. Neque enim anima inferior defraudata est facultatibus animæ superioris; sed habet omnes has, & præter has etiam alias proprias & peculiare, à quibus proveniunt operationes eximiar.

CAPVT SECVNDVM,

De Bruto in genere,

SUMMARIA.

1. *Definitio bruti.*
2. *Solvuntur objectiones.*
3. *Divisio brutorum.*

1. **B**RUTUM est animal irrationale.] Animale est, quia corpus animatum sentiens est; irrationale est, quia ratione caret. Solus homo rationalis est, utpote qui conditus est ad imaginem Dei, cuius effectus est ratio, *Genes.* 1. 26. 27. Veterum nonnulli, Democritus, Plutarchus, Ælianus, Cicero, Porphyrius adferunt miranda brutorum opera. ut eis particulam rationis aliquam tribuere possint. Quibus hoc permittunt Laurentius Vallæ lib. 3. *Dialectica*, Franciscus Vallesius in *Philosophia sacra* cap. Johan. Bodinus lib. 4. *Theatrum naturæ* pag. 437. & vir portentosi ingenii

ingenii Thomas Campanella lib. 2. *de sensu verum* cap. 23. Hieronymus Rorarius libro quod bruta utantur ratione, Michael Warsonus in *Synopsi Philosophia* pag. 493. 494. Verum nullo cum successu. Habent quidem bruta ejusmodi sensum communem & phantasiâ accuratam, ob exaltatum temperamentum, & spiritus animales puriores; sed rationem vel intellectum non habent quam sacræ literæ expressum iis denegant, & homini soli velut privilegium eminens assignant, *Psal.* 32. 9.

II. Instat *Vallesius*: (1) De gallo gallinaceo dicitur Jobi 38. 36. *Quis dedit gallo intelligentiam?* Habet ergo rationem. *Respondeo*: Novit Deus, undè versio ista in Romana Biblia irrepleta? Aliter est in Ebreo: *Vel quis dedit menti intelligentiam?* Nimirum uti dixerat in præmissis, quis posuit in renibus sapientiam? Vim consilii ponunt Hebræi in renibus, *Psal.* 7. 10. *Ierem.* 31. 20. *cap.* 17. 10. *Apocal.* 2. 23. Nihil occurrit de gallo. (2) Nullus est sensus, nisi cum ratione conjunctus. Atqui bruta sensum habent. Ergo etiam rationem habent. *Respondeo*: Major est falsa. (3) Bruta corripiuntur furore & delirio. Ergo prædita sunt ratione. Antecedens constat exemplo canum, luporum, equorum, simiorum, ovium. *Respondeo*: Negatur consequentia, neque enim delirium supponit rationem. Ne homines quidem delirant secundum mentem abdicatam & ipsis propriam, sed hoc accidit illis quoad sensus internos, & phantasiæ actiones, quibus etiam utuntur bruta. Delirium & furor sunt corporales morbi, neque per se lædunt quicquam nisi cor-

poris actiones, mentem verò non attingit læsio, nisi per accidens, ut usus rationis impediatur. Quia dum in corpore est, ministerio sensuum utitur.

III. *Suntque vel perfecta vel imperfecta. Perfecta sunt volatilia, natatilia, gressilia, reptilia. Imperfecta sunt insecta.* Testatur Scriptura, quod creaverit Deus reptile, volatile, cetos magnos, & jumenta; quodque Salomon Rex inclutus libros conscripserit de jumentis, volueribus, reptilibus & piscibus, *Genes.* 1. 20. 21. 1. *Regum.* 4. 33. De insectis non addunt Origines, quæ novum brutorum genus constituunt, sed ab initio producta non fuerunt.

CAPVT TERTIVM.

De Animâ sensitivâ.

SUMMARIUM.

1. *Definitio animæ sensitivæ.*
2. *Notatur Combacchius.*
3. *Operationes sensitivæ.*
4. *Facultates ejus.*
5. *Solvuntur objectiones.*
6. *Differentia facultatum.*
7. *Solvuntur objectiones.*

I. **A**nimæ sensitivæ est forma brutorum, quâ cognoscunt & loco moventur. De hac notandum est idem, quod de animâ vegetativâ monebamus. Genus est animal, & sub se comprehendit species multas brutorum. Ergo forma generica est, & plures formas specificas infra se collocatas habet, canis, leonis, equi,

equi, ovis. Quæ non possunt nomine proprio exprimi, inde est, quod definitio brutorum fiat per animam sensitivam. Dicitque conceptum quendam genericum & communem, sub quo continentur varii gradus diversarum formarum specificarum, qui tamen omnes non excedunt animæ sensitivæ gradum. *Combacchius* ait: Is verò conceptus non est conceptus genericus, sed conceptus collectus à posteriori è diversis formis specificis, ita ut in quibuscunque animantibus aliquid sensus videretur inesse, iis etiam anima sensitiva tribueretur, *lib. 4. Institut. Physicar. cap. 3.* Verum non adfertur causa illa, ob quam non liceat dicere Logico & Metaphysico sensu, quod sit conceptus genericus. Dicit, *quod sit collectus à posteriori.* Atqui conceptus generici isto modo colliguntur. Quamvis enim genus sit naturæ atque essentiæ prius quam species, tamen species sunt priores tempore & existentia, duratione sunt pares.

II. *Instat:* Si esset vel una forma physica communis, vel conceptus genericus, tum necessario quicquid conveniret vel communi formæ, vel generi, idem singulis vel formatis vel speciebus ex æquo conveniret. Quia verò animalia alia nunc sensu aliquo, nunc facultate aliquâ destituuntur, inde patet evidenter, non esse conceptum, qui singulis à priori conveniat, sed qui è singulis à posteriori fuit collectus, *l. d. pag. 588.* Respondeo: Conveniunt æqualiter omnibus brutis, licet aliis evidentius, aliis obscurius, quomodò operationes hujus & illius animalis nunc validiores sunt, nunc imbe-

cilliores. Neque enim species ullæ dantur, in quibus non liceat observare gradus operationum, respectu habito ad sensus nostros, qui sapius caligant in plurimis.

III. *Combacchius* pergit: Hoc evidens erit, partim si naturas animantium, partim etiam si operationes invicem comparaveris. Et naturas quidem considerando, nihil quoad substantiam commune esse potest leoni & muscæ: quoad operationes verò, nihil commune habent aquila & talpa in visu. Ut omnino certum sit, in nullo conceptu univoco ratione animæ sensitivæ ea inter se convenire, *l. d. pag. 589.* Respondeo: Anima sensitiva perinde inest in muscâ & leone; operationes eædem insunt, quamvis non paris evidentie in aquilâ & talpâ. Neque enim talpa prorsum cæcutit, sed debiliter cernit, & per tenebras, in quibus amat degere. Hinc tamen non evincitur differentia specifica, cæterum senex à se juvene differret, quod nunc invalidæ acie videret, olim visu perspicaci valuerat, *Genes. 27. 1.* Proinde est conceptus univocus. Quod verò *Combacchius* persuadere vult, *esse conceptum analogum*, multum fallitur. Non enim visus talpæ depēdet à visu aquilæ, qualia sunt in Analogis, & prolixè docet *Franciscus Suarez Dissut. Metaphys. 32.*

IV. *Ejus facultates sunt tres, cognoscens, appetens, & loco movens.* Recurrit quæstio: *Quomodò facultates illæ ab animâ, & inter sese differant?* Respondeo: Satunt *Zabarella libro de facultatibus anime cap. 3.* *Conimbricenses lib. 2. de anima cap. 3. quæst. 4. artic. 2.* *Javellus lib. 2. de anima quæst. 18.* *Scheiblerus part. 1. de animâ Dissutat.*

Disputat. 3. dist. 27. seqq. quod realiter differunt, secuti Thomam Aquinatem *part. 1. Summæ Theolog. quest. 78. art. 2.* Et rationes proferunt: (1) Accidentia omnia differunt realiter à substantiâ. Atqui facultates animæ sunt accidentia ejusdem. Ergò realiter differunt ab animâ. (2) Non potest esse, ut unum idemq; secundum idem determinetur ad plures actus realiter diversos. Atqui anima determinatur ad plures actus diversos realiter. Ergò non fit hoc secundum idem.

V. Facilis est solutio: (1) Major tantum valet de substantiâ materiali, qualis est compositum, non verò de substantiâ spiritali, quæ per influxum substantiæ agit quaquaversus, qualis est anima. (2) Omnes potentæ sunt ab uno principio, nimirum quatenus ab animâ emanant, licet diversæ sunt cum terminantur in organis corporis, per quæ operationes suas efficiunt. Dicimus igitur cum Johanne Scoto *lib. 2. sentent. dist. 16. quest. 1.* Francisco Oviedo *Disputat. 3. de animâ sect. 2.* Hurtado de Mendozâ *Disp. 4. de animâ sect. 4.* Roderico de Arriagâ. *Disputat. 4. de animâ sect. 3.* quod formaliter sive ratione tantum differunt. Ratio hæc est: Nullum subjectum in se perfectè simplex habet accidentia realiter distincta. Atqui anima sensitiva est subjectum in se perfectè simplex. Ergò anima sensitiva non habet accidentia realiter distincta vel ab ipsâ, vel inter sese.

VI. Quæritur porro: *An facultates sensitivæ in differentibus specie corporibus animatis differant specie?* Respondeo: Facultatem visivam bestię à facultate visiva hominis, & facultatem visivam a-

quilæ à facultate visivâ bovis differre specie ait Julius Scaliger *Exercit. 346.* Rationes adfert: (1) Quia in bruto provenit facultas visiva ab anima sentiente, in homine provenit ab anima rationali quæ superiorum formarum potestates in se continet. (2) Si visiva facultas in aquila & bove non differunt specie, non etiam specie different istorum animæ. Absurdum est posterius. Ergò & prius. Connexum patet: Eadem est ratio animæ & potestatum ejus. *Hæc ille, & cum illo Vopiscus Fortunatus Plempius lib. 4. de Fabricâ oculi cap. 62.*

VII. Quæ rationes uno modo solvuntur. Facultas visiva non provenit à forma *specificâ* hominis, bovis, aquilæ, sed à forma *genericâ*, videlicet sensitivâ, quæ est forma propria animalis, & communiter prædicatur de homine ac bruto. Dicimus ergò cum Zabarella *libro de facultatibus anima cap. 6. 7. 8. 9.* Antonio Ruvione *commentarijs ad lib. 2. de anima pag. 180.* quod non differant specie. Quia enim animæ ipsæ, à quibus proveniunt facultates istæ, non differunt specie, idè neque ipsæ facultates specie different. Connexum patet: Uti se animæ habent, ita se habent quoque facultates earum. Antecedens probatur: Natura animalis illa quæ inest in aquila, non differt specie ab illa, quæ inest in bove, sed respectu ejus bos & aquila conveniunt. Ergò nec differt anima sentiens hujus ab anima sentiente illius. Ergò nec facultas visiva hujus differet à facultate visiva illius. Argumentum tale est: In quo aliquid essentialiter & per se convenit cum alio, per illud nequit essentialiter

tialiter differe ab alio. Atqui bos & aquila in animalis naturâ essentialiter & per se conveniunt, Ergò ratione ejs non differunt. Adedque refellimus *Scaligerum* proprio ipsius decreto: Si omnia specierum differrent specie, nihil esset specierum commune, nullum genus, nulla universalis natura, *Exercitat. 307. sect. 22.*

CAPVT QVARTVM,

De Sensu in genere.

S U M M A R I A.

- I. Definitio Sensus.
2. Sensus origo cerebrum.
3. Confirmatur per rationes.
4. Requisit a sensus.
5. Circumstantia sensus.
6. Solvuntur rationes.
8. Rationes nostra.
9. Species intentionalia, realia.
10. Divisio sensus.
11. Estimativa.
12. Sedes certae sensuum.
13. Solvitur instantia.
14. Solvuntur obiectiones.
15. Sensus externus.
16. Sensus in bruto, in homine.
17. Testimonium Scaligeri.

I. **F**acultas cognoscens alio nomine dicitur. Sensus. Sensus est facultas anima, quæ cognoscit sensibilia. Disputant invicem de naturâ sensus, an sit actio vel passio? Et vera decisio est, quod sit actio, uti ratio evincit: Omnis opera-

tio vitalis provenit ab animâ per modum actionis. Atqui sensus est operatio vitalis, non secus quàm nutritio & auctio. Ergò sensus ab animâ provenit per modum actionis. Passio quodammodò est, cum species sensilis recipitur ab organo suo, & objecta movent sensus. Atqui sæpè recipitur species, & nulla fit sensio. Habemus species visibiles in oculo, nec tamen cernimus objecta, quandoquidem animarebus aliis intenta non advertit species sensiles. Prolixius agunt Zabarella libro de sensu agente cap. 9. Toletus commentariis ad lib. 2. de anima quest. 12. Conimbricenses lib. 2. de anima cap. 6. quest. 1. Antonius Ruvio commentariis ad lib. 2. de anima pag. 207. seqq. Otto Casmannus part. Psychologia cap. 15. quest. 1. Daniel Sennertus lib. 7. Epitom. Physic. cap. 1. & lib. 1. Institutionum. Medicarum cap. 12.

II. *Anima.* Sensus prodit ab animâ velut causâ efficiente, quodnam verò sit corporis organum istud in quo principaliter agat dubium est. Aristoteles docebat, cor esse primum sensorium, lib. 3. de partibus animal. cap. 4. & libro de Juventute cap. 2. Defendunt Avicenna lib. 1. Fen. doctrina. 6. cap. 10. Casalpini lib. 2. quest. Medicarum. num. 10. & lib. 5. quest. Peripatetic. num. 3. Negant verò Medici, & cerebro assignant, Galenus lib. 3. de locis affectis cap. 4. & lib. 3. de causis Symptomatum cap. 8. Bauhinus lib. 3. Theatri Anatomia cap. 18. Andr. Laurentius lib. 4. histor. Anatom. cap. 20. quest. 1. & libro de Excellentia visus cap. 1. Daniel Sennertus lib. 1. Institut. Medi-

Medicar. cap. 13. Johan. Fernelius lib. 5. Physiologia cap. 11. Taurellus lib. 5. Casarium Alpium quest. 3. Joach. Curæus lib. 1. de sensu & sensibili cap. 6. Matthias Flacius lib. 1. de vitâ & morte cap. 14. 15. Renatus Cartesius libro de passionibus anime cap. 1. 2. & part. 4. meditationum Philosophicarum num. 196. Antonius Deusingius Exercitatione de functionibus sensuum dist. 20 seqq. Tuentur idem Conimbricenses lib. 1. de generat. & corrupt. cap. 5. quest. 1. Toletus ibidem quest. 5. Antonius Ruvio commentarijs ibidem pag. 415. seqq.

III. Et constat per multas rationes:

(1) Ubi est principium & concursus nervorum omnium, ibi est origo sensus. Atqui in cerebro est principium & concursus nervorum omnium. Ergo in cerebro est origo sensus. (2) Ubi est principium spirituum animalium, ibi est principium sensus. Atqui in cerebro est principium spirituum animalium. Ergo in cerebro est principium sensus. (3) Ubi sunt primæ operationes sensuum, ibi sensorium est. Atqui in cerebro sunt primæ operationes sensuum. Ergo in cerebro primum sensorium est. (4) Quodcunque malè affectum turbat sensus, illud est primum sensorium. Atqui cerebrum malè affectum turbat sensus. Ergo cerebrum est primum sensorium. Minor constat: A læso cerebro oriuntur furor, delirium, amentia. Quæ tamen non oriuntur à corde malè affecto.

IV. *Cognoscit.*] Ut melius percipiuntur ea, quæ ad doctrinam Sensus pertinent, notentur sequentia, objectum sensibile, species sensibilis, medium per quod species defertur, organum in

quo species recipitur. *Objectum sensibile est*, quod movet sensum & per speciem abstractâ cognoscitur. Sic color parietis speciem sensibilem producit quæ ab oculo recipitur & cognoscitur. Hoc semper est singulare aliquid, adeoq; singularia sunt proprium objectum sensuum, universalia tantum intellectui obnoxia sunt. Quod enim Aristoteles dicit, *sentitur quidem singulare, sensus verò ipse est universalium*, lib. 2. posterior. text. 106. id rectè exponit Zabarella in commentario, distinguendo inter actum sentiendi & facultatem sensus. Actus sentiendi versatur semper circa aliquid, quod determinatum est ad locum & tempus, id est, singulare aliquod. Sentiendi facultas dicitur esse universalis, non quod in universale aliquod immediate feratur, sed quoad modum determinationis. Nec enim visus alligatus est tantum ad unum individuum colorem, huius aut illius parietis, sed indifferens est ad quemcunque colorem, in quem tamen non fertur, nisi ut singularis & individuus est. *Species sensibilis est imago objecti sensibilis*, juxta quàm sensus judicat. Ità Petrus videndo canem, nec canem ipsum, nec canis colorem, in oculum recipit, sed tantum imaginem, speciem & simulacrum canis. *Medium est intervalum*, secundum quod inter se distant sensibile & organum sentiendi. *Organum est pars animalis*, quâ mediante sensatio ab animâ exercetur. Etsi quidem anima secundum essentiam in toto corpore præsens sit, tamē nusquā exercet sensationē, nisi ubi congrua instrumēta habet. Non videt, nō audit in pede, quoniā ocul⁹ atq; auris nō sūt in pede,

de videndi & audiendi instrumenta propria.

V. Quibus omnibus rectè constitutis non potest falli sensus in cognoscendo objecto, uti differunt Antonius Ruvion *commentarijs ad lib. 2. de anima pag. 259. seqq.* Conimbricenses *ibidem cap. 6. quæst. 6.* Toletus *ibidem quæst. 13.* Barthol. Keckermannus *lib. 3. System. Phys. cap. 16.* Antonius Deusingius *diatribâ de functionibus sensuum dist. 43. seqq.* Neque adeo pro Veterum Scepticis & novi ævi Cartesianiis à sensuum incertitudine ad negandas evidentes & sensuum testimonio comprobatas veritates argumentum desumi potest. Nos adferemus Regulas certas: (1) *Inter sensile & sensorium iusta distantia sit.* Ubi cum excessu distantia est, aut prorsum non apparebit sensile, aut apparebit aliter quàm revera est. Stellæ apparent minores esse quàm sunt, ob distantiam nimis longinquam. (2) *Sensile habeat justam quantitatem.* Guttula aquæ vix evidenter humectat linguam, micam panis vix gustamus, literas minutiores vix legimus. (3.) *Sensile habeat justum positum.* Nisi enim ad organum directe efferatur, sed declinet ad latera, sursum, deorsum, non rectè cognoscet sensus. (4) *In sensatione requiritur mora iusta.* Quæcunque enim subito in sensus incurrunt, ea non percipiuntur accuratè. Globus è bombardâ ejectus non videtur, neque læditur manus quæ citissimè per flammam ignis trahitur. (5) *Sensile excellens lædit sensorium.* Scaliger Exercitat. 286. sect. 2. & prolixè Toletus *lib. 3. de animâ quæst. 4.* Solem oculis directis intueri non possumus,

nisi quod aquila Solis radios patitur citrà detrimentum. Democritus Abderites oculis in pelvim Soli oppositam fortiter directis excœcavit seipsum, teste Gellio *lib. 10. cap. 17.* Ratio è dictis antè constat. Scilicet igniculi per aerem dispersi ad radios Solis congregantur, & ab illis est effectus iste. Oculi iter facientium per loca nivosa læduntur, uti Xenophontis militibus accidit apud Galenum *lib. 10. de usu partium cap. 10.* Aures læduntur vehementi bombardæ sonitu ob aerem uno impetu irruentem. Læditur lingua abinthij amarore, læduntur nares cadaveris fœtore, læditur tactus ignis ardore, cum mediocritatem excedit, quâ gaudet sensus omnis. Qui ad accensas fornaces opus faciunt, ferrum cudunt, vitra constant, metalla secernunt, ij plurimum visus hebetantur. Scilicet ob continuum fulgoris aspectum pupilla constringitur, unde primum dolor, inde virium immutatio & visus debilitatio. (6) *Sensorium debet esse secundum naturam rectè dispositum.* Debet esse vacuum ab objecto, quod vult cognoscere, ait Aristoteles *lib. 3. de anima cap. 5.* Febriticantibus omnia sunt amara; qui aurium tinnitu laborant, non benè audiunt; nec rectè vident Ictერიკი, quorum oculi sunt flavidine perstricti. Hinc etiam in senio contingit oculorum error, quod pro vectæ ætatis homines minus bene videant. Senex enim si oculum juvenis haberet, videret uti juvenis, ait Scaliger Exercitat. 76. sect. 4. (7) *Medium debet esse purum & ab aliis qualitatibus non imbutum.*

Turris

Turrim non videmus, etiam si parum ab ea distamus, cum nempe aërem obscurat nebula. Hyeme plures stellas cernimus in cælo, quàm æstate, quoniam à frigore aër magis serenus & purus est. (8) *sensile immediatè posittum super sensorium nō facit sensationem.* Cum oculis imponitur liber, non potest legi in eo. Cum os alicui in aures protruseris, utut clarissimè loqueris, loquentem te non poterit intelligere, Toletus libro 3. de anima cap. 11. *quæst. 1.* Conimbricenses ibidem *quæst. 3.* Mocenicus *Contemplat. Academ. 4. part. 3. cap. 5.*

VI. *Sensibilia.* ¶ Species sensilis est imago quæ emanat ab objecto sensibili, & sensorio oblata facultatem effectivè movet. Contendunt Galenus lib. 7. de decretis Hippocratis cap. 6. Plotinus *Ennead. 4. lib. 5.* Occam lib. 2. dist. 3. *quæst. 17.* 18. Gabriel Biel lib. 2. dist. 8. *quæst. 2.* Gregorius Ariminensis lib. 1. dist. 8. *quæst. 1. lib. 2. dist. 7. quæst. 3.* Franciscus Vallesius lib. 2. *Controvers. Medicarum cap. 29.* Thomas Garbinus in *Summâ Philosophiæ lib. 1. tract. 5. quæst. 63.* Derodon *part. 2. Physiæ contractæ cap. 5. artic. 3. dist. 9. seqq.* & non obscurè Renatus Cartesius in *Dioptrici cap. 4. sect. 4. seqq.* quod nullæ sint species sensiles, quodque coloratorum & lucidorum superficies per se appareant.

VII. *Excipiunt:* (1) Si procedunt species istæ à corporibus suis, possunt etiam sine illis existere. Atqui posterius absurdum est. Ergò & prius. *Respondeo:* Negatur connexum. Non enim ità prodeunt, ut prorsus separentur, non emigrant inquam, sed emanant, ut principio suo inhæreant, quomodò lux inhæret Seli. (2)

Si exeunt species istæ, generantur. Atquæ nulla species generatur. Ergò nulla species exit. *Respondeo:* Negatur major. Procedunt species, non verò generantur. Namque generatio infert plura, scilicet multiplicationem numericam. (3) Quò manat forma, ibi informat. Atqui manat in aërem & aquam. Ergò informabit illa, & sic nummus per aquam emittens speciem sensibilem efficiet, ut aqua fiat nummus. *Respondeo:* Negatur major. Neq; enim agitur de formis informantibus, sed de speciebus intentionalibus. Et porro: Nō ubi permeat, sed cui se unit forma, ibi informat. (4) Si exeunt formæ, erunt simul in subiecto & extrà illud, erunt abstractæ & non abstractæ, quod est absurdum. *Respondeo:* Negatur consequentia. Species illa originaliter hæret in subiecto suo, & continuativè est extrà illud, quomodò lux de corpore Solis protenditur. (5) Nullum corpus eodem tempore est in pluribus locis. Atqui species sensiles eodem tempore sunt in pluribus locis. Ergò non sunt corpora. *Respondeo:* Datur totum. Nec enim sunt corporum aliquod, sed corporum imagines. Et fallit minor. Non sunt in locis pluribus, quia pluralia loca sunt illa, quæ per intervalla separantur. Atqui hic est continuus situs, & unà extensus. (6) Si emanante ejusmodi species per medium, auferentur illæ à procellis & cum aëre agitabuntur, neque visio poterit esse in tempestatibus. Atqui hoc falsum est. Ergò etiam illud. *Respondeo:* Soni, odores quidem per ventos intercipiuntur, quatenus horum sensuum species congruæ sunt reales & cum materiâ permixtæ: de speciebus visibilibus

aliter est, intentionalibus illis & ab omni materiâ separatis. Quæ non possunt à tempestatibus & procellis intercepti, perinde uti videmus, quod à procellis non impediuntur imagines in speculo representandæ, quodque lux Solis non impediatur vel auferatur à vento. (7) Si imagines tales emanant à corporibus, videre poterimus illa quæ à tergo sunt. Atqui falsum est posterius. Ergo & prius. Ratio connexi: Imagines quæ volitant circum nos, à procellis agitate hinc inde pervenirent ad oculos. *Respondeo*: Negatur connexum. Etenim sensorium non est rectè dispositum, quatenus non est directè obversum ad objectum sensibile, uti requiritur ad promovendum cognitionem rerum. (8) Si imagines tales promanant, erunt in eodem subjecto secundum easdem subjecti partes contraria, uti patet in aspectu rei diversicoloris. *Respondeo*: Species sunt à materiâ liberæ, & impermixtè feruntur per medium ad sensorium, itaque non habent contrarium, & contraria solum insunt in qualitatibus materialibus. (9) Species istæ essent præstantiores rebus, cum immateriale sit præstantius quam Materiale. Atqui absurdum hoc est. Ergo etiam illud, *Respondeo*: Negatur maior. Semper enim præstantius est illud quod existit, ac illud quod intentionaliter producit. Atqui objectum reverà est, adeoque præstantius est quàm species sensibilis, quæ ab alio est.

VIII. Rectè igitur species sensibiles defendunt Thomas *part. 1. Summa quæst. 15, art. 1. Joh. Scotus lib. 2. dist. 3. quæst. 10, 11. Richardus de Medioburgo ibid.*

quæst. 5. Hervæus Brito quodlib. 5. quæst. 6. Fracastorius libro de Sympathiâ, Toletus lib. 2. de animâ quæst. 33. & 34. Antonius Ruvio lib. 2. de anima pag. 216. seqq. Conimbricenses ibid. cap. 6. quæst. 2. Julius Scaliger Exercit. 298. sect. 1. 2. 3. Scarmil lonius lib. 1. de colorebus cap. 23. seqq. Daniel Sennertus lib. 1. Institut. Medicarum cap. 12. Pet. Gassendus lib. de specialibus sensib. cap. 5. seqq. Antonius Deusingius distrib. de functionibus sensuum dist. 60. seqq. Bernhardus Morifanus commentariis ad libros de anima pag. 613. seqq. Et confirmant rationes: (1) Quia verno & æstivo tempore, cum in pratis aut sub arbore in umbrâ projecti jacemus, facies & vestes pinguntur colore viridi. Scilicet quia arborum folia virorem intentionaliter spargunt in circumstante aëre, unde resplendet in objecto addensato. (2) Quia linteam album juxta vitrum rubro vino impletum, etiam rubro colore imbuitur per speciem emanantem. (3) Quia specula non solum proximè jacentes res, verum etiam procul remota objecta representant ope simulacrorum, quæ sunt accidens spiritale & intentionale. Imò video in speculo rem à tergo existentem, quam tamen absque speculo videre impossibile est, unde colligitur evidenter, quod à tali objecto derivetur ad speculum species visibilis, & mediante speculo reflexa in isto videatur. (4) Quia læditur visus ab objecto visibili fortiori, uti in nive copiosâ. Et unde hoc, nisi quod speciem aliquam sui ad oculos emittunt. Omnis enim actio naturalis fit per contactum aliquem. (5) Quia cum quis superiminet aquis, videt

det imaginem suam, uti est apud Virgilium: *Nuper me in liore vidi, cum placidum ventis flaret mare*, Bucol. 2.

IX. *Species sensilis est vel merè intentionalis*, uti in visu; *vel realis*, uti in auditu, gustu, odoratu, tactu. Neutratamen aliter agit in sensorium, quàm ut efficiat sensum qualitate eadem atque insensâ. Quod enim Goclenius scribit, rem sapidam producere in linguâ saporem numero diversum & similem, lib. 1. *Contravers. Logicarum* pag. 108. hocinquam, absurdum est, quandò constat satis, naturam viribus propriis agere, non verò aliunde adscitis. Particulæ sapidæ materiam habent, & velut abscedunt à toto. Inde est effectus istarum. Et cum sensus non sentiet illud sensile, quod recipitur in sensorio, erit sensatio omnis æquivoca, id quod absurdum est.

V. *Estque vel internus, vel externus*. Internus est, qui regitur ab instrumentis internis. *Estque triplex: Sensus communis, Phantasia, Memoria.* Aristoteles lib. 3. de animâ cap. 1. & 2. Quod verò tres illi sensus interni insint in brutis omnibus, etiam abjectissimis, rectè probant Franciscus Toletus *commentariis ad lib. 3. de animâ cap. 2. quæst. 8.* Antonius Ruviô *commentariis ibidem quæst. 7.* Nulli animanti natura voluit esse noverca, dedit cuique quantum satis est, quodque necessarium est.

XI. Augent numerum sensuum internorum, & addunt Æstimativam, quæ circâ speciem insensatam occupatur, & per quam animal fert iudicium de rebus, quæ vel conveniunt vel dissentiant, quæ-

que vel prosint vel obfint, uti agnus fugit crudelem lupum, sociaturque agnominis; uti pullus fugit accipitrem, columba milvum formidat. Ità docent Averrhoës lib. 3. *de anima comment. 6. & lib. 2. Colliget cap. 20.* Mocenicus *Con. templat. 4. part. 4. cap. 1.* Avicenna lib. 6. *rerum natural. cap. 4.* Albertus Magnus lib. 2. *de anima cap. 7. text. 4.* Rogerius Baconus lib. 1. *Perspectiva dist. 1. cap. 4. & 5.* Joachimus Burserus lib. 3. *Institut. Physicarum cap. 16.* Antonius Deusingius *diatriba de functionibus sensuum sect. 2. dist. 29. 32.* Philippus de Trinitate in *Summa Philosophica libro de anima pag. 562. seqq.* Michaël Watsonus in *Collegio Physico Disputat. 27. dist. 6.* Derodon *part. 2. Physica contracta cap. 5. art. 4. dist. 97. seqq.* Hos multis refutant Piccolomineus lib. 1. *de sensibus internis cap. 3. 4. 5.* Cornimbricenses lib. 3. *quæst. 1. 2. 3.* Antonius Ruviô l. d. pag. 393. *seqq.* & volunt illi æstimativam referre ad Phantasiam, quæ, uti facultas communis, plures vires particulares comprehendat ad exercendum varios actus. Nos dicimus, & honestè statuere, & illos. Æstimativa non est sensus peculiaris, non etiam debet ad Phantasiam reduci. Nec enim versatur circâ species sensiles, & accipit sensus internus species sensiles ab externis. Exempla quæ adferuntur, pertinent ad notitiam naturalem, non verò ad sensitivam. Scilicet naturâ & per species innatas commoda & incommoda sua noverunt, ut sensus omnes antevertant, bruta non minus quàm plantæ. Formas specificas insequitur notitia ista, quâ araneus textit.

artificiosam telam, apisconstruit favos, formica convehit intrâ cavernas, quaque pullus fugit accipitrem, agnus lupum; non verò est ab animâ sensitiva.

XII. Quæritur porro: *An sensus illi distinguantur sedibus in cerebro discretis?* Respondeo: Affirmant Avicenna *Fen. 1. doct. 6. cap. 5.* Barthol. Keckermannus *lib. 3. Syst. Phys. cap. 17.* Sebast. Foxius *lib. 5. Philosop. natur. cap. 14. 15.* Joh. Velcurion *lib. 4. Institut. Physic. cap. 9.* Bruno Scidelius *libro de homine pag. 626.* qui sensum communem ponunt in scincipite, phantasiâ in vertice, memoriâ in occipite. Rationes adferunt: (1) Quia contingit, ut cum facultas una lædatur, non simul lædatur altera. Exempla sunt apud *Thucydidem lib. 2.* *Lucretium, Galenum,* virorum istorum, qui morbis vexati obtusam memoriâ habuerunt, in sensu communi & phantasiâ damnum nullum acceperunt. Quod non posset fieri, nisi locis & sedibus essent discreti sensus. Ratio consequentiæ: Facultates animæ per se immateriales sunt, adeòque in se non læduntur, sed quodcunque vitium accipiunt, est à læsibus instrumentis. Si verò unicum instrumentum est in se, certè à læso isto omnes sensus interni simul læduntur.

XIII. Dicit quidem *Danhauerus*, non esse absurdum, quod potentia aliqua lædatur quoad exercitium unius actus, cum interim quoad reliquos actus inolumis perstat. Sic intellectus ratione multi facillè apprehendunt, difficillè judicant, quis verò ob id multiplicabit intellectus potentias? in *Collegio Psychologico pag. 108. 19.* Respondeo; Est hoc ab im-

becillitate phantasiæ, & omninò pro nobis militat. Aut enim fuerit hoc ab instrumentis corporis, aut ab animâ. Non hoc, quia animæ essentia est impatibilis. Ergò illud, estque causa illa, quod corporis organa vitium attraxerunt. (2) Quia Medici pro roborandâ memoriâ applicant remedia in parte cerebri posteriore, pro imaginatione cotrigendâ apponunt remedia in parte capitis mediâ. (3) Quia nihil agit in seipsum, sed agens & patiens differunt semper in subiecto. Atqui sensus communis agit in phantasiâ & memoriâ, cum percipit & iudicat facultatum harum sensationes. Ergò differunt subiecto,

XIV. Contrarium defendunt *Tatteretus commentarius ad lib. 3. de anima cap. 3.* *Bernhardus Morisani commentarius ad libros de anima pag. 617. 618.* *Joh. Ferrius lib. 5. Physiologia cap. 8. 9. 10.* *Franciscus Vallesius lib. 2. Controvers. Medic. cap. 23.* *Andr. Laurenrius lib. 10. historia Anatom. cap. 12. quæst. 2.* *Sennertus lib. 1. Institut. Medic. cap. 12.* *Otto Casmannus part. 1. Anthropologia pag. 365. seqq.* *Vogelsus Fort. Plempius lib. 2. Institut. Medic. pag. 146. 147.* *Godofredus Mœbius lib. 1. Institut. Medicarum cap. 4.* *Antonius Deusingius libro de functionibus sensuum sect. 2. dist. 35.* *Joachimus Burferus lib. 3. Institutionum Physicarum cap. 16.* *Greg. Horstius lib. 2. de natura humana Exercit. 8. quæst. 2.* *Petrus Gassendus sect. 3. Philosophia natur. lib. 3. cap. 2.* Quorum omnium sententia est, per totam cerebri substantiam omnes sensus internos operari, cum ubique totum cerebrum sit medicriter humidum, itâ ut cunctis facultati-

bus recipiendo & conservando inservire possit. *Virgent* : (4) Quod anima sensuum efficiens permeat totam cerebri substantiam. (2) Quod Aristoteles nesciat discretas sedes istas, itaque memoriam & phantasmam vocet affectiones sensus communis, Fernelius l. d. *Respondeo*: (1) Quamvis ita sit, attamen potest anima influxu suo modificare actiones suas, ut in certis locis certas sensationes exercent. (2) Non est sciendum Aristoteli, qui cum primum sensorium non rectè posuerat, non est sine erroris alijs, quæ Medicorum veterum Scholæ correxerunt.

XV. *Externus est, qui regitur ab instrumentis externis. Estque quintuplex: Visus, Auditus, Tactus, Gustus, Olfactus.* Externorum sensuum organa omnia sunt extra cerebrum, quamvis sint à cerebro. Organa verò illa quinque sunt, unde evincitur, totidè esse externos sensus, apud Franciscum Toletum lib. 3. *de anima quest.* 1. Andream Laurentium lib. 11. *historia Anasom.* cap. 2. Non vult contentus illis esse Iulius Scaliger, & sextum obtrudit sensum quem vocat appetitum Venerium, & à sensu tactus diversum esse, quoniam in tactu nulla huiusmodi voluptas percipitur, quæ in Venere sese offert, *Exercitat.* 286. *sect.* 3. Verum ista ratio non cogit. Non est in appetitu Veneris peculiare objectum, non est peculiare organum, non est peculiaris actio. Dantur qualitates tactiles, dantur membræ, & sit actio ipsa. Quæ omnia testantur, quod ad tactum referri debet Titillatio.

XVI. *Quæritur: An sensus magis exquisiti insint in homine, vel in brutis? Re-*

spondeo: Quod brutis magis perfectè insint vulgò creditur. Aquilæ vident clarius, vultures odorantur acrius, atque celeriori tactu afficitur, quàm homines, ait Plinius lib. 10. *histor. natur. cap.* 69. Et quanquam Toletus lib. 2. *de anima quest.* 24. disserat pro nobilitate sensitivæ animæ in homine, frustra tamen conatur, uti ostendit Antonius Ruvio *commentariis ad lib.* 3. *de anima pag.* 383. *seqq.* Nos distinguimus inter percipiendi celeritatem & iudicandi dexteritatem. Est in plurimis brutis percipiendi celeritas major, quàm in homine est, sed iudicii dexteritas una est in homine, qui novit discernere objectorum differentias inter se, & cognitionem eorum ad finem debitum refert.

XVII. Rectè Scaliger: Exquisiti iudicii perfectio penes hominem est, is enim cum ad beatitudinem creatus sit, ad eam viam illi munivit Natura. Idcirco medio-criter omnia hæc. Tactum verò perfectissimum dedit, quia nudum & imparatum maximè & dignoscere oportuit & cavere. Aquilæ & alijs sensuum suprema perfectio comparanda fuerat ob quæ tendum victum, homini manus atque intellectus satis præstiterunt, & imperium in multa animalia, quibus velut animatis uteretur, *Exercitat.* 286. *sect.* 2. Quod bruta plurima vincunt hominem quâ sensuum actiones, id non est à præstantiâ temperamenti, hoc enim est in homine præstantissimum; sed ab organorum conditione meliore, & in quantum sensus non impeditur per rationem in homine semper negocio-

sam.

T. CAPVT

De Sensu communi,

SUMMARIA.

1. *Definitio sensus communis.*
2. *Species sensuum externorum.*
3. *Officia sensus communis.*

I. *Sensus communis est, qui species sensuum externorum discernit.*] Negat David Gorlaeus: Sensem communem, ait, non agnoscimus, namque discrimen facere inter hujus & illius sensus objecta, non est animæ sentientis, sed intelligentis; quare non putamus, bestias discrimen facere inter colorem & odorem, aut percipere se videre & audire, sed solos nos viam animæ rationalis hæc intelligere, quatenus hæc habet potentiam reflectendi super suam ipsius actionem, id quod anima sentiens nequit præstare, in *Epitome Physica* cap. 11. dist. 6. Respondeo: Nulla est ratio, quæ persuadeat nobis credere, quod bruta nesciant se videre, audire, potest enim hoc fieri citrà reflexionem sensus in seipsum, quæ nulla est, quæque uni Intellectui propria est, ut consultationes de rebus, quæ fieri vel non fieri possint, à prævisis serum circumstantiis instituantur.

II. *Species sensuum externorum.*] Quemadmodum in centro lineæ omnes à circumferentiâ ductæ comprehenduntur, ita in Sensu communi sensuum externorum omnium operationes & objecta simul cognoscendo concurrunt, ut eorum discrimen percipiatur, dicente Toletto ad

lib. 3. de anima cap. 2. pag. 119. Proinde animal sentit se videre & audire per sensum communem, non verò videt se videre, vel audit se audire, quia nulla potentia materialis reflectitur in seipsam. Unius enim Intellectus proprietas est, per actum reflexum posse à seipso cognoscere, Scaliger *Exercit.* 307. sect. 2.

III. Hæc igitur sunt officia sensus communis: (1) Ut sensibus externis communice spiritus animales, & vim sentiendi. Quando n. iste spirituum influxus cessat, cessant unà operationes sensitivæ, ut in somno, cū vaporibus obstruuntur nervi. (2) Ut sensuum externorum operationes percipiat. (3) Ut objecta in se recepta suo judicio discernat, monstretque colorem differre à sono, sonum ab odore, odorem à sapore, saporem à qualitatibus tactilibus. Non enim hoc agunt externi sensus, cum quilibet proprio contentus objecto, alio ni curam nullam habeat.

CAPVT SEXTVM

De Phantasiâ,

SUMMARIA.

1. *Definitio Phantasiæ.*
2. *Specierum communicatio.*
3. *Avicennæ relatio.*
4. *Phantasia depravata.*
5. *Imagines rerum.*
6. *Instinctus naturalis.*
7. *Exempla.*

I. *Phantasia est, quæ rerum imagines diligenter examinat.*] Objectum ejus sunt

sunt species à sensu communi delatæ. Est-
q; sensuum internorum præstantissimus,
& ad rationem proximè accedit. Semper
actuosus est, & validè quidem, uti exem-
plarum notabilium ostendunt, quæ co-
piosè profert Thomas Fiénius *libro de viri-
bus imaginative*. Matres gravidæ venustos
pariunt libtos, si imagines elegantes vel
animo versent, vel ob oculos habeant. In-
de canit Oppianus: *Dum tabulas lustrant
oculo, formasque venustas, Attractas pariunt
formasque ore Lacæna*. Ità pepererunt infan-
tes nigros, jubatos, labiorum fissuris no-
tabiles, aliisque formis infomibus de-
turpatos, ob species similes, quas oculis
apprehenderant, in conceptione & uteri
gestatione, Plinius *lib. 7. histor. natur.*
cap. 12. Levinus Lemnius *lib. 7. de occultis
natura cap. 4.* Cælius Rodiginus *lib. 20.
Lett. Antiquar. cap. 5.* Causam proferunt
vulgò, quod omnes humores & spiritus
in conformando fœtu sint occupati, cum-
que illi per occursum insolitæ speciei al-
terantur, facilitè imprimant in fœtu inso-
litam speciem, Kenelmus Digbejus *tract.*
1. cap. 38. dist. 3. Barthol. Keckermannus
in *Cursu Philosoph. Disputat. 14. quest. 11.*
Verum instrumentales causas, uti aliàs,
nominant, principalem non exprimunt.
Hæc est facultas formatrix, quæ cum à
Phantasiâ turbatur & seducitur, mem-
bra format tortuosa, mille modis depra-
vata.

II. Res omnis in specierum commu-
nicatione consistit, quod optimè docent
Johan. Costæus *lib. 4. Disquisitionum Physi-
carum cap. 12.* Daniel Sennertus *lib. 4. Me-
dicinæ practicæ part. 2. sect. 2. cap. 7.* Ità quidè;
ut species phantasiâ perceptæ, matris spi-

ritibus & sanguini communicentur, inde
spiritibus aut sanguini fœtus impriman-
tur, ubi instar exemplaris formatricem
ad hoc, & non aliud formandum dirigant
& disponant. Non omnes verò species,
quæ percipiuntur, eadem operâ comuni-
cantur, sed eæ tantum quæ fiunt cum fir-
mo assensu. Mutuò enim sese movent ac
trudunt veluti, assensus, affectus, motio,
mutatio. His omnib; accedunt desideriu,
terror, amor, ita & tristitia, quæ maximis
commovendi & immutandi pollent viri-
bus. Infantes aliqui habent maculas
rotundas fragorum & ceraforum similes
formis, quod matres gravidæ fragorum
& ceraforum desiderio flagrauerunt, iis-
que potiri nequiverunt. Faciei pallorem,
extremorum tremorem, cordis palpi-
tationem, alvi & urinæ involuntariam eje-
ctionem conciliant infantibus suis à vali-
do terrore.

III. Quodd verò Avicenna *lib. 4. de re-
bus naturalibus cap. 4.* & Albertus Magnus,
nec non Kenelmus Digbejus *tract. 1. de
natura corporum cap. 38. dist. 3.* ajunt, pul-
lum gallinacium aliquandò providisse
cum cervice accipitrinâ, eò quod gallina,
dum incubaret ovis. territa fuerit ab acci-
pitre supervolante, hoc inquam, non cre-
dimus, quia fabulosum est. Non enim
tanta hic datur conjunctio, quantam re-
quirunt agens & patiens. Nulli ductus à
gallinâ per ovi testam in albumen & vi-
tellum porrecti sunt, nulla spirituum
matris incumbantis & pulli ovo conclusi
communio est.

IV. Non minor vis ejus est, cum læ-
sa & depravata est, in progenerandis
imaginationibus, uti probant exempla

Melancholicorum, quorum conceptus miris ineptiisturbati sunt, & referunt Andr. Laurentius *libro de Melancholia cap. 7.* Fortunius Licetus *libro de constitutione hominis in utero cap. 26.* Sennertus *lib. 2. Institut. Medicar. part. 3. sect. 1. cap. 7.* Erat qui se fictilem testam esse putabat, igitur à nemine tangi volebat, metuens ne frangeretur. Pistor quidam è butyro se compactum esse ajebat, neque igni propinquare volebat, veritus ne colliquefceret. Alii persuaderi non poterat, ut lotium profunderet, si enim mingeret, ajebat totam urbem ab aquis perituram. Alius ex vitro confectas esse nates suas dicebat, itaque omnia stando & ambulando perfecit, nec poterat adduci ut sedere vellet. Adeò dementer judicat Intellectus rerum dominus à Phantasiâ deceptus, & quod malè repræsentatur, non benè judicatur, ut homo naturæ miraculum sæpissimè sit imaginativæ ludibrium.

V. *Rerum imagines diligenter examinat.]*

Ejus officia sunt: (1) Imagines rerum à Sensu communi transmissas retinere. (2) Discernere & judicare certius illa, quæ jam Sensus communis quadantenus cognovit. (3) Ex speciebus datis & delatis elicere novas. Ità ovis per sensum externum, nimirum visum, apprehendit Lupum, ejusq; formam ad Sensum communem refert, inde Phantasia illam suscipit, exactèq; æstimat, ne externâ formâ decepti sensus lupum putent esse eum, qui canis est, demum elicit intentionem atque æstimationem inimicitia, quam visus non vidit, neque Sensus communis apprehendit, sed Phantasia novam pro-

ducit, ope instinctus naturalis, qui oves fugere jubet à conspectu lupi. Regitur enim Phantasia ab impressione congrua, quam Natura omnibus animantibus implantavit, ideò fit ut tentent animantia ejusmodi, quæ fieri ab aliis non viderunt hæcenus. Aves certo animi tempore nidos construunt, formicæ convehunt segetem, apes mella conficiunt, quod à sui generis animalculis fieri, non viderant antea. Ità docent Piccolominèus *libro de sensibus internis cap. 11. 12. 13. 14.* Otto Casimannus *part. 1. Psychologia pag. 320. seqq.* Gilbertus Jacchæus *lib. 8. Institut. Physicar. cap. 24.*

VI. Et verum est, quod Phantasia è speciebus, quas ante à Sensu communi accepit, alias, nunc addendo, nunc subtrahendo, pro viribus suis noviter fingit & producit. Nimirum in eis, quæ studio & labore nostro extrinsecus acquiruntur, non etiam in aliis quæ naturæ instinctus suppeditat. Namque instinctus iste prior est omni sensu, adeoque ad Phantasia non potest referri, quæ à sensibus dependet. Araneus, qui nunquam vidit telam, statim cum ab ovo prorepat, format telam.

VII. Neque typos nidorum & donuncularum contuentur aves & apes, cum favos faciunt & nidos construunt. Non igitur actiones hæc ad Phantasia referendæ sunt, neque cognitio ista sensitiva est, verum omnes sensus prævertit ac superat. Et porro non est à formâ sensitivâ, quandò ita scirent omnia bruta favos construere, telam detexere, quorum forma generica illa est: sed est à formâ specificâ.

CAPVT SEPTIMVM,

De Memoria.

SUMMARIA.

1. Definitio memoriae.
2. Memoria est sensus.
3. Solvitur instantia.

I. **M**emoria est, quæ res cognitæ infuturos usus recondit. De Memoria conservandâ & augendâ librum elegantē edidit Wilhelmus Gratarolus Medicus. Species intelligibiles à Phantasiâ impressas velut condus servat, & velut promus reddit. Clarius in homine, obscurius in brutis, non tamen ut prorsus absit, inde est distinctio memoriæ sensitivæ & intellectivæ, quam prolixè tradunt Conimbricenses *libro de memoria cap. 2. 3.* Piccolominéus *libro de sensibus internis cap. 15. 16. 17. 18. 19.* Intellectiva est illa, quam vocamus Reminiscenciam, quâ ex aliarum rerum servatarum memoriâ fit recursus ad illam quæ periit.

II. *Res cognitæ* Memoriam à sensuum internorum numero relegat Gilbertus Jacchæus *lib. 8. Institut. Physic. cap. 24.* Ejus verba sunt: Quod attinet ad memoriam, quæ omnis generis imagines conservat, illa non est distincta facultas à Phantasiâ, cujus est thesaurus. *Hæc ille.* Alij pronunciant, quod memoria sit formula phantasiæ, & non sensus peculiaris, Jacobus Auberti, *Exercitat. 13. adv. Fernellium*, Conimbricenses *lib. 3. de anima cap. 3. quest. 1. art. 3.* Johan, Zeisoldus

libro de anima pag. 478. 479. Albertus Kyperus *lib. 1. Anthropologia cap. 24. dist. 19.* Rationem adferunt: Quidquid non sentit, illud non est sensus. Memoria non sentit. Ergò memoria non est sensus. *Respondeo*: Minor falsa est. Sentit enim, quandò species deditas sibi fideliter conservat & bono ordine collocat, ne confundantur.

III. *Instant*: Quodcunque non cognoscit, illud non sentit. Memoria non cognoscit. Ergò non sentit. Minor constat inde, quia memoriæ officium est, species oblatas conservare. *Respondeo*: Est elenchus oppositorum. Quod memoria conservat species delatas, non ostendit, quod sensus non sit, verum quod non sit sensus primus: Attamen est sensus à primo ortus. Redditque conservatas species bono ordine, quod non potest fieri citrà aliquam cognitionem, tum rei, tum circumstantiarum, quæ rem istam consequuntur, ut rectè monent Zabarella *libro de facultatibus anima cap. 12.* Piccolominéus *libro de sensibus internis cap. 7.* Bruno Seidelius *libro de homine pag. 663. seqq.* Johan. Fernelius *lib. 5. Physiologia cap. 8.* Negatur igitur, quod memoria non sentiat, non cognoscat. Phantasia est, cum quis imaginatur circà rem, quam olim vidit, nec tamen cognoscit eodem actu, quod istam viderit antea: memoria verò cognoscit non tantum rem sensatam prius, sed & quatenus prius sensatam.

CAPVT OCTAVVM,

De Visu.

SUMMARI A.

1. Definitio Visus.
2. Modus visionis.
3. Sententia verior.
4. Solvuntur exceptiones.
5. Fascinationes.
6. Effluvia oculorum.
7. Circumstantia visus.
8. Sententia Doctorum.
9. Zabarella notatur.
10. Visio per vacuum.
11. Oculi gemini.
12. Rationes adferuntur.

I. **V**isus est, qui percipit lucida & colorata.] Est omnium sensuum exteriorum præstantissimus multas ob causas. 1. Ratione instrumenti. Non enim in toto corpore animalis est membrum ita artificiosè constructum, uti oculus. 2. Ratione objecti, quod est lux nobilissima qualitas. 3. Ratione modi. Segnius irritant animos immissa per aures, Quàm quæ sunt oculis commissa fidelibus, dicente Horatio. Et plus valet unus oculatus testis, quàm auriti decem. 4. Ratione amplitudinis. Solus contraria cognoscit impermixto & uno actu, videlicet album & nigrum in unâ tabellâ depictum. Superat intervalla maxima, ut remotissimas stellas cernamus subito. Tenuiores, ait Scaliger, in visu spiritus sunt, itaq; acutiores. A Siculo videbantur naves Africâ solventes, strepitus nō audiebatur,

Exercitat. 302. sect. 6. Et consentit Piccolomineus libro de visu cap. 21. 23.

II. Qui percipit.] Queritur de modo visionis, num fiat per visibilibus specierum receptionem, an verò per emissionem? Respondeo: Posterius tueretur Plato in Timeo, Euclides in Catoptrici, Seneca lib. 1. quest. natural. Galenus lib. 7. de placitis Hippocratis & Platonis, Plotinus libro de visu, Macrobius lib. 7. Saturnal. cap. 14. Sebast. Foxius lib. 5. Philosoph. natur. cap. 12. & commentarijs ad Timeum pag. 234. seqq. Cornelius Valerius in Institut. Physic. cap. 50. num. 7. seqq. & Scholiastes ejus Rodolfus Snellius in notis pag. 336. 337. Joh. Velcurion lib. 4. Institutionum Physic. cap. 7. Sebastianus Basson lib. 11. Philosoph. natural. sequenti Empedoclem & Socratem, videlicet, ab oculo procedere lucidos radios atque extensos, à quibus objectum visibile apprehendatur. His validam adversariam constituunt Democritus, Leucippus, & Aristoteles ipse lib. 2. de animâ cap. 7. lib. 3. de animâ cap. 1. libro de sensu cap. 2. quorum sententia est, objectum visibile de se spargere validas species, atq; has per aëra deferri ad oculos, ut visio efficiatur.

III. Consentiunt Averrhoës lib. 3. Colliget cap. 38. Zabarella lib. 2. de visu cap. 1. seqq. Julius Scaliger Exerc. 80. sect. 7. Exerc. 298. sect. 16. Exerc. 357. sect. 5. 6. Conimbricenses lib. 2. de animâ cap. 7. quest. 5. Joh. Michaël Hornanus libro de naturâ visu cap. 9. 10. 11. Vopiscus Fortunatus Plempius lib. 2. de oculi fabricâ cap. 17. seqq. Andr. Laurentius lib. 4. histor. Anatom. quest. 16. & libro de nobilitate visus cap. 10. Barth. Keckermannus lib. 3.

lib. 3. System. Phys. cap. 10. Joh. Fernellius *lib. 6. Physiologia cap. 10.* Ocho Casmannus *part. 1. Psychologia humana pag. 333.* Piccolomineus *libro de Visu cap. 17.* Duncanus *Liddehus lib. 2. Artis Medica cap. 12.* Phil. Mocenicus *Contemplat. Philos. 4. part. 3. cap. 11.* Daniel Sennertus *lib. 7. Epitom. Physica cap. 7.* Franciscus Aquilonius *lib. 1. Perspectiva proposit. 67. seqq.* Antonius Ruvo *commentariis ad lib. 2. de anima pag. 293. seqq.* Rationes sunt istæ: (1) Quia non esset visio ad intensiores Solis radios, quandò visio fieret emissionem radiorum. Connexi ratio est, quod lumen oculorum nostrorum per se debile obfuscatur à Solis radiis. (2) Quia affectio quælibet inest in subiecto proprio. Atqui visio est affectio propria animalis. Ergò inest in animali, neque accedit extrinsecus. (3) Quia si radii visivi ab oculo egressi facerent visionem, noctu certè videri possent omnia. At falsum est posterius. Connexi ratio est, quod radii à corpore lucido progressi illuminent medium interpositum, uti constat Solis & astrorum omnium exemplo, nec non animantium eorum, quæ peculiari naturæ beneficio noctu vident, visionis modo illo qui secum adjunctam habet lucem oculorum insitam, uti sunt feles, mures, canes, lupi, noctuæ. (4) Quia si radius visivus extrà oculum animalis procederet, nulla esset visio tempore procellarum. Atqui falsum est posterius. Connexi ratio est, quod radius visivus sit procurfus spiritalis & debilis, ut facilè ab impulsu ventorum dispergatur, & visionem corrumpat. (5) Quia accedit ocularis demonstratio. Assi-

dens candelæ vesperi, cum oculos con-niventes intendit candelæ, videt radios prodire à candelâ, non verò etiam ab oculo ad candelam transire visivos radios. (6) Quia si radius visivus extrà oculum procederet, neque lux Solis neque candor nivium oculis nostris incommoda adferet. Atqui posterius falsum est. Connexi ratio est, quod illa quæ corrumpunt subiectum aliquod, intrâ subiectum illud recipi debeant.

IV. Excipiunt *Galenus, Foxius, Snel-lius*: (1) Quod si visio sit accipiendo species intrâ oculum, simul recipietur magnitudo. Atqui posterius absurdum est, cum turris, mons, bos, homo non possint subire minimam oculi pupillam. Ergò etiam prius. *Respondeo*: Negatur connexum. Non enim res ipsa apprehenditur, sed rei imago, atque ita sensorium assumit species citrà materiam, quemadmodum imago hominis in speculo admittitur, nec tamè ipse homo quantè est, ingreditur. Regula certa est: *Receptivum non recipit ad modum imprimentis, sed ad modum receptivitatis sue*, apud Scaligerum *Exercit. 16 sect. 2.* Ut meritò ejus memor Scaliger ipse, designat alio loco sciscitari Fracastorium, *qua detritione fiat corporis magni parvius simulacrum?* Naturæ mirandū op^s est, quod super exilibus oculis amplitudo radiorum admissorum in congruètes angustias reflectatur. Scilicet, radii ad oculum vergendo colliguntur secundum pupillæ aptitudinè in parva idola. (2) Si fit recipiendo species, tunc una eadèq; res à pluribus videri non potest eodè tempore. Ergò nò fit per species. Ratio connexi est: Quod unū est, à pluribus simul recipi nò potest. *Respondeo*:

Negatur connexum: Multiplicatur apprehensio sensus in multiplice subiecto. Ità unus sonus, vox una percipitur à mille auribus, quatenus soni vocisque species per quodlibet aëris punctum diffunduntur. Ratio connexi est aliena. Non enim hic est unà numero species visibilis, ubi sensoria plura concurrunt, & quodlibet istorum citrà permixtionem alterius recto lineæ procursu apprehendit objectum idem, quamvis non sub iisdem speciebus emanativis. Numero unum subiectum, numero diversæ species abstractæ in circumposito medio perspicuo. Ità unum objectum innumeris speculis uno eodemque tempore potest repræsentari. (3) Si fiat visus recipiendo visibiles species, tunc magnitudo & figura rerum in speculo cerni non possunt. Neque enim in speculo reflecti, & à speculo ad oculum referri possunt. At magnitudo & figura rerum in speculo cerni possunt. Ergò visus non fit recipiendo. *Respondeo*: Negatur connexum. Species enim valida, uti est in speculo, nova reflexione de speculo ad oculum redire potest. (4) Nummus amissus tamdiu quæritur, donec radius visivus in rem ipsam quæsitam incidat, & sic videatur. Quod si oculus reciperet objecta, jam res quæsitæ imaginem sui ad oculum mitteret, ut non esset opus quærere. *Respondeo*: Negatur connexum. Non enim prius invenitur amissus nummus, quàm cum ejus species sensibilis ferit oculum, atque in humore crystallino veluti in speculo recipitur. Possunt hoc ipsum multa impedire, tum quod locus est obscurus, tum quod spe-

cies sensibilis est exigua, & proinde visio non est satis exacta, ut aliquid indicare possit.

V. *Instant*: Multa damna & falcina quædam esse à visu, adeòq; per emissionem radiorum visivorum peragi. In Triballis familias esse fascinantium, qui perimant homines, si quos iratis oculis intueantur, scribit Plinius *lib. 7. histor. natur. cap. 2.* Simili modo nocuerunt Telchines, Ovidius *lib. 7. Metamorph.* & testimonia plura sunt apud Aristotelem *sect. 20. problem. 34.* Agellium *lib. 9. cap. 4.* Plutarchum *lib. 5. convivial. cap. 7.* Joh. Langium *lib. 2. Epistol. medicinal. num. 36.* Fœminæ menstruo laborantes ipso adspectu specula hebetant, eboris nitorem inficiunt, apes interimunt, Plinius *lib. 17. histor. nat. cap. 15.* Aristoteles *libro de insomniis cap. 2.* Basiliscus obtutunecat, Plinius *lib. 8. histor. natur. cap. 21.* Ælianus *lib. 7. histor. animal. cap. 2.* *Respondeo*: Visio perinde uti omnis sensus, est actio immanens, itaq; nemini potest damnum conciliare.

VI. Interim haud negamus, quod *Joh. Langius* asserit, ex oculis prodire effluvia, & cum primis ab oculis vetulorum, quæ teneris infantium corporibus noceant. Neque ista solum, verum etiam aliæ expirationes, quæ per os & nares effluunt, talia damna inferunt, uti peste laborantes & vetulæ lippe non equidem visu, sed halitu & vaporibus infectis à membris externis in propinquo contactu homines vexant. Quæ de Triballis & Telchinibus referuntur, aut fabulosa sunt, aut causam aliam habent, nimirum incantaméta & veneficia.

Fœminæ menstruæ inficiunt specula per halitus noxios, qui ab ore, oculis, naribus procedunt. Basiliscus est quoddam genus aspidum, & non tam visû, quàm fœdissimo sibilo enecat homines, uti rectè monet Levinus Lemnius *lib. 4. de occultis naturæ miraculis cap. 10.*

VII. *Lucida.*] Objectum visus sunt color & lux, organum est oculus. Et duo quidem sunt oculi in animalibus omnibus, tantum quod in araneâ octo oculus, in scarabæo sex notare liceat, teste Petro Borello in *Microscopio num. 11. & 73.* Talpæ habent oculos duos pelligulâ obductos, ne lædantur à terræ particulis, in quibus semper fodiunt, sed cum debiliore visu, itaque in lucem proserpentes non diu commorantur in illâ, Galenus *lib. 14. de usu partium cap. 6.* Julius Scaliger *Exercit. 244.* Medium est corpus perspicuum, uti ær, aqua, vitrum. Perspicuum, id est, lucidum & illuminatum. Ær est optimum visionis medium, quia propter subtilitatem non frangit objecti imaginem, aqua verò cum refractione ad oculos remittit, unde visio corrumpitur, Alhazenus *lib. 7. perspektive cap. 4. & 5.* Quæritur: An lumen præcisè requiratur à parte medii, an propter objectum, an propter organum? Respondeo: Non una mens Interpretum est, non una sententia. Quod lumen requiratur à parte medii, docent Averrhoës *lib. 2. de animâ comment. 67.* Ferrariensis *ibidem quest. 13.* Toletus *ibidem quest. 17.* Soncinas *lib. 1. Metaphys. quest. 9.* Piccolominæus *libro de visu sect. 5.* Taurellus in *casibus Alpinis lib. 5. pag. 988. seqq.* Joachimus Burserus *lib. 3. Institutionum Phy-*

sic. cap. 11. Philippus de Trinitate in *Summâ Philosophicâ libro de animâ pag. 489. seqq.* Et ratio est, quod objectum ex naturâ suâ visibile est, non verò etiam à lumine visibilitatem accipit. Quod enim aliquid ex sese habet, illud non accipit ab alio. Adeòque colorata cò clarius percipiuntur, quò magis illustratur medium, uti experientia confirmat.

VIII. Dissentiunt Avicenna *part. 3. natural. cap. 1.* Andr. Cæsalpinus *lib. 5. quest. Peripater. num. 7.* Dan. Sennertus *lib. 7. Epitom. Phys. cap. 2.* Hurtadus Mendoza *Disputat. 17. de Animâ sect. 2.* Rodericus Arriaga *Disputat. 5. de animâ sect. 3. num. 2.* Franciscus Murcia in *Cursu Philosophico part. 3. pag. 60. 61.* Philippus Mocenicus *Contemplatione 4. part. 3. cap. 11.* Scheiblerus *libro de anima part. 2. Disputat. 4. dist. 68. 69.* Danhaeuerus *libro de anima Disputat. 3. pag. 82. 83.* qui contendunt, lumen requiri à parte objecti. Ratio hæc est, quod oculus in spacio obscuro positus per medium non illuminatum feratur & apprehendat visibilia objecta, quomodo ignes procul positi videntur noctu, stellæ cernuntur in cælo è foveis profundissimis & tenebricosis, oculi felium, squamæ piscium è caligine densâ videntur remotè; admoveatur candela accensâ parietî vel panno colorato, & videbit colores parietis vel panni homo constitutus in loco tenebricoso. Respondeo: Quæcunque ità videntur, internam lucem habent, ut possint illustrare medium, si non totum, saltem in proximè circumstans, Nimirum laud opus est, ut

medium totum illuminetur, & sufficit, ut pars ista illuminetur, quæ est conjuncta rei visibili. Quod totum medium non illuminetur, constat satis inde, quia oculi soli à nobis videri possunt in tenebris, non corpus totum, imò ne caput quidem. Ipsæ feles nos videre nequeunt, quia objectum illuminatum deficit, & mures non tam visus, quàm auditus & odoratus beneficio venantur. Adeòque lumen non est necessarium medio quò est medium; sed relativè, quatenus est vehiculum speciei sensibilis ab isto objecto, quod in eo consistit.

IX. Præterea disserunt Zabarella lib. 1. de visu cap. 11. Scartmillionius lib. 1. de coloribus cap. 22. Otto Casmannus part. 1. Anthropologia pag. 332. 333. Jacobus Martini Centur. 5. questionum illustrium Disputat. 1. num. 6. Gilbert. Jacchæus lib. 8. Institut. Physicar. cap. 12. quod non tantum objecto & medio, sed etiam organo lumen inserviat, ut humor crystallinus ab externo lumine recepto perspicuus fiet. Rationes profert Zabarella: (1) Eadem est ratio organi & medii. Atqui medium non recipit colores, nisi quatenus illustratum est. Ergò nec organum recipiet nisi illustratum. Respondeo: Negatur major, & quod non eadem sint, ostenditur, quia oculus habet congenitos sibi spiritus animales, quorum ope functiones proprias exercet. (2) Humor crystallinus est aqueæ naturæ, & non potest colores suscipere vel retinere absque concursu luminis, quo redditur actu perspicuus. Respondeo: Lux ingenita sufficit oculis, ut visionis actum ex se perficiant. (3) Con-

spicillorum usus hoc ostendit, quippe quæ faciunt ad congregationem luminis intrà oculum extrinsecus assumpti. Respondeo: Est in conspiciillis visio refracta, ut species visibiles veluti augeantur; non verò ut confortetur lumen oculorum acquisitum, quod nullum est. Concludimus: ut videatur color, requiritur præsentia luminis, non est quidem ut forma coloris, sed ut necessaria conditio. Namq; in tenebris etiam color perfectus est, neq; lux neque lumen est.

X. Colorata.] In vacuo & per vacuum nulla fit visio. Inde Aristoteles lib. 3. de anima text. 74. refellit Democritum, qui docebat, quod si spaciū inter cælum & terram vacuum esset, posse formam in cælo videri. Quem Democriti errorem refovere & commendare volunt Joh. Bodinus lib. 4. Theatri naturæ pag. 463. Johan. Michaël Hornanus libro de natura visus in paralipomenis cap. 8. Nimirum, cum inter sensorium & objectum sensibile non intercedit medium ali- quod, quo velut subjecto proprio species sensibilis excipiat sensatio deficit. Argumentum est tale: Nullum accidens est citrà aliquod subjectum. Atqui species sensibilis est accidens. Ergò non est citrà aliquod subjectum.

XI. Quæritur, cur oculis geminis videatur res una? Respondeo: Causam dicunt esse tum species visibiles, tum Sensus communem. Species feruntur & uniuntur in oculi centro; Sensus communis judicat de sensibilibus, & quia unus est, unam rem visibilem utroq; oculo apprehensam judicat, non geminam. Ità Andreas Laurentias lib. 4. histoy. Anatom.

cap. 16. Bruno Seidelius *libro de anima & corpore pag. 509.* Renatus Cartesius in *Dioptrici cap. 6. sect. 10.* Godofredus Mæbius *lib. 1. Institut. Medicar. cap. 4.* Johan. Michaël Hornanus *libro de natura visus cap. 3.* Hieron. Fabricius de *Aquapendente libro de organo visus part. 3. cap. 1.* Vopiscus Fortun. Plempius *libro 4. de oculi fabrica cap. 14.* Joach. Curæus *lib. 1. de sensu & sensibili cap. 37.* Verum hoc non sufficit. Causa vera est, quod uterque oculus non concurrat ad eandem numero visionem. Quamvis enim duos oculos habet animal, tamen unâ vice oculo uno videt, nunc sinistro, nunc dextero, prout objectum visibile nunc huic, nunc isti oculo commodiore situ admoveatur.

XII. Rem demonstrant Johannes Baptista Porta *lib. 6. de refractione cap. 1.* Petrus Gassendus *libro de specialibus sensibilibus cap. 7.* Cum inter oculum utrumque intercedit tabula quædam, tunc animadvertitur, quod uno tantum oculo res objecta videatur. Admoveatur liber oculo dextero, qui per eum rectè videbitur, si verò etiam sinistro oculo admoveris librum, non solum non lege-re illum poterit, sed ne videre quidem paginas, nisi oculo sinistro videat solum, & spiritum visorium à dextro oculo subtrahendo, in oculum sinistrum derivet. Proinde statuendum est, naturam fecisse duos oculos, ut altero à dextrâ, altero à sinistrâ parte occurrentibus injuriis caveremus, quod cum primis in avibus apparet, quarum oculi ad latera positi sunt, ut alter alteri opponatur. Adeoque in videndo, non utroque simul,

sed tantum alterutro, prout opus est, utuntur. Causa eadem est, quare duabus auribus sonum unum percipiamus.

CAPVT NONVM,

De Auditu.

SUMMARI A.

1. *Definitio auditus.*
2. *Instrumentum auditus.*
3. *Error vulgaris.*
4. *Medium auditus.*
5. *Species realis.*
6. *Solvuntur objectiones.*
7. *Exponitur simile.*

I. **A**uditus est, qui percipit sonos.] Post visum nobilitate proximus, quod per illum artes liberales incrementa sortiantur, & societatis humanæ quævis negocia perficiantur, Aristoteles *libro de sensu cap. 1.* Scaliger *Exercit. 218. 298. 302. 308.*

II. *Percipit.]* Auditus organum est auris, & in eâ compositi nervi auditorii, qui à cerebro progressi spiritum animale transferunt, inq; aures extenduntur, ubi in imo aurium anfractu poroso tribus ossiculis, malleo, stapedi atq; incudi junguntur, quæ ossicula tegit densa quædam tunica, dicta Tympanum, ubi continetur aer implantatus & immobilis, Andr. Laurentius *lib. 11. histor. Anatom. cap. 13. quæst. 10.* Franciscus Murcia *part. 3. Cursus Philosophici pag. 78.* Libertus

Fromondus *lib. 3. de anima cap. 4. art. 12.*
 Renatus Cartesius *part. 4. principiorum Philosophicorum sect. 194.* Vopiscus Fort.
 Plempius *lib. 2. Institut. Medicarum pag. 147.* Bauhinus *lib. 3. Anatomia cap. 62.*
 Errant verò Conimbricenses, qui proximum auditus instrumentum constituent aërem implantatum, *lib. 2. de anima cap. 8. quest. 4. art. 2.* Et defendunt idem Franc. Vallesius *lib. 2. controvers. Medic. cap. 27.* Johan. Fernelius *lib. 5. Physiologia cap. 7.* Varoliùs *lib. 1. Anatomia cap. 5.* Albertus Kyperus *lib. 1. Anthropologiae cap. 10. dist. 111.* Gregorius Horstius *lib. 1. de natura humana Exercit. 10. quest. 5. & lib. 2. Exercit. 6. quest. 14.* Gilbert. Jacchæus *lib. 8. Institut. Physic. cap. 16.*
 Nos dissentimus, & ratio hæc est: Nullum inanimatum potest esse capax sensationis. Atqui aër ille est inanimatus. Ergò non potest esse capax sensationis. Rursum: Instrumentum sensationis debet esse pars similis corporis sensitivi. Atqui aër istenon est pars similis corporis sensitivi. Ergò non est instrumentum sensationis.

III. Nec minus errant Realdus Columbus *lib. 1. Anatomia cap. 7.* Barthol. Anglicus *lib. 3. de rerum proprietatibus cap. 18.* Keckermannus in *Cursu Philosoph. Disputat. 15. quest. 40.* qui pro auditus instrumento proximo assignant tria ossicula dicta, scilicet incudem, stapedem & malleolum. Ratio hæc est: Omne instrumentum sentiendi est capax facultatis sensitivæ. Atqui ossa nulla sunt capacia facultatis sensitivæ, quod certum est, dicente Scaligero *Exercit. 297. sect. 1.* Ergò ossa non sunt instrumentum sen-

tiendi. Cæterum auris constat variis affractionibus, tum ne læderetur à sono, qui cum impetu sapius irruit; tum ut sonus eò melius conformetur, retineatur, judicetur. Itaque illi qui auribus mulctantur, imperfectè audiunt, & surdos potius quàm sonos distinctos percipiunt. Digo in aures intruso quendam sonum advertimus. Namque aër implantatus cavitata arcuatà ad latera impingit, & malleolum ferit, unde oritur sonus iste.

IV. Medium est corpus subtile, quod facilem transitum permittit sonis uti sunt aër & aqua. In ipso aëre pro accidentali ejus diversitate jam facilior sonorum perceptio est, jam difficilior. Facilior quidem in aëre puriori, difficilior in impuriore. Scilicet tempestate humidà & nivosa campanarum pulsus alii quod soni difficiliter audiuntur, celeriusque evanescunt, quam quidem aliàs solebant. Pisces in aquarum profundis audire, certum est, tum quia conterrentur à strepitu accedentium, tum quia longius fugiunt à bombardarum sonitu è navibus displosarum; & saxorum motus quæ à torrente provolvuntur, audiri possunt; & urinatores testantur, quod audiunt sub aquis, Plinius *lib. 10. histor. natur. cap. 70.* Scaliger *Exercit. 61. sect. 4.* Toletus *lib. 2. de anima cap. 8. quest. 19.* Athanasius Kircherus *lib. 1. Musurgia cap. 6. cons. 2.* Daniel Sennertus *lib. 7. cap. 3.* Quamvis Ludov. Vives *lib. 1. de anima pag. 21.* Danhauerus *libro de anima Disputat. 3. pag. 90. 91.* Libertus Fromondus

lib. 3. de anima cap. 4. artic. 7. Petrus Gaf-
sendus libro de specialibus sensibus cap. 4.
 contendunt, nullum esse auditum sub a-
 quis, tum quod pisces non quidem soni-
 tum per aquas hauriant, verum aquæ mo-
 tum tactu percipiant; tum quod saxo-
 rum in torrente provolutorum sonus
 audiatur beneficio aëris inclusi, qui è por-
 tis terræ extrahitur violento saxorum
 motu, & hinc speciem soni advehit se-
 cum; tum quod urinatores habent arun-
 dinem, quæ utriusque trahunt, ita & cum
 illa species sonorum; tum quod mo-
 tus piscium in aquis non percipitur ab
 his, qui sunt extrâ aquas; tum quod a-
 qua non habet poros, in quibus sonus
 cum aëre commoto ac vibrato possit
 propagari, quandoquidem res liquida
 sit, undique in se collabens, & omnes
 suos meatus impleus, omnemque exclu-
 dens aërem. Hæc illi. *Respondeo:* (1) Quo-
 modò non est à sonitu accepto, cum fi-
 stulâ evocantur capiones ad locum cer-
 tum stagni ejus, in quo degunt, ut inje-
 ctum cibum corripiant? Non potest hoc
 à tactu esse, quemadmodum bombardæ
 à navibus emissæ sonitu quidem aquas
 verberant, contactu aut parum aut nihil
 incommodi adferunt. (2) In procursu
 saxorum nullus aër de poris terræ evoca-
 catur, in quibus non latet aër, itaque
 motus ille ab aquarum collisione oritur,
 & perturbando aquas desuper incum-
 bentes, recipitur ab aëre, & deferitur ad
 aures. (3) Non multi sunt urinatores,
 qui arundinem istam adhibent, & si qui
 utantur eâ, halitum quidem attrahunt,
 sonos accipere non possunt, qui auribus
 illabuntur, uti satis constat. (4) Motus

ille piscium est cum debili impetu, & pro-
 pter eâ non exauditur ab hominibus. Ni-
 mirum collisio tenuior undulationes effi-
 cit debiles, quæ antequam ad superficiem
 aquarum perveniunt, expirant. (5) Li-
 quiditas aquæ non prohibet, quò minus
 à motu & sono tam extrâ quam intrâ
 ipsam excitato moveatur, atque undula-
 tiones concipiat, à quibus deferuntur so-
 ni species ab aquis & per aquas ad aures,
 & efficiunt auditum.

V. *Sonos.* Species sensilis hic est rea-
 lis, quoniam implicat, non quidem sim-
 plicem emanationem in aëre, in aquis, sed
 horum Elementorum conformationem
 velut, dum proximus corpori sonoro aër
 recipit sonos; & deinceps serpendo per
 aërem immeat in sensorium, donec vires
 motivæ aëri insunt, quibus expirantibus
 deficit sonus, neque auditur porro. Ità
 docent Avicenna *lib. 6. de rebus natu-
 ralibus*, Bruno Seidelius *libro de homine*
pag. 552. Barthol. Keckermannus *lib. 3.*
System. Physic. cap. 21.

VI. Quibus serò contradicunt Co-
 nimbricenses *lib. 2. de animâ cap. 8. quæst. 2.*
art. 2. Franciscus Tolétus *ibidem quæst.*
22. Antonius Ruvio *commentariis ibid.*
pag. 318. segg. Otto Casmannus *part. 1.*
Anthropologia pag. 350. Athanas. Kirche-
 rus *lib. 2. de arte magnetica pag. 133.* Gre-
 gorius Horstius *lib. 2. de natura humana*
Exercit. 6. quæst. 15. Joach. Curæus *lib. 1.*
de Sensu cap. 38. Gil. Jacchæus *lib. 8. In-*
stitut. Physic. cap. 14. 15. Danhauerus *libro*
de anima Disputat. 3. pag. 91. 92. Joach.
 Burserus *lib. 3. Institut. Physicarum cap. 12.*
 Bernh. Morisani *commentariis ad libros*
de anima pag. 609. Franciscus Murcia

part. 3. *Cursus Philosophici* pag. 75. 76. & obtinere volunt, quod sonus agat cum modo intentionali. *Excipiunt*: (1) Si cum modo reali agit sonus, tunc à pluribus deferrentur soni turbati ad aures, & non posset fieri distinctus auditus. *Respondeo*: constat omninò, quod sonus impediatur sonum, ne perfecte audiatur; quod verò non omninò turbatur, est à mediis iustà latitudine, quod excipit sonos, promouet sonos, terminat sonos, & quidem immateriales ex se, quamvis materiæ immerfos propter aliud, nimirum ut in sensorium deferantur. (2) Quia nullum sensibile immediate positum supra sensorium facit sensationem. *Respondeo*: Non est immediatus contactus ab objecto, itaque non bene auditur sermo, cum os meum in alterius aures intrudo; sed est contactus à re per medium sese multiplicante. (3) Quia non potest sonus realis uniri cum auditu. *Respondeo*: Imò potest optimè uniri cum organo congruo, quod aërem vernaculum in se continet. (4) Quia non posset audiri vox aliqua sub aquis. *Respondeo*: Et auditur, & obtusè auditur propter medium duplex, quorum unum præ altero est densius & magè coactum. (5) Sonus bombardæ exauditur sæpius ad milliarias distantiam, quousque non est credibile moveri aërem. *Respondeo*: Quare non moveatur ab impellente valido, quale est globus plumbeus, ferreus, à nitroso pulvere depulsus? (6) Sonus potest audiri per muros, quā non patet transitus aëri. *Respondeo*: Aër pervadit omnia, poros murorum, ut possit fieri auditus. Cum verò lapides non sunt co-

stiles aut porosi, tunc per muros non transeunt soni.

VII. Declarant per simile: Sonus deferitur per aërem ambientem undulando, id est, factis circellis & spiris multiplicibus, & applicatur per aërem implantatum, quomodo videmus à lapide in aquis placidis injecto, effici multos circulos, ut unus circulus alterum tradat, & quā latissimè evagentur, nisi prohibeat locorum angustia. Ità Vitruvius lib. 5. *Architecton. cap. 3.* Alexander Aphrodisæus expositione ad lib. 2. de anima text. 82. Cælius Rodiginus lib. 19. *Lection. antiquarum cap. 14.* & laudant Philippus Melancthon libro de anima tract. 3. cap. 7. Godofredus Mœbius lib. 1. *Institutionum Medicarum cap. 4.* Sed reprehendunt Scheiblerus libro de anima part. 2. disputat. 5. dist. 27. Danhauerus libro de anima pag. 92. 93. Caspar Bartholinus lib. 8. *Institutionum Physicar. cap. 15.* & adferunt causas: (1) Quia deberet modo isto auditus fieri tantum apud eos, qui in eadem latitudine sunt propè nos: & quicumque stat supra nos, haut percipiat sonum istum. Circuli enim illi aquæ non feruntur per altitudinem, sed tantum per latitudinem. (2) Quia non videmus in aquis efformari circulos istos, igitur nec sonus per aquas exauditur, quod tamen salum esse constat exemplo piscium. Hæc illi. *Respondeo*: (1) Omni simili inest aliquod dissimile. Et verò cum aqua posset sursum versus arigi, non est dubium, quin sursum pergerent spiræ ab immisso lapide productæ. (2) Sonus debilior est, ac ut faciat circulos in aquā, obliquorem in

partibus suis coherentem, visibiles. Fiunt igitur, sed non videntur in aquis.

CAPVT DECIMUM,

De Tactu.

SUMMARIA.

1. Definitio tactus.
2. Qualitates tactiles.
3. Homo cum tactu præstantissimo.

TACTUS est qui percipit qualitates tactiles.] Adedò necessarius est, ut sine tactu non possit animal esse, quod sine visu, auditu, gustu, odoratu esse potest, Aristoteles *lib. 2. de anima cap. 11. & libro de sensu cap. 1.* Et probare vult *Andr. Casalpini* exemplo plantarum animalium, quæ aliis sensibus careat, unum sensum tactus habent, uti apparet, quod suauiter tacta sese dilatant, quodque compuncta sese contrahunt, vertibulum, pulmo marinus, tubera, stella marina, urtica, spongia, *lib. 2. quest. Medicarum num. 13.* & adde illi *Sennertum lib. 7. Epitom. Physic. pag. 574. 575.* *Mocenicum Contemplat. Philosoph. 4. part.*
 3. 4. *Petrus Gassendus libro de varietate animalium cap. 6.* Verum ista omnia plantæ sunt; animalia non sunt, quia non habent locomotivam. Quod à compunctione videntur contrahi, est quod amittant isto modo succum nativum, ad eoque flaccescunt instar plantæ alicujus; non verò est à sensu tactus, quo omninò carent.

II. *Percipit qualitates tactiles.*] Obiectum tactus sunt qualitates tactiles, uti

calidum, frigidum, siccum, humidum, grave, leve, durum, molle, crassum, tenue, de quibus adversus Scaligerum multa differit *Rod. Goclenius in adversariis pag. 75. seqq.* Medium est cutis, organum est nervus per corpus universum capillatim dispersus, uti monent *Johan. Fernelius libro de facultatibus animæ cap. 6. & lib. 6. Physiologia cap. 10.* *Andreas Vesalius lib. 6. Anatomia cap. 17.* *Toletus commentariis ad lib. 2. de anima quest. 30.* Species sensilis est realis, quod negant *Joachimus Burserus lib. 3. Institutionum cap. 15.* *Franciscus Murcia in cursu Philosophico part. 3. pag. 86. 87.* *Danhauerus libro de anima Disputat. 4. pag. 104. 105.* & species intentionales obtrudere conantur. Verba hujus sunt: Admoveas manum igni, senties omninò calorem aliquem in manu tuâ, ille verò non est realis, sed manu remotâ perit illicò. Ergò est intentionalis. *Respondeo:* Calor iste verissimè realis est, quoniam effluvia ignis insinuant sese per cutem & carnem. Nec perit calor iste remoto quamvis igne, sed longo tempore durat, vexatque læsam partem corporis, donec effluvia ista quovis modo expelluntur.

III. Cæterum solus homo inter animalia omnia habet tactum accuratissimum, quandoquidem principium tactus est corporis temperamentum, & verò illud tantæ præstantiæ inest in homine, ut animalia reliqua ultrò concedant homini, Aristoteles *lib. 2. de anima cap. 12.* *Scaliger Exercitat. 248. Exercitat. 286. sect. 2. & 3.* Ut mirandum sit, quod immemor sui *Scaliger*, tactus sensu homines anteverti à serpentibus,

bus, araneis, limacibus, dicitur, *Exercit.*
247. Quod idem ante illum scripserat
Cælius Rhodiginus *lib. 22. Antiquarum*
Lectio. cap. 11.

CAPVT VNDECIMVM,

De Gustu.

SUMMARIA,

1. *Definitio gustus.*
2. *Requisita gustus.*

I. **G**ustus est, qui percipit saporē.] Tantam
gustus & tactus invicem habent
cognitionem, ut non differre illos sta-
tuat Paulus Venetus *commentariis ad lib. 2.*
de anima cap. 10. Quem refellunt Fran-
ciscus Tolétus *commentariis ibidem quest.*
28. Antonius Ruvio *commentario ibid. pag.*
350. *seqq.* Et rectè, Differunt enim ob-
jecto atque organo. Gustus percipit sapo-
res, Tactus explorat qualitates tactiles.
Gustus inest in uno corporis membro,
nimirum in linguâ, Tactus verò per cor-
pustotum diffunditur, uti dudum nota-
vit Galenus *lib. 8. de usu partium cap. 6.*

II. *Percipit saporē.*] Objectum gustus
saporē sunt, eorum species sensiles dici-
mus effereales & materiales cum Franci-
sco Vallesio *lib. 2. Controvers. Medicarum*
cap. 24. Quamvis intentionales esse, per-
suadere cupiant Franciscus Murcia in
Cursu Philosophico part 3. pag. 82. 83. An-
tonius Deusingius *diatriba de functionibus*
sensuū sect. 2. dist. 24. Antonius Ruvio *com-*
mentariis ad lib. 2. de anima pag. 347. seqq.
Gregorius Horstius *lib. 2. de anima Exer-*

cit. 7. quest. 10. Danhauerus *libro de a-*
nima Disputat. 4. pag. 101. Nimirum pro-
pter effluvia, quæ à rebus sapidis abscē-
dunt in sensorio rectè disposito. Efflu-
via verò sunt qualitatū propria vehi-
cula. Organum est lingua, & propius in-
remendo, nervus instar reticuli super
carnelinguæ porosâ extensus, de quo vi-
de Baulinum *lib. 3. Theatri Anatomici cap.*
91. Varolium *lib. 2. Anatomie. cap. 7.*
Medium est saliva, humor temperatus,
qui in excessu corrumpit linguam, ut ma-
lè judicet, in defectu aridam facit lin-
guam, ut saporē nullo percipiat, Cal-
mannus *part. 2. Anthropologia pag. 322.*
seqq. Daniel Sennertus *lib. 1. Institut. Me-*
dicar. cap. 12.

CAPVT DVODECIMVM,

De Olefactu.

SUMMARIA.

1. *Definitio olefactus.*
2. *Instrumentum olefactus.*
3. *Medium olefactus.*
4. *Instantia Plinii.*
5. *Objectum olefactus.*
6. *Solvuntur objectiones.*
7. *Rationes nostræ.*

I. **O**lefactus est, qui percipit odores.] Eius
organum sunt nares. Docet Aristote-
les *lib. 2. de animâ cap. 9. & libro de Sensu*
cap. 5. Quod in recessu interiore nasi
prostat operculum valvulæ instar, idque
referetur tunc solum, cum respiramus,
claudatur in expirantibus. Atqui decepti
Phi-

Philosophum, quod Anatomicarum sectionum rudis posuerit valvulas, quæ nusquam sunt. Proinde organum istud intrâ calvariam rectius assignatur, scilicet processus mamillares, vel tubercula mollissima ista, quæ ante cerebri ventriculos, tanquam odorum exploratores collocati sunt.

II. Et quia consistunt intrâ calvariam, fitur sine respiratione non percipiamus odores. Attrahi enim debet materia, odorum vehiculum, quâ attractâ processus mamillares dilatantur ac veluti aperiantur, postea verò dimittuntur ac contrahuntur. Hinc cū ab odore abhorremus, respirationem inhibemus; cum verò odor gratus est, spirando trahimus illud quod delectat, Galenus lib. 8. *de usu partium* cap. 6. Sennertus lib. 1. *Institut. Medicar.* cap. 12. & lib. 7. *Epitom. Physic.* cap. 4. Andreas Vesalius lib. 4. *de fabricâ corporis humani* cap. 3. Bauhinus lib. 3. *Theatri Anatom.* cap. 66. Andr. Laurentius lib. 11. *histor. Anatom.* cap. 6. *quæst.* 12. Petrus Gallendus libro *de specialibus sensibilibus* cap. 3. Conradus Sneiderus libro *de ossibus cribiformi*. Et hoc instrumentum quò siccus fuerit, eò acrius animantia odorari possunt, uti sunt canes & vultures, qui ferarum vestigia & remotissima cadavera odoris indicio prosequuntur, homo verò propter humidiores & frigidiores cerebri constitutionē habet odoratum debilissimum, Aristoteles lib. 2. *de anima* cap. 9. & lib. 2. *de partibus animal.* cap. 7. Cælius Rhodiginus lib. 24. *Antiquar. Lexion.* cap. 20. Scaliger *Exercitat.* 247.

III. *Percipit.*] Medium est aer vel aqua, Namque etiam in aquis fieri odo-

ratum, constat ab exemplo piscium, qui eminus odorantur escam hamis inditam, Aristoteles lib. 2. *de anima* cap. 9. Cælius Rhodiginus lib. 24. *Lection. antiquar.* cap. 23. Non verò statui debet quod aer penetrando subit in aquas, ut beneficio ejus deferatur odor ad pisces, quod visum fuit Plinio lib. 9. *histor. natur.* cap. 7. Guilhelmo Rondeletio lib. 4. *de piscibus* cap. 9. & ob id graviter increpat Julius Scaliger *Exercitat.* 271. *sect.* 2. & libro *de Plantis* pag. 112. Etenim: (1) Si in aquis est odor beneficio aeris, quomodo aer separabitur ab aquis, ita ut sit vehiculum odorum? (2) Quia corpus unum subiret in aliud, cum aer inesset in aquis, & dimensio penetrationum esset, quam non admittit natura.

IV. Dicit quidem Plinius, aerem esse in aquis, quomodo est in fossis & cavernis subterraneis. Verum sunt illæ corpore alio vacuæ, ut aptè recipere possint aerem, aqua verò propter cohesionem partium tenacissimam non permittit secum aeris locum. Per solam igitur aquam velut medium, pisces odorem percipiunt. Et permeant quaquaversum effluvia, uti ignis per minima sua aquæ molem pervadit, inque illâ vires exferit.

V. *Odores.*] Objectum sunt odores. Species sensilis hic est realis & materialis, quia odoriferum corpus spargit à sese effluvia, odorum vehicula, quamvis non possint notari visu. Ità docebant olim Empedocles, Democritus, Leucippus, Heraclitus, Plato in *Timeo*, quos sequuntur Theophrastus libro *de odoribus*, Avicenna lib. 6 *natural. part.* 2. Barthol. Anglicus lib. 19. *de rerum proprietat.* cap. 37.

Galenus *lib. 4. simplicium cap. 21.* Johan. Fernelius *lib. 6. Physiologia cap. 1.* Godofredus Mæbius *lib. 1. Instit. Medicar. cap. 4.* Petrus Gassendus *lib. de specialibus sensibilibus cap. 3.* Johan. Bravus *libro de saporum & odorum differentiis cap. 12. 13. 14. 15.* Barthol. Keckermannus *lib. 3. System. Physici cap. 24.* Dissentiunt verò Aristoteles *libro de sensu cap. 5.* Aphrodisæus, Themistius, Averrhoës *lib. 2. de anima commentar. 79.* & species intentionales in odoris communicatione statuunt.

IV. Sequuntur Bruno Seidelius *libro de homine pag. 576. seqq.* Zabarella *libro de sensu agente cap. 4. 5. 6.* Tolétus *lib. 2. de anima cap. 9. quæst. 25.* Antonius Ruvio *commentariis ibidem pag. 433. seqq.* Daniel Sennertus *lib. 1. Institutionum Medicarum cap. 12. & lib. 7. Epitom. Physic. cap. 4.* Gilbertus Jacchæus *lib. 8. Institut. Physicarum cap. 18.* Danhauerus *libro de anima disputat. 4. pag. 95. 96. 97.* Franciscus Murcia *in Cursu Philosophico part. 3. pag. 80. 81.* Joachimus Burserus *lib. 3. Institutionum Physicarum cap. 13.* Adferunt rationes: (1) Quia defluxus & vapores non possunt aquas pervadere, attamen sunt odores in aquis, à quibus impelluntur pisces. *Respondeo:* Nullum est effluuium, quod non habeat penes se vires agendi, adeòque defluxus rerum odoratarum possunt aquas liquidas pervadere, ut non impediuntur. (2) Quia corpus odoriferum sensim diminueretur, si vapores odorati exspirarent ab eo, & marcidum fieret. *Respondeo:* Imò decedit aliquid, ut rugosum fiat, uti constat per experientiam. Itaque particulæ ipsæ humidiore abscedunt & corpus destituunt,

ut tandem odore illud careat, (3) Nulla substantia per se cadit sub sensum. Atqui odores per se cadunt sub sensum. Ergò non sunt fumus & vapor, in genere substantiarum. *Respondeo:* Minor falsa est. Cadunt odores sub sensum, non quidem per se, verum quatenus sunt in subiecto proprio, vehiculo & fomento suo. Ita calor, frigus, siccum, humidum explorantur à sensibus, ut adjunctum non sit citrà subiectum proprium, & qualitas, tum ope formæ latentes cognoscantur. (4) Si odor est reale aliquod non poterit ad milliaria multa deferri, & vultures per longa terrarum spacia non possunt investigare cadaver. *Respondeo:* Ob atomos pertinaciter coherentes, multiplicatis viis per aërem liberum, vento impellente, magna subito fit rerum odoratarum dispersio, ut per longa terrarum spacia percipi possint.

VII. Quod ergò odor fiat per defluxum vaporum sensibilem, probatur: (1) Quia post ablatam rem odoriferam, non tamen protinus aufertur odor, quod aliis contingere debebat. Si enim aliquid intentionale esset, ne momento quidem temporis duraret odor post sublatum corpus odoriferum, uti lumen deficit post Solis abitum. Atqui conservatur in aëre circumstante, adeòque necessè est, ut substantia quædam tenuis, vehiculum odoris, remanserit in aëre. (2) Quia odores sequuntur motum aëris, vento impellente. Atqui intentionale non movetur ad motum aëris, ne quidem in procellis maximis, uti Solis radii & apprehensio visibilium rerum ostendunt. Instat Danhauerus: *Quod odores à ventis impel-*

impelluntur, est inde quia insident exhalationibus & aëri, tanquam necessario comitanti, quo commoto ipsum quoque commoveri, necessè est. Atqui hoc est testimonium perhibere veritati. Verè enim exhalationes sunt odororum subjecta, & falsò dicitur; quod odores sint aliquod intentionale. (3) Quia fortiorem odorem spargunt flores, quò magis premuntur & comprimuntur, ità etiam ut manus comprimentis ab isto odore inficiantur. (4) Quia res odorata flaccescit & prorsum corrumpitur, postquam particulæ sulphuricæ, in quibus odor inerat, detritæ emigraverunt. (5) Quia res odoratæ uti sunt ambra, moschus, absinthium, allium, porrum, admodò naribus calorem inferunt cerebro, unde ferviscit sanguis in venis atque arteriis; contrà odores pravi, nocivi, insecti interficiunt antimonia, lædendo cor & cerebrum. Quod omne arguit, odorem esse cum oppressione reali.

CAPVT DECIMUM TERTIVM,

De Appetitu,

SUMMARIA,

1. Definitio appetitus.
2. Appetitus cum cognitione.
3. Divisio appetitus.
4. Fames, sitis.
5. Affectus.
6. Spes, lætitia, metus.
7. Tristitia, amor, odium, ira:

I. **A**ppetense est facultas, qua animal prosequitur objectum à sensu commonstratum. Est verò Appetitus triplex, naturalis, sensitivus & rationalis, Philip. Melanchton lib. 2. de anima cap. 12. Julius Scaliger lib. 1. de plantis pag. 51. Bruno Seidelius libro de homine pag. 812. seqq. Otto Casmannus part. 1. Anthropologia pag. 131. seqq. Naturalis est, quo corpus naturale unumquodq; naturæ suæ instinctu fertur in objectum congruum. Ità magnes attrahit ferrum, gravia deorsum, levia sursum feruntur, plantæ cognoscunt & distinguunt in terrâ alimentû, & sibi conveniens sugunt, relicto alio; partes corporis suum cognoscunt alimentum, & una trahit bilem, alia melancholiam, alia sanguinem, aliis relictis, & distinguunt porrò excrementum contrà alimentum, illud expellunt, hoc retinent. Bruta, feles, gallinæ, boves, equi, asini erigunt sese adversus hostem, corpus interponunt, intumescunt, plumis, ac pilis horrent, rostrum, dentes, cornua & ungues opponunt. Sensitivus est, quo animalia instinctu sensuum feruntur in objectû congruum. Ità canis panē oblatû appetit, picis escam hamo inditâ, homo voluptates prosequitur, musca quamvis flabello depulsa, redit tamen ad cibum ob vehementem delectationem. Rationalis est, quo homo instinctu mentis fertur in objectum congruum. Ità Magistratus capit arma adversus hostem, ut dimicet pro aris & focus adeòq; cupit hostem longius fugare, & subditos in pace collocare. Atq; hic appetitus rationalis est idem cum illâ animæ rationalis facultate, quam

quã voluntatem cõmuniter appellamus.

II. *Prosequitur objectum.*] Notetur, quod omnis appetitus evidenter implicat cognitionem, quia nihil appetitur ignotum. Pro diversitate appetitus variat quoque diversitas cognitionis. Scilicet cognitio naturalis est, quam plantæ habent. Poma, pyra, cerasa, nuces, aliaque fructuum genera efficit plantæ cuiusvis formæ, non temerè, non casu, verùm ut sciat quid agat, & de effectò cognoscat. Sensitiva est, quæ brutis inest, unde formis, locustis, cuniculis, araneis sapientiam tribuit Regum sapientissimus Salomon, *Proverb. 6. 6. 7. 8. cap. 30. 24.* nimirum quia victum sibi parant in futuros usus, & quia nidos, receptacula, stamina modis artificiosis construunt. Neq; debent hæc opera istorum animalium phantasie simpliciter ascribi, ut naturalis cognitio excludatur, cum vulgo Thomistarum, & Antonio Deusingio in diatriba de functionibus sensuum sect. 3. dist. 4. ubi est, à cæcò natura instinctu opera ista provenire. Et enim nihil est in phantasiâ, quod non antea fuerit in sensibus externis. Atqui telam format araneus, quin nunquam vidit telam, favos apicula fingit, colligit mellâ, quæ nunquam alterius magisterio confici observavit. Intellectiva est, quæ in homine inest, & liberum arbitrium formaliter constituit. De quo agemus infrâ lib. 9.

III. *Estque Cupiditas vel Affectus.* Cupiditas est appetitus, qui sequitur contactum. Tales sunt fames, sitis, cupido & veneria. Affectus est appetitus, qui sequitur cogitationes. Tales sunt spes, letitia, metus, tristitia, amor, odium, ira.]. Docebant olim Plato &

Galenus, quod affectuum sedes jecur esset. Sed Aristoteles deponit eos penes Cor velut primam sedem, idque defendunt Toletus lib. 3. de anima cap. 9, quest. 26. Libertus Fromondus lib. 3. de anima cap. 9 art. 1. Petrus Gassendus lib. 10. *Philos. natur. sect. 3. cap. 2.* Et ratio est, quod in affectibus cientis cor moveatur pro modulo objecti cogniti, ut incitet membra externa ad objecti ejus persecutionem, effundendo spiritus vitales in magnâ copiâ, ut cum eo quod indoli suæ similitimum esse arbitrantur, unire se velint.

IV. *Sequitur contactum.*] Gustus & Tactus, quibus utitur natura ad delictum nutrimenti, & libidinem moderandam. Fames est cupiditas cibi; Sitis est cupiditas potus; Cupido Veneria est ob propagationem speciei. De fame & siti scripsit opus doctissimum Latinus Tancredus.

V. *Sequitur cogitationes.*] De affectibus benè differunt Julius Scaliger *Exercit. 307. sect. 27. seqq. Exercit. 310. 311. 313. 314. 315. 316. 317.* Renatus Cartesius libro de passionibus animæ, Ludov. Vivès lib. 3. de anima pag. 153. seqq. Sebast. Foxius lib. 5. *Philosoph. natural. cap. 17. & 18.* Henricus Gutberlethus in *Pathologia*, Antonius Deusingius in diatriba de functionibus sensuum sect. 3. dist. 1. seqq. Acriter hic vapulant Stoici veteres, quod negaverint, debere affectus inesse in homine, Lactantius lib. 6. *divinarum Institut. cap. 15.* Philippus Melancthon libro de anima tract. 3. cap. 11. Piccolomineus gradu. 1. *Philosophia moralis cap. 23. 24. 25. 26. 27.* Verum im-

immeritò. Neque enim removebant affectuum sensum, quem impossibile est excutere, sed inordinatum obsequium in iis quæ rectæ rationi adversantur, atq; ubi rationi locus est, reprehendebant. Dicemus plura in Institutionibus Ethicis.

VI. *Spes, lætitia, metus.*] Spes est ab objecto, bono futuro. Lætitia est ab objecto, bono præsentem; & ruborem attrahunt, quicunque lætantur, quandoquidem vitalium spirituum liberalior diffusio unâ commouet sanguinem floridum. Et sanguis delatus ad partes exteriores inducit eis rubedinem. Metus est violenta cordis constrictio propter objectum ingratum. Namque spiritus vegetiores abscedunt veluti, & recondunt sese in cordis sinum, fit subita mutatio caloris in toto corpore, pallor contrahitur in ore, contabescunt oculi. Nec sine prodigiis. Affinis Francisci Gonzagæ Principis Mantuani, cum propter suspicionem conjurationis in carcere ad supplicium reservaretur, denunciata sententiâ capitali pridie, ita obstupuit, ut manet totus canus inueniretur, Scaliger *Exercit.* 312.

VII. *Tristitia, amor, odium, ira.*] Tristitia est prolongata constrictio spirituum vitalium in cordis sinu, propter objecti mali aversionem. Multa hinc incommoda. Calor enim natus intra cor pertinaciter compulsus, humidum nativum absumit, & lentis modis affligit, quomodo pomum torretur ad ignem. Addeque constat, multos dolorum pondere exanimatos præproprio funere interivisse, apud Livium, *lib.* 32. *histor.* Aulum Gellium *lib.* 3. *Nocturnum Atticarum*

cap. 15. Plinium *lib.* 7. *histor. natural.* *cap.* 53. Amor est, quo cor bonum præsens attrahere gestit, ut illo potiatur. Ejus consequentia sunt benivolentia & beneficentia, è quibus in unum redactis oritur amicitia. Odium est ira inveterata, ait Melanchton *lib.* 3. *de animâ.* Non placet Scaligero, & rationes adfert: 1. Est contingens odio, quod sit inveteratum, odium enim purus animus mendacium illicò. 2. Effectum non potest definiri per causam velut genus. Atqui ira est causa odii, quod idcirco ab ipsâ est, non verò ipsa est. 3. Potest esse odium citrà iram, *Exercit.* 316. *sect.* 1. Respondeo: 1. Odium non potest esse, nisi ab aliquâ temporis morâ. 2. In descriptionibus loquimur uti possumus, non uti volumus. 3. Primum odii momentum ira est, quæ cum non lucratur temporis aliquam moram, in odium non degenerat. Denique Ira est, quâ volo ulcisci injuriam mihi factam.

CAPVT DECIMUM QUARTVM,

De Vigiliâ & Somno.

S U M M A R I A.

1. *Definitio vigilie.*
2. *Definitio somni.*
3. *Status integritatis.*
4. *Somni finis.*
5. *Regula quadam.*
6. *Efficacens somni.*
7. *Sententia Gaëni.*
8. *Sedes propria somni.*

9. Scaligeri opinio.

10. Resellitur ista.

I. **S**ensuum affectiones sunt *Vigilia & Somnus*. *Vigilia est vigor facultatis sensitivæ.* Atque oritur illa à caloris & spirituum animalium per omnes corporis partes liberiori effusione, ut possint animantia exercere actiones naturæ suæ consentaneas.

II. *Somnus est requies facultatis sensitivæ.* Est somnus animalium unicè proprius, quia sensus habent & vacationes locomotivæ exercent, unde curriculo confecto cessare & vires fessas reparare possint. Anaxagoræ inter veteres Philosophos celebri placuit, quod plantæ etiam somnos traherent, contrà quem differit Julius Scaliger *lib. 1. de plantis pag. 118. 123.* Verùm rectius creditur, loquutum esse de somno imitativo, & non de somno ordinario. Scilicet in herbis & floribus est aliquid instar somni, & videmus, quod post Solis occasum contrahuntur, atq; manè expanduntur, ut cichoria, cariophylla, lilia, calendulæ, tulipæ commonstrant. Perindè est de fœtu in utero, qui nec dormit propriè, nec vigilat, & naturales potius exercet actiones, quàm animales. Vigilia verò & somnus referuntur ad operationes animales.

III. *Quæritur: An somnus fuisset homini necessarius in statu Integritatis?* Respondeo: Negat Johan. Henricus Alstedius *lib. 6. Encyclopediæ part. 6. Physicæ cap. 2. Regulâ 25.* & rationem addit: *Parum hoc cum summâ hominis felicitate convenit, quæ omnem defatigationem exclusisset.* Atqui

defatigatio apud eum oriri poterat, quæ & vitam animaleam trahebat, & laborum in excolendis agris obnoxius erat, *1. Corinth. 15. 45. 46. 47. Genes. 2. 15.* Porro somnum futurum in statu illo, evincitur, quod nox erat in statu isto, tempus destitutum requiei, *Psalm. 104. 20. 23. Genes. 1. 3. 4. 5.* Demum inferimus: Adfuerunt eadem somni causæ, quæ hodiè, vapores benigni ab alimento bono rectè in ventriculo concocto, vel adhuc concoquendo, in cerebrum elevati, inque meatus ejus sese recondentes. Atqui positis iisdem causis sequitur idem effectus. Ita nobiscum docent Thomas *part. 1. Summæ Theologicæ quæst. 94. art. 4. Conimbricenses libro de somno & vigiliâ cap. 5. Barthol. Keckermannus in Curso Philosoph. Disputat. 17. quæst. 24. Gerhardus Joh. Vossius lib. 3. de orig. & progressu Idololatr. cap. 34.*

IV. *Requies.* Finis est salus animalium. Ordinata enim atque certa sunt vigiliæ & somni intervalla, ne animal languescat ab assiduo motu. Quamquam neque somni tempore ferietur natura, dum concoquit cibos, præparat sanguinem, humidum innatum conservando auget, spiritus animales restaurat, ut animal quodvis à somno expectatum robustius ad labores suos accedat, Cælius Rhodiginus *lib. 3. Antiq. Lect. cap. 7. Scaliger lib. 1. de plantis pag. 43.*

V. Notentur regulæ quædam: (1) *Somnus ad Lunæ radios nocet capiti.* Luna humorum domina percellit caput dormientis, vaporesque eliciendo unit, unde cerebri existit pondus, à quo veluti crapulâ, gravatur homo, (2) *In latum dextrum*

dextrum suauiori somno accumbitur. Cum lateri sinistro incumbimus, premitur cor atque motus ejus impeditur, quod homini nocet admodum, Aristoteles in problematis sect. 6. quæst. 5. 6. Conimbricenses libro de somno & vigiliâ cap. 9. Ranzovius libro de conservandâ valetud. cap. 11. (3) *Somnus diurnus nocet.* Male igitur sibi consulunt, qui statim post cenam & prandium somno inhærent. Tunc enim fervit ventriculus instar ollæ, itaque halitus impuros in cerebrum emittendo permiscet eos spiritibus animalibus. Ab halitibus impuris & crudis provenit somnus turbulentus, isque progenerat spasmus, hydropem, colicam, catharrum, dolorem capitis, anginam. (4) *Somnus immoderatus nocet.* Etenim spiritus animales contaminantur, calor insitus obtunditur, humores frigidi cumulantur, memoria affligitur, & homo ad præstandas res liberali ingenio dignas redditur ineptus. Ità pronunciat Hippocrates in Aphorismis lib. 2. num. 1. 2. 3. & annotat Heurnius in commentariis pag. 29. 30.

VI. *Facultatis sensitivæ.*] De Causâ efficiente Somni quæritur. Aristoteles docet, causam esse alimentii evaporationem, ut halitus adscendant è ventriculo in cerebrum, occupent nervos, per quos spiritus animales egrediantur in sensus externos, obstructo procursu, detentis spiritibus, cessant sensus, obrepit somnus, libro de somno & vigiliâ cap. 3. & lib. 2. de partib. animal. cap. 7. Sequuntur vestigia Magistri sui Conimbricenses libro de somno cap. 2. Ludov. Vives lib. 2. de animâ pag. 114. 115. Goclenius lib. 6.

Disputat. Phys. 27. dist. 28. seqq. Otto Casmannus part. 1. Anthropologia pag. 425. seqq. Gilb. Jacchæus lib. 8. Institut. Physic. cap. 23. Barthol. Keckermannus lib. 3. System. Physic. cap. 29. Mocenicus Contempl. Philosoph. 4. part. 3. cap. 9. Danhauerus libro de anima Disputat. 5. pag. 122. 123. Et probant: (1) Quod ebrui maximè dormiunt, cum primis ob vapores, in cerebrum progressos. (2) Quod medicamenta soporifera pleraque sunt vaporû concitiva. (3) Quod morbi illi penes quos est humoris copia, somnum adferunt profundum. (4) Quod infantes & phlegmatici multû dormiunt, quia pleni vaporibus sunt. (5) Quod statim post cibum assumptum obrepit somnus, ob præsentium vaporum copiam. (6) Quod ventre jejuno haud placidè appetitur somnus. *Hec illi.*

VII. Contradicit Galenus Medicorum Princeps: Somnus, ait, est sensuum & naturalis motus cessatio, & causa est, revocatio spirituum animalium ad cerebrum, ad quod ipsum nihil juvant vapores, quandoquidem etiam jejunis obrepit somnus profundus à multo labore. Ità videmus, sonos Musicos, tenebras quietem, capitis frictionem, pedum titillationem provocare somnum, & de alimentorum evaporatione nequicquam participare, lib. 1. de symptomat. caus. cap. ult. & lib. 3. de caus. puls. cap. 9. Et defendunt Argenterius libro de somno & vigiliâ cap. 11. Petrus Gallendus sect. 3. Philosoph. natural. lib. 6. cap. 4. Jacobus Seidelius Disput. de Somno dist. 8. Timoth. Brighthus animadvers. Physicis ad Scribonium pag. 264. Joachimus Burserus lib. 3. Institutionum Physicarum cap. 17. Johan. Heur-

Heurnius lib. 3. *Institut. Medicarum cap. 6.* Nos dicimus cum Toletio *commentariis ad lib. 3. de animâ quæst. 5.* Daniele Senner-
to lib. 1. *Institut. Medic. pag. 114. seqq. & lib. 7. Epitom. Physic. cap. 9.* quod utraque opinio sit coniungenda, cum utraque causa solitariè accepta insufficiens sit. Proxima somni causa una est, videlicet negatio influxus spirituum animalium, ut hi à corde restaurationem accipiant. Causæ remotæ plures sunt, aliæ somnum conciliant animales spiritus absumentes, aliæ eos torpidos faciendo, aliæ eos placidè sistendo, aliæ alio modo.

VIII. Quæritur porro: *Quanam sit propria sedes somni?* Respondeo: Quod cor sit propria sedes somni, docet Aristoteles libro de somno cap. 3. lib. 2. de partibus animal. cap. 20. & lib. 3. cap. 3. Eum refellit Galenus, & cerebrum velut sensorium primum asserendo, somnum non cordis, sed cerebri affectionem esse statuit, à quo omnes sensus primam originem habent, lib. 7. de placitis Hippocratis cap. 3. libro de dissectione nervorum cap. 1. & lib. 2. de locis affectis cap. 8. Posteriori huic sententiæ ad stipulantur Argenterius libro de somno & vigiliâ c. 7. 8. 9. 10. Sebast. Foxius lib. 5. Philosoph. natur. cap. 16. Thomas Erastus *Disputatione de Somno dist. 19. seq.* Georg. Liblerus in *Epitom. Phys. pag. 282.* Gilb. Jacchæus lib. 8. *Institut. Physicar. cap. 23.* Gregor. Horstius lib. 2. de naturâ humanâ *Exercit. 8. quæst. 6.* Jacobus Seidelius l. d. dist. 26. Ratiopotissimum à nervorum & spirituum animalium desumitur origine. Docet enim visus in re Anatomicâ, quod nervorum origo in cerebro sit, atque in nervis

est spirituum animalium propagatio. Hinc arguimus: Affectio propria debet referri ad subiectum proprium. Atqui somnus est affectio propria cerebri. Ergo somnus debet referri ad cerebrum velut subiectum proprium. Minor constat, quia somnus spiritus animales tranquillat, ut quiescant. *Rursum:* Quodcunque à somno opprimitur, illud à sensu & motu cessat. Atqui cor non cessat à motu, cum dormit homo, quia semper palpitat. Ergo cor non premitur à somno.

IX. Insurgit Scaliger, & decertat pro magistro: Galenus, ait, ridet Aristotelem, nunquam cor cessat, inquit. Ità sophisticè procedit à parte ad totum, aut aliam partem. In corde namque sunt multa principia, primum est vitale, secundum illud est motivum. Hæc nunquam cessant neque somno impediuntur, neque sunt prima sensitiva, licet sint in primo sensitivo. Est igitur somnus quies sensitivi quæ sensitivi. Non enim bonus Metaphysicus fuit Galenus. Itaque non illæ cessant in somno facultates, sed aliæ operosiores & posteriores, sensitivum, intellectivum, procreativum. At harum quidem primum in somno, tum in stupore mentis, atque percussione, aliæ verò etiam in vigiliâ, *Exercit. 289.*

X. Verum petit ubique principium Magister subtilitatum. Non enim Aristoteli concedunt Medici, quod primum sensorium Cor sit, quandoquidem illud Cerebrum est, uti demonstratio ocularis in re Anatomicâ probat. Frustrà igitur instat: *Galenum sophisticè procedere à*

parte ad totum, aut aliam partem. Sensitivum inquam principium, malè in corde esse statuitur. Neque verum omninò est, quod cessat intellectivum. Soluta namque à corporis penso anima suis per-vigilis & contemplationibus liberior insitit, ut illo loco dicto Scaliger ipse agnoscat: Non ad recreationem corporis solum somnus à DEo factus est, sed etiam ad auiam libertatem. Mentis enim soluta non è corpore, sed à corporis penso, res suas agunt. Seipsas enim movent, atque etiam promovent ad sui finis effigiem, quæ fuit olim coràm contemplaturæ. Sic ille. Non ergò somnus opprimit facultatem animæ intellectivam.

CAPVT DECIMVM QVINTVM,

De Insomnio,

SUMMARIA.

1. Ephialtes.
2. Ecstasis.
3. Valesii error.
4. Definitio insomni.
5. Efficiens insomni.
6. Somnia in Veteri Testam.
7. Modi vaticiniorum.
8. Raptus duplex.
9. Raptus Pauli.
10. Genj mali.
11. Somnium animale.
12. Somnium naturale.
13. Somniorum prediçiones.
14. Somnia Paganorum.
15. Astrosum influxum.

I. **S**omni adjunctum est Insomnium.] Guillelmus Scribonius multiplicat adiuucta Somni, addendo Ephialtem & Ekstasin, lib. 3. Institutionum Phys. pag. 162. Verùm corporis valetudinarij potius illa sunt symptomata, non somni affectiones, ut rectè notat Timoth. Brighus in animaverfionibus num. 245. Ephialtes, alio nomine Incubus, oritur ab errore depravatæ Phantasiæ. Cuius lupinus oppetit somnum, accidit sæpius, ut incubando in tergò, spina dorsi cor propius feriat, unde vapores tetrici & nocivi cor undique circumstant, in cerebrum prorepunt, spiritus animales perturbant, imaginationes miras progenerant, ita fit, ut homo consopitus moveat sese cum impetu, clamores moliat, quasi ab imposito spectro vexaretur, linguæ verò & vocis usu careat, manentibus gemitibus, quoniam pulmones liberè moveri non possunt, Levinus Lemnius lib. 2. de occultis naturæ miraculis cap. 3. 4. 5. Daniel Sennertus lib. 2. Institut. Medic. pag. 309. seqq. & lib. 1. Medicina pract. part. 2. cap. 29. & in Paralipomenis Medicis pag. 117. Joh. Fernelius lib. 5. de morbis particularibus cap. 3. Fraçastorius libro de Sympatibi & cap. 19.

II. Ecstasis est animæ de corpore velut exeuntis liberior imaginatio, unde corpus profundissimo somno occupatur, & homo exanimis esse videtur. Tali modo affecti non semel pro mortuis elati sunt, & tumulis illati, ubi revixerunt postea. Exemplo sunt Zenon Imperator Constantinopolitanus apud Zonaram Tomo. 2, Annal. Johannes Scotus

Doctor subtilis in Coloniâ, apud Johan. Bodinum *lib. 4. Theatri natura pag. 503.* Petrum Crinitum *lib. 24. de honestâ disciplinâ cap. 11.* Mulier Colonienſis, apud Philip. Camerarium *Centur. 4. Observat. 46.* Et puella quædam Hispana, de quâ refert Amatus Lusitanus *Centur. 4. curationum num. 23.* Scilicet fulgines ob debiliorem animæ influxum cumulantur, & cordis cerebrique ventilationes obstruunt, undè oritur cordis corporisque oppressio. Prolixius hoc tradunt Franciscus Valleriola *lib. 2. Observat. Medicat. cap. 4.* Zacutus Lusitanus *lib. 1. Histor. Medic. pag. 255.* Guilhelmus Hildanus *centuria 2. Observat. Chirurgic. num. 95. 96.*

III. Minus ferendum est, quod Franciscus Vallesius in *Philosophia sacra cap. 33.* differit. Ecstasi istâ correptum fuisse puerum Sunamitidos fœminæ ab Elisæo resuscitatum, de quo est *2. Regum 4. 17. seqq.* Namque verè hunc mortuum fuisse, contextus omnis arguit, non solum ab animo relictum. Adeò tamen sententia ista placuit Lucilio Vaninio, ut postquam in libro de arcanis Naturæ Religionis omni bellum indixerat, eamque modis omnibus eversam cupiebat, miracula Prophetarum & Jesu Nazareni, inter quæ excellebat mortuorum ad vitam revocatio, per hoc effugium deprimeret, Atheorum nostri ævi princeps Tolosæ combustus A. C. 1618. (uti refert Bartholom. Grammondus *lib. 3. histor. Gallicæ*) Dei hostis, pro quo Solem ubique substituit rerum omnium vegetatricem mentem, Animæ interfector, quam negat esse Mentem, negat esse formam sub-

stantialem, negat esse formam immaterialem. Quam spiritum evanidum, calorem mobilem esse comminiscitur, & patiatum, à Sole productum intrâ fœtem, qui post dissolutum corpus non superest amplius. Non solum viventes Prophetæ tale quid fecerunt, sed etiam postobitum, *2. Regum. 13. 21.* Et quanquam dicat Vaninius, eum qui mortuus vocetur, deliquio animi correptum fuisse, atque à validiore impetu, cum projiceretur, in sepulchro rivigilavisse, ea tamen impia sunt. Mortuum vocant literæ sacræ vero sensu, & voluit Deus hoc fieri, ut veritatem vaticiniorum ab Elisæo datorum confirmaret. Accedit, quod talibus eventis animarum dispariorum comprobaretur, quæ nuspian in Lege dictis apertis spondebatur.

IV. *Insomnium est actus animæ, cum quiescit corpus.* Post noctem intemptam somnia distincta magis sunt. Namque à concoctione peractâ non surgunt vapores crudiores, sed defæciatores in cerebrum, quod ab illis non adeò turbatur, & quia tunc sanguis tranquillior est, Aristoteles *libro de insomniis cap. 3.* Cæterum quòd bruta somniant, equorum jactationes & canum lattratus per somnum conciti ostendunt, de quibus testatur itidem Aristoteles *lib. 4. de histor. animal. cap. 10.*

V. *Actus animæ.* Efficiens somnii Phantasia est, quanquam Sensus communis unâ operatur; apparitio rerum enim fit in sensu communi, imaginatio fit in Phantasiâ. Forma est imaginatio rerum quæ non sunt, veluti essent. Anima dormientis libera ab externis operibus ipsam movet agit atque per species conserva-

tem, atque ita mirabiles sæpè imagines gignit. ait Scaliger *Exercitar.* 353. Materia sunt species sensiles, quæ excitantur & turbantur ab impressione halituum erraticorum.

VI. Estque divinum, animale, naturale. Divinum est, quod Genii affingunt in hominis animo, sive boni, sive mali.] Tempore illo quo Vetus Testamentum durabat, somnia exstiterunt frequentia; illo sublato non ita multum occurrerunt. Errant verò Aristoteles libro de divinatione per somnia cap. 2. & Hermolaus Barbarus commentariis ibidem, qui negant à geniis bonis effici somnia penes hominem, & rationem addunt, quia tunc sapientibus atque eruditis solum deberent illa obvenire, non etiam hominibus obrepere de vulgò. Atqui refragatur experientia in sacris literis perinde & profanis consignata, quod nimirum somnia viderint Reges, proceres, homines vulgaris fortis, docti, indocti, *Genes.* 37. 5. 6. cap. 40. 5. 6. seqq. cap. 41. 1. 2. seqq. *Numer.* 12. 6. 1. *Regum* 3. 5. *Daniel.* 2. 1. 2. seqq. *Joel.* 2. 28. *Matth.* 1. 20. cap. 2. 20. *Actorum* 2. 15. 16. 17.

VII. Sive boni.] Cum Prophetis olim quadruplicem modo agebat Deus, uti notant Alphonsus Toftadus commentario ad lib. 1. *Regum* cap. 9. quest. 2. Johan. Henricus Ursinus in *Analectis sacris* Tomo. 2. lib. 4. sect. 4. Primus est, cum formam visibilem assumendo compellabat eos, *Exodi* 3. 2. seqq. cap. 19. 9. cap. 20. 1. 2. seqq. cap. 33. 6. 7. *Numeror.* 12. 6. 7. 8. *Deuteron.* 34. 10. 11. 12. Secundus

est, cum non videtur, sed auditur solum, idque vel per שמעך, uti *Numer.* 7. 1. 2. *Samuel.* 7. 18. 19. *Psalms.* 60. 8. vel per כח-קול, uti 1. *Samuel.* 34. 6. 7. 8. *Iohan.* 12. 28. 29. 30. *Actorum* 9. 4. 5. 6. 7. Tertius est, cum nec videtur nec auditur, sed cum imaginativæ insinuat sese modis imperceptibilibus, sæpius in somno, *Genes.* 46. 2. *Numeror.* 12. 6. 1. *Regum* 3. 5. *Daniel.* 2. 1. seqq. cap. 7. 1. seqq. *Matthæi* 2. 12. 13. 19. 22. Quartus est, cum sensus externus & internus quiescant, elevante Deo per species infusas mentem hominis ad cognoscenda ea, quæ ex se apprehendere non poterat.

VIII. Atque modus iste duplex est, unus cum raptu, alter citrà raptum, de quibus prolixè differit Mart. Schogkiius libro de *Ecstasi* pag. 81. 82. seqq. Posterior modus est, ut homo vivat & sentiat in iis, quæ ipse percipit; sed in iis, quæ Deus revelat, nullum auxilium commodet sensus, & Deo illuminante accipiat intellectus ea, quæ homo scire debeat. Prior modus est, cum intellectus ministerio sensuum omnium spoliatur, & virtute divinâ elevatur ad contemplanda cælestia, *Numeror.* 24. 4. 16. 2. *Corinth.* 12. 2. 3. 4. *Apocal.* 1. 10. 17.

IX. De Pauli raptu scribit Johan. Cameron in *Myrothecio Evangelico*: quod post animam rationalem à corpore separatam in eo remanserit anima sensitiva, itaque mors non fuerit, quando non fuit secuta animæ vegetativæ & sensitivæ extinctio, quod in morte propriè dictâ contingit. Hec ille pag. 235. Verum nõ rectè supponit, animâ rationalem esse realiter distinctam à vegetativâ & sensitivâ. Constat,

quod anima rationalis effectivè triplex sit in homine, quæ effectivè denominatio non multiplicat animam formaliter ut dicemus in *frâ lib. 9. cap. 6. dist. 5. seqq.* Et fuit illa anima una verè separata, vita verò subjectivè remansit, quandò calidum innatum adhuc vegetum erat. Verè de corpore exivit anima, ut præsens videret ista, quæ in locis beatis gerebantur.

X. *Sive mali.* Qui commovendo humores & species mentibus objiciendo, vitia persuadere volunthominibus. Et sanè Cardanus *lib. 18. de subtilitate rerum pag. 909.* Philip. Melancthon *tract. 3. de animâ cap. 2.* Petr. Martyr in *Loci Communibus class. 1. Loco 9. num. 29.* Christoph. Scheiblerus *libro de animâ part. 2. Dissertat. 11. dist. 44.* huc referunt Lamiarum & Sagarum evagationes ad comitia nocturna, quæ illi deceptorias esse præstigijs arbitrantur, ut corrumpatur imaginativa. Verùm de illo nobis cogitare liceat, & contrarium defendimus *suprà lib. 2. cap. 7. dist. 22. seqq.* Cæterùm mille amplius vicibus decepti fuerunt Pagani, incubando & somnia captando ad aras Sarapidis, Amphiarai, imprimis Æsculapii delubrum celebre erat in hac superstitionis materiâ, uti Veterum testimoniis ostendimus *lib. 1. Antiquit. Romanar. cap. 3. dist. 4. cap. 5. dist. 1. cap. 8. dist. 8.* & non uno loco refert Peuccrus *libro de divinationum genribus.* Nummi Æsculapii Servatoris sunt apud Hubertum Golzium in *numismatis Græcia universæ Tab. 12. num. 7. & 8.* Talia sompnia fuerunt, quæ subrepebant olim Mennonistis & Geisteranis in Westphaliæ urbe Mona-

sterio congregatis; quæque noviter in Angliâ collaudabant Quakéri, latrones manifestarii & facinorum nefandorum patratores, Johan. Sleidanus *lib. 10. Commentar. de statu Religionis, & nos in Recens. suâ historia universalis lib. 15. cap. 3. dist. 8.* Hos & similes, quorum Apostolus est quidam Sofronius Kackebrog Autor *libri de Sale*, constat somniis à malo dæmone immixtis exagitatos, hæreses teterimas incrustavisse, calamitates cladesq; orbi induxisse.

XI. *Animale est, quod concitatur ab imaginibus actionum nostrarum.* Scilicet earum quas toto die exercuimus, Moenicus contemplet. Philosoph. 4. part. 3. cap. 14. 15. Eleganter Claudianus;

Omnia quæ sensu voluntur vota diurno,

Pectore sopito reddit amica quies.

Venator defessa thoro cum membra reponit,

Mens tamen ad silvas & sua lustra redit.

Judicibus lites, aurigis somnia curus,

Vanaq; nocturnis meta cavetur iquis.

Me quoq; Musarum studium sub mûte silentè

Artibus assuetis sollicitare solet,

In præfatione panegyrici de sexto Consulatu Honorii.

XII. *Naturale est, quod concitatur à temperamento cujusque.* Levinus Lemnius *lib. 2. de occultis naturæ miraculis cap. 31.* Sanguineorum somnia sunt de rosis, amaranthis, choreis, conviis, prais; Melanch-

Melancholicorum de suffocationibus, funeribus, fumis, tenebris, morte, inferis; Choleri-
corum de rixis, pugnis, incendiis, populationibus urbium & agrorum;
Phlegmaticorum de submerſionibus, navigationibus, natationibus, pſcationibus, balneis, pluuiis, nive.

XIII. Quod ſomniis inſit portenti aliquid, docuerunt olim Ariſtoteles & Galēnus *libris de præſagiis inſomniorum*, Cicero *libris de diuinatione*, & proſtant Oni-
rocritica de coniectu ſomniorum Artemidori Daldiani, Achmedis Perſæ, Syneſii, Juniani, Maii, (de quo vide Alex-
andrum Ncapolitanum *lib. 1. genialium dierum cap. 11.*) Hieronymi Cardani, plenaincertis poſtulatſis & thematis. Exem-
pla occurrunt. Veſpaſianus ſomnabat, quod Cæſar eligeretur, poſtquam Neroni dens excidiſſet, venit poſtridiē tonſor, & Neronis dentem, quem ob dolo-
res exemerat monſtrat ei, Suetonius *lib. 10. cap. 5.* Aſtyages videbat ex utero filia ſua ſurgentem vitem, quæ foliis paſſis totam Aſiam obumbrabat, Herodotus *lib. 1.* Juſtinus *lib. 1.* Polycratis filia vide-
bat in ſomnio patrem ſuum ab Apolline ungi & à Jove lavari, Herodotus *lib. 3.* Somniat miles in caſtris Midianitarum de prælio aduerſus Gedeonem, & huius victoriæ, *Iudicum 7. 13. 14. 15.* Calpurnia ſomniabat, quod Julii mariti ſui interfecti corpus amplecteretur & lugeret, Julius ipſe videbat in ſomnio, quod ad Jovis ſolium conſiſtens humi affligeretur, Suetonius *lib. 1. cap. 81.* Nec minus occurrunt exempla viſorum in ſomniis, ut erepti de periculis, qui ſomniaverant, ſervarentur ad res melius gerendas.

XIV. Tale eſt ſomnium Alcibiadis, quod referunt Plutarchus & Cornelius Nepos *in vita eius*. Et tale eſt ſomnium Antonii Medici, quo percuſus ille veta-
bat Auguſtum, ne ſe periculo obiceret, Appianus Alexandrinus *lib. 4. de bello civili*, Florus *lib. 4. hiſtoria cap. 7.* Vellejus *lib. 2. hiſtor.* Valerius Maximus *lib. 1. cap. 7.* Neque verum eſt, quod ſomnium hoc à Medico viſum, fuerit à dæmone malo inſpiratum, quod equidem contendit La-
ctantius *lib. 2. Inſtit. divinæ. cap. 8.* perinde uti Calpurniæ ſomnium à malo dæmone immiſſum fuiſſe, cenſet Martinus Schogkſius *diſſertatione de ſomno diſt. 14.* Errant certè, & verò cum ſacris literis non pugnat dicere, quod incolumitas Virorum magnorum Deo fuerit curæ, ejuſq; curæ partem immiſſione ſomniorū fatidicorū oſtenderit. Somniū Calpurniæ volebat Cæſarē ab imminente ex cidio cōſervare, imiſſum certè à Deo qui eſt vitæ author. Quā odio proſequitur Diabolus, mortis Angelus, & latronum incitator. Scribit *Peucerus*: Somnia præſagientia viſellarum inſitā cientur, quæ ad præſenſionem impendentium eventuum velut commovens ſeſe eorundem ſenſu cerebrum afficit, *libro de diuinatione pag. 199.* Eadem habent Petrus Pomponatius *libro de Incantatione cap. 10.* Alexander de Vi-
centinis *libro de Cæli influxu cap. 8.*

XV. Verum fruſtrā illi ſunt, cum provocant ad ſtellas. Si ſtellæ efficiunt iſta, omninò illæ fuerint rationales, & futuro-
rum præſciæ. Nec poſſunt illæ irā effor-
mare hominum concepta, quoniam non habent poteſtatem in mentem hominis. Quod ajunt, innāſci omninò aliquibus ex

peculiari cœli influxu, ut sibi convenientibus locis Mercurius & Luna consistant, vinitatē id profani animi commentum est, atq; ē Planetariorum Scholis petatum. A Geniis imprimuntur iisque bonis, quos interesse rebus gerendis inter Paganos, certissimum est, tantum ut ordo civilis secundum leges à Deo mentibus nostris inscriptas feliciter conservetur, uti bene differit Franciscus Suarez lib. 6. de Angelis cap. 17.

CAPVT DECIMVM SEXTVM,

De Locomotivâ.

SUMMARIA.

1. Definitio locomotiva.
2. Noctambulones.
3. Exempla noctambulorum.
4. Spiritus fervidus.
5. Lapsus noctambulorum.

I. Locomotiva est facultas quâ animal mutat locum.] Anima neque sensationes exercet, neque movet corpus immediatè. Etenim substantia nulla in aliam toto genere diversam agit immediatè, verum sentit movetque instrumentum velut adhibendo calorem & spiritum, quorum beneficio unitur cum corpore, Aristoteles libro de motu animalium cap. 8. Julius Scaliger Exercit. 307. sect. 15. Exercit. 339. sect. 2.

II. Animal mutat locum.] Res mira est, cum animantia reliqua sopore oppressa quiescant loco illo quem occupa-

verunt, hominem tamen inquietæ quies obnoxium & somnis turbulentis correptum obvagari quasi vigilaret, imò loca ista scandendo superare, ad quæ non possit cum vigilat, quamvis omni studio conatus, pertingere. Genus hoc morbi vetustæ notitiæ est, uti constat ex Aristotele lib. 5. de generat. animal. cap. 1. Galeno lib. 2. de motu musculorum cap. 4. 5. Et de eodem negotio scripserunt Johan. Langius Tomo 2. Epist. 45. Levinus Lemnius lib. 2. de occultis naturæ miraculis cap. 5. Petrus Galsendus libro de specialibus sensibilibus cap. 8. Samuel Pomarius dissertationibus de Noctambulis, Andréas Libavius part. 2. singularium, Andr. Laurentius lib. 4. historia Anatom. quest. 11. Cælius Rodiginus lib. 30. Antiq. Lect. cap. 9. Dan. Sennertus lib. 2. Institut. Medicarum pag. 347. seqq. Johan. Horstius libro peculiari, ubi exempla plura recensent. Juvenis quidam contentiosus & biliosus noctu surgens gladios, arma, hastas comportabat, poliebat, vibrabat & verbis acerbis adversarios, quasi vigilaret, provocabat. Alii somnians de re equestri surgebat, velles & ocreas inducibat, parietem conscendebat, & in illo veluti equo, divaricatis genibus sedebat, pulsabat, agitabat. Tres nobiles fratres in arce Bernstein degebant, eorum unus somno pressus nocte surgebat, indusioq; ad humeros rejecto ad fenestram abibat, ubi cum penderet funis ē trochleâ, per funem istum adscendebat, & ad domus fastigium progressus nidum picarum inspiciebat, auferebat, indusio obolvebat, & eadem quâ venerat, reversus viâ, cubitū repetebat. Manē velut per somnum recordabatur ejus rei, & fra-

fratribus narrabat, quid per somnum viderat, interimvolvendo indussum videbat se reverà adfuisse in domus culmine, & picas abstulisse. Refert Jacobus Allemannus *commentariis ad librum Hippocratis de Aëre*, & ex illo Johan. Schenkii *lib. 1. observationum Medicarum num. 127.* quod incola quidam Parisiensis gladio accinctus Sequanam transiverit somno compressus, eumque interfecerit, quem sibi interficiendum vigilans proposuerat, & post designatum scelus domum reverterit.

III. Aliud exemplum narrat Henricus ab Hæer *observationibus Medicis num. 2.* Quidam juvenis Professor Poëtices in celebri Academiâ Noctambulo fuit. Is mentem die in omnia versabat, ut carmina elaboraret, sed quod vigilans nequiverat, præstitit noctu, surrexit, pluteum regessit, scripsit, voce altâ relegit, demum veste posita dormitum rediit, recondidit chartas, somnum protraxit ignarus eorum quæ egerat. Manè pridie cunis onustus, quomodo imperfectos versus perficeret, chartas ad sententiam impletas, & manu suâ descriptas videbat, territusque nesciebat boni vel mali Genii opus hoc esset. Tandem uxorem duxit, sed rei nesciam, infantem ex eâ susceptum sæpius de cunis assumptum brachiis gestans, domum perambulabat, uxori comitanti ad interrogata omnia responsum dabat, etiam de secretis, & citrà fucum, quæ vigilantibus nemo expressisset. Qui ambulantes & loquentem viderunt, uxor, sodales, familia, oculis apertis fuisse asseveraverunt, ipse tamen se nihil vidisse affirmabat. *Hæc ille.*

IV. Constat, quod inest hominibus illis spiritus fervidus & turbulentus ob excessum cholerae, & sanguinis admodum spumantis, unde egressi quidem spiritus exonerant cor, sed tamen opplent sercbrum, viresq; corporis à cordis motu cū primis pendētes confortantur, ut expediti sint ad motum, perrepantq; loca maximè periculosa in tectis, turrium fastigiis, precipitiis, & quidem sine offensâ, animo obstinato, quia, quàm arduum sit periculū, non cognoscunt, atq; sensus & spiritus animales à somno compressi non impediunt vires naturales, eò etiam liberiores, quò magis à dominio rationis exsolutæ sunt. Ità curiosos admodum robustos esse constat, quod naturales spiritus integros quidem, & animales spiritus confusos magis habeant, neque à ratione distrahantur.

V. Quamprimum Noctambulones proprio nomine vocantur, ab altis locis decidunt. *Hoc à baptismi virtute fieri, docet Levinus Lemnius l. d.* Sed quare Noctambulones in Turcorum populo, cum proprio nomine vocantur, decidunt? Causa latet, quanquam hoc etiam verissimum sit, nomen proprium maximè afficere hominis mentem, ut medius inter somnum & vigiliam faciliè exciteatur, quo facto musculi & lacerti robore suo spoliantur, & homo ad decidendum impellitur.

¶ (O) ¶

¶

CAPVT DECIMVM
SEPTIMVM,

De Corpore sensitivo,

SUMMARI A.

1. *Definitio corporis sensitivi.*
2. *Pili atque unguēs.*
3. *Solvuntur exceptiones.*

I. **C**orpus sensitivum est, in quo bruta operationes sensitivas peragunt.] Constat partibus variis, ossibus, carnibus, membranis, nervis, venis, arteriis, cute, pinguedine, ventriculo, epate, corde. De quibus omnibus prolixè agunt Anatomia descriptores.

II. Quæritur : An pili atque unguēs sint partes verae corporis sensitivi ? Respondeo : Negant communiter, & excrementis annumerant. Partem igitur definiunt, quod sit corpus vivens, cum toto cohaerens, ad usum & actionem ejus comparatum. Pili igitur atque unguēs quamvis usum habent, quia tamen actione carent, partes verè dictæ non sunt. Ità Andr. Laurentius lib. 1. *histor. Anatom. quest. 1.* Johan. Fernelius lib. 2. *Physiolog. Medicæ. cap. 2.* Hieron. Capivaccius in *methodo Anatom. cap. 2.* Gregorius Horstius lib. 2. *de naturâ humanâ Exercitat. 3. quest. 7. & 8.* Arnoldus Senguerdus lib. 6. *Physicæ Introduct. pag. 439. 440.* Gilb. Jacchæus lib. 8. *Institut. Physicar. cap. 8.* Johan. Combacchius lib. 4. *Institut. Phys. pag. 755. seqq.* Nos vero affirmamus cum Petro Laurembergio in *procestrii Anatomo-*

micis pag. 14. seqq. Francisco Valleſio lib. 2. *Controversiarum Medicarum cap. 5.* Alberto Kypéro lib. 1. *Anthropologia cap. 6. dist. 46. seqq.* Vopisco Fortunato Plempio lib. 2. *Institution. Medicarum. pag. 86. seqq.* Ratio hæc est : Quodcunque in corpore animato vivit, illud est viventis corporis pars. Atqui unguēs & pili in corpore animato vivunt. Ergò unguēs & pili sunt viventis corporis pars. Minor : constat : Vivunt, quia nutriuntur, augentur, & ad compositi integritatem concurrunt. Turpe est sine crine caput, unguibus feræ & aves sibi cibum præparant, cohaerent cum toto modis perfectis, & ab eo divelluntur ægrè. Rursum : Quodcunque in utero à facultate formatrice effingitur, illud penes alias verè dicta pars est. Atqui pili & unguēs in utero à facultate formatrice effinguntur. Ergò pili & unguēs penes alias verè dictæ partes sunt.

III. *Excipiunt :* (1) Pili & unguēs non verè nutriuntur, quia non habent venas & arterias. (2) Nec verè augentur, quia pili crescunt tantum in longitudine, & unguēs tantum in latitudine, Gregorius Horstius lib. 1. *de natura humana Exercitat. 4. quest. 6. 7. 8.* Respondeo : (1) Negatur Consequentia. Quamvis enim non nutriantur per venas, habent tamen radices suas intrâ cutem abditas, quarum beneficio humorem attrahunt & aleſeunt. Quis in dentibus vidit ullas venas, & tamen illos verè nutriri omnes affirmant, omnes consentiunt. Scilicet rei modus est extra rem, neque variat rem ipsam, tantum quod accidentaliter disponit. (2) Negatur consequentia. Auditio

ad dimensiones omnes est totius compositi, non verò partium omnium in composito, Et posito, q̄ partibus omnibus conveniat, verum non est, quod pilinon crescunt quā latitudinem. Certè pilos esse crassiores in adultis, quā fuerunt in pueris, notissimum est; unguetiores & graviores in senibus esse, quā in pueris sunt, docet experientia. Et cum iustam latitudinem habent, cessant ratione hujus, non verò cessant quā longitudinem. Quia enim atteruntur frequenti usu, provido Naturæ consilio habent incrementa perpetua.

CAPVT DECIMVM
OCTAVVM,

De Avibus.

SUMMARIA.

1. *Definitio avis.*
2. *Rostrum, penna.*
3. *Avium origo.*
4. *Ratio nostra.*
5. *Avis fera, domestica.*
6. *Vitellus, albumen.*
7. *Materia pulli.*
8. *Ovorum incubitus.*
9. *Bodini opinio.*

I. *Avis est brutum volans, rostro & pennis instructum.*] Differentia sumitur à propriorum collectione, postquam formæ latent.

II. *Rostro & pennis instructum*] Excepta vespertillione, quæ aliud remigium loco alarum habet; Scaliger *Exercitar.*

227. Cæterum de avibus in genere notentur quædam Theoremata: (1) *Aves dormitura caput sub alis condunt.* Ejus ratio est apud *Joh. Bodinum*, vel ut frigus à capite arceant, vel ut situm eundem quærant, quem originis suæ principio habuerunt, ut suavius requiescant, *lib. 3. Theatri naturæ pag. 379.* Posterior valet; nondum enim exclusæ caput sub alam dexteram & super crus dexterum habent innixum. Et quoniam non solum hyeme, sed etiam æstate hoc agunt, ob frigus à capite arcendum id fieri haud existimandum est. (2) *Aves carent renibus & vesicâ, unde sit, ut nec mingant.* Ea tantum animalia renes & vesicam habent, quibus pulmo est densior & sanguis turgidior, quia enim ob calorem è copiâ sanguinis multum sitiunt, pariter à potu quoque multum excrementi humidi colligunt: volucres verò, quia pulmonem admodum infirmum & ferè exsanguem habent, idcirco parciore potu utuntur, qui partim in nutritione absumitur, partim distribuitur, idèd renibus & vesicâ destituuntur. Et serosi humoris reliquiæ derivatæ, cum alvi incrementis dejiciuntur.

III. *Quæritur: Unde volucres productæ fuerunt in primordio rerum?* Respondeo: Ex aquis perinde ut pisces, productas fuisse, censent Rabinus Gerundenis, Lyserus, Musculus, Mercerus, Pererius, Cornelius à lapide, Leonhardus Marius, Bonfrerius, Cartvrigtus *commentarijs ad Genes. 1. Ludovicus Molina de opere sex dierum Disputat. 18. Jacobus Salianus Tomo 1. Annalium Ver. Testam. pag. 84. August. Torniellus in Annalibus Ver. Testam. Tomo 1, pag. 28. Becanus part. 1. Theol. Scholast.*

pag. 168. Arminius *Disputat. privatâ* 24. *thes.* 5. Paulus Merula *part.* 1. *Cosmographia lib.* 4. Episcopus *lib.* 4. *Institut. Theologicar. sect.* 3. *cap.* 3. Dionysius Petavius in *Rationario temperum part.* 1. *lib.* 2. *cap.* 1. Johan. Combacchius *lib.* 4. *Institut. Physicar. pag.* 796. Zanchius in *Hexaëmero part.* 2. *lib.* 7. *cap.* 1. Eusebius NireMBERGIUS *lib.* 4. *historia naturalis cap.* 13. 14. 15. Lambertus Danæus *part.* 2. *Physica Christi. tract.* 5. *cap.* 26. Johan. Henr. Alstedius *lib.* 7. *Encyclopædia part.* 6. *Physica cap.* 3. *Regulâ* 5. & *part.* 8. *Physica. cap.* 1. *Reg.* 4. *num.* 6. Et ratio illorum est, quod Moses dicit, producant aqua reptilia animantia, & volatilia quæ volent super terram, *Genes.* 1. 20. Atqui pronomen relativum (quæ) non est in Ebræo contextu, sed additum est ab Interprete Latino, citrà causam & cum damno veritatis, quod Ambrosius Catharinus & Cajetanus *notis ad h. l.* fatentur. Certum est enim, quod aves ex terrâ originem suam acceperint, dicente Mose: formaverat Deus è terra omnem bestiam agri & omne volatile cæli, *Genes.* 2. 16. Ità docent Rabbini Levi Ben Gerson, Salomo Jarchi, Aben-Esdras, Cajetanus, Franciscus Junius, Arias Montanus, Tostatus, Pezelius, Paræus *commentariis ad Genes.* 1. Antonius Wallæus in *Locis Theologicis pag.* 190. Gerhard. Johan. Vossius *lib.* 3. *de orig. & progressu Idololatriæ. cap.* 78. Fridericus Spanhemius *part.* 1. *Disputat. miscellaniarum pag.* 89. Wilhelmus Estius *notatis ad Genes.* 1. *pag.* 20. Andréas Libavius *lib.* 6. *de origine rerum pag.* 466. 467.

IV. Accedit ratio, quod in terris

degunt & quiescunt aves, secus in aquis vituræ, uti pisces, quando eandem cum piscibus agnoscerent matricem. Instat *Alstedius*: Quod aves sunt productæ ex aquis, probatur ex temperamento, quod habent aërium, estque aër velut subtilis aqua. *Respondet*: Hoc gratis dicitur, quandoquidem aër & aqua specie differunt. Sanè avium caro magis ad terræ atque aëris naturam convenit, quia non est frigida, limosa, humida, uti caro piscium; sed temperatè calida, sicca, compacta, boni succi, quomodò aliorum animalium caro est, quæ in terrâ procreantur & nutriuntur.

V. Estque vel fera vel domestica. Fera est, quæ in campis liberis oberrat, uti lusciniæ, carduelis, parus, struthio, turdus, fringilla, accipiter, aquila, milvus, ciconia, ardea, corvus, noctua. Domestica est, quæ apud homines commanet, uti anser, anas gallina, pavo, columba.] Generatio avium fit ex ovo, de quâ libros peculiares conscripserunt Hieronymus Fabricius ab Aquapendente & Wilhemus Harvey. Est autem ovum conceptus aliquis à mare & sceminâ proveniens utriusque pariter virtute præditus, ex quo generatur pullus. Nimirum cum est ovum fœcundum. Sunt enim ova alia irrita, alia subventania. Et subventania quidem sunt, quæ sine crustâ, tenui pelliculâ circumdata eiicitur. Solis tamengalbinis ità usu venit, quæ tunc affectu aliquo morbo laborant. Irrita sunt, quæ absque maris copulâ eduntur, & ad producendum pullum inepta sunt quia in se non continent semen maris. Quæ verò semen maris in se continent, fœcunda sunt, & ad pullorum exclusionem utilia.

VI. Divi-

VI. Dividitur ovum in duas partes, quarum una Vitellus, altera vocatur Albumen. Vitellus in meditullio ovi consistit, flavi coloris, moderatè calidus & humidus, optimiq; alimenti, *ἰσχυρὸς*, id est, pullus veteribus Græcis dictus teste Suidâ in *Lexico*, quandoquidem Anaxagoras, Menander, Alcmaeon, eosque sequutus Hippocrates libro de naturâ pueri, statuebant, ex eâ parte ovi pullum nasci. Non tamen verè, ut statim dicemus. Albumen vitellum undique cingens atque obtegens, frigidum, lentum, album, concoctu difficile, *ὑγρὸς γάλα* sive lac avium, uti vocavit olim Anaxagoras. Utraque pars non solum pelliculâ, sed etiam putamine testaceo clauditur. Putamen hoc, antequam excludatur ovum, molle est, ne avis lædat matricem, factâ verò exclusione statim indurescit evaporante humore.

VII. Continet igitur in se materiam & formam. Materia est albumen, unde procreatur pullus, namque vitello nutritur, donec maturescat & perfractâ crustâ educatur, Aristoteles lib. 6. *historia animal.* cap. 3. & lib. 3. de generat. animalium cap. 1. 2. Plinius lib. 10. *historia natural.* cap. 53. Julius Scaliger *Exercitat.* 188. Johan. Brodeus lib. 3. *miscellaniorum* cap. 25. Dan. Sennertus lib. 7. *Epitom. Physic.* pag. 564. Forma est illa pulli anima, quæ deinde corpus organicum vegetat. Ethæc ipsa est causa efficiens pulli, contra quam sententiam non successuero conatu differunt Guilhelmus Harvæus libro de generat. animalium ex ovo *Exercitat.* 48. 49. Andréas Libavius *dissertatione de ovo & pulli generatione* dist. 8. seqq.

Verè enim ovum habet animam pulli tractam à progenitantibus causis, quæ primò efficit, deinde etiam corpus membris omnibus instructum & perfectum informât, uti nobiscum docent Fortunius Licetus lib. 4. de *spontanio viventium ortu* cap. 58. Jacobus Ravenspergius *dissertatione de anima ovi*, Martinus Schogkiius *diatriba de ovo & pullo, & libra de anima belluarum* *Disputat.* 11. dist. 16. seqq. Johannes Gallégo lib. 2. de *principiis generationis* cap. 10.

VIII. Ovis incubant solùm fœmelæ, quod aves cicures & domesticas attingit; sed quoad feras & liberas, tam mares quam fœminæ incubant, fovent, nutriunt. Et porrò excluduntur ova non tantum ab eis avibus, quæ posuerunt ista, sed etiam à peregrinis avibus, aut alio quocunque calore blando. Cuculus ova sua non excludit, sed in nidis currucarum, palumborum, rubecularum deponit, ubi etiam excluduntur, Aristoteles lib. 6. *histor. animal.* cap. 7. Plinius lib. 10. *histor. natur.* cap. 9. Struthio ova sua contumulat sub arenis Libycis, exclusi pulli foveuntur & aluntur matris operâ, *Iobi* 39. 16. 17. 18. In Ægypto pullos gallinaceos excludunt ovis depositis in furno calefacto, Johan. Leo in *descriptione Africa* lib. 8. Julius Scaliger *Exercitat.* 23. Quod idem in Angliâ præstitit Johannes Heidonus Eques auratus teste Kenelmo Digbejo *Tractatu de natura corporum* cap. 24. dist. 7. Et in Galliâ alias quidam fecit, uti refert Johan. Bruerinus de *re cibaria* lib. 15. cap. 23.

IX. Johan. Bodinus scribit, aves quas-

dam divino beneficio immediatè procreatas ex Oceano deferri ad loca habitata maximis agminibus utpote palumbos, anseres silvaticos, quorum immensi greges certis anni temporibus Gallicos agros insideant, neque tamen constet, quibus locis nidos posuerint, & pullos excluderint. Confirmat porro: (1) Quod coturnicum agmina quotidie impleverint Ebraeorum castra, *Numer. 11. 31. 32. 33.* Et à mari quidem procreatas, ventoque adductas per miraculum. (2) Quod Averrhoës & Avicennas *commentariis lib. 8. Physicor. num. 46.* hanc extraordinariam procreationem animantium fieri posse concedant. (3) Quod *Genes. 1. 20.* dicatur, Oceanum produxisse aves & pisces, velut rerum omnium parentem, *lib. 3. Theatri naturæ pag. 326. 327. 328.* Respondendo: Anseres silvatici isti, quorum maximi greges in Gallicos agros evolant, sunt Bernicles ex Scotia Insulis Orientalibus, ubi velut apum examina versantur volitantque ut nubium instar Solem cœlumque auferant, cæterum ex ovis Naturæ instituto consentaneo procreantur, ut diximus *suprà lib. 7. cap. 12. dist. 4.* & constat Guilhelmus Harvæus *libro de generatione animalium ex ovo pag. 37. 38.* Coturnices in desertis Arabiæ regionibus, delapsæ non fuerunt miraculi instar, quando aves illas in sinu Arabico excludi & maximis agminibus evolare, delabi à volatu fessas, ut manibus apprehendi possint, comedi, probetur testimoniis Diodori Siculi *lib. 1. cap. 6.* ubi Rhinocoloram describit, & Plinii *lib. 10. histor. natural. cap. 23.* De Avicennæ suffragio non multum laboramus, cum sit argu-

mentum inartificiale. De Moysi testimonio in præcedentibus actum fuit, quod satis est.

CAPVT DECIMVM NONVM,

De Piscibus.

SUMMARIA.

1. Definitio piscis.
2. Dentes, pinna, squama.
3. Branchia.
4. Pisces respirant.
5. Sententia Aristotelis.
6. Rationes eius solvuntur.
7. Solvuntur instantia.
8. Divisio piscium.
9. Ratio nostra.
10. Seminapiscium.
11. Bodini opinio.

I. *Piscis est brutum natans, branchiis & pinnis instructum.*] Differentia sumitur à propriis, quando formæ latent. Natandi potentia inest omnibus, unde etiam animalia natatilia vocantur. *Genes. 1. 20.* Dixit Deus, producant aquæ reptile anima viventis. Reptile, id est, pisces aquarum incolæ. Comenius notat: Producant aquæ reptile, id est, lumbricos & vermes, quæ sunt veluti naturæ rudimentum, in *Synopsi Physicâ pag. 13.* Hoc intolerabile est, & de vermium origine in mundo à lapsu ad penas damnato, egimus *suprà lib. 7. cap. 3. dist. 8. seqq.*

II. *Brutum natans.*] De piscibus notentur

tur quædam Theoremata : (1) Pisces habent cor inuersum, Aristoteles *lib. 1. histor. animal. cap. 11.* Ab eo porriguntur meatus in branchias, per quos illud ab haustâ aquâ refrigeratur. (2) Pisces habent dentes ferè letratos, linguam duram & palato firmiter adhærentem, oculos sine palpebris & plerumq; immotos, suntque omnes muti, quia pulmonem & arteriam asperam non habent, Aristoteles *l. d. cap. 4. & 13.* (3) Pisces habent pinnas, quæ pennis & alis avium respondent. Nunc in dorso, nunc in ventre, nunc in caudâ, nunc alibi hærent, utque pennis in aëre volant aves, sic pinnis in aquâ natant pisces. Carent enim pedibus, ideoque ventre in aquis incubando nunc huc, nunc illuc, sursum, deorsum moventur. (4) Pisces dormiunt, ad saxa & rupes acclinando, ut vel configi fuscina vel manu apprehendi possint; Plinius *lib. 9. histor. natural. cap. 7.* Pettus Bellonius *lib. 4. Observationum cap. 6.* Caudam tamen semper movent, quia infestantur à pediculis & pulicibus marinis. (5) Pisces teguntur squamis, ut adversus marina insecta muniantur, quorum copia magna sub aquis adest, ut sæpè consumant pisces. (6) Pisces habent vesicam. Nunc unam, nunc duplicem, aëre plenam. Facta est, ne pisces submergantur, sed in aquâ suspensim innatent undis.

III. *Branchiis.*] Sunt partes juxta cervicem follium instar hiantes, instrumenta respirationis.

IV. Quod enim non homo solus, aut canis, lupus, leo, aquila, verum etiam pisces omnes respirent, Veterum senten-

tia est, Democriti, Platonis, Anaxagoræ, quos sequuntur Plinius *lib. 9. histor. natural. cap. 7.* Galenus *lib. 9. de usu partium*, Joh. Velcurio *lib. 3. Institutionum Physic. cap. 38.* Rondeletius *lib. 4. de piscibus cap. 9.* Wolfgangus Francius in *historiâ animalium tract. 3. pag. 603. seqq.* Thomas Freigius *lib. 35. Institut. Physicar. pag. 1201. seqq.* Rodolfus Snellius *commentariis ad Valerii Physicam pag. 288.* Guilhelmus Harvæus *libro de circulari motu sanguinis.* Ratio hæc est: Ubi sunt causæ respirationis, ibi est effectus ipse, videlicet respiratio. Atqui in piscibus sunt causæ respirationis. Ergo etiam in piscibus est respiratio ipsa. Minor probatur ordine. Pisces habent instrumenta respirationis, os & branchias. Branchiis quocunque modo obstructis pisces, sicut homo interclusâ arteriâ asperâ statim perit. Habent materiam, videlicet aquam. Habent formam, dum ore exceptam aquam branchiis iterum emittunt, cum agitatione partium anteriorum. Habent finem, ut vivant & supersint. Dicat *Scaliger*: Aquaticis animalibus aquea substantia debetur ob convenientiam, cujus per fauces ad cor introductæ pars animatur ab illâ vi cœlesti, quam propter verborum inopiam halitum appellamus nos, alii vivificum calorem vocant, sed non est idem cum aëre, *Exercitat. 273.* Rursum inferimus: Nota propria infert notatum suum. Atqui nota respirationis est apud pisces. Ergo & notatum ipsum, videlicet respiratio. Minor probatur: Aquis extracti pisces non diu supersunt propter interceptum debitæ respirationis actum.

V. Aristoteles divortium faciendo à Veteribus, negat quod pisces respirent, *libro de respiratione cap. 2. 3.* Et consentiunt Jacobus Primitiosius *animadversionibus contra Harvaum*, Rod. Goolenius *notis ad Valerij Physicam pag. 182. seqq. & lib. 6. Disputat. Phys. 29. dist. 23. seqq. Disputat. 30. dist. 26. seqq.* Barthol. Keckermannus *lib. 3. System. Phys. cap. 28. & in Cursu Philosoph. Disputat. 17. quest. 17.* Conimbricenses *libro de respiratione cap. 4. 5.* Otto Casmanus *part. 1. Anthropologia pag. 391. seqq.* Melchior Sebizius *libro de respiratione Exercit. 1. quest. 10.* Matthias Flacius *lib. 3. de vita & morte cap. 6.* Vitus Ammerbachius *lib. 4. de anima pag. 458. seqq.* Andr. Libavius *part. 6. de origine rerum pag. 587. seqq.* Julius Cæsar Vaninius *libro de arcanis Naturæ dialogo 32.* Christoph. Scheiblerus *libro de anima part. 2. Disp. 13. Disp. 13. dist. 44. seqq.* Cum primis Julius Scaliger *Exercitat. 273.* se Rondeletio opponit, & pro Aristotelis decisionè fervida prælia miscet.

VI. Summa argumentorum ejus hæc est: Ubi non sunt causæ respirationis, ibi non est respiratio ipsa. Atqui in piscibus non sunt causæ respirationis. Ergò in piscibus non est respiratio ipsa. Minor confirmatur: Pisces non habent instrumentum respirationis, pulmonem; non habent formam respirationis, contrahendo pectus & dilatando, uti animalia reliqua, quæ respirant; non habent materiam respirationis, aërem; non habent finem respirationis, ut spiritus fuliginosus depellatur, & frigidò aëre attracto calor cordis temperetur. *Respondeo:* (1) Modus non va-

riat rem ipsam & branchiæ sunt in piscibus vice pulmonum, ut sine respirationis instrumento non sint. (2) Nec minus in eis inest forma respirationis, dum branchias contrahunt & dilatant, quod testatur manifesta experientia. (3) Habent materiam respirationis, quæ non est purus aër; sed potius aër cum aquâ resolutâ commistus, nimirum piscibus convenit aqua crassa; canibus, lupis, alaudis, hominibus aqua resoluta. Quamvis Rondeletius & Franciscus l. d. Antonius Deusingius *diatriba de Respiratione dist. 41. 42.* Georgius Encius *Apologetico pro circulatione sanguinis pag. 98. 99.* credant, aërem intrâ aquarum profunda commeari & piscibus admoventi. Ejusce rei demonstrationem adferunt, tum quod videmus manifestè aërem provenire ex aquis, uti fit in bullis; tum quod hyeme intereunt pisces, cum aqua glaciatur, nisi foramina incidantur, per quæ concedit: aër externus ad aquæ particulas internas. Verùm impossibile est ob penetrationem dimensionum, quod aër descendat infrâ aquas, uti rectè monet Daniel Furlanus *commentariis ad librum Stratonis Lampfaceni de spiritu innato pag. 350. seqq.* Bullæ quæ pluvio tempore conspiciuntur, non egrediuntur cum aëre in profundis aquis recondito, sed oriuntur à desuper cadentium guttarum ictu, quo superficiet aquarum illiditur aër. Qui dum ex aquæ complexibus sese conatur liberare, conando Tursam tendit, & nunc spumas, nunc bullas citò exortas, citò ruituras, jacit. Moriantur pisces in congelatis aquis, non ob defectum

fectum aquæ cum aëre permixtæ, sed propter impeditum cœlestisauræ influxum, qui ab aquis prohibet corruptionis vitium piscibus exitiale. (4) Habent quoque finem respirationis. Necessaria illis est refrigeratio, & spirituum animalium restauratio, quia habent cor calidum, sanguinem calidum, spiritus calidos. Et quanquam frigido Elemento inuident, tamen calor insitus externo subsidio maximè indiget, ut depurgetur.

VII. Addunt Flacius & Goclenius:

(1) Animalia cæteraquæ respirant cum merguntur in aquis, excitant bullas, quod non faciunt pisces. *Respondeo*: Non concitant bullas, quia non habent intrâ se aërem, qui velit egredi. Nec tamen omnes sine commotione bullarum sunt, uti vel ranæ docent; à quatum repentinis desultibus in aquis excitantur bullæ. Et quidem Flacius l. d. pag. 222. dicit, cum bullæ excitantur in aquis à piscibus, id fieri propter motum & agitationem aquæ, mota enim aqua concipit intrâ se aërem, hoc inquam veritati repugnat, quandoquidem bullæ à ranis concitæ sunt ab aëre hætenus attracto, qui intrâ aquas exspiratur, & sursum abit. Cæterum, quod aër non possit in aquis per solum motum generari, manifestum satis est ex iis quæ alio loco disseruimus contrâ Elementorum transmutationem. (2) Si pisces respirant, sub aquis, causa non est, ob quam animantia reliqua perinde non resistent sub aquis. *Respondeo*: Negatur connexum ob Elenchum dissimilium. Crassiori aquâ gaudent pisces, tenuiore homines, aves, quadrupedes.

Naturæ sequitur quodlibet præscripta suæ. (3) Si pisces respirant, cur ita paruo tempore vivunt extrâ aquas? *Respondeo*: Causa dicta est, quoniam inspirant & exspirant aquas crassas, itaque in aëre permixto cum aquis resolutis durare non possunt. (4) Si animalia omnia respirant, debet respiratio quoque tribui insectis. Atqui posterius falsum, cum videamus insecta dissecta in partes vivere in partibus omnibus, moveri, sentire, nec tamen in partibus omnibus respirare. *Respondeo*: Negatur connexum, alia quippe ratio insectorum est, alia piscium. Insecta vivunt cum transpiratione, ob corpus undique porosum, fragile & molissimum; pisces verò cum respiratione sunt, quamobrem perfecta animalia sunt, & corporis organici instrumenta omnia habent.

VIII. *Estque delphinus, balæna, salmo, anguilla, cyprinus, lucius, perca, barbus.* De modo quo generant & generantur pisces, res obscurissima est, quandoquidem copulam faciundo istis locis abduntur, quæ sensibus humanis inaccessa sunt. Balæna & phocæ viviparæ sunt, ac more brutorum terrestrium coeunt, reliqui omnes sunt ovipari. Error quorundam est, pisces ex putredine, limò, cæno, spumâ aquarum prognaſci. Et cõmuniter de anguillis hoc creditur, quorũ etiam Aristotelis experientiam trahunt, nimirum pisces in quibusdam lacubus progeneratos fuisse, ubi ejus generis pisces hominum studio non fuerant impositi, Jacobus Martini centur. 5. illustrum Disputat. 6. quæst. 5. Michaël

Michaël Watsonus in Collegio Physico Disputat. 12. dist. 10. Johan. Baptista Porta lib. 2. *Magia naturalis* cap. 4. Gilb. Jacchæus lib. 5. *Institut. Physicæ* cap. 5. Hieron. Cardanus lib. 9. de subtilitate. Verùm stat contra ejus universale Naturæ decretum: Quodcunque generatur, illud ex semine generatur. Quid putredo, quid cœnum, quid spuma ad piscis vitam?

IX. Repetimus argumentum: Nihil agit ultrâ vires suas. Atqui cœlum, cœnum, lutum sunt inanimata. Ergò non possunt animatum, quale piscis est, producere. *Regerunt*: Videmus sæpius pisces in pratis & rivis, quos eò nemo advexit, undè verò sunt isti, nisi à concursu cœli cum luto? *Respondeo*: Atqui edicant, unde cœlum dare queat vitam animato, quam ipsum non habet? Potest fieri, ut ventorum impetus, avium rapinæ, Solis pervapores densos attractio fortis, abripiant semina è lacubus, & in pratis rivisque iterum deiciant. Hinc proventus ille piscium est.

X. Semina inquam, adfunt, ex quibus ut reliqua animantia, ita pisces etiam minimorum minimi proveniunt. Et quidem copulationis tempore gregatim natant, par cum pari, fœmellarum ova multa numero ejiciuntur, sed ea tantum fœcunda sunt, quibus maris lactes affricantur propius, Rondeletius lib. 4. de piscibus cap. 3. Lambertus Danæus part. 2. *Physicæ* Christ. pag. 212.

XI. Nec moveat quenquam, quod Johannes Bodinus inficiatur, ullo modo fieri posse, ut piscium agmina immensa excludantur ab ovorum seminibus. Et ad-

dit: (1.) Videmus in littore Belgico & Britannico examina halecum gregatim uno tempore provenire, justâ & ferè æquali magnitudine omnium. (2.) Nulquam sive in vadis, sive in littoribus vel in algâ reperta sunt ova halecum, lib. 3. *Theatrinatura* pag. 324. Scilicet immensum numerum grana unius, fœmellæ coagulum habet, potissima quævis masculorum lactes animant, inde confertissima agmina, quæ Naturæ impulsu petunt littora, ut in escam cedant hominibus. Quid verò mirum est, æquali omnes magnitudine esse, quæ uno eodemque tempore vitam acceperunt, quæ idem tempus augmentationis habuerunt? Mala consequentia est: Semen halecum non est visum. Ergò non est tale quiddam. Non omne semen est cum quantitate notabili. Et docet experientia contrarium, lactes & ova halecum monstrando ad littora Orcadum, Hebridum, Norvagiæ, aquis innatantia, & sub spumis abscondita, nunc sociæ, nunc solitaria.

CAPVT VIGESIMVM,

De Quadrupedibus,

SUMMARIÀ.

1. *Definitio quadrupedis.*

2. *Divisio quadrupedis.*

3. *Quadrupes cicur.*

1. *Quadrupes est brutum, quod pedibus nihil incedit.* Adeoque peculiare corporis partes habet, in quibus animæ functiones clarè exercentur. Cæterum de animantibus peculiaria & vasta volumina

mina scripserunt *Aldrovandus*, *Gesnerus*, *Ionssonus*; de piscibus insuper *Rondeletius*; de insectis *Bussamantius*, quos evolvat *Lebor* ac pervolvat, ut Naturæ majestatem tantò magis venerari discat, *Psalm. 8. 5. 8. seqq.*

II. *Estque vel ferum vel cicur.* Ferum est, quod in campis vagatur sine hominis imperio.] Tale sunt lupus, leo, ursus, tigris, elephas, pardus, alce, vulpes, lepus.

III. *Cicur est quod apud homines commanet ejusque imperio paret.*] Tale sunt camelus, equus, vacca, ovis, capra, asinus, canis. Notentur quædam theorematà: (1) Nulla quadrupes cornuta est utrinque dentata, sed inferiorem dentium ordinem solum habet. Materia enim, quæ ad illorum dentium generationem faceret, tota absumitur ad producenda cornua. (2) Quadrupedum omnium pedes anteriores posterioribus sunt breviores. Nimirum, ut expeditius procurrant. Hinc lepus est celerissimus, quoniam pedes ejus anteriores triplò ferè breviores sunt quam posteriores, itaque semper procurrit tollutum & per gradus saltusve. Ars imitata Naturam, rotas quadrigarum anteriores multò minores facit, ut à motu posteriorum velocius impellantur. De gressu animalium peculiarem librum edidit Hieronymus Fabricius ab Aquapendente.



CAPVT VIGESIMVM PRIMVM,

De Serpentibus.

SUMMARIA.

1. *Definitio serpentis.*
2. *Serpens ventri innixus.*
3. *Solvitur objectio.*

I. *Serpens est brutum, quod ventre innixum prorepit.*] Nulli amicus serpens, cum homine bella assidua gerit, & vel solo aspectu terret fortissimum quemque, *Genes. 3. 15.*

II. *Ventre innixum prorepit.*] Gravior aliquantùm forma serpentis ante lapsum, & homini citrà terrorem offerens sese, nunc post lapsum turpis; scæda & cum terrore præsentè conjuncta. Tunc enim cum erecto pectore incedebat, uti notant *Basilius*, *Lutherus*, *Franc. Junius*, *Hunnius*, *Paræus commentariis ad cap. 3. Genes. Marelius in System. Theolog. Disputat. 6. dist. 31.* Hinc *Moses* annumerat illum bestiis agri, *Genes. 3. 1.* & pristinæ formæ vestigium remansit in serpentibus Indicis, de quibus memorat *Plinius lib. 11. histor. natur. cap. 47.*

III. Negat hoc *Bonfrerius*, *Delrio*, *Cornelius à Lapide commentarius ad Genesin pag. 78.* *Jacobus Saliarius in Annalibus Vet. Testam. Tomo 1. pag. 146.* & contrà arguunt: Nulla ratio est, cur serpenti, in quo culpa non erat, naturalia dona fuerint ablata, quæ nec dæmonibus peccati authoribus ablata sunt. *Respondeo: (1) Voluit Deus in serpente, qui solus dæmoni*

operam navaverat, exemplum maledictionis unà statuere, ut peccati atrocitatem indicaret. (2) Quod naturalia, id est, concreata dona penes Dæmonas manserint integra, verum non est. Si enim manserunt integra, quomodo fuerint dæmones? (3) Humi-reptio verbis disertis, uti pœna irrogatur serpenti, Genes. 3. 14. Quomodo pœna fuerit, si hætenus non aliter incefferat?

CAPVT VIGESIMVM SECVNDVM,

De Insectis.

SUMMARIA,

1. Definitio Insectorum.
2. Insecta respirant.
3. Solvitur obiectio.
4. Generatio insectorum.
5. Solis influxus.
6. Divisio insectorum.

INsecta sunt, quæ corpus ruditer articulatam habent.] Scilicet incisuris distinctum & cum deformi adpectu. Notentur quædam Theoremata: (1) Insecta pollent sensibus externis. Cum primis olefactu, itaque cibos sectantur à longinquo. (2) Nec spinas habent, nec ossa, verum corpus per ligamenta & fibras est ita compositum, ut duritie suâ defendat sese. (3) Sunt cibi non multi, nectam cibum quam potu fruuntur plurimum. (4) Plurima sunt muta, & quædam sonum e-

dunt, eumque timulum, beneficio respirationis ejus, quam vocamus transpirationem, uti per aculeum & ostranlit. (5) Non durant ferè ultrà annum, itaque hyeme propinquante internecantur à frigore; alia in terræ cavernas, murorum, parietum, arborumque fissuras sese abscondunt, stabula pecorum, cubicula hominum petunt, ut à calore vitam protogent, & cum primo veris adventu ad campos revertantur.

II. *Corpus ruditer articulatam*] Queritur: *An Insecta respirant?* Respondeo: Negant Aristoteles libro de respiratione cap. 1. Julius Scaliger Exercitat. 191. sect. 2. Johan. Bravus libro de odoribus & saporibus differentiâ cap. 16. Jacobus Auberti part. 4. Institut. Physicar. pag. 274. Et ratio est, quoniam non habent instrumenta respirationis appropriata, non habent materiam respirationis, non formam, non denique finem.

III. Contrarium defendunt Plinius lib. 11. historia natur. cap. 1. Joh. Velcurion lib. 3. Institut. Physicar. cap. 28. & 38. Lam. Danæus part. 2. Physica Christiana tract. cap. 37. Sebast. Foxius lib. 4. Philosoph. natur. pag. 374. David Crusius lib. 4. Institut. Physicarum cap. 6. Et probare volunt: (1) Quia plurima insecta edunt sonum, uti culices, muscæ, apes. Atqui sonus fit collisionem aëris ciendo. Respondeo: Negatur consequentia. Sonus ille oritur ab agitatione spiritus interioris, qui per transpirationem vegetatur, non verò per respirationem. Errant Rod. Goelenius lib. 6. Disputat. Physicar. 20. dist. 49. Matthias Flacius lib. 3. de vitâ & morte pag. 202. qui docent, sonum istum fieri à pulsu alarum

rum in aëre. Neque enim Insecta omnia quæ alis moventur, sonum edunt, ut cicadæ, cantharides, nitedulæ, hepioli; neque cum aculeus evelhitur muscis, & saluæ permittuntur alæ, sonitum edere pergunt, volatum tamen retinent. Ut omnino per oris instrumentum & spiritum internum, sicut in animantibus aliis, fiant bombi insectorum. Et quidem ut transpirent, non respirent. (2) Quia plurima insecta percipiunt odores, quod fieri non potest aliter, quam ut respirando trahant aërem. *Respondeo*: Ostendit hoc, quod transpirent, non quod respirent. Ecquod est instrumentum? Tam in aëre, quam intra aquas, cum solo pedes figere possunt, repunt & prorepunt, uti constat de muscis ab aquâ madefactis. (3) Quia moriuntur tinctâ oleo, uti referunt Plinius *lib. 11. histor. natur. cap. 33.* Alianus *lib. 4. de animalibus cap. 18.* Nimirum hoc inde est, quia spiratio deficit, omnibus spirandi meatibus occlusis. *Respondeo*: Imò hoc inde est, quia prohibetur transpiratio.

IV. Porro de generatione Insectorum docent communiter, nasci ista Solis & caloris cœlestis beneficio ex putri limo, cænosa terrâ, cadaveribus infectorem resolutâ. Interponunt fidem ab experientiâ desumptam. Videmus *ajunt*, aboleribus putridis oriri erucas, apes de cadaveribus equorum pronasci, vespas in fimo taurorum excludi. Aristoteles *lib. 3. de generat. animal. cap. 9. & 10.* Archangelus Mercenarius *Tomo 2. dilucidation. Peripateticarum*, Julius Scaliger *Exercit. 26.* Sebast. Foxius *lib. 4. Philosophia*

natural. pag. 375. Lambertus Danaus *part. 2. Physica Christi. fol. 227.* Keckermannus *lib. 5. System. Phys. cap. 1.* Nos dicimus, experientiam illam incertam esse, sententiam falsam. Quid putredo, quid limus, quid lutum ad viventia? Sol & cœlum universales & indeterminatæ causæ sunt, à quibus particularis & determinatus effectus frustra deducitur. Argumentamur: Quodcunque generatur, illud ab simili generatur. Atqui cœlum, Sol, cœnum, terra, limus non sunt similia insectis. Ergò ab illis non procreantur insecta. Major est pronunciatum Aristotelis *lib. 7. Metaphys. text. 2.* & munitur suffragio Naturæ totius. Minor certa est: Sol, cœlum, lutum, cœnum, limus, cadavera inanimata sunt, ut nequeant producere animatum, quale Insectum est. Dicit quidem Mercenarius, in cadaveribus remanere multum caloris, qui à calorum virtute renovatus efficientis instar sit pro educendis insectis. Verum instantia languida est. Calor quicumque fuerit, accidens est, nec ultra vires suas agendo substantiam producere quiverit, multò minus substantiam vivam.

V. Experientia nobis suffragatur. Muscas, araneas, formicas, cantharides, inter se copulari cum sui similibus, & ova ponere, quæ vivum animalculum progenerant, cum ab influxu Solis excitatur forma, videmus & comperimus omnes. Neque minus vetum est, quod cadaveribus innascuntur termites, scolices, vespæ, crabrones, tabrimi, quodque seminalis ratio perinde in istis adsit. Scilicet multoties contingit, ut

herbas istorum animalculorum seminibus perspersas devoret jumentum, hinc in ipsorum excrementis proveniunt bestiolæ; neque aliter est de cadaveribus ipsorum, postquam Solis calori & Insectorum copiosis incubitis exponuntur. Sui ortus proprium semen habent, non verò alienum.

VI. *Eorum varia genera sunt.*] Alia pedibus ambulant, uti formica, pediculus, aranea, cimex, tineæ, millepeda; alia subsiliunt, uti cicadæ, pulices; alia repunt, uti lumbrici, erucæ, teredines; alia volant, uti apes, vespæ, crabrones, scarabæi, cantharides, muscæ, culices.

CAPVT VIGESIMVM TERTIVM,

De Sexu,

SUMMARIA.

1. Definitio sexus.
2. Definitio masculi.
3. Generare in alio.
4. Concurfus maris & femina.
5. Rationes nostræ.
6. Solvuntur objectiones.
7. Scaligeri opinio.
8. Cæsalpini sententia.
9. Solvuntur objectiones.
10. Definitio femina.
11. Aristotelis testimonium.
12. Scoti opinio.
13. Distinctio notatur.
14. Solvitur instantia.
15. Generare in seipso.

I. *Sexus est distinctio animalis secundum vim generativam.*] Sexus non facit animalis differentiam specificam, sed tantum illam quæ est ex adjunctis, uti rectè notavit Aristoteles lib. 20. *Metaphys. cap. 9. & lib. 12. cap. 3.* Differt enim masculus à femina ob partium conformationem & temperamentum dispositionem. Solidus magis & compacta membrorum omnium habitudo, magis vegetus spirituum impetus, calor intus tenacior inest in mare, femina omnia ista minus valida habet, estque debilis, timida, instabilis, Hippocrates lib. 1. *de dieta*, Plato lib. 5. *de Republ.* Aristoteles lib. 4. *de generat. animal. cap. 1. & 6.* Plutarchus lib. 3. *convivial. quæst. 4.* Bernhardus Telesius lib. 6. *de rerum naturâ cap. 18.* Ludovicus Mercatus Tom. 1. *Operum Medicorum lib. 1. part. 2. class. 4. quæst. 53.* Dan. Sennertus lib. 1. *Institut. Medicarum cap. 4.*

II. *Estque vel masculus vel femina. Masculus est animal, quod in alio generat.*] Animantibus solum inest sexus, non verò etiam in plantis. De plantis quibusdam constat, affirmari de illis, esse alias masculini, alias feminini generis, quod Anaxagoras olim tradidit, & imitari voluerunt Plinius lib. 13. *histor. natural. cap. 4.* Galenus lib. 6. *de loci affectu cap. 5.* Nos permittimus, ut fiat hoc imitatione aliquâ qualitatum, quæ insunt animalibus, cæterum quia desunt membra sexus distinctiva, sexum ipsum abesse à plantis, rectè dicimus cum Julio Scaligero Exercitat. 131. *sect. 4.* Philippo Moccenico Contemplat. *Philosoph. 4. part. 2. cap. 8.*

III. *Quod in alio generat.*] Emitendo semen in feminae uterum, naturæ agrum

agrum & hortum felicissimum; *Genes.* 2.
24. *I. Corinth.* 7. 4. *Hebraeor.* 11. 11. 12. *Roman.* 4. 19.

IV. Quæritur; An masculus & fœmina pariter apud generationis opus concurrant activè? Respondeo: Veteres affirmant, Empedocles, Democritus, Pythagoras, Hippocrates libro de geniturâ Galenus libro de semine, & lib. 14. de usupartium, quos sequuntur Job. Fernellius lib. 7. *Physiologia* cap. 6. Jacobus Martini libro de animâ Exercitat. 6. dist. 4. Conimbricenses lib. 1. de generat. & corruptione cap. 4. quæst. 27. & 28. Cardanus lib. 12. de subtilitate rerum pag. 544. Philippus Melanchton libro de animatract. 3. cap. 4. Fortunius Licetus, lib. 1. de oritur animæ cap. 55. Gregorius Horstius lib. 2. de natura humana Exercitat. 1. quæst. 2. 3. Andreas Vesalius lib. 5. de fabrica corporis humani cap. 15. Franciscus Vallesius lib. 2. *Controvers. Medicarum* cap. 2. Moenicus *Contemplat. Philosoph.* 4. part. 3. cap. 16. Nicol. Taurellus in *casib. Alpibus* lib. 5. quæst. 2. Joachimus Burserus lib. 3. *Institutionum Physicarum* cap. 6. Johannes Gallego lib. 1. de principiis generationis cap. 24. 25. seqq. Bernh. Telefius lib. 6. de rerum natura cap. 18. 19. 35. 36. Vopiscus Fortunatus Plempius lib. 2. *Institut. Medicarum.* pag. 107. seqq. Rodericus à Castro part. 1. de morbis mulierum lib. 2. cap. 3. Daniel Sennertus lib. 1. *Institution. Medic.* cap. 10. & lib. 8. *Epitom. Physic.* pag. 615. Casmannus in *Anthropologia* part. 1 pag. 167. seqq. & part. 2. pag. 345. seqq. Andr. Laurentius lib. 8. *historia Anatomica* cap. 2. quæst. 5. Horum omnium sententia est, fœminas habere semen prolificum, quod

perinde uti semen masculi concurret in producendâ sobole.

V. Et rationes sunt: (1) Quia Natura nihil facit frustra, & verò fœminæ eadem instrumenta pro semine efficiendo habent, quæ in maribus insunt, non minus ergò quàm mares habebunt prolificum semen. (2) Quia fœminæ sensum titillationis habent, ut à libidine tentatæ concubitum appetant, semenq; in coitu profundant, & citrà illum, tunc cum abundat. (3) Quia masculus & fœmina sunt ejusdem speciei, ut meritò statuatur, utriusq; facultas & potentia æqualis esse ad progenerandum, cum facultates & potentia Individuorum ejusdem speciei eisdem effectus semper in Naturâ vegetante habeant. (4) Quia soboles non solum patrem, verum etiam matrem similitudine repræsentat. Ea verò similitudo oritur à virtute formatrice. Ergò non solum pater, verum etiam mater activè concurret. (5) Quia partus monstrosi & semiferi hoc ostendunt, leopardi, hyenæ, lycopanthæ, quæ ex semisse uno patris, ex semisse alio matris formam & indolem obtinent, adeòq; negari haud potest, quod fœmina ad generationem concurret activè. Quando caper miscetur cum ove, tunc ovis generatur lanæ durioris ferax. Agit ergò non saltem caper, sed & ovis, ovis enim non à capro est, sed ab ove est.

VI. Contradicit Aristoteles, & fœminas habere negat semen ad generationem promovendam idoneum, lib. 1. de generat. animal. cap. 19. lib. 2. cap. 4. Assensum præbent Magistro, uti solent, Averrhœs lib. 2. *Colliget* cap. 10. Avicen.

na lib. 9. de animalibus cap. 3. Albertus Magnus lib. 15. de animalibus tract. 2. cap. 11. & lib. 16. tract. 1. cap. 14. Thomas Aquinas part. 3. Summa Theolog. quest. 32. art. 4. Durandus lib. 3. sentent. dist. 3. quest. 1. Hervæus libro de unitate formarum quest. 18. Paulus Soncînas lib. 8. Metaphysic. quest. 15. Cælius Rhodigînus lib. 4. Lection. Antiq. cap. 10. Jacobus Auberti Exercitat. 51. contra Fernelium, Cæsar Cremoninus libro de semine cap. 2 3. seqq. Gilb. Jacchæus lib. 8. Institut. Phys. cap. 7. Christoph. Scheiblerus libro de anima part. 1. Disputat. 7. dist. 21. Johan. Zeisoldus libro de anima sect. 2. dist. 129. Caspar Bartholinus lib. 8. Institution. Physicarum cap. 7. Johan. Combacchius libro de homine pag. 48. Albertus Kypérus lib. 1. Anthropologia cap. 18. dist. 61. seqq. Rationes adferunt; (1) Quod in omni generatione unum agens efficientem, alterum agens materiam præbere debet. Atqui fœmina dat materiam. Ergò non dat efficientem causam. *Respondeo*: Utrumque semen tam masculi quàm fœminæ secundum partes sui diversas materiam atque efficientem præbet. Est tamen unum agens, unum patiens. Agens forma est ab utroque generante producta, & cum semine traducta, patiens est semen, cum maris, tum fœminæ. Etenim causæ forciæ stant pro unâ, conjunctim influunt & operantur, unum effectum produciunt, secundum immutabilem legem in primordio naturæ descriptam, Genes. 1. 27. 28. cap. 2. 22. 23. 24. (2) Quod viri semen omnibus modis excoctum sufficiat, ut non sit opus fœminæ semine. *Respondeo*: Non est in superfluis fœminæ semen,

quandoquidem semen à masculo productum non sufficit. Sancivit hunc ordinem Naturæ conditor, ut virile semen miscetur cum femine fœminino ad producendum effectum, & partiales causæ non divellantur quidem, sed conjungantur, à principium unum est, à quo est motus unus. (3) Quod fœmina possit sine viro concipere, quandò in se haberet semen fœcundum. *Respondeo*: Fœmina producit semen fœcundum, tunc solum cum copulatur masculo; non etiam cum sine masculo illud aut concipiendo retinet, aut temerè profundit. Semen masculi & fœminæ simul ad opus generationis requiritur, ut quod deest uni, ab altero suppleatur. (4) Quod gallinarum ovapulis excludendis inepta sint, nisi per semen masculi communicetur eis virtus agendi. *Respondeo*: Hoc ostendit, quod semen neutrum ad generandum aptum sit, omisso altero. Non inest in subventaniis ovis semen galli, adeòq; ex insufficiente nihil fit, nihil procreatur.

VII. Julius Scalger Exercitat. 268. novis argumentis pro Aristotele decurrit, adhibendo principia illa: *Species non miscentur*. Item: *Ex duobus emibus per se non potest ens unum per se fieri*. Unde tandem concludit: Sicuti forma non potest esse nisi una uniuseri, ita principium continens formam ipsam non potest esse, nisi unum. Unum igitur semen est, forma enim cum sit simplex atque indivisibilis, ex duobus componi non potest. At componeretur, si à mare prodiret ac fœminâ. Hæc ille. *Respondeo*: (1) Species non miscentur, quia mas & fœmina non differunt specie. Igitur cum fiat ejus-

eiusdem speciei, non est absurdum, quod anima feminis utriusque conjungatur, quomodo non est absurdum, uniri duas flammæ ad faciendum incendium. Indè Hippocrates scribit, desipere illum, qui neget *ψυχὴν μὴ ἀπορρίπτειναι ψυχῇ*, animam animæ copulari, *lib. 1. de ratione vi-ctus text. 81. (2)* Neque altera injecti-uncula obstat, quam dissolvit *Scaliger*: ipse loco alio. Majus tibi dicam, ait, quod tibi scire præstiterit ad modum generationis perferendum, quàm cylindrorum omnium jurainutilia persequi. Palmarum ossa tria serito, totidem inde orientur palmæ, ita demum distinctæ, utierant ossa ipsa. Illi tres stipites actu unum hoc, quod est existens, sibi quisque in unum actum coibunt, unica denique uno contenta stipite, palma fient. Atque ex iis, ita, non alio situ, exit arbor illa, quemadmodum prodit Theophrastus: unus inquam stipex numero externis truncis, ortu, materiâ, quantitate, loco separatis, *Exercitat. 107. sect. 6.*

VIII. Aliundè movet litem *Casalpinius* juratus Peripati vernula. Quia enim videbat, Aristotelis doctrinam, quâ negatur, fœminas quicquam feminis ad conceptum addere, veritati repugnare, ipse contrarium defendit, sed limitatione adhibita, ut semen masculi sit principium efficiens generationis, & non materiale: fœminam igitur conferre, ait, tum materiam, quæ est sanguis menstruus, tum efficientem, quæ est semen, masculum addere tantum semen, quod perinde materia non sit, uti nec muliebre est, quantum sit vehiculum efficientis præparan-

tis factum in utero, id est caloris vivifici, *lib. 5. quaestionum Peripatet. num. 2.* Neque multum dissentit Antonius Deusingius *d. a tribo de generatione factus in utero pag. 60. seqq.* In quâ sententiâ notetur: Quod semen utrumque sit principium materiale constituendi fœtus: Quod semen utrumque mutetur in ossa, in cartilagine, venas, arterias, nervos, partesque alias: Quod à menstruo sanguine augeatur & alatur fœtus utero conclusus & retentus: Quod semen sit principium materiale & efficiens pariter: Quod efficiens causa corporis vegetabilis sit anima, non verò calor uteri. Nos argumentamur: (1) Ubi-
cunque est eadem potentia activa, ibi est idem concursus activus. Atqui in patre & matre est eadem potentia activa. Ergo in patre & matre est idem concursus activus. (2) Ubi-
cunque est denominatio eadem, ibi est eadem operatio. Atqui pater non minus quàm mater denominatur parens sobolis. Ergo patris & matris eadem operatio est. Uti ergo denominatione ad naturam congruâ pater est, qui generat, ita ob eandem causam mater est, quæ generat. Et quia generat, agit; imò formam ipsam producit, generationis proximum terminum.

IX. Excipit *Casalpinius*: (1) Quod si semen materia esset, non esset semen, verum conceptus quidam cum facultatem animalem & materiam habeat, uti in fœminis est ovum sine maris copulâ. Quod si hoc esset, non emitteretur particulatim, sed totum simul, ne divisio conceptum destrueret. *Respondeo*: Con-

Conceptus est seminum duorum coagulum, à masculo & foemina viribus paribus derivatum. Semen est genitura ab uno sexu producta. Igitur hæc manifestè satis differunt. Neq; semen per se ad formandum hominem sufficit, sed conceptus requiritur. Tàm masculus quàm foemina in hoc opete agunt. Ovum subventanum non est conceptus, quia solum habet id quod à foemina provenit, itaq; non potest ex illo generari aliquid. (2) Quod si semen esset materia, duæ essent materiæ, videlicet semen & sanguis menstruus, eaq; miscerentur in copulatione masculi & foeminæ. Itaque virtus una in alteram ageret, in maris perfectionem materiam ageret virtus imperfectior foeminæ. Hoc autem modo generatio non tenderet ad perfectionem, sed ad imperfectionem. Si autem singulæ virtutes in materiam suam agunt, non unum proveniet animal, sed duo, unum ex semine maris, alterum ex sanguine matris. Sufficit igitur una materia foeminæ, & unum efficiens, quod est in semine maris, ut fiat unum ab illis. *Respondeo*: Falso nominat imperfectiorem virtutem foeminæ. Neque enim foemina magis deficit in virtute agendi, quàm mas, adedque perfectum est semen utriusque & iisdem viribus præditum, neutrum tamen solum efficit aliquid, quod magno consilio Naturæ institutum sit, ut maris & foeminæ semen partiali concursu agant & totalis causæ effectum producant. Frustrà dicit, quod generatio tendat ad imperfectionem. Imò quia causæ sociæ tendunt ad effectum unum, videlicet ad propagationem speciei, per-

ficiunt se mutuo, non perimunt, non impediunt. Et *quomodo proveniant duo animalia*? Est effectus unus, quia est unum agens, totale illud & sufficiens, quatenus agens parziale alterum cum altero est naturæ ejusdem, & primo influxus momento in unum coalescunt. (3) Testantur hoc ova subventania, quibus cum tempore certo supervenit semen maris, redduntur foecunda, & in piscibus, postquam foemina ova ejecerit, masculus semen dispersgit, ut fiant foecunda. Quod si masculus præberet materiam, oporteret advenire ante ovorum conceptum, non verò postea. *Respondeo*: Non est eadem ratio ovorum & seminis, quandoquidem ovum continet tum istud quod semen est, tum aliud quod sanguini respondet. Et generatur quidem ovum sine mare, verum non est foecundum sine maris & foeminæ semine. Nimirum quod foecundum ovum est, materiam & formam simul continet. (4) Quod si ex seminis materiâ constituntur partes corporis, oporteret coagulari illud, non enim sine coagulatione constituentur similia membra. Atqui semen coagulari non potest, quoniam habet substantiam prorsus aqueam. Hæc substantia est vehiculum spiritus, quod calidum vitale continetur. *Respondeo*: Frustrà de seminis affectione quadam contendit Cæsalpinus, & quo nomine illa debeat appellari. Fiunt in semine mistiones, dispositiones, concretiones, secretiones, densationes, rarefactiones. Et falsum est, quod semen habeat aquam substantiam. Calidum & humidum est, non quidem Elementari modo, sed præ-

stantiore. (5) Insectorum exemplis constat, quod masculus solum vaporem calidi innati sine humore aliquo in fœminam profundat, unde masculus non inserit membrum aliquod in fœminam, sed contrâ uteri apex protruditur intrâ alvum masculi, & copula ad multos dies perdurat. *Respondeo*: De Insectoris non est aliter, quanquam copulæ modus sit alius.

X. *Fœmina est animal in seipso generans.*] De fœminâ inclementius aliquantum loqui voluit Aristoteles, vocando eam *παρὰ φύσιν ὡς ἀνέστην, ἔχοντιν, ἀδυναμίαν*, læsionem, vitium ac defectum naturæ, *lib. 1. de generat. animal. cap. 20. lib. 2. cap. 3. lib. 4. cap. 3.* Et quanquam in enucleandis his Philosophi contextibus anxie admodum occupetur Barthol. Keckermannus *lib. 5. System. Phys. cap. 3.* mollius tamen ille nos credere jubet, quàm ipsi Aristoteli res credita fuit, Naturæ, qualem sibi fingit, decreta sequuto. Naturæ beneficio semper homines existitisse putat, quæ cum perfectissimum intendat, concludit Ethnico supercilio, masculum semper intendi velut perfectissimum, fœminam ex accidente provenire, veluti quoddam in naturâ monstrum, *ἀφ' οὗ καὶ παραγενήτωρ* matrem imperfectum, marem occasionatum, uti interpretatur Ludovic. Vivez *lib. 1. de animâ pag. 14.* Verùm est error impius apud illos, qui novērunt ex literis sacris, fuisse fœminam in Paradiso, perinde uti marem, divino opere ad imaginem DEI efformatam, benedictionis participem, ut propagationem faceret paribus cum ma-

re viribus, *Genes. 1. 27. 28. cap. 2. 18. 19. 22. 23.*

XI. Atque idem veritatis vis extorsit Aristoteli, ut loco alio doceret, fœminam esse secundum necessitatem naturæ, *lib. 1. Oeconom. cap. 1.* Natura haut postulat monstra, sed magis averfatur. Argumentamur: Quodcunque requiritur ad consummationem naturæ animalis, ut non solum illa sit, verùm etiam ut bene sit, illud est maximè secundum naturam. Atqui fœmina requiritur ad consummationem naturæ animalis. Ergo fœmina est maximè secundum naturam. Minor probatur: Generationis opus requirit, ut mas cum fœminâ copuletur. Rectè *Scaliger*: Si fœmina dat locum, videlicet matricem, quæ propemodum divina favissa est, ex quâ naturæ thesauri in eâ conditi, ubi opus fuerit, depromuntur, est utique Ens necessarium, non verò accessorium operis primarii, *Exercit. 161. sect. 4.*

XII. Et tamen barbarus iste error tantum placuit Johanni Scoto *lib. 2. sentent. dist. 20. quest. 2.* ut crederet, fœminas omnes in novissimo die resurrecturas esse maris formâ atque habitu. Eum meritò refellit Georgius Stengelius *libro de monstris cap. 17.*

XIII. *Distinguunt*: Fœmina est aliud occasionatum in comparatione ad naturam particularem, quatenus virtus activa, quæ in semine maris est, intendit producere sibi simile perfectum secundum masculinum sexum; non verò in comparatione ad naturam universalem,

lem, quæ non solum maris, sed fœminæ quoque productionem intendit, Thomas Aquinas *part. 1. Summa Theolog. quæst. 29. art. 1.* Barthol. Keckermannus *lib. 4. Systemat. Physic. cap. 9.* Duncanus Liddelius *lib. 2. Artis Medica cap. 9.* Thomas Campanella *lib. 2. de sensu rerum pag. 183.* Albertus Kyperus *lib. 1. Anthropologia cap. 9. dist. 88.* Franciscus Piccolomineus in *Philosophiâ civili gradu 8. cap. 20.* Respondeo: Quænam est illa particularis natura, à quâ in fœminæ alicujus generatione intendebatur masculus? Vaga forsân, & metaphysica illa, quæ in hominum conceptu est, in cerebellis. Natura quæ fœminam hanc, fœminam istam formavit, est substantia certa & determinata, forma inquam singularis, quæ nunquam habuit intentionem producendi matrem. Fœminam voluit formare, hoc opus ejus fuit, hic labor, hoc egit, hoc præstitit. Falsum est, quod virtus activâ in maris unius semine sit. Non minus est illa in fœminæ semine, uti in præcedentibus ostendimus.

XIV. *Instant:* Quia sexus femininus est impotentia quædam naturalis, inde sæpius contingit, ut fœminæ conversæ fuerint in viros, scilicet, quod imperfectum est, illud naturali inclinatione ad perfectionem, velut ad actum suum tendit & fertur, Bruno Seidelius *lib. 2. Institut. Physicar. pag. 444.* Johan. Henr. Alstedius *lib. 7. Encyclopædia part. 6. Physic. cap. 7. Regulâ 1.* Respondeo: Exempla de fœminis in mares conversis adferunt Aulus Gellius *lib. 9. Noctium*

Atticarum cap. 4. Sabellicus, Antonius Turquemada, Amatus Lusitanus, Jo-
vianus Pontanus, Ambrosius Patæus,
Marcellus Donatus *lib. 6. historia mirabil. cap. 2.* Fulgosus *lib. 1. memorabil. cap. 7.* Volaterranus *lib. 9. Geographia.*
Caspar Bartholinus in *Controvers. Anatomicis pag. 126. 127.* Fortunius Licetus *lib. 2. de monstris cap. 54.* Johan. Wierus *lib. 4. de prestigiis demonum cap. 24.* Antonius Mizaldus *Centur. 8. memorabilium sect. 1.* & ante omnes illos Plinius *lib. 7. cap. 4.* Subest monstruosa formatio, à quâ consequitur monstruosus eventus, qui non constituit ordinarium Physicæ præceptum. Cum sexus uterque inest corpori, demum unus qui latuit hætenus, prodit foras à caulis proximis impulsus. Ità rectè monet Daniel Sennertus *lib. 3. Institut. Medicarum part. 9. sect. 1. cap. 19.*

XV. *In seipso generans.* Præbet enim fœmina locum, cum virili tum muliebri semini excipiendo, concipiendo ac perficiendo.

CAPVT VIGESIMVM QVARTVM,

De Respiratione.

SUMMARIA.

1. Definitio respirationis.
2. Infans utero conclusus.
3. Solvuntur objectiones.
4. Materia respirationis.

I. **R**espiratio est motus, quo halitus trahitur & protrahitur. De hac

peculiarem librum scripsit Aristoteles. Lis quædam est: *An respiratio sit motus naturalis, vel voluntarius?* Respondeo: Posterius ajunt Galenus *lib. 2. de motu musculorum cap. 1.* Johan. Fernelius *lib. 6. Physiologie cap. 17. 18.* Vallesius *lib. 2. Controversiarum Medicarum cap. 2.* Tau-rellus in *Casib. Alpibus lib. 5. quest. 5. dist. 3. seqq.* Burserus *lib. 3. Institution. Physicarum cap. 22.* & volunt probare inde, quoniam potest cohiberi & reprimi, ut homo seipsum interimat, cum vult. Et verum quidem est, posse ita fieri, quod docent exempla apud Valerium Maximum *lib. 9. memorabil. cap. 12.* Attamen consequentia fallit, quando etiam sensus & appetitus possunt cohiberi, operationes motusque naturales. Prius tuerentur Averrhoës, Conimbricenses *libro de Respiratione cap. 2.* Andr. Cæsalpinus *lib. 5. quest. Peripatet. sect. 5.* Antonius Deusingius *Exercitat. de Respiratione dist. 86. seqq.* Otto Casmannus *part. 1. Anthropologia pag. 399.* Barthol. Keckermannus *lib. 3. Systemat. Phys. cap. 28. & in Cursu Philosop. Disputat. 17. quest. 14.* Albertus Kyperus *lib. 1. Anthropologia cap. 8. dist. 37. seqq.* Et rectè: (1) Quia respirationis tanta necessitas est, ut nullum animal sine illâ possit esse, itaque brutis inest, quæ voluntatem non habent. (2) Quia exercetur in somno etiam, cum voluntariæ actiones omnes cessant. (3) Quia oritur à pulmone, cujus motus est omninò naturalis.

II. *Quo halitus trahitur.* Quæritur: *An infans matris utero conclusus respiret?* Respondeo: Affirmant Antonius Deusingius *diatribâ de Lacte dist. 121.* Johan.

Claudius Courvæus *libro de nutritione factus in utero part. 3. cap. 9.* Charletonus Anglus *diatribâ de respiratione dist. 16. seqq.* Bartholomæus Keckermannus *in Cursu Philosop. Disputat. 17. quest. 19.* Ratio hæc est, quod habeat cor & pulmonem, itaque refrigerationis egeat. Addunt plures, tum quod infantes in utero sæpè plorent; tum quod infans sugendo per os assumit lacteum humorem, in quo natat; tum quod non possit hoc fieri citrà respirationem, cum omnis suctio perficiatur, dum liquor ab aëre circumfuso protrahitur. Verum non tam respirat, quàm transpirat, uti rectè monent Andr. Laurentius *lib. 8. histor. Anatom. quest. 26.* Rodolph. Goclenius *lib. 6. Disputat. Physic. 29. dist. 50.* Albertus Kyperus *lib. 1. Anthropologia cap. 23 dist. 53.* Matthias Flacius *lib. 3. de vitâ & morte cap. 22.* Et constat inde, quia infans utero contentus non habet motum pulmonis; non trahit ore aërem & arteriæ asperæ committit. Porro non succurrit aër, quem resolutis aquis permistum trahat. Nullum est pro fovendo & mutando aëre spacium in utero, utri verò osculum intèrius ita connivet, ut ne flatum quidem admittat.

III. Rationes facillè solvuntur. Fletus in utero est omninò præternaturale aliquid, uti dicemus *infra à lib. 9. cap. 15. dist. 31.* Et quamvis certum sit, quod infans utero inclusus non tam à sanguine menstruato, quàm à liquoribus, quibus innatat, nutritur, id tamen non obtinet quod respiret, cum suctio esse possit, ubi non est respiratio. Quamvis etiam suctio per

liquoris pressionem, fiat unde probabitur, quod pressio ista ab aëre circumfuso est, & non potius oritur à circumfuso liquore, in quo foetus innatat? Ità videmus, pisces innatare aquis & aquas ore percipere, ut nullus aër istas premat & protudat.

IV. *Et protrahitur.*] Ejus materia vulgò statuituraër, qui per nares attractus in partes pulmonis spongiosas sese insinuare potest, Aristoteles *libro de respiratione cap. 6.* Cardanus *lib. 12. de subtilitate*, Calmannus *in Uranographicis cap. 7. quest. 2.* Johan. Velcurion *lib. 2. Institut. Physicarum cap. 8.* Christoph. Scheiblerus *libro de animâ part. 2. Disputat. 13. dist. 33.* Joachimus Burferus *lib. 3. Institutionum Physicarum cap. 22.* Johan. Riolanus *lib. 4. Enchiridij Anatomici cap. 2.* Johan. Fernelius *lib. 6. Physiologia cap. 16. 17. 18.* Verùm non inest tantum frigusaëri, ut ab illo cordis fervor temperari possit, & corrigi. Non aër est, sed concretum est, quod respirando haurimus & quod cordis temperat fervorem, nimirum aër permixtus atomis aqueis defæcatissimis. Aqua ergò est præcipuum respirationis obje-

ctum, resoluta in terrestribus, spissa in aquatilibus, quæ sola refrigerat. Nihil verò tale inest in aëre, quod notetur adversum injectiunculas Melchioris Sebizzii *libro de respiratione Disputat. 2. quest. 10. & 14.* Propterea homines conscensuri in montes altissimos, spongiis aquis impletas admovent natis, ut per has velut incrassetur aër spiratus, & aqua præbeat usum refrigerationis. De Olympi montis accolis ità refert Augustinus *lib. 3. de Genesi ad litteram.* Instrumentum est seu pulmo, seu branchiæ, quæ inspiratas atomos repurgant versantque, ut cor foveatur, & mitigetur fervor spirituum ne à fuliginibus corrumpantur, ait Galenus *lib. 6. de usupartium.* Hinc eò celerior respiratio est, quò major est fervor cordis, ut in festinatione apparet, inque pueris: Senes verò tardè respirant, quod spongiati calore vergant ad occasum frigidumque lethum, Scaliger *Exercitat. 273. sect. 2.*

• (o) •



LIBER NONUS,

De Homine.

CAPUT PRIMUM,

De naturâ Hominis.

SUMMARIA.

1. *Definitio hominis.*
2. *Animal rationale.*
3. *Ratio ordinis.*
4. *Partes hominis.*
5. *Necromantarum figmenta.*
6. *Spiritus hominis.*
7. *Solvuntur objectiones.*
8. *Homo interior.*

Homo est animal rationale.] Homo est naturæ miraculum. Miramur Solis splendorem, ignis ardorem, adamantis valorem, Elefantis & balænarum insolentem magnitudinem. Atqui umbræ sunt & tenebræ meræ, si cum splendidissimis hominum dotibus conferantur. Est homo totius orbis corona & coronis, itaque *μικροκομπος* vocatur apud Iosephum Quercetanum *lib. 1. defens. Medicinæ Hermetica cap. 18.*

11. *Animal rationale.*] Hæc est tesceranostra, Sapiamus! Omnem hic Natura sinum offert, supra, media, infima,

cælum, terram, maria, & quicquid illis continetur.

III. Keckermannus ordinem istum in conscribendâ Physicâ observat, ut primo loco agat de homine, porrò subjungat de bruto, plantâ, mineralibus, meteoris. Ejus ratio hæc est: Homo est mensura & regula corporum naturalium omnium, ut de omnibus his meritò doceatur loco ultimo, *lib. 3. System. Physic. cap. 1. & 8. lib. 4. cap. 1.* Respondeo: Homo est mensura & regula corporum naturalium omnium, non quidem ratione cognitionis, quod reliquorum corporum naturalium cognitio dependeat à præmissâ hominis cognitione; sed ratione perfectionis, quod est nobilissimum opus manuum Dei, quod omnes Creaturæ ei servitia offerant, quod ei lucent sidera, coguntur nubes, funduntur imbres, consurgunt montes, descendunt valles, germinat terra, & parturit Natura universa. Proinde conditus est à Deo, non primo die, sed ultimo velut colophon omnium rerum creaturarum, *Genes.*

1. 24. 25. *seq. Psalm. 8. 1. 2. seqq.* Et ob causam illam doctrina hominis rectius proponitur loco ultimo, quia ordo Naturæ progreditur ab imperfectis ad perfecta, ut præmittantur illa, hæc sequantur. Diximus *lib. 1. Institutionum Politicarum cap. 1. dist. 10.*

IV. *Ejus partes sunt duæ, Anima rationalis & Corpus humanum.*] Veteres Pythagoræi & Platonici tres partes hominis asseriebant, animam, spiritum, corpus. Quos in primitivæ Ecclesiæ hæreticis, Valentinus, Cerdon, Marcion sequebantur; & consentiunt nostro ævo, Judæi, Hermetici, Geisterani, Propyrius *libro de sacrificiis*, Rabbinus Menasseh Ben Israël *lib. 2. de Resurrectione cap. 6.* Paracelsus *libro de Lunaticis*, Wegelius in *Nosce te ipsum cap. 1. 2. & libro de vitâ beatâ cap. 1.* Cornelius Agrippa *lib. 3. de occulta Philosophia cap. 41.* David Crusius *lib. 4. Institut. Physicarum cap. 7.* Sofronius Kothsak *Cacula omnium insaniarum receptaculum in Scrutinio seculi futuri cap. 6. & insulso libro de Sale cap. 3. sect. 12.* Joh. Comenius in *Physica reformata pag. 194. 195. 196.* Et spiritum describunt, quod sit à firmamento & astris; quodque post obitum hominis aliquamdiu superstes vagetur per orbem, & cum improbus homo fuit, Lemures concitet, vivos homines turbet, cum homo probus fuit, spiritus ille bonis appareat, deque rebus futuris informet; quodque solus ille cum animâ suâ rursus unitus hominem in altero seculo constituat, præmia & poenas accipiat, corpore in æternum abolito, Olsvaldus Crollius *præfatione ad Basilicam Chymicam fol. 30.*

31. Paracelsus *libro de animarum apparitione.*

V. Verùm hæc sunt figmenta Necromantarum, qui de rebus futuris impio & nefando ausu percontabantur, cumque à dæmonibus ad hominum perniciem semper velocibus responsa acciperent, putabant miseri, esse defunctorum spiritus, qui post discessum à corpore imperatum à fato, domicilium pristini memores non prorsus à consortio ejus abstineant, inque monumentis obversentur, liberioris potestatis & cælestis originis compotes, ut notitiam exquisitam rerum multiplicium haberent eamque ritibus certis ad obsequium compulsæ rogantibus enuntiarent. Exempla sunt apud Virgilium *Eucolicor. 8.* Lucanum *lib. 6. Pharsalia*, Tacitum *lib. 2. Annalium*, Apulejum *lib. 2. Metamorph.* Ciceronem in *Tusculanis questionibus.* Vetant literæ sacræ, *Levit. 20. 27. Deut. 18. 10. 11. 1. Chronic. 10. 13. 14. Esaia 8. 19. cap. 65. 4.*

VI. Nos argumentamur: Quod enim Scripturæ & naturæ ignotum est, illud commentum est. Atqui spiritus, vel terttia pars hominis Scripturæ & naturæ ignotus est. Ergò spiritus ille commentum est. Minor constat; Scriptura duas hominis partes refert tunc cū Deus formavit eum, corpus & animam, *Genes. 2. 7.* Eadem partes duas hominis refert tunc cum secundum Naturæ leges ille corrumpitur, *Ecclesiast. 12. 7. Matth. 10. 28.* Natura comprobatur; Uti enim omne corpus naturale ex materiâ & forma componitur, ita & homo constitui-

stituitur à duabùs partibus istis. Materia corpus humanum est; forma est anima rationalis.

VII. Exciipiunt *Crollius & Crusius*. Literæ sacræ asserunt tres partes hominis. *Lucæ* 1. 46. Magnificat anima mea Dominum, & spiritus meus exsultat in Deo meo. 1. *Thessal.* 5. 23. Spiritus vester & anima & corpus seruentur integra ad Servatoris adventum. *Hebraeor.* 4. 12. Sermo Dei pertingit usque ad divisionem animæ & spiritus, compagum & medullarum. *Respondeo*: Nomen spiritus cum de homine adhibetur, quandoque expositivè ponitur pro anima ipsâ, cum omnibus affectibus & effectibus, quæ est spiritus, *Genes.* 2. 7. *cap.* 46. 27. *Lucæ* 1. 46. Quandoque non ipsam animam, sed ejus qualitates, motus & affectus significat, secundum quos dicitur fortis, tristis, læta, imbecillis, *Genes.* 45. 27. *Exodi* 6. 9. Quandoque usurpatur pro donis sanctificationis in regeneratis, quæ Spiritus precum & gratiæ impertit eis, ut in vitæ novitate ambulent, Deo obediant, meliora sequantur, cupiditates pravas defugiant & damnent, *Roman.* 7. 14. *cap.* 8. 4. 5. 6. *segg.* *Galat.* 5. 15. 16. *segg.* 1. *Thessal.* 5. 23. *Hebraeor.* 4. 12. Instat *Crusius*: Opus est vinculo aliquo, per quod anima & corpus uniantur. *Respondeo*: Hoc non probat fictum illum spiritum fiderium, & Marcionis delirium. Natura monstrat clarè vinculum istud, nimirum Spiritum insitum, sive calidum innatum, quod per se non constituit partem hominis, sed corporis vegetativi pars est, à quo fovendo continetur.

VIII. *Kothsak Sophronius* in Quakerorum colluvie edoctus Veterinarius adfert locum Apostoli, *Romanor.* 7. 17. *segg.* ubi iudicari videtur, quod non sit unus spiritus in his membris habitans. *Respondeo*: Non describit Paulus hominem, uti est animal rationale, ita enim corpus eius unum informat spiritus unus. Spiritus, id est, anima una, quam olim inspirando largiebatur opifex summus, deinceps Naturæ vires addebat, ut genorando produceretur simile à simili, *Genes.* 1. 28. *cap.* 2. 7. *cap.* 5. 3. Describit eum uti est actionum beatarum capax. Et qualitates à corruptis affectibus ortas separat à melioris dictaminis ratione, quod Spiritus renovationis gratiâ suâ illustrat. Non est homo duplex, sed est unius hominis effectus duplex, quatenus ille vel affectibus suis obtemperando malè agit; vel gratiæ renovantis ductu invitatur ad agenda bona.

CAPVT SECVNDVM,

De Animâ rationali.

SUMMARIA.

1. *Definitio anima rationalis.*
2. *Notatur Scribonius.*
3. *Forma hominis.*
4. *Unio anima & corporis.*
5. *Solvuntur objectiones.*
6. *Cajetani opinio.*

1. **A** *Nima rationalis est forma hominis, quæ est, intelligit & vult.*] An contemplatio

tio de animâ Intellectivâ in Physicâ debeat proponi, variis opinionum conflictibus disceptant Conimbricenses *proemio ad libros de animâ pag. 7. seqq.* Toletus *ibidem quest. 2.* Anton. Ruvio *commentariis ibidem quest. 1.* Pererius *lib. 1. Philosoph. natural. ca. 9. 10.* Johan. Casus *in prolegomenis Commentariorum Physicorum pag. 24. seqq.* Nos breviter dicimus, quod de illâ agaturn Pneumatica, tum Physica. Uti anima separata est, spiritus à corpore liber, ad Pneumaticam doctrinam illa pertinet; uti forma corporis est, principium operationum & functionum naturalium, ad Physicam doctrinam illa merito refertur. Ratio est: Omne principium internum corporis naturalis docetur à Physicâ. Atqui anima rationalis est principium internum corporis naturalis. Ergo anima rationalis docetur à Physico.

II. *Rationalis.*] Scribonii definitio est: Anima rationalis est creatura spiritalis, corporibus hominum informandis à Deo inspirata, *lib. 1. Institut. Physic. pag. 10.* Verum jam antea diximus, quod anima hoc loco spectatur, uti forma, non uti spiritus, non uti ens. Et negatur, quod anima hodie per inspirationem à Deo accipiat ortum suum. Olim quidem Adamo inserta fuit per creationem, deinceps ex propagationis lege à parentibus in liberos continuo speciei incremento traducitur, uti prolixius describit Timotheus Brighus *in animadversionibus pag. 12. seqq.* & nos dicemus *infra cap. 3.*

III. *Est forma hominis.*] Aristoteles *lib. 12. Metaphys. text. 17. lib. 2. de ani-*

mâ text. 4. 5. 6. 12. & cum illo Philosophi communiter. Argumentamur. Quodcumque dat homini esse, distinguere, operari, illud est specifica forma hominis. Atqui anima rationalis dat homini esse, distinguere, operari. Ergo anima rationalis est forma hominis specifica. Major patet ex definitione formæ apud Aristotelem *lib. 6. Metaph. 40. 7. Metaph. 13. 2. physic. text. 28. lib. 2. de anima cap. 2.* Minor probatur; Per animam rationalem homo est homo: per eandem hominem ab aliis substantiis perfectè differt; per eandem homo operationes suas perfectis modis exercet, uti porro ostendunt Benedictus Pererius *lib. 6. Philosoph. natural. cap. 21. seq.* Piccolominens *lib. 2. de mente humana cap. 17. & 18.* Mocenicus *Contemplat. Philosoph. 3. part. 1. cap. 19.*

IV. Negat Rudolphus Goclenius *lib. 1. Instit. Metaphys. pag. III.* Otto Casmannus *part. 1. Anthropologia pag. 3. seqq.* Ludovicus Lavaterus *notis ad Metaphysicam Chinai pag. 125. 309.* quod forma hominis sit anima, & vice ejus obtrudere nobis volunt corporis unionem cum animâ. Non rectè, uti ostendit argumentum: Nullum accidens est forma substantiæ. Atqui unio corporis & animæ est accidens. Ergo non est forma hominis, qui substantia est. Major est apud Zabarellam *libro de constitutione Individui cap. 2.* Minor vera est, quia unio est relatio. Unio corporis & animæ fit per spiritum insitum, hic quia animæ instrumentum est, principalis efficiens non potest esse.

V. Excipiunt Casmannus & Lavaterus. (1) Pars una compositi non potest esse

partis alterius forma. Atqui anima est pars compositi, nempe hominis. Ergò non potest esse forma partis alterius, nempe corporis. Major probatur: Partes inter se differunt formis oppositis & proprietatibus, forma verò & formatum sunt consentanea. *Respondeo*: Falsa est major de toto essentiali, ubi semper una pars (materia) informatur, altera (forma) informat. Et quatenus forma informat materiam, eatenus Toti dat esse. (2) Forma corporis est causa per quam corpus est corpus. Atqui per animam corpus non est corpus. Ergò forma corporis non est anima. Major constat ex definitione formæ in genere. Minor probatur: Corpus Adami factum est Dei manibus à terrâ prius, deinde animam inspiravit Deus. *Respondeo*: Minor fallit. Per animam est corpus vivens, & corpus in quo anima non est, cadaver est. Exemplum Adami non valet, quando tunc Natura erat instituenda, & creationis legemensurabatur. Nunc aliter est in Naturâ institutâ, quia generationis opus est. (3) Positâ formâ, ponitur formatum. Atqui si anima est forma hominis, Lazari animâ recumbente in Abrahami sinu, erit ibidem quoque Lazari corpus. Quod absurdissimum est. *Respondeo*: Major valet de formato, quod secundum naturæ leges sese habet, id est, quod compositum est, quod formam cum materiâ conjunctam habet. Atqui Lazarus in Abrahami gremio non est compositum. (4) Negatâ formâ, negatur formatum. Atqui cum nego animam Christi de ipso in crucem sublato, non tamen corpus ejus nego, Ergò, *Respondeo*: Minor falsa

est, quia dici non potest, quod corpus Servatoris examinum in cruce fuerit vivum & vegetum corpus, sed cada-vererat, post resignatam in Patris cœlestis manu animam, *Lucæ. 23. 46. 52.* (5) Qualis forma, tale est formatum. Atqui anima est immortalis & spiritalis. Ergò corpus tale quoque efficiet. Absurdum est posterius. Ergò & prius. *Respondeo*: Major limitatur, qualis forma ratione effectuum & operationum est; quæ cum materiâ communicantur, tale formatum est. Quia denominatio infert communicationem, intrâ cujus limites consistendum est (6) Forma totius compositi est compositi ratio & essentia. Atqui unio corporis atque animæ exprimit compositi humani rationem & essentiam. Ergò unio corporis & animæ est forma hominis. *Respondeo*: Minor est vera sensu illo, qui denominationem extrinsecam involvit. Namque denominatio intrinseca, quæ desumitur à naturâ prioribus, alium sensum involvit, causas que allegat. (7) Una compositi pars non potest compositum perfectè informare. Atqui anima rationalis est una pars compositi, Ergò anima non potest compositum totum informare. *Respondeo*: Major falsa est.

VI. *Quâ est, intelligit, & vult.*] Dissertit Cajetanus, animam rationalem informare corpus secundum gradus vegetandi & sentiendi, non verò secundum intellectum, *part. 1. Summe Theolog. quest. 76. art. 1.* Quod falsum est, ut rectè notat Claudius Boucardus Verdunensis *libro de anima part. 1. theorema. 3.* Namque rationale est differentia hominis totius, non verò solius animæ, Ergò non minus intel-

lectum per corpus exercet anima rationalis in actibus rationi obnoxiiis, quàm sensum & vitā. Antecedens constat: *Homo est qui intelligit, non anima, homo enim per animā intelligit, ait Julius Scaliger Exercit. 307. sect. 7.* Atq; istæ denominationes non possunt convenire animali, nisi per communicationem, in quantum rationale.

CAPVT TERTIVM,

De ortu Animæ rationalis,

SUMMARIA.

1. *Anima origo.*
2. *Benedictio divina.*
3. *Generatio ad imaginem.*
4. *Egressio de femore.*
5. *Imputatio peccati.*
6. *Solvitur instantia.*
7. *Parentes leprosi.*
8. *Naturalis communicatio.*
9. *Temperamentum.*
10. *Peccatum in anima.*
11. *Parentes justificati.*
12. *Lumbi progenitorum.*
13. *Generare simile.*
14. *Formæ productio.*
15. *Solvitur instantia.*
16. *Brutorum generatio.*
17. *Solvuntur objectiones.*
18. *Solvuntur instantia.*

1. **A**nima parentum multiplicatione admirandā gignit animam filiorum, & cum semine velut ordinatio vehiculo traducit, ut intra uterum perfecta existens semen pro corpore suo præpa-

ret, in quo deinde habitat. Itā rectē docent Tertullianus *libro de anima*, Augustinus *Epist. 156.* Nissenus *libro de hominis opificio cap. 30.* Peucerus *libro de origine animæ*, Johan. Combacchius *lib. 4. Institut. Physicar. pag. 975. seq. & libro de homine pag. 40. seqq.* Georgius Sohnius in *Exegesi Confessionis Augustinæ Tomo. 2. pag. 564. seqq.* Rodolphus Goclenius in *Adversarius ad Scaligerum pag. 158. seqq.* Samuel Maresius in *Systm. Theolog. Disputat. 5. dist. 50.* Dissentiunt illi, qui docent, animas immediate à Deo creati & in corpora hominum infundi. Itā olim Hieronymus & Theodoretus, quos sequuntur Doctores Scholastici, Catholico Romani, Reformati, Lombardus *libro. 2. sentent. dist. 17. & 18.* Thomas *part. 1. Summa Theolog. quest. 118. art. 3.* Bellarminus *lib. 4. de statu peccati cap. 11.* Pererius *lib. 4. Commentariorum ad Genesim pag. 185. seqq.* Julius Scaliger *Exercitat. 6. sect. 11. Exercitat. 290. sect. 2. Exercit. 307. sect. 10.* Fortunius Licetus *lib. 1. de ortu animæ cap. 13. seqq.* Bernh. Teleseus *lib. 1. de verum naturā cap. 8. & lib. 8. cap. 15.* Cælius Rhodiginus *lib. 15. Lectionum antiquarum cap. 23.* Franciscus Junius *Tomo. 1. Operum Theolog. pag. 32. seqq.* Patrus commentarius ad *Genesim pag. 307. 308.* Martinus Becanus *Tomo. 1. Theolog. Scholast. pag. 172. seq.* Franciscus Tolerus *lib. 3. de anima quest. 17.* Conimbricenses *lib. 2. de anima cap. 1. quest. 3.* Alledius *lib. 6. Encyclopædia part. 4. Pneumatica cap. 1. Regula 3.* Wendelinus *Exercitat. Theolog. 36.* Robertus Baronijs Oxoniensis in *Exercitat. Philosoph. pag. 62. seqq.*

seqq. Arnoldus Senguendus lib. 6. *Introd. Physic. cap. 9.* Rodericus Arriaga *Disputat. 1. de anima sect. 10. 11. 12.* Joh. Poncius Legionensis in *Cursu Philosoph. libro de anima Disputat. 5. quest. 4.* Claudius Boucardus Virdunensis *libro de anima part. 2. theorem. 2. 3. 4. 5.* Hannibal Rosselius *commentarius ad Trismegisti Pimandrum Tomo 6. pag. 16.* 17. seqq. Johan. Heurnius lib. 3. *Institutionum Medicarum cap. 2.* Johan. Gallego lib. 3. *de principiis generationis cap. 17. 18. 19.* Henricus Wagnereckius *libro de origine anima. Derodon part 2. Physica contra-cta cap. 5. art. 4.* Nicol. Serarius *Disputat. de anima hominis dist. 24. seqq.* Johan. Maccovius in *Collegio Theologico de statu primi hominis ante lapsum Disput. 1.* Antonius Walæus in *Loci Theologici pag. 202. seqq.* Adrianus Heereboord *Voluni. 1. Disputationum selectarum pag. 24. seqq. & pag. 104. seqq.* Martinus Schoonius *Disputatione de ortu anima,* Johan. Scarpius in *Cursu Theologico pag. 231. seqq.* Johan. Bodini in *Methodo historica pag. 441. seqq. & lib. 5. Theatri nature pag. 534. 535.* Levinus Lemnius lib. 5. *de occultis natura miraculis cap. 11.* Gilbertus Jacchæus lib. 9. *Institutionum Physicar. cap. 3.* Otto Calmannus in *Anthropologia part. 1. cap. 9.* Danæus in *Physica Christiana part. 1. cap. 45.* Albertus Kyperus lib. 10. *Institut. Physicarum cap. 1.* Consentunt nostrates quidam Conradus Horæus in *compendio Theologico lib. 1. cap. 3. dist. 55. 56.* Joh. Velcurio lib. 4. *Institut. Physic. cap. 38.* Johan. Zeifoldus *diatriba peculiari de creatione animæ rationalis, & in Anthropologia Physica Disputat. 5.* Bruno Seidelius li-

bro de anima & corpore hominis pag. 375. seqq. Paulus Slevogtus in *Disputationibus Academicis pag. 507. seqq.* His cum modestiâ dimissis, primam sententiam, quæ traducem animæ defendit, tuebimur argumentis sequentibus.

II. *Primum:* Quicumque virtute benedictionis divinæ augentur & multiplicantur, illi se totos propagant. Atqui homines virtute benedictionis divinæ augentur & multiplicantur. Ergo homines se totos propagant. Major constat: Homo corpus atque animam pariter habet. Minor est Genes. 1. 26. *Crescite & multiplicamini, & implete terram.* Excipit *Alstedius:* Benedictio divina tantum respicit naturam corporiam. Et addit *Wagnereckius* Benedictionem hanc inæqualem effectum sortitam esse in hominibus & brutis, l. d. pag. 99. Respondeo: Negatur hoc, quoniam homo citrà animam homo non est, sed cadaver est, adeoque humanam speciem, hominemque multiplicari naturaliter sive generari citrà animam, nugatorium profusum est. Hinc illatio: Quod pertinet ad essentialem naturæ humanæ perfectionem, illud propagatur per generationem. Atqui tam anima quàm corpus pertinent ad essentialem naturæ humanæ perfectionem. Ergo.

III. *Secundum:* Quicumque generant filios secundum imaginem & similitudinem suam, illi corpus & animam simul propagant. Atqui homines in natura corrupti generant filios secundum imaginem & similitudinem suam. Ergo. Major constat: Homo est, qui corpus & animam simul habet. Minor est Genes. 5. 3. *Ada-*

mus genuit filium Seth secundum imaginem & similitudinem suam. Excipiunt: Moyses nihil agit de generatione, sed tantum de qualitatibus Adami peccatoris, Junius & Alstedius l. d. *Respondeo*: Agit omninò de qualitatibus Adami peccatoris, verum qualitates istæ inhærent animæ. Argumentatur: Quodcunque sine animâ hominis esse non potest, eo propagato anima ipsa etiam propagatur. Atqui imago hominis peccatoris sine animâ esse non potest. Ergò. Major constat: Quæ nequeunt separari, eorum unum non potest communicari sine altero. Minor ultrò patet. Quod si ergò Adamus propagavit qualitates malas, utique etiam subjectum earum proprium traduxit in filium. Miserum effugium. Wagnereckii est: *Genuit Adam filium Sethum ad similitudinem suam, non quod essentialia partes naturæ produxerit, sed quod eas uniendo communicaverit illi naturam suam similem.* Nimirum ita Deus animæ vitiosæ creator, erit auctor omnis culpæ in humano genere. Accidentia enim non sunt citrà vel extrà suum *proprium* subjectum, quod Natura universa monstrat.

IV. *Tertium*: Quodcunque egreditur de femore parentum, illud per generationem communicatur. Atqui filiorum animæ egrediuntur de femore parentum. Ergò. Minor est Genes. 46. 27. Exodi 1. 5. *Anima egressa de femore Iacobi.* Excipit Junius: Locutio est figurata, quâ nominatur pars, & totum intelligitur. Certè anima vegetativa & sensitiva est in semine, anima in-

tellectiva non item. *Respondeo*: Quis dicat cum pars nominatur & totum intelligitur, parti illi quæ nominatur, expressum prædicatum derogari posse? Nusquam literarum occurrit illa Synecdoche, quæ partem essentialem unam pro alterâ sibi contradistinctâ ponit, nominat, prædicat, cum tamen ad partem illam nihil pertineant. Neque anima vegetativa, sensitiva, intellectiva penes hominem differunt: una est anima, quæ omnia illa operatur. Ergò si anima vegetativa & sensitiva inest in semine hominis, omninò etiam anima intellectiva adest.

V. *Quartum*: Multiplicato adjuncto necessario, simul etiam multiplicatur subjectum. Atqui adjunctum, videlicet peccatum originis, multiplicatur. Ergò etiam multiplicatur subjectum ejus, quod est anima. Major patet: Nul- lum adjunctum est citrà vel extrà subjectum proprium. Minor est Psalm. 51. 7. *In peccatis concepit me mater mea.* Rursus: Ubi peccatum est, ibi est anima simul. Atqui in conceptione etiam est anima. Confer porrò *Roman. 5. 12. seqq.* Excipiunt: In Adamo & Evâ totum genus humanum defecit à Deo, ut posteris omnibus peccatum illud meritiò imputetur eo ipso, quia secundum carnem ex illis nascuntur. Scilicet corpora ab illis habent, quibus Deus addit animas secundum leges naturæ à se constitutæ, easque meritiò unà reas habet, quatenus sunt pars compositi. Proinde iusto Dei iudicio posterius deferuntur, ne animæ eorum ornentur justitiâ originali, unde

est

est illa naturæ corruptio & ad peccandum propensio, quam omnes in nobis experimur, Janſonius *commentariis ad Jobum* pag. 98. Kyperus, Scoogkius, Wagne-reckius *l. d.*

VI. Respondeo: (1) Peccatum Adami & Evæ imputatur omnibus posteris eorum: omnino ergo adesse debet subjectum recipiens, quod non est corpus, utpote per se nec virtutis nec vitii capax; sed anima fuerit, vitæ & rationis, sensuumque omnium *αὐτὸν ἐκείνους*. (2) Si DEUS infundit animas in corpus, ævel puræ fuerint, vel impuræ. Si puræ, quomodo inficiuntur? Si impuræ, unde est impuritatis culpa? Non sanè à corpore, quoniam immortalis & immaterialis spiritus à mortali & materiali corpore affici & infici non potest. Regerit *Alstedius*: Potest anima pati multum à corpore, quomodo anima rationalis cum morbo corpore unita patitur. Respondeo: Verum equidem est, actiones animæ in composito posse à corpore vitari, ipsa verò animæ substantia nunquā à corpore ita pati potest, ut vitiositatem perpetuam attrahat. (3) Si animæ impuræ sunt cum infunduntur, Deus erit Efficiens vitii, quod impium dictu est: Ratio est debilis: Meritò habet reas, quia sunt pars compositi uti ab Adamo descendit. Verum immeritò habebit reas, si non fuerint in potestate causæ universalis, & ex Adamo per generationem naturalem descendant. Etiam illa ratio inutilis est: Iusto Dei iudicio deferuntur animæ, ut non habeant iustitiam originalem. Atqui si non fuerunt in Adamo animæ posterorum, non sanè in illo peccaverunt. Et

quia non peccaverunt, injustum fuerit, perfectionem debitam illis detrudere in pœnam velut peccati, quod non commiserunt.

VII. Dicit *Baronius*: Lepra transmittitur à parentibus leprosis in eorum liberos, nimirum per semen à parentibus emissum, eodem modo infectio spiritalis, peccatum in genitos propagatur, & anima cum primo ortu ex corpore vitium contrahit. Est enim communicatio naturalis passionum & affectionum inter corpus & animam, tanquam ejusdem compositi partes substantiales, unde fieri videmus, ut corpore malè affecto doleat anima, & vicissim ab animæ hilaritate corpus reficiatur. *Responsum* est antea, quod de actionibus organicis animæ concedatur, esse in illis indicium communicati influxus. Lepra est materiale aliquid & corpori inhærens, uti morbi omnes. Est ergo in seminis materiâ, & de vitiatâ materiâ vitiatum corpus producit anima. Ipsa in se purissima est à contagionibus materialibus, sed non ita pura est à contagio spiritali, quod ipsa non accipit à corpore, sed magis imprimit corpori. Quâ veritate ergo dicit *Baronius*, quod animâ vitium à corpore accipit? De communicatione operationum naturalium res clara est, sed in omnibus illis nihil accipit anima à corpore, ipsa potius actiones corporis regit, perque illas ad sensum prodit inclinationes suas. Nondum ergo quicquam allatum est, per quod constet, animam sibi à corpore aliquid accipere.

VIII Instat *Wilhelmus Estius*: Naturalis communicatio est inter animam & corpus, adeòque anima imprimit corpori vitam, sensus, aliaque huiusmodi, ità dispositiones corporis communicantur quoque animæ, namque anima infusa corpori malè disposito fit stolidi, uti videre est in hominibus mente captis, *lib. 2. sent. dist. 31. artic. 2.* Respondeo: Quod anima dat corpori, verum est, quia nobilius dat aliquid; ignobilius non quidem dat, sed accipit. Neque video, quænam sit illa corporis dispositio, quam anima à corpore accipit. Mente capti homines sunt propter cerebrum læsum, adeòque fatuum dicitur, quod in iis insit anima per se fatua. Ab accidente est, quoniam ob læsas cerebri partes ipsa incolumis non tamen rectè agit.

IX. Occurrit *Festus Hommius*: Temperamentum corporis ad mala proclive est, neque aptum ad bonas actiones instrumentum animæ, itaque anima rectitudine & integritate originali destituta, sequitur inclinationem & vitiosum temperamentum corporis, in *Collegio Anti-Bellarminiano Disputat. 58. dist. 5.* Respondeo: Temperamentum est materiaturum ali-quod, & ineptum ut à se habeat spirituale quiddam. Si anima est destituta à rectitudine originali, quæ ejusce rei causa est ratio seminalis in Adamo uno progenitore omnium? Si actiones quædam materiales vitiuntur à corpore, quomodo procedit illatio, ut credatur, vitiari animam à peccato? Quod in corpore non est, ab eo derivari non potest.

X. Dicit *Baronius*: Peccatum inest virtualiter in corpore. Nego hoc, & dico

quod animæ insit efficienter, in corpore tantum per modum receptionis, quomodo omne agens principale cum instrumentali conjunctione agendo imprimit huic dispositiones, & verò nullas ab illà ad se recipit. Pergunt *Estius & Baronius*: Accidentia per quandam infectionem traducuntur, ut non traducatur unum subjectum, quomodo hæreses atque errores ab uno in multos propagantur, non transeunte eorum subjecto, id est, animæ. Eodem modo propagatio peccati non requirit simul translationem animæ, quia non traducitur accidens unum numero, sed producitur accidens specie idem. Respondeo: Vana est distinctio. Accidens non est citrà subjectum, qualecunque illud sit, an numero idem, an specie idem. Namque hæc quidem omnia requirunt eodem modo subjectum. An verò hæresis est vitium connatum & naturale, uti peccatum quod propagatur? Nequaquam, sed est acquisitum à conversatione atque educatione. Cæterum quis is qui mutat errores, mutaverit formam, & Augustinus Orthodoxus erit formaliter diversus à se Manichæo?

XI. Ità movent lapidem omnem, & gravissimam sese liberent accusationem. Astrà omnia! Dicit *Cornelius à Lapide*: Anima filii trahit peccatum hoc à parente etiam tunc, cum parens justificatus est ab originali & alio peccato omni. Quomodo ergo peccatum hoc à parentis animæ in quâ non est, in animam filii traduci potest? *Commentariis in Epistolam ad Romanos cap. 5. num. 291.* Respondeo: Procreatio est juris naturæ communis, regeneratio est doni supernaturalis. Generant

rant parentes quā homines sunt, non verò, quā homines sancti sunt, *Genes. 5. 3. Iohan. 3. 19. I. Corinth. 15. 22. 47. 49.* Natura est etiam apud sanctissimos inhaerenter prava, non enim regeneratio & iustificatio tollunt peccata, ut non sint, verū regunt, ut non impotentur.

XII. *Quintum*: Quicumque est in lumbis progenitorum, ille ab iisdem corporis & simul animæ originem ducit. At posterī sunt in lumbis progenitorum. Ergò. Minor est Hebræor. 7. 10. *Excipiunt*: Posterī sunt in lumbis Majorum, non quidem secundum animam, verū secundum corpus, quod virtute seminis paterni efformetur corpus filiorum, & disponatur ad recipiendam animam, quam infundit Deus, *Cornelius à Lapide commentarius ad h. l. num. 42.* Respondeo: (1) Totus homo est in lumbis progenitorum suorum, perinde etiam anima, quæ non minus ad compositum hominis pertinet ac corpus. (2) Verum est, quod virtute seminis paterni efformetur corpus filiorum. Nempè semen in uterum effunditur, simul anima multiplicatur, & præsens actu in semine operatur, corpus format, corpus subit atque informat, non jam patris anima, sed à patris & matris animā noviter effecta & filio communicata. (3) Si Deus animam creat, & corpori secundum dispositionem communicat, non sanè homo generans, sed Deus animam corpori infundens, causa efficiens hominis est, atque ita homo creabitur, non verò generabitur.

XIII. *Sextum*: Quicquid sibi simile generat, illud formā in generando quoq;

communicat. Atqui homo sibi simile generat. Ergò. *Rursum*: Generatione conservantur species. Atqui solius materiæ propagatione non conservantur species. Ergò. *Item*: Quicumque per generationem in speciebus suis multiplicant sese, illi per generationem producant formas specificas. Atqui homo per generationem in specie suā multiplicat sese. Ergò homo per generationem producit formam specificam. Excipiunt *Alstedius & Horneius*: (1) Qui hominem occidere dicitur, ille tantum corpus ejus perimit: sic homo generat hominem, quamvis non generet animam. *Respondeo*: Corpus perimere nemo potest, quod illud per se non vivat, sed per aliud. Ergò qui hominem perimit, id facit, quod actiones animæ, quæ per corpus exerceri solent, destruat. Non ergò solius corporis causa corrumpens est. (2) Homo hominem generat, quamvis anima infundatur, sufficit enim, quod parentes producant corpus, velut subjectum animæ, eamque à Deo inditam cum corpore uniunt, ut totus homo in lucem edatur. *Respondeo*: Contradictum in adjecto est, quod homo generat hominem, nec tamen animā, quæ personam hominis constituit, propagat. Argumentatur: Denominatio fit à potiori. Atqui anima est potior hominis pars. Ergò ab illā fit hominis denominatio. Si ergò anima in naturā constitutā homini infunditur, creabitur ille, & non generabitur, quod absurdum esse, non semel diximus.

XIV. *Instant Baronius & Derodon*: Generatio non consistit in productione formæ, sed in conjunctione formæ cum materiā. *Respondeo*: Conjectio est access.

accessorium, sed principale est partium constitutarum productio, adeoque ne cogitando quidem apprehendi potest, quomodo actionis natura posita magis sit in accessorio, quam in principali. Deinde: Generatio est actio, quæ vivens sibi simile producit. Atqui non est vivens, quod tantum cadaver est. Neque simile est, quod non habet illud, à quo dependet similitudo essentia. Hoc forma est. Pergunt *Baronius & Derodon*: (1) Generatio compositi non est productio materiae, nam materia propriè dicta est ingenerabilis, & non potest à quopiam produci, nisi à solo DEO. *Respondeo*: Semen est materia. Semen generatur. Ergò materia generatur. Major constat. Minor est in sacris literis, *Genes.* 1. 11. 12. 22. 28. 29. Et si nec materia, nec forma generatur, quid ergò in viribus naturæ est, ut ab illâ generetur? Nihil, eritque umbra quædam sine re. (2) Natura hominis in eo consistit, quod constat, ex animâ & corpore. Atqui per actionem quæ anima unitur cum corpore, homo fit compositum, quod constat ex corpore & animâ. Ergò per actionem illam producit homo. *Respondeo*: Postquam creationi successit opus generationis, homo tam in esse, quam in fieri constat ex corpore & animâ invicem conjunctis. Atqui falsum est, quod in fieri sit tale, cum anima creatur. Namque iste modus in fieri non est consentaneus naturæ, verum supra illam est, *Genes.* 2. 7. cap. 5. 3. (3) Compositum naturale tunc etiam dicitur produci, cum forma jungitur ad materiam novi-

ter productam. Sic in novissimo die homines de novo producentur, & de novo accipient esse hominis per veram productionem substantialem, nec tamen eorum animæ de novo producentur, quia hætenus exstiterunt. *Respondeo*: De illâ productione loquimur, quæ est naturæ consentanea, quæque vocatur generatio. Et per hanc actionem uti verè producit aliquid quod hætenus non fuit, ita producit quæ omnes partes suas vi generativâ. Actio miraculosa est & creationi par, quando homines non quidem producentur novi, sed restituantur veteres in novissimo die, adeoque generatio non est, quia nec opus naturæ est, nec individua nova sunt: est verò velut regeneratio, *Matthæi* 28. & verè dicta resurrectio, quia reparabitur corpus, quod hætenus projectum, dissolutum, sparsum in Dei omnipotentis custodiâ repositum est, & formæ suæ restituetur, quæ incolumis perseveravit. Rursum argumentamur: Quicumque formam addit materiæ, ille unit partes ambas & verè generat. Atqui Deus formam addit materiæ. Ergò DEUS unit partes ambas & verè generat. Si DEUS generat, homo non generat, non multiplicatur, non implet terram, *Genes.* 1. 27. 28. Nullus est benedictionis divinæ in homine effectus.

XV. Reponit *Baronius*: DEUS infundit animam in corpus, non quod substantialiter, sed quod localiter jungat animam & corpus, id est, creat animam in corpore, & perejus creationem in tali ubi efficit etiam localiter præsentem in corpore. Quod substanti-

rialiter cum corpore unitur, est à virtute seminali & parentibus. *Respondeo*: Futilia sunt omnia! Si adest forma localiter, adest quoque substantialiter, neq; possunt hæc ab invicem distingui. Ratio hæc est: Ubicunq; adest anima modo quocunq; ibi adest substantialiter. Atqui in corpore producto adest anima. Ergò adest ibi substantialiter. Et quæ est illa virtus seminalis? Delirium. Nomina mera sonant, rem ipsam verò tollunt.

XVI. *Septimum*: Quod bruta in opere generationis habent secundum leges naturæ institutæ, illud etiam homo habet. Atqui bruta in opere generationis habent secundum leges naturæ institutæ, ut corpus & animam simul propagent. Ergò. Major constat ex *Genes.* 1. 22. 25. 28. Excipiunt: (1) Nobilior est hominis origo quàm brutorum, cum statuitur, animam hominis à Deo infundi, *Alstedius* & *Jacchæus* l. d. *Respondeo*: Imò nobilior est brutorum operatio, cum adimitur homini propagatio animarum, quæ brutis attribuitur. Ità citrà dubium vir perfectus & virtute generandi præditus nobilior multò est, quàm Eunuchus, cui facultas illa non suppetit. Naturam qualitativis vestitam consideramus, ejus privilegium eminentissimum est generatio. Quoniam ergò Deus hominem naturæ undiquaq; perfectæ compotem fecit, quomodo illi facultatem generandi tribuisset dimidiam, quam brutis communicavit integram? (2) Bruta propagant animam sensitivam. Ergò etiam homo animam sensitivam propagabit tantum, non verò intellectivam, quæ est immaterialis, *Franciscus Junius* l. d.

Respondeo: Non video, quomodo homo animam sensitivam producat, ut non simul intellectiva propagetur. Neq; enim sensitiva & intellectiva animæ in homine vel divisæ vel separatæ sunt, quod contrà *Zabarellam libro de facultatibus anima cap.* 8. & monstruosas opiniones *Conimbricensium lib. 2. de animâ cap. 1. quest. 4. artic. 1. & 2.* omnis turba Sapientum statuit, uti dicemus infra cap. VI.

XVII. Pergunt *Junius, Alstedius, Zeifoldus*: (1) Deus animam inspiravit Adamo, *Genes.* 2. 7. Ergò & posterius ejus animas suas per inspirationem accipiunt. *Respondeo*: Quare non colligamus eodem modo? Corpus Adami formatum est à Deo. Ergò etiam posterorum ejus corpora format Deus? Nunquam satis ostendent Adversarii, quamobrem de animâ procedit collectio, & non simul de corpore. Ergò tempora distinguenda sunt, ne Deo tribuatur, quod naturæ est; & vicissim, ne imputetur naturæ, quod Dei est. Primas rerum formas Deus creavit, inde benedictionem illis impertivit, ut se porro ad seculi finem multiplicarent, itaq; creatio est naturæ institutæ, generatio est naturæ prorogata eximium privilegium. Cessavit enim Deus ab operibus suis, *Genes.* 2. 1. 2. Regenerunt: Cessavit quidem Deus à creatione specierum novarum, non verò à productione novorum individuorum, & animæ, quas deinceps creavit, non quidem specie differt, sed numero ab animâ Adami progenitoris, quam primò creavit, *Bonfrerius commentarii ad h. l. pag. 111.* *Baronius l. d. pag. 101.* *Respondeo*: Ita cessavit DEUS, uti operatus fuerat.

Ddd

Atqui

Atqui operatus fuerat species & unâ individua condendo. Ergò cessavit deinceps & specierum individua unâ condendo. (2) Anima Servatoris non est ex traduce, quoniam ille partem in terris non habuit. Ergò etiam nostræ animæ non sunt ex traduce. *Respondeo*: Nego antecedens. Servator animam suam habuit ab animâ virginis matris, cateroquin non esset verus homo factus, neque secundum carnem ex Patribus esse, verè dicetur, *Johan. 1. 14. Romanor. 9. 5. Hebra. 1. 14. 15.* (3) Spiritus Dei vitam indit hominibus, *Iobi 33. 4.* Dominus format spiritum hominis in illo, *Zacharia 12. 1.* Ergò anima hominis creando infunditur. *Respondeo*: Nego consequentiam. DEus vitam indit, & format spiritum hominis, velut Causa universalis, à quâ primò esse cepit vita & anima hominis, & quæ causas secundas, postquam illæ ceperunt esse, in operando sustentat. Ità corpus hominis format in utero, quod tamen nemo dixerit, creari ab illo, *Iobi 10. 10. 11. Psalm. 139. 5. seqq.* Dat escam omni carni, & animantia implet cum benedictione, *Psalm. 104. 23. Psalm. 146. 8.* non tamen citrà laborem proprium, *Genes. 3. 17. 18.* (4) Anima redit ad DEum immediatè, *Ecclesiast. 12. 7.* Ergò immediatè ab illo facta est. *Resp.* Negatur connexum. Generatio hominis sequitur ordinem naturæ vegetantis, quæ se totam propagandi virtutem à DEo accepit. Corruptio propter dissoluturam partium statum inæqualem, & ipsa terminatur inæqualiter. (5) Scriptura distinguit Patres corporum & spirituum, *Hebra. 12. 9.*

Ergò corpora nostra dant patres interris, animam verò habemus à patre celesti, Justinianus, Gomarus, Ertius commentariis ad h. l. *Respondeo*: Antecedens fallit non rectè allegando textum sacrum, in quo est *πατέρας τῆς σαρκός*. At qui non sunt idem *σῶμα* corpus & *σὰρξ* caro. Parentes in terris sunt patres carnis, ubi manifestum est, quod caro significat totum hominem animâ & corpore pariter constantem, *Genes. 6. 11. Deuter. 5. 32. Psalm. 145. 21. Isai. 2. 28. Matth. 24. 22. Luca. 3. 6. Johan. 1. 14. cap. 3. 5. Roman. 1. 4. cap. 7. 8. cap. 9. 5. Gal. 5. 20.* DEus verò est pater spiritualis (ut ponatur abstractum pro concreto, quod Scriptoribus sacris usitatum est) quia homines adoptat in filios per regenerationem ex verbo, fide, Sacramentis, ut rectè hic annotavit *Theodoretus*, & confirmatur ex *Johan. 1. 12. 1. Corinth. 1. 13. Galat. 3. 26.* (6) Si anima propagatur à parentibus, aut ex semine oritur illa, aut ex animâ. Non illud, quia semen est corpus, ideòque non potest materia illius esse, quod corporis naturam excedit. Non hoc, quia anima est indivisibilis. *Respondeo*: Propositionis consequens verum est, scilicet animas se progenerat animam. Nec tamen divisibilis est, quia immaterialis est. Multiplicatur per emanationem communicativam, quomodo candela una succendit aliam citrà ullam sui divisibilitatem. (7) Si anima propagatur à parentibus, vel ex animâ procedit illa, vel ex corpore. Non ex animâ, quoniam substantia incorporea non potest generare. Non ex corpore, quoniam corpora non est.

Ergo ex nihilo productur à DEO, & infunditur. *Respondeo*: Propositionis antecedens verum est, nimirum anima ex se progenerat animam. Ratio negationis falsa est. Quanquam enim spiritibus à corpore liberis, quales Angeli sunt, non competat propagatio, alia tamen ratio est Spirituum in corpore mortali habitantium, quales sunt animæ. Bucanus in *Analysi Theolog.* pag. 486. regerit, *ex animâ non potest semen decidi, ergo nec anima generabit animam.* *Respondeo*: Generatio animæ non est per modum alterationis, ad quam requiritur semen, verum est per modum emanationis, quæ non requirit semen. Candelâ una efficit alteram, citrà decisionem. Animæ generatio non fit ex semine, licet cum semine prolifico traducatur.

XVIII. Instat *Waleus & Maccovius*: Si anima propagatur à parentibus, vel ab animâ matris propagabitur illa, vel ab animâ utriusque. Nihil horum dici potest, nisi animæ vel dividantur, vel commisceantur. *Respondeo*: Propositionis membrum ultimum verum est. Etenim causæ sociæ stant pro unâ, quia conjunctim influunt, idèq; generatio est compositi. Pater & mater vi benedictionis divinæ conjunctim efficiunt, à quibus proindè est unus effectus ille, *Genes. 2. 24. Matth. 19. 6. Ephes. 5. 31.* Frustrâ hîc vel divisio metuitur, vel permistio. Conjunge duas faces, accende tertiam, certè hæc tertia nec duplicata est, nec dimidiâ flammæ partem ab unâ, dimidiâ ab alterâ petet, sed tota accendetur ab utraq; Quare hoc? Quia duæ faces illæ, non

ut diversæ, verum ut conjunctæ, lumen ex se communicant faci tertiar. Reponit *Alstedius*: Non valet simile, quia fax est corporum aliquod, itaque mirum non est, si una ab alterâ excipiat flammâs, citrà alterius diminutionem, secus verò est de anima, quæ est incorporea. *Respondeo*: Simile hoc illustrat materiam præsentem, quod non est dubium. Flama tantum est in materia subjectâ pingui, nec extrâ eam communicatur vel accenditur, itâ anima in hoc rerum statu non est extrâ corpus suum, nec extrâ illud propagatur. Et cum propagatur, copulatione naturali consociantur parentes, ut duo sint in unâ carne, atque itâ quomodò faces duæ flammâ unam ostendunt, ad unitatem quandam in istâ carnis conjunctione rediguntur, novamque animam ex se conjunctim propagant. Breviter: Si corpora substantia citrà diminutionem quantitatis aliam & similem substantiam corporiam ex se traducit, multò magis hoc faciat substantia spiritualis, quæ non habet qualitatem extensivam.

CAPVT QVARTVM,

De Extensione animæ,

SUMMARI A.

1. *Sententia veterum.*
2. *Rationes nostræ.*
3. *Facultates animæ.*
4. *Motus animæ.*

5. *Anima migratio.*
6. *Recisio membri.*
7. *Bodini opinio.*
7. *Aristotelis testimonium.*
9. *Forme informatio.*
10. *Pars extrâ partem.*

I.

Quæritur: *An anima rationalis sit tota in corpore toto, & tota in qualibet corporis parte?* Respondeo: Affirmant Laëtantius libro de opificio Dei cap. 16. Tertullianus libro de animâ. Et sequuntur Julius Scaliger Exercit. 67. sect. 2. Exercit. 297. sect. 1. Exercit. 307. sect. 29. Zabarella libro de anima partitionibus cap. 14. 15. Fortunius Licetus libro peculiari, Renatus Cartesius libro de passionibus anima Artic. 30. Ludovicus Vives libro. 1. de animâ 49. 50. Antonius Ruvio commentariis ad lib. 2. de animâ pag. 111. seqq; Claudius Boucardus libro de anima part. 3. theorem. 4. Franciscus Toletus commentariis ibidem quæst. 4. Piccolomineus libro de sede anima, Conimbricenses lib. 2. de anima cap. 1. quæst. 9. Eademque sententia, fuit Sapientum veterum, Xenocratis, Pythagoræ, Possidonii, Hippocratis, Heracliti, Zenonis, Democriti, Hipparchi, quando rectè interpretamur illorum placita, ut illa referunt Aristoteles lib. 1. de anima cap. 3. 4. Macrobius lib. 1. in somnium Scipionis cap. 14. 15.

II. Veritatem assertionis demonstrant rationes: (1). Nulla forma substantialis operatur, nisi ubi substantialiter præsens est. Atqui omnis vera pars animalis habet operationes aliquas animæ. Ergò omnis vera pars animalis habet sibi animam substantialiter

præsentem. Major constat: Adjunctum non est citrà subjectum proprium. Minor probatur: Omnes partes corporis animati sunt instrumenta animæ condita ad certos usus, (2) Omnis spiritus totus est, ubi est. Ergò anima tota est, in corpore & qualibet parte corporis. Major constat: spiritus est indivisibilis, partium expers instat puncti, itaq; illius pars nulla extrâ partem aliâ est. Minor conceditur vulgò, unde fluit nova illatio: Quicquid instat puncti est, & neque per se neque per accidens extensum, illud totum est, ubicunq; est. Anima rationalis neq; per se neq; per accidens extensa est. Ergò. (3) Omnis forma informans permeat totum compositum & singulas ejus partes. Anima rationalis est forma informans hominem. Ergò permeat totum compositum & partes ejus singulas. Major est decretum Aristotelis lib. 8. Physicor. text. 78. & probatur ratione: Quilibet actus formalis ad omnes subjecti formati partes se habet æqualiter. Minor certa est ex illis, quæ diximus *suprà* cap. 2. dist. 1. (4) Quodcunque est in toto subjecto informationis, illud etiam in singulis ejus subjecti partibus est. Anima rationalis est in toto subjecto informationis. Ergò etiam in singulis ejus subjecti partibus inest. Major constat: Totum est collectio omnium partium suarum. Minor est conclusio præcedentis syllogismi.

III. Proinde concludimus, animam rationalem non esse locatam secundum substantiam suam in aliquo certo membro totam, sed ipsam diffusam & totam esse:

esse in corpore vivo, & in qualibet parte ejus. Negant Timplerus *lib. 2. System. Metaphys. cap. 5. quæst. 6.* Sebast. Foxius *lib. 5. Philosophia naturalis pag. 590.* Taurcellus in *coronide libri de vita & morte Theorem. 7. & 8. & lib. 5. Apium casarum quæst. 6.* Andreas Cæsalpinus *lib. 5. quæstionum Peripatet. 6.* Bernh. Teleseus *lib. 5. de naturæ rerum cap. 34. 35.* Antonius Roccus *libro de anima Exercitat. 8.* Simon Portius *libro de mente humana cap. 7.* Conradus Vorstius *notis ad librum de Deo & attributis divinis pag. 241.* Joh. Bodinus *lib. 4. Theatri naturæ pag. 509. 510.* David Derodon *part. 2. Phys. contractæ cap. 5. art. 4. dist. 54. seqq.* Gerhardus Joh. Vossius *lib. 3. de origine & progressu idololatriæ cap. 40.* Joachimus Burserus *lib. 2. Instituit. Physicarum cap. 15. quod anima tota sit in toto corpore, & in qualibet parte totius, ejusque domicilium proprium statuunt Cor esse, intra quod ad certam distantiam versus reliqua membra ciet actiones. Et Derodon quidem istas rationes profert: Primò: Si tota anima est in parte qualibet, etiam facultates & actiones ejus in parte qualibet fuerint, & pes poterit videre, gustare, audire. Respondeo: Si anima est ibi facultates ejus pariter sunt, quia sunt adjuncta propria, & idcirco à subjectis suis inseparabilia. In pedibus æquè intellectus est visus, auditus, gustus, uti in capite, oculo, auribus, linguâ, nec tamen pes intelligit, videt, audit, gustat, quod propria instrumenta non habeat. Videndi facultas est in pede, ut si pes haberet oculum, etiam videret, ajunt Scaliger *Exercitat. 297. sect. 1.* & Zabarella *libro de partitione ani-**

ma cap. 14. Ibi se facultates exerunt, ubi instrumenta propria habent.

IV. *Secundò:* Impossibile est eandem substantiam contrariis motibus eodem tempore ferri. Atqui cum dextram manum fero sursum, & sinistram deorsum, contrarii motus sunt, qui ad animam sese porrigunt. Ergò anima non est tota in toto corpore. Respondeo: Non sunt contrarii motus, quia non destruunt sese. Et non est causa agens eadem, quatenus dextra manus & sinistra in diversis corporis viventis partibus sunt.

V. *Tertiò:* Impossibile est, animam rationalem crescere & rarefieri, migrare de subjecto in subjectum, quia hæc corporibus tantum competunt. Atqui anima rationalis cresceret, rareficeret, de loco in locum migraret, si ad corporis extensionem, quæ semper accrescit applicatur, ut tota sit in corpore toto. Respondeo: Nullum est in animâ incrementum, quia experts quantitatis est.

VI. *Quartò:* Si tota anima est in pede, ab illo reciso anima tota rescabitur. Absurdum est posterius. Ergò & prius. Respondeo: Negatur connexum, quia forma non est materialis, igitur rei materiæ affectionem, qualis est refectio, non potest suscipere. Spiritus neque secari neque dividi potest. Quod notetur adversus monstrosam opinionem Burseri *lib. 3. Instituit. Physic. cap. 3.* ubi statuit, animæ partem aliquam refelli unâ, cum membrum aliquod viventis corporis amputatur, & corrumpi, donec postliminio reatuatur & velut nova reproducatur, tunc cum Deus reddet animæ corpus suum in Resurrectione universali. *Hac ille.* Exem-

plum est in candelâ ardente, quam si à parte superiore fungi liberas, nihil demitur tamen flammæ vigenti. Cum membrum corporis amputatur, anima citrà suilaxionem in seipsam recurrit & redit, fluxum suspendit, nequaquam facta inde imperfectior. Sicut in auctione corporis nulla nova pars ei accedit, ità in corporis diminutione nihil ei perit.

VII. Dicit *Bodinus*: Aristoteles in corde solùm ponit animam, lib. 3. de partibus animalium cap. 4. *Respondeo*: Argumentamur. Nulla forma dat rei alicui esse & operari, nisi illi uniatur substantialiter. Atqui omnis pars corporis habet esse & operari animarum. Ergò etiam parti omni unita est anima substantialiter. *Rursum*: Si animæ essentia est solùm in corde, & verò ejus vis per corpus reliquum mediantibus actibus dispersa, certè homo non est unum per se, verum per accidens, nec totum corpus animatum esse dici potest. Virtutes enim quæ ab animâ porrigi dicuntur, quia sunt accidentia, ut Thomistæ loquuntur, non possunt substantiam, qualis est corpus animatum, efficere & constantibus modis informare. Rectè *Scaliger*: Per præsentem substantiam mens corpus totum informat, non verò per accidentales proprietates à membro præcipuo, in quo residet, effusas. Alioquin membrum istud, in quo est, verè tantum informaretur, & homo vel alia quædam species esset, reliquum nihil penè, sed quasi appendix sine formâ, *Exercit.* 307. *sect.* 29.

VIII. Aristotelis dictum respicit ad

animæ operationes eminentiores. Cuius est principale membrum corporis animati, quod equidem non concludit animæ essentiam intrâ se velut propria & determinata sedes, verum facultates ab animâ fluentes & calido innato confirmatas dispensat quaquaversum, uti prolixius disputat *Zabarella libro de partitione anima cap. 5.* Reliquorum membrorum operationes ab influxu vitalis spiritus, qui in corde generatur & depuratur, pendunt. Itaque Aristoteles ipse docet, animam esse *απειροβ* 7. indivisibile quoddam, lib. 2. de animâ text. 92. Proinde ubi est, tota est, & in toto corpore tota, nusquam membrorum exclusa, nusquam inclusa.

IX. Instat *Bodinus*: Quamvis demonstratum sit, animam toti corpori infusam, uti materiæ formam, incongruè tamen dicitur, tota esse in toto, & in qualibet parte totius, neque enim forma per se aut materia corpus est, sed utrumque conjunctim. *Respondeo*: Maxime liquida demonstratio est: Omnis forma informat totam materiam pro conservando composito. Et falsum est, quod materia corpus non sit, sed forma & materia junctim. Corpus materiæ, anima forma est, ex quibus unitis compositum animatum exsurgit.

X. Concludit *Bodinus*: Qui totam animâ in toto corpore & in omnibus partibus ejus collocat, simul, ille partem extrapartem. Nam organa & membra corporis à se invicem quantitate & locis separata sunt, non potest igitur anima tota esse in vertice capitis, & tota simul & semel eodem momento in calce & corde. *Respondeo*: Non sunt disjuncta, sed connexa sine in-

teruallo, alterum membrum est extrâ alterum, sed non citrà alterum. Hinc per-
meat interruptis modis, & quomâ sic per-
meat, hoc diuiniorem ejus originem &
statum arguit. Neque enim est totum
quantitativum, quod partibus constat;
sed est totum potestativum, quod non
habet partes.

CAPVT QVINTVM,

Diatriba singularis de im-
mortalitate animæ.

SUMMARIA.

1. Socini interpretatio.
2. Anima redit ad Deum.
3. Anima efficiens vitæ.
4. Anima intellectiva.
5. Anima ab isto in cælos.
6. Venire ad Deum judicem.
7. Testimonium naturæ.
8. Platonis sententia.
9. Aristotelis sententia.
10. Examen sententiæ.
11. Anima reditus ad corpus.
12. Testimonium Senecæ.

COrpus redit in terram, quemadmodum
fuerat, animus verò redit ad Deum,
qui dedit illum.] Ecclesiastæ 12. 7. Testi-
monium insigne est de animæ immorta-
litate, quod sinistris expositionibus cor-
rumpit Faustus Socinus libro de statu pri-
mi hominis pag. 79. Ejus verba sunt ista:
(1) Cum dicitur, qui dedit eum, non
probatur necessario, quod Salomon agat
de re aliqua subsistente per se, verum

possunt etiam dici verba illa de re ali-
quâ per se nō subsistente, quomodo legi-
tur Deus dare nobis vires, bonam vale-
tudinem, sapientia, in vitam animale[m],
quæ omnia tamen per se non subsistunt.
(2) Spiritus hoc loco significat vitam a-
nimalem, quæ cum nec per se aliquo mo-
do subsistat, nec tamen evanescere pos-
sit, ad Deum, qui eam dederat, velut
ad vitæ omnis fontem, cum ab eo rece-
dit, cui data erat, ut revertatur, oportet.
(3) Anima sive mens rationalis, de
quâ vulgò hunc locum exponunt, non est
vis quâ vivimus & sentimus, sed quâ in-
telligimus. Quæ cum non animat vel vi-
vificat terram hanc, ex quâ creati sumus,
sed animatam & vivificam regat, seu po-
tius ei regendæ & gubernandæ præposita
fuerit, cum de vitæ animalis hujus dislo-
cutione loqueretur Salomon, non ipsam
quidem terræ & pulveri, sed illam vim,
quæ ipsam animat & vivificat, & sine
quâ Spiritus destitutus in locum suum
revertitur, opposuit, quæ à pulvere,
quem Dei jussu reliquerat, ad locum suum
& ipsa redit. (4) Certissimum est, hunc
sensum Autoris esse, & ex eo intelligitur,
quod alioquin, si Spiritus appellatione Men-
tem intellexisset, omnium hominū animi
reverterentur ad Deum, & in cælos mi-
grarent. Ibi n. de illo quod hominibus
omnib⁹ contingit, sermo est. (5) Impiorū
verò animas per se subsistentes in morte
ad Deum reverti, impium est dictū, uti
satis constat ex sacris literis, quæ docent,
nonnisi vitæ innocentia & pietate nobis
aditum in cælos patefieri. *Hæc ille.*

II. Respondebimus ordine. Et primò
quidem non tam ex verbo *dedit*, quàm pe-
nes

nes stante verbo, *redit*, nostra demonstratio surgit, quando illud arguit manifestò satis, agi dere aliquà per se subsistente, & apud Deum in statu suo ità existente, ut verissimè pati atque agere possit. Respicit verò ad primam creationem, de quà simile dicendi genus adhibent Jobus *cap. 33. 4.* & Zacharias *cap. 12. 1.* Proinde constat satis, quod Anima rationalis sit Spiritus per se subsistens.

III. *Secundò*: Et quod Salomon de animà nostrà velut principio efficiēte vitæ agat, porrò constat, (1) Quia opponuntur ex æquo veluti, Spiritus ac Corpus, atque ille dicitur *ad Deum redire*, hoc verò *ad terram*, utrumque hominis principium oritur, quando homo existit, utrumque cum hominis destructione patitur aliquid, quamquam inæqualiter, uti quidem res ipsæ aliquam implicant inæqualitatem. (2) Quia nulla ratio est, quare de vitâ animali verba faciat, ubi de homine agit, quem informat Anima rationalis, & verò ità ut arguat hominem vitæ melioris capacem, quatenus ad Dei imaginem creatus est. (3) Quia animæ nostræ creatio in primo homine, (uti describitur *Genes. 2. 7.*) manifestò ostendit, esse illam divinæ particulam auræ, id est, subsistentem verè & multò dissimilem evanidis formis aliis, quæ non inspirabantur ab autore vitæ melioris, Deo. (4) Quia frustra Thomistica doctrina adfertur, ut tres animæ distinctæ in homine ponantur; ac forsân perimendis animis nostris via muniatur, ut alius homo vivat in seculo altero, nostrique seculi homo prorsus eliminetur cum Geisteranis & Quakeris,

indignis illis ut vitæ præsentis aurâ fruatur, quando ingratissimi hominum alterius seculi bono spoliant seipsos. Una est in homine anima, quam vocamus Mentem, principium vitæ, sensus, intellectus. (5) Non rectè dicitur, *spiritus non subsistit per se, nec evanescit*. Si non subsistit, accidens est, & verò accidens destructo subiecto perit atque evanescit omninò, quia cum præ illo ignobilis sit, non habet nobiliorem durationem. (6) Et quomodò accidens illud *revertitur ad Deum*? Fabulæ sunt ociosi hominis, quique Religionis veræ præmia non satis benè expendit.

IV. *Tertiò*: Malè separat animam sensitivam ab intelligente, neque hanc animam intelligentem, quàm vocat Mentem, debebat pro assistente hominis formâ obtrudere, quod delirium *Averrhòis & Tuémistii* erat olim, atque post eos defenderunt *Pomponatius, Simon Portius, Cæsar Cremoninus*. Atquinam illi? Verbo, Epicurei & qui vitæ hujus bonis metiebantur omnia, Falsa ergò sunt illa: *Mens non animat, sed dirigit*. Certè Mens præstat utrumque. Nam & corpus animat, & dirigit. Argumentamur: Quicquid non est Ens per se subsistens, illud non potest actuare materiam. Atqui anima sentiens non est Ens per se subsistens, uti quidem *Soci-nus* ait. Ergò non potest actuare materiam.

V. *Quartò*: Non valet connexum, *Anima hominum omnium revertuntur ad Deum & migrant in cælos*. Namque hæc longè diversa equidem sunt, ut esse possint & possint non esse, adeoque non additur

ditur in textu, *migrant in caelos*, quando hoc prauum Socini interpretamentum est. Et quamobrem negat, impiorum Spiritus ad Deum revertere? Scilicet, quia putat, impios non esse olim resuscitandos, neq; processuram vitam ex fonte vitæ, DEO, advivificandos ipsos, ut ad sese recolligant vitam meliorem, quam hæc erat, qua fruuntur mortales.

VI. *Quinto*: Scire debebat venire ipsos ad Deum iudicem, & quidem venire, unde omni modo animi impiorum quoque subsistentiam habent. Non ut bene sit ijs, quando ita non promeruerunt, dum licebat vel pœnis vel præmiis operam navare in hoc mundo: sed quod illis male sit, ob irrogata supplicia, quæ non desunt illis hæcenus, cum sunt in statu separato, *Lucæ 16. 23. seqq.* Namque vita illa, quæ vitæ pietate atque innocentia paratur, est vita cœlestis, plena gaudii, neq; tamen vivunt minus illi, qui secundum animam & corpus infernorum suppliciis vexantur nunquam desituris *Matth. 10. 28.*

VII. Quod anima sit immortalis, multis rationibus è Naturæ libro derivatis probare conantur Wilhelmus Postellus *lib. 1. de Concordiâ orbis cap. 20. 21.* Claudius Boucardus *libro de anima p. art. 3. theorem. 1.* Philippus Mornæus *libro de veritate Religionis cap. 14. & 15.* Joh. Picus Mirandulanus & Petrus Gregorius Tholosanus *libris de immortalitate anima.* Validissima est illa, quæ provocat ad consensum omnium Gentium, adeoque certum est, quod animorum immortalitatem statuerint Ægyptii, Galli, Romani, Macedones, Persæ, Arabes, Thraces,

Chaldæi, Gotti, Indi Orientales & Occidentales, Herodotus *lib. 2. & 5. histor.* Cæsar *lib. 6. de bello Gallico*, Cicero *libris de amicitia & senectute, lib. 1. Tusculan. quest.* Xenophon *lib. 8. pædæ*, Agathias *lib. 2. histor.* Pausanias *in Messeniæcis*, Joh. Magni *lib. 1. Historia Septentrional. cap. 13.* Strabo *lib. 15. Geograph.* Hugo Linschotanus *part. 1. navigationum. cap. 25.* Josephus Acosta *lib. 5. cap. 8.* Hieronymus Benzoni *lib. 3. historiar. cap. 20.*

VIII. De Platone Academicorum Principe certum est, quod animas crediderit immortales esse, ut multis ejus testimoniis in *Gorgia, Menone, Phædro, libris de Republica* ostenditur, imprimis de statu felice piorum Manium locus elegans est in *sine Apologia pro Socrate*. Ejus sectatores Jamblichus, Plotinus, Chalcidius, Alcinous plurima argumenta conquirunt, quorum decem enotant Benedictus Pererius *lib. 6. Philosoph. naturalis cap. 19.* Piccolominus *lib. 2. de Mente humana cap. 9.* Hannibal Rosellius *commentariis ad Pimandrum Trisnegisti Tomo 6. pag. 2. 3. 4. 5.* Inter cætera hoc est: Quodcumq; semper & à seipso movetur, illud est perpetuæ durationis. Atqui anima semper & à seipsâ movetur. Ergo anima est cum perpetuâ duratione. Ità Plato ipse in *Phædro*. Impugnant Peripatetici, & nunc negant, quod aliquid moveatur à seipso, nunc inficiantur, quod moveatur anima semper, quæ motu omni careat, Aristoteles *lib. 7. & 8. physicor. lib. 1. de anima cap. 3.* Averrhoës *commentariis ad lib. 6. Metaph. & lib. 8. physicor.* Attamen Pererius *l. d.* ut laboranti, quam putat, causæ Platonis subveniat, dicit, *αὐτενέργεια* esse idem quod

operationes à corpore abstractas habere. Verum expositio inepta est, neque Platonis sententia pigmentis huiusmodi indiget. Falsò potius differit Aristoteles, quod nihil à seipso moveatur, ut rectè monet Steph. Theupolus lib. 4. Contemplationum Academic. cap. 5.

IX. De Aristotele quid dicemas? Quod animas mortales esse docuerit, testantur Interpretes ejus clarissimi, Augustinus Niphus *libro de immortalitate animæ cap. 1.* Simon Portius *libro de mente humanâ cap. 5. 6.* Petrus Pomponatius *libro de immortalitate animæ cap. 23.* Ludovicus Vives *lib. 2. de anima pag. 146. 147.* Johan. Combacchius *lib. 4. Institut. Physic. pag. 645. 655. 656.* Franciscus Patritius *Tomo 1. Discussion. Peripatet. lib. 12. sect. 40. Tomo 2. lib. 6. num. 10.* Taurellus *lib. 2. Alpium Casarum quest. 8.* Nicolaus Contarenus *lib. 3. de perfectione rerum cap. 3.* Et ponderosæ rationes sunt, quibus hoc adstruunt: (1) Quia omne quod oritur, illud interire putat, unde non potest non animas corruptibiles statuere, quandò eas initium habere meritò credit. (2) Quia nullam formam informantem absque materiâ, quam informat, per seipsam existere posse asserit, itaque animæ nostræ separationem à corpore inficiatur. (3) Quia nullam Intelligentiam agnoscit, quæ non alicui vel orbi vel corpori movendo alligata sit, ipsumque primum Motorem eâ de causâ orbi supremo volvendo apponit: multò minus animas nostras de corpore abdicatas persistere posse credat. (4) Quia Intellectum nostrum proprium sine phantasmatis intelligere

quicquam negat: phantasmata verò à corpore & sensibus efficiuntur, itaque extrâ corpus Intellectum nostrum ponere non potest, si dicere velit, eum extra corpus ocio sempiterno torpere. (5) Quia animam nostram expressè refert inter formas corruptibiles, & à materiâ, nisi fortè perintellectum nostrum, inseparabiles, *lib. 1. physicor. text. ult. lib. 2. physic. text. 12.* (6) In Ethicis, ubi vel maximè debuisset animam immortalem pronunciare asseruit potius, quod posterorum fortunæ & calamitates minimè pertinent ad defunctos, *1. Ethic. Nicomach. cap. 11.* Quod mors sit horribilis & malorum omnium extremum, quia terminus sit, post quem neque bonum neque malum remanet homini, ut pote qui esse desiit, *lib. 3. Ethic. Nicomach. cap. 9. & 12.* (7) Quia in *libris de animâ* eam rationem asserendi statum animæ separatæ instituit, unde quid sentiat, ultrò consequitur. Si autem ones aliquæ ità propriæ animi sunt, ut ad obeundas illas nihil confert corpus, à corpore istum separari posse, & post mortem remanere arbitratur. Sin communes omnes sunt, ità ut aliquo modo à corpore vel impediuntur vel adjuvantur, non posse eum à corpore separari existimat. Omnes autem animi actiones esse communes cum corpore, & omnes animæ facultates requirere corporis communionem, ipsamque intellectionem sequi corporis temperamentum, nec sine phantasmatis fieri posse, passim notat, *lib. 1. de animâ text. 12. & 13. lib. 3. de anima text. 31. & 39.* Animam igitur immortalem adserere haudquaquam potest.

X. Adversus hos contendunt Caspar Contarenus *libro de anima immortalitate*, Antonius Natta *libro de Mente humana*, Libertus Fromondus *lib. 4. de anima cap. 1. artic. 1. & 2.* Antonius Mirandulanus *lib. 35. de certaminibus singularibus*, Alphonſus Toſtadus *commentarii ad Exodi 23. quaest. 61.* Franc. Murcia *in Cursu Philosophico part. 3. pag. 160. seqq.* Claudius Boucardus *libro de anima part. 3. theorem. 1.* Conimbricenses *libro de anima separata Disputat. 1. art. 2.* Toletus *lib. 3. de anima quaest. 15.* Piccolomineus *lib. 2. de mente humana cap. 3. 4. 5. 6. 7.* Pererius *lib. 6. de Philosophia naturali cap. 19.* Ludovicus Crocius *lib. 2. Syntagmatis Theolog. pag. 290. 291.* Zanchius *lib. 2. de homine cap. 8.* & ut evincant, quod Aristoteles serio defenderit immortalitatem animæ, varia loca ex ipso producunt. Nimirum, quod Intellectum divinum vocat, extrinsecus accedentem, separabilem, non mixtum, impassibilem, immortalem, perpetuum, *lib. 1. de anima text. 66. & 85. lib. 2. de anima text. 21. lib. 3. de anima text. 6. & 20. lib. 2. de generat. animal. cap. 4. lib. 1. de partibus animal. cap. 1.* Verum locis istis agit de Mente, sive Intellectu agente, quem vocat. Qui non est idem cum animâ hominis, sed ita appellat supremam Intelligentiam, orbis octavi motorem, uti prolixius in consuetariis exponunt Aphrodisæus, Themistiſius, Averrhoës, quibus mens Philosophi rectè præ aliis perspecta fuit. Animam hominis propriam vocat Intellectum patientem, & corruptibilem esse pronunciat, *lib. 2. de anima text. 20. lib. 3. de anima text. 5.* Ità ergo statuit, uti Græci

& Arabes movent: (1) Quod non quidem anima rationalis, sed cogitativa sit forma hominis informans, adeoque homo sit animal per illam cogitativam generationi & corruptioni, obnoxiam, hominique ab istâ formâ cogitativâ secundum omnes perfectiones efformato superveniat anima rationalis, quæ det illi perfectionem novam, sed non ponat in novâ specie. (2) Quod unus numero sit hominum omnium Intellectus, qui non multiplicatur pro hominum numero, sed unus est in totâ hominum specie, quamvis in omnibus Individuis actiones suas exerceat. (3) Quod Intellectus iste non hominibus solis, verum brutis quoque assistat, licet se non communicet ob materiæ ineptitudinem, ideoque eum quidem omnia illustrare, sed non omnia illustrari. Et intus quidem irradiare hominem, sed bruta extrinsecus collustrare, unde sit illud discrimen perceptionis in homine & bruto. *Sic ille.*

XI. Quod anima debeat aliquando cum corpore suo uniri, non perinde constat à rationis instinctu, sed est fidei articulus. Differit equidem Julius Pacius *notis ad l. 1. de anima*, quod Resurrectio mortuorum possit colligi secundum rationis ductum. Et argumentatur: Anima semper appetit unionem cum corpore suo, neque hoc desiderium, quod ei naturale est, frustra est; frustra verò esset, si non expleretur tandem. *Hæc ille*, desiderium naturale in animâ separatâ ad corpus suum, velut dubio carens, supponens. Atqui hoc negaverit *Seneca*: Corpus hoc, ait, animi pondus & pœna est, quod non aliter aspicio, quàm vinculum circumdatum libertati

inæ, *Epist.* 65. Respondebit igitur, quod anima per separationem à corpore ad summum felicitatis gradum propius accesserit, quodque Mentibus cœlestibus similior evaserit, neq; appetat, in corpus reduci velle.

XII. Adducit *Seneca* locum; Mors interruptum vitam, non eripit, veniet dies qui nos in lucem reponat, *Epist.* 36. Respondeo: Nihil aliud ille quàm Plato & omnis Stoicorum cœtus profitetur, nempe per circulationem animas reversuras in hoc seculum. Neque enim vel Stoici ipsi animarum immortalitatem sincerè credebant, tantùm abest, ut Resurrectionem mortuorum scirent. Hinc alibi *Seneca* de stagnis Lethæo igne flagrantibus: Luserunt ista Poëtæ & vanis nos agitaverunt terroribus, mors omnium dolorum finis est, ultrà quam non exeunt mala nostra, quæ nos in illam tranquillitatem, ubi eramus antequam nasceremur, reponit, *consolatione ad Marciam cap.* 19. Sic ille, pendens animi, quia luce verbi sacri destitutus omninò incertus erat de statu animæ post hanc vitam, *Ecclesiast.* 3. 21.

CAPVT SEXTVM,

De Animâ triplice.

SUMMARIA.

1. Veterum opinio.
2. Refellitur ista.
3. Solvuntur objectiones.
4. Notatur Averrhoës:

5. Homo in utero conclusus.
6. Rationes nostræ.
7. Instantia solvitur.
8. Comimbricentium opinio.
9. Homo extrà uterum positus.
10. Solvitur exceptio.
11. Spiraculum vitæ.
12. Formarum effecta.
13. Forma est simplex.
14. Substantia secunda.
15. Forma brutorum.
16. Corruptibile & incorruptibile.
17. Diversæ operationes
18. Contrariæ appetitiones.

I. Proximè dictum nobis est, quod veteres Græci & Arabes Interpretes de Intellectu agente, quem Philoſophus vocat, mira & monstroſa docuerint, videlicet, quod Intelligentia ſive Mens ſeparata una aſſiſtat hominibus omnibus, incorruptibilis, perpetua, quæ non tunc incipiat, cum homines naſcuntur, ſed ab æterno præexiſtens, omnes quicunq; naſcuntur, homines illuminando rationis capaces efficiat, dū cogitativam, quæ forma informans hominis eſt, unit ſecum per ſpecies intelligibiles & phantaſmata, quomodò Solis lumen non tunc primùm generatur, cum homo videre incipit, ſed antea præexiſtens hominem oculos primò aperiẽtem illuminat, & quamdiu oculos apertos habuerit, ut videre poſſit, facultatem impertit. Ità diſcribunt Themiftius *lib.* 2. *de anima text.* 27. Simplicius *lib.* 2. *de anima text.* 7. Averrhoës *lib.* 2. *de anima commentar.* 63. *lib.* de anima *comment.* 5. & 33. & *Diſputationibus contra Algazelem.*

Et

Et quod hæc sententia fuerit Aristotelis ipsius, planissimè fatentur Jandunus & Antonius Genuensis *ad lib. 3. de anima*, Antonius Mirandulanus *in eversione singularium certaminum lib. 32. sect. 1. lib. 33. sect. 1. & 2.* Quibus acriter contradicunt Franciscus Vicomercatus & Fortunius Licetus *libris de anima*, Antonius Ruvio *commentariis, ad lib. 2. de anima cap. 1. quest. 2.* Jacobus Zabarella *libro de mente humana cap. 3. seqq.* ut excusent Aristotelem. Quà de re non multum laborabimus.

II. Error iste longè absurdus est, uti monet Concilium Lateranense III. sess. 8. Et vleo nomine improbus, quod hominem ac brutum pari loco æstimat, & quod hominum animas interitui obnoxias esse pronunciat. Cogitativa aut parum aut nihil iuvat, quodque Intellectus jungitur homini per species intelligibiles. Nam: (1) Idem est quasi dicam, oculum seu facultatem visivam conjungi cum pariete per colorem. (2) Non potest Intellectus conjungi per phantasmata, quippe quæ sunt in phantasia, neque in Intellectu recipiuntur, sed in eo producunt speciem intelligibilem, & hæc tantum conjungitur cum Intellectu, quomodo color realis non jungitur oculo, sed speciem suam in oculo producit, quæ sola cum oculo conjungitur. (3) Si conceditur, phantasmatum ope intellectum conjungi cum hominibus, inde tamen probati non potest, hominem esse intelligentem; sed hoc tantum, quod homo sit res intellecta per phantasma, quemadmodum cum nauta videt navim, haud propterea navis dicitur

videns, & pars esse nautæ videntis. (4) Phantasmata respectu intellectus non habent nisi rationem objecti moventis, & rei cognitæ, non verò cognoscentis. Ità paries per colorem suum quo movet oculum, non fit videns. Prolixius illa enarrat Albertus Magnus *libro de unitate intellectus*.

III. Excipit Themistius: (1) Quemadmodum Sol unus existens lucem & splendorem largitur omnibus, ità Mens illa unica separata intellectiōnem hominibus omnibus impertit. *Respondeo*: Simile est, quod nihil probat. Adeoque dissimile est, quia illuminatio est actio transiens, intellectio verò est actio immanens. (2) Ubi nulla est materia, ibi non potest esse rerum distinctio. Atqui intellectus est citrà materiam. Ergo non possunt esse intellectus plures numero diversi. *Respondeo*: Minor limitatur. Non est quidem *materiatius*, sed tamen est *in materia*, adeoque habet materiam *in qua*, licet non habeat materiam *ex qua*. Est enim in corpore, & instrumentis hujus eget ad peragendas operationes suas. (3) Quod videmus, communes animi nostri prænotiones in omnibus hominibus easdem esse. Istud provenit inde, quia est unicus & communis aliquis Intellectus. *Respondeo*: Consequentia negatur. Neque enim fit hoc propter unitatem Intellectus, sed propter naturæ identitatem, & quâ omnes in idem propendemus. Quomodo oves omnes existimant lupum inimicum, columbæ accipitrem, pulli milvum, nec tamen unam numero formam habent.

IV. Instat *Averrhoës*: Si Intellectus multiplicatur secundum numerum hominum, erit generabilis & corruptibilis. Atqui posterius falsum est, quia nullæ Mentes generantur. Ergo & prius. *Respondeo*: Quod formæ omnes post absolutum Creatoris opus generentur, ostendimus evidenter alio loco.

V. Quæritur: *An in homine præter animam rationalem decur etiam sensitiva & vegetativa?* *Respondeo*: Adversariorum opiniones citrà hanc litem sunt duæ cumprimis. *Prima* est eorum, qui statuunt, penes hominem, dum in utero efformatur, tres ordine animas esse, primam vegetativam quæ vitam tribuat; quâ pereunte succedat altera, sensitiva quæ sensus omnes motumque inducat; hac verò etiam sublata immigrare demum rationalem, quæ deinceps hominem totum informet regatque, vitam, sensus, intellectum impertiat, & decedat è corpore in vitam sine supremo. Ità *Conimbricenses lib. 1. de generat. & corrupt. cap. 4. quæst. 21. artic. 3. & lib. 2. de anima cap. 1. quæst. 4. artic. 1. & 2.* *Alphonfus Caranza libro de partu naturali & legicimo pag. 49. 50. seqq.* *Johan. Fernelius lib. 5. Physiologia Medica cap. 18. & lib. 7. cap. 5.* *Hannibal Rosellius commentarius ad Trismegisti Pimandrum Tom 6. pag. 27. 28. seqq.* *Claudius Boucardus libro de anima part. 2. theorem. 4. 5.* *Bernh. Morisani commentarius ad libros de anima pag. 586. seqq.* *Franco Burgersdicius in Collegio Physico Disputat. 21. dist. 7. 8. 9. 10.* *Ludovicus Mercatus lib. Physiologia part. 4. class. 1. quæst. 98.* *Fortunius Licetus lib. 1. de ortu anima cap. 1. 2. 3.* *Antonius*

Ruvio commentarius ad lib. 2. de anima pag. 117. 118. Neque adeò multum dissentit *Joh. Bodinus lib. 4. Theatrum naturæ pag. 481. 486. 487. 488.*

VI. Sententia illa nimis horrida est itaq; repudiatur à *Francisco Toletocommentariis ad lib. 2. de anima quæst. 7.* *Thomâ Fieno libro de formatione factus pag. 158. seqq.* *Gilberto Jacchæo lib. 8. Institut. Phys. cap. 8.* *Vopisco Fortunato Plempio lib. 2. Institut. Medicarum pag. 209.* *Julio Scaligero Exercitat. 290. sect. 2.* Nos Argumentamur: Unius rei est forma una. Atqui homo in utero conclusus est res una. Ergo hominis in utero conclusi est forma una. Porro: Qualis forma est, tale formatum est. Atqui fœtus in utero conclusus habet formam plantæ, nempe vegetativam, & habet alio tempore formam bruti, nempe sensitivam. Ergo planta est, antequam brutum est; brutum est, antequam homo est. Rursum: Sublatâ formâ corrumpitur ac tollitur formatum. Atqui dicunt illi, formam vegetativam tolli; dicunt, formam sensitivam corrumpi & tolli, ergo bis corrumpetur homo & bis morietur, antequam semel nascitur, & semel perire vivit.

VII. Dicunt *Conimbricenses & Ruvio*: Fœtus dum in utero fingitur atque efformatur, primò vivit vitam plantæ, deinde animalis, denique hominis, uti docet *Aristoteles lib. 2. de generat. animal. cap. 3.* Necessè ergo est, ut totidè quoq; animas habeat per intervalla temporum. *Respondeo*: Antecedens negatur, quia confundit rem ipsam cum rei exercitio. Vita

est una eademque intra & extra uterum, anima quoque una & tota sibi semper similis est, cum omnibus facultatibus suis, neque una harum prior est altera. Sed exercitium istarum variat pro loci, temporis & instrumentorum conditione. Intra uterum agit homo vitam vegetativam solum, quia nutritur & augetur, haec enim non sentit, ob defectum instrumentorum corporis, quae ad sensationem exercendam necessariò requiruntur. Extra uterum protractus in primâ ætate vivit vitam animalis, quia sentit, nutritur, augetur, respirat; ætate prorogata vivit vitam hominis, quia rationales actiones edit in consummatis à temporum successu instrumentis corporis. Ità rectè exponit Philoponus in commentariis, quem frustra impetit Forr. Licetus l. d. cap. 30. ut Thomisticas glossas defeudat, Aristoteli incognitas.

VIII. Neque sunt leves difficultates, quas Conimbricenses movent de priorum formarum statu, easque minus rectè solvant. Rectè & meritò quaeritur de efficiente corrumpente animarum intra uterum. Dicunt, *ab ipso generante corrupti*. Deus novit, equis ille generans sit. An cælum, Sol, pater, mater? Nihil horum potest tale aliquid facere, uti manifestum est. *Virtus formativa*, ajunt, *inhatens semini, quæ materiam præparat*. Atqui nulla est ista virtus formativa, nisi ipsa anima rationalis, non quidem *inducta cælitus*, (utile quitur in naturam injurius Toletus l. d.) sed cum semine traducta à parentibus, ut præparet atq; informet materiam. Tum per alias dis-

positiones, ajunt, *quæ materiam afficiunt, ut prædicta forma non nisi ad certum tempus serventur*. Verum ubi sunt & quæ sunt dispositiones istæ? Verba mera, sapientia nihil! Nulla forma expellitur, quia nulla præter animam intellectivam cum primo conceptionis momento adest. Et porro, si animæ priores interimuntur, succedente posteriore, toties morietur homo intra uterum conclusus, quoties nova anima introducitur, atque ità ex mortuo nascetur vivum; quid enim est mori, quàm animam de corpore tolli? Rursum, si ità est, uti dicunt, quomodò non meritò dicitur, formas supervacanas esse? Ajunt illi, *naturæ ordo ità postulat, quæ progreditur ab imperfectis ad perfectâ*. Atqui hoc verum est de materiæ præparatione; ad formarum incrementa obtinenda idem trahere velle, ineptum & imperitum est, quia formæ cum primo ortu suo perfectæ sunt, perfectè agunt.

IX. *Secunda opinio est eorum, qui docent, hominem extra uterum cum tribus animabus realiter diversis prodire, & ter geminâ formâ præditum vivere*. Ità Ammonius Alexandrinus. Johannes Philoponus, Averrhoës commentariis ad lib. 1. de animâ text. 91. Jandunus commentariis ibidem quæst. 12. Paulus Venetus Summâ de anima cap. 5. Guilhelmus Occam quodlibet. 2. quæst. 10. & 11. Zabarella libro 4. facultatib. anima cap. 8. libro de generatione & corruptione cap. 2. Commentariis ad lib. 2. de anima text. 31. pag. 36r. Jacobus Schegkianus commentariis ad lib. 3. de anima pag. 144. Johan. Zeisoldus libro de anima sect. 1. art. 3. & in Anthropologia Physica Disputat 4. sect. 1. dist. 2. 3. 4.

Gregor.

Gregorius Horstius *lib. 2. de animâ Exercitar. 2. quæst. 4.* Johan. Henr. Alstedius *lib. 7. Encyclopadia part. 6. Physica cap. 6. theorem. 8.* Albertus Kyperus *lib. 10. Institut. Physicar. cap. 1. dist. 2. & lib. 1. Anthropologia cap. 21. dist. 23. seqq.* David Derodon *part. 2. Physica contracta cap. 5. art. 4. dist. 58. seqq.* Verùm uti homo in utero conclusus unam animam habet, ita pariter unam animam habet sub utero ejectus, & in viventium numero collocatus. Repetimus argumentum: Unius rei est forma una. Atqui homo vel conclusus in utero vel ejectus ab utero est res una. Ergò habet quoque formam unam. *Item:* Qualis est forma, tale quoque formatum est. Atqui forma est vegetativa, sensitiva, intellectiva. Ergò homo præter id quod homo est, erit pariter planta & brutum. Absurdum!

X. *Excipiunt:* Quodque vivens habet equidem unam tantùm animam vel ut formam ultimam, à quâ essentia unitas dependet, sed tamen plures formæ subordinatæ esse possunt, Gregorius Horstius *l. d. Respondeo:* Nec subordinatæ plures queunt esse, ità ut ad constituendam quocunque modo essentiam concurrant. Argumentor: Quæcunque subordinata sunt, illa incompleta sunt, nec per se constituunt aliquod Ens perfectò modo. Atqui forma vegetativa & sensitiva neque incompleta sunt, neque impotes per se aliàs constituere Ens aliquod perfectò modo. Ergò non possunt usquam subordinatæ esse quâ integram existentiam suam. Possunt verò esse tales quâ operationes suas. Quod

ipse Aristoteles voto suo confirmat, dum ait, *vegetativum relatum ad animans esse in sensitivo, quomodò triangul'ũ est in quadrangulo*, *lib. 2. de animâ cap. 3. text. 30.* Argumentamur: Uti se habet triangulum ad quadrangulum, ità se habet vegetativum ad sensitivum in animante. Atqui triangulum inest quadrangulo, non quidem actu & discretâ entitate, sed potentia & eminenter. Ergò eodem modo est de vegetativo & sensitivo in animante.

XI. Atque hoc porrò demonstratur ex literis sacris, *Genes. 2. 7.* ubi dicitur, *quo Deus inspiraverit homini spiraculum vitæ, inde homo factus est anima vivens.* Frustrà in corrumpendo oraculo isto deludat Albertus Kyperus *lib. 1. Anthropologia cap. 21. dist. 42.* Hic animæ uni & eidem tribuitur vitæ effectus, & per quod homo est homo, id est, rationalis actus. Non igitur sunt diversæ animæ in homine, unde proveniunt vitæ, sensus, intellectus. Aut ceriè, si in Adamo non inerant, & in nobis insunt, nec speciei ejusdem cum ipso erimus, nec perfecti ejus posterì, quoniam convenientia & distinctio censentur secundùm habitudinem formarum.

XII. Argumenta *Zabarella* sunt ista, *Primò:* Ubi sunt formarum effecta, ibi sunt formæ ipsæ. Atqui in homine sunt formarum omnium effecta, quia vivunt, sentiunt, intelligunt. Ergò etiam formæ ipsæ insunt in homine. *Respondeo:* Conceditur argumentum. Præstat forma superior illud, quod inferior agere solet. Dicit *Zeisoldus:* Si verum hoc est, ergò anima rationalis concoquit cibum,

cibum, perficit sanguinem, efficit semen, asservat humores utiles, expellit inutiles, ejicit excrementum. Dignum munus tam nobili animâ! l. d. dist. 12. *Respondeo*: Imò dignum! Si non fuit eâ indignum, ut de semine efformaret hominem in uterò, corpore organico præditum, non etiam eâ indignum est, cum hominem perfectum & ab utero projectum, DËI opus (*Iobi* 10. 10. 11. 12. *Psal.* 22. 11. *Psal.* 139. 15. 16.) modis omnibus regit, defendit, conservat præparando cibum, sanguinem, humores utiles, & removendo inutiles. Et quid fœdum hoc in animâ dicatur esse, quæ cum Spiritus est, neque maculari potest. Non magis quàm Sol polluitur, quod radios jaculatur in loca fœtida. Scilicet in homine verissimè insunt forma vegetativa & sensitiva, verum inclusæ ab animâ rationali, utque contineantur in potestate animæ rationalis, quæ licet una sit, tamen omnes illos effectus peragit. Neque etiam necesse est, ut formæ diversæ sint, ubi sunt diversæ actiones. Sunt in homine visus, auditus, odoratus & plura alia, & sunt effecta unius animæ, quæ omnes facultates istas eminenter implicat, atque instar omnium est.

XIII. *Secundò*: Omnis forma est simplex essentia & dat esse unum, non plura. Quoniam igitur homo per animam rationalem est homo, per eandem non est vivens, sed per rationalem erit homo, per sensitivam erit animal, per vegetativam erit vivens. *Respondeo*: Negatur Consequentia, quia effectus multiplices, (nisi insimul contrarii sint) non multiplicent efficientem causam.

Effecta subordinata proveniunt ab una efficiente. Igitur quomodò esse hominem, esse animal, esse vivens non sunt instar plurium esse in uno homine quæ rem; licet distincta sint pro conceptu: pariter formæ non sunt plures, sed forma una est, quæ effecta illa omnia peragit. *Argumentamur*: Quæ requirunt formas diversas, illa differunt realiter. Atqui vivens, sensitivum, intellectivum non differunt realiter in homine, sed est inter ea unitas formalis, dicente Johanne Scoto lib. 1. *sentent. dist.* 2. Ergò nec sunt formæ diversæ. Quin unius compositi virtutes multæ ab una formâ dependent, ea enim formarum conditio est, ut quo nobilior aliqua est, eò etiam ad plura sit ordinata.

XIV. *Tertid*: Si in uno homine una tantum anima conceditur, aliæ animæ tolluntur, una tollentur substantiæ secundæ, animans quæ animans, vivens quæ vivens. Atqui posterius est absurdum, & reducit figmenta Nominalium. Ergò nec prius est verum. *Respondeo*: Negatur connexum, genera enim non dicunt conceptum re diversum à speciei conceptu, sed dicunt speciem inadæquatè sub confuso apprehensam, uti monet Franciscus Suarez *Disputat. Metaphys.* 13 *sect.* 3. *num.* 20. Proinde substantiæ secundæ concipiuntur per modum essentiarum relativæ, non absolutæ, id est, fundamentum ponunt in operationibus, non verò in causâ agente. Atqui respectivæ considerationes plurimæ super uno absoluto constitui possunt, ipso tamen non multiplicato. Instat *Zeisoldus*: Quo sine sunt condita vegetativæ & sensitivæ

animæ? An frustrâ? Et quomodo anima intellectiva vel immaterialis agat dependenter à materiâ quâ operationes proprias, l. d. dist. 15. *Respondeo*: Non sunt frustrâ conditæ, quia sunt in plantis aliæ, aliæ sunt in brutis, inque iis conservantur. Quod si illæ aliquandò non erunt, tunc cum mundus vicissitudini obnoxius esse desinet, causa est quod Dominus universi vult ità. Anima intellectiva est pars hominis altera, à quo non potest abesse ut illi benè sit, adeòq; qualdam operationes suas internas & proprias non potest citrà instrumentum materiale peragere, id quod constat de sermone, cujus usus perfectus esse non potest citrà linguam.

XV. *Quartò*: Quæcunque separatim inveniuntur, illa necessariò distinguuntur. Atqui sentiens anima inest in bruto, in quo non inest anima intelligens. Ergò necessariò distinguuntur. *Respondeo*: Limitatur major: Quæcunque separatim inveniuntur æquali & perfectâ conditione, in diversis subiectis, illa differunt realiter. Atqui ità minor falsa est: Non enim anima sensitiva, quatenus in homine concipitur inesse, est cum æquali & perfectâ conditione. Illa enim vitam & sensus implicat, hæc insuper rationem addit. Quomodo numerum binarium includit ternarius, & superaddit.

XVI. *Quintò*: Corruptibile & incorruptibile differunt toto genere, igitur non possunt coire in substantiam unam. Anima rationalis est incorruptibilis, sensitiva & vegetativa sunt corruptibiles, Ergò in unam animæ unius

substantiam coire non possunt. *Respondeo*: Minor distinguenda est. Anima rationalis non implicat essentiam corruptibilis animarum istarum, sed operationes & facultates earum. Igitur corruptibilis ipsa non est, sed Creatoris dono cum existentia perpetuâ.

XVII. *Sextò*: Quæcunque habent operationes diversi generis, illa toto genere invicem diversa sunt. Atqui animæ vegetativæ & sensitivæ operationes sunt diversi generis. Ergò animæ ipsæ sunt toto genere diversæ. Minor patet: Illarum operationes sunt cum organo, hujus citrà organum. *Respondeo*: Major limitatur, ut intelligantur operationes completæ efficienter & in separatis subiectis. Atqui in subiecto uno impedit nihil, quò minus uno forma exaltatæ ad modum virtutis, completatur diversas potentias terminativè, (quamvis emanativè unum aliquid sint) quibus distinctas operationes exerceant.

XVIII. *Septimò*: Unius naturæ simplicis non sunt contrariæ appetitiones citrà idem objectum eodem tempore. Atqui anima sensitiva & intellectiva habent contrarias appetitiones citrà idem objectum eodem tempore. Ergò non sunt unius & simplicis naturæ. Minor patet: Sensus mala suadet, quæ declinat ratio. *Respondeo*: Limitatur major, ut intelligatur natura simplex quæ talis. Repugnancia verò ista per accidens introducta est in animam, scilicet occasione peccati. Et sæpè unius hominis undique fluctuantis voluntas contraria elegit, rejicit, probat, improbat, neq; tamen propterea sunt duæ animæ volentes in homine.

mine uno. Porrò minor quoq; falsa est: Non est idem objectū formaliter, quamvis idem sit materialiter. Nimirum sensus ducitur bono delectabili, ratio gaudet bono honesto. Concludimus ergò cum Piccolmineo *libro de formarum multitudine* cap. 4. Sennerto in *hypomnematis Physicu* pag. 314. 315. seqq. Johanne Combacchio *lib. 3. Institut. Physicar.* pag. 339. seqq. Arnolfo Verhaël in *sylyā quæstionum de animā* pag. 46. 47. 48. Ottone Casmano *part. 1. Anthropologia* pag. 44. seqq. quod anima una sit in homine, à cuius influxu ille vivat, sentiat, intelligat.

CAPVT SEPTIMUM,

De facultatibus Animæ,

SUMMARI A.

1. *Definitio facultatis.*
2. *Aptitudo.*
3. *Corporis instrumenta.*
4. *Rationes nostra.*
5. *Anima subsistentia.*
6. *Facultates prima.*
7. *Intellectus praestantia.*
8. *Voluntatis nobilitas.*
9. *Memoria intellectiva.*
10. *Differentia facultatum.*
11. *Rationes nostra.*

1. **F**acultas animæ est aptitudo, à qua certa operatio provenit.] Natura enim per facultates inhærentes subjecto prospicit, ne in agendo deficiat, quatenus omnia finem suum habent, ad quem à naturā producuntur, ad quem ordinantur.

II. *Aptitudo.*] Anima rationalis est facultatum suarum causa prima, proxima & immediata, eaque per emanationem, uti docent Jacobus Zabarella *libro de facultatibus animæ* cap. 4. & *libro de partitione animæ* cap. 13. Conimbricenses *lib. 2. de anima* cap. 3. *quæst. 4. artic. 5.* Hoc refellit Alstedius: Quibus, ait, eadem numero actio primò & per se tribuitur, eorum alterum nequit esse alterius efficiens. Atqui intelligendi & volendi actus primò tribuitur intellectui & voluntati, itemq; primò animæ rationali, quia potentia intelligendi & volendi non differt realiter ab animā. Rectè autem dicitur, esse primò recipiens subjectum, intellectus & voluntas sunt potentia hujus subjecti, non realiter ab animā distinctæ, sed tantum ratione, *lib. 6. Encyclopædia part. 4. Pneumatica* cap. 3. *theorem. 1.* Nos diversa nernimus nomina, sensum eundem. Nomina diversa sunt, esse causam facultatum, esse subjectum facultatum. Res eadem est, sensus idem. Emanant istæ facultates ab animā, veluti à causa, & recipiuntur in composito, velut in subjecto. Uti radii promanant à Sole, efficiente suā, subjecto suo.

III. *Certa operatio.*] Quæritur: An anima intellectiva pro efficiendis actibus suis indigeat corporis instrumentis? Respondendo: Negant Philippus Melancthon *tract. 3. de anima* cap. 14. Julius Scaliger *Exercit. 307. sect. 21.* Daniel Sennertus *lib. 1. Institutionum Medicarum* cap. 14. Johannes Fernelius *lib. 2. de abditis rerum causis.* Quibus propterea litem movent Johannes Magirus *notis ad librum de anima* pag. 556. seqq.

Joachimus Burserus *lib. 3. Institutionum Physicarum cap. 23.* Otho Casmannus *part. 1. Anthropologia pag. 94. seqq.* Johan. Combachius *lib. 4. Institut. Physic. pag. 524. seqq.* ubi contendunt, animam humanam quamdiu corporis habitaculo continetur, ad operationes suas edendas opus habere corporis instrumentis. Rationes adferunt: (1) Quod intellectio perficitur ope cerebri & spirituum animalium, quæ sunt instrumenta ejus. Ac constat inde, quia læso aut minus rectè disposito cerebro ipsa intellectio corrumpitur, cum se rectè habet cerebrum, mentis vires incorruptæ exercentur. *Respondeo*: Distinguendum est inter modum deferendi objecta & modum cognoscendi objecta. Deferuntur quidem objecta ad intellectum per organa, sed non cognoscuntur per ea. Cumque non est benè dispositum cerebrum, non est perfecta intellectio, quoniam phantasmata non rectè offeruntur, ad quæ fabricanda requiritur necessariò cerebrū. (2) Quod intellectus perfectas operationes exercet in omnibus, si esset absq; organis. Falsum est antecedens, quoniam infantes & senes non adeò benè intelligunt, quàm homo mediocris ætatis. *Respondeo*: Negatur consequentia. Imbecillior vis intelligendi est in senibus & infantibus, propter cerebri dispositionem nunc debilitatam, nunc ob ætatis infirmitatem nondum satis confirmatam. (3) Quod non defatigaremur meditando attentius, si anima intellectiva esset citrà instrumenta corporis. *Respondeo*: Eadem solutio. Defatigatio omnis à cerebro oritur, quatenus cogitando

altius & longius intenduntur spiritus animales, & cerebrum phantasmatis impletur, inde onus, confusio, vires fractæ & defessæ. (4) Quod intellectio variat pro temperamenti constitutione, itaque Cholerici & Melancholici promptius intelligunt, Sanguinii obtusiores, Phlegmatici sunt prorsus inepti & tardi ad intelligendum. Ergò intellectio requirit organum corporium. *Respondeo*: Negatur consequentia. Varietas illa est à cerebro, id verò non est organum Intellectionis, quandoquidem in brutis etiam inest. Turpe verò est, animæ rationali tribuere organū, quod in bruto reperitur. Cerebrum in aliis frigidū est, in aliis humidū, & quomodo spiritus animales sese habent, ità species sensiles offeruntur.

IV. Nos contrarium probamus: (1) Quia omnis facultas ad instrumentū corporiū alligata læditur à vehementi objecto. Atqui Intellectus nō læditur ab objecto vehementi. Ergò Intellectus non est alligatus ad instrumenta corporia. Major patet exemplo sensuū, qui læduntur à vehementēte sensili. Minor probatur, voluptas est intelligere multa, non verò est onus, multitudine objectorū lætatur Intellectus, non verò gravatur, & quò plura cognovit, eò validius instat concupiscendo. (2) Quia Intellectus æquabitur sensibus, si perinde uti sensus utitur organis corporis. Nimirum visus & sensuū reliquorū actiones sunt mediantibus instrumentis. Intellectus multa præstat eminenter, & quæ suprà vires sensuum sunt, reflectitur in ipsum, intelligit seipsū, Angelos, Deum, & quæ vis alia sensibus inaccessa penetrat; qui

qui raptu corripiuntur, illi res profundissimas abditaſque intelligunt, atque interim corpus totum ceſſat in operationibus ſuis, ut ferè non differat à mortuo; ratiocinatur, componit, diuidit, conſicit, concludit verum à falſo, neceſſarium à probabili diſtinguit, occulta naturæ eruit; intelligit poſt ſeparationem à corpore uti prolixius docetur aliſi.

V. *Provenit.*] Nullo, uti diximus, inſtrumento utitur anima rationalis in corpore humano ad perficiendam intellectionem. Eſtque hoc potiſſimum argumentum, unde animæ intellectiue ſubſiſtentia poſt hominis obitum probatur, quia videlicet ſeparabilis eſt, atque citrà materiale inſtrumentum operari poteſt. Senſus ferè nudam tantum & rudem cognitionem percipiunt connexionis ejus, quæ eſt ſubjecti & accidentium, ad eoque non patet quicquam ſenſibus præter accidentia. Cerebrum facit, ut objectum deferatur ad Intellectum. Nimirum ſpecies ſenſiles Phantasia exhibet Intellectui, à quo repurgatæ convertuntur in ſpecies intelligibiles. Atqui uti viſus objectum, color, non dicitur eſſe inſtrumentum viſus, ſed inſtrumentum ejus oculus eſt; neque medium deferens eſt inſtrumentum ità quodque ſpecies ſenſiles objectum Intellectus ſunt, quas Phantasia deſert, veruntamen ob id non debent inſtrumenta Mentis appellari, neque operationes Animæ materiales eſſe credi.

VI. *Facultates anima ſunt vel primæ, vel ſecundæ. Primæ ſunt, quæ digniores ſunt.*] Quoniam præſtantius objectum habent. Et certè facultatum præſtantia

dependet à nobilitate objectorum. Hinc & operationes habent. Verum & bonum antecellunt dignitate conceptus & affectus omnes. Dominæ igitur ſunt Intellectus & Voluntas, pedisſequæ verò ſunt Sermo, Riſus, Fletus.

VII. Et quidem Intellectus in comparatione ad voluntatem præſtantiôr eſt, uti defendunt Thomas Aquinas *part. 1. Summa Theolog. quaſt. 82. art. 3.* Durandus *lib. 4. diſt. 49. quaſt. 4.* Capreolus *lib. 1. diſt. 1. quaſt. 2. diſt. 3. art. 2.* Bernhardus Morſanus *commentariis ad libros de anima pag. 628.* Piccolomineus *lib. 1. de mente humanâ cap. 19. 20. 21. 22.* Conimbricenses *lib. 3. de anima cap. 13. quaſt. 2. art. 2.* Bruno Seidelius *libro de corpore & anima hominis pag. 797. ſeqq.* Argumentamur: (1) Quodcunque perfectionem ſuam in ſe habet, illud eſt nobiliôr eo quod perfectionem ſuam ab alio acquirit. Atqui Intellectus perfectionem ſuam in ſe habet, voluntas ab alio acquirit. Ergò Intellectus eſt nobiliôr præ voluntate. Conſtat Minor: Intellectus habet notitias inſitas, quæ objecti idem ſecum continent, voluntas verò non habet quicquam cogniti, quod ei congenitum eſt. (2) Quodcunque independens eſt, illud nobilius eſt præ illo, quod dependens eſt. Atqui Intellectus eſt independens, & voluntas eſt dependens ab intellectu. Ergò Intellectus eſt nobiliôr quàm voluntas. Minor conſtat: Intellectus cognoſcit & dirigit, voluntas dirigitur, accipiendò objectum ſuum ab intellectu, ut velit ex ſe agere, proſequi bona, defugere mala. (3) Quodcunque habet nobilius objectum & effectum, illud

nobilius est. Atqui Intellectus habet nobilius objectum & effectum, quàm voluntas. Ergò Intellectus nobilior est quàm voluntas. Minor probatur: Verum prius & nobilius est quàm bonum, & sapere nobilius est quàm cupere. (4) Quodcunque est mensura & regula alterius, illud nobilius est præ mensurato. Atqui Intellectus est mensura & regula eorum quæ agit voluntas. Ergò Intellectus est nobilior præ voluntate. Minor probatur: Actus nullus voluntatis bonus est, nisi qui congruit cum rectâ ratione, & quodcunque discrepat à regulâ istâ, malum est.

VIII. Pro voluntatis nobilitate contendunt Johan. Scotus *lib. 4. dist. 49. quæst. 4.* Julius Scaliger *Exercitat. 307. sect. 26.* Et urgent, quod summum bonum hominis consistit in voluntate, ad còque voluntas est nobilissima hominis facultas. *Respondeo:* Summum Bonum non minus est in Intellectu, quàm in voluntate. Originaliter inest in Intellectu, quem penes est arbitrium media designandi, quæ ad Summum bonum procurandum apta sunt. Executivè est in voluntate, quæ media illa adhibet, si bona est, negligit verò, si mala est. Magna summi boni pars est Conscientia bona, quæ pertinet ad Intellectum practicum.

IX. *Tales sunt Intellectus & Voluntas.*] Aristoteles *lib. 3. de anima cap. 4. seqq.* Hæ duæ sufficiunt, quibus Memoriam intellectivam addunt Veteres quidam, ut sint tres animæ rationalis facultates, Richardus de mediâ villâ *lib. 2. dist. 14. quæst. 2.* Johan. Altenstaig in *Lexico Theo-*

logico pag. 51. Ludovicus Vives *lib. 2. de anima pag. 54.* Johan. Velcurion *lib. 4. Institutionum Physic. cap. 25.* Gregorius Reischius *lib. 11. Margarita Philosophica cap. 3.* Verum illi multiplicant Entia citrà necessitatem. Comprehenditur memoria ista sub Intellectu, qui species intelligibiles efformat & servat. Itaque habitus, quos vocant Intellectuales, in ipso intellectu hærent, quod prolixè ostendit Antonius Ruvio *commentariis ad lib. 3. de anima pag. 500. 501.* Excipiunt: Si memoria intellectiva negatur esse peculiaris facultas animæ rationalis, certè anima rationalis non fuerit imago Trinitatis, quod tamen constanter docent Veteres, ut tres Personæ in divinitate repræsententur facultatibus totidem in animâ rationali, Philip. Melancthon *libro de anima tract. 3. cap. 14.* Fr. Titelmannus *lib. 11. considerat. Phys. cap. 14. 15.* Wilhelmus Postellus *lib. 1. de concordia Orbis cap. 3.* *Respondeo:* Articulus ille Religionis nostræ arduus neque fulcitur satis ejusmodi statumimbus, neque illis indiget, uti rectè monet Hannibal Rosselius *commentariis ad Pimandrum Trismegisti Tomo 2. pag. 183. 184.* Quandò enim de rebus fidei sermo instituitur, congruentius adducuntur literæ sacræ, utpote domesticum & proprium istarum promptuarium, secundum quas de mysteriis divinis credendum & statuendum est.

X. *Quæritur: An facultates animæ differant ab anima realiter?* *Respondeo:* Affirmant Thomas Aquinas *part. 1. Summæ Theolog. quæst. 77. art. 1. & lib. 1. sententiar. dist. 3. quæst. 4. art. 2.* Conimbricenses

centes *lib. 2. de anima quæst. 4. cap. 3.* Totletus *ibidem quæst. 9.* Petrus Fonseca *lib. 5. Metaphys. cap. 5. quæst. 1. sect. 5.* Fr. Suarez *Disput. Metaph. 18. sect. 3. num. 13. seqq.* Johan. Fernelius *lib. 5. Physiologia cap. 2.* Hervæus Brito *quodlibet. 1. quæst. 9.* Jacobus Zabarella *libro de facultatibus animæ cap. 3.* Nicol. Taurellus *dissertatione de anima dist. 11.* Vopiscus Fortun. Plempius *lib. 2. Institut. Medicarum pag. 142. 143.* Et rationes adferunt: (1) Quod omne accidens differat realiter à subiecto suo. Atqui facultates sunt accidentia, & subiectum earum est anima. Ergò facultates animæ differunt realiter ab animâ. *Respondeo:* Negatur consequentia. Minor tantùm valet de substantia materiali, quatenus est compositum totum; non verò de substantiâ spiritali incompletâ, quæ per influxum proximum & proprium efficit omnia, qualis est anima rationalis. (2) Quod realiter differant ea, quæ ab invicem separari possunt. Atqui facultates animæ separari possunt ab animâ, uti contingit partim in corpore læsis instrumentis, partim extrâ corpus sublatis instrumentis. *Respondeo:* Negatur minor, quia facultates nunquam in actu primo separantur à subiecto, illo salvo existente, & quæ adducuntur exempla omnia, pertinent ad actum secundum, id est, operationes quæ per organa corpora exercentur. (3) Quod facultates animæ dependant ab instrumentis corporis, à quibus tamen non dependet anima in substantiâ suâ. *Respondeo:* Antecedens negatur, uti docuimus *suprà dist. 4. 5. ubi*

videatur. Omnino enim distinguere oportet modum repræsentandi objectum, à modo efficiendi.

XI. Nobis placet dictum *Scaligeri:* Anima nostra per se & in se intelligit, sine ullâ intelligendi vi realiter ab eâ distinctâ, per se & immediatè vult, sine ulla potentiâ volendi, realiter ab illâ discretâ, *Exercitat 307. sect. 15.* Ratione igitur differunt, quod rectè docent *Johan. Scotus lib. 2. sentent. dist. 16. quæst. 2.* *Durandus lib. 2. sentent. dist. 3. quæst. 4.* *Albertus Kyperus lib. 2. Anthropologia cap. 22. dist. 4. seqq.* *Hurtadus de Mendozâ Disputat. 4. de anima sect. 4.* *David Dero-don libro de Libertate cap. 4. dist. 5. seqq.* *Martinus Schogkiius diatribâ de Libero arbitrio dist. 9. 10. 11.* *Piccolominéus libro de visu cap. 19.* *Joh. Henr. Alstedius lib. 6. Encyclopædia part. 4. Pneumat. cap. 3. theorema. 1.* Et confirmatur: (1) Quia omnis forma immaterialis agit sine intermediâ potentiâ. Etenim potentia & essentia in illâ sunt unum aliquod realiter, & tantùm ratione distinguuntur. Itâ anima intellectiva corpus suum informat immediatè, neque minus immediatè peragit operationes suas, ut non sit opus potentiis. realiter ab ipsius essentiâ distinctis. (2) Quia diversi actus ab animâ derivati plurimi numero sunt, ad eòque si totidem potentiæ velut accidentia animæ superaddita essent, in animâ esset compositio, neque simplex illa & immutabilis esset.

CAPVT OCTAVVM,

De Intellectu,

SUMMARIA.

1. *Definitio intellectus.*
2. *Ens verum.*
3. *Ens omne.*
4. *Singularia.*
5. *Intellectus triplex.*
6. *Conscientia.*
7. *Intellectus agens.*
8. *Zabarella opinio.*
9. *Genius tutelaris.*
10. *Rationes nostræ.*
11. *Differentiæ realis.*
12. *Actus intelligendi.*
13. *Intellectus patiens.*
14. *Species intelligibilis.*
15. *Species impressa, innata.*
16. *Intellectio.*

I. **I**ntellectus est facultas, quæ cognoscit verum.] Intellectus est rerum omnium dominus, ut appellatur à Julio Scaligero *Exercitat. 6. sect. 4.* Etsi enim voluntate quoque superet homo animanti reliqua & ad Deum proximè requisitis omnibus accedat, prima tamen omnium dignitas & nobilitas hominis est in Intellectu.

II. *Cognoscit.*] Intellectus apprehendit Ens omne sub ratione veri. Ens omne est objectum intellectus materialiter: quæ verum est, formaliter. Omnia enim Intellectus perscrutatur veri gratiâ, quod est finis ultimus. Locus est Johan.

1. 9. *Hic erat lux illa vera, quæ illuminat omnem hominem venientem in mundum.* Deluce rationis & naturalis intellectus, quam Deus impertivit hominibus omnibus, exponunt Nicolaus Serarius *Disputatione de anima naturali dist. 55.* T. Beza *notis ad Testam. novum pag. 347.* Hieron. Zanchius *lib. 3. de tribus Elohim cap. 2.* Polanus *lib. 6. Syntagm. Theolog. cap. 18.* Scarpius *in Cursu Theologico pag. 410.* Nicolaus Vedelius *in Rationali Theologico lib. 3. cap. 2.* Nos hoc negamus, & ad revelationem cœlestem pertinere iudicamus, cum Daniele Chamiero *Tomo 3. Panstratia Catholica lib. 7. cap. 8. sect. 37.* Demonstrant hoc contextus totus, & collatio locorum aliorum. Etenim tenebræ non comprehenderunt lucem istam, & Johannes Baptista de hac luce testimonium perhibet, *vers. 5. 7. 8.* Atqui rectæ rationis usus & notitiæ naturales sunt penes homines omnes. Neque testatus est Baptista de Servatore, quatenus est conditor hominum, sed quatenus est magister veritatis cœlestis, Autor fœderis ejus quod in promissis melioribus fundatum est, *Iohan. 1. 16. 17. 18. cap. 3. 2. Hebr. 8. 6.* Denique, multis locis Servator vocatur Lux, atque semper intelligitur de magisterio doctrinæ & gratiæ per Evangelium divulgatæ, *Esaia 9. 2. cap. 49. 6. Luca 2. 32. Iohan. 3. 19. cap. 8. 12. cap. 9. 5. cap. 12. 35. 36.*

III. *Verum.*] Intellectus cognoscit Ens omne, universale, singulare, reale, rationis, substantiam, accedens. Quod Intellectus cognoscat Ens universale, nemo negat; sed quod cognoscat Ens singulare, negant Thomas Aquinas *lib. 2.*

contragentes cap. 65. Cajetanus part. Summa Theologia quæst. 86. art. 1. Joh. Capteolus lib. 1. sent. dist. 35. quæst. 2. Antonius Mirandulanus lib. 33. de eversione certaminum singular. cap. 13. Joach. Burferus lib. 3. Institut. Physicar. cap. 24. Et urgent: (1) Quod Intellectus sit immaterialis, adedque non possit apprehendere singularia, veluti quæ materiæ immerfa sunt. *Respondeo:* Non omnia singularia materiæ immerfa sunt, uti constat de Deo, de animâ Petri, de animâ Socratis. Et quocunq; modo singularia sese habent, materiata sunt vel immateriata, nihil hoc ad perceptionem Intellectus, qui res apprehendit, non quidem materialiter, verum intentionaliter & per species intelligibiles. (2) Quod sensus versantur circa singularia, non ergò intellectus, ut differentiarum ratio constet. *Respondeo:* Intellectus versatur citra universalia & singularia junctim, sensus tantum circa singularia. Et Intellectus cognoscit singularia non quidem à priori, sed à posteriori, ut sensibus velut ministris utatur.

IV. Docemus ergò cum Johanne Scotto lib. 4. sentent. dist. 45. quæst. 3. Cominibricensibus lib. 3. de animâ cap. 8. quæst. 5. Benedicto Pererio lib. 3. de rerum naturâ cap. 17. seqq. Toletto lib. 3. de anima cap. 4. quæst. 12. Antonio Ruvione commentariis ibidem pag. 450. seqq. Zabarella libro de ordine intelligendi cap. 13. Piccolominco lib. 1. de mente humana cap. 16. Hannibale Rossetio commentario ad Trismegisti Pimandrum Tomo 6. pag. 194. seqq. Francisco Murciâ in Cursu Philosophico. part. 3. pag. 141. seqq. Othone Casmanno part. 1. Anthropologia pag. 113. seqq.

Johanne Combacchio lib. 4. Institut. Physic. pag. 681. seqq. quod ab Intellectu cognoscantur singularia. Et probatur (1) Quia Intellectus inter universale & singulare distinguit. Ergò etiam cognoscit universale, cognoscit singulare. Ratio consequentiæ: Distinctio præsupponit cognitionem. (2) Quia Intellectus abstrahit universale à singularibus, fabricat Inductionem & Syllogismos expositorios in Dialecticis, quæ consunt ex terminis singularibus. Necessariò ergò cognoscit singularia. (3) Quia Intellectus multa cognoscit de Deo, de Cælo, de Sole, de Lunâ, de mundo, quæ omninò singularia sunt. Et cum Aristoteles pronunciat, quod *Intellectus fiat omnia cognoscendo omnia*, lib. 3. de animâ text. 37. non debet negari, quod etiam percipiat singularia. Qui omnia dicit, ille nihil excipit, nihil omittendum arbitratur.

V. Consideratur tum ratione objecti, tum ratione modi cognoscendi. Ratione objecti est Intellectus triplex: *Effectivus*, qui fabricat instrumenta differendi. *Theoreticus est*, qui cognoscit res necessarias. *Practicus est*, qui agit honesta.] Aristoteles lib. 6. Metaphys. cap. 1. lib. 7. Metaphys. cap. 1. Quæ omnia plenius exposita sunt à nobis lib. 1. Institutionum Politicarum cap. 2. dist. 1. 2. 3. 4. 5. 6. 7.

VI. Ad Intellectum practicum refertur *Conscientia*, quæ consistit in applicatione notitiæ ad opus vel factum vel faciendum. Circa faciendum est officium ejus, suadere, obligare, instigare, si bonum est; dissuadere & retrahere, si malum est. Circa factum est officium ejus,

testimonium dare; & quidem cum bonum factum est, laudat & consolatur hominem, spernit & scuto innocentiae avertit hominum convicia & prava iudicia. Dicitur bona conscientia, estque optimus hominis thesaurus, 1. *Timoth. 1. 19.* Cum malum factum est, accusat, reprehendit, mordet, *Roman. 2. 15.* Dicitur mala conscientia, estque maxima hominis poena, quod nocte dieque suum gestat sub pectore testem Juvenalis Satyrâ 13.

VII. *Ratione modi cognoscendi est duplex, Agens & Patiens. Agens est, qui commovet actum intelligendi.* Est hæc divisio Aristotelis *lib. 3. de anima cap. 5.* Macerant sese omnium Gentium Interpretes, Græci, Arabes, Latini, ut quid sit Intellectus agens, quid patiens, ad mentem Philosophi explicent, hinc sciuntur in multiplices opiniones. Philippus Melanchton *libro de animapart. 3. cap. 15.* exponit, ut Intellectus agens sit ingenium inveniens atque excogitans aliquid per se; patiens sit iudicii dexteritas, quæ percipit excogitata ab aliis & animadversa in artibus. Sicut Aristoteles multa in bonis literis invenit, excoluit, exposuit, itaque valuit ab Intellectu agente, ejus verò sectatores beneficio Intellectus patientis apprehendunt & defendunt viri ejus placita. Sequitur Johan. Velcution *lib. 4. Institutionum Physicar. cap. 19.* Verum hoc nobis haut probatur. Non enim in quovis homine fuerit Intellectus agens, non in quovis fuerit patiens, sed tantum in viris doctis, artium cultoribus optimarum, cum tamen Aristoteles divisionis hujus author in omni homine Intellectum agentem

& patientem verbis manifestis esse asserat.

VIII. Aphrodisæus *libro de intellectu agente*, Ludovicus Buccaferrea *commentariis ad lib. 3. de anima*, & cum illis Jacobus Zabarella *libro de mente agente cap. 13. seqq.* referunt ad Deum, à quo intellectus noster illustratur. Verba Zabarella sunt: Cum Intellectus agens non possit esse nisi aliqua Mentium cœlestium, quæ cœlos movent, quænam ex iis erit Intellectus agens? An suprema, quæ Deus est, an aliqua ex aliis, quæ secundæ Intelligentiæ appellantur. Ratio nos cogit, ut solam primam hoc munere fungi posse fateamur. Etenim reliquæ omnes sunt virtutes particulares, nec habent vim universalem, quæ ad rerum omnium regimen extendatur, sola prima est ejusmodi, quæ est prima omnium rerum causa, omnia gubernans, omnia perficiens, omnia conservans, virtute suâ diffusa per omnia. Hæc enim quamvis ubique sit & rebus omnibus adsit, non omnibus tamen intelligendi facultatem præbet, sed homini soli. Hæc ille. *Respondeo*: Etiam si Deus omnia in omnibus operetur, & Spiritus ejus impleat orbem terrarum, *Sapient. 1. 17.* ut menti nostræ, veluti Sol oculo, lumen intelligendi suppeditet, instillando ea quæ vera sint, quæ falsa, quæ bona sint, quæ mala, in iis tamen quæ secundum naturæ ordinem fiunt, non agit immediate, sed mediantibus causis secundis. Est verò intellectio actus perfecte secundum naturæ vires, quæ in hominibus omnibus sese exerunt luculenter. Non igitur opus est, ut actionem ejus primæ Causæ velut immediatæ tribuamus.

IX. Nobilissima opinio eorum est, qui Intellectum agentem dicunt esse Genium Tutelarem hominis, custodem & malorum Aueruncum, vitæ censorem, futurorum sapius indigitatorem. Ità Auerthoës libro de beatitudine anima cap. 5. & Disputat. 1. destructor. contra Algazelem, Abenpace Epistola de lumine, Avicenna lib. 9. Metaphys. cap. 4. Pomponatius libro de anima, & cum primis Johannes Bodinus lib. 4. Theatri naturæ pag. 541. 542. sequutus Maimonidem lib. 3. More Nevochim, & Leonem Hebræum lib. 3. de amore, Rabbinus Menasseh Ben-Israël Conciliatore super Genesim quæst. 48. ubi de Angelo Salvatore Jacobi Patriarchæ disserit. Nos equidem credimus, esse talem Genium Tutelarem, sed quod de illo cogitaverit Aristoteles tunc cum Intellectum dividerit in agentem & patientem, id ipsum pernegamus. Et meritò omnes illas opiniones repudiant Franciscus Toletus lib. 3. de anima cap. 4. quæst. 10. Conimbricenses ibidem quæst. 1. 2. 3.

X. Immeritò verò postulant Julius Scaliger Exercitat. 307. sect. 18. Bernhardus Telesius lib. 8. de natura rerum cap. 11. 12. 13. Antonius Roccus libro de anima Exercitat. 9. Thomas Campanella lib. 1. Philosophiæ realis pag. 185. Sebastianus Foxius lib. 5. Philosophiæ naturalis cap. 23. Joachimus Burserus lib. 3. Institutionum Physicarum cap. 24. Otto Casmannus part. 1. Anthropologie pag. 109. Burgersdicius in Collegio Physico Disputat. 30. dist. 7. 8. 9. ut Intellectus agens de Philosophiæ tabulis expungatur, quandoquidem idem præstet Intellectus patiens; seu, quia

unus & idem Intellectus est essentia, actu, virtute. Verùm non sic conficitur, quod supervacanius sit. Argumentamur: Dantur species intelligibiles. Ergò etiam datur Intellectus agens, qui fabricat istas. Connexum patet: Effectus arguit causam efficientem. Omne enim quod fit, in aliquo & ab aliquo, sed in alio fit. Universalis & intelligibilia fiunt in intellectu patiente. Ergò oportet præter hunc esse Intellectum alium, qui sit principium activum. Sine speciebus istis nulla fit intellectio, quomodo sine speciebus sensibilibus nulla sensio fit. Producentur autem ab Intellectu, & ob id vocatur ille Intellectus cognomine agentis. Quemadmodum lux colorem illustrat, ut ille actu videri possit, ità Intellectus agens species sensibiles alienis conditionibus involutas depurat, ut ab Intellectu patiente cognoscantur. Agens ergò intellectus quia agens non intelligit, sed species à Phantasiâ accipit, & Intellectui patienti imprimit, patiens verò intelligit & judicat.

XI. Quomodo Intellectus agens & patiens differant, curiosè disceptant Authores. Quod realiter distinguantur, ajunt Conimbricenses lib. 3. de anima cap. 5. quæstione 1. art. 2. & 3. Toletus ibidem quæst. 13. & 14. Augustinus Niphus lib. 1. de Intellectu cap. 4. Claudius Boucardus libro de anima part. 4. theore. 9. Piccolominéus lib. 1. de mente hamanæ cap. 6. 7. 8. Jacchæus lib. 9. Institut. Physicar. cap. 5. Verùm in unâ & simplice & immutabili substantiâ diversas res statuere & compositionem inferre vellet, absurdum est. Ratione differunt.

Quemadmodum enim unus idemque sensus agens & patiens est, ac patiens quidem, uti species sensibiles recipit, agens, uti receptas species cognoscit, ita etiam de Intellectu ferendum est iudicium idem. Unus idemque Intellectus & agens, & patiens dicitur, agens quatenus species intelligibiles facit, patiens, quatenus species factas recipit, & in usum deducit. Distinctio est in objecto, non in subiecto. Ita rectè Archangelus Mercenarius *Tomo 2. dilucidationum Peripateticarum pag. 268. seqq.* Barthol. Keckermannus, *lib. 4. System. Phys. cap. 4.*

XII. *Commovet actum intelligendi.* Dum speciem à Sensu communi & Phantasia allatam illustrat, & in intelligibilem transmutat.

XIII. *Patiens est, qui species intelligibiles recipit.* Quod species intelligibiles dentur, negare volunt Durandus *lib. 4. sent. dist. 6. quest. 6.* Gabriel Biel *lib. 2. dist. 16. quest. 1. art. 2.* Ludovicus Buccaferrea *praelectionibus ad lib. 2. de anima.* Eos prolixè refutant Zabarella *libro de speciebus intelligibilibus.* Piccolominéus *lib. 3. de mente humana cap. 6. 7. 8.* Toletus *lib. 3. de anima cap. 7. quest. 21.* Conimbricenses *lib. 3. de anima cap. 5. quest. 3.* Etenim fieri nequit, ut objecta ipsa ingrediantur in Intellectum, cum ne oculum quidem ingrediantur arbor aut canis. Requiritur ergò species objectorum, primò quidem sensibiles, inde convertuntur in intelligibiles, quia intellectio nostra à sensibus incipit quâ illa, quæ ope & industriâ nostrâ acquiruntur. Arguemur; Uti se habet sensus ad sensationem,

ita quoque intellectus se habet ad intellectionem. Atqui sensus per species sensibiles sentit. Ergò etiâ Intellectus per species intelligibiles intelligit. Major constat De paribus par esto iudicium. Uti in sensibus, ita quoque in Intellectu debet objectum actu representari. De Minore non est dubium, uti fuit *suprà lib. 8. cap. 4. dist. 6. 7.* Rursum; Inter quæ actio & passio intercedit, illa debent conjungi invicem, aut substantialiter aut eminenter. Atqui Intellectus agens in objectum cognoscendo illud, & quia non potest cum objecto suo uniri substantialiter, omnino conjungetur cum illo eminenter, id est, per species intelligibiles. Meminit de speciebus istis Aristoteles *lib. 3. de anima cap. 4. text. 6.* ubi id vocat, *locus specierum*, ait, *est anima intellectiva.* Hoc loco idu sunt species intelligibiles, uti rectè monet Averroës *in commentariis.*

XIV. *species intelligibiles.* Species intelligibilis est qualitas intentionalis rem ipsam animæ representans, ait Franciscus Piccolominéus *lib. 3. de mente humana cap. 6.* Rem per se facilem difficultatibus quibusdam involvere conatur Julius Scaliger *Exercitat. 307. sect. 21.* ubi inquirat, *an species intelligibilis sit substantia, vel accidens?* Neutrum esse, rationibus quibusdam obtinere vult. Nos dicimus, esse accidens, esse qualitatem. Et probatur, quia menti inhaeret, atq; in mente subsistit. Dicit Scaliger, *quomodo substantia intelligitur per accidens?* Respondeo: Figurativè & velut per ideam. Ita Cælaris, Ciceronis, Theodosii picta simulacra oculis nostris sese ingerunt &

& notitiam gignunt, haut aliter est de simulacris ab Intellectu depictis in Intellectu. Pergit, *quomodo accidens potest simile esse substantiæ?* Respondeo: Eo modo, quo dictum est. Scilicet est imitativum, est intentionale; non est proportionatum, non materiale, quomodo in speculis artificialibus exprimuntur objecta quævis materiata.

XV. *Quæritur porro: An species intelligibiles sint impressæ vel innatæ?* Respondeo: Sunt innatæ plurimæ quæ objecta istarum rerum, quæ nobis ingenitæ sunt, quomodo etiam in brutorum phantasiâ talia insunt, uti diximus *suprà lib. 3. cap. 4. dist. 11.* Sunt impressæ quæ objecta istarum rerum, quæ studio atque operâ nostrâ percipiuntur. Aristoteles *lib. 3. de animâ* passim inculcat, quod *Intellectus noster sit in potestate, quod sit denudatus ab omni formâ, quod sit locus formarum non actu, sed virtute, quod sit tabularasa.* Effata ista pertinaciter defendunt Scholastici Doctores, & qui in verba istorum iuraverunt, Peripatitici de vulgo. *Combacchius* scribit: Quod dicitur, principia esse nobis innata, non fit inde, quia ab ortu primo nobis inhærent, & nobiscum nascantur, sed dicuntur ita ratione nostri intellectus, qui cum in ista principia fertur sine ulteriore discursu, veritatem horum principiorum cognoscit & approbat, nam horum principiorum terminos per experientiam habet, intellectus noster, ut quid sit totum, quid pars, quamprimum verò hos componit, veritatis sentitur, per facultatem naturalem, quod totum sit majus suâ parte, *lib. 4. Institut. Physicar.*

pag. 676. Sic etiam Barthol. Keckermannus *lib. 4. Systematis Physici cap. 4. & in Cursu Philosophico Disputat. 19. quest. 6.* Piccolomineus *lib. 3. de mente humanâ cap. 9. seqq.* Claudius Boucardus *libro de animâ part. 4. theore. 6.* Arnoldus Sengwerdius *lib. 6. Introduct. Physicæ pag. 548. 549.* Verùm Intellectus noster sine magistro novit, & nondum firmatus ab experientiâ rerum de rebus multis evidentem notitiam habet. Unde hoc, nisi à principio intrinseco? Experientia est cum pleno rationis usu conjuncta, neque potest esse infantibus, qui tamen novērunt multa. Cur pulli gallinacii fugiunt à conspectu milvi, de quo non habent ullam experientiam, & quem nunquam viderunt?

XVI. *Recipit.*] Et actu cognoscit. Hinc est Intellectio, quam eandem esse cum specie intelligibili, censet Julius Scaliger *Exercit. at. 307. sect. 21.* Nos verò speciem intelligibilem esse aliquid distinctum ab intellectione, pronunciamus cum Jacobo Zabarellâ *libro de speciebus intelligibilibus cap. 5.* Piccolomineo *lib. 3. de mente humanâ cap. 7. & 8.* Differunt enim uti pars & totum. Cæterum Intellectio est vel directa vel reflexa. *Directa* est, quæ per speciem intelligibilem perficitur. Speciem inquam, quæ intelligibile cum Intellectu unit. *Reflexa* est, quæ citrà species intelligibiles perficitur. Non enim sunt species intelligibiles, ubi sunt à materiâ abstracta objecta. Estque communis & propria. *Communis* est, quæ res immateriales extrà se positas apprehendit. Uti sunt DEUS & Genii. *Propria* est, quæ mens

Gg. 3; seipsam

seipsam cognoscit. Talis reflexio in immaterialibus & facile & semper fit, non secus ac radii Solares in seipsos reflectuntur, cum à seipsis augentur & multiplicantur. Ita docent Conimbricenses *lib. 3. de anima cap. 8. quest. 7.* Otho Casmannus *part. 1. Anthropologia pag. 111. 112.*

CAPVT NONVM,

Diatriba singularis de Notitiis naturalibus.

S U M M A R I A.

1. *Communes notiones.*
2. *Experimenta.*
3. *Poma infanti oblata.*
4. *Judicium boni & mali.*
5. *Reliquia imaginis divine.*
6. *Lex cordibus inscripta.*
7. *Brutorum notitia.*
8. *Solvuntur objectiones.*
9. *Lex natura.*

I. **Q**UOD dentur principia quædam nobiscum nata seu communia, de cultu Numinis, de vitâ innocentem agendam, nostris animis cum primo vitæ ortu inscripta, docebant olim Thales, Anaxagoras, Empedocles, Democritus, Socrates, & fidelis horum discipulus Plato in *Phædro & Menone*. Quib⁹ contradicit Aristoteles *lib. 3. de anima*, & fervide contendit, quod notitia omnis dependet à sensu; quod nihil sit in intellectu, nisi prius fuerit in sensu; quod nullum intelligibile insit menti naturâ; quod intel-

lectus hominum sit velut tabula rasa, in quâ nihil actu inscriptum est; quod cognitio rerum prors⁹ nulla generetur cum homine. Eum defendunt Hurtadus de Mendoza *Disputat. 4. de anima sect. 4. num. 1. 2. 3. seqq.* Piccolomineus *gradus. Philosoph. moral. cap. 31. 32. & lib. 3. de mente humana cap. 9. & 10.* Conimbricenses *lib. 3. de anima cap. 8. quest. 1.* Gregorius Horstius *lib. 2. de natura humana Exerc. 11. quest. 5.* Jacobus Martini *lib. 1. partitionum Metaphys. sect. 7. quest. 4.* Henricus Regius *lib. 5. Philosoph. naturalis cap. 1.* Gilbertus Jacchæus *lib. 9. Institut. Physic. cap. 4.*

II. Nos Veterum sententiam præferimus cum Ludovico Vive *lib. 2. de anima pag. 72. 73.* Sebast. Foxio *lib. 5. Institutionum Physicar. cap. 24.* Stephano Theupolo *lib. 9. Contemplat. Academic. cap. 13.* Julio Scaligero *Exercitat. 307. sect. 22.* Philippo Melanchtone *libro de anima tract. 3. cap. 15.* Rodolfo Gode-
nio in *Adversariis ad Scaligerum pag. 248. seqq.* Et rationes ordine proferimus istas. *Primo*: Quia de notitiis congenitis eviderent testantur experimenta plurima. Infantulus ab utero eductus appetit matris lac, movetque labia, instrumentum videlicet proprium, quibus mammas apprehendat, alimentum percipiat. Et quidem facit ista à se, instinctu naturæ proprio, non per documenta externa, per consuetudinem. Cl. Felwingerus *dissertatione de notitiis naturalibus*, & Jacobus Martini *l. d.* excipiunt, quod sit Elenchus causæ, non enim notitiæ istæ sunt istius effectus causæ, verum appetitus naturalis, à quo fames excitatur. *Respondet*: Est Elenchus oppo-

oppositotum, quoniam appetitus ille ortum suum habet in notitiis naturalibus. Enotitiarum harum demonstratio est, quod moveat labia, quod mammas corripiat, quod lac sugendo trahat.

III. *Secundò*: Quia cum infanti of-
feruntur duo poma, recepto uno postu-
lat simul alterum. Causa est, quod ha-
bet connatam notionem principii ejus:
Totum est majus aliquâ parte sui. Ex-
cipit *Martini*: Denuò fallacia causæ.
Non enim ita facit infans, quod secum
natam habet principii ejus notionem,
sed quia duo objecta magis afficiunt fa-
cultatem cognoscentem, & appetitum
concitant. Quò enim aliquid majus
bonum est, eò magis est appetibile. *Re-
spondeo*: Est idem Elenchus, quandò
notitiæ naturales velut erudiunt appeti-
tum, ut ab iis habeat, quicquid habet.
Naturalis appetitus præsupponit co-
gnitionem naturalem. Hæc est conge-
nita, non verò acquisita per sensus. Et
unde quæso est, quod videatur majus bo-
num? Scilicet, quia totum est majus &
melius parte suâ, inferente ita Naturâ,
antequam institutio aliqua per sensus ac-
cedat, & antequam inter totum & par-
tes discrimen manifestum exponere pos-
sit alijs.

IV. *Tertiò*: Quia judicium boni &
mali, recti & pravi est ab instinctu con-
scientiæ, quæ notitiis naturalibus inniti-
tur. Id confirmatur exemplo improbo-
rum, qui tanguntur & anguntur recor-
datione prævæ actorum, pœnas metuunt,
reſtem intimis animi recessibus involu-
ta circumferunt, quem vitare non pos-

sunt, ne illos anxios & sollicitos ubique
detineat, accuset, damnet, domi & fo-
ris excruciet. Dicit *Felwingerus*: Quam-
vis conscientia mala torqueat homines
impios, & inculcet eis, esse Deum vin-
dicem scelerum, non tamen sequitur,
esse hoc à notitiis naturalibus, propter-
eà quod conscientia ejusmodi tantum
est in adultis per conversationem, non
verò per generationem naturalem. *Re-
spondeo*: Conscientiæ morsus non est so-
lum ab acquisitis notitiis, verum
etiam cum primis quidem ab innatis,
quare infestat illos, qui secum vi-
ventes rudissimi sunt & experimenta re-
rum non habent, atque istos, qui licet
multa noverint, tamen Dei hominum-
que contemptores periculosa exempla
non verentur, exempti ab hominum
censuris, uti Tyranni. Eos non homi-
num clamor, non exemplorum terror,
sed Naturæ instinctus præveniens expe-
rientiam omnem vexat non vano metu,
quamvis occultè patrata sunt flagitia,
aut potentia adversus humana supplicia
nocentem munit. Infantes omninò con-
scientiam habent, sed non ita evidentem,
quod intellectum practicum non habent
ob rationis defectum, adeoque carent
scitorum applicatione objectiva, à quâ
conscientiæ testimonium proximè de-
pendet.

V. *Quartò*: Quia in homine cor-
rupto luculentæ imaginis divinæ portio-
nes adhuc temanserunt, & verò illa do-
num erat naturale, neq; minus naturales
erunt reliquæ ejus, uti sunt notiones
communes, Genes. 9. 6. Excipit *Fel-
wingerus*: Negatur consequentia, quia
etiam

etiam virtus naturalis & potentia illa scientiam acquirendi, & de rebus benè judicandi, ad imaginem DEi pertinent, quæ adhuc supereffe in homine, libenter damus. *Respondeo*: Imago DEi non consistebat in potentiâ, verùm in actu, igitur & reliquiæ ejus non consistunt in potentiâ acquirendi solùm, verùm in re, in habitu, in notitiis ipsis. Nisi hoc fuerit, reliquiæ dici non possunt, id est, quæ de integro reliqua sunt.

VI. *Quintò*: Quia solidum testimonium notitiis illis perhibet Apostolus Roman. 2. 14. 15. *Gentiles qui non habent Legem scriptis expressam, habent tamen Legem naturalem animis inscriptam.* Manifesta oppositio actuum, ratio in objecto sensibili acquirit, & quos ex sese invenit, quamvis per sensus neque comparavit, neque foràs edidit. Argumentamur: Quodcunque naturâ cordibus gentium inscriptum est, illud non est acquisitum, sed innatum. Atqui opus Legis naturâ cordibus inscriptum est. Ergò non est acquisitum, sed innatum. Excipit *Felwingerius*: Opponitur hoc loco *revelatum* illi quod *naturale* est, non verò *acquisitum*. Gentiles quidem scriptas Leges habebant, uti Judæi; habebant tamen Legem, quam Naturâ ipsa sancivit, nempe discrimen honestorum & turpium, secundùm quod ductu rationis rectæ vitam instituerunt. Neque cum dicit, *cordi inscriptum*, arguit connatum aliquid, nisi dicamus Evangelium cordibus nostris inscriptum, 2. *Corinth.* 3. 3. esse innatum in nobis. Innuuntur potius notitiæ per ratiocinationes experi-

mentales conceptæ, uti constat ex loco pari, *Roman.* 1. 19. ubi dicitur, quod Gentiles per contemperationem hujusmodi universi, non per notitias insitas, oblevaverint, DEum esse. *Respondeo*: Naturale hoc loco præcisè denotat illud, quod innatum est. Argumentamur: Quodcunque non est præscriptum, sed inscriptum, illud non acquiritur extrinsecus, verùm à se percipitur intrinsecus. Atqui communes notiones in animis nostris inscriptæ sunt, & non præscriptæ. Ergò communes notiones non acquiruntur extrinsecus, verùm à se percipiuntur intrinsecus. Major constat: Præscribi & inscribi sunt opposita, illud extrinsecum quiddam est, hoc intrinsecum. Minor patet è contextu, ubi Gentiles & Judæi opponuntur, atq; illis tribuitur inscriptio Legis naturalis, his verò insuper conceditur Legis præscriptio artificialis, quæq; à sensibus percipitur. Frustrâ adfertur illud, *quod Evangelium sit cordibus nostris inscriptum*. Manet enim, quod diximus, naturale esse illud quod congenitum est, ita *φύσει* usurpatur *Ephes.* 2. 1. Evangelium non est inscriptum cordibus nostris *φύσει* & per notitiam congenitam, sed à Spiritu renovationis per verbi prædicationem. Deuique *Roman.* 1. 19. est sensus alius, & permittitur, quod ibi doceat Apostolus, notitias à contemplatione naturæ ortas posse informare hominem, esse DEum universi conditorem & procuratorem uti diximus *lib.* 1. *Institut. Politicarum cap.* 3. *disput.*

VI. *Sextò*: Quia certum est, penes bruta etiam reperiri notitias congenitas, quò

quò magis illæ permitti debent in hominibus inesse. Antecedens constat: Cornu petere minatur vitulus, antequam cornua nascuntur. Calce ferit pullus equinus nondum satis firmatis ungulis. Catellus mordere tentat, etiamsi nondum habet dentes. Aves omnes moluntur volatum, etiamsi nondum habent plumas atq; alas. Horatius:

*Dente lupus, cornu taurum petit, unde
nisi intus*

monstratum?

Non igitur cognitio omnis incipit à sensibus, etiam in brutis, quò minus in homine, quem præ brutis omnibus rudior esse quis dicere velit? Rursum: Pullus gallinacius milvum veretur, nec metuit ardeam, scilicet quia connatam secum habet milvii perditoris speciem universalem, quâ singulares milvii omnes representantur, ait Julius Scaliger *Exercit. 307. sect. 22.* Excipit *Martinius*: Hoc verosimile esse non existimo, Inimicitia, voluptas, odium, dolor neque in objecto sensibili, neque in animâ sunt aliquid, sed tantùm passiones & affectiones, rei perceptionem sequentes, provenientesque non à specie inhærente, sed à quodam instinctu naturali qui animantibus est concessus, ut excitet appetitum vel ad apprehendendum vel ad fugiendum objectum. Hinc milvii conspectus pullo adfert dolorem, non quia naturaliter speciem connatam habet, sed quia instinctus & antipathia naturalis adest. *Respondeo*: Perceptio rei non sufficit, verum requiritur, uti accedat iudicium, quod discernit bonum à malo, noxium ab innoxio. Hoc undè est in

vitulo, in pullo gallinacio? Aut congenitum est, aut acquisitum. Non hoc, quia averfatio rei noxiæ exserit sese etiam penes illos, qui recenter exclusi sunt, pullos, qui nondum exempla viderunt à milvio patrata. Ad instinctum naturalem & Antipathiam provocare, est causam suam abjicere. Hæc enim congenita sunt, non acquisita.

VIII. Instant *Horstius & Iacobus Martini*: (1) Quod species intelligibiles non fiant absque phantasmatis, adeòque sine illis non possunt operari in Intellectu. *Respondeo*: Negatur consequentia. Phantasmatum receptio & transmutatio efficiunt quidem in Intellectu notitias *acquisitas*, sed non evertunt notitias *congenitas*, quæ à priori existunt, & secum habent propositiones naturales virium istarum, ut cum sensu conjungant Intellectum & veluti unum efficiant. Scilicet notitiæ naturales à priori Intellectum uniunt cum sensuum experimentis; & notitiæ acquisitæ à posteriori sensuum experimenta ad Intellectum referunt. (2) Quod intellectus puerorum recens natorum haud possit uti speciebus & notionibus universalibus, adeòq; hoc unum ostendat satis, non esse species tales. *Respondeo*: Negatur consequentia. Multa sæpè habemus, quibus tamen non semper uti possumus, impedimento undecunq; objecto. Habent feles, habent catuli recens nati visum, quandoquidem anima sensitiva nunquã destituta est hac facultate, sed tamen non vident propter impedimentum externū, oculis constrictos. Neq; licet infantibus rationē detrahère,

Hh h

quam-

quamvis actu non ratiocinantur, ut adulti. Regerit Martinus: *Dices impedimento esse imbecillitatem organorum. Sit ita. Effet nihilominus vis memoria intellectiva, qua organis non indiget, ex qua recordatio fieri possit in provectâ aetate.* Atqui ne quidem de rebus acquisitis hoc valet, multò minus valeat de notionibus ingentis. Nihil eorum recordamur ferè quæ teneris annis sive egimus, sive perpeffi fuimus, imò nec saporis de materno lacte. Quis inferat, nostunc temporis nihil egisse, nihil vidisse, nihil audivisse, nihil perpeffos, lacte usos non fuisse? Multi ipsorum parentum, quos amiserunt tunc cum infantes erant, non meminerunt, nec tamen indè sequitur, quod parentes nullos habuerint. (3) Quod Aristotelis testimonio, tota nostra intellectio dependeat à sensibus, anima, *inquit*, sine phantasmate nihil intelligit, lib. 3. de animâ text. 30. 39. *Respondeo*: Potest commodè exponi locus iste de habitibus acquisitis, & de quadam intellectuione nostrâ, quæ dependet à sensibus. Si latius extenditur dictum Philosophi, erravit ille, & nos erroris ejus patrociniū à nobis devolvimus. Anima separata intelligit, vult, agit, patitur, & tamen non habet phantasmata, quia non sunt affixæ sensibus. (4) Quod par sit ratio in sensu ad sentiendum, atque in Intellectu ad intelligendum. Verùm sensus non sentit idèò, quia species sensiles congenitas habet, ergò nec Intellectus idèò intelligit, quia habet principia congenita, estque Intellectus excellentior præ sensibus. *Respondeo*: Comparatio ista inter sen-

suum & Intellectum non est adæquata, & valet solum de iis quæ labore nostro addiscuntur. Excellit Intellectus præ sensibus id quod habet principia connata, quomodò semper nobilior est illud quod proprium est, quàm quod ab alio mutuor. (5) Quod anima non opus habeat in societate corporis esse, quandò connatis principiis usâ posset intelligere. Et si non accipit species à sensibus, quare velit cum corpore suo uniri ad functiones proprias exercendas, inter quas imprimis est intelligere? *Respondeo*: Negatur consequentia. Appetit anima sociari cum corpore suo propter habitus acquisitos in composito exercendos. Non quod omnem intellectionem à sensibus accipiat, sed quod per illos in composito multa quærat, inveniat, judicio suo efformet. Et quoniam compositum est nobilior ac perfectius animâ separatâ, idèò societatem corporis affectat, ut præstantius aliquod constituatur, quàm ipsa sola est. (6) Quod homo nascatur cum ignorantia rerum omnium, unde mens ejus confertur cuti tabulâ rasâ, in quâ nihil scriptum est, sed tamen omnia scribi possunt, lib. 3. de animâ cap. 4. *Respondeo*: Aristotelis dictum particulare est, & valet de illis habitibus, qui per educationem & conversationem acquiruntur. Latius extendi non debet, adeòq; tunc ut parum vero congruum repudiatur. Quia enim Aristoteli divina imago prorsus incognita fuit, mirum non est, quod de reliquiis ejus nō rectè judicavit. (7) Quod notitia principiorū universalium acqui-

ritur per sensus & experientiam, teste Aristotele lib. 2. poster. analyt. cap. 19. *Respondeo*: Loquitur ille de principiis quibusdam artificialibus, à quibus non licet inferre ad evertendas notitias infitas. (8)

Quod nullus homo invenitur, qui terminos simplices ex quibus constant principia, aut vocabula quibus significantur, intelligat, antequam ex institutione magistrorum & parentum ista didicerit. *Respondeo*: Negatur consequentia. Res enim ipsæ conascuntur; non etiam vocabula, quæ addiscuntur per conversationem. (9) Quod omnis intellectio habeat originem à sensu, unde vulgò dicitur: Nihil est in intellectu, quod non fuit antè in sensu. *Respondeo*: Solutio eadem. Non omnis intellectio est à sensibus, verum illa tantum, quæ comparatur eo quo diximus modo, & in eundem sensum exponi potest Aristotelis dictum, quamvis de consensu ejus obtinendo haud multum curemus.

IX. Atque hæc Lex naturæ perpetuâ propagatione in homines omnes traducitur, ut cum primo vitæ ortu & natalium jure insit illa in hominibus omnibus. Dicit Hieronymus Zanchius: Non idèò vocatur Lex naturæ, quod illa per Adamum in posteros ejus naturaliter propagatur, sed quod DEus illam impreflit animis nostris, *Volum. 1. Disputationum Theolog. cap. 10. pag. 171.* *Respondeo*: Falsè supponitur, quod animæ creantur. Atqui per generationem traducuntur, unde argumentum: Omnis proprietas naturalis. Ergò sequuntur originem & conditionem subiecti. Et quia propagatur anima, unà etiam propagantur notitiæ istæ.

CAPVT DECIMUM.

De Voluntate.

SUMMARI A.

1. *Definitio voluntatis.*
2. *Principium movens.*
3. *Voluntatis motus.*
4. *Voluntas à se libera.*
5. *Voluntatis determinatio.*
6. *Voluntatis objectum.*
7. *Bonum apparens.*
8. *Voluntatis actiones.*
9. *Elicitæ, imperatæ.*

I. **V**oluntas est facultas, quæ appetit bonum.] Aristoteles lib. 3. de animâ cap. 10. Doctores Scholastici referunt, quod sit Voluntas triplex: *Consiliativa*, quæ judicat, esse aliquid bonum ut fiat, vel non bonum ut non fiat. *Affectiva*, quæ appetit id quod judicat esse bonum, & refugit id quod malum esse judicat. *Imperativa*, quæ jubet illud fieri vel non fieri, quod vel bonum vel malum esse judicatur.

II. Atque hinc oritur quaestio: *Quodnam sit principium movens voluntatem?* *Respondeo*: Vulgò docent, quod causa primò voluntatem movens sit Intellectus judicans & approbans voluntati, quæ sint expetenda & quæ sint fugienda, Piccolomineus in *Philosophiâ moralis* gradu 2. cap. 41. seqq. Peucerus libro de divinatione pag. 47. Hurtadus de Mendozâ *Disputat. 14. de anima sect. 7. seqq.* Claudius Boucardus libro de anima part. 5.

theorem. 2. Samuel Mareſius in *Systemate Theolog. Diſputat.* 8. *diſt.* 43. Arriaga *Diſputat.* 7. *de animâ ſect.* 4. *num.* 3. Franciſcus Oviedo *Diſputat.* 8. *de animâ ſect.* ſeqq. Libertus Fromondus *lib.* 4. *de animâ cap.* 6. *artic.* 2. 3. *cap.* 7. *artic.* 8. Ratio eſt, quoniam Intellectus naturâ prior eſt, quàm voluntas; & quia non volumus, niſi quod antea cognoviſcimus.

III. Verùm Julius Scaliger *Exercitat.* 307. *ſect.* 25. contendit, non ſemper moveri voluntatem ab intellectu, ſed voluntatem à ſeipſâ moveri & determinari. Et probat: (1) Quod actio voluntatis non eſſet in poteſtate ejus, ſi ab agente alio naturali moveretur. Itaque & fruſtrâ & iniquæ eſſent leges divinæ atque humanæ. (2) Quod ſecus cum eſſet, eodem modo ab objecto uno homines omnes moverentur. Atqui conſpecto equo bellatore & navigio, quare ad illum movebitur generoſus Gallus, ad hoc vanus Ligur? Quin ſua cuique directio eſt, itaque ſine ullo externo objecto per voluntatem movere poſſum Intellectum ad intelligendum, & contrâ avertere ab intellectione. (3) Quod dicimus verè & ex omnium gentium conſenſu, volo velle, hic enim eſt actus à principio ſuo in ſe deſinens. *Hac ille.* Ex quibus inferit, quod voluntas per ſe & à ſeipſâ internoque principio excitatur ad illa, quæ ſunt approbanda vel fugienda, hoc eſt, ad velle & nolle, quo quidem inſito principio & ipſum quandoque intellectum & ſeipſam ad proprias actiones edendas incitat.

IV. Et concedimus facilè, quod vo-

luntas à ſe libera ſit, tantum ut prærogativa Intellectus conſervetur, ut voluntatem moveat oſtendendo, cognolcendo, ſuadendo, indicando quid faciendum ſit, quid fugiendum, quamvis non ſemper ei perſuadeat. Rationes allatæ non ſunt magnarum virium. (1) Leges promulgantur de rebus iis quas novimus, facimus, itaque præcedit Intellectus & monſtrat voluntati, quæ ſeire intereſt ejus. (2) Diverſæ in objecta diverſa inclinationes ſunt ab educatione, quæ vim magnam habet in formandis hominum ſtudiis. (3) Eſt locutio complexiva, & præſupponitur Intellectus, à quo eſt initium omnis actionis.

V. Quanquam verò cognitio Intellectus neceſſaria maximè ſit ad voluntatis actum exciendum, ſola tamen voluntas formaliter libera eſt, ut determinet ſeipſam, & velit à ſeipſâ id quod vult agere, quodque agit. Errant Scholæ Reformatæ Doctores, qui aſſerunt, voluntatem ad actum ſuum determinatâ iudicio Intellectus, ita ut voluntatis libertas nulla ſit, conſtricta verò ſit ad intellectus ductum, à quo ſemper determinatur, Johan. Cameron *diſſertationum cum Tilenò, Martinus Schogkii diatriba de libero arbitrio diſt.* 25. 26. ſeqq. Hornbekius *Tomo 1. Socinianismi conſutati pag.* 619. ſeqq. Johan. Maccovius in *Collegio miſcellanearum quaſtionum pag.* 454. ſeqq. Adrianus Heerbord in *Collegio Ethico Diſputat.* 10. *diſtinct.* 7. 8. 9. & *Exercitat.* *Ethica* 14. *diſtinct.* 1. 2. ſeqq. Hos prolixè & benè refellit Simon Epiſcopius in *Cenſura ad Apologiam Cam-*

Cameronis pag. 209. *seqq.* *Operum Theologorum.* Nimirum Intellectus diiudicat objecta quidem & proponit illa voluntati, sed voluntas intrà se volitionis suæ efficiens acceptat proposita liberè. Libertas enim non versatur circà objectum ipsum, verùm circà modum amplectendi objectum. Et secus cum est, libertas vel indifferentia non erit proprietas voluntati impressa; Namque denominatio extrinseca non potest dici, proprietas esse. At quod libertas sit voluntati proprietas peculiaris, dicunt Adversarii ipsi, cum arbitrium describunt Martinus Schogkiius *diatribâ delibero arbitrio dist.* 9. 10. 11. Quamvis multis modis libertatem istam destruant, & tantùm non prius corruptant, uti dicemus *infra cap.* XII. *dist.* 1. *seqq.*

VI. *Appetit bonum.*] Objectum voluntatis est bonum, quia nihil uspiam Natura ambitu suo includit, quod appetat malum. Uti enim Ens omne conservationem sui percupiscit, ita fugit illa, quæ destruere & corrumpere possunt, videlicet mala & noxia. Bonorum optimum in cælis Deus est, & in terris est animi tranquillitas. Eò cum primis Intellectus noster contendit, atque illi quos iuvat secundum Naturæ incorruptum dictamè vivere, spernunt voluptates, opes, honores, utpote quæ sunt bona mutabilia, neque voluntatem hominis explent. Solus Deus, sola animi tranquillitas par illud nobile bonorum sunt, in quo perfectè voluntas nostra acquiescit.

VII. Bonum verò semper illud est, quod verè tale est, cum voluntas paret intellectui; cum ab affectibus seducitur,

bonum apparenter tale est. Sæpe enim mala honesti speciem mentiuntur, & turpibus est similitudo recti, ait Seneca *Epistol.* 120. Inde fit, ut mala appetamus & peragamus, decepti rerum apparentis. Semper Intellectus suadet quod bonum est, non tamen semper voluntati persuadet, quæ affectibus obnoxia eligit apparenter bonum; id est, verè malum.

Video meliora, proboque

Deteriora sequor,

ait Medæa apud Ovidium *lib.* 9. *Metamorphos.* Et libidinosus Ganeo apud Terentium: *Sciens vivens vidensque perco.* Exemplis plenæ sunt omnes historiæ.

VIII. *Ejus actiones sunt vel elicite vel imperate.*] Actio voluntatis nominatur volitio, eaque libera, non coacta. Unde veterum Stoicorum commune dictærium: *Liber vixi, liber moriar,* Seneca *Epist.* 77. *Nulla externa vis coget, ut sentiam quæ nolim, nolim quæ velim,* Artianus *lib.* 2. *disertationum cap.* 2.

IX. *Elicite sunt, quas voluntas à se producit. Imperate sunt, quas voluntas per alia producit.*] Elicite sunt velle, nolle, eligere. Imperate sunt ambulare, quiescere, moveri. Namque ad istas locomotivæ opus habet voluntas, velut principio actionis ejus proximo. Quo de negotio uberius aliquod dicendum est, ut voluntatis imperium sciatur, quod particulare est, non verò universale, uti post alios benè differit Claudius Boucardus *libro de anima part.* 5. *theorem.* 6. 7. 8. Scilicet voluntas non habet imperium in animam vegetativam: Fames & sitis obrepunt, neque sedantur, nisi dato cibo & potu, venterque caret auribus. Augescit

statura pro beneplacito naturæ, ut nec detrahere nec adiciere ei possimus. Quantus ardor generationis in plurimis hominibus inest, & tamen matrimonium sterile est? Porro multæ animales potentia respiciunt voluptatis imperium, sensus externi, respiratio. Sonitus bombardarum aures, fulmina oculos, fœtores nasum, sapores palatum, verbera tactum afficiunt, velis, nolis. Neque aliter est de sensibus internis. Communis sensus dijudicat receptas species, Phantasia efficit somnia, Memoria impressas fortiter notitias retinet, avertere omnia ista non est voluntatis nostræ. Reliqua sunt Appetitus sensitivus & Locomotiva, ubi dominari & pro arbitrio disponere voluntas potest. Ità pro arbitrio voluntatis stamus, sedemus, ambulamus, cadimus, surgimus, apprehendimus, deponimus; oculos claudimus, aperimus, convertimus huc & illuc; caput deicimus, tollimus, inclinamus; pedes manusque agitamus; ringimur, mœremur, tristamur, gaudemus, dolemus, exsultamus, amamus, odium fovemus, quandò & ubicunque lubet. Rationales quoque potentias impellit & moderatur. Intellectum, ut cognoscat & disserat super objecto scibili, aut etiam negligat, unde rudes illi & Ignorantiæ alumni, si facultatem discendi habent, non etiam voluntatem, pergunt esse Arcadica pecora. Risus, fletus, sermo dependent itidem à voluntate nostrâ. Ità intellectus & voluntas sibi invicem suadendo & dominando, hominem totum sub diviso imperio continent. Eorum bonas dispositiones turbat sæpè

Appetitus sensitivus, qui velut reus subditus adversus Dominum suum con-surgit, ut feratur equis auriga, nec adiut currus habénas. Hinc sunt indigai-ctus, improbitates, pravitates nimis fertili segete in Orbe, postquam Integritas statim ab Adami lapsu cepit esse corruptus, *Genes. 3. Romanor. 7. 15. 16. 17. 18.*

CAPVT VNDECIMVM,

De libero Arbitrio.

SUMMARIA.

1. *Liberum arbitrium.*
2. *Definitio.*
3. *Servum arbitrium.*
4. *Stoicorum opinio.*
5. *Reformatorum doctrina.*
6. *Viti violentia.*
7. *Regi cor in manu Dei.*
8. *Neceffitas.*
9. *Varia denominationes.*
10. *Neceffariò factum.*
11. *Maccovii instantia.*
12. *Dominium rationis.*
13. *Voluntas constricta.*

I. *E*ius concomitans est Liberum Arbitrium.] Liberum arbitrium non tam in Intellectu quàm in voluntate inest, uti consensu uno docent Thomas Aquinas *part. 1. Summa Theolog. quest. 83. art. 1. 2. 3. 4. Joh. Scotus lib. 2. dist. 25. quest. 1. 2. & ex illis Martinus Becanus part. 2. Theolog. Scholast. tract. 1. cap. 2. quest. 3.* Voluntas enim positis omnibus quæ ad agendum necessaria sunt, liberè improbat

bat & approbat, accipit & repudiat. Intellectus verò non potest se aliter habere, quàm uti se offert intelligibile. Neque est penes Intellectum actus suos pro lubitu definire & determinare, sed hoc ius voluntatis est.

II. *Liberum arbitrium est facultas anime rationalis, qua homo cognita ab Intellectu liberè vel accipere vel repudiare potest.*] Ità homo liberè edit, bibit, movetur & convertitur in loco, potest enim abstinere, potest immotus consistere. Ceterùm de Liberi Arbitrii statu & requisitis multa disceptantur non solum apud Philosophos, verùm ipsos quoque Theologos. *Servum arbitrium* vocat Doctor Lutherus in diatriba contrà Erasum Roterodamum, exemplo eius quod olim ità fecerat Augustinus *Enchiridio ad Laurentium* cap. 30. lib. 3. contrà Epistolas duas Pelagii cap. 8. lib. de correctione & gratiâ cap. 13. Nimirum in rebus fidei ac gratiæ, quatenus omnis nostra voluntas cum operationibus suis à solo Deo est, qui efficit in nobis velle & perficere, *Philip.* 2. 13. Quæ res naturales & morales alia est ratio. Estque in iis arbitrium verè liberum, ut possit homo aliter agere quàm agit, sive committendo sive omittendo, ut possit oblatam conditionem aliquam accipere & non accipere, eandem expetere & repudiare. Non peccat coactus, sed spontè suâ ruit in peccata, & in peccatis ipsis delictum habet, ut hoc potius quàm illud committat.

III. Reprehendunt Becanus libro de libero arbitrio pag. 123. Julius Scaliger Ex-

ercit. 307. sect. 25. & non ferunt, quod vocetur servum arbitrium. Dicunt, isto modo spontanium omne tolli de rerum natura, & frustra esse leges omnes tum divinas tum humanas, quid enim præcipiant sive Deus sive magistratus, cum perficiendi facultas non esset in potestate nostra? Verum hæc adversos Stoicos rectè & bono cum successu urgentur, qui omnem agendi libertatem de mundo tollunt, & in quacunque re. Pergit Scaliger: *Sublato principio potestatis in nobis ad bonè agendum, non poterit Deus nos damnare & injustitia postulare in neglectis officiis.* Atqui per nos liceat voluntati esse principium actionum suarum, quæ spontanium omnino retinet, quatenus non facit coactè, sed liberè; & quatenus media ad pietatem ordinata vel contemnere vel amplecti potest, *Proverb.* 1. 24. *Lucæ* 7. 30. *Actorum* 7. 51. cap. 13. 46. *Roman.* 3. 24. *Ephes.* 2. 8. *Apocal.* 3. 20. Ità potest homo conciones audire, verbum legere; potest concionibus & piorum cætibus abstinere; potest verbum & Sacramenta nec legere, nec adhibere; potest monita piorum spernere.

IV. Pro Stoicis tamen causam dicunt Reformati. *Iohannes Piscator* scribit; Ego vocabulum liberi arbitrii, quatenus homini tribuitur, accipio cū Lombardo pro noncoactione. Quando verò illud definitur per negationem omnis determinationis, fateor liberum arbitrium sic intellectum cum fatali necessitate consistere non posse, sed nego, hominem tali arbitrio instructū esse, quippe cū Deus inclinet voluntates hominū quocunq; lubet.

Pro-

Proverb. 21. 1. cumque tale arbitrium soli Deo conveniat, notis ad amicam collocationem Vorstii pag. 110. 138. 225. & Responso ad duplicam Vorstii part. 1. pag. 191. 233. Respondeo: Liberum hominis arbitrium omninò tollunt Reformati, cum docent, quod omnis voluntas in Deo sit absoluta, Johannes Walæus in Censurâ adversus Arminianos cap. 5. Joh. Maccovius Collegio de Prædestinatione Disputat. 3. & in Locis Communibus part. 1. Disputat. 26. Paulus Voët in Theologia naturali reformatâ cap. 13. sect. 2. num. 9. Jacobus Triglandius libro de voluntate Dei & gratia universalis pag. 165. seqq. Samuel Marelius in Systemate Theologico Disputat. 4. dist. 17. Scilicet, voluntas ista hominem cum effectis suis ineluctabiliter necessitat, hoc est, ad unum oppositorum necessariò constringit, & determinat omnia ejus acta & eventa, ut non possint non esse, nec aliter evenire queant, quàm eveniunt.

V. Excipit *Piscator*: Decretum Dei quidem naturam rerum ad certos actus limitat & determinat, interim naturam ipsam non evertit, sicut puer à gigante constrictus, & si quamdiu constrictus tenetur, non possit se movere, naturalem tamen movendi selevim non amittit, *Responso ad duplicam Vorstii part. 1. pag. 209. Verùm hoc est nugari. Quemadmodum enim puer non dicendus est tunc liberè incedere, quando gigas eum undique constringit & cohercet, ut vix ullum movere possit articulum, tamen si potentiam incedendi retineat interim: sic homo, quem Deus omnipotens fatali, absoluto & irresistibili decreto undique con-*

stringit & limitat, ut nihil aliud quàm quod ab ipso præcisè decretum est, unquam facere possit, non dicendus est liberè & contingenter agere. Neque enim de potentia agendi, sed de actu ipso quæstio est, ad quem, dicente Piscatore, homo per absolutum decretum & influxum Dei irresistibiliter inclinatur, & limitatur: proinde actus hic neque respectu decreti divini neque respectu hominis manet contingens & liber. Vis enim decreti ejus transit & agit in hominem, quem ita movet, ut nec velit nec possit vel aliud, vel aliter agere, quàm quod & quomodo ut fiat, à Deo definitum est, & ut non ad utrumque, sed ad unum oppositorum simpliciter restrictus sit. Quod verò ita præcisè à Deo definitum est, illud non potest non esse, nec potest non fieri. At contingens est, quod potest non esse, & non fieri.

VI. Porro quod negat *Piscator*, *Armini inesse liberum arbitrium, expers fatalis hujusmodi determinationis, falsissimum est. Nam Deus reliquit hominem in manu consilii sui, Ecclesiast. 15. 14. quem justè punit, cum peccat. Sed cum ipse ad peccandum absolutè & irresistibiliter à Deo flectitur, inclinatur, determinatur, non certè punitur justè, quia Deus eum absoluto suo beneplacito, & præcisæ voluntatis decreto ad peccandum necessitavit. Quicumque verò facit illud, quod Dei voluntati conforme est, ille non peccat, & proinde ob illud quod ita agit, non punitur justè, sed præmiis potius affici debet. Etenim voluntas Dei non nisi bona, justa & sancta est, & propterea quodcumque cum illâ*

congruit, bonum, iustum & sanctum est.

VII. *Urget Piscator*: (1) *Quod Regis cor est in manu Dei, & flectit illud, quomodo vult, Proverb. 21. 1. Respondeo*: Hęc flexio non est absoluta, sed modis certis limitata. Neque enim sequitur, *determinari statim quod disponitur*. Potest enim aliquid disponi in ordinem, quod non determinatur in effectum. Et si vel maximè effectus voluntatis determinatur ad certum finem, non statim ipsam voluntatem ad certum effectum determinari dicendum est; disponitur omnis liberæ voluntatis creatæ effectus à providentiâ, sive Deo volente fiat sive prohibente. Non disponitur semper, ut fiat: semper tamen illi finis præfixus est quem egredi nequit. Sane Reges ipsi orant, ut Dominus animos ipsorum regat, 1. Regum 8. 58. *Psal. 119. 36. 112.* Et verum hoc est de consiliis, quorum ductu reguntur, Si bona illa sunt, Deus suggessit; si mala, non semper à Deo sunt, nisi iusto iudice. Non tamen isto, qui fataliter impellit, sed qui moraliter persuasum Regem agere finit, quodcunque vult. (2) *Quod soli Deo convenit liberum arbitrium. Respondeo*: Deus cum hominem ad imaginem suam condidit, eum perfectionis huius compotem fecit. Est quidem obscurata Dei imago, & infirmul debilitata arbitrii libertas, non tamen prorsus ablata est, nec potest auferri quamdiu manet usus rationis, quo discernitur homo à bruto.

VIII. *Cognita ab intellectu liberè vel accipere vel repudiare.*] *Necessitas coactionis opponitur Libertati, quia contrâ*

voluntatis & liberi arbitrii naturam est, cogi. *Necessitas subsidii non tollit liberum arbitrium, itaque homo licet regatur congruis mediis à Deo, tamen liber est, liberè potest amplecti media salutis, liberè etiam repudiare. Sic & necessitas præcepti cum libertate consistit. Libera est virtus, & tamen præcepta; liberè obediunt discipuli magistris, filii parentibus, attamen ex mandato divino pariter & humano. Sic & necessitas promissi cum libertate consistit. Liberè Deus credentibus dat vitam æternam, sed tamen ex promisso. Liberè ducitur uxor, etiam cui antea fides data est. Ubi nulla est coactio, ibi voluntas est, ibi libertas arbitrii est.*

IX. *Potest.*] *Varia sunt denominationes arbitrii liberi, quas referunt Piccolominèus gradu 2. Philosoph. moral. cap. 30. 31. 32. seqq. Benedictus Pererius lib. 9. Philosoph. natur. cap. 11. 12. 13. 14. 15. Claudius Boucardus libro de animâ part. 5. theorem. 3. 4. Hurtadus Mendoza Disput. 15. de anima sect. 1. puncto 4. Franciscus Oviêdo in Cursu Philosophico Tractatu de anima Disputat. 12. sect. 1. 2. 3. 4. 5. 6. 7. 8. Prima est à coactione libertas, cum quis liber est à principio interno ad faciendum irresistibiliter determinante. Secunda est libertas à necessitate, cum quis delectu libero & spontè res faciendas vel repudiat, ut non agat; vel accipiat, ut agat. Utraque illa pertinet ad constitutionem Liberi arbitrii. Negant Scholæ Reformatæ Doctores, quorum sententia est, necessitatem in agendo non tollere liberum arbitrium, sed homines ita liberè agere, ut etiam a-*

gant necessariò, quandoquidem illi à decreto Dei pendeant, præter aut contrà quod nihil eligere vel exsequi possunt, consulto prorsum Stoico, Johan. Calvinus *lib. 1. Institutionum Relig. Christ. cap. 16. sect. 8. lib. 2. cap. 4. sect. 6.* Johan. Scarpus *in Cursu Theolog. Tomo 1. pag. 267. seqq.* Iohannes Maccovius *in Theolog. Polemica cap. 10. quest. 1.* Samuel Marelius *in Collegio Theologico Disputat. 8. dist. 47. seqq.* Johannes Crocius *Animadversionibus ad Manuale Becani Tomo 2. Controv. 15. sect. 1. dist. 10. seqq.* Wilhelmus Amesius *in Bellarmino enervato Tomo. 4. pag. 77. 78. seqq.* David Derodon *libro de libertate cap. 4. dist. 40. 41. seqq.* Martinus Schogkii *diatriba de libero arbitrio dist. 16. seqq.* Daniel Chamierus *Tomo 3. Panstratiæ Cathol. lib. 2. cap. 1. 2. 3.* Andr. Rivétus *Tomo 2. Summæ Controversiarum tract. 4. quest. 4.* Verùm uti actio cogentis violenta, ità pariter necessitas agendi à principio superiori imposita, non potest consistere cum arbitrii libertate, quam in rebus agendis habent rationales Creaturæ.

X. Argumentamur *primò*: Quodecunque fit necessariò, illud non fit liberè. Atqui operationes Creaturæ rationalis fiunt necessariò. Ergò non fiunt liberè. Consequentia Majoris patet: Liberum est, quod potest fieri & non fieri; necessarium est, quod non potest non fieri. *Excipiunt*: Si res consideretur in se, potest fieri vel non fieri. Si consideres decretum Dei & providentiam actualem, non potest non fieri, Johan. Maccovius *in Theolog. Polemica cap. 8. quest. 9.* & prolixè Derodon *l. d.*

dist. 42. 43. 44. Respondeo: Atqui decretum Dei illi dicunt esse omnium rerum causam, proinde omnia fiunt necessariò. Contrà: Actus liberos futuros in efficiente rationali præscit quidem Deus, non verò determinat; complectitur illos scientiâ intelligentiæ, non verò efficientiæ, unde providentia ordinaria ejus consentanea est hominum actibus, & mediis ad eos peragendos inventis, neque prænotio divina fatum indedit. Permittit, & facit causas necessarias necessariò agere, liberas liberè, & proinde nequaquam has prædeterminat ad actus suos. Excitat sane & hortatur Creaturam rationalem ad bonum, sed ità ut eam libertati suæ relinquat, per quam si velint, neglecto bono malum facere possit.

XI. Frustrà igitur diversam rationem opponit *Maccovius*. Necessitas & contingentia vel libertas in indifferentiâ posita, non ex unâ causâ præciè, verum ex omnibus causis ad effectum producendum ordinatis æstimari debent. Itaque si causa una, & præcipua illa, necessitatem agendi imponit, altera verò ità constringitur, ut insitas vires & facultates non possit exercere liberè, sanè effectus ille non est liber, sed actus necessarius. *Pergunt*: Libertas consistit in spontaneitate, quam ratio præcedit, itaque quod quis spontè facit, ratione præcunte hoc ipsum liberè facit, etiamsi hoc ipsum non potest non facere, Iohannes Maccovius *Collegio de Prædestinatione pag. 53.* Respondeo: Spontè agunt bruta etiam, quibustamen nec voluntas nec liberum arbitrium competit. Namque

radix

radix & fundamentum libertatis est usus rationis. Proinde ad constituendam libertatem non sufficit, ut adsit potentia quæ liberè agere possit secundum naturam, verum insuper requiritur, ut usus illius potentiae & libertatis, non impediatur modo ullo, adeoque ut posito objecto & omnibus requisitis, iisque non immutatis possit agere & non agere.

XII. *Secundò*: Si homines agunt necessariò, rationis & voluntatis humanæ dominium universum perimitur, frustra sunt omnes deliberationes & consultationes quas de rebus instituimus. Absurdum est posterius. Ergò etiam prius, Ratio consequentiæ: Motio Dei omnipotens constringit rationem & voluntatem, ut necessariò determinentur ad unum, nec possint ad alterum inclinare. Idè voluntatis perfectio tollitur, quæ est consulcare & ex duobus liberè eligere, atque porro cum sunt electa, actionem suspendere vel promovere. Nemo enim nisi infans de iis, quæ in potestate suâ non sunt, deliberat, sed de iis consulat, quæ agi ab homine possunt, nec de iis tamen omnibus, sed quæ ipse agere potest. βαλευόμεθα δὲ περὶ τῶν ἐφ' ἡμῶν πραγμάτων, ait Aristoteles lib. 3. Ethicorum cap. 3. *Excipiunt*: Non tollitur inclinatio arbitrii, sed tantum determinatur actus ejus externus, Martinus Schogkiius l. 4. *Respondeo*: Omnino proprietas interna tollitur, cum actus externus efficaciter determinatur. Titularis est libertas illa, perinde cum virum carceri includis, & dum vivit, loris ætissimis constringis, porro jactes

palam, homini isti concessam esse potestatem ambulandi quò volet, quia adhuc internam facultatem ambulandi habet.

XIII. *Tertiò*: Quia loquuntur repugnantia. Non habet homo libertatem à coactione, ut falsò dicunt, quandoquidem voluntatis ejus motiones internæ fataliter constrictæ sunt. Ratio consequentiæ: Coactio est, ubi vis inferitur, ergò coactio interna est, ubi vis inferitur rationi & voluntati, ut non possint actus suos naturales liberè vel exercere vel omittere. Excipiunt *Macrobius & Iohan. Scarpus*: (1) Deus se amat necessariò & tamen facit hoc liberè. Angeli boni necessariò bona agunt, & tamen simul liberè. Beati cœlites non possunt peccare, & tamen liberum arbitrium habebunt. *Respondeo*: In his omnibus est liberum arbitrium per excellentiam; nunc verò agitur de arbitrio libero per indifferentiam. (2) Deus sæpè voluntates hominum ad malum determinat, nec tamen arbitrii libertatem apud eos tollit. Et Dei respectu necessarium sæpè aliquid est, quod tamen sæpè contingens est hominis respectu. Antecedens constat exemplo Regis Pharaonis, cujus animum induravit Deus, *Exodi* 14. 4. neque tamen arbitrii libertatem ei ademit. *Respondeo*: Antecedens falsum est. Deus non determinat directe, alioquin everteret liberum arbitrium, sed voluntatis inclinationem permittit in eam partem, quam vel intellectus dictamen monstravit, vel affectuum intercessio persuasit. Exemplum Pharaonis non obstat. Dicitur obduravisse

ſc indirectè, quia animum ejus obdura-
tum ostendebat proponendo negotium,
in quod ille conſenſurus non erat. Re-
gulariter igitur Pharaò ſeipſum indura-
uit, atque hoc *ſeciſſe* dicitur *Deus* quo-
niam patientiâ ejus ad contumaciâ in-
crementum abusus eſt Pharaò. (3)
In factis particularibus civilibus homi-
nes qui agunt liberè, neceſſariò reſpe-
ctu Dei hoc ipſum quod agunt, efficiunt,
1. *ſamuel. 10. 26.* Ergò liberum arbi-
trium non eſt à neceſſitate liberum.
Reſpondeo: Deus non agit in ipſum libe-
rum arbitrium, imprimendo ei aliquid
ità, ut actio Dei evertat prorsus actio-
nem hominis: ſed tantum juvat pro-
ducere effectum, ita ut Deus & volun-
tas hominis ſint cauſæ partiales unius
ejusdemque effectus. Nulla hic eſt ne-
ceſſitas, quam cauſa prima imponit cau-
ſis ſecundis, verum eſt perſuaſio mora-
lis cum generali concuſſu Dei, quem
potius determinat cauſa ſecunda, neque
hæc determinatur à primâ. (4) Deus
in rebus civilibus hominum conſilia diri-
git ſingula, ut neceſſariò ad fines ſibi pro-
poſitos aſſequendos agant, ita tamen ut
non neceſſariò, ſed liberè agant illi qui
conſilia capiunt, 2. *ſamuel. 17. 11.* Ergò
arbitrium liberum à neceſſitate non eſt
liberum. *Reſpondeo*: Eadem ſolutio eſt.
Deus & voluntas hominis agunt cum de-
pendentiâ mutuâ & ſimul per eandem
numero actionem, per quam eundem
numero effectum attingunt, ita ut quæ-
libet actio cauſæ ſecundæ non ſolùm ab
ipſâ, ſed etiam ſimul à primâ profici-
ſcatur. Nimirum, ut Deus occaſionem
ſuppeditet, homo ex duobus propoſitis

liberè eligat, quod optimum putat, ut
ſequatur. Morale hoc eſt, & à volun-
tatis arbitrio, non ab irrefragabili im-
pulſu Dei.

CAPVT DVODECIMVM

De Sermone,

SUMMARI A.

1. *Facultates oræ.*
2. *Definitio ſermonis.*
3. *Objeſtum ſermonis.*
4. *Lingua primæ.*
5. *Lingua beatorum.*

I. **O**rtæ facultates ſunt, quæ fluunt à pri-
mâ.] Et quæ corporis instrumenta
requirunt, ut per ea abſolvantur.

II. *Suntque ſermo, riſus, ſetus. Sermo
eſt facultas enunciandi ſenſu animi.*] Ser-
mo eſt ſolius hominis. Namque voces
quas bruta edunt variantque pro effectû,
non debent ad ſermonem referri, quan-
quam contrarium aſſerat Sextus Empi-
ricus lib. 3. *hypotypoſeon pag. 16.* & defen-
dere velit Hieronymus Fabricius ab
Aquapendente libro de ſermone brutorum.
Non enim ſunt ſigna ex inſtituto; quod
conficitur hoc argumento: Ubi nul-
la eſt ratio, ibi eſt conceptus nullus.
In brutis nulla eſt ratio. Ergò in bru-
tis eſt conceptus nullus. Rurſum: Ubi
nullus eſt conceptus, ibi nullus eſt ſer-
mo. Atqui in brutis nullus eſt conce-
ptus. Ergò in brutis nullus eſt ſermo.
Quod ſi voces aliquæ brutorû articulatæ
audi-

audire sunt, à Geniis fuit, uti serpens qui parentes primos seduxit, *Genes. 3. 1.* Asina Bileami vatis, *Numer. 22. 28. 29. 30.* Boves & canes loquentes non semel referunt Livius, Polybius, Julius Obsequens, & cum illis Tibullus *Elegiarum lib. 2. num. 5.* Plinius *lib. 8. cap. 41. & 45.* Lucanus *lib. 1. Pharsalia.* Eutropius *lib. 8. Breviarj.* Itaque prodigiorum loco habentur. Et quod Philostratus *lib. 4. cap. 1.* scribit de Apollonio Thyaneo, calluisse eum voces avium brutorumque inarticulatas, uti conceptum intelligibilem efficerent, aut fabulæ sunt, aut magicis artibus imputandum est, quarum peritissimus ille erat, teste Luciano in *Alexandro.* Perinde uti idem salutavit arbores, & ab iisdem responsum vocale accepit. Scilicet dæmonum ipsi nimis familiarium voces erant. Voces brutorum intellexisse quoque Tyresiam, Thaletem Milesium, Melampum, ex Veterum morum mentis referunt Porphyrius *lib. 3. de abstinentia,* Cælius Rhodiginus *lib. 17. Lætion. antiquarum. cap. 13.*

III. *Enunciandi sensa animi.*] Objectum sermonis sunt res mente conceptæ, ut sic cohæreant res, conceptus, verba. Verba sunt à conceptibus, conceptus sunt à rebus. Res concipimus, conceptus verbis exprimimus, aut literis, quæ vocum instar sunt; Et per quas confabulantur absentes; per quas defuncti eloquia sua uti vivi proponunt. Quæritur: *An homini sit lingua aliqua naturalium jure veluti congenita?* Respondeo: *Barthol. Keckermannus* scribit: Homo naturaliter fertur ad linguam primam, & eam

quæ est æternum mansura. Prima vero lingua ea est, quæ homo primò omnium usus est, & postquam aliæ omnes exstiterunt, eaque Hebræa est, *lib. 4. System. Phys. cap. 4.* Sic etiam Johannes Bodinus *lib. 2. Theatri nature pag. 146.* Verum negari debet, quod natura feratur ad linguam aliquam particularem, nam quæcunque illa etiam fuerit, notiones & voces omnino implicat, quæ uti non innascuntur homini, ita ab hominum conversatione tantum addiscuntur.

IV. Neque lingua Ebræa est primæva lingua ante Orbis inundationem universalem adhibita; sed est lingua Cananæa, uti expresse dicitur *Esaie 19. 18.* Non enim differebant, nisi dialecto, uti jam pridem monuerunt Hieronymus *commentarij ad Esaïam,* Augustinus *commentarij ad cap. 15. Johan.* Hebræi verò dicti sunt Abrahamus & posterij ejus, quoniam à locis trans Euphratem sitis venerant in Palæstinam. *Grotius* bene scribit: Ebræa lingua est lingua עברית advenarum è Chaldæa, hæc enim origo est nominis Ebræorum, & non ab Ebero Patriarchâ, *Genes. 14. 13. Iosue 24. 2. 3.* Lingua igitur illa Hebræa Abrahami & ejus posterorum incolatu in Canaan ad Cananæam propius semper propiusque accessit, nec differt à Punicâ, nisi dialecti quibusdâ proprietatibus, ut à viris eruditissimis ostensum est. Quamobrem verius est, primævam linguam nullibi puram existere, sed reliquias ejus esse in linguis omnibus: nomina autem propria Adami, Evæ & cætera Ebraico sermone à Mose expressa

Ebraeorum causâ, eodem significato, qui in primâ lingua fuerat. Multa ejus generis passim apud historicos occurrunt. Et nos Latine scribentes urbem Brabantiae vocamus Sylva-ducis, & Græci Interpretes factorum librorum nomina haud pauca locorum Græcè ponunt. Sic ille *notis ad Genes. 11. 1.* Et nos prolixè *Libro de operibus Creationis Exercit. XL. nec non lib. 1. Institutionum Politicarum cap. 20. dist. 27. 28. 29.*

V. Sed & hoc dubium valdè est, *an sit post hanc vitam mansura?* Multa eniam tunc multò aliter erunt, ipsa etiam vocis formandæ ratio alia erit. Putat Julius Scalliger *Exercit. 359. sect. 9. & Exercit. 365. sect. 20.* quod collocutio futura sit in vitâ futurâ, sine sermone, per mutuam irradiationem. *Respondeo:* Lingua non aberit ab Electis, quæ est pars nobilissima corporis. Et quia non aberit, non erit citrà functionem propriam & homini consentaniam, quæ est formare voces ad celebrandam gloriam DEI. Voces sonoras Electorum, quas intelligere poterat, refert Johannes *Apocal. 5. 9. cap. 7. 9. 10. seqq. cap. 11. 16. cap. 12. 10.* Denique certum est, quod lingua una futura sit in cœlis, cessabunt enim linguæ omnes, nimirum istæ quibus in hoc mundo utimur, *1. Corinth. 13. 8.* Et proinde cessabit quoque Lingua Hebræa, quicquid etiam moliatur Petrus Galilæus Galatinus *lib. 12. de Arcanis Cathol. Verit. cap. 4.* ut eam in cœlis atque inter cœlites retineat. Benè monet Cornelius à Lapidè *commentariis ad Epistolas Pauli pag. 229.* quod cœlitibus in usû futura sit eminens quædam & prorsus nova lingua. Indè

est, quod Paulus inter cœlites adductus audivit *verba ineffabilia, 2. Corinth. 12. 4.*

CAPVT DECIMVM TERTIVM,

De Rifu & Fletu,

SUMMARIA.]]

1. *Definitio risus.*
2. *Ejus objectum.*
3. *Definitio fletus.*
4. *Ejus objectum.*
5. *Lacrymæ.*

I. **R**isus est facultas manifestandi gaudium.] Tàm naturalis homini risus est, ut Logicorû exemplum factus, dicatur risus esse proprium hominis in quarto modo. Non tamen homo ante quadragesimum diem ætatis suæ ridet, tantum quod in omni memoriâ unus Zoroastris Bactrianæ Regulus, & magicarum artium studiosus legitur risisse die illo quo natus est, Plinius *lib. 7. histor. natural. cap. 16.* Augustinus *lib. 21. de Civit. Dei cap. 14.* Exempla quorundam, qui neque risum aliorum toleraverint æquò animo, neque ipsi ad ridendum ullis modis commoveri potuerint, Veteres narrant, *Lærtius, Plutarchus, Plinius,* & fuerunt Heraclitus Philosophus, Cato Romanus, Crassus filius, Philippus junior Cæsar. Sed quod non fecerunt, utique tamen facere potuerant, cum voluissent.

II. *Manifestandi gaudium.*] Rîsus obiectum est lætitia, atque illa potest varias causas habere, quæ cum afficiunt intellectum, spiritus animales jucundorum speciebus affecti commovent seque sibi que propinquos naturales & vitales spiritus, corque percellunt, à cujus motu inducitur risus, quo oris & faciei habitus illustratur, membra reliqua agitantur.

III. *Fletus est facultas manifestandi dolorem.*] Solus homo plorat, uti solus illeridet, adeoque animal cæteris imperatorum plorabundus in lucem editur, atque principio isti quo viram auspicamur, deinceps omnis dierum ordo respondet, vitam cum ploratu deponimus, *Sapientia* 7. 3. 4. 5. 6. Equos fleuisse, narrat Suetonius *lib. 1. cap. 18.* Quod inter prodigia numerari debemus uti diximus *lib. 1. Antiquit. Romanarum cap. 12. dist. 10.*

IV. *Manifestandi dolorem.*] Obiectum ejus est tristitia, quæ conciliari potest modis variis, uti quotidiana rerum experientia docet.

V. Egeruntur inter flendum lacrymæ, de quibus peculiare libros conscripserunt Hieronymus *Mercurialis*, & Julius Caesar *Placensinus*. Generantur in cerebro à quo in oculos deferuntur, & per hircos exsulantur. Sunt igitur cerebri excrementum aqueum, unde pueri, & mulieres, quia humoribus abundant, levissimam ob causam profundunt lacrymas. Durior cerebri constitutio est apud viros, itaque difficilior plorandi conatus est. Sed & est difficultas minor in aliis, major in aliis, prout

Temperamenta sese habent. Phlegmatici & Sauginii largos fletus cient, parciores verò Melancholici & Cholerici. Sagæ non plorant, quomodo persuadere vult Johan. Bodinus *lib. 4. Demonomania cap. 1.* Neque à calvis exprimi potest una vera lacrymula, & causa est, defectus materiæ propter inusitatam cerebri siccitatem.

CAPVT DECIMUM QVARTVM,

De Corpore humano,

SUMMARIA.

1. *Definitio corporis humani.*
2. *Operationes rationales.*
3. *Socini exceptio.*
4. *Crellij exceptio.*
5. *Crellij instantia.*
6. *Pæna & præmia.*
7. *Stoicorum opinio.*
8. *Romanorum exempla.*
9. *Hebræorum exempla.*
10. *Testimonia sacra.*
11. *Naturæ instinctus.*

I. **C**ORPUS humanum est, in quo homines operationes rationales peragunt.] Inter Veteres Lucretius, Plinius, Plutarchus cum Naturâ expostulant, quod non verca sit ergà homines, & non mater, dum procreat hominem nudum & armis nullis instructum, eumque velut de naufragio ejectum in vitæ hujus miseriam expellat, sine pilis, ungulis, vellere, corio, villis, fetis, plumis, pennis, squamis, cornibus, rostris, aculeis, tectum cute lævis.

lævissimâ, carne mollissimâ, nullosque ictus fortiter sustinente compage, bruta verò omnia ista & plura alia habeant ad defensionem sui. Verùm frustra illi Deo & Naturæ dicam scribunt, *iniqui divinorum munerum aestimatores*, ait Seneca lib. 2. de beneficentiâ cap. 29. Neque enim satis considerant, quod hominis pulchritudo excellere debet præ bruto, adeòque corpus ejus deformaretur valdè, si in eo essent pili, vellera, setæ, ungulæ. Non benè cum decore hominis consistunt ungulæ, rostra, unci, cornua, horridæ lætæ & squamæ. Sola ratio & mentis excellentia homini sufficit, quibus adjutus plurima sibi comparet subsidia uti latius edisserit Cælius Lactan. *tius libro de opificio Dei.*

II. *Operationes rationales peragunt.* Docebant olim Pythagoras & Plato, quod corpus animæ impedimentum potius quàm vestimentum esset, itaque licet animam immortalem esse crederent, tamen corpus ab obitu semel destructum, nunquam ad aliquos usus ejus restitutum iri censebant, Stephanus Theopolus lib. 4. *Contemplat. Academic. cap. 12. 13.* Nostra sententia est, animam causâ corporis, & rursus animæ causâ corpus factum esse, ut totus homo DEi filius, DEi imago, DEi possessio propter DEum sit, & cum DEo sit æternitatis incola. Proinde errant Sociniani, Geisterani, Quakeri, dum negant corpus esse futurum penes hominem, & veri corporis, quod æterno sepulchro damnant, loco reddunt homini corpus insensibile, impalpabile, verbo uno, Marcionis delirium, Bombasti figmentum,

uti diximus *Libro de Creationis operibus Excitat 32.*

III. Excipit Socinus: Testatur Paulus, quod caro & sanguis non possunt regni DEi hæreditatem consequi, neque corruptio hæreditatem incorruptibilem consequatur, 1. Corinth. 15. 50. Apologetico adversus Puccium Filidinum pag. 20. Volkelius lib. 3. de verâ Religione cap. 11. 35. 36. *Respondeo:* Non agitur de substantiâ carnis & sanguinis, verùm de fragilitate ac infirmitate quæ adhæret ipsis, Probatur hoc vers. 42. seqq. ubi de qualitatibus diversis corporis agitur, quod seminatur & resurgit, corpus idem ab Apostolo supponitur semper, ratione substantiæ. Expressa verba sunt, oportet ut hoc corruptibile induat incorruptibilitatem, & mortale hoc induat immortalitatem, vers. 53. Quoniam nihil efficacius est pro demonstrandâ carnis resurrectione. Et porro ait, *mors absorbebitur in victoriam*, vers. 54. Atqui si corpora nostra in morte permanerent, si caro & sanguis ratione substantiæ perirent, mors eadem absorberet ac victoriam de illis reportaret. Quamobrem accuratè hic loquitur Paulus, aliter de morte, aliter de mortali, non enim *mortale* ait absolutum iri, sed *mortem*, mortale verò induet, ait, immortalitatem. Idem ergò quod mortale erat, fiet immortale, ut mors prorsus absorbeatur in victoriam, caro verò & sanguis non destruantur quâ substantiam. Regerit Johannes Crellius: Carnis & sanguis substantia ex Elementis inter se naturâ contrariis constant, quæ corruptibilia sunt, Apostolus verò probare vult, eos qui nunc corpora ter-

restria

ſectria geſtant, unâ cum ſervatore habitatos cœleſtia corpora, *commentarijs in Epistolam ad Corinthios pag. 243.* Reſpondeo: Elementorum naturæ contrariæ per ſe non inferunt corruptibilitatem. Itâ primus homo conſtabat ex Elementis, eratque immortalis, *Genef. 2.7.* Sufficit, quod DEus tollet acceſſorium à lapſu introductum, ut anima corpus unde quaque rectum, firmum, validum influxu ſuo vegetet, æternumque conſervet.

IV. Pergit *Iohan. Crellius*: Apoſtolus adducit ſimile de ſemine, verſ. 37. Conſtat verò, quod non idem corpus ſeminatur & in plantam reſurgit, ſed aliud ſeritur, aliud virtute divinâ enaſcitur. *Reſpondeo*: Contrarium inferitur. Uti ſemen idem ſubſtantię vel naturæ ſpecificæ ratione cum ſpicâ progerminantē, et ſi accidentibus differunt, ita eadem erunt quoad ſubſtantiam corpora noſtra hujus & futuri ſeculi, quamvis accidentia diverſa habent. Namque ex tritico triticum, ex hordeo progerminat hordeum, et ſi qualitatibus diverſum ſit, ariſtis & ſiliquis inſtructum, vivum, gravidum, ſucciplenum; non verò quale ſeminabatur, acidum, nudum, durum, vitam apparenter nullam habens. *Inſtat*: Corpus ſeminis ejus quod in terram injicitur, non circumdatur plantæ renaſcenti, ſiquidem à ſemine nihil niſi ſpiritus reſtat. *Reſpondeo*: Non tantum ſpiritus de corpore ſeminis reſtat, verum etiam ſeminis ipſius materia, cum non annihiletur corpus, ſed ſemen corpore & animâ conſtans virtute formatrice inſtructum de terrâ iterum progerminet,

quamvis ex uno ſemine plura enaſcuntur.

V. Addit *Crellius*: (1) Spiritus eſt nobilior pars hominis, itaque quamvis corpora diverſa nanciſcatur, modò ea ſint ad operationes exercendas idonea, eundem efficit hominem, præſertim cum omnium eorum, quæ in corpore altero geſſerat, recordatur, l. d. pag. 187. *Reſpondeo*: Spiritus eſt quidem nobilior pars hominis, non tamen ſolus ille conſtituit hominem, ſed una cum corpore. Proindè unum idemque corpus ad unum eundemque hominem requiritur, non minus quàm forma eadem numero. Neque totum eſſentiale idem eſt, cum partes ejus eſſentiales non ſunt eadem, verum diverſæ. Tum quid recordatio eorum quæ anima in corpore alio geſſerat, ad id facit, uti idem homo percipiat ſeu præmia ſeu pœnas alterius ſeculi, qui in hoc ſeculo nunc bona nunc mala egerat? Platonici ferè talia docebant olim, & poſt eos Simon Magus, Cerdon, Valentinus, Marcion: ſed aliter multò docent ſacræ literæ, quæ hæc corpora noſtra vocant membra Chriſti & habitacula Spiritus ſancti, *Roman. 6. 13. 1. Corinth. 3. 16. cap. 6. 19. 1. Theſſal. 5. 23.* Juſtitia DEI ergò requirit, ut corpus illud iſpum quod in hoc ſeculo pugnavit, coronam accipiat in ſeculo altero, 2. *Timoth. 2. 5. cap. 4. 8. 2. Theſſal. 1. 7.*

VI. Addit: (2) Omnis pœna & præmium omne habet vim reverâ, quatenus dolores aut gaudium inferit. Spiritus verò eſt à quo ſenſus oritur, non corpus, quod tantum inſtrumentum eſt, nec per ſe punitur quamvis in eo punitur homo,

l. d. pag. 189. *Respondeo*: Corpus non est instrumentum dissimulare, sed conjunctum, ut sine illo anima non possit hominem constituere, itaq; DEUS manibus suis corpus efformare voluit, atque ipsa corporis in utero productio adscribitur DEO, *Genes.* 2. 7. 8. *Iob* 10. 8. 9. 10. 11. 12. Pœnæ & præmia competunt non solæ animæ, verum homini toti, ut compensationem accipiat ille qui meruit. Fœtus homo est causa actionum suarum, edicat igitur Crellius, quomodò corpus aliquod novum, insensibile, astrale, felicitate æternâ frui possit, quod non est, quod in hoc seculo non fuit habitaculum Spiritus Sancti, contrâ verò illud quod in hoc seculo regentium est ad salutem, ab æternâ salute excludi & perpetuo interitu aboleri possit? Salvâ nempe justitiâ DEI, quæ unicuique retribuet secundum opera ejus, *Roman.* 2. 5. 6. 7. 8. *Apocal.* 2. 23. Dicat porrò, quomodò corpora quæ nunquam peccaverunt, sed à DEO noviter producta & animæ circuminjecta sunt, in resurrectione impiorum æternis pœnis affici possint? Annon justitiæ divinæ adversum maximè fuerit, innocens suppliciiis nunquam finiendis onerare & vexare?

VII. Indidem est, quod Stoici liberius pronunciando adversum corporis nostri honorem, vocarent carcerem, vincula, sarcinam, onus à quo premere-
tur anima, & à quo cuperet homo liberari, à quo non vellet premi quandò via ad libertatem manu fieri posset. Docebant, licitum, imò eximium aliquid esse, manu suâ cadere. Testimonia sexcenta dictorum factorumq; collegit Justus

Lipius *manuductione ad Philosophiam Stoicam lib. 2. dissertat. 22. 23.* Ex illis videas, quod laboraverint isto animi morbo Græci, Romani, Hebræi gloriæque sibi duxerint, invisam lucem proprio ductu abrumpere, mortemque sumere potius quàm ab alio, & domi expectare, præsertim cum iusta aliqua causa obtendi poterat, valetudinis afflictio immedicabilis, pudor æris alieni, contumelia, probum secius commissi vel omissi, tempora miseriarum plena sine spe alleviationis. Magnus animosæ Sectæ antistes *Seneca*: Quocunque respexeris, ibi malorum finis est. Vides illum præcipi-
nem locum? Ilac ad libertatem descenditur. Vides illud flumen, illud mare, illum puteum? Libertas illic in imo sedet. Vides illam arborem brevem, torridam, infelicem? Pendet indè libertas. Vides jugulum tuum, cortuum? Effugia servitutis sunt. Quælibet in corpore tuo venæ est ad libertatem via, *lib. 3. de ira cap. 15.* Apud Græcos exempla habes virorum magnorum, Zenonis Cittien-
sis, Empedochs, Chryssippi, Cleanthis, Speusippi, Cleombroti Ambraciotæ, Herculis Oetæi, Demosthenis, Themistoclis, Simonidis, Lycurgi, Democriti Abderitæ, qui præcipite saltu, spiritus elisione, submersione, veneno percepto, ignibus subjectis, & cum primis inedia mortē sibi improperaverunt, & vocabant *δυναστίαν*, teste Plutarcho *in vita Lycurgi.*

VIII. Apud Romanos perinde viri scæminæq; illustres mortem sibi consciverunt, ne paterentur injurias, contumelias, criminationes quas instare animadvertabant, Pomponius Labeo, Granius, Mar-

Marcianus, Trebellianus Rufus, Lucius Vetus, Otho Imperator, Lucretia Collatina, Brutus, Cassius, Cornelius Gallus, Licinius Macer, Cornelius Merula. De Catone Uticensi imprimis *Valerius Maximus* Tui quoque clarissimi excessus Cato Utica monumentum est, in quâ ex fortissimis vulneribus tuis plus gloriæ quàm sanguinis mauavit. Siquidem constantissimè in gladium incumbendo, magnum hominibus documentum dedisti, quantò potior probris esse debeat dignitas sine vitâ, quàm vita sine dignitate, *lib. 3. num. 12. cap. 2.* De eodem Horatius:

An Catonis nobile lethum,

lib. 1. Carm. 12. Laudant quòq; Seneca & Cicero loco non uno. Memorabilis est *Antony* *Pomponii Attici*, viri aliquin sapientis, qui alere morbum nolebat sine spe salutis, ut refert *Æmilius Probus* in *vita ejus*.

IX. Apud Hebræos seniores. Rasias, ne dederetur Syro Nicanori, gladio se petit, de muro præceps concidit, intestina manibus suis egerit, laudatque cum Jason Cyrenæus, quod generosè mortuus fuerit, 2. *Maccab. 14. 41. 42.* Nec minus ferociter illi ad Petronium Cæsaris procuratorem, quorum verba refert Philo Alexandrinus: *Miscebimus inter nos sanguinem morte ultro sumptâ.* Mulæ civium & militum cædes voluntariæ leguntur in excidio gentis, quod Iosephus describit, & quas ipse tanquam injustè factas justè damnat. *lib. 3. de bello Iudaico cap. 14.*

X. Damnant hoc literæ sacræ, aver-
satur recta ratio. Quod sacris prohibea-

tur literis, constat per Legem istam: *Non occides.* Si homicida nefarius est, qui hominis extinctor est, eidem sceleris obstrictus est, qui se necat, quia hominem necat, uti benè infert *Lactantius lib. 3. Institutionum divinarum cap. 18.* & pluribus exaggerat adversus Circumcelliones perinde in cædibus voluntariis perpetrandis faciles, *Augustinus lib. 1. de Civit. Dei cap. 19. 20. 21. 22. & lib. 2. contra secundam Epistolam Gaudentij cap. 23.* Averlatur recta ratio: Nemo enim in vitam suam id juris habet, quod in res alias, quæ in proprietatem veniunt, cum dominium in vitam sit DEO reservatum. Qui ergò suâ sibi manu mortem invenire malunt, quàm legem fati expectare, horum animus in corpus, cui debitâ moderatione præesse debebat, sævit, atque hoc crimine pollutus nequaquam venit ad liberum istum purumque Beatorum locum. Concludat Virgilius:

*Proxima deinde tenent mæsti loca, qui
sibi lethum*

*Infantes peperere manu, lucemque per-
osi*

*Projecere animas, quàm vellent aethere in
alto*

*Nunc & pauperiem, & duros perferre
labores,*

lib. 6. Æneidos.

XI. Accedit, quod naturæ instinctus suggerat illud: *Neminem lade.* At qui sibi necem voluntariam consciscit, ille se ipsum lædit & quidem cum damno inæstimabili, quatenus vita semel amissa nunquâ restitui potest. Adeòq; ille instinctus naturæ, qui vetat quenquam lædere,

vetat scire aduersus innocentem. Vita
cujusque innocens reperitur semper, ne-
que causa per se est incommodi alicujus
externi, quod per alium obvenit nobis,
itaque non quidem odium, sed amorem
nostrum promerebitur. Bonum fuit
Mecœnatis votum, quod tam contume-
liosè exagitat Seneca *Epist.* 101. Is vitæ
miseræ compotem & patienter toleran-
tem præfert illi, qui sese ante institu-
tum à naturâ tempus dissolvit ac perdit.
Versus illi sic habent:

*Debilem facito manus,
Debilem pede, coxâ:
Tuber adstrue gibberum,
Lubricos quate dentes.
Vita dum superest, bene est.
Hanc mihi, vel acutâ
Si sedeam cruce, sustine.*

Tempus illud quo sibi quis sine repre-
hensione manum inferre posset, appel-
labant *Λογονίζωγωνη*, quod valet, ad-
eptum esse causam justam mortem sibi
consciscendi, uti hoc rectè interpreta-
tur Petrus Victorius *lib. 6. variarum Le-
ctionum cap. 2.* & dudum commemora-
vit Alexander Aphrodisæus disputa-
tione, ἐν τῇ αὐτάρετης ἢ ἀρετῇ πρὸς αὐτομα-
τισίας, quæ commentarij ad *lib. 2.*
de animâ inserta
est.

•• (o) ••



CAPVT DECIMVM
QVINTVM,

Diatriba singularis de forma-
tione hominis in utero.

S U M M A R I A.

1. *Facultas generatrix.*
2. *Generatio animalium.*
3. *Procreatio.*
4. *Elementorum generatio,*
5. *Anima propagatio.*
6. *Fœminarum semen.*
7. *Fœminatum concursus.*
8. *Semen excrementum.*
9. *Menstruum sanguis.*
10. *Menstruum venenatum.*
11. *Fœmina menstruata.*
12. *Lactis generatio.*
13. *Anima in semine.*
14. *Calidum innatum.*
15. *Anima traductio.*
16. *Efficiens in utero.*
17. *Ejectio seminis.*
18. *Membrana fœtus.*
19. *Duo involucria.*
20. *Materia fœtus.*
21. *Sanguis proprius.*
22. *Vita fœtus.*
23. *Partium formatio.*
24. *Una fœtus anima.*
25. *Alimentum in utero.*
26. *Lac in utero.*
27. *Mansio in utero.*
28. *Partus naturalis.*
29. *Tempora partus.*
30. *Sanguinis motus.*
31. *Voces in utero,*

32. *Steuartus notatur.*

33. *Partus legitimus.*

34. *Mola.*

35. *Conuenientia natorum & parentum.*

36. *Ejus causa.*

37. *Virtus formatrix.*

38. *Similitudo effigie.*

I. *Doctrinam hanc breuiter proposuit Gilbertus Jacchæus lib.1. Institutionum Medicarum cap.9. Ejus verba adducemus, & notas quasdam nostras addemus. Sicverò ille: Facultas generatrix determinatam in corpore partem & sedem vendicat, nimirum testes, in his itaque est facultas procreatrix, quâ animal ex semine aliud sibi simile procreat.*] Causa efficiens seminis testes sunt, qui formâ propriâ et transmiffam materiam, nempe sanguinem venosum & arteriosum, in seminis naturam convertunt.

II. *Pergit ille: Non ago hoc loco de generatione animalium imperfectorum ex putredine, aut qua generantur ex congressu diuersæ speciei animalium, ut equi & asina, sed de perfectatantum, quam Vniocain vocant, sed hominû tantum.*] Quod non detur generatio æquivoca, ostendimus suprà lib.7. cap.3. dist.1.2. seqq.

III. *Pergit: Procreatio specialiter dicta est unio animæ cum corpore, alioquin solet accipi pro omnibus conjunctis actionibus, congressu, conceptu, formatione, partu.*] Quid verè dicendo Generatio sit, videatur suprà lib.7. cap.2. dist.1.2. seqq.

IV. *Pergit: Elementa generant semper ex materia & objecto externis, quod enim hic generatur, nunquam fuit pars generantis, aut illi minus.*] Quod Elementa nō generentur

ex sese invicem, diximus suprà lib.4. cap.1. dist.7. seqq.

V. *Pergit: Verum perfectorum animalium & imprimis hominû procreatio est magis operosa, semperque fit ex parte generantis quondam intima, nimirum semine & menstruo sanguine. Quorum illud est maris, sicut hic femina.*] Causa finalis seminis est, animæ propagatio, viventisque generatio. Propagatur enim ac traducitur anima, non quavis parte corporis avulsâ, uti in falice; sed unicè per semen, vehiculum proprium.

VI. *Pergit: Sanguis solus aut semen non sufficiunt, sed utrumque conjungendum est. Mas habet rationem efficientis, sicut femina subiecti & materia. Vtrique insunt vasa muneri huic sufficientissima, sed tamen figura, situ & temperie distinctissima, uterus semen & sanguinem recipit, testes viriles illud auxilio colli effundunt in eum.*] Quod fœminæ perinde uti viri semen habeant atque effundant, diximus suprà lib.8. cap.23. dist.4.

VII. *Pergit: Quanquam mulieres habeant semen, non tamen est efficax, nec concurrat ad generationem activè, sed merè passivè: nec ex omnibus partibus fluit, sed tantum à testibus, quibus inest vis producendi animal perfectum. Quod enim dicitur, à partibus principalibus fluere, parum est; namque viximum capitis alimentum vel hepatis non representat has partes nec vim habet ea producendi, cum sit tantum materia patiens, & jam convertenda in earum partium naturam.*] Quod fœminæ perinde uti viri ad generationem concurrant activè, atque semen fœcundum habeant, dictum est suprà lib.8. cap.23. dist.6.

VIII. Pergit: Ergo sicut mamme habent vim generandi lac, seu convertendi sanguinem in lac, ita testes sanguinem ex venâ cavâ prolectum, convertunt in corpus albi, spumofum, calidum & humidum, facultate plastica præditum, quo primum ipsi nutriuntur, cuiusq; reliquia generationi destinata sunt.] Quod semen non tam sit excrementum alimenti ultimi, quàm viventis fructus, dictum est suprà lib. 7. cap. 2. dist. 3.

IX. Pergit: Menstruus sanguis est ille qui singulis mensibus, nisi atas aut morbus impediatur, redundans, tanquam naturam gravans expellitur.] Uti flores præcedunt fructum, ita sanguis menstruus præcedit generationem. Ante decimū quartum ætatis añum non erumpit sanguis menstruus, partim quia tunc sanguis augmentationi inservit, partim quia de generationis opere nondum cogitat Natura. Post quadragesimū añum & nonum cessant menstrua, partim quia tunc in minore copiâ generatur sanguis, partim quia à generationis opere cessat Natura, Genes. 18. 11. Semel in quovis mense excretio fit, nunc quidem crescente lunâ, nunc decrescēte, nunc per triiduum, nunc per quatruiduum, nunc per integram septimanam, pro ut temperamēta varia sunt.

X. Pergit: Non est venenatus, uti quidam tradiderunt, nisi fors an pure scat, ut in hysterici.] Quod non est venenatus per se, constat, tum q̃ prorsus ejusdem conditionis est cum sanguine alio; tum quod foetui concepto in alimentum atq; augmentum cedat; tum quod ex eo ad mammas resfluente lac generatur, mensesque tunc supprimuntur. Quæcunq; igitur noxia effecta Plinius lib. 7. historiarum natur. cap. 15. tri-

buit mulierum profluvio, quod fruges ab eo tactæ sterilescunt, quod exuruntur horticulæ germina, quod speculorum fulgor ad specū ipso hebetatur, quod acies ferri eboris que nitor præstringitur, quod alvei apum emoriuntur, quod in rabiem aguntur gustato eo canes, hæc inquam omnia per accidens fiunt, quatenus morâ & cunctatione in utero contraxit labem, uti notant Daniel Sennertus lib. 4. Medicinæ practicæ part. 2. sect. 2. cap. 1. quæst. 2. Joh. Ferneli lib. 7. Physiologiæ cap. 7. Andr. Laurentius lib. 8. historia Anatomica cap. 3. quæst. 8. Albertus Kypér^o lib. 1. Anthropologiæ cap. 18. dist. 115. seqq. Morbosæ verò & ægrotae pravum illum faciliè gignunt sanguinem.

XI. Pergit: Hic inquam sanguis est generationis materia, ex ea enim fiunt partes sanguinæ, tum est alimentum foetus.] Undè quoq; illud concludendum est, sanguinē istum propriè haud dici posse excrementum. Exempla fœminarum quæ nunquā menstrua passæ, tamen conceperunt & pepererunt, vide apud Joh. Ferneli lib. 6. cap. 16. Dan. Sennertū l. d. quæst. 1. Thomā Bartholinum in Observationibus Anatomicis Cent. 3. num. 90. 91. Centur. 4. num. 37. Joh. Schenkium lib. 4. de Conceptione pag. 85. 86.

XII. Itā quidem vulgò docent, ut credatur maternum sanguinem partim converti in lac, partim foetus utero contentis alimentum esse. Fluctuat, (ajunt) in utero puer undiqueque circumfusus sudore & urina, nihil ergo sumit ore, imò neq; os aperit, quamdiu in utero est, ne forte excrementa hauriat. Verum nullus sudor, nulla uspiam urina est, quā circumfunditur puer. Ore fugit liquorem istam, in quo innarat, quique lactis instar est. Excrementa circa ipsum

ipsum nulla sunt, adeoq; metus non est, ut illa haerendo suffocetur. Lac generari à menstruo sanguine ad massas resuente, tradiderunt Hippocrates lib. 1. de morbu mulierum, Galenus lib. 14. de usu partium cap. 8. & commentariis ad Aphorism. 39. sect. 5. Aristoteles lib. 7. historia animalium cap. 3. & lib. 4. de generat. animalium cap. 8. Atque ita haecenus persuasum fuit Medicis & Philosophis omnibus, voluitq; multis rationibus confirmare Iohann. Antonius de Lindâ in Collegio Physico Disput. 49. dist. 3. seqq. Negant Recentiores, quod seu menstruo seu alimentarius quivis sanguis præbeant materiam generando lacti, chylum ipsum adiunt, esse commune lactis & sanguinis materiâ, uti planissimè demonstratur è maximâ illâ chyli in venas lacteas distributi & lactis inter se quoad colorem, temperiem & substantiam ipsam similitudine. Adhuc suppetunt exempla virorum, qui in matris habuerunt lac, & menstruum quindem non habuerunt, uti referunt Aristoteles lib. 1. historia animal. cap. 12. & lib. 3. cap. 20. Andr. Vesalius lib. 5. de fabricâ corporis humani cap. 18. Alexander Benedictus lib. 3. Institutionum Anat. cap. 4. Rem totam diligenter exponit Antonius Deusingius diatriba de Lacte sect. 12. 3. Georgius Encius Apologético pro circulatione sanguinis Digressi. 5.

XIII. Pergit: *Vu generatrix est plastica illa & divina facultas seminâ virili tantum insita, cuius vi partes primùm delineantur, tum anima corpori præparato unisur.* Quod anima actu inestro femine, & quod operationes suas in eo peragat, ostendim⁹ suprà lib. 7. c. 9. dist. 21. seq.

XIV. Pergit: *Servit illi calor blandus, non igneus corruptens, sed potius celestis respondens virtuti celesti, ut tradidit Philosophus.* Consistis unò in semine portione tenuiore & maximè spiritusâ. Quod Calidum innatum sit specie distinctum à calido elementari, ostendimus suprà lib. 7. cap. 5. dist. 5. seqq.

XV. Pergit: *Quam si semen muliebri haberet, posset sola generare, quod: men est inauditiū, cum neq; a sola generare possit, quæ est consensus Medicorum omnium sententia.* Nec possit esse duo activa generationis principia, quorum singula efficiant aliquid seorsum. Cum autem vitæ principium sufficiat, neque exu-

triusq; conjunctione servia quadam vi emergere possit. Quod anima sobolis derivetur ab utroque parente, ostendimus suprà lib. 1. cap. 4. dist. 26. & contrarias rationes dissolvimus.

XVI. Pergit: *Probabile itaque maximè est, semen virile in generatione & factus formationis cause efficientis rationem habere: materiam verò & subiectum esse muliebri, unâ cum sanguine menstruo, quæ tria semper concurrere debent.* Constatum magis est verum, uti dictum est in præcedentibus.

XVII. Pergit: *Quando itaque utrumq; semen ab utero receptum est, tum inter se confunduntur & pe miscentur, quæ utriusq; est germana conceptio.* De conceptione multis agit Ioh. Ferrius lib. 7. Physiologia cap. 8. Mas pene rigido in uterū cum impetu proicit semen, & mīna in seipsum non modò ejaculatur semen, sed virile etiam excipit & recondit. Tantum quod Insecta plurima, quæ semen invicem emittunt, & simile procreant, mascula non quidem in utero feminae, sed feminae in utero masculi penem suum crassum & oblongum emittunt, Claudunt tunc osculum interius & conniver. Præverb. 30. 20. Cantic. 5. 1. Psalm. 110. 3. Ita se colligit uterus ac connivet, ut ambiat semen, nullo intus spatio relicto. Datur quoque superfœratio, id est, conceptio suprà conceptionem facta, cum mulier gravida iterato ausu in viri amplexum ruit, & penes scœrum unum concipit alterum. Quamquam verò Franciscus Valverde lib. 3. Institut. Anatomicarum cap. 14. contendat, hoc non posse contingere, cum tamen redarguant exempla manifesta, quæ sunt apud Aristotelem lib. 4. de generat. animal. cap. 5. Hippocratem lib. 4. Epidemiorum, Fridericum Boaventuram Vrbinatem lib. 9. de partu octimesiri cap. 25. Franciscum Rossetum libro de partu casario sect. 6. Thomâ Bartholinū in observationibus Centur. 1. num. 65. 66. Centur. 2. num. 57. Centur. 3. num. 12. Centur. 4. num. 83. Andr. Laurentium lib. 8. historia Anatomica cap. 4. quest. 12. Fortunium Licetum lib. 2. de menstrui cap. 14. 15. Antonium Mizaldum Centuria 5. memorabilium sect. 49.

XVIII. Pergit: *Tum vu plastica incipit vires exserere, partes delineando, quod tamen non prius fit, quàm crassiores seminis partes ad circumferentiam sine expulsa*

ut ex iis fiant membrana factum involyentes. membranae sunt tres, *αμνιος* factum immediate involvit; *αμνιον* *δε* cinguli instar, à mucronata cartilagine ad ilia usque cingit; tertia vasa umbilicalia fulcit, eorumque interuentu tota utero adhærescit *χόριον* dicta.] Anima in semine traducta non agit ferias, sed conceptione facta invadit in opus suum, ut perficiat illud cum debito ordine, cum studio summo. Membranæ sunt operis principium, quibus veluti septimentis nobilior seminis pars obvallatur, & interni concluduntur spiritus, qui ob tenuitatem facillè vanescerent.

Æ sunt duæ, *αμνιος* & *χόριον*. Illa est membrana tenuior proximè fœtum circumdans & sudores atque urinarum excrementa recipiens. Hæc est membrana nervosa & valida, fœtum totum ambiens, vasa umbilicalia fulciens, & eorum interuentu utero adhærescens. Ita docent Levinus Lemnius, *lib. 2. de oculis naturæ miraculis cap. 8.* Andr. Vesalius *lib. 5. de fabrica corp. humani cap. 17.* Andr. Laurentius *lib. 8. histor. Anatom. cap. 5.* Verum nos negamus quod infans, qui in utero matris vitam plantæ degit, sudorem atque urinam emitat. Liqueor comprehensus involucri istis ab utero suppeditatur fœtui, quem sugendo trahat, quique magis ac magis crescit indies, donec mensibus ultimis incipiat diminui, cum puer robustior plus pabuli jam sumit ore, quàm liquoris possit aliunde affluere. Ita docent Recentiores Anatomici & Medici, Wilhelmus Harvæus *libro de membranis, & humoribus uteri*, Godofredus Mœbius *lib. 1. Institut. Medicarum cap. 4.* Antonius Deusingius *d'atriba de Lacte sect. 4.* Georgius

Encius *Apologia pro circulatione sanguinis* pag. 194. Joh. Claudius Courvæus *libro de nutritione fœtus in utero part. 2. cap. 13. & 14. & part. 3. cap. 8.*

XX. Pergit: Duplex est partium formatio, quarum prima, est partium spermaticarum, secunda est partium sanguinarum. Cum vix insita crassiores seminis partes ad circumferentiam, ut dixi egerit, paulatim incipit partes spermaticas adumbrare, ossa nimirum, nervos, venas, tum ampullas tres, bullis in aqua excitatis, simillimas, rudimenta nimirum partium principalium, cum suis filamentis & nervis cernere licet. Quo facto succedit partium sanguinarum adumbratio. Sanguis enim non prius fluit per venam umbilicalem huc, quàm spermatica partes sunt factæ. Tunc verò spacia fibrarum vacua expleantur, viscerumque *πρόσχωμα* delineatur, cæteræque partes alia muscutorum succedunt.] Ex solo semine, nullo in consortium sumpto sanguine, vasa umbilicalia, tres bullæ, hepatis, cordis & cerebri rudimenta, nec non venatum, arteriatum, nervorum, brachiorum, pedum omniumque membrorum prima quasi stamina dantur. A sanguinis per venam umbilicalem concursu partes omnes complementum suum accipiunt.

XXI. Hæc quidem ita communiter docentur, sed de menstruo sanguine à matris utero per venam umbilicalem attracto, & ad fœtum particulas efformandas accepto, negant Recentiores ita esse. Colliquamenta uteri hæctenus inserviunt ad fœtum enutriendum ejusque partes spermaticas undique perficiendas; inde sanguis adhibetur, à quo cæteræ partes apparentur, Sanguis inquam, non menstruus

struus ille genitricis, sed proprius qui generatur à corde ex colliquamentis intrà fœtus operimenta reconditis & velut colatis, in quibus innatat. Et prout magis vicinæ sunt cordi, aut magis remotæ sunt à corde, ità citius aut serius appellit sanguis, partesq; efformantur, pulmo, lien, jecur, ren, musculosa caro. Igitur cor est sanguinis officinâ perpetua, non verò hepar, quandoquidem hepar vix habet ramulos arteriæ venæq; in corde est truncus utriusque venæ & arteriæ, conus, parietes duo, septum transversum, & aliæ plurimæ partes spermaticæ, quibus inest agendi vis & potentia. Ità Wilhemus Harvey de generatione animalium ex ovo Exercitat. § 4. & 55. Johannes Claudius Courvæus libro de nutritione fœtus in utero part. 2. cap. 7. 8. 9.

XXII. Pergit: *Quod dum fit, nulla est vita, motus nullus, quia nulla est anima. Nec enim est anima, antequam domicilium est paratum, quod ante tertium mensem fieri nequit, quo tempore omnes partes absoluta sunt, tunc demum nutriri incipit fœtus sanguine materno.*] Quod si anima non adest in semine, dicat ille quænam sit causa efficiens, à quâ efformatur homo utero conclusus? Prior verò etiam illa fœtus vita primis post conceptum diebus simplicissima est, atque sine evidenti nutritione perficitur. Ipse suo se calore & spiritu infuso satis fovet conceptus, ubi nulla partium detractio est, & partes corporiæ per meram appositionem consummantur. Postquam verò delineatæ sunt partes, tunc nutriri & augeri incipit fœtus per alimenti internam receptionem atque digestionem.

XXIII. Pergit: *Frustrà meo iudicio disputatur, quæ pars in homine primò generetur. Namque etiam si hepar id sit membrum, nihil faciet sine reliquorum adminiculo, itidem nec cor nec cerebrum. Sed horum omnium requiritur consensus & unio.*] Hoc est quod dicit Hippocrates: Mihi quidem principium corporis videtur nullum esse, sed omnia similiter principium & finis, lib. 1. de victus ratione. Anatomicorum experientia hoc confirmat, à qua non licet dissentire, uti benè dissevit Johan. Fernelius lib. 7. Physiologia cap. 9. 10. 11.

XXIV. Pergit: *Parò quod dicunt nonnulli, fœtum primùm informari anima vegetante, tum sequentibus diebus sentiente, & ità deinceps, probabilitate caret. Membra enim humana non inserviunt anima, quæ tantùm est vegetans, & sentiens; sed rationali, quæ virtute superiores duas in se continet.*] Vivimus primùm vitam plantæ, deinde animalis, tandem hominis. Non quoad animæ actum primum, sed quoad secundum, uti rectè monet Daniel Winklerus libro de vita fœtus in utero. Substantialis vita una eademque est, accidentaliter diversa. De controversiâ illà quæ triplicem in homine animam, egimus suprâ cap. 6. dist. 1. seqq. Tantùm notetur, quod sæpius diximus, unam in homine uno animam in esse, cum semine traductam, eandemque corporis, domicilii sui, architectam esse. Quod enim Johan. Gallego lib. 3. de principiis generationis capit. 20. statuit, animam matris esse causam efficientem à quâ præparetur corpus hominis in utero conclusi, hoc inquam absurdum est. Quia enim efformatio corporis actio naturalis est, sit omninò

à principio interno, haut à principio externo. Et quia matris anima distat loco ab ipso foetu, quomodo foetus animabit? Denique impossibile est, quod una forma possit inesse in duobus numero subjectis.

XXV. Pergit: *Fœtus ergo animatus in utero nutritur & crescit, quousque robur acquirat & ore nutriri possit, indigeatque non tantum majore loco, sed & liberaliore cordis refrigerio.*] Quod foetus in utero constitutus per os nutriatur, nimirum ut conniventibus labris alimentum ex colliquamentis serosis in amnio involucreo contentis attraheret, ac quasi forbendo sugeret vulgaris erat opinio Hippocratis tempore, ut ipse docet libro de carnibus & consentit Democritus, teste Plutarcho lib. 5. de placitis Philosophorum cap. 16. Recesserunt ab eâ posteri ævi Doctores, qui solam ejus per venam umbilicalem ex menstruo sanguine nutritionem defendebant, inter quos nomen suum professus Aristoteles lib. 4. de generat. animal. cap. 3. Hoc inquam docent, quod infans in utero conclusus non percipiat ore alimentum. Os ibi est clausum *ajunt*, nihil ergo per hoc ingreditur, nulla etiam ad illud feruntur vasa, nullæ venæ, nullæ arteriæ. Sola adest vena umbilicalis, per umbilicum puelli ad venas uteri contendens, & ex his sanguinem maternum trahens. Experientia docuit rerum peritos, post trigessimum diem demum adfluere sanguinem, quo perficiatur & nutriatur foetus, Andreas Laurentius lib. 8. historia Anatomica cap. 6. Joh. Riolanus libro de formatione fœtus in utero cap. 3. 4. Adrianus

Spigelius libro de formatione fœtus cap. 10. 11. 12. Levinus Lemnius lib. 1. de occultis naturæ miraculis cap. 7. Ferdinandus Mena libro de partu septimestri, Joach. Burserus lib. 3. Institut. Physic. cap. 7. Johan. Heurnius lib. 5. Institut. Medicarum cap. 3. Johan. Fernelius lib. 7. Physiologia cap. 10. 11. Albertus Kyperus lib. 1. Anthropologia cap. 9. dist. 82. & cap. 23. dist. 47. 48.

XXVI. Denuò ad Veteres redierunt nostro sæculo Medici, & Anatomici peritissimi, putantq; imprudenter id factum à Naturâ censerî posse, quod tam subito & quasi per saltum faciat mutationem, uti foetus loco sanguinis, quo in utero ali creditur, lac illicò simulatque in lucem editus est, voluerit destinatum. Et addunt: (1) Quod experientia Anatomica ostendat, vasa materna sanguinem vehentia non communicare cum vasis umbilicalibus ipsius fœtus. Utrique ergo ab eis non devehitur alimentum ad ista. Quod fatentur Andreas Spigelius lib. de formatione fœtus part. 1. cap. 3. part. 2. cap. 1. Franciscus Arantius libro de formatione fœtus in utero. (2) Quod experientia doceat, puerperas aliquas maximam lactis copiam per uterum excrevisse, teste Andrea Laurentio lib. 2. historia Anatomica quæ. 10. (3) Quod colliquamentum illud amnio involucreo contentum, salò dicatur sudor & urina esse, quia quò magis crescit animal, eò magis diminuitur iste liquor, cum tamen si urina esset, eò magis deberet augeri, quò magis cresceret animal, teste Wilhelmo Harvæo lib. de generatione animalium ex ovo Exercitat. 55. 57. 63. (4) Quod pue-

puerum cum in lucem proveniunt, facies in intestinis habere conspiciuntur, & verò statim post natiuitatem facies iis per ventrem secedunt. (5) Quod infans statim à natiuitate lac ore trahit, argumentum non obscuro, quia in utero ipso alimentum ore percepit. (6) Quod in ventriculo animantium utero adhuc concludorum, humor similis illi qui intra amnium involucrium comprehenditur, reperiatur, Thomas Bartholinus in *Observationib⁹ Centur 2. num. 82.* Harveus *l. d. Exercitat. 56. & 58* Proinde concludunt, fœtum sugere & attrahere labris compressis partem humoris in amnio contenti pinguiorem, aqueæ innatantem. Ità Wilh. Harveus *l. d. & libro de uteri humoribus*, Georg. Segnerus Thorunienſis *libro de nutritione fœtus cap. 5. 6.* 7. Johan. Claudius Courvæus *libro de formatione fœtus part. 1. 2. 3.*

XXVII. Pergit: Tum duce natura calcitrando membranas & involucria rumpit. Conspirat tamen uterus, seseque pandit, nec hic solum, sed & vicinæ partes.] Residet infans intra uterum cruribus attractis versus umbilicum, & facie à manibus suis velatâ, nasum inter genua, oculos super genua, aures extrâ genua, habens, capite erecto versus caput matris. Nisi quod aqueæ innatans, seseque movens modò huc, modò illuc extenditur, varièque inflectitur & volutat. Peractâ in utero morâ iustâ exsilire conatur de latebris illis, & uterus ipse ut sese liberare possit à fœcinâ, exonerare fœtum properat.

XXVIII. Pergit: in partu naturali & legitimo infans caput ac humeros primò exserit, quos factore reliquæ partes non difficulter se-

quantur. Quod si enim brachium, pes aut alia pars in lucem primò prodeat, partus non carebit periculo.] De brachio, quod fœtus utero concludus inter pariendum exseruit, occurrit exemplum *Genes. 38. 27. 28. 29.* Partus naturalis est, cum facilij operâ enittitur gravida fœmina, proditque fœtus ab utero. Initium facit puellæ crebrâ manuum atq; pedum impulsione, sequitur mater spiritus contrahendo, abdomen comprimendo. Ejicitur autem fœtus ab utero in caput. gravi enim hoc est, cumque ità prodit, nec brachia nec pedes impedimento sunt, facies convertitur ad matris dorsum. Partus legitimus est, qui legitimo prodit tempore, mense septimo, octavo, nono ac decimo. Qui aut ante aut post tempus legitimum prodit, illegitimus est, mense quinto, sexto, undecimo, duodecimo, decimo tertio.

XXIX. Pergit: Tempora partus humani incerta sunt. Constat tamen, ante sextum mensem non esse factum vitalem, septimo quidem mense est vitalem, quod si robustus simul sit, in lucem exibit.] Vivit puerulus utero concludus, ut vitales spiritus à matre trahat. Scilicet per arterias umbilicales ad fœtum deferitur sanguis arteriosus & vitalibus spiritibus præditus, qui in corde matris elaborantur. Accipit ergò fœtus spiritus vitales, non fabricat. Accipit istos per arterias umbilicales, quæ non inferuntur cordi fœtus, sed arteriæ magnæ, ut pluribus verbis ostendit Andreas Laurentius *lib. 8. Historia Anatomica cap. 7. quest. 27.*

XXX. Recentiores negant ità esse, quandoquidem sanguis qui in vasis umbili-

bilicalibus tam venis quam arteriis conspicitur, non effluat, ut vulgò quidem putent, ab utero ad foetum, sed refluat à foetu versus uterum, adeoque vasa umbilicalia sint canales quidam, non quidem deferendo materno sanguini, verum sanguini ipsiusmet foetus ab utero refluenti. Scilicet, per hunc refluxum eventilatur calor, & refrigerat corpus totum pueri. Proinde foetus utero conclusus propriis spiritibus utitur in transpiratione, motuque proprio movetur, vivit proprio sanguine tam venoso quam arterioso. Editus in lucem infans ne momento quidem vivere potest, quin respiret, cum novem mensibus vixerit in utero contentus quod transpirationem haberet juvante cumprimis umbilico. Faciunt injuriæ externæ, facit aer undique receptus, ut multa generentur excrementa, fiatque major substantiæ dissipatio, undè necesse est pro fuliginibus absorbendis, ut semper novus aer subeat pulmonem, neque enim sufficiat umbilicus ad hoc omne officium. Ididem est, quod totus sanguis per venam umbilicalem refluens, consumitur in nutritione partium alvarum, quia fit dissipatio major, & porò major excrementorum proventus est, adeò ut qui mensibus novem provixerat in utero, in nihil egerendo, diebus singulis egerere debeat. Ità Guilhelms Harvæus libro de circulatione sanguinis cap. 6. Johan. Claudius Courvæus libro de nutritione fatus in utero part. 3. cap. 7. & 9.

XXXI. Queritur: An infans ute-

ro conclusus naturaliter in utero vociferari queat? Respondeo: Exempla infantum in matris utero vagientium adferunt Weinrichius de ortu monstrorum cap. 26. Thomas Bartholinus Centur. 1. observationum histor. num. 1. Daniel Sennertus lib. 4. Medicinæ practica part. 2. sect. 5. cap. 8. Andr. Libavius part. 2. Singularium pag. 287. seq. Adamus Stevartus Disputat. 5. de monstris dist. 124. 125. ita verò ut credant, vagitum illum naturalem esse. Nobis cum Joachimo Bursæo lib. 3. Institutionum Physic. cap. 7. contrarium placet, quodque præternaturalis vagitus sit, rationibus ostenditur; certè ad vocis formationem opus est respiratione, pulmonum, arteriæ asperæ, gutturis ope, nasi patuli orisque subsidio. Ab omnibus illis destitutus est infans utero conclusus, neque enim respirat, non habet pulmonum motum, non haurit ore aërem & committit arteriæ asperæ, non ducit adeò labia.

XXXII. Dicit Stevartus; aërem ab utero matris inspirari & postea expirari. Quod oppidò falsum est. Uterus enim contractus undique non permittit locum seu aëri, seu respirationi, ut diximus supra lib. 8. cap. 24. dist. 2. 3. Membranæ, quibus involvitur foetus, tam laxos poros non habent, ut aer undecunque illapsus pervadat; & uterus quamvis pondere suo hiet, admittere aërem non potest, quoniam lentore excrementitio occupata sunt omnia.

XXXIII. Pergit; Si non, natura ut plurimam

nium differt in nonum, decimum, aut initium undecimi mensis. Octavo mense natus infans non est vitalis, nam cum frustra septimo mense conatus fuerit, debilitatur vehementer, ac proinde justo mense eget ad virium reparationem. Si ergo octavo prodeat, non potest non debilis esse non modo ex irritò superioris mensis conatu, sed etiam ex partu octavi mensis.] Ante mensem septimum fœtum nasci vitalem, rarissimum est, & cum sit, parentum ætas juvenilis præmaturè evulgavit partum, uti multis differunt Sennertus lib. 4. *Medicina practica* part. 2. sect. 6. cap. 1. Andr. Laurentius lib. 8. *historie Anatom.* cap. 9. quest. 20. 21. 22. Johan. Costæus libro de tempore partus, Johan. Gallego lib. 2. de principiis generationis cap. 36. 37. seqq. Levinus Lemnius lib. 4. de occultis naturæ miraculis cap. 22. 23. Horatius Augenius lib. 2. de partu humano cap. 15. 16. 17. Septimus mensis primus humani partus terminus est, à quo grandior & validior partus membranis ruptis exitum sibi parat. Octimestres partus communiter nec legitimi esse censentur. Quæ sit ratio, non facile potest dici; & verò illa quam ex Hippocrate Medicinæ parente adfert Iacchæus, non est firma satis. Quando probabile non est, mense septimo tanto conatu in utero sese movere infantem, atque à motu isto debilitari, ut nec integro quidem mense vires restaurare queat, & moriatur confestim, quando in lucem productus est. Nono mense nati maximè vitales & legitimi sunt. Nec non illi qui decimo mense nascuntur. Qui undecimo & duodecimo mense prodeant in lucem, rarissimi sunt.

XXXIV. Pergit: *Naturalis partus est tantum maris & fœmina, & quidem ejusdem speciei, nimirum humane. Interdum tamen contingit casu aliquo, aut vitio seminis, uteri, nasci monstrum aut molam, de quibus aliàs.] Peccat quandoque Natura, nec semper assequitur propositum finem. Mola describitur, quod sit caro informis, otiosa, ex semine imbecilliore & sanguine copioso in utero progenita. Exempla sunt apud Danielem Sennertum lib. 4. *Medicina practica* part. 2. sect. 4. cap. 9. Joh. Heurnium libro de morbu mulierum cap. 6. Andr. Laurentium lib. 8. *histor. Anatom.* cap. 4. quest. 13. Levinum Lemnium lib. 1. de occultis naturæ miraculis cap. 8. Thomam Bartholinum Centur. 3. *Observationum* num. 1. Informis est, quia non habet partium delineationem, neque apparatus membrorum. Otiosa est, quia ubi non sunt organa, ibi non sunt organorum effecta. Attamen venter ab illà intumescit, ut videatur mulier utero gerere.*

XXXV. Pergit: *Ad natorum similitudinem veniamus, quæ triplex à Medicis & Philosophis statuitur, speciei nimirum, sexus & effigiei. Voco speciei, convenientiam duorum in natura una, specificam, ut Socratis & Platonis in naturâ humanâ. Hæc est à vi plasticâ non interpellatâ ut impeditâ, nam agens univocum reddit effectum in specie sibi similem.] Vis plastica non est alia, quam anima præsens in semine, uti sæpius diximus, & vide supra lib. 7. cap. 9. dist. 21. seqq.*

XXXVI. Pergit: *Secunda est in sexus, mas nimirum & fœmina. Causam maris vulgò tradunt robor facultatis formatricis, unâ cum potente calore foras propellente eas partes, quas fœmina intus reconditas habet.*

Quod probabile non videtur, cum nulla sit similitudo partium genitalium in mare ac femina, namq. etiamsi uterus propendeat, non tamen representabit penem humanum. Quid? quod multa feminae reperiuntur viris calidiores.] Quocunque modo uteri cervicem invertas, nunquam ex eo penem efformabis, ait Laurentius lib. 7. Historiæ Anatom. cap. 12. quæst. 8.

XXXVII. Pergit: Probabilius iudico, quod facultas formatrix indifferenter producit marem aut feminam, verum determinari potius ad maris generationem, quam femina, aut contra, à materia subjecta. Nisi maior primam causam, quod in multis fieri consuevit, indifferenter, nunc huius

nunc illius sexus fœtum producere, prout minis variâ dispositione.] Diximus hanc re suprâ lib. 7. cap. 2. dist. 17. ubi legitur.

XXXVIII. Pergit: Similitudo effigies liberorum ad parentes, qua consistit in colore & lineamentis membrorum, pendet ex temperamento seminis à parentibus profecti. Intelligo hinc colorem, nam figura pendet à vis formatrice seu plasticâ, qua nunc patri nunc matri fœtum similem fingit, interdum aliò desinit, si phantasia concurrat.] Diximus hac de re suprâ lib. 7. cap. 2. dist. 17. quantum sufficere potest.

LIBER DECIMUS,

De Mundo.

CAPUT PRIMUM,

De Causis Mundi.

SUMMARIA,

1. Definitio mundi.
2. Ornatus mundi.
3. Cælum, terra.
4. Efficiens mundi.
5. Materia mundi.
6. Forma mundi.
7. Finis mundi.

I. **M**undus est compages ordinata cæli, terra, quæq. in illis continentur.] Hactenus fuerunt corpora naturalia separatim considerata, sequitur ut agamus de illis collectim sumptis. Hoc fœdus uno nomine dicuntur Mundus. Rectè dislerunt Jacob. Zabarella libro de constitutione scientiæ naturalis cap. 15. Barthol. Keckermannus lib. 7. Systematis Phys. cap. 1. quod

quod de mundo in Physicâ debeat agilo-
cultimo, secundum leges Methodi
ejus, quæ procedit à partibus ad to-
tum, quæque una est & Synthetica vo-
catur.

II. *Compages ordinata.*] Non alio
mundus debebat nomine dici, Nomen
ab ornatu convenienter habet. Hic
ornatus excitare nos debet ad contem-
plationem universi, & celebrandum
Opificis magni gloriam, *Psal.* 8. 1. 2.
seq. *Psal.* 19. 1. 2. 3. 4. 5. *Psal.* 104. 1.
2. *seq.* *Psal.* 147. 1. 2. *seqq.* *Romanor.* 1.
19. 20. 21. Nomen Græcum est κόσμος;
quod primus adhibuit Pythagoras, di-
cente Plutarcho *lib. 2. de placitis Philoso-*
phorum cap. 2. Nimirum ex immenso
pulchritudinis increata Oceano in cœ-
lum, terram, aquam, metalla, Plan-
tas, bruta, homines, non quidem ri-
vuli sed ingentia pulchritudinis maria
profluxerunt. Atque hinc est illud Sa-
pientiæ 18. 24. *In veste Pontificis erat*
totus orbis terrarum, quomodo vertit
Interpres Romanus. Emendat verò
Osiander, *in veste Pontificis erat totus*
mundus. Addit in Scholio: *Totus mun-*
dos, id est, ornatus, κόσμος Græcum est,
quod non tantum orbem terrarum, sed
quemlibet ornatum etiam significat,
qua ambiguitas decepti Interpretem. Ve-
rum nunc quidem Interpres non est de-
ceptus, utique enim toga Pontificis in
se continuit ἱερωγλυφικὸς orbem terra-
rum, quod ex Hebræorum commen-
tariis proponit Vatablus *notis ad Exo-*
dum cap. 39. & adde Josephum *lib. 3.*
Antiquitatum cap. 8. Hieronymum
Epist. 128.

III. *Calis, terra, quæque in illis contin-*
entur.] Bonus est DEUS, benè con-
stita fecit, ait Seneca, consentaniè ad Sacras.
litteras, Genes. 1. 31. cap. 2. 1.

IV. *Ejus notentur cause & affectio-*
nes. Causa sunt quatuor, efficiens, ma-
teria, forma, finis. Efficiens, est DEUS
gloriosus.] Id expresse docet Mo-
ses *Genes. 1. 1. cap. 1. 2.* Et quæ Mo-
ses de mundi ortu consignavit, eadem
fermè erant in veterum Phœnicum li-
bris, quos Philo Byblius edidit, undè
allegat Eusebius *lib. 1. de preparat. Evan-*
gelicâ. Libri sacerdotum Ægyptiorum
paria continebant, teste Diodoro Siculo
lib. 1. Biblioth. Ab eis acceperunt & non
ineleganter commemorant Virgilius
lib. 6. Æneid. Ovidius *lib. 1. Metamorphos.*
Hæc est illa ἡ ἁπλοῦς κόσμος, quam Thales
Milesius, Anaxagoras, Socrates in Græ-
corum ludis publicaverunt, de quibus
referunt Aristoteles *lib. 8. Physicor. cap. 1.*
Plutarchus *in vita Periclis*, Laërtius *in An-*
axagora, Cicero *lib. 1. de nat. Deorum.*

V. *Materia sunt corpora naturalia.*] Omnia & singula, simplicia & compo-
sita, animata & inanimata, vegetativa,
sensitiva, & rationalia.

VI. *Forma est ordo congruus partium o-*
mnium.] Elegans illa & constans superio-
rum atq; inferiorum corporum disposi-
tio, διακόσμησις, quam olim creando ipsi
contulit Deus, & porro conservat, Sa-
pient. 11. 22. *Ebræor. 1. 3.* & cum primis *Iohan.*
5. 17. 18. De quo loco plurima diximus
Libro de operibus Creationis Exercitat.
XXIV. dist. 2.

VII. *Finis est salus hominū & animantiū.*] Ut commodè habitent & supersint.
Psal.

Psal. 8. 1. 2. *Psal.* 36. 7. *Psal.* 104. 10. 11. *Psal.* 147. 9. 10. Aristoteles 1. *Metaphys.* 2. 2. *Physic.* 2. 1. *Politic.* 5. Piccolomineus *libro de mundo cap.* 6.

CAPVT SECVNDVM,

Diatriba singularis de Mundi æternitate.

SUMMARI A.

1. Mundi initium.
2. Testimonia Veterum.
3. Mundus æternus.
4. Testimonia sacra.
5. Mundus in tempore conditus.
6. Rationes nostræ.
7. Solvuntur objectiones.

I. **Q**UOD mundus in tempore à DEO conditus sit, tabulis sacris evidenter confirmatur, *Genes.* 1. 1. *cap.* 2. 1. *Psal.* 33. 6. *Proverb.* 8. 22. *Ephes.* 3. 9. *Coloss.* 1. 15. *Hebræ.* 11. 3. Idemque naturalis ratio divinissimorum operum contemplationi diligenter inhærens affequi potest *Psal.* 19. 1. 2. 3. *Roman.* 1. 19. 20. & porro ostendunt Julius Scaliger *Exercitat.* 3. Taurellus in *Synopsi Metaphysica pag.* 48. *seqq.* & libro *de rerum æternitate pag.* 23. *seqq.* Pererius lib. 15. *Philosoph. natural.* cap. 1. *seqq.* Mornæus libro *de veritate Relig. Christ.* cap. 7. *seqq.* Hieronym. Zanchius *part.* 1. *de Operibus Creationis lib.* 1. *cap.* 3. *quest.* 2.

II. Adeòque mundi opificium agnoverunt & docuerunt Zoroastres, Orpheus, Musæus, Linus, Epicharmus,

Homerus, Hesiodus, Anaxagoras, Thales Milesius, Sophocles, Antisthenes, Menander, Zenon Citicus, Cleantes, Chrysippus, Archidemus, Posidonius, Melissus, Leucippus, Democritus, Empedocles, Pherecydes, Pythagoras, denique Plato, cujus *Timæus* cordatè proficitur, quod DEUS sit universi hujus conditor & moderator. Præterea Ovidius lib. 1. *Metamorphos.* ubi concludit:

Sic ubi dispositam quisquæ fuit ille Deus.
rum.

Horrendis, uti plerique Paganorum seculo illo, opinionibus de DEO immersus, veritus ne DEUM cujus jam meminerat, & postea sæpè mentionem repetebat, parùm accepto nomine indicaret. Sic enim de DEO ἀγνώσκειν & de cujus certo nomine dubitabant, ne errore aliquo impingerent, veteres Romani cautius loquebantur, *Quisquæ es*, ut videre est apud eundem Ovidium lib. 6. *fastorum*, Plautum in *Rudentibus Act.* 1. *scen.* 4. Virgilium lib. 4. *Æneid.* Plinium lib. 2. *historia natur.* cap. 7. & nos adde lib. 1. *Antiquitatum Romanar.* cap. 9. *dist.* 10.

III. Multi verò etiam Gentilium docuerunt, mundum principio caruisse, quos inter vetustissimus Scriptor est Ocellus Lucanus libro *de natura universi cap.* 1. unde alia multa, tum quoque hanc de mundi æternitate opinionem sumpsit Aristoteles lib. 1. *de Cælo cap.* 7. & prior illo sequebatur Xenophanes Colophonius apud Plutarchum lib. 2. *de Placitis Philosophorum cap.* 4. Et quanquam Julius Scaliger *Exercit.* 61. *sect.* 13. Franciscus Suarez *Disputat.* *Metaphys.* 20. *sect.* 1.

num. 23. Julius Pacius *notis ad lib. 8. physicor.* Barthol. Keckermannus *lib. 7. System. Physic. cap. 1.* excusare velint Aristotelem, quasi negaverit tantum, mundo contigisse initium per modum generationis ex præjacente materiâ, interim concesserit, per modum creationis initium habuisse; frustra tamen hoc adferri, ostendunt Pererius *lib. 5. Philosophia natural. cap. 7.* Taurellus *lib. 2. de rerum aternitate pag. 257. seqq.* Cæsar Cremoninus *commentariis ad libros de Cælo pag. 373. seqq.* Hannibal Rosellius *commentariis ad Trisnegisti Pimandrum Tomo 1. pag. 15. 16. 17.* Hippolytus Pindemontius *libro de mundo cap. 2.* Nimis enim prodit sese verbis apertis, 12. *Metaph. 30. 48. 8. physic. text. 4. 10. 11. 15. 53. 67. lib. 1. de cælo text. 20. 21. 22.* unde argumenta colligunt & refellunt Franciscus Patricius *Tomus 4. discuss. Peripateticarum lib. 4. 5. 6.* Bernh. Tilesius *lib. 4. de rerum naturâ cap. 26. seqq.* Piccolomineus *libro de mundo cap. 24.* Antonius Ruvijs, Toletus, Conimbricensis *lib. 8. Physic. cap. 2. quæst. 1. 2. 3.* Summa hæc est, quod ubique principium petat, neque enim vellocus, vel motus, vel tempus ab æterno fuerunt, quod ille supponit. Ceperunt omnia ista cum mundo, neque accidentia possunt esse ab æterno, cum subiectum in tempore esse cepit. Adedque doctissimi Scriptores quivis in Peripato statuunt, Aristotelem docuisse mundum ortus atque interitus experitem, videlicet *Themistius, Aphrodisæus, Simplicius, Averrhoes*, qui Magistro assentiantur, cum nemo istorum Religionem Christianam agnoverit.

IV. Mosis verba sunt: *Terra erat vacua & inanis, & tenebræ erant in superficie voraginis, Genes. 1. 2. 3.* Terram nominat Scriptor sacer notiori nobis nomine, & quod istud Elementum in Chao prædominaretur, antequam sapientissimus Universi Opifex singula viribus suis augeret, locisque suis digereret. Est *principium pulverum terra, sive rudimentum orbis habitati.*

ראש עפרות חב

Proverb. 8. 26. Phœnices ἰδοὶ dicebant apud Eusebium, à quibus acceperunt vetustissimi Græcorum Doctores, & nominibus alijs extulerunt. Parmenides, Melissus & Hesiodus vocant noctem, eique adjungunt flammam, id est, lucem primigeniam. Pherecydes, Orpheus, Pythagoras, Anaxagoras vocant confusionem & non-Ens, quam postmodum DEUS ordinatè disposuerit. Πάντα διὰ δέσμονος ὕλης, ait Anaxagoras verbis quæ citat Simplicius in *commentariis physicis*, & videatur ipse Aristoteles *lib. 1. Metaphys. 4. lib. 3. phys. 4.* ubi ὕς est DEUS ipse, Intelligentia non errans, ut multis exponit Stephanus Theopolus *lib. 2. Contemplationum Academicarum cap. 1. 2. 3.* In quos omnes Aristoteles *lib. 1. physicor. cap. 2.* non leviter invehitur, quod omnia ex non-Ente producta esse, incongruè dixerint. Ipse enim quia Naturam æternam statuit, neque secundum Naturæ vires ex nihilo fieri quicquam possit, non levi errore abreptus eisdem terminis DEUM & Naturam circumscripsit, atque naturæ conditorem DEUM ad Naturæ leges alligavit. Proinde infinitam DEI po-

tentiam, cujus indicium certissimum est opus creationis, agnoscere noluit, uti conqueruntur meritò Augustinus Niphus libro de aeterno motore, Johannes de Janduno lib. 12. *Metaphys. quest. 15.* Piccolomineus lib. 2. de *Creatione cap. 3. & libro de Mundo cap. 19. 20. 21. 22.* Johannes Casus lib. 1. *Commentariorum Physicorum pag. 70. 71. & pag. 140. seq.*

V. Quæritur: An Mundus ab aeterno condi potuerit? Respondeo: Affirmant Thomas Aquinas part. 1. *Summæ Theolog. quest. 46. art. 2.* Cajetanus notis ibidem, Durandus, Hervæus, Capreolus, Occamus, & cum illis Gregorius de Valentia Tomo 1. *Commentariorum Theolog. Disputat. 3. quest. 3. punct. 2.* Hannibal Rosseus commentariis ad Pimandrum Trismegisti Tomo 1, pag. 21. 22. seq. Bernh. Morisani commentariis ad Physicam Aristotelis pag. 434. seq. Gabriel Vasquez Tomo 2. *Commentar. in Thomam fol. 393. seqq.* Suarez Disputat. *Metaphys. 20. sect. 6. num. 11. seqq.* Hurtadus Mendoza in *Cursu Philosophico Disputat. Phys. 16. sect. 1. 2. 3. 4. 5.* Conimbricenses lib. 8. *Physicor. cap. 2. quest. 6.* Pererius lib. 15. *Philosophia natur. cap. 12. 13.* Arriaga in *Cursu Philosophico Disputat. Phys. 17. sect. 2.* Scipio Cefenas Claramontius libro 16. de *Universo cap. 8.* Raymundus Mailhat in *Summa Philosophica Tomo 3. pag. 5. 6. 7. seqq.* Philippus de Trinitate in *Summa Philosophica lib. 8. Physicorum pag. 785. seqq.* Didacus Mafius commentariis ad lib. 8. *Physicorum pag. 461. seqq.* Samuel de Lublino commentariis ad libros *Physicorum. ag. 420.* Franciscus Oviedo in *Cursu*

Philosophico Disputat. Physic. 19. sect. 1. Paulus Slegvotus in *Disputationibus Academicis pag. 428. seqq.* Antonius Deusingius libro de mundi opificio *Disputat. 1. quest. 5.* Bartholinus lib. 2. *System. Phys. cap. 10.*

VI. Negant verò Albertus Magnus lib. 2. *sentent. dist. 1. art. 10.* Bonaventura ibidem *quest. 2.* Richardus de Mittelburgo ibidem *quest. 4.* Julius Scaliger *Exercitat. 5. sect. 2.* Franciscus Toletus lib. 8. *Physicorum cap. 2. quest. 2.* Barthol. Keckermanus lib. 7. *Phys. cap. 1.* Hippolytus Pindemontius libro de *Mundo cap. 5.* Casimannus in *Cosmopœia pag. 88. seqq.* Franciscus Murcia lib. 8. *Physicorum Disputat. 1. pag. 305. seqq.* Piccolomineus lib. 2. de *Creatione cap. 5. 6. 12.* Adrianus Herboord volum. 1. *Disputat. select. pag. 68. seqq.* Franciscus Vallesius in *Philosophia sacra cap. 1.* Nicolaus Turrellus lib. 1. de *rerum æternitate pag. 209. seqq.* Etnos cum illis, Rationes sunt: (1) Quia illud quod esse non potest, nisi post non esse, non potest esse ab æterno quod enim ab æterno habet esse, nunquā habet non esse. Atqui Creatura nulla esse potest, nisi post nō esse. Etenim creati est de nihilo produci. Excipit Pererius: Cum convenire dicitur creaturæ, *ex se non esse*, non significatur, quod prius debuerit esse, sed quod ex se non habeat esse, & sibi soli à Deo relicta confestim in nihilum recideret. Respondeo: Utrumque significat. Cum enim dicitur, quod ex se non habeat esse, sed creatum sit ex nihilo, simul indicatur quod non esse habuerit ante esse, & quod non esse prius ei convenerit, quā esse.

Etiā.

Etiam illud, quod creatura sibi relicta in non esse recideret, quod creatura prius fuerit in non esse, ostendit, quia alias in non esse recidere non posset. (2) Quia illud quod ab æterno est, citrà ortum, successionem & finem est, id est, infinitam durationem habet. Atqui Creatura nulla durationem istam fortiri potest, quia non habet essentiam infinitam. Ergò nec ab æterno esse potest. Dicit *Pererius*: Creari ex nihilo non significat ordinem essendi post non esse, sed tantum negationem materiæ. *Respondeo*: Significat utrumque, cum enim dicitur, *ex nihilo produci*, tam negatur materia, quam ponitur ordo essendi post non esse. Esse aliquid sequebatur ad nihil. Nihil est terminus productionis à quo, sed terminus simul negationis omnis materiæ præexistentis. Aliquid est terminus ad quem, & quidem positionis. Non enim successit ens; ei quod nihil fuerat, novitas essendi. (3) Quia Dei solius proprium est, ab æterno esse, *Genes.* 21. 33. *Esaiæ* 43. 9. *cap.* 57. 18. Ergò rei nullæ extrà Deum positæ tribui potest.

VII. Excipiunt *Valentia & Pererius*:

(1) Quod æternitas alia propria est & per essentiam, alia verò impertita. Illam solus Deus habet, hæc in Creaturam potest conferri. *Respondeo*: Æternitas est una, videlicet propria illa & per essentiam, altera ista, quæ participata vocatur figmentum est. Si enim datur aliunde essentia, ergò non est æterna, & ante aliud. Et: Quicquid æternum est, illud per essentiam infinitam æternum est, mundus verò

finitus est, adeoque nullo modo æternus esse potest. Deus fuit omnipotens ab æterno. Ergò mundum ab æterno condere potuit. *Respondeo*: Non condidit ab æterno, ergò non potuit, quia posse non voluit. Non voluit, quia non potuit velle nisi optimum: non foret hoc optimum, creare sibi par: fecisset sibi par, si fecisset infinitum duratione. Deus autem non potest Deum alium facere. Quicquid verò extrà se facit Deus, aliquandò & liberè facit, non semper: quemadmodum vicissim, quicquid Deus intrà se facit, semper & incessanter facit, non aliquandò nec desiturè. (3) Quod nihil impedit, quò minus à Deo producat aliquid, & tamen sit æternum, uti constat exemplo generationis filii Dei. *Resp.* Generatio est opus ad intrà, ut in substantià Divinitas maneat, *Hebræorum* 1. 3. igitur diversa ratio est ad creationem universi, quippe quæ est opus ad extrà, *Psalms.* 8. 1. 2. 3. *Psalms.* 102. 25. 26. 28. 28. neque facit ut mundus sit unus cum Opifice suo. (4) Quod effecta quædam sunt simul cum Causis suis duratione, ut constat exemplo Solis & Lucis. *Respondeo*: Hæc sunt effecta per modum generationis emanativa, quibus proprium est, ut ibi causa & causatum simul sint, existant, durent. Atqui modo isto non potuit mundus à Deo produci, quia sic ejusdem cum producente essentiæ fuisset. Creari debuit, & propterea non nisi in tempore ortum accipere potuit.

CAPVT TERTIVM,

Diatriba singularis de Spiritu Mundi.

SUMMARI A.

1. Spiritus Domini.
2. Testimonia Veterum.
3. Comenij opinio.
4. Refellitur ista.
5. Melecheta.
6. Rationes solvuntur.

I. **E**T Spiritus Domini incubabat super aquis. Genes. 1. 2. Velut columna nido, ut materiam incompositam producendis rebus omnibus idoneam faceret, Basilii, Ambrosius, Marius Victorinus commentariis ad h. l. De hoc Spiritu Mundi opifice inaudiverunt Phœnices, quæ erant reliquæ doctrinæ Noëticæ, & vocabant appositè *קוֹל פִּי יְהוָה*, uti refert Eusebius lib. 1. preparat. Evangel. cap. 10. Eodem prorsus modo Scriptura loquitur, Psalm. 33. Ab illis docti Chaldæi & Indi, à quibus Pherecydes, Pythagoras, Democritus, Parmenides, Heraclitus acceperunt suam *δύναμις διαπολεστική*, quam tot locis celebrat maximus Plato in *Timæo* & *Politico*. Quam ipsam per mundum sese diffundentem, eumque vegetantem aliàs etiam vocabant *ἡ πρῶτος καὶ ἡμετέρα ψυχή*. In quem sensum Virgilius:

Principio cælum & terram, camposque liquentes,

*Lucentemque globum Luna, Titaniq;
astra,*

*Spiritus intus alit totamq; infusa per artem
Mens agitat molem & magno se corpore miscet.*

*Inde hominum pecudumque genus, vitæq;
volantum,*

*Et quæ marmorio fert monstra sub aquore
pontus,*

*Ignæus est illis vigor & cælestis origo
Seminibus.*

lib. 6. *Æneidos*.

II. Spiritus ille est, quem Spiritum Domini Moyses, eundemque statim Mentem etiam vocat, id. dicebant Anaxagoras & Plato. Artus sunt Elementa, quæ mundi velut membra sunt, Magnum corpus est *τὸ ἐλογισμένον πᾶσι*. Huc pertinet, quod Thales Milesius docebat, mundi animam esse DEum, testibus Plutarcho lib. 1. de placitis Philosophorum cap. 7. & Eusebio lib. 14. de preparat. Evangel. cap. 7. Dixit idem verbis iisdem Petrus. Abailardus apud Bernhardum Epist. 190. & hæresios accusari cepit illis seculis quæ auream Platonis Philosophiam in primitivâ Ecclesiâ receptam negligebant. De quâ Platoniorum doctrinâ porro videris Plotinum *Enneade* 2. lib. 1. 2. 3. Marsilium Ficinum lib. 4. *Theolog. Platonicæ* cap. 1. Cælium Rhodiginum lib. 20. *Antiquarum Læctionum* cap. 11. Petrum Crinitum lib. 6. de honestâ disciplina cap. 12. Stephanum Theupolum lib. 5. *Contemplat. Academicarum* cap. 1. 2. seqq. Hannibal. Rosselium commentariis ad *Trismegisti Pimandrum* Tomo 3. pag. 20. seqq. Petrum Gassendum in *Physicis* sect. 3. lib. 1. cap. 1.

III. Iohannes Comenius scribit: Spiritus DEI qui ferebatur super aquis, in.

intelligitur diffusus ubique Spiritus vitæ, quo plenus est hæctenus mundus universus, qui sese per omnes materiæ partes insinuans eam fovet, regit, producitque Creaturas omnes, suam cuique formam inducendo. Probat: (1) Scriptura testatur, esse vim Dei quandam pertotum Mundum diffusam, omnia sustentantem, omnia vivificantem, omnia in omnibus operantem, eamque vocat Spiritum Creaturarum, animam Mundi, *Jobi* 27. 3. *cap.* 33. *Psal.* 104. 29. 30. *Ezechiel.* 37. 5. 9. 14. (2) Constat, herbas & animalia etiam sine semine ex materiâ humidâ nasci. At undè his vita est nisi ab animâ mundi diffusâ? Panem, aquam, vinum, aërem vitales esse vescentibus, experimur; At undè illis obsecro vitalis illa vis, si non à diffusâ hac anima? Si autem Spiritus quidam eo modo per omnia diffusus est, necessariò sequitur, hunc in principio fuisse creatum in torâ suâ massâ, quemadmodum & materia & lux ingenti illâ & indigestâ suâ mole, primum producta sunt, ut post hanc nihil opus fuerit creati, sed è tribus illis componi & formis distingui. Quod innuit Deus *Esaiâ* 42. 5. *Zacharia* 12. 1. ubi Creatorem omnium sese declarans, omnia illa partiturisariam, nempe in *cælos*. (id est lucem) *terram* (sive materiâ) & *Spiritum vivificantem*. Hæc ille in *Synopsi Physicæ reformatæ* pag. 9. 19. 20. Et ante illum Olsvaldus. Crollius *præfatione ad Basilicam Chymicam* pag. 19. *seqq.* Thomas Campanella *lib.* 1. *de sensu rerum* *cap.* 9. Marsilius Ficinus *lib.* *de vita calitis comparanda* *cap.* 3. 4. 11. Paulus Riccius *libro de anima cæli*, Robertus Fluddus in *differ-*

tatione adversus Merfennum de anima mûdi & in Apologetico pro Societate Rosæ crucis part. 3. *cap.* 3. Antonius Deusingius *libro de mundi opificio Dissutat.* 2. *quæst.* 1. 2. 3. 4. 5. & in *Apologetico adversus Cloppenburgium sect.* 5. Johannes Keplerus in *Harmonicis lib.* 4. *cap.* 7. *seqq.* & in *Epitome Astronomiæ Copernicana lib.* 1. *pag.* 125. *seqq.*

IV. Respondeo: Si diffusus ille Spiritus vitæ est Natura, quam ita Aristoteles & Zenon vocabant, hæctenus assentimur Comenio & Fluddo; est enim Natura Dei vicaria in conservandis rebus mundo contentis, quò digitum intendit Aristoteles *lib.* 12. *Metaphys. text.* 49. & rectè concedit Piccolomineus *libro de mundo* *cap.* 3. 28. 29. 30. adversus quem frustra differit Nicolaus Taurellus *libro de mundo* *cap.* 9. *seqq.* Non etiam assentimur, quod peculiarem quandam Spiritum comminiscuntur, Avicennæ & Arabibus cæteris *כח החיים* dictum, generationibus sublunarium præfectum. Nihil tale Plato, qui Deum ipsum Naturæ dominum & Mundi formam assistentem profiretur, à quo sit omnis Naturæ operatio, non verò Spiritum quandam creatum, in quo *ἐν ἑαυτῇ ζωὴ καὶ νοῦς* insit, credit. Locis è Scripturâ prolatis facilè occurrunt. Dicitur *Psal.* 104. 30. Emittis Spiritum tuum & creabuntur. Sensus est: Emittis spiritum vitalem. Supremus omnium viventium rector Deus est, proindè mos omnium ferè gentium est, ut naturæ effecta ad Naturæ autorem referant, *Jobi* 3. 4. 6. 10. 10. *Matth.* 5. 25. 45. Natura in viventibus accepit donum propagationis per semen, vi benedictionis divini, *Genes.* 1. 11. 12. 22. 24. 25. 28. 29.

30. Ergò viventia prodire facit Deus non equidem inspirando Spiritum illum qui olim incubabat aquis, sed concurrendo, uti Causa prima cum secundis, quæ propriam habent efficientiam, præbendo formam simulac materiam, proximo influxu. Neque aliter est, cum ait; *Aufer Spiritum tuum & pereunt.* De ortu loquitur, ut de occasu, primam causam appellando, à quâ secundæ pendent in esse & durare. Eadem ratio est, cum ait, *donec Spiritus Dei in naso meo est.* Jobi 27. 3. Anima datur à Deo, sed mediante generationis opere, quomodo idem etiam corpus in utero format Jobi 10. 10. Ratio diversa est in verbis illis, Spiritus Dei fecit me, Jobi 33. 4. Nam ille Spiritus est tertia Divinitatis persona, uti alias in sacris literis.

V. Pro eodem mundi Spiritu approbando multa fatur palmarius in Geomantarum Scholâ impostor Cornelius Agrippa lib. 1. de occulta Philosophia cap. 14. lib. 2. cap. 55. 56. 57. lib. 3. cap. 14. provocatque ad locum Jeremiæ 44. 17. 18. 25. ubi est de cultu Melechtæ cælestis. Sed non est mirum, quod dæmonicarum verba adfert, dæmonum socius. De Lunâ agit, cæli Reginâ quam cultus sacri deturpatores Judæi profugi in Ægypto venerabantur, ob id reprehensi expressis Prophætæ verbis.

VI. Instant Comenius & Fluddus: (1) Quod herbæ & animantia multa sine semine generantur. Respondeo: Negatur hoc apud peritos naturæ Interpretes, adeoque illi verum hoc esse affirmant: *Quicquid generatur, ex semine generatur.* Semine inquam, ubi materia & forma simul existunt. (2) Quod panis, aqua, aër sunt

vitales. Respondeo: Imò aër pascatur qui hoc credit; addat Elementa omnia, & vivere pergat! Composita sunt, quæ hominis vitam conservant, idq; virtute calidi innati quod vegetabilibus omnibus natura ingeneravit. (3) Quod tria sunt principia, ex quib; componuntur omnia, lux, materia, spiritus. Respondeo: Duo sunt principia cōstitutiva omnis corporis naturalis, materia sive corpus & forma sive spiritus, utrumq; per generationem propagatur, ut non opus sit Spiritum quandam universalem & abstractum cōminisci, à quo generationes viventum promoveantur. Loca ex Prophetis adducta non loquuntur de principiis generationis corporum naturalium, sed Deum mundi opificem prædicant, qui creaverit cælos, sustenret terram, hominibus vitam largiatur, verbo conservet Naturam à viribus omnibus integram.

CAPVT QVARTVM,

De Affectionibus Mundi,

SUMMARIA,

1. Unitas mundi.
2. Veterum testimonia.
3. Divina potentia.
4. Magnitudo mundi.
5. Perfectio mundi.

I. **A**ffectiones sunt unitas, magnitudo, perfectio. Unitas est, qua mundus est solus neque alium extrà sese habet.] Veteres Philosophi dissenserunt admodum,

mi referunt Cicero *lib. 1. de finibus*, & *lib. 2. questionum Academicarum*, Plutarchus *lib. 1. de placitis Philosophorum cap. 5.* & *libro de tranquillitate animi*, Namque plurimos mundos esse, docuerunt Leucippus, Democritus, Diogenes, Epicurus, Anaximander, Anaximenes, Archelaus, Aristarchus, Xenophanes, Metrodorus, Empedocles. Scilicet absurdum esse censabant, in magno campo spicam unam nasci, atque in spacio immenso mundum unum esse. Credo ego, quod Democritus, Leucippus, Empedocles ceterum eruditione præstantes censuerint, non quidem plures mundos simul esse, verum uno post exacta intervalla temporum destructo mundo, oriturum alium. Ità etiam Hebræi veteres apud Origenem *lib. 2. de principiis*. De Epicuro, Anaximandro, Anaxarcho, Xenophane aliter est, qui in spacio immenso plures mundos spacio distinctos esse arbitrabantur, eis que aperte favet Lucretius *lib. 2. de rerum natura*. Quos omnes in tenebris palpavisse, mirum non est, postquam doctrinæ Noëticæ reliquias, in quibus origines secularum accuratè commemorabantur, negligere voluerunt, & relationes certissimas otiosis commentis maculaverunt.

II. *Quamundus est solus.* Quod unus Mundus sit, profitebantur Ithales Milesius, Pythagoras, Parmenides, Melissus, Heraclitus, Anaxagoras, Zenon Eleates, Socrates, eosque sequuntur Plato in *Timæo*, Aristoteles *lib. 1. de Cælo cap. 8.* & 9. ubi rationes multas addunt, quas enotaverunt Scipio Cæsænas Claramontanus *lib. 16. de Universo cap. 12.* Piccolominæus *libro de mundo cap. 7. 8. seqq.* ejusque casti-

gator Nicolaus Taurellus *lib. 2. de mundo pag. 95. seqq.* & in *Synopsi Metaphysica pag. 58. seqq.* Brevis: Unum mundum fecit Deus, ut ex uno opere unus quoque conditor ejus esse crederetur, *Genes. 1. 1. cap. 2. 1. Romanor. 1. 19. 20.*

III. *Neque alium extra sese habet.* Quæsitum fuit olim: *An Deus possit mundos alios penes hunc nostrum unum condere & constituere?* Respondeo: Affirmant Albertus Magnus *lib. 1. de cælo tract. 3. cap. 6.* Thomas Aquinas, Durandus, Occam, Gabriel Biel *lib. 1. sentent. dist. 44. quest. 1. 2. 3.* Capreolus *ibidem quest. 1.* Franciscus Murcia in *Cursu Philosophico part. 5. pag. 31. 32. 33.* Negabat Johannes Wicleff in *dictatis Anglicanis*, quem ob id reprehendunt & impium errorem erravisse, ajunt Conimbricenses *lib. 1. de Cælo cap. 9. quest. 1. art. 2.* Antonius Ruvio *ibidem quest. 1.* Christoph. Clavius in *commentariis ad Spharam pag. 28.* Philippus de Trinitate in *Summa Philosophica lib. 1. de Cælo pag. 23. seqq.* quem tamen eundem errorem (Si error est) defendit Piccolomineus *libro de mundo cap. 9.* Constat quod ea solum facere potest Deus, quæ vult facere. Et quod ea vult facere, quæ ad gloriam suam conservandam oppidò pertinent, Atqui hic unus mundus est instar plurium, ut sufficiat ad fortiendum nomen Universi, quomodo Deus est un⁹ Opifex, & perfectissimi operis unius causa una Efficiens. Et quia unus mundus perfectis modis ostendit Dei gloriam, non vult condere mundos plures, quia non vult nec potest velle aliquid quod supervacuum est, quodque frustra esset cum esset, *Genes. 1. 32. Psalm. 8. 1. 2. 3. 4.*

IV. Magnitudo est, qua mundus capit omnia corpora naturalia.] Quæritur: An ambitu suo mundus comprehendat omnia, ut non sit quicquam extrâ ipsum? Respondeo: Pythagoras (apud Aristotelem lib. 4. physior. cap. 6.) & Plato in Phadro commemorant loca cælestia, quæ sint extrâ mundum sensibilem. Neque minus Aristoteles lib. 1. de cælo text. 100. concedit, ultrâ cælos esse loca gloriosa, ubi nulla senectus, nulla calamitas invadat, verum perpetua felicitas vigeat. Annuimus, & ibi esse novimus Angelorum domicilia, cælitum beatorum mansiones, qui opperiantur Resurrectionem corporum & iudicium universale. Prolixius disserit Piccolominius libro de mundo cap. 12. 13. 14.

V. Perfectio est, qua omnibus suis partibus mundus constat.) Ut quæcunque corpora locis suis disposita sint, & ad finem congruum ordinentur, Aristoteles lib. 2. de cælo text. 34. Piccolominius libro de mundo cap. 40.

CAPVT QVINTVM,

Diatriba singularis de Con-
summatione seculi.

SUMMARIA.

1. Testimonia Veterum.
2. Interitus accidentalis.
3. Deus permanet.
4. Liquefcent cæli.
5. Calipræteribunt.
6. Cæli abibant.

7. Solvuntur objectiones.

8. Creatura vanitatis subiecta.

I. Quid mundus aliquandó futurum habiturus sit, veteres in Chaldaea, Ægypto, Indiâ Sapientes docuerunt, à quibus acceperunt Græci, Anaxagoras, Empedocles, Heracilius, Democritus, Possidonius, Socrates, Panztius, Zenon Citticius, Epicharmus, Melissus, Pherecydes, Plato in Timæo, & Phadone. Et quidem per inflammationem:

*Communis mundo superest rogos, ossibus
astra*

Mixturnis, ait Lucanus

lib. 1. Pharsaliæ. Adde Ovidum lib. 1. Metamorph. Lucretium lib. 5. de rerum natura, Senecam consolatione ad Marciam cap. 26. Tunc verò interitum esse credebant, cum anno magno Sol, Luna & stellæ omnes ad eundem cæli locum, unde initio progressum ceperunt, revertuntur, teste Censorino libro de die natali cap. 18. Annus ille magnus seu Platonius complectitur annos 25000. secundum Tychonis Braheii calculum, qui præcessionem æquinoctiorum accuratius reformavit.

II. Quæritur de interitus huius modo, an futurus sit per accidentalem cæli terræque immutationem, an verò per substantialem destructionem? Respondeo: Prius affirmant Augustinus lib. 20. de Civitate D. cap. 16. 17. 18. Joh. Brentius homil. 35. in Lucam. fol. 621. Gregorius de Valentia Tomo 4. Commentariorum Theolog. disputat. 11. quæst. 2. Polanus lib. 6. Synagm. Theolog. cap. 70. Zanchius Tomo 7.

Operum libro de fine mundi pag. 79. seqq. Benedictus Aretius in problematis Theologicis pag. 304. seqq. Conimbricenses lib. 1. de Cælo cap. 3. quest. 1. artic. 2. 3. Otto Casmannus in Vranographicis pag. 290. 291. Timplerus in Physicâ generali cap. 3. quest. 11. Barthol. Keckermannus in Cursu Philosophico Disput. 20. quest. 17. Antonius Ruuio lib. 1. de Cælo cap. 3. quest. 1. Piccolominæus libro de mundo cap. 25. Alstedius lib. 7. Encyclopædie part. 8. Physica cap. 4. Regula 9. Johan. Combacchius lib. 2. Institutio- num Physicarum pag. 217. Marcus Frid. Wendelinus in Contemplationibus Physicis sect. 2. part. 2. cap. 21. dist. 3. Johannes Rodolphus Faber in Cursu Physico parte specialipag. 151. seqq. Hippolytus Pindemon- tius libro de mundo cap. 33. Franciscus Gomarus part. 1. Explicationum ad Novum Testamentum pag. 170. seqq. Doctores Ley- denes in Synopsi Theologia Disputat. 52. num. 57. seqq. Mallonius part. 2. Anatomia Triumphantis pag. 141 5. seqq. Samuel Mare- dius Disputatione de consummatione mundi, Ludovicus Crocius lib. 2. Syntagmatis Theol. pag. 315. 316. Taurellus in Casis Alpi- bus lib. 2. pag. 318. Josephus Acosta lib. 4. de nouissimis temporibus cap. 9. seqq. Fride- ricus Spanheimius part. 3. dubiorum Evan- gelicorum quest. 132.

III. Nostuebimur posterius, & credi- mus, quod totus mundus destruat, ne- que quicquam ejus remaneat. Itâ nobis- cum sentiunt Theodorus Beza notis ad Roman 8. 20. Daniel Tilenus part. 2. Di- sputat. 67. dist. 37. Joh. Gerhardi Tomo 9. Loco de Consummatione seculi dist. 38. seqq. Casparus Bartholinus lib. 2. Institutionum Physicarum cap. 16. Ægidius Hunnius lib.

1. de providentia pag. 14. 15. seqq. Johan. Pri- deaux in fasciculo Controversiarum cap. 7. quest. 7. Rationes sunt istæ. Primò: Quia dicitur Psalm. 102. 26. 27. Cælum & terra peribunt, Deus verò permanet qui est. Ex- ciipiunt: Verbum perire non semper no- tat illud, quod est in substantiâ aboleri, verum non rarè est idem quod acciden- taliter corrumpi. Namque primus Or- bis dicitur ab inundatione aquarum periisse, 2. Petri 3. 6. qui tamen in substan- tiâ non fuit abolitus, Gilbertus Gene- brardus notatis ad Psalmos pag. 542. Se- rarius Commentarij in Epistolas Petri pag. 351. 383. Martinus in defensione contra Menzerum pag. 1076. Jacobus Jansonius Commentarij ad Iobum pag. 102. Re- spondeo: Verissimè in substantiâ suâ destructus fuit ac periit mundus prior, id est, trundo contentum genus homi- num, brutorumque terrestrium, nisi quantum ab illis recepit & conservavit Arca Nohe. Et quia nondum aderat fi- nis mundi, prout continens est, non de- bebat ille perire in substantiâ suâ. Quod tunc demum fiet, cum præstitutum tem- pus advenit, peribitque mundus, ut non sicut amplius, non inveniatur locus, ut pe- nitus fugiat coram Deo, qui tunc erit om- nia in omnibus, 1. Corinth. 15. 28. Apo- cal. 20. 11. cap. 21. 1.

IV. Secundò: Quia dicitur Esaia 51. 6. Cæli sicut fumus liquefcent, terra sicut vestimentum atteretur, & habitatoris ejus interibunt sicut hec, salus autem mea erit sempiterna. Hinc multiplices enascuntur demonstrationes: Fumus non induit qualitates novas, sed pror- sum dissipatur: Vestimentum ab usu
Nnn con-

consumitur, & prorsus abjicitur: Terræ habitatores in substantiâ destruantur. Neque igitur aliter erit de novissimâ consummatione Orbis. His paria sunt verba Servatoris: *Cælum & terra peribunt, sed verba mea non peribunt.* Matth. 24. 35. Lucæ 21. 33. Excipiunt: Verba sonant de interitu accidentali, ut in cælis & terrâ veteres qualitates depurgentur & succedant novæ, meliores, Maresius *l.d. dist. 14. 15. 16.* Conimbricenses, Ruvio *l.d.* Respondendo: Effugium est, quod vim oppositionis enervat. Quandò enim cælum & terra permanent in substantiâ suâ, non potest de verbis Servatoris dici, quod illa permanent invariata, immutabilia, stabilia. Adeoque *παλιγγενεσίς* usurpatur de rebus illis omnibus, quæ prætereunt nullo sui post se vestigio relicto, *Matthæi 8. 28. cap. 14. 15. cap. 24. 34. Actuum 16. 8. 1. Petri 4. 3.*

V. Tertiò: Quia dicitur 2. Petri 3. 7. *10. Cæli cum stridore præteribunt, elementa destruentur, terraque & quæ in eâ sunt, opera exurentur.* Excipiunt: Destructio erit in qualitatibus, ut substantia permaneat, Serarius *l.d.* Cornelius à Lapide *Commentariis ad h. l. pag. 400. seqq.* Respondendo: Quæcunque destruantur ab igne, illa corrumpuntur in substantiâ, neque renouantur solum in qualitatibus suis. Certè ignis non solum qualitates exurit, sed insimul compositum destruit, inque cineres redigit.

VI. Quartò: Quia dicitur Apocal. 20. 11. cap. 21. 1. *Cælum & terra abibant, ut non essent amplius, neque locus eorum amplius inveniebatur.* Excipiunt: Abibant secundum quid, nempe secundum pristinam

formam accidentariam, ut carerent pristino statu & usu per illam sui immutationem, ex quâ cælum novum & nova terra apparuerunt, non verò destruebantur in substantiâ. Sanè omnia hæc non poterunt omninò aboleri, quin unî spaciū illis concreatum aboleatur, & sic desinerent esse omnes omninò creaturæ, etiam intelligentes, tam bonæ quàm malæ, Blasius de Viegas *Commentariis ad Apocalypsin pag. 811. seqq.* David Paræus *Commentariis ibidem pag. 1154. 1155.* Maresius *l.d. dist. 17. 18. 19.* Respondendo: Quodcumque ita non est amplius, ut locus ejus non inveniatur amplius, illud prorsus non est. Itaque non solum dicitur, *non amplius est*, sed additur, *locus non inveniebatur.* Quæ est aperta descriptio ultimæ destructionis. Quod patitur alterationem qualitatum, sive quod renovatur solum, illud *non amplius esse* non potest dici, multò minus dici potest, ita non esse ut vestigium aliquod ejus appareat. Potest verò unice rectè de illo dici, quod in substantiâ destruitur.

VII. Instant Casmannus & Maresius: (1) Quod dicatur Esaiæ 30. 26. *Luna fulgebit ut Sol, & Sol accipiet lucem septuaglam.* Verbis Vitis docetur, mundum accidentaliter corrumpendum esse, ut substantia permaneat. Respondendo: Non agitur loco isto de consummatione seculi, verum celebrat Vates lætitiā futuram illo tempore, cum Judæi pulso hoste infensissimo Sennacheribo Rege Assyriæ, terras suas in pace habitaturi essent sub Rege optimo Ezechiâ. Figuratus est modus loquendi, quo sensu occurrit quoque *Estheræ 8. 16. cap. 11. 9.* Et per Solis obscuracionem depia-

depinguntur mœstissima tempora, *Esaia* 13.9. *Sermonia* 4.43. (2) Quod dicatur 1. Corinth. 7.31. *Species mundi huius præterit*. Ergo mundi substantia permanebit. *Respondeo*: Mundi species vocantur res ad vitæ huius in mundo peragendæ usum ordinatæ, uti contextus liquidò ostendit. Eas præterituras esse, nemo inficiatur, neque minus perbit mundus ipse, 1. *Iohan.* 2.17. (3) Quod dicatur *Plalm.* 102. 27. *Cælum & terra veterascent instar vestimenti, & velut amictus immutabuntur*. Non igitur destruentur, sed in melius commutabuntur. *Respondeo*: Comparatio ista sonat non quidem de vestibus interpolatis, sed de vestimentis, quæ uti consumuntur & abjiciuntur, quæque omninò deponuntur, lacerantur, dissipantur velut inutilia, ut rectè nobiscum exponit Doctor Sorbonicus Simon de Muys *Commentariis ad h. l. pag.* 549. (4) Quod non possit ratio ulla dari, ob quam vellet Deus mundum in substantiâ suâ destruere, & loco ejus novum mundum condere. *Respondeo*: Voluntas facientis, de quâ in sacris literis docemur, est ratio facti. Et addimus, quod fabrica talis, uti nunc in oculos nostros incurrit, nullum usum habitura sit. Cessabit vita hæc animalis & loco ejus succedet vita cœlestis, ut non sit opus cœlis & terrâ, quæ ob vitam animalem commodius peragendam condita sunt, *Apocal.* 20. 11. *cap.* 21. 1. 2. 23. 25. Quod de novo cœlo & novâ terrâ in sacris occurrit, illud non tam de fabricâ aliquâ communi, sed de cœlesti gloriâ potius intelligi debet, *Apocal.* 22. 4. 5. (5)

Quod terra perstet in æternum, *Plalm.* 104. 6. *Ecclesiast.* 1. 4. *Respondeo*: Agitur ibi de viribus Naturæ, quæ ex se non deficit, non meditatur corruptonem, adeoque mundo procurabit finem Deus, qui idem olim condidit eum.

VIII. Imprimis urgent verba Apostoli Roman. 8. 19. ubi dicitur, quod *Creatura hæcenus vanitati subiecta cupiat per diem supremum à servitute corruptionis liberari*, Martinus, Aretius, Valentia, Polanus l. d. Pererius, Patæus, Toletus, Conzenus, Justinianus, Cornelius à Lapide, Hugo Grotius *Commentariis ad h. l.* *Respondeo*: Mundus est vanitati subiectus propter inlicitas à lapsu hominis pœnas, *Genes.* 3. 17. 18. 19. Liberari cupit ab iis calamitatibus, quibus obnoxius hæcenus est, & quidem cupit liberari non per modum renovationis, quandoquidem sequeretur inde, quod omnia corpora naturalia in æternitatem trãducerentur, bestię, plantæ & quid non? Igitur modo alio volent exolveri à servitute, nimirum per abolitionem totalem, ut non sint amplius, *Apocal.* 21. 1. *cap.* 22. 5. Adeoque hunc locum Apostoli non multum facere pro adstruendo. Orbis interitui accidentali, fatetur Gerhardus Johan. Vossius in *disputationibus Historico-Theologicis pag.* 247. 248. Solus homo in meliorem statum concedet, isque totus animâ & corpore constans, quia ad imaginem Dei creatus est & cum illo in ævo perdurabit, æternitatis incolæ, *Genes.* 1. 26. 27.

SOLI DEO GLORIA:



SERIES LIBRORUM ET CAPITUM.

LIBER PRIMUS.

De Causis Corporis naturalis.

<i>CAP. 1. De Naturâ Physica.</i>	<i>Pag. 1</i>	<i>2. De Quantitate.</i>	<i>60</i>
<i>2. De Causis in genere.</i>	<i>3</i>	<i>3. De Loco.</i>	<i>69</i>
<i>3. De Materia.</i>	<i>10</i>	<i>4. Diatriba singularis de pra-</i>	<i>sentiâ Servatoris.</i>
<i>4. De Formâ.</i>	<i>15</i>		<i>77</i>
<i>5. Diatriba singularis de Na-</i>	<i>32</i>	<i>5. De Tempore.</i>	<i>84</i>
<i>turâ.</i>	<i>32</i>	<i>6. De Qualitate.</i>	<i>87</i>
<i>6. De Efficiente.</i>	<i>36</i>	<i>7. Diatriba singularis de Magis.</i>	<i>94</i>
<i>7. Diatriba singularis de Mon-</i>	<i>39</i>		<i>94</i>
<i>stris.</i>	<i>39</i>	<i>8. De Motu & Quiete.</i>	<i>110</i>
<i>8. Diatriba singularis de Fato.</i>	<i>49</i>		
	<i>55</i>		
<i>9. De Fine.</i>	<i>55</i>		

LIBER SECUNDUS.

De Affectionibus Corporis natu- *ralis.*

<i>CAP. I. De Affectionibus in genere.</i>	<i>60</i>
--------------------------------------------	-----------

LIBER TERTIUS.

De Corporibus cœlestibus.

<i>CAP. 1. de Speciebus in genere.</i>	<i>1.</i>
<i>2. Diatriba singularis de Aquis</i>	<i>2</i>
<i>supracœlestibus.</i>	
<i>3. Diatriba singularis de Cœlo</i>	<i>6</i>
<i>Empyreo.</i>	
<i>4. de Cœlo.</i>	<i>12</i>
	<i>5. de</i>

INDEX.

5. de Stellis.	35
6. de Orbibus cælestibus.	53
7. de Geniis motoribus.	61
8. de Stellis novis.	67
9. de Luce.	77
10. de vanitate Astrologia Indiciaria.	85

LIBER QUARTVS.

De Elementis.

CAP. 1. de Elementis in genere.	90
2. de Igne.	98
3. de Aere.	113
4. de Aquâ.	122
5. Diatriba singularis de Origine fontium.	132
6. Diatriba singularis de Æstu maris.	137
7. de Terra.	142
8. Diatriba singularis de motione Terra.	146
9. de Qualitatibus Elementorum.	153

LIBER QUINTVS.

De Effluviis.

CAP. 1. de naturâ Missionis.	163
2. de Effluviis.	169
3. de Atomis & Fumis.	179
4. Diatriba singularis de Principiis Hermeticis.	183
5. de Meteoris in genere.	186
6. de Meteoris ignitis.	188
7. de Meteoris aqueis.	199
8. de Meteoris spirituosiss.	212

9. de Meteoris emphaticis.	219
----------------------------	-----

LIBER SEXTVS.

De Mineralibus.

CAP. 1. de Mineralibus in genere.	227
2. de Metallis.	230
3. de Gemmis.	235
4. de Lapidibus.	240
5. de Succis mineralibus.	247

LIBER SEPTIMVS.

De Plantis.

CAP. 1. de Animato in genere.	254
2. de Generatione.	256
3. Diatriba singularis de Generatione æquivocâ.	267
4. de Vitâ & Morte.	276
5. Diatriba singularis de Calido innato.	286
6. Diatriba singularis de Termino vite.	291
7. de Animâ & Corpore organico.	297
8. de Plantis in genere.	298
9. de Animâ vegetativâ.	299
10. de Corpore vegetativo.	309
11. de Herbis.	313

LIBER OCTAVVS.

De Brutis.

CAP. 1. De Animalibus in genere.	317
2. de Bruto in genere.	318
3. de Animâ sensitivâ.	319
4. de Sensu in genere.	322
5. de Sensu communi.	330

INDEX.

6. de Phantasia.	330	5. diatriba singularis de immortalitate Anima.	399
7. de Memoria.	333	6. de Anima triplice.	404
8. de Visu.	334	7. de Facultatibus Anima.	411
9. de Auditu.	339	8. de Intellectu.	416
10. de Tactu.	343	9. diatriba singularis de Notitiis naturalibus.	422
11. de Gustu.	344	10. de Voluntate.	427
12. de Olfactu.	344	11. de libero Arbitrio.	430
13. de Appetitu.	347	12. de Sermone.	436
14. de Vigiliâ & Somno.	349	13. de Risu & Fletu.	438
15. de Insomnio.	353	14. de Corpore humano.	439
16. de Locomotivâ.	358	15. diatriba singularis de formatione hominis in utero.	444
17. de Corpore sensitivo.	360		
18. de Avibus.	361		
19. de Piscibus.	364		
20. de Quadrupedibus.	368		
21. de Serpentibus.	369		
22. de Insectis.	370		
23. de Sexu.	372		
24. de Respiratione.	378		

LIBER NONUS.

De Homine.

CAP. 1. de Naturâ Hominis.	381
2. de Animâ rationali.	383
3. de ortu Animæ rationalis.	386
4. de Extensione Anima.	395

LIBER DECIMUS.

De Mundo.

CAP. 1. De Causis Mundi.	414
2. Diatriba singularis de Munditernitate.	456
3. Diatriba singularis de Spiritu Mundi.	462
4. de Affectionibus Mundi.	464
5. diatriba singularis ac Consummatione Seculi.	466

COROLLARIUM.

In quo sunt Notæ ad lib. 7. Institutionum Physicarum cap. 9. dist. 11. 12.

SUMMARI A.

- | | |
|---------------------------------|-------------------------------------|
| 1. Vena lactea Erasistrati. | 27. Partium omnium nutrimentum. |
| 2. Vene lacteæ Asellus. | 28. Veterum placita. |
| 3. Vena cava. | 29. Epatus calor. |
| 4. Vena arteriosa, pulmonalis. | 30. Fœtus utero conclusus. |
| 5. Parisiæ exceptiones. | 31. Canalis arteriosus. |
| 6. Arteria magna. | 32. Valvula semilunaris. |
| 7. Ebullitiones cordis. | 33. Earum usus. |
| 8. Casalpini iudicium. | 34. Valvularum coitio. |
| 9. Circulatio sanguinis. | 35. Vasa umbilicalia. |
| 10. Vene jugulares sectæ. | 36. Galeni opinio refertur. |
| 11. Ligaturæ venarum. | 37. Et refellitur. |
| 12. Vena sectæ res. | 38. Primivrosus refellitur. |
| 13. Venarum compressio. | 39. Vita & nutrimentum pulmonum. |
| 14. Venarum frictio. | 40. Vena mesaraica. |
| 15. Aquarum profusivum. | 41. Vena lactea. |
| 16. Vinculorum relaxatio. | 42. Febrim intermittentium causa. |
| 17. Venarum communicatio. | 43. Morsus canis rabidi. |
| 18. Ligaturæ duplex. | 44. Medicamenta particularia. |
| 19. Venarum oscula. | 45. Varices & menstrua. |
| 20. Tumores partium corporis. | 46. Prævus humor in corde. |
| 21. Sectiones partium corporis. | 47. Sanguinis venosus & arteriosus. |
| 22. Vascularum obstructions. | 48. Sanguinis restauratio. |
| 23. Vena in jugis. | 49. Tunica venarum & arteriarum. |
| 24. Ventilatio sanguinis. | 50. Vena majores. |
| 25. Partium sanguinis mutatio. | 51. Circuli principium & finis. |
| 26. Motus sanguinis rapidus. | |

I. **R**ecentiores Anatomici, qui in mesenterio observant novum genus vasorum.) Prodidit olim quoque Erasistratus, teste Galeno libro 7. Anatomia cap. 16. quod in hædis lactantibus viderit refertas lacte arterias infimi ventris. Hæ sunt illæ Venæ Lactææ, de quibus cum posterioris ævi Medici porro negligenter inquirere, factum est, ut in oblivionis campum reciderent, postquam necdum satis ab Autore suo propter Anatomicæ rei infrequentem ulum commendatæ fuissent.

II. *Lactææ venæ vocantur.*) Procedunt illæ ab omnibus intestinis, duodeno, gracilibus, jejuo, innumeræ; sed magnitudine impares, abeuntque in pancreas. Hujus substantiam omnem variis anfractibus pervadunt, inde iterum, sed majoribus ramis latera venæ portæ claudunt, & jecoris cava intrant quaquaversum, ac ibi finiunt. Chylo vacuæ non videntur ob exiguitatem, sed lacteo humore plenæ (quod fieri solet post cibum in ventriculo concoctum & ad intestina rejectum) videntur ab omnibus. Cum in principio mesenterii ligantur, partes earum vertuse par flaccescunt, tument verò in parte anteriore ob chyli accessum.

III. *Movetur per venam cavam, qui exinde per diastolen attrahitur in dextrum ventriculum cordis.*] Vena illa cum orificio suo magno ingerit sese in dextram cordis auriculam, non aliam ob causam, ac ut per eam tanquam per ostium sanguis in cor per-

veniat. Ex corde enim nihil hac via egredi, in confesso est. Ingreditur ut dixi, sanguis omnis ex omnibus venæ cavæ partibus, adeoque ex venis illis, quæ propagantur à cavâ, profluit sanguis, ne vacuum detur. Itaque sanguis venosus ad cor contendit, atque inde est, quodcum vena cava ligatur aut digitis fortiter comprehenditur suprâ epar, ab epatis sanguine influente illa tumescat. Indidem est quod cum vena eadem ligatur, partes ejus versus cor infra vinculum evanescent sanguineque omni vacuantur, nec replentur nisi vinculo soluto recipiant sanguinem refluum; turgent verò partes ad epar extensæ trans vinculum.

IV. *Inde per systolen exploditur in venam arteriosam, porro in pulmonem, tum per venam pulmonalem, siue arteriam venosam in sinistrum ventriculum cordis.*) Prius constat, quod cum vena arteriosa ligatur, propè cor infletur & dureseat, quomodo flaccescunt partes ad pulmonem extensæ. Posterius, quod cum vena dicta ligatur ad pericardium, tunc partes quæ trans vinculum sunt, versus pulmonem intumescunt, aliæ partes quæ cordi obversæ vicinæque sunt, exinaniantur, itaque vinculo soluto videmus, sanguinem progredi ad ventriculum sinistram cordis. Quod verò Galenus autor est, in arteriâ venosâ fuligines & aerem vehi, falsum est, namque sanguinis copiam magnam inesse in vase isto versus sinistram cordis sinum refluam, in vivis animalibus

malibus sectis deprehendere liceat.

V. Experimenta illa haud inficiantur Paritanus in *Examine contra Harvaum* sect. 126. tantum dicit, quod in *priori* casu, (ubi vena cava ligatur & cor ob defectum sanguinis debilitatur) sanguis à calore patientis cordis exhauriatur, in *posteriore* casu, (ubi arteria venosa ligatur, & cor à sanguinis copiâ inturgiscit) magna spirituum copia producat. Quorum neutrum veritati consentaneum est. *Non prius*, quoniam cor debiliatum intra tempus breve non absorbebit istam sanguinis copiam. Et quando ista sanguinis absorptio fieri esset à corde, quare etiam ligata arteria venosa non absorbeat cor sanguinem in ventriculo sinistro contentum, ut ab eo reficiatur? Neque enim ex sententia Paritani, aliunde potest affluere sanguis, cum post arteriam colligatam prohibeatur adscensus in cor. Scilicet ad pulmones abit ille sanguis, non verò à corde pallido exhauritur. *Nec posterius*, quoniam ista copia spirituum verè confingitur. A sanguine est, quod cor & arteria turgent, uti color purpureus qui in corde refulget, testatur. onfirmat experientia. Aperta enim suprâ vinculum arteria profluit sanguis, & quidem copiosus, singulis pulsibus, delævo cordis ventriculo.

VI. Porro, ex sinistro ventriculo cordis descendit pulsu facto in arteriam aortam, ex illâ per arterias minores in

totum habitum siue corpus, ex arteriis per anastomoses rursum in venas, inde in cor remeant.) Quando ligatur arteria magna siue aorta propè cor, ea cis vinculum ocyus ab sanguine intumescit. Denuò, cum ea ligatur, & aperitur jugularis vel alia arteria, videbimus, arterias omnes exinanitas, venasque repletas, certo indicio, quod sanguis in venas profluat ex arteriis. Idem constat in sanguinis missione ex brachio. Cum fluente sanguine arête illud ligatur vinculo in superiore parte vulneris ad humeros, ita ut arteriæ comprimantur, pulsus in carpo aut prorsus nullus est, aut admodum debilis, exitus sanguinis prohibetur; vinculo soluto invalescit pulsus, & sanguis profluit. Quod arguit satis, ex arteriis in venas transmitti sanguinem.

VII. Quod diximus, à corde sanguinem derivari in arteriam magnam, negant Primrosius in *animadversionibus contra Harvaum* cap. 9. ut & Paritanus, nonnisi spiritus per modum bullitionis ex corde in arteriam fluere asserentes. Quos erroris convincit ipsa oculorum inspectio, tunc cum secantur pectora animalium vivorum & vena ista aperitur. Oculis inquam patet, expelli sanguinem, non verò bullientem spiritum. Neque est ille æstus cordis, qui in spiritum bullientem aut flammam convertere possit commissum sibi sanguinem, verum calore moderato præditum coquit sanguinem, &

defecat, non attenuat, ut in Spiritum mutetur.

VIII. *Et ita continuè ad cor, unde Circulatio illa sanguinis vocatur.*) De illa circulatione non obscure docuit Andreas Cæsalpinus *lib. 1. quæst. Medicarum sect. 17. & lib. 5. quæst. Peripateticarum sect. 4.* Verum quia novæ atque adeò paradoxæ opinioni non satis constanter inhæsit, neque etiam rationes adduxit, quibus Lectorem permoveret, ut tale quid credere vellet, meritò Harvæus præclari hujus inventi Author esse celebratur.

IX. Quod sanguis modo isto quasi in orbem per cor, pulmones, arterias & venas naturâ circumagatur, fluatque ac refuat in corpore animalium perfectorum, evincunt hæ rationes: (1) Quia videmus, laniones maciando pecora omnem sanguinis copiam elicere atque effundere, tunc cum secant venas jugulares. Id non esset, nisi sanguis venosus per cor in arterias, & arteriosus per orificia in venas deflueret, essetque concursus sanguinis à partibus omnibus. (2) Quia major sanguinis portio ex arteriis propellitur in venas & corporis partes, ac quidem partium nutritioni sit necessaria; & sanguis quicunque à cordis systole in arterias delabitur, singulis horis in homine adulto ac sano est, non minus viginti librarum, quæ copia nunquam producat ab epatis virtute ex alimentis recens perceptis, quorum maxima pars quoque ad alvum secedit. Ita-

que statuendum est, sanguinem motu circulari perpetuò circà venas & arterias concurrere. (3) Quia in morbis contagiosis, lue veneria, ictu venenoso serpentis, morfu canis rabiosi, quamvis afflicta pars sanetur, attamen vitiatum habitus corporis torius. Nimirum qualitas prava unius particulae sanguinis impressa, necessariò ob sanguinis motum circularem vitium suum addit cordi, pulmonibus, arteriis, aliisque corporis partibus, ut latius differit Thomas Bartholinus *libro de venis & arteriis*. (4) Quia oppletis pulmonibus, aut sanguine eorum à frigore congelato, sanguinis projectio, animi deliquium oriuntur, mors ipsa imminet. Nimirum ob impeditum sanguinis motum, & obstructa orificia venarum.

X. Regerit *Leichnerus*, à sectis venis jugularibus non posse firmum argumentum inferri. *Exercitatione de motu sanguinis sect. 4. dist. 17. 18.* Natura enim, *inquit*, violentum & molestum aliquid patitur, unde naturalis partium fluxilium ordo, status & motus insigniter alteratur, turbatur. pervertitur. *Respondet*: Haud negamus, quod in motibus illis violentum aliquid inest, cujus ratione fluxus sanguinis non æquabiliter, uti ante, sed ad unum aliquem locum fiat, & prorsus abscedat, interim tamen hoc saltem inde colligitur, eo tempore quo vena aperta est, sanguinis motum in orbem fieri.

XI. Accedit experimentum nobile: Si quam partem corporis, brachium, crus, collum, vinculo non nimis arcto constrinxeris, ubicunque in conspectum venire possunt venæ, apparebit, illam venarum portionem quæ trans vinculum adeoque à corde ac venâ cavâ remotior est, valde inturgescere, illam ex adverso venarum partem, quæ cordi est vicina, tumore nullo affici. Videlicet tumor iste oritur à sanguinis copiosè affluentis interceptione, affluere verò eum ab extremis partibus, atque ex minoribus venis in majores, manifestum est inde, quia turgescit vena trans vinculum quo constringitur, non cis vinculum, quod tamen fieri deberet, si affluxio deveniret è venis majoribus ad minores. Tum quoque necessarium est, omnem sanguinem contendere in venam cavam, qui cum isto loco non possit ultra modum coacervari, neque effluxum inveniat alium quàm in cor, verissimum est, quod sanguis omnis, qui in venis est, ad dextrum cordis ventriculum confluat.

XII. Scjunt hoc venæ sectores. Facto orificio scalpelli ope in venâ brachii, si pars venæ quæ versus manum est, comprimitur, non provenit sanguis, itaque verum est, quod à parte inferiore scaturit atque sursum movetur iste, ut ejus viam esse versus epar constitutam liquidè inde pateat. Et vinculum adstringim in parte brachii superiore, ut vena turgiscat ab accessu sanguinis

ex partibus inferioribus manus, & pertusa fundat sanguinem copiosè. Relaxatur idem vinculum, nè à validiore alligatione impediatur sanguis, quò minus ex arteriis largiter in venas defluat.

XIII. Equidem Jacobus Primirofius *animadversionibus in librum Harvæi cap. 18. & animadversionibus contra Walai dissertationem sect. 13.* Eccardus Leichnerus *Exercitatione de motu sanguinis sect. 5. dist. 17. 18. 19. 20. 21. 25. 27.* excipiunt, non claudipenitus venas injecto vinculo, sed tantum leviter comprimi. Negamus hoc non obstante, quod istæ venæ tumor aliunde esse possit, quam à regurgitatione sanguinis, Quodcunque enim asseratur de fluxu è venis majoribus in minores, nihil solidi adferri potest, cur non potius tumor oriatur parte ea quæ suprâ vinculum est, adeoque ubi primum sistitur affluxio. Scilicet ut fluvii intumescunt cis catartas aut alios obices, non verò trans illos, ita etiam sanguini fluenti necessum est, propè vinculum evenire.

XIV. Dicit Primirofius, *ex frictione precedente & calore attrahente post vinculum intumescere venas.* Quod non sufficit. Intumescunt venæ etiam si ve frictione omni, & quidem citò tatis. Nec si frices brachii partem, quæ cis vinculum est, in similem tumorem venæ aguntur.

XV. Dicit & contradicit sibi Primirofius: Brachium ligatur idèò ut impetuosius defluat sanguis, quomo-

dò sub ponte cum majore vi profluit aqua, cum vi minore in medio alveo, idque propter loci angustiam, loco *disto*. Namque simile illud à partibus nostris militat. Transít aqua sub ponte cum majore impetu quidem, non tamen cum majore copiâ, aliàs sublato ponte fluxus & refluxus aquarum tardiores erunt, quod nemo affirmabit. Quod ergò non potest copiâ, illud compensat impetu. Contrâ, brachio ligato sanguis & celerius movetur & copiosius fluit de vulnere. Rursum: Ob angustiam pontis aqua præterlapsura intumescit citrà pontem, & more cataractarum prolabitur cum impetu, præterlapsa & ultrà pontem constituta est humilior. Contrâ sanguis descendens, uti contendit Primirosius, non intumescit, vel distendit venam suprà, verum infra vinculum. Proinde simile illud confirmat sententiam nostram, ut constet satis, quod sanguis è manu adscendat, impedito autem ipsius fluxu ob vinculi adstrictionem, venas inferiores copiâ & impetu suo inflat, donec adempto vinculo via satis lata atque ampla pateat.

XVI. Non minus facilè solvitur illud, quod dicente *Primiroso*, sub ætiori vinculo compressâ omninò venâ, pulsantibus tamen arteriis, non effluat sanguis, unde vinculum relaxare cogantur, id quod indicium est, sanguinem è venis descendere, non ex arteriis. Nimirum in hoc casu est pulsus diminutus admodum ob compressam vinculo arteriam. Quæ cum

nihil aut parum sanguinis in venas affluendo emittit, foras è venis aut nihil aut parum sanguinis profluit, uti diximus suprà dist. 12.

XVII. *Pergit ille*: Si adscenderet sanguis, non minus commodè secabuntur venæ manus quàm brachii, quoniam illæ magis immediatam communionem habent cum arteriis. *Respondet*: Non sequitur. Quoniam enim venæ manus immediatè communicant cum nonnullis & vicinis arteriis, non tamen à pluribus & remotioribus aliquid attrahunt. Atqui venæ brachii ex omnibus arteriis per manus & cubitum trahunt prono obsequio, unde copiosior affluxus sanguinis ab eis provenit.

XVIII. *Instat*: Quod si cubitum liges ætissimè, ita ut pulsus in carpo non sentiatur amplius, deinde suprà cubitum ligas vinculo ætiori, venæ inter utramque ligaturam intumescant, & cum aperiuntur, effluent sanguinem. *Respondet*: Conceditur, quod in hoc casu possit copiosus sanguis effluere, non quia descendit ille à superioribus partibus, sed quia ramificationes quædam insensiles inter vulnus & ligaturam, ab eadem viâ ad arterias vicinas propagatæ, indidem hauriant sanguinem, & ad vulnus derivando mittant.

XIX. *Instant Primirosius & Leichnerus*: Multa sunt quidem venarum oscula, sed exigua admodum, ut non possint sanguinem cum qui invenis reperitur, & perpetuo dicitur affluere, rapere et trajicere cursu in oculo.

acleri. Respondeo: Quia multa sunt, compensant illud quod exiguos metatus habent, poteritque adeò liberè permeatus istos sanguis trajicere. Sanguinis calidi vis magna est, teneritudo ingens, ut per angustias illas caloris ope, qui leniter ducit, eluctari possit. Quam enim liberè & promptè fluat sanguis per vasa exilia, docent scarificationes, punctura aciculae, spontaneae aperitiones vasorum capillarium.

XX. Pergunt: Si per oscula omni affluenti sanguini facilis conceditur transitus in venas, tumores nulli possunt oriri sive per affluxum, sive per congestionem, utpote cum tantundem per venas regrediatur, quantum affluit per arterias. Si verò transitus est impeditiò, non possunt non judies penè errore quodam externo hic illic obstructis osculis tumores nasci, ab affluente sanguine. Contrà verò usus docet, neque frequenter adeò illos gigni, neque nunquam.

Respondeo: Nullum à tumoribus periculum metuendum est hætenus, quamdiu secundum naturam sese omnia habent, & sanguis non impedito cursu fluit refluitque. Cum impeditur cuius iste ab humore crassiore, à frigore ambiente & sanguinem congelante, à percussione, à vulnere, non potest non oriri tumor à sanguine per arterias affluente nunc sensibilis, nunc occultior, postquam via una obstructa identidem alibi plus solito distensis vasis no-

vam viam aut quærit humor aut invenit.

XXI. Addunt: In partibus lectis nonnullis pereunt vasorum conjunctiones, nec tamen à venis exest sanguis, neque ille qui per arterias affluit, transitu prohibito tumorem excitat vel pulsare desinit. *Respondeo:* Verum est, quod per resectionem multarum partium officia venarum una resecantur: sufficit, quod plura longè relinquantur integra, & operationibus suis defungantur. Nimirum per superstites vias eas commeat sanguis, neque hoc difficile est fieri, postquam dilatantur magis solito vasorum rami, à sanguine copiosiore & vi majorè intruso. Hoc amplius constat ex nutricibus, quæ dum mammas infantulo præbent, sanguis ad illas partes copiosè convertitur, & raro vel nunquam istæ mentis laborant. Cum verò infantulum ab lactaverunt, alia via humores incedunt & ad uterum, quomodo àntea, cum impetu ruunt, secundum opinionem communem. Quamquam ob istas resectiones aliquid præternaturale deinceps homini accidat, ut cum procedente tempore crescit sanguinis copia, insolitæ fiant sanguinis resectiones à naribus, à pulmonibus, à ventriculo per vomitum, ex intestinis per defectiones. Exemplum hoc testatur.

Addunt

XXII. *Addunt porrò:* A vultu-
neribus & vasorum interceptionibus
similibus non simpliciter tantum tu-
mores, sed prorsus immensi illi pro-
ducerentur, si perpetuo celerique mo-
tu sanguis per arterias affluit. Atqui
experientia probat, esse tumores il-
los infra mediocritatem. *Respondeo:*
Non est opus, ut tumores immensi
producantur ab affluxu sanguinis,
quandoquidem nihil recipit quic-
quam ultra modum receptivitatis
sue. Recipitur ergò quod satis est,
reliquum partim in venas per orificia
alia recedit, partim remotius præ-
ter naturam in arteriis majoribus,

XXIII. *Deniq, ajunt:* Venæ quæ-
dam habent nullam cum arteriis con-
nexionem, ut vena dicta injugis,
quæ est propago una ex venæ cavæ
superioris trunco exoriens, parte
dexterâ, & octo costis inferioribus
inserta, atque illa tamen multum
sanguinem continet, ut non sit opus,
venas omnes sanguinem ab arteriis
accipere. *Respondeo:* Conceditur,
quod nonnullarum venarum fines
cum finibus arteriarum haud com-
mittantur, perinde fuerit tamen cum
illæ ipsæ venæ ab aliis derivantur, qui-
bus cum arteriis est proxima connec-
tio, adeoque nulla non vena ab ar-
teriis sanguinem petit, remotius aliæ,
aliæ propinquius. Vena injugis o-
mnino communicat cum venis tho-
racis, quæ ab axillari prodeunt, teste
Andræi Laurentio *lib. 9. historie Ana-
tomica cap. 7.*

XXIV. *Ut sanguinem ventilando
à corruptione præservet.*) Adven-
t corruptionem valde prodest motus,
cum aliàs situs & marcor proveni-
ret. De humidis ac sanguine patet
hoc imprimis, quod ex obstructione
viscerum & venarum sævæ putredi-
nes oriuntur, dum velut incarceration-
tur sanguis, ut neque liberè expa-
ciari neque ventilari possit.

XXV. *Partes sanguinis nondum
satis mutata, frequenti ad cor regressu
magis magisque demutentur.*) Eò
feliciter nutriuntur partes, quando
purior est sanguis, & ad partes deve-
nit spirituosior ac vivacior, ut bene
dissert Jacobus Backius Amstela-
densis Medicus libro insigni *de
corde*. Quas partes omnes, aut sal-
tem plurimas statuiamus posse nu-
triri sanguine arterioso. Quod e-
nim per venas tantum fluere omnem
alimentosum & ab epate confectum
sanguinem, per arterias nonnisi spi-
ritum & calidum in corde elabora-
tum supeditari, ad vitam in parti-
bus conservandam, communiter Me-
dici opinenter, error est quem prolixè
exponunt Johan. Fernelius *lib. 6. Phy-
siologia cap. 3. 5. 7. 8.* Fabricius ab Aqua-
pendente *libro de mesenterii & inte-
stinis*. Nimirum per arterias nutri-
mentum omne haud minus atque o-
mnes venas, calidum nativum partibus
communicatur. Et quod revera
partes crassiores nutriantur sanguine
arterioso, patet satis ex arteriis ipsis
& sinistro cordis ventriculo, quæ
partes

partes vel isto sanguine aluntur, vel prorsus nullo. Invaluit error iste jam post ævum Galeni, cujus non minima culpa fuit in turbandis effectibus cordis, postquam ille in hoc omnes ingenii nervos intendit, ut officinam sanguinis, non eor, sed hepar esse persuaderet. Sanguinis intellige nutritii, live alendo destinati. Nam aliquem à jecote ad cor ire, & in corde coqui, sed ad generandum ex eo spiritum vitæ, docet *lib. 6. de placitis veterum cap. 6. lib. 6. de usu partium cap. 27. lib. 16. cap. 10.*

XXVI. Negat Primirosius, quod felix nutrimentum esse queat ob sanguinis motum rapidum, qui hæere in partibus nequit, *contra Walei dissertationem sect. 9.* Atqui motus rapidus non quicquam obest. Neque enim tota massa sanguinia relabitur, sed portionem maximè idoneam attrahunt partes, & in alimentum suum convertunt.

XXVII. Negat idem Primirosius, quod partes omnes nutrantur eodem sanguine videlicet arterioso, & instantiam petit à venâ coronariâ. Verum meminisse debebat, dari quoque arteriam coronariam, quæ cordis partes externas nutrit, dimisso residuo sanguine ad venam coronariam, inde porro fluit in venam cavam & suam cordis.

XXVIII. Veterum, Democriti, Hippocratis, Aristotelis placita venissimè contendebant, sanguinem quemcunque in corde elaborari, adeoque frustra est Leichnerus in Ex-

ercitatione de motu sanguinis sect. 1. dist. 1. 2. segg. sect. 2. dist. 1. 2. 3. segg. & sect. 5. dist. 13. segg. ubi multis verbis, rationibus nullis, pro Galeno declarat, *ne cor fiat officina sanguinis alimentarii, quando ita unicuique officium hepatis demandetur alii.* Quod epar instar colatorii sit, quando per illud transit sanguis, alio loco concessimus, negamus verò, sanguinem effici ab epate, in quo teporem aliquem inesse, non etiam justum calorem, fatetur ipse Galenus *libro de format. factus cap. 3.* Atqui si epar solummodo est repidum, & si non potest effici sanguis nisi à viscere justî caloris pleno, certe sanguis non conficitur ab epate. Sed conficitur à corde, à quo & hepar teporem suum, & venæ totusque habitus calorem suum mutantur. Et hepar quidem per arterias in parte simâ, quæ secum ed deferunt arteriosum sanguinem calidum.

XXIX. Quod enim Galenus *lib. 4. de usu partium cap. 13.* cumque eo Andreas Laurentius *lib. 6. histor. Anatom. cap. 19.* affirmat, refrigerari ab his arteriis temperiem hepatis, id totum confictum est, quo cordis inter partes reliquas principatus contra Aristotelem enervetur. *Calidum innatum hepatis* obtendit Leichnerus *l. d.* Verum constat nullum epati inesse vel teporem, qui non sit à corde suppeditatus, inde quod sensibilis calor epatis cum cordis influente calore invalescat, crescat, oriatur, occidat. Neque enim statim atque

in cadavere exstinguitur calor cordis, defineret unâ hepar tepere, si quem proprium teporem in se haberet illud. Quomodo ergo præbabit Leichnerus falsum assertum: *Sanguinem in hepate perfectè coqui?* Nos asserti-
onis nostræ rationes protulimus, ille nullas in contrarium adfert. Dicit, *organa coquendi nutrimenti multiplicantur.* Non est ita! Distinguntur operationes justæ organorum, ut cuilibet maneat opus istud, quod ejus secundum experimenta certissima proprium est.

XXX. Quærunr Æmylius Parisdus *Examine contrâ Harveyum, & Leichnerus Exercitatione de motu sanguinis sect. 5. dist. 55.* an fœtus in utero contentus eandem sanguinis circulationem habeat? *Affirmatur.* Non tamen per medios pulmones, quippe qui motu destituti huic officio minus idonei sunt, ideoque Natura excogitavit meatus duos, foramen ovale sive orificium & canalem arteriosum, quorum prius detrudit sanguinem e venâ cavâ in arteriam venosam, recursum prohibente membranâ tenui in extremitate sitâ, quem obicis ejus usum notavit quoque Galenus *lib. 15. de usu partium. cap. 6.* Unde in cordis sinistram ventriculum attractus, ibique mutatus exoneratur in arteriam aortam.

XXXI. Posterius sanguinem in ventriculo dextero confectum, expulsumque in venam arteriosam, illinc deducit in aortam, ut refluxum

impediant valvulæ semicirculares. Quas valvulas in venis aliis jamdudum observaverunt Andr. Vesalius, Fabricius Aquapendente, Archangelus Piccolomineus, sed earum usum verum nesciverunt. Ex arteriâ aortâ circulariter movetur, uti in homine extrâ uterum collocato. Cæterum duo meatus isti, postquam homo in lucem editus est, sensim exsiccantur, & occluduntur, quando tunc eorum usus nullus est, ut satis demonstravit Guilh. Harveyus in *Exercitationibus Anatomicis adversus Riolanum*, & ante eum prodiderunt Julius Cæsar Arantius, Severinus Pinæus, Andreas Laurentius, Caspar Bauhinus, rerum Anatomicarum peritissimi viri.

XXXII. Valvularum earum, de quibus paulò aut diximus, situs ita se habet, ut per venas latâ via sanguis ad cor remeet atque sanguis arteriosus valvulis, uti repagulis cohibitus, ad cordis latebras redire prohibeatur. Nimirum vias illas obsepivit Natura, ut Circulationem eò melius promoveret, atque si aliquis sanguis coneretur ex venis minoribus in majores prolabi, isthoc modo prohiberet. Equidem Hier. Fabricius Aquapendentius, & Archang. Piccolomineus, eosque sequuti Bauhinus, in *Theatro Anatomico lib. 4. cap. 36.* Primirosius *animadversionibus contrâ Harveyum cap. 13.* Eccardus Leichnerus *Hypomnematè 5. de motu cordis dist. 6. & Hypomnematè 6. dist. 18.* docent, valvulas idèò esse datas, ne ali-

alias ex occasione aut in cerebrum aut in artus obperpetuum & validum ipsorum motum, prolapsus sanguis ibidem graves lésiones, mortem ipsam dolorosam & repentinam inducerent. Quo posito, non tamen asserere liceat, unum hunc & præcipuum valvularum earum finem esse.

XXXIII. Nimirum in arteriis non sunt valvulae istae, quæ perinde copiosum & mobilem sanguinem continent, eumque sine noxâ ferunt ut defluxus immoderatus sanguinis ad artus non debeat metui. Nec meruit locis iis Natura inflammationes, apoplexiam, lésiones alias, quandoquidem ideo venas instituit, ut dimissum ab arteriis sanguinem reciperent. Accedit experientia. Cum oritur inflammatio, dempta per venæ sectionem humorum abundantia, tollitur inflammationis periculum, non alia de causa, ac quia venæ evacuant purgant de corpore toto sanguinem eum, qui inflammationis causa continens erat. Latius illa exponit Thomas Bartholinus *libro de venis cap. 3.*

XXXIV. Instant Primirosius l. 4. & Leichnerus *Exercitatione de motu sanguinis sect. 5. dist. 21. 22.* quod valvulae non prohibeant sanguinem ab omni transitu, quia motus sanguinis est insensibilis, & vix adeo perfecte istae valvulae ocludunt venas, ut non minimum aliquid pervadere queat. *Respondet:* Atqui valvulae i-

tæ aptè coeunt, ut non liceat vel rimulam notare oculis nostris. Idem probat effectus. Cum sanguinem versus minores venas fluendo impellis, ille à valvulis ita sistitur locis omnibus, ut ne vi quidem guttula ejus aliqua præterlabatur. Et in cadaveribus dissectis non tantum non sanguini, sed ne flatui quidem patet via, cum venam inflaveris versus minores ramos. Namque ibi sistitur, nisi tandem præter naturam dilates venam, ut amplitudine superet valvulae corpusculum.

XXXV. Quod autem revera cor in fœtu ita moveat sanguinem, patet cum in pullis avium, antequam excluduntur, tum quoque in animalibus aliis, postquam enim ligaveris vasa umbilicalia, torpent arteriae versus matrem teste Galeno ipso, pullantque interim arteriae versus fœtum prope vinculum, indicio manifesto, quod non quidem à corde matris, sed à corde fœtus dependet motus vasorum umbilicalium. Idque tunc, cum adhuc fœtus involvitur membranis, & frustra spiritum ducere conatur. Nimirum, per ductum illum duplicem transit sanguis viâ duplici ad arteriam venosam, & aortam, itaque nutritio & vita pulmonum ab uno corde, motus sanguinis à corde & meatibus prædictis unâ dependent.

XXXVI. Tantum notetur, quod Galenus duos meatus istos perspicue descripserit, usum eorum non rectè animadvertit. Hoc vult, quod tum foramen ovale tum canalis obliquus arteriosus sint nutriendorum pulmonum causâ, quandò ad nutritionem concurrat sanguis venosus pariter atque arteriosus, & ille quidem per foramen, hic per canalem defluat, neuter verò potuerit aliter in fœtu intrâ uterum concluso propter immobilitatem pulmonum communicari, *lib. 6. de usu partium cap. 16. 20. lib. 15. cap. 6. 7.* ejusque clarissimus Interpres Hoffmannus *libro de thorace cap. 13.* nec non Andreas Laurentius *lib. 8. Historia Anatomica quæst. 25.* Bauhinus *in Theatro Anatomico lib. 2. cap. 24.*

XXVII. Cæterum multa obstant, quod non acquiescamus. *Primo:* Non fuit necesse, duos meatus illos propter nutriendos pulmones construere, quandò hi possunt commodè sanguinem recipere ad se per venam pulmonalem, exemplo ejus quod in adultis contingit. *Secundo:* Quamvis non moveantur pulmones, tamen nutrimentum suum recipiunt isti, uti constat quod aperto vivi animalis pectore, ac collapsis pulmonibus non minus luculenta copia sanguinis ex venâ arteriosâ in arteriam venosam transit. *Tertio:* Indicat constructio foraminis ovalis, quod non sit tantum ad alendos pulmones, quoniam sanguis eo prolapsus de-

inde in cordis ventriculum sinistrum profluit. *Quarto:* Sanguis arteriosus in fœtu nondum ab utero educto invenitur, unde verò ille, si nullus sanguis ex venis in arterias promanat? Qui dicunt, eum ab arteriis umbilicalibus provenire, falsum falso cumulant.

XXXVIII. Regerunt Leichnerus *Exercitatione de motu sanguinis sect. 5. dist. 54. & hypomnemate 5. de motu cordis dist. 14.* & Jacobus Primrosius *animadversionibus contra Wallanum sect. 15.* ità (1) aboleri usum arteriarum umbilicalium, & (2) usui nulli esse foramen ovale, si per canalem etiam sanguis transfundatur in aortam, quandò ità vena cava duplici ostio sese exoneraret in duas & diversas venas. *Respondeo:* (1) Arterias umbilicales nihil sanguinis, nullum calidum vitale deferre ad fœtum ex materno utero, diximus *suprà lib. 10. cap. 15. dist. 26.* & consentiunt Julius Cæsar Arantius, nec non Adrianus Spigelinus *locis prolati ibidem*, quorum Observationibus frustra derogare fidem conatur Leichnerus *Exercitatione dista sect. 5. dist. 59. 60.* (2) Non est idem usus meatum duorum, ut alteruter dicatur ità superfluous esse. Sanguis per canalem arteriosum in dextrum ventriculum cordis missus nutrit pulmones, quantum ipsi in fœtu uteti parietibus concluso hætenus de nutrimento percipiunt. Nimirum fœtus non habet opus calore multo in pectore

Core ad motum corporis, agitenim, dicente Aristotele, vitam plantæ, magisque convenit ei quiescere ac veluti dormire. Qui sanguis verò per foramen ovale in arteriam venosam transit, à sinistro ventriculo elaboratur, ut per aortam distributus universum habitum calore vitali reficiat. Uterque meatus agit illud quodejus est, & frustra non est alter horum, quatenus Naturæ inservit ad agendum non unum.

XXXIX. Addit Primirosius, *male asserti, vitam & nutrimentum pulmonum à corde uno pendere, quoniam non percipiunt sanguinem, nisi à venâ cavâ.* Quod verum est. Sanguinem percipiunt, non verò immediate, sed in ventriculo dextero cordis præparatum. Aliàs ne quidem in adultis pulmones à corde solo nutrantur, quando cor nihil quicquam ad pulmones transducere potest, nisi illud antea receperit à vena cava.

XL. Movet Parisanus difficultatem aliam, *quomodo Circulatio fiat in venis melsaraicis?* Respondeo. Per arterias celiacas fit distributio sanguinis ad nutritionem intestinorum, ejus residuum per venas lacteas velut ramificationes defertur ad oscilla melsaraicarum, inde ad venam portam & jecur defertur, inde porro via officii ad cavam transductus in sinum dextrum cordis progreditur. Id quod valvulæ non minus in his venis, quàm in aliis additæ manifestò arguunt. Namque in venis melsaraicis valvulæ e-

as notavit Asellius, usum non perinde noverat, *libro de venis lacteis cap. 18.*

XLI. Quod verò Primirosius *animadversionibus contrà dissertationem Walai sect. 7.* etiam dubitare vult, lacteæ venæ sint annon sint, arguit eum non satis diligenter occupatum fuisse in cadaverum sectionibus. Adeoque sensibus fidem velle de trahere, est pertinaciam adhibere pro telo, *dicente Galeno lib. 2. de usupariis cap. 3.*

XLII. Multa obvehunt Parisanus & Leichnerus. Et Primò quidè: Posito circuitu sanguinis, febrium intermittentium materia per venulas propagata quotidie accessiones plurimas faceret, quoties sanguis ille, & cum illo humores febriles ad cor revertuntur. *Respondeo:* Febrium intermittentium materia non semper adest intrà venas, & quidem *in venâ cavâ*, (uti communis opinio perhibet) sed extrà eas; & verò tunc cum intrà eas est, possunt venæ attrahere puriorem sanguinis partem, relicta portione alia, & putrida. Itaque non omnem sanguinis motum comitatur dissipata hætenus febrium materia, opus est ut sese recolligat, & fumis suis putridis nocivum calorem in cor immittat.

XLIII. Regetit *Primirosius*: Quod si impressum à morsu canis rabidi contagium una cum revertente sanguine ad cor defertur, quomodo non eodem revertatur febrilis mate-

ria, licet extrâ venas sit, ut singulis circulationibus afficiendo cor, febrem sapius & quotidie induceret? In *Animadversionibus contrâ dissertationem Walai* sect. 15. Respondeo: Non est par ratio. Etenim febrium materia est crassior, adeoque idonea minus ut in venas penetret. Ac quamvis portio tenuior pervadat, nisi illa fuerit in copia magna, aut in via dissipabitur, aut ad cor accedens non magnoperè illud afficiet. Venena nec semper subeunt, nec non subeunt. Cum sunt in materia tenui, & facile in venas subeunt, quamvis minimè copiosa, viribus tamen sunt maxima, ut citius & vehementius ab ipsis cor lædatur. Venenum canis rabidi latere potest diu satis, aut in parte affecta, aut in humoribus, antequam prædat malignitatem suam. Quod etiam in variolis & morbillis contingere, notum est.

XLIV. *Secundò*: Experimenti adouit, quod medicamenta aliqua certis partibus corporis accommodata sunt, alia pectori, alia capiti, alia renibus, utero, lieni, hepati. Atqui cum sanguis in orbem moveatur, una circumfertur medicamentorum virtus. Respondeo: Medicamenta illa adhibentur pro restanrandis partibus vitio quocunque laborantibus, adeoque tunc etiam cum sanguinis ductu profecta in orbem circumducuntur, non quidem ubique iuvant, sed neque nocent, tantum affectis locis auxilio veniunt, quæ non ubique

sunt, verum ubi læsio aliqua accessit à quocunque casu. Non ergò impedit quicquam, ut medicamenta ad alias quoque partes perveniant, iuvant solum, ubi partes minus bene dispositæ sunt. Nimirum inter partes læsas & medicamenta ingesta proportio illa est, quæ ad agendum & patiendum requiritur.

XLV. *Tertiò*: Si in orbem moveatur sanguis, erit ut varices & menstrua quoque istum circulationis motum accipiant. Respondeo: Cautela nulla est, ob quam negatur, in varicibus & mensibus circumtrahi sanguinem, potius certum est, quod eodem tempore crassior & terrestrior pars sanguinis descendat, ascendat tenuior & fluidior. Itaque Natura illud negligit attollete, excernit quoque, de quo non potest ullum corpori bene affecto commodum addere, unde verò commodum aliquod lucrari hoc possit, non prætermittit, sed diligenter curat, provida rerum suarum atque sollicita mater.

XLVI. *Quartò*: Periculosum est & vitæ nocivum, omnem in corpore nostro pravum humorem ad cor & pulmones transire ex quibuscunque vasis. Multos enim cor & pulmones subirent affectus à frequentibus vitis sanguinis. Respondeo: Non quodlibet sanguinis vitium cordi & pulmonibus incommodat, vel saltem ita incommodat, ut cor & pulmo inde valdè patiantur, cum mora sit exigua, qua sanguis in corde ac pul-

moni

monibus retinetur, & calidum nativum vires insignes habeat. Quod possit in cor putridi humores nonnunquam sine vitæ noxa transferri, rectè docet Galenus *lib. 6. de locis affectis cap. 4.* & confirmant Guilhelmi Fabricii Hildani aliorumque *Observationes Medicae, Chirurgicae*, de vulneribus & abscessibus cordis. Quibus non obstantibus duravit illud integrum, & à se depulit incommodum quodcumque ab humore putrido oriri posset. Nimirum beneficio caloris proprii emendavit ac depuravit humorem non satis commodum.

XLVII. *Quintò*: Sanguis venosus ab arterioso differt colore, tenuitate, aliisque proprietatibus. Non ergò est circulario sanguinis, à qua duplex iste sanguis commisceatur. *Respondéo*: Differt sanguis venosus ab arterioso tantum accidentaliter, ille crassior est, nigricantior & quodammodò coagulatus, hic vaporosior, calidior est, tenuior, fluidior. Quod frustra negat Jacobus Baekius *libro de corde pag. 183.* Est enim experientiæ adversus, sed uti ille audiri non debet, cum negat accidentalem diversitatem, ita non minus repudiari debet quod Leichnerus *Exercitatione de motu sanguinis sect. 3. dist. 14. seq.* differit, essentialiter differre venosum ab arterioso. Varietatem illam cursus utriusque non unus efficit; arteriosus enim defluit propius à corde & Spiritum vi-

talem secum vehit; inde florido colore est, quem colorem deperdit in venis & nigricans esse apparet, postquam eò illum non comitatur spiritus vitalis. Forma sive essentia conveniunt, itaque extrà vasa eundem saporem & colorem habent, fibre scit uterque cum aliquo temporis spacio quiescit, eadem propria insunt utrique.

XLVIII. Querunt Primirosius & Leichnerus, unde sit quod sanguis, cum rediit in venas, amittat propria illa qua à corde acceperat? Respondetur: Propria illa arteriosi sanguinis effecta dantur à corde, & conservantur ab arteriis, itaque obductæ sunt tunicis crassis. Tunc verò cum ad arterias capillares perventum est, copia Spirituum emigrat ob tunicas valdè tenues. Insuper floridior pars sanguinis abit in nutrimentum partium, crassior abit ad venas, novaque circulatione factâ vires suas reparat, Spiritum vitalem ad se recipiendo. Hinc illa virium jactura est, hinc ablatarum virium restitutio.

XLIX. *Sextò*: Cur natura opacior est in arteriarum quàm venarum structura, ut tunica arteriæ densa, venæ tenuis sit, quandò sanguis idem in utrisque circumfertur? *Respondéo*: Causam diximus, eam videlicet, quod arteriæ sanguinem deferant ex corde, & vitalem Spiritum unâ addant sanguini & in eo conservent. Ut proinde frivolum maximè sit, quod hinc infert Leichnerus *l. d. dist. 24.* veno-

sum & arteriosum sanguinem differre essentialiter.

L. Septimò: Cur venæ sunt majores præ arteriis, aut cur plus sanguinis habent, cum tamen per arterias, non id tantum quod regurgitat, sed etiam quod in nutrimentum cedit, fluere debeat? *Respondeo:* Venæ idèò sunt capaciores, quia plus sanguinis debent continere illæ, quàm continent arteriæ. Motus celerior, qui per arterias fit, ubi per venas est motus tardus, causa est, ut longè plus per arterias unius momenti spacio, quàm duobus tribusque momentis per venas possit moveri. Inde abundant venæ, quod Natura ita meditata est, ut & pulsu & attractione sanguis ritè moveri possit. Venæ sanguinem ad cor referunt, vitali etiam spiritu cassum, quorum illud fit cum vehementia aliqua, hoc minore cum impetu, itaque alterius vasis tunica est robustior, alterius simplicior.

LI. Octavò: In circulo nec prin-

cipium est nec finis, itaque cor non potest motus ejus circularis vel principium esse vel finis. *Respondeo:* Verum est antecedens de circulo propriè dicto quem Geometra facit, non de circulo figuratè dicto quem Natura describit, quatenus in illo omnia sunt homogenea, in hoc multa heterogenea insunt. Cum ex aqua beneficio radiorum solis educuntur vapores in aerem, ubi objectu frigoris condensantur, in forma stillarum sponte sua decidunt. Circularem generationem ac motum vocant Philosophi, ac constat satis, quod motus ille ut plurimum fit per lineam rectam adscendendo & descendendo, motus sanguinis verò per omnes situs differentias, ut partes debiles reficiantur. In hoc tamen conveniunt motus sanguinis & pluviz, quod ambo contendunt à centro ad circumferentiam, itemque à circumferentia ad centrum, similisque fiat materiz rarefactio & condensatio.

